

7.5

BIBLIOTECA NAZIONALE

XXVI\*

B

23.26.

NAPOLI

116

13

69-72



116

B

69-72

BIBLIOTECA NAZIONALE

XXVI\*

B

23.26.

NAPOLI

106

33

69-72

116  
B  
69-72



110  
8  
24-92





JOH. HENRICUS BOECKERUS  
Sacr. Cæs. Mai. et Elect. Mogunt. Consiliarius, Com.  
Palat. Histor. Prof. Publ. et Capit. Thom. Canonicus



JOANNIS HENRICI  
BOECLERI,

Sac. Cæs. Maj. & Elect. Mogunt.

Consiliarij, Com. Pal. Cæs. Hist. in Argent. Univ.

Prof. Publ. & Cap. Thom. Canonici,

ORATIONES

ET

PROGRAMMATA ACADEMICA

cum quibusdam ejus

POEMATIBUS.



ARGENTORATI,

---

Sumptibus JO. REINHOLDI DULSSECKERI,  
M DCC V.

---



*Serenissimo ac Celsissimo Principi ac Domina,*

DOMINO  
JOHANNI  
ERNESTO

Duci Saxoniae, Juliae, Cliviae, ac  
Montium, Landgravio Thuringiae, Marchioni  
Misniae, Comiti in Marca & Ravensburg, Domino  
in Ravenstein &c. &c.

*Domino meo Clementissimo,  
Vita, Salus, Gloria!*

Serenissime ac Celsissime Princeps,  
Domine Clementissime,



Nnus volvitur iste tertius, cum  
mihi spectaculo frui contigit,  
singulari & admirabili, & quod  
vix nostri saeculi esse credide-  
rint, qui nomine detracto com-  
memoratum accipient. Exive-  
rat domo, excelsissimae stirpis ac indolis Princeps

);( 2

luyen-



## D E D I C A T I O.

Juventutis; neque tum primum, sed sæpius ante  
 & postea, amplissimæ terrarum Germaniæ provin-  
 cias singulas, dissimulato generis splendore, pe-  
 regrinando obibat, comite haud semper uno,  
 nunquam autem non electissimis viris uti solitus.  
 Ætas tantum quod adolescentiam ingressa; fa-  
 cies virtutis avitæ ac laudis domesticæ luculentis  
 notis persignata; vox virilis; mores ad elegan-  
 tiam ultro compositi, gravitatem insuper huma-  
 nitate condiebant. Animum per ea signa dicam,  
 quæ privata audentia intelligi ac enunciari fas  
 est. Multus illi de Deo & rebus divinis sermo:  
 non quo curiosi, religionis limites violant, sed  
 quo pii, magnitudinem animi ad publica attol-  
 lunt. Præbebo me ridendum profanis anima-  
 bus, quibus nunquam nisi obtentui sunt tam  
 sancta nomina, si ex animi sententia dixerò: sum-  
 mi viri non omen aut signum, sed pignus & fidem  
 me hinc potissimum animadvertisse, vidisse, ex-  
 osculatum esse. Requirebat à gravibus Theolo-  
 gis, disciplinam Ecclesiæ, mores Christiani gre-  
 gis, spem ac metum futuri temporis: intentus  
iis,

is, quæ dicebantur; lætus depromtis consiliis, prudens eligendis exemplis. Scires, gentile bonum, plenius mas pietate sententias; quibus mens suam cum calo necessitudinem ubique sentiens, hilari vigoris consuetudine omnem vitæ habitum illustrabat. In templis sapientiæ, audire doctores, inspicere libros, recognoscere imagines; præfenti æstimatione præterita pensare & comparare: quicquid raritate insuper aut vetustate notabile, per domos quoque indagare, conspectu demissi ab augusto Heroum fatu sanguinis ex inopinato admirabundos hospites, neque felicitatem suam tum nisi præfagientis animi motu & divinatione scientes, beare: hic illi labor, hæc expedita in horas industria, hæc insatiabilis voluptas. Artificum opera, jam noscere memoriter & contendere visus est. Non illi, sicuti cottidiani aduentores solent, satis erat, ædem aliquam primariam, aut armamentarium percurrisse (in quibus tamen ipsis ea sibi visenda disposuerat, quæ plerisque prætercunt) sed, quicquid in operibus publicis, invento, usu, ingenio auctorum nobile, non tam  
ad

## D E D I C A T I O.

ad ostentationem extat, quam inter exempla as-  
servatur, recludi sibi ac demonstrari voluit. Nunc  
formas operum, & machinarum, quibus pace  
belloque usus pretium facit, perspicaci oculo per-  
lustravit: nunc, quæ munimenta, quo provisu,  
qua molientium industria surgerent, meditatus  
est. Parvæ sæpe rei, non parva est observatio.  
Sic auri argentique signandi, sic molarum varii  
generis versandarum, ea alicubi instrumenta a-  
ptantur, is apparatus, ea dispositio cernitur, ut sibi  
suæque patriæ non possint nihil adjumenti cir-  
cumspicere, qui Rempublicam majoribus quidem  
rebus artibusque regi, minoribus autem, ut co-  
piis locuples sit, ægre carere, meminerunt. Ma-  
gni certe ingenii proprium est, suo singula loco  
ita complecti, ut nihil rerum publice privatimq;  
salubrium neglectum videatur. Quî enim præ-  
stantiora transmitteret, quem illa prima specie  
levia quoque advertunt? Leges cujusque ci-  
vitatís & mores, civium ordines & instituta,  
disciplinam curiæ, consilii copiam, nego-  
tiorum ordinem, diligentiam, procurationem,  
accurate indagabat J U L U S ille, Heroum  
sobo-



# DEDICATIO.

soboles, cujus tum lateri hæsisse, in felicitatis parte numero. Quo præsidio diuturni, quod Germaniam afflictauit, belli, moderatores reipublicæ vel minas declinassent; vel ex vicino incendia, depulissent; quæ inter partium certamina securitas, quod in periculis remedium, aut domi repertum, aut foris subnatum, aut fatorum industria provisum donatumque esset, interrogabat. Quibus opibus pax invalescere, qua spe in posteros destinari posset, explorabat. Nec minus; quæ mercimonia unde augmentum caperent: quæ subsidia tenuiores civium solarentur aut levarent, ne fœnebris tabes fidem concuteret, & singulos quidem fortunis, rempublicam vero tranquillitate despoliaret. Multum gaudebat præclare constitutis: neque sine altiore sensu, civilis modi æquabile temperamentum, cum diversi generis formula componebat: atque inter hæc, nunquam non de grandis illius contextus, quo Germania in unius corporis molem ligatur, rationibus, vel bene congruentibus, vel, ut in tanta amplitudine, per varia disconvenientibus se-

):( ):(

dulo .

# DEDICATIO.

dulo cogitabat. Adduxerat tum fortuna virum militari laude in primis florentem : cum quo literis agere illustrissimus peregrinator noster constituerat. Is, primo aspectu, exsplendescentis undique generositatis indicio, amplius sibi venerandum, quam nominis involucrum postulabat, hoc incrementum intellexit. Quam lætus ille audivit, repositum consilia belli, fortunam & artem præliorum, viros & arma considerantem studio, æstimantem judicio, qui ætate peradolescens, curas anmosque viriles longe lateque demonstrabat ! Et quid poterat hic in argumentum sermonis venire, quin auctoritas domestica, & imperatoriæ artes ad summum in familia progressæ fastigium, colloquentium & audientium animos dulcedinis ac venerationis implerent ? Distinguebat jucunditatem nobilissimæ consuetudinis, literarum peritia, & imbuta, modo gravitatis genio, modo lepore hilaritatis lingua : Gallice, apud peritos; ubi tempus & res suadebat, Latine facunda. Ea denique illis diebus vidi, memorique animo re-  
posui,

# DEDICATIO.

posui , quæ designatæ aliquantum in hoc volumine Germanici Cæsaris peregrinationi , nisi quod ibi matura , hic prima adolescentia , rebus formam & modum dedit , merentur comparari. Si præsertim accedant documenta tam divini ingenii , Magnorum Principum aulis visendis alibi occupati. nostra enim oratio ad unum locum pertinet.

Licuerit autem mihi , SERENISSIME AC CELSISSIME PRINCEPS , apud Tuas aures hætenus illa commemoratione perfungi , quem præ ceteris omnibus scio exempli hujus nobilitatem intelligere. Quam non vulgaris consilii est , antequam in Galliam , in Italiam eatur , Germaniam suam perspexisse , ubi præcipuus peregrinationis fructus offertur ? Quis de rebus exteris recte judicat , qui domesticas ignorat ? Illud autem singulare , sed rectissimi , ut arbitror , inventi est , quod per intervalla , atque ita maturius , itinera ejuscemodi suscipiuntur : quæ felicitate indolis , & co-

):( ):( 2 • mi-

## DEDICATIO.

mitum ac rectorum opera , ad illustris institutionis disciplinam aptari , referri , adjungi queant ; ut ne laxata quidem aut interrupta studiorum , quæ magnam fortunam juvant ac decent , serie , ad metam civilis prudentiæ & robustæ virtutis perveniatur. Ita futurum est , ut Peregrinator noster potius ipse exteris , quam omnia exterorum ipsi admirationi sint.

A Te profecto , SERENISSIME AC  
CELSISSIME PRINCEPS , cui & ingenuæ artes totius orbis disciplinam ac notitiam tradiderunt , & primæ sortis ingenium nihil occlusum esse patitur , & peregrinationis vere illustris documenta majorem quam pro ætate sapientiam conciliarunt , omnia ea expectare fas est , quibus Germaniæ felicitas ornetur , atque augusta Heroicæ Domus merita in ævum propagentur. Exempli autem quod primus dedisti , non laudatoribus modo dignis , sed felibus præsertim imitatoribus (ita precor) perpetuum

DEDICATIO.

tuum celebraberis. Accipe facilis ac clemens,  
SERENISSIME AC CELSISSIME  
PRINCEPS, vorum

CELSITUDINI TUÆ

*Argentorati 5. April.*  
1658.

devoti perpetuum  
famuli

Joh. Henr. Bœcleri.

)( )( 3

Lecto-





## Lectori Benivolo S. P.

**Q**Uae in Academia, exercendis commilitonibus ab anno viceſimo amplius, propoſueram, ne ab aliis me invito ac ignaro, quod cœpit fieri, denuo publicarentur, in unum, & alterum volumen colligere, Tibique, Lector benivole, ſignificare inſtitui, ne meum credere ſuſtineres, quod illis non continebitur. Multa nec ignobili argumento circumferuntur, quorum Scriptores, ingenio florentiſſimi juvenes, me nihil aliud quam conſilium, interdum ne id quidem prabente, ſuoſte Marte rem geſſerunt: aliqua etiam veniam ætatis ultro, & primum inſpecta, expoſcunt. Sed hoc fato fere Academici doctores conſiſtantur, ut vel ipſorum, vel aliorum nomini fiat injuria, quotiens eodem cenſu omnia, quibus ex neceſſitudine muneris moderatores adfuere, habentur. Eorum autem, qui mihi operam ſuo quiſque tempore dederunt, in publicandis iſtis diſſertationibus, quæ nunc exeunt, laudari nomina hic debebant. verum ego aliam diſpexi occaſionem, qua conſuetudinis noſtra Academica, & quos laborum ſocios fortuna obtulerit, explanatior conſignaretur memoria. Vale Lector Benivole.

*Ad*

# *Ad Lectorem*

## Præfatio.


**P** Rodeunt denuò , B. L. DISSERTATIONES BOECLERIANÆ , olim ipso Auctore curante , uno fasciculo junctim editæ , sed in minore exemplarium copia à multis hætenus desideratæ. Etenim ut ejus Viri omnia , ita hæc laborum Ejus Academicorum pignora , in pretio habere nondum desiit orbis eruditus : cui iteratâ hac Editione gratificari non abs re visum est. Et nos quidem illum multiplicis eruditionis thesaurum , cujus usus jam fieri cœperat arctior , non integrum modò & qualis olim comparuit , sed insuper haud parvâ accessione , ex ipsius Auctoris opibus locupletatum exhibemus. Jis enim quas prior collectio habebat , Dissertationibus adjunctæ sunt plurimæ aliæ , antehac nonnisi semel & seorsim impressæ ; quarum nonnullæ ob raritatem adeò delitescabant , ut vix in hac Urbe , id est , natali earum solo , reperiri singula exemplaria potuerint. Est præterea , qui utentium commodis haud parum inserviet , additus Index , quo prior Editio carebat. Excipient propediem hunc Tomum I. aliæ sub eodem nomine Dissertationes , partim Auctorem BOECLERUM agnoscentes , partim sub auspiciis Ejus habitæ : tum Orationes Ejusdem & Programmata. Quæ omnia ut politioris literaturæ amantibus ultrò se commendant , ita vino vendibili non opus erit suspensâ hederâ. Vale L. B.

*SERIES*

❧ ) ○ ( ❧  
*SERIES DISSERTATIONUM*

**P**eregrinatio Germanici.  
De Notitia Reipublicæ.  
De Eloquentia Viri Civilis.  
De Auspicio Regio.  
Calculus Minervæ.  
De Religione Mandati.  
De Potentia Civitatum.  
Timur, vulgò Tamerlanes.  
In Fl. Josephi Antiquitates Judaicas Exercitatio.  
In Philonis Judæi Legationem ad Cajum, Schediasma.  
Exercitationum Rhetoricarum Specimen.  
Thraſybulus pacificator, s. de Amnestia.  
De Elegancia moris Civilis & Aulici.  
Ad L. Annæi Flori lib. IV. Annotatio.  
In Psalmum LXXXII, Philologia.  
De Passagiis.  
Judex unus & multi, s. de Judiciis.  
De Lexicis.  
Commentationes Plinianæ.  
De Dominio Eminente.  
De Actis Civitatis.  
De Mensura Pretii.  
Lex, qua Ingrati datur actio.  
Miles Captivus.  
Quies in turbis.  
De Colloquiis & Congressibus Principum.  
Votum Imperatorium.  
De Ingeniis Optimatum.  
Clearchus & Satyrus, primi Heracleæ Ponticæ Tyranni.  
Foederis Romanorum cum Antiocho iſti formula.  
Historia Principum Schola.  
De Utilitate ex Historiæ Universalis contextu capienda.

*D. B. I.*



D. B. I.

# DE PEREGRINATIONE GERMANICI CÆSARIS.

*Peregrinatio Germanici describitur:  
incusatur, ac defenditur: in exem-  
plum partitè proponitur.*

**P**eregrinatio Germanici Cæsaris à Ta-  
cito præsertim diligentius descripta, exem-  
plum nobile præbet Principibus Juventu-  
tis, sive Illustribus hominibus, quorum  
studia & mores, ipsa nascendi conditione,  
& fortunæ eminentioris gradu ad Rem-  
publicam pertinent: ut peregre non sine  
consilio exeant, non sine profectu redeant. Ad horum  
proposita, prout quisque de cæteris, ingenio, eventu,  
officio propius admovetur: ita uberius parciusve, feli-  
cius aut difficilior, tanti decoris laudem participat.

Dicuntur Principes, & qui rerum summam tenent,  
tum quoque peregrinari, quando eos negotia imperii, à  
Regia sua evocant: vel ad propiora, sicut Tiberii *subur-  
bana peregrinatio* Historico memoratur; vel ad longin-  
quiora, sicut Augustus *provincias* etiam remotiores, belli  
conficiendi, rerumque ordinandarum causa, *sepius aduisse*  
memoratur. Magistratum etiam, & Legatorum, quæ  
que

Tac. 2.  
A. 43

que aliis nominibus reipublicæ administrandæ adhibentur, susceptam in longinqua ex mandato profectionem, tali appellatione designari videas. In quo ipso genere Germanici Cæsaris iter collocandum fuerit. Cum enim Tiberius Cæsar suctis legionibus abstrahere fortissimum juvenem destinasset, non ingratum ei accidit, quod res in Oriente turbatæ, speciosum titulum præbuerunt apud Senatum differendi: *non posse motum Orientem nisi Germanici sapientia componi: nam suam ætatem vergere, Drusi nondum satis adolevisse.* Quo factum est, ut decreto patrum permitterentur Germanico provincia, qua mari dividuntur, majusque imperium quoquo adisset, quam his qui sorte aut missu Principis obtinerent. Ita ex peregrinatione Germanica, in peregrinationem aliam specie honoris dimittitur; novisque provinciis, quantum ad secretas Tiberii artes attinget, ideo imponitur, ut novis involveretur casibus. Sicut ergo antea maximis nomine publico præfuit exercitibus; ita nunc extraordinario & amplissimo cum imperio in transmarinas provincias contendit.

A. 34.

A. 39.

Sed non hoc est præcipue, quod huic dissertationi præscripsimus. Præterquam enim, quod Reipublicæ negotiis, quam debebat & poterat, operam dedit, etiam rebus raritate, aut vetustate notabilibus visendis animum intendit, singularique studio, quæ uspiam pulcra, quæ cognitu digna celebrarentur, perscrutatus est. Igitur tum in cetero itinere, ac itineris diverticulis, tribuit ei Tacitus *cupidinem veteres locos & fama celebratos noscendi*; tum in Ægyptum quoque profectum memorat *cognoscenda antiquitatis*. Hæc est peregrinatio, ut sic dicam, in Peregrinatione illa publica; hoc studium; cujus artes & consilia in exemplum ire cupimus: si modo audemus laudare, quod non uno nomine reprehendi posse videtur.

A. 2.

Jam enim audio quosdam in Germanicum torquere, quod de Alexandro Curtius in re simili usurpavit. Cupido, inquit, *band injusta quidem, æterum intempestiva inceserat, non interiora modo Ægypti, sed etiam Æthiopiam invisere. Memnonis Tubonique celebrata regia, cognoscenda vetustatis* *avidum*



*avidum traherat pene extra terminos Solis. Sed imminens bellum, cuius multo major supererat moles, otiosa peregrinationi tempora exemerat.* Pacem provinciis reddere ac tueri, sociorum desideria audire, magistratuum mores emendare, rei que Romanæ decus ac securitatem diurnis nocturnisque curis firmare; hæc præcepta Germanico erant. illud etiam vetitum, & arcanis dominationis legibus adversum: sepositos Ægypti recessus irrumpere. Inculavit eam profectionem, non immerito, Aula; acerrimè increpuit Princeps: neque Historicus, utut Germanico valde æquus, potuit excusare. Fatetur enim, famem in Ægypto exortam, & *curam provincie, obtentui sumtam.*

2. 4. 58  
C. 60.

Non efficiunt hæc tamen, ut nihil pro Germanico dici queat. cuius institutum, cum Alexandri exemplo, præter nobilitatem indolis & amorem sciendi, nihil commune habet. Rex, qui Orientis imperium pridem animo hauserat, nihilque minus in ea re, quam moram hætenus pati potuerat, non injuria suis ipse propositis disconvenire visus est, quando instantioribus curis, nunc quidem sic speciosum otium, ut postea luxuriam prævertit. At publicis Germanici curis, nullum ex peregrinatione impedimentum objectum esse, *cuncta socialia prospere composita*, quod Tacitus memorat, satis testantur. Hæc oratione uteretur, qui gravissimis laboribus pulcerrimum levamentum decore interpositum affirmaret: sed in exemplo Germanici, id quod minimum est, diceret. Adeo nihil publice otiosum in hoc ipso otio, si appellare ita placer, fuit. Quoquo venit, suæ Reipublicæ auctoritatem secum favorabili spectaculo circumtulit: Romani reuerentiam imperii insinuavit animis, commendavit populis: tanquam si à Romano cælo salutaris genius, ad refovendos beneficio, gratia, virtute, amicos subiectosque, nec minus ad pelliciendos iisdem artibus inimicos, descendisset. Quid? quod ipsa cognitio, & exploratio rerum, vel ad naturæ opes, vel ad civilis vitæ artes pertinentium, Regiarum & Principalium curarum sive pars, sive adjumentum est: adeoque Reipublicæ administratores

Cur. 57.

2. 4. 59

Geogr. 17.

vel maxime decet. Laudat eo nomine, doctissimus *Strabo* ex *Aegyptiis* Regibus *Sesostrin*, atque *Ptolemaeos*, præcipuè *Philadelphum*, τὸς φιλοσόφους, cognitionis rerum apprime studiosos; alios autem, contentione hujus exempli arguit, ut bonis investigandæ naturæ & antiquitatis occasionibus instrumentisque segniter usos, ac in eo parum philosophiæ, cujus amorem præ se ferebant, memores. Quantum ad *Tiberii* reprehensionem attinet, quin ab inimico & suspicaci animo profecta sit, nemini dubium esse potest. Itaque *Suetonius* inter specimina ejus malignitatis, qua *Germanico* obtrectavit, hoc ipsum retulit. At enim vetabantur, ut ante dictum est, viri illustres, *Aegyptum*, nisi permissu Principis, ingredi! Certe: sed cum *Germanico* omnes transmarinæ provinciæ mandarentur, *Aegyptus* non excepta est. Prudentiæ igitur forte in hac re, non fidei ac obsequii, limites, si quid decretum est, non satis caute custodiverit *Germanicus*: quod infensi Patruī criminationes prævidere ac vitare neglexisset.

De Tib. 32.

221.

Nobis interea honorificum erit, in comitatu Herois Peregrinatoris conspici, ejus observatione & disciplina erudiri, moribus informari, auspicio ad interiora cognitionis & sapientiæ penetralia adhiberi. Quod si enim Poëtæ, ut est apud *Strabonem*, Heroum illos faciunt prudentissimos, qui multas regiones, multas gentes peragraverunt: quanto peritiori nos poterimus duce gloriari, quem non ex fabulosis libris ac temporibus, velut ex infernis umbris excitatum; sed ex media celeberrimi ævi populi, que luce exsplendescentem, Heroica ultra virtus fortuneque demonstravit?

Solent autem Veteres tum Græci tum Latini Scriptores, plerumque omnem peregrinatoris occupationem, satis communi ac pervagata *Cognitionis* appellatione concludere. Cujus ut hoc loco singularis ac propria vis intelligatur, operæ pretium fuerit, ad singulas negotii partes animum attendere; atque non quidem emendicatis à *Khola* formulis, sed accommodata ad quotidianam vitæ con-

con-

consuetudinem sententia, talis cognitionis in Germanico  
STUDIUM, ARGUMENTUM, FRUCTUM commentari.

## STUDIUM COGNOSCENDI,

*In peregrinatore, quali ingenio susci-  
tari, quali disciplina informari gau-  
deat, quibusdam presentioris docu-  
menti speciminibus ostenditur.*

Eximium ergo hoc cognoscendi studium, quo Peregrinatoris idonei animus teneri solet, postquam se excellentis naturæ beneficio suscitaverit, non potest, quin exquisita quadam disciplina erudiri, & ad sui fiduciam propositi flagrantissime cupiat confirmari. Hoc voluit, cum ingenium Germanico Tranquillus tribuit, utroque eloquentia doctrinaque genere excellens. Cum enim ingeniorum alia, uni ut sapientiæ, ita civilis vitæ parti studeant; alia, ut quidque de ceteris affinitate conjunctius est, complecti cupiant: non nisi primæ sortis indolem, ad omnia respicere, omnibus sufficere, comperimus. Noverat Germanicus, & sæpe legerat illam veluti tesseram sapientiæ ad domum Augustam pertinentis:

*Tu regere imperio populos Romane memento  
(Ha tibi erunt artes) pacisque imponere morem:  
Parcere subiectis, & debellare superbos.*

Virg. 6.  
Æn.

Neque tamen eo minus, ut orator, poëta, indagator naturæ præstantissimus haberetur, meruit. Nasonis illa, non studium laudatoris, sed fidem historiæ exprimunt:

*Nam modo bella geris, numeris modo bella coercet:*

*Quodque aliis opus est, hoc tibi lusus erit.*

Obid. 4.  
de Pont.  
L. addit.  
Fast.

Amplissimam scilicet ingenii & expediam facultatem, discendi ratio bene composita ita dispensabat, ut quantum sapientiæ universæ præsidis, quantum apertis ejus ornamentis, quantum arcanis adminiculis deberetur, pru-

dens æstimatio pensaret; eo successu, quem iterum Poëta explicat:

*Sic tibi nec docti defuit, nec Principis artes :*

*Mista sed est animo cum Jove Musa tuo.*

Quæ res eo plus admirationis habet, quo minus otii illustrissimo Juveni, inter perpetua bella & gravissimas occupationes educato, contigerat.

Ab hac gravis constantisque ingenii altitudine, plurimum abest illud hominum genus, quos naturalis mobilitas, quasi ad omnigenam sciendi lubidinem, inquietis stimulis sollicitat; domesticorum incuriosos, externis inhiantes; nihil diu, omnia obiter agentes; nullo delectu, nulla contentione rerum assuetos; ingenium in oculis, animum in lingua, virtutem in vultu gestantes; opinionem pro disciplina profectuque amplexos. In his, quod inane est ineptumque, modo clare apparet, modo peritia inspicientis opus habet, ut curiosi moris genius à solerte cognoscendi studio dignoscatur. sicut genuinos gemmarum nitores, ab adulterinæ lucis fallacia, si præsertim ab arte aliquid præsidii mutuetur, non nisi artifices discernunt. Habet autem omnis morum notatio, diversas in eodem genere formas; modoque non uno ad unius nominis mensuram terminatur. Cujus rei documentum tota passim dissertatio dabit. nunc enim in grege curiosorum variè distincto, satis habebimus communem notam indicasse, quam *Theophrastus* in tali homine expressit: *Solet*, inquit, *viam præire, quam ignoret ipse; cuius quidem exitum mox invenire nequeat.* Plane quasi ut *Vates*, cecinisset de plerisque curiosis potius quam studiosis Peregrinatoribus; post itinera multa & impendia, nulla consilii melioris arte administrata, omnibus consu- lere, omnibus viam monstrare, cum sibi semitam non sapiant, cupientibus. Sed nobis adversus importunam horum auctoritatem, potentior auctor *Germanicus Cæsar* obtigit.

Ille enim non ingenio tantum & varia scientia, sed moribus insuper ac erudita virtute instructissimus, quid  
ubique

abique cognitu pulcrum, quid æmulatu decorum, quos in usus, quam per artem valeret, neutiquam ignorare poterat. In cuius exempli honorem interrogare hic peritos velim: an fieri omnino possit, ut ex peregrinatione, earum sibi quisquam rerum cognitionem penitiorum promittat, quas antea (sive de sciendis, sive de imitandis loquamur) prorsus ignoraverat, aut vix obiter cogitaverat? Potestne, inquam, fieri, ut, qui mathematica non attigit, aliquod operæ pretium faciat, ex consuetudine nobilis cujusdam mathematici: ut, si quis in Italia incidisset in Galilæum de Galilæis, & Kircherum; in Gallia in Merfennum & Gassendum? Quid enim profecisti, si vidisti? & quid sciscitareris, aut ultro oblatum caperes de rebus, quarum inscientia laboras? Artem certe nemo nisi artifice revelat, vel artis amatori. Sed amorem artis, citra peritiam aliquam artis, nemini contingere ajunt, qui accurate loquuntur. Quid tibi cum præstantissimis palatiis, cum simulacris, imaginibus, signis, tabulis, & architecturæ, plasticæ, statuariæ, picturæ imperitus es? An sufficit dicere, hoc loco, hac die, hanc imaginem, hoc opus vidi? Si enim pergat aliquis percontari: quid eximium sit in eo, quod videris? respondebis forte: eos, qui artem intelligunt, in hanc aut istam sententiam pronuntiasse. Hic, non cuius proutum est quidvis credere: si præsertim recordemur, excellentissimæ artis opera Peregrinatoribus plerumque rudium hominum ministerio demonstrari; aut, ubi idoneus interpres obtigit, non nisi erudite interrogantibus explicari.

Viderit aliquis illustre, quod Mantuæ olim monstrabatur, certamen artis antiquæ & novæ: cum Michael Angelus Bonarota à Lunensi marmore Cupidinem dormientem tanto sculpsit artificio, ut nihil ad perfectionem addi posse videretur, quamdiu non comparabatur cum exemplo vetustissimi operis, quod exprimendum sibi magnus artifex desumserat; & hoc ordine ostendi voluerat, ut inde luculento argumento constaret, quantum hodierna ætas, etiam in exactissimo profectu, antiquitati concederet.



deret. Scilicet, hujus argumenti consequentiam, ut nunc ita cum scholis loquamur, parum intellexit, qui neque artem, neque artificem noscere ac discernere didicerit. Magna mihi copia est memorandi, quotiens contemptui & irrisui fuerint, quotiens occasione & disciplina cognoscendi res raras exciderint, quorum profani per imperitiam oculi animique, ab illis quasi mysteriis arcendi putabantur.

Id si in operibus manu factis & artificum laboribus usuvenire solet: quid existimandum est accidere in rebus ab exteriori spectaculo remotis, & ad civilem prudentiam pertinentibus. Scilicet tu mihi statum reipublicæ condiscas, tu mores gentium judicabis, tu arcanas consiliorum regulas penetrabis, nisi attuleris animum talis studii tractatu non vulgari subactum atque præparatum? Sicut enim res exiguas, ipsasque quasi atomos corporum, ex quibus omnia coalescere multi crediderunt, usu non discreveris, nisi adhibito microscopio aliquo (cujus concinnandi rationem Cornelio Drebbelio debemus) figura, color, omnisque species, ex illa subtilitatis caligine, in plenam conspectus humani lucem educatur: ita subtilissimum Reipublicæ contextum, & celantia suos nexus vincula, & involuta tot artificiosis tenebris mysteria, qui citra faciem politici intellectus, retrospici posse autumat, is eadem opera sine pennis volare instituat, opinor. Jam alienos mores arbitrari, qui suos non composuit, qui vitæ totius modum ignorat, non video equidem, quomodo possit. Veniat ad elegantes & politiori consuetudine suætos homines, Peregrinator incultus, abnormis, ad exemplum vel Gnathonis vel Thraſonis vel Æschini in comœdia, factus: periisse sibi omnem virtutis exercendæ, omnem humani moris usurpandi occasionem dolebunt, donec inauspicatos ejusmodi adventores amoliti fuerint.

Erunt forte, qui duas nobis hæc annotantibus res opponi debere existiment. Primum enim, ob hoc peregrinationes suscipi dicent, ut mores emolliantur, ut artes discantur: iniqua igitur lege à profecturo postulari, quæ

quæ in reducem convenire demum videantur. Deinde nemini tale otium ante peregrinationem contingere conquirentur, quod disciplinæ tam diffusæ, præparationi tam accuratæ sufficiat. At vero, da mihi animum, non præterpropter vitam, sed in ipsa vita versari cupidum, suæ originis memorem, honesti alicujus propositi amore stimulatam: & ego monstrabo tibi, quantum sit vestigal in parsimonia temporis, quantum habeat hodie disciplinæ vita Academica, si tanquam in Academia vivatur. Non potuerunt hoc unquam capere,

*Quem pulcrum fuit in medios dormire dies,*

*Horat.*

ac cetera facere, quæ Poëta commemorat. Sed si ejusdem *Ep. 1.2.*

*somenta relinquere posses,*

*1, 2.*

*Quo te celestis sapientia duceret, iuxta.*

Et jam inter commilitones, læto celeusmate, in solennem tesseram valeret, quod sequitur:

*Hoc opus, hoc studium parvi properemus & ampli,*

*Si patria volumus, si nobis vivere cari.*

De cetero, multum temporis suæ peregrinationi decernat necesse est, qui in loca peregrina omne profectus sui rudimentum seu tyrocinium differt: neque peregrinari, ad exempla quæ proposuimus, videbitur. Cumque in heroico Germanici ingenio, plurimas omnino dotes artesque, quibus itinera sua moderatus est, reperiamus; non debemus, nisi perfectum specimen commendare studio peregrinandi incensis. Patet observatio Peregrinatoris per immensam rerum varietatem, sicut postea dicetur. itaque instructu indigere amplissimo, abunde intelligitur. Sive autem plus ex tali profectu, sive minus tuis propositis, fatis, temporibus destinaveris; nihil solidi, nihil perfecti in spe habebis, nisi ad rem tantam prævia te cognitio, quam signavi, præparaverit.

Qui ergo hanc plane omittunt, non merentur in illustri cum Germanico peregrinantium cœtu locum adipisci: conspectiore etiam ob id inertiam notabiles, quod hodie, peragrato totiens orbe, descriptisque ac depictis, quæ

uspiam eximia, nemini subsidiorum ac instrumentorum copia deesse potest. Mirari utique satis nequeas, si peregrinationibus inhient, qui ne vulgaris quidem ac tralatitii consilii disciplinâ muniuntur. Quis enim nescit illa in omnibus libellis, in omnium civilium hominum præceptis obvia: Peregrinatori addiscendam prius linguam ejus gentis, in qua utiliter velit versari; cognoscendam historiam cum Geographia & Genealogiis; legendos, qui de statu reipublicæ habentur, commentarios: ne de quærendis, si pote, comitibus ducibusque itinerum expertis usuque eruditis, aliquid dicam. Astum ageret, puto, qui ad ista etiam in vulgus notissima Peregrinatores cohortari institueret. Inesse tamen in his aliqua non æque vulgaria aut in obvio posita, opportunum fuerit, si hoc loco ostendatur.

Incipiemus de *Historia* gentium præcognoscendâ. Nam circa linguæ studium planiora sunt pleraque, quam ut annotatione nostra opus habeant. Historia igitur, vel *loci* describit; vel *familias* recenset; vel *mores & reipublicam* interpretatur; vel *tempora & fortunam*, rerum gestarum serie consignat; vel *memorabilia alia* exhibet. Nihil ex his prætermiserit, qui studiosi Peregrinatoris munia meditatur. Quamvis autem non desint scriptores, qui conjunctim omnia polliceantur; sicut in contexta & pragmatica gentis cujusque historia, & nonnullis itinerum commentariis videre licet; supinae tamen negligentiae fuerit, ignorare, quæ de singulis partibus seorsum tradita sunt. In *Geographicis* certe, sine usu Globi & Tabularum, nihil satis clare apparebit. Sed tractari volunt Tabulæ, mathematica intelligentiâ. cujus etiam illud præmium feret, ut discernere possis ejusdem regionis varias descriptiones. Non enim suffecerit, *Atlantis* illius humeris, cui hodie terrarum orbis onus imposuerunt, secure confidere; cum plurimæ Tabulæ aliunde requirendæ sint, in quibus Geographia illa publicis voluminibus celebrata, emendatur ac suppletur. Ita, ex *Hydrographia Furnerij* alicujus, facile erit animadvertere, quid priorum curis ætas junior adstru-

adstruxerit: ex laudatissimis magni illius *Fabricii Parescii* pro instauranda & perficienda Geographia conatibus, à *Petro Gassendo* descriptis, pronum erit judicare, quid in longitudine locorum accurate ratiocinanda, invenienda & designanda deficiat.

In hydrographicis chartis, sive eas intueamur, quæ *Speculi Nautici seu maritimi* nomine veniunt, sive alias; est cur miseris sæpe & deprædices diligentiam. At ubi in itineris maritimis, *manuscriptos Nautarum commentarios*, quibus itinera singula accuratissima sollicitudine minutatim consignant, inspexeris: exemplum capere licebit, quantum de rebus ejusmodi peregrinantium observationi relictum sit. Id quod extra navigationem quoque procedet, si quis in gentibus maritimis agens, celebrioribus navarchis se familiarius adjungat, eorumque diaria, præsertim si loca rariora adierunt, aut novi aliquid detexerunt, prece aut pretio (nam & id factum novimus ab iis qui hæc studia curiosius amant) impetrare satagat. quin enim semper aliquid reperturus sit, quod in hydrographia typis descripta, aut etiam in tot Navigationum editis commentariis frustra quæretur, non est dubitationi locus.

Nescio an mores seculi pati queant, si de veteri & nova Geographia utilissime conjungenda, mentionem inferam. In quo genere, post *Ortelij conatus Geographicos in Veteri orbe* nuper iterum editos, & cum ceteris hodiernum schema referentibus conferendos, *Brietij Parallela Geographica*, rem alias non ita facilem, quantum fas est, in expedito ponent. Nam, ut ad *Strabones, Ptolemaos, Dionysios, Arrianos*, itemque *Melas, Plinius, Solinos*, aliosque, hodie Peregrinatorem ablegemus, quam non sit consultum, omnes vident. Illud potius haud raro miratus sum, quod relictis *Pauli Mervula nobilissimis descriptionibus Hispania, Gallia, Italia* (nam cetera, quæ destinaverat, opera, acerba tanti viri mors intercepit) quævis potius *Itineraria*, ut vocant, plerique eligunt, οὐ καὶ γὰρ εἰ μὴ δύνασθαι, καὶ τὴν *Strabo*  
ὑπόδειξιν τῆς τοιαύτης ἀπαρτὸς ἀκριβῆναι, διὰ τὸ εἶναι πολιτικὴν. l. 1.  
ἴσχειν, τίς ἐπὶ τοῦτον ἐφ' ὅσον ἔ[στι] τῷ πολιτικῷ παρεκκλινεῖν.  
B. 2 δύνασθαι,



ἰσχυρὸν ἡ προσήκοι ἀν' εἰκότως. Si enim fieri nequit, ut accuratam per omnia hujus argumenti cognitionem indispicaris, eo quod latius per civilis vite disciplinam diffunditur; eatenus tamen prodire convenit, quatenus capere potest, qui reipublica administrationi deditus est. Ad quam Strabonis regulam convenire videatur, quod de *Merula* scriptis dixi; nec enim valde diffusa sunt, & antiqua recentibus copulant, & Geographiam multa historiarum luce illustrent. Hominibus plane illiteratis, aut perpetua Bacchanalia viventibus, nihil hic scribimus. At, si mediocriter literatus, neque nullo ingenio præditus, unicum mensem in Italia peregrinari voluerit, antequam in Italiam pedem intulerit, non *Merula* modo, sed *Philippi Cluverij* & *Schotti Italiam*, cum præcipuis *Itinerariis*, quæ vocantur, & *summario Italica historia*, familiariter cognoscere, atque ex iis libellum apodemicum & memorialem sibi conficere poterit. Idem de reliquis populis ac regionibus sentire fas est.

In ipsis porro *Itinerariis*, quæ non Geographiam modo, sed multa de rebus scitu dignis plerumque pollicentur, caute versandum est. Inferunt se illis libris, favores & odia, præconceptæ domi de peregrinis populis rebusque opiniones. Hinc est, quod res Germanicas, Galli & Itali, vix unquam ad liquidum intuentur aut describunt: obversante eorum oculis animisque tanquam nube elati illius fastidii, quo omnem Septentrionem contemnunt. Ex adverso, Germani, nimia exterarum rerum admiratione, in majus aliquando augent, quorum splendor oculos non satis præparatos perstrinxit. Frequentissima labe, à festinabunda indagatione, & fortuitis indigenarum asseverationibus, in libros peregrinantium immigrat. Versatur in manibus hominum *Iter Germanicum*, *Danielis Eremitæ Itali*, quod in legatione Ducis Florentini ad plebasque Aulas Germaniæ, anno hujus seculi nono confecit. In hoc nihil sibi aliud videtur habuisse propositum, quam ut vitia aularum censorio supercilio exagitaret; quæ autem alia cognitionem ac æstimationem merebantur, aut suo pretio celebrari debebant, alto silentio involveret: five

sive affectus domo allatus ei pro colorato vitro fuit, per quod nullius rei verus color conspici poterat; sive introspectam quoque præstantiam dissimulare, artificii nescio ejus pars visa est. Si enim dicas, pleraque cum cetera neglexisse, id quoque quo pertineat, non eget demonstratione. Generosius quidem animo afficiebatur *Illustrissimus Dux Robanavi*, cum *Iter* suum describeret: sed quin & ipse non semel deceptus sit, quin affectui aliquando obtemperaverit, exactiorisque inquisitionis vel cura, vel, quod malim credere, occasione ac otio caruerit, nemo negabit opinor, ex iis, qui intelligunt quæ legunt. De illis nihil attinet dicere, qui *Itineraria* sua fabulis, superstitione, ambitione philosophandi corruerunt, quod in itineribus præcipue, quæ a paucis & raro suscipiuntur, fieri amat.

Sed hoc ipsum scilicet, non parum excitabit industriam Peregrinatoris, si, quæ legerit antea, in re præsentī examinare, quidque veri aut falsi habeant, experiri, & præsertim omīssa supplere contendat. Id enim non circa *Itineraria* modo, sed circa *Descriptiones peculiariū Status & Reipublicæ* faciendum esse, ratio & experientia dicat. Circumferuntur in hoc argumenti genere, *Boteri Politia Regiæ*, *Philippi Honorij Thesaurus*, *Gasparii Ens Relationes*, *Gosfridi Archontologia Cosmica*, & *Reipublica ab Elzeviriis edita*. Verum, qui Reipublicæ alicujus interiorem sibi notitiam comparare cupit, quantis opus habeat subsidiis, postea suo loco indicabitur. nunc satis erit monuisse, de crebris & multiplicibus mutationibus, quas tempus & fortuna in civitatis statum inferunt, ejusque adeo descriptionem nunquam diu uno eodemque sinunt pretio æstimari.

*Familiarum* cognitionem, pauciores appetunt, iidemque prudentiores. Nam cæteri non intelligunt, quantum Peregrinatoris interfit, vel ad pericula quædam declinanda, vel ad subsidia comparanda, in numerato habere nobiles familias, earumque prærogativas. Ac in Principum quidem familiis, etiam si sequestrentur adulatorum inventa & eruditorum quorundam ineptiæ, latet arcanus

civilis in orbe commercii contextus : qui inter discordes animos & dissociabilia studia, incrementemque quotidie pereundi perdendique lubidinem, suis quibusdam vinculis, ex divinæ decreto providentiæ, quantum ultima ferre possunt tempora, adversus omnimodam dissolutionem valebit, opinor, atque perennabit. Itaque nec divelli potest, si quis seria Peregrinationis subsidia circumspiciat, ista cognitio; sive *Henninges* aliquis per *Theatri Genealogici* scenas nos circumducat; sive *Albizi* *Stemmata Europaorum Principum* compendiarie conspectu exhibeat. Nam Genealogica scripta, singulis familiis & nationibus destinata, tum quoad Principes, tum quoad Nobilitatem ceteram, Bibliothecam pene queunt facere; & in ipsa Peregrinatione rectius tanquam in patria sua quaeruntur noscunturque. id quod ne tum quidem satis feliciter tractabitur, nisi quæ in literas relata sunt, cum hominum peritorum commentariis ineditis & narrationibus conferantur; & aliena, id est, imperitiæ temporum, schemati domuum, artificio gentilitio debita, à veritate genuina secernantur. Editum est, ut uno sed illustri exemplo res declaretur, *Theatrum Nobilitatis Suecane*: quo exteri securius utantur. At in Suecia, multi auctoris errores annotati comperiuntur, multa deliquia. cuius rei fidem abunde mihi fecerunt, inspecti non sine admiratione commentarii *Illustrissima Matrona Catharina Boot*; quos grande illud sui sexus ornamentum, & nobilitatis Suecicæ gemma, tanto studio, diligentia, dispositione sua manu exaravit, &, quantum ad insignia attinet, depinxit, ut comparatum his laboribus *Theatrum*, quod dixi, vel defectu notitiæ plenioris, vel tractationis securitate, plane vilescat. Itaque spero futurum, ut à popularibus & propinquis exoretur Generosissima Domina, ne suam, ne patriæ nobilitatis gloriam, publicæ orbis notitiæ diu subtractam velit.

*Antiquitates, & memorabilia cetera*, sicut hodie, in cultioribus Europæ regnis provinciisque, multa industria & copia publicari novimus, ita non possit non negligens

pligens videri Peregrinator, qui talium monumentorum inquisitionem, ante iter susceptum, atque ubi ad manum non possunt statim præsto esse, in ipso itinere omittat. Quanto feliciori cognitione oculis præsentia subjiciet illa antiquitatis & artis miracula, qui (ut iterum exemplis utamur) in *Galeria Justiniana*, in *Galeria Richeliana* præcognoverit typis æneis ita repræsentata, ut & ante spectaculum, disciplinam præbeant, & postea, memoriæ inserviant? Quæ Romæ spectatu digna sint, indicabunt tibi varii typi, varii libri, *Romam Antiquam*, *Romam Hodiernam*, *Romam Subterraneam*, *Jacobi Lauri*, *Bossi*, aliorumque industriâ exhibentes. Idem in aliis provinciis, Urbibusque nobilioribus factitatum constat. Quibus monumentis, tanquam indice Peregrinator serius utetur: ad exemplum *Peireskii*; de cujus peregrinatione *Gassendus* refert: quod plurima, quæ inter legendum auctores adnotaverat, in commentarios relata circumgestaverit. Sicut & deferre solitus erat selecta quadam numismata, quæ conferret cum statuis, explorans cujusque ætatem & agnoscens plerumque manum: cum ea foret solertia, ut momento discerneret, quid revera, quidque ex sola imitatione foret antiquum.

*l. i. de Vita  
Peir.*

De annalibus cujusque gentis ante Peregrinationem legendis, obvia sunt eruditorum virorum monita; versantur in omnium manibus scriptorum indices, & consignati in hos usus tituli. Prope est, ut miserum dicam Peregrinatorem, certe operi suscepto imparem, qui de usu historiarum & lectione tum demum admonendus est: cum tota quodammodo Peregrinatio, disciplina historica sit; quæ & nova cottidie cognitione animum imbuat, & res ante cognitæ, altius infigat. Quam in rem, apposite ad Baronem Stupechium in Gallia tum peregrinantem, *Hugo Grotius* epistola nondum edita scribit: Et sane, quum ad Ligerim accessisses, committendum Tibi non fuit, quin una conspiceres tractum illum pulcherrimum & uber Gallie, ripam dico utramque Ligeris, quæ à *Blesâ* ad *Andes* extenditur. Narratio tua meam mihi adolescentiam in memoriam revocavit. Nam & ego, quum essem in florido ætatis vere,

*vidi*

*vidi summa cum voluptate & inviam illam arcem Ambaxiam;  
in qua Ludovicus XI. suimet captivus fuit;*

*& quod bisseña turre superbit opus.*

*Cum vero per se dulce est, hac præsertim anni tempestate, mu-  
tare cælum, & vario rerum conspectu frui; tum vero res ipsas  
gestas altius infigit animo, locorum consideratio: quippe cum &  
illam, quæ arte traditur, memoriam, ex positu atque ordine loco-  
rum natam primum, veteres tradiderint.*

*In Epist. ad  
Steinberg.*

*Sed fortasse vetera hæc sunt, Germanico scilicet ali-  
quo digna; ab hodiernis vero moribus longius remota:  
in quos nimis quadrat Joannis Caselij querela; Peregrina-  
tionem tribus potissimum rebus inutilem vanamque fieri; cum &  
nimis juvenes sunt, qui peregrinantur; & literarum præsidio  
earent; & scopum sibi certum non proposuerunt. Contra hos  
mores, quid possumus facere rectius, quam vetustatem  
laudare? in qua non legimus, nobiles adolescentes, nisi  
in contubernio & comitatu magnorum Ducum atque Le-  
gatorum, peregre profectos, ut sub illis quasi magistris  
militiam, ac civilem prudentiam condiscerent. Quid e-  
nim sibi relictus in re tanti momenti proficiat, qui ex in-  
dole ætatis, non vane notatur Poëtæ*

*Horat. in  
arte poet.*

*Cerens in vitium secti, monitoribus asper,  
utillum tardus provisor, prodignus aris,*

*Sublimis, cupidusque, & amata relinquere pernix?*

*Non ignoramus, in ætate adolescentiori etiam aliquando  
fulgere eximiam virtutis indolem: sed rarioris exempli  
ista laus est. Itaque certiora præsidia à literis peti debe-  
bant; illis nimirum, quæ ad virtutem ac prudentiam  
duces sunt & magistræ. Sine virtutis enim ac prudentiæ  
auspicio, Peregrinationem omnem non inutilem modo sed  
periculosam esse, antiquitas*

*Horat. epist.  
1, 2*

*Utile proposuit nobis exemplar Ulysses,  
qui domitor Troja, multorum PROVIDUS Urbes  
& mores hominum inflexit.*

*Quis & qualis, providus ille Ulysses? Talis omnino, in  
quem convenient illa ejusdem Poëtæ:*

*qui*



*qui didicit, patria quid debeat, & quid amicis,  
quo sit amore parens, quo frater amandus & hospes,  
quod sit conscripti, quod iudicis officium, quæ  
partes in bellum missi ducis:*

art. Poët.

diffimilimus denique sociis suis, qui in eadem peregrinatione, cum animum bonis artibus non induissent, eventu non eodem usi sunt.

*Sirenium voces, & Circeus pocula nosti,*

*Quæ si cum SOCIIS STULTUS CUPIDUSQUE bibisset,*

G. 1, 2.

*Sub domina meretrice fuisset turpis & excors;*

*Vixisset canis immundus, vel amica luto sus.*

Ulysses enim à patria; socij, à bona mente peregrinabantur. Ille, finem animo certum suæque virtute & sapientia dignum destinaverat: Hi sine proposito, sine consilio, ut alienæ peregrinationis additamenta ferebantur; venturabilis spolia, & inanes fortunæ ludentis pilæ, quatenus ductoris ope non servarentur, futuri.

Hodie ipsa multitudo peregrinantium, argumentum est peregrinationis non bene institutæ. Curritur ad Academias promiscuo cœtu, & in studia mittitur confusanea peregrinatorum turba: in qua sunt homines, nullo ingenio, nulla virtutis indole à vulgi sæce redempti: hi literatorum tandem nomina, munia, præmia invadunt, exemplo publice noxio. Sed de ista Peregrinatione Academica hodierni moris, alius fuerit forte quærendus dicendi locus. Nisi quod vel hinc intelligi potest, quid ab altera illa, quæ ad externos instituitur, peregrinatione expectandum sit. Si enim Academiæ, quæ omnem peregrinaturum disciplinam debebant conciliare, profanos non excludunt: mirari nemo potest, quod tota videmus agmina inde in exterorum terras, non aliter tanquam in officinas licentiæ, luxus, voluptatum, deliciarum temere discurrere. Quibus cum serius nullus scopus sit propositus, frustra de studiis ad scopum ducentibus sermonem feteris.

Neque de iis nunc etiam differemus, qui scopum sibi sane, sed simplicem, & unius studii cognitione terminan-

minandum proposuerunt. Ut, si quis Theologiæ, Juris prudentiæ, Medicinæ cognoscendæ causâ, extra Germaniam proficiscatur. In quo genere quæstionum, ante omnia constituendum foret, quantis domi præfidiis abundemus: ut deinde procedat dubitatio, quid foris quærendum, an & quibus periculis impensisve redimendum: itemque, utrum hujus quidem studij sectatores plus emolumentum, alia tractantes, minus auxilij sperare possint. Qua occasione, obiter & aliud agendo, iis, qui sermones nobiscum conferre volent, considerandum proponimus: *Annon Medicina deditus, plures & majores ceteris, quos signavimus, peregrinandi extra Germaniam causas habeat?* Interim satis meminimus, de Illustrium personarum peregrinatione susceptam esse tractationem: in quibus cognoscendi studium ample patet, & per omnia civilis vitæ præfidia ac ornamenta se porrigit. Igitur jam ante dictum est, plurimarum artium scientiam, quanta majoribus intento contingere potest, optandam esse. Inprimis autem *civilem prudentiam*, aureum illum rami putamus, cujus ope non inferiorum regna, quæ Poëtæ finxerunt, peragrarè, sed totius mundanæ civitatis spatia, tuto, feliciter, utiliter conficere fas sit.

Ceterum, dum civilis prudentiæ studium peregrinatio tantopere commendamus, usitata omnibus, paucissimis intellecta voce utimur; totamque vitæ publicæ privatimque regendæ ac ornandæ disciplinam eo sensu complectimur, quo Tacitus noster dixit: Hanc esse, *quæ honesta ab deterioribus, utilia ab noxijs discerneret.* Nam quod interdum *Politica* munus, solius utilitatis & consilij tractatu definitur, ad vocabuli distinctionem pertinet, quo adstrictius nonnulli utuntur. Cum autem nihil utile videri debeat, nisi quod honestum est: omnisque deliberandi ratio, ab eo, quod justum, æquum, licitum esse constat, tanquam à capite repetenda sit: satis apparet, insolubili nexu, honestorum scientiam coherere illis, quæ docent, quid ex usu sit facere. Misera enim fuerit prudentia, opinor, quæ dubitet, rectene fiant, quæcunque publice

publice aut privatim agenda veniunt. Adest æterni Juris regula, in ipso jure naturæ promulgata, & post corruptionis primævæ depravationem, in morali lege reperta: adfunt nobilissimæ amplissimæque hujus juris explanationes, & ad singularia applicationes, literis *summi-  
sais* traditæ: adfunt, quæ ex immotis istis principiis, evidenter ac necessario consequuntur, decreta & præcepta: in quibus eruendis aut usurpandis, si qui non recte versantur (quod discretu facile est, si ad immotam & irrefragabilem, quam dixi, regulam, singulorum philosophia exigatur) non debet propterea convitiis, tanquam cæno, conspurcari & turbari ipse unicus fons omnium legum civilium, quas nonnulli, ut solum canonem adhiberi oportere, opinantur. Queritur vir citra controver- *comm. in pol.  
Arist. lib. 4.  
c. 15.* siam doctissimus Michael Piccartus, quod Bodinus Politicam & Architectonicam scientiam de gradu & dignitate sua dejectur, dum ad jus Romanum Gallicumque solum hanc doctrinam restrinxit. Cujus generis errores Bodino, homini ingeniosissimo, sed confusioris eruditionis, fere solennes sunt: neque immerito doctorum virorum disputationibus convelluntur. at disputare cum iis, qui tam horribiliter eruditi sunt, ut revera nesciant, quid prudentia, aut quid civilis prudentia sit, quam infanda probrorum fœditate interim commaculatum eunt, nemo viros cordatos, nemo me jusserit. Rogandus potius est Deus, ut tandem intra suam pelliculam quiescere, nec ceteros homines pro fungis habere, doceat illos, qui aliis laboribus, nec immerito, intenti, hæc studia vix perfunctorie, ac confusim, adeoque perversè attaminarunt potius, quam tractarunt. Proxima Principibus & Rebuspublicis cura erit, ne in Academiis, ubi non hoc aut illud genus, sed universitas studiorum quæritur, ullius scientiæ amatoribus liceat alias disciplinas opprimere, aut sub nescio quibus titulis in pulverem scholasticum quasi defodere, quo minus earum salubritas in communis patriæ usus queat emanare.

Loquimur hætenus de iis studiis, quæ Peregrinato-

ris animum in cognitione proposita, non uno adjumenti genere, moderari ac instruere possunt. Cur ergo *Theologiam* distulimus nominare? cujus ope nisi fulciatur ubique & confirmetur civilis quoque prudentia, ad usus destinatos haud perinde valebit; sicut sæpe Politices studiosos monui, & exemplis illustribus, puto, ex amatissimo mihi studiorum genere docui. Non est quidem ab omnibus expectandum, aut postulandum, ut Theologiâ accuratius ita nominari solitâ, ante peregrinationem penitus imbuantur. id enim eorum esse, dicent, qui sacris literis omnem vitam, omnem operam dicare constituerunt; sibi autem sufficere, doctrinæ Christianæ purioris, per capita summam traditæ cognitionem. Hic interrogandi sunt, quid *cognitionis* vocabulo intelligant? Nimis enim, proh dolor! negligenter in religionis disciplina plerique versantur: adeo in sacris literis intelligendis hebetes, adeo in momentis & vinculis doctrinæ Christianæ conferendis & asserendis rudes, ut quavis aura peregrina afflante, huc illuc fluctuent, suæque inscitiae pœnas dent, non sibi modo, sed sæculo fatales. cum interim caussari nequeant, occasionem sibi defuisse, ad confirmandum solidiori religionis intellectu animum, adversus Peregrinationum hodiernarum pericula. Et hac quidem sanctissima officij necessitudine omnes obstringi constat. De cetero, quanta est, quæ in Academijs ultro offertur disciplina, ut ex magni alicujus Theologi ore, aliquid interioris Theologiæ in controversis religionis quæstionibus, etiam ij non difficulter queant haurire, qui totos se his studiis dare nequeunt? Ducebat huc ipsa Pietas, virtutum omnium anima & moderatrix: quæ nisi Peregrinatoris consilia ordinet, studia erudiat, mores componat, jam perierit nobis, quicquid bonæ spei, aut disciplinæ, de Peregrinatione ordinanda animo concepimus.

Satis enim, ut arbitror, ex iis, quæ subinde inspersa sunt, judicari poterit; quicquid de ingenio & disciplina Peregrinatoris disputatum est, eo pertinere, ut à generosa virtutis indole, omnia cognoscendi auspicia, & profi-

proficiendi præsidia repetantur. Sicut autem ethnicis familiare est, Religionem aliis virtutibus, ut partem contribuere; ita nos omnes virtutes reliquas, Religionis partes constituimus, eaque nominata nunc complectimur: exemplo sanctioris philosophiæ, quam in divino Mose *Ensebius* commendat. Quem si magis explicare sensum *Præparat.* debeamus dicere, summa disputationis nostræ huc redi- *EG. lib. 2.* bit: Eas esse, ut Peregrinator illustris, demisso gratoq; animo, *c. 3.* coram Deo reputet, quod ingentium, in quos usus, à Divina benignitate acceperit; eidemque pie supplicet, ne industriam aut occasionem excolendi naturam, deficere patiatur. Et quoniam, tum ante Peregrinationem, tum in Peregrinatione, disciplina multiplex, conversatio anceps, finis ubique idem proponitur; cotidie in consilium & auxilium vocare convenerit supremum Numen. cujus unius ope, nobile cognoscendi studium selecto pabulo alatur, inoffensa consuetudine augeatur, & in reipublicæ usum ac decus, pleno profectu exuberet.

Supervacaneum pæne fuerit, singillatim hic tanquam in limine considerare, ordinaria illa hujus studij instrumenta: Notitiam, Judicium, Memoriam. Rectius enim in ipso opere animadvertere, ac in Peregrinationis tractatu; quantum possit, conversandi cupiditas, percontandi sedulitas, examinandi solertia; comparandi, meditandi, commemorandiq; assiduitas: quæque hujus generis alia curiosum Peregrinatorem juvant ac decent. Unum addam monitum: ne memoria quantumvis felici fidat Peregrinator, nisi maximam sui laboris partem velit perdere. Sicut igitur ante diximus, libellum conscribendum esse, in quo cognoscenda & inquirenda circumferantur; ita in diario altero, cognita, visa, audita, quanta fieri potest sollicitudine consignentur oportet. Utriusque diligentiae *Peirescius* ille specimen dabit, quem perfectum Peregrinatoris exemplar supra cœpimus laudare. Is scilicet Itinerarium suo sibi marte *Gassend. in* *Gu. Poir. l. 1.* appararat, statueratq; non sic ex urbe in urbem recta pergere; quin, si hinc inde aliqua notatu digna memorentur, divertere illuc prohibitu possit. Hinc sese nunquam in extraneorum comitatum sponte adhibuit; & ubi se alij ipsi adjunxerunt, urbana quadam excu-

satione



*satione sejunctionem brevi faciendam praevenit. Quae autem viderat, studiosissime in tabulas memoriales retulit. Sic inscriptionum etiam omnium (utar iterum verbis Gallendi) quae superent antiquitatem, habere voluit apographa. Rursus codices mss. seu Vaticanos, Farnesianos, seu alios, non quantum quidem libuit, sed quantum tamen licuit, evoluit: & quotquot inter ceteros maxime rari visi sunt, adnotavit in tabulis. Sic adnotavit etiam vasa, pondera, mensuras, calaturas, numismata, simulacra, imagines, & quicquid demum notatu dignum occurrit, in Metallotheca, iconotheca, in promptuarijs, Musaei, Xysti, Pergulaeque varijs. Cui fini, cum delineationes rerum memorabilium habere vellet, deduxit pictores, qui non modo statuas, intemerataque alia opera, sed truncos etiam & ruinas aedificiorum veterum, quae occurrerent, adumbrarent. Atque ita faciendum fuerit, per omne cognitionis Peregrinatori propositae argumentum: de quo nunc aliquid annotandum est.*

**COGNITIONIS** *Peregrinatori*  
*propositae ARGUMENTUM per*  
*partes nobiliores expenditur: pra-*  
*missaque Germanici historia huc per-*  
*tinente, ad usum familiarem ac in-*  
*teriore quadam observationis &*  
*meditationis representatione attem-*  
*peratur.*

Sicut autem cognoscendi studium, in Germanico summum fuisse instruxissimumque, partim ex historia scimus, partim ex tot artibus ac virtutibus, quibus adornatus fuit, tum ex ingenio aulae temporisque, accuratissima agendi discendique consuetudine singulariter praecellentis, haud difficulter colligimus: ita praesentior nobis disciplina in ipso peregrinationis negotio, & cognitionis

nis intentionis opere, per omne amplissimi argumenti genus, panditur. Agite enim, sequamur Heroem nostrum, Româ in Illyrium tendentem; inde viso in Dalmatia fratre Druso, per mare Adriaticum & mox Jonium, in Achaïam pervectum. Hinc Athenas, deinde Eubœam petiit: è qua transiit Lesbum. tum extrema Asia Perinthumque ac Byzantium Thracias urbes; mox Propontidis angustias, & os Ponticum intravit. in regressu sacra Samothracum visitare nixus, cum alio depulsus esset, quæque oblata erant, lustrasset (hic enim deficit historia Taciti, inepte & frustra negante ac emendante Ludovico Aureliano) relegit Asiam, appulsa Colophona. Postea Rhodum itum est. Mox ad Armenios reipublica negotia Germanicum vocarunt. Sequitur Aegyptiacum iter: unde remeans in Syriam, Antiochia morbo implicitus Heros longiore vita dignissimus suum diem obiit.

Tac. 2. A. 52.  
34. 35. 36.

2. A. 39. 60.  
61. 62. 71.

Nec insulae, nec intempestivum esset, totius itineris hujus seriem animadvertendo prosequi, & quæ tum temporis singulis in locis cognitione digna celebrabantur, annotando repetere. Neque enim dubitandum est, quin omnia diligentissime perscrutatus sit Germanicus, quæ Tacitus generatim *Celebritatis* & *Antiquitatis* titulis, multa rerum diversitate ac veritate membratim distinguendis, annotavit. Sed manebimus in iis, quæ Historia voluit conspectiora esse; vel in *cognitione*, vel in *conversazione* tanti Herois: ad cujus exemplum aliqua deinde non inutiliter forte, in gratiam Peregrinatorum illustrium, subjici poterunt.

Quando igitur Germanicus rebus Aegyptiorum noscendis, Sacerdotum opera usus memoratur, statim illud ἀποδιδόναι διὰ τῆς αἰσχροῦς, *Disce à peritis*, nobis in mentem venit. Verissimo equidem Arabum proverbio jactatur: *sapiens à quolibet discit*: quod & ipsum peregrinantibus vice legis esse debet. sed à quolibet scilicet, juxta cujuslibet caput, ab agricola res rusticas, à nautis ventos, à milite praelia, à negotiatore mercaturam, discendum est. ne dicam, secundum & sollertem peregrinatorem, dum nullum genus hominum aut colloquiorum, quatenus licet, negligit, etiam ex fortuito, ex temerario errantium sermone haud parum proficere. Interim, quærendi in-

2. A. 60. 4.

primis

lib. 17.  
lib. 2.

Vide Philostr.  
Heretica. &  
Jul. in Eu-  
seb.

primis sunt, qui scientia rerum & experientia, & ætate præstantes, suæ quisque patriæ res differere queant. Egyptiorum sacerdotes, ut *ἀνδρες φιλοσόφους καὶ ἀστρονόμους* viros sapientes & sideralis scientia peritos, Regumq; convictu assuetos, Strabo & Herodotus (qui eis multum suæ historiæ debere fateatur) describunt. Et quanquam Strabo, his temporibus, antiquæ eruditionis laudem valde imminutam notet, nonnullos tamen eximios subinde repertos, nolim negare. atque hinc fortassis in ipso Germanici exemplo, non obscuro ex senioribus Sacerdotum delectu, unus interpretes assumitur. Homerî sapientia huc spectat, quando Ulyssî suo, ad exploranda loca peregrina, & cognoscendas res gentium digredienti, vel Mercurium, vel sapientem virum, comitem, monitorem, magistrum, interpretem occurrere facit.

Comment. de  
Vit. l. 1.

lib. 3.

Cardan. de  
Sci. propr.  
cap. 31.

Monuit me Herodoti exemplum, in Peregrinatione sua ad scribendam historiam varia ab idoneis hominibus subsidia conquirentis: ut de recentiore Thuani studio cogitem. Nam & ille, non tantum, *plura se in literis hominum literatorum & amicorum consuetudine, quam proprio labore profecisse*, ingenue non semel testatur: sed etiam ad opus historicum, cum undiquaque materiam compararet, *per peregrinationes in adolescentia, virorum illustrium tota Europa aut per literas aut coram contraxisse familiaritatem*, Gallorum imprimis, qui res magnas sub regibus gesserunt, commemorat. In quo genere convictionis magna prudentia & cautione utendum est. sunt enim magnis quoque viris sui nævi, suæ artes. alius studio partium, alius odio nationis, nonnulli certo ingenii proposito, adventoribus nec patere nec intelligi volunt: si præsertim desit artificium incantandi, ut sic dicam, penetrabilia carmina, quibus è latebris extrahantur animorum secreta. Invenies etiam aliquando Cardanum aliquem senem, qui dicat, quid mihi cum hominibus? In brevi utique vita parum superest ad nugas. quam enim partem dederò illis? contemplationis? injustus sim & impius. Scribendi? stultus. Ut redeam ad labores quos subterfugere poteram? *οὐκ ἔστιν παρρησία μοι, ὡς & si exercitationis, somni, domestici-*

domesticorum negotiorum. Deinde cum quibus? amicis? frustra: operam enim meam desiderabunt, non colloquia. alijs? quorsum? peritu? illi plus multo forsitan existimabunt se scire, quam ego. Et, si sciant, contentio erit de genere, si velim discere. quorsum? si docere, erit impudentia & prodigalitas, sua effundere, ut nil nisi odium queras. An etiam uni soli, an multis simul? si multis, quando finis? si uni, an tibi is Deus erit? movebis etiam alijs invidiam, ut rursus in pelagus cogaris descendere turbulentum: loquentur etiam plures simul, & clam se irridebunt: multis occasionibus te expones nullo lucro.

Ab his ergo, qui omnes excludunt, nullum fuerit periculum, majus ab illis, qui omnes admittunt, imo arripiunt; ut *Σαυμασὶ ἀνίσταται* speciosasque de variis rebus fabulas longe lateque propagent, & peregrinantium aures, modo loquacitate, modo inepta sedulitate, modo famigatione fascinent. Qui enim semper hoc agunt, ut aliud aut nihil agere alios doceant, vanitati suæ tandem decoram speciem, ac veluti sanioris habitus colorem appingunt. Qui his nugis & nugatoribus vacare sustinent, illis non erat peregre eundum, ut sumptuosius tempori illuderent; atque interea ignorarent viros, illustribus meritis non magis ad ornatum sæculi, quam politiori convictu ad commoda adeuntium factos: quorum colloquia, notitiæ, amicitiae, præcipuo peregrinationis labore impendioque emi debuerant. Hæc enim vera Peregrinatoris schola est: eximiorum in unaquaque gente hominum, modo experientia & usu, modo doctrina, erudiri; hujus comitate foveri, illius familiaritate æstimari: præsentis profectus rationes, cum futuris utilitatibus, felicitate sapiendi connectere. Quid homini Reipublicæ gerendæ nato factoque ad laudem insignius, ad agendas res efficacius, quam electis virorum idoneorum notitiis, quas Latinitatem insuper habentes *correspondentias* vocant, undique subsidia, nec cognitionis modo, sed negotiorum, comparata & prompta habere? Atqui Peregrinationis iste labor erat, ista provisio: absentium industriæ vix umquam ad votum successura, An hoc fa-

cile est, inquis? Næ facile; sed intelligentibus, sed bene moratis, & de propositi melioris fructu semper cogitantibus. Itali illius acerbum sed verum est verbum, quando nonnemi de Italorum minus familiari convictu conquerenti, *At vos Peregrinatores*, respondit, *cujus hominis consuetudine in Italia uti soletis, praterquam cauponum, mercatorum, lenonum?* Dictum sapienti fat est.

2. 4. 54.  
lib. 14.

Inter alias Peregrinationis curas, Germanicus (ut ad hunc redeamus) etiam *Colophona appulit*, ut *Clarij Apollinis oraculo uteretur*; quod describit *Tacitus*. cui *Strabo* addendus est. *Religio* poterat videri, quod celebratam oraculi sedem adire ac venerari voluit; neque dubitandum est, quin hac in re suum in Deos & Sacra studium vel pascere vel erudire concupiverit. Quomodo enim, qui omnis argumenti humani scenam sibi perlustrandam destinaverat, ab illa cognitione abstinendum judicaret, quæ tantum famæ, auctoritatisque nullibi non obtineret? Quod si etiam credidit oraculo, idque magni æstimavit, non jam Religionem in eo, sed *curiosam superstitionem* agnoverim; tanto Heroë indignam. Certe, ut exitium ipsi prædiceretur, nullo opus erat Apolline; nemo enim id melius, quam ipse sibi vaticinari poterat: non ignarus quæ Patruj mens, quæ artes, qui in scelus stimuli. Jam quid est, quod *per ambages* & inclinatura quo ducerentur verba *Clarius* ille deus respondet? suspecta cuivis non stulte cogitanti poterat videri ista obscuritas. Nisi tamen *mos oraculorum* (de quo *Historicus*) hic quoque dicat, reverentius esse credere, quam disputare. At vero illum ipsum morem, fraudis nomine suspectum non paucis fuisse, & esse debuisse, non poterat Germanicus ignorare, vel ex iis, quæ *Cicero* circa divinationes disquisivit. Nihil dicam de versibus, forte, si extarent, inconcinno satis & absurdo habitu, deridiculo futuris: Nihil de exemplis magnorum virorum, qui jam olim artes & imposturas ejusmodi & deprehenderant, & contempserant: nihil de cacodæmonum præstigiis, quos illam Sacerdotum ignorantiam facile potuisse supplere, Germanicus haud nescivit.



vit. quanquam, ut huc deveniretur, quid opus erat? cum, quod prædictum est, ex fama & multa veri similitudine potuerit fere conjectari. ambiguum autem ejusmodi carminum in varios usus copiosa suppellex rudibus illis Sacerdotibus, citra omnem miraculi suspensionem, præsto esse poterat.

Videamus, quid hodie Peregrinatoribus nostris, *circa religionem*, in more sit positum. Quam negligenter instructi plerique peregre proficiantur, ante dequesti sumus. Ejus rei memores decebat utique secum habitare, neque altum sapere. At illi, faciles & incautas omnibus aures præbent: speciosasque de religione fabulas, quia refutare per ignorantiam nequeunt, pro oraculis habent. Quo fit, ut non modo de una religionis formula in aliam secure transeat, sed inter religionem veram & nullam sæpe id tantum temporis interfit, quo peregrinus aer hauritur. Ponam unum specimen, ex quo cetera pronum est intelligere. Prima & unica omnis religionis regula est, verbi divini auctoritas: quam nemo sanus detrectare potest, quotiens credendorum singula claris apertisque verbis animadvertit exhiberi. Interrogato ergo alicui, *de resurrectione carnis*, postquam clarissima ex utriusque Fœderis tabulis testimonia attulerit, sophista occentabit: annon illa verba in V. T. quibus tu resurrectionem ex mortuis clarissime putas signari, satis apte de liberatione aliqua ex ærunnis, captivitate, aliisque malis poterunt capi? Atque ita in ceteris semper, nec sine colore aliquo, illa nœnia audietur: quid me cogit hoc potius, quam illo sensu scripturam exaudire? quidni ita liceat capere? Stupui non semel, ad impetum tam futilem, inexpugnabili munimento se evolutos fateri homines, qui volebant videri futiles. Nihil dicam, de prohibita ejusmodi arbitraria scripturarum sacrarum interpretatione. Si ullius interpretationis ratio, ex naturali modo intellectus humani, tibi cognita esset, eadem opera scires, vim ac indolem dictorum non deferendam esse, citra necessitatem; quæque illa necessitas esset, non ignores:

adeoque nullo negotio sperneres ineruditam istam nati-  
 nam; quæ si valere debeat, nullus in ullo divinæ hu-  
 manæque scripturæ genere certus remaneret sensus. Quod  
 si autem, prima ista omnis intelligentiæ rudimenta negle-  
 xisti; meminisse debebas, illud antiquum: ne Sutor ul-  
 tra crepidam. Quid? tunc omni doctrina solidiore va-  
 cuus & Theologiæ rudis, hominum eruditorum & calli-  
 dorum strophas, & σοφὰ κάπρινα, ineptissimo illi judi-  
 candi genere excipies: vera puto, quia mihi contradicam?  
 Pro quo, res in se invenio quod cinareris: Ego, quis te hortabatur, ut ratio-  
 bus, quibus ingenium, illa commentatione, illis arti-  
 culis, falso verum discernitur, & controversiæ dijudi-  
 catæ, non exercui; temerarium facinus putare debeo, si mihi  
 arrogarem iudicium de causâ religionis & Theologorum disputa-  
 tionibus: quippe qui sciam, & manibus cotidie palpare queam,  
 falsissima & absurdissima quadam refutari à me plane non posse.  
 Unde nil mirum, si & verissima nequeam defendere. Cur ergo  
 aures animumque, accommodarem curiosis & subtilibus, de sapien-  
 tia Dei, de potentia Dei, questionibus (nam & hi solemnes  
 Peregrinatoribus ineruditis scopuli obijciuntur) cum in  
 rebus cottidianis & vulgaribus non raro haream? De Historia au-  
 tem Ecclesiastica, quæ mihi afferuntur, qualia sint, juxta cum  
 ignarissimis scio; qui nunquam vastum illud pelagus ingressus sim,  
 ac ne à portu quidem aspexerim.

Si hac cautione Peregrinatores uterentur, futurum  
 erat, ut de plenioris Christianæ veritatis disciplina sibi  
 potius deinceps cogitandum, quam ad corruptam reli-  
 gionem, desultoria levitate festinandum putarent. Quan-  
 tum autem ad statum religionis in unaquaque gente pe-  
 nitius noscendum attinet, non video, quemadmodum  
 illa cura, nisi erudito eximie & pie prudenti Peregrina-  
 tori, delegari possit. Sumat, qui iudicium in eo argu-  
 menti genere cupit exercere, Honorij Reggij (Georgij Hornij)  
 de statu Religionis in Anglia commentarium; & meditetur:  
 quomodo optasset ipse in singulis partibus, descriptio-  
 nem institui; quid putasset hic illic amplius requiren-  
 dam; Unde cognitionis exactioris momenta erui, quo  
 con-

contextu, in suos necti articulos potuerint. Sed hæc altioris indaginis sunt. Nobis propositum erat, Peregrinatores, ne quid temere, præcipitanter, aut per assentationem, in religionis negotio, cujus tenerrima est tractatio, admitterent, obtestari. De omni enim, cum diversæ religioni addictis, religiosis ac civilibus hominibus, convictu, definitus dissertationi modus non patitur, ut agamus.

Sicut nec de *Curiosis artibus*, quas nonnulli Peregrinatores ut oracula sibi expetunt, sermonem ordiri licet. Non esset alias difficile ostendere, pleraque *nugis & imposturis* abundare, quæ sub tali titulo hodie involvuntur: frustra quoque ab illis tractari, qui nec eruditione, nec solertia ad discernendas naturæ vires, ad æstimanda subtilis ingenii inventa sunt instructi: temporis denique, melioribus vitæque utilioribus disciplinis destinato injuriam fieri, attendendo illis rebus, quæ plurimos, modo sub arcanae scientiæ & secretioris philosophiæ, modo sub naturalis magiæ imagine, ad verissimas superstitiones & curiosæ impietatis sacra imbuunt. Potuissimus ab Astrologia initium facere: quam, donec Theologi scripturis, philosophi rationibus oppugnarunt, semper occasionem suspicandi sibi relictam caussati sunt aliqui, quasi non satis illi mysteria mathematicarum scientiarum intelligerent. At postquam inter Principes doctissimorum Mathematicorum suspiciendus, *Petrus Gassendus*, omnes Astrologiæ apotelesmaticæ hypothesen, singulasque artificij *in Phil. Ep. tom. 2.* curiose structi partes, in propria domo, ut sic dicam, domesticisque viribus, vanitatis convicit ac funditus delevit: non video, cur repertis frugibus, glande pasci velint, quicumque probatum dare nequeunt, glandes frugibus meliores esse. nisi enim id propediem fiat, exequias ire tempus est *stulta illi filia, quæ suo apud magnates quaestu sapientem matrem (ex Keppleri dicto) alere consueverat.* Huic ergo curiosarum artium principi extinctæ, haud gravatim ceteræ naturæotechniæ, si instituti ratio ferret, minus apparere, conspeliuntur.

Tac. 2. 4.  
50. 3.

lib. 17.

ἀρχαῖα.

2. 3.

Inst. 1. II.

contra

Apian. 1.

Hist. nat.  
36. 1.

Sed vocat nos ad meliora Germanicus, Thebarum Ægyptiacarum memorijs intentus. apud quarum vestigia manebant structis molibus litera Ægyptia, priorem opulentiam complexa. Moles illas, Obeliscos vocat Strabo, in quibus fuerint ἀναγεγραφαὶ δηλῆσαι τὸς πλεῖστον τῶν πάλαι βασιλέων καὶ τὴν ἐπιμελείαν, inscriptiones quibus Regum priorum opes viresq; ostenderentur. Antiquissimum memoriæ genus columna & obelisci. Sethi columnas Josephus memorat: Jovis Triphylis auream columnam, in qua gesta sua perscripserit, ut monumenta essent posteris rerum suarum, ex Euhemero Lactantius refert. Ægyptiis autem cumprimis tribuit Josephus ἀρχαιοτάτην καὶ μεριμνώτατην τὸ μνήμης τὴν παρέδοσιν, antiquissimam & durabilem ad posteros traditam memoriam, quam luculentius commendat in hæc verba: καὶ πολλὰν ἐπιμεύσαντες πρόνοιαν τὸ μηδὲν ἀμνησεν τῶν παρ' αὐτοῖς περὶ τοῖς παρελιπεῖν, ἀλλ' ἐν δημοσίαις ἀνγεγραφεῖς ὑπὸ τῶν σωφροτάτων αἰεὶ καθιερωθῆναι. Maximopere dederunt operam, ne quid rerum suarum indictum pratermitteretur, sed publica scriptura à sapientissimis semper hominibus, memoriæ consecraretur. Quales autem litera Ægyptia, de quibus historicus mentionem facit? Haud dubie intelliguntur notæ illæ hieroglyphica, quas Apuleius & Ammianus Marcellinus vocant ignorabiles. Clarius ad nostrum locum Plinius: etenim sculptura illa effigiesq; quas videmus, Ægyptia sunt litera. loquitur autem de obeliscis Ægyptiis, ac nominatim Thebaicis; imo de illo ipso Obelisco Ramsis (s. Ramisis) Regis, cuius tempora & opes Tacitus inscriptas & Germanico expositas refert. Specimen aliquod talium literarum habemus in vetustissima Tabula Ænea seu mensa Isiaca, quam anno superioris sæculi LIX ex Torquati Bembi Museo Æneas Vicus Parmensis, viriculo feliciter assecutus omnia, expressit ediditque; Laurentius autem Pignorius tandem erudite peculiari libello explicavit.

Ipsam scripturam literis Ægyptiis consignatam ita exponit Tacitus: Habitasse Thebis quondam septingenta millia ætate militari: atque eo cum exercitu regem Rhamsen Libya, Æthiopia, Medisque & Persis, & Bactriano ac Scythia potitum; quasque

quasque terras Suri Armeniæ, & contigui Cappadoces colunt,  
 inde Bithynum, hinc Lycium ad mare imperio tenuisse. legeban-  
 tur & indicta gentibus tributa, pondus argenti & auri, nume-  
 rus armorum equorumq;, & dona templis ebur, atque odores,  
 quasque copias frumenti & omnium utensilium quaque natio pen-  
 deret: haud minus magnifica, quam nunc vi Parthorum, aut  
 potentia Romana iubentur. Quibus verbis accurata exhibe-  
 tur Thebarum notitia; & qualis observandi studio dedi-  
 tis exempli loco esse queat, cum de statu seu descriptio-  
 ne Reipublicæ quæritur. Rhamsæ, qui hic ponitur, re- 36, 8.  
 gnante, Ilium captum esse, Plinius auctor est. Si is est 127.  
 Rhampsinitus, de quo in Euterpe Herodotus, tempus non  
 disconvenit. Sub Proteo enim Helenam in Ægyptum  
 venisse ferunt: Proteo autem Rhampsinitum successisse.  
 Nec alius Regum opulentior memoratur. Cum hæc le-  
 geret Germanicus, non dubitandum est, quin de rerum  
 humanarum instabilitate & diversis vicibus cogitaverit:  
 quasi quis verbis Philonis Judæi diceret: Αἴγυπτος ποτὶ πολ- 36, 9.  
 λὼν ἐθνῶν ἡγεμονίαν ἔχεν, ἀλλὰ νῦν ἐστὶ δούλη, Ægyptus quon-  
 dam multas gentes imperio tenuit; nunc ipsa servit. Neque  
 superfuisset hæc ipsa comparisonis instituendæ materies,  
 nisi admiratio operis (obelisci) effecisset, ut cum Thebis expu-  
 gnaret Cambyfes Rex, ventumq;, esset incendio ad crepidines obe-  
 lisci, extingui ignem juberet molis reverentia, qui urbis nullam  
 habuerat, teste Plinio. Postea, moli quoque tam celebratæ  
 fatum venit: ut jam amplius, & plenius cum Philone po-  
 tuerit dici: ἐπὶ τοῖς πόλε λαμπρὸν ἔτι τιμωρίζον Αἴγυπτος, ἀλλ' 36, 9.  
 ὥς τίς αὐτῆς ἡ μεγάλη παρῆλθεν ἐνδεχία. Multam sibi  
 quondam amplitudine & majestate sua placuit Ægyptus, sed fe-  
 licitas ejus tanquam nubes præterit. Tales enim cogitationes  
 in animo Peregrinatoris, ipsa rerum celebritas excitat;  
 atque nunc præteriti memoriam temporis, nunc muta-  
 tionum vices, sortemque hominum meditanda subjicit.  
 id quod vel reliqua Germanici exempla ostenderunt,  
 cum sinus Actiaca victoria inclutos, & faciatas ab Augusto mu- 2. A. 3.  
 tabias, castraq;, Antonij, cum recordatione majorum suorum adiit,  
 magnamq;, illi imaginem tristiūm latorkinq;, reperit; itemque  
 cum



L. A. 61. cum ante id tempus, locum *Variana cladis* spectavit: nisi  
 & 62. obeliscus Thebaicus nos adhuc retineret.

Dum enim *notitiam Reipublicae accuratius descriptam* ostentat, Peregrinatores de praecipuo sui studij argumento admonere potest. In Prudentia civili comparanda, hoc est nobile praeter ceteris subsidium, si *interiorem Regnorum, aularum, rerumpublicarum cognitionem* tibi proponas animo: non sane in columnis hodie descriptam, neque illis libellis, quos ante nominavimus, nisi per rudiores lineas & formas non diu sibi constantes, expressam; sed ex ipso negotiorum tractatu, ex tabulariis publicis, ex consiliorum visceribus penitissimaque inspectione momentorum status eruendam. Ciceronis equidem praeepto *Peregrini & incolae officium est, nihil prater suum negotium agere, nihil de alio inquirere, minimeque, in aliena esse reipublica curiosum.* Certe si rebus alienis importuno arbitratu se Peregrinator ingerat, dedecori se exponet & periculo, quod ne tum quidem vitabitur, si innoxiam curiositatem, neque alienis tractandis, sed ad sua olim tractanda noscendis intentam, tempore locoque minus idoneo exerceas. Non pacebunt tibi durae, sed praesertim peregrinis, Archivi fores: nisi quatenus emittunt publicantque ea, quibus statum suum extrinsecus conspici cupiunt. Quanquam non desint plane exempla penetrabilis in hoc genere industriae: quae nunc non sine ratione queunt praeteriri. Sed reperiuntur fortasse ubique viri, omnem suae reipublicae aulaeve conditionem ingenio usuque complexi: qui nefas non putabunt, cum Peregrinatore digno & capace, conciliandisque illustribus amicitiiis per virtutis indolem apto, sermones de reipublica accuratiores & secretiore sapientia plenos cedere. Fiet hoc imprimis, si Peregrinator reipublicae destinatus, generis nobilitatem idoneis, quas dixi, artibus ita conspicuam fecerit, ut qualis in civili negotio tractando sit futurus, praevideri quodammodo possit. Tales enim juvenes animis curisque virilibus, maximus quisque virorum civilium, in varios usus futuri temporis, familiarius adhibet, mutamque

tuamque sibi aut reipublicæ suæ operam, non simplici augurandi sollertia, tacite veluti paciscitur. Nam figura elegantioris stili non utar, qua præstantes naturas arcano animorum consensu invicem dicunt conciliari.

Proximas in hoc studio partes, *publica actorum scriptura* vindicat: quando controversiæ & tractationes ad interiora Reipublicæ pertinentes conquiruntur. Hæc enim atque talia, ubi semel in disceptationem ivere, non possunt agitari, quin mysteria status, ut ita dicam, introspectantur, & sacra civitatis commoveantur. Verum, in conquirendis potioribus & rarioribus ejusmodi monumentis, non minimum laboris & sollertiæ requiritur. Pertinent huc etiam *Magnorum Legatorum commentarii*; vel ideo legendi, ut nobilibus exemplis discatur, quantum reconditæ observationis habeat notitia reipublicæ alicujus; ad cujus intimas scilicet rationes Legati curæ conformantur. Testentur de hac disciplina, illustria opera, *Legationum Philippi Canaii*, *Literarum Arnoldi Ossati*; & in arctiore scriptura *Caroli Paschalii Legatio Rhetica*: quæque ad hanc formam alia componuntur. Quod si in diversam partem exemplum quæritur, prorsus singularis est casus viri illustrissimi *Pauli Foxij Gallici ad Pontificem R. superiore sæculo Legati*: cui magno scilicet & Regii & proprii nominis detrimento stetit, quod ab animadvertendo aulæ Pontificiæ ingenio, iis rebus nixæ, quibus alii status intereunt, hominum callidiorum artibus passus est se abduci. Commemorat notabiliter *Thuanus*, arcani totius *lib. 1.* particeps in *commentariis de vita sua*.

Atque his labyrinthis quem Theseum, quæ Ariadna satis expediet? Amat aula multis involucris tegi, coloresque subinde mutat: suo ingenio dicam an artificio? Quod sicut varie ludit, & distrahit contuentium aciem: ita non minus ample patet Fortunæ ludentis mobilitas, quæ ex non opinato, modo aperte, modo oblique occulteque novum aulæ vultum fingit. Non enim dixerim, illum notitiam aulæ alicujus adeptum, qui talia cognovit, quæ in formulam aut regulam ire possunt. Placuit sane, atq;

post Albericum Gentilem & Carolum Paschaliū, studiosius erudire Legatū visus est Fridericus de Marselaer; quod inter alia, habitum Aulae Casareae, Hispanicae, Gallicae, Anglicae, Pontificiae, Ottomannicae stilo signare voluit. Sunt ista ejusmodi, ut ignorari non debeant. Sed Peregrinatori meo, facile talem plerarumque aularum cognitionem promiserim. Interiorem autem, tamque saepe commutabilem, & ad momenta politici tractatus propius valentem notitiam, altioris in explorando indaginis, in aestimando judicii esse, nemo abnuerit eorum, qui capere possunt, quod dicitur. Pauci interim sunt, pauci, qui

*clara sua possunt prae pandere lumina menti,*

*res quibus occultas penitus convifere possint.*

Neque est, quod à nobis postuletur, ut in multa caligine positam hanc argumenti partem, orationis lumine illustremus. totius enim operis res esset, non compendiarie annotationis, quam exorſi sumus.

Igitur nec ceteris Aegyptiis miraculis, quibus Germanicus animum intendit, immoramur. In quibus Pyramides; non magis mole operis, quam pecuniae regum otiosa ac stulta ostentatione nobiles, si Plinij judicium sequimur: tum receptacula Nili, fossae, & lacus, de quibus plerique, qui Aegyptum descripserunt: ut &, de Memnonis saxea effigie, vocalem sonum reddente, cujus historiam tot fabulae obscurant. Notarunt pleraque diligenter Schottus ad Ortelium de expeditione Alexandri, & Raderus ad Curtium. Philostrato ibi memorato, addendae sunt inprimis etiam Callistrati Inegesis, εἰς Μῆμνονος ἀγάλμα, sive expositiones, titulo, in statnam Memnonis. Fuisse autem Memnoniam statuam, non mechanico aliquo artificio ad sonum edendum fabrefactam, sed magice consecratam, Vernus Juvenalis Scholiastes monet; & exemplis illustrat Claudius Salmasius in notis ad Vopisci Aurelium. De cetero, jam ante innuere volumus, Antiquitatum variarum cognitionem eo prosequendam studio, quod historiae temporum, inventis artificum, interpretationi propositorum politicorum in quavis republica, lucem queat inferre. Sicut nec ipsa naturae opera

5. 2. 61.

Hist. var.  
26. 12.

6. 2. 4.

ad 19.  
26.

opera tam otiose contemplantur Peregrinator noster, sicut vulgo moris est. Ecce tibi è Gallia *Franciscum Candalem*, rara & laudabili industria, dum apud Benearnenses aquas superiori sæculo moratur, stimulum, ad conscendendum varia machinarum & instrumentorum ope Pyrenæorum montium, qua altissimi sunt, cacumen: ut dioptræ subsidio rationem altitudinis miret, omnibusque de ea re cogitandi, novaque experimenta cum veterum de altitudine montium sententia conferendi, occasionem suppeditaret; sicut *Ithamus* suavissime describit. Ita, si ad *Aegyptum* respicimus, de natura Nili, de animalibus & similibus rebus, quicumque illuc adiere, novimus disquisivisse. *Comm. de Gips. lib. 2.*

An inter peregrinandum aliquis etiam esse studiis potest locus? Equidem studiorum nomine, omnem queas Peregrinatoris cognitionem laudare. Sed nunc illo loquendi genere non utimur, cum interrogamus, *an studiis quoque vacare possit Peregrinator?* Ponam tamen aliqua exempla, quæ singulari temporis redimendi & dispensandi peritia, id est, virtute Peregrinatoribus unice apta præcellunt. De *Paulo Foxio* ita *Ithannus*: ex quo *Parisiensi* *Comment. de Vir. 1.* *Senatu* excessit, & *Legationibus* operam suam addixit, sic vitam instituerat, ut peractis negotiis, qua summa cura & diligentia administrabat, nullam sibi horam perire sineret, quam serius studiis non impenderet: videri digna sunt, quæ sequuntur de anagnostis in *Aristotele* & *Cicerone*, tum de modo tractandi eos libros. *Franciscum* autem *Cardinalem Turnonium* idem *Historicus* memorat, duxisse in *Italia* & peregrinationibus *de Vir. l. 2.* comites, homines literis præstantes, & tanta cura fovisse, ut *Arnoldus Ferrerius*, qui in ejus familia, diu ex numero eo fuerat, dicere solet, nunquam se domi tam placide & assidue studuisse, quam dum *Turnonium* sequeretur. sic enim illi in comitatu aulico usum fuisse, ut simulatq; ex equo descendisset, conclave philologis suis destinatum ante omnia adiret, & inspiceret, an capsæ librorum, quæ peculiaribus mulis portabantur, & ne mora fieret, cum illis, qui lectum & supellectilem chartaceam suam portabant, pariter incedebant, advectæ essent: quibus advectis & mensis cum

*sedilibus appositis ad studium illos hortari, ipsum vero ad regem, cui in summa rerum imperij serviebat, pergere solitum fuisse; ad prandium vero cum mensa ejus cunctis extraneis magnifice pateret, cenam ad paucos & familiares contractam fuisse, cui Philologos suos adhibebat. Beatiorum & illustriorum exempla, scio me ponere; quorum mensuram paucis contingit implere. Ad illud autem, quod dicam, omnibus æque Peregrinatoribus respondendum arbitror: Velintne, qui aliquid memoratu dignum in studio profecit, per aliquot peregrinationis annos, eorum tractatu, non sine certo decrementi, ac defectus damno, abstinere? Fieri ne possit, ut e.g. facultas Latine scribendi semel comparata, si tantum intervallum interjiciatur, quo à lectione politiori & scriptione cessaverit, non intereat? Quam in rem, ut hoc obiter addamus, utile fuerit, Philippi Sidneyj studium imitari, qui Hubertum Languetum delegerat, cujus literas subinde provocaret & repensaret, ut collatis utrinque rerum scitu dignarum observationibus, nobile scribendi commercium aleretur. Quid porro, ipsa peregrinatio ex se legendum cottidie ac commentandum Peregrinatori, qui ullius boni propositi se memorem præbet, objiciat, ex iis quæ dicta sunt, satis intelligitur.*

*Tempus est, ut videamus, qua consuetudine usus sit Germanicus, quo rerum modo conversationem & convictionem suam cum aliis, ubique temperaverit: Ex iis enim, quæ historia suggerit, cetera colligas licet. Cicero totam cum aliis vivendi dexteritatem Decorum appellatione complecti solet. Licet enim in omni genere virtutis id spectari velit, maximam tamen ejus vim in hac parte inesse statuit, quæ in consuetudine vitæ & usu convictuque mutuo versatur. quatenus scilicet, ut ipse loquitur, movet approbationem eorum, quibuscum vivitur, ordine & constantia & moderatione dictorum omnium atque factorum. Tacitus, in Germanico ad certos titulos retulit, summamque hujus laudis præsertim notabili caractere signavit in hunc modum: Magna illi comitas in socios, mansuetudo in hostes, visus, & auditu juxta venerabilis, cum magnitudinem & gravitatem summa fortuna retineret, invidiam & arrogantiam effugerat. Huic elogio*  
*exempla*

2. offe. 28.

2. d. 72. 3.

exempla è Peregrinatione subjici debent : quando legatis Parthorum, *de societate Romanorum Parthorumq; magnifice, de adventu regis & cultu sui, cum decore ac modestia respondit* : quando fœderi sociæ & vetustæ Athenarum urbi dedit, ut uno lictore uteretur : quando apud Ægyptios, multa in vulgus grata usurpavit, sine milite incedere, pedibus instructu & pari cum Gracis amictu, P. Scipionis emulatione, quem eadem factitavisse *2. A. 39. 2.* apud Siciliam, quamvis flagrante adhuc Pœnorum bello (ex Livio præcipue 29, 19.) constat : quando Regis Nabateorum convivio *2. A. 37. 6.* comiter interfuit. Multæ commentationis materies in exemplo est : sive prudentiæ in conversatione regulam, sive civiles morum notas, sive virtutis perite dispensatæ formam habitumque spectemus. Mixta quoque gravitati decore comitas, civilitas, popularitas, non anguste patient, si exequi instituas artificij quodam naturalis congruentiæ genio instructi seriem. Principis autem dignitas, inter hospitij familiaritatem, inter remissiones & curarum laxamenta, in ipsa, ut ita dicam, turba, & vulgi strepitu, salva semper & incorrupta, sublimi splendore eminet.

Quando tamen subsistere ad singula non licet, id salutem honori illustri argumenti dabimus, ut Peregrinatoris animum quodam stimulo ad virtutis expeditam eruditamq; familiaritatem incitare videamur voluisse. Primum tibi in mores Peregrinatore dignos auspiciu erit, recte de moribus hominum judicare : ne te fallat vitium specie virtutis & umbra; ne statim omnia admireris, & quicquid peregrinum est, temere domesticis præferas. Catonis vocem, experientia quondam oraculum fecit : *satis esse ingenia Græcorum inspicere, non perdiscere.* Germanis, Gallia est, quod Romanis Græcia, quæ plus mali vanique moris, quam probæ doctrinæ in Italiam invexit. Solent, qui hodie moribus componendis Peregrinatorum studia attemperant, Galliam primo loco nominare; ut agilitas illa & mobilitas, usque ad ineptias prompta, deinde Italica gravitate emendetur, & ad modum decentis mixturæ redigatur. Atque hoc plerumque est, quod Peregrinatione domum

*Plin. hist. nat. 29. 1.*



refertur; exterior quædam morum elegantia. si modo & illa, degeneri specie non vitiatur. At certe peregrina nequitia, turpitudine, vanitas abunde condiscitur, cunctisque peregre redeuntium sarcinis sollenne complementum infulcitur: ridentibus false, quos incaute admiramur. Abi ad Italos, & eorum ingenia perdisce: pulcro ex illa schola testimonio dimittendus, ut *Germanum Italico genio imbutum, malum sub humana forma demonem*, noto in vulgus disferio celebrent.

Perit nimirum, quicquid studij in moribus ponitur, nisi erudita pietate gubernetur. Ipsa quoque exterior elegantia, nihil sani coloris habet, nisi interiore animi consilio, tamquam luce illuminetur. Jam illa, quam in Germanico prædicavimus, humanitas, illa comitas; quid laudis habere potest, si fortuitæ consuetudini tantum datur, si alieni exempli impetu rapitur, varietate fluctuat, fucō inficitur? Ne fallaris, ô bone; plerique id agunt, ut vultum potius quam animum componant; ut in verbo potius, & imagine, quam in bene constitutis laudati moris rationibus omnem civilis consuetudinis famam reponant. Plena histrionali studio cuncta reperies: neque spectare modo, sed actitare fabulas necesse erit. hic vero, ut sobrium te, ut vigilem præbeas, operam dabis. Quotiens cogeris vestem induere, affectum sumere aut ponere, personam sustinere aut mutare, ex ingenio loci ac temporum; totiens animum serva tuum & unum, qui tegi interim mavult, quam ostentari. itaque sermoni, ut servo imperabit, haud sane indulgenter. Laudare facilius est & magis innoxium, quando id agitur ut semper subesse ratio videatur. reprehendere, nunquam foris tutum. Colloquium non verborum profluentia, sed opportunitas sensuum moderetur, suavitas morum commendet; procul pugnaci strepitu, aut contentionis vel minima suspicione. Amare peregre, semper stultitia, sæpe etiam miseria est. Si quis Peregrinatori meo dicat illud quod valde nonnullis placuit; *vitia non prodesse nisi ut venena, quibus adversus ipsamet vitia utendum sit*  
pro

*pro antidotis* : meminisse eum velim, incuriosos & subtiliores virtutis artes non edoctos ita loqui; cum nulli non vitio paratum certius ex honesto remedium habeatur. Cum vitandi sint, quicunque notabili morum deformitate turpantur, scelesti, invidi, stulti, loquaces, iracundi, superbi; non est majus tamen quam ab irrisoribus periculum.

*Hieronymus Cardanus* filiis suis notas fugiendorum hominum ita designavit : *Longobardo rubro, Hetrusco lusco, Veneto claudo, Hispano longo & procero, mulieri barbata, viro crispo, Græco ulli confidere nolite.* Item : *Cavete à blasfis, variis, strabus, valgis, compernibus, meretricibus, & nimium blandis hominibus : sunt enim proditores & avari, aut irrisores. Cavete illum qui verbo suo vel alieno subridet, deceptor enim est. Ego oculis tantum non tribuerim : quibus, ut exploratoribus; animo autem judice, utendum est. Explorandi officio tum recte fungentur oculi, si non tam lineamenta corporum, & habitum naturæ fortunæve, quam indicia animorum, in vultus, in gestus, in ipsas simulationes atque dissimulationes nunquam non erumpentia, sciant denotare. Si me Peregrinator interroget, quid primum, quid secundum, quid tertium in convivio & conversatione hominum poni debeat; non absurde forsitan ad singula, notitiam animorum nominarem. Sed hoc addendum est, quod pauci cogitant : alienos mores animosque nemo bene noscet, qui suæ mentis notitiam parum accurate tractaverit. Et quis, inquires, nescit seipsum? imo verò, paucissimi sciunt seipsos. Hinc est, quod plerique peregrinantium, non tam à domo & patria, quam à se ipsi peregrinantur. Sera hujus rei agnitio; crebrior tamen, quam confessio. Rarus candor, errores peregrinationis suæ, quam præcipuum auctoritatis instrumentum fere habent, eliminare; quod tempestive & in loco fecit *Methodi Apodemica scriptor.**

*Libello præ-  
ad Fil.*

*Theodor.  
26417.*

Quod si graviore tibi opus est magistro, qui te doceat; quantum omnis urbanæ vitæ, aulicique moris consuetudo prætendat simulacri, admittat lenocinij, comminica-

110.1

in VII. Sep.

miniscatur artificij; sive potius, quantum illa scena composita structa, speciose adornata distet à veris & solidis vitæ agendæ artibus; illustrem virum, multaque experientia senem laudabo *Guilelmum Budaum*; cujus memorabili commentario de transitu Hellenismi ad Christianismum, signanter hæc philosophia inseritur. Multa sunt in eo genere, quæ splendorem, decus, pretium autem nullum habent, nisi interior illa & sanctior vis moderatrix adsit, quam propius à cælo suspendit Deus, quotiens civium moribus civitatis felicitas disponitur. Sicut interim nullam gentem sine exceptione vel laudaveris vel vituperaveris (alterum enim assentatoris, alterum Sycophantæ est) ita nullum hominum genus tam communibus notis signari posse putabis, quin diversa exempla habeat. Biantis illud tamen animo non excidat, de quo *Ausonius*:

*Bis Prieneus dixit, ei πολλοί κακοί.*

*Quod est Latinum: Plures hominum sunt mali.*

*Sed imperitos scito, quos dixit malos.*

Ita quidem ille, odium ex interpretatione planiori veritus, mitigat; sed mox ἐν χρίματι ἐξηγίσσας εἰρωνικῶς ridendo dicere verum non dubitat. audiendus tibi vel maxime, qui peregrinarius, ut ἀνῆξι κακίαν seu virtutem malos ferre doctam, pro scuto amplectaris.

Sed quis modus sermonis, si per ambages vitæ peregrinatorem nostrum velimus circumducere? Pauca adjiciam, quibus studij apodemici pleraque dirigi consentaneum est. Peregrinatio error est, vanitas, & quidvis potius, quam liberale studium, nisi per omnia memineris, ad civilem societatem, quicquid vivitur, & vivendo discitur quæriturque, ita referri, ut civis, imo hominis nomine indignus sit, qui ejus rationes & proposita vel negligit vel violat. Hujus porro societatis rationes, non fingi ad opiniones nationum gentiumque, sed ad summi Rectoris mentem formari oportere: non enim civitas tantum inter Christianos quæritur, sed Dei civitas; neque felicitas civitatis alia in mundo est, præterquam quæ Deum habet auctorem. Qua sit via ad hanc metam con-

ten-

tendendum, quid domi eo nomine agendum, quid peregre comparandum, inferendumque, brevis regula est, si in conspectu Dei nos peregrinari, nunquam obliviscamur. Ita enim dabitur opera, ne apud peregrinas Sirenes domi esse, apud patrias deinde Musas peregrinari cupiamus. Magno animo opus habet Peregrinator: non enim alius capax est disciplinæ, de qua loquimur. sed elatio animi & superbia mentitur magnitudinem, non præstat: omnemque profectum altiore minuit, aut impedit. Parvi pravique proprium est animi, de Peregrinatore proditorem patriæ facere. Tales sunt, qui peregrinas scorias domestico auro præferunt; & sinceritatem patrij moris extraneo fuce corrumpunt; avitas denique virtutes, novis undique convectis vitiis obruunt extinguuntque. Nimirum, sicut mercibus probis intactisque destituti, improbas & obsoletas mangonico studio adornant: ita veris Peregrinationis opibus parandis impares, quisquiliis & sordes collectas in pretio haberi cupiunt. Sed qui exemplis sæculi se permiserunt totos, surdas ad ejusmodi monita aures habent: errant, non peregrinantur; transeunt vitam, non vivunt. quibus, ut ad se redeant, bonam mentem precamur; & ad ea, quæ ultimo dissertationis loco disposuimus, progredimur.

## COGNITIONIS *Peregrinando* *quæsitæ* FRUCTUS *summatim* delineatur.

Argumentum cognitionis omnisque ejus observationis, cui peregrinantes intentos esse juvat, latissime per omnem vitam, imo per omnem naturæ amplitudinem pater; id quod ostendere *Tabellus*, & *exemplis singularum Urbium* aggressus est, quem ante laudavi, *Zvyingerus*. Sed nobis opulentioris methodi videtur designatio, quam curiosi Peregrinatoris ingenio inscribit, illa sciendi cupiditas, nihil inobservatum dimittere solita; suumque sin-

gulis rebus, vel in praesidiis, vel in ornamentis vitae, usum admetiri gnara. Sufficiat, inde pauca quaedam, ad excitandum potius quam condoces faciendum Peregrinatorem, delibasse. Nec de *Fructu* omnis ejusmodi cognitionis prolixè admonendus est, qui meminit, vitae discendum, vitae domi, vitae peregre studendum: vitae, inquam, tum privatae, tum publicae. Aut, si brevius agendum sit, Reipublicae causa, in qua privata omnia continentur, peregrinandum esse dicemus. Qui ergo ex Peregrinatione sua instructior scientia, cultior moribus, promptior actu, prudentior usu, ad rempublicam gerendam ornandamque accesserit, is demum illustris Peregrinatoris mensuram judicabitur implevisse, fructumque sui laboris exoptatum reportasse: siue *Experientia* elogio is nominetur, siue quibuscumque aliis titulis, ad promptius elegantiusque tractandam civilis vitae consuetudinem pertinentibus, insigniatur.


Quantus in hoc genere laudis Germanicus fuerit, cujus tota fere vita peregrinationum studio fructuque exsplenduit, Historia signate deprædicat: neque dubitare nos sinit, qualem res Romana Principem fuisset habitura: cui hoc ipsum sub tyranno fuit exitio, quod dignissimum imperio visus est omnibus, antequam imperaret. Disputarunt olim, *an aliqua sit ars vite; an ea doceri* *hypoth. pyrrh. possit; an habenti sit utilis?* Quæ sicut apud *Sextum Empi-* *l. 3. & adversus ricum* ad scholam magis quam ad vitam accommodata *mathem. lib.* disquisitione agitantur: ita Peregrinatoris nostri exemplum loco responsionis & demonstrationis constitui posse opinamur. Qui literarum causa peregrinantur, eximios doctores audivisse ac eruditionem insignem reportasse, instar opimi fructus habent. *Euclides Socraticus* currit de nocte ad præceptorem suum; periculumque flagranti studio suo objectum astu declinat, apud *Gellium*. *Tullius Cicero*, non contentus his doctoribus, quorum ei copia in urbe contigerat, *Achaiam quoque & Asiam peragrat*, ut omnem omnium artium varietatem complecteretur, sicut ipse in *cap. 91. Dia-Bruto*, & ex eo *Fabius* refert. Idem *Tullius*, *Marcum filium*

filium Athenas ad Cratippum tanquam ad mercaturam bonarum *log. orat. c. 30.*  
 artium proficisci jubet. Cujus generis plurima possent *l. off. 2.*  
 adferri specimina, nisi jam antea hunc locum in aliud  
 tempus placuisset differre. Illud unum nunc volumus  
 dicere: sicut doctrinæ opes cumulare student, qui litera-  
 rum causa peregrinantur: ita civilis illa peregrinatio &  
 illustribus hominibus apta, de qua hactenus agimus, ar-  
 tem artium; tractandæ scilicet vitæ publicè privatimque,  
 graviter, decore, promte, adeoque ad honestatem &  
 usum socialis conjunctionis accommodatæ; sibi propositam  
 habet.

Ab hoc scopo non mirum est excidere illos, qui  
 nec animo moribusque emendati, nec disciplinis idoneis  
 instituti, nec proposito graviore instigati, temere ad pe-  
 regrinandum discurrunt; Socraticamque tandem censu-  
 ram merentur. Nam Socratem, querenti cuidam, quod nihil  
 sibi peregrinationes profuissent, respondisse ferunt: Non imme-  
 rito hoc tibi venit; tecum enim peregrinaberis. Dixi hoc ver- *ep. 104.*  
 bis Seneca: qui alibi rem eandem iterum narrat explicat- *ep. 28.*  
 que: Premit te eadem causa, quæ expulit. quid terrarum ju-  
 vare novitas potest? quid cognitio urbium aut locorum? in irri-  
 tum cedit ista jactatio. Queris, quare te fuga ista non adjuvet?  
 tecum fugis. Quid ergo? sapientia, rerum omnium maxima,  
 in itinere colligitur? Ita quærit rursus Seneca. nos respon-  
 debimus; nisi in animum genio ac disciplina meliore  
 præparatum, prudentiam veram non intrare. Addemus-  
 que, hujus demonstrationis ergo, exemplum Poncetii il- *Thuan.*  
 lius: qui superiore sæculo ob Peregrinationum variarum *lib. 57.*  
 famam Carolo IX. Galliarum Regi innotuit; atque con-  
 siliis barbarum componendarum adhibitus, prudentiæ  
 peregrinationibus quæsitæ infelicissimum specimen dedit:  
 quando Regiam imperij Gallici administrationem ad Tur-  
 cici dominatus exemplum reformari, iis rationibus suasit,  
 quæ facile ostenderent; neque religionis, neque fidei,  
 ulliusve honesti moris curam in animo vagæ calliditati  
 intento, nec judicandis rerum temporumque momentis  
 allucto, locum unquam habuisse.



Esset sane non alienum ab re proposita, enarrare ac describere; quæ pro exoptatis fructibus, mala in rem Germanicam Peregrinationes nostratium intulerint: quidque publice hinc, quid privatim detrimenti ceperimus. Sed, cum omnia cogitamus, major forte ratio fuerit, domestica infortunia silentio operire. Faxit Deus, ne, quod in terrarum orbe passim accidit, cives Germani in posterum, post obitas varie peregrinationes, perpetuo in patria sua errore peregrinentur! Potuisset etiam sermo institui, de reportandis redimendisque rerum notabilium omnis generis speciminibus. cum præsertim nemo fere lautioris fortunæ peregrinator non aliquas merces exoticas secum referat, delectu non semper felici. Verum, expleto annotationis & paginarum modo, tandem hic subsistendum est.



# DE NOTITIA REIPUBLICÆ.

ad

C. CORN. TACITI IV. ANNAL. 33.

*De Notitia Reipublicæ Taciti sententia proponitur. Notitia communis declaratur; quatenus non ita est expedita, sive in simplicibus, sive in mixtis formis: præsertim ubi mixta ex tribus specimen quaritur. causæ difficultatis alia annotantur.*

**I**nfirmitas Reipublica ut aliena, corruptam rerum Romanarum historiam esse, præsertim ex quo sublata libertate, nova imperitandi forma obtinere cœpit, initio Historiarum Tacitus animadvertit. Nostra ætas non tam memoriarum suarum & annalium damna, quam publicæ tranquillitatis primo vulnera, inde clades, & mille mala deplorat, postquam alicubi terrarum, ignorantia Reipublicæ in vulgarem, sive errorem, sive affectum transiit apud eos, qui reipublicæ tractandæ non adiutores modo sed auctores haberi cupiebant. Erit igitur fortassis nec inutile nec intempestivum, si ex nobili dissertatione C. Cornelij Taciti, cum annali quarto fere medio, propositum sui operis noscendæ Reipublicæ potissimum destinati exponit, quæ huc pertinent ita consideremus, ut copiosam & integri voluminis materiam inchoasse tantum, ac veluti vestigia ac lineamenta quædam ostendisse videamur.

Ait Historicus: viro vere civili atque reipublicæ intel-  
lectum usumque professo, nullum potius sapientia talis institutum

*aut argumentum proponi, quam interiorem reipublica sua notitiam; sive in Principatu, sive in Procerum, aut Populi regimine vivatur. eam vero notitiam præcipue historia comparari. se utiq, in Annalibus condendis id consilij secutum esse, atque, ut Principatus sive singulari imperij Roma à Caesaribus instituti cognitionem lectoribus historia Augusta conciliaret, studiose elaborasse.*

Communis & vulgaris notitia rerumpublicarum, sicut obvia disciplina percipi putatur, ita ad institutum nostrum & Taciti judicium eximie non pertinet. nisi quod, civilium rerum studiosis sub exemplo hujus philosophiæ, quantum à profectu solidiore plerumque absint, qui multum sapere videntur, demonstrari oportere judicamus. In definiendis quippe, distinguendis, numerandis, comparandis generibus regiminis civilis, nemo non disertus & eruditus esse gaudet. At ubi in rem præsentem ventum est, quàm sunt pauci, qui valeant discernere rempublicam à republica, qui constanter ac æquabiliter definire audeant, quod de statu habituque civitatum ac populorum quæritur? De Romana Republica, ex quo Reges habere desiit, usque ad id tempus, quo sub Cæsarum nomine institutum est denuo regnum, etiam docti & prudentes dubitarunt: dum alij, ut de optimatum Regimine pronuntiant; nonnulli populo omnem imperij vim tribuunt, quidam ex diversis constitutam formam; neque hi tamen omnes eodem modo interpretantur. Neque aliter evenire solet circa Venetorum Rempublicam: quæ cum vere & proprie optimatum auctoritate regatur, plurimi mixtum regiminis genus describunt, & quodam modo commentantur. Licebit ita progredi observando (neque enim deest magna vis exemplorum) ut intelligatur, non esse tam in promptu plerisque, vel ex primis civilis doctrinæ elementis respondere, quotiens, qua formâ reipublicæ hæc aut illa civitas utatur, in quæstione ponitur. Et videtur hoc tamen in lata quadam & exteriore notitia ponendum, si quis sciat, hunc populum jure regio gubernari; illi optimates præesse; in isto omnes omnia posse.

Nam

Nam ubi diviso imperij jure miscetur regiminis forma, facilius, certe frequentius aberratur. Atque hic scilicet est campus disputationum curiosarum, in quo vel palmam vel lusum quæri, prout quis scholæ aut vitæ rationibus est additior, satis constat. Inveniuntur, qui ad usum & exempla civitatum parum intenti, nimis refugiant omnem imperij communicationem. His, ut obtinere in civili doctrina videantur, quod volunt, adjumenta ex naturæ obscuritate emendicare necesse est, in quibus suæ causæ præsidium constituent. Sunt ex diverso, qui temperatas mixtasque è diversis formis republicas tanto studio affectuque prosequuntur, ut ubique credant se reperire statum, qualem suæ philosophiæ proposito semel consentaneum destinarunt. Videmus aliquid tale accidisse illis, qui optimum regiminis genus decreverunt, quod ex omnibus imperandi formis veluti delectum temperatumque esset. Exempla enim, quibus interdum utuntur, parum convenire tali proposito possunt. Ita magnus ille *Polybius*, in Consulibus Romanis, vim regiam; in senatu optimatum imperium; in multitudine, populi potestatem, dispensato partitim jure, agnoscit, ut conficiat; præstantissimam esse Romanam Rempublicam, in qua omne genus regiminis permixta virtute inesset.

lib. 6.

Sed qui ex rerum usu actuque prudentiæ rationes disponunt, abunde vident, fingi potius quam formari posse, illam temperationem reipublicæ, in qua unaquæque ex tribus, quod habet eximium & perfectum, conferat atque contribuat: τὸ εὐκρινὲς τῇ συγκατασκευῇ ἐκ τριῶν εἰδῶν ἑκάστης πολιτείας συνισταμένης, ut loquitur auctor libri de Republica, apud *Phorium*. Itaque *Tacitus* noster, cum tres *Biblioth.* usitatiores reipublicæ formas (εἰδὴ καταστάλα, plane ad *cod.* 37. mentem Historici vocat *Dio Chrysostomus*) nominasset, *judicio* vere pragmatico addit: Delecta ex his & constituta reipublica forma laudari facilius quam evenire, vel si evenit, haud diuturna esse potest. De tribus usitatissimis imperiorum formis ita pronuntiat *Tacitus*, ut alias non neget, sed *judicet*;

orac. 3.  
de reg.

dicet; neque omnem mixturam tollat, sed unum mixturæ genus examinet. modestâ autem censurâ philosophiam eorum declinat, qui in argumento civilis operis & quod actionibus hominum moribusque continetur, nimium sectantur *ἀνέβηται* quandam & perfectionem omnibus numeris absolutam. Hi, dum ubique non nisi quod optimum est quærunt, facilius in libris rempublicam quàm in civitate ædificant. quod Platoni totiens Aristoteles objicit. Hic enim non speciosa dictu sed effectu prompta aut certe non nimis ardua quæruntur. Tali ferme sententiâ iis respondet *Dio Chrysostomus*, qui *δημοκρατία* ad perfectæ virtutis civilis ac felicitatis laudem adornare solent: *ἡμετέρις ὄνομα ἐς πᾶσι εἶπερ ἐν δυνάσει*. civile, inquit, & moderatum nomen est popularis imperij, si tam facile constitui quam laudari possit. Accedit fragilitas & inconstantia illius mixtæ ex omnibus compositæque formæ. quo fit, ut vel numerari inter nomina civili societati & usui accommodata, vel optimi regiminis nomine insigniri desinat. Atque hoc iudicium Taciti, in hunc diem adeo comprobavit experientia, ut non possit dari exemplum notabile Reipublicæ vere ex tribus illis formis constitutæ. Nam quod prudentissimus *Contarenius* in Republica Veneta hujus rei imaginem facunde designat, in eo licet agnoscere imitationem exempli Polybiani, & philosophiam ad laudandum potius, quàm sententiam ad judicandum comparatam. id quod amplius æstimari poterit ex iis, quæ mox circa mixtas formas annotabimus. Qui confœderati Belgij exemplum huc referunt, vel exteriori rerum specie falluntur, vel ingenio indulgent.

Reperias etiam, qui de forma suæ Reipublicæ ita differunt in publicum, sicut utilitas imperantium, aut proposita & arcana status, sive etiam studium animi affectusque suadere videntur. Ne de consuetudine populari dicam. cujus vocabula vix immutant prudentes. Est, cum ipso tractatu reipublicæ invaluerunt certe formulæ modique agendi ac loquendi, quibus non describitur, sed figura exteriori tegitur civitatis disciplina, A quâ sæpius

pius, nec unas ob causas, longe abhorret ipsa administratio rerū & habitus imperii, qualis se primum intuentibus offert.

Jam, ubi vel occulte mutatur, vel aperta vi vertitur status reipublicæ, quotiens solenne schema novi imperii adornatur, simulatio antiqui? Ea propter abunde erabit, quisquis de forma regiminis ex verborum specie, aut exteriori administrationis civilis habitu, judicium repetere instituerit. cum præsertim nulla ferme possit nominari respublica, quin sui status jura, variis simulacris, tanquā rem sacram scilicet, religiosis involucris vestiverit ac prætexuerit.

Qui hoc intelligunt, de mixtis formis nec facile, nec temere pronuntiabunt. Non enim statim misceri aut communicari regimen putandum est, quod ex diversis aliquid temperamenti mutuatur. Quin imo in omne genus imperii, communis aliqua ratio & usus, ejusmodi moderamen invexit, ut Regnum plerumque Aristocraticis rationibus temperari; Optimatum jura, in communionem quandam cum Populo descendere videantur, nam de Multitudinis imperio certum est, Democratiam vix inveniri aut conservari posse, nisi optimatum auctoritate probe attemperatam. ut fortasse frustra nunculant opere in Democratias invehantur. quales enim ipsi animo concipiunt, id est, crudas & meras, sicut consistere nequeunt, ita vix hodie dantur.

Cum autem, non specie sed revera miscentur regiminis formæ, nova difficultas in dignoscendo judicandoque exoritur. Instabilis enim & inæqualis ejusmodi reip. habitus, etiam prudentum sententias distrahit. In libera Republica Romana (nam hoc exemplo *Tacitus* rem declarat) quamvis senatus populi que communia jura mixtam constituissent imperii disciplinam: tamen, quia modo Patres multum prævalebant, sæpius populares partes, altius quam pro modo communicati juris eminebant; igitur neque statim neque omnibus in expedito fuit, institutamne primum formulam, an postea nec bono more subnatam, potius respicerent aut appellarent? præcipue, cum satis appareret, non diu in eodem statu res mansuras, sed vel ad mixtum genus reditura omnia, vel certe neutram partem ita concessuram alteri imperio, ut spem recuperandi



amitteret. Hæc quia non sine aliquo strepitu & rerum animorumque perturbatione geruntur, post eventum facilius, & apud posteros, quam in re præsentī, qualia sint, animadvertuntur. Nonnunquam, inæqualiter ab initio statim constituta communicatione dubitari solet, an mixti regiminis nomen mereatur is rerum status, an vero quæ pars plus potest, ea & titulum Reipublicæ & habitum conciliet.

His fere causis evenire potest, ut implicetur quæstio, quæ nihil expeditius primo aspectu videtur, cum quâ forma regiminis reipublica aliqua gubernetur, respondendum est. Quippe illa communis notitia reipublicæ participat aliquid de interiori cognitione, quotiens non temere aut vage tractanda est.

*Interior notitia reipublica exemplis Romani imperii à Tacito delarata, varietate temporis metienda est: sive, cum transitu rerum forma regiminis mutatur, sive cum manet. unde hæc prudentia viro civili & reip. accommodato propria est, qui eximio elogio callidus temporum ab Historico dicitur. Inserta obiter de appellatione Politici præunitio. Theophrasti Πολιτικά πρὸς τὴν καίρῳ. Quomodo comparetur talis cognitio reipublicæ. Quam sit utilis & necessaria.*

Interior autem illa notitia reipublicæ à Tacito seorsum veluti exemplis à Rep. Romana per diversa regiminis genera propositis describitur. In statu libertatis, sicut antea dictum est, communicato inter populum & senatum imperandæ

randi jure, vix unquam diu, potuit teneri moderatus ille & cōsors civitatis status, quin sua uterque ordo jura amplificare & supra alterum valere contenderet. Neque alius illorum certaminum eventus fuit, quàm, ut modo *plebs valida esset, modo patres pollerent*, quod Tacitus hoc loco annotat. Sed hæc certamina externis subinde periculis & assiduus terroribus domesticam concordiam resarciētibz, non divulsere rempublicam. Stetit alterna ordinum potestate, donec crescentibus cum ipsa magnitudine imperii vitiis, secura jam potentia, morem popularium partium & senatus factionum, ac deinde omnium malarum artium invexit. Ibi rursus antiqua certamina, sed longe violentius & periculosius exarsere: modo *turbulenti tribuni, modo consules prævalidi* (mod iterum Tacitus alibi notat) non jam alternum populi & optimatum imperitum, sed dominationis importunæ & tandem libertatem everfuræ vices referebant. Ita bellis civilibus mox exortis, diuque per easdem vices revolutis successit Principatus & unius imperium, sub mitiori nomine vim prorsus regiam completum.

2. H. 18.

Igitur ut olim *plebe valida, vel cum patres pollerent, noscenda vulgi natura, & quibus modis temperanter haberetur; senatusque & optimatum ingenia qui maxime perdidicerant, callidi temporum & sapientes credebantur: sic converso statu, neque alia rerum quam si unus imperitet, hæc* (quæ Annales Taciti memorant) *conquiri tradique in rem fuit.* Hæc verba Taciti satis ostendunt: interiorē reipublicæ notitiā variari temporibus, nec in una republica semper unam esse. Evidens id quidem est, quando ex mixto in simplicem statum, ex forma in formam transit respublica, ut quæ modo Aristocratiā utebatur, deinceps Democratiā, alio tempore Regnum suscipiat. Quamquam tum quoque ipsa momenta temporis, quibus mutatio talis accidit, observare, arduum & sæpe anceps est, sicut eam cautionem paulo ante attigimus. Et alias, magnis documentis copiosam commendavimus historiam sæculi, quod à Gracchanis tumultibus ad formatum ab Augusto Principatum res Romana numerat:

sicut præsertim à Cicerone, Dione, Appiano, Plutarcho, Cesare describitur. quibus non minimum momenti adjeceris, ex iis, quæ Salustius, Suetonius, Tacitus, subinde brevi mentione, sed gravi judicio perstrinxere. Quis prudentium illis temporibus satis prudens? quis perspicacium satis oculatus? Dum magnus ille orbis Reipublicæ lento & operoso tractu vertitur, moveri suo statu sapientiam, & agitari & perturbari consentaneum est. modo caligine involvuntur illæ machinæ, quæ occulto attrectatu & arcano impulsu movent totam molem: modo ipsa motio, trepidationem stantibus, confusionem turbantibus, stuporem jacentibus & inertiam resurgendi depressis, injicit. nunc tempestatis sævitia visum sensumque obruit; nunc varie speciosa Iris & allicit obtutum oculorum & distrahit. Itaque hoc intervallum fuit, quod in Notitia Reipublicæ aliquis imitatione Varronianæ Chronologiæ ἀσφαρ sive obscurum dixerit & incertum.

Interim, etiam cum manet Reipublicæ forma, neque conversio publici status imminet, subinde aliqua inducit tempus ac insinuat nova, singularia, denique ad habitum regiminis pertinentia. Ita comparata est natura civilis disciplinæ, ut intendi, remitti, temperari, augeri, deflecti, varieque immutari, id est temporibus obsequi gaudeat. Omnis enim illa varietas, temporis quasi partus est, sicut postea rectius declarabitur.

Hinc est, quod intelligentia usuque temporum, tanquam fine, omnem hanc interiorem Reip. notitiam, adeoque prudentiæ civilis laudem, quæ inde nascitur, terminavit Historicus noster. *Callidi temporum, & sapientes credentur*, inquit, qui rempublicam suam expedito in omnia rerum, hominum, temporum momenta judicio provisuque perdidicerant. Elogium posuit, quo non aliud potest esse viro vere civili convenientius & gloriosius. sui sæculi, suæ reipublicæ, suorum tempororum homo sit necesse est, quem sapientis & politici nomen honestare debet.

Nam, ut à vocabulo Politici, postquam in publicam omnis civilis administrationis in Europa formulam ivit, per-

pertinaciter abstinenceamus, nulla idonea ratio permittit ; & vel antiquissima *Ciceronis* nostri auctoritas dissuadet : qui multis in locis, vix satis commode & signate efferri, quæ dicenda erant judicavit, nisi vocem πολιτικὴν adhiberet. Quod autem homines inepti modo inscitiae suæ specimina, modo variae vanitatis argumenta talis honore tituli cupiunt describere, id obstare non debet, quo minus meliori ratione exemploque locum inveniat vox, vel suo jure recipienda, si adhuc in usum vulgi non venisset, vel postquam vulgo recepta est, immerito aspernanda. Si enim temeritas abutentium, etiam bona verba potest nobis invisa reddere, quid futurum est de nobilissima Critici appellatione, quam flagitiis haud minoribus, non unum genus hominum in hunc diem temerare solent ? Ne de omnium honestissimarum artium ac scientiarum nominibus, quibus hæc ratioecinatio infamiam minitatur, nunc dicamus. Et in Academicis quidem, in tota docendi gravitate libenter debemus ac diligenter ore Veterum sensuque philosophari : ita tamen, ut præsentis sæculi verbis aliquando sive allicere sive erudire homines, sicut cujusque animo aptum est, haud nefas esse reputemus. Cum præsertim latere nequeat, quomodo aliter malimus loqui, ubi doctrinae causâ pauca sæculo verba indulgemus : verum illa appellatio, quam tali præmunitione à calumnia in hoc transitu vindicare volumus, fortasse non opus habet, novitatem suam excusare.

Itaque ad id redimus, quod cœpimus dicere : Virum civilem & sapientem, cognitionem suæ reip. temporibus metiri atque gubernare debere. cui proposito valde conveniret *Theophrasti* alicujus disciplina. Hujus enim summi viri opus extitisse scimus, Πολιτικὰ πρὸς τοὺς καίρους, in quo haud dubie pro insigni & prudentiæ & eloquentiæ facultate, qua pollebat, ostenderat, quæ essent in republica inclinationes rerum & momenta temporum, quibus esset moderandum utcunque res postularet. ut *Ciceronis* nostri verbis declaremus inscriptionem operis *Theophrastei*, cujus jacturam deplo-  
ramus.



Verum, quis succedet, inquires, in locum Theophrasti, & unde omnino interiorē illam reip. cognitionem repetere, quave disciplina instruere tandem poterimus? si Tacitum audimus, Historia est, quæ nobilissimam hanc civilis sapientiæ partem nobis promittit. Est quidem (neque dissimulamus) naturalis quoque observandi judicandique sollertia, quâ decora ingenia, tum ceteram reip. suæ conditionem, tum rationem & inclinationem temporum, cum quibus reipublicæ habitus subinde variatur, pervidere, discernere, comprehendere solent. neque profecto ab hac diligentia inquirendi, perspiciendi, notandi, unquam cessare licuerit homini in republica ita versaturo, ut noscat rempublicam. Sed quam sit rara hæc facultas, quam serus & exiguus hac via profectus, cottidiano rerum vitæque usu satis constat. Et hoc est, quod Tacitus dicit: *pauci prudentia, honesta ab deterioribus, utilia ab noxiis discernunt: plures aliorum eventis docentur.* Imo illi ipsi pauci, id est, eximiae singularesque naturæ, quibus prima ingenii animique fors contigit, penitus feliciusque in recondita suæ reipublicæ introspicient, si prudentiam ingenitam, historiæ tanquam lumine adjuvare non neglexerint. Qui autem negligent? nobilissimo cuique ingenio amor & studium non historiæ minus quam reipublicæ, tam alte insigitur, ut evelli nequeat. adeo conciliatione aut commendatione opus non est.

Cum autem Historiam, potissimum noscendæ reipublicæ instrumentum commendat Tacitus, & suam exempli ergo nominat, palam est, nobilia illa, decoris tantum ingeniis pari prudentiæ & sermonis facultate condita monumenta designari. Non desunt enim, qui inscitia reipublicæ suam historiam & lectoris iudicium pervertunt. Et debebāt equidem omni historiæ propositum esse, ut habitum reip. temporumque, quibus dicendis occupatur, accurata quadam & interiorē notitia, qualem hic spectamus, declararet. verum, cum alius Scriptorum magis diligenter & feliciter, alius minus exacte huc respexerit, omni laudatione superior est Taciti in hoc genere calamus. qui  
nihil

nihil omisit in *Annalibus*, quod ad ingenium Principatus & Principum, ad consilia & artes dominationis, ad habitum denique rei Romanæ, qualis per ea tempora erat, pertineret. Atque in hoc instituto, non voluptati sed profectui lectoris inserviendum sibi duxit, diserte testatus, profutura sane illa primo aspectu levia quæ scriberet, quamvis minimum oblectationis afferant. In momentis enim reipublicæ pernoscendis, curiosa quadam subtilitate, non tam speciosa & jucunda quam recondita & abstrusa, sæpius requirenda sunt. quæ cum dispergantur locis, nec ad usum tamen sui valeant, nisi sub uno quasi integroque conspectu posita, excogitata est & usurpata Historicis ratio, quæ vel initio operum, vel in serie narrationis, quæsitâ occasione, rempublicam semel describerent, partesque singulas, quibus modis habitæ sint, recenserent: statum imperii, habitum animorum, apud diversas partes, apud singulos ordines, denotarent. Id Tacito, id optimo cuique olim & hodie usitatum, quamvis insigni præparatione animum legentis erudire possit, longe tamen plura sunt & interiora, quæ veluti ex ipso reipublicæ tractatu, contextu actionibus, disposito exemplis, perscripto formulis, annotatio prudentis Historici suppeditat.

Idem de reliquis noscendæ reipublicæ præfidiis judicandum: quorum nullum cum Historiæ virtute & institutione comparaveris. Experientiæ enim & ejus observationis, qua quis suæ aut alienæ reip. peritiam quærit, tarda multisque obsepta impedimentis, & vix unquam plena est disciplina. Neque in peregrinatione, quæ experientiæ pars censetur, tantum adjumenti est, quin curiosos in alienis rebus oculos sæpe deludi, credulitatem plerumque decipi, cognitionem qualemcunque ipsa temporum rerumque mutatione irritam reddi necesse sit. Jam, quantum ad monumenta publica attinet, ut nihil dicamus de antiquissimis columnis memorialibus (liceat ita vocare) quales Sethi, *Iosephus*; Jovis Triphylii, *Lactantius*; ex *Erbemero*; Thebanorum in Egypto *Tacitus* memorant: commentarii quidem & acta cujusque reipublicæ, quæ



Ἀρχῆον aut Archivum posteriores dixere, ad notitiam, quæ  
 nunc laudatur, plurimum queunt conferre; neque quid-  
 quam in hoc studii profectusque genere, magis jactari aut  
 ambiiri solet. Sed Historia res delectas ex acervo, signa-  
 tas insuper judicio exhibet: quæ vel aliam in actis for-  
 mam induunt, præsertim cum publicantur; vel conqui-  
 sitione sollicita vix ad intelligentiam reip. ordinandam con-  
 gregantur. Superest eorum diligentia, qui Respublicas to-  
 tas literis & operibus describere. Equidem ex quo sapi-  
 entia literis coli cœpit, peritissimus quisque eruditorum,  
 Descriptiones Rerum publicarum ediderunt. Laudant hoc  
 nomine *Diogenes Laertius* & *Photius*, summos viros; in his  
*Aristotelem*, *Theophrastum*, *Xenophontem*, *Heraclidem Ponticum*,  
*Nicolaum Damascenum*, aliosque. nec omiserunt hoc industriæ  
 genus propiores ætates, satisque noti sunt eorum conatus,  
 qui descriptiones omnium imperiorum & rerum publica-  
 rum totius orbis à variis scriptoribus compositas, magnis  
 voluminibus collegerunt. De quibus descriptoribus ne  
 quis plura sibi polliceatur quam par est, non ignoscendum  
 est: paucissimas illarum satis erudite diligenterque con-  
 structas esse. reliquæ fortuitis auctoribus laboribusque æ-  
 stimantur. In multis opes tantum imperii describuntur;  
 earum rerum, quæ ad statum habitumque regiminis per-  
 tinent, parva aut nulla mentione facta. Et quia interiora  
 sui status momenta publicari, vix æquo interdum animo  
 ferunt Respublicæ, fieri solet, ut ii, qui veram & accura-  
 tam cognitionem patrii regiminis sunt adepti, descriptio-  
 nibus ejusmodi abstineant; ne faciant, quod publice in-  
 gratum esse posset. Quid? quod in imperiis semper ali-  
 quid immutatur. Hæc ratio magnos viros movet, ut sæ-  
 pe parum credant consultum esse, publicari descriptiones  
 rerum publicarum: ne homines talibus rerum vicibus &  
 formis judicandis impares, dum ad unum omnia tempus  
 exigunt, erroribus implicentur, nec sibi nec reipublicæ  
 profuturis. Illi certe vehementer errant, qui descriptio-  
 nes statuum & imperiorum ex designata semel formula &  
 libris, quales supra nominavimus, semper repeti debere  
 statuerunt.

Unde-

Undecunque interim repetatur, certum est, interiore illa cognitione reipublicæ nihil ad civilis actus nominisq; laudem præsentius esse atque efficacius. *Ad consilium de reipublica dandum, caput est nosse rempublicam,* inquit Cicero. Consilium de republica capere vel dare, summa est omnis prudentiæ. Consilium de republica, Principis est, ut auctoris, ut domini. sive apud plures residet majestas, consiliū semper majestatis auspiciā sequitur. Nam quod minister Principi, Senator Reipublicæ dat consilium, non est privati muneris ista fors, sed fortunæ publicæ, quæ suæ amplitudini ex privatis nominibus accommodat, quicquid ratio imperandi postulat. Manet interim proprium & peculiare imperantibus, rerumque summæ divinitus præfests, consulere de republica & consulere reipublicæ. cujus officii caput est, ut hoc iterum cum Cicerone dicamus, *nosse rempublicam.*

Omne imperandi auspiciū, consilium, artificium, ex reip. penitus inspectæ momentis ordinatur, neque alia potius imperatoria est virtus, quàm in præsentī semper conspectu positam habere civitatis disciplinam, immergere perspicaces oculos in omnem civilis status contextum, notare vices temporum, factorum, negotiorum; judicio complecti quæ cerni nolunt, provisu ad abdita pertingere, genium reipublicæ, nunquam adversarium, semper autem familiarem sibi reddere. Falluntur, qui ex libellis & curiosorum hominum discursibus, sicut appellari volunt, nosci posse autumant, quibus reipublicæ habitus gubernatur aut custoditur. Præsentioris disciplinæ est ille profectus, quem hora & dies extemporalibus intervallis distinguunt & novi semper eventus componunt.

Jam, quibus civilis obsequii gloria relicta est, licet quædam de habitu reipublicæ, imperantium scientiæ singulariter debita, nescire salva officii sui necessitudine possint, & interdum fortasse debeant, præcipui tamen de cetero muneris putabunt, nosse rempublicam; vel ad fidem boni civis conservandam, vel ad artes obedientiæ ex usu publico privatoque tractandas. Nunquam fere defunt rebus publicis elati, inquieti, perniciosi cives, qui civilem

disciplinam longe aliter describunt, quàm par erat. His respublica, tanquam imago cerea, varie fingitur, flectitur, coloratur. quo fit, ut in errorem inducantur, quibuscunque ad veram reip. cognitionem acquirendam vel ingenium vel industria defuit. Quàm vero sint miseri errores, qui de republica contra remp. errantur, assiduis bellorum civilium perturbationibus, apud multas gentes, alicubi etiam infami omnibusque maudito sæculis parricidio, in hunc diem comprobatum est.

*Cognitio reipublicæ interior in Democratia, summa prudentia Democratica. Natura vulgi. Tractatio vulgi. popularis gubernandi & vivendi ratio. Τὸ δημοκρατικὸς πολιτεύεσθαι. Virtus Democratica sive popularitas. Lex Democratica, sive regula status popularis. Σοφίσματα, virtus & prudentia popularis, distinguuntur à Demagogica calliditate & Tribunitia importunitate. Auctores & Doctores harum rerum.*

Describit jam Tacitus interiorem reip. cognitionem in singulis regiminis formis. Et populari quidem imperio, olim plebe valida, inquit, noscenda vulgi natura, & quibus modis temperanter haberetur. Vult notitiam interiorem reip. ad usum & tractationem reip. ingenio, & vi prudentiæ, quæ nunquam otiosum aut in contemplatione inani positum nomen est, accommodari. Itaque si virum sapientem in imperio populi quærimus, non aliter eum ex mente Taciti describemus, quàm qui naturam & conditionem populi rerumque populorum accurate sciat; & natas exinde civiliter vivendi

& civilia administrandi rationes, ut res & usus & tempus postulat, usurpare ac dispensare doctus sit. Summa enim prudentiæ & actionis popularis definiri illa sapientia potest, quam nos cognitionem Democratiæ interiorē appellavimus. quasi quis ex *Livio* sub exemplo *Scilii* alicujus nominaret *virum rerum popularium peritum*, & adderet deinde, consummandæ descriptionis causa *Sextios*, *Licinios*, *Fabios*, jam tot annorum usu *artifices tractandi animos plebis*. Idem scilicet diceret, quod hic *Tacitus* spectat, cum nosci à viro Democratico ait oportere *naturam vulgi*, & quibus modis temperanter habeatur.

Annotandum est quid de utroque: de natura vulgi, & de tractatione vulgi. Natura vulgi in studio civilis prudentiæ, non unam subit considerationem. Communi enim notitia & universe, inter fundamenta totius disciplinæ, vel in unius, vel in plurium imperio, naturam vulgi noscendam, *Iustus Lipsius*, proposito insuper specimine ejus notitiæ, tradidit. Verum in prudentia Democratica, ut nunc ita vocitemus, præter illam communem cognitionem, quæ tamen abesse nec debet nec potest, peculiari modo noscendum est, ut se habeat natura vulgi circa reip. administrationem in statu populari.

Imperium populi juxta libertatem est; imo populus omnis sui voti, actus, πολιτικός finem sibi proponit libertatem, in eaque omne decus, omnem felicitatem constituit. Ut eximie huc pertineat illud *Ciceronis*: *quid tam populare, quam libertas*? Eam libertatem vero metiri solet, tum licentia faciendi & statuendi pro arbitratu, tum æqualitate juris sive τῶν ἐν πόλει δικαίων. quorum illud, rerum summam & τὸ κύριον populo vindicat: hoc, formulam & ordinem constituendi regendique status, in multitudinem dispensat. Atque hæc, cum ex eorum genere sint, quæ moderatione constant & temperatis finibus, in vulgo autem nihil modicum reperiatur, hinc & formandæ in civilem habitum multitudinis & tractandæ difficultas emergit. Libertatem enim, quæ media est, nec spernere modice nec habere sciunt; sicut *Livius* naturam vulgi sententiâ obiter explicanda describit,

Libertatis studium natura insitum omnibus, sicut acerbis stimulis vulgi animos effodit, ita postquam consuetudine aut vi cum iugo servitutis permutata est, non elanguescit modo ille affectus sed exstinguitur. Hoc est, quod *immodice sperni libertas* dicitur: cum nullum liberi spiritus specimen, nulla honestæ libertatis cura apud vim metuentes aut segnitie enerves superest. Ex diverso, cum potitur libertate populus, subinde rem nobilissimam, sed quæ cessat salubris esse postquam desit esse moderata, agit, perturbat, præcipitat; ut nec civitati formam nec civibus regulam amplius dare idonea sit. Prospicit libertati & eam munit, sed sine modo. Livio id rursus animadversum (an enim in hoc argumento alius nobis potior auctor esse debet?) qui ab initio mutatae reipublicæ, *libertatis*, inquit, *tunc prima cura erat; ac utescio an nimis undique eam minimis quoque rebus muniendo modum excefferint.* Vindicat sibi populus rerum summam & majestatis curam ex quavis occasione tangitur, sed sine modo. Quosunque enim obstare suæ potentiae auctoritatisque credit, odit & persequitur. Hic suspiciones perpetuæ & sinistri rumores, calumniæ, invidiæ, inimiciæ eminentes illustresque viros, ut non minus periculum ex magna quàm ex mala fama apud populum his immineat. Hinc Roma, quotiens popularis erat, ingratae civitatis elogium multiplicatis nominibus meruit. Hinc Athenientium testula vix aliter quàm magnorum virorum injuriis inscripta ad posteros noscitur. Aequalitatem juris & status concupiscit populus: sed sine modo. *Vult enim aquari summa infimis, nihil excelsum, nihil quod supra cetera emineat, in civitate esse.*

Non vane id increpant & quasi vaticinantur Tarquinii: quorum non causam, sed sententiam hic laudare convenit. In mixta republica, optimates, non socios sed adversarios credit populus, adeoque ad certandum cum his valde pronus, præsertim ubi de honoribus & potestate agitur, semper plus ultra tendit. In comitiis regnum exercere, libidinem animi non leges sequi solet. Bellum facile sumit, sed tædio onerum militarium mox languescit, sicut nec in aliis magnis consiliis constantia utitur & ratione; sed ex rebus incertissi-

misanimos sumit ac sæpe levissimis causis ponit. Amat ve-  
 hemanter sed non minus temere deserit ac prodit Syco-  
 phantas ac Demagogos, qui idem hic præstant, quod in re-  
 gno adulatores. Denique quodcunque infinita unius do-  
 minatio sibi proponit immodicum, id in populi ingenium  
 convenire dixeris, sicut prudenter & accurate *Aristoteles* no-  
 tavit. qui & Homericum illud, ἐκ ἀγᾶθου πολυκακίην non  
 male de populi dominatu & ingenio dominandi cupido ac-  
 cipit posse existimat. verum nos quibusdam notis potius in-  
 dicare naturam vulgi, quàm describere constituimus. cum  
 præsertim hæc & talia passim tradantur, & in communem  
 notitiam facile succedant. majoris operæ est, & prudentiæ  
 interioris, vel observare vel commentari, quomodo iste  
 habitus animorum multitudinis pro re nata ex conditione  
 temporum & negotiorum indole, suos motus, suas vices,  
 suas varietates in republica exerat.

Dicendum nunc est aliquid de altero, quo *Tacitus* co-  
 gnitionem reip. in populari imperio definivit, nimirum de  
 tractatione vulgi, sive, *quibus modis natura vulgi temperanter*  
*habeatur*. Libertatis natura, ut ante dictum est, moderati-  
 one temperari amat: vulgi natura immodicis delectatur.  
 Itaque prudentiæ Democraticæ vis pleraque in eo versabi-  
 tur, ut naturam vulgi immoderatam ad libertatis indolem  
 moderatam attemperet. aliter nec beata civium vita, nec  
 libertas, quæ populo proposita, obtinebitur. Verum hæc  
 duo tam pugnancia, temperamentum libertatis & intem-  
 perantiam popularis ingenii, in congruentiam civilem ad  
 salutem reipub. & firmitatem democratiæ contemperare;  
 opus est perdifficile prudentiæ & virtutis, quam popu-  
 larem vocamus. Et in constituenda quidem democratia,  
 vel maxime provideri debet, ut natura vulgi temperan-  
 ter possit haberi. Præstabunt hoc leges accurate repertæ,  
 & sanctissime perscriptæ, quibus populus cum summa po-  
 testate, potestatis modum accipit, i. e. cum majestas qui-  
 dem & summa potestas est penes populum, sed populus  
 ipse legibus sancte receptis ad talem administrandi ratio-  
 nem, quæ licentiæ populari viam præcludit, & τὸ μέτρον



τῆ πολιτείας sive civilem temperatamque æquabiliter reip. gerendæ consuetudinem conservat. Ita qui dominus rerum est populus, ipse sibi dominam constituit legem: quæ nisi principium ἀρχηγορικόν, ut hoc ex scholis mutuemur, in Democratia habeatur, jam vitiosus erit status, quod Philosophorum princeps diserte monet. Accedere debet ipsius formulæ quoddam temperamentum Aristocraticum, ut Democratia ad honestatem quandam civilem, quasi ἀριστοκρατικός & virtute moreque optimatum componatur. Nam promiscuam hominum colluviem libertati parum idoneam, merito *Livius* confirmat, ubi tempus institutæ Romanorum libertatis considerat, ac fecem Romulæ talem non fuisse judicat, quæ jam tum potuerit δημοκρατία. Cognoscentur hæc melius ex Solonis & Lycurgi, qui res publicas liberas condiderunt, sapientiâ, quam infelicitè alii neglexerunt.

N. I.

de trib. imp.  
form.

Verum nobis potius animadvertendum videtur, quomodo in gerenda Democratia, natura vulgi temperanter sit habenda; cum institutio popularis imperii, aliûm forte locum requirat. Hic non possumus non *Plutarchi* sententiam recordari, qui communem Aristocratiae & Democratiae administrandæ difficultatem descripturus, κελεύμεναι, inquit, κελύουσιν, καὶ φερόμεναι φέρουσι πολιτικόν, ἐκ ἔχοντα τῆς ἰχθύνος βίβαν ἐπὶ τῆς, παρ' ὧν ἔστι τὸ ἰχθύν. Sed quo magis hæc res publicæ imperanti imperant, virumque civilem, dum ibi res gerit, agunt feruntque, ut vix habeat solidum munimentum cui innitatur: eo majori observatione, cura, vigilantia tractandæ sunt. In unius imperio, omnia ut auctorem certum, ita regulam vix dubitabilem quodammodo agnoscunt, nisi quod suis quoque varietatibus illud genus prudentiæ & πολιτείας involvitur. Sed τὸ δημοκρατικός & ἀριστοκρατικός πολιτείας alia quadam ratione intricatur, de qua *Plutarchus* queritur. Nihil interim tam est arduum, quod non vincat aut mitiget virtus & prudentia popularis. Quid magis alienum à rationibus popularis libertatis, quam collata in unum singularis auctoritas aut summa reip. veluti unius tutelæ permessa? & tamen non  
vanc

vane de Atheniensibus Græcus orator gloriatur: *ὅ, το ἄριστος* Aristides in  
*οἱ τινὰ εὐροὶ πε τῶν πολλῶν ὑπερέχοντες ἰθαγενῆς ἑαυτῶ προῖσάμενος* & Fanath.  
*χρόμην* & οἷον ἄρχοντι διηγεῖται. *populus si quem reperiret reliquiū*  
*prestantiorem, sua sponte sibi hunc prefecit & tanquam perpetuo*  
*principe usus est.* Efficere hoc potuit, & Romæ quoque ef-  
 fecit, virtus Democratica sive popularitas, quæ tamen ni-  
 hil est vel calumniarum capacius, vel tractatu folicitius.  
 Magnum in Fabiis elogium, quod *populares* dicuntur apud  
 Historicum, sed hoc nulla nisi *salubri reipublica arte.* Neque *Lib. II. 47.*  
 enim sufficit morum facilitas & humanitas ad explendum  
 hujus laudis officium; sed magnitudine insuper animi &  
 cauta quadam prudentia opus est. Divine Cicero: *In libe- 1. de offe. 15.*  
*τι populis & in juris aquabilitate exercenda etiam est facilitas &*  
*altitudo animi, qua dicitur.* Idem, qui sæpius monet, nul-  
 lam esse popularitatem serendam, nisi quæ suas rationes  
 ad reipublicæ & universorum utilitatem accommodet. In-  
 tellectum est, (inquit in *IV. Catilinaria*) quid intersit inter le-  
 nitatem concionatorum, & animum vere popularem, *saluti pub-*  
*licæ consulentem.* Quod si ratio instituti ferret, producen-  
 dus in medium esset Valerius ille Poplicosa, quem & vi-  
 rum & legislatorem popularem celebrat Antiquitas. Ne-  
 que desunt tamen, quæ in ejus *παλιὰ δὴ δημοκρατία* non im-  
 merito sapientes reprehendunt. Apud *Plutarchum* Aristo- *in Nicias*  
 teles tres existimat fuisse aliquando Athenis optimos cives,  
 & *πατριὴν ἔχοντας εὐνοίαν & φιλίαν πρὸς τὸν δῆμον.* qui patrio  
 plane affectu amicitiaque populum complexi sint: Niciam,  
 Thucydidem, Theramenem. Sed recte contradicit Plu-  
 tarchus, de Theramenis popularitate, qui *Corburni* co-  
 gnomento notatus est, *διὰ τὸ μὴ μόνιμον ἀλλὰ & ἐπαμφοδιστόν*  
*αὐτὴ τῇ προκρίσει τῆς πολιτείας,* quod mobilis & inconstans in ge-  
 rendæ rep. totus partium esset & factionum, quantum modo illi mo-  
 do isti studebat. Et quidem ex usu suo, fidem in postremis ha-  
 bens, sicut præter historiam *Thucydidi*, & accusationem *Ly-*  
*sia*, *Aristophanis Scholiastes* annotat. Fit sane, ut, vel in  
 mixto regimine, cum altera pars increfcit, vel in com-  
 mutatione reipublicæ, ubi à priori forma in alium statum  
 declinat, temporibus inservire, non modo necessitatis sed

& virtutis sit. neque hoc absuit à mente *Taciti*, cum *callidos temporum* in digressionem hætenus laudata commendaret. Sed tum ira dispensanda atque commutanda est Aristocratica & Democratica virtus, ut non tam studiosi populi aut optimi cujusque, quàm universorum videamur.

Dicendum fortasse aliquid hic fuisset de legibus sive regulis status Democratici, in quibus tractandis non minima pars prudentiæ, quæ hic quæritur, consistit. Talia fuerunt Romæ, quæ de excludendo in perpetuum regno, de corpore civis Romani, de provocatione ad populum, de tribunitia potestate, de modo juris magistratibus concessi constituta sunt. E quibus *tribunitium telum & provocatio ad populum*, duæ arces Libertatis apud *Livium* dicuntur. quamvis constet tribunitiam potestatem varie incassari posse, ut apud *Ciceronem* disputatur, tertio de legibus. Nec dubitat *Florus* omnium seditionum causas ad *κακοπολίταις* tribunorum referre.

Quapropter Tribunitia illa importunitas & Demagogica calliditas, à prudentia Democratica plurimum abeunt: neque temperanter habere naturam populi, sed ad omnes affectus motusque intemperantiam exacuere student. Describit Demagogos *Sallustius*, duces multitudinum, qui tempore vexare soliti erant. si pretio adjunxeris ambitionem & dominationis studium, pravamque animi libidinem; tum exhauseris mentem Historici: interpretandam amplius collectis in unum quasi notis Demagogicis apud *Pollucem* titulos *περί ψόφου πύργου & δ' ἀναισχυρῶν*. solet enim *Pollux* (ut hunc scriptorem obiter commendem) eruditissimo delectu non verborum magis quàm sententiarum congregare sub titulos argumentorum, quicquid naturam rei declarare potest. sicut vel hoc exemplo constabit, si quis *Isocrati*, *Demostheni*, aliisque *Græcis Oratoribus* tradita super Demagogis & Sycophantis, ad *ἐκλογὰς* *Pollucis* contenderit. Etiam oratio *Quintii* apud *Livium*, mores Demagogicos summatim depingit. Tribuni, inquit, vocis verborumque quantum volueris ingerent, & criminum, in principes, & legum aliarum super alicui, & concionum. Natura hoc ita comparatum est, ut qui apud mul-

multitudinem sua causa loquitur, gravior eo sit, cujus mens nihil præter publicum commodum videt. nisi forte assentatores publicos, plebicos istos, qui vos nec in armis nec in otio esse sinunt, vestra vos causa stimulare putatis. concitati, aut honori aut questui illis estis. Et quia in concordia ordinum nullos se usquam esse vident, male rei se quam nullius, turbarum ac seditionum duces esse volunt. Qui exemplis hæc demonstrata mavult cognoscere, illi bella & artes Tribunorum abunde enarrabit Liviana historia passim. nobis enim festinandum est.

Nisi quod in hoc transcurso, arcana quæ vocant & *σποδισμὰ* & simulacra Democratica verbo tangi debere censemus. Nam ad tractationem vulgi sive ad temperanter habendam vulgi naturam, illa quoque cognitio pertinet. Est quidem illa ratio tractandæ reip. quæ fit *κρυφαῖα καὶ δι' ἀπορρήτων*, occulte & per arcana, regno & Principatui quodammodo propria: cum in libertate pleraque palam & conscia multitudine senatuque gerere oporteat. quod Dio Cassius in comparatione utriusque status non frustra observat. Accedit, quod arcanum vere Democraticum non potest esse nisi vel in mente institutoque legislatoris, vel adversus optimates, vel paucos, vel adversus alienam rempublicam. Ex his nullum genus, arcanis artibus, quas accurate dixeris Democraticas, id est, quas Democratia ad tuendum suum statum ex se invenit & in se exercet, accensueris. Quæ enim adversus optimates aut unius imperium struuntur, vix possunt latere eos, quibus opponuntur, tanquam prudentiores. Quæ autem populus in populari rep. gerit, arcana esse non possunt gerentibus. Jam, quæ simulacra Democratica appellantur, id est, quæ objiciuntur populo imaginis causa, sive, quibus populus decipitur, ut credat se habere & accipere, quod penes alios est, vel ab optimatibus in mixto statu, vel à paucis, potentiam sibi in populari statu molientibus, vel à Demagogis, quorum institutum non aliam omnino quàm *δολιχαρχικὴν διαίθεσιν* habet, usurpantur; adeoque non sunt artes populi, sed in populum. Sed nimirum dictum est antea, non facile bonam Democratiam nisi Aristocratice temperatam inveniri.

Unde *Isocrates in Panathenaeico*, Athenis quoque civitati maxime populari tribuit δημοκρατίαν ἢ τὴν εἰκὴ πολίτευμα καὶ νομίζουσαν τὴν μὲν ἀκολασίαν, ἐλευθερίαν· τὴν δὲ ἐξουσίαν ὅ, τι βέλτερος τις ποιῇν, εὐδαιμονίαν· ἀλλὰ τὴν τοῖς τοῖς μὲν ἐπιμαῶσαν, ἀεισκρατίαν δὲ χρωμένην. non quae temere administraretur, & petulantiam pro libertate, licentiam faciendi quod libet, pro felicitate amplecteretur: sed quae his atque talibus, adversa, optimatum auctoritatem suis rebus adhiberet. Igitur viri insignes variis artibus, modo blandientes modo simulantes ac dissimulantes, naturam populi, ne suis ipse commodis advesceret, aut publicam salutem praecipitet, moderantur. Ipsi etiam magistratus vere populares, Tribuni, Praetores, Oratores, & quocunque nomine appellantur, quos suae libertati & reip. tuendae populus imponit, non prudenter modo sed & δημοκρατικῶς videbuntur suo officio fungi, si apud populum nonnulla simulaverint, impetumque ejus variis commentis ad salutem publicam attemperaverint. Quae *Clapmarus* sub nomine Arcanorum & simulacrorum Democraticorum congeffit, ex iis fere quae diximus, judicari possunt ac discerni.

Ceterum haec atque talia, quibus cognitio Reip. popularis, & prudentia Democratica censetur, rectissime repententur ex *Aristotelica Politica* libris quarto & sexto praecipue: & ex *Atticis Oratoribus*, inter quos *Demosthenes* singulariter commendandus est rerum popularium studiosis. Ex Historicis neminem *Thucydidi* in hoc argumento praetuleris. Hinc, *Halicarnassens*, & *Plutarchi* quaedam vita nominari debent. *Polybius* in utroque genere Aristocraticae ac Democraticae institutionis praecellit; sicut in Latinis *Livius*. Vix enim, praesertim in historia Romana, separari possunt, quae ad popularem & quae ad optimatum πολιτείαν pertinent. id quod etiam de praedictis quibusdam intelligendum est. Cum Democratiae verae, vel ex mutatione temporum, vel ex temperamento sui status, τὰ ἀεισκρατικὰ nunquam non admiserint, Tribunitias conciones, & certamina partis popularis cum optimatibus peculiariter atque denuo signare fas est. Qualia in *Sallustio* quoque eximie memorantur.

*Cornelius*

*Cornelii Nepotis* non prætereundæ sunt vitæ, copiosâ disciplina populari in illa brevitate sua illustres. Jam *Cicero* unus quid omisit rerum ad popularem aut optimatum prudentiam pertinentium? Adjungi debet Historia civitatum, quæ populari aut mixto imperio utuntur, ut prisca novis illustrentur.

*Ingenia Senatus & Optimatum, ex Livio potissimum declarata. Quintius, Camillus, & alii laudati. Oligarchici mores perstricti. Studia paranda interiori cognitioni Aristocratiæ, & prudentia qua circa eam, accommodata.*

Cum patres pollerent, summam prudentiæ & laudem perdiscendis *senatus & optimatum ingenis* definitam esse, Historicus affirmat. In eo profectu cognitio interior reipublicæ Aristocraticæ, adeoque disciplina τῆς δεξιτερῆς πολιτικῆς & i. e. sapientia optimatum regimini debita & apta collocari debet.

*Ingeniorum* voce Historicus erudite utitur: quasi quis diceret cum explicatione: *per ingenia senatus & optimatum*, hic notari omnia illa proposita, studia, propensiones, inclinationes, inventa, artes, regulas, mores, quibus viri vere Aristocratici, ad statum Aristocratiæ vel formandum, vel firmandum & administrandum, suarum actionum habitum & πολιτικὰς instituunt aut componunt.

Hanc animorum *Diæbesis* inchoat interdum *Natura*; perficit, & in nonnullis acquirit *Industria*: pro conditione officii, temporis, exempli, necessitudinis, quæ in usu civilis vitæ unicuique obtingunt. *Suetonius* insigni sententiâ notavit in vita *Tiberii*: *Notissimum est, Claudios omnes,*



excepto uno, optimates assertoresque amicis dignitatis & potentia patriciorum semper fuisse; atque adversus plebem adeo violentos & contumaces, ut ne capitis quidem quisquam reus apud populum mutare vestem aut deprecari sustinuerit; nonnulli in altercatione & jurgio tribunos plebis pulsaverint.

Qui locus, tum probe definit Aristocraticam indolem, studio potentiae, & dignitatis optimatum; tum, quam facile degeneret illud studium in violentiam, contumaciam, oligarchicos spiritus, insigni exemplo ostendit. Aristocratiae origo & natura, ad eminentiam quandam, praestantiam, dignitatem pertinet. Illa autem nomina vel virtutis sunt; vel rerum virtuti similium: ideoque non nisi moderatis vigent rationibus, immodicis autem corrumpuntur. Quo fit, ut virtus Aristocratica, semper popularitate quadam misceri ac temperari gaudeat, sicut sequentia docebunt.

Conjungit *optimates* & *senatum*, Tacitus. Neque enim in Republ. Romana, cum Aristocratia valuit aut praevaluit, alius fuit optimatum ordo, quam senatus: quare etiam, cum de mixto regimine sermo est, pars Aristocratica apud ceteros scriptores *patrum senatusque* titulo indicari solet. Nam alias distingui in hoc argumento oportere, *senatum*, & *optimates*, non semel Bodinus monet: cum neque statim *optimates* sint, qui *senatus* nomine appellantur; neque in statu optimatum semper idem utroque vocabulo notetur.

Cæterum in describendo Aristocraticae dignitatis & potentiae studio, semper ita ad naturam & indolem Aristocratiae debemus respicere, ut vitiosum credamus, quicquid cum ea parum conciliari potest. Quanquam ergo haud dubie in Platonis πολιτεία creanda occupari videntur, qui optimatum regimen non nisi ex optimis ac eminentissimae virtutis viris constituunt: dubitari tamen nequit, quin accuratissimis legibus virtus ac honestas optimatum sancienda sit. Valeat hic νόμος δεισμονεστίνος de Senatu; is ordo vitio careto, ceteris specimen esto: & formula censoribus praescripta; probrum in senatu non relinquant.

Cic. 2. de ll.

Cum-

Cumque omnia in hoc statu ad gravitatem & auctoritatem referenda sint; maximum opus & consilii summa in eo esse debet, ut legitimum intervallum inter populum & optimates constitutur & custodiat. Licet enim in vera Aristocratia majestas Aristocratica Patrum eadem sit, quæ regis in regno, si vim & naturam rei spectes: tamen forma & facies & schema plurimum discrepat, atque ad civilem æqualitatem propius accedit. Rex è sublimi venerandus conspicitur: optimates è proximo & inter cives præfulgent. Hinc omnis regia species invisa in optimatibus. quod exemplo Xvirorum *Livius* ostendit.

III, 16.

Est equidem ratio status Aristocratici præcipua, plebem à communione honorum & potestatis excludere. Verum id consilium vix unquam feliciter proveniet, nisi populo tam voluntas imperandi, quàm facultas adimatur. quod nonnunquam temperatione quadam Democraticâ: sæpius per simulacra Democratica, quæ vocant. De quibus alii. Ita *Bodinus* laudat remp. Venetam, quod cum plebe communicet minores aliquot magistratus & curationes; locupletiores autem è plebe affinitatibus conciliet Patriciis, & pecunias mutuo ab ipsis sumat. Unde tamen mixtus status non emergit. quamquam *Contarinius* arte quadam politica eam fabulam in vulgus dispersit: Sicut nuper libellus de ratione constituta Reipublicæ Angliæ, Scotiæ, & Hiberniæ, credulis & imperitis, puto, persuasum ivit; Democratia hodie rem Britannicam contineri.

Quotiens igitur auctoritas Patrum & sanctitas in majus extollitur & ascititia specie exornatur: semper studendum præcipiunt Politici, ne quid nimis; id est, ne populus sentiat & credat, in contemptum sui aut injuriam talia usurpari. Exempla habemus in causa auspiorum, & matrimoniorum apud Romanos. Auspicia quidem adeo propria patribus erant, ut non solum, quos populus creabat patricos magistratus, non aliter quam auspicato crearet: sed patres quoque ipsi sine suffragio populi, auspicato Interregem proderent; & privatim auspicia haberent, quæ plebejine in magistratibus quidem habebant. Sed in hac re incul-

canda non temperatum est verbis ad contentum plebis pertinentibus. Sicut & in causa matrimoniorum accidit. Illustris locus est apud *Livium* 43 5.

*Liv. 17. 36.  
& 57.*

Dum de honoribus sermo est, non videtur omittenda ars illa, qua optimates usi sunt in submovenda à magistratibus plebe. Verba *Historici* sunt: *Ariem adhibitam ferunt à patriciis, quod turbam indignorum candidatorum intermiscendo dignis, tadio sordium in quibusdam insignium, populum à plebeis averterissent.* Et postea: itaque sicut priore anno per indignissimos ex plebeis candidatos, omnium etiam dignorum tadium fecerant, sic cum primoribus patrum splendore gratiaque ad petendum preparatis omnia loca obtinere, ne cui plebejo aditus esset.

*17. 6.*

Nimirum universa ἀντιπαρεια αἰσινοςελινῶν adversus plebem, quantum fieri potest, occulte potius quam aperte exercenda; neque speciem certaminis aut oppositionis, sed formam studii in *Rempub.* & populum habere debebat. Id quod in mixto tamen statu sæpe arduum est. Inter duo quippe ancipitia, cedendo indulgendoque interdum placatur populus; sicut apud *Livium* modestia, æquitas altitudoque animi in populo laudatur, quando contentus fuit, quod ratio habita plebejorum in comitiis esset, omnesque patricios tribunos mil. consulari potestate, creavit: interdum vero cedendo indulgendoque ad plus petendum irritatur. sicut sæpius accidit. Adeo moderatio tuenda libertatis, dum aquari velle simulando ita se quisque extollit, ut deprimat alium, in difficili est; cavendoque ne metuant homines metuendos alio se efficiunt: & injuriam à nobis repulsam, tanquam aut facere aut pati necesse sit, iungimus aliis. quod gravissimum *Livii* de tali statu iudicium est.

*III. 65.*

*orat. 2. de  
rep. ord.*

Talia porro certamina in factiones degenerant: inter quas Aristocraticæ auctoritati nihil tutum, nihil firmum. Hinc non dubitat *Sallustius* pronuntiare; in ejusmodi certaminibus semper nobilitatis opes diminutas, & jus populi amplificatum esse. Verissimo in summam iudicio. Hinc omnes patriciorum artes pæne consumptæ apud Romanos: neque tamen in tranquillo potuit locari respublica, quin statim prior tempestas resurgeret.

In

In illis porro certaminibus, sæpius moderatio optimatum laudari potest, quàm asperitas. Si enim non magis Patriciis, imperii, quàm populo, libertatis, modus est; tum fieri necesse est, quod ipsi optimates conqueruntur, ubi rogant Appium, ut tantam consularem majestatem esse vellet, quanta in concordi civitate esse posset: dum tribuni consulesque ad se quisque omnia trahant, nihil esse relictum virium in medio, distractam laceratamque remp. per magistratus: magis, quorum in manu sit, quàm ut incolamur sit, queri.

*Li. 111. 67.  
adde Sallust.  
Iugurth. 42.*

Erat sanè sollennis ars Patriciorum in contentionibus ejusmodi, tribunos disjungere, & aliquem ex collegio tribunorum suis partibus conciliare, ut intercessionem ejus, ceterorum collegarum adversus patres molitiones reprimerentur. Qua de re Appius Claudius apud Livium victam tribunitiam potestatem in presentia re ipsa, exemplo in perpetuum quando inventum sit, suis ipsam viribus dissolui: neque enim unquam defuturum qui gratiam melioris partis bono publico velit quasitam; & plures, si pluribus opus sit, tribunos ad auxilium consulum paratos fore, & unum vel adversus omnes satis esse. Neque tamen id telum Aristocraticum, gliscente ceteraminis pertinacia, valuit. Sicut discas licet ex Liv. 6. 35. & 36.

*11. 4. & 36.*

Præcipuum itaque firmamentum omnis Aristocratiæ, est concordia ordinum, si mixtus sit status: aut optimatum inter se, si pura sit Aristocratia. Hinc leges severissimæ sanctissimæque ferendæ sunt, quibus inter optimates concordia illibata sanciat; aut, ubi labare cœpit, prius, quàm in nervum res erumpat, reconcinnetur. Non enim sæpe potest sperari, nisi legibus sanciat, egregia illa moderatio, quam in Patribus & magistratibus Livius describit, ubi collegæ Camilli fatentur: sibi destinatum in animo esse, Capillo submittere imperium, neque quicquam de majestate sua detractum credere, quod majestati ejus viri concessissent. Verique tum jactatum est à Patribus: se bene sperare & de bello & de pace universaque republica; nec dictatura unquam opus fore Reipublicæ, si tales viros in magistratu habeat; tam concordibus animis junctos, parere atque imperare juxta paratos, laudemque potius

*17. 6.*

*potius*

potius conferentes in medium; quam ex communi ad se trahentes. conferri meretur nobile exemplum lib. 3.<sup>a</sup> cap. 70.

Huic concordiae vehementer conducet, si singulorum optimatum ambitioni obex ponatur. In quam rem complures sunt artes: cum magnis imperiis & magistratibus modus imponitur, ex collegarum jure æquato: cum honorum inania eo magis multiplicantur, quo plus potestati detrahitur: cum censura optimatum actionibus destinatur, an se teneant intra concessa legibus, quas nunquam impune transgredi licebit: cum largitiones vetantur: cum disciplina curiæ severissime & compositissime sancitur; ne altercationibus curiæ ad factiones veniatur: cum nobilium familiarum jura, moderandæ potentiæ ordinantur. id  
*3. m. fr. 7. 3.* quod exemplo Reip. Venetæ illustrat *Langlaus*, ubi de duobus fratribus in eodem collegio disserit.

Bodinus in præcipuis consiliis Aristocraticis autumat, optimatum cœtui magistratum aliquem perpetuum (ex optimatibus scilicet constitutum) præesse oportere, veluti cardinem fixum, in quo civitas, magistratibus perpetua varietate mutatis, acquiescat. Sed modus imponendus est juris, cuicumque nullus temporis imponitur. Sicut & in altero, quod commendari solet, non absimili invento: de rebus summis & imperii arcanis, inter paucos optimatum tractandis, cum in turba perturbatior sit magnorum consiliorum exitus. In his atque talibus cautione opus est, ut ad Aristocratiae moderatam temperatamque naturam omnia referantur. Facili enim declinatione vel populi rationibus, vel paucorum libidini nimis indulgetur, atque ab optimatum πολιτεία, quæ mediis rebus viget, disceditur. Nam populi imperium, juxta libertatem; paucorum dominatio regie libidini propior est. ut illud *Taciti* ad nostrum sensum, inflectamus paululum.  
*VI. A. 42.*

Quæ hætenus, velut in exemplum posuimus, satis queunt ostendere, ingenia senatus, & optimatum, sive illum animorum studiorumque habitum, qui Aristocratiae maxime est consentaneus. *Cicero* in oratione pro *Sextio*, pro optimatibus habet, qui Reip. student, ejusque dignitatem & secu-

securitatem optimis consiliis, artibus & actionibus juvare & ornare sibi proponunt. Ut præcipuus Character Aristocraticus (liceat ita loqui) sit reipub. se totum tradere, inque ejus commodis & negotiis, omnem suam operam dignitatemque constituere. Ita enim secerni licet è vulgo, cui respublica parum curæ.

Existimat quidem *Bodinus*, Tullium in illa descriptione optimatum, causæ suæ servire, cum virtutes & vitia civium ad intelligendas designandasque formas rerumpub. non pertineant. Verum, ut nunc nil dicamus, quid veri falsive habeat illa *Bodini* ratio, certum est, cum de prudentia tractandæ reipublicæ, sicut formam cujusque regiminis juvat & decet, quæritur, *optimates*, *populares*, & *singularis imperii peritos*, consideratis ingenii dotibus, animique artibus, quas ad hoc institutum adferunt, describi oportere. Quo sensu rectè dixeris, viro vero Aristocratico convenire, studium dignitatis, curam famæ, auctoritatis parandæ firmandæque diligentiam, gravitatem, magnitudinem animi, constantiam, fidem, amorem Reipubl. moderationem, prudentiam, honestas artes, literas, eloquentiam, & quæ sunt ejus generis. quamvis enim in omni regimine, his nominibus locus sit; tamen alia, atque alia ratio est, prout in diversis imperandi formis reipublicæ tractandæ adhibentur.

Verum ista melius forte, in ipso magnorum virorum actu, vitæque cernuntur, quales nunc omnino producendi essent, nisi scripturæ modus calamum cohiberet. Quid apud *Livium*, Quintio illo *de isæne gloriâ* tempor? cujus elogium summum est cognoscere, in illo patrum judicio, cum rebus creperis, omnes in unum versi, ut vindicem majestatis Romanæ intuerentur, & primores patrum dicerent: dignam (quam habuerat) concionem imperio consulari, dignam tot consulatibus ante actis, dignam vitæ omni, plena honorum sæpe gestorum, sapius meritorum. alios consules, aut per prodicionem dignitatis patrium, plebi adularos, aut acerbe tuendo jura ordinis, asperiores dormando multitudinem fuisse: T. Quintium orationem memorem majestatis Patrum concordiaque ordinum & temporum imprimis habuisse.

III. 79.



27.2.

*buiffe.* Hæc sunt ipsa illa quibus optimatium prudentiam, & *πολιτείαν* instrui hætenus opravimus. Nec dissentit à priori laude quintus tanti viri consulatus, de quo *Historicus*: *Æquavit, quod haud facile est, Quintius consul rogatus, armati gloriam collega: quatenus concordia pacisque domesticam curam jura infimis summisque moderando, ita tenuit, ut & patres severum consuevi & plebs comem crediderint. & adversus tribunos auctoritate plura, quam certamine tenuit. Quinque consulatus eodem tenore gesti, vitæque omnis consulariter acta verendum pene ipsam magis quam honorem faciebant.*

Jam si per singulos ire liceret, quàm est viro principe digna Camilli gravitas, Sempronii constantia, Menenii moderatio, qua in omni vita pariter patribus ac plebi earus & utilis fuit? Juvaret etiam cognoscere, quomodo devertirint à vero tramite hujus laudis nimia lenitate *Æmilius*, & fortasse *Servilius*: nimia severitate *Coriolanus* & *Appiorum* quidam. Nam plures *Appii*, cum optimates haberi magno studio vellent, in oligarchicos mores & consilia paucorum dominationi quam optimatium dignitati aptiora, lapsi sunt. Historici pleraque, *superbia & violentia* nominibus complectuntur, quibus & alias injusta imperia notari solent. Characterem hominis *ἡθροποιῶν* etiam *Theophrastus* composuerat. Sed vitiis scatent, quæ fragmenta habemus. *Casaubonus*, optimatium vocabulo expressit, non quatenus virtutis, sed factionis nomen est. nam si quis sententias *Theophrasti* conferat cum aliis scriptoribus (vel *Pollucem* vide III, 6.) non dubitabit, contemptu plebis, affectatione honorum, jactabundâ elatione, & similibus, signari res à virtute Aristocratica optimatium plurimum alienas.

Cæterum, ejusmodi notationes magna exemplorum varietate Historia suppeditabit, tum aliarum gentium, tum Romanorum, præsertim ab eo tempore, quo pauci potentes, quorum in gratiam plerique concesserant, sub honesto patrum aut plebis nomine dominationes affectabant, bonique & mali cives appellati, non ob merita in semp. omnibus pariter corruptis, sed uti quisque locupletissimus

tiſſimus & injuriâ validior, quia præſentia defendebat, pro bono ducebatur. Ita *Salluſtius* deſcribit illa certamina potentium, quæ per omnes τῆς ἀρχῆς gradus, vices, ſpecies reipub. in unius manum denique tradiderunt.

Quæ hætenus de perdiſcendis optimatum ingeniis attingimus, præter *Ariſtotelis* & *Platonis Politica*, uberius peti poſſunt ex Græcis Latinisque ſcriptoribus, qui liberarum civitatum res declarant, vel ubi democratia, vel ubi ariſtocratia, vel ubi ex utraque mixta reip. forma obtinuit. Non enim reperitur Democratia apud veteres, quin Ariſtocratica quædam temperamenta ibi vel uſurpata, vel conſultata ſint. ne de mutationibus & mutationum tentamentis dicamus: quibus Attica Reſpublica eſt agitata. Hujus enim res eximie huc pertinent. Itaque ex Hiſtoricis *Thucydides*, ex oratoribus *Demosthenes* & *Iſocrates* diligenter verſandi. Romanæ Reipublicæ negotia ab exactis regibus ad monarchiam Cæſarum, *Halicarnæſeo*, *Plutarcho*, *Dioni*, aliisque deſcripta habemus. Sed *Livius* ſingulariter hic eſt commendandus: ex quo ſolo peti poteſt, quicquid ad Ariſtocraticam prudentiam pertinet. In *Salluſtio* quoque non parum hujus diſciplinæ ſupereſt. *Ciceronis* ſcripta, orationes præſertim & *Epistolæ*, theſauros ingentes philoſophiæ ejus, de qua agimus, recondunt, ne ad plura nunc eamus.

In recentioribus, duo ſunt incomparabilia exempla: *Reipublica Veneta* vere *Ariſtocratica*, & *ſtatus Imperii Germanici* ex Ariſtocratia & Monarchia mixti. Utriusque ergo generis ſcripta ſtudioſe verſare debet is, cui Ariſtocraticam prudentiam perdiſcere opus eſt. Si tamen prius tantum diſciplinæ politiæ hauſerit, ut de formis rerum publicarum, earumque rationibus accurate judicare poſſit. Res eſt enim, privatim inutilis, publice perſæpe noxia, meditari & diſſerere tanti momenti negotia, absque illius doctrinæ ope, ſine qua nihil rite judicaveris. Quantus eſt, heu quantus eorum numerus, qui de ſtatu Reipub. temere, imperiteque diſputant, cum revera nullius omnino formæ conſtitutionem animo ſatis perceptam cognitamque

habeant, neque verborum formulas, à jurium potestate, speciem à re denique queant discernere? multo minus actionum publicarum fontes ac professiones definire.

In Historiis legendis, eximiam merentur observationem illæ orationes Aristocraticæ: de quibus vere possis dicere, quod de Pompejo ad Atticum scribens *Tullius* extulit: *tum Pompejus μάλα δεινὸν λόγον* locutus est, senatusque auctoritatem sibi omnibus in rebus maximam videri semperque visam esse, respondit; & id multis verbis. Quamquam & in Principum orationibus aliquando illa imago usurpatur. Quid de optimatibus aut pro senatu fingi potest splendidius illa oratione Othonis, quam *Tacitus* primo *Historiarum* expressit? Similia alibi notavimus.

Et quia optimatibus singulari quadam ratione virtus senatoria vindicatur, dubitari nequit, quin huc referri possint, quæ *Laurentius Grimalius* de primo senatore, & alii instituto simili de virorum civili munere dignitateque fungentium artibus composuerunt: ut & qui optimatium ingenia etiam in Principatu scrutantur & describunt. quale specimen *Barclajus*, in *icone animorum* prodidit. Sed nobis de diverso regiminis genere hactenus sermo fuit.

*Notitia Principatus quibusdam notis indicatur. quam singulari arte judicioque Tacitus exequitur. Alia cognitio reipublicæ, breviario & instrumento imperii comprehensa clausula loco attingitur.*

Supereſt *Notitia Principatus*, cujus causâ de ceteris formis mentionem sibi faciendam *Tacitus* judicavit. Ad hanc quæ pertinent, conquisita sibi prudenti observatione, & in *Amalibus* tradita, profitetur. Nobis non licet modum dissertationis excedere. Itaque tangemus hac vice, quæ plena

na designatione tractari non possunt. Sufficiet huic proposito exemplum Principatus Romani, de quo Historicus loquitur.

Cum extinctæ libertati successisset Principatus Cæsarium, neque tum neque postea cuivis in promptu fuit, accurate judicare de converso statu civitatis, quia singulari dominantium artificio, imago antiquitatis & simulacra libertatis in curia, & ad populum (sicut ubique notat Tacitus explicatque) repræsentabantur. Hinc periculosus error, quo de jure populi, de jure senatus, id est, de rebus, quæ pridem in unum cesserant, dubitatum atque disputatum est. At qui meliori ingenio consilioque notitiam reipublicæ tractabant, facile animadvertebant, pelliciendis hominum mentibus, imperioque confirmando, aut dissimulandis altioribus propositis, qualibus nunquam vacant sive bonorum sive malorum Principum mentes, istam scenam adornari: cum Principibus interim una esset ingenii propositique ratio, tueri jus & majestatem sui loci, summumque rerum judicium sibi vindicare sine arbitrio, sine socio, sine auctore. Discrepabant in eo, quod nonnulli sine fine dominationem sibi destinabant: alii civilem conditionis humanæ morem in summâ potestate interpretanda, rectoris propositi ducebant. Neque omnibus eadem, sed nec uni semper eadem ad hanc metam via. Modo, egregiis artibus, sollerti provisu, vigilantia, magnitudine animi, modestia, civilitate, gravitate, id negotii gerebatur: modo prava calliditas, superbia, sævitia, inter instrumenta regni censebantur. est, cum inter bona malaque mixtus vel ambiguus regnandi habitus, sæculo & statui formam dedit: ne de iis nunc eventis dicamus, quorum nullum in sermone vocabulum, nulla in exteriori scena species, sed interior in arcanis prudentiæ penetralibus vis. quærenda, sive etiam ne quærenda quidem erat. nisi quod Tacito singulari fortuna patuit illud Romani palatii *τεχνέριον*, in quo putabatur habitare diva nescio quæ *πολύτροπος*, apud Proteum Theris, apud Paridem Helena, apud Ulysssem Penelope: cui quicquid privatim placuit, publice ratio status fuit.

Hinc longa & per miram subtilitatem contexta arcanorum series, domum Principis, reipublicæ innectebat, confunde-  
 bat, opponebat: prout affectio dominantium, aut inge-  
 nii libido, aut temporis illecebra permovit. Vices enim  
 boni malique regiminis, non breves modo & instabiles, sed  
 variæ, & per omnes animorum negotiorumque motus, in-  
 tervalla, impetus, implicitæ, Principis & Tyranni for-  
 mam fatumque subinde commutabant. Magnæ tum so-  
 lertiae opus, scire, quid civilis obsequii virtus postularet,  
 quid tempus & fortuna imperaret, quid ex omni parte li-  
 ceret aut deceret. Quid? quod de ingeniis Principum, &  
 intima regnorum virtute judicare, semper arduum, ali-  
 quando nefas, nec raro inutile. quo fit, ut non minori  
 pietate, quàm sapientia opus sit ad notitiam Principatus  
 complectendam, quanta in privatos cadit. In quo genere  
 demonstrationis, Tacitus sine exemplo præcellit, si quis in  
 rem præsentem venire, & vel in Principatu Tiberiano,  
 honesta ab deterioribus, utilia ab noxiis erudite discer-  
 nere paratus sit. Illuc enim omnino delegandi sunt, qui-  
 bus hic scripturæ modus nequit satisfacere.

Et hæc quidem hætenus de noscenda Republicâ.  
 Alia & diversa est cognitio Reipub. quàm Cicero senatori  
 commendat: *Est senatori necessarium, nosse rempublicam; id-  
 que late patet: quid habeat militum, quid valeat ætario; quos  
 socios reipub. habeat, quos amicos, quos stipendiarios; quâ quis-  
 que sit lege, conditione, fœdere; tenere consuetudinem decer-  
 nendi, nosse exempla majorum.* Sed de hac scien-  
 tia, Tacito quoque laudatâ, alibi  
 egimus.

l. de L. 18.

l. 4. 11.  
 4. 4. 4. C.



## DE ELOQUENTIA VIRI CIVILIS

*Dissertatio*

AD TACITI XIII. ANNAL. CAP. 3.

**N**obilis est Digressio Taciti, quam de civili Principum Romanorum eloquentia instituit, cum annali tertio decimo funus Claudii, & laudationem funebrem à successore Nerone habitam descripsisset. Quia enim Seneca illam orationem multo cultu composuerat (ut fuit illi viro amicum ingenium, & temporis illius auribus accommodatum) factum est, ut annotarent seniores, quibus otiosum est vetera & presentia contendere, primum ex iis, qui rerum potiti essent. Neronem aliena sacundia eguisse. Nam dictator Caesar (ita pergit Historicus) summus oratoribus amulus: Et Augusto prompta ac profluens, qua deceret Principem, eloquentia fuit. Tiberius artem quoque cabebat, qua verba expenderet, tum validus sensibus, aut consulto ambiguum. Etiam C. Caesaris turbata mens vim dicendi non corrumpit. Nec in Claudio, quotiens meditata differeret, elegantiam requireres. Nero puerilibus statim annis, vividum animum in alia detorsit.

Ut ad hunc locum aliquid annotaremus, nata nobis ex ratione muneris occasio est. Et, quanquam de Principum sacundia potissimum hic sermo sit: malimus tamen commentationi nostræ indicem & fines paulo productiores dare. De Eloquentia scilicet Politici agentibus, fas erit, tum ipsos præcipue Principes, civilis prudentiæ & muneris nomine; tum ex ceteris, cuicunque altior reip. intellectus aut usus est, elogii communis nota honestare.

Civilem scientiam tribus debere rebus censerem, iudicat Carolus Paschalis: cognitione juris, peritia historiarum, eloquentia. *in legat. cap.* Et sane (ut de eloquentia nunc tantum agamus) Politici is nomen tribuere ei, qui non possit vel loquendo vel scribendo, vel utroque modo negotia civilia, prout

par



par & opus est, explicare, nulla idonea ratio permittit. Id quod tam manifestam habet evidentiam, ut abuti otio videri possim, si magnum & perpetuum eloquentiæ in omni vitæ actuque civili usum instituiam probatum ire.

Sicut autem virtutes ipsæ, cum certis vitæ generibus ac officiis tribuuntur, non jam sub communes locos cadunt, sed in singularem observationem eunt, ut aliter de regis, aliter de hominis virtute loquendum sit: ita quamquam nullum veræ eloquentiæ genus, à viro civili plane alienum sit, peculiarem tamen ex proposito ingenioque actionis civilis æstimationem subit oratio, cum velut in medio rerum usu & negotiorum consuetudine, de *eloquentia Politici* (sive *politikam* velis appellare) suscipitur cogitatio. Neque enim hic spectamus aliud, quam eam sermonis & scripturæ facultatem, qua viri Rempublicam intelligentes aut tractantes, res civiles, pro earum ingenio, habitu, ceterisque momentis, apte & decore, adeoque ad obtinendam politici actus vim & dignitatem accommodate exprimunt. Sive quis malit dicere: Eloquentiam Politici ubiq; in usu civilis vitæ, cum Prudentia Politici paria facere, ejusq; rationes animo provisas, judicio comprehensas, proposito destinatas, quanta fieri potest dexteritate orationis assequi, & commode explicare.

Invenias quidem, apud quosdam, Politicum, non alium quam Oratorem dici. Nota sunt Fabii verba in proœmio operis: *vix ille vere civilis & publicarum privatarumque rerum administrationi accommodatus, qui regere consiliis urbes, fundare legibus, emendare judiciis possit, non alius est profecto quam Orator.* Quem etiam Cicero ex omnibus Sapientibus, auctorem publici consilii, & regenda civitatis ducem, & sententiæ atque eloquentia Principem in senatu, in populo, in causis publicis, facit. Sed qui sic disputant, eloquentiæ in rep. usum generaliter ac universe cupiunt extollere, ut conficiant illam Ciceroni tractatam alibi sententiam: *Sapientiam sine eloquentia parum prodesse civitatibus.* Itaque ostendunt multas urbes constitutas, plurima bella restincta, firmissimas societates, sanctissimas amicitias, eloquentia comparatas. percensent exempla maximarum rerum gestarum, quæ sine eloquentia non potuissent

*de Invent.* 1.

*Fab. 2. 16.*

*Cic. Brut.* 14.

potuissent geri : numerant rerumpub. principes, quibus in præcipua operum, eloquentia vel pro instrumento, vel pro telo fuit. Adjiciunt honores eloquentiæ habitos. quis enim nescit, in Græcis civitatibus, primam semper Oratoris dignitatem fuisse ? Nec aliter visum Romanis, qui ceteris gentibus peritiores in tractanda repub. haberi voluerunt. *Nam quis unquam dubitavit ( inquit rursus Cicero ) quin in in orator. 14. rep. nostra primas eloquentia tenuerit semper, urbanis pacatisque rebus : secundas juris scientia ?* Horum sententia nunc non amplius utimur, quam ut denuo, quod ante diximus, declaretur : ab optimis exemplis & rationibus clarissimorum Politicorum abire, qui nomen Politici sine eloquentia sibi videntur tueri posse.

Florebat sane plurimum Romæ forensis illa eloquentia, ad quam pleraq; studia diu referebantur. Et sicut inter rudimenta futuri Politici (perseverabimus enim hoc vocabulo uti) actiones fori numerabantur : ita laboris plurimū ponebatur, in eo genere orationis, quod ad explicandam ingenii ubertatem, ad publicanda solēniore apparatu studia, ad gratiam denique & auctoritatē proflus accommodatum videretur. Unde etiam in Scholis Rhetorum, pleraque institutio & exercitatio dicendi, in *Controversiis* substitit. nisi quod *suasoriis* etiam insudatum est : quæ jam *πολιτικώτερον* aliquid promittunt, si ad usum curiæ & deliberationum civilium referantur. nam foro & judiciis sua denique mansit seorsum occupatio, distinctumque est forensis facundiæ elogium, à politica eloquentia, quæ in ceteris reipub. partibus tractandis consultandisque cernebatur.

Certe Senatorias orationes, sententias, consilia, etiam Cicero sic distinguit à fori actionibus, ut in his, Jurisconsulti & oratoris, in illis Politici laudem videatur quærere. *Fuit mihi commodum ( ita scribit ad Atticum ) quod in epist. 2. 1. eia orationibus, quæ Philippica nominantur, enituerat civis ille tuus Demosthenes, & quod se ab hoc refractariolo judiciali dicendi genere abjuxerat, ut σμυβάτορος τις ἢ πολιτικώτερος videretur, curare, ut mea quoque essent orationes, quæ Consulares nominarentur.* Idem existimare fas est, de concionibus habitis ad

Populum: qui in republica libera in vicem senatus succedit, consiliique publici dominus & arbiter est. Hinc Demosthenes ille, cujus modo mentio facta, tanti Politici nomen meruit. ne de reliquis Atheniensium aliarumque civitatum Græcarum oratoribus dicam: quos magis illustrarunt orationes de republica, quam de causis forenibus.

in Cir. Rhet.  
lib. 1.

De Lycurgo Plutarchus: ἐπελυσάτο ἱστορίας καὶ λόγων καὶ πράξεων in rep. gerenda, assu juxta & oratione, sive verbis factisque magnificus erat. Plane ut Periclem Thucydides λέγει τοῦ καὶ πράξεν δυνατότατον, agenda dicendoque validum & efficacem, vocat. Eloquentiam inter artes laudesque Politici utraque sententia ponit: nec quamvis tamen, sed Politicam. quam non argumento tantum æstimaveris, sed personæ insuper conditione, ac dicendi genere, quod paulo post requirendum nobis erit. Ipsum enim eloquentia genus alios aliud decet. Est quod Principes deceat, aliis non concesserit. Imperatorum ac triumphalium separata est aliqua ex parte ratio eloquentia: sicut Pompejus abunde disertus rerum suarum narrator, & hic qui bello civili se interfecit Cato, eloquens senator fuit.

in Instit. or. 1.

in Brut. 76. c.  
ab. cap. 45.

Qua de re amplius disputat Fabius. Pertinet huc elogium L. Torquati, quem tu non tam cito Rhetorem dixisses (etsi non deerat oratio) quam ut Græci dicunt πολιτικόν: judice Tullio. qui & Lentulum ait, eloquentia satis habuisse, ad tempus duntaxat quod opus esset. itemque C. Lælio eloquentia tantum tribuit, quod esset in rebus privatis amicis ejus, in repub. ipsius dignitati satis. Quæ loca nobis ostendunt, personæ non minimam esse considerationem, cum de civili eloquentia quærimus.

2. de Idid.  
Cir. Rhet.

Quanquam est omnino quidam dicendi character, sive quædam dictionis forma, quæ τὸ καὶ πολιτικὸς designatur. Ejus Auctorem facit Rhamnusium Antiphontem, Hermogenes: Plutarchus autem Isocratem eo nomine laudat, quod primus ἱερεικὸς λόγος orationes contentiosas à civilibus sejunxerit, maximeque λόγους πολιτικοῖς studuerit. Ejusdem studii testimonio Democharem honestat, κατὰ τὴν πολιτικὴν λόγους ἰδὼν χεῖρα, nemine inferiorem in civilibus orationibus prædicans. Nec abludunt, quæ de Isæo scribit. Certe Athenis Schola constituta est πολιτικῶν λόγων, πολιτικὸς θρόνος sive cathedra eloquentia politica, sicut Cre-

*Crescilius in theatro Rhetorum ostendit.* Unde homines rei-  
publicæ destinati, tales potissimum magistros sibi delige-  
bant. quod vel Julii Augustique Cæsarum exemplis, quæ  
Taciti locus huic dissertationi præscriptus commendat, de-  
clarari potest. Quid enim aliud spectavit Julius, cum Rhodum  
profectus Apollonio Molonis clarissimo tum dicendi magi-  
stro operam daret, quam ut civilem eloquentiam perficeret,  
ad quam cum natura ducebat? ita *Plutarchus* in historia *Suet. Jul. 4;*  
ejus disciplinæ notat: λέγεται ὅτι ὦναι πρὸς λόγους πολιτικούς ὁ *in Cæs.*  
Καῖσαρ αἰετα, καὶ διαπορῆσαι φιλοτιμώτατα τὴν φύσιν. fertur Cæsar  
maxime accommodatam civili eloquentia naturam habuisse, eamque  
summo studio excoluisse. Augustus autem cum à Julio Apollo-  
niam missus esset, id præsertim in mandatis habuit, ut  
inter cetera studia, quibus ad summæ fortunæ cultum in-  
struantur singulares naturæ, diligentissime daret operam  
eloquentiæ: politicæ scilicet, habili, gerendis rebus aptæ, *Dis 45.*  
denique cujus exemplum Cæsar ipse, πολιτικώτατα sive mo-  
do maxime politico disertus, præmonstraverat.

Prius autem, quam de natura eloquentiæ & orationis  
Politiciæ pressius agamus, dissimulandum non est, πολιτικός  
λόγος apud Græcos, sæpe forenses notare orationes, quas  
nos antea ratione instituti à vere politicis distinximus.  
Plerumque tamen intelligitur hac voce forma dicendi ad  
usum actumque rerum nata, quæ in foro etiam præcipuum  
laudis tulit. Itaque *Hermogenes*, qui copiosissime, & ut  
solet, accuratissime τύπον πολιτικὸν ac λόγον πολιτικόν, for-  
mam orationis politicæ explicavit, & in judiciis, & in curia  
senatuque, & in comitiis sive concione, cum ad populum habe-  
tur sermo, characteris politici usum requirit atque com-  
mendat: ejus tamen nominis dignitatem semper τῷ σοφί-  
σῳ καὶ λογοτεχνίῳ, scholasticæ & declamatrici eloquentiæ,  
ut sic dicam, orationique ad ostentationem factæ, ita op-  
ponit, sicut otiosum à serio abjungi solet. *Dionysius* quoque  
*Longinus*, electissimæ artis magister, cum libellum κεινόν-  
τατος de sublimi dicendi genere auspicatur, virorum politi-  
corum judicio stare vult suas annotationes aut cadere, καὶ  
ὅτι δοκῶμεν ἀνδράσι πολιτικῶς τε θεωρεῖσθαι καὶ χρῆσιμον, si forte studium

*meum*, inquit, *Politici viri queam approbare*. Non loquum de peritia fori, totum argumento est opusculum, quo omne scriptorum genus, ad partes vocat, quatenus à vita civili & moris humani consuetudine, adeoque intelligentia politica, abhorrentia scripserunt.

Scilicet in Græcia viri civilis officium, quoties id univ-  
erse & in amplitudine sua spectatur, æstimabatur his parti-  
bus: si in judiciis defendere, vel accusare; in senatu &  
concione populi, suadere, dissuadere, hortari, laudare, ca-  
stigare; id est, per omnes reipub. partes, pro re & loco &  
tempore, eloquentiam expedire vir politicus posset. Sic  
apud Romanos postea omnis facundia hominum in rep. ver-  
santium, agendis causis in foro, explicandis consiliis in  
curia, habendis concionibus ad populum continebatur.  
Nisi quod sub Principatu, illa liberæ reip. facundia, vel  
usu vel pretio sui, itemque formâ, aliquid diversitatis &  
mutationis admisit. Porro sicut in his omnibus officiis, adeo-  
que etiam in forense eloquentia, genus orationis politicæ  
locum habebat, quantum ad rationes artis attinet: ita con-  
suetudine loquendi, judicandique, potius cetera reip. ar-  
gumenta, politici nominis honorem vindicarunt, sicut an-  
te diximus: partim quod gravitas & civilitas, ut sic di-  
cam, prudentiæ minus in forense strepitu & litibus se expli-  
caret; partim quod forensis eloquentiæ studiosi à magno-  
rum & Politicorum virorum exemplis moribusque pluri-  
mum abirent, atque dignitati, quæ primum in omni ti-  
tulo politico auspiciū facit, minus prospere aut constan-  
ter servirent. Itaque nihil tam speciose de virili & oratoria  
eloquentia in foro prædicare Aper in nobili & noto Fabii  
Dialogo potuit: quin Materno relinqueret satis materiæ, ad  
infectandam lucrosam & sanguinantem eloquentiam.

cap. 3.

cap. 12.

Si quis autem cupiat formam orationis politicæ descri-  
bere, non alienum sane fuerit, repetere ex magistrorum li-  
bris, quæcunque illi de perspicuitate, de moribus & virtutum  
notiis, de veritate & nativa indole, de industria & velocitate, de  
magnitudine, de severitate, de vigore, gravitate, splendore, venu-  
state, aliisque stili civilis laudibus copiose diligenterque  
tradi-

tradiderunt. sunt enim hæc ejusmodi, ut interdum omnia, sæpius aliqua aut singula viri Politici orationem vel constituant, vel commendent: sicut vel ex solis nominibus estimari potest. Verum nobis non est animus, per præcepta Rhetorum nunc lectorem circumducere. quin potius hoc agamus, ut simplici, & ex ipso communis vitæ usu reperta dissertatione, Eloquentiam viri civilis, quatenus verbis non licet, exemplis quibusdam designemus.

Huic instituto suffecerit forte, si formam orationis civilis potissimum *perspicuitate, nativa simplicitate, & congruenti dignitate definiverimus.* ita nondum effeceris orationem Politicam, inquires: cum in quovis argumento talis stilus possit reperiri? Certe. Sed istas notas, sicut supra repeti potest, referri exigique volumus ad genium & indolem ætus publici & civilis vitæ consuetudinem: ut hæc demum oratio nobis vere civilis sit, quæ virtutem suam intimis negotiorum civilium rationibus, & naturis actionum, tanquam unico exemplo, quam aptissime dexterrimeque conformavit. Hinc enim judicandi, & appellandi hanc eloquentiam, auspicia peti debent. Ex quo etiam apparet, accuratam subintelligi rerum civilium intelligentiam in eo, cui aliquid hujus laudis tribuendum est. ut valide huc pertineat illud *Ciceronis in Bruto: Dicere bene nemo potest, nisi qui cap. 6. prudenter intelligit.* Quare politica oratio, non nisi in Politico i. e. in viro reip. intellectum aut usum habente, locum habet: ut fiat, *Eloquentia Politici*, quod præscripsimus.

Intelligentiam autem & prudentiam viri civilis, cum hic requirimus, aliquid præter hæc nomina exaudiri volumus, etiam cum non nominamus. Ut enim intellectus rerum civilium, & prudentia ad effectum hujus eloquentiæ, quam quærimus, perveniat, singulari opus est judicii rectitudine, & expedita ratiocinatione sensus communis: à cujus consuetudine subtilissima sæpe ingenia, oratione æstuque, nimium quantum devertunt. Naturæ prima ac præcipua ea sors est, quatenus de viro civili loquimur. Hæc viri, qui & rerum & verborum notitia instructus est, mentem informat concipiendis, orationem enuntiandis sen-



rentiis: hæc contextum ordinat: hæc effingit speciem & vultum, qualis juvat & decet. Hæc omnium artificum præcepta superat: à quibus ad optimam & certissimam magistram provocat, naturam rerum. hinc omnem congruentiæ modum, artem, successum deducit. Itaque non sufficit ad eloquentiam Politici, bene dixisse, orate scripsisse, graviter commentatum esse. Bene enim & graviter & orate nemo utitur oratione civili, nisi qui ita utitur, sicut rei præsentis tractatio postulat, sicut actionis genius recipit, sicut institutum negotii admittit. Potest quis facundus esse, cum in locos communes degreditur, cum negotia civilia, quibus incidit, universe & sub late patentibus titulis concipit. at Politici eloquentia nihil minus quam per communia expeditur: plurimumque discrepant campi Rhetorum, disputationes Philosophorum, & Politicorum natæ ex ipsis rebus curæ. Tetigit ipsum eloquentiæ civilis genium & notam interiorē *Thucydides*, ubi Themistoclem laudat, *κρίσιον ἀνολογιστάς τε τὰ δέοντα* qui promte posset oratione expedire, quæ opus erant, sive quæ res postulabat. neque tacuit naturæ felicitis & Practicæ, ut interdum vocari solet, facultatem, è cuius arcano sinu, eloquentiæ tam rebus accommodatæ congruentisque opes profluebant.

lib. 1.

Sed redeundum nobis est ad *Perspicuitatem* illam, quam in omni eloquentia civili vel maxime requirimus. Multum sibi permisit plerumque schola, in obscuranda oratione, veluti per speciem artis auctoritatisque. sed civilis vitæ lucem, ut alibi monemus, dedecent stili tenebræ, quibus sincera rerum indoles plurimum corrumpitur, aut certe candor actionis infuscatur. Hinc aliqui pressam subtilitatem, & circumcisam brevitatem unice amplexi sunt: quo nomine ex veteribus *Lysias* præcipue commendatur. Sed nec sola debet perspicua existimari *Lysiaca* dicendi ratio: nec Attica veterum subtilitas tam expedita semper fuit & aperta, ut nihil desiderarent, qui iudicio in talibus valuerunt. Nota sunt quæ *Cicero* in *Bruto* & *Plinius* in epistola quadam ad *Tacitum*, disputant. Sicut nec ex diverso, perspicuus semper est, qui diffuso & copioso orationis ambitu perspicuitatis studium

Dionys. Hal.

cap. 16 &amp; 17.

lib. 1. ep. 20.

dium confectatur. Nam dilucidæ apertæque orationis virtus, non tam modo verborum, quam explicatione rerum continetur.

Imo ne intelligi quidem à nobis debet perspicuitas absque nativa illa simplicitate, quæ excludit nimium artis studium, & quidquid supra ac infra rem est, rei que animo conceptæ habitum. Præterquam enim quod omni orationi *Cic. 3. de or. 32. & Brut. 9.* debet insidere quidam venustatis non fucò illius, sed sanguine diffusus color; sive naturalis non fucatus nitor: cum primis pragmatico homini fugienda omnis nimia concinnitas, sicut notanter monet Tullius. Hinc Marcus Seneca de Dorione: dixit rem paulo clariorem, quam pressa & civilis oratio recipit. cui scilicet omnia inmodica, detorta, affectata, prorsus repugnant. Possis interdum de nonnullis dicere, quod Plinius sensu paulum diverso de oratore sui sæculi dixit: Nihil peccat, nisi quod nihil *Lib. 9. ep. 26.* peccat. Majore animo aggredienda est eloquentia (adhibeamus aptissima Fabii verba) quæ si toto corpore valet, ungues polire & *proem. lib. 8.* capillum reponere, non existimabit ad curam suam pertinere. Sed evenit plerumque, ut hac diligentia deterior etiam fiat oratio. Primum, quia sum optima, minime arcessita, & simplicibus atq; ab ipsa veritate profectis similia. Nam illa quæ curam fatentur, ficta atq; composita videri etiam volunt, nec gratiam consequuntur, & fidem amittunt. Legi omnino debent, quæ his continentur, ubi Ciceronis quoque sententia commendatur, qui maximum in dicendo vitium esse statuit, à vulgari genere orationis, atque consuetudine communis sensus abhorrevit. Cujus rei suspicionem ut à se moliretur, in alteram partem excessit Albutius Silus orator & rhetor, apud Suetonium. Declamabat enim genere *declam. rhet. 6.* vario: modo splendide atque adornate. tum, ne usquequaque Scholasticus existimaretur, circumcise ac sordide & tantummodo trivialibus verbis.

Lapsus à vero est utique, dum Politicus videri voluit, sordide dicendo: quasi fortuita garrulitas, posset auctoritatem existimari. Possumus quidem & hic oratores politicos à dicentibus, eloquentes à sedulis, distinguere, exemplo Ciceronis: sed quis dubitet, universe in eloquentia Politici requirendam esse Dignitatem orationis, proposito & formæ rei con-

Cic. or. 39.

Cic. or. 68.

in Dial. de or.  
35.

Cic. or. 29.

Cic. or. 23.

Cic. Brut. 7.

Cic. 3. de or.  
87 C. 2. de or.  
34.  
Tab. VII, 3.

*gruentem?* cum præsertim apud recte judicantes, omnis politicae appellationis ratio, dignitate quadam rei studique æstimari soleat ac describi. Plerumque ergo, *ex ore* Politici *verbum nullum nisi aut elegans aut grave exire* debet, quotiens Reipublicæ negotia ex dignitate gerenda suscepit: quippe quæ non aliter quam *optimis sententiis, verbisque lectissime dicenda* videntur. Et quidni Materno aut Secundo hic locus sit? quos Fabius prædicat: *gravitati summum nitorem & cultum verborum miscuisse. Aderant, electio inventionis, ordo rerum, quotiens causa poscebat, ubertas; quotiens permittebatur, brevitæ: compositionis decor, sententiarum planitas. Exprimebant affectus, temperabant libertatem, aliaq; magnorum oratorum munia dextre obibant.* Nam ab his mutuatur Politicus noster, quidquid eloquendis suis negotiis commodum reperit: adeoque vel maxime illud commune præceptum, ut *humilia subtiliter summisque, magna graviter, mediocria temperate dicat.* in quo plena sermonis politici dignitas versatur.

Itaque, licet oratio politica sæpius præferat notam hominis de re magis, quam de verbis laborantis, eaque non ingrata pragmaticis viris soleat esse negligentia, meminisse tamen debemus, etiam *negligentiam quandam esse diligentem*: sicut in loco & tempore, formam venustæ mulieris nihil æque commendat, quam ipsa formæ neglectio. Quare, cum omnia vel candoris vel ruboris fucati medicamenta, cum calamistris, repellentur, elegantia & munditia remanebit: *sermo purus erit: dilucide planeque dicetur, quid deceat circumspicietur.* Cumque omnis eloquentiæ origo verborum delectu contineatur, virum civilem minime decuerint verba sordida, barbara, obsoleta, talia denique quæ vel ignorantiam utentis, vel minutam industriam prodant. Quanquam autem *verborum bonorum usus non arte, sed quasi naturali sensu judicetur* plerumque, *satisque ornata sint verba, quæ res ipsa peperisse videtur*: non plane tamen nulla est observationis, & studii ratio habenda, donec ipsa nos exercitatio eo deduxerit, ut sensu statim percipiamus, quæ intellectum, quæ ornatum adjuvent. nam ad hanc regulam omnis verborum non vitiosorum æstimatio exigi debet.

Plus

Plus interim curæ sententiis deberi, quam verbis, Politici existimant. Et quod de consultandi deliberandique ratione dixit Cicero: totam orationem simplicem & *Partit. or. 27.* gravem, & sententiis debere ornatiorē esse, quam verbis: id ad viri civilis eloquentiam univēse quodam modo accommodaveris. Hic enim dominantur probabiles, civiles, moratæ, gravesque sententiæ. Contra ea Sophistæ magis *Cic. or. 19.* concinnas quam probabiles sententias exquirunt. Quod non eo monemur, ut ornata sententiarum concinnitati, alibi Tullio *Brut. 93.* laudatæ locum in oratione civili adimamus: sed ut ubique à declamatorum studio propositum viri civilis sejungamus. Hinc M. Seneca controversia VIII, lib. 1. Sententiam laudat, quæ non in declamatione tantum possit placere, sed etiam in solidiore aliquo scripti genere. Et Suasoria V. Sententia disertissima, inquit, quæ vel in oratione vel in historia ponatur. Sed de sententiarum *Cic. Ed. VII. 43.* quidem generibus vitiisque & virtutibus nihil attinet hic disputare. id unum satis habeo monuisse, eas maxime sententias Politico vitandas, quæ à nativa rerum indole, & actus civilis dignitate longius abeunt, ad Sophisticam vero ostentationem, & affectatam mollitiem propius accedunt. Tales sunt minuti corruptique sensiculi, & extra rem petiti: *India.* nimia inventiuncula, quæ excussa risum habent, inventa facie ingenii blandiuntur: Surdini prædulces & infracta sententia: *Sen. Suasor. ult.* Vtoris Statorii, decentissimi generis stulta sententia. Sic Silo Pompejus non effugit censuram Seneca, cum cacozelia *Sen. 2.* gene humillimo & sordidissimo, quod detractione aut adjectione unius syllaba facit sensum, sententiam dixit. Glyconem vero adjectione *Sen. ult.* supervacua atque tumida sententiam perdere solitum: Triarum quoque, dum sententiam puerilem capiat, inepte dixisse, idem summus Criticus notat. Ejusmodi sententiarum ineptiæ procul debent à civili eloquentia abesse: quæ *Contr. 6. lib. 1.* ne illas quidem admittit sententias concisas, & interdum non *Cic. Brut. 17.* satis apertas, cum brevitate, tum nimio acumine: quibus tamen plurimi etiam hodie delectantur.

Quod de sententiis dictum est, id vel maxime ad totam orationis compositionem, contextumque pertinet. Nihil hic umbraticum, nihil molle, nihil nimium, & ab

*Tab. in dial.*  
26.

*Id. inffit. or.*  
271, 10.

aurea mediocritate remotum tolerari potest. Igitur non civiliter, sed sophistice haberi eloquentes debent, qui lascivia verborum, levitate sententiarum, & licentia compositionis, histrionales modos exprimunt. Falluntur enim plurimum, qui vitiosum & corruptum dicendi genus, quod aut verborum licentia resultat, aut puerilibus sententiolis lascivit, aut immodico tumore turgescit, aut inanibus locis bacchatur, aut casuris, si leviter excutiantur flosculus nitet, aut precipitia pro sublimibus habet, aut specie libertatis insanit: magis existimant populare atque plausibile. Nec vitia modo ista plurimum à dignitate Stili Politici devertunt: sed etiam quidquid valde pictum & florens est, ita ut elaborata concinnitas, & quoddam aucupium delectationis manifesto deprehensum appareat. Quod si enim Tullius à forensi eloquentia talem cultum excludit, quanto magis viri civilis facundia, quæ minus sibi quam forensis permittit, modum tenere debebit? Verba summi Auctoris sunt, in Oratore: est quoddam etiam insigne & florens orationis pictum & expolitum genus, in quo omnes verborum, omnes sententiarum illigantur lepores. Hec totum è sophistarum sentibus defluxit in forum; sed spretum à subtilibus, repulsum à gravibus, in ea de qua loquor mediocritate consedit.

*Tlin. ep. VII.*  
2.

*Cic. Brut. 31.*

*Id. 22.*

Licet autem in foro etiam, modus & ratio temperamenti quærat, tamen castigatioris notæ eloquentiam, cetera civilis actus consuetudo postulat, sicut cœpimus dicere. Cum enim fori actiones, etiam in moderato oratore, retineant pugnacem & quasi bellatorum stilum, reliqua Politicorum oratio liberior & pacatior, quam pro consuetudine oratorum, & fori, esse debet. Igitur duplex illa oratoris virtus, una subtiliter disputandi ad docendum, altera graviter agendi ad animos audientium permovendos; in usu Politicæ eloquentiæ ad talem redigitur orationis modum: qui disputando movere, agendo docere, neque interim tam disputare aut agere, quam utriusque officii fructum suo quodam ac proprio dictionis genere videatur complecti.

Non unus interim eloquentiæ civilis vultus est: quippe quam variant immutantque sæculi genius, habitus actionum, mores dicentium, aut scribentium; materia, con-

silium

filium ex re natum, quæque sunt id genus alia. Igitur sive cum Rhetoribus genera constituas dictionis Asiaticæ, Rhodiæ, Atticæ; sive per infinitas & peculiare singillatim formas & exempla circumferas animum: non deerunt negotia, tempora, personæ, quibus aliam atque aliam undiqueque speciem sermonis, modo illo Politico, quem hic spectamus, accommodes. *Homerus* respectu Politico *Ulyssim*, *Nestori* suavitatem, *Menelao* concinnitatem, celebres eloquentiæ notas tribuit: quas subinde magni Auditores, suæ in hoc genere meditationis argumentum faciunt. Sed sub istis titulis multa concluditur, & tot nominibus pæne, quot naturis, distinguenda varietas. Quæ enim in vultibus humanis, eadem in oratione animadvertitur diversitas: ut in maxima similitudine aliqua plerumque insit dissimilitudo. Verum, quia ad eloquentiam univèrse spectatam hæc disputatio pertinet, satius erit ad ea progredi, quæ proprie destinavimus.

*Cic. Brut. 10.  
& 13. Plin.  
ep. 1. 20.*

Quamquam ipsa *Liciti* dissertatio, nobis exempla diversitatis suppeditat, in eloquentia Principum, quos commendat. Nam primum *Dictator Caesar* summus oratoribus amulus fuit. Quod elogium & iudicium Historici affirmari potest, præsertim per ea, quæ *Tullius* subinde tradidit, cum negat se videre, cui *Caesar* debeas cedere: eique elegantem, splendendam quoque ac etiam magnificam ac generosam quodam modo dicendi rationem tribuit. In quibus verbis agnoscamus licet characteres politicos: quorum omnis cætera virtus ad rē servatior, sive generosum quiddam, exigi amat. Licet interim apud me plus admirationis habeat, nuda illa & recta venustas, quæ absque omni cura aliquid accuratum; absque omni ornatu, aliquid speciosum refert. Quo nomine *Commentarii* ejus de bello Gallico & civili sine exemplo præcellunt. Tale ego dicendi genus viro Politico vel maxime optandū dixerim: cum & plurimum dignitatis, & minimum ostentationis, explicationem vero incomparabilem habeat. Vix potest juvenili ætati persuaderi, quod dico: quippe animis ad colorum & apparatus novitatem pronis, quæcunque diversa sunt, deteriora videntur. Operæ tamen faciet

*Brut. 75.  
Suet. Cæs. 55.  
& 56.*



pretium, qui ab ætate sua mature impetraverit, ut expertis credat, quantum præstantiæ, non statim apparentis insit in stilo Cæsaris: longeque majoris operis esse, tale dicendi genus, quàm apparatusissimas orationes, imitando consequi. *in Rhet. Gr.* Verissime enim de Cæsare dixeris, quod *Plutarchus de Lyſia*; *δοκεί τὸ καλὸν τῶν λέγων ἑυκολογὲς εἶναι, δύσμιμν* & c. *facilis sermone videtur, sed imitatu difficilis est.* Quapropter rectissimo consilio, Magnus ille *Jacobus Britanniae Rex*, inter ethnicos *Historicos*, neminem magis commendavit filio, quam *Julium Cæsarem*: cum ob dictionis suavitatem, tum ob materiae dignitatem.

Ab hoc non multum divertit Augusti eloquentia, de quo *Tacitus* noster: *Augusto promta & profluens, quæ Principem deceret, eloquentia fuit.* Tribuit alibi *Tacitus Q. Haterio*, in oratione, canorum aliquid & profluens: sed ex eo genere eloquentiæ, quod impetu magis quam cura viget, & audientibus forsan in præsentia probari, posteritatis autem censuram ferre non potest. Apud *Ciceronem* quoque profluens quiddam habuit *Carbo*, & canorum. quem locum haud dubie in animo habuit *Tacitus*, cum ista de *Haterio* scriberet. Quin etiam, aliquando eloquentiam & oratoriam vim inanis quadam profluentia loquendi imitari videtur, animadvertente *Tullio* in partitionibus. Sed Augusti, de quo loquimur, promta & profluens eloquentia præcipuo & vere politico laudis genere celebranda est. Nullibi hære, nihil moleste, nihil morose loqui aut scribere: oratione facili & expedita, non aliter quam habili instrumento artifex utitur, promte negotia quæcunque tractare & explicare: hæc profluentis eloquentiæ, & in politicam absolutionem adornatæ opera sunt. Ergo longe plus Augusto tribuit *Tacitus*, quam *Secundo Fabius*, cum in dialogo scribit: *Secundo purus & pressus, & in quantum satis erat, profluens sermo non deerat.* Cum enim præcipua sit orationis virtus explicatio: profluens quiddam requiritur & expeditum, ne intelligentia rerum interpellatur, quotiens dictionis cursus obhærescit. Equidem tam sterilis ingenii vix quisquam compertus est, quin post operam eloquentiæ datam, multa profluenti sermone possit explanare;

planare; Sed in pluribus hæret, & luctatur, non sine fastidio hominum, & intertrimento negotiorum. At vero Augustum, vel à suspitione ejus rei & naturæ & studii promtionis ratio, in-eloquentia politica plurimum liberavit.

Genus enim eloquendi secutus est elegans & temperatum: *vi- Sueton. Aug.* tatis sententiarum ineptiis, atque inconcinnitate, & reconditorum *86.* verborum, ut ipse dicit, secretibus. præcipuamque curam duxit, sensum animi quam aperitissime exprimere. Ejusdem disciplinæ auctor suæ domui fuit, ne moleste scriberent & loquerentur. Hæc & cetera in hanc sententiam, qui apud Suetonium legit, non potest non amare prudentiam summi Principis: quocum nemo melius intelligeret rerum humanarum actionumq; recessus, & abdita suisque varietatibus involuta mysteria: summo sibi cavendum opere duxit, ne orationis ambagibus clauderet, quæ non nisi aperta & in lucem exposita, finem humani propositi consequuntur. Hæc prima Augusto cura. proxima diligentiam stili, sive potentis, auctoritatem Principis spectat. Quamvis enim non *Indid. cap.* deficeret ad subita extemporali facultate, neque in Senatu, neque *84.* apud Populum, neque apud milites locutus est unquam, nisi meditata & composita oratione. Sermones quoque cum singulis, atque etiam cum Livia sua graviore, non nisi in scriptis, & è libello habebat: ne plus minusve loqueretur ex tempore. Rideret forte aliquis plus satis promptus, tam minutam industriam; sed ratio magna & gravis est, & quæ magnum faceret auctorem, etiam si per se tantus non esset. Politici actus dignitatem non decet, quidquid superfluit aut deficit in sermone: & à Principe præsertim, oracula expectantur, non verba. Quare nec illud diligentiae simul ac temporis compendium sperni debet, quo instituit recitare omnia: ne periculum memoria adiret, aut in ediscendo tempus absumeret. Notari omnino hæc à nobis debuerunt, ut promptam, sed cautam; profluentem, sed non diffluentem; Principis denique tot rebus intenti, non otiosi Sophistæ eloquentiam, amplius & propius inspiciendam meminerimus.

Sicut autem Principi maxime judicavit Tacitus convenire Augusti eloquentiam; ita Tiberio quoque, licet for-

mam orationis longe diversam secuto, non adimit latitudinem eloquentis Principis. Nam & hic, inquit, *artem callebat, qua verba expendere. tum validus sensibus, aut consulto ambiguus.* oratio sequitur hominum naturam: & Tiberium, indole atque consuetudine cunstabundum, profundum, in se reductum, sui obtegentem, simulatorem, non alia magis eloquentia decuit. Etiam ætatis rationem habet, in reputatione hujus exempli, *Lipsius*: ut & negotiorum, quæ interdum more Tiberiano tractari desiderant. Certe auctoritatem habent verba sensu tincta, orationis virtus altis nixa radicibus, & sententiæ penetrantes, & nihil invalidum, aut remissum.

*Not. ad 1.  
p. 10.*

Sed quid ambiguo sermone fiet, quem antea à Politici eloquentia plurimum abesse iussimus? Primum non præteriri debet posita à Tacito nota, cum Tiberium, *consulto ambiguum* vocat. Ergo non incidit in obscuritatem quandam ignoratione aut vitio eruditionis, sed nonnunquam ultro tale genus sententiarum elegit. In studio sane eloquentiæ negari non potest, quin aliquando *affectatione & morositate nimia obscuravit stilum, ut ex tempore quàm à cura præstantior haberetur.* quo nomine etiam ab Augusto subinde reprehensus est, cum *obsoletas & reconditas voces aucuparetur*: sicut ex *Tranquillo* discimus. Sed hanc morositatem mitigavit ratio & ætas, & usus publicarum curarum, successitque valida illa, & altiori genio imbuta eloquentia, in qua quidquid ambiguum fuit, proposito & consilio interiori debetur. id quod porro notandum est. *Consulto ambigua* fuit Tiberii eloquentia, quia Rationi status, quam vocant, alte involuta & implicita fuit. De qua re, totoque usu ambigui sermonis in politicis negotiis, non repeto nunc, quæ alibi scripsimus. Detur talis oratio, ut sub exemplo loquamur, Philippo II. Hispan. Regi: nec alia potius conveniet tanti Principis ingenio, & prudentiæ in alto recessu constitutæ. Præcipue autem notaverim, *ambiguum*, de quo *Tacitus* loquitur, & cujus passim in Principatu Tiberiano specimina ponit, *proprie non orationis esse obscuritatem*; per ea provenientem, quibus perspicuitas sermonis impeditur:

*Sueton. Tib.  
70. & Aug.  
86.*

*Annot. ad  
Tac. l. 4. 7.  
& 11.*

Sed

*Sed rerum occultationem*, cum quamvis dilucidis verbis, aliquid ex negotio ipso subtrahitur, forma non sua proponitur, parum conciliatur, aut quovis modo immutatur. Si quæ superest vitii suspicio, ponas suadeo in eo vitii genere, quod cum aliis vitio detur, certas personas ultro decet, & in argumentum commendationis transit.

De Caligula & Claudio ita pergit Tacitus notare: *Etiam C. Cæsari turbata mens vim dicendi non corrumpit. Nec in Claudio, quotiens meditata differeret, elegantiam requireres. Et in Caligulae quidem eloquentia, præcipue huc pertinet & dictioni politicæ maxime convenit, quod refert Suetonius, eum à le-* *Calig. 32.*  
*niore & comitiore scribendi genere, adeo abhorruisse, ut ne Seneca quidem veniam daret. Habet id iudicium de Seneca, ali-* *cap. 34.*  
*quid malignitatis, qua erga alios quoque Scriptores usus est: de cetero tamen arguit studium civilioris & virilioris eloquentiæ, ex disciplina aulae Romanæ haustum, cui Augustus, ut prædiximus, hanc legem commendaverat. Etiam promptum facit Suetonius: quantumvis, inquit, facundus & promptus. Qua de re antea in virtutibus orationis politicæ mentionem fecimus. Claudii eloquentia ad meditata & laborata opera restringitur: in quibus ipsis tamen, non*  
*ineleganter quidem, sed subinde inepte versatus est: id est, Sueton.*  
*plus eruditionis, quam prudentiæ (sine qua politica elo-* *Claud. 42.*  
*quentia nulla est) ostendit. Usitate autem & plerumque* *Indid. 42.*  
*sermonis remanque tantam negligentiam ostendit, ut nec quis, nec in-*  
*ter quos, quove tempore ac loco verba faceret, scire ac cogitare exi-*  
*stimaretur.*

Interim non defecit oratio ad exprimenda, quæ vellet. Id quod Tacitus, sive potius, apud Tacitum, Prudentiores & Politici viri in Principe requirunt. Seniores enim illi, quibus otiosum erat vetera & præsentia contendere, non sunt vulgaris vel conditionis vel ingenii homines: sed diligentes reipublicæ speculatores, quales hodie interdum honorifice usurpato vocabulo curiosos dicunt. Hi de novo Principe judicabant ex prioribus exemplis: neque decorum Neroni existimabant, quod studiis parum ad res gerendas facientibus, vividum animum & ætatem suam occupasset; eloquen-

eloquentiæ autem studia adeo neglexisset, ut *aliena facundia*; cum in publico loquendum esset, egeret. Sed quod ab initio reprehensionem Prudentum incurrit, postea in genus moris aulici transit, ut pleræque Principum *orationes, edicta, iussiones, epistolæ, rescripta, constitutiones*, alieno non ore modo recitarentur, sed ingenio etiam formarentur. Sicut ex historiæ Augustæ scriptoribus, & fragmentis in jure civili R. reliquis, cuique primum est intelligere. Atque hanc consuetudinem universi pæne Principes orbis usque in hunc diem receperunt: in quorum historia & Principatu rarissime invenias exempla eloquentiæ, quæ ipsum Principem habeant auctorem. Inter causas hujus rei, negari non potest, quin etiam referenda sit, ipsius doctrinæ solidioris & ad usus civiles promptæ raritas: dum paucissimi mortalium pares & cunctas ad singulare imperium artes solent asserre, sicut alibi disputavimus. Sed cum infirmi Principis labores variis indigeant adminiculis ministrisque, scriptura publica plerumque, tanquam opus ministris debitum, à Principe juberi potius quam administrari amat. cum præsertim auctoritatis ratio subsit, in hoc genere moris. Quamquam hic titulus non raro pro schemate & obtentu est rei, cujus indicium non equidem oratio nostra, sed publica & communis experientia facit. Manet interim verum firmumque, inter magnas & utiles Principis dotes esse, si aliena non semper opus habeat eloquentia.

Qualis porro sit ac esse debeat, vultus eloquentiæ in orationibus Principum & scriptura publica, & quam intime is stilus cum rationibus tractandi imperii ac politicis artificiiis consiliisque cohæreat, demonstravimus breviter in Annotatis ad priora Taciti, cum de *edicto Tiberii* Senatum convocantis, & *honora Principum oratione* ageremus. Quamvis enim in elogiis Principalis eloquentiæ, etiam *imperatoria brevitæ* à Tacito memoretur, quæ nude scilicet & absque explicatione rem proponit: tamen hæc ipsa simplicitas gaudet verborum delectu & gravitate. nec omnium negotiorum eadem est ratio; denique cum de usu rei quaeritur, ipsa nos

Annot. 3. &  
3. ad c. 11. lib. 1  
A. Tacit. ad-  
de Lipsi Pol.  
3. 6.

Annot. 5. ad  
cap. 7. &  
ann. 7. ad c. 11.  
lib. 1. A. Tacit.  
1. 21. 18.

nos comparatio ad id ducit, quod est optimum. Drusus Principis Romani filius, milites seditiosos non infeliciter alloquitur, *quanquam rudis discendi*. Scilicet *nobilitas ingenua*, Tac. 1. A. 29. sive generosus animus facile, quæ opus erant, suggerens, pro facundia fuit. Sed eodem tempore, Germanicus magna facundia seditiosos castigat emendatque. Vespasianus quoque, Princeps consalutatus, apud milites *militariter loquitur*, absque comitu & arte, quæ tum parum tempestiva erat: & Corbuloni, egregio Duci non defuit *magnifica oratio*, quamvis non tam eloquentia, quam *auctoritate* constaret, *que viro militari pro facundia fuit*. Nihilominus & Onofander in *Strategico*, & Leo in *Tactico*, bono Duci eloquentiæ studium & usum commendant. Interim eloquentiam in loco spernere, maximum eloquentis argumentum est: neque occultari facundia, nisi per artes facundiæ, potest.

Redeamus ad Politici eloquentiam univèrsè spectatam: de qua forte cupiat aliquis quærere, an etiam hodie illius possit usus esse, qui priscis temporibus fuit. Equidem cum seculi genius inde post renatas literas, à nullo studiorum genere, plane abhorreat; injuriam, certe convicium fecerimus nostræ ætati, si rei tam utilis vel ignorantiam, vel incuriam ei tribuamus. Licet interim non possint dubitare, quibus fata studiorum paulo propius innotuerunt, observari quasdam vices in propensionibus hominum, qui modo ardentius, modo remissius, denique segnius in aliquo studii genere versantur. Fieri quoque nonnunquam videmus, ut æmulatio aliorum studiorum, politioribus & in alto reconditis literis, umbram & caliginem ad quoddam tempus inducat. Emergunt tamen; & in orbem suum conspectiore forma redeunt, ea vicissitudine, quæ res humanas versabit, dum homines erunt. Certe quatenus societatis humanæ & in ea civilium actionum commercia patent, eloquentia non minus, quam prudentia, se ordinaria utilitate porrigit: nisi quis dememinisse queat, orationem tam esse instrumentum socialis vitæ quam rationem; atque adeo utramque summo studio excolendam esse civilis



vitæ deditis: inter quos præcellere cupiunt, qui Politici appellantur.

Et de Principibus quidem, jam dictum est. In reliquis, præsertim *Consilarii* & *Legati* (in quæ nomina hodie omne politicarum artium compendium conferunt) vindicant sibi eloquentiæ politicæ laudes. Rectissime fors fecerit, qui his vocabulis omnes rerum magnarum præfectos atque tractatores, comprehenderit. nam ab his præscribitur plerumque ceteræ eloquentiæ formula, quæ reliquorum ministrorum, & qui aliquam reip. partem attingunt, observatione magis, quam arte custodienda est. Interim Senatoriæ & consiliatricis prudentiæ proprium hoc non adjuumentum modo, sed telum est. Est enim *Consilarii* non suadere modo ac dicere, quid faciendum aut omittendum: Sed etiam explicare, quomodo, & cur ira sentiendum decernendumque sit: an & qua ratione, id quod inchoatur, Reip. utile, aut gloriosum, temporibus accommodatum, statui & status consiliis conveniens, ceteris denique melius aptiusque sit: an & quo pacto, quibus opibus artibusque effectum dari possit, quod consultatur. Hæc atque talia, etiamsi omnia ornamenta & artificia locupletandæ orationis abesse jubeas, insigni tamen opus habent eloquentia, ut explicetur natura rerum, negotiorumque forma & habitus, quatenus ad intelligendum unice requiritur. Igitur Historici, quos pragmaticos vocamus, magnarum rerum consultores non aliter fere, in theatrum producunt, quam insignibus orationibus, quibus sua consilia explicant, instructos. ut omittam eorum monita, qui de *Consiliariis*, minus efficaci ratione præcepta & regulas tradiderunt. Ne longe abeamus, notum satis est, quid de præcipuo nuper rerum Gallicarum adjutore, artibus politicis instructissimo homine, *Bartholomæus Gramondus* tradat. cui hac in parte communis fama, & res pridem ipsa fidem fecerat; gravissima quæque & singularia consilia, cum primum vel absurdam, vel alienam speciem haberent, prudenti facundia consultoris, omnium assensum laudemque meruisse, adeo ut pro unicis & optimis haberentur.

De

De Legatorum eloquentia eximie *Paulus Manutius, ad Præfat. in*  
 celebrem tum temporis Legatum Gallicum Jo. Monlucium *Cintr. lib. orat.*  
 disputat. Nunc in *Oratorum*, inquit, nomine, quod eximium *corias.*  
 semper fuit, nihilo minor, atque haud scio an etiam major, quam  
 prisca illis temporibus, dignitas & amplitudo est. mittuntur à Regi-  
 bus ad Reges, aut liberas civitates, qui non de stillicidiis agant,  
 non de jure fundi; quarum rerum controversias qui perito & copio-  
 se disceptarunt, scimus olim habitos esse eloquentes; sed ea tractent,  
 quæ prudenter disputata, otium gentibus constituere, dignitatem im-  
 perii conservare, terminos proferre possunt. hoc qui præstat, cum  
 ego veteribus oratoribus non comparo solum, sed etiam antepono.  
 Illi causas agebant, primum apud judices sorte ductos, deinde  
 apud eos judices, quibus de re aliena, non de sua judicantibus per-  
 suadere orator sive hoc, sive illud haud magno negotio posset. nunc  
 agitur in consilio lectissimorum virorum: agitur iis de rebus, unde  
 ad eos ipsos, qui judicant, maximum potest emolumentum sive da-  
 mmum redundare: cum & de publica re judicent, & in publica, extra  
 quam nihil est, privata cujusque contineatur. his probare quod ve-  
 lus, eo majoris ingenii videtur esse, quo difficilior ab artificio capi-  
 tur prudentia. Merebantur adscribi verba hominis eruditissi-  
 mi, magno judicio & elegantiâ verissime enuntiata: qui-  
 bus (ut propter imperitiores rursus auctoritate & quidem  
 recenti muniamus sententiam) interpretem adjungere  
 possumus, *Fredericum de Marselaer*, qui Legatum suum sine  
 eloquentia ne intelligi quidem vult, *dissertatione XXIV. libri*  
*prioris.*

In omni denique tractatione civilium negotiorum,  
 nulla gens nominari potest, quin patrii saltem sermonis  
 facundiam, pro modo ingenii, aut captu sæculi coluerit.  
 Ne peregrina tantum miremur, apud Germanos insignis  
 prorsus eloquentia politica, studio virorum rempubl. tra-  
 ctantium, cum fastigio rerum Germanicarum, usque ad  
 fastigium effloruit: neque profecto, ex quo imperii Ger-  
 manici majestas increvit, defuerunt rebus publicis ac Prin-  
 cipibus gravissima ingenia, quæ linguam patriam præsertim  
 à propioribus seculis, puro, eleganti, magnifico sermo-  
 ne instruerent. Sicut publica temporum acta, & monu-

menta partim subinde vulgata, partim in tabulariis & Archivis asservata, locupletissime testari possunt. Itaque sicut rectissime faciunt, qui confusionein sermonis, & investa immodice ac parum feliciter, hoc ipso sæculo, peregrina emblemata, abominantur: ita restitutionis & emendationis auspiciū non aliunde melius peti aut justius potest, quam ab exemplis, quæ laudavimus. Sunt in manibus, præsertim eorum, quibus respublicæ suæ credunt negotia ac monumenta, scripturæ optimæ, elegantissimæ, gravissimæ, maximeque politicæ, ineditæ juxta & vulgatæ. Quidquid bonarum vocum, notabilium formularum, decori contextus, deesse cuiquam perite cogitanti videri potest, nihil dubito inde restitui posse. Quin etiam elanguit pridem & proscriptum est ex aulis nimium illud novitatis atque confusioneis studium: quod magno impetu, sicut & Monetarium malum, aliaque nonnulla, ingruere, cito & late vagari, neque ita multo post vanescere vidimus. Non desunt, inquam, jam graves eloquentiæ vernaculæ auctores, inter viros Politicos; de quorum studio nunc agitur.

Quod, nescio, an secum reputent ii, qui, extra Poësin, in novis & sæpe miris vocibus fingendis nimis secure occupantur: & dum Germanicis quidem vocabulis student, varias interim loquendi formulas, Latinæ aliisque linguis proprias, repugnante genio vernaculæ, & gravitate contextus invita, magno numero inferciunt, & tamen interim longe diversum ab eo, quod faciunt, facere videri cupiunt. Quæ dum attingo, nihil aliud quam veneratōnem & observantiam profiteor, tot eximiis illustribusque viris debitam, qui hoc & superioribus aliquot sæculis summa, & nunquam silenda in hoc argumento, linguæ Germanicæ peritia insignes fuerunt: ut non verear credere, nos satis amplis doctōribus instructos esse, si non negligamus ipsi aut nesciamus nostros thesauros. De cetero neminis labores aut sententiās examinat aut judicat hæc admonitio: sit per me, suum cuique pulcrum: dum modo virorum de patria præclarissime meritorum gloria, ab oblivioso silentio vindicetur. Sed & illud semel ac serio testor,

testor, me loqui de rebus ad communem & civilem vitam spectantibus: ad quas scilicet politica eloquentia pertingit. nam quid opus est alio nunc mentem aut manum vertere? Posteritas cuique argumentum & regula vel modestiæ vel diligentiae erit. Posteris interim nemo cogitabit prudenter, nisi qui majores pie reverebitur.

Sicut autem hodie, sua cuique genti vernacula eloquentia excolitur: ita Latina, quæ omnibus politis nationibus quodam modo communis est, in vita politica, usuque civili, non adeo floret. Præcipua ratio ex historia imperii Romani repetenda est. cum illius incrementis celsissime floruit, & cum regnatricis Urbis majestate paria fecit Latina facundia. mutatis postea fortuna imperii & moribus, etiam fortunæ ornamenta & instrumenta cessere: donec translata in Græciam imperii sede, crebrisque in Italia consecutis vastationibus, nullus antiquæ eloquentiæ color superfuit. Qualis in repub. stilus obtinuerit, vel *Cassiodorus* nos docere potest. Etiam quæ prudenter cogitata erant, difficulter & magno molimine, interdum per ambages enuntiabantur. Quanquam ne hoc quidem sine res stetit, multoque magis horrida fuerunt, quæ in alta literarum nocte, circa negotia publica, scriptis prodita habemus. Instauratis avorum nostrorum memoria, liberalibus doctrinis, vix tamen aliquid in usu politico circa Latinam linguam mutatum est: si excipias magnos quosdam & doctos Politicos, qui interdum gravitatis & eruditionis, quæ Politicam facundiam deceret, specimina satis quidem luculenta, sed in consuetudinem & usum communem non itura, dederunt. Quamvis enim Imperii Romani reliquiis, graves ob causas, custodia & cura Latini sermonis convenire videatur; ultra satum tamen capumque temporum non proceditur: neque in ruderibus fulgere potest, quod proprium culminis ornamentum fuit. Accedunt notissimi hodie mores Scholarum: in quibus plurimi eorum, qui vitæ pragmaticæ scopum sibi proposuerunt, neglectus aut vix obiter libatis ceterarum doctrinarum præsiidiis, soli attendunt juri civili. Nisi quod eximia ingenia, felicitate naturæ,

& cogitandi sollertia, tum gravissimorum Jctorum consilio, subinde se vindicarunt ab ista studiorum cruditate, veteris Satyrici sale non immerito perstricta. Si quis in ipsa ratione docendi nonnunquam aliqua existimet fuisse, quæ ab expedita & civili eloquentia vel abducerent, vel absterrent, forte non erraverit.

Sed numeremus licet inter omina felicioris sæculi (cujus spem ex quovis augurio utinam non vane, captamus) quod Latinæ quoque eloquentiæ, ejusque civili formæ, suus honor non ubique hac tempestate negatur. Præter viros enim, qui pæne antiquis comparanda scribunt, præclara passim ingenia, cum ceteris dotibus artibusque habilem facundiam reipub. vel commodant vel destinant. Et licet universe de Eloquentia Politici, in quavis scilicet lingua, instituta hæc sit disputatio: non absurde tamen ad Latinam, quæ exempli vicem in cetera præbeat, respuerimus, in iis, quæ dicenda restant. Attigimus ante, diversam eloquentiæ civilis formam, temporum genio haud raro deberi. Et hoc voluit *Tacitus*, cum in loco, quem explicamus, Senecæ orationem amœnitate & comitu *illius temporis auribus accommodatam* judicavit. Non enim privatos modo cujusque, sed *publicos civitatis mores sequitur oratio*, sicut late & erudite disputat ipse *Seneca epistola CXIV*. Hinc gravitatem & constantiam sæculi comitatur adornata in stabilem dignitatem eloquentia: dissolutam vivendi disciplinam, fluxum & molle dicendi genus refert: curam elegantiae, diligentiaeque in agendis & tractandis negotiis, politico & exacto sermone æstimaveris. Itaque quod nostra ætate plurimis corrupta oratio placet, hinc non vane collegeris, mores quoque à recto descivisse. Sed nobis nunc sermo est de rectoribus ingeniis: judiciiisque cordatorum hominum, de quibus quæritur: qualis eloquentiæ Politicæ habitus, vel quatenus præcellit, vel quatenus merito toleratur, hodie designandus sit? Sive quæ orationis politicæ consuetudo nostris temporibus non ingrata sit?

Primum ergo, nimis sollicita verborum diligentia, quæ plane nullam vocem, nisi antiquissimis & optimis auctoribus

bus usurpatam admittit, non est nostri sæculi. Omnino enim in multis rebus cedendum consuetudini est, præsertim in appellationibus officiorum, aut formulis civilis actus, sicut in *prafatione de induciis Belgicis* bene disputat *Baudius*. Taceo, quod inter ipsos eruditos adeo non convenit, de auctoritate sermonis Latini contrahenda, aut amplificanda, ut qui ab initio hujus sæculi floruerunt, non idem senserint cum iis, quos nunc adulto sæculo miramur. Itaque Politico, sicut peritis Oratoribus, sæpe in oratione, magna ratio pro auctoritate est. Neque sic projicitur cura munditiæ, sed temperatur. Sententiæ hodie præsertim placent agiles, subriles, acutæ, ex *abditis* emicantes: si modo *Cic. Or. 24.* nihil officiant claritati & facilitati. Hinc diverso studio, cacozeli affectato declamationum acumine; & eloquentes, quæsitæ, qua licet, Atticorum subtilitate, aures sæculi propitiare conantur. Interim tota facies orationis, publico colore tingi, & plus fiduciæ, quam artis; plus familiaritatis, quam apparatus habere debet. Elucebit tamen semper aliquid notabile, quod de rebus vulgaribus non vulgari sententia dictum accipiatur: ipsaque familiaris consuetudo, interiore quodam consilio, & altiore genio gubernari videbitur.

Mirifice etiam, & novo quodam more, ornatus translatae comparataeque orationis æstimatur, si nimirum civiles, & probabiles, & inventi gratiam potius quam curam & novitatem habentes similitudines adhibeantur. Quid suavius, aut magis politicum, *Francisci Baconis de Verulamio* historia: quam potissima gratia, perpetuæ & feliciter congruenterque translatae comparationes condiunt. Hoc enim de industria exemplum nominare libet rei, quam descriptione, etiam curiosa; vix satis commendaveris. Renovatur denique antiqui moris usus, quem in Augusti vita *tranquillus* descripsit. Is enim *præcepta & exempla publice vel privatim salubria, ad verbum excerpta ex præclaris auctoribus, aut ad domesticos, aut ad exercituum provinciarumque rectores, aut ad urbis magistratus mittebat, prout quique monitione indigerent.* Ferant laudem imitationis minime servilis, qui  
nostra



nostra ætate, ut exempli gratia loquamur, C. Taciti gravissimas sententias, vel suæ orationi de negotiis civilibus tam apte, tam decore inseruerunt, ut domi natæ viderentur: vel in respondendo, colloquendo, deliberando, gravissimarum momenta rerum, his tanquam oraculis, breviter signanterque expediverunt. In utroque genere viros summos possemus nominare, si opus esset.

Attulimus hætenus, quæ Eloquentiam Politici in universum, quodam modo declarare, & ab aliis dicendi generibus distinguere forsitan possunt. Superest, ut exemplis auctoribusque talis eloquentiæ laudatis; inquisitisque, quibus insitire, viis; tum, quæ dicta sunt planius ostendantur, tum ratio comparandi talem facultatem in propatulo constituatur. Exemplis enim, præsertim propius inspectis & singillatim consideratis, nullum in rebus arduis potentius discendi docendique genus est. Agemus, ut in prioribus, breviter & simpliciter, neque aliud magis, quam candorem lectoris non plane imperiti respiciemus.

In constituendis Politicæ eloquentiæ exemplis, haud dubie primus debetur locus *Historicis*. Quia enim, ut ante declaratum est, omnis Eloquentia Politici debet inafsectata venustate præfulgere, & ex consuetudine civilis vitæ notitiæque, fiduciam potius quam artem ostentare, nullum certe scriptionis genus nominari potest, quod plus publici coloris saporisque, ut sic dicam, referat, quam Historia, prudenter eleganterque composita. Ad oratorum quippe facultatem qui Politicum vocant, illi meminisse debent, in præstantibus Historicis, non dicam, oratoriam vim reperiri (quamvis id dici potest, & à veterum doctissimis dictum est) sed *ex oratoria eloquentia modum reperi*. Intellige modum, qui civilem actum decet, vitæque & rebus, non scholæ & famæ, mensuram sui operis accommodat.

Tales in Latinis (quorum, ratione instituti, præcipue facienda est mentio) non habemus multos. Dicemus hac occasione de singulis aliquid. Quamvis enim Bonorum  
Scripto-

Scriptorum nomina, totiens jam commendata inter eruditos, ad decus & usum sui abunde valeant, nemo tamen debebit vitio nobis vertere, si quædam huc propius spectantia, ex ampla profundaue materie repetamus. Sequemur autem temporis ordinem, facillimum scilicet in hoc negotio & commodissimum.

Primi nobis offeruntur *C. Julius Cæsar*, & *Corn. Nepos*. Quos forte sufficit nominare: nam de *Cæsare*, antea dictum est: & *Nepotem* jam sæpius à nobis editum, alibi commendavimus, nisi quod neuter horum satis unquam laudari potest; præsertim ob sæculi nostri consuetudinem, quo plerisque alia omnia facilius placent, quam id, quod in *Cæsare* & *Nepote* præcipuum judicant eruditi. Sed *Nepotis* quidem magis exposita dulcedo & gratia est: omnis enim ejus scriptio in moribus explicandis; quæque laudi aut vitio dari merentur, enarrandis, sententiarum civilitate & similitudine, exemplorum quoque jucunda varietate & celeritate lectorem allicit: ipsaque dictio, quamvis simplicitati studere videatur, delectu verborum, compositione, sensu, statim aliquid suæ suavitatis, etiam non æstimantibus aut intelligentibus, insinuat. Dabimus hunc auctorem *Locorum communium*, quos vulgo vocant: ad quos respiciat civilis eloquentiæ studiosus, quotiens mores hominum publicæ & privæ consuetudo vitæ, quadam subtili elegantia, non citra gravitatem & auctoritatem utentis, notari desiderant.

*Julius Cæsar* contextu historiæ, quam ejusmodi locis morum, nobilior, monstrare potest, qualis in exponendo esse possit vel debeat viri civilis oratio, ad eum modum, quem supra laudavimus. Unum illud repeto, qui maturus & in juvenilibus annis delectari potest lectione *Cæsaris*, illius ingenium rectum, stabile, & in practico genere, sicut loqui solemus, non vulgaris notæ existimaverim. Qui ferro, sed tamen serio tantum Auctorem amabit, argumentum profectus, & judicii ad liquidum emerfi, sic quoque id habebit. Cui semper vilis videbitur *Cæsar*, etiam in comparatione maximorum scriptorum, is sciat licet, se vel aliud

aliud agere, vel à vera ratione judicandi negotia vitæ, multum abesse.

*Sallustii* proxima ætas est. De quo in utramque partem apud veteres, magnifice & acerbe existimatum, constat: evenitque, ut quodam quasi fato, ne juniorum quidem judicia, vel inter se, vel cum veteribus, in definienda dictionis *Salustianæ* forma, congruerent. Esse quiddam in stylo hujus Auctoris, profunda cura reconditum, quodque non eandem sui æstimationem, sic vel aliter intuentibus suggerat, id vero apertum est. Magno consensu veterum doctissimi *Brevitatem Sallustii* commendant: quam tamen adimunt ei celeberrima propioris ævi nomina, *Scaligeri*, *Gruteri*, alique. Sed ut opinor, alia sunt ac diversa, ad quæ respiciunt illi & isti: possisque eodem genere dubitandi *Thucydidi* quoque breviter abjudicare.

Ep. 114.

Magis ad rem facit, quod antiquarius audit *Sallustius*: cujus exemplum non parum seculo vult nocuisse, *Seneca*, qui, *Sallustio* vigente, inquit, amputata sententia, & verba ante expectatum cadentia, & obscura brevisitas, fuere pro cultu. Et præcesserat: vitia unus aliquis inducit: ceteri imitantur, & alter alteri tradunt. Postea obsoletas locutiones *Sallustianas* nominatim reprehendit. neque dissimulat tamen, imitatores, exempli, quod sibi proposuerunt, modum excessisse, eaque, in quæ *Sallustius* rarius inciderit, pro virtutibus arripuisse, magnoque studio frequentasse. Itaque nullo modo debemus, cum de eloquentia Politici quæritur, negligere iudicium eloquentissimi Principis *Augusti*, qui *Antonium* eo nomine reprehendit, quasi utentem verbis, quæ *Sallustius* ex *Originibus Catonis* excerptis. Non minus enim antiquarios, quam cacozeleos, ab instituto civilis orationis abluere judicabat. Suaferim autem omnino, sicuti sæpius jam dictum est, ut in omni eloquentia politica fiat, quod in *Historia* scribenda faciendum esse, *Asinio Pollioni* suasisit *Artejus Philologus*. de quo *Suetonius*: Quo magis miror, *Asinium Pollionem* credidisse, Philologum antiqua verba & figuras solitum esse colligere *Sallustio*, cum sibi sciat nil aliud suadere, quam ut nota civilique & proprio

Sueton.

Aug. 86.

in Grammat.  
illustr.

proprio sermone utatur, viterque maxime obscuritatem Sallustii, & audaciam in translationibus.

Sunt equidem nonnulli, qui nostro sæculo sufficere credunt debere, auctoritatem solam veterum scriptorum, ut satis politicum sit videlicet, quidquid eorum nomine exemploque præscribitur. Neque nobis sane fas fuerit diffiteri, & Sallustio multum posse mutuari orationem politicam, si modo meminerimus, alia exempli causa imitantibus, alia eruditis adulto jam profectu, in varios usus supeditari. Sallustiana dictio vult *judicari*, quod non est tyrocinii; & *eligi*, quod non est cuiusvis ingenii. Cum iudicium & electio accesserit, *Gravitate* orationis civilis, quoties illi serviendum est, figuris & sententiis propriis, ut sic dicam, instruet *Sallustius*.

Hunc consecutus est *Livius* eloquentissimus Scriptor, vel *Tacito* nostro teste; quem si omnis politicæ eloquentiæ promptuarium credideris, à vero nil alienum putabis. Hunc Herodoto æquavit *Fabius*, quamquam in nonnullis forte præferri mereatur; *cum in narrando mire jucunditatis, clarif- Inst. Or. X. 1.*  
*simique candoris, tum in concionibus supra quam enarrari potest elo-*  
*quens: ita dicuntur omnia cum rebus tum personis accommodata:*  
*sed affectus quidem, præcipue eos qui sunt dulciores, ut parcissime*  
*dicatur, nemo historicorum commendavit magis, ut absolvamus*  
*verbis Fabii, quod cœpimus. Hic eruditi habent, quod*  
*insatiabilis affectu mirentur: hic tam præsentis gratiæ vis*  
*inest, ut animos interiore disciplina non imbutos, tamen*  
*rapiat teneatque. Hic omnis ætas invenit, quod amet.*  
*itaque à pueris magis hunc legi vult Fabius, quam Sallu-*  
*stium. scilicet, ut puerilis ætas splendorem Livii affectu Inst. Or. II. 5.*  
*naturali appetat; maturitas virilis, sensu erudito æsti-*  
*met; provectior ætas, utriusque generis disciplinam ele-*  
*ctissimo iudicio pensitet atque commentetur.*

Notatur quidem *μακρολογία*, id est, longioris, quam oporteat, sermonis, cum libro VIII. scribit: *Legati non im-*  
*petrata pace, retro domum, unde venerant, abierunt. Sed longe*  
*differt interdum sensus scribentis, à legente: atque sicut*  
*magistris dicendi solenne est, omnia ad regulas artis, us-*

*Quintil Inst. Or. VIII. 3.*

que ad minutias, revocare : ita Scriptores, de industria, à præceptis, cum ratione, ad fiduciam, & securitatem quandam sua studia referunt. Nec deesset forte ratio, quæ in ostenso exemplo satis defensum daret auctorem, si quis id vellet agere. Ne dicam (quod supra dictum est) ad venustatem totius orationis vix pertinere, si capillus non prorsus ad leges geometricas sit repositus. Si quis porro velit hodie *PATAVINITATEM* Livii, cum Asinio Pollione, quasi ex abdito refodere, is nodum in scirpo quærat, arbitror. Fortassis interim delicati oris limatique judicii Politicus, etiamsi totum probet ametque Livium, non omnes periodorum structuras mensurasque, interdum suo proposito existimabit conducere.

Inter Historicos sane à nemine sibi plus adjumenti potest promittere eloquentia politica, quam à *Livio*, & *Curtio*, quem statim adjungam. Sicut enim, posterior *Livio* *Curtius*, *Vespasiani* demum ævo, ut videtur, vixit : ita optimi ævi scriptoribus æquari & fortasse omnibus Historicis quodammodo anteferrî potest. Magnificentior *Livii*, *Salustii* gravior, *Taciti* profundior oratio ; *Curtii* his omnibus suavior, tersior, accuratior est. Quod in moribus *Livio* tribuit *Fabius*, multo magis *Curtio* convenit. electissima ejus verba ; civiles & aptæ sententiæ : expositio mirifica, conciones expedita facundia instructæ : materiem suam non magis promte implet oratio, ubi opus est ; quam è pleno, prout decet, dispensat. Atque in his omnibus, cum nihil ad laudem perfecti Rhetoris desit, magis tamen extare videntur, quæ libentius, ad πολιτικόν, ut appellant, retuleris.

*Livius* eloquentiam suam prolixius & liberalius, vel amare, vel imitari volentibus offert : *Curtius* haud paulo accuratior, æquabile politissimi stili temperamentum, non simul & semel, sed post iteratam sæpius lectionem, attentis demum intentisque commendat. *Livius* magnanimo quodam plenus candore, exporrecta suavitate invitatur simul & admittit lectorem : *Curtius* per quædam admissionis mysteria, & gradus in familiaritatem adhibet eruditæ

erudita & decora ingenia ; obvia tamen sic quoque & exposita humanitate, statim idoneus amari. non enim abscondit gratiarum suarum irritamenta, sed disponit : & cum primo aspectu placeat, hoc pretio vult placere, ut æstimetur.

Scorsum laudari meretur, quod non minus utilem, quam subtilem observationem habet. Rerum aulicarum elegantiam, ipsius aulæ genium, figuras, vultum, nemo vel apposite magis, vel magis ex decore expressit. Unus est Curtius, qui delicatissimo Aulicorum judicio, votoque, potest satisfacere, in eloquendis convenientissime rebus, quibus actio & usus aularum gratiam formamque ex ingenio suo, non tam ut intelligatur publice, quam ut vigeat intime, ac semper deceat, indidit. Quantum sit in hac arcana parte disciplinæ Curtianæ, non fugiet lectores, qui ingenii profectusque dexteritate, qua par est, notitiam Auctoris tam accurati ambiverint sibi que conciliaverint. Ad plurimos interim, qui sibi multum sapere videntur, ne suspicio quidem ejus rei pervenit, quam commendavimus.

*Velleius* quoque, ævi Tiberiani scriptor ex iis est, qui stilo politico, singularis cujusdam gratiæ & jucunditatis genium, studuerunt conciliare. Sed plus habet ex quæsito : cum Curtius absque suspicione & specie talis propositi, exquisitus sit. Est tamen *Velleius* in eo felicissime diligens, quod studium suum absque omni fastidio, & ineptiis, lectoris judicio & favori, summa cum voluptate approbat. Verum de hoc satis dictum est in oratione, quam de *Historia Velleii* publicavimus.

Scripsit eadem ætate *Valerius Maximus*, à cujus lectione multorum animos alienavit, quod in limine statim obijcitur, *mea parvitas* : Sed nimirum ita jam incipiebant studio humilis reverentiæ erga Principes, loqui. *Velleius* de se, *mea mediocritas*, inquit. Cetera ingenio ejus, non ævo tribuenda sunt. ingenio enim usus est ad res colorandas proniore, cuique nihil sine figura & invento placeat. Hinc sententiosum scribendi genus, & quæsitum

acumen, & captata ex quavis occasione novitas. In quibus rebus confectandis, nolim sane orationem Politici, liberalius sibi indulgere: reperiet tamen in hoc exemplo ubique, quod levi flexu, ad simplicioris venustatis habitum decore transduci possit. In verbis interim, plus Latini sermonis latet, quam plerique animadvertunt. Quare ne ab emendatæ quidem orationis studio, si profectu aliquo & judicio fuerit instructus, eum plane removendum censuerim. ne dicam, hanc quasi *materiam judicandi censendique* ὡς κριτικὴν, uberi & commodo disciplina posse demonstrare, quid feliciter aut secus à graviore venustatis genio, & puriore eloquentiæ forma deflexum paulatim sit atque immutatum. Ita enim abit aliquando à melioribus exemplis, ut eorum peritiam ostendet, & amorem profiteatur.

Proximus, quanquam satis magno temporis intervallo, inter superstites Historicos, est *Cornelius Tacitus*, cujus prudentia sicut consensu hominum temporumque deprædicata est: ita facundiam non potuerunt capere aut judicare, qui in penetralia hujus studii, vere subtilis & reconditi, non rite sunt ac ordine admissi. Quo nomine, merito reprehenduntur insignes quidam viri, *in utilissimo Vossii Illius de Latinis Historicis opere*. Sed mirari satis non possis, reperiri hodieque, qui *Tacitum* corrupendæ Latinæ dictioni natum, asseverare non vereantur. Nescio an hic dicam, quod sæpius mihi videor animadvertere; viros etiam eruditos & harum litterarum scientiam professos, non pari studio in scriptoribus tractandis versari; sed nonnullis quidem mentem ac operam serio impendere, in aliis haud pari diligentia, neque judicio tam liquido, sæpe ne absque fastidio quidem, ut præconcepta alibi movet adfectio, versari. Hinc est, quod contemni nonnunquam videmus, quæcunque non quidem à recto, sed à formula exempli quod sibi quisque amandum delegit, abeunt.

Equidem si Latinum non est, quicquid à genere dicendi Ciceroniano est diversum, fingant sibi quidquid volunt, & quærant sæculum, aut orbem, in quo una tantum oratio-



orationis forma obtineat placeatque. Certe ex Cicarone, hoc nemo didicerit, qui scripta ejus legit. Posset aliquis, si institutum pateretur, ex solo Cicarone ad omnia, quæ Taciti stilus habet, insignia exempla annotare. adeo non odit Cicero Atticam illam subtilitatem, aut natas ex abdito sententias, & novata decore vetera vocabula, & verba sensu tincta, quæque sunt id genus alia. Denique quæ in aliis, tum Græcis, tum in Latinorum imitatione, tam ingenue & liberaliter passim judicat commendatque, haud dubie in Tacito, si contigisset iis, per diversæ ætatis intercapedinem, noscere invicem & nosci, accuratissime probasset laudassetque: fortasse hunc solum posuisset, qui rotundam Græcorum subtilitatem, pari ingenio successuque ad Latinos transtulit.

Commendatus esset procul dubio elegantissime, etiam *Inß. Or. X. 2.* à Fabio Quintiliano, tum inter oratores, tum in historia: nisi virum memoria sæculorum dignissimum, posteris laudandum, ex instituto sui operis, in quo vivorum prædicatione abstinuit, relinquere statuisset. Extant tamen sic quoque illustria, nobilissimorum Scriptorum de Tacito testimonia: quæ cur debeant postferri hodiernis censuris, nulla excogitari idonea ratio poterit.

Non injuria quoque forte dubitaveris, an immanes illi censores, unquam satis observaverint, quam diligens imitator fuerit Tacitus optimorum & scriptorum & operum. Vix enim dici potest, quantum ex optimi ævi eloquentia, reconditæ eruditionis, & tersissimæ Latinitatis, exprefferit hic Scriptor. Certe de novitate & insolentia stili, hætenus non videtur ei lis mota esse, ut arbitrer, facilius ævo quo vixit, ei objici potuisse, quod Plinio objectum est, non esse eum contentum eloquentia sæculi sui, sed ad antiquorum exempla studiosius recurrere.

At enim non servavit totam illam formam ætatis aureæ. Possis respondere, ne illo quidem ævo unicam fuisse notam dictionis; neque omnibus diffusum, aut explanatum, sed jam tum, non paucis adstrictum pressumque orationis genus probatum esse. Sed quoniam inf-

cutis temporibus, sub imperio singulari Cæsarum, magis magisque placere cœpit Attica illa brevitās & pressa gravitas, pars eruditionis & prudentiæ fuit, genium sæculi quodam modo propitiare. quod Tacitus ita præstitit, ut & Senecæ conatum, & Pliniorum dexteritatem, veluti naturali quodam bono vicerit.

Habet sane aliquid proprium & suum, sed quod naturam potius & habitum animi, & altioris prudentiæ genium, quam curam & artem referre videatur: adeo congruunt omnia æquabiliter, & respondent invicem apte, & pulcre decent. Quæ sola res, supra invidiam censuræ atrocis Tacitum collocare debuit. De cetero, fruatur suo sensu auspicioque, quantum lubet, qui in carmine tantum habere locum, neque ad Taciti stilum notandum adhiberi posse contendat, quod *Horatius* iudicavit:

*Dixeris egregie, notum si callida verbum  
Reddiderit junctura novum: si forte necesse est,  
Indiciis monstrare recentibus abdita rerum.  
Fingere cinctus non exaudita Cethegi  
Continget, dabiturque licentia sumta pudenter.  
Et nova fictaque nuper habebunt verba fidem, si  
Græco fonte cadent, parce detorta.*

Quod primum posuit, in Tacito perpetuum est, & singulare. Quantum etiam; & quam decore Græcis acceptum dictio ejus referat, non nisi eruditæ æstimationis est.

Præcipuum, quod caliginem & insolentiam offundit plerisque, sunt figuræ subcentiæ, detractionis & *μεινύσας*, ut nunc Rhetorum vocabulis utamur. Hæ in Tacito crebriores, & ad peculiarem quendam gravitatis modum accommodatæ; quæ minus exercitatis obscuritas videtur. De hoc conqueruntur, & abrupta omnia & inaccessa clamant; cum plerumque unius voculæ adjectione & supplemento, omnia plana & expedita dari possint: id quod in elegantissima sua *Paraphrasi* subinde demonstravit *Amplissimus noster Freinsheimius*.

Sed

Sed relinquatur, opinor, *Tacito*, quod alios non æque decuerit : neque discedat à lege sui operis, studiosus eloquentiæ civilis, quantum ad perspicuam & planam facilitatem attinet. dum modo non ignoret, quicquid habet *Tacitus* vel electum verbis, vel grave sententiis, posse sine ullo negotio ad rationem dicendi apertissimam planissimamque transferri, ab eo, qui probe intellexerit tantum Scriptorem (intelligunt autem oppido pauci) & in aliqua dictionis forma semel sibi constiterit. Cui hæc præsidia absuerint, is potius alios videtur debere auctores sequi.

Verum de *Tacito* plus satis. Ad cûjus ævum, etiam *Florus* pertinet, is qui quatuor rerum Romanarum libros scripsit. Hic inter eos reponendus est, qui, iudice *Augustino*, non tam narrare bella Romana, quam Romanum imperium laudare instituerunt. cui proposito stilus quoque responder, in historia declamatorius, ac poetico propior, sicut amplius de eo pronuntiat *Vossius*, in opere de Latinis Historicis, Recte etiam *Barthius*, *Flori*, inquit, *Epitoma rerum Romanarum quidam Panegyricus est.* Omnia sane Panegyristarum inventa, artificia, ac cumina, plerumque non infeliciter captat. Itaque, quis ejus in eloquentia civili usus esse possit, cognoscetur ex iis, quæ de oratoribus & Panegyristis postea dicentur.

13. de C. D.

19.

lib. 1. c. 30.

*Suetonium* non ita pridem laudavimus, cum à nobis, Instituto, quo tum diximus, ederetur. Illa huc repetere, nihil attinet. In transitu tantum monemus; causas non leves, nec unas esse, cur a politicæ & prudentiæ & eloquentiæ studiosis, valde amari debeat ille Scriptor: non quidem ad tractandi gravitatem, sed ad exprimendi subtilitatem mirifice accommodatus. In delectu sane verborum ad civilem communemque sensum, civiliter, non vulgariter propitiandum, semper aliquid ex armario *Suetonii* licuerit depromere, quod absque omni ostentatione efficacæ & decorum & efficax sit.

Quid de *Iustino* dicemus, qui *Trogii* epitomen fecit? Qui eloquentiam penitus scrutantur, haurire possunt inde aliquid, è melioris sæculi litteratura. In plurimis enim non minus *Trogum* exscribit, quam *Xiphilinus Dionem*.

P.

Si

Si candide & citra morosam censuram agendum est, non video, quid repudiare in eo possit nostri sæculi Politicus, vel in verbis, vel in sententiis, quatenus expositioni rerum serviendum est. nam elegantiam contexendæ orationis aut ornandi argumenti, aliunde rectius forte petiveris.

Hinc à Diocletiani temporibus nova petenda sunt initia. ubi inveniemus sane scriptores ad prudentiam potius, & notitiam rerum, quam ad eloquentiæ studia utiles, si quidem eloquentiam vere Latinam, puramque quaerimus. Sed, quia nostro sæculo, ipsique rerum civilium tractationi, aliquid indulgendum est, sicut & ante diximus, & postea monebimus iterum, nolim ab Eloquentiæ civilis studio negligi, *Spartianum, Vulcatium Gallicanum, Trebellium, Capitolinum, Lampridium, Vopiscum*, qui Augustorum vitas in litteras retulere: dissimili quidem diligentia, stilo quoque non eodem (sicut *Trebellium & Vopiscum* cum ceteris conferre volentibus ultro patebit) non multum tamen dispares, in eo, quod *dictionis genus sapius commune cum antiquis Jureconsultis* habent, quod *tot Principum pulcherrimas epistolas, tot gravissima Senatus consulta, tot alia publica monumenta, & scrinia Augustorum, actis Senatus & Populi, & nescio unde ex abdito eruta* complectuntur. Merito enim, quo nomine univérse eos commendat *Is. Casaubonus*, nostro instituto applicamus.

*Pref. ad ill.  
los Scr.*

Et quoniam hujus rei facta est mentio, non distulerim de Historicis quibusdam judicium ponere, ad præsentis vitæ usus & actum civilis vitæ potius quam ad placita rhetorum & delicatas nonnullorum aures accommodatum. Ego illos Historicos, qui operibus suis inserunt totas formulas, & acta curiæ, totas, sicut re verà in actu ipso conceptæ ac usurpatæ sunt, orationes, epistolas, consultationes, arbitror facere quidem rem, proposito eloquentiæ ostentandæ, & artis historiciæ regulis, magnorumque Auctorum, qui omnia sua voluerunt *αὐτοπρόσωπα* esse, exemplis alienam, sed civilis prudentiæ eloquentiæque studiosis perutilem. Nam, qui invertunt illa, omniaque suo stilo formant finguntque, sicut alio nomine laudem merentur

rentur (modo non desit facultas oratoria, quæ in historico ejus generis unice necessaria est) ita exterius illud schema publici actus sermonisque, cujus tamen peritia observantiaque censeretur plerumque omnia solent, non usque adeo representant.

Hæc dum scribo, palam est, mihi non esse sermonem de magnis illis & decoris ingeniis veterum, quæ omnem civilem scenam eo habitu instruere potuerunt, qui esset optimus, aptissimus, perfectissimus; & unde exempla peti omnis tractationis, e rebus generis humani esset. Sed primum existimo, multos, qui impare facundia & ingenio minus pollente historias aggressi sunt, rectius & publice utilius fuisse facturos, si pleraque formalis actus, ut nunc ita loquar, ex tabulis potius publicis ad verbum descripsissent, quam suis calamistris ea inurere aut vix elutanti descriptione deterere tentassent. Deinde diversa, magnorum quoque ingeniorum proposita, scribendique genera, mutua contentione non obrectare sibi invicem volo, sed distingui, & nosci, sua cuique laude salva, & utilitate utriusque generis declarata.

*Aurelij Victores*, diversorum illi quidem temporum scriptores: rum *Entropius*, itemque *Sextus Rufus*, in honorem argumenti potius, quam studio eloquentiæ cognoscendi sunt. Ex *Victoribus* alter, *Taciti* locutiones quasdam & sententias studiose affectavit: forte tamen, infra successum eruditæ imitationis. Nostro certe instituto non convenit, illis operibus considerandis operam navare. Nam quod *Victoris viri illustres*, pueritiæ inter prima rudimenta Latini sermonis; propter miram simplicitatem & facilitatem, interdum commendantur, ad argumentum nostrum parum pertinet.

De *Animiano Marcellino* potius aliquis dubitaverit. Sicut enim dictio ejus à pura Latinitate non parum recessit: ita suo quodam genere loquendi, rerum abdita, & negotiorum naturas diligenter consequitur. Non potest quidem, quod prudenter intelligit, civiliter & venuste eloqui: sed ostendit tamen eximie, sibi inesse talis doctrinæ

elementa, si vel sæculi facundioris exemplo, vel maturiore disciplina licuisset uti viro, plerumque in militia & negotiorum actu versanti. Certe, compositioris eloquentiæ studio, sæpe potest suggerere cogitationes & sententias, orationi civili profuturas; & simul admonere de iis, quæ magis ad *ἡθικὴν* & scenam recitatorum, quam ad civilem habitum pertinent. Placuisse eum valde suo ævo, vel *Libanii epistola de eo & ad eum docere potest.*

*Inst. or. X. L.*

In summam adhiberi fortasse *Quintiliani* iudicium debet: *Paucos, inquit, vel potius vix ullum ex iis, qui vetustatem pertulerunt, existimo posse reperiri, qui iudicium adhibentibus non allaturus sit utilitatis aliquid, cum Cicero ab illis quoque vetustissimis auctoribus ingeniosis quidem sed arte carentibus, plurimum se fateatur adjutum. Nec multo aliter de nobis (nostri nempe ævi scriptoribus) sentio. Quotus enim quisque inveniri tam demens potest, qui ne minima quidem alicujus certe fiducia partis memoriam posteritatis speraverit? qui si quis est, intra primos statim deprehendetur, & citius nos admittet, quam ut ejus nobis magno temporis detrimento constet experimentum. sed non quidquid ad aliquam partem scientiæ pertinet, protinus ad faciendam etiam epistolam de qua loquimur accommodatum est.*

Hac observatione non modo in iis ætatibus, quarum hætenus mentio facta est, sed in sequentibus etiam, usque ad proxima tempora, sæculis uti licebit. Nostrum enim non est percurrere nomina & tempora Historicorum, quæ tum *Vossiano opere*, tum aliis ejus generis monumentis sunt annotata. cum præsertim oppido pauci, imo vix ullus reperiatur Historicus, qui melioris ævi exemplique eloquentiam vere & dextre expresserit.

Post instauratas ex barbarie literas, auorum & patrum memoria, inventi sunt sane aliqui, quorum in historia neque prudentiam, neque eloquentiam merito desideres. Sed hos enumerare, non est nostri instituti. Sicut nec ea ingenia, quæ pæne oculis inhærent, & vel nuper floruerunt, vel adhuc supersunt, & nostræ ætatis exornant gloriam, nominatim attingi oportere arbitramur.

*Nisi*

Nisi quod postea universe de legendis Junioribus aliquid monendum erit.

In veteribus exemplis quæ nunc sectamur, ne sæpius partiendum sit, conjungemus quicumque in soluto sermone, orationes, disputationes & doctrinas, epistolas, aliaque id genus scripserunt. Ante *Ciceronem* ergo neminem appellare possumus: hic ut omnis eloquentiæ Romanæ, ita civilis quoque hujus formæ conditor suo jure celebratur. Quod si enim quæras, quænam Ciceronis opera eloquentiam Politici maxime instruant, omnia certe, omnia hoc nomine oportebit commendari. Quidquid capit vitæ civilis tractatio, & negotiorum usus, in his voluminibus περιλήψεις vel exprimitur, vel disseritur.

Sciat utique se profecisse in eloquentia politica non parum, cui Cicero in hos usus se commodum præbere & familiarem potest. Distinguit tamen ipse suas curas, & quibusdam plus ait civilis formæ inesse, aliis alium ex rebus habitum dari: sicut priore dissertationis parte annotavimus. Orationes certe forenses, ad fori consuetudinem, & strepitum, ad populi naturam, & aures concionis, in multis exigii desiderant. Aliter facundum os dignitati & subtilitati curiæ accommodavit.

Incomparabilis utrobique Orator: cujus imitationem paucissimi hodie, ex iis, qui videntur orationes politicas scribere, sibi proponunt: plures affectatis sententiis, & florido figurarum genere Panegyricas orationes, imitando deterunt deperduntque. Sed *Panegyristus* quidem suus locus in iis orationibus, quæ non tam rerum tractationi, quam exterioris scenæ celebritati, & pompæ, voluptatique destinantur. ita tamen ut meminerimus, *Pliniani Panegyrici*, incomparabilem facundiam, aliquid suæ virtutis gratiarumque in omnium quidem animos immittere, paucorum tamen calamo attingi posse; ceteros *Panegyristas* veteres habere multa, quæ non sine periculo mutuari instituerit Orator Politicus.

Mihi, cum in lectione eorum versarer, *Plinius* hanc sui æstimationem conciliavit, ut crederem, recte ejus imi-



tatione usurum, qui non nimis uteretur: id est, qui ex gravitate & subtilitate, Plinio propria & singulari & unica, retineret modum. quem cuique ingenii sui doctrinaeque ac stili modus definit. In *Almerino*, *Nazario*, *Eumenio*, *Latino Pincato*, & reliquis, jucundum erat animadvertere, in pari pæne inuitandi studio, successum disparem. Audebam etiam jam ruin notare, quæ pro ingeniorum aut temporum captu, inuitando in obliquum deflecta, aut declamatorie picta, aut à civili rectitudine, quomodocunque essent immutata. hæc si pro virtutibus stili oratorii placerent, deprehendebam quasi in ortu suo, emergentem Latine scribendi consuetudinem, quæ in corruptissimam formam, dum semper à fonte disceditur, nec à rivis hausta rivus saltem bona fide referunt, denique ematuresceret.

Interim his quoque oratoribus, præterquam quod sapientia civili, quodam modo redundant, tam feliciter in stilo multa successerunt, ut vel *Plinium* aliquem deceant. Atque dum delicatum quiddam & electum semper cogitabant, non potuit non, utut fallax fugaxque, deprehendi aliquando Genius ille gratiarum, qui accuratissimam sui partem civilibus orationibus gratificari potest. Hæc qui satis ingenio doctrinaque discernit, debeat forte illis *Panegyristis* non contemnendam accessionem eloquentiæ civilis: sed in argumentis, quæ diximus.

In materia leniore, ut sic dicam, & in negotiorum assiduitate, habilis in omnia & expeditus Politici stili nullum accommodatius exemplar habebit, quam *Orationes* & *conciones* Historiis insertas. Antiquus ille mos fuit, *conciones regum ac ducum*, e. g. ex *Tito Livio* circumferre; ut prudentiæ civilis facundiæque supellestem, arbitror. Eo instituto, etiam proximo ævo orationes Historicorum Græcorum Latinorumque à *Stephano* in unum volumen conductas, impressasque novimus. Sunt enim pleræque omnes illæ orationes ejusmodi, ut absque multa cautione, absque sollicita sententiarum atque figurarum distinctione, statim & totæ civilem habitum deceant.

*Sueton. Dem.*  
102

Nimius

Nimius utique apparatus Rhetorum & amplificata locorum structura, si vel ex *Ciceronis* orationibus quibusdam transsumatur, gratiam politicæ tractationis non ubique juvabit: magisque consultum aliquando erit, cetera scripta *Ciceroniana*, *disputationes de officiis*, *de legibus*, *de natura*, in exemplum aut auxilium advocare: si præsertim deligantur sententiæ in genere morum agiliores, & diserta explicandi ratio, & contexendi facilitas.

Amœnitates adjunget, si societur in hos usus, *Seneca*. De quo *Tacitus* noster, in loco, dissertationi huic præscripto, civiliter & benigne judicat. Ait enim, *orationem*, quam *Claudius* habuit, à *Seneca compositam*, multum cultus prætulisse; tribuitque *Senecæ ingenium amœnum*, & temperis illius auribus accommodatum. Comitius scribendi genus maxime hominibus illius temporis in *Seneca* placuisse, ex *Suetonio* etiam discas. Huic studio autem hominum temporumque quin sit nimium obsecutus, nemo negaverit. itaque *Fabius* rectissime cum meliorem futurum fuisse in dicendo judicat, si aliqua contempsisset, si parum concupisset, si non omnia sua amasset, si verum pondera minutissimis sententiis non stringisset. Calig. 14.  
Instit. orat.  
X, 1.

Hæc à *Lipso* refutari nihil opus erat. quis enim non animadvertere potest dulcia illa vitia, qui *Senecam* attentè intenteque legit? Quare & imitatores *Senecæ*, periculose in deligendo exemplo, & multo magis, postquam delectum est, exprimendo versatos; sicut olim *Fabius* potuit queri, ita nos hodieque comperimus. Sed quia intercedunt tantum melioribus ista in genus quoddam catocelæ deflexa, de cetero autem multis eximie dictis, acute inventis, graviter expressis, ubique abundat vir tantus, Politici orationem hac nostra ætate, quin multum possit ornare (si imitatores elegant inde modo, quod *Fabius* etiam voluit, non tumultuarie colligant exempla & instrumenta sui operis) in confesso esse debet. Potius contradictione opus habuerunt, quæ nonnulli apud *Gellium* putarunt de oratione *Senecæ*, tanquam vulgari atque protritâ; & de eruditione, tanquam vernacula & plebejâ.

In *Epistolis*, magna pars eloquentiæ politicæ hodie versatur. Nam qui civilis vitæ peritiam elegantiamque sectantur, tum privati argumenti epistolas, quadam civili gratia condire student: tum de publicis negotiis, pleaque omnia, vel consuetudine civitatis, vel occasione rerum agendarum in epistolas conferunt. Atque hic, sicut verissimum est, neminem *Cicerone* promptius, convenientiusque id muneris obire: ita *Plinii Junioris epistola*, sæculi nostri genio amabilius blandiuntur. Certe duorum istorum ope, qui non viderit pedum viam, in hoc negotio, frustra quæret alibi, apud antiquos.

*Seneca enim epistola*, sunt potius forte declamationes, & exquisitæ tractationes, quam epistolæ. *Cassiodori* autem *varie*, non destituuntur sane cordatis sententiis, & sensibus à civili dignitate non abhorrentibus: Sed sæculi character, nihil habet, quod in exemplum ire debeat, cum de polita oratione agitur. Igitur historiæ & prudentiæ studio apprime utiles, eloquentiam, si discesseris, ab ea quam modo commendavi, sensuum nobilitate subinde emicante, non admodum juvant. De *Symmacho*, pæne idem dicere volenti, nescio quod agmen hominum, vehementius, quam civilis mos fert, sapientium obstare videtur. Hunc enim in oculis, hunc in sinu ferendum; ad hujus stilum, epistolas conformandas venditant. Fateor equidem sententiis & inventionum ornatu præstare hunc scriptorem, sed plus affectationis ubique animadvertitur, quam in stilo politico tolerabile est. Neque repeto aliis dicta.

Adjicimusne aliquid de Poëtis? quorum eloquentia longius scilicet à civilis proposito stili videatur devertere. Præterquam autem, quod Lector veræ eloquentiæ genio semel imbutus, ex omnibus bonis scriptoribus, potest in suos usus non pauca adjungere; illud hic tantum monendum est: esse quandam propriam gratiam, quæ ex Poëtarum acumine, inventionibus, agilitate, & elegantia in stilum civilem inferri potest. Cujus rei laudem non immerito in politissimi *Barclaii Argenidem* putes convenire.

Cum-

Cumque Poëtarum singuli, præsertim, qui in materia civili versantur, suum quisque conferre decus perite mutuantibus, non abnuant: civilitas tamen sententiarum, & totius stili, quodam genere propria *Ovidio* est. Intelligitur, etiam cum non dicitur, opus esse iudicio, in transferendis è ligata in prosam orationem, quæ transferri idonea sunt. Id si adfuerit, vix dici potest, quantum uni debere *Ovidio* queat Orator Politicus. Nominatim hic agendum fuit: quia in ceteris facilius vulgo quæritur, quod dicimus.

In *Civili* quoque *Romanorum Jure* non parum præsidii dixeris, ad Eloquentiam Politici. Crebræ enim, quæ ibi leguntur, sententiæ habent quandam quasi pragmaticam gravitatem & auctoritatem: tum, quæ ad locum æqui ac iniqui, actionis item morisque humani argumentum pertinent, plerumque diligenter & apte, & quasi ad ingenium negotiosæ philosophiæ exprimuntur: etiam iis, qui ab eloquendi consuetudine puriore discedunt, sæpe ratio pro auctoritate est. Præsertim si materiam, & personam spectemus.

Quis enim dubitet, Cum, etiam cum in argumento politico versatur, eloquenter dicere aut scribere putandum, si oratio ejus referat colorem stili, qualis in leg. in SCtis, in responsis Prudentum, in rescriptis & constitutionibus Principum conspicitur? Est profecto ratio in mundo, quâ illa pleraque in cujusvis materiæ civilis usum ornatumque, erudite & decore aptaveris. Est etiam ratio, quæ simplicitatem imitandi, artibus facundiæ, in tempore & loco, æquare, si non præferre potest. Illi quidem, non immerito forte, displicent eruditis, qui ex tot præclaris voluminibus, nihil præter paucas & humiles verborum figuras, & forte unicum Institutionum principium, tanquam solenne & perpetuum suæ eloquentiæ schema venditant.

Ita valde delicatis auribus sit necesse est, qui Cum, aut alium Politicum pragmaticumque virum, ubique fastidiat, loquentem cum *Cassiodoro*, aut *Scriptoribus historiæ*

*Auguste*, Spartiano, Lampridio, Capitolino, cæterisque: qui licet oratione non sint disertissimi admodum, argumenti tamen dignitate, & quodam publico charactere, sæpenumero plenam auctoritatem assequuntur. Fit enim, ut materia aliquid tale suadeat: ut repeti aliquid ex illis tanquam fontibus opus sit: ut allusio, huc potissimum referenda, locum & gratiam mereatur.

*Philosophorum* quoque *vocabula* & *Scholarum inventa*, quatenus in publicam formulam iuere, certisque negotiis per omnes curias aulasque veluti sollenniter accommodantur, non video quomodo semper evitare queat Oratio Politici. cui inter præcipua cordi esse debet civilitas loquendi, probabilis sæculo, probabilis consuetudini. Sed quia hujus rei ante facta mentio est, unum illud adjungo: Eloquentissimum etiam virum, id est, ejus laudis quam hic quærimus, amantem & peritum, licet in promptu habeat optimas elegantium auctorum sententias & verba lectissima, tamen, cum ad Juris auctoritatem & disciplinam respiciendum est, locuturum aliquando rectius cum Jureconsultis, & Legibus, etiam ubi non adeo polite loquuntur; itemque cum alterius disciplinæ scientiæque placita attendi desiderant, mutuaturum inde, quantum usus vitæ civilis postulat. Atque hoc est, quod sæpe notamus: Eloquentiam in loco negligere, magnam esse eloquentiæ partem. Sint legato exponenda mandata, quam periculose & indecore, studio purioris sermonis, discedet à solennibus sæculi, & rethoricis descriptionibus operam dabit, ubi rerum explanata simplicitas quæritur? Hujus generis plura proponere liceret: in quibus argumenti atque consilii ratio, verborum quorundam legem dicentibus scribentibusque ultro præscribit.

Atque hæc, ita sunt hætenus à nobis disputata, ut amemus serio & vehementer, purissimam dictionem, valdeque optemus, Veterum exemplo, civilibus negotiis accommodari stilum politissimum & accuratissimum: simul tamen existimemus, quia neque reformari semel genius sæculi, neque forma publici actus repente immutari, neque

que explicandi commoditas, aut consuetudinis arbitria præfractæ contemni possunt, fas & jus esse ingeniis ad remp. gerendam & ornandam natis, ne superstitione emendationis dictionis adversus utilitatem causæ aut propositum negotii se ubique trahi patiantur. Quam rem iis, ni fallor, limitibus constrinximus, ut reprehendendi occasionem non sit inventurus, nisi qui præ umbratilis ingenii caligine, ad civilis actus lucem nequit suspicere; aut eruditionis suæ tam est pertinax amator, ut judicia & exempla optimorum doctissimorumque hominum, quos ipsa Reipubl. tractatio erudiit, semper oppugnare, meræ auctoritatis credat.

Si aliquid hoc loco interponere licet, mea ipse cædam vineta, & ultro profitebor, me, extra formulas publici actus, in vita liberali Musæ penitus permixta constitutum, quotiens de civilibus loquendum aut scribendum negotiis erat, multa Scholæ & officio docendi, multa consuetudini ac sæculo tribuisse. Quinimo adhuc sic sentio, & fortasse semper sentiam: Qui feliciter in Academiis prudentiæ civilis disciplinam profiteri cupit, is subinde, prout res ac tempus monuerit, & philosophis & pragmaticis recentioribus aliquid dabit: ne vel aspernari possint hoc genus studiorum, ut sterile & à moribus ævi alienum, qui omnia ad præsentes usus quotidianæ vitæ referunt; vel calumniam comminisci audeant; qui summam eruditionis scholasticis formulis definiunt. Atque hoc ipsum qui nescit, veteres fecisse, quorum prima interim semper auctoritas esse debet, vetustatis totius valde ignarus est.

De Latina lingua in universum non loquor: in qua optandus sane fuerat major ætatum singularum & hominum eruditorum consensus. Exorti sunt, post instauratas litteras, qui solum Ciceronem, & præter hunc paucissimos forte, nec nisi optimi ævi scriptores, unice sequendos Latine scripturo contenderent. His alii se opposuerunt, viri itidem magni: multisque & præclaris rationibus ostenderunt, injuriam fieri ceteris, si pauci illi tantum Latine scivisse crederentur; tum negotiis rebusque vim quandam

adferri, si non liceret rationem insequentium quarundam ætatum, in eloquendo pro exemplo amplecti. Quid *Erasmus* hac in re statuerit notius est, quam ut dici debeat. Idem nempe, qui *Hieronymos*, *Cyprianos* aliosque, exquisitæ eloquentiæ nomine in tantum commendavit, ut fatear, me in adolescentia nunquam dubitasse, an Latinum esset, quod talibus se auctoribus tueretur. Cum præsertim viderem illa ætatis proximæ lumina, *Lipfios*, *Scaligeros*, *Casaubonos*, non probare, si Latini Sermonis terminos nonnulli, sicut dictum est, in angustias redigerent. Interea, nuper denuo ad pauciores & certos scriptores cœpit provocari: ut Latinum non haberetur in posterum, nisi quod eorum auctoritate defendi posset. Quæ sententia quin multum favoris habeat, non abnuerim, si consensu quodam, & certa regula concluderetur. Nec enim duo adhuc fere per omnia inter se consentiunt. Neque crediderim, consilio & rationi scribentium, æquam omnibusque probatam sæculis libertatem adimi per hanc sententiam, sed ignorantia & securitati occasionem præcludi. Equidem qui scriptores, quibus essent præferendi aut postferendi, quæ cura instituto oratoris aut poëtæ conveniret, nemo ex magnis illis nominibus ignoravit: qui interim ex auctoribus non optimis, non sine prudentia & eruditione, argumento, contextui sermonis, aut numeris, talibus denique propositis, quæ non possunt, nisi doctissimorum esse, subinde aliqua attemperaverunt: cum barbariem stili & rudem negligentiam immane quantum odissent. Verum, quæ sit hujus consilii ratio incunda, non inutiliter in præfatione libri de vitio Latini sermonis ostendit *Magnus* ille *Vossius*: cujus eruditissima in omni studiorum genere moderatio, facile deterioris propositi potest arguere violentiores *Aristarchos*: quorum stili si sequendus esset, pro qualia extarent elogia omnium summorum Virorum, quos à toto sæculo in hunc diem eruditi admirantur & colunt. Nescio enim an unum liceat excipere.

Sunt autem ista loci alterius. Nobis nunc incumbit, aliqua adjicere, de exercitatione, quæ studiosum civilis eloquen-



eloquentiæ potissimum juvat ac decet. Neque ab ovo rem ordiri fas est, hoc modo, quo suscepimus, scribentibus. Quomodo igitur lectio præclarorum Scriptorum sit tractanda, aliunde notum esse debet. sicut & illa: unum aliquem Scriptorem præ ceteris sæpius versandum, ejusque exemplo imbuendum animum, quoad sani coloris lineas, formamque dictionis competentem judicare & concipere didicerit; in imitando tamen, non dinumerari syllabas & ædificari ad mensuram propositam, periodos oportere: sæpe, & pæne assidue, scribendum esse, non modo, ut facultas sermonis promptius expediatur; sed ut oratio acquirat naturalem quandam vultum, absque quo, monstrosa apparent, etiam magni laboris artisque opera.

Illud forte in transitu non prætermittendum fuerit: imitationis arcana (verissime enim ita appellaveris) non tradi præceptis & libellis, sed exquisita meditatione exemplorum, tentando conandoque paulatim observari. Quod studium, cum sit accuratioris & interioris doctrinæ, paucissima semper magni profectus exempla tulit. Nam quod nonnulli e. g. existimant, se imitari *Ciceronem*, cum ex *Nizoliano* forte penu, aut proprio quodam labore, Ciceronis dictiones & formulas solícite colligunt usurpantque, & incisa atque membra, ad numerum æmulari satagunt; ad profectum imitandi, de quo nobis sermo est, parum pertinet. Eiusdem generis est, cum quidam imitari se dicunt, quando sententias auctorum & sæpe totas periodos undecunque conducunt, ut postea connexis suum nomen præscribant. Tam magnificum scilicet illis videtur, veluti in compendio plures imitari. Festivior aliquis, diceret: se videre quoddam genus imitationis, quod pæne inimitabilia sibi proponit. inveniri enim, qui jurare audeant se *Corn. Tacitum* imitari, si nonnulla tanti Scriptoris vocabula, per crebras omissiones particularum conjungentium ingravitate adornata, chartis inscribant.

Habemus sane exempla eruditissimorum virorum, quibus sententiæ Scriptorum tam fuerunt familiares, ut quidquid dicerent scriberentque, quasi ex aliorum verbis.

contextum videretur. Sunt & alii modi, quos securitati cui-dam in imitando aut negligentiae affines, non semper dede-re quemvis, existimaveris. Nimirum omnis laus imita-tionis eruditae, quodam genio judicanda est: qui si absit, nulla ars suum nomen tueri; si adsit, nulla simplicitas suum decus amittere potest. Porro, ille genius nihil æ-que averfatur, ac duo illa vitia, quæ rarissimus quisque vel judicat, vel vitat, quando sententia imitationis cau-sa, non imitatio sententiae gratia, sub acumen stili voca-tur; tum, quando contextus, & perpetua oratio, studium imitandi per singula quodammodo intervalla prodit, & signat: cum nostrum debeat facere imitatio non indocta, quicquid mutuamur. De confusis in unam offam diver-sis dapibus, vitiatoque per alienos jungique dedignantibus colores, genio, nihil dicam. non enim præcipere institui-mus hanc disciplinam, sed argumenti nostri occasione at-tingere.

Sicut autem permisceri comica tragicis, poetica ora-toriis, oratoria civilibus, & sic deinceps, distantia di-stantibus, fas non fuerit: ita valde ineruditum esset, pu-tare; à Comico nil nisi ad scenam, à Tragico nil nisi ad Tragicos cothurnos, peti posse aut debere. Est enim hoc ipsum imitationis artificium: diversissima verba & sen-tentias in unam æquabilem civilemque formam ita redi-gere, ut jam non sit Tragicum, quod à Tragædo; non Poëticum, quod à Poëta; non oratoris apparatu adorna-tum, quod ex apparatissima oratione translatum est. In qua laude tantum est pulcritudinis, quantum in porten-tosa dictione eorum, qui semesa & undiquaque ingesta frustra, in puras chartas evomunt, deformitatis apparet.

Possunt, qui imitationis artem & genium condiscere student, colligere (loquemur enim sub exemplo) histo-rias, disputationes, & locos varii argumenti, ex optimis Græcorum Latinorumque Scriptorum: ita ut rem eandem à pluribus vel narratam, vel tractatam in conspectu habe-ant, & quaecunque sive ad variandam, invertendamque orationem pertinent, sive ad Imitationem referenda sunt, erudi-

erudite meditentur atque commententur. De qua re alias egimus. Hinc eximia specimina *Macrobius in Saturnaliis* proponet : ubi *Virgilii* imitationes *Homericas* considerat. Jam, quantum est doctæ *Ulpianus in Suatoris & Controversiis M. Seneca*. Sed hæc atque talia, velut in monumento publico, non proposita modo sed demonstrata, facile erudiunt studiosum eloquentiæ. At vero, deprehendere exquisitas imitationes, in lectione magnorum Scriptorum, suoque profectui alimenta & adjumenta inde comparare, ut plus ingenii & doctrinæ, ita præcipuum utilissimæ in imitando disciplinæ, sibi vindicat. Tetigimus supra reconditas *Taciti* imitationes, è Græcis Latinisque, mirum quam feliciter traductas. neque immorari nunc licet.

Si destinata nobis brevitatis pateretur, dicendum aliquid erat seorsum, de nobilibus quibusdam *Imitatorum & Imitationum* exemplis apud veteres. Sic inter poëtas *Virgilium* suum *Statium* imitatus est : ita tamen, ut assequeretur quidem ingenium & caperet majestatem sui exempli ; sed rotundam illam, felicemque sine tumore, sine salebris expositionem non æquaret. Sic propiore imitandi genere majoreque similitudine *Hirtius & Oppius* *Julii Cæsaris* opera suppleverunt : ut appareat quidem diversos, ejusdem tamen stili genio valde congruentes, auctores fuisse, qui imitantur, & quem imitantur. Sic *Sallustium* exprimere *Sulpicium Severum* non infeliciter tentavit. Nam à recentioribus exemplis nominandis, nunc quidem merito abstinemus.

Quare etiam antea, cum de *Lectione* Scriptorum ageremus, nihil de *Lexico Politico* diximus : quod ita vocare, & commendare alibi consuevimus. Quoniam enim, in enarrandis bonis Scriptoribus, rarissime & vix unquam in scholis, modo singula vocabula, modo locutiones & sententiæ (vel lingua notiore & ad interpretandum assumpta, vel eadem quæ explicatur) ita exprimuntur, ut appareat, quænam sint res ipsæ, veræ, ac in suo habitu usuque, quæ significantur : igitur operæ fecerit pretium, quæ  
spe-

Specimine publico, per nobiliora argumenta demonstraverit, quid præclari Scriptores intellectum velint, cum sic vel aliter loquuntur. Quotusquisque non intelligere se rem credit, cujus corticem aut communem quandam exterioremque formam potius, quam naturam & vim, in verbis, quorum non satis gnarus est, deprehendit? Disciplinam magni utique momenti, & diligentis explicationis, reservari oportet in locum opportuniorem.

Hic vero pauca, de *Exercitationibus stili*, quibus eloquentiæ politicæ studiosus operam dare debet, earumque generibus, ut subiciamus, æquum videtur. Enumerant satis diligenter & commendant *Exercitationum* ejusmodi nomina studiaque Cicero (1. de Orat. 34. & 60. in Oratore 11. & 12. in Bruto 89. & 90.) Quintilianus (libro præsertim Instit. Orat. II. itemque X, 5.) Plinius Epist. VIII, 9. Illa ergo non repetimus: sed sententiam nostram uno alterove exemplo declaratum imus.

Sit *Deliberatio* aliqua instituenda, exercendi stili gratia, de obsidenda urbe maritimâ. Legi ante omnia debent, quæ de obsidionibus urbium universe habent Onosander in Strategico (cap. 40. & seq.) Leo Imperator in Tacticis (cap. 25.) Vegetius l. IV. quamquam is potius de urbibus defendendis quam oppugnandis agit. Conjungere licebit, quæ Lipsius Poliorceticis huc pertinentia tractat. Deinde exempla talium obsidionum cognoscere par est, optimis Auctoribus descripta: qualia sunt obsidio Tyri apud Curtium lib. IV. Syracusarum apud Livium lib. XXII. & XXV. cui addi potest Polybius lib. VIII. Massiliæ apud Casarem. Bell. Civil. I. itemque apud recentiores: Deliberatio de obsidenda Rupella, ipsaque obsidio, apud Bartholomæum Gramondum hist. lib. XVIII. Antuerpia obsidenda & obsessa, apud Farnianum Stradam bell. Belg. Decad. II. lib. 6.

Qui hæc cognoverit, ille nisi aliud egit, vidisse potest pedum viam, qua sit incedendum. Rebus inquam, & verbis sententiisque, abunde instruet scripturum ista lectio. Neque ambages timueris in ea consuetudine, quæ in plerisque argumenti politici partibus adhibita, prudentiam

tiam simul & eloquentiam, instar unici compendii, tibi conciliabit. Aliter illis exemplis intelligentia, provocatur & allicitur ingenium, confirmatur fiducia, acuitur iudicium: præsertim cum antiqua recentibus, singula denique singulis comparantur. Scripta enim recentiorum, ut hoc semel dicam, vel cum erudita sunt, artem & successum imitandi demonstrabunt; vel cum materiae explanatione contenta scripturae diligentiam non attingunt, usum & formam præsentis scenæ exhibebunt: cujus nihil ignorandum est, si velis priora nostris, ex universo studiorum genere, attemperare.

Sit agendum de *Crimine Majestatis definiendo*, aut *probando*, aut *puniendo*. felicitem in omnia non prudentiam modo sed eloquentiam expediet, qui *Sallustii Catilinam*, *Ciceronis Catilinarias*, *Rabirianam*, *Philippicas*; *causam Philote, Parmenionis, Amynta & Simmia*, *Hermolai & Sociorum*, apud *Curtium*; *Seiani* apud *Dionem & Tacitum* cognoverit: hisque conjunxerit exempla nobiliora alia, apud *Livium* (ut in causa Manliana) apud *Dionem* (ut in causa Cinnana, de qua etiam *Seneca 1. de clem. 9.*) apud recentiores, ubi magna & multa hujus generis argumenta obvia sunt. Extra ordinem denuo nominandus est *Tacitus*, qui &, *prope finem primi Annalis*, & toto deinceps Principatu Tiberiano, ne de reliquis dicam temporibus, rem gravi iudicio illustravit. quod & *Plinio Panegyristæ* fuit propositum. Talibus monumentis accedere possunt, Politicorum placita & Jctorum. nominabo ex singulis unum. *Lipsius* enim multa in brevi Politices libello vel conduxit vel indicavit. Et *Jacobi illius Gothofredi* commentatio ad *L. Quinquus. C. ad L. Jul. Mai.* totæ materiae lucem adfert. Nam *sententia Curiarum illustrium*, & *Consiliorum*, vel in superioribus intelliguntur, quatenus pars historiae sunt: vel seorsum nunc commendantur, quatenus pro loco & tempore, formula totius tractatus propius inspicenda venit.

Scilicet, cum Majestatis causæ, plerumque non tam formulis juris definiantur, quam ex regulis status, quas vocant, aut utilitate Reip. adeoque Prudentiæ interioris

arbitratu, agitentur, ante omnia, per singulas partes noscendum est: quæ tempora, quæ causæ, quæ jura, crimen majestatis vel angustius circumscripserint, vel porrexerint latius, vel effinxerint speciosius, vel sollertius tractaverint: quæ gravitatis fuerint, quæ severitatis proposita: quid disciplinæ reipublicæ, quid consiliis dominationis datum: quid regnorum necessitudo, quid tyrannidis impotentia, in hoc argumentum intulerit: quibus quasi pragmaticis sententiis, vel intendendo vel moderando facto, imponendo item aut depellendo crimine, circa quæstionem, circa condemnationem, circa ultionem, consueverint uti, & quos colores in eandem speciem didicerint adornare, magistri majestatis interpretandæ ac vindicandæ. Vix dici potest, quantum subtilis & arduæ prudentiæ lateat in hac materia: ad quam, tanquam ad tremendum mysterium, nunquam secure accedendum est, si usus Reip. vocem aut calamum postulet.

In orationibus gratulandi, salutandi, precandi, venerandi, laudandi, gaudendi & lugendi officio destinatis, major quodammodo occurrit difficultas, quam in cetera eloquentia. Nam in reliquis, materia semper ex se rationem & pæne formam dicendi, suppeditat advertentibus: hinc minimum sæpe est, argumento satisfecisse. Ibi doctrina facilius, quod naturæ deest supplet: hinc nihil absque ingenio feliciter tentatur. Si liberior loquendum esset, quam paucæ in hoc genere extarent orationes genium negotii affecutæ? Igitur vehementer probandum est maximorum virorum consilium, qui, cum in talibus argumentis, Principum Majestati & solennibus publicæ pompæ, decore obsequendum esset, omnem & spiritum & vim dicendi ex prudenti æstimatione totius scenæ, ut sic dicam, repetierunt: atque, sive ignorarent veterum aut eruditorum curas, inaffectata attentionis prudentiæ gravitate, eloquentiam non invitam sibi accommodarunt; sive in promptu haberent doctorum sententias, ita eas respexerunt, ut auspicio suæ materiæ omnia potius, quam artificio oratorum aut imitatorum mallerent debere. sed de hac re, non potest obiter aut breviter agi. Osten-

Ostendimus autem alias, magna & varietate & copia, quomodo vel in tractandis veterum argumentis versandum sit, cum sub incudem revocantur ea, quæ pluribus nec uno modo tractata, novæ scriptionis formam facile & varie recipiunt; vel quid ex negotiis præsentis vitæ, laboribus comparandæ eloquentiæ civili destinatis, maxime accommodare liceat. Disputavimus etiam de isto more, quo aliqui periculosâ, certe mali exempli philosophiâ, gravissimas lites, & jura bellorum inter summos Principes controversa, in medio rerum motu tractatuque, tanquam importuni arbitri, in scholis non tantum declamanda proponunt, sed declamata dicam an conclamata, typis evulgant ostentantque. Scimus, quid salva privatorum modestia intra privatos parietes, ex publicatis commentariis ad usum Juventutis provectionis aptari sine temeritate queat. Sed istud genus intemperantis & loquacis disciplinæ, à reverentia magnis fastigiis debita longius abit. Debebat autem omnis institutio, & doctrina ad Reipublicæ honorem, & virtutis civilis bonique moris legem conformari.

Nobis fas erit hic subsistere, postquam dissertationis modum implevimus. Neque enim volumina aut præcepta scribere, sed ad locum *Taciti*, de Eloquentia Romanorum Principum, quædam erudiendo in his studiis judicio opportuna, annotare constituimus. Summa eorum, quæ diximus & clausula esto, nobile, atque, quia de Principibus hic sermo cæpit, proprium Philippi Macedonis exemplum: cui apud *Justinum* inter alias regias artes tribuitur eloquentia & insignis oratio, acuminis & sallertiæ plena; ut nec ornatus facilitas, nec facilitati inventionum deesset ornatus. Habes in i-

stis verbis eloquentiam & Principis, & viri civi-

lis, quam hæc nus quæ-  
rimus.



## IV.

DE AUSPICIO REGIO.  
LIBER SINGULARIS.

## CAP. I.

*De Nomine Auspiciorum.*

2. 4. 6.

**I**Nter profundas ac in ipsis Prudentiæ penetralibus natas Taciti sententias, merito eximium habetur, quod de imperio ac imperantium virtute actusque graviter pronuntiat: *pleraque in summa fortuna auspiciis & consiliis, quam rebus & manibus geri.* Quæ verba, quantum in recessu habeant, postea apparebit. interim scripturæ huic præfixa lectorem admonere possunt, promissi nos memores esse, cum subinde ex illustrioribus Taciti locis aliquid in Academicæ juventutis usum & gratiam meditamur ac publice proponimus. quamvis ut de ordine nobis quisquam velit controversiam movere, non existimamus necessarium. Unum singula finem sibi proposuere: quem si tetigerint, nihil intererit, quando & qua consecutione tetigerint. cum præsertim, si ordinem historiæ excipias, ipsum Taciti argumentum, nullam nobis Prudentiæ seriem sub lege concinnati operis præcipiat.

Etenim in *Auspiciis* imperantium, quorum subinde accurati Scriptores, cum indicio singularis significatus mentionem faciunt, aliquid vulgo incognitum latere, doctorum multi animadverterunt; annotavitque ad illum ipsum, quem præscripsimus, Taciti locum, eximia pleraque *Janus Gruterus* in copiosis dissertationibus suis, quem alii, vel in *questionibus*, vel ex occasione annotationum, imitati sunt. ne de *Politico*rum scriptoribus nunc dicam, quibus hæc talia vix unquam aliter quam tanguntur. Sed qui hoc argumentum ita pertractaverit, ut à cognatis & vicinis rebus auspicium satis distingueret, ejusque vim explicatius ac plenius traderet, hætenus vidi neminem.

Inde

Inde consilium mihi, commendare eam materiem præclaris ingeniis, & ad solidioris doctrinæ profectum demonstrare. Id quod integro facturus eram commentario, sicut in *Notis Velleianis* promississe memini. sed dum tempora mea, ex necessitudine officii, diverse trahuntur; malui interea brevi hoc libello præludere, & primas quasi lineas signare, quam rem totam diutius differre. Quare nemo à nobis nunc sollicitam collectionem omnium, quæ huc pertinent, locorum expectabit; quod & alias, nisi magna ratio subsit, ostentationi facilius quam disciplinæ servire solet: tum autem si quæ minus accurate fuerint vel disquisita vel disposita, ea posterioribus curis, si Deo visum fuerit, emendatum iri ac suppletum, non difficulter nobiscum sperabit Lector benevolus.

*Auspicium*, si primam originem quærimus, nihil aliud esse, quam ex superstitione gentilium natam avium inspectionem, qua indagabant, quid ex volatu earum & vocibus significaretur, ex *Nonio Marcello*, aliisque veterum constat. Nec abit ab ea origine & significatione *Augurium*: nisi quod latioris & angustioris usus nomine, aliter quidem à *Servio ad Virgilianam Æneidem*, aliter à *Nonio*, quem dixi, *Marcello* distinguuntur. Interim sæpe permutari & confundi certum est. Græcis *οὐρανισκὴ ἀντισημαντική* augurandi scientia, comprehendit *ἀντισημαντική*, sicut apud *Suidam* videre licet.

De proprio  
serm. c. 5.

lib. 2.

Gec. c. 10.

Quam curiosè istam artem, sive potius vanitatem ac ludibrium, exercuerint gentiles, & præsertim Romani (ad quos pervenit à Græcis; qui & ipsi acceperant à barbaris) nihil attinet hic referre. possunt, quibus commodum est, collecta ex antiquis pleraque inspicere apud *Alexandrum Neapolitanum*, & *Barnabam Brissonium*. Illud proposito nostro non disconvenerit notare, non eandem fuisse omnium de auspiciis sententiam: vulgus enim avibus aliquid divini inesse, easque mentem Deorum conficere, putabat; prudentiores vero dirigi avium volatus, voces, gestus divino numine, ad significanda hominibus imminencia credebant. quam sententiam interpretatur, &

peniel. div.  
l. 5. c. 11. f.  
lunn. ser. 1.

l. 11. c. 1. ad divinæ bonitatis documentum refert *Ammianus Marcellinus*. Non melior sed diversa opinio arridet *Seneca* in naturalibus quaestionibus. Cum longe rectius sit credere, impuros dæmonas avium indicia & omina, ad fallendos ac superstitione inquinandos homines, adgubernasse, sicut post *Minutium Felicem* (cum quo conferendus est *Lactantius* lib. 2. cap. 17.) recte pronuntiavit Vir magnus *Gerardus Ioannes Vossius*.  
 in Oed. 4.  
*Theol. gens.*  
 3. 98.

Interim tanto Romanis in pretio est habita irreligiosa auspiciorum religio, ut *Appius Claudius* apud *Livium* gloriatur: auspiciis urbem Romanam esse conditam, auspiciis bello ac pace, domi militiaque omnia geri. Unde *Zonaras* ad *Canones Concilii sexti in Trullo* inter alia de auspiciis annotat: ἐν ταῖς τιμῇς μεγίστης ἡ διονοσκοπικὴ παρὰ Ῥωμαίοις λαβή. maximo in honore Romanis auspicia erant.

Cum primis autem (nam per gradus nobis illuc perveniendum est, quo volumus) magistratuum auspicia, multi ad dignitatem actumque rerum momenti videbantur. Dividit illa in majora & minora, *M. Messalla Augur* apud *Gellium*. Patriciorum, inquit, auspicia in duas sunt potestates divisa: maxima sunt Consulum, Prætorum, Censorum. Quæ cum explicasset, subjicit: Reliquorum magistratuum minora sunt auspicia. ideo illi minores, hi majores magistratus appellantur. Addit *Gellius*: Majora autem dicuntur auspicia habere, quia earum auspicia magis rata sunt, quam aliorum. Hæc auspicia magistratibus quandam imperii dignitatem sive sanctitatem solennem, cum efficacia & vi agendi conferebant: unde sine auspicio nullum justum imperium; & vicissim, auspicia ita imperiis propria, ut privatum non sequerentur, ciscimus ex *Livio*: qui etiam abunde explicat Aristocraticas Patriciorum curas, cum singularem sibi ex auspiciorum titulo, quæ ad ipsos antiquitus pertinebant, eminentiam, nec non inviolatam sanctitatem, itemque jura gerendorum magistratuum & summæ rei administrandæ, subinde vindicarent; præsertim occasione controversiæ de matrimoniis & magistratibus cum plebe participandis.

Quoniam

Quoniam autem inter ea, quæ publico nomine geruntur per magistratus, præsertim eminebant bellica imperia, ideo factum est, ut *ducum militia ac imperatorum* valde celebrarentur *auspicia*: adeo quidem, ut præter summum exercitus ducem, qui solus capiebat auspicia, nemini liceret sine capitali flagitio ea sibi vindicare. Hinc toties in historia Romana legimus, *hujus Consulis, hujus ducis auspicio dimicatum prælium, reportatam victoriam, victam gentem.* Et Camillus apud Livium magnifice: *Quæ bella*, inquit, *suo* lib. 6. c. 26. *unius auspicio gesta ad eam diem essent, negare in eis, neque se, neque populum Romanum, aut consilii sui aut fortune pœnituisse.* Sed de istis quidem ducum auspiciis consulatur Lipsius milit. Rom. 2, 12. Nobis enim, qui & alias actum agere nolumus, in destinata tendendum est.

Quandoquidem ergo auspicia, magistratibus gerendis, adeoque reipublicæ causa & nomine, eximie accommodari videmus: facile possumus colligere, *ipsius quoque Reip. ac summi imperii aliqua esse, & quidem omnium præcipua auspicia.* hoc sensu nimirum, ut quæ *ducum auspiciis* gesta dicuntur in rep. libera, excellenti quodam significato, & si accurate loquendum sit, *auspiciis populi Romani sive Reip. Romanae* tribuenda sint.

Quod ut rectius intelligatur, notandum est, vocem *auspicii* in illis locutionibus, cum *auspicio alicujus aliquid gestum* dicitur, præter communem auspicii capiendi respectum, atque cærimoniam (quæ nec semper in tabulis attenditur) apud accuratioris stili Auctores significare *divinam & ætheream virtutem* sanctiorē quandam, & moderatricem vim ac virtutem: i. e. rerum gerendarum eminentem quandam ac justam auctoritatem, quam dat muneris officiique potestas; penetrabilem agendi efficaciam sive fortunam, quæ gerentes publica divinitus comitatur. Id quod ex iis, quæ cum nota cognationis & mutæ declarationis conjungi solent, vocabulis licet quodammodo æstimare. dum modo ductu *auspicioque*, modo ductu, *imperio, auspicio alicujus*, gesta bella, confecta negotia memorant Scriptores. Loca Briffonio, aliisque consignata nec repetimus, nec cumula-

Form. Sol. 40

mus.

mus. sed nec quomodo ista nomina interdum distinguantur, seorsum hic explicandum putamus; ut in re obvia, & quæ ex sequentibus ultro liquere potest. Fallor, an in partem declarationis venire potest locus *Seneca*, ubi de Epicureis, usurpative quidem, ut Grammatici loquuntur, sed cum evidenti usurpationis ratione & congruentia, ira loquitur: *Apud istos quidquid dicit Hermachus, quidquid Metrodorus, ad unum refertur. omnia quæ quisquam in illo contubernio locutus est, unius ductu & auspiciis dicta sunt.* Honorem scilicet & auctoritatem ἀρχοντι irrefragabilis magisterii voluit notare, sumpta ab imperiis comparatione. Remotior est, sed ex qua tamen vis vocabuli illustrari queat, *Virgiliana* usurpatio, in illo:

41. *Sen.*

*Me si fata meis paterentur ducere vitam  
Auspiciis, & sponte mea componere curas.*

ubi *Servius* pro dispositionibus accipit. quod sequens ἐπισημαστικὴ Poëtæ facile confirmat,

Itaque, ut nunc revertamur ad illustrem, & quem hic præcipue spectamus, significatum, *auspiciis* de illis peculiariter dicitur ac proprie, penes quos est rerum summa, sive jus imperii ac majestas. Utemur Romanæ Reip. exemplo, sicut coepimus. Libera adhuc republica, *auspiciis Populi Romani*, aut *S. P. Q. R.* publica geri dicebantur. nisi quod sensu, ut prædiximus, minus eccellente, & cum respectu ad summi imperii auspicia, imperatoribus quoque & ducibus is honos habebatur, ut *eorum auspiciis* res gestæ dicerentur. In singulari autem Cæsarum imperio sive Principatu, inter formulas status regii erat, ad *Auspicia solius Principis* omnia ita referre, ut quidquid ministri, adjutores, legati egissent, *auspicio* tamen *Principis* acta & dicerentur & crederentur. Pertinet huc solennis exempli loco, inscriptio illa arcus propter ædem Saturni dicati apud *Tacitum*. OB RECEPTA SIGNA CUM VARO AMISSA, DUCTU GERMANICI, AUSPICIIS TIBERII. cui similem aliam vide apud *Plinium*, ubi ductu auspiciis-

2. d. 41. 1.

lib. 3. cap. 20.

*auspicijque Augusti gentes Alpina sub imperium populi Romani re-*  
*ducta memorantur. Plane, ut Suetonius, partim ductu Augu-*  
*sti, partim auspiciis (i. e. partim ductu auspiciisque simul,*  
*cum auctor actorque belli Cæsar adesset; partim auspiciis*  
*tantum, cum per legatos bellaret) domitas gentes enume-*  
*rat. cum ante dixisset: quadam bella per se gessit, quadam per*  
*legatos administravit. Vide ad priorem locum Casauboni præ-*  
*sertim & Torrentii notas: & confer similem Alexandri sen-*  
*tentiam apud Curtium.*

Aug. 22.

cap. 20.

4. 3. 2.

In his enim & similibus locis, quæ infra rectius cum  
 interpretatione adhibenda venient, non vulgari sensu au-  
 spicium usurpari, tum ceteræ rationes ostendunt (de qui-  
 bus suo loco) tum succedaneæ appellationes valde insi-  
 gnes & luculentæ. Quippe Scriptoribus mos est, id quod  
 vel alii vel ipsi auspiciorum vocabulo expressere, modo  
 per fortunam, felicitatem, satum; modo per majestatem ac po-  
 testatem imperii ac imperantium interpretari. Apud Tacitum,  
 ut ab hoc rursus incipiamus, *Suetonii prospera ad fortunam*  
*reipub. refert* Classicianus: i. e. ad auspicia Imperii & Im-  
 peratoris Romani. neque alio pertinet *satum urbis imperatu-*  
*re* apud Florum; quam ad auspicia Romanæ urbis. Quan-  
 quam longe clarius est, quod in *Claudiano* legimus:

14. 4. 32. 5.

3. 6. 10.

— *victoria felix*

*Auspiciis effecta tuis; pugnasque uterque,*  
*Tu satis, genitorque manu.*

• *Paneg. de 3.*  
*conf. Honor.*

ubi *auspicia & fata* permutari cernimus. Et Mamertinus in  
*panegyrico ad Maximianum; vestra, inquit, fortuna, vestra fe-*  
*licitatis est, Imperator, quod jam milites vestri ad Oceanum perve-*  
*nere victoria. Nempe idem dicit, quod ante de præcipuis*  
*Maximiani ducibus dixerat: horum ductu proxime, cum fe-*  
*licissimis vestris auspiciis uterentur, lubrica illa fallaxque gens bar-*  
*barorum ut crebatur affecta est. Apud Herodianum Maximus,*  
*sub schemate Aristocratico, cum Imperium Romanum Se-*  
*natus Populique esse, non Principum, dixisset, postea de*  
*auspiciis notanter subjungit: in ἱερίᾳ τῇ πάλῃ ἢ τῆς βασιλείας*  
*ἱδρῶτα*

cap. 11.

lib. 1. 6. 7.

ἡ δὲ πόλις τούτῃ. in illa urbe sita est imperii fortuna. De potestate vocem *auspiciorum* interpretatur Servius ad illud Junonis apud Virgilium.

4. *Æneid.*

Communem hunc ergo populum, paribusque regamus  
Auspiciis.

& rursum alibi ad illud :

7. *Æn.*

Hunc illum fatis externa à sede profectum  
Portendi generum, paribusque ad regna vocari  
Auspiciis.

*Æqualem utrobique potestatem accipit, & per paria magistratum in comitiis auspicia explicat. nam id sufficiebat hic proposito Grammatici. de cetero nemo non videt, præter potestatis significationem, etiam ampliorem illam dignitatem majestatis regiae, auspiciis signari. Non inerudite Glossarium Verus : Auspicium, οἰωνισμός. σύμβολον. ἀρχή. Per ea, quæ ex propinquo cognoscuntur, explicat vocabulum profundioris significationis.*

Ex his quæ hætenus attulimus, intelligi paulatim poterit : *auspicia imperiorum ac imperantium, occasione antiquæ & superstitiosæ quidem notationis, significatu in graviorem usum translato, designare aliquid sanctum & efficax & proprium, quod summis imperiis, qua summa sunt, & imperantibus, qua majestatem habent, largitur administrandi vim, decus, successum. sicut postea clarius explanabitur. Interim vel solus, quem ab initio laudavimus, Taciti locus, vim hætenus dictorum potest complecti ac interpretari : pleraque in summa fortuna auspiciis & consiliis, quam telis & manibus geri. Auspiciis consilia jungit, ut non minus τὸ πρὸς ὀφελὸς quam τὸ ἀπὸ τεκτονικῶν auspiciorum notet, & alterum alterius comparatione extollat. Et ante Tacitum quidem, hæc ita explicaverat Velleius, cum Tiberii auspiciis consiliisque sepultum bellum Africanum dixit : post Tacitum vero Aurelius Victor (cui & alias Taciti vestigia legere mos est) acumen sententiæ repetiit, ubi de Constantino, & Juliano ita loquitur : Julianum Casarem, cognatione acceptum sibi, Transalpinis præ-*

2. 129. 2



praefecit, ique nationes seras brevi subegit, captis famosis regibus, qua quanquam vi ejus, fortuna Principis tamen & consilio accide-  
re. quod adeo praestat, ut Tiberius Galeriusque subjecti aliis egregia  
pleraque, suo autem ductu atque auspicio minus paria experti sint.  
Adscribere totum locum placuit, in quo Victor seipsum  
interpretatur, & superiora quoque illustrat. Quae de Ti-  
berio Galerioque seorsum observanda proponit, fortasse ex  
illis, quae infra dicuntur, aliquid lucis accipient.

Quanquam autem in omni Reipublicae forma *auspi-*  
*cij* ejuscemodi locus sit (quippe quae majestatem fido per-  
petuoque nexu comitantur) tamen ut omnia cetera, qui-  
bus eminet majestas imperii, ita haec ipsa auspicio-  
rum vis, evidentius & illustriore documento, in regno sive singula-  
ri imperio, se aestimandam praebet. Unde de REGIO  
AUSPICIO praecipue actura est haec commentatio nostra.  
quo probe intellecto, non ignorari poterunt, quae vel in  
amplitudinem totius argumenti patent, vel in penetrabi-  
bus reconduntur. Deum ter Opt. Max. cujus sunt supre-  
ma rerum omnium auspicia, operi suscepto auspicem ad-  
voco, ut auspicatis reip. omnibus loquamur de materie,  
quae non levi momento ad securitatem regnorum, & tran-  
quillitatem gentium pertinet. Majestatem quippe impe-  
riorum, cujus non minima pars in auspicio est, ab omni æ-  
vo Prudentium quoque pauci vel sibi vel aliis potuerunt  
interpretari: plures per speciem magni animi & genero-  
sioris sapientiae, contemptum regum eorumque per quos  
publica gubernantur, praese tulerunt. A qua culpa, ver-  
bo quidem Philosophos veteres, praesertim Stoicos, exi-  
mit *Seneca*: quos interim vita ipsorum & historia reos  
facit.

Quod si quis est, qui abhorreat à nomine *auspicij*,  
quasi ex pagana superstitione nato, atque ob id sanctitate  
argumenti, quod ordimur, indigno: eum meminisse ve-  
lim, sequendum esse stilum eorum, quos hic interpreta-  
mur; Historicorum praesertim veterum: è quibus accu-  
ratissimus quisque de auspiciis, eximio sensu, & subtiliter  
philosophatur. Qualia loca qui praeter mentem scripto-  
rum

rum accipit, eum necesse est in multis ceterorum falli. Sed nec Christianos veteres video talibus vocabulis abstinuisse: quibus, exclusa superstitione, *auspiciis*, *auspicio*rum, *auspicandi* nomina non ignota sunt. Neque sane quisquam gravissimorum Patrum verebatur *augusta* dicere, quæ eximie illustria & sancta sunt; aut ipsum *Augusti* cognomen Christianis imperatoribus accommodare: licet satis constaret, *augurium* (unde *augusta* dicuntur, sicut Latine doctis notissimum est) cum *auspicii* origine & usu concurrere. Denique subest hic magna ratio in ipsa rei argumentique veritate: cujus lumen tam illustre ac efficax est, ut non potuerit gentilium oculos subterfugere. Viderunt, inquam, gentiles; esse in summis potestatibus ac imperiis aliquid divina dignitatis, divini vigoris, divine efficacie; sive aliquid tam præsentis opis majestatisque, ut communi hominum forte non debeat astimari. id dum meditantur, & alius quidem penitus interpretari cupit, alius ne interpretandum quidem, sed summatim venerandum autumat, *auspicio*rum præcipue vocem, quasi cum selecta quadam significandi nobilitate ac emphasi, huc adhibuerunt. Nobis ergo ex hac sententia licet accipere, quod verum est; & sub eodem, sed penitus jam repurgato titulo, penetrare ad profundiora hujus argumenti, quæ suspicari potius quam credere gentiles potuerunt.

## C A P. II.

*Auspicii Regii descriptio proponitur,  
ac explicatur.*

**P**Ræludimus nostræ de *Auspicio regio* sententiæ; ut quodam modo, quid velimus, posset animadverti, antequam descriptione plena diserteque rem complecti conareremur. Nunc tentandum est, an in formam redigi sese tam sublime ac subtile negotium patiatur. Videmus enim fere usu venire, ut, quorum altior intellectus est, & eminere

eminentior amplitudo, ipsa magnitudine sua ac profundiore natura, cancellos artis graventur, & definitas verborum formulas transcendant. Quapropter suffecerit fortē an nobis, si accommodata ad captum sensumque communem oratione, AUSPICIUM REGIUM dicamus *esse concessam regia majestati & à Deo adjunctam vim, quæ omni regio æditi munerique suam quandam efficaciam, sanctitatem & rigorem largitur ac dispensat.* Cujus indoles non nisi singillatim, & per partes, ac in media exemplorum luce, sejunctis distinctisque, quæ alias confunduntur, amat explicari.

Etenim doctorum plerique, cum tot acute aut profunde de auspiciis dicta apud Veterum prudentissimos reperirent, animum subinde, ac oculos in tam reconditis sententiis defixerunt: sed non ultra ferme, quam *majestatis* vocabulo meditationem suam ac interpretationem defini-verunt. Neque sane arguendi sunt, quod cum eo auspiciū compararunt, sine quo aut extra quod ne cogitari quidem auspiciū regium potest. nisi quod aliud quæritur in fortuita dissertatione, aliud in accurata explicatione. Ante omnia igitur dispiciendum nobis fuerit, *an auspiciū regium nihil aliud sit, quam ipsa regum majestas, quæ dicitur?* de qua nec ipsa uno omnes ore sensuque loquuntur aut philosophantur: quandoquidem id argumentum omnino inter ea referendum est, quæ non abunde sunt disquisita & explanata. Nonnullis autem *majestas imperiorum & imperantium*, pro suprema illa dignitate ac eminentia imperatoria sumitur: alii, ex recentioribus præsertim, summæ potestatis jus *majestatem* appellant: quidam rectius existimant ac civili prudentiæ convenientius, utraque tota conjungere, atque *summam potestatem* pariter ac *summam dignitatem* imperii, incomparabili & nullius linguæ vocabulis æquando *majestatis* elogio complecti. Quidquid horum ad auspicia, eo sensu, quem hic quærimus, usurpata traduxeris, distinguendæ rei, utut valde cognatæ, occasionem causamque reperies. Id quod ex locis postea producendis, ultro licebit æstimare.

Est quidem (neque enim, quid sentiam, dissimulabo) adhuc altior de maiestate philosophandi ratio; si dicamus: *Maiestatem summa imperii dignitate & potestate ita definiendam esse, ut in utraque illa, aliquid divinitatis sive divina imaginis agnoscat: quatenus nimirum maiestas illo ipso impresso divinitatis eharattere, dignitatis sua potestatisque splendorem pariter ac efficaciam formare quodammodo intelligitur ac tueri.* Quo pacto non recte maiestatem concipit, qui nihil in maiestate divini concipit. Jam quidquid divini in maiestate est, non splendet modo sed valet, neque qualicunque comparatione verborum, sed effectu aliquo diviniore aestimari debet. Ad hunc modum si de maiestate loquamur, auspicia forte ita videbuntur maiestati inserta, ut parum discriminis relinquatur. Verumenimvero si diligentius rem intueare, sic quoque latius patet maiestas: è cuius arcano sinu emergunt potius auspicia, quam totam maiestatis amplirudinem constituunt. Igitur Grutero non male cessit, quod *vim maiestatis longe lateque dominantis*, divinamque ejus indolem ad *auspicioꝝ mysteria* interpretanda adhiberi oportere censuit. quanquam ad solidam rei totius distinctamque declarationem, pro ratione instituti non opus habuit egredi.

*Dissert. I. in  
Tac.*

Est itaque, sicut diximus, *auspiciu Regiu*, non *maiestas ipsa, sed quædam ejus vis*, quædam è visceribus ejus progressa virtus: quoddam de lumine illo lumen. Vis, inquam, quæ ita de maiestate dicitur progredi, ut nihilominus in maiestate, in illo sinu, in illis visceribus, in illa origine sua manere dicatur. Tanta est cognitionis (ita enim potius, quam connexionem vocaveris) propinquitas. Quo fit, ut minimo flexu, ad figuram deductus, cum de auspicio interrogaris, dicere cupias; *auspiciu regiu* esse maiestatem in actus regios degressam, aut in opere regio occupatam. rursus, ubi operis regii occupationes ac incrementa considerare juberis, malueris forsan opinari, demissam à maiestate vim, ac vigorem quendam, maiestati cognatum iuisse per momenta rerum, egisse maiestati consentanea, ad maiestatem omnia retulisse. Certe citra maiestatem, nunquam auspiciatam illam & imperatoriam auspicioꝝ vim invenies. Unde auspiciu non

cia non esse, nisi ubi est majestas, supra monuimus: & auspiciū regium non nisi majestati regiæ paulo ante adjunximus.

Agnoscerē possumus hujus rei documentum in historia Paulaniæ apud *Thucydidem*, & *Corn. Nepotem*. Cum enim Platæensis victoriæ gloriam sibi penitus vindicaret, suoque nomine tripodem aureum Apollini dedicaret ac inscriberet, Lacedæmonii epigrammate tali exsculpto, inscripserunt nomina civitatum, quarum armis auspiciisque res contra Persas gesta erat. Indignum scilicet autumabant, si minister publicæ fortunæ, auctorum sibi auspicia tribueret. In singulari imperio tanto minus ea elatio censetur toleranda, quanto illustrior est auspicii Regii amplitudo ac veneratio. Itaque haud perite *Clytus* apud *Curtium* reprehendit *Græcorum* morem, qui *tropais* ac victoriæ monumentis regum tantum nomina inscriberent, cum tamen alieno sanguine talis quæreretur gloria. Licet enim non absurde sit à *Nepote* dictum, quod in praelii concursu abeat res à consilio ad vires vimque pugnantium; atque ob id jure suo nonnulla ab imperatore miles vindicare possit: tamen obsequii ministeriique gloria, cum auspicii ac imperii eminentia non debet confundi. Ipsi quinimo imperatores, si superiori militant imperio, impie sibi adscriberent, quæ ad dominum belli pariter ac imperii pertinent. Itaque, cum Agricola *Taciti*, in iis quæ sub Cereale in Britannia gessit, ad auctorem & ducem, ut minister fortunam retulit, ordinis seriem potius quam finem respexit. Cerealis enim eadem virtute obsequendi, ad Principem merito referenda habuit, quæ gesserat. quippe, ut inferiores ducum superioribus obsequium ideo debent, quia sic jussit supremus i. e. auspicii bellicque dominus: Ita non dispari vinculo, licet dispari ordinis gradu, etiam illi obligantur Principibus, qui supra ceteros eminent. Quod in tantum obtinere judico, ut etiam *Alexander*, parum pie, nobilem apud *Charoneam* victoriam, qua *Philippus* Græciæ dominus evasit, sui operis fuisse, jactaverit. Licet enim existimare quis possit, paternorum auspiorum & filium fuisse participem; non debent tamen

lib. 1. in Græc.

c. 1.

l. 1, 29.

in Thrassyb.

l. 4.

Cap. 1. 4.

Curt. 3. l. 23.

erat. 1. de  
regn.

lib. 16.  
alexand.  
cap. 8.

confundi jura, & spes, & quidquid in futurum destinatur, cum actu & usu præsentis: qui apud unum auspicia regnorum reponit. Nimirum eadem hic arrogantia egit Alexander, qua apud Dionem Chrysostomum, non vult Philip-pum agnoscere suum regem, sed tantum patrem. Quanto rectius Alexander Herodis filius patri, qui apud Augustum liberos accusaverat, memorante Josepho respondet: poterat utique de nobis supplicium sumere, tum regis tum patris jure?

Est autem regium auspiciū, sicut in descriptione amplius diximus, à Deo adjunctum regibus, sive regiae majestati in morem characteris divini impressum. Qua de re primum summatim loquemur: deinde, singulares divinitatis ejuscemodi interpretationes considerabimus. Ipsam ergo majestatem totam esse aliquid divini, sive aliquam Dei in regibus imaginem, ex superioribus patuit. Ipse Deus dat regibus regna & regnandi auctoritatem; ipse proximum à suo fastigio gradum regibus assignat: ipse Deos vocat: ipse gentibus obsequio & honore venerandos monstrat: ipse peculiarem illis sanctitatem circumdat, ne violentur; imo ipse propiori suae providentiae cura praestat, ne violari, quotiens pericula imminēt, possint. Quae, cum similibus, non oportet nunc prolixè repeti aut explicari; dum modo illud constet: Deum regio operi munereque, quatenus id in corpus imperii, tanquam spiritus, diffunditur, inter ea bona, quibus reges facit ac instruit, regnumque, ut ita dicam constituit, aliquid sui, intime impressisse atque communicasse; ita nimirum, ut in regibus divina aliqua ad regnandum virtus animadvertatur: quae sic dicitur, non tantum, quia, à divino numine, id est, à prima illa & rerum omnium effetrice causa semper pendet, ejusque arbitrio in varios actus varie dispensatur, sed etiam, quia, tanquam pars divinae in regno imaginis, cum Deus ab initio reges faceret, regibus ad efficaciam regiae potestatis dignitatisque in humana dispertiendam est concessa. Quae sicut aliis quoque summis potestatibus denegari nullo modo debet; ita in regi-

regibus & singulari imperio, tanquam in forma eminentiore, potissimum declaranda videtur.

Neque est, quod de subtili commento quispiam suspicetur; cum haud dubie *ordinatio illa Dei, & supereminentia Deorum terrestrium*, sive, qui Dei vice in terris eminenter præsunt, in sacris litteris tantopere commendata, modo perfectissimo, id est, sic interpretanda sit, sicut Deus ipse in exemplis non eorum modo, quos suapte voce ductuque singulari ac extraordinario ad regium munus destinavit formavitque, sed omnium deinceps per tot sæcula regum, non minus efficaciter quam perspicue ostendit. Ne dicam de ipsius sanctissimi Servatoris nostri doctrina exemploque: qui cum regum auctor & rex sit, optime regia bona & jura censendus est explicasse. Notum est celebre, ac multæ collectionis oraculum, quo *Cæsari reddenda, quæ Cæsaris sunt*, monuit: ut Deo Cæsarem conjungeret pariter ac subjungeret; neque subjungendo tamen minus quam conjungendo, eminentiæ quandam communionem denotaret. Jam autem, quam illustre est, quod, cum in terris ægeret, auspicia & majestatem ejus honoravit, cui ipse auspicia & majestatem dederat; adeoque sua in Cæsare munera ac imaginem aliquam ratione quadam (personæ scilicet ejus officioque consentanea) recognovit? Pertinet huc illud *Corippi Africani in laudem Justinii Imp. lib. 2.*

*Rom. 11. 1.*

*Petr. 2. P. 8.*

*Exod. 22. 28.*

*Matth. 22.*

*Terrarum Dominus Christus dedit omnia posse.  
Ille est omnipotens: hic omnipotentis imago.*

Hæc, inquam, quia alibi excutiuntur amplius, non tractamus hac vice: sed ideo tantum attingimus, ut moneamus; eadem colligendi ratione ac *investigando ad vim auspicio- rum, quam nunc quærimus*, ex his & similibus locis exemplisque argumenta deduci posse, quæ ad ceteram majestatis vim & sanctitatem probandam, ab aliis, qui recte & satis reverenter de summis imperiis statuunt, deduci consueverunt.



Certe res ipsa tam validis nititur rationibus, ut eth-  
nicorum quoque cordatiores non aliunde, quàm à DEO,  
quidquid singulariter in regibus excellit, repetendum vi-  
derint. Quorum non generales modo super hoc argumen-  
to sententiæ atque placita, sed quædam reconditoris  
scrutinii dicta extant. Ad quorum sensus penetrandos,  
necesse est aliquid de communioribus præmittere, atque  
ita veluti per gradus incedere. Dari ergo regna & reges  
à Deo, cujus in hoc negotio peculiaris cura vertatur, con-  
sensu credidere. Hinc illud Imperatoris Titi apud Sueton-  
ium: *Principatum fato dari*. Et apud Homerum in descriptio-  
ne regis ponitur:

Tit. 3.

Iliad. β.

— ὃ ἔδωκε Κρόνῳ παῖς ἀγκυλομήτης  
Σκῆπτρον.

— cui sceptrum dedit sagacis Saturni filius

i. e. Jupiter. quem locum eo nomine laudat ac explicat  
Dion Chrysostomus, *oratione de regno tertia*. In *Agyptio suo* (opus  
de providentia intellige) ponit Synesius: *apud Agyptios, reges à  
Dio constitui*. Qualia ut cumulemus non opus est; obvia  
quippe & aliis notata.

Hinc nascitur, quod amplius dicunt: *Deum per u-  
num* (exempli gratia, per regem, quem aliis præfecit)  
multum providere; sicut in eodem opere disputat Synesius.  
Nempe ut in rege exprimatur imago Dei, sive, ut rex sit  
imago Dei: εἰκὼν θεῦ τῷ πάντα σώζοντι. Ita enim vocat re-  
gem lex Persica, quam laudat Artabanus in Plutarchi The-  
mistocle; cum ait; apud suos lege optima præcipi, regem  
venerandum, ut Dei cuncta sospitantis effigiem. Hæc sunt nimi-  
rum illis consentanea, quæ ex nostris etiam plerique tra-  
diderunt. Ambrosius, reges dicit imaginem Dei habere, ut sub  
uno sint ceteri. itemque: *Principem vicem Dei agere*, ne plura  
nunc accersamus. Atque hæc est una pars, ut sic dicam,  
imaginis illius divinæ: alteram, in virtutis divinæ imitatione con-  
stituunt: Regis proprium characterem ponentes, si Deum  
imitetur. de quo argumento Synesius & Dio Prusensis, ora-  
tionibus de regno, itemque Platonici, studiose philosophan-  
tur.

de Prov.

In epist. Rom.  
33.

cur. In jure Græco-Romano, dicitur κίβδηλαίνει τὸν βασιλικὸν χαρακτήρα, regiam notam adulterare, qui à virtutum studio, in quo imitatio illa Dei versatur, & imago Dei quæritur, degenerat. quod postea in Leonis & Constantini ἐκλογῇ συνίσταται, repetitur. Neque sane profundior ratio est loquendi de virtutibus regiis, aut interpretandi ea, quæ passim vel ab ipsis Imperatoribus magnifice in hunc sensum edictis publicis præscribuntur, vel ab aliis varia occasione commendantur: ad divinam scilicet illam imaginem in Regibus, de qua nobis sermo, cum significato eminente, præcipue referri possunt ac debent. Est & tertia hujus imaginis explicatio: quam ab ipsa regii operis vi possumus repetere ac amplitudine; quæ in omnia diffunditur. Id quod splendide, sub exemplo Persici regis declarat Auctor libri de Mundo: ubi, cum de dispositione regionum ministeriorum ad rerum gubernationem ordinata prædicasset, denique addit: ὡς ἀνὸς βασιλεὺς αὐτὸς διοικῆται, & διὸς ὀνομαζόμενος, πάντα μὲν βλέπει, πάντα δὲ ἀκούει, nempe per tot illa officiorum genera rex ille ab hominibus Deus credebatur, cum omnia, quæ ubique gerebantur, ille oraculorum revelatione disceret; qui propterea aures regia & imperatoris oculi vocabantur, sicut Apuleius amplius explicat: qui totum Græci Auctoris locum, in libro ejusdem argumenti Latinum fecit. Pertinet huc elegantis sententiæ versus:

*Rex quivis est Briareus, rex quivis Argus est.*

Fuerit ergo rex imago Dei, dignitate muneris, præcellentia virtutis, vigore gubernationis. quod postremum deinde considerabitur. posset illud, qui concisus agere amat, etiam ad primum referre; quatenus in munere regio, non tantum providendi omnibus dignitas, sed occupationes quoque & vis providentiæ talis comprehenduntur: sed, ni fallor, aperta est distinctionis, quam admisimus, ratio.

Vidimus hætenus, quomodo divinitatem Regum à Deo, tanquam regia majestatis auctore & archetypo, arcessant Prudentes: nunc ad ea veniendum est, quibus secretius quoddam Dei cum Regibus commercium voluerunt insinuare. Plato huc refert fabulam de Minoë, quem novem annis audi-

rom. 1. 2. 2. de  
offic. & de  
nat. imper.

rom. 2. p. 19.

cap. 60

lib. de mund.  
adde Pollux.  
2. 4. 17.

Odyss. π.

in Minœ.

2. de Provid.

Prov. 21.

mat. 23. 24.

totem Jovis ac discipulum fuisse, *Homerus* tradit: vocans eum, Διὸς μεγάλη δαίτην magni Jovis familiarem, sive συνοισίαν ἐν λόγοις, quem *Jupiter* colloquio & contubernio dignaretur. Quo' figmento nihil aliud notari, quam disciplinam Jovis regiam, qua Minoën ad excelsas regni præclare agendi, ac divinarum imitatione virtutum ornandi curas instituerit; *Plato*, ut cœpi dicere, atque ex eo *vetus Homeri Scholiastes* monent. A qua mente non abludunt forte, quæ *Synesi*us, de suo *Osiride* (boni Principis imaginem figurat sub hujus nominis commento) prædicat: eum aliquantisper τῶν τελεωτάτων τῶν ἀνω θεῶν τελεταῖς, augustissimæ celestium numinum sacris initiatum, divina mysteria inspexisse. Unde nimirum tanquam ex origine manare intelligitur, quod postea sequitur: ὃ γέρεσ' ἔχει παρὰ θεῶν, ἐπισατῆσαι τῇ πολιτείᾳ, μὴ δὲ συνδύματ' αὐτοῦ. premium id à *Diis* affectus est, ut reip. majoribus præesset auspiciis. sed de gradibus quidem illis auspicii regii suo loco agetur: nunc ad commercii divinioris fabulas redimus. In quibus (sunt autem plures id generis) si ex multorum sententia aliquid veritatis & sapientiæ latet, haud dubie voluerunt earum auctores notare: Regibus quiddam cum Deo arcani esse commercii: quatenus nimirum, tum disciplina regia, divina est, & ad voluntatem Dei exigenda; tum consilia & cogitationes regia à Deo subministrantur subinde ac diriguntur. Quæ sicut veræ sapientiæ sunt consentanea (nam *Deus* non modo *Solomoni*, conjunctioris cujusdam gratiæ exemplo regiam sapientiam dedit; & *Davidi* aliisque per inspirationes, responsa, oracula, colloquia regiarum curarum viam interius demonstravit: sed in universum *Cor Regis in sua manu* tenet (id quod de divina quadam manu ductione, θεῖα χειρὶ ὡγία, etiam *Basilii* accepit) ita difficile fuit ethnicis, propter verè numinis ignorationem talia eloqui, aut interpretari, aut quousque pertingant, discernere. Hinc est quod passim, de mysteriis Deorum & sacris in vulgus non efferebatur, quasi cum horrore pronuntiant. à quibus ineptiis cum recessere, ad profundiora argumenti mysteria, & humanam ignorantiam rectius pleraque referunt. Poteritque jam inter cordate dicta admitti illud *Synesi*: τὸ θεῖον ἀπὸ τοῦ

τῆς συναφῆς βασιλεῶς ἰσοῦν δικαιοσύνην. quod Deus pium Principem ineffabili quodam necessitudinis atque conjunctionis genere, sibi conciliare soleat & admoveat. quanquam, quid pietas Dei conciliatrix esset, tum temporis adhuc vir sapientissimus ignoravit. Opere pretium fuerit, videre iterum Homeri Scholiasten ad augustum illud epitheton, quo Poëta Reges Διοτρεφῆς, à Jove educatos nominat; quali τὸν τὸν Διὸς τῇ γένεσι τηρομῆνους: eo quod proximo quasi vinculo à Jovis cura consilioque dependeant Reges, & ex eo proveniant, sicut ab Apolline Poëtæ ac Mulici. Quo loco adducta etiam Hesiodi auctoritate, interpretationem paulo liberalius ad originem Regum, de qua antea diximus; ad commercium, de quo loquimur; & ad tutelam, de qua mox agendum erit, porrigere videtur. Conferri debet notabilis Themistij locus: ἐκ τῶν αἰετῶν καὶ ὁ τῆς Καλλιόπης χορὸς ἐ πάντας ἀνακλῶν τὸς βασιλεῖς Διοτρεφεῖς τε καὶ Διὶ μῆτιν ἀταλάντες. non frustra igitur Poëta, Calliopes filii, Reges à Jove nutritos, Jove genitos, Jovi consilio pares predicare solent. Adde similia, & propius huc facientia ex oratione ad Valentem Imp. de moderanda victoria, itemque ex oratione ad Valentinianum.

Iliad. α.

orat. ad Constant.

Præter secretum illud Dei cum Regibus commercium, etiam providentiam divini Numinis & curam pro regibus singularem agnoverunt, qui, quantum in Regibus divinitatis esset, speculati sunt. Notum est illud Theocriti:

Idyll. 17.

— Διὶ κροῖωνι μέλιττα

· ἀδ' αὖ βασιλῆϊ.

Cura Jovi summo est venerandi maxima Regis.

Ex cuius Philosophiæ sententia Themistius non exiguum panegyricæ eloquentiæ splendorem mutuatur: ὅτι πανταχὺ τοῖς ἱεροῖς τῷ βασιλεῖ τὰ σύμβολα ἐπικεῖται ἑκατὴ τῆς ἐκ τῆς ἱερᾶς προσηθείας. quod nimirum celestis providentiæ manifesta ubique in imperatoris actionibus signa appareant. Sive, ut alibi diserte reperit, ὅτι καὶ θεοφιλεῖς ἀγαυῶν εἶναι τὸς βασιλεῖς, ἀμα τῇ πρώτῃ γένεσι. quod necesse sit caros esse Deo Reges à primis in-

Orat. ad Constant.

Orat. ad Valenc.

ligiosos & Numinis amantes, sicut doctissimus Georgius Renu autumavit, quæ cohærent facile affirmant. Atque hæc cura Dei circa Reges, non ad ceteras tantum regias actiones, sed ad pericula insuper profliganda eximie pertinet. unde rursus, cum majoribus Osiridis auspiciis hoc Syne-

2. de Provi.

*Plm. pag.*  
24.

Lib 6. Annual.  
Imp. Man.

**Panorcan, L.**

*Sib. 1. oxid.*  
*Microsol.*

*fius conjungit : ὡς κρείττων ἀποδείχθηται τῷ παρὰ ἀνθρώπων τὸ πῶχον, quod prestantiorem eum ac majorem Dii fecerint, quam qui ab hominibus violari posset. Panegyrista autem Trajani, argumento depulsi periculi, Principem suum in peculiarem Jovis tutelam receptum probat. E Christianis scriptoribus huc respexit Nicetas Choniates, cum de Manuele Imp. ex ipsis exitii faucibus erepto sic scribit : καὶ ἔτιω παρὰ δέξαντας τὰς τῶν βαρβάρων διέδρα λαβὰς, ὑπὸ δι᾽ ἐρηρθεῖς, τὸ καὶ ἐπὶ κεφαλὴν πάλαι Δαβὶδ ἐν ἡμέρᾳ πολέμου ἐπισκιάζοντες, ὡς αὐτὸς εἶπεν ὁ φιλόκλημος. Atque ita prae opinionem, barbarorum manus effugit, custoditus à Deo, qui & olim in die belli Davidis caput protegit, sicut ipse in Psalmis suis testatur. Inter recentiores, Alphonsi Regis dictum celebratur : Regum animas non privatorum libidini subjectas, sed sub Dei cura & tutela sacras letasque agere. Illuc etiam divinos monitus, & praesagia de imminentibus periculis, & admirabiles insidiarum revelationes cum similibus, referri par est. in quam sententiam alibi laudavimus illud Apollonii Presbyteri :*

— *Sunt maxima cordi*

*Regno DEO, donatque aliquid plus ille tyrannis  
Consilii, quam privata sit mente repositum.*

*Ligaria*,  
tab. 4.

De infidiis Cæsari Friderico structis, *Guntherus* notanter scribit:

*Non tamen oculi potuerunt fallere Regem  
Instrumenta doli : caelestia pectora sane  
Nil transire potest.*

*Panegy. Con-  
stant. cap. 7.*

*Spectas Principes ex alto rerum arbiter Dēus, & quantumvis humana mentes profundos gerant cogitationum recessus, insinuat tamen se totam servatura divinitas: ut illud Nazarii huc referamus.*

iamus. Non possumus committere, quin huc apponamus verba magni Theologi Gregorii Nazianzeni, quibus de iam dictis pleraque comprehendit, *οτας. εις ιαυτον, η προς της λει- γοντας επιδυμην αυτον της καθιδρας Κωνσταντου.* Ita autem loquitur: *οι βασιλεις αιδεισθε την αλουργίδα νομοθετησιν γαρ η νο- μωδισταις ο λογος γινωσκει οσον το πισωδεν υμιν η τι το μεζω περι υμας μυσειον; Κοςμος ολος υπο χειρα την υμετερον διαδυ- μαλι μικρω η βεσσυ ρακίω κρατιμενος τα μιν αρω, μιν δευ, τα κτω δε η υμων διελ γινωσθ ταίς υφ υμας, ιναειπω τι η τελημ- ροτερον καρδια βασιλειω εν χειρι δευ η ειρηται η πισωδεται ιν- ταυδα εσω τε κρατις υμιν, αλλα μη τω χρυσω η ταίς φάλαγγιν.* Vos Reges reverentini purpuram ( nam & legum conditoribus hac o- ratio legem dicet ) agnoscite, quantum sit, quod vobis commissum est, & quod sit ingens illud circa vos mysterium. Totus vobis orbis subest, pannoque diademate ac brevi panno continetur. Superna quidem, solius Dei; inferiora vero, etiam vestra sunt. atque, ut aliquid audacius dicam, Dii estis sacri civibus vestris. Cor Regis in manu Dei, & dicitur & creditur. Atque hinc robur vobis, non auxo & militum copiis, nascitur.

Sunt & alia Providentia divina consilia circa Reges & re- gna; quibus auspiciis regum non parum illustrari queat: sed brevitati studentibus non est in infinita egrediendum. Haud dubie enim fatum & fortunam Regum Principum- que singulariter à Deo gubernari intellexit Nicephorus Gre- goras, cum occasione memorabilis exempli ita philosopha- tur: *ως η δυναμωσιν επεισι μοι την ανεξιχμασιν τε δευ πρε- νοαν, τας κακ των αχρων ιναντιων ει ποιει συνάγασθ τέλθ. οπόταν γαρ ιναντιωμινας αλληλων δυο τινας επαρχιας συνισαωται και αμρω βέλπται, και μηδελον παρω της ιτερας κλειδθηναι, δυοιν οικονομει δατερον, η γαρ μεγαλογνωμονας και σπεδαίς εκατέραις τις αρχηγος ιφαιόσκει η ιφισα, ως αν κατα αντιπερίσασιν παρ εκατέρων το εκατέ- ρων ορμήματα θρασύνται, η ανένερηλα διαμένη, και τ ασφαλές ετω- σί τοίς τόποις διασώζηται η η αμρω τις αρχηγος ελιγογνώμονας τε η αδαίης, ως μηδέτεροι καθ ιτέρη κινεωθ. δύνασθ, μηδ' υπέρ τα ισκαμ- μένα σπιδαν, η συγχην τις αρχαιοτερος των επαρχιών ορεσ η ετωσ ιξ ιμφοτέρων των αχρων ιναντιωμάτων μίαν ποιησθ ασφάλειαν.* Subit- murari imperneffigabilem Dei providentiam, qui res inter se adversis- simas

*finas ad unum destinat finem. Quando enim duos populos aut Principatus vult simul subsistere; neque alterum alteri servire, tum ex duabus rationibus alterutram tenet: aut enim utrique regno magnanimos ac industrios rectores conciliat ac præponit, ut mutuo oppositu alter alterius molitiones evertat, ac inefficaces reddat, atque ita securitas nationibus ac locis conservetur; aut utrobique præsidēs imponit nec animo acres nec opibus validos, ut neuter adversus alterum aliquid movere, & plus ultra ire, veteresque imperiorum limites convellere queat. Atque ita ex duabus rebus summe inter se adversis unam utrobique solet securitatem redigere. Verba egregiæ observationis; è recentioribus confirmat Thuanus. cuius, in apparatu historici operis, de temporum regnorumque, qualis tum erat, statu, præclarum est iudicium: Ita divino consilio provisum arbitror, ut tot magni Principes eodem tempore orbem terrarum moderarentur, ut quisque eorum emulatione aut metu amuli in officio se contineret, & alterius virtus contraria alterius virtute, quo minus licentiosa evagatione se effunderet, inhiberetur. Hæc, præter alios usus, etiam eo valere debent, ut animadvertamus, regum fata actusque peculiari Providentiæ innoxiosa & moderamine contineri, eamque partem divinitatis cuiusdam esse, quæ in regno & regis auspiciis quæritur. Labet adjicere, quæ apud Firmicum legas: Imperator stellarum non subjacet cursibus, & solus est, in cuius fato stella decernendi non habent potestatem. cum enim fuerit totius orbis dominus, fatum ejus Dei summi iudicio gubernatur. Quæ licet scorsum aliter examinari possint, nunc illud tandem ostendere debent: auspicii imperatorii sensum eatenus penetrasse in hominum animos, ut omnes intelligant, singularem esse Dei circa summarum potestatum fata curam ac provisionem: quod hætenus toties monendum fuit. Quocirca genethliacorum, etiam privatae sortis fata satis temerarie, ac interdum impie, astris alligantium, geminatur protervia, cum in tam secretas Dei pro regibus & de regibus destinationes involant.*

Eundem nunc est ad cetera, quæ in descriptione nostra posuimus. Hanc enim à Deo adjunctam regibus auspiciorum vim, muneri actuique regio diximus conciliare

lib. 1.

lib. 2.  
Marbef.



liare propriam quandam fortunam & sanctitatem, cum ceteris, quæ singillatim deinceps consideranda sunt. *Proprium* aliquid & *suum* hic regibus assignari, jam ante vidimus, & sub finem hujus capituli denuo noscitur. Quod non tantum de Heroico auspicio accipiendum est, cum ad Regium accedit: sed universe Regio muneri ætque, quatenus divinam in terris vicem præstat, accommodari debet. Fit non raro, ut qui regium munus nomenque gerunt, homines sint in omnem depravati turpitudinem, neque quidquam sane divini præ se ferentes. quorum labes ac vitia, non debent cum ipsa muneris sanctitate confundi. id quod præclare monent *Chrysostomus, Theophilactus*, alii. Munus semper divinum est; neque regis, cum regnat, alia est quam divina occupatio: sed cum muneris formulam egreditur, cum regnum in dominationem vertit, vim facit auspicio, quod accepit, & violat primus sanctitatem, quæ apud omnes esse inviolabilis debebat. Non tamen propterea in tantum sequestranda est muneris ipsius veneratio, ut statim contemni aut impugnari possit, qui indignis munere moribus utitur. Quæ enim alio promptior ad seditiones via esset? Multa hic sibi Deus reservat: qui suam ordinationem, ut cum Sacris literis loquamur, in qualicumque rege, dum modo rex sit, vult honorari; neque vindictam, sibi soli reservatam, privatis attrectari manibus patitur. Quæ quæstio totiens periculose agitata, utinam moderatioribus animis ac rationibus definita esset. Præter enim regna, quæ jus imperii cum ordinibus participant, in ceteris astrictiora obsequii vincula & sanctiora sunt, quam ut solvi argutiis, aut ferro rumpi debeant. Quo nomine commendari meretur *Hugonis Grotii* prudentia, qui in tempore sane, & graviter compescuit nimiam in hoc argumento philosophandi lubidinem: quæ sæpius affectibus & causæ suæ, quam publicæ tranquillitati servit. Non sum ex iis, qui tyrannidis excusationes adornare, inter artes obsequii numerant: & scio exempla evenisse, ac evenire posse, quæ communibus regulis concludi nequeant: sed cavendum religiose est, ne quis ultra peram sapiat.

In c. 13. p.  
Rom.

Vid. Thuan.  
33. & 37.

lib. 1. de jure  
re bello, c. 4.

Sed ut in viam redeamus, ab auspicio regio est, illa fortuna & sanctitas, de qua cœpimus dicere. Sanctitatem Regum disertis verbis commendat Julius Cæsar apud Suetonium. Et M. Tullius non uno in loco regale nomen magnum & sanctum prædicat. Semper in hac civitate (inquit alibi) regium nomen sanctum fuit: sociorum vero regum & amicorum sanctissimum. Nec Sallustio indicta sanctitas regii nominis: ne alios nunc adhibeamus. Sancti scilicet sunt Reges, ut eximie colantur: Sancti, ne ullatenus violentur: Sancti, ut cultum & inviolabilem sanctimoniam, ex se tanquam ex fonte in regii muneris instrumenta, queant derivare. Hinc plerisque gentibus honorata omni obsequio regum majestas, ritusque venerandi & adorandi in oriente receptus: quem nonnemo apud Curtium, primum & prudentem vocat. Hinc leges præcipuæ sanctitatis quæ & famam regum à probris, & vitam ab insidiis vindicant. Pertinet huc Platonis monitum in Minoë: ne divinos homines violentus. Et in ipsis sacris literis, ne cogitationibus quidem maledicendum regi, præcipitur, adjecta gravi & ad institutum nostrum accommodata ratione. sed nec sacri Canones obiter inculcant sanctitatem regum nullis dictis factisve injuriosis temerandam. Quid de ipsis legibus majestatis, quas vocant, dicam; quæ impietatis in principem (ita enim appellatur) crimina vindicant? Hinc oritur denique illa sanctitatis opinio, quæ Principum statuas pro asylo habet; quæ familiam Principalem fulgori principatus illigat; quæ consistorianos & viros illustres & consultores Principum, partem corporis Principalis constituit: quæ legatos Principum, sanctitate dominorum metitur. Namque, ut hoc ex occasione obiter moneam, ad sacra legationis & legatorum sanctimoniam penitus explicandam, non tantum jus gentium, & quæ ex ejus auctoritate oritur, sanctitas adhiberi debet; sed insuper auspicii regii & imperatorii religio, quæ juris illius rationem ac vim confirmat. Sancti nimirum sunt legati; quia à sancto mittuntur; quia referunt mittentis auctoritatem, quia insigniti sunt sanctitatis imperatoris symbolis. Synesis etiam inde auget sanctimoniam legationum, quod per

Jul. c. 6.  
orat. pro L.  
Man. cap. 9.  
pro Dejer. c.  
14. in fragm.

8, 5, 11.

Ecc. 17.

Can. A. 34.  
ubi Zonar.  
& Balsam.  
Tac. 6. A. 47.  
3.  
Dio 47. p.  
696.  
Tac. 3. 36.  
Tac. 3. 22. 2.  
L. Quisquis  
Cod. ad L.  
Jul. Maj.  
Tac. 1. A. 42. 3.

Orat. de  
regu.

ea Reges sui auspicii vim, efficaciam, opem veluti divi-  
no munere usquequaque dispensant. Herodes apud *Jose- ἀρχαία,*  
*phum* ex ipso communi legationum argumento ac sine co- 35, 8.  
lores figurandæ hujus sanctimonie petit. Sed hæc, ut di-  
ximus, *ἐν τῷ πάρεργον.* Ceterum, quoniam ea, quæ de san-  
ctitate Principum Regumque notanda sunt, non tantum  
in hunc locum concludi debent, sed per totius auspicii re-  
gii & majestatis amplitudinem diffunduntur, rectius postea  
explanabimus, quæ ad usum abusumque hujus argumen-  
ti pertinent, ubi *descriptionis* nostræ formulam percurreri-  
mus.

In qua, de *Fortuna regia* sequitur; quam ex auspicio  
regio solent scriptores deducere. Imperia constitui *ματὰ*  
*δαίμονες τ' ἀγαθὸν ἔχοντες ὁμοίως*, assistente quasi bono Genio, &  
simili *Fortuna*, notabiliter est à *Dione Chrysostomo* dictum. *Orat. 3. de*  
*regn.*  
*Fortunam imperii, & populi Romani* ad magnorum operum  
spem & successum videas accommodari apud *Tacitum*: qui 3. H. 46. 4.  
*Et ipsa Romanam*, ut existimo, aliquoties non tam de po- 4. H. 57. 2.  
tentia, quam de *felici illa & auspicata & regnatrice potentia*, 13. A. 54. 2.  
non sine valida vi significandi usurpat. *Fortuna populi Roma-*  
*ni vincit foris hostes*, quod *Justinus* sub exemplo superatæ *Ma-* 30. 4. 16.  
*cedoniæ* ostendit: *Fortuna populi Romani & averruncator ne-*  
*fundarum molitionum Jupiter*, domi coercet impios, sicut *Li-* lib. 4. c. 45.  
*vius* jactitat, in historia conservatæ ex servili conjuratione  
urbis. De *Fortuna Atheniensi* magnifice *Demosthenes*: τὴν Ἀγα- *Epist. 4.*  
*θὴν τύχην ἐν τῇ πόλει εἶναι τὴν παρ' Ἀθηναίων*, Bonam *Fortunam*  
agnoscit *Cicero*: ac de *Cæsarium fortuna* Auctores passim te- *Orat. pro L.*  
stantur. *Fortunam Alexandri* vicisse hostes, providisse suo *Man cap. 16.*  
regi, consilia ei subministrasse, adversariis eripuisse, to- *Charaß Vel-*  
tiens *Curtio* memoratur. Apud *Tacitum* Principalis fortu- *les. 2. 17. &*  
næ auspiciū in potissimum consilii argumentum valet *seq.*  
apud eos, qui *fortunam & Deos & numen Orthonis* adesse con- 2. H. 33. 2.  
siliis, affere conatibus restabantur.

Atque hanc *Fortunam Regum* ethnici *Deorum Regionum*  
ac *Principalium* nomine signabant. Licet enim illi *Dij* totum  
auspiciū regium aliquando signent, præsertim tamen  
*fortuna* divinitus adjuncta respectu, de qua nunc agimus, ea

in Thal.

Orat. 2. de  
fort. Alex.  
M. lib. II. 15.  
10.10, 2, 5.  
Sid. Plin.  
Pan. 94.  
Vellei 2, 13.

4, 3, 7.

1. H. 29. II.  
4. Carm.  
Od. 14.

2. Trist.

loquendi ratio inualuit. Apud Herodotum Cambyfes suos, ut mandata postrema servarent, per *θεῶν βασιλεῖς*, regios Deos, adjurat; quos vindices aut remuneratores invocat, prout mererentur Persæ. Ea precatio ad confirmationem imperii spectabat: longo post tempore de transferendo in neminem alium, nisi in Alexandrum, imperio, Darius Jovem Persarum patrium numen & *βασιλεῖς θεῶν* Deos regales appellavit. sicut Plutarchus cum Justino testantur. Sed & Dii Majestatis regia ultores apud eundem Justinum memorantur. Deos praesides imperii Romani passim jaçant, nominant, invocant Scriptores. Deos Cæsareos magnifice appellat Ovidius extremo transformationum opere: ubi præsertim Dii Romani imperii custodes, Cæsarei fiunt, ut sic dicam, interque Cæsareos Penates omine & significato auspicii imperatorii collocantur. Quibus scilicet tuentibus ac faventibus, imperanti salva constet majestas; recedentibus autem ac indignantibus, pereat. Igitur, transferente Fortuna imperium (libenter nunc ita cum Floro loquar) à Galba ad Othonem; frustra scilicet Galba, sacris & suppliciis *fatigasse alieni jam imperij Deos*, subtiliter & notabiliter dicitur, apud Tacitum. Horatii locus de Augusto *divos suos præbente Druso*, omnibus in ore est. quem verba Nasonis explacent:

*Auspicium cui das grande, Deosque Tuos.*

Pertinet huc, quod numina fortunam statumque imperiorum servantia, excidio imminente, excedere & evocari credebant. Nota est Æneæ vox in Trojano excidio:

*Excessere omnes adytis arisque relictis  
Dii, quibus imperium hoc steterat.*

3. Saturnal. 9.  
Camer. cent.  
2. 10.Freinsb. &  
Rader. ad

ubi glossa Servij: quia ante expugnationem evocabantur ab hostibus numina, propter vitanda sacrilegia. Hanc ille quidem causam adducit: sed Macrobius, adjicit alteram, quod aliter urbem capi non posse crederent, nisi evocatis tutelaribus Diis, de quo more jam alius actum. Affinis est opinio de genio populorum fatalibus; custodiæ scilicet ac fortunæ imperio-

periorum destinatis. contra quam disputat Prudentius. E-  
 quidem vanæ superstitionis nomine cum Arnabio & aliis  
 merito hic aspernamur gentiles : sed illa ipsa superstitio  
 valide exprobrari illis poterat, in meliore sententia stabi-  
 lienda, cujus scintillas maluerunt fabulis obscurare, quam  
 • vigorem studio veritatis admittere. Quamquam egregie  
 mitigavit eam de genis opinionem Dio Chrysostomus ; qui ora-  
 tione XXV. Genios de rectoribus populorum ac principibus interpre-  
 tatur. Verissimum interim est, à singulari Divinæ in Re-  
 gna regesque curæ benignitate proficisci, quidquid est  
 fortunæ, felicitatis, custodiæ, securitatis, imperio rebus-  
 que publicis propriæ : quod auspicii nomine hic metimur.  
 Cujus in imperiis præsentia Dei (ut nunc verbis Philippi Mc-  
 lanchthonis, qui hanc de regnis sapientiam Christiano ho-  
 mine dignissimam diligenter in Chronico suo aliisque scri-  
 ptis commendat) signum manifestum est, quod nulla imperia  
 constitui ac teneri possunt sine Heroicis viris : quorum virtus & for-  
 tuna sine ulla dubitatione sunt admirabilia opera Dei, idque semper  
 viderunt sapientes viri in republica : sicut allato insigni Plato-  
 nis loco amplius declaratur. Cum primis autem ex Anna-  
 libus sacris, Psalmis Davidicis, Prophetisq; de regnorum fato  
 concionibus luculentissime constat, Reges divinitus juvari & im-  
 pedi, per illos regnorum fortunam attolli, Deo favente ; aut re-  
 pugnantem deiici : & si quæ similia huc faciunt. Sed & An-  
 gelorum bonorum ministerio Reges Regnumque à DEO  
 secundari, defendi, muniri, non minus ex Scriptura con-  
 stat : licet, an certos custodes certis imperiis divina affi-  
 gnarit Providentia, sicut Ethnici de Geniis Imperiorum  
 statuerunt, non perinde liqueat. Atque hæc omnia ita  
 hic intelligi debent, ut peculiarem illum DEI, Regnisque  
 & Regibus proprie destinatum favorem notent, quem ha-  
 stenus auspicio regio signavimus.

Quocirca non indigna est Prudentum consideratione,  
 illa loquendi formula ; quæ fortunam publicam à Princi-  
 pe arcessit, ipsiusque auspicio hominum fata metitur. In-  
 ter exquisitas laudes, pie periteque Augusto vectores nau-  
 tæque motulantur apud Suetonium : per illum se vivere, &

Curr. 4. 3. 20.  
 lib. 2.  
 adu. Sym-  
 mach. Gido  
 Petr. Fabr.  
 Semestr. 1. 9.  
 Voss. Th. genr.  
 1. 7. C. 18.

Loc. de ma-  
 gistr. pol.

ex 4. de Re

Aug. 98.



Odyss. π.

per illum navigare, libertate atque fortunis per illum frui. Non minoris gratiæ est Homeri philosophia, qui in descriptione boni Regis posuit: quod sub eo, terra proventu, arbores fructibus, pecudes sætura, mare piscatu, homines virtutibus, sæculi felicitatem juvent ornentque. Poëtarum quidem figuras, sed non sine prudenti ratione, sequuntur Seneca & Virgilius cum alter spem suam de Nerone, alter de Augusto iudicium ita expromit, ut aurei conditorem sæculi uterque laudet. Hinc illa:

Sen. in  
ἀπὸ κολον.  
Virgil. Ecl. 4.

Aurea formoso descendunt sæcula filo.

Et

— — — Hoc ferrea primum

Desinet, ac toro surget gens aurea mundo.

quamquam propius huc pertinent, & venustius figurantur, quæ subiecta sunt:

At tibi prima puer, nullo munuscula cultu

Errantes hederas passim cum baccare tellus:

Mistaque ridenti colocasia fundet acantho.

Ipsa lacte domum referent distenta capella

Ubera, nec magnas metuent armenta leones.

Ipsa tibi blandos fundent cunabula flores.

Occidet &amp; serpens, &amp; fallax herba veneni

Occidet: Assyrium vulgo nascetur amomum.

&amp; mox:

Molli paulatim flavescent campus arista,

Incultisque rubens pendebit sentibus vna.

Et dura quercus sudabunt roscida mella:

itemque:

— — — omnis feret omnia tellus.

cum ceteris quæ Augusto naturæ urbisque benignitas largitura memoratur. In quibus, vehementer errat, qui solum figurarum venustatem quærit aut attendit: cum figurandi potius ratio (quam in ipsa reconditiore sapientia, summi Poëtarum & oratorum semper quæsilvere & invenere) in quæstionem & usum vocari debet. Sed nec vana adulationis nomine statim ista rejici oportet; quæ ut sæpe miscetur,

scetur, ita coleres præcipuos ex specie & formula veri mutatur. Denique, neque superstitionem, quæ omnia ethnicorum scripta inquinat, tam secure in præjudicium ubique fas est nominare, ut nec reliquias veri à falso discernamus, nec interpretationes haud indiligenter proditas admittamus.

Eant hæc ipsa in exemplum, quæ hætenus exquisitioris facundiæ prudentiæque nomine commendavimus. Possis opinari, cum audis talia Regibus adscribi, quæ divina sunt, Reges penitus pro Diis superstitione habitos cultosque, quod de Ægyptiis, videtur *Diodorus* affirmare: neque sane de abusu & erroribus hujus rei quisquam diffiteri potest: sicut postea videbimus. Sed operæ pretium interim est audire, quomodo talia explicent ipsi gentiles. *Synesius* enim longe clarius jam philosphatur, cum *Regi*, quem format, *lib. 1. de Provid.* omnia terra, aëris, aqua munera Deos dedisse, Regem vero usum *vid.* earum rerum populo indulgisse, reservatu sibi pro communi felicitate curis & laboribus, pronuntiat. Hic videmus ordinem, & ordinis dispensationem, id est, rem nobis quidem melius intellectam, illis autem non plane inobservatam. Quare & *Cambyfes*, in voti regii (de quo prædiximus) magnificencia, cum naturæ bona opesque, à se veluti pollice- *Herodot. in Thalia.* ri videatur, Deos regales tanquam propria & propitia sibi numina, ejus rei auctores constituit. Et *Homerus*, de quo ante, non obscure, Deorum munus, pio scilicet justoque Principi indulgeri solitum, innuit, cum de illa civili felicitate loquitur. Apud Christianos ut profundior hujus mysterii reputatio est, ita explicatio certior clariorque. itaque cum de auspicio regio magnifice, nec raro priscis sapientum formulis, loquuntur, duo ista plerumque spectant: ut magnificentiae ratio ad divinas laudes referatur, & conatus imperfectioris sapientiæ, meliori interpretatione suppleatur emendeturque. DEO haud dubie digna est oratio, qua *Synesius*, jam Christianus Christum compellat:



Hymn. 2.

Σοὶ μὲν τίλ' ἀν' ἱππεύει,  
 Ἦς ἄσβεστος παρὰ,  
 Σοὶ δ' ἄ τ' αὐρῶπις μήνα  
 Τὰς νυκτῶν ὄρσται λύει.  
 Σοὶ καὶ τίχτονται καρποί,  
 Σοὶ καὶ βόσκονται πόμυνται.

*Tibi sol equitat, diei perennis sors: Tibi taurina fronte luna noctis pellit tenebras: Tibi nascuntur fructus: Tibi pascuntur greges. Sed cum eadem, ac similia ad Reges Principesque accommodant Christiani oratores ac poëtæ, nihil aliud volunt, quam quod hætenus de auspicio regio, quod ex Deo oritur, ad Deum refertur, diximus. quasi quis clarius ita ageret: Tibi tuoque imperio, Rex Magne, Deus allucet solem, attemperat sidera, producit fructus, secundat greges, naturam conciliat. Tua voluit esse primum munera, qua sub auspicio regni Tui sic in ceteros dispensat. Hæc & talia non inepte utique congruunt, ad singularem illum Dei in sceptrum & sceptrigeros favorem: quo contextum universi sospitat ac conservat. Modus tamen esto in figuris; & cautio in formulis: ne plus verborum inventis, quam sapientiæ mysteriis obtemperetur. Quis enim ferat fastum illum Chosroæ, qui inter titulos regni, & elogia etiam ista nomini suo apponit apud Theophylactum Simocattam: ἡλίου συνανατέλλων, καὶ τῇ νυκτὶ χαρίζομενος ὄμματά, cum sole exoricens, & nocti largiens oculos? Non dubitem, adulationem aulicam, sub specie subtilioris de auspicio regio sententiæ, hunc stilum delegisse: sed non tuentur suam elegantiam, quæ Prudentiæ modum egrediuntur.*

*Hist. Man-  
 riciæ, 4. 8.*

Immoramur forte longius fortunæ Principali sive Regiæ: cujus tamen ne sic quidem, uno claudi loco consideratio debet, si argumenti ingenio, & perspicuitati expositionis serviendum est. Interim, ut pedem promoveamus, nullo præteritorum præjudicio, inter connexa & cognata omnia efficacia muneris actusque regii, in descriptione auspicii posita, se nobis offert. Quæ tantum cum fortuna hætenus laudata cohæret, quantum cum vigore; de quo

Quo adjiciendum aliquid superest. Atque hic non omis-  
 rim perfectam illam *potestatis regia auspicii* plenitudinem,  
 quæ in negotia omnia cum singulari effectus instrumento  
 successuque tendit ac pertendit, provisiones imperatorias  
 præsentiori virtute, absolutiore arbitrio ordinat; omnia  
 ex se dispensat, ad se revocat. Quam vim & partem au-  
 spicii consideravit *Tacitus*, ubi Germanicum cum Alexandro 2. d. 73. 4.  
 Magno comparat; illustriorem comparationis veritatem  
 futuram ratus, si *Germanicus solus arbiter rerum, si jure & no-*  
*mine regio fuisset.* Neque alio argumento utitur *Livius*, cum  
 Alexandri militiam fortunamque ad Romanorum ducum  
 gloriam, quæ sæpe impedita est definiti regiminis limiti-  
 bus, contendit. Quippe *Reges*, inquit, non liberi solum im- lib. 9. c. 18.  
 pedimentis omnibus, sed Domini rerum temporumque, trahunt con-  
 siliis cuncta, non sequuntur. Esse in hac ἀνάγκη sive ἀνάγκη  
 aliquid divinæ virtutis ac efficaciam, non ignorant sanctio-  
 nis philosophiæ studiosi. Sed & Pythagoricus *Diogenes*  
 huc allusit, cum scribit: ὁ δὲ βασιλεὺς ἀρχὴν ἔχει ἀντιτύπων, apud Stob.  
 ὁ δὲ αὐτὸς ὡς νόμος ἡμῶν, τοὺς δὲ ἐν ἀνθρώποις παραχαράττει. Rex ferm. 147.  
 autem imperium nemini obnoxium habens, vivaque ipse lex exi-  
 stens, Dei inter homines imaginem refert. Quæ explicatio sci-  
 licet propria hujus loci est, ubi auspicii regii ad res regen-  
 das facultatem non tam cum aliis imperandi generibus  
 comparamus, quam, quid in ea divinum sit & à Deo da-  
 tum, exploramus. Quare & sequentia ita ordinabimus,  
 ut, exempli gratia, illam in opere actuque ipso ἐνέργειαν, quæ  
 Reges præpollent, Dei cum Regibus & per Reges agentis  
 virtute metiamur. Tribuit *Curius* Alexandro singularem in 5. 7. 6.  
 rebus molientis efficiendisque velocitatem. Quidni efficax esset  
 ejus manus, quem Deus apprehendit; ejus expeditio,  
 quem Deus præcedit; ejus victoria, cui Deus vestes con-  
 fringit, turrets prosternit, urbes aperit? Hæc enim, sicut  
 in Davide aliquo, cujus manum Deus peculiariter pugnare do-  
 cuit, sublimiori quadam proprietate vera sunt: ita nec in  
 C. suam significationem, aut in Alexandro, perdunt;  
 sicut Prophetica nos oracula monent. Cernitur hæc au- Es. 12. 7.  
 spicii imperatorii efficacia, sive presentia Principis animos Es. 41. 1.

aspectu recreat, opus auctoritate promovet urgetque; sive  
*absentis* quoque nomen, memoria, fortuna rebus patrands  
 intervenit. Prudens est Memnonis præcipui Persarum du-  
 cis apud *Arrianum* ratiocinatio, dissuadentis congressum  
 prælii cum Alexandro in Asiam advecto, quia *Dary absen-*  
*tia Persas timidiore*, *Alexandri præsentia Macedonas præstitura*  
*esset fortiores*. Et ille ipse Alexander sicut præsens erat  
 potentissimus auspicio, ita pro absente quoque fortuna  
 transigit. Unde *Parmenio felicitate sui regis fretus* pericula  
 profligat: alique duces *fortuna partium*, id est, absentis  
 quoque imperatoris auspicio & victrici efficacia juvantur,  
 neque operis tantum patratio, sed consilia quoque patran-  
 di aliquid ex vi auspicii trahere creduntur. Principis  
 fortuna & majestas immitteit & quasi inspirat, ut sic  
 dicam, ministris consilia agendi & momenta confici-  
 endi, quod ipsum præter cetera, in mente habuit *Tacitus*,  
 cum supra *auspicii consilia* conjunxit: & *Horatius*, loco iti-  
 dem laudato, *Drusum vicisse* ait, *Augusto copias, consilium, &*  
*suos divos præbente*. Quæ si clarius & ad normam sanioris  
 sapientiæ explicanda sunt, ita accipi debent: ut DEUS,  
 tum ipsis Principibus, tum ministris eorum propter Prin-  
 cipes & Principatum, interdum profutura regno consilia,  
 rationes victoriæ, fugam periculorum, non semper eodem  
 modo, eademque commercii necessitudine, sed tamen osten-  
 dat concilietque, atque ex diverso hostibus eorum consilia  
 eripiat. Valde delicata & elegantia sunt illa *Panegyrista ad*  
*Constantinum*: *Quisnam te Deus, quæ tam præsens hortata est ma-*  
*jestas, ut omnibus fere Comitibus & Ducibus non solum tacite mus-*  
*tantibus, sed etiam aperte timentibus, contra consilia hominum,*  
*contra haruspicum monita, ipse per remet liberanda urbis tempus*  
*venisse sentires?* Et mox: *dic quaeso, quid in consilio nisi divi-*  
*num Numen habuisti?* Neque minus erudita sunt, quæ de  
 adversario Constantini sequuntur: non intelligebat majesta-  
 tem illam urbis, quæ pridem admotos exercitus sollicitaverat, jam  
 flagitiis ipsius deformatam, & sedibus suis pulsam ad sua an-  
 tra transisse. itemque: sed divina mens, & ipsius urbis æterna ma-  
 jestas nefario homini eripere consilium. Quæ de impetu Heroico  
 ad

ad hanc auspicii efficaciam non obiter pertinente, item-  
que de *celeritate & vigore* alibi diximus, non lubet repete-  
re, aut amplificare. Addendum aliquid esset, quantum *Charad. vlt.*  
sit in maiestate auspiciatæ efficaciae ad sublevanda mala *let. 2. 63. &*  
publica, & res mœstas; plerisque populorum *seq.* *suetis adver-*  
*sus fortuita aspectu Principis resoveri*, sicuti de Romanis est  
apud Tacitum: sed illustravit illum locum abunde Janus *15. d. 36. 4.*  
Gruterus peculiari dissertatione. Nos in transitu, nihil a-  
liud quam Crispini illud ad ea, quæ diximus, accommo-  
damus: *ὅτι τὸ βασίλειον μὴ καὶ τὸ βλέμμα ἀρκεῖ μόνον.* Regis *ap. Strab. 148.*  
vel solus sæpe aspectus sufficit.

Vigorem auspicii regii, licet à prioribus usquequaque  
vix distinguas, nunquam certe divellas, seorsum tamen  
considerant in *diffusa longe lateque maiestatis amplitudine*, ve-  
neratione, gratia, virtute. Itaque nec sanctitas hic abest,  
quæ per vigorem se dispensat, sæpe etiam sub vigore in-  
sinuat: nec fortunam crebrius quam ex hoc comite agno-  
veris aut æstimaveris: efficacia autem ipsa tam est in-  
time cognata vigori, ut hunc non immerito efficaciam  
dixeris strenue ac diffuse explicatam, & in corpus regni  
plene permissam. Scilicet auspiciū regium ubique ad-  
est, interest, penetrat, vegetat, animat, ornat, illustrat.  
Sed age, interpretentur nobis hujus vigoris indolem, qui  
eloquentia iudicioque præpollent. *Animam & Spiritum* in  
exemplum vocari videmus, cum de hoc argumento ser-  
mo est. *Unum imperii corpus unius animo regendum*, Galli a- *1. d. 12. 4. 4.*  
pud Tacitum sententia est: & Florus, *unius presidii nutum*, qua- *3. 6.*  
si animam & mentem imperii designat. Nimirum tota ci-  
vium multitudo *unius animæ circumdata*, illius spiritum regitur, il-  
lius ratione flectitur, pressura se ac fractura viribus suis, nisi con-  
silio sustineretur. hic est ille spiritus vitalis, quem tot hominum  
millia trahunt, nihil ipsa per se futura, nisi onus & prada, si mens *1. de Clem. 3.*  
illa imperii subtrahatur, interprete Seneca. Cui memorabi- *& 4.*  
libus sententiis succinunt præclarissimi quique Scripto-  
rum. Quibus & alio simulacro vigorem istum declarare mos  
est. Quippe Solis, ac præcipuorum siderum beneficam & in  
cuncta liberaliter permissam vim signantiori expressione huc

**Paneg. 10.**

**1. de Clem. 3.**

**& 1.**

**Orat. de**

**regn.**

**Paneg. Ma-**

**xim. cap. 20**

adhibitam passim legimus. Eruditissime facundus est *Plinius*; cum Trajanum suum *velocissimi sideris more*, omnia *invisere*, omnia *audire*, & *undecunque invocatum*, statim *veluti nomen adesse & assistere*, ait. *Seneca* iterum, Principem populis *ut clarum & beneficium fidus oriri facit*. Et *Synesius* decus *lactitii regii* eo refert, ut ex ejus conspectu regem colligamus, καθάπερ τοῖς προανιχθεῖσιν, αὐγαῖς τὸν ἥλιον, sicut ex *prae-euntibus radiis Solem*. Idem qui *spectaculum majestatis domi* *forisque praesulgentis*; *praesentaneam in propinqua*, *remota opem*; *multiplicatam in amicorum & adiutorum ministerio consilioque vim*, cum *similibus huc facientibus*, *graphice exequitur in oratione de regno*. Adulationis aliquid habent, sed de cetero huc proprie tendunt illa *Mamertini*: *siquidem vos Diu esse genitos, & Numinibus quidem vestris, sed multo magis virtutibus approbatis, quarum insatigabiles motus & impetus ipsa vis divinitatis exercet, quae vos tantis discursibus toto quem regitis orbe deducit*. Non cumulo cetera, partim *Grutero* etiam collecta, quae *Romani imperii vigorem in omnia expeditum, nomen regium in omnia validum, ejusque generis alia celebrant*. Repeti ex superioribus aliqua hic possunt; & pleraque in dictis continentur. nisi quod in *vigore hoc auspicii regii commemorando non praetereunda est mentio, divina cujusdam gratia, quae regias actiones comitatur, & decoris cujusdam singularis venustate commendat*. Vidit & decora sententia notavit *Xenophon* in *Hierone*: ἐμολγὴ δὲ καὶ ἐκ θεῶν τιμῆς καὶ χάρις συμπάσπασθαι αὐτῷ ἐκ ἀρχῆς. *Mihi videtur à Diu & calo quodam dignitas & gratia comitari virum Principem*: quae scilicet personam actionemque ejus eximie & efficaciter honestat.

Ponam nunc unum & alterum exemplum, in quibus *illustria sanctitatis, fortuna, efficaciaque & venerationis, quae in auspicio regio quaritur, documenta concurrunt*: sive, ut *clarius agam*, in quibus *auspicium regium* manifeste ac insigniter se demonstrat. Cum *Macedones ab Illyriis bello premerentur, praelio pulsī* (dicam *Iustini* verbis) *rege suo in cunis prolato & pone aciem posito acrius certamen repetivere; tanquam ideo victi fuissent antea, quod bellantibus sibi regis sui auspicia defuissent*

**Al. 7. c. 2.**

fuisse; futuri vel propterea victores, quod ex superstitione animum vincendi ceperant: simul & miseratio eos infantis tenebat, quem, si victi forent, captivum de rege facturi videbantur. conferto itaque pralio, magna cade Illyrios fudere, ostenderuntque hostibus suis, priore bello regem Macedonibus, non virtutem defuisse. Habuit hæc res aliquid superstitionis, sicut merito fatetur *Gustinus*, sed orta tamen est superstitio ex opinione populorum gentiumque, quibus regum eximia habetur majestas, prorsumque singularis regni sanctitas: quam recte asleverant, etiam qui non recte explicant. Nec profecto verius aut diligentius de hac victoria loqui possunt, qui causas rerum æstimationesque impensius tractant, quam si auspiciis regi infantis eam assignent; cui scilicet Deus hanc militum virtutem, hunc prælii eventum gratificatus est. De cetero utique, non pueritiæ infirmitas, sed ventratio regis majestatis hic attendi debet, sicut recte *Fredegundus* Macedonici exempli imitatrix, suis apud *Aimoinum* inculcat. Longe illustrissimum est, quod de *Emerico* *Ungarie* rege memorat *Bonfinius*. Adversus hunc *Andreas* frater impia corripuerat arma; jamque necessitatem belli optimo Principi imposuerat. Facilem meliori causæ victoriam multa pollicebantur: sed *Emericus* fratrem flecti malebat, quam frangi, multumque à cupiditate victoriæ civili sanguine parandæ abhorrebat. Novum itaque bellandi genus commentus, insignia regni pro armis, auspicii sui majestatem pro munimentis adornat. Constiterat jam utraque acies signumque pugnæ expectabat, cum *Emericus* depositis armis, remoto stipatorum satellitio, coronam sepe et gestans, per mediam fratris aciem incessit, hostiumque mucrones tali oratione coercuit: Quis tandem erit ille, nunc agite milites, qui sacrosancto Regum sanguini manum injicere ausit? Quis erit, qui *Stephani* numine in hanc dignitatem assertum ledere cupiat? Et quando omnis potestas à Deo est, quis est denique qui regiam majestatem, vi aliqua sudare audeat? Quum se ipsi quoque Reges, pensitata dignitate, vel inviti colere ac revereri cogantur. Non *Emericus* sum, non prius homo, sed divi *Stephani* vicarius, pronepos & hæres, publi-

lib. 3. c. 28

Dec. 1. l. 27

tam personam gerens; quia non tam vestra suffragia & hereditaria jura, quam Divi, & sacra hujusce corona numen, me Ungaria Regem praestitere. In quem igitur, miseri, arma sumfistis? in me, an divi Stephani successorem; ac Regem vestrum omnium ordinum suffragio optatum? si in me, quando homo sum, sicarii estis & homicida; si in Regem & Stephani successorem, profani parricida estis, omnibus suppliciis & piaculis obnoxii. Non cum mortali vobis res est, miseri; sed cum eo, cui pra divina dignitate supra mortalitatem aliquid accedit. Sub omnipotentis Dei tutela reges sunt: quorum laesa majestas vix populorum exitio expiari potest. Ego quoque inermis inter infesta arma progredior, quando hac corona data divinitus, ac sceptrum hoc, quod gesto, me inter furentum studia satis tutum efficiunt. Videte quem laeseritis, & ne in caput vestrum ac filiorum, sanctum sanguinem haurire videamini, prospicite & considerate. Hæc atque talia, majestatem ipsissimam spirantia locutus, ex hostibus supplices fecit, auspicioque suo sine ferro & sanguine victor, omnium praeliorum pariter atque triumphorum gloriam antecessit. Orationem ejus pleramque lubens transcripsi: valde scilicet tum declarandis, tum confirmandis, quæ hactenus diximus, idoneam. quanquam præter momentum congruentiæ, etiam scripturæ hujus ratio talem commentandi formam nobis imperat. Quod semel propter nasutulos monendum fuit; qui nec genera scribendi, nec consilia discernere norunt: cum interpretis munia professo, non tam continui sermonis delicias sectari, quam obscuritatem argumenti, conducta ex scriptoribus auctoritate, illustrare opus sit.

Atq; ita licebit, ni fallor, intelligere, quid sint *Sacra regni*, quorum veneratione se tueri adversus injusta fratris vim conatur Cotys apud Tacitum. ubi interpretum alius sanctitatem regni, alius sacramenta regni substituit: Clapmarus autem per jura imperii & majestatis explicat, sive potius ad ea accommodat. Nam Taciti sententia, magis singulari significandi genere, ad inviolabilem regni sanctitatem, de qua modo Emericum audivimus vaticinantem, & Deos regia majestatis praesides ultioresque, de quibus supra, pertinet: sicut rectissime Freins-  
hemiana

2. d. 65. 2.

lib. 1. Arcan.  
c. 10.



*hemiana paraphrasis* expressit. Sententia ergo patet : sententiae ratio, non nisi per ea, quae haecenus attigimus, evolvitur potest. Sed & illud nunc animadvertimus, quam sit graviter dictum, quod ab initio assumimus : in summa fortuna pleraque auspicia & consilium, quam telis & manibus geri. quasi quis diceret : imperia & Principatus divino numine constitui & gubernari, Principibus ad gubernandam suae fortunae molem divinitus adungi venerabile per gentes nomen, illustrem dignitatis famam, fortunam agendi, efficaciam penetrandi, vigorem denique imperandi in omnia expeditum, in omnia validum. Hoc esse illud mysterium summae fortunae, illud imperiorum munimentum, quod supra armorum potentiam firmum, sine armis victoriam, cum armis armorum regimen, pugnandi vim ac virtutem conciliet dispendetque. Hinc auspicatam consiliorum salubritatem emergere ac dimitti. Non absentiam Principis, non aetatem intercedere, quo minus fata Reipublicae procedant : quae ab auspiciis Principum late valentibus, manusque & tela pugnantium etiam ex longinquo moderantibus, suspensa supremus Regnorum arbiter voluit. Ita enim plenius illam Prudentum Romanorum de initiis Neronis & imperii periculo sententiam, quam ex ipsorum ore Tacitus (securior alias per se profaniorque circa divina interpretres) commemorat, enarraveris.

Antequam hanc explicationem finiamus, occurrentium est difficultatibus nonnullis, quae in auspicii regii dispensatione, statuque, ut sic dicam, & conditione videntur oboriri. Majestati regiae ita proprium facimus auspiciorum honorem, ut ministrorum sortem plane excedat. Quomodo igitur, inquires, cum ducibus regum fortunam mutatam, ducum felicitate & industria partas victorias, prudentia adiutorum sustentatam pacem, non tantum legimus, sed in ipsa rerum scena videmus ? Rursum autem, cum ministrorum culpa fortunam rerum saepe corrumpi, rempub. in pericula aut damna conjici satis constat, quid ita Principibus solis ut omnia prospera, ita omnia adversa tribuunt ? Egit prolixè de illa loquendi judicandique consuetudine Janus Gruterus, ad elogium Claudii apud Tacitum : nihil, regente eo, Reipublica triste ab externis accidisse.

Con-

Conqueriturque eo nomine Tiberius : quod cum *velle* fa-  
 ctorum sibi quisque gratiam trahant, unius invidia ab omnibus pec-  
 cetur. Itaque alii præclare & artificiose auspicio-  
 rum decus se tueri posse autumant, si faciant quod apud Cornelium  
 Nepotem extat : eam esse consuetudinem Regum, ut casus adver-  
 sos hominibus tribuant ; secundos fortuna sua. quo facile fieri, ut  
 impellantur ad eorum perniciem, quorum ductu res male gesta nun-  
 tiantur. Et Darius, memorante Curtio, cuncta quæ per duces  
 suos adversus Alexandrum acta erant, damnabat ; ratus plu-  
 ribus curam, omnibus absuisse fortunam. At vero existimatio-  
 ne non bona usum, satis declarant sequentia tempora,  
 quibus suo ductu non melius rem gessit : ut dubitandum  
 non sit, multos quidem ex ducibus Darii industriam  
 quam debebant non adhibuisse, sed omnes tamen fortuna  
 non sua, sed sui regis infelices fuisse. Ergo ducum aut  
 ministrorum nemo rei male gestæ aut perditæ poterit ar-  
 gui, omnisque culpa in fortunam imperii & imperantium  
 redundabit ? Non id volumus : absit. Deploranda est  
 quinimo regnorum fors, cum modo Mazæus aliquis præ  
 ignavia non audet imperata exequi ; modo Varus fortis-  
 simos exercitus securitate sua prodit hostibus ; modo O-  
 lennius pro pastore lupum se gerens pacem provinciarum  
 fortunamque securitatis publicæ perturbat. Neque enim  
 parum auspicio-  
 rum gloria per ea obscuratur, & quasi macu-  
 la quadam regius illæ splendor decoloratur, ita tamen, ut  
 Deo assatim causarum sit, ob quas ista imperiis patitur e-  
 venire. Fieri autem sæpissime ex diverso, notavimus, ut  
 infelix exitus non ministri aut ducis, sed domini princei-  
 pisque fato tribuendus sit : quem si multare Deus desti-  
 navit, non poterit virtus ministrorum ac industria obsta-  
 re. Agnovit istud fatum in Xerxis militia Justinus. Suo  
 ductu auspicioque Græciæ bellum intulerat rex potentissi-  
 mus : cumque ingenti præter opinionem clade affectus  
 esset, Mardonium ducem cum delecta cccm manu in ho-  
 stili solo, belli residua patraturum, relinquit, ipse do-  
 mum revertitur. Sed fortuna regis cum duce mutata non est,  
 inquit

1. 4. 34. 4.

in Datam,  
cap. 3.

lib. 1. c. 2.

Curt. 4. 12. 16.

Vellei. 2. 118.

Tac. 4. 472.

lib. 2. 4. 3.

inquit Historicus ; qui secutam Mardonii cladem fortunæ regis non vere minus quam prudenter assignat.

Diximus de adversis casibus , qui non semper ministrorum vitio aut infelicitati possunt tribui. nisi quod illud certum est : DEO semper placere per hunc aut illum auspicii regii fortunam administrari , adeoque non vanam esse in deligendis du-  
 cibz & ministris consultationem , de felicitate : si sine curiositate & superstitione exercentur. Est enim omnino ( ut nunc ad *Lips. 3. p. 15. 30.*  
 alterum ex iis , quæ proposuimus , veniamus ) aliis quoque , qui non sunt Principes , nec auspicii Principalis honore gaudent , sed quos sua fors obsequiis Principum officiisque destinavit , quædam divinitus adjuncta fortuna ; de qua clarissime , id est , more Christiano ita loqui possumus : ut dicamus , Deum in usum decusque Regum & Regnorum certos ho- *Vide Charact. Vellei. c. 2. &*  
 mines peculiaribus dotibus ingenii animique instruere , eorumque quas *3.*  
 sub auspicio imperioque dominorum obeunt , actiones prosperare , & quodammodo per illos gloriæ Regum & salutis Regnorum consulere atque providere. Nonne clarum exemplum in Josepho sub Pharaone , in Davide , sub Saule ? Unde etiam mors ejusmodi hominum haud raro ominosa fortunæ publicæ censetur. Fato Perfici regni inclinante , Memnon ut unicum rebus dubiis subsidium vita excessit. Alexandri fortuna post Parmenones Clytosque submotos in deterius ivit. Et quantum Augustus Agrippæ suo Mæcenatique , tanquam duobus imperii oculis debuerit , nunquam dubitavit fateri. Quid , quod Appianus in Parthicis , de Antonio & Octavio Cæsare vulgo jactatum ait , *ὅς ἐὺλυξέσθαι δι' ἡγεγώνων ἡμῶν , ἢ δι' αὐτῶν σπαρτυροί.* quod feliciores fuerint per legatos suos , quam per se , duces. Apud Tacitum , Galba , alieno imperio felicior , quam suo. *1. lib. 49. Vis. 9.*  
 Apud Suetonium , Vitellius confirmatum per legatos suos imperium per se retinere non potuit. Manet tamen illa ipsa fortuna ministrorum sub auspicio Dominorum , & ad illud merito refertur. Ita Deus Pharaoni , cum Regem Regnumque sospitare cuperet , Josephum dedit , prudentiaque & virtute regno salutari adornavit. Tangitque hanc divinæ in Regnum Ægyptium providentiæ curam ipse Josephus , cum de interpretatione somniorum regionum appellatus ,

649, 41, 23. respondet : *Deus ostendit Pharaoni qua facturus est. ne de ceteris quæ ex nobilissima illa historia abunde suppetunt, rationibus dicam. Est hæc dispositio Dei, quando nimirum auspicii regii fortunam certorum hominum opera vult administrari, inter eas, quas pie potius observare, quam curiose debemus scrutari: non dubitaverim tamen, præter alia divinæ destinationis consilia, etiam modestiam ita regibus commendari, si intelligant, se summi quidem in terris fastigii auspiciam à Deo accepisse, sed ministrorum tamen ope dispensandum: quibus nemo Principum carere unquam potuit. Quin eo testator est cæli in Reges favor, majorque Deo debetur gratia, si Sol ille auspicii, ut sic loquar, in tot radiis splendeat, & fortuna Regni non Regis modo, sed Regionum ministrorum consiliis operibusque obsequatur. Ego certe, inter omina felicitis imperii, & præcipua fortunæ regię pignora pono, si Magno Principi magnus contingat adjutor, cujus ingenium fatumque auspicii regii amplitudinem capere & obsequiis efficacibus queat propitiare. De quo divino munere, alius est agendi locus.*

Habemus ergo illud divinæ unctionis, ut hac similitudine utamur, oleum; illud gratiosum & cæleste donum; illum Dei in regibus characterem, fulgorem, vigorem: quo nihil in regia majestate est secretius, potentius, venerabilius. At enim, *res tam sancta, quomodo cadit* (pergamus enim obiter quærere nonnulla) *in pagannm, quomodo in impium Regem?* Satis diligenter hastenus regni decus, & personæ dedecus, sejunximus. Et valeat hic illud *Chrysostomi: ἀγνοεῖ μὲν αὐτοὺς, ἀλλ' ὁ θεὸς ὅτως ἐτίμασεν.* ¶ *At, quomodo auspicii fortuna & vis sceleratis præsto sunt, cum à Deo sint, cum divina sint? an Deus secundabit incepta malorum? Noli, quisquis es, divina arbitrari judicia. Altum est consilium, & nobis minima sui parte revelatum, quomodo & cur Deus non per bonos tantum sed per malos etiam auspicia regnorum dispense. Idem qui Augusto tot gentes subjecit, etiam Domitiano absenti, rebellium arma, felicitate mira confregit. Ita placet illi, cui nihil injuste pla-*

*ad Epist.  
Rom. 13.*

*Auctorem. De  
Mor. 6.*

col

cet. *Quamvis enim aliquid dixerimus (utar Augustini verbis, cu- de C. D. 3. 25.)* jus eximia in talibus argumentis prudentia est) quod aper-  
tum nobis Deus esse voluit, tamen multum est ad nos, & valde su-  
perat vires nostras, hominum occulta discutere, & liquido examine  
merita dijudicare regnorum. ¶ Ubi autem manet, inquires, au-  
spicii regii fortuna & efficacia, quando Rex regno dejicitur, regnum  
ipsum evertitur? Cogita pretiosum balsamum in fragili va-  
sculo: hoc confringi potest, ut cesset esse vasculum; il-  
lud non cessat esse balsamum, licet sedem suam mutarit.  
Non perit quidquid divini est in regibus: etiam cum reges  
divinitatis imagine ornati, communis mortalitatis leges  
casusque experiuntur. Transfert Deus regna & regnorum  
auspicia; de homine in hominem, de gente in gentem.  
*Quamobrem cum diu fuissent regna Orientis illustra, voluit Deus*  
*& occidentale fieri, quod tempore esset posterius, sed imperii lati-*  
*tudine illustrius: inquit iterum de hac providentia Augustinus. s. de C. D. 12.*  
Quid, quod interdum ludit cum Regibus Deus, eosque  
deponere ad tempus jubet splendorem, quem paulo post  
recipiant; aut occultat in ipsis aliquantisper vim auspi-  
cii, quam postea denuo explicat? Non desunt exempla:  
sed ingentius est illud majestatis æquor, quam ut nostra  
cymba sit enavigando. ¶ Pertinet eodem, quod in una  
eademque auspicii indole virtuteque non idem semper tenor, non ea-  
dem claritas, non idem habitus (si in re subtilissima crassiori-  
bus uti licet vocabulis) observatur. Nimirum dispensatio au-  
spicii regii, ut mere divina, ita plerumque arcana est.

Omniū difficilima est existimatio de regio auspicio,  
in conversione aut eversione regnorum. Assumemus exemplum,  
cujus interpretatio nobis instar regulæ queat esse. Apud  
Curtium Nabarzanes Dario infelicitèr hætenus auspicii sui  
fortunam experto ita suadet: *Diis adversis bellum inimus, & lib. 5. c. 7.*  
*perrinax fortuna Persas urgere non desinit. novis initiis & ominibus*  
*opus est. Auspiciū & imperium alii trade interim, qui tandiu*  
*rex appelletur, donec Asia decedat hosti; victor deinde regnum ti-*  
*bi reddat.* Hæc sententia præterquam quod in regem re-  
giumque auspiciū scelerata est ac perfida, etiam Pruden-  
tiæ, cujus colores præstruit, mysteria violat. Sane qui-

apud Curt. 4.  
14. 20.

PAN. c. 5.

dem regnorum auspicia interdum ita in personis & per eas variantur, ut splendorem suum in alio rege contrahant, in alio aut successore explicent mox iterum renouentque. sicut in conversionibus imperiorum & concussionibus animadvertere fas est, de quibus Darius interpretari malebat infelicitatem suam, in ulteriora omnia ituram. Meditatur, quatenus licuit, id secretum Plinius in exemplo Trajani sui, qui ad auspicia imperii sustinenda, erigendumque reipub. statum divinitus destinatus erat. Audiamus eloquentissimi viri philosophiam: Sicut maris calique temperiem turbines tempestatesque commendant: ita ad augendam pacis tue gratiam, illum tumultum precessisse crediderim. Habet has vices conditio mortalium, ut adversa ex secundis, ex adversis secunda nascantur. occultat utrorumque semina Deus, & plerumque bonorum malorumque causa sub diversa specie latent. E quibus verbis, si figuras subtraxerimus, & sententiam ex perfectiore sapientia supplerimus, illustris prodibit, quæque hic opportuna sit, interpretatio. Verum enim vero non erat à Nabarzane tam laxæ, & inconsiderate arripiendum hujus sententiæ schema, ut de fatali termino imminente nulla susciperetur cogitatio. Instabat enim jam illud tempus, quo imperii Perfici decus auspiciumque, in Græci Atlantis humeros debuit transire. Frustra ergo in persona quærebatur mutatio sati, quod jam universo imperio incubabat. Quæ existimandi ratio ad similia exempla porrigi potest: à quorum expositione, nos brevitatis studio abstinemus.



CAP:

## C A P. III.

*De Auspicii Regii Symbolis & pignoribus.*

EST hoc quoque inter Prudentiæ accuratioris inventa numerandum, quod maxima quæque rerum, certorum honore elogiorum ornantur, ostentantur insignibus, imaginibus figurantur : ut his tanquam symbolis, vel profundior earum natura, vel dignitas sanctitasque quodammodo declaretur, ac hominum venerationi commendetur. Hinc tot augustissima Regni symbola, omnis ætas usurpavit : quæ vulgus, ut instrumenta scenæ intuetur; prudentes, ut mysteria imperii venerantur. *Nicephorus Calli- Pref. oper.*  
 flus θεία ταῦτα, καὶ τινῶν μυστηρίων ἀπορρήτων εἰκασματα, hac p. 6.  
 divina quadam esse, & mysteriorum secretissimorum imagines, ait. Et Nicephorus Gregoras, anigmatibus involuta inquit Imperato- lib. 3. p. 109.  
 rum ornamenta sive τὰ τῶν βασιλέων χειμῶλια, διὰ τὸ ἔνθεα εἶναι καὶ οἷα χειρὶν ὑπὲρ τὰς πολλὰς. eo quod divini quidpiam habent, vulgique captum merito creduntur superare. Atque hac Regni Regiæque majestatis symbola, non minima sui parte ad auspiciorum decus & vim referenda esse, quivis poterit intelligere, qui præcipua majestatis & regni mysteria in auspiciis residere non ignoraverit. Quare consultum nobis videbatur; non quidem omnia, sed præcipua Regnorum pignora, ea parte nunc intueri, qua ex auspicio regio aliquid trahunt, aut signant, aut illustant. Erit autem prima consideratio symbolorum, quæ in vocabulis consistunt; altera eorum, quæ insignibus & pignoribus absolvuntur; ultima eorum, quæ in figuris typisque reponuntur.

Regem Dei in terris imaginem gerere & quendam inter homines Deum esse, plerique veterum dixerunt: nec abnuunt Sacræ litteræ, sicut supra declaratum est. Inter ethnicos erudita est explicatio *Ecphantis in libro de regno 4-*



*pud Stobaeum* : ἐν τῇ γὰρ ἀριστοτέλει μὲν αἰθρῶν, δειτρίῳ δὲ ὁ βασιλεὺς ἐν τῇ κοινῇ φύσει πλεονεκτῶν τῷ κρείσσονι. τὸ μὲν σκᾶ-  
 νῶ τοῖς λοιποῖς ἔμμεν, οἷα γὰρ γενὸς ἐκ τῶν αὐτῶν ἕλας ὑπὸ τεχ-  
 νῆα δ' ἐργασμένος λῶσθ. ὅς ἐτεχνεύσεν αὐτὸν, ἀρχὴν τε χρῶμα-  
 τος καὶ τῶν in terris quidem homo optimam sortitus est naturam ;  
 at inter homines Rex divinior est, multumque communem naturam  
 supereminet : corpore quidem reliquis non absimilis, ex eadem quip-  
 pe materia factus ; ab optimo autem artifice fabricatus, qui forma-  
 vit ipsum archetypo ex se sumto. Hinc DEOS nominavere  
 Principes, omniaque quæ ad ipsos pertinent aut ab ipsis  
 proveniunt, *Sacra* & divina appellarunt non Oratores tan-  
 tum & Poëtæ, sed Prudentes & aulici, & omne denique  
 hominum scriptorumque genus. *Tuum numen*, inquit,  
 cum ad Imperatores loquuntur. *Devotos* numini majestati-  
 que eorum, se proferunt in inscriptionibus. Quinimo  
 ipsi de se, *Nostrium numen*, præscribunt. *Divinitatis, aterni-  
 tatis, sanctitatis* ephiteta, tanquam solemnia adhiberi vi-  
 deas. *Sacrum palatium, sacras literas, sacras constitutiones,  
 sacrum oraculum, sacrum scrinium, sacrum cubiculum, sacrum li-  
 men, sacrum stabulum, sacrum comitatum, sacram monetam, sa-  
 cras vestes*, imo *sacra vestigia*, passim legimus : ut ineptum  
 sit, loca cumulare, aut describere. In elogio *præfecti urbis*  
 solenne fuit, ita designare officium : quod is *vice sacra ju-  
 dicaret*. i. e. *vice Principis*. Quod cum de Pontificatus ma-  
 ximi sanctitate, explicat Baroni : & pro *sacra vice judicare,*  
*sacra judicare*, quali de rebus judicandis ageretur, substituit,  
 mirifice se absurdum præbet, indignasque sua eruditione  
 & professione nugas inde struit. Ceterum, quid de hac  
 loquendi consuetudine sentiendum sit, & an *Reges divinis*  
*appellationibus* & *elogiis* rectè ornentur, hujus loci est attingere.  
 inter vocabula enim, quibus majestatis regię, ipsiusque au-  
 spicii celsitudo designatur, nihil majus aut sublimius est.

*Annal. Ec-  
 clef. rom. 4.  
 ad an. 394.  
 p. 713.*

Quamquam autem ex iis, quæ attulimus, quod Prin-  
 cipes quasi *Dij* inter homines sint, quod Dei imaginem gerant,  
 Dei in terris vicem agant, possit ejusmodi locutionibus & ap-  
 pellationibus divinis aliqua ratio & color quæri, non ne-

negligenda tamen est historia totius, ad hunc morem pertinentis, cognitio. In cujus principio statim notandum: semper pro diversis habita olim, divinitatem muneris regij indefinite describere ac explicare, atque ita personam regis comparatione Dei divinisque elogiis generatim designare; & vero, inter solennes aula, imperatorique actus titulos ac publica venerationis formulas, cultu recipere. Consensu quippe Prudentum creditum est, omnem civilis actus sermonisque typum, & quidquid ad commercii humani formulam universim pertinet, à figuris eminentioribus & reconditis sententiis removeri quodammodo, & ad simplicitatem redigi oportere. Unde formales epistolæ, edicta, leges, sententiæ, responsa, alloquia, tituli, civili intellectui accommodabantur: exquisitiore ornatu facundiæ, in occasiones minus publicas, aut peculiaribus causis & secretioribus proprias reservato. Itaque, licet in sacro codice *Dij* appellentur Principes Regesque, tamen de cetero non reperiuntur formulæ, vel Regum de se, vel civium ad Reges, quibus per divina elogia, disertis verbis honestarentur. In oriente gentes, quæ sub regibus erant, regium nomen pro Deo colebant: quod de Persis aliquoties *Curtius* testatur, & late explicat *Earnabas Brissonius* in erudito commentario de Persico Regno. Sed illi ipsi honores, plerumque adorationis ritu, τῆς προσκυψῆς, & similibus absoluebantur; ad titulos divinos non progrediebantur, donec post Alexandri Magni mortem Arsaces felicitate auspiciorum suorum tantam sui admirationem movit, ut primus consecraretur à suis atque inter sidera dedicaretur: atque ex eo tempore reges ejusdem gentis *pratumidi*, appellari se patiebantur *Solis fratres & Luna*, sicut notat, & alibi exemplo monstrat *Ammianus Marcellinus*. Postea in immensum crevit in eadem gente, titulorum fastus. *Ægyptii* mortuos reges consecrabant, non vivos, excepto solo *Xerxe*; sicut *Diodorus Siculus* auctor est: unde nec de titulis divinis in superstitibus collatis firma conjectura datur. Quid gentes barbarie magis sua quam sapientiæ cultu notæ fecerint, supervacuum fuerit examinare. Apud cordatiores populos

5, 12, 16.  
6, 6, 2.  
8, 5, 12.  
Lib. 1.

lib. 23, 16.  
lib. 17, 10.

Lib. 2.

certe

certe diu nihil tale receptum est. Alexander magnus licet supra hominem quodammodo se venerabilem factorum magnitudine præstitisset, nulla tamen vi aut arte persuadere Macedonibus potuit, ut divinis ipsum honoribus afficerent. Quæ observatio hætenus eo pertinet, ut intelligatur: divina elegia apud plerasque gentes cultiores, vel in mortuos tantum collata, vel cum fortuna ad summa provectorum sagittis, inter pompas & artes dominationis injecta esse.

- Illustrandum hoc est præcipuo, nobisque non unas ob causas præcipue attendendo, Romanorum exemplo.
15. A. 74. 5. Ubi statim præmittendum est illud Taciti: Deum honor Principi non ante habetur, quam agere inter homines desierit. Indicat morem ~~ἀρετῶν~~ sive consecrationis, quam Augustus inter alia firmandi Principatus arcana in rem Romanam invexerat; sicut alibi demonstratum est. Quanquam prælusum huic ritui est in exemplo Romuli, qui & ipse deorum numero additus. Imitatione nimirum Heroicorum honorum, apud antiquiores receptorum. Et quanquam Augustus templa vivo sibi (cunctanter quidem & communi suo Romæque nomine) fisci non prohibuerit in provinciis: in tantum tamen à recipiendis appellationibus ejuscemodi, quæ ipsum Deum facerent, abstinuit, ut nec Dominum se dici pateretur; neque tamen eo minus à viris minime vulgaribus reprehenditur apud Tacitum, quod nihil deorum honoribus reliquerit, cum se templis & effigie numinum per flamines & sacerdotes coli vellet. Ad quæ verba consule, si lubet, quæ annotavimus. Observes quidem apud Ovidium præsertim in epistolis è Ponto scriptis, itemque apud Horatium, aliosque Poetas vestigia & initia talis cultus, dum Augustum pro magno præsentique numine non semel venerantur: nec dubitandum est, jam tum aulici obsequii studio paulatim quosdam huc descendisse. Sed adhuc inaudax erat illa assentatio, & colore figurarum mitigabatur: denique privatis causis affectibusque, non publico applausu rituque æstimabatur. Sub Tiberio exerere se magis magisque voluit, illud placendi studium: sed & hic repressit. cum enim quidam

Tac. 4. A. 38.

7.

Sueton. Aug.

52. Dio. 51.

P. 524.

Tac. 4. A.

37. 4.

2. A. 10. 2.

quidam *Sacras ejus occupationes nominasset, coëgit eum ver-* *Sueton. Tib.*  
*ba mutare, & pro sacris laboriosas dicere. Et tamen jam* 27.  
*nemo dubitabat de illa sublimitate fastigii imperatorii,*  
*quam profiteretur apud Tacitum Cestius: Principes instar* 3. A. 16. 3.  
*Deorum esse. Affectationes Caligulae, cum non minus stul-*  
*titiae, quam superbiae habeant, præteriri satius puto. Do-*  
*mitianus inter eos, qui videbantur aliquid sanæ mentis*  
*habere, primus ausus est ipse sibi attribuere Dei titulum,*  
*formalemque epistolam arroganti principio signare; Do-*  
*minus & Deus noster sic fieri jubet. Unde institutum posthac, ut*  
*ne scripto quidem ac sermone cujusquam aliter appellaretur: anno-*  
*tante Suetonio. Sed displicuit & evanuit apud meliores* *Dem. 13.*  
*Principes ista insolentia, laudatque eo nomine Trajanum*  
*suum Panegyrista: sic fit, inquit, ut Dei supremum inter homi-* *cap. 52.*  
*nes fastigium serves, cum deorum ipse non adoptes. Vide omni-*  
*no, quæ vir summus Gerardus Johannes Vossius de hoc argu-*  
*mento annotavit Theologia gentilis libro tertio capite XVII. Li-*  
*tebit autem per insequentia tempora observare: quo ma-*  
*gis à potentia imperii declinatum est, eo magnificentius*  
*conquisitas exstructasque titulorum laureas: divisoque*  
*deinceps imperio, in Oriente, non parum genius loci, &*  
*studiosa sui honoris, novi status majestas accumulavit stili*  
*aulici fiduciam. Adeo quidem, ut ne Christianis, quidem*  
*Imperatoribus displicuerit retinere titulos numinis, divinitatis,*  
*cum similibus. quos olim partim figuræ Poëtarum & Rhe-*  
*torum, partim adulantium studia, partim dominantium*  
*consilia, partim & obsequentium artes, vix unquam sine*  
*aliqua superstitionis aut vitii mixtura invexerant. Sed*  
*placuit ipsis tamen interpretatio melior, & Christianæ*  
*philosophiæ consentanea: ut & culturam hominum dignita-*  
*tem excedentem supremo Numini se reservare testarentur; & figu-*  
*ram istam ex sanctitate officii Divinam in terris vicem præ-*  
*stantis, interpretandam, inter ἀξιώματα Romanæ majesta-*  
*tis, non imprudenter recipi posse existimarent, quod non*  
*inobservatum prætermisit, quem antea laudari, Vossius.* *Vide Nicol.*  
*Titulos sanctissimorum, sacratissimorum, Divorum (τῆς θείας δι-* *Aleman. not.*  
*ξως, in Proc. Ar.*

can. hist.  
p. 73.

ἑως, τῆς ἰσοεβῆς λήξεως) etiam gentilibus Imperatoribus Christianos tribuisse, ex historia satis constat.

Itaque ut tandem iudicium nostrum adferamus, salvis uniuscujusque melioribus sententiis, ita statuimus: Nec rigide nimis, nec nimis secure in hoc argumento versandum esse, sed viam, si qua iniri possit, mediam requirendam. Ante omnia certum est; primis antiquisque temporibus regna modestius & suscepta & gesta esse, quam ut divinis se bonoribus elogiisque Reges dignarentur. Postea cum magnitudine imperii (nam à summis imperiis regii moris exempla in cetera produntur) adolescit cura magnificentia, & ostentanda majestatis, qua ab aula cultoribus, & per horum exempla, ab aliis subinde intenditur: donec latius sparsa, cum cetero paratu Principatus, titulorum congeries, ne à Prudentibus quidem amplius repudiatur. Invenit enim (quod non prætereundum) etiam Prudentia & obsequendi dexteritas suas rationes, quibus de figura, aut affectatione pietatis, proprium verumque majestatis cultum redigeret. Licebit utique hanc periodum, ut sic loquar, & fatalem animorum habitum in aulicis perpetua ætatem consequentia observare, quod cum fortuna imperii crescente, & Principum suorum augmento, ipsi quoque incipiant sentire & loqui animosius ac splendidius; parumque capaces genii aula credant; qui majestatis regnatricis venerationem ex occasione attollere in majus, & pro temporis conditione, aut consiliorum regionum usu erudita audacia interpretari nesciunt. Accedit, quod Christianorum Philosophia non tantum aptius & solidius divinitatem Regum explicare; sed eadem opera gentilibus, minus perite jactata & affectata elogia quodammodo exprobrare potest. Quo consilio, & Patres passim eripiunt paganis, tanquam injustis possessoribus, ea, quæ rectiore usu sensuque in suam demum veritatem vindicari operæ pretium est. Forte & opinioni barbarorum ac imperitorum itemque stilo curia passim recepto eatenus serviendum videbatur, ne Christianorum imperatorum minor, quam paganorum erat, majestas crederetur. Hæc & similia faciunt, ut divinorum elogiorum figuras in ministris aliquando facilius excusemus, in Principibus ipsis non ubique exagitemus: dummodo certa, illis quidem prudentia, his autem modestia ratio constet. Magni consilii negotium suscepere

ſcepere, quorum ingeniis promulgandam ac prædicandam ſe commiſit Regum majeſtas: quæ nunquam fulget auguſtius, quam ſi à figurarum ampullis, à ſchematicis ſuperbiæ, à coloribus adulationis pura conſervetur. Statim minus decet, quod Principis nomine propoſitum, miniſtri affectum aut artem oſtentat. Debet hic (nec fruſtra moneo) in conſiderationem venire, ipſa divinitatis, quæ in imperio ſpectatur, indoles. Nonne omnis ætas, eam demum veram, excelsamque majeſtatem regum celebra- vit, quæ faſtigio potentiæ moderationem quandam civili- tatis miſceret; Itaque etiam ii, qui abſoluti regiminis plenitudinem ſuaſerunt aut inſtituerunt, temperamenti ta- lis faciem ſuo operi concinnarunt. Videndum eſt itaque Principi, annon civilitatis metam, certe aſtimationem, excedant divina appellationes, quas ſibi quis ipſe tribuit. Ideo imperator magnus eſt, inquit, Tertullianus, quia cælo minor eſt. Quod in Apol. nec Horatio ignoratum, præclariffime id monitum ſugge- renti: lib. 3, ed. 6.

*Dus te minorem quod geris, imperas.*

Ac noſtri Imperatores, cum divina gratia charactere ſuo nomini præſcribunt, generoſius ſplendidiuſque mihi vi- dentur dicere, quam ſi Deos ſe appellarent. Imperator Dei gratia, eſt qui Deo gaudet auctore, Deo gloriatur Impera- tore, Deo viget cuſtode. Imperator ex Dei gratia, in Dei gratia, ſub Dei gratia, cum Dei gratia. Hæc gratia Deum Imperatori, Imperatorem Deo conciliat, communicat, conjungit. Gratia plena auſpicio divino & regio; gratia divinitatis imagine & charactere ſecunda; gratia, quæ Imperatorem Dei vicarium, & ſi hic quoque modeltiæ ſplendorem miſcere licet, quæ Deum facit; ſed Deum, qui ſe hominem eſſe, inter homines vivere, Deo ſervire, non neſciat, non taceat. Sic rectiſſime fulget in Impera- toribus divinitas: ſi Deus eam oſtendat, Imperator non oſtentet. Præiverunt Græci Imperatores cum ſe βασιλεὺς in Χριστῷ Reges in Chriſto vocant; itemque illud ſolenne u- ſurpant exordiendis edictis & epistoſis ἡν δὲ βασιλεὺς ἡ- μῶν,

μῶν, Majestas nostra divinitus constituta. vide Jus Græco-Romanum, libro II. Novella Basilii de struendū Ecclesiis, & alibi passim. Dionis Chrysostomi epitheta, quibus eximie regis majestatem illustrat, sint nobis instar titulorum solennium, quibus hactenus dicta confirmantur: θεὸς ὁ θεοφιλὴς, ὁ αὐτοκράτωρ βασιλεὺς, Rex divinus, Deo charus, rerum Dominus. Habemus characterem Dei in Rege, Gratiam Dei, super Regem; vim regni ac efficaciam, quæ ex Deo est. Hæc vere divina veramque regibus divinitatem asseverantia e-logia: quam Joves, Numina, Dij. Itaque jam facilius admittuntur illa Chosroæ senioris; cum inter elogia Principalia apud Menandrum Protectorem, nomini suo præscribit; θεὸς, itemque; ὁ ἐκ θεῶν χαρακτὴρ ἐστίν. Divinū se vocat, & Deorum caractere insignitum. Sed nobis ad alia progrediendum est.

Orat. 3. de  
regn.

lib. I. c. 4.

In divinis scripturis, UNCTOS DOMINI, vocat Reges Spiritus Sanctus. quo elogio nihil, ad auspicii regii virtutem magnificentiamque demonstrandam accommodatius excogitari potest. Quicquid hactenus de auspicio regio prædicavimus, inde pendet, quia Reges à Deo un-guntur. unguentum illud, Gratia illa uest, tam secunda, tam propria, tam singularis, quam modo commendavimus. cujus symbolum, in unguento arte factō repræsentabatur. Nicephorus Callistus non speciose minus quam erudite hac de re loquitur: θεῶν γὰρ τῶντες χριστὸς πνεύματι, οἷς, τὴν ἐπιτέτραπτο, χριστὸς κατ' εἰκόνα ἐργάζοτο ὁ ἀνέμαζον. ἐπὶ τοῖς καὶ αὐτοῖς πάντως πετύποιτινὲς ἐπῆσαν, τῆς καλῆς πάντων ἀληθείας ἀρχῆς ὁ ἐξουσίας τῆ σωτηρίας ἡμῶν Ἰησοῦ χριστοῦ. Divino enim spiritu dum hos (Reges intelligit) inungebant, ἢ quibus id negotii datum, CHRISTOS per imaginem & faciebant & appellabant. Si-quidem & regibus omnino typi quidam & figura inerant, veri regni & potestatis, quam Servator noster JESUS Christus in omnes habet. Ecce imaginem Dei & Christi in Regibus; Regum in Christo: ecce symbola nominum, symbola rerum: ecce unctos Domini, de quibus nunc agimus: & unctionem Domini, quæ postea etiam attingenda venit. Quæ Clemens

Alexan-



*Alexandrinus* in eandem sententiam differit, infra rectius adducentur.

Intelleximus, quomodo auspicium Regium illustretur appellatione *Deorum*, quæ Regibus in Sacris litteris ab ipso Deo tribuitur, ita tamen, ut statim jungatur argumentum, quod possit eos admonere, de modestia summis mortalium non aspernanda, deque circumspecto usu divinorum titulorum, vel in elogio Nominis Regii, vel in officio obsequiorum, actuumque civilium. Etiam

*Christorum* nomen, quod cum Rege omnium *Christo* commune Regibus esse Deus voluit, in argumenta hujus Philosophiæ vocavimus. Nunc quæ hominum industria reperit (non sine Divinæ tamen nutu Providentiæ) summi imperii vocabula recognoscemus. Inter *auspicata* ergo ejusmodi nomina valde eminent CÆSAR & AUGUSTUS.

*Auspicata nomina* dixi. ubi enim clarius cernitur auspicii veneratio, quam in illo more, cum nomen Principis Regisque, qui imperium aliquod primus condidit, aut eximie illustravit, aut feliciter instauravit amplificavitque, in successores, cum omine & pignore & recordatione propriæ fortunæ fatique propagatur? Quod sicuti in aliis gentibus frequenter usu venit, ita Romanorum exemplum singulare est, & quodammodo incomparabile.

Itaque, quotiens audis *Cæsares* vocari Romanorum Imperatores, totiens meminisse debes illustrissimi illius auspicii Romanorum, & fortunæ vigorisque inusitati, *Cæsaris* opera, & postea Augusti, in maximæ monarchiæ constitutionem ac disciplinam divinitus dispensata: cui nihil simile, ante vel post, ulla viderunt sæcula. Rem per se illustrissimam non parum amplificat *Heroici auspicii* character: qui ita hic concurrat cum fortuna imperii, ut non minus miraculi in personis summorum Principum, quam in Principatus mole liceat observare. Qua de re alibi actum est.

Apparet ergo non frustra apud *Xiphilinum*, *isq; iniquata* *Charact. Vell.*  
*Sancta nomina* vocari, *Cæsaris*, *Augusti*, *Imperatoris* titulos. *c. 2. in Nerva*  
*p. 194.*

Cum primis vero AUGUSTI vocabulum *plane auspicio Imperatorio proprium est*, ideoque diligentius considerandum. Constat ex historia, peculiari Prudentium consilio, arte, cura id cognomenti repertum, tanquam eximium & singulare, quod sanctitatem auspicii Romani & fortunam, & vim, & pignus cum auspicato omine, in auctore optimi status signaret, & in successores transmitteret. Certavit quodammodo cum Cæsaris Julii sollertia (qui & ipse Cæsaris titulum talibus de causis in Octavium testamento transtulerat) Prudentiæ Romanæ genius; an esset aliquid, quo non minus graviter gloria consummati tanti operis, quantum Julius inchoaverat, Octavio vindicaretur: *cumque quidam censerent* (utar verbis Suetonii) **ROMULUM** appellari oportere, quasi & ipsum conditorem urbis, prevaluit ut AUGUSTUS potius vocaretur, non tantum novo, sed etiam ampliore cognomine: quod loca quoque religiosa, & in quibus augurato quid consecratur, augusta dicantur, ab auctu, vel ab avium gestu gestive, sicut etiam Ennius docet, scribens:

Aug. 7.

*Augusto augurio postquam incluta condita Roma est.*

Interpretatur hic nobis Historicus, ipsa Munatii Planci, cui hoc inventum tribuitur, consilia, & subtilem sollertiam. Majestatem imperii voluit exprimere & amplitudinem; tum imperantis merito, tum auspicii sanctitate metiendam: quæsit gratiam ex novitate, ne vel epocha tanti fati, ut sic dicam, minus luculenter extaret; vel auctoris tanti fama infra meritum ornaretur, si incomparabile opus, usitato & cum pluribus communi elogio cognominaretur; elegantiam denique & aulicæ prudentiæ politiem non prætermisit, cum Ennianum versum, rationis & ominis causa instituto peropportunum, veluti *in præceptis Ennii*, si ex artium placitis hoc mutuari licet, adhibuit. Ita & Romuli comparatio, de qua præcesserat, includitur, & præfagii vaticinium tanquam è vate, cum augmento eventus, figuratur. Adiciemus etiam Flori expositionem. *Tractatum, inquit, in senatu, an quia condidisset imperium, RO-*

L. 4. c. 12.

MULUS

MULUS vocaretur : sed sanctius & reverentius visum est nomen AUGUSTI, ut scilicet jam tum, cum colit terras, ipso nomine & titulo consecraretur. Similia his tradit Dio, qui augusta di- l. 53. p. 382. ci τὰ ἱερῶτατα καὶ ἁγιάτα, sanctissima queque & gloriosissima, notat. Et Suidas : αὐγαστὰ λέγονται τὰ τίμια καὶ μεγάλα καὶ ἐπίσημα. Græci σεβαστὸν interpretantur ; & in Græcorum Imperatorum elogiis conjunguntur haud raro ; σεβαστὸς Αὐγαστος. Servius ad Virgilium passim augusta interpretatur augurio consecrata ; & abusive, augustum, nobile, quasi majestatis plenum. Nam quod sequioris ævi scriptores, quasi ab au- ad 4. Georg. gendo imperio deducunt Augusti appellationem, allusionis potius licentia, quam originis veritate æstimari debet. Adhibetur quidem apud Suetonium quoque augendi vox, sed Aug. 7. significatu ad sacra pertinente. Captat ejusmodi figuras lib. 7. c. 11. etiam Historia miscella, in explicatione hujus nominis. Hoc die, inquit, primum AUGUSTUS, quod Remp. auxerit consalutatus est, quod nomen cunctis antea inviolatum, & usque ad nunc ceteris inausum, dominis tantum orbis licite usurpatum, apicem declarat imperii. Ceterum Imperatoribus Romanis deinceps Augusta nuncupatio tam amabilis fuit & optata, ut inter Marcell. 23. 16. vocabula Principatus (quæ vocat Tacitus) nullum illustrius, aut 1. H. 80. 2. in acclamationibus ac honoribus Principi deferendis solennius haberetur. Duratque in hunc diem, nominis tam sancti veneratio : quo Imperii Romani majestas non parum semper visa est eminere. Vocarunt interdum Imperatores Augustissimos ; itemque semper Augustos, quæ adjectio Ampr. ep. 28. pr. apud Symmachum frequentissima est ; Græci αὐτοσεβαστος, σεβαστὸς αἰώνιος perpetuos Augustos reddidere. Mihi supra Augustissimum, Augustus, citra comparisonem positus, videtur sonare : quod Augustus cognomenti gravitatem, implet ; 6. Jus Græcor. Rom. Tom. 1. p. 374. & 521. Augustissimus, epitheti locum quodammodo vindicat. Id Tom. 2. p. 135. quod de adjectionibus aliis etiam, studio obsequii & inventi aulici, ut opinor, primum usurpatis, forte queat obtinere : possisque arbitrari, non parum detractum esse de incomparabili elogii majestate, cum, quod ab initio, excogitatissimo sane consilio soli Principum fastigio destinatum erat, sub Alexio Comneno cum pluribus communica-

Zonar. an-  
nal. Tom. 3.  
p. 234. C  
seq.

ri cœpit : ut infra Imperatorem, alius *σεβαστεγέτωρ* Augustus-imperator, alius *πρωτοσεβαστής*, Primaugustus ; alius *Augustus*, *σεβαστής* ; alius *πανυπερσεβαστος*, quasi omnium Augustissimus, itidem nova & tum primum reperta dignitate, appellaretur. Quod dum moneo, procul esse jubeo malignos interpretes. Non enim sum ex iis, qui titulos Principum, ingenia summorum aulicorum ac inventa vellicare student : sed *Auspicii regij symbola, præsertim propria & interiora*, judico sanctiora esse, quam *que in communionem ire aut crebra mutatione defleſſi debeant*. Et valde ignarum se tum historiæ tum Prudentiæ prodat necesse est, qui Græcæ aulae studia, consilia, pompas, delicias sæpiusculum modum excessisse negaverit.

Sid. annot.  
ad Tacit. 1.  
A. 9.

Non defuerunt recentioribus sæculis, qui existimarent, Imperatores Romanos non satis intellexisse majestatem Regij nominis, quod *Imperatores* potius & *Cæsares* & *Augusti*, mallent appellari, quam Reges. In quorum ego sententia nihil solidi invenio. Equidem qua arte, quove consilio primi Imperatores Romani, *Regis* nomen subterfugerint ; nemini potest ignotum esse, qui vel trivialem Romanarum rerum notitiam adeptus est. Interim *Cæsaris* & *Augusti* nomina ipsa fortunæ & fati sui magnitudine, supra omnes Regum titulos ascenderant, neque tam otiose præteriri debet divinæ destinatio Prudentiæ, quin animadvertamus cum illa ipsa imperii majestate, qualem nemini Regum Principumque unquam Deus indulsit, aut indulturus est, ut existimo, etiam vocabuli honorem adolevisse : ut *Cæsaribus* & *Augustis* cum excellenti incremento accrevisse divinitus videatur, quidquid in Regio fastigio sublimis, sanctum, illustre erat. Sicut enim imperium Cæsarium multa regna complexum erat : ita nomen quoque *Cæsaris* multorum Regum Regem dominumque notabat. Imperatoris vocabulo & prænomine (*αυτοκράτορα* Græci appellant) *ἡγεμονίαν αὐτοτελήν*, plenam absolutamque potestatem, ipsumque regium jus notari diserte Dio tradit. Hoc voluit etiam Aurelius Victor, cum de Octavio scribit : eum pro rege Imperatorem, vel sanctiori nomine Augustum vocatum. Ac licet hæc vocabu-

L. 9. p. 382.  
confer. lib. 43.  
p. 266.

vocabula ex origine prima & vi simpliciter sua, non idem *Epir. I.*

quod Rex notent; usus tamen, certissimus vocabulorum

interpretes, monstravit, τὸν βασιλιά, itemque τὸν Καίσαρα, &

\*Αυγεσὸν plane idem exprimere: nisi quod *Casari* & *Augusti*,

& *Imperatoris* nomina Regem per excellentiam; & signan-

ter eum qui Romano orbi præsens, indicant. Apud Jo-

hannem Evangelistam Judæi Cæsarem, suum Regem vocant.

quem locum inter alia, illustrandæ huic synonymiæ ad-

ducit *Seldenus*. Græcos imperatores palam titulum τῷ βα-

σιλέως, non ut novum, sed ut eundem cum eorum elogiis,

quibus successerunt, usurpasse, omnibus constat. Ut nul-

la suspicio superesse possit, quasi aliquid altius in nomine

Regis, quam Cæsaris, Augustive, contineretur. quinimo,

hæc ipsa Principibus Romanis propria nomina, ex inven-

ti destinatione, & feliciore auspicii celebritate, ac incom-

parabilis imperii memoria insignius aliquid & illustrius

sonare, ex iis, quæ prædiximus, animadverti potest: nec

de nihilo est illa Prudentum in aula Romana ratio, quam

Caligulæ, diadema & insignia regia affectanti suggerunt,

apud *Suetonium*: cum & Principum & regum excessisse fastigium. in *Calig. 22.*

Sed hæc per occasionem, & in transitu.

Ceterum auspicio regio declarando insigniendoque ser-

uire videntur etiam reliqua varie reperta cumulataque e-

logia Principum: quibus vel sanctitas muneris, vel for-

tuna operis actusque, vel vigor administrationis, vel ex-

cellentia virtutis imperatoris indicatur. Hinc est, quod

Imperatorum nomina tales comitantur tituli: εὐτυχὴς, ὡ-

δέξῃ, νικητὴς, τροπαιῶχος, γοῦδικός, ἀφρικανός *Felix, Inclytus,*

*Gloriosissimus, Triumphator, Victor;* & à rebus Imperatorio au-

spicio gestis *Gothicus, Africanus,* cum similibus gentium de-

victarum vocabulis. Etiam θεῖοτατοι, ἁγιοί, μέγιστοι, θαυρο-

τατοι, *Divinissimi, Sancti, Sacratissimi, Maximi, Serenissimi* pas-

sim appellantur. Itemque: εὐσεβεῖς, πῶς ἐν χριστῷ, ἡμερο-

τατοι, ἐπιεικεῖς, ἐνεργῆται μέγιστοι, σοφώτατοι, *Pij, Fideles in Chri-*

*sto, Clementissimi, Pacifici, Munificentissimi, Sapientissimi.* Val-

de selectum est elogium τῷ κοσμοποδίτῃ, quasi *Mundo Cu-*

*rum,* vel *delicias generis humani dicas.* *Ambrosius Gratianum*

A a

Beatif-

*De jur. nat. & gent. l. 6. cap. 17. pag. 734.*

*Iur. Græco-Rom. l. 1. p. 77.*

*rom. 2. p. 265.*

*I. G. R. l. 1. p. 176.*

Epist. 26.

lib. 4. c. 2.

Beatissimi & Christianissimi encomio compellat. Qualia pauca in exemplum posui, ut observetur, in his titulis semper aliquid aulica artis, aut recondita prudentia versari, qua significandi majestatem & excellentiam intimaeque fastigii auspiciiue Principalis sacramenta aut ornamenta spectat. Apud Theophylactum Simocattam ambitiosius se splendore regiarum laudū venditat Chosroës: cujus inscriptionis particulam jam supra attigimus. Fuerit autē forte non abs re, hic totam exhibere. Ita ergo scribit ad Varamum : Χοσρόης βασιλεὺς βασιλέων, δυναστεύοντων διαπότης, κύριος ἰθῶν εἰρηνάρχης. τοῖς ἀνθρώποις σωτήριος. ἐν θεοῖς μὲν ἀνθρώπων ἀγαθὸς καὶ αἰώνιος, ἐν δὲ τοῖς ἀνθρώποις θεὸς ἐπιφανέστατος, ὑπερένδοξος νικητὴς. ἡλίου συνανατίλλων, καὶ τῇ νυκτὶ χαρίζομαι ὄμματα. ἐκ προγόνων ἐπίσημος. βασιλεὺς μετοπόλεμος, χαριστικός. ὁ τὸς ἄσοντας μισθόμενος, καὶ τῶν βασιλείων πέρτατος διαφυλάκτων, βαρὺν στρατηγὸν πειρώων, ἡμετέρῳ δὲ φίλος. « Chosroës rex regum, dominus dominantium. Gentium dominus. Princeps pacis. Hominum salus. Inter Deos quidem homo bonus & aternus. Inter homines autem Deus illustrissimus. Victor longe glorioussimus. Cum sole exoricens : Nocti oculos largiens. A maioribus nobilis. Rex belli osor. Bene merens de omnibus. Asonas mercede conducens. Et regnum Persis custodiens. Varamo Persarum duci, Amico nostro. Varamus ipse, ad quem Chosroës scribit, in litteris ad Chosfroën vocat se Deorum amicum, vi-

Simocatt. l. 4. cap. 7.

florem insignem, tyrannorum inimicum, Principem sapientem, religiosum, inculpabilem, nobilem, beatum, voti compotem, venerandum, æconomicum, providum, mitem, humanum. In qualibus elogiis nemo est, quin factum & affectionem quandam agnoscat : de cetero tamen testari possunt de studio ostendandi auspicii imperatorii & regii per subtilia inventa & splendores titulorum. simul obiter licuerit observare, magnificum illud & prætumidum ; Rex Regum, Dominus dominantium ( interdum Magros Reges Parthi eodem instituto & significato se vocabant ) non altius ascendere, quam Cæsaris vel Augusti vocabula, de quibus prædiximus. Plus volunt dicere, quam Regem : idem Cæsar, idem Augustus dicit. hoc tantum interesse videtur, quod ibi affectatio splendori obstat ; hic suoapte valida auspicio eventu-

que

que denominatio supra omnis inventi curas eminet. Quæ de titularum excogitatione, & emphasi, quatenus ad auspiciū pertingit, dicenda restant, in aliam occasionem servata volumus.

Accedemus nunc ad *insignium* quorundam, quibus majestas auspicii non parum declaratur, considerationem. Præcellunt in hoc genere CORONA & SCEPTRUM. De corona lubet statim adhibere Clementis Alexandrini interpretationem, qui Regum Judaicorum coronam magnifice extollit in hanc sententiam: βασιλεῖς δὲ οἱ ἰουδαίων, χρυσῷ καὶ λίθοις τιμίαις συνδέται καὶ ποικίλῳ χρώματι σεφάνῳ, οἱ χριστοὶ, τὸν χριστὸν ἐπὶ τῆς κεφαλῆς συμβολικῶς ἐπιφέροντες, λαλῶντας κεφαλῇ κοσμήμενοι κυρίου. λίθος γάρ ἐστι τίμιος, ἡ μαργαρίτης, ἡ σμαράγδος αὐτὸν αἰνέπεται τὸν λόγον. Χρυσὸς δὲ αὐτὸς πάλιν ὁ ἀδιάφθορος λόγος, ὁ τὸν ἰὸν τῆς φθεγῆς ἐκ ἐπιδοχόμενος. Χρυσὸν γὰρ αὐτῷ γυναικί βασιλείας σύμβολον, προσκομίσαν οἱ μάγοι. μὲν δὲ ἀθάνατος ἐσέφαντο ἐπὶ κατ' εἰκόνα τοῦ κυρίου. ὁ γὰρ μαρτυρεῖται ὡς ἀθάνατος. Reges autem Judaorum, cum corona utantur auro & pretiosis lapidibus composita & variegata, tanquam Christi quidam, Christum symbolice in capite gestantes, ignorabant, se capite Domini ornari. Lapis utique pretiosus aut margarita, aut smaragdus ipsum Verbum significat. Aurum vero, rursus nihil aliud est quam ipse λόγος, sive verbum Christus, corruptionis veneno minime obnoxius. Unde Magi Christo nato aurum obtulere, tanquam regni symbolum. Manetque hac corona immortalis, ad imaginem domini: neque ut flos, marcescit. Persarum Reges ἀφ' ὧν τιθέμεν ῥέσσαν τιάραν gestabant, tam districtæ sanctitatis prærogativa, ut capitale esset aliis, eo capitis ornatu uti, sicut notat Dio Chrysostomus. Sed & passim sacra diademata, sacra corona veluti solenni appellatione dicuntur, quia sunt auspicate sanctitatis illius, quæ in Regibus residet, propria symbola. Quod ut signantius exprimerent orientales, Imperatorum capita orbiculari diademate, divinitatis jam olim signum habente, ornarunt: sicut in Nummis videre est. Apud Athenæum lib. XV. ex Aristot. conviv. τὸ σεφάν πλήρως ἐν τινι σημαίνει, ubi Casaubon, vid,

lib. 2. παδαγ.  
c. 3.

Orat. 14.



3. offic. 141

34. 3. 3.

Orat. de  
regn.

**SCEPTRUM** sive *hasta*, regale plenum potestatis, in-  
*signe imperii* (utor verbis ex *Ambrosii* sententia huc traductis)  
 itidem ab antiquo habebatur; alicubi quidem loco diade-  
 matis; donec utraque conjunxit regiae majestatis venera-  
 tio. Origo sceptrorum divinitatis imitatione & significatu  
 repetita est, si *Iustino* credimus. Unde auspicatissimo epi-  
 theto Poëtis passim *αυπλιζος βασιλεύς* Sceptrigeri reges vocan-  
 tur. Et *Synesius* acute, sceptri ictu impletos virtute milites  
 fingit. Scilicet potestas, fortuna & efficacia auspicii con-  
 siliique regii, à Deo profecta, Sceptri symbolo debuit no-  
 tari. id quod de *Gladio* quoque & *pugione*, notis insignibus  
 Principatus, judicare fas est. Ne per cetera nunc progre-  
 diamur: qualia collectim memorant *Dio* libris XLII. & LI.  
*Themistius* in gratiarum actione; *Diodorus*, *Herodianus*, *Tacitus*,  
 aliique. Sufficit enim nunc indicasse: reconditiores insi-  
 gnum Principalium significatus ad auspiciū pertinere aut inde in-  
 terpretandos esse. Vide si lubet, quæ de Igne notavimus ad  
*Herodianum*. De Annuli Principalis signis & autoritate, alias  
 aucturi sumus.

1. 2. 3.

3. H. 72. 1.

3. 4. 15.

Est in **PIGNORIBUS** quoque imperii, quæ voca-  
 runt, similis existimandi ratio & causa. Talia Romanis erant  
*Ancilia* atque *Palladium*, secreta quadam imperii pignora, inquit  
*Florus*. itemque ignis *Vestalis*, eodem interprete ideo institut-  
 us, ut ad simulacrum caelestium siderum custos imperij flamma vi-  
 gilaret. Phura recenset *Servius* ad VII. *Æneid.* quæ imperium  
 Romanum, ut ipse loquitur, tenerent sive conservarent. Ap-  
 pud *Tacitum*, *Capitolium* quoque auspicato à majoribus pignus  
 imperij conditum memoratur, quod non *Porcena* dedita urbe, ne-  
 que *Galli* capta temerare potuissent. Ejusdem generis sunt fa-  
 ta urbium, quibus proditis exitium urbi imminere crede-  
 bant. Meminit *Iustinus* in historia Palanti: nec desunt  
 in recentioribus historiis exempla. Hæc, inquam, omnia,  
 licet superstitiosa sint, tamen ipsa superstitio talis est, ut  
 debeat convincere homines, de veris auspiciis regnorum.  
 Dum enim credunt, esse quædam fato ac divinitus demis-  
 sa aut concessa, quæ veluti pignora, salutem imperi ac per-  
 petuitatem ruerentur, quorum ob id custodia diligentior  
 & vio-

& violatio aut amissio formidabilior esse debeat, certe contentur, fatalem esse rerump. sortem in utramque partem; divinoque nutu stare, vigere, valere aut cadere imperia ac interire. In eo deerratum est, quod originem hujus fati auctoremque non respexere rectis oculis, & in caerimoniis pignorum ac fabulis potius, quam in dispositionibus Providentiæ divinæ quæsierunt: cui spe & precibus, non figmentis & superstitionibus litandum erat.

Inter *Figuras & Typos*, quæ auspiciū indicant continguntque, etiam illud poni potest, quod Deus apud Prophetam, cui majestatis suæ spectaculum repræsentat, in *solio Regio*, adeoque *Regis forma* se conspiciendum præbet. Nam quodammodo in Regibus se monstrat, cum se Regem monstrat: & majestatis regiae sanctitatem indicat, cum suæ Sanctitatis venerationem, imagine regia promulgar. Neque sane ex humanis aliquid altius peti potest, quod abumbrandæ divinæ majestati adhibeatur. quod nec Ethnicos latuit, qui propterea Jovem suum, regis vocabulo & simulacro extollere sategerunt.

— *Jovis est regalis imago,*

ait Ovidius *sexto Transformationum*. In ipsis sacris litteris valida est ad hujus loci philosophiam illustrandam, imago *ARPORIS* illius, quam Nebucadnezar vidit: cujus celsitudo, & vigor & fructus, & præsidium, auspicii regii in omnia diffusam vim luculente signat. *Inaugurationum* quoque *Regiarum caerimonia*, ab Hebræis ad alias gentes derivatæ, & ibi varie auctæ aut mutatæ, multa huc pertinentia habent. Quare hæc plerumque materia orationum Pannegyricarum iis fuit, quos tali tempore in publico loqui vel officium vel affectus jussit.

Non omitti hic debet *Insigne Regni*, SATURNO à Deo Taauto excogitatura, sicut ex *Sanchuniatone* refert Eusebius: Erant autem bini in fronte, bini in occipitio oculi, & quibus alterum par placide connivebat: ala item in utroque humero gemina, & quibus bina se explicabant, bina se demittebant. Significatio

ficatio hæc fuit : Saturnum & dormientem cernere , & vigilan-  
tem dormire. sicut & per alas , eum quiescendo volare & volando  
quiescere indicabatur. Rursum vero , dua capiri apposite ala erant :  
ἐν πτερῶν ἐπὶ τῇ ὑπεροπικατάτῃ ὡς ἔστι ἐπὶ αἰθέρας. una animi ,  
qui dux & imperator vita est , Principatum : altera vim sentien-  
di designabat. Quæ ut latius ad institutum accommodemus ,  
non desiderabunt , qui prædicta meminerunt.

## C A P. IV.

*De vario usu hujus argumenti in  
vita civili.*

**O**Peræ pretium est ea quæ hætenus dicta sunt , in rem  
& usum præsentem deducere , & quæ in actû civili  
consilia , inventa , monita , formulæ hinc emergant , pau-  
cis exemplis ostendere. Ac primum quidem , consecratio-  
nis & ἀποθνήσκουσας solum , sive in viventibus sive in defunctis  
Principibus quomodocunque affectatum aut usurpatum , exesse jube-  
mus & inter abusus referimus ; sicut è superioribus constare  
potuit. Nec est , quod quis Constantini Magni i. e. Chri-  
stiani Imperatoris Consecrationem numismati inscriptam ve-  
lit objectare : quæ scilicet Christiano sensu , non de immortali-  
tate in terris à mortalibus collata ; sed de calorū gloria donata  
divinitus , interpretanda est ; monente G.<sup>o</sup> I. Vossio. Qualia  
deinceps etiam Christianis Poëtis & Panegyristis in occa-  
sionem figurarum placuere. nec obscurum esse potest , quo-  
usque universim divinitatis elegia & formulæ admitti de-  
beant.

*Theolog. gen-  
til. 1. 12.*

De cetero , Principi ipsi consideratio auspicii sui modestiam  
in secundis , fiduciam in adversis , rationem in impediens facile sup-  
peditabit : & præsertim consilij actusque normam præbebit. Co-  
giter secum & ratiocinetur Princeps ad formam illam , Ne-  
roni à Seneca præscriptam : Ego ex tot mortalibus placui , qui  
Dei vice in terris fungerer , qui illustre majestatis divina insula , tan-  
quam salutare populis sidus circumferrem : mihi summe rei ordinan-  
da con-

*Libert. de  
utem. c. 4.*

da consilioque & ope moderanda facultas commissa est ; meum munus calum amat ornatque , angeli tuentur , homines venerantur. providendum est ergo , ne quid virtute & fastigio Principali indignum in moribus . in propositis mei conspiciatur , ne fortunam auspicio meo destinatam vel male consulendo fatigem , vel ignave cessando destituam , quæque plurima ejus generis , pia & intenta regis curis meditatio ultra subjicitur. Exemplo Davidis ; cujus carmina Regiam de auspicio disciplinam , incomparabiliter repræsentant.

Interrogabimus hic in transitu , an Princeps sui auspicii conscius , omnia procul per ministros acta , in sermone & scriptura sibi vendicare ? Ridet & increpat eo nomine Constantium Ammianus Marcellinus sine decimisexti , quod de prælio Juliani apud Argentoratum commisso edixerit : se aciem ordinasse inter signiferos , & barbaros fugasse precipites , sibi oblatum Chonodomarium : cum tamen tanto abfuerit intervallo. Vide plura ejus notæ in antecedentibus. Quæ referens Gruterus , Philosophum potius quam historicum agere Marcellinum : *disc. 1. in Tac.* ait : neminem enim regum unquam aliter scripsisse , imo aliter scribere debuisse ad homines aulicarum rerum peritos. Sed Historici censuram , ni fallor , tueretur facile , tum propositum arrogantia in Constantio , satis manifestum , quod à majestate auspicii & magnificentia longissime abest : tum stili & scripturae *insolentia* , quæ Principis orationem semper , nunquam autem magis dedecet , quam ubi de mysteriis aut elogiis majestatis agitur. Nemo autem reprehendet , si Princeps , oratione à civili communique sensu non abhorrente præsentiam auspicii sui in vincendo longinquo hoste , gerendisque in remoto orbe negotiis , modesta grandiloquentia promulgaverit ; suis temporibus , suis armis , suis ducibus hanc victoriam fortunamque contigisse ; sibi concessum , ut reipub. maximi boni auctor fieret. quæque alia elegantius formari possunt , ubi locus & usus postulat. Temperant enim Principes auspicii sui predicationem , expresso divino favore & gratia , cujus peculiare munus vocant , quæ prospere gesta sunt : itemque commendata ministrorum opera & fide. Quæ civilitas , sicut à superioribus aulicis pro necessaria interdum non habetur , ita

ita præter exemplum præmii & instigationem virtutis apud cives, etiam in partem magnificentiæ venit, ut publice ostententur, quales divina bonitas auspicio Regio ministros præstiterit. Neque satis intelligunt magnitudinis Principalis mysteria, qui non animadvertunt, illas ministrorum laudes à Principe profectas ad Principem redire. Multum itaque Princeps ipse absit ab invidia illa & æmulationis studio, quod in *Philippo* traducit *Demosthenes*, in *Alexandro* *Curtius*, in *Tiberio* & *Domitiano* *Tacitus*; cum ut suæ demtum gloriæ, quidquid alienæ cecidisset, autumarent. Qui affectus, si ei indulgeas, in tyrannidis probra proficit, veræ magnitudinis generositatem violat, quæ illustrare potius quam obscurare suos, id est, non per se modo sed in aliis etiam & per alios lucere debet.

At ministrorum propria hic virtus & prudentia est, non Principis sed suæ fortuna se metiri, neque sibi gloriam rerum gestarum, sed domino, à quo factum acceperunt, cujusque auspicio auspicatum habuere successum, tribuere. Estque hoc inter artes obsequii aulici præcipuum, quod requiritur, consilium: *Lips. 3. pol. 11.* cujus vim non satis explicant, qui tantum de ingenio regio monent; cum potior sit ratio in auspicii regii sanctitate; quæ & alias obsequia aulæ moderari debet. Ministri nimirum est, non affectui modo Principis se hac in parte attemperare, sed omnino credere ac intelligere, *Dominorum esse fortunam & gloriam gestorum*, neque rem divinitus fastigio Principali assignatam privato ausu atrectari aut aspirari debere. Qui hanc sapientiam non capiunt, vix est, ut idonei & fidi magnarum rerum adjutores sperari queant. *2. 79. 1.* Agrippa ille scientissimus parendi, elogio *Velleii*, Augustum in comparando & componendo imperio turbasset potius quam juvisset, si auspicii sanctitatem minus æstimasset. *Tac. 2. H. 77.* Et *Mucianus*, cum *Vespasianum* ad capeßendam remp. hortatur, primam suæ operæ consiliique fidem repræsentat, quod auspicia ipsi, sibi autem intelligentiam auspicii & venerationem, tanquam in antecessum admetitur. Dicam amplius, quod observent, qui imperiorum origines & meta

fata scrutantur : Deum quotiens magnis imperiis vel formandis vel firmandis instrumenta struit, adjutores quosdam Principum ac virtute obsequendi, & auspicia Principalia propitiandi, peculi-  
ter instruere, sive hunc affectum animis ipsorum penitus impri-  
ere, quo ardui regiminis fortuna omnino carere nequit. Exem-  
pla Josephi, Davidis, Danielis huc pertinent; cum aliis, quæ  
supra jam tetigimus. Huc referunt plerique illa modestæ  
udentiæ specimina, cum Joabus, excidium urbis Raba-  
æ, Davidi reservaret; capta urbis titulo, ut par erat, Regi  
lens, sicut in simili obsequio Crateri loquitur Curtius. Et  
notavit complura exempla Gruterus ad illud Taciti: Fron-  
us vir magnus, quantum licebat. Quam factorum modera-  
onem, etiam verborum temperantia conitari debet: cu-  
s characterem alibi commendavimus sub exemplo Ger-  
manici, qui de re Romana magnifice; de se, cum decore &  
modestia loquitur apud Historicum. Graves sunt Regibus,  
ec fortasse immerito, qui nimia jactatione virtutis atque o-  
re apud aures regias utuntur: quod vel Philotas Cur-  
ianus nos docere potest. Rarum enim est in Principe ac pro-  
insolitum, ut se putet obligatum, aut, si putet, amet. Quam  
anegyristæ sententiam notabili dicto exemploque Ludovi-  
sui confirmat Conineus. Semper hic morem ingenii re-  
s, quatenus ex vitio aliquid trahit, sequestramus: sed  
r se non obligatos putent Principes, si ministros suos id  
lle aut postulare, aut exprobrare animadvertant; causæ  
n leves ex auspicii majestate ducuntur. Cujus sensus  
n tener est, ut non patiatursua arcana tentari aut at-  
ctari.

De Muciano, post bellum Vitellianum auspicia im-  
rii & Principis tentare auso, memorabilis est Taciti ex-  
ficio: *Miserat*, inquit, & Mucianus epistolas ad senatum, que  
teriam sermonibus præbuere: si privatus esset, cur publice lo-  
reretur? potuisse eadem paucos post dies, loco sententia dici. Id  
o erga Remp. superbum, erga Principem contumeliosum, quod  
manu sua fuisse imperium, donatumque Vespasiano jactabat.  
i Taciti stilum capiunt, multa in paucis vident, quæ  
n vacat nunc exequi. In summam breviter monemus:

3. Reg. 12.  
Joseph. an.  
119. 7. 7.

6, 6, 33.  
Agr. 17. 16

Tac. 2. A.  
58. 2.

4. Curt. 6.  
3. 3.

Plin. paneg.  
60.  
Lib. 5.

4. H. 4.

- Intolerabile habere Principibus, si quis res vel ad auctoritatem vel ad secreta auspicii pertinentes rimari aut vindicare instituat. Ponam in exemplum quædam, ut memoria suggererit. Considera increpationem illam, qua Tiberius apud Tacitum perstringit Gallionem, qui censuerat, ut prætoriani ætis stipendius jus apiscerentur in quatuordecim ordinibus sedendi. Quid illi cum militibus? inquit, quos neque dicta nisi imperatoris, neque præmia nisi ab imperatore accipere par esset. Animadvertite, quibus verbis Aristandrum suum Alexander Macedo objurget, ob enuntiata Erigyio extorum præsa-*
- Curt. 7.7.24.* *giæ. Non rex, inquit, sed privatus sum. sacrificium ut faceres, mandavi: quid eo portenderetur, cur apud alium quam apud me professus es? Erigyus arcana mea & secreta te prodente cognovit. Vis scire, quam late pateat hæc admonitio? Dicat tibi*
- Tac. 6.4.8, 6.* *Romanus Senator: Abditos Principis sensus, & si quid occultius parat, exquirere illicitum, anceps, nec ideo assequare. Nec figuras tantum captat Panegyrista, cum scribit: Existimare de*
- Naz. ar. pan. Const. cap. 5.* *Principibus nemini fas est, nam & in vestibulo suo inquirentem repellit objecta veneratio; & si qui mentem propius adegerunt (quod oculus in solem se contendentibus evenit) præstricta acie, videndi facultate caruerunt. Addam non increditum schema Barclaj, qui in Icone animorum, ubi de ingenio Regum mentio oblata esset, obsequii aulici arte & prudentia philosophiam suam ita temperat ac restringit: sed hanc mentem Regum, inquit, se ipsam uni Numini debentem explorare fortasse sacrilega sapientia esset; neque fas nobis deprehendere illos motus, quos ad gubernationem Orbis, & mutationem rerum, ac præcipua humani generis fata, illis divina vis ingenerat. Digna sunt inspicere, etiam quæ sequuntur. Nobis enim sufficit talia indicare. Quid Albano Duci acciderit, cum devictis*
- cap. 13.* *hostibus trophæum sibi statuisset, notum est ex Scriptori-*
- Lib. 7. Hist. 1569.* *bus rerum Belgicarum. Nec tacuit ipse Famianus Strada indignationem Hispanorum, in quam insolentia ea incurrit. Nec alia crebrior (ita pergit) sermonis materia in Regis aula; iridente in primis Roderico Gomezio, veteri amulo, fidelissimi appellationem ministri; nempe qui gloriam Principi suo debitam interverteret, ad seque transferret. Nota acumen aulæ. Suspecta-*



estatur fides Albani in eo, quod gloriam rei gestæ Re-  
s auspicio cultuique debitam, trophæo nomini suo ere-  
o, quasi interverteret, & tamen interim *fidelissimum se*  
*nistrum* in illo ipso monumento inscriberet. Repeten-  
a huc sunt, quæ supra monuimus. Domitianus ægre tu-  
s, quod Lucullus Britanniae legatus lanceas novæ formæ <sup>cap. 1. p.</sup>  
cullaas appellari passus esset, referente *Suetonio*. Sed illud <sup>c. 2. 3.</sup>  
rannicum est. <sup>Dom. 10.</sup>

Potest nunc etiam judicari, quantum peccent mini-  
orum & Procerum illi, qui arcanis imperii incubant, ut  
omnia ad se trahentes, Principatus se arbitros constituent,  
incipe variis artibus à curis & negotiis imperii excluso.  
nt quantovis licet ingenio aut industria præditi, *majora,*  
*am capiunt, spirant*; id est, attrectant sacra, privata for-  
sublimiora: & quorum religionem violat, quisquis  
nisterii sequique limites egreditur. Non tolerat hic  
rrus solus, alium aurigam, quam Phœbum: vigilatque  
vina Justitia adversus eos qui auspicia majestatis, id est,  
ei proprium in regno characterem, contra destinationem  
ei in se transmovere student. Hinc illud secretum, quod  
aula facilius & frequentius evenit, quam observatur:  
od interdum Præpotentes viros, qui omnem aulam diu possede-  
nt, inopinus & mirabilis casus sternit, non illæ tantum cause sunt,  
e vulgo feruntur credunturque; sed vel præcipue ista, quod de  
igio fortune atque auspicii Principalis, quod in summo potentie  
lice gradu revereri debebant, aliquid ausi sunt animo delibare,  
profanas tam cœlestibus pignoribus si non manus, certe cogitatio-  
admove. Deus occultorum arbiter ista videt, & ulci-  
tur: & cum ultus est, non vult à nobis præteriri.

Quomodo omnes omnino cives, majores, minoresque, ma-  
ratus item superiores ac inferiores (quis enim respectu Prin-  
is non est privatus?) auspicii regii veneratio ad fidem, obse-  
um, reverentiam, patientiam formare debeat, satis hætenus  
ulcatum est, neque nunc copiosa declaratione indiget.  
os imperatores, toto expetendos, qualescunque tolerandos, non  
te minus quam pie & vere dicitur apud Tacitum. Va- <sup>4. H. 1. 1.</sup>

24. 5. 9.

in diff. Reg.  
ls 1. de vi cr-  
sit in Reg.  
semper in ju-  
84.

leat hic quoque sano sensu illud ex *Justino* : ut *regum nomina*, sicut *numina* habeantur ; id est , ut Deum in Regibus omnes vereantur. Ingens est argumentum , nec immerito ab *Alberico Gentile* urgetur , quod cædes etiam tyrannicorum Principum magnis sunt malis publicis privatisque expiatae : neque frequentior majorque calamitatum acerbissimarum causa res humanas afflixit. Deus est in Majestate, in auspicio, in Regibus : qui, tanquam ignis consumens, impios audacesque perdit. Non mirum est, si gentilium aliqui prædidentius in hoc argumento sunt verlati : nam *Divini juris disciplineque* præcipue est, quod reges inviolabiles reddit. Et tamen quis ferme ex paganis in periculosa ejusmodi decreta progressus est, præter Stoicos, Regum contemptores ; & qui Stoicorum, subtilitatem & gravitatem plus satis asseverantium, disputationibus est seductus ? Adversus quas ceteri merito opposuerunt *sanctissima gentium jura* : quorum placita, cum magnam partem ex diviniore principio proveniant, non debent civitatis unius, haud semper bene consultis, aut certe inferioris auctoritatis rationem sequentibus legibus, vel umbraticis speculationibus convelli. Loquimur de Rege, qui hujus nominis mensuram implet : non de eo, qui nomen sine re, aut partem tantum imperii habet. Quamquam ibi quoque in partem tutiorem & minus audacem flectenda sunt consilia : neque quidquam committendum, quo minuatur *obsequii gloria*, privatarum maxima laudum.

Tom. 6. 2. 3. 5.

De cetero ministrorum magna esse debet circa auspiciis sui domini cura, tum in consulendo, tum in agendo. Cariora sunt Deo consilia, quæ auspiciis mysteriis, quatenus licet & fas est, attendunt : videturque plus in divina ope reponere, qui id suarum cogitationum moderamen constituit. Non bene consulunt rebus publicis, qui omnia suis inventis commentisque metiuntur ; & saltum, ut sic loquar, in sua sapientia committunt, dum illustrem & ad providendum efficacem de auspiciis locum patiuntur vacare : cum Deus maxima regnorum momenta, præter & contra

contra opiniones humanæ sollertiae moderetur, Quæ divina provisiō, quatenus singillatim præcisci non potest, ut inspicere, universim tamen in consilio capiēdo, à nimia sapientiæ fiducia, ad cautas & undiquaque porrectas curas, animum temperabit: Deumque consiliorum auctorem & auspicem advocare docebit. Alias in neutram partem expedita ratio est. Feliciter utitur argumento auspicii Regii Parmenio apud *Curtium*; cum in ancipiti deliberatione, denique *felicitati regis sui confusus*, rem aggreditur & conficit. & aliquoties, ipse Rex, *felicitati suæ ut considerent*, ministros monuit: majoribus scilicet motibus animi herois fati sui sensu imbuentibus. Ex diverso Othoni vani fuerunt augures Titianus & Proculus, cum *numen Othonis adesse consiliis, affore conatibus testarentur*. Quæ exempla ideo produxi, ut quodammodo diversitatis ratio notaretur. Ridiculus fuit *Vitellius*, qui rebus extremis, *Cæsar* nomine assumpto, quod antea distulerat, fortunam instaurare voluit: quasi omen auspici nominis tueri posset, quem sua jam vitia perdididerant. Superstitiosus *Vespasianus*; cum adulantium vocibus induci se passus est, ut *omnia fortuna sua patere, cæcoque visum à se reddi posse existimaret*. Videas tamen talia quædam ferri de Regibus, in quibus, si aliquid gravioris consilii subest, eo spectant inventa aulicorum, ut beneficia per Reges in humanum genus divinitus conferri solita, quodam quasi timore affirmarent. sed plerumque adulatio, & fabulandi libido suas strenue partes interponunt.

Alias non pauca occurrunt in venerando auspicio Regio commenta, quibus non modo veniam largiri, sed sollertique & elegantia ac subtilitatis aulica elogium admetiri s fuerit. En tibi callidum illud & celeriter repertum à *Curt. 5. 2. 15* agno aulico! cum Alexandri pedibus Darii mensam aliquis puerorum subiecisset, & Rex monitus à spadone, recundia mutare factum cuperet, repente Philotas: *mihi vero hac feceris Rex, sed omen quoque accipe; mensam, ex qua tuus hostis epulas, tuis pedibus esse subjectam*. Jam illud L.

- Sueton. Vitell. 2.* Vitellii consilium, quo peritissimus obsequendi artifex, Syriae tum praepositus Artabanum Parthorum Regem summis artibus, non modo ad colloquium suum, sed etiam ad veneranda legionum signa pellexit, quam pulcre auspicii Romani gloriam illustrat? Auctoritatem & gratiam auspicii non inepte in publico ostentavit, qui Domitiano suasor fuit, ut Jovi custodi templum seque in sinu Dei sacraret. vide historiam in Tacito. Nec abludit ab hujus argumenti prudentia, Fraternitas & cognatio illa naturalis Regum Principumque inter se: quae decore repetita est ex illa summæ fortunæ auspiciorumque communione. Fortasse nec inutilis fuit sparsa à Prudentibus in vulgus opinio, de sede imperii non mutanda aut deferenda; eo quod talia consilia inauspicati ominis essent, nec fortuna loci transferri posset, ut loquitur apud Livium Camillus. Unde talis consilii opinio Julio Cæsari exitium maturavit: nec minus Caligulae. Quis non animadvertat sollertiam illius artis, quam Ptolomæo Curtius; Eumeni Diodorus & Nepos tribuunt: cum post mortem Alexandri, sella in principiis cum sceptro & diademate posita specie & nomine Regis, gerendis rebus auspicium quaereretur? Sunt & alia ejusmodi inventa, quæ nemo nisi auspiciorum mysteria edoctus excogitaverit, aut intellexerit.

Magis seriae venerationis est, quod nemini privato insignia imperii usurpare, aut e. g. sellam Regis sive Imperatoris occupare licuit; quod capitale fuisse apud Persas & Romanos, Curtius & Xiphilinus produnt. De tiara, supra dictum est. Præsertim autem mos jurandi per nomen Principis huc pertinet. Cujus moris ratio in militaris jurisjurandi formula apud Vegetium explicatur. Jurant, inquit, per Deum, & per Christum, & per Spiritum Sanctum, & per majestatem Imperatoris, quæ secundum Deum generi humano diligenda est & colenda. Nam Imperatori, cum Augusti nomen accepit, tanquam præsentis & corporali Deo fidelis est præstanda devotio, & impendendus pervigil famularus. Itaque cum Herodianus, sacramentum militare *συνθηκὴν μυστηρίων* gravissimum Principatus Romani mysterium vocat, pars mysterii ejus ex auspicii veneratione,

*lib. 8, 4, 18.  
in Galba,*

*lib. 2, c. 5.  
ubi vide Strabonem.*

*lib. 8.*

ne, quod hic significatur, interpretanda est. Apud *Dionem lib. 57.*  
*per fortunam Caesaris* juratum. Apud Suetonium Clau- *Claud. 11.*  
 dius, iusjurandum neque sanctius sibi neque crebrius insti-  
 unt, quam *per Augustum.* Per salutem *Alexandri* jurari sibi  
 postulat *Philotas* apud *Cartium.* Etiam in sacris occurrunt *6. 11. 18.*  
 exempla jurari *regii solii*, itemque *salutis regiae.* à quo juran-  
 ti genere ne Christianos quidem abhorruisse, *Tertullianus* au-  
 tor est. Qualia congerunt, & censura sua prosequuntur *Sid. H. Gror.*  
 explicantque, qui de iurejurando scripserunt. Nobis ea *de jur. bell.*  
 genus facienda hujus rei mentio fuit, ut intelligeremus, *2. 15. 11.*  
 interpretationem ejus iurisjurandi ex auspicio regio ple-  
 numque partem repeti oportere; quod Deus in terris ita  
 munere voluit, ut salutis Principis populorum salutem in-  
 cederet, sui que numinis munificentiam hoc veluti sym-  
 bolo humano generi promulgaret.

Cum primis autem hujus argumenti magnus est usus,  
*civili stilo, sive publica scriptura.* Hinc enim emergunt  
 gravissimæ sententiæ, quibus majestas regia à Deo dedu-  
 citur, ex Deo illustratur; hinc regia opera, consilia, fata  
 quam æstimationem libenter mutuuntur: hinc mysteria re-  
 norum doctis explicantur, vulgo indicantur. Hinc in omnes,  
 quæ regio nomine suscipiuntur, actiones, aliqua species, &  
 quasi proprius, id est regius color inducitur. Hinc discimus,  
 cum *Corbulone, magnifica de auspiciis imperatoris* sentire, & quo-  
 lens opus est differere. Hinc intelligimus Regios orato- *Tac. 15. 4.*  
 res, quoties regiae majestati dignum os accommodant. *26. 3.*  
 Hinc ipsius Principis edicta, & scripta, suo, id est, Princi-  
 pali charactere metiendo observamus. In quibus omni-  
 bus magnificentiae ita est litandum, ut sanctioris philoso-  
 phiæ decreta, sententias, inventa, figuras semper tempe-  
 rent atque moderentur. Sed & temporum aures, ac sæ-  
 culi genius attendi debent, qua fas & mos est: ne quid  
 arum accurrate hic geratur. Verum hujus sapientiæ &  
 eloquentiæ recondita in alto penetralia, suo tempore, si  
 visum fuerit, opportunius ingrediemur.

## V.

ΙΣΟΨΗΦΙΑ

five

## CALCULUS MINERVÆ.

*Origo nominis & rei, ex historia fabulari repetitur: atque ad veritatem philosophiæ civilis exigitur.*

**M**inervæ calculum seu suffragium, id genus paris numeri in sententiis variantibus vocari, quo reus absolvitur, Græcorum mos tenet. qui hujus vel *Legis* vel *Consuetudinis* (utroque enim nomine apud Scriptores consignatur) Minervam repertricem laudant, in causa parricidii Orestei, tot veterum, præsertim Poëtarum, *μυθιστορίας* celebrata.

Clytæmnestra enim Agamemnonis uxor, maritum è Trojano bello reducem, ope adulteri Ægisthi usa interemit. idemque fatum Orestem puerum manebat. ni Electra soror clam servatum educari curasset. Is ergo adultus, Patris necem occisa Matre ulciscitur. Hujus parricidii nomine, cum certa ipsi apud Argivos damnatio proposita esset, Athenas profugit; Minervæque supplex factus, in Areopago causam dixit: accusantibus (ut nunc ex fabulis ista sumamus) Furiis; judicantibus Areopagitis.

Quamquam de *Judiciis* discrepant. Nam Demosthenes contra Aristocratem, disertis verbis ait: *δικάσαντες Εὐμενίας καὶ Ὀψέην τὸς δώδεκα θεὸς*, Furiis ac Oresti duodecim deos jus dixisse. Hunc secutus Aristides in *Panathenæica*, itidem de *divi* *Judiciis* pronunciat. Libanius etiam in *Florentium* de causa Orestis ait, *ὅτι καὶ θεοὶς εὖ ἔχον ἰδοῦσι δικάσαντες*, quod dii quoque iudices bene eam habere decreverint. ne de junioribus, qui exscripsere, dicam. In *Scholiis* *Græcis* ad Euripid. *Orestem* legas: *Miner-*

tom. 2. orat.  
14.

nam & Martem judicasse, id quod non satis caute pos-  
 est: nisi Minervam præsidem civitatis, cum Marte,  
 huic iudicio auctoritatem commodasse dicas. sicut  
 pollo fecit, qui suo consilio & subinde testimonio ju-  
 singitur apud Æschylum in *Furiis*. Atque hoc est, quo  
 ipse *Διὸς Δίκης ἑταῖρος* Deos moderatores iudicii vocat: *Orest. 6. 1652.*  
 autem jam melius (neque enim unum auctorem ha-  
 ) *τῆς κείτης Διοικίας* eodem sensu interpretantur.

Quod de numero duodecim deorum allatum est, se-  
 ts ex vetustiore iudicio, in controversia Martis & Ne-  
 i, ubi rotidem dii judicarunt, transsumtum videtur.  
 re & Libanius, qui *Apologiam Orestis* conscripsit, iudices *com. 1. dec. 3.*  
 pellat *ἄδρας Δίκας*. & Eumenides apud Æschylum &  
 ve hospites vocant. Quin & Scholiastes Græcus Æschyli,  
 XI. numerat. de quo numero interim videndus *Ment-*  
*or Arcopago.*

Cum autem numerus Iudicium impar, in quo jus  
 ris partis facilius se exeret, *ἡλώζας* etiam hic præfera-  
 hinc est, quod Minerva apud Æschylum, ubi totius ju-  
 forma exhibetur, sibi vindicat ultimi jus calculi, ce-  
 um iudicium calculis æquandis.

*ἰμὲν τὸ δ' ἔργον· λοιδορίαν κείναι Δίκην.  
 ἥρπον δ' Ὀρίην τίνε' ἐγὼ προσθήσομαι.*

si dicat: Ego ultimum calculum apponam, ut, si pares sint,  
 vincat, sicut Scholiastes *Vesius* explicat, ex iplis Minervæ  
 is insequentibus:

*νικᾷ δ' Ὀρίης, καὶ ἰσθμῆος κείνης.*

lo autem Iudices monet, ut calculos rite effundant,  
 e in dinumerandis albis atrisquo errent: defectu enim  
 s calculi ingens infortunium, præsentia vero unius,  
 em toti domui contingere.

Mox dinumeratis calculis, Minerva salutarem sen-  
 am in hunc modum enuntiat:



ἀνὴρ ὃν ἐκπέφηνεν αἵματος δίκην.

ἴσον γὰρ ἐστὶ τὰρίθμημα τῶν πάλων.

*Evafit hic vir ultionem sanguinis,  
nam calculorum numerus æquus exiit,*

Apud Euripidem in *Iphigenia Taurica*, Orestes ipse, Deorum beneficia recensens in hoc iudicio, Apollinis testimonio se sublevatum; Minervam autem paria sibi suffragia numerasse, ait:

¶. 961.

— ἴσας δὲ μοι

Ψήφους δινείμηναι Παλλὰς ὠλέην.

postea Minerva amplius hujus meriti admonens Orestem addit: *Legem in posterum hanc futuram, ut vincat, qui pares calculos habuerit.*

¶. 1471.

— νόμισμ' εἰς ταυλόγῃ

Νικᾶν, ἰσήμεν ὅτις ἂν Ψήφους λάβῃ.

Quæ omnia ita prædicunt Oresti anxio, Gemini, in *Electra* Euripidis:

¶. 1265.

ἴσαι δὲ σ' ἐκώσους μὴ θανῶν δίκην

Ψῆφοι τιθήσας.

*Servaberis, ne judicatus occidas,  
per calculos pares.*

¶. 1268.

καὶ τοῖσι λοιποῖς ὅδε νόμος τιθήσεται,

Νικᾶν ἴσαις Ψήφοισι τὸν φάγοντ' αἰή.

*Et ceteris lex ista promulgabitur,  
Ut semper paribus calculis vincat reus.*

Hæc, sicut clarissima sunt, ita paulo uberius adferenda videbantur, quia ab aliis *calculus Minervæ*, aliter vel explicatur, vel explicari videtur: quasi non de *Lege parium tabularum* accipi debeat; sed de illo casu paritatis, cum in alteram partem, absolventem scilicet, aliquis calculus adjicitur: ut reus jam non vincat paribus tabulis, sed majoris partis suffragio, si pars damnans uno tantum calculo su-

superetur. sicut ex diverso apud Demosthenem in Midiana E-væon una tantum sententia condemnatus memoratur.

Aristides enim, encomio Minervæ, refert : Minervam tum *tom. 1.*  
*demum*, cum calculi exissent pares, suum adjecisse absolventibus,  
 atque ita reum liberasse; idque eam deinceps etiam facere, quo-  
 tiens pares sint sententia. Ita etiam Julianus, Athenis, ait, cum  
 varia exissent suffragia, Minervæ calculum adjectum reo esse. Ex  
 quibus locis Menrsius ita describit Calculum Minervæ: *in Areop.*  
 Absolutus autem in hoc judicio Orestes, cum, equalibus utrinque *cap. 10.*  
 suffragiis, suum ipsi calculum Minervæ adjecisset: unde postea u-  
 surpatum in sententiis ferendis, cum suffragia essent paria, ut ab-  
 solveretur reus, adjecto calculo, qui Minervæ, in memoriam hujus  
 rei, dicebatur.

Si opponi debeant inter se auctoritates, dubitari ne-  
 quit, quin potius audiendi sint, qui, describendo negotio  
 vacarunt, quam qui inciderunt. Ego tamen malim cre-  
 dere hoc eos sensisse, qui de adjecto paribus, calculo vin-  
 cente loquuntur: Minervam æquum censuisse, ut in casu pa-  
 rium tabularum, & nunc, & deinceps, potior ratio haberetur par-  
 tis absolventis, atque hanc ab ipsa æquitate profectam sententiam  
 fuisse Orestis, & alius reo loco calculi vincentis; ut hætenus fi-  
 gurate potius quam proprie dictum videatur. Si cui hoc  
 non arrideat, non obscurum est, sicut dixi, quæ explica-  
 tio præferri debeat: cum Lex de paribus tabulis, citra no-  
 vam adjecionem calculi vincentis passim memorata Histo-  
 riis, tractata Controversiis reperiatur.

Consentit in eo ceteris Aristides, ut ante cœpimus di-  
 cere, quod ex hoc tempore, sive, inde à judicio Orestis,

invaluerit Calculus Minervæ, seu mos absolvendi paribus tabulis

*Encom. Mi-  
nervæ.*

reus. Sed quantum differt narratio, quam ex Errone

Augustinus adfert: Maris quum homicidii crimine reus fieret, judi- *de eis. Dis*  
 cibus duodecim diis in Areopago, sex sententiis absolutus est: *12, 10.*

quia ubi paris numeri sententia fuissent, præponi absolutio damna-  
 rioni solebat. Si hæc sibi constare debent, origo iro-  
 ne qua loquimur, antiquior est: cum judicium cædis,

quo Mars causam dixit, omnium in Areopago primum ponatur. Sed has ipsas historias fabulares sæpe confundi, jam vidimus.

lib. 2. c. 4. Supervacuum est monere, arbitror: alias esse sententias pares, quæ apud Apulejum Milesiarum decima, iudicium omnium consensum notant; quales etiam Polluci memorantur. Nobis enim incumbit, ut ad rem ipsam evolvendam propius accedamus. Ceterum, antequam involucra fabulis demantur, in nostro argumento: non abs re videtur, mentionem facere similis instituti, quod Philippus Melanchthon in consideranda & explicanda Martis fabula, quam paulo ante tetigimus, tenuit.

Ita autem ille. *Epitoma philosophiæ moralis*: Græci fingunt, in Areopago Deos exercuisse duo judicia capitalia. in altero ajunt Martem accusatum esse à Neptuno. Mars enim interfecerat Halirrhothium Neptuni filium, propter stuprum oblatum filia Alcippæ. Est autem Mars absolutus Deorum iudicio. — Hic queritur de stupri pœna; an Mars potuerit stuprum filia punire cade. Secundo, si supplicium fuit atrocius iusto, an habeat excusationem, quod paterno dolore injuria filia vehementer commotus sit. — In prior loco de pœna stupri, ratio naturalis iudicat, supra severe puniendæ esse. id ut significarent Græci, finxerunt hanc pœnam stupratoris, & quidem Deum authorem supplicii fecerunt, ut monerent, Deum offendi, si huiusmodi flagitia non puniantur. itaque in civitatibus jure constitutis semper fuerunt leges de stupro.

Distinguitur posthæc, stuprum vi factum, à stupro sine violentia facto. Et quanquam apud Libanum, Mars prioris generis faciat crimen Halirrhothii, quod scilicet non magnam habet quæstionem; tamen Philippus putat, casum Alcippæ confictum esse, de posteriori genere, ut in controversia dubia exemplo esset videlicet de stupro sine vi facto, an id quoque atrociter puniendum sit; an pater iusto dolore vehementius commotus habeat excusationem. Licet igitur dicatur, Marti non licuisse interficere Halirrhothium, tamen quia hac cades multa habet dissimilia homicidium, quæ lege puniuntur, ideo fingitur hæc fabula, ut moneat, etiam in iudicando adhibendam esse, si rationes probabiles propter dissimilitudinem circumstantiarum suade-

ant.

ant, remitti aut mitigari pœnam. Halirrhothius prior intulit injuriam. & in ea re, quæ justum & ingentem dolorem adfert patri. Quia igitur pater, non sua cupiditate, sed atrociter irritatus, ultus est contumeliam, judex non pronuntiat secundum illam legem, quæ punit homicidas sevientis propria cupiditate sine probabili causa, & propter hanc dissimilitudinem remittit aut mitigat pœnam, præsertim cum in vicinis casibus aperte concedatur iracundia patris aut mariti, videlicet in pœna adulterii. præterea docet deos, id est, Reges, exemplo suo declarare, se non leviter irasci stupris & libidinibus. Ideo severius punienti facilius ignoscunt. propter has causas Mars juste absolutus est.

Qui de meliore disciplina aliquid capiunt, fatis intelligent, quo pertineat exemplum tanti viri, in tractanda sine furore, quamquam nescio an ex voto τῶν θεῶν, hujus generis philosophia: quod propterea ut paulo fusius adduceretur, operæ pretium debui credere. Sed ad rem nostram revertendum est. Videntur ergo hoc voluisse, qui Minervæ calculum commenti sunt: Incidere interdum ejusmodi controversias, in causis præsertim capitalibus, quæ judicum animos possint diverse trahere: sitne potius magnitudo criminis, an causa criminis respicienda: sitne plus odii in hac, quam in illa parte: sitne vel absolutio vel damnatio Rei, plus boni sive ad emendandos singulos, sive in publicum allatura: an prævalere debeant minuendæ tollendæve pœnæ invitamenta, exere de legis hortamentis? cum præsertim nulla, sine prudenti æquitatis temperamento, judicia suum decus laudemque tueantur; omnisque non temeritas modo, sed rigor quoque flecti nescius, à summis præsertim tribunalibus abesse debeat, sicut ejus rei Areopagi, tanquam perfectissimi judicii, instituta, luculentum perhibent testimonium. Quod si ergo contingat, ut judicum sententiæ, rationibus utrinque suis sussultæ, usque ad æquilibrium dissideant, nihil æquius videri, quam ut pars humanior vincat, sive, ut potior absolutionis quam damnationis ratio habeatur. Atque hoc temperamentum justitiæ, dignum scilicet crediderunt, quod in perpetuam legem, ubivis gentium iret.

lib. 7.

Quæ ipsa fuerit *Lex absolutio* dans paribus tabulis, de qua agimus; νόμος ἰσοφύκτας Dionysio Halicarnassico; sive, ut retineamus nostræ dissertationis titulum, *Calculus Minervæ*.

A *Minerva* enim repetitur *Legis origo*, non tantum eo sensu, quo tanquam divinum inventum *Leges* celebrari solent, sed præsertim etiam *Sapientiæ & Summæ potestatis* respectu: cujus utriusque specimen subest: Nam & singularis *Sapientiæ* est, juris scribendi reddendique æquitati viam & rationem & modum dare: & *Minerva* huic iudicio præfuisse fingitur, sicut *Principes* solent & summi rerum arbitri; quos vel maxime decet, suæ auctoritatis momento rigorem juris in mitiorem partem inclinare, legum moderandarum occasiones prudenter occupare, benignitate denique & clementia imperii potestatem temperare. qua virtute divinitatem *Principes* imitantur.

ὑπὸ. ἑμ.  
Λισχύλῳ

ad lib. 1.

Atque, ne quid offensa plane *Justitia* geri videretur, post absolutum *Orestem*, *Minerva Eumenidas*, pœnarum & ultionis ob malefacta exactioni præpositas, adeoque accusandi officio functas, longa oratione placat apud *Æschylum*: neque contumeliæ ipsarum, absolutionem *Rei* datam, ostendit; magnamque in posterum honoris ipsarum rationem habendam, pollicetur. Quinimo *Eumenidum* nomen, quod benevolentiam & placabilem animum notat, ex hac ipsa causa & fabula ortum traditur, cum antea *Erinnyes* dicerentur. qui scilicet, severitatem & justitiæ rigorem ita amarent, ut tamen prudentis clementiæ & æquitatis rationibus non in infinitum repugnarent. eleganti commento; & quod longe concinnius refert antiquorum doctrinam, quam illa ἀντίθεσις, quæ *Scholiste Thucydides* placuit.

Est & in loco momentum ad hanc rem, non spernendum. Athenæ enim, non modo legum inventionem, & iudiciorum præstantia, sed æquitatem insuper ac humanitate præ ceteris gloriantur. Unde & celebris *Ara Misericordiæ*. de qua *Pansanius*: ἀθηναίοις δὲ ἐν τῇ ἀγορᾷ καὶ ἄλλῃ ἐστὶν ἐκ τῆς ἀπαντίας ἐπίσημη, καὶ ἐλεῖν βασιλεὺς, ἢ μάλιστα θεῶν ἐς ἀνθρώπων βίον καὶ μεταβολὰς περιγμάτων ἀγάπημος, μόνος τιμὰς ἑλλήνων νόμος.

*παιδίον ἀγνωστόν.* Sunt apud Athenienses in foro tum alia visu digna  
tum *Ara Misericordiæ* : cui *Deæ* , quod præcipuam in vita humana  
& rerum vicissitudinibus utilitatem adferat , soli Græcorum Atheni-  
enses , honorem tribuunt.

Cum primis autem *Statius Papinius Thebaide* ultima non  
facunde modo describit , sed erudite interpretatur myste-  
ria hujus religionis.

*Urbe fuit media nulli concessa potentum  
Ara Deum , mitis posuit Clementia sedem,  
Et miseri fecere sacram. sine supplice nunquam  
Illa novo. nulla damnavit vota repulsa.*

Quæ cum polita *ἱερατρία* ornasset , *Heraclidas* auctores A-  
ræ nominat ; sed mox decora figura corrigit , & Deorum  
id munus agnoscit ; qui , cum sint ipsi clementissimi,  
mortalibus exemplum suum tali symbolo commendave-  
runt.

*Fama minor factis. ipsos nam credere dignum  
Calicolas , tellus quibus hospita semper Arbene,  
Ceu leges , hominemque novum , ritusque sacrorum ,  
Seminæque in vacuas hinc descendunt terras ,  
Sic sacrasse loco commune animantibus agris  
Confugium , unde procul starent iraque , minæque  
Regnæque , & à justis Fortuna recederet aris.*

Sequitur , quod primum errore nocentes ; infortunio miseri  
non proposito fontes , illic asylum reppererint : inde aucta  
loco cærimonia , etiam majorum scelerum rei pacem & ve-  
niam ibi acceperint ; & in iis *Orestes*.

— mox hospita sedes  
Vicit & *Oedipoda* furias , & *Fœnus Olynthi*  
Ixit , & à misero matrem summovit *Oreste*.

Quæ amplius hic dici poterant , sequenti annotatione com-  
prehenduntur forte commodius. Antequam enim *Legis*  
*ipsius de paribus tabulis examen* suscipiamus , non abs re fue-  
rit,

rit, ad controversiam Orestis quædam animadvertendi causa huc apponere.

*Ad ea, quæ pro Oreste & contra Orestem dicta sunt dici ve potuerunt, annotatio sive ἐπίκρισις φιλοσοφική.*

Collegit non indiligenter utriusque partis argumenta in hac controversia Petrus Ærodius Decretorum libro V. tit. 9. ad legem Pompejam de parricidio. Contra Orestem facile fuit dicere; neque arcessitis coloribus, aut artificio res indigebat, in crimine manifesto, & communibus hominum sententiis damnato, quod nec reus ἀπολογητικῶ αὐτοπροσάπτω auderet purgare. Nam & ante facinus, cunctatio ei, & conscientia lucta, decore apud Euripidem tribuitur: & post flagitium, Furia non exprobrant modo, sed confessionem Oresti extorquent. Huc enim spectat, tota Furiarum scena, ut ipsum prius Orestem sibi antequam iudicibus nocentem sistant.

*in Elect. 9.  
961.*

*Æschyl. Chœ.  
phœr.*

*in Orest. 9.  
500.*

*rem. 1.*

*Euripides  
Oreste.*

Speciose & valide exauditur in accusatione, Locus de iudiciorum auctoritate, vindicta privata opposita; quo Orestes, si voluisset necem patris in matre vindicare, debebat αἷματος δίκην ὅτιαν ἐπιδείνας ut est apud Euripidem. Sed hoc etiam in homicidio valet, sicut vel Libanii locus communis contra homicidam in Progymnasmati, ostendit. Parricidium autem proprie exaggerant, quæ de naturali reverentia cognati sanguinis, de pietate in parentes, & mutua σεφῆ, divini humanique juris philosophia sancit. Hic ergo figuris evidentiæ & representationis locus fuit, ut matris parricide filio supplicantis gestus, & obtestationes per sanctissima materni meriti nomina, & preces ad animum quamvis ferum expugnandum penetrabiles; denique suscitatus, incremento, urgentis accusationis, ipse Agamemnon, potentissimus pro Clytemnestra deprecator, exempli atrocitatem exhiberent. Quod de Agamemnone dixi, opportuno & congruenti per omnia invento, gravitatem affio-



actionis decet : illustrata etiam post mortem virtute optimi viri, jus suum non nisi bono exemplo, probisque rationibus persequi cupientis, & revocando à facinore filio, singularem æquitatem paterno nomini adjungentis. Magis hoc placet, quam apud *Æschylum* illud Orestis de cæde respondentis:

in Eur.

Πέποιθ', ἀρωγὰς δ' ἐκ τὰν πέμπει παλὴρ.

nisi cum *Scholias* Græco ad ὑπόθεσιν Furiarum accusantium ita relatum dicamus, quasi voluerit significare. sicut Vos accusationem vestram à *Clytemnestra* instrui & adjuvari dicitis; ita possum ego dicere, mea defensionem ex paterno tumultu præsidia submitti. Conferri debet *Apologia* Orestis apud *Euripidem* Or. v. 538.

Qui, ut Orestem nocentiores facerent, *Clytemnestram* voluerunt innocentem facere, quasi suo jure in ulciscendis mariti injuriis usam, studio insectandi contra rationem causæ trahi se passi sunt. Debuerunt enim animadvertere, nihil æque prodesse reo, quam si fas judicaretur, injurias cæde ulcisci. Sed ego magis *Libanium* miror, qui ipsum Orestem inducit, velut occupatione quadam matris defensoribus respondentem: talibus certe sententiis, quæ statim in ipsum recidebant, causamque tamquam præjudicio onerabant. Quo spectant illa quæ *Euripideus* *Tyndarus* in accusatione Orestis disserit. Cæterum ille ipse senex, *Clytemnestræ* scilicet interfectæ pater, diserte nocentem filiam pronuntiat:

Apolog. Or.  
rom. 1.

in Orest.

Θυγάτηρ δ' ἐμὴ δανῖσ' ἔπραξεν ἰνδικα.  
Ἀλλ' ἔχῃ πρὸς τῷδ' εἰκὸς ἢν εὐνὴν δανεῖν.

G. 38.

Hac morte, justa, filia persolvit mea,  
Sed hujus emori manu non debuit.

Plane ut Gemini, ad Orestem.

Δίκαια μὲν γὰρ ἦδ' ἔχει. σὺ δ' ἐχὲ δῆας.

Hac justa sane patitur, at tu non facis.

Eurip. Ele.  
Gra G. 1244.

D d

Quasi

Quasi quis cum vulgo diceret, *passionem justam, actionem injustam fuisse*. Adeo contra communem sensum incurrat, necesse est, si quis accusandi Orestis studio Clytæmnestræ patrocinari cupiat.

Controv. IV.

27.

Illo colore augendæ accusationis nemo usus est, ut *actionem popularem faceret*, sicut apud Senecam Gallio in causa pulsati patris: omnibus ait, *actionem dari; non enim esse privatam injuriam, sed publicam.* — ad omnes patres pertinere hoc exemplum, ad omnes filios, & ad ipsam rempublicam. Eadem enim statim contra Clytæmnestram valuissent, mariti interfectricem, & adulteram. Ista duo autem, quæ dicam, rectè moratam Scriptorum disciplinam sapiunt: cum in accusando Oreste, plerique omnes *Ægisti cadem praterunt; adulteri & subfessoris odio facti invidiam absorbente: Electram vero qua se parricidii instigatricem & sociam fratri præbuit, ex alia causa nolunt premere: infirmitatem sexus, & cottidianæ orbitatis mala, mentemque assiduis ærumnis exagitantam tacite miserantes.* Apud Argivos quidem, iudicio multitudinis, cum fratre perire debuerat, ut est apud Euripidem in Oreste. Sed in gravissimo Areopagitico iudicio, nulla mentio fit Electræ. Non custodiunt ergo moratæ actionis mensuram, quæ Tyndarus increpat, ad Orestem:

Eurip. Orest.

Μᾶλλον δ' ἐκίνη σὺ θανόντ' ἐς ἀξίαν,  
ἢ τῇ τεκνίῃ σ' ἠγρίωσ' εἰς οὓς αἰὲ  
Πέμπασα μύθος ἐπὶ τὸ δυσμενέστερον:  
Μορtem meretur te magis soror tua,  
Quæ te parenti reddidit trancem, suis  
Sermonibus placidum nihil spirantibus.

Sed meminisse debemus, patrem interfectæ esse, qui loquitur, luctu & perturbatione animi vehementius incensum: habetque hic quodammodo locum illud Photii: ἀλ-

Bid/serb. m.  
27. Demosth.

λόγῳ χαλεπώτατόν ἐστι λόγον ἀγωνιστικὸν ἐργάτη διὰ τέλος ευλόγου  
πρὸς τὸν ἀνταγωνιστὴν τὸ ἥθος, μάχισα δὲ τοῖς ὅσοις φύσας ἔτυχον πικρο-  
τέρας τε καὶ παθητικώτερας. Difficillimū est in forensi contentione ver-  
santi, usquequaque verborum ita custodire mensuram, ne quid inle-

mentium.

entius, quam morata oratio postulat, in adversarium dicatur; asertim si cui ingenium commotius contigit ac vehementius.

In defendendo Oreste, summam rem proposuit Quintilianus: Orestes matrem occidit, hoc constat. dicit, se juste *lib. 3. c. 11.* fecisse: status erit qualitat. questio, an juste fecerit. ratio, quod Clytemnestra maritum suum, patrem Orestis occidit. hoc αἴτιον dicitur. κρινόμενον autem judicatio. An oportuerit vel nocentem matrem à filio occidi. — addit: Firmamentum autem verbis ipsius nam, si velit Orestes dicere, ejusmodi fuisse animum matris suæ, patrem suum, in seipsum ac sorores, in regnum, in famam generis ac familia, ut merito ab ea pœnas liberi potissimum sui petere debuerint. Eodem modo Scriptor ad Herennium I, 16. Uterque sumit ex Ciceronis 1. de invent. 14. In hoc genere nemo prudentius Æschylo, quantum ad ἄθος δ'εργατικὸν attinet, Orestem induxit, citra ambages respondentem, confessione facti, & rationis expositione. Ubi autem ad κρινόμενον accusatio eum provocat, non audet pronuntiare, sed veluti dubitabundus Apollinē testimoniū dicendi causa præsentē, jubet discernere, an recte maternum sanguinem effuderit. Ad quæ Scholiastes: πρὶ γὰρ ἔλθον εἰς τὴν διακρίσιν τῷ δικάῳ ἢ μὴ ἀντιπρὸς τὴν μητέρα, ἰπὶ τὸν συμβουλάσαντα Δίον καλεσάδει. Postquam eo venit, ut discerneretur, jure an secus interfecisset matrem, ad Deum confugit, qui suaserat.

Hoc enim potentissimo subsidio reum Appollo, tanquam è machina Deus, sublevat, cum omnem in se cul- *Æschyl. Eur.* pam transfert, seque à Jove jussum, Oresti, ut matrem occideret, præcepisse confitetur. Ita enim Scholiastes Æschyli perierem illam fatalem textit: ἡμῶν μὲν ζῆς, ἐγὼ δὲ τίτῳ προστάξα. ὡς ἀνδρὶ Δίος τὸ γινόμενον. Mihi quidem Jupiter, ego autem huic præcepi. neque enim quod factum est, sine Jove factum est. Apud Sophoclem Orestes refert, se Delphos profectum consuluisse *in Electr.* oraculum, quomodo Patris necem ulcisci deberet. Responsum esse ab Apolline,

Δόλοισι κλέψαι χεῖρας ἐνδίκης σφαγῆς.

Ulcisceretur impios justis dolis.

Soph. El. 9.  
70

Igitur ait se venire ad ultionem πρὸς Σωὴν ὀφειμένον à diis ex-  
timulatum.

Item

Eurip. El.  
9. 37.

— ἀφ' ἑμαὶ δ' ἐκ Σοῦ μινυμένω.

Quæ (ut sibi consentiat Tragicæ artificium eis τὸ δημοδὲς  
ἵναί τε πρέπον τὸ τραγικόν) Cassandra ita prædixerat, ut infortu-  
nium Agememnonis diis cura futurum, magnifice caneret apud Æ-  
schylum in Agamemnone:

ὃ μὴν ἀτιμοῖς ἐκ Σοῶν τιθνήζομεν.

ἤξει γὰρ ἡμῶν ἄλλος ἄν τιμώροσ.

μητροκτόνον φίλυμα, ποιῶντ' ὅτε πατρός.

Non absque honore nostra mors apud deos

Erit, ultionem debitam mox exiget

Fatale matri germen, ac vindex Patris.

lib. 6. c. 3.

Dictys Cretensis, filum historiæ ita ordinat: Ubi Orestes trans-  
actis pueritiæ annis, officia viri exequi cæpit, orat Idomeneum, ut  
secum ex insula Creta quam plurimos mitteret: cupere namque se  
Athenas navigare. Itaque collecto numero eorum, quos idoneos cre-  
debat, Athenas venit: ab his auxilium contra Ægisthum orat. De-  
in ad oraculum adit, responsumque fert, uti matrem & cum ea  
Ægisthum interficiat: ex quo fore, uti regnum patrum reciperet.  
Hujusmodi numine armatus cum prædicta manu ad Strophium ve-  
nit. & quæ sequuntur. Vis armata, de qua hic dicitur,  
facile conciliatur cum machinatione doli, quam præcipue  
Dramatici exequuntur.

Quid sibi velit, oraculum, & Apollo parricidii sua-  
sor, jam non potest obscurum esse. Nimirum magna scelera  
divinitus puniri, fatoque & secreta deorum constitutione fieri, ut  
que quis fecit, ea patiatur; voluerunt ostendere. Hæc est  
παλίσφους δίκη, de qua celebre illud Euripideum:

Eurip. Elect.  
6. 1135.

Νέμει τοι δίκην Σοὸς ὅταν τύχῃ.

Divinitus vindicta quemlibet manet.

in Elect.

Hinc figura Chori, qua apud Sophoclem, in apparatu parricidii, venientem Nemefin justasque pœnas ferentem auguratur;  
qua

qui occisus Agamemnon ultionem spirare dicitur; aliaque in hanc sententiam. Sed in explicando hoc fatali secreto, necesse fuit non semel labi eos, qui sanctioris philosophiæ mysteriis non erant initiati. Hinc μάλα αἰθερόλογος deos infligantes, jubentes, adjuvantes parricidium introducunt. poteratque illis merito obici Iphigenia sententia, cum de Tauro-  
rum incolis ita ratiocinatur:

Eurip. Iphig.  
Tauro. 6. 339.

τὸς δ' ἐνθάδ' αἰετοὺς ὄντας ἀνδραπολιόνας  
εἰς τὸν θεὸν τὸ φαῦλον ἀνατίθειν δοκῶ.  
ἰδὲνα γὰρ οἶμαι δαιμόνων εἶναι κακόν.  
Ego cade fuetos incolas ipsos reor,  
Referre culpam scilicet suam in Deum.  
Etenim Deorum neminem malum arbitror.

Quare nec excusari potest, quod Orestes Pædagogum jubet perjurio mendacium affirmare apud Sophoclem, adjecta insuper ἐπιτίθει parum honesta :

El. 6. 47.

δοκῶ μὲν εἶδεν ῥῆμα σὺν κέρδει κακόν.

Quod Scholiastes ita conatur excusare : μὴ μικρολογῶς τις ἐπιλάβηται ὡς καλῶν ἐπιπορεύειν τῷ ποιητῇ. δὲ γὰρ αὐτὸν πείθεσθαι τῷ θεῷ τὸ πᾶν δόλῳ περὶ σεν παρακελευμένῳ ὥς ἐν οἷς δοκεῖ ἐπιπορεύειν δυσσεβεῖν, διὰ τῶν δόσεων πειθέμενος τῷ θεῷ. Ex his, Joachimus Camerarius annotationem suam desumfit in hanc sententiam : Quum Orestis persona introducatur hac in fabula, non improba neque scelerata, cur poeta facit nunc suadere illi perjurium ? An violati iurijurandi religionem pro nihilo ducit ? Habet, ut opinor, excusationem hanc Orestes, quod exequeretur Apollinis imperium. Ille autem jufferat doli & fraudibus eum uti. Nunc igitur, in quo alius impietatis crimen non effugeret, hic pietatem præstitisse, quum Deo pareat, invenitur. Non igitur perjurii, sed obedientia numinis divini exemplum proponitur. Verum ego, si quis dicat nullum dolum cum perjurio conjunctum, licitum divinitus vel humanitus esse, nunquam hanc μικρολογίαν putabo.

Longe reverentius iurijurandi religionem, in ipso iudicio, Æschylus figurat. Cum enim Eumenides conque-

in Eur.

rerentur, Orestem nec posse ipsum jurare, se innocentem esse; nec velle ab ipsis jusjurandum accipere, quod merito eum persequerentur; Minerva graviter respondet:

ὄρκους τὰ μὴ δίκαια μὴ νικᾶν λέγω.

Quasi dicat; ἕκ ἐμήλει ὁ ἀδίκων ὄρκον ἐδύγειν τὴν καλῶσέαν. ἐπιρκῆσθαι γὰρ. non debet, qui peccavit, jurejurando accusationem declinare. peierabit enim. Ut est apud scholiastem. Quanquam ipsa Poëtæ verba aptius ita accipi debere, videntur, in iis, quæ non ex omni parte justa sunt, sive quæ aliquam de jure dubitationem habent, non probandum, si quis jurejurando se liberare judicio velit. Jurisjurandi enim ea est sanctimonia, ut non nisi rebus liquido certis, & extra dubitationem juris positis conveniat. qualis scientia sæpissime illis deest, qui putant, se jure niti, cui tamen non levia possint opponi argumenta. Facilior est casus facti jurejurando purgandi. Sed in quæstione juris, nec deferendum facile, nec accipiendum jusjurandum statuit Minerva.

Dum hujus philosophiæ providentiam in ethnicis quoque commendari video, non possum non recordari immensam temeritatem Romani Pontificis Gregorii VII. qui controversiam inter se & Henricum IV. Imperatorem or tam horribili ista lege voluit terminare. Ego, inquit, ne humano potius quam divino niti videar testimonio, ut satisfactionis compendio omnem omnibus scandalis scrupulum de medio auferam, ecce corpus Dominicum quod sumturus ero, in experimentum mihi hodie fiat innocentia mee, ut omnipotens Deus suo me hodie judicio vel absolvat objecti criminis suspitione, si innocens sum, vel subitanea interimat morte, si reus. Hac & alia (ut solenne est) prefatus verba terribilia, quibus Deum cause sue æquissimum judicem & innocentia assertorem adesse precabatur, partem Domini corporis accepit, & comedit. Qua liberrime absumpta, cum populus in laudes Dei innocentia ejus congratulatus, aliquandiu acclamasset, tandem imperato silentio conversus ad Regem (Imperatorem Henr.) Fac ergo, inquit, fili, si placet, quod me facere vidisti. — Si te innocentem nosti, & exilimationem tuam ab amulis tuis per calumniam falsis criminationibus impeti, libera compendiose & Ecclesiam



desiam Dei scandalo & te ipsum longe concertationis ambiguo, & sume hanc residuam partem Dominici corporis, ut comprobata Deo teste innocentia tua, obstruatur omne os adversum te iniqua garrientium. Verum Henricus majorem judicio divino reverentiam deberi gnarus, quam ut alienæ temeritatis impium exemplum imitandum videretur, discussionis legitimæ formulam prætulit, sicut latius exponit Lambertus Schaffnaburgensis.

Non omittuntur sane, in causa Orestis, quæ ad causam parricidii illustrandam pertinent: sed in judicatione reo, ut vidimus, dubitatio, translatio, deprecatio; iudicibus, æquitas & clementia; solis causæ patronis, id est, quando Orestes alieno ore defenditur, directa juris nomina conveniunt, quamquam Libanius omnia miscuit. Illud pragmatici roboris visum est, quod de ultione & vindicta, qua à nobis & nostris injuriæ depelluntur, ethnici, satis utique liberaliter, statuerunt. Postquam ergo sceditatem adulterii, injurias matris in liberos, eadem conjugii in maritum repræsentaveris, una veluti & communi hominum sententia inferebatur, justam esse ultionem, & præsertim genere proximis mandantem. Igitur ille Senex, qui in Euripidis Electra viri boni personam gerit, suasit cædem: in Sophoclis Electra proditio vocatur, non ulcisci cædem. Et apud Homerum, Nestor sapientia clarus, felicem prædicat Agamemnonem, quod Odyss. 7. suæ mortis ultorem filium reliquerit.

Apolog. Ori.

G. 613.

G. 371.

ὡς ἀγαθὸν καὶ παῖδα καὶ ἀφθιμένοις λιπέω  
 Ἄνδρες, ἱπὲρ καὶ κῆνος ἐτίσασθε πατροφονίαν  
 Αἰγίοθον δολόμην, ὃς οἱ πατέρας κλυτὸν ἔκλε:

Quæ cum postea repetisset, de matre in hunc sensum adjicit:

ἦ τοι ὁ τὸν κλένας, δαίνυ τάφον Ἀργείοισι,  
 Μητρὸς τε συγερῆς καὶ ἀνάλκιδος Αἰγίοθου.

Figurate quidem & in ἤθι, quod primum matris nomen omisit: postea sepulturæ potius quam cædis mentionem fecit. Ubi Scholiastes: φρίσσεται διὰ τὸν τῷ Ορίσιν. τὸ μὲν γὰρ ἐστὶν



ἰσχυρότερον ἰσχύειν, ὅτι ἔθαλε τὴν μητέρα, τὸν δὲ θάνατον παρέσχετο. *Pepercit hu veris Orestis, dum id quod mitius dictu erat, extulit, nimirum, quod sepelivit matrem; de morte autem reticuit.* Nec ab alia mente Eustathius: ἐν ἰδίῳ γὰρ ὁ γίγνων ἄσπερα εἶπεν, καίτοι τὸ πρὸς γυναικὸς ἰδιόδυνος ἀσπεράς. *Noluit senex aliquid dictu foedius proferre, etiamsi negotium ejus rei occasionem suppeditaret.* sicut & in *epithetis* Ægistho & Clytemnestræ datis mox observat.

In hoc præsumpto in vulgus jure vindictæ, duo potissimum loci eminebant illustri tractatu; quorum unus in præterita, alter in futura tendit. Ibi, *Facta ex causis aestimanda*, Libanius, non in Orestis modo apologia, sed in aliis quoque declamationibus (est enim in *Qualitate* tractanda, solennis formula) speciose differit. Hic, *de utilitate exempli adversus muliebrem audaciam*, schema figuratur. Cui tamen statim respondeas illud Ciceronis, apud *Asconium*, quod non qui bono publico damnari, idem etiam occidi indemnatus possit. Itaque nimis ultra prudentis justitiæ metas excessit, qui apud *Euripidem*, in concione, Orestem non modo absolvendum, sed etiam premio afficiendum sive coronandum, censuit. Quamvis addat Poëta, sermonem ejus à bonis approbatum esse. Quod aliter non potest locum habere, quam eo sensu, quo nimia peti, ut æqua impetrentur, in figuris patronorum solenne est.

Qui in hanc causam adhibiti sunt colores, in comparando paterno maternoque merito, illoque præferendo, si ab Oreste ipso dici meminerimus apud *Euripidem*, parum decere videntur. Prope est enim, ut impie loquatur, qui matrem nutrici tantum comparat. satisque importune auditur ex ore filii, illa philosophia, qua mater agro, pater seminanti agricolæ confertur. Jam quid dicemus de commento Apollinis, qui apud *Æschylum* eandem cantilenam reperit? & illud *φορτικὸν* addit: *sine patre non gigni filium, at sine matre, exemplo Minervæ*; ad quam loquitur. Minerva autem ipsa, inter causas liberati Orestis fatetur sibi hanc fuisse, quod maris (Agamemnonis occisi) sortem, præferendam famina censeat; cum plane ipsa non habeat matrem. quid

in arg. Mi-  
loniana.

in Orest.  
v. 926.

v. 930.

in Orest. v.  
354 Ec.

in Eur.

quid in hac poësi desiderari queat, erit forte occasio amplius declarandi. ut &, de solenni harum controversiarum schemate, in abnuendo necessitudinis titulo. Ac Euripides quidem refuga manu hoc ulcus tractat, introducens Orestem ambigentem, an mater vocari debeat, qua talis fuerit in suam domum; mox tamen metuentem gravius dicere. Bene, ubi filius loquitur. Nam ubi alii judicant de negotio, non carent ratione ejusmodi sententiæ: uxorem cum fide nomen perdere, ut est apud Apuleium; itemque: sorores post calcata sanguinis fœdera, & internecina odia, appellare non licere. atque sic in reliquis.

Qui ergo putant, potuisse Orestem in apologia, aut Judices in absolutione, directè justitiæ facti allegare, falluntur. Utur enim, etiam Mars apud Libanium, eadem ultioni destinatam justam esse, rationibus & exemplis cupiat evincere; videaturque, ut ante diximus, communis fere hæc sententia ethnicorum fuisse: distinguenda tamen diligenter erit, liberior & popularis loquendi consuetudo, ab accuratioe criminum causarumque dijudicatione. Quod nec Poëta neglexit, apud quem Orestes:

ὧν δ' ἀνόςιος ἦμι, ματίεα κτανὼν,  
ἔσις δέ γ' ἕτερον ὄνομα, τιμωρῶν πατὲρ.

Pollutus ego parente casa, non nego,  
Aliunde vero purus, ulciscens patrem.

Eurip. Orest.  
v. 546.

Et mox:

ἀνόςια μὲν ὄντων, ἀλλὰ τιμωρῶν πατερί,  
Nefanda qui fecit, sed ulciscens patrem,

v. 563.

fatetur, se non esse justum ex una parte, si cades matris spectetur; posse tamen justum videri, si consideretur, quod in hoc facinore vindictam patris sibi propositam habuerit. sicut amplius explicat Græcus Scholiastes.

Si accuratius dicendum est, quid sibi hoc velit, putandus est Orestes ad deprecationem confugere, cujus hanc quoque rationem ponunt Rhetores: si reus ea, qua pecca-

Ec

vii,

vit, non odio neque crudelitate, sed officio & recto studio commotus fecit; ut notat scriptor ad Herennium 2, 17. sive ut Cicero (2. de invent. 35.) honesta aliqua aut probabili causa. Ignosci sibi petit Orestes, inquam, quod ad eadem matris illum deduxerit opinio officii erga patrem, & honestatis cura; quæ probabilem apud omnes rationem haberet. Atque ne dubitatio de proposito deprecationis  
*in Eur.* supersit, Æschylus inducit Orestem, post facinus primo Apollini supplicantem; qui Mercurio suum supplicem commendat Athenas deducendum, ut ibi denuo Minervæ supplicet. quæ & ipsa suadet reo, ut clementiæ spe nitatur. Nec repeto, quæ Statius ante de Ara Misericordiæ dixerat.

Quid autem ipsi Judices, quo absolvendi jure nituntur? Et, potueruntne pronuntiare, Orestem jure occidisse matrem? Ita rudior Minerva loquuntur, qui absolutionem  
*loc. cit. supr.* solam in oculis habent: cumque iis Ærodius, qui tamen mox commodiori correctione usus ita judicat: Qui tam proximus damnationis fuit, absolute pro absoluto non habetur: & quorundam criminum si quidem vulnus, macula tamen nunquam

*Excerpt. con- 3106. III. 2.* abstergi potest. A qua mente apud M. Senecam contra parricidam aquis sententiis absolutum declamatur: Non est absolutus parricida, sed dubius. — Absolutionem legi, non innocentia debet. respiciendo scilicet ad νόμον ἰσχυρὰν sive legem de paribus tabulis. Ergo directa juris via non poterat absolvi Orestes. Hinc est, quod erudite apud Æschylum Apollo metuenti pollicetur, fore, ut Athenis prudentes talium negotiorum  
*2. 13.* iudices, & δεικνύμενοι μύθοι, verba ad persuadendum efficacia, & μηχαναὶ sive artificia reperiantur, per qua miseria istis imponatur finis. Quibus commentis Æquitatis in judicando peritia, ipsaque Æquitas non obscure designatur. Huic enim absolutio rei debetur, non justitiæ strictius acceptæ, cujus temperamentum æquitas habetur. Sicut autem summum jus summa sæpe injuria dicitur: ita in vicem æquitas, ipsius iuris partem & nomen constituit. Ita cum scriptor ad Herennium, ex quibus partibus jus constet, describit, æquum & bonum non omittit. Et in Topicis Ciceronis definitio juris civilis, æquitatem ut partem juris complectitur. Extantque  
 prorsus

prorsus insignia & compluria loca *Eiusdem Auctoris*, cum *jus* & *aquitatem*, *jus ex aquo & bono*, imo *jus*, & *justitiam*, nomen generis, pro specie hac ipsa juris sive pro *aquitate*, ὡς ἐν παραλλήλῳ usurpat; sicut non neglexit annotare *Petrus Faber*, eruditissimus & parum vulgo cognitis ad *Orat. pro Cacin. notis*. Quibus addi debent quæ *Aristoteles V. Ethic. Nicomach.* & ad eum *Michaël Ephesius* de convenientia & discrepantia *Æquitatis & Justitiæ* disputant. Ceterum, illum synonymicè loquendi modum *Jureconsultos* quoque aliquando tenere, magnus ille *JCtus Jacobus Gothofredus*, cujus memoria tum publicorum meritorum nomine, tum ob amicitiam multorum annorum, semper mihi venerabilis erit, consignavit. Atque ita jam exaudire debemus *Minervam* in *Areopago Ennii*; cum de *Orestis* facto dicit: *Id ego æquum ac jus fuisse expedibo atque eloquar.* sicut restituit versum *G. I. Vossius* in *fragm. vet. Tragicorum*.

Cum vero duplex sit *Æquitas*, *Intrinseca*, quæ in jure dicundo semper locum habere debet; & *Extrinseca*, cui lex ipsa cedit, quæque summis tantum potestatibus convenit: admirabili artificio, absolutionem *Orestis* utrique voluerunt inniti; quatenus hac supplere intelligeretur, si quid in illa desiderari posset. Hoc est, quod *Eumenides Æschyli*, cum *Minerva* interrogasset,

Ἡ καὶ τ' ἐμὲ τέττοι' ἄν αἰτίας τίλος;  
An cardo causæ vertitur mea manu?

respondent:

ὣς δ' ὤ. σέβουσι γ' ἀξίαν τ' ἐπαΐων.  
Quidni? colemus te inclytum germen Deum.

ut quamvis judicibus *Areopagitis* res committenda intelligeretur, *Minervæ* tamen, *judicio præidentis*, potestas non repudiari posset. Qua tamen potestate sua, ita utitur postea, ut auctoritatis potius ratio, in expedienda *judicium* dubitatione valuisse videatur; mitigatis ad extremum ipsis *Eumenidibus*, sicut ante diximus, & amplius exsuda in eadem

voce repeti potest. Interim hoc fulcio firmatur, quod de deprecatione Orestis diximus; quam raram scilicet esse, & apud eos, fere solos judices, qui nulla certa pronuntiandi forma *Insistunt*, §. 13, tenentur, Fabius monet.

cap. 3.

Sed inquirendæ sunt illæ *μυχαὶ*, i. e. rationes æquitatis intrinsecæ, & munimenta, cum suis figuris. Igitur per gradus incedentibus, primum fontem æquitatis aperit Cicero in *Miloniana*, qui eo refert hoc exemplum, ut constet: non omnem eadem judicio capitali vindicandam esse. Itaque hoc, inquit, non sine causa fictis fabulis doctissimi homines memoria prodiderunt, cum qui patris ulciscendi causa matrem necavisset, variatis hominum sententiis, non solum divina, sed etiam sapientissima Dea sententia liberatum. In quem locum adferuntur ibi & alia homicidii absoluti exempla, ex historia Romana, tum *Lex XII. Tab. de fure nocturno*. quæ singula alias seorsum suam explicationem desiderant. *Demosthenes in orat. contra Leptinem* ad τὰξιν τῶ δικαίου sive ordinem juris refert, *Draconis* illam *νομοθεσίαν*, qua severus cetera homicidiorum ultor, quasdam tamen cades licite fieri definiverit. Adde, si lubet, *Ærodiūm lib. 5. Decret. tit. 8. ad L. Cornel. de Sicariis, §. 18. de homicidio* quod jure defenditur.

cap. 37.

cap. 23.

Jam videndum est, an ultio comprehendatur in eo genere, quod diximus. Affirmabit (præter ea, quæ in apologeticis pro Oreste allata sunt) Cicero, in *Partitionibus*: *Æquitatis vis est duplex: cujus altera, directi & veri & justī, & ut dicitur, æqui & boni ratione defenditur: altera ad vicissitudinem referenda gratia pertinet: quod in beneficio, gratia; in injuria, ultio nominatur.* Et mox in fontibus æquitatis repetendis mentionem facit, propulsanda, & ulciscenda, injuria. Congruit locus in *Topicis*: Cum de æquo & iniquo differitur, æquitatis loci colliguntur. hi cernuntur bipertito; & natura & instituto. natura partes habet duas, tuitionem sui, & ulciscendi jus. Ubi quæ Cicero de natura habet, ita acceperim: naturali æquitati convenire, ut quæ quis ulciscenda injuria fecit, non eadem severitate plectantur, sicut illa, quæ inferenda injuria causa sunt. neque enim veri simile esse, bonum legulatorem, si lex ea de re condenda sit, illa discrimina causarum, quibus aliquis impulsus fecerit eadem,

eadem, neglecturum fuisse. imo naturalis illius æquitatis ductu ple-  
rarumque gentium Legumlatores, quibusdam cadibus impunitatem  
decrevisse; cum præsertim etiam alia ratio suaderet, quorundam  
criminum invidiam augere & licentiam compefcere, proposita, etiam  
privata ultioni infra certos terminos impunitate. Hanc enim esse  
genuinam Æquitatis ex primis originibus deducendæ di-  
sciplinam, non possunt ignorare, qui intelligunt illustrissi-  
mas Philosophi de Æquitate disputationes lib. 5. & 6. Eth. &  
Rhetor. 1, 23. doctissimasque Michaëlis Ephesii & Eustratii com-  
mentationes.

Certe exempla talium Legum (si hæc pars æquita-  
tis à posteriori, ut in Scholis loquuntur, probanda sit) non  
defuerunt apud Veteres. Apud Lysiam, in oratione apologe-  
tica pro cede Eratosthenis laudantur leges Atheniensium, qua  
injuriam passis concedunt supplicium sumere de injuriæ auctoribus:  
nominatimque mentio fit Legis apud Areopagitas in columna  
incisa, qua statuitur, eum non esse dammandum cadis, qui adul-  
terum cum uxore sua deprehensum necaverit. Nec Athenis mo-  
do, sed aliis quoque Græciæ civitatibus talem legem fuisse,  
discas licet ex Libanio declamationibus 25. 33. 34. 35. A-  
pud M. Senecam producit etiam ad Filios. Illi enim Le-  
gi, Adulterum cum adultera qui deprehenderit, dum utrumque  
corpus interficiat, sine fraude sit; subjicitur altera: Liceat ad-  
ulterium in matre, & filio vindicare. Controv. 1, 4. Cujus ge-  
neris plura collegit, explicatis causis, ex quibus homicidia ex-  
cusantur à pœna, vel levius castigantur quam lege Cornelia, Petrus  
Gregorius Tholosanus, Syntagm. Juris lib. 36. cap. 21. ubi etiam  
causa Orestis locum accepit. Addantur, Joanni Seldeno di-  
putata, de l. N. & G. de l. N. & G. 1. 4. c. 2. & 3.  
de l. N. & G. 1. 4. c. 2. & 3.  
uæ moribus Hebræorum, etiam privatis, sub ratione pœ-  
e aut quasi, citra judicium forense permissa erant. In  
ia disputatione acute animadvertit, in ejusmodi lege  
mittente, subesse pondus auctoritatis publicæ, quæ pri-  
torum ministerio quodammodo utitur. Cujus observa-  
nis veritas suos gradus habere, pro diverso vopædis  
ituro, censenda est.

Sed pergendum est in fontibus æquitatis indagandis, & jam de *Auctoritate exempli* aliquid dicendum. Quod enim sub illustri exemplo decernitur, veluti speciem rei judicatæ sibi prætexit. Nec omittit in locis æquitatis *Scriptor ad Herennium* (2, 17.) illud: *si tali de causa aliis quoque ignotum est.* Igitur Minerva *Æschyli* ut absolvendi Orestis titulum adornaret, Ixionem nominat, à Jove piaculo cædis jam olim liberatum. Et Apollo illas *πρωτόκλινες προπρὸς τὰς Ἰξίωνος* repetit. Ad quæ *Scholias*tes: *πρῶτος γὰρ Ἰξίων φόνον ποιήσας, ἐκαθάρείσθη ὑπὸ Διός.* Atque iterum Jupiter ei memoratur, *κατάειρε τὸν πρόσκομυστῃ Ἰξίωνα*: qui *prima cædis auctorem Ixionem expiaverit.* Ita non erat caritura exemplo, illa clementia, qua Orestem adjutum ibant. Sicut postea exemplo Orestis, Fabricianus Rômæ in simili causa absolutus est, memorante *Plutarcho in Parallelis.*

Verum hæc ratio, alteri innexa est *de tuendis supplicibus.* Quemadmodum ad templum Jovis supplex alledit Ixion, liberari piaculo cupiens: ita Orestes Minervæ supplicat, sicut non semel jam dictum est; ipsaque Minerva pollicetur, se non prodituram supplicem. Objurgant sane Eumenides Mercurium, qui supplicis curam agere jussus erat, *quod tueretur ἰκέτην ἄδελφον ἄνδρα supplicem nefarium.* adeoque viam aperiunt, de jure supplicum, & variâ distinctione dubitandi. nisi quod breviori declaratione defungi possumus, si meminerimus, Orestem, per ea, quæ allata sunt, non excludi numero eorum supplicum, quibus cum ratione ignosci potest. cum præsertim Asylorum & templorum quibus supplices recipiuntur, religio, non tam privato jure, quam summæ potestatis arbitrio regi ferme consueverit: atque ita, ab æquitatis intrinsecæ momentis, ad extrinsecæ subsidium ac supplementum facilis transitus Tragicæ scriptoribus fuerit.

Illa quoque non omittenda sunt, quibus sapientia Veterum amplius æquitatis momenta figuravit: cum dolores & calamitates Orestis, ac illa tormenta conscientia ex parricidio afflicta, Minerva considerat, neque exigua pœna loco reputat: itemque, cum ritu expiationis Orestes satis commonetur,

quid



quid commeruisset, si rigorem juris debuisset experiri. In locis æquitatis, ad quam deprecatio confugit, Quintilianus hoc ipsum posuit: si relictis vel alijs incommodis, vel presenti periculo, vel poenitentia videatur satis poenarum dedisse. Atque hæc ratio in absolutione Fabii (apud Livium VIII, 35.) præcipui roboris fuit, ut, non quidem exemptus noxa, sed noxa damnatus, populo Romano donaretur. Expiationis autem ritus in prætextum æquitatis inventus videtur: ut, qui jure absolvi non possent, veluti religiosa quadam cærimonia, ac divina ope liberarentur.

Instit. Or.  
7. 4.

Gracia principium moris dedit. illa nocentes  
Impia lustratos ponere facta putat.

GM. Fast. 20

Scilicet, quæ philosophia summæ potestati civili, sive illis, qui jure regio imperant, tribuit: id fabulæ ad Deos referunt. Quo sensu, expiatio criminum responderet restitutioni fame & honoris infamibus indulta. Huc referenda est restitutio Orestis expiati in regnum paternum, & pristina jura: quam Velleius, ut alibi notavimus, securius ad directam absolutionem refert. Esset hæc pars Æquitatis extrinseca: quæ in fabula Orestis ita cum intrinseca miscetur, sicut in alia Mycili fabula, nude exhibetur apud Ovid. metamorph. XV, 1. ubi omnis

lib. 1. c. 1.

Calculus immitem demittitur ater in urnam.  
quæ simul effudit numerandos versa lapillos,  
omnibus è nigro color est mutatus in album:  
Candidæque Herculeo sententia numine facta  
solvit Alemonidem.

Verum de Orestis accusatione & defensione satis. Reverendum est ad ipsam iocunditatem.

*Legis de paribus tabulis cognatio &  
necessitudo, cum Lege de jure majoris partis, attingitur.*

Tra-

Tractavimus *Historicam occasionem*, *Legis de paribus tabulis*: superest, ut declaremus, ad quam νομοθεσίαν naturali necessitudine precedentem hac Lex ἔχειν ὑπόκληρον habeat. Qui enim parium sententiarum in jure dicundo taxationem lege constitutam audit, statim intelligere potest, hoc esse supplementum illius legis, quam natura ipsa gentibus civili more utentibus dictavit, de jure majoris partis. *Libanius declamationis XXX. ὑπόθεσις* ita effert: τὰς πλείους ψήφους κερταίν, νόμος ἐκέρδαν. Plura suffragia vincere lex jubebat. In ipsa autem declamatione rationem hujus legis egregie explicat. Nec in judiciis modo, sed comitiis etiam atque consultationibus idem obtinebat. Nec enim aliud in consilio publico potest fieri, ut recte *Plinius* censet; ubi licet impar sit prudentia, par omnium jus est.

2. Ep. 12.

Excipit quidem adversus *Grotium* (qui erudite hanc rem complexus est, tum *Apologetico Hollandici Regiminis cap. 8. tum de I. B. 2, 5, 17.*) *Feldenus*; non præsumendam hanc voluntatem societatem ineuntium, nisi equali sint prudentia singula partes sive membra societatis. Sed præsumpta ista voluntas sociatorum, primo de eo quod fieri potest, non de idea aliqua Platonica; deinde de hoc ipso non de alio cœtu sive collegio accipi debet, ubi omnes in paritatem juris sociantur; sive ubi non est, cur societatis pars, nisi pari cum ceteris jure, quisquam esse velit. Fac enim, societatem ita coiuisse, ut vel uni, vel paucis ceteri plus juris tribuerint: jam expiraverit jus majoris partis; nisi subtili explicatione cum *Grafsvinkelio* dicamus, eam esse majorem partem, unde stat major auctoritas, aut potestas. Sic autem non retineremus sensum quæstionis sicut vulgo disceptatur. Itaque non pertinet huc quod addit *Feldenus*: potest fieri, si partes societatis sint inæquales, ut voluntas unius aut paucorum dirigat eandem, obligetq; adeo majorem numerum. Si hoc sit, bene fit: sed attendendum erat, an fiat remittendo de paritate juris, in quam coitum est, (cujus rei illustre exemplum *Livius* memorat VI, 6.) an vero ab initio, sub formula inæqualis juris, societas instituta sit. utrumvis sumas; extra quæstionem erit. Tertium genus fingere

figere, quo credamus, multitudinem coivisse in unum coetum, hoc instituto, ut prudentiorum non plurium sententia valeret, alienum est ab exemplis vitæ. nisi scilicet clare hoc significatum sit. id quod amplius explicant, qui origines formarum reipublicæ, à naturæ primordiis repetunt.

Si qua spes esset, posse semper illam inæqualitatem prudentiæ, vel in personis, vel in sententiis accurate deprehendi, futurum erat, ut jus majoris partis statim limites acciperet à parte meliori. Sed hæc res materiam erat præbitura assiduis contentionibus, & omnino ad res impediendas citius quam expediendas valitura. Igitur videmus difficilime ad usum traduci, si quos Lex civilis naturali isti formulæ limites ponat. Et vix est, ut Budæi nostram rem attingat, cum in Annotationibus ad Pandectas, ita scribit: Hoc loco prætermittendum non viderur, quod in constitutione quadam anni 1294. à Rege (nisi fallor) Philippo cognomine Pulchro sacrata, caput unum verbis vernaculis in hanc sententiam legimus: Quod si ii judices, qui in maximo tribunali erunt, sententias suis diversa censuerint, Principes aut Præsides curiæ (hi autem sunt Antistites & primores nobilium) ex majoris partis sententia rem decernere ac pronuntiare debebunt; aut etiam ex potioris, si quando ex consensuum gravitate & meritis; aut ex rerum decernendarum qualitate eis videbitur. Ex quibus verbis intelligimus perpetuum hunc morem non fuisse numerandarum sententiarum. Utrum autem præstare videatur, nos in medio jam diu positum relinquimus. Accurate loquendo ad Legem de jure majoris partis, non spectat hæc constitutio. Hinc enim constituuntur Judicum ipsorum veluti judices & arbitri, qui definiant, quæ pars potior sit, eamque præferant. Ita in Regno, quando Collegium Judicum à Rege institutum sententiis dissidet, superest Regis arbitrium, quo potior sententia eligi potest ac stabiliri. At Lex de jure majoris partis, eam quoque vel præcipue, rationem habet, quod qui pares jure sunt, nolent postponi suam sententiam, aut comparari, nisi eo modo, qui æqualitatem juris relinquit salvam, id est, numero.

Magnum habemus hujus difficultatis exemplum, in Senatusconsultis Comitiorum Imperii Nostri : quando quæritur , *utrum plura an saniora suffragia valere debeant ?* sicut apud *Scriptores Juris Publici* *Limnaum* , *Arumæum* , *Bertramum* , & alios , licet animadvertere. Exceptiones quasdam necessarias fecit varietas temporum ac negotiorum : neque negaverit aliquis veram esse cautionem quæ etiam in negotio eligendi Imperatoris a quod *Limnaum* traditur, I. P. 2, 3, 66. Hæc atque talia , qui Respublicas liberas condunt , accurate debent prævertere ; negotiisque civilibus expediendis, jus majoris partis, in quantum fieri potest , interpretari. Quæcumque enim collegia , sub summa potestate , judicant aut deliberant , eorum sententiæ possunt ab ipsa summa potestate ad ordinem juris & utilitatem reipublicæ facile attemperari. At in collegio, summa civili potestate prædita , si major pars , de republica decernat , quod in reipublicæ noxiam haud obscure tendit : quo remedio pro republica intercedent ceteri ? an provocabunt ad populum ? cui non est relicta potestas tractandæ reipublicæ. an dices , naturaliter populo salvum esse jus intercedendi, ne quid respublica detrimenti capiat : idque etiam tacita exceptione satis caveri ? periculose philosophaberis , & dum uni malo occurras , pluribus te indues. An minor pars eorum, quæ jura imperii participant, summa ope obnitetur parti majori ? frustra sine vi ; si vis comparetur , civile bellum incipi , palam est.

Jam, si pars major , in damnum minoris aliqua decernat , quo remedio se tuebuntur , in quos hoc onus præparatur ? Dices , ex primæva voluntate judicandum esse de jure partis majoris , quæ non credenda sit talis fuisse, ut minorem partem opprimeret , sed tantum vinceret ; neque jus corporis exerceret in partes omni modo , sed certo modo. Esse igitur indubitati juris , ne stetur parti majori, ubi de minuendo jure sociorum & communem rem habentium agitur. Fateor jus partis majoris, usu, non abusu definiendum esse : sed, ut sunt humana, nisi ab initio certa lege , abusui obex ponatur , & in irritum vocentur

centur tales actus, parum erit reipublicæ consultum. Ita potest accidere, ut qui de republica statuunt, inter se, variis modis discrepent, nec diversa modo, sed contraria alter alteri consilia, propositaque sequantur; in uno tamen ad extremum plures consentiant, ut prætextu reipub. pars major sibi potentiam & licentiam infinitam sumat. Quæ pericula, initio constituendæ reipub. anteverti debent. Si tamen accidant, & pars major insolentius & præter fas agat, an dicenda tum erit civitas egisse quod actum est? Ita videtur. Fac enim in Democratia populum aliquid decrevisse, nullo jure, nullo more: cui, nisi civitati, quamvis male decreta, tribuentur? Quæ instantia *Aristoteles*, diversum sentientes amolitur 3. *Polit.* 1. loco plerumque parum intellecto. Sed quæ subsit difficultas, omnes vident.

Nobis, ut, quo contendimus, perveniamus, non omitterenda est quæstio: *quæ dicatur pars major?* Potest sane constitui, & constitutum alicubi apparet, ut ex tribus partibus, duæ, majoris partis nomen demum mereantur. Novimus etiam, constitui certum numerum sententiarum, quo pars major debeat alteram vincere. *Ærodius* in Lute-  
*Decr. l. 1. tit.*  
 tiana curia, ubi remota appellatione cognoscitur, majorem 16. §. 2.  
 partem in damnando eam vocari refert, ex constitutione Henrici, quæ duabus sententiis alteram vinceret. Egregium hoc temperamentum æquitatis esset, si in odiosis duæ, in favorabilibus una sententia ad constituendam partem majorem requirerentur. Sed hæc legis civilis opera sunt. Quando autem naturam rei interrogamus, major pars erit, etiam quæ una tantum sententia vincit. idque plerisque gentibus placuisse videmus.

Atque ita, veluti per gradus, devenitur ad nostram rem, id est, ad pares tabulas. Cum enim disputatur de jure majoris partis, & ad eam constituendam, vel unica sententia adhibetur: ex re ipsa subnascitur dubitatio, quid ergo agendum sententiis numeratis, si ne unâ quidem, superetur pars hæc ab illa, sed plane pares sint?

Quicquid ergo statueris, quasi supplementum erit Legis de jure majoris partis aut interpretamentum. Ac in deliberationibus quidem nihil ageretur hoc eventu. itaque non reperimus ferme Senatum, aut Consilium, in quo non sint Leges moresve, quibus paritas sententiarum, ad imparitatem redigitur, vel sorte, vel arbitrio alicujus è primoribus (ut ejus qui perrogat sententias) vel ipsa numeri deliberantium constitutione, aliisve inventis. At in judicio, æquissimum visum est, comparari pares sententias: quod & longe facilius, quam in deliberatione fieri poterat; & rationem habebat satis manifestam, sicut mox intelligetur. Utrobique autem (sive major pars potior videatur, sive in paribus mitior) plurimum interest, ut recte conjungantur ac dividantur sententia. de qua re, pleraque Grotius (I.B. 2, 5, 19.) sed ante eum Alciatus (Pæreg. lib. 9. cap. 14.) consignavere.

*Inquiritur in causas Legis de paribus tabulis: sive, quid pro æquitate hujus Legis, aut contra eam adferri possit ac soleat, expenditur.*

In Problematibus, quæ Aristotelicis operibus adjunguntur temate 29. c. 13. quæstio nostra ita proponitur: Διὰ τί ποτε ἕταιρ' ἐν τῷ ἐδ' ὅσῳ καὶ τῷ δίκῳ καὶ ἐκείνῳ ἡ ἀρετὴ ἴση, ὁ ἐδ' ὅσῳ νικᾷ; Cur quando pro reo & pro actore pares numerantur sententia, reus vincit? Verbis Quintiliani interrogaremus: Cur, si non plures pro accusatore, quam pro reo sententia fuerint, reus absolvitur? Referuntur autem ea, quæ Auctor Problematum prolixè responder, præcipue ad comparationem Actoris & Rei; sive facultas utriusque sive voluntas spectetur. hac fere summa.

Actori, ex preparato agenti, omnia proniora; reo, cui improvisa sæpe expedienda sunt, quique profutura non eque preparare potest, non una difficultas obstat, ὅτι δὲ κατὰ πάντα ταῦτα ἰσότη-

ἐλαττωμένον ὁ νομοθέτης τὸν φέρωντα, προσέβητο τῷ ἐδ' ὄντι, ὅ, τι  
 οὐ, οἱ δ' ἄλλοι ἀμφιδόξῳσιν. cum Legislator ergo videres, inferi-  
 orem per omnia rei partem, sive minus per omnia in parte rei quā acto-  
 ris esse, reo apponendū putavit, de quo iudices ambigerent. Cum præ-  
 sertim etiam reus in metu & periculo putetur facile aliqua prætermi-  
 sisse, aut non satis accurate tractasse: quod si secus factū esset, vincere  
 videatur potuisse. Aristoteles (Rhetor. ad Alex. 19.) ita complectitur,  
 ubi explicat, τὸν νομοθέτην τάξαι, τῶν ἡσίων ἴσων γινόμενων τὸν  
 ἐδ' ὄντα νικᾶν, legislatorem statuisse, ut paribus tabulis vincat reus:  
 quod legislator propter majus reorum periculum voluerit ταύτην τὴν  
 πλωρξίαν sive amplius aliquod momentum ipsis contribuere in cal-  
 culo. Hæc ad facultatem pertinent, & satis illustrantur va-  
 ria iudiciorum æquitate: ubi æquandæ, veluti conditioni,  
 aut compensandis, quæ defunt reo, omnium gentium po-  
 litiorum mores legesque videmus studuisse.

Illud fusius tractat Auctor, quod ad Voluntatem perti-  
 net: ut ostendat, in dubio majorem præsumi malitiam in acto-  
 re, quam in reo. Nam, si reus injuriam fecit, non statim con-  
 stat, an ex proposito fecerit deliberatoque consilio, multa enim ta-  
 dia sunt ira, metu, cupiditate, ignorantia, infortunio. At si quis  
 injuste accusare videatur alterum, is omnino semper ex proposito id  
 agere, adeoque peior esse putatur: cum præterea nec latere cupiat,  
 quod in alium molitur.

Quæ philosophia ultra scopum trahi non debet. Nam  
 quando æquis sententiis reus absolvitur, non statim eadem  
 opera accusator nocens judicatur, aut calumniæ notam in-  
 currit. Mansit, ut ante diximus, Eumenidibus salva exi-  
 stimatio, etiam si absolutus esset, quem accusaverant. Imo  
 Julianus (in laudibus Eusebii) partem hanc legis facit de pa-  
 ribus tabulis, utrumque (actorem & reum) crimine absolven-  
 dum: τὸν μὲν ἐπ' ἀγῶνι τὴν κατηγορίαν, τὸ δὲ δοκεῖν εἶναι συκοφάν-  
 τιν. τὸν δ' ὡς εἰκός, τὸ δὲ δοκεῖν ἰσοχον εἶναι τῷ ποινῇ δ' ὡς αὐτῷ actorem  
 quidem à calumniæ suspicione, reum à noxa objecti criminis. In  
 hunc sensum Declamatio Quintiliani. Lex, inquit, jubet eos  
 absolvi, qui pares sententias tulerint. — non ego arguo hanc  
 legem, sed dico esse communem. — Quod si pares sententia peri-  
 culo profunt, pro utroque sunt. Addenda sunt, quæ sequun-  
 tur,

Orat. 3.

254.



tur. In statu *qualitatis* actor etiam longe minus, quam in statu *conjecturali* suspectus esse solet.

Pergit *Problema*; & in æquitate Legis nostræ ostendenda, regulam de tutiore parte, quæ minus periculi habeat, eligenda, adhibet. ἐστὶ γὰρ ἑστὸν τῆς ἀμφοῖν δοξῆς τὸ ἐλάττω τῶν ἀμφοτέρων αἰπεῖον. Igitur in dubio tutius est vel nocentem absolvere, quam innocentem condemnare. Non enim potest corrigi damnatio semel injuste facta. at absolutio, nocentem vel emendabit, adeoque non pessime collocata erit, vel denuo peccanti poenam reservabit. Quidni ergo inter pares sententias mitior vincat? ut est apud Senecam Excerpt. Controv. l. 5.

Afferuntur porro affinia hujus æquitatis exempla. Ut: quod in iudicio, primum, momenti causa, deinde proprietatis iudicare soleat: donec scilicet, actor per idonea argumenta reo possidente se superiorem faciat. Cujus rei illustre specimen Symmachus dedit in causa Scirtii, prius de possessione, dilata proprietate, pronuntiandum ratus; sicut amplius explicat Cuiacius Observat. II, 35. Alterum exemplum, in Problemate, à prudentia & æquitate discipline domestica repetitur: quando Herus servum sibi de aliquo facinore suspectum non statim punit, sed potius, si nihil certius potest cognoscere, rem totam dimittit. Quod exemplum, quibusdam casibus hujus legis aptari, quibusdam non aptari potest. Grotius etiam à Dialecticis rationibus Legem ἰσοψησίας illustrat; per quas conclusio partem debiliorem sive minus onerantem sequi debet. adeoque non tam corrigit, puto, quam explicat; quod antea his verbis posuerat: Quod si pares sint sententia, nihil agatur: quia ad mutationem non satis momenti est; qua de causa ubi pares sententia sunt, reus absolutus intelligitur. Posita lege ἰσοψησίας non potest dici, nihil agi paribus sententiis: lex enim discrevit jam, ut hoc actum videretur, sive ut mitioris partis ratio potior haberetur. Ante legem ἰσοψησίας, semper tamen naturalis æquitas dictavit, prævalere partem tutiorem in iudiciis; sicut illatio naturaliter sequitur partem minus onerantem, non sane citra effectum. Jam reus absolutus intelligitur, non certe, quia ad mutationem

tionem non satis momenti est, sed quia efficaci æquitatis momento, in comparatione sententiarum absolutio damnationi præponderat. quod propterea etiam efficacius esse debuit, quando ipsa ratio dictat, eum casum, quo nihil actum censerî possit, in judiciis præsertim vitandum esse. Igitur cum dicitur, *in paribus sententiis non satis momenti ad mutationem esse*, solus numerus attenditur; qui, cum ad effectum negotii, sicut in jure majoris partis, valere non possit, natura ipsa *qualitatem* sententiarum, numero succenturiat: ut fiat, quod alii aliter, *Nazianzenus* ita extulit; *τοῖς ἀμφιβόλοις νικάτω τὸ φιλότιμον*. Scilicet, quod *Fabius* (VII. Instit. 4.) notat, divisionem illam, qua dicebant patroni, etiam si fecisset reus, ignoscendum fuisse, *in causis dubiis saepe prevaluisse*, scilicet naturali æquitate judicum animos huc vocante: illud indefinito dubitandi genere Lege constitutum est.

Hæc enim lex de paribus tabulis proprie *Æquitatem* spectat, sive *reperta est*, *ἐν μόνῳ τῶν οἰκονομῶν καὶ ἐπιείκειαν*, ad eam partem negotiorum & judiciorum, quæ ex æquitatis invento dispensantur. ut hoc verbis *Eustratii* dicamus. Unde totiens apud *Quintilianum* (declam. 254.) publice humanitatis nomen & propositum huic legi accommodatur. Inter alia: *Lex jubet eos absolvi, qui pares sententias tulerint. imputabitis istud publica misericordia, imputabitur humanitati*. Et *M. Seneca* (Excerpt. Controv. I, 2.) *Miraris in hac civitate misericordiam, in qua lex absolutionem dat paribus tabulis*. Hinc sumit *Cuiacius* quod dicit (observ. 12, 16. ad l. inter. D. de re judicata, quæ lex proprie nostram rem firmat & illustrat,) *hujus juris ratio omnis imputatur humanitati & publica misericordia*. *Misericordiam* intellige, & *humanitatem*, quæ sui propositi causas & rationes habet probe deliberatas. sicut ex iis, quæ dicta sunt, intelligi potest. Hoc scilicet est, ut rursus *Eustratii* æquitatem explicantis erudita sententia utamur: *κρίνειν μετὰ γνώμης τὴν ἐν συγγνώμῃ* dum judex æquus rei miseris & forti hominum condoleret & rationem quodammodo condescendendi invenit: *τὴν ἐπιεικῆς τῷ κρινομένῳ συγκαταβαίνοντα*, sicut Græce elegantius exprimitur, ab *Eustra-*  
tius

119 ; qui mox etiam iudicis æqui sententiam dirigi vult partim ἐκλεῖ seu misericordia, partim τῇ τῆς μετεώτης συγκρατασί moderationis in civilitatem descendenti temperamento.

Potuissemus illustrandæ huic æquitati, adhibere Augusti, qui summus æquitatis artifex fuit, inventum, cum cognoscentibus de falso testamento iudicibus, præter tabellas ordinarias, novam dedit, qua ignoscetur iis, quos fraude ad signandum vel errore inductos constitisset. memorante Suetonio in Aug. 33. Sed malumus in iis manere, quæ proprie argumenti nostri partem constituunt, aut speciem attingunt. E quibus figuratum quidem, sed apprimè appositum est illud Juliani in laudibus Eusebiæ, ubi de nostra lege loquitur : τῆτον δὲ φιλόανδρον ὄντα καὶ χαρίεντα τὸν νόμον ἐπὶ τῶν δικῶν, ὥς βασιλῶς κείναι, σωζόμενον, πρότερον αὐτῇ καδίστησι. ἢ γὰρ ἂν ὁ φάγων παρ' ὀλίγον ἔλθοι τὴν ἵστυν ἐν τοῖς λιγροῖς λαγεῖν, πέσει τὴν ὑπὲρ αὐτοῦ δέησιν προδίδουσα, καὶ ἰκετησίαν, ἀφίνας πάντως τὰς αἰτίας. Legem hanc (de paribus tabulis) humanitate & comitate præstantem, qua in iudicio, ubi Imperator cognoscit, obtinet, Eusebia adhuc humaniorem efficit ac mitiorem. Quando enim reo ad parem sententiarum numerum aliquid deest, ipsa apponit momentum, suas preces ; eique à marito Imperatore absolutionem impetrat. En novam Minervam, æquitati, cuius altera illa repertrix, imitatione pulchra suffragantem !

Quod adversus hanc legem obiici poterat, præcipuum hoc est : Antiqua Lex est ; Qui capitis accusaverit, neque damnaverit, ipse capite puniatur ; apud Quintilianum decl. 331. ubi & additur : Non potest omnino ista circumscribi religio & severitas iudicii, ut non penam det pars utralibet. Jam si paribus tabulis absolvitur reus, quid accusatore fiet ? an pœnam legis, aut certe infamiam calumniæ sustinebit ? neutrum jure. Absolutus est quidem reus : sed innocentem se esse accusatori nondum persuasit. Sicut nec iudicibus. interrogemus partem iudicum alteram : necesse est fuisse aliqua, quæ moverunt illam iudicum partem, quæ tot tristes sententias effecerunt.

Quint. de-  
clam. 254.

*Tant.* ut *Declamator* amplius disputat. sive ut *Seneca* ad *parricidam* æquis sententiis absolutum : *Quarum quam multis non placeam ? si unum adjecero, parricida es.* Verum huic dubitationi antea satisfactum est. nisi quod restat illa difficultas, si quidem accusatori victo non capitalis pœna, sed victori præmium lege promissum sit, quid faciendum, si reus beneficio *isodiplas* evaserit ; an scilicet tum accusator etiam præmio, e. g. restitutione in patriam, excidere debeat ? Quæstio est, facunde tractata apud *Quintilianum* *decl.* 254. Ubi satis tamen ostendit *Rhetor*, æquitatis & summi arbitrii, non ordinariæ & legitimæ actionis rem esse, dum accusatorem victum non audet inducere præmium petentem : sed ipse suasoriam novæ legis super hoc negotio adornat.

Quid, si quis iterum æquitati nostræ legis obvertat periculum exempli, quod ex absolutione ejus, qui non plura pro se quam contra se suffragia tulit, emergere potest ? Quid enim æquius videtur, quam mori tot sententiis damnatum, confessum ? cui enim reservabitur hic ? videlicet egregium exemplum civium futurus est, qui sic vivit, ut damnari potuerit. ita apud *Quintil. declam.* 365. Quam multi postea periculosa reipublicæ vota facient, quæ iterum *declamator* (331) expressit : *Utinam mihi contingeret apud eosdem illos judices causam dicere, qui istum absolverunt, homines mites & misericordes, & qui turpissimos quoque cives tamen servare maluerint.* Respondeat *Seneca* ad hæc ; ille non quidem reipsa sed verbo, veniæ & misericordiæ iniquior ; cum revera sub clementiæ nominibus omnia largiatur, contra quæ sub diversis vocabulis disputat. *Verecundiam*, inquit, peccandi facit ipsa clementia regentis. Gravior multo pœna videtur, quæ à miti viro constituitur. — *Clementia liberum arbitrium habet : non sub formula,* 2. *de Clem.* 7. *sed ex aquo & bono judicat. & absolvere illi licet, & quanti vult taxare litem.* Nunquam potest reip. nocere quod magna ratione administratur. Summa autem ratio est, parcere ei, de quo in utramque partem dubitatur.

Non enim credo, quenquam futurum, qui dicat, posse fieri, ut altera pars dubitantium, mitior scilicet,

corrupto iudicio utatur. Idem enim hoc exemplo, suspicari licuerit de diversa parte. Quod si illuc devenire cupias, ut putes, vitium partis mitioris aliquando illis, qui studio partium vacant, manifestum esse: nondum tamen iniquitatem legis argues. Nulla lex ita scribi potest, ut omnibus hominum versutiis occasionem præcidat: multo minus, ut omnes animi affectus extinguat. Si ergo superior superest, qui de iudicum calculis sententiam ferat, remedium in promptu habetur: sin; religioni iudicum & conscientiæ, adeoque etiam justæ Nemeli omnia permittenda sunt: in quo dubitandi genere, si quis incerta omnia velit certa facere, is quidem hoc agat, ut cum recta ratione insaniat.

*Exempla cognitionum, & iudiciorum, quæ ad Legem ἰσοψηφίας pertinent.*

Antiquissimum hujus generis exemplum Varro in *caussa Marti* ponit, non condemnati, ut quidam imperitia Græcæ linguæ historiam acceperunt, sed absoluti. de quo jam ante vidimus; cum testatiore memoria, *Orestis causam* primum huic Legi occasionem dedisse, annotaretur. Apud *Thucydidem lib. 3. in causâ Mitylenæorum*. quos omnes occidendos Cleon, magnæ parti Atheniensium persuaserat, vicit tamen Diodoti sententiâ mitior, non minori scilicet civium parti probata. quod amplius explicat *Ærodius Decret. lib. 3. tit. de re judicata. & de effectu sententiarum*.

In Romana historia Marcius Coriolanus iudicium majestatis subiit, referente *Dionysio Halicarnassæo libro VII.* & damnatus est. Verba sunt Historici: *μῖαs γὰρ ἔ' ἕκοσι τότε φυλῶν ἴσων, αἷs ἡ ψῆφος ἀνεδόθη: τὰs ἀπολυτάs ἔχεν ὁ Μάρκιος ἐννία. αἷs εἰ δύο προσῆλθον αὐτῷ φυλαί, διὰ τῆw ἰσοψηφίαν ἀπὸ αὐτοῦ ἂν, ὥσπερ ὁ νόμος ἡξίς.* Cum viginti & una tribus suffragium ferrent, Marcius novem habuit absolventes. igitur, si dua adhuc ipsi tribus accessissent, absolutus esset, pari sententiarum numero, sicut

lex

lex jubeat. Libro autem sequenti (VIII.) ipse apud Volscos, se duobus tantum suffragiis concidisse, ait. Plutarchus in Marcio : τίλος δ' αὖ τοῖς εὐλαῖς τῆς ψήφου δοθείσης, αἱ καθαιρούσαι τρεῖς ἐγένοντο. Cum demum tribus juberentur in suffragium ire, tres fuere, quæ condemnarunt. Ad quæ ita Cujacius : Male Dionysius ; cum essent XXI. tribus & absolverent Coriolanum IX. si accessissent ei alie duæ, absolutum cum fore dicitur ἵνα τὸν ἴσχυοντο. nec enim pares sententia fuissent, sed una major absolutio Coriolani. quem rursus, quod idem, duorum judicio damnatum ait l. VIII. & Plutarchus trium. utramque verum esse concedo ; duarum scilicet quæ absolutioni decrant, & trium quæ condemnationi supererant.

Obfer 9. 12. 16

De Mario itidem Plutarchus, quod in judicio primis diebus satis infestos judices expertus, ad extremum præter opinionem evaserit, ἵσχυον τῶν ψήφων περιουσίαν cum sententia pares essent. Idem scriptor in vita Catonis Uticensis tradit, quod in causa Scribæ, crimine falsi postulati, cum uno calculo absolventes vincerentur à damnantibus (ἐπεὶ μὴ ψήφῳ τὰς ἀφαιρέτας ὑπερίβαλον αἱ καθαιρούσαι) M. Lollius Quæstor, per causam valetudinis absens lectica illatus, apposuerit absolventem (ἐδίδω τὴν ἀπολύουσαν) sive pares effecerit sententias reumque damnationi eripuerit. Adde Ærodi Decret. lib. 1. tit. 16, 2.

Apud M. Senecam Excerpt. Controv. III, 2. Lemma est : Parricida aquis sententiis absolutus. Quæ subjiciuntur, paucula sunt : in iis, subtilis sententia ; non absolverunt reum, sed saculo pepercerunt : illustranda exemplo & consilio Augusti apud Sueton. cap. 33. Quintiliani Declamatio CCLIV. hoc titulo præscribitur : Exul accusator, & sententia pares. ex qua tractatione, ante suis locis quædam sunt adducta. Non pertinet autem huc, quod in ejusdem Declamatione CCCLXV. (cui hoc est argumentum, De vi, septem judices) inter alia dicitur : Quid si duo ignominiam pronunciarent, duo exilium, duo mortem, unus (ut plerumque evenit) taceret ? sine dubio pares essent sententia. In tali enim casu nemo esset, qui absolveret : nos autem hactenus de paribus sententiis loquimur, quarum altera pars absolvit reum. nisi quod similitudine quadam rationis, æquum videri potest, hic quoque mitiorem è pariter damnantibus sententiam præferri. Cujus rei propius

pius exemplum Plinius proponit Ep. VIII, 14. *Fingamus, inquit, tres omnino iudices in hanc causam datos esse: horum uni placuisse perire liberos; alteri, relegari, tertio absolvi: utrumne sententia duæ collatis viribus novissimam periment, an separatim unaquæque tantundem quantum altera valebit? — At enim futurum est, ut si dividantur sententia interficientis & relegantis, praevaleat illa quæ absolvit. quid istud ad censentes? quos certe non decet omnibus artibus, omni ratione pugnare, ne fiat, quod est mitius.*

## VI.

## DE RELIGIONE MANDATI.

ad

*A. Gellii lib. I. cap. 13.*

*Quam de mandatis questionem Gellius proponat, & quomodo eam tractet, summatim designatur.*

**D**E mandatis religiose observandis, Gellius in Noctibus Atticis, quæ elegantissimam rerum humanarum elucubrationem habent, hanc dubitationem proponit: *Quæsitum in philosophia, quidnam foret in recepto mandato rectius, idne omnino facere, quod mandatum est, nonnunquam etiam contra, si id speres ei, qui mandavit, utilius fore. Ita in lemmate. Postea: quæri solet, an, negotio tibi dato, & quid omnino faceres definito, contra quid facere debeas, si eo facto videri possit res eventura prosperius, exque utilitate ejus, qui id tibi negotium designavit.*

Super hac quæstione diversas virorum prudentium sententias reperiri ait: *Quosdam enim omnino mandati religionem conservandam, etiamsi repentinus aliquis casus rem commodius agi posse polliceretur, statuere: Alios existimare, certa ratione aliquid recte adversum mandata fieri. Prioris sententia fulcimenta hæc adferuntur: primo, quod mandantis de re mandata, semel*



semel scilicet statuta deliberataque, esse debeat arbitrium; non transferendum alio, sine periculo transferentis, & ejus, à quo transfertur. Si enim (quæ *secunda ratio* est) eventus non respondeat, indeprecabilis imminet poena imparentiæ. Sin (*tertio*) melius successerit negotium, fortunæ quidem aguntur gratiæ; sed exemplum dissolutæ religionis mandatorum non absolvitur; cum manifestam noxam minetur, qua etiam bene consultata consilia corrumpi queant.

*Altera sententia* rursus in duas partes discedit: dum *partim* in mandatorum, *partim* in mandantis ingenio quæstionis definitio quæritur. In *mandatis*, trutinam prudentiæ adhiberi volebant, si collatis inter se incommodis & commodis, quæ exspectari possunt contra mandatum faciendo, plus acquiratur, spe explicata, boni; quam decepta, mali. In *mandante* jubent considerari, delecteturne Manlianis imperiis; quibus omnino parendum sit: an molliora jussa ingenio tractabiliori debeantur.

In utram autem partem pronuntiandum sit, sive, utra ex his potior haberi sententia debeat, *Gellius* non decernit. nisi quod haud absurde putes, priori sententiæ, quæ *mandatis* omnino inhærere jubet, magis eum favere, dum *Crassi Muciani* judicium factumque subjicit, qui magistrum architectonem severe mulctavit, *quia ad id quod jussus erat, non obsequio debito, sed consilio non desiderato respondisset.*

*Philosophia hujus loci, ex suis originibus & causis, per naturalem consecutionum seriem repetitur.*

Ac instituto quidem *Gellii*, satis erat, ista consignasse. ceterum ad intelligenda totius quæstionis momenta, operæ pretium fuerit, philosophiam de mandatis non carptim, sed accurate repetere; quippe quæ non parvum in omni vita usum habere deprehendatur. *Mandati* vox ipsa, duobus potissimum modis accipitur: *primum*, quatenus cum jussu

sione coincidit, & mandantis potestatem includit: sicut in tota Gellii disputatione, ubi & cum imperio, praecepto, jussu permutatur: deinde, quatenus mandare idem est, quod commendare, teste Nonio, qui Latine ait dici, procuracionem mandare. Et Isidorus, Mandatum putat dictum, quod olim in commisso negotio alter alteri manum dabat. Caetera figurata sunt: quando exempli causa, consilium voce mandari signatur. ut in illo Plinii: de eo, quod desinaveris, non esse consulendos, quibus consultis obsequi debeas. Auctoritatem enim consulentium, non potestatem in oculis habuit. quod ex praecedentibus clarum.

Orig. l. 4.  
cap. 24.

Epist. IX. 13.

Certe, qui rem ipsam meditatur, haec sibi proposita inveniet duo mandatorum genera: quorum illud, mandata imperantis: hoc mandata committentis; ibi *κελεύει*, hic καὶ ἀναλογίαν complectitur. Quamquam mihi quidem superfluum videtur, similitudinem quaerere in iis, quae plane diversa sunt, nec unis fundamentis innituntur. Quare de utroque genere, seorsum ut agamus, manifesta ratio juber.

Et priore quidem sensu, Mandatum, jubendi potestatem & obsequendi necessitatem, quae naturali nexu se invicem respiciunt, complectitur. Posito enim ordine imperandi & parendi, necesse est, mandari locum esse, quae imperantes jure suo jubeant, parentes ex officio suo obsequantur. Atqui illum ordinem imperandi & parendi, natura ipsa sancivit, teste Philosopho, διὰ τὴν κοινωνίαν, ut hominum societas, quam omnes appetunt, vere socialis, id est, sociatis felix & fausta esset.

1. Polit. 1.

Idcirco etiam inprimis illis simplicibus & privatis societatibus, quarum tanquam rudimentis ad publicam confociationem venit, naturaliter æquissimum, & ad finem societatis colendae, necessarium erat, liberos parentibus, uxorem maritis, familiam dominis obsequi. nisi quatenus publica societas privatarum societatum imperio obsequioque modum ponit. Non equidem natura tollit, quae ipsa peperit, jura; sed in illis, quae communem originem habent, naturaliter ordo requiritur; quo salvo, nequit fieri, ut minus imperium majori opponatur; ut Dominus,

aut

ut Pater, aut maritus possit jubere; quæ summa civilis potestas suo jure vetat.

Quæ enim à publica potestate mandata profisciscuntur, ea modum accipiunt à fine publicæ consociationis. Nimirum, ut finis civilis societatis obtineri posset, necesse erat, esse in ea, summam aliquam potestatem jubendi & vetandi vel per se, vel per alios, vel universè, vel singillatim; vel in commune, vel in certo negotio, quicquid dirigendis ad illum finem actionibus inservit. Fallit enim, quod veterum nonnulli disputarunt, hunc finem, sociatorum scilicet felicitatem, aliquando citra ejusmodi potestatem, obvenisse: quasi vetustissimi mortalium, cum nihil contra morem cuperent, nihil per metum vetari debuerint, verbis Taciti; aut quasi ad beatam vitam idem fuerint valitura decreta philosophiæ, quod mandata potestatis civilis, sicut Plutarchus adversus Colotem autumat. Quæ sententia, nisi ad quandam *ἐν ὁδῷ σωφροσύνης*, qua tempora temporibus, homines vetustiores junioribus in eadem civitate comparantur, referas, experientia omnis ævi refellitur. Sicut ex diverso verissime contrarium affirmat *Aristoteles Ethicorum Nicomach. X. cap. ult.*

Dicuntur sane, præsertim Stoicis, *Decreta & Præcepta*, quæ vel in commune, vel ad singulorum officia & personas, facienda aut vitanda, philosophia præscribit; neque alio censi argumentum mandata fas est, ut mox patebit: sed mandata tamen non sunt, id est, non transferuntur in rem præsentem, & ad civilem felicitatem obtinendam applicantur, nisi accedat potestas mandatrix. Illustrat hoc, exemplo Legum, Seneca, quæ non adhortantur tantum in officium, sed cogunt, & à scelere deterrent. quid enim, inquit, aliud sunt leges, quam minis mixta præcepta.

Interea id quoque ad naturam mandati, qua mandatum est, pertinet, quod fieri debet in re honesta & possibili. Si enim ordo jubendi & jussa obsequendi, publice privatimque, à natura rationali & sociali est, cum ratione & societate pugnat, jubere id, quod damnat suprema & æterna ratio, omnis humanæ voluntatis & socialitatis mensura, regula, moderamen irrefragabile. de qua re pulcre

Hiero-

*Hierocles* differit, ad illud *Pythagoreorum* : τὸς τῶ γονεῖς τι-  
μα : si quando contingat parentes jubere, quod lex divi-  
na vetat. Addenda est *Gellii* nostri disputatio lib. 2. cap. 7.  
*Contr. 14.* Hic nimirum valet, quod apud *M. Senecam* dicitur : ad qua-  
dam nulla debet necessitas compellere.

17.

*Apulei.*  
*Miles. 6.*

Atque ista in genere morali, fieri non posse dicuntur, &  
ad voluntatem agentis pertinent. quod si jubeantur ea,  
qua etiam naturalem agendi facultatem excedunt, qualia in fa-  
bulis iratæ *Veneris* mandata finguntur, tum id diceretur,  
quod intelligi nequit, quodque si ponas, ponendo tollitur.  
Omnis autem jubendi ratio effectum respicit, & in socia-  
torum cœtu, actionum communicatione perficitur.

Neque hic plus potest, quæ in civitate summa est, po-  
testas. Præterquam enim ; quod

*omne sub regno graviore regnum est,*

Divinoque imperio non secundum modo, sed subjectum  
cognoscitur, quicquid in humanis summum appellatur:  
etiam illud clarum est, potestatem civilem, ad comparan-  
dam civitati felicitatem, repertam esse. cum ergo, non nisi  
honestis actionibus obtineri felicitas possit, consequens  
est, ut juberi nequeat, quod huic fini repugnat. Unde  
contra naturam est, illud *Tyrannorum*, quod *Poëta* ex-  
plicat.

*Quod non potest, vult posse, qui nimium potest.*

Cumque *Honestæ*, si quis accuratius vocabulis uti ve-  
lit, triplicis sint generis ; *Iusta*, *Licita*, *Decora* : mandata  
*primi generis* imitantur jus præceptivum ; *secundi generis*, jus  
permissivum, sicut in scholis vocamus ; utraque autem  
*1. Offic. 27.* ad justitiam mandantis referuntur : *Tertium genus* à *Cicerone*  
modestia, temperantia, moderatione definitur, declara-  
turque.

A *Possibilium* censu non excluditur, quod difficultatem  
habet ; si ea non sit insuperabilis. Potissima sane negoti-  
orum, minus sunt facilia. Quamquam gradus facultatis,  
nec ratiocinari, nec eligere, semper promptum est. Nisi quod  
(salvo

(salvo interim in cætera, præcipiendi jure) vix unquam, ad extremum usque, vires humanæ obsequentium, præcipiendo tentari debent.

Quomodo autem fient mandata, inquires? Respondendum est: ut intelligi possint. Est enim oppido alienum à jussionis natura, velle alterum obligare, qui non satis intelligat, ad quid obligetur. In reliqua formula, ad naturam mandati, nihil; ad negotii tractationem, plurimum interest; summam an singillatim, generatim & univarse, an speciatim & distincte, manifesto an occulte, libera an adstricta mandata præscribantur.

Equidem, cum ideo mandata dentur, ut fiat quod mandans voluit, *adstrictam & accurate definitam formulam in mandando usurvari debere* consentaneum est. Sed ea sæpe est negotiorum, præsertim publicorum, indoles, quæ in antecessum, ut sic dicam, repræsentari genuinis rationibus ac provideri nequeat. Igitur tum vel mittitur Legatus (sub exemplo ita loquemur) nullis satis certis mandatis, ex re consulturus, sicut libera Drusi mandata *reperitur Tacitus*: vel præscribuntur quidem, quam potest fieri accuratissime, mandata, adjecta tamen in fine clausula, *licentiam supplendi, qua res & tempus postulat, concedente*. qualis fere solet esse: *Cetera tua prudentia & fidei committimus.* 1. d. 24.  
Marcel. in  
Leg. 2. 4.

An & illud notare debemus? in omnium magnæ & amplæ rei mandatorum natura hoc inesse, ut & aliquid amplius, quam *discretis verbis scriptum est*, contineant, & aliquid naturalis restrictionis habeant, etiam cum non exprimitur. Verum hæc religiose existimanda sunt; id est, tali judicio dignoscenda, quod nemo sanus detrectare aut in dubium vocare audeat; sicut ex sequentibus amplius patebit.

Interim cum voluntas mandantis mensura mandatorum sit, custodiendos diligenter esse neque ampliandos, contrahendos, egrediendos, mandatorum fines, ultro intelligitur; sive mandatum, qua tale; sive mandatum, qua proficiscitur à potestate civili, naturaliter scilicet irrefragabili, spectemus, nam, si ubi jubeantur, *querere singulis liceat,*

*perculente obsequio, etiam imperium intercidit; ut est apud Tacitum l. H. 83.*

Ne ergo civitas frustretur suo fine, publici imperii auctoritas tali sanctimonia constituitur, quæ religionem mandati, suo jure sanciat. ita ut potestati mandandi, ex æquo respondeat, obsequendi necessitas, religio, & hinc unice petenda, gloria. Hujus ordinis cum summa ratio in republica haberi debeat, is autem obtineri nequeat, nisi huic fini universali ceteri fines cedant, hinc est quod potestatis mandantis non potest ea præsumi voluntas, quasi mandatum, per aliud æque utile, aut etiam utilius impleri cupiat. non enim consilium spectat, sed obsequium ejus, cui mandat: neque temporariam utilitatem perpetui finis detrimento emere velle credenda est.

Nisi in ipso mandato, aliquid evidenti & necessaria consequentia insit. Talia sunt: si constat, quod præscriptum est, non præscriptum fuisse sub speciali sua forma, sed sub consideratione generaliore, quæ aliter quoque obtineri possit, quo exemplo Grotius utitur de I. B. 2, 16, 21. si interpretatio verborum fiat, ad mandantis propositum, & mandati effectum, juxta rectæ rationis normam, & communiter receptas apud sanos homines regulas.

Extra certas istas & ab omnibus receptas sententias, periculosum est interpretari mandata, aut ambigua, si quæ sunt, extricare. Quamquam ambiguitas, ut ante diximus, cum natura mandati pugnat. nisi quod artificio aularum, ut aliarum rerum, ita hujus quoque, simulacra nonnquam adornantur. Hoc enim nomine vocari omnino debent, *ambigua*, quæ Legatis aliquando mandata dantur, apud *Fredericum de Marselaer in Lex. lib. 2. dissert. 3.*

His probe perspectis, quæ sit mandatorum publicorum religio, obscurum esse nequit: non tantum, quando *Leges* quoque hoc nomine veniunt; sed in ceteris omnibus formulis. *Mandatum* enim usus loquendi à *lege* fere distinguit, quatenus *hec* in commune fertur, seu potestatis mandantis communem voluntatem promulgat; *illud* certum negotium, certos homines actionesque respicit. Interim aliqua

aliqua mandata propius accedunt ad ingenium Legis: ut, quando magistratui præscribitur formula; quales *Cassiodori sexto & septimo libris* exhibentur. Opportune ad hanc distinctionem *Aggenus Urbicus in controversiis agrorum, de locis sacris & religiosis: Locorum autem sacrorum secundum legem P. R. magna religio & custodia haberi debet. nihil enim magis in mandatis etiam legati provinciarum accipere solent, quam ut has loca que sacra sunt, custodiantur.*

Jam, qui mandata excedunt, eos incurrere pœniam imparentiæ, recte est à Gellio positum. Quatenus autem id faciant cum damno mandantis, ita judicari potest, si de formula mandati accurate constiterit. Si enim is, qui mandatum accepit, jussus est nomine mandantis cum aliis agere & pacisci, ejus facto tenebitur mandator, quatenus voluntatem suam, utendi scilicet hoc instrumento, aliis declaravit.

Illustrat hanc rem *Grotius præcipuis, Legatorum & Ducum in bello*, exemplis. Si *Legatus* egerit, quod procuratorio instrumento continebatur, etiam si arcanis mandatis, quod interdum fieri solet, aliter facere jussus erat, mandantem nihilo minus obligabit. Sicut & *minorum potestatum e. g. ducum in bello* facta superior potestas obstringitur, si fecerunt, quod officio eorum probabiliter contineri censeatur; aut ex speciali præpositione ipsis convenire cognoscitur. de l. 2. 2. 11.

Ex iis, quæ dicta sunt, facile est dijudicare, quid ad naturam mandati pertineat, & ad obligationem, ex ulla parte pariendam, idoneum sit; quidquid aliunde accedat, consilioque ac proposito singulari debeat. Solenne est imperantibus, ad promptiora obsequia homines, etiam *promissis* propositis invitare. Sicut autem Legi aliquando pro-cæmum, sive potius suaforia additur, non quod legislatoris officio aut natura legis id proprie contineatur, sed ex alio civili consilio, quod *Plato* tantopere commendat: ita *de rep. l. 4.* mandatis aliis promissiones solent adjungi, rerum quas nec *extr.* debent mandantes; neque exigere possunt obsequentes; adeoque non ex juris aliqua necessitudine, sed per artem



14. A. 14. 7.

prudentiæ. valebit ergo hic illud *Taciti*: *merces ab eo, qui jubere potest, vim necessitatis affert.*

Idem de *precibus* nonnullis imperantium licet dicere: cum per figuram quandam civilitatis formula precandi utuntur in iis, quæ vim jubendi habent. His enim precum blanditiis quin minæ potestatis insint, nequit dubitari. Unde, quando simulationis potius callidæ, quam civilitatis causa adhibentur, *non sine irrisu audientium accipiuntur ejusmodi preces, notante iterum Tacito.*

3. A. 29. 1.  
C. 2.

Obsequentium officia, manifesta & indubia mandati formula, intra terminos honestatis, definiri ostensum est. Non desunt interim, qui Principis arcanam voluntatem, ingenium, mores, obsequendi legem & veluti formulam sibi callidis conjecturis proponunt. Est, ubi periculose. quippe *abditos Principis sensus, & si quid occultius parat, exquirere, illicitum, anceps, nec ideo assequare. Tac. 6. A. 8.* Est, ubi non infeliciter. si nihil in conjectando, perplexi; nihil in exequendo, ambigui subest. Nunquam autem gerentur ista ad obsequii regulam, quæ non eventu sed causis æstimatur.

4. H. 42.

Epist. III. 9.

Unde, nec imperii obsequiique necessitudinem recte interpretantur, qui flagitiosis Tyrannorum libidinibus, vel ultro jussi, vel ex notitia ingenii tyrannici, ministros se præbent. Igitur *Senatus Romanus, occiso Nerone, delatores & ministros, more majorum puniendos flagitavit, apud Tacitum.* Et in accusatione *Classici, Plinius, postquam ostendisset ipsum Classicum nocentem, ad socios ejus & ministros transiturus, antequam crimina eorum ingrederetur, ostendit, Ministerium crimen esse.*

Jam, cum vero vulgi verbo jactetur, *mandata stricti juris esse*, adeoque ex natura rei, vel levissima culpa præstanda sit, non uno tamen modo cecidisse iis animadvertimus, qui terminos mandatorum exceßerunt. Aliquando enim humanitas & benevolentia, in rationem juris successit. Aliquando necessitudo temporum in argumentum absolutionis valuit. Quid? quod more quodam ingenii humani, nulla philosophiæ regula, eventu arbitro

felix

— *felix scelus virtus vocatur.*

*Est omnino iniquum, inquit Plinius, sed usu receptum, quod honesta consilia vel turpia, prout male aut prospere cedunt, ita vel probantur, vel reprehenduntur. inde plerumque eadem facta, modo diligentia, modo vanitatis, modo libertatis, modo furoris nomen accipiunt.* Ep. IV. 21.

Dictum est ante, de honestate mandatorum. sed quid faciendum, si de ea dubitet, qui jubetur? an hic locum habebit vulgatum illud: *ne feceris, si dubitas?* Verum, id verbi, tum demum locum habet, si agendi arbitrium in te ipso & à te ipso est. in mandatis secus accidit: ubi non tua, sed mandantis voluntas præcipua actionis causa est. Possit forte aliquando (non enim semper) modestæ excusationi & deprecationi locus esse. sed si pertendat suum jus potestas mandatrix, in dubio, potius credi debet, honesta velle. Quippe cum de eo ipso dubitetur, an pro mandante, vel contra mandantem præsumendum sit, summa ratio jubet prævalere illam partem, quæ conservat ordinem imperandi, non quæ dissolvit.

Illo ipso ordine, inquam, imperandi & parendi hoc continetur, ne mandans teneatur semper obsequenti rationem reddere mandatorum suorum, atque ne obsequenti liceat, rimari causas ac disceptare. Indicat potestas civilis civibus arma, pecuniam, operas; illi dubitent, an honestis ex causis, consilioque probabili hoc fiat, an propterea detrectabunt? Minime gentium. cum præsertim sæpe ad universalem regendæ civitatis finem, inutile, imo noxium sit, causas belli subito incipiendi exactius statim & publice edisserere; aut aliorum negotiorum interiora vel juris vel consilii momenta evulgare. Accedit, & magnam rationem facit, quod ignorantia rei, non est idonea in hoc genere dubitandi causa. Sunt quædam, quæ ut dedecet exquirere, ita decet ignorare.

Itaque caute accipienda sunt, quæ tradit Grotius in opere (quod Seldenus nec immerito, *incomparabile* vocat) de Jure Belli 2, 26, 4. Respexit enim vir Pacis amantissimus, non semper ad id quod jure defendi potest, sed ad id quod

melius in civitate & optabilius esset. Itaque, cum dicit, *suasorias belli causas occultari, iustificas autem tam claras & evidentes esse oportere, ut palam exponi & possint & debeant*: quilibet videt, nec semper, nec omnibus causis iustificis hoc convenire. in promptu sunt exempla omnis ævi, ubi nec factum est, nec fieri potuit, ut statim, & simul, omne jus belli promulgaretur. quinimo, præcipua sæpe ex iustificis causa, ob publicas magnasque rationes occultanda fuit.

Tale est etiam, quod §. 5. additur: *minime æquum esse, ut Christiani inviti cogantur militare*. Atqui ita futurum est, ut iustissimis & maxime necessariis ex causis bella geri nequeant: nisi vivamus in civitatibus, ubi omnes officio suo sponte fungantur. qualis in mortali quidem ævo nulla sperari potest. Loquitur historia delectuum militarium olim & hodie.

Hactenus de *mandatis*, quæ vi jubendi constant, egimus. pergendum est ad *ea*, quæ volentibus tantum committuntur, quæque recipere aut recusare licet. Hoc genere mandati, *negotium aliquod conficiendum curandumve alteri committitur*. Qui *negotium suscipit*, in iudicio præsertim, *procurator* dicitur, teste *Asconio in Divinat. Verrin*. Ita *Procurator*, ut *Sextus Pompejus* notat, *absentis nomine actor fit*. Sed & extra iudicium, si rem aliquam tibi mandavero curandam, & tu receperis in te meo rogatu, sub ea formula, quam præscripsero, ea conventio inter nos locum habebit, cuius vim hic quærimus. *Mandatores & Mandatarii*, qui commendant, & qui suscipiunt, appellantur.

Hanc conventionem, tanquam unicum fundamentum sustinet *Fides communis*, quæ omnibus debetur; sicut *Cicero* describit: *dictorum scilicet conventorumque constantia & veritas*, ut *fidem* alibi vocat. Fide omnis societas continetur; fide omnis negotiorum communicatio perficitur. Fidem autem suam obligat, qui suscipit in se alterius negotium; imo ipse mandantis personam induit.

Hinc *Atticus* apud *Nepotem*, in tuendo, quod semel admisisset, tanta erat cura, ut non mandatam sed suam rem videretur

187

lib. 1. ad  
R. Fr. ep. 1.  
la. offic. 7.

cap. 15.

tur agere. Magnifice hanc philosophiam illustrat Cicero: *Or. pro S.*  
 quibus in rebus ipsi interesse non possumus, in his opera nostra vica *Rosc. Am.*  
 ria fides amicorum supponitur: quam qui ledit, oppugnat omnium *cap. 38.*  
 commune præsidium: & quantum in ipso est, disturbat vitæ societa-  
 tem. Non enim possumus omnia per nos agere, alius in alia est re  
 magis utilis. — Ostendit postea non fidem modo, sed ami-  
 citiam violari neglecto aut converso ad aliud mandato:  
 quod neque mandat quisquam sere nisi amico, neque credit, nisi ei,  
 quem fidelem putat.

Quo autem liberius in his mandatis convenitur, eo  
 magis peccat, qui rem inhonestam mandari sibi patitur,  
 cum possit ultro recusare. Qui majora viribus suscipit, in-  
 super stultus est. Quæ autem suscepta sunt, quin intra  
 terminos mandati geri debeant, non sinit dubitare ratio  
 bonæ fidei: quæ non patitur mutari, quæ commissa, quæ  
 recepta sunt. Sed nec formam mandati aliter interpre-  
 rari licet, quam in ceteris mandatis ante dictum est. So-  
 la consuetudo communis, ratio communis, & confessa a-  
 pud omnes consequentia, hic locum habent.

Sicut igitur in societate inæquali, ipsa ratio inæqua-  
 litatis, id est, ordo imperandi; ita in societate æquali, i-  
 psam unicum æqualitatis vinculum, id est, fides socialis  
 & communis, mandatorum religionem sancit, quam ce-  
 teris formulis Lex civilis præscripsit, summam ita desi-  
 gnante Cicero: In privatis rebus, si qui rem mandatam non mo-  
 do malitiosius gessisset, si questus aut commodi causa, verum etiam  
 negligentius, cum majores summum admisisse dedecus exstimabant.  
 itaque mandati constitutum est iudicium, non minus turpe, quam  
 furtum. Iterum: In minimis rebus, qui mandatum neglexerit,  
 turpissimo iudicio condemnatur necesse est. — In minimis priva-  
 tiusque rebus etiam negligentia in crimen mandati iudiciumque in-  
 famia revocatur. — si hanc ei rem privatam R. mandavisset,  
 move eam rem fidem suam, si quid opus esse putaret, interponeret,  
 ille qui sese factum recepisset, nonne si ex eo negotio tantulum in  
 rem suam convertisset, damnatus per arbitrium, & rem restitueret,  
 & honestatem omnem amitteret?

*Orat. pro  
 Sex. Rosc.  
 Am. 38.*

*cap. 39.*

Produ-

Producitur hinc argumentum ad publica mandata per comparisonem: *In re tanta, quæ publice gesta atque commissa sit, qui non negligentia privatum aliquod commodum laeserit, sed perfidia legationis ipsius carmoniam polluerit, m. culaque affecerit, quæ tandem pœna afficietur, aut quo iudicio damnabitur?*

*Ad quam philosophia partem pertineat, de mandatis agere, ex Gellio proponitur.*

Atque ea quidem, quæ de mandatis disputantur, in philosophia disputari, ab initio statim Gellius monuit; nec locum philosophiæ tacuit, cum hanc materiâ reposuit in officiis capiendis, censendis iudicandisque, quæ Græce καὶ δύνοντα philosophi appellant. Civilem enim prudentiam hac descriptione designari, notissimum est iis, qui stilum Veterum non ignorant. 10. c. 22. eam Gellius ipse alibi, virtutum omnium disciplinam vocat, quæ in publicis simul & privatis officiis excellit, civitatesque & rempublicam constanter & fortiter & perite administrat: longe scilicet diversa à futili ista atque puerili meditatione argutiarum, nihil ad vitam neque ad tuendam neque ordinandam promovente, in qua id genus homines consenescent male feriati, quos philosophos esse vulgus putat; sicut amplius Noster annorat.

Nobilissimam & architectonicam disciplinam, omniumque aliarum, quæ ad actiones vitæ publice privatimque, in genere πρακτικῶν, quocunque nomine pertinent, & ratione humana, non revelatione divina repertæ sunt, Matrem, ab imperitorum injuriis defendere, res esset bono publico debita, sed in angustias hujus loci minime concludenda. Possunt alia occasione demonstrari, quæ sequuntur.

Habitu ex confusione disciplinarum compositum, qui civilis philosophiæ proprias opes laudesque ereptum, & ad alia nomina translatum est, portentum esse, ad instar cornicula Æsopica. Philosophiam civilem non esse vagam, incertam, dubiam, sed certis constantibusque actionum & consiliorum regulis niti. Civilem philosophiam,

NON

non præceptis tantum & communibus regulis, sed observatione & disciplina singularium absolvi: sicut in aliis quoque doctrinarum generibus, ex communibus systematum præceptis nemo alicujus doctrinæ peritus dicitur. Aristotelem ipsum monstrasse passim, quomodo à communibus ad maxime particularia descendendum sit. Quo non possit civilis philosophia in expediendis particularibus pervenire, nullam aliam disciplinam pervenire posse. Politici ergo studii partem alteram esse Historiam; ut ex methodo disciplina, & observatione singularium fiat, quod Aristoteles semper in hoc studiorum genere, fieri voluit, id est, ne divellantur τὸ, λόγῳ θεωρεῖται. & τὸ ἐκ τῶν γινωσκόντων καταμαθεῖν, sicut loquitur 1. pol. 3. unde & semper jubet τὰ κατὰ μέρος μᾶλλον ἐπισκοπεῖν. addita ἐπιχείρῃ, quod universalia tantum sectantes seipso decipiant, ὅτι κατὰ μέρος οἱ λέγοντες ἐξαπατῶσι ἑαυτοὺς: & declarata ratione, διὰ τὸ μὴ βέλτιον εἶναι κατὰ μέρος δηλοῦσαι περὶ πάντων. igitur ἀδύνατον ἀκριβῶς πάντα γραφῆναι. κατὰ μέρος γὰρ ἀναγκαῖον γραφῆναι, αἱ δὲ περὶ πάντων τῶν καθ' ἑκάστην εἰσι. 1. polis. 8. 3. polis. 7. 2. polis. 6.

Per imperitiam Politica & Historia, pudendos & periculosos errores, etiam qui ad perturbandas respublicas pertinent, tum in alias disputationes, tum quando de statu Imperiorum agitur, in vectos esse, quod congerie grandium exemplorum doceri potest. Miseratione & venia dignos esse; quos barbaries temporum à solidiore profectu abstinerit. Instauratis literis, civilis philosophiæ studia non sat exulta, sæpe etiam oppressa esse. cujus rei historia, verbis testium omni exceptione majorum texenda est. Ceterum, in tanta luce literarum, in divina beneficia, & instituta Academiæ injurios esse, qui inventu frugibus glandes præferre satagant. Hujus generis plerisque; in alium locum, ut cœpimus dicere, dilatis, ad mandata revertimur.

*Ex Historia hujus loci; & selectio-  
rum exemplorum meditatione, ma-  
teria de mandatis illustratur.*

Disciplinæ militaris non modica pars in mandatis accurate obsequendis consistit. Igitur cum apud Cæsarem

(de bello Gallico VII, 52.) milites à pugnando desistere iussi, ardore certaminis & spe victoriæ longius profecti essent, merito ob licentiam arrogantiamque reprehensi sunt, quod plus se, quam Imperatorem, de victoria atque exitu rerum sentire existimassent. Ex diverso laudem meritis est ab eodem Casare, Sulla, quod suos hostem longius, quam præceptum erat, insequentes revocavit. Licet enim plerique existimarent, si acrius insequi voluisset, bellum eo die potuisse finiri: ejus tamen consilium reprehendendum non videtur. alia enim sunt legati partes atque Imperatoris. alter agere ad præscriptum; alter libere ad summam rerum consulere debet. Sulla à Casare castris relictus, liberatus suis, hoc fuit contentus; neque pralio decertare voluit, quæ res tamen fortasse aliquem reciperet casum, ne imperatorias sibi partes sumissee videretur. lib. III, de B. civ. cap. 51.

Superioris sæculi anno LXXXVIII, celebris illius eladis, qua immanis Hispanorum classis ab Anglis multata est, causam aliquam in Sidonium classi præfectum nonnulli contulere, quasi nimia obedientia, ne mandatorum Regis religionem violaret, occasionem opprimenda in portu hostilis classis elabi è manibus passus esset. Sed excusabant hominem tum, plerique prudentes, qui regem tenacem esse eorum quæ mandasset, meminerant; & exemplum Joannis Austriaci, qui quamvis victor & frater Regis, tamen post illustrem illam victoriam navalem, haud parum incusatus fuerat, quod contra quam ei imperatum fuisset, à Rege, prælium commisisset, dubiamque fortunæ aleam tentasset; laudatis in eo consilio, Manliani Postumianisque exemplis. Memorat uberius *Famianus Strada* dec. II, lib. 10.

*Julium Casarem*, probabiles causæ, si ipsi credimus, in bellum contra Ariovistum concitaverant. Egressus tamen est terminos mandatorum, eoque nomine puniri potuisset; licet, non eo modo, quo inimicus Cato censuit. De qua re, digna philosophi eruditione differit *Grotius de I. B. I, 3, 5. & III, 3, 10.*

lib. I. c. II.

M. Antonio Triumviri patri, infinitum, ut *Cicero 1. Verriana*, & ex eo *Lactantius*, vocant, imperium attributum erat (ad *de Vell. 2, 31.*) nec desunt tamen querelæ, de liberiori usu pote-



potestatis demandatæ. *Asconii* stilum potius, quam rationem mireris, cum ita refert: *Quidam Antonius curator tuenda in Din.* totius ora maritima, qua Romanum erat imperium, non solum ipse nequam, verum etiam comitibus pessimis, rem inauditam invasit, & indicto Cretensibus bello, male re gesta ibidem periit, antequam Pompejus contra piratas missus est.

Sed quid *Taciti* *Mennio* castrorum præfecto faciemus? qui seditiosorum militum supplicium iussit, bono magis exemplo, quam concesso jure. quomodo bono exemplo, si non concesso jure, id est, si ultra terminos mandatæ potestatis? Agit hic *Tacitus* imitatore, ut sæpe, sententiæ *Livianæ*, sed cum erudita immutatione verborum. Apud *Livium* enim *Mæ-* lib. 4. c. 17.  
lius rem utilem pessimo exemplo aggressus dicitur. Apud *Eun-* lib. 7. c. 14.  
dem, res bona haud probabili exemplo acta: itemque consilium & c. 5.  
quamquam non civilis exempli, tamen pietate laudabile, memorantur. Figura & sententia simili *Suetonius* dixit: ne bono in Domo, quidem exemplo audendam esse patroni necem. Egit *Mennius*, quod in præfens utile erat; adeoque bono exemplo, quantum ad emendationem eorum, qui repressi sunt.

Idem diceretur exemplo non bono factum, si religionem mandati, & *Manlianorum* severitatem imperiorum in oculis haberemus. Sed quia semper dubitatum est, an non magistratibus & præfectis aliquando dari venia debeat, si rebus creperis, & urgentiore necessitatis articulo, præsidium à propria sapientia, extra terminos mandati mutuari essent; igitur iudicium de factis diversum, diversas peperit loquendi formulas; remque unam, non uno modo spectatam, bono exemplo, & non bono, agi pronuntiavit.

*Epaminondæ* factum, plebiscito non parentis, inter celeberrima hujus disputationis exempla jam olim agitarum est: sicut ex *Cicerone* (1. de invent. 33, & 38.) discimus. Minime omnium autem videtur solvere litem *Lambinus* in commentario ad *Corn. Nepotem*, qui in *Epam.* (cap. 7. & 8.) facundè describit historiam. Certum est totam quæestionem referri ad ἀντιπαράθεσις & ἰσχυρίσθαι.

Eam, qui non satis ratiocinari ac interpretari didicerunt, nunquam se extricabunt ex illa quæstione, quæ inter viros militares olim & hodie acriter disceptata est: an mandatis religiose obtemperandum, quæcunque acciderint, ne obsequio neglecto convellatur imperium; an ex necessitate mandata corrigant, & ad præsentem usum pro re nata accommodent, ne occasiones & rerum gerendarum momenta amittantur. Sicut formulam hanc occasione cladis Hispanicæ, de qua dictum, enuntiat

*Part. 3. Hist. Camdenus,*

*Inprimis malè gesta legationis actio apud Græcos, & veris causis frequens est: ubi juris loco queri solet, an omnino aliter agere, quam mandatum sit liceat: annotante Quintiliano. Illustre exemplum habemus in oratione Demosthenis contra Æschinem τῆς τῆς παραπλοσίας, ad quam Ulpianus Rhetor, annotat: ex duplici genere mandatorum, scriptorum, & non scriptorum, hæc maxime ad criminandum & incusandum obnoxia esse.*

*Hist. l. 13.*

Ex junioribus ita de hac re Gramondus disserit: *Quæ legati nomine injussus gesseris, sæpe reprobant, sæpe item comprobant Reges, ut fortuna dixit, lato aut infelice exitu. philosophantur oblique, qui rerum summam in aula tenent: raro illis ex causa iudicia sunt; qualis affectus fuerit, æstimatur qui negotium gessit. Hinc periculosum est, proprio motu ea exsequi, quæ pro variis eventibus varie pendi solent: quocunque tandem fortuna inclinatura sit, optima ejus causa, qui res in provincia administrans præsidium in aula mutuatur à rerum arbitro.*

Ex Mythologica Poësi, Mercurii descriptiones huc pertinent: in quibus philosophia mandatorum erudite exhibetur. Jove natus ille fingitur, in Olympo Deorum diversorio; unde origo mandatorum intelligitur. Hora exceperunt natum, notante Philostrato Juniore (Icon. lib. 1.) quia temporis momenta in obsequendis mandatis vel maximam vim habent. Adduntur salaria pedibus, industriæ ac celeritatis notandæ; ut & ministri Zephyri, eodem significato. Caduceus, insigne potestatis mittentis & mandantis. Eloquentia & prudentia, fungendis mandatis publicis, qualia legatis præcipiuntur, propria instrumenta.

*Hora-*

*Horatius, magni Jovis & deorum nuncium vocat: Virgilius 1. Carm. 62. (4. Æn.) inducit Jovem mandantem; Mercurium obsequen-* 10.  
tem: ubi *Servius* ad illud:

*Vade, age nate, voca Zephyros, & labere pennis,*

*ita annotat: singulis verbis, & jubentis, ut vade; & hortantis, ut age; & blandientis, ut nate, expressit affectum. quæ accipi debent juxta genium figuræ, de qua ante dictum est. Occurrunt talia apud poëtas passim. Apud Euripidem in Ione, Mercurius Apollini obsecutus, χάρις Ἀπόλλωνος πρὸς χάριν in gratiam ejus secisse se commemorat. Translulerunt hoc commentum etiam ad astrologiam: ut Mercurium Planetam talem fingerent, qualis esset, cui jungitur, monente Servio ad Georgica; cum adjecione: Unde etiam fingitur minister esse deorum, quod eorum obsemperat potestati.* lib. 1.

Sed impletus est modus hujus dissertationis, qua voluimus specimen rerum civilium studiosis designare, inquirendi paulo impensius in singulorum argumentorum interiorum philosophiam, unde quidquid subnasci dubitationum potest, haud difficulter dijudicare ac interpretari liceat. Quæ est vera necessitudo & οὐχὺς civilis prudentiæ ac Historiæ; nexu naturali non minus quam prudentissimis Inclyti Senatus Nostri legibus conjuncta, & Historiarum Professori commendata.

## VII.

## DE POTENTIA CIVILITATUM.

**I**Nsevit humano generi Optimus Maximus Conditor, societatis non qualecunque desiderium, neque cujusvis; sed quo excellenter concupisceret consociationem, suæ naturæ, quam ratio cæteris animantibus supervehit, consentaneam, id est bene compositam, bene instructam, rebusque expetitu dignis adornatam. Qui hujus voti compotes sunt, felices sibi pro mortalis ævi captu videntur. Fieri autem nequit, ut inter paucos ea rerum expetendarum vel

copia vel dispositio suppetat, quæ huic fini obtinendo par sit. Igitur multitudinis ope eo usque procedendum fuit, donec cœtus felicitatis parandæ tuendæque præsidii ac instrumentis præditus, in corpus & nomen Civitatis, vel unius, vel plurium regendæ imperio, redigeretur.

Ceterum expetenda, quibus felicitas constat, vel dignitate sua, vel fructu aliquo, vel utroque nomine pretium sibi faciunt: Honestaque, & Utilia, & Mixta appellantur. quanquam hoc tertium genus, ad meliorem vocabuli partem collatum, Honestis fere accenseri solet. Hujusmodi quæ sint, si quæraturn summatim; *incolumitatem*, & *Potentiam* civitatis, nominabunt veteres. quarum hæc illi aliquid superaddit; & præter salutem tutamque & integram conservationem, amplitudinem Civitati conciliat ac quandam quasi majestatem.

2. de inv. 36.

Ciceroni, ejus philosophia egregie illustravit hunc locum, ita describitur: *Potentia, est ad sua conservanda, & aliterius obtinenda, idonearum rerum facultas.* Neque partes omittuntur: *urbium egregia exornatio atque amplitudo, quadam excellens pecunia magnitudo, amicitiarum ac societatum multitudo.* Insunt equidem hæc in ipsa incolumitate: locus, pecunia, socii: Sed *Potentia* magis amplum quiddam, nec sola necessitate æstimandum conficit.

Quod si cui diligentius partiri libeat, non inepte forsitan dixeris: *Potentiam* vel domesticis præsidiiis niti, vel externis. *Domestica* referri queant, ad *Virorum*, *Locorum*, *Pecunia*, *Armorum*, robur atque copiam: *Externa* in *Fœderibus* & *Societatibus* reponantur. Nec omisit *Cicero* Arma. Nam & in describenda *Incolumitate*, *milites* nominaverat: & pecuniarum in re militari & armata defensione frequentissimum usum, subintelligendum dedisse putandus est. Quin & ipsa descriptio *Potentia*, quam attulit, armorum vim vel præcipue complectitur.

Congruunt huic sententiæ qui de viribus ac potentia Principum non aliter volunt judicari, quam si suis opibus viribusque exercitum possint comparare ac alere, cuicumque hosti opponendum. Qui enim hac facultate destituitur,

tur, eum potentem dici, cum alieno semper præsidio niti cogatur, in absurdis ponunt.

Et quibus quidem rebus definienda sit potentia, non potest obscurum esse. Plus dubitationis habet, quomodo ea paretur: præcipuum difficultatis & cautionis in eo est, ne adepta, consiliis parum bonis regatur, aut perperam adhibeatur. Quod cum plerumque soleat fieri, nonnulli philosophantium, sententias in diversam partem contentius flectendo, eo processerunt, ut spernere, certe dissuadere videantur Civitatibus & Principibus studium potentiae, tanquam rei, quæ nec parari, nec haberi per bonas artes queat, & possessores suos denique evertat.

Verum hæc atque talia, si ultra consilium prudenter tractandi, & cum modo habendi rem arduam, exaudiantur, à vero aliena sunt, cum divinis humanisque literis erudiamur, Deum in iis, quæ beneficiorum nomine mortalibus largitur, etiam potentiam numerare; esseque rationi maxime consentaneum, ut quælibet Civitas, res suas non tantum salvas, sed & firmas auctasque, in quantum citra contumeliam juris legumque fieri potest, cupiat. Quinimo, sicut in privatis, auctoritas & opulentia, non quærentibus tantum & affectantibus, sed aliquando inopinantibus, forte fortuna obtingit: Ita publicarum rerum fata tali nonnunquam serie nectuntur, quæ ultro & insperatum munus, Civitati Potentiam decernit. hujusmodi res secundas non complecti cura, non tueri provisu, ingratum pariter & indignum fuerit hominum.

Quæ si quis, ut oportet expendat, Civitati studium Potentiæ non in licitis modo, sed in necessariis, & gloriosis, convenire judicabit. Accepit illa libertatem, & cum ea religionem, leges, mores, omniaque, quæ publice honesta, privatim cara habentur. His, ut in ferrea mundi ætate, quotidiani pæne insidiatores, raptores, hostes iminent. Adversus quos, aliena tantum auxilia circumspicere; periculosum semper, haut raro miserum est. At Potentia non Tuum modo latus ab injuria munit; sed succurrit etiam aliis; servatque civilis decoris, id est, re-

rum

rum, sine quibus nulla civitas esse potest defensarum, nobilem titulum innocenti robore domi forisque promeretur.

Et, quid cesso explicatius dicere, quod ante verbum tetigi? Deus ipse, Magnitudinis suæ notam in Imperiis esse voluit, hanc qua de loquimur Potentiam. Dei potentissimo nutu Civitates ab infimo ad summa proficiunt: Dei robore, valent rerum fastigia. Dei consilium est, quod hujus Principis opibus, alterius vires comparantur vel opponuntur. Dei arbitrium est, cum ab uno ad alium ista moles transfertur. Dei Potentia est, quæ Potentissimos quosque impotentius se gerentes dejicit ac comminuit. Dei providum regimen est, quod Civitatum Potentia distinguitur ætatibus, terminatur limitibus, variatur gradibus. Et quis non vereatur, secretiora illa eloqui verbis, quæ Dei modo favor, modo induigentia, ubique sapientia, in hoc genere constituit atque moderatur? Sed ad singula Potentiæ momenta progrediendum est.

Incipiemus à *Virorum copia*; five *Hominum multitudine*; non ut militat (de eo enim genere postea dicetur) sed ut Civitatis felicitati perficiendæ vario usu destinatur. Id enim si ampliore quodam paratu successuque fiat, Potentiæ pars erit omnium prima: quæque reliquas fere constituit aut firmat. Copia hominum, belli pacisque munia, manu & impensis sustinet. Galli, Itali, Angli, Belgæ, non magnopere eunt in viscera terræ auri argentique causa: ut tamen pecunia abundant præ ceteris, frequentia incolarum præcipue deberi, non negabunt. Bella vero, non pauca olim & hodie, multitudo instuxit instauravitque, paucitas dissipavit corruptitque. Locis quoque excolendis, quod potentius subsidium, quam multorum hominum opera & ingenium? Neque autem *numero* tantum & *collectioni* hominum student, quibus ea cura est: sed & *varietati*, ad diversas vitæ civilis utilitates relatæ. utrobique autem *modum*, & *dispositionem* five *ordinem* absolvendo suo operi consecretantur.

Verum,

Verum, ut abundet Civitas civibus, Dei primo munus est, non eo tantum nomine, quatenus alias nationes magis, alias minus sæcundas, pro diverso locorum cælique habitu esse voluit; sed etiam ex singularibus causis, occultisque; ob quas crescere aut diminui fataliter solent populorum vires. Fuit copiosa quondam viris Hispania: redacta est postea ad infrequentiam. Bene sic consultum paci aliarum gentium. Non caperet orbis vastas spes illius populi, si eo dimittere manus suas posset, quo consilia porrigit. Sunt, qui projectissimæ ad libidinem gentis intemperantiam, sterilitate puniri, non citra rationem judicant. Accedit sponсарum immaturitas, procreandæ suboli plurimum inimica.

Igitur qui frequentiæ civium operam dant, *Legum* subsidio uti debent, ordinandis matrimoniis, & vetando impuro callidoque cœlibatu. Ea Platonis, ea Aristotelis, explicata diligenter philosophia: ea Legislatorum veterum, testata illustribus sanctionibus cura. In quibus exemplis, Augustus celeberrimum nomen est: postquam exhausta assiduis bellis, præsertim civilibus, Romana pube, numero civium instaurando animum adjecit; laudantibus bene deliberatas ejus providentiæ rationes Dione, Tacito, Suetonio.

Sequuntur aliæ *Artes*, & inventa civitatum, quæ concientiæ multitudini, alliciendisque ac undique congregandis hominibus serviunt. Ejus generis aliqua probantur; aliqua in reprehendis ponuntur. de nonnullis veluti per artificiosum excusationis genus dubitatur. quo pertinent ea, quæ necessitatis præscriptione, confessos absolvere putantur. Non est tamen dissimulandum: necessitatis titulum, incolumitati potius civitatum indulgeri, quam Potentiæ accommodari: nisi quod partæ semel potentiæ conservatio ac defensio, consuetudine gentium communi, in necessariis numerantur. de cetero, ex usu temporum, ex habitu ingeniorum, ex moribus populorum, necessitas, modo ratio, modo studium; nunc argumentum, nunc color; aliquando ænigma, sæpe fabula est.



Exempla *dubiarum* artium, duo tantum attingemus *Asyla*, & *Evocationes celebrium virorum*, quorum in gratiam multi videntur alii confluxuri. *Asyla* ita institui posse, ut templa misericordiæ, non receptacula scelerum sint, nemo ignorat. Quemadmodum tamen crebro in abusum trahi soleat ista res, notius est, quam ut ostendi debeat. Factum est sæpissime, ut Reges ac Civitates, ipsam dignitatem suam & humanitatem loco asyli esse vellent omnibus, aliunde vel ob scelera, vel ob infortunium, & vim profugis. Et vi quidem expulsos, aut inimicorum odia fugientes, recipere ac tueri, manifestam laudem, neque invidendam incrementi occasionem habet. Quo nomine Gothi ab antiquo & Sueones celebrantur. Perfugium illis præbere, qui decretam facinoribus suis pœnam exilium sibi domi consciverunt, interdum non caret ratione & successu: Sed nec pericula desunt. At qui pœnas domi metuentes, alio se auferunt, vitandi iudicii ergo, sæpe quidem receptaculum habuere in aliena civitate: liberius & excusatius, si nemo reposcit aut incusat; non æque tutum, quotiens jus suum persequentibus non ob stare, ad civitatis cujusque justitiam pertinere creditur.

In *evocandis* aliunde viris bello & pace præstantibus, tum demum vitio res geri putanda est, si alterius civitatis civibus, tædium patriæ & præsentis status, conciliatur; si ad rumpenda obsequii, fidei, reverentiæ vincula impelluntur; si adversus eos, unde evocantur, clanculum veluti conducuntur. Verum ex illis locis, unde demigrandi & civitatem mutandi omnibus æque libertas lege conceditur, citra inimicum consilium, & obliqua artificia, quin sic evocari queant aliqui, ut vocantibus & vocatis sui candoris, fidei, propositi ratio constet, dubio caret. Ponam, detractis nominibus, exemplum. Abundet aliqua gens, præstantium Ducum eorundemque civium numero; ad quorum famam milites nomina datoros nemo ambigat. Hos sicut nemo amicus ad se pellegerit, quamdiu illi civitati bellum est: ita rebus pacatis, nihil obstat quo minus excusatum sit, si alia civitas ipsorum operam ambire sibi que

que pignerare cupiat. Optima quidem tum ratio ambiendi dicitur, si cum ipsa republica, cujus cives sunt illi bellatores, res communicetur. Quod si tamen statim ipsi appellantur semotis callidioribus consiliis, non abs re videbitur, bene speravisse de virtute tantorum virorum, tanquam qui in adnuendo vel abnuendo, nihil contra fidem aut dignitatem admissuri sint.

Minus dubitationis habet in concienda hominum multitudine, *commerciorum omnis generis copia & commoditas & facilitas, privilegiis & immunitatibus indultu procurata*: itemque *rerum necessariarum victusque parabilis facultas*. utraque res invitat homines & retinet. Belgio Confœderato magnum inde robur: neque tamen eo unquam processurum, nisi Augustanæ Confessioni addictis, liberam religionis publice exercendæ in præcipuis Civitatibus potestatem fecissent.

Faciunt huc etiam *Schola nobiles*, quibus variæ disciplinæ artesque, conductis viris celebribus & peritis, tum ordinata ad proficiendi felicitatem docendi discendique ratione, traduntur. Confluunt eo, non tantum, qui ad tempus erudiri cupiunt, sed etiam alii homines, qui opportunitate loci & commodis uti cupiunt. Et quoniam de potentia nobis sermo est, quam esset huic proposito accommodatum, in civitate potentiæ studiosa institui scholas mathematicas, in quibus accuratius demonstrarentur, non tantum quæ ad architecturam civilem & militarem faciunt, sed etiam quæ ad Geographicos usus, ad rem nauticam, ad mechanica varii generis pertinent? Talia enim vix serio hodie tractantur in Scholis: ut &, quæ Oeconomi argumenti sunt, & ad modos artesque acquirendi & mercandi spectant. Qualibus disciplinis studiosius operam dari, è re civitatum esset, copiis omnigenis locupletari a-mantium.

*Splendorem & apparatus & humanitatem Aula* in iis numerari, quæ alliciunt præsertim peregrinos nobiles aut artifices, manifestam rationem habet: etiam quatenus de Civitate agimus. quo vocabulo hactenus semper totam

Rempubicam, totum imperium significamus. Ceterum in unius Imperii complexu, urbes incolis frequentari amplificarique, si aula certum ad tempus ibi subsistat, eamque non raro caussam fuisse, aulae de loco in locum transferendae, pluresque Regias constituendi, compertissimum est.

Nulla autem modo probari possunt illa inventa, quibus *contra pacta confinii aut foederis, certi alicujus populi cives, clanculum pelliciuntur per emissarios ac promissores; atque veluti subducuntur de corpore alterius civitatis.* id quod modo apertius, modo occultius, fieri videmus; dum per speciem receptationis allicefacti praesertim vicini, dominos mutant. Sic ex Ingria agrestes cupidine praesentia novandi, subinde apud Moschos sedes reperere. quam rem paucos ante annos magna vi pecuniae apud Suecos luere, consultum rebus suis duxit Magnus Dux Moscoviae. Barbarae prorsus est immanitatis, latrocinii ad venationem hominum uti; atque ita captis, suam civitatem frequentiore reddere.

Neque interim potentiam civitati solus praestat hominum numerus: nisi adsit *varietas & distinctio*, juxta munia & operas civilis vitae. cui parum commodum est, si homines iidem & militare & agros colere, & opificia tractare debeant. Ut enim alicubi terrarum hoc fieret, vel necessitas exegit, vel bonarum rerum omnisque disciplinae ignorantia effecit, qualia nomina à proposito & cultu potentiae plurimum absunt. Septentrionales aliqui populi, olim eo more, veluti Delphico gladio usi sunt. Sed praesentior rerum in majus profectarum usus, vel maxime ejus commendavit distinctiorem tum aliorum negotiorum tum opificiorum culturam.

*Modus quoque, ut omnium rerum, ita multitudinis, quamvis potentiae studetur, spectari debet: tum, ne inhabilis ad regendum sit illa moles; tum, ne unum genus hominum nimis abundet, alterum deficiat.* Ad monstri naturam accedunt corpora, in quibus membrorum habitus abnormi inaequalitate ibi exuberat, hic delinquit. Pone civitati immensam esse multitudinem monachorum, aliorumque

rumque religionis speciem otio suo obducentium. Pone plurimos ; qui artes ludicras aut deliciis destinatas tractant. Non sustinebunt illa, sed infirmabant potentiam: Dicam, quod minus credibile non minus tamen verum est: si Militum numerus, cetera hominum genera in tantum excedat, ac si unius militiae ratio habenda esset, speciem ea re potius quam vim potentiae existimari oportere.

Verum ad rationem corporis nondum sufficit ; si & copia, & modus & varietas membrorum adsit : nisi disponatur suo quodque loco, & connectantur ordine, & apte vinciantur. Ad potentiam ergo plurimum intererit, collectae multitudinis *ordo & dispositio civilis*. Ejus beneficii Romanis auctor Servius Tullius fuit, cum censum instituit, id est, populum per discrimina patrimonii, dignitatis, ætatis, artium, officiorum descripsit, retulit in censum, digressit in classes, curiis atque collegiis distribuit. quam rem non immerito saluberrimam magno futuro imperio, *Livius* prædicat. Rudis alioquin & indigesta quantumvis magni populi moles, in argumentum potentiae non valebit.

Sequitur, ut videamus, quid *Locus* ad potentiam civitatum conferat : quatenus eum in hos usus vel Natura genuit, vel Ars construxit, vel Prudentia accommodavit. *Natura* enim munus est, si locus civitatis limitibus arcifiniis muniatur ; si describatur situ facili ad commeandum, ad agendum, ad communicandum, conferendis in commune, quæ ubertati & copiis destinantur ; si opibus nativis abundet ; si spatiis minime angustis contineatur. Fines Civitatum natura munire solet montibus, fluminibus, maribus. Licet enim aliquando, etiam hoc modo discretis connexum odium comperiatur, facultas tamen nocendi haud perinde obvia, interjectu rerum, quas separandis gentibus natura pro terminis constituit.

*Commeandi, & communicandi* facultatem, adjuvant præsertim etiam flumina & maria, navibus portandis, rebusque devehendis. Unde non aliis prior via ad potentiam, quam maritimis gentibus. id quod exemplis Cretensum, Phœnicum, aliorumque, Historia probat, cujus sum-

mam diligenter tradiderunt Thomas Rivius, Anglus; & Gallis, Claudius Bartholomæus Morisotus; ille in Historia navali, hic in orbe maritimo. Tyri potentiam hinc potissimum arcessit etiam Prophetæ Ezechielis descriptio. Quare Romani, cum uno quasi ictu delere Carthaginensium potentiam destinassent, mari eos submoverunt.

Non immerito Galli jactant, populis Regni Gallici omnia communia esse; multitudinem & oportunitatem fluminum eo verbo laudantes: qui vel cingunt Franciam, ut Araris, Rhodanus, Mosella, Soma; vel intersecant, ut Sequana, Ligeris, Garumna; vel undique concurrentes, mercibus comunicandis omnia inter se devinciunt. Solos Andegavos quadraginta fluminibus irrigari, tradunt. Hinc Regina Catharinæ Medicæ nata occasio, rem in majus augendi, cum diceret: in Regno Galliæ plures esse fluvios navium patientes, quam in omni cetera Europa.

*Opes nativa locorum*, verum solidumque potentiæ firmentum præbent. Ludit ergo, & ingenium ostentat more suo Machiavellus, quando sterilia loca præfert, opibusque civium augendis aptiora judicat. Athenienses sane sterilitas loci ad virtutem incitasse, eoque veluti stimulo ad ingrediendam potentiæ viam propulisse existimatur: sicut Constantinopolis, rerum affluentia Romanam industriam eo translatam enervasse opesque publicas debilitasse creditur. Sed neutrum ex eo genere rerum dixeris, quæ naturali consecutione eveniunt: nihilque facilius erat, quam prævertere noxam abundantiae Byzantinæ, nisi prudentia & vera virtus politica abfuissent. Jam, si historiam paulo accuratius introspicias, animadvertes, eos, qui inopiam parandæ copiae incitamentum habuere, sæpius via non recta incessisse. quo factum est, ut imago virtutis & industriæ, veræ laudis habitum ementiretur; dum quærendis opibus latrocinium pro bello vindicant, nullumque scelus autumant, ad quod inopia se compelli obtendunt. Ingrati certe fuerint, qui nec beneficia divina agnoscere, neque iis recte uti studeant, quando accepere locum, ubi cam-  
pi pa-

pi pabulo, agri frugibus, flumina & maria piscibus, luci lignis, viscera terræ metallis abundant.

Belgarum opes, quibus Cereales agri, & alia fertilitatis munera defunt, industria mercaturæ & navigationis quin alte constituerit, negari nequit. Sed hæc potentia est similis illis ædificiis, quæ mero artis machinamento, nullo fundamenti naturalis robore, sustinentur. Quod si ergo in comparationem veniant Belgæ cum Anglis (nam hoc par nuper fortuna in publico theatro composuit) omnibus modis, Anglica præferenda est Potentia, quam natura tam stabili domesticæ abundantiae firmitate fundavit.

*Amplitudo* locorum exigitur ad modum & usum civitatis. Non enim potentiores censentur, qui immensis spatiis habitant. Talia enim sub unius regiminis, ut ita dicam, contuitu, haud facile constituuntur: citoque magnitudine laborant suâ. Non modica pars amplitudinis, coherentiâ, & habili non terminorum modo, sed interjecti corporis compage constat. Hac ratione ducuntur, qui Galliei Regni potentiam Hispanicis opibus præhabere non dubitant: quod ibi complexu rerum virtus imperii expeditior; hic dissita ac pæne dispersa omnia tardiori molimine moveantur.

Longinquas colonias, & à cetero rerum contextu avulsas, veluti speculas, aliquando ponere solent, qui potentiae studio in remota dimittunt animam & manus. Ea res quam sit ardua, & eventus ancipitis, monstrant coloniae in Americanas terras ab Hispanis, Anglis, Gallis, Belgis deductæ. Quotiens enim irritus fuit conatus, non primarum tantum, sed insequentium etiam expeditionum? Quotiens deducta jam & munita colonia, vario infortunii genere dissipata est? Fuerunt in illis coloniis, quæ præter inane nomen, nihil ad potentiam auctoribus conferrent. At quæ omnino convaluerunt, spe præmii, & mox fructu, incitante, mercaturæ & ærario accommodatæ sunt. simul etiam, purgamenta urbium in ista veluti exilia dimittuntur. Quo jure autem in alienis terris id potuerit vi ac armis

mis attentari, sæpe disputatum. parum curant, qui victoriæ rationem non reddi, ferociter opinantur.

Cæterum si amplitudo locorum non sit eximia, supplebitur ingenio & industria; quibus etiam angustiora spatia, diffusæ amplitudini æquiparari possunt. Artis enim, & Prudentiæ non minimam vim esse, in locis Potentiæ accommodandis, ante diximus. *Arts*, inquam, sterilitatem & inopiam locorum variis commentis sublevat; commeandi & communicandi facultatem inventis promovet: munit vias, ædificat domos, vicos, opida, locis opportunis, salubribus, amœnis. Eat in testimonium ipsa Germania nostra; quæ Tacito olim dicta, *informis terris, aspera calo, tristis cultu aspectuque*. At hodie fertilitate, cultu, splendore, cum florentissimis Europæ provinciis certare potest, nisi quatenus diuturni mala belli, de splendore pristino aliquid detraxerunt. Fieri tamen, quæ olim facta, hodieque videmus: excindi silvas, conseri colles, fluminum cursus conjungi, derivarique.

Urbiū exornationem & amplitudinem, Cicero exempli ergo posuit, cum vellet ostendere Locum quoque habere aliquid ad potentiam momenti. Quo præsertim spectant, Urbes Regiæ, capita provinciarum, urbes urbium, metropoles, urbes unde in omnia regimen. Harum magnificus ornatus haud raro ad mysteria reipublicæ pertinet. In universum æstimanti, facile constabit, commoditatem, splendorem, amplitudinem urbium allicere pariter ac locupletare incolas. Ita fit, ut hi veluti nervi suo quisque privatim robore valentes, corpus civitatis publice firment ac moveant.

Habet tamen & ista res modum: quem sine periculo non exceßeris. Anno superioris sæculi octogesimo, Elisabetha Angliæ Regina, Thuano referente, cum videret Londinium nimis excrescere, depletis digressu huc confluentium Angliæ urbibus, lege lata obviam ivit, vetans nova ad habitandum ædificia, intra tertium à portis miliare surgere; aut in ipsa urbe singulas domos à pluribus quam singulis familiis habitari. Præter enim detrimenta

cæteræ

lib. 70. f.



cætera Angliæ, etiam pestis ac contagio morborum, in tam constipata multitudine ædium hominumque, immanius sævitura timebatur. Lutetiæ Parisiorum in Gallia, majora iis, quæ totiens hætenus sensit, mala, non dubitanter ex nimia magnitudine auguratur Bartholomæus Gramondus.

lib. 2.

Quo sint situ, ad incrementa maxime opportuno statuendæ urbes, jam olim disputatum est: nonnullis maritima loca, aliis terrestria præferentibus. Aristoteles locum, nec à mari longe remotum, nec plane maritimum optat. Sed hæc tam certis regulis definiri nequeunt; ubi ad propiores civitatis usus, tempori suam adeoque non unam faciem debentes, ventum est. Situm certe solum non parere opes & incrementa urbibus, tum aliis exemplis ostendi potest, tum Vlyssingæ: quæ cum pluribus nationibus ultro citroque commeantibus & negotiantibus, opportunitate loci, usui sit; ad eximia tamen augmenta non profecit: Botero etiam notante, in opusculo hujus loci, de origine & incrementis urbium.

Ipsa urbium ad se invicem necessitudo, magni momenti est: si commode alias aliæ respiciant ac pertingant; viribus in catenæ seriem nexis. Ornandi autem studium, nisi in tempore adhibeatur, potentiæ officit, translatis huc impensis, quæ potioribus usibus ac necessitatibus publice privatimque debebantur. Prius de fundamentis potentiæ cogitandum; fastigii postrema cura est. nisi quis præposterii consilii pœnam civitati consciscere cupiat. Optabile fuerit, semel ita ædificari urbes, ne tædium incolis ac desiderium novandi aliquid in ædificiis, inoriri possit. sed necessitas ante rationem est, nec potuit, nisi lateritia surgere Roma; donec actu imperii marmorea fieret.

Omnia ista & Naturæ & Artis munera *Prudentia* moderatur; cujus singularis hic laudari occupatio debet: locorum intervalla, opes, ornamenta metiri modulo rei-publicæ, munire provisu, connectere subsidiis. Quod quale sit, nullo fortasse melius exemplo doceri potest, quam Augusti, cujus consilio, *mari Oceano & omnibus longinquis se-*

ptum imperium; legiones, provincias, classes, cuncta inter se connexa; urbem ipsam magnifico ornatu, apud Tacitum prudentes viri prædicant. Partem hujus curæ faciunt, bonæ leges, quibus ad ea imbuuntur cives, quæ locorum genio sunt aptissima; apud maritima, ad studium navigandi & negotiandi; fertilibus, ad agriculturam; sterilibus, ad varia novorum laborum inventa.

*Pecunia* autem ac *divitiis*, vel ad parandam, vel ad augendam potentiam, maximam vim inesse, omnes prædicant; illudque Poëtæ huic loco, tanquam emblema, præscribunt: *Regina pecunia Rerum*. Usus pecuniæ in Civitate, rebus permutandis incolumitatisque tuendæ, necessarius, atque adeo ordinarius, alterius disquisitionis est: hic copia & magnitudo pecuniarum, & thesauri, spectantur; quibus vel ut nervis sustinetur Potentia vel ut subsidiis acquiescit. Igitur proposito semel potentiæ studio, consequitur ultro vis pecuniarum. ut otio abuti videantur, qui in dubium vocare instituunt, an Civitati ejusve rectori pecuniarum collectio conveniat.

Licet enim sub favorabili illa præscriptione, quasi subsidium regno paretur, immensa sæpe avaritia latere cupiat; modique congregandæ pecuniæ plerumque invisi aut suspecti, rumoribus sinistris alimentum præbeant: detrahenda tamen rebus larva est, quam opinio & impetus non ratio imposuit. Pecunia opus est magnis civitatibus, ad varia hominum genera opportunis in locis & gentibus concilianda ac devincienda; ad conducendos, aut mittendos, qui apud vicinos, apud longinquos vel speculentur vel tractent, quæ in rem sunt: Pecunia est, quæ sociorum aut civitatum ad communis affinisve propositi finem tendentium commoda ac desideria sublevar; quæ advenas & legatos munifice habet; quæ præmiorum magnitudine ingenia & artes allicit fovetque; quæ rebus domesticis splendorem & ad externos magnificentiam famamque adornat, quæ arcanis rebus securitatem & successum promeretur. Pecunia armis non decus modo sed robur comparat: ipsique armis fortius sæpe in animos pugnat.

Perfa-

Perfarum Rex pro modo ditionum non est valde potens ; quia redditus ejus non sunt magni. Tres, alii ; quidam, quinque ; sed qui sub finem superioris sæculi propius investigarunt, duos tantum milliones numerant. Tartarorum nullam agnoverim potentiam ; ob paupertatem & pecuniæ inopiam : quæ vel prædones vel mercenarios perpetuos efficit. Nam quod nonnulli de immensis Chami thesauris suspicantur , fundamento idoneo caret. At Familiæ Austriacæ proventus uberes, splendidissimam potentiae opinionem, tot militum stipendiis, tot munimentorum copiis, adversus Turcam præsertim jam pridem valentibus, merita progeneraverunt.

Parandæ pecuniæ usitatiores modi sunt : Fodinæ Metallicæ, Tributa, Mercatura, rerumque domi nascentium aut manu factarum exportatio, Bellum. In quibus singulis non unius generis dubitatio occurrit. Sed ad ista progredi non licet in præsens. Ac de Tributis quidem omnique exactionum genere alibi agendum est. Fodinæ metallicæ singulari peritia, arte, fortuna opus habent, sicut historia hujus argumenti abunde docet. Bello, pecuniam cumulare, si necessitas bellandi absit, inter invisæ, nec raro noxia, reputatur. Cum enim injustitia omnis vix unquam separari ab hoc genere possit ; tandem felices aliorum populorum prædones vicissitudine rerum fatali plerumque evertuntur.

Mercaturam qua potentia præcipue maritima sustinetur, promiscuis consiliis juvare aut amplificare usitatum potius quam consultum est. Suadet nuperus Imperii Maritimi Scriptor, Belgis, ut curent omnibus modis, *ne conjungatur oriens & septentrio cum occidente ; sive mercatores, qui ad orientem & septentrionem habitant, puta Hamburgi, Dantisci, Regiomonti, in Dania, Norrvegia, Suecia, Russia, &c. ipsi plagas occidentales adeant, & inde petant, qua sibi usui sunt, ac vice versa Occidentales, frequentent orientales & septentrionales regiones. Semel enim (ita addit) si hac conjunctio facta fuerit, ex Belgio medio loco consistente, & extrema illa loca frequentante, mercatura paulatim migratura est.* Quo jure impediri talis conjunctio

& libertas mercaturæ interverti aliis possit, desideres e-  
quidem audire. Contrarium enim qui suadeat maris or-  
tivi accolis & septentrionalibus populis, quatenus facul-  
tas ejus rei sperari potest, is jure optimo niti censebi-  
tur.

Jam, quod idem Scriptor queritur, rei nauticæ & mer-  
caturæ arcana Succis Anglisque propalata esse è Belgio,  
indeque Belgas minus æstimari cœpisse, sinamus interim  
dici credique. Sed quod inde extruit consilium, merca-  
tores majores ne emigrent, impediendos omnique ope re-  
tinendos esse, an satis conveniat cum aliis Status Belgici  
regulis, an in posterum eo valere queat, quò tam serò de-  
stinatur, non immerito dubites. Et de libertate mutan-  
di civitatem, addiscendi mysteria mercaturæ reique nauti-  
cæ, in re tam clara, nihil attinet verba consumere.

Unica interim eaque perpetua cautio in quærendis o-  
pibus est, ne illæ postea affligant sæculi mores, mensamque vi-  
tius suis quasi sentina rempublicam pessum dent; quod de Roma-  
norum fato Florus conqueritur. Sallustius per omnis ævi  
seriem notari vult, qui reges, quæ civitates & nationes per opu-  
lentiam magna imperia amiserint, quæ per virtutem inopes cepe-  
rant. Scilicet difficilius est, retinere divitias quam para-  
re; propter immensam luxus cupidinem, quæ auctu opum  
adolefcit erumpitque.

Inter præcipuos pecuniæ usus, eum supra retulimus,  
quem in Bello præstat. neque enim vetus verbum, quo *Pe-  
cunia nervus belli* laudatur, à Machiavelli ludentis cavilla-  
tione convelli potuit. Bello autem & armis patriam tue-  
ri, inter ea est, quæ primævo civilis consociationis jure  
continentur. Et, cum ab incolumitate civitatis ad ampli-  
tudinem ascenditur, tum parandæ, tum servandæ partem,  
*Arma* facere, in confesso est. Habent, quæ potentiæ am-  
plificandæ causa induuntur arma, plurimum invidiæ: ea-  
que demum laudata potentia censetur, quæ arma juste &  
necessario sumpta ultro consequitur, non quæ materiam ar-  
mis præbet.

Sed,

Sed, quatenus quidem movere arma fas sit, amplioris nec in hunc locum contrahendæ quæstionis est. Sufficiet attigisse, arma, quo apparatu, quo dispositu, potentiæ ferviant. Quamquam satius sit, per imperia & nationes totius orbis circumferre oculos & ubique studiosius notare, an armorum modus respondeat Reipublicæ opibus; quomodo miles alatur; quomodo limitibus prospectum; quid in hostes, quid pro accolis aut contra eos destinatum sit. Ita fiet, ut universi cognitio argumenti, tum copia tum varietate, amplissimam judicandi de talibus facultatem, & excogitandi nova oportunitatem afferat.

Cæterum Armis contineri videntur: Viri, Apparatus sive Instrumentum militare, & Munimenta. Viros militares, ab officio & usu solent partiri in custodes ac satellites; milites ordinarios ac perpetuos; copias subsidiarias sive cives more militiæ exercitos. Custodum corporis & satellitum præcipuus in regno usus, alibi explicatur. Circa milites ordinarios potissimam dubitationem affert, quomodo alantur ac habeantur, sine ingenti civium incommodo.

Estque illa res in primis ardua: neque illis ipsis militiæ artificibus Romanis tam commode olim ordinata, quin semper querelis locus fuerit. Cum enim duo sint bella, quibus hominum vita infestatur (sicut eleganter Libanius oratione adversus Ingredientes disserit) unum quod armis ferroque contra extraneos constat; alterum interius, quod in pace etiam domi mutuis maleficiis geritur: minime fuerit conveniens, illud hujus causam & fomentum facere. Cujus tamen infortunii grandia specimina tum cetera historia præbet, tum non vulgari descriptione Libanii oratio de Patrociniis vicorum. Deliberatum est hac de re in Gallia Henrici III. præfertim temporibus. cujus consultationis momenta Argenidi suæ inseruit non indiligenter Barclaius; studiosisque prudentiæ occasionem suppeditavit, attentius singula disquirendi, & ad statum reipublicæ ac temporum exigendi. Sueciæ in hoc genere admirabilis est dispositio, de qua alias.

Quantum ad subsidarium militem attinet, nulla fere est civitas, quin tale propositum exercendorum more militiæ civium præ se ferat. sed, cum in rem præsentem veneris, segnius fere omnia administrari animadvertas: sive, quod ferociores & ad civilis obsequii modestiam imprompti magis credantur, qui nimis ad audaciam militarem imbuuntur; sive, quod ex militaribus civium studiis impedimentum metuitur opificiis, negotiationibus, aliisque civilibus occupationibus. Igitur non amplius fere temporis huic rei videmus tribui, quam quod ludo & remissioni convenit. Quamquam in Germania non desint constitutiones Imperii & decreta Comitiorum, de exercenda in armis multitudine agricolarum & civium; idque tories inculcatum sit in consiliis de bello Turcico. Pertinebat etiam eo mos vulgo receptus, sclopos ad destinatum scopum explodendi propositis præmiis & institutis certaminibus.

Ad apparatus militarem, sive *Instrumentum militare*, pertinent tota Armamentaria. quæ hodie constant copia telorum, munimentorum corporis; tormentis & tormentario paratu, ornatu equestri, instrumentis ad faciendum opus, variis machinis, pulvere pyrio, & similibus. In quibus omnibus, copia quidem pro modo civitatis æstimatur; habilis usus ad temporis & loci oportunitates exigitur; inventio ad cæteros casus accommodatur; dispositio ad prætam expediendi facultatem & decus, adornatur.

Tela præcipui generis hodie sunt, gladii, sclopi, hastæ. nam quæ antiquioris ac rarioris formæ tela in armamentariis visuntur, pompæ & ostentationi non usui militari serviunt. In sclopis fabricandis, idonei opifices quærendi, ne per tubos male perforatos, plus nostris quam hosti noceatur. Eadem cautio in majoribus bombardis, machinisque & tormentis spectatur: quibus hodie potissima bellorum vis constat; vel in præliis, vel in oppugnatione ac defensione munitionum. Neque audiverit aliquis Scipionem Amiratam, & Laurentium Mellietum, antiquorum tormentis eandem vim tribuentes.

In pul-

In pulvere pyrio bene conficiendo & caute servando, multum sollicitudinis versari debet. cujus quanta vis sit, in cuniculis præsertim apparere potest, Francisci Georgii Senensis invento, quanquam discipulus ejus Petrus Navarrus Cantaber gloriam ejus rei tulit. Machinas igniarias ceteras, omnemque militarem pyrotechniam nova quotidie inventa celebrant. Sicut & instrumenta alia, variis belli usibus destinata, novam subinde varietatem addunt Theatro Bessoni, Fortii, Hulsij, & aliorum, qui in libros ista collegere.

Munimenta corporis hodie fere sunt laminæ ferreæ, & galeæ. Totum corpus ferro includere, priorum magis quam nostrorum temporum mos probavit. In postremis Germanicis bellis, quibus nulla puto exercitiora magisque strenua fuisse, rarior equitum cataphractorum usus. nisi quod aliquam hujus generis manum inter subsidia reliqui exercitus in promptu habere, partem consilii & disciplinæ magni duces judicarunt.

Ad ornatum equestrem referri par est omnia, quibus equi militares instruuntur, ephippia, frena, sclopos minores, & quæ sunt ejus generis. Equorum etiam pernitas & agilitas, quatenus naturæ & loci munus non est, industria & arte promovetur. Hinc studium equitandi, & domitores equorum apud nationes bellicosas.

*Munimenta* quod attinet, arces, propugnacula, colonias, militares intelligi palam est. De quibus tria fere quaruntur: primum, ubi & quibus locis potissimum; deinde quo modo, qua forma, qua arte extrui; denique qua cura, quo provisu instructuque haberi debeant. Variantur ista ætatibus & locis, & reipublicæ utilitatibus. Nostri sæculi peritia in hac parte militiæ ad summum processit: tum in iis, quæ ad tempus struuntur ex usu belli; tum in iis, quæ mansura surgunt opera. Polonis quidem negliguntur munitiones urbium arciumque; partim, quod dicant, se duo habere propugnacula adversus hostem, spectu suum in acie; & tergum suum, cum retro cedendum, & hosti solitudo facienda est; partim, quod libertatis amore istas



reitas veluti sedes dominationis Regibus futuras perhorrescunt.

*Navalis militia* in locis maritimis, desiderat navium omne genus; bellicas, onerarias, actuarias, cum armamentis navalibus: tum stationes & portus idoneis locis; nauticos & socios navales; sine quorum peritia nullus sperari successus potest. Non est autem certius opulentiusque potentiae, vel parandae, vel amplificandae consilium, studio rei nauticae in locis maritimis. Demonstravit id Atheniensibus suis Themistocles, eo successu, quem dixi. Inter ea, quae Gustavo Magno Suecia debet, plurima maximaque, est etiam rei navalis instauratio & amplificatio, bello & mercimoniis tam solerter ac industrie destinata, ut cottidiano subinde profectu ad praecipua potentiae momenta plenis velis contendere videatur.

Verum ista vix obiter hic licet perstringere. Uberiorem cognitionem dabunt commentarii Regnorum ac Reipublicarum, ac descriptiones Armorum apud nationes singulas, quae bello olim aut hodie magnas sibi opes magnumque nomen compararunt. Non capiunt hujus instituti disciplinam, qui in peregrinationibus suis, sola armamentaria, ut militaris potentiae summam, requirunt. Otiosa haec & inanima, quo rerum dispositu, in quos usus, ad quae subsidia valeant, altioris & utilioris est indaginis. Falluntur interim egregie, qui ad obvia quaeque stupida admiratione defixi, diligentiam cogitandi projiciunt. Hinc intolerabilis illa hyperbole, qua armamentarium Venetum (incomparabile id quidem, & instructissimum) armandis quingentis hominum millibus sufficere, non nemo scripsit. Quantum detraxerit Ducis Rohanæi aestimatio, in Itinere ipsius legas licet.

In *Fœderibus*, quae Potentiae causa contrahuntur, infimi generis est Fœdus Clientelare; quo se una Civitas alteri dat in clientelam: vel ut incolumitatem suam aliena ope tueatur, quod frequentius est; vel ut potens videatur sociorum robore. Inter exempla periculorum, quibus haec fœdera infamantur, Bødinus deplorat, Livonorum condi-

conditionem ; quos Sigismundus Augustus Poloniæ Rex in clientelam receptos , pacto subinde contrario cum Moscovitæ fœdere , plane deseruerit , & ut ipse judicat , potius prodiderit immaniſſimo hosti.

Hujuscemodi patrocina , non tam conservandæ alienæ incolumitati , aut firmandæ alienæ potentiæ , quam amplificandis propriis opibus , speciose ultro offerre solent invalidioribus , potentiores , à quorum blandis persuasionibus metuere aut cavere , sæpe loco tutelæ est libertatem amanti- bus. cum haud raro primus ad servitutē gradus sit , poten- tem Patronum adoptasse. Quinimo imperium in alios cu- pientibus , aliquando inter artes est , se pro Patrono gere- re , clientesque suos jactare , qui de patrocinio nunquam pacti sunt. Exempla non longe petenda essent , si consue- tudo nostra ferret , ea quæ memoriæ omnium inhærent , stilo signare.

Veri autem fœderis ratio , communis utilitatis vin- culo , Potentiæ accommodatur. Itaque nullum fœdus fir- mius est , quam inter eos , quorum utilitates arctissimè in- ter se cohærent. Cumque in populorum & rerumpublica- rum utilitatibus consiliisq; primariis , crebra fiat commu- tatio , hinc est quod fœdera plenissimæ conjunctionis , aut raro , aut in breve tempus ineuntur. At quæ perpetua sunt , & ex communi causa , ac inseparabili negotio , intimis ne- xibus colligata , Belgarum adversus Hispanos , Helverio- rum adversus Austriacos ; unitiorem compagem , & quasi unius civitatis corpus constituere potuerunt.

Porro quærentur fœdera , vel ad famam , speciem , pompam Potentiæ ; vel ad vim , effectum , usus Potentiæ. Imo. in uno eodemque fœdere , aliqua in speciem præscri- buntur ; alia rerum momentis destinantur , & negotiorum publicorum fide nituntur. Atque sicut in illis , multa ma- gnifice , ad merum alterius cujusdam evulgare , artificii sol- lemnis est : ita in his , crebro secretos ponere articulos ( quos vulgo vocant ) juvat , nemini nisi fœderatis enun- tiandos. Gallis pro lege politica est , omnium eorum amicitiam vel re ipsa parare , vel verbo & in speciem adornare ,

qui Hispanorum opes metuunt. Hispani eodem consilio socios volunt, quibus Galli suspecti aut inuisi sunt. Horum duorum Regnorum Potentia, non Italiam modo & finitima, sed nationum plurimas per varia foederum consilia & vices diu distraxit; & nunc novum nescio quod fatum parturit.

Fœdera, quæ potentia augmenta in commerciis quaerunt, partim ad communicationem faciliorem & ampliorem mercium pertinent; partim bellicas societates imitantur, adversus eos, qui longinquis navigationibus intercedere, aut monopolio quodam alias nationes onerare student. Dum vero Fœderatorum uterque potentia suæ servit, ordinaria ejusmodi necessitudinis labes æmulatio & invidia, opimas sæpe profectuum occasiones intervertit: fitque adeo, ut socius, non adiutorem se successuum socialium & incrementorum, sed arbitrum, & moderatorem adhibeat; si non & insidiatorem consiliorum. Nimis enim hic quoque valet illud Poëtæ:

*Tuta frequensque via est per amici fallere nomen.*

Nec adjecta fœderibus copula affinitas, & alia necessitudinum nomina plus fidei, aut minus periculi, aliquando habent.

Et quis per seriem mysteria ejus ludi exprimat, quo Potentior aliquis sua fœdera diversis interque se contrariis partibus venditat, ostentatque; donec pretium moræ, simulationis, cunctationis non simplex tulerit? Exemplum ingens, & præcipui ad Remp. novam momenti, in ore est omni populo. De honestare fœderum, dum modo utilitatis spes subsit, parca cogitatio, & perplexa oratio, apud eos, qui genio sæculi student.

Talibus fere propositis consiliisque fit, ut Potentia mobili transitu de gente in gentem, de civitate in civitatem migret. Fuit tempus, cum Hanseaticarum civitatum fœdus ingens; & Regibus quoque formidabilis potentia esset, mercaturæ illa quidem & negotiationum fulcro nixa. Expiravit, sine spe reparandi; & in Belgas lampada tradi-

tradidit. Quantum ibi, & quam excelsè floruerit, omnes admirati; nec pauci, contemtim se haberi ægre ferentes, dequeſti ſunt. Inclinatū eſſe rursus id ſaſtigium, etiāſi externi diſſimularent, domeſtici teſtes fatentur. nec in arcano cauſſæ ſunt. Nihil augurabor de ullius populi fatiſ: ſed interrogabo prudentiores, an hoc putent ævum volvi, quod potentia civitatum, non unius generis mutationes portendat?

Atque iſtis quidem rebus, quas dixi, Civitatum Potentia conſtare creditur. Cujus interim parandæ tuendæque certiffimum eſt auſpiciū, vitata imperii ac divitiarum cupidine, juſtitia conſiliorum & actionum niti. *Id enim præcipuum virtutis ac virium in populis argumentum eſt, ſi, ut ſuperiores agant, non per injurias aſſequuntur.* quam Chau- cis veteribus laudem Tacitus tribuit. Plena favoris & gloriæ fuerunt incrementa Romanorum, donec injuriarum propulſationem, ac deſenſionem patriæ ſociorumque, armorum & victoriarum cauſſam habuere. Verum, ut bella non cauſſis, ſed prout eorum merces fuit, geri cœpere, non minus invidiæ, id eſt, fragilitatis, quam gloriæ & potentiaæ quaſitum eſt. Athenienſes, victis inſidiatoribus & hoſtibus ſuæ libertatis, merito magni potentefque viſi ſunt. poſtquam aliorum libertatem ipſi invadere concupiverunt, a ſummo ſaſtigio ad inſimam fortem res eorum præcipientes iverunt.

Nimis incauta eſt erga ſua bona mortalitas. itaque Potentia plerumque ſuperbiam progignit, quæ Deum hominesque potentibus adverſos reddit. At ea demum ſtabilis fundataque eſt Potentia, quæ meminit: humanas opes ſine Numinis divini auſpicio neque ſurgere neque ſtare; ejus indulgentiam, moderatis potius, quam audacibus; honeſtis, quam callidis conſiliis propitiari; inania oſtentationis artificia haſtenus admitti, ne inanem vel faciant vel prodant animum; virtutem apud hoſtes, comitatem apud ſocios, modeſtiam apud omnes, vera virium civilium fulcra eſſe. Hujus generis ſunt; fidem colere, religionem non inter ſtratagemata regnandi, ſed inter fun-

damenta regni ponere, amicos & inimicos, apertos, occultos, dubios, certos, dignoscere, & accurata aestimatione pensitare: remota, propinqua; obvia, recondita, vigili oculo perspicere. In magno corpore, semper est aliquid, quod non satis valeat; semper est, quod dolorem minuetur aut excitet. Ad eum modum se habet omnis Potentia. Est enim instar molis, quæ nisi in solido cubet, aut premit aut ruit.

Inter exempla magnæ Potentiæ fatale imprimis est Turcici Imperii robur: a tenuibus initiis in id fastigii progressum, unde omnibus admirationi pariter ac terrori esset. Meretur considerationem tam vasta moles. cui fragile sane fundamentum supponunt, qui ad genium cæli solique ita respiciunt, ut putent, populos inter Boream & Austrum interjectos, magnis imperiis aptos destinatosque. Quo nomine Assyriorum, Medorum, Persarum, Græcorum, Romanorum, Gallorum, Hispanorum imperio, Turcicum componit Boterus.

Alii formam regiminis, & præsertim infinitam illam unius Domini potestatem, in tantum admirantur, ut præcipuum, id ad potentiam momentum arbitrentur. Et sane ad res magnas bello gerendas, nihil aptius fuerit, quam si unus rerum temporumque dominus, non suspensam aliunde vim imperii in præsentaneos usus expediat. Nec displicet in hoc genere dominationis illius Turcicæ acerbitas, illis, qui terrore & metu optime teneri imperia, cum Machiavello statuunt; neque meliori sapientiæ auscultant, nihil tuti firmique in tyrannicis consiliis reponenti.

Loco plurimum juvari Turcicas opes, vel inde planum est, quod Constantinopolis, claustra Asiæ Europæque, jam olim Romanis visa est, tam opportune complecti, ut non alia Imperii sedes, magno Principi expeditior, aut hosti difficilior aditu judicaretur. Illud interim certum est, loca Turcis infesta, neque agricultura, neque aliis modis in tantum excoli, in quantum naturæ ubertas ac oportunitas patiebatur. Mercatura quoque, si occasiones & comoditates ad eam spectes, quid aliud, quam negligi videbitur

bitur à Turcis? de qua & Lusitanicæ navigationes plurimum detraxerunt. Non dico quod nulla sit: sed quod opportunitati tam luculentæ minime respondeat. Atque, si heroica consilia Christianorum Principum animos huc vocarent, nondum deessent occasiones Turcicos quæstus amplius accidendi.

Reditus ordinarii unius anni ad X milliones æstimantur; alii novem numerant. Quæ pecunia non est adeo magna, si cum vastitate tanti imperii conferatur. Sed plus spei reponit Turcarum tyrannus in vi & rapinis. Tantum enim quisque privatorum habet, quantum ille vult. Bassas suos, ut spongas habet; quæ & hauriant abunde, & subito exprimantur. Ad quales hæreditates, per atroces & inopinas cædes, via sæpe sternitur. Ad nutum tyranni, auferri potest, quicquid quisquam possidet. Mala sunt hæc alias diuturnitatis vincula.

Ceterum, si plane designateque oporteat dicere, quæ res maxime Turcicam potentiam sustineat, Militia est unicum illud præsidium, ad quam omnis ratio dominationis Ottomannicæ exigitur & formatur. Nil dicam de multitudine militum, qua plurimum gloriantur Turcæ: aliud enim erit, quod numero potentius mox nominabitur. Neque præstantia hominum talis est, ut præcipere aliis palmam hic dominatus debeat. Cum enim magna pars exercituum Asiaticis viris componatur, quam non sint illi aliis nationibus præhabendi, aut æquandi, omnes sciunt. Duo autem in militia Turcica, si à vetere Romanorum instituto discefferimus, hodie sine exemplo sunt: parabilis & bene disposita copia ordinarii perpetuique militis; tum admirabilis in ipso bello disciplina.

Timariotæ sunt, equites, qui in Timarris sive agris ex hoste captis collocantur, ut aliquot equos virosque in belli usum alant. ingens eorum multitudo: cujus in numero non consentiunt, qui heri atque hodie descripserunt. Cumque Turcis in equite plurima vis sit (pedites enim nullo modo, quantum ad summam belli, comparaveris) inter ipsos equites id robur est, ea primaria virtus. Alte-

rum tantum millionum auri, quantum ante ordinariis redditibus tributum est, requirendum esset ad alendam Timariotarum copiam, nisi hæc ratio inventa esset, qua ærario parceretur. Præter hoc alia quoque immodica multitudo militum per hospitia dispergitur: magno quidem cum subjectorum incommodo; quos ita affligi pariter & coerceri, pars securitatis est Tyranno, militibus exceptis omnes contemnenti. De Janizeris quoque, & eorum seminario, Azamoglanis aliisque militum generibus, quæ singularis instituti sunt, satis descripta apud alios, huc non revocamus.

Sicut & disciplina in ipso bello toties dilaudata est rerum Turcicarum scriptoribus, ut actum agere nemo hic debeat. Maritima nec peritia, nec potentia, cetero robori tantæ molis respondet: unde plerique hac quoque in parte cum Romanorum institutis fatisque rem Turcicam comparant. Nam & Romani ad pompam magis, & ad coercenda claustra maritimarum regionum ac insularum, ad subitos item casus & adversus piratas, quam proferendæ potentiæ gloriæque, classes adhibebant, rebusque maritimis non admodum dediti erant.

Cum autem, sicut dictum est, omne imperium Turcicum fundamento militiæ & armorum inædificatum ita sit, ut ad cupiditatem invadendi, sæviendique in devictos prima & summa regiminis ratio spectet: consequens est, ut subditi, præsertim Christiani, & à sede imperii remotiores, immaniter vexentur afflictenturque, solamque malorum consuetudinem pro malorum remedio habeant. Aliorum autem in terris Principum & magna & justa esse in hanc Tyrannidem odia necesse est, tanquam in bestiam, omnibus nocere cupientem, nisi quatenus occasio grassandi intercipitur.

Magna hæc Christianis Principibus ad convellendam molem exitiabilem præsidia esse poterant; si ullam inter eos stabilem & firmam concordiam sperare fas esset. Verum huic ut sanctissimæ ita potentissimæ rei, quantum obset genius sæculi, & privata apud singulos contra publicum



cum decus stimulatio, & inextricabile æmulationis artificium, in labyrinthos nescio cujus solertiæ circumductum; &, quæ ex his sequitur, consiliorum rationumque diversitas: hæc atque talia, inquam, quam non patiantur formidabiles videri Christianorum opes, eo minus potest ignorare crudelissimus Tyrannus, quo propius in conscientiam rei per fœdera, legationes, aliaque secreta commercia assumitur.

Hac occasione, de amicis & inimicis Principibus quid iudicet Porta Ottomannica, non alienum fuerit attingere. De *Perfarum Sopho* ita arbitrantur Turcæ, quod equitatum quidem præstantissimum habeat, sed non ita numerosum, ut sibi bellum movere velit facile; peditatu autem plane inutili utatur. Timent tamen subinde, ne odium accerrimum *Perfarum*, occasionem & vires captet, ex rebellionem subditorum *Turcicorum* apud extrema habitantium: tum si bellum eo transferendum sit, vel maxime metuitur ipsorum *Turcarum* favor, quo religionem *Perficam* prosequuntur. Neque desunt exempla rerum non adeo feliciter adversus *Perfas* gestarum.

*Pontificem* Romanum nihil minus quam timent. rati Principem debilem; neque ultra conatum conciliandi allicujus fœderis inter alios, quidquam ausurum. Non autem sunt tam imperiti Turcæ, quin præclare intelligant; Fœdera ex utilitatibus status cujusque, & rationibus publicis, non ex consiliis aut voluntatibus alterius conjungi: Quinimo nemini plus debet securitatis dominatio *Turcica*, quam Pontificibus Romanis, quibus in hunc diem creberrimum studium fuit, Christianorum Principum animos dissociare, & ad intestinas contentiones incitare.

Cum *Gallorum Rege* fœdus est *Turcis*; cui fundamentum præbuit discordia Galli cum Hispano. Igitur, prout illa fervebat, vel tepebat, ita etiam Gallici nominis major minorve apud Portam Ottomannicam cura. Lubens enim sane *Turca* uni Christiano Principi contra alterum, favorem ostentat: estque hæc via ad cognoscenda rerum nostrarum momenta, sed & Gallicis Hispanicisque rebus  
omnis

omnis Europæ studia quodammodo illigari, haud incompertum est.

*Hispani* potentiam Turcicæ componit diligenter, & præhabet Boterus. Nec potest negari, dominationis tam vastæ consilia propositaque, Turcarum quoque animos advertisse, ut inimicis Hispanorum, sicuti dictum est, æquiores se præberent. De cetero Turcæ magna se documenta nil timendi ab Hispanis putant habere, damna Hispanorum ad Zerbi insulam, ad Guletam, ad Tunetum: qualia potentiae claustra è manibus dimisisse, non sine insultatione deridendum ipsis videtur. Vident etiam, Hispanis non tam inferendi, quam propulsandi belli consilia placuisse. Clades Turcica ad Echinades, non Hispani, sed fœderatorum Principum opus reputatur.

De *Venetis* terra marique finitimis, non minimum cogitationis in aula Ottomannica suscipitur. quamquam existimatio variat; sicut & ipsa virtus Venetorum, non eodem semper gradu incessit. Non obliviscuntur Turcæ, quæ Veneti damna dederunt: magnumque illis visum est, quod Venetis plures aliquando Christianorum auxiliari viderentur, quam vel Imperatori, vel Hispano. Sed de isto auxiliandi studio, quantum detraxerit volvenda dies, itidem haud ignorant: satisque meminerunt, Venetis in eo consilia steterisse, ut pacis potius quam belli artibus adversus Turcam defenderentur.

*Imperii Germanici* vires, quo minus Turca metuat, multa sunt quæ efficiunt: tristitia tamen, ut in domesticis malis, operienda potius, quam sermone refricanda. *Polonorum* equitatum non contemnunt Turcæ: neque nihil timendum rebus suis autumant, si Regi Polonorum Imperator & Moscorum Dux arma sociaret. Sed quia vident se timeri à Polonis, pacem potius optantibus, hoc quoque nomine secuti sunt & arroganter se gerunt: reputantes propter religionis apud Polonos varietatem, non duraturam in res arduas concordiam.

TARTARO-

*Tartarorum* amicitiam his fere ex causis Turcæ colendam sibi arbitrantur : primo, quia pauperrimis istis populis inferre bellum, nihil aliud esset, quam jacturam rei suæ sine omni spe lucri facere. deinde, cum oppida, vicos, castella non habitent, sed vagabundi errent, Turcis adventantibus sterile ac nudum solum peragrarè, & fugitivum hostem quærere, immanis esset difficultas. denique, quia Tartarorum equitatus utilem Turcis operam navare potest in bellis adversus Imperatorem, Moschos, Polonos, Persas.

In *Magnū Mœscoviæ Ducem*, oculum non negligentem intendit aula Ottomannica. Credit enim, maximam equitum vim inde effundi posse ; esseque homines Moschos audaces, robustos, obsequi gnaros, bene armatos, sclopiis sive ex equo pugnent, sive pedestri acie, bene utentes : equos ad labores imperiusque belli longe aptissimos. Tum vero, quia Moschi Græcam Religionem profitentur, multum timet Turca, ne populi Bulgariæ, Serviæ, Bosniæ, Peloponnesi, totiusque Græciæ, ejusdem Græci ritus studio, partes Moschorum eligant, & liberationem à Turcica servitute, novi Domini desiderio circumspiciant.

Ex his, & similibus, judicari de potentia Turcica paulo exactius queat. quæ, utut maxima sit, illius tamen fati viribus non est supervecta, quod altissimas quasque aliorum populorum opes pessum dedit. Christianorum & præsertim Græcorum Imperatorum ignavia, tum insana dissidendi concertandique libido, occasionem inscrescendi dedit tyrannidi illi. Eadem vitia nostra, ut in fastigio hætenus staret, ad nominis nostri dedecus & perniciem structa moles, perfecerunt. Quæ ad destruendam eam interea consultata sunt, quibus consiliorum propositis inquinata, quibus in suscipiendo administrandoque interimentis concussa, quo eventuum turbine desperata subinde fuerint, res ipsa loquitur. An melius sperare, vel nunc tempus est ? Nescio, an idonea prudentem virum huc ratio ducat, si genium sæculi, & disjunctas potius quam contextas Christianorum populorum rationes intueamur.

mur. Nisi forte fatalis dies appropinquat, quo Deus inimica suo regna destruet. Quem in fine hujus dissertationis rogamus, ne civitates & Respublicas Christianas in potentiae civilis studio usuque, patiatur à pietatis ac honestatis legibus aberrare; aut loco melioris prudentiae in altissimo secreto reconditae, audacis nescio cujus & perplexae calliditatis mysteria consecrari.

## VIII

## T I M U R

*Vulgo*

## T A M E R L A N E S.

**H**Ujus viri, ut olim terror, ita haecenus fama orbem totum pervagatur: non illa quidem satis vulgo explorata, aut confertis historiae momentis explanata, sed inter securius accipientes tradentesque citra discrimen odii studiive, propagata. Inde consilium nobis, res cognitione dignissimas, ex iis repetere ac ordinare monumentis, quae auctoritatem praestare vel unice vel praecipue possunt. Primus nominari debet *Ahmedus Arabsche filius*, qui statim ab extincto Timuro floruit, multaque ad ejus historiam pertinentia usurpavit oculis, cetera è virorum eximiorum narratione aut commentariis hausit, luculentoque opere Arabico complexus est: quod *Goliuss* edidit, & nuper *Hottingerus* Latine fere per omnia descripsit. Post Arabschiadem, potissimum credendum videatur *Johanni Schiltbergero Monacensi*, qui infelici Sigismundi Regis expeditione adversus Bajazethem captus, occasionem nactus est Persiam Arabiamque peragrandi, & de his ipsis Timuri temporibus memoratu digna vernaculo sermone consignandi. Proximo ponendi loco sunt *Annales Sultanorum Turcicorum*, quos ab ipsis Turcis compositos, Latine ac Germanice conversos *Leunclavius* typis commisit, & explicavit. Non eadem aestimatione me-  
tienda

tienda est interdum Græca *Laonici Chalcocondyla* historia, cum ab istis discrepat. Non exigui tamen momenti sunt, quæ hinc arcessere fas est. Hos auctores sequi, & ad eos, quæ *Perondinus*, *Richerius*, *Cuspinianus*, aliique tradiderunt, exigere constituimus.

*Timur* ergo vocatur accuratius scribentibus, quem alii *Temur*, *Temir*, & *Temierlenc*, ( unde *Tamerlanes* ) & cum imperii nota *Temur chan* appellitant. Natus est in pago obscuri nominis ultra Oxum fluvium, patre Taragæo, pecoris magistro : qui deinde *Hoseini* Regis centurio, inter proceres regni ascitus est, postquam, opinor, ipse *Timurus* in aulam & familiaritatem Regis penetraverat. cum enim angustis adhuc patris rebus adolescentulus rapinis operam daret, ac de equis regiis abigere quosdam pararet, gravi accepto vulnere, in regiam adductus, quo minus cruce facinus lueret, accuratissimis precibus filii Regis protectus est. Ferunt Regem, inspecta latronis indole, deprecanti filio prædixisse, *multarum in regno turbarum hunc quandoque auctorem fore*. Ex ambigua valetudine recreatum, sed altero cruce debilem, inter ministeria aulica, facile industria & morum præstantia, æqualibus procerum filiis commendavit. qua ille familiaritate callide usus, de cetero etiam ad conciliandas & adjungendas sibi hominum voluntates nihil reliqui facit : dispersis, quocunque venisset, hospitalis benevolentiae tesseriis, rebus novis, si daretur casus, materiam & fautores præparans. Qua re effectum est, ut certatim postea confluerent, qui ad majora aspirare *Timurum* levi auditu acceperant. Inter familiares autem crebro commemorare solebat Aviaæ suæ somnium, quæ ex nepotibus unum, qui fortunam in potestate habiturus, multumque terrarum & hominum in ditionem redacturus esset, viderat. Ille, ego sum, inquiebat, *vestram nunc presso dexteram, ut, quæ me cunque fortuna manet, vos adjutores, vos individuos habeam socios*. Dederunt illi fidem ad quadraginta homines, quibus neque bona spes neque bona res fere erat. quamquam subinde sollicitudo incessit animo eorum ac dubitatio, cum putarent, monstri simile, virum corpore debilem,

lem, nulla rei familiaris copta, vasta consilia agitare, bella loqui, regna crepare. Igitur, ut opinione religionis, qua plerique moventur, auctoritatem sibi aliquam compararet, celebratae sanctitatis senem, ad quem veluti ad oraculum iis locis suas res referre solebant homines, adiit, suasque illi spes, quanta potuit, reverentia, commendavit. Miratus ille pietatem hominis (nam vestis venditæ pretio capellam emtam vati donum trahebat) ut prospere succederent, quæcunque destinasset, cum collegis rem divinam facit. Neque Timurus cessavit ex eo, quicquid speraret, à sanctissimorum virorum precibus arcessere. Inter hæc, prosperis adversus latrones præliis, quæ missu Regis subinde fecerat, tantam de se virtutis opinionem excitaverat, ut, cum Segestanæ regulus defectionem moliretur, non alium aptiorem Rex crederet, qui rebellibus opponeretur. Acceptis ergo copiis regiis Timurus, cum mira felicitate profligasset, quotquot arma contra tulerant, sibi jam negotium gerere cæpit: militemque victorem sacramento suo rogavit. Rex, antequam mora valescerent defectoris ope, exercitu missa, ultra Oxum fluvium, Timurum rejicit: & mox inter angustias montium conclusum ad ultimum desperationis adigit. unde se tali astu expedivit. Dimissis equis humi recumbere suos jussit, donec in prætervectos hostes repente à tergo coortus, magnam stragem edidit. Rex ad famam cladis, Balchum se recepit: atque Timuro spacium dedit, quo pleraque ultra Oxum regiones in ditionem redigeret; & cottidiana virium accessione, ad justæ militiæ morem, munitiora quoque adortus expugnaret. Samarcandam caput regni Ali Schirus, ab Hoseino præfectus tuebatur: hunc in societatem imperii subdole pellicit Timurus; atque securior jam ab hac parte, Balachsanum contendit; junctaque cum duobus hujus dynastiæ principibus amicitia, ut arma secum adversus Hoseinum sociarent, perfecit. Is Balchi mœnibus se suaque defendere parans, cum parum ad sustinendam hostis gravissimi vim profici animadverteret, de filiis suis obsides in manum ejus tradidit. quos ille sub oculis patris interfici; ipsum-

psumque Hoseinum destitutum à suis, & supplicem, Samarcandam abduci ibique trucidari iussit, anno Hegiræ 771. qui numeratur à Christianis 1370. Balchi Regem, hunc Hoseinum Turcæ Arabesque vocant : qui Chalcocondylæ Massagetarum Rex est. Quoscunque autem Timurus dignitatibus ornavit & imperiis, ad modum Calipharum, quando cum Sultanis apud Arabes olim comparabantur, non ultra, eminere voluit. ipse autem *Magnus Princeps* vulgo appellitabatur. Videbatur obstare adhuc singularis imperii majestati Ali Schirus, ad societatem regnandi nuper allicefactus. Hunc ergo non obscuro æmulatu discordem cum per insidias sustulisset, certatim reliqui proceres & reguli, in fidem ejus se permiserunt. præcipuam vero auctoritatem in Seidum Barkam, nec immerito transtulerat. ejus enim ope & consilio Touktamischum Tartarorum principem, qui magno animo successuque, Hoseini affinis & amici necem aggressus erat, devicit. Supererant in ipsis imperii vitalibus assidua turbarum semina, per factiones volonum Samarcandæ agentium. id genus hominum ex luctatoribus fere, gladiatoribus, pugilibus, circumforaneis constabat. hi miscendis cœtibus prompti, quotiens ab urbe paulo abscessisset longius Timurus, præfectum urbis proturbabant, aut partium dissidiis protervè implicabant, nihil denique tranquillum & quietum satis patiebantur. cumque ab initio lenioribus remediis, ne quid in novitate acerbius fieret, lites eorum velut judex disceptasset sæpius, donisque & largitionibus animos emollire tentasset, tandem, ubi lenitate nihil profici intellexit, immane consilium commentus, publico instituto epulo, ad unum omnes, post multas insidiosæ humanitatis blandicias, interimi iussit. Cum domesticam quietem tantæ crudelitatis exemplo ac terrore videretur sibi constabilisse, foris etiam munimenta & præsidia potentiae cœpit dispicere. Mogoenses vicini, viris armisque ea tempestate plurimum valebant. hos nullo non humanitatis genere, donis insuper & muneribus ita sibi devinxit, ut Rex Kamedreddinus homini tam forti, potenti, eadem sacra colenti, filiam in matrimonium



collocare non dubitaret. Qua ille affinitate munitior, de proferendis imperii finibus enixe laboravit: factò in Chorazmiam (quæ & Chouvarezmia, & antiquitus Chorasmia) viciniâ opportunam, impetu; cujus rex, Hoseinus quidam, forte domo aberat. Per utrasque fluvii Gihon sive Oxi ripas, qua confecto tandem decursu vasto lacu excipitur, regnum hoc porrigebatur. A meridie Chorosanam, ab ortu Mauvaranaharam, desertis tamen intercedentibus, spectabat. Ad occasum solis & septentriones, Turcos habebat accolas. Urbes magnas, dynastas præpotentes numerabat. Caput gentis Gorghanum; ubi studia literarum, poësis, musica, aliæque disciplinæ magno concursu hominum colebantur. Prima irruptione, populatus late terras Timurus, plurimum prædæ ac opulentiae reportavit. Instruētis deinde majoribus copiis, cum iterum absentiam Regis speculatus esset, ipsam urbem Gorghanum circumspicere cœpit: quæ, captivitatis imminētis mala, consilio Haseni Saurbeghi mercatoris prænobilis, pecuniâ redimere statuit, tantumque argenti Timuro tradidit, quantum quinquaginta muli portare poterant. Dilato igitur hujus regni excidio, Geiatheddinum Hoseini Samarcandæ occisi filium, Hariæ regem, bello impetere constituit. Præmissi legati, ut munera Timuro, obsequii pignus, paret, aut exitium expectet, denuntiant. Rex legatos Timuro *præteriti temporis beneficia in memoriam revocare jubet, &, nonne, inquit, meis precibus infami supplicio creptus, inter ministeria aulica assumptus, omnique à me honore & munificentia cultus est? an, ne bruta quidem animantia, à sensu beneficiorum minime aliena, imitabitur, si hominem exuit?* His Timurus renuntiatis parum sane motus, Oxum trajicit, regiam Geiatheddini Hariam obsidet, & ad deditionem paud difficulter compellit. in tanta enim multitudine hominum jumentorumque, comperto Timuri adventu undique huc coactorum, nec disciplina, nec concordia, nec corporum sanitas durare potuit. Pepercit dedito Timurus, & ab eo invicem servatus est. cum enim procerum Hariæ quidam, Timuri in arcem introducti occidendi impetum cepisset, suæque mor-

te li-

te libertatem popularium redimere destinasset, obstitit Geiatheddinus, atque in prædictionis paternæ memoriam revolutus, fato reverenter parendum, cuius inevitabilis fors sit, differuit. Cum in Chorasanam dehinc Timurus properaret, Segestanae infestus, immane consilium, ulciscendi, quod his locis prima ejus molimina quondam prehenderat, infortunii, capit. Deditis ultro incolis, abunde benevolentiam pollicitus, ut arma traderent, imperavit. quod ubi factum, accurata inquisitione constitisset, inermes internecione conciduntur. Hic terror effecit, ut Sobzowariæ præfectus, Timurum illuc adventantem, omni obsequio mox muneribusque deliniendum sibi existimaret. Agebat in illa urbe, inclytâ famâ Muhammedus Sarbedalius, qui genus ad auctorem cognominem prophetam (impostorem, inquam) referens ingenio, consilio, moribus inter primos in oriente suspiciebatur: ad hunc invisendum cum venisse Timurus videri vellet, multa comitare ab eo requisivit: *quo potissimum pacto arduum Chorasana citerioris & ulterioris subigendæ negotium ad optatum posset exitum perducere?* cum ille, nequaquam sua opis esse, suadere Regibus, quod oporteat, causaretur, instare Timurus, atque ex ipsis faciei notis indubie compertum sibi ingenium ejus, asserere cœpit: juvaret ergo consiliis cupientem ac obtemperaturum. Tum in hunc modum inquit: *Non vero, si quid mihi credis, nec armis, sed consilio poteris facile ac cito tantum terrarum hominumque tibi subicere. Unum tibi principem quibus potes officiis, adjuuge, quem hac regna habent maximum. is est Choghia Ali, prudentia, virtute, fide, merito omnibus carus & venerandus. Si, ut ad te veniat, illi persuaseris, summisque honoribus memorem gratumque futurum colueris, non est, quod de cetero verearis.* Timurus, probata statim ratione tam expediti consilii, legatum ad Coghiam destinat; sed & Muhammedus eum per internuntios monet, ne dubitet ad Timurum, victorem quascunque adiisset gentium, accedere, ejusque amicitia rebus suis consulere. Coghia & monitu Seidi, & legati humanitate, tum literarum, quas attulerat, dulcedine permotus, statim se in viam dat. quem Timurus, primo obviam missis ducum præcipuis, mox præ-

præsentem multo honore, regiisque donis delinitum, pristino imperio præponit. Secuti exemplum reliqui Chorasanae procures ultro paruere Timuro: cujus potestas cum gloria ad vicinas mari Caspio gentes usque, veloci profectus, biennii vix totius spatio, ex quo Regem suum Hoseinum occiderat, amplificata est. Hinc Perfidis & Mediæ regno, cui Schahschegahus præerat, animum adjecit; Regemque tali epistola exterruit: *Divinitus sibi datum in Reges gentium ac tyranos imperium, perpetuo hactenus victoriarum in obstantes successu affirmari: dedente se Schahschegaho paratam clementiam; abnuenti obsequia, exitium imminere. trahere enim se quaquā incederet, comitem cladem, vastitatem, interitum.* Schahschegahum adeo perculit hæc epistola, ut imperata statim faceret, filiam suam Tumuri filio uxorem offerret, ac per omnem deinde vitam conservata fide, testamenti quoque tabulas decedens illi commendaret. Sed unde præsidium suis posteris speraverat, inde periculum extitit. Timurus enim, orta post mortem Schahschegahi inter posteros ejus discordia, obtentu testamenti tuendi, Shahmanzurum patrui interfectorem bello adortus est. Et restitit ille quidem, atque, quamvis sub ipsum prælii tempus transfugiis suorum nudatus, exigua cum manu fortissime hostium vim sustinuit; donec noctis beneficio, absumtas jam vires dolo instaurare, integrum fuit. Immisso enim in castra Timuri equo, cujus caudæ ahenum alligaverat, tantum terroris excitavit, ut in mutuas cædes versi, ad fugam denique omnes se compararent. Hæsit in tergis fugientium Shahmanzurus, quingentis non amplius stipatus, insignique edita strage Timurum eo adegit, ut in agmine mulierum, quæ lege Arabum inter arma inviolabiles habentur, veste dissimulatus, periculum vitæ effugeret. Sed amissis denique omnibus suis (unicus enim vir huic pugnae postea superstit) Shahmanzurus mortuorum cadaveribus immixtus, perniciem vitare instituit. verum agnitus à Timuri milite, quo minus interficeretur, nullis precibus aut promissis impetrare potuit. Recisum à cervice caput, Timurum liberavit quidem metu, sed quod vivo potiri concupisset,

pisset, adeo truci ira accendit, ut auctorem cædis cum omni familia internecione deleteret. Pericula autem hujus belli publicis locis expressa ac depicta conspici, perferri literis, edisci à pueris voluit. Sed hæc postea acciderunt. Interea Chorasmiæ tertio aggressus, regiam diruit, impositoque incolis præfecto, spolia Samarkandam deportat. Legatis quoque ad regulos, maris Caspii accolas, dimissis, ut plerique accederent supplices, perfecit. Solus iis locis Schahwalus restitit, fretus temeritate Ahmedi Babylonis Arabicæ & Adrebiganæ Principis, qui in Timurum insolenter verbis invehi solitus, nihil sibi in armis spei reliquerat. Venitur ad manus, pugnatur acriter, multum utrimque sanguinis funditur: sed victoria penes Timurum fuit. Schahwalus hac clade affectus ad Muhammedi Ghauri Reæ Principis opes confugit: qui Timuri majestatem comiter sibi conservandam ratus, interfecit hospitem, caputque ejus ad Timurum misit. In hoc bello singularis fuit & incredibilis virtus Abubecri Schasbanitæ: qui torrentis ritu non semel copiis Timuri incubuit: manu, consilio & struendis insidiis ubique infestus, ne angustiis quidem locorum conclusus prehendi potuit. Unde inter Heroas inclytum ejus nomen, Taabeto Scharraho Arabi ante Muhammedem factis claro, carminibus poetarum postea concelebrato, comparari meruit. Subactis late vicinis, ad Ispahanenses Timur processit. à quo urbs quidem Ispahanum multo auro pacem redemit; per agros autem præsidia dispersita sunt. hæc dirum in modum, omni contumeliæ ac injuriarum genere ita vexarunt agrestes, ut miseram pacem bello mutandam crederent, concursuque facto ad sex millia præsidiariorum occiderent. Tum vero accensus ira atroci Timurus, in rebelles expeditionem sumit, nullique nec ætati nec sexui parcit, quin militum libidini perdenda omnia & conculcanda præberet. Ferunt præmissum in urbem Ducem Timuri, cum immensam cædem edidisset, exoratum tandem ut reliquis parceret, jussisse parvulos per agmina in collibus disponi, si forte miserabilis facies periclitantium tot innoxiorum capitum, Timuri animum e-

molliret. Cui mox adveſto, & interroganti, quid ſibi vellet infeliciſimum ille populus, Dux reſpondit: *Hi ſunt quorum parentes tuo occubuerunt imperio, numero & ætate & orbitate, Tua, Rex maxime, miſericordia digni, quam ſuppliciter implorant.* At ille, nullo dato reſponſo, equum in tenellos concitavit averſoque ab immanitate facti vultu, non deſtitit graſſari cum exercitu, donec equorum ungulis omnes proſtriti jacerent. Hæc ſævitia, ei pro instrumento victoriarum fuit: cum Samarkandam relatis ſpoliis, partim per ſuos, partim per ſe, in ulteriora, armorum ſuorum terrorem ac fortunam maxima celeritate proferret. Arabiæ perdomandæ dehinc adjecit animum: quam tum temporis cum parte Armeniæ majoris & Mediæ tenebat Admedus. cujus ducem Sabtanæum Timurus memorabili prælio ſuperat, multaque præda potitus, quod ſupererat militiæ, in aliud tempus diſſert: obitiſque velut otioſa peregrinatione provinciis, quas ſubegerat, urbes extruit, palatia excitat, hortos ac viridaria diſponit. inter quæ, cum aliud ſimularet, aliud conſtituiſſet, ſubito ad arma converſus, Lurenſem provinciam imperio ſuo adjuſcit: magniſque opibus auctus, in Hamadanæos contendit. quorum rex Mogthaba, magna vi auri, nec ſemel, pacem & incolumitatem emere coactus, vix imminentem ſibi perniciem vitavit. Quibus Ahmedus, de quo memoratum eſt, cognitis, Bagdato ſimul à Timurianis intercepto, quæ Babilonia hodie eſt, abjecta omni alia ſpe, in Syriam profugit, poſtquam pretioſiſſima rerum, cum filio & uxore, in Collem ſalutis (munitiſſimæ arci id nomen eſt) tranſtuliffet. Tunus, cum trecentis non amplius præſidiariis, locum adverſus ingentes Timuri exercitus tuebatur. duobus ergo in oppugnatione amiſſis ducibus, lenta obſidione cæptum eſt agi. qua nec ipſa poſt duodecimum annum arx capta eſſet, niſi per domesticam diſcordiam excluſo Tuno, Ahmedi filius impar tantæ rei, vitam & incolumitatem pactus deditio-nem feciſſet. Caſtris inter hæc ad Mauzolam poſitis (contra Niniven veterum ſita eſt urbs) cum ingentes ex Meſopotamia prædæ egiſſet Timurus, Diarbecram, jam ante ex-curſo-

curfionibus tentatam, infestus adoritur. Rex Ifa Malec-Taherus, imparatum se cernens, coactis ad urbem & arcem Maredinam copiis, mandat, ne dederent arcem. ipse autem ad tyrannum profectus, obsequium pollicetur. Timurus statim in vincula mittit hominem, atque ut arcem Maredinæ dedi curaret, minaciter expostulat. cumque negaret Rex, id suæ opis esse, propius accedens Timurus, ni dederent arcem, captivo regi se confestim necem illaturum, denuntiat. cum ne sic quidem aliquid proficeret, ingens pretium pro incolumitate regis pactus, quem arctioribus interim-vinculis onerat, milites suos ad direptiones circumcirca dimisit: quos hac licentia instigatos, subito per inaccessa loca urbi Maredinæ infudit, omniaque cædibus ac ruinis miscuit. Arcem quoque, post quintum diem, recipit: & in deditos, quamquam incolumitatem promiserat, magna cæde sævit; non sacro, non profano abstinere: deletoque, cum ipsis supplicibus, templo, ac vicinis castellis subactis, magnam captivorum turbam trahens, domum revertitur, & Malec-Taherum novis custodiæ incommodis affligit, donec post Distanam expeditionem libertati restitutum, munifceque donatum, petita subdole prioris severitatis venia, amplissimis imperiis præfecit. Habuit Distā (cujus incolæ Schiltbergerus Tartaros albos vocat) tum temporis regem Touktamischem, qui primus Islimicos ritus Distæis conciliasse fertur. is muneribus & obsequio Timuri adventantis animum expugnandum ratus, cum ejus nomine vota passim suscipi, & nummos signari jussisset, obviam procedit; atque exquisito adulationis genere ferociam tyranni demulcet. inter dona longus mancipiorum ordo, novenis copulatis, incebat: nisi quod una tantum Mamlucorum copula octonos ligaverat. Timuro diversitatis causam exquirenti, Touktamischem, *en me nonum*, inquit. Delectatus ingenio hujus blandimenti Timurus, *Tu vero filius mihi, & vicarius eris*, respondet, ac retro vertitur. Sed non longa Distæ quies mansit. Nam Idacu Turcæ amicorum Touktamischi præcipuus, diffidentia & metu amittendæ potentiæ ad Timurum

mutum profugus, opportunitates & illecebras invadendæ Distæ, nihil minus quàm negligenti talium consiliorum ostentaverat. Excitatus hoc infortunio ad fortiora consilia Touktamisclus, & jaculandi peritia, qua præstare suos noverat, fretus, copias contra Timurum altera vice imminentem educit. Committitur atrox prælium triduo continuo; copiisque Touktamischi, quas defectio unius tribus jam diminuerat, in fugam versis, Distanus ager prædæ ac direptui fuit: unde magnas opes Timurus Samarcandam convexit. Ne tum quidem longum Distæ spatium ad respirandum contigit. Idacu enim, cum secessionem à Timuro fecisset, & Touktamischo reconciliari frustra cupivisset, sollicitatis ad defectionem Distanis, magnis cladibus rem Distanam afflixit: sexto autem decimo prælio, postquam varia fortuna ante certasset: Touktamisclum oppressit, suæque ditioni omnia subjecit. Timurum verò callidissimi ingenii hominem, tam malè habuit, quod Idacu à se dimisisset, ejusque astutiam sero advertisset, ut moriendi impetum ceperit. Audebant Timuri victoris opes adhuc contemnere Syriæ quidam reguli, Abulabassus præsertim, & Borhaneddinus. Miserat legatos Timurus & literas, quibus significabat: *Exercitum ira Dei creatum adesse, qui imperium decretum sit in omnes Deo invisos; victorem, qui nulli vi repelli; ultorem, qui nulla miseratione flecti queat. promissæ tamen & statim ad obsequium venientibus, paratam clementiam; tergiversantibus aut resistentibus internecionem denuntiari.* Adebantur quædam de cæremonia precum, & signo nummorum, quæ Timurus, ut pignus obedientiæ, postulare solebat. At reguli, legatis in frustra discerptis, finitimorum opes, & Bajazetis Othmanidæ Turcarum Imperatoris tum maxime florentis auxilium implorarunt. cujus fiducia Abulabbasus ad Timurum epistolam destinavit: *Desinere à vera religionis cultoribus impiis Scythæ ea postulare, quæ ipsos parum decerent. arma sibi & animos esse, multitudine terreri nescios, itaque vel victoriam luculentam de prædonibus barbaram feritatem ultro professis, vel certe honestam pro causa tam bona mortem se à Deo expectare.* Timurus maximum sane hujus repulsæ dolorem.



lorem, in occasionem tamen vindictæ differendum ratus, Indiæ interim regno spoliando animum adjecit. Irritabat occasio turbarum ex morte Regis Indiæ : qui, cum improlis decessisset, procerum certaminibus distractum quasi-  
satumque regnum ad unius tandem imperium cupide respexit. Et contigerat novus Rex : nisi consensum cæterorum, Præfectus Multanensis Scharnech-chanus, opibus armisque longe princeps, rebellio suo inutilem fecisset. Adversus hunc ergo Timurus, quasi pro novi regis causa, immensas copias educit, urbemque Multanensem obsidere parat. Præstabat veterano milite, & elephantorum numero (ostingentos tradunt) Scharnech-chanus : neque ceterarum ei rerum, quibus bellum sustentatur, quicquam deerat. quo factum est, ut triennium Timuro strenue resisteret, ad extremum astu victus est, cum Timurus prælio indicto, murices ferreos, qua elephantos emissurus erat hostis, defodisset ; quibus impactum vastum animal, inutile bello esse cœpit, versoque in suos ferore, initium eladis fecit. Quanquam alii camelorum conspectu, incensis, quas portabant, sarcinis ferocientium, turbatam elephantorum aciem tradunt. Hæc victoria, instrumentum Timuro Syriacæ expeditionis resumendæ fuit. Maximis enim divitiis collocupletatus, cum devictis Indiæ regionibus prætorem imposuisset, audita præsertim morte Borhaneddini, assumtis Indorum ducibus, elephantisque, Samarcanda egreditur anno Hegiræ 801. (qui esset Christianus 1401.) & infestus Syriæ incumbit. Ita Arabschiades tempora notat : quæ annales Turcici citerius, in hac historia & sequentibus ponunt. Borhaneddinum (qui aliis Burchanadin, & cadi Burchan) Sebastiae regem, Otmanus Turcomanorum quidem, prælio victum interfecerat : & mox ad ipsam urbem Sebastiam victrices copias admove-  
rat. cum autem in filio Borhaneddini parum præsidii esset, oppidani Bajazetem (qui & Abi Iezidus) ut adversus Otmanum suppetias ferret, exorant. Is filium cum viginti milibus equitum, & quatuor millibus peditum subsidio mittit. cumque jam profligato Otmano Sebastia se trade-

re filio Bajazethis vellet, ille patrem acciri voluit, recepturum in suam ditionem regnum. Venisse igitur Bajazethem cum CLM exercitu, acceptæque in fidem urbi regnoque filium Otmani victorem præposuisse, Schiltbergerus tradit, qui expeditioni, qua soluta obsidio urbis est, interfuit. Ex eodem discimus, Otmanum Timuri clientem fuisse, eique, ut ereptam sibi è faucibus prædam Sebastianæ armis à Bajazethe repeteret, persuasisse. Timuri certe propositis mire conveniebat, Turcomanos, qui ad morem Nomadum, cum pecore suo modo hic, modo alibi errantes, temporariam sedem à regibus vicinis impetrare solebant, addictos habere. Excitatus ergo querela Otmani, per legatos Bajazethem monuit, ut Otmano Sebastianam redderet. Sed rejectus non sine insolentia, maximo exercitu (decies centena milla armatorum memorantur) Sebastianam petit: eamque post vigesimum primum diem capit. cuniculis potissimum res acta. habuit enim Timurus octo fossorum millia in castris. Orthobulen Bajazethis filium ibi captum, & paulo post interfectum, *Laonicus* tradit. Sed nec nomen convenit, & fidem rei, multa sunt quæ elevant, sicut *Leunclavius* ostendit. Facilius reliqua credimus, quæ crudeliter in omnem sexum & ætatem patrata, idem *Calcocondyles* refert. *Arabschiades* in præsidarios præcipue, quos Bajazethes imposuerat, contra fidem datam, sævitum esse auctor est. Nimirum præfectus præsidio, ne sanguis effunderetur, cum Timuro pactus erat, is ergo vivos defodi captivos, elusa conventionis formula, imperavit. Quod cædibus superfuit populi, in exilium abduxit victor. in quibus ad IXM captivæ virgines trahebantur. urbs ipsa ruinis foedata est. Amiserat Timurus in hac oppugnatione, tria militum millia. Diffusam longe lateque populationem esse tam numerosi exercitus, satis intelligitur. Recessit tamen Cheriam (sive Korabagum vocare mavis cum quibusdam) in hyberna: sed mox ampliore, quam antea exercitu in Sultanum Ægypti, cui se præsides Syriæ plerique adjunxerant, movit. Prima tempestas hujus expeditionis in urbem Alepi (Halebum etiam & Chalepiam vocant)

cant) defæviit : quo Syriæ præfecti se cum suis copiis con-  
 tulerant. Ibi deliberatum est, mœnibus defendi, an in a-  
 ciem prodire satius esset. Cum placuisset, castris in aper-  
 to positis hostium adventum expectare, Legatus à Timu-  
 ro supervenit ; quem ne auditum quidem præfectus Da-  
 masci, præcipuus ferocia inter hos præfides , interfici ius-  
 sit. Adventantem Timurum levi certamine exceperunt :  
 à quo postridie in urbem rejehti sunt. sed tantus fuit pa-  
 vor fugientium , ut ad portas confertim ruentes, funera  
 ipsi sua improvide cumularent, hostique persequenti oc-  
 casionem irrumpendi darent. Initium fugæ, Tamardaschus  
 fecit, Alepi præfectus , in occulto Timuri rebus favens.  
 Supererat arx, in qua victi receptum habuere. quæ & ipsa  
 post dierum septendecim circiter obsidionem, in Timuri,  
 incolumitatem deditis polliciti, potestatem venit. Neque  
 fides promisso extitit. castello enim exspoliato, opibusque  
 maximis inde avectis, in captivos vario cruciatu sævitum  
 est : adeo ut nullam urbem unquam , Timuriani militis  
 majorem crudelitatem & licentiam pertulisse tradant. Ipse  
 Timurus, quasi injussu suo patrata pleraque, cum fidei da-  
 tæ admoneretur, excusavit. Hinc *Schiltbergerus* ad Antio-  
 chiam ( Anthax ) Syriæ translata castra, eaque post nonum  
 diem captâ, Emisam obsessam, ac quintodecimo die de-  
 ditam commemorat, antequam ad Damascum copias Ti-  
 murus promoveret. Arabschiades, postquam arci Hale-  
 biensi præpositus esset Musa Taganæus, Hamatham dire-  
 ptam, inde Emisam, nemine repugnante, captam ; postea  
 Heliopolin eodem impetu vastatam refert. Monumentum  
 quoque marmoris incisum lingua Persica & in templo, Ha-  
 mathæ positum describit : quo Timurus, *prolasos longe late-  
 que imperii fines, justumque in Sultanum Egypti bellum susceptum*  
*consignaverat.* Dum ad Damascum castra habebat, Egypti  
 præfectus exercitum subsidio adducit ; ac duodecim millia  
 armatorum in urbem immittit. varie interea certatum est,  
 donec Egyptius exercitus, simulato etiam transfugio Ho-  
 seini sorore Timuri geniti deceptus, & discórdia ducum  
 turbatus, terga dedit. Insecutus est Timurus Cairum seu

Mem-

Memphim repetentes ; sed quo minus assequeretur, infecta veneno à fugientibus pascua & aquæ effecerunt. Legati hinc certatim missi ad victoris opes Timuri conversam late viciniam memorabant ac obsequia deferebant. Præfidiarii Ægyptii Damasco impositi, cum per trimestre tempus cottidianis certaminibus cum Timuro contendissent, ademta tandem auxilii spe, innoxium abitum pacti, in Ægyptum revertere. Neque urbs longiores moras fecit: in qua triste spectaculum ira victoris præbuit. Supplices enim omnis ordinis, ætatis, sexus in templum Omniadatum salutis causa confugere iussi, cum ipso amplissimo ædificio cremati sunt. ad XXX millia traduntur, quos hæc calamitas absumsit. Mandatum etiam est victoribus, ut unusquisque virile caput occisi hostis ad Timurum afferret. quæ immanitas per triginta dies tenuit: visabanturque horribili specie extructa de capitibus interfectorum tria castella. Ad arcem, quæ Timurianos valde attrivit, plus laboris fuit. excitatum ergo est ex adverso munimentum, quod ipsam arcem altitudine æquabat: hujus demum ope post XLIII obsidionis diem in ditionem venit. Præfectum arcis Ahmedum Schahaboddinum, militari laude in primis clarum, magno natu hominem (nonagesimum enim ætatis annum egressus erat) compedibus ferreis gravissimis excruciauit Timurus, memoria damnorum, quæ apud arcem acceperat. Inter recedendum, iteratæ ubique locorum direptiones, & in Bagdadenses omnis sævitia effusa est. Bagdadum enim (nova Babylon est) cum portas adventanti clausisset, magnas suæ confidentiæ pœnas dedit, cæforum sanguine (90000. memorantur, præter aliunde ad hanc lanienam convectos) Tigris irrubuit: constructæque de capitibus interemtorum palæstræ, detestabile barbari moris documentum exhibuerunt. Hæc expeditio immensis opibus Timurum auxit: cui jam nihil inaccessum aut arduum videri poterat. Haud ægre igitur causam regulorum quos Bajazethes victos domo expulerat, Karamani præsidem etiam interfecerat, filiis in vincula abductis, tuendam suscepit.

ſcepit. Bajazethes illo Turcorum princeps, quem *Gilderum*, ſive fulmen; Græci autem *Αἰλανα* turbinem, à celeritate bellandi appellitabant, admirandis ſucceſſibus fines imperii protulerat, nec Europæ tantum infeſtus imminebat; ſed Aſiæ regulos complures, in his, etiam Timuri clientes quosdam domuerat ejeceratque. His apud Timurum confugium fuit, precantibus: ne ſui generis homines innoxios neque quicquam contra ſœdera auſos, impune vexari ſineret. datum propterea illi Aſiæ imperium, ut injurias ſuorum atque contumelias vindicaret. Ad illum ſe patrem, ad illum patronum reſpicere unicum, aiebant. Timurus per legatos primum & literas rem geſſit aliquotiens repetitas, quibus Bajazethem monuit: reſtueret in regna inique pulſos; & ſi quid deliquiſſe convincerentur legibus ultro pœnas daturus. In Mahumetana potius carimonia inimicos arma verteret, quod hæcenus magna cum laude ſeciſſet: ab innocentibus autem & cognatis manus abſtineret. Sultanum Abmedum & Kora Joſephum, turbatores pacis & pradones, imperii ſui finibus ejiceret, aut captos interficeret. nollet denique, juſta negando irritare illam tempeſtatem, cui hæcenus nemo non ſuccubuiſſet. Bajazethes ferocia temerarius nihil pacati reſpondit: veſtis quoque dono miſſæ munus, ut ab impari proſectum inſolenter ſprevit; negans, minus ſe terreri. deſineret conſerre Bajazethem cum aliis barbarorum regibus, quibus vel imbellia ſua, vel inteſtina diſſidia, vel doli certe non arma Timuri exitio fuiſſent. ſibi & aſſuetudine bellandi & ſpe melioris poſt mortem conditionis, virtutem in promptu eſſe, neque fortuna ſe hæcenus pœnitere. Et, quandoquidem arma minitaretur, veniret, aut ter repudiatas in matrimonium uxores reducere cogeretur. idem ſibi ut inſortunium contingeret, precari ſi adventum ejus perhorreſceret aut deſugeret. His Timurus cognitis, exarſit, belloque adverſus Bajazethem decreto, literas dimiſit, inſolentiam hoſtis & neceſſitatem vindictæ demonſtrantes. iis inter alia hoc quoque continebatur: quod Bajazethes nomen ſuum aureis ſcriptum literis Timuro præpoſuerit; & in quadam epiſtola, etiam Timuri nomen Tahartano, quem in ſamulis ille numerabat, poſtpoſuerit. Rebus ergo domi compoſitis, &

nepoti ex filio traditis, exivit Timurus cum exercitu numerosissimo: quem ad centum myriades Graci, *Schiltbergerus* longe maiorem fuisse tradit. centum enim & octoginta myriades numerat. Obstabat in Turcorum fines ituro arx inter munitissimas toto orbe celebris: aquis undique cincta, & Ephratis præsertim torrente præsepta. Camach nomen est castello. ad quod aditum sibi arboribus jactis molitus Timurus, ignibus repellitur. lapidibus igitur impletus torrens transitum præbuit scalas applicantibus. Deditam arcem, strenuoque præfecto commissam, à tergo munimentum habere, præcipui consilii fuit. Incidit hæc expeditio in annum Hegiræ 804. qui Christianis est 1403. & finitur tertio post anno, juxta *Arabschiadem*, à quo non abeunt multum, quæ *Leunclavius* putat. Obsidebat hoc tempore Bajazethes Constantinopolim, & devictis antea complures annos Hungaricis & Gallicis suppetiis, funesto illo ad Nicopolin prælio, parum à capienda urbe aberat: cum de adventu Timuri nuntius adfertur. Soluta igitur statim obsidione, & assumtis in commilitium Tartaris, extra fines imperii sui Timuro parat occurrere. Sed ille effusus in Turcarum regiones copiis, post multam populationem, apud Ancyram tandem castra ponit. ubi ad ultimum discrimen res deducta est. Timurus astu non minus quam armis rem gerere solitus, occultis nuntiis Tartarorum duci persuaserat: ne *Bajazethis* dominationi adversus homines ejusdem familia ac nationis suum sanguinem commodarent; sed à victore cognato tum cetera ingentia premia tum sedem in his opulentis locis perpetuam expectarent. Illi ergo fidem strenue simulantes, Bajazethi, à quo evocati erant, abunde pollicentur: sed mox sub ipsum discriminis tempus sublatis signis ad Timuri castra transeunt. De numero non consentiunt scriptores. *Schiltbergerus* 30000. nominat; alii 18000. corrupto tamen, ut arbitror, numero tradunt. Si enim tertiam partem exercitus Bajazethis constituerunt, quod & ipsum memoratur, ne tum quidem satis magnus poneretur numerus, si 180000. scribentur. Secessio Tartarorum fregit ceterorum animos: & quamvis Europæus miles duce-

præ-

præsertim Despota Servia strenue rem in prælio gereret, cum tamen Timuriani invalescerent, in Asiaticis nihil præsidii fuit. Effusa suorum fugâ ipse etiam Bajazethes abreptus, apud montana tamen cum quinque millium manu restitit, captus subinde à Timurianis insequentibus & ad victorem perductus. Hunc casum Bajazethi omnia quædam prænuntiaverant, quibus non magis tamen, quam consiliis opportune suggestis motus, relicta omni proba administratione militiæ, ad prælium concitato temere impetu festinaverat; admirante Timuro audaciam viri, neque frustra, Turbinis illum cognomine notari, increpante. Ferunt, eum secundæ fortunæ illecebris inescatum, plura & majora audendo, quam consulendo geri, dictitasse: sed neque fieri posse credidisse, ut Asiatica arma (Timuri) Europæum Principem vincerent. insigni documento, quam periculose ratiocinentur historias & casus præteriti temporis, qui eventus tantum, non eventuum rationes causasque in consilio habent. Excepit captivum Timurus honorifice, cumque humi in eodem tapete secum confidere jussisset, memorabile colloquium orsus, multum, inquit, debemus Deo, qui mihi quidem claudo, ab India usque ad Sebastia portas; tibi autem itidem debili, à Sebastia in Hungariam, imperium tradidit. Si totius orbis opes dispertire voluisset, quid claudo & debili majus potuisset dare? sed tu fortasse mentis parum erga Deum gratæ pœnas nunc luis. Multa autem prorsus humane fecit dixitque Timurus erga Bajazethem, quæ scriptorum invidia oblitteravit aut in contrarium vertit. Tale est, quod uxori Bajazethis, contumeliæ causa ad cyathum ministrare præceperit, quam Timurus nullius plane contumeliæ ergo in convivium venire, & assidere, vinumque, quod probro apud Scythas minime habebatur, infundere jussit. Illud quoque, quod de cavea ferrea circumfertur, dissimulatis fere initiis & causis rei traditur. Cum enim aliquando insolentissimum hominem & ferocissimum Timurus interrogasset, *quid me fecisses, si in tuam potestatem ita pervenissem, sicut tu in meam?* respondit ille, *cavea te inclusum circumtul-*



*liffem, quoque castra mea promota essent.* Tum tentum exasperatus Timurus clathris ferreis ad modum sellæ fabrefactis eum inclusit: neque tamen, ut falso asseritur, multis annis circumduxit, cum anno insequente, nec occisus à Timuro, qui sperabat fore, ut redimeretur à filiis, sed ægritudine indignantis animi, cum Samarcandam se deductum iri intelligeret, vitam finierit. sic quoque crebris alloquiis captivi sui fortunam solari perseveravit Timurus; neque consilia ejus aspernatus est. Suaserat ei, ne Tartaros in his regionibus relinqueret, quas eis præmium defectionis, ut diximus, pollicitus erat; fore enim, ut novis rebus assidue studerent. Paruit Timurus, & fraude inductos Tartaros, secum in intima imperii traxit. In Musulmannos quoque minus sævire cœpit, postquam Bajazethes majorem ex clementia fructum ostenderat. Nec minus ab arcibus quibusdam Turcicis, & templis alylisque diruendis temperavit, ubi, ut id faceret, à captivo rogatus erat. Ceterum hac victoria Timuri nihil est illustrius: quam Deus singularibus momentis ad Turcicas opes, quæ tam veloci progressu hætenus ad terrorem gentium evaluerant, retundendas voluit pertinere. Offerebatur sane Christianis per ea quæ consecuta sunt, exoptata occasio perdelendi immanissimum hostem, cognatis jam armis fractum; nisi susceptam tempestivam expeditionem dissoluti moris licentia corrupisset, cladesque nostras iterum pudendo dedecore cumulasset. Post hunc tam incomparabilem successum, Timurus, expugnatis etiam Caraghæorum munitissimis castellis, & pecunia satis ingenti exacta, domum reverti statuit. Samarcandæ anno Hegiræ 807. magnifice exceptus, totum se reipublicæ administrationi dedit; mitiorque quam antea, visus, postquam ad sæviora consilia relapsus est, exitium sibi hoc eodem anno maturavit, sicut postea dicitur. Futuram viri magnitudinem ostenta quædam denunciaverunt. Quæ natus est nocte, cassis ignea volavit per aërem, campisque patentibus impacta dissilire, ac incendia per urbes agrosque circumferre visa est. Ipse in lucem editus, plenas atro sanguine manus ex-

tulit:

tulit: crebro, nec unquam fallace, magnarum calamitatum à partu tali imminantium, indicio. Nec defuerunt, qui satellitem, latronem, lanium, carnificem denique, talibus notis portendi crederent. Timurus ipse, cum adolevisset, magna hinc omnia sibi plusquam animose interpretatus est. Nihil prius habuit & antiquius, postquam imperium adeptus est, quam ut præsentì statu tranquille omnes fruerentur. Hæc præfæctis, hæc iudicibus mandata. Scortationes, patibulo; furta cruce punivit. Duabus autem rebus potentiam & incrementa fundavit ac sustentavit, religione & studio armorum. Ubique Legis Gingis-Chanicæ reverentiam præferebat; & ad Deum auctorem successus suos referebat: conservatis sæpe, cum reliqua deleteret, templis: sæpe & passim extructis. Islimisimo tamen deditos, præsertim ante victum Bajazetem, infestis odiis persecutus, ab iis ut impius haberi & Deo inimicus, meruit. Non minus enim Mahumedani Islimici, Gingis-Chanicis; quàm Judæi, Samaritanis infensi sunt. Sed cessit majoribus cupiditatibus subinde religionis studium: ut &, fidei quam singulariter jactare consueverat, Deique se imaginem, servanda fide, referre gloriabatur. Sed, qui immensis opibus parandis totos se ac pertinaciter dederunt, omnes reliquos titulos, utut inter instrumenta regnandi assumptos, in secundis habent. hinc totiens fides violata, neque quicquam consequendæ dominationis nefas habitum. In re militari, Romanorum disciplinam accurate servavit: distributis per castra contuberniis, præpositis decanis, ut nemo peregrinus, aut explorator locum, quo se reciperet, inveniret, facileque à circumeuntibus vigilibus deprehenderetur. capitale enim & militibus erat, tempore, quo in contubernia conveniendum fuit, extra tentoria oberrare. In oppugnandis urbibus ac munimentis, modo vineas pluteosque, in quibus scalæ erant, rotis impellebat: modo coronâ loco circumdatâ, aggeres excitabat altitudinem mœnium æquantes: interdum cuniculos fodiebat, ligneis fulturis tantisper sustentans murum, donec igne subjecto unâ ruinâ cum lignis in-

voluerentur. Astu & excogitatis celeriter ac variè cōmentis plurima confecit. Inter mira ejus machinamenta pæne fidem superat, quod apud antrum quoddam Caraghæorum usurpavit. Edita rupes erat, in cujus medio, aditus in speluncam, tantum à terra recesserat, ut nec telum adjici, nec scala admoveri posset. Timurus ergo capfas audacissimis militibus repletas, catenarum serie ita suspendit, ut ex aëre oppugnata antri porta, obsessos cum multa præda caperet. Amorem literarum singularem præ se tulit: in historia præsertim rerum Orientalium & Africanarum eximie versatus. Philosophiam Græcam Avicennæ cedere jussit; editis contra illam decretis. Sapientes ubique secum circumduxit, honoribus affectit, consuluit: multa captiose interim & subdole requirens, ad quæ nec silere, nec respondere promptum esset. Medicis & Astrologis plurimum obediebat. Arabschiades nominatim recenset, quos in quoque arte præstantes Timurus habuerit, & eruditos. Imperii majestatem omnibus rebus conspici voluit. Samarcandam igitur splendidissimis ædificiis exornavit: nulloque non genere hominum implevit. huc artifices, huc raritate notabilia opera undique convexit. Specimen immensæ opulentæ cerni potuit in nuptiis nepotis Timuri, quas non multo ante obitum suum celebrari voluit. Locum tam solenni spectaculo quæsiuit, non procul Samarcanda distantem: in quo natura, quantum ad amœnitatem conferri posset, experta videtur. Ibi regibus, præfatis, ducibus, judicibus, undique convocatis, longa serie spatia distributa, quibus tentoria figerent auro gemmisque fulgentia, omnique æmulantium industriâ adornata. Timurus ipse pretiosissima Asiæ & Europæ spolia non alias magis ostentavit. Samarcandenſes pro se quisque dona afferebant: & artificiosis spectaculis animos oculosque tenebant. Partem celebritatis non modicam legati multarum gentium implevere. Adjecta conviviiis amplissima dona, fidesque omnibus facta; immensas Timuri opes neminis magnificentia aut splendore superari posse. Qui sub ejus imperio erant, magni etiam reges & principes, munera ob-

ra oblaturi, veniam adeundi eminus stantes præstolabantur : qua per internuntium impetrata, proni in terram, flexo poplite, ut quisque nominatim vocatus erat, arrepebant. Præter summi imperii vocabula, variis titulis & honoribus gaudebat. *Dominum septem climatum, possessorem terra & maris, victorem Regum & Principum* appellabant. Quin & nomen ejus sanctius prædicabatur, quam ut jurandi causa, aut omnino cujusquam è vulgi ore enuntiaretur. Probabat enim ipse adulatorum ingenia ; non in convictu tantum, sed in historia etiam & libris : nihil potius desiderans, quam incomparabilis & viri & Principis famam. quare & res à se gestas omnibus prætoriis, palatiis, ornamentis consecrari, & artificum labore designari curavit. Ingenio fuit sagaci, veloci, profundo : magnis semper cogitationibus immerfus, judicio non facile deceptus, memoria non destitutus. conjiciendi de futuris, tanta in eo facultas fuit & felicitas, ut commercio dæmonum sæpe tribuerentur, quæ præfagiebat. Plurima etiam per emissarios & exploratores nullis non locis dispositos, cognoscebat, quæ ad neminis notitiam emanare posse credebantur. Undique autem ad se perscribi jubebat, quæ publicè privatimque evenissent, quæ ad hominum singulorum, locorumque notitiam pertinerent. cujus generis pleraque & coram requirebat, quoquo venisset. Miri in dissimulando ingenii, semper alia minabatur, alia contendebat. Ad celeritatem, calliditatem, laborem, cujus patientissimus erat, suo exemplo exercitum duraverat : quam ad omnia promptissimum habuit. Sui plerumque judicii, inter ardua tamen, consiliis suorum uti non dedignabatur. Ne secundis rebus exultare videretur, plerumque cavit : adversis utique indomitum animum nunquam non ostentans. Audacissimo cuique præcipua præmiorum decrevit. Ita enim evenire necesse est, omnia ad militiam & infinitæ dominationis licentiam referentibus. Hinc justitia, cujus videri volebat studiosissimus, in sævitiam ; constantia, in pertinaciâ subinde degeneravit. Adeo quippe in omnibus rebus, cupidine severitatis truculentus fuit, ut suorum quoque animos

mos efferaret, & adversus omnem misericordiam induraret. Ira non præservida tantum, sed insanabilis; cum suspicionibus & vindictæ studio conjuncta. Itaque quos cepit semel odisse, plerumque ad vitæ finem afflixit. Quæ res etiam ipsi exitium tandem, fatali justitia attulit. Alladadus erat, egregius vir, quem Timuro invisum fecerant divitiæ, bonæ artes, & ingens apud omnes auctoritas. accessit calumnia criminantium opes ejus, tanquam Syriacis spoliis interversis in tantum auctas. Cum perdere hunc hominem Timurus destinasset, frustra caput ejus periculis objectasset, armis tandem opprimere statuit, cujus virtus & prudentia insidiis non patebat. Jam victor tot terrarum, imperio undique stabilito, congestis infinitis gazis, frui per quietem poterat, cum revolvens odia pristina copias cogit, & adversus Alladadum expeditionem parat. Non inclementia hiemis impetum ejus retundere poterat, quin cum numerosissimo exercitu egrederetur. Alladadus, in se conflare illam tempestatem, vel hinc intellexit, quod Timurus eum jusserat centum camelos onera portare solitos cum farina obviam mittere, id quod fluminibus gelu constrictis nulla humana ope effici posse videbatur. Tentavit sane, vicinorum præfectorum implorato auxilio, si molarum usus, excisa glacie, posset restitui. Quæ res eos frustra habuit. deprecatus igitur Alladadus jussa, quibus non sufficeret, ingentem pecuniæ summam tyranno offert; ac subinde, instigantibus amicis & implacabilem Timuri animum ostendentibus, exuere obsequium constituit. Sed Timuri imminenti furorem ita castigavit anni tempestas, ut attrita & consumpta frigoribus maxima exercitus parte, ipse etiam Timurus, nequicquam medicorum, quos præstantissimos habebat, ope adhibita, extingueretur, anno Hegiræ 807. s. Christiano 1406. Octogenario majorem fuisse, probatissimus documentis constat: ne quis Lonicerum, & reliquos incertiora secutos audiat. Annos regni quadraginta, Annales Turcici ei tribuunt. Corpore traditur valido, statura eximie procera, latis humeris, digitis & cruribus crassis, barba pro-

promissa. Uxores quatuor in matrimonio habuisse fertur, quarum unam interfecit, vel quartam; vel, ut verisimilius est, primam, quam Laonicus Hoseini regis, quem occidit, viduam fuisse tradit. Filii ejus memorantur; Geban Kehir, ex quo nepotem vidit Sultanum Mahummedem tantis ingenii dotibus, ut successorem sibi destinaret Timurus, voto frustratus, ac nepoti superstes: Scharochus, qui in prælio adversus Bajazethem fortiter dimicavit: Amiranſchahus, qui ausus est patri in India bellanti scribere: rectius facturum senem supremis jam propinquum, si relictis negotiis aliis, sacris vacaret; filiisque & nepotibus, ad res gerendas jam per ætatem idoneis cetera committeret. si quotquot fuerint reges divitiis aut gloria vinceret, moriendum tamen esse. desineret crudelitate & superbia uti, nisi Deum & homines, ipsosque filios vellet ultores expectare. Pepercit tamen, quod mirandum erat, filio Timurus, & in eos tantum iram effudit, qui eum contra patrem extimulaverunt. Scharocho quatuor filii tribuuntur: è quibus natus majoris Vlugbeki nuptiæ eo splendore, de quo ante dictum, celebratæ sunt. Imperii partem, unde in omnia regimen, Chalilus Amiranſchahi filius, qui morienti Timuro avo adfuit, adeptus, facilitate & clementia popularium animos ad bonam spem erexit. Sed deficientibus passim præfectis, multis bellis jactatus, cum sæpius vicisset, in exilium tandem ejicitur, ubi versibus Persicis scribendis otium toleravit, fortunæque suæ vices describit; donec à patruo Scharocho reductus Reæ præficiatur, non ita multo post extinctus. Amiranſchahum Adrebighanæ regno & vita Kora Juseph privaverat. Scharochum melior fortuna multorum rebellium victorem, & regnorum dominum constituit, diuque conservavit. Diem enim suum obiit anno Christiano 1447. Ad paterni tamen imperii magnitudinem non aspiravit: detractis undique de tam magno corpore membris, cujus contextus denique prorsus dissiluit. Timuro apparatusissimum funus Chalilus fecit: decretis etiam, ut gentis superstitio fert, lectionibus, precibus, elemosynis, quasi levamento futuris

turis defuncto. Memoriae ejus omnis honor habebatur: Vota nuncupare, efflagitare ab eo, quæ quisque prospera cuperet, multis solenne fuit. Reges & Principes, apud sepulcrum ejus, genua flectebant; ex jumentis defiliabant, nullumque reverentiae genus omittebant. In tanti viri historiam aliena quaedam intrusa sunt: quaedam etiam non tam incorruptis rerum gestarum monumentis, quam rumoribus & famæ debentur. In quibus conducendis, si versarer, operæ me facturum pretium haud existimavi. Tale est, ut obiter aliquid attingam, quod de Abi-Jezido seu Bajazethe Turcarum Imperatore Arabschiades refert: cum militem, qui lacte repletam scutellam mulieri conquerenti se eripuisse negabat, dissecari jussit, & hausti lactis indicia requiri; cum præconio: sic datur ei, qui imperio regis justī Othmanidæ, rem alienam invadit. Quod de tentoriis candidis, quibus successerint coccinea, inde nigra, quotiens obsideret urbem aliquam Timurus, magno consensu commemoratur, id sicut apud Scriptores, quos mihi statui sequendos, non reperi; ita constanti fama (neque enim literis omnia immo paucissima Timuri, annotata sunt) ad posteros pervenisse, non tamen ut de perpetuo more, sed ut de re aliquando usurpata, haud ægre crediderim. Verum, sua cuique prudentia distabit cautiones, quibus in ejusmodi negotio uti fas est.





IX.

EXERCITATIO

IN

FL. JOSEPHI ANTIQUIT.  
JUD.

*Lib. 1. cap. 2. anno 1642. scripta.*

**D**E Flavii Josephi Historici auctoritate, scriptura, instituto quæ dici possunt, & quæri solent, alio forte loco opportunum erit expendere. Nunc brevi specimine, quantum sine *περὶ* fieri potest, disquerere animus est: in quibus mentem S. codicis affectus sit hic scriptor, & in quibus vel non exhauserit Divinorum librorum sensum, vel ad sequiores interpretationes deflexerit. Cum enim ipse aliquoties promittat, se fidem sacrorum codicum bona fide in omnibus secuturum, indeque per modum interpretis ex Hebræa in Græcam linguam pleraque translaturum; non abs re fortasse fuerit, considerare, quantum homini sane industrio vel inscitiæ suæ, vel scientiæ externæ litteraturæ in hoc studio profuerit aut obfuerit; vel denique *καλυμμα* *Ἰουδαϊκόν*, quod facultatem interpretis subinde non poterat non lacessere, imposuerit. Versabimur autem ita in hoc argumento, sicut jam prædiximus: id est, ut adamatam nobis in omni Philologia modestiam & *μετριότητα*, hic quoque pro regula sequi videamur.

*Confer. An-  
tiq. 1. 1. C  
20. 9.*

Post absolutam ergo, quæ caput primum libri primi Antiq. Jud. sibi vindicat, præfationem, in capite Secundo exponitur. 1. τὸ ἑξαήμερον, sive opus creationis sex dierum spacio perfecta, quod Moses capite primo Geneseos summatim descripsit. 2. κατασκευὴ τοῦ ἀνθρώπου, creatio hominis seorsum explanata. 3. κατεφύττωσις παραδείσου Plantatio Paradisi, sive Descriptio Paradisi. Quæ duo membra continentur. c. 2. Genes. 4. παράστασις τῶν πρωτοπλάστων, Lapsus primorum Hominum, que

que lapsum mox consecuta sunt. Quæ pars ex cap. Genes. 3. desumpta est. Nos de primo nunc agemus.

Ac principium quidem ἐν ἀρχῇ ἐποίησεν ὁ θεὸς τὸν οὐρανὸν καὶ τὴν γῆν, recte se habet, & simpliciter exprimit veritatem Hebraicam: convenitque cum LXX. interpretibus, qui eodem modo, reddidere; nisi quod pro ἐποίησεν ibi legitur ἐποίησεν. quæ utraque vox de creatione in Sacris passim usurpatur: sicut & Hebræum ברא, cui proprie respondet ברא; & עשה, cui ποίω convenit, sæpe permutantur. si-ve ποίω ad τὸ יצר malis contendere, quo θεολογία ἐξηγητικὴ veterum in hujus argumenti explicatione subindere respicit; rursus usitata Scripturæ synonymia niti licebit.

Sequentium connexio & interpretatio est notabilis. Cum enim Moses dixisset וְהָאָרֶץ הָיְתָה תוֹהוּ וְבוֹהוּ וְהָאֵרֶץ מְרוּחָהּ עַל פְּנֵי הַמַּיִם וַיֹּאמֶר אֱלֹהִים יְהי אוֹר וַיְהי אוֹר Josephus ita interpretatur: ταύτης (τῆς γῆς) ὅτε ὤφειεν ἐκ ἐρχομένης, ἀλλὰ βαθεῖ μὲν κρυπτομένης σκοτεινῆς ἀνέματος δ' αὐτὴν ἀναθεῖν ἐπιβίωντων, γινώσκῃς ὡς ἐκείνου ὁ θεός. Sensus est: Deum in Principio creasse cælum & terram: qua cum sub conspectum non veniret, tenebrosa quippe abyssu occultata, Spiritu superne eam permeante; ibi tum Deum produxisse lucem qua scilicet tanquam congruentissimo διακοσμήσεως initio, ἀμορφῶν ὤν, sicut Sap. 11, 18. appellatur, illustrata; ad διατάξιν illam & καλῶς αὐτὴν, quæ mox secuta est velut extaret. sed videndum est de singulis.

Illud Hebraicum וְהָאֵרֶץ מְרוּחָהּ exprimit Josephus per τὸ ὅτε ὤφειεν ἐκ ἐρχομένης. LXX eundem sensum in τὸν agnoscunt: ἡ γῆ ὅτε ὤφειεν ἀόρατος; sed addunt, καὶ ἀκατασκεύαστος, quo altera vox בְּרוּ exprimeretur. quam tamen Josephus non tam neglexisse aut συνανήμους intellexisse, quam, περιφραστο-  
tius molis illius complecti voluisse videri potest, cujus τὸ ἀμορφῶν, vocibus istis notatum, qualicunque facilitate & perspicuitate sc. adumbrandum duxit. Quod si tamen malis dicere, Josephum utramque textus Hebraici vocem sub una significatione accepisse, nolim repugnare. nec desunt exempla aliorum, qui ferme pro iisdem habent. Chaldaei Paraphrastes תְּרוּ explicat per צְרִיָּה, quod vastitatem huma-

humani cultus notat ; ריקניא per ריקניא quod vacuum significat , & nonnullis respectum ad pecorum & belluarum inanitatem habere videtur : Rabbi autem Salomon Jarchi utramque interpretationem ad solum ברו accommodat. cum enim ברו לשתן seorsim explicasset , subjungit ברו לשתן ריקנות וצדו. Porro quibus ברו per invisibile interpretari placuit , illi vel deduxisse vocem à תהום abyssus ( v. Pagnin. in v. תהו ) vel , quod verisimilius est , in sequentibus verbis Propheta , ubi tenebrarum & abyssi mentio fit , explanationem verius quam versionem præcedentium quæsisse videntur.

Tenebras super abyssum eo refert Josephus , ut terram βαθεῖ σκοτεινὰ καὶ πηλομένην profundis tenebris sive alta caligine contestam dicat. ubi recte quidem abyssum terræ superinducit , sive terram abyssu contegit ( tenebræ enim erant super abyssum פני תהום שעל הארץ quæ abyssus super terram erat , ut inquit R. Salomon. adde etiam Basil. homil. 2. in Hexaëm. ) sed an per abyssum , aquas intellexerit , primo intuitu non statim apparet. Videtur tamen intellexisse. quomodo enim alias τὸ βάθος τοῦ σκοτους locum inveniret ? si de æthere profunditate voluisset accipi , cur statim reperisset , spiritum terram superne permeantem ? de quo mox dicemus. Tum autem , cum Moyse clare dicat , Spiritum Domini aquis incubuisse , quomodo ipse terram substituere auderet , nisi terram aquis contestam veller intelligi ?

De cetero non dubitandum est , Josephum per πνεῦμα ἀνοήτων ἰσχυρῶν , non Spiritum Sanctum , sicut magno hactenus consensu rectissime Mosen exposuit Ecclesia tam vetus quam nostra , sed æreum quendam spiritum intelligere. quod & alios olim fecisse , testantur Basilii & Ambrosii in Hexaëm. Qualem sententiam sc. ex tralatitia Judæorum theologia hauserat Sanchuniathon , de quo Philo Byblius apud Euseb. præp. Evang. lib. 1. cap. 10. τὴν τῶν ὄλων ἀρχὴν ὑποτίθεσθαι αἰεὶ καὶ ζεῶδην καὶ πνευματώδη , ἢ πνοὴν αἰετὸς ζεῶδους , καὶ χάριτος πολλῆς ἱερῶδους. Principium Universitatis rerum statuit ærem tenebrosam & spiritu abundantem , sive statum tenebrosi æris & chaos turbidum altaque caligine circumfusus. Videas

utrobique laborantia & caligantia circa hanc caliginem describendam verba : in cujus profundo non parum obscuritatis adhuc latere, etiam ii fatentur, qui Christiana luce illustrati majestatem Creatoris in S. codice recto itinere vestigant. nedum ut Judæis & gentilibus abyssum talem perspicere licuerit, quorum & illi post Christum natum, cum tenebras præ luce elegissent, in sua philosophia magis magisque cœperunt hebescere ; & hi, quæcunque è S. litteris ante Chr. N. traditione aut scripto accepissent, sui paganismi tenebris involuerunt atque corruerunt.

Subjiciemus pauca in exemplum, de origine rerum & Universi : quæ ex Geneseos Mosæica principio ad gentiles dimanarunt quidem, sed sub opinione vaga & obscura, adeoque ad certam fidem minime valida. Ex verbis quibus Moses, in principio creatam rudem cæli & terra molem, posteaque discretam memorat, illa fluxere, quæ Diodorus Siculus lib. 1. Bibliothec. refert. κατὰ τὴν ἐξ ἀρχῆς τῶν ὅλων εὐστασίαν, μίαν ἔχειν ἰδέαν ἑσπὸν τε καὶ γῆν μεμιγμένης αὐτῶν τῆς φύσεως. Cum ab initio universitas rerum coagmentaretur, cælum & terram permixtis invicem naturis unam habuisse formam. ideoque διάστασιν τῶν σωμάτων ἀπ' ἀλλήλων factam. Producit etiam Euripidis ex Menalippe carmen :

ὡς ἑσπὸς τε γαῖα τ' ἦν μορφή μία,  
Ἐπεὶ δ' ἔχωρίσθησαν ἀλλήλων δόξα.  
τίκτεσι πάντα καὶ ἔδωκαν εἰς χάθ',  
Δένδρεν, πίπτεν, ἰσθῆας ἔς θ' ἄλμυ τρέφει  
Γένος τὸ θνητῶν.

ubi simul videmus cælo & terræ tanquam principiis, cum ex permixtione illa, secreta essent, omnium rerum productionem à Poëta tribui.

Jam quia Genes. 1, 2. abyssi & aquarum mentio fit, hinc orta, quæ Thaleti adscribitur opinio, Aquam esse rerum omnium principium, ἐξ ὕδατος γὰρ εἶναι τὰ πάντα καὶ εἰς αὐτὸ χωρεῖν. Euseb. P. E. 1, 8. Item, quia Spiritus aquis incubantis mentio fit, hinc orta Anaximenis opinio, Aerem esse principium

piam rerum, ex eoque coactō & compresso terram natam, qua propterea insideat aëri. Euseb. ibid. Empedocles aqua, aëri, terra ignem addit, ut illam στοιχείων κέσιν, quam vocat, origini rerum destinata, conficeret. Quam sententiam in celebri exordio perpetui Carminis Naso sequitur. ne de iis nunc dicamus, qui ex Hebr. תהו ובהו suam ὕλην ἀναρχὸν commentī sunt. Sunt qui existimant ad κέσιν elementorum primævam etiam Homerum respexisse, in imprecatione Menelai Iliad. H. v. 99:

Ἄλλ' ἐμὲς μὲν πάντες ὕδωρ ἔχ' γαῖα γίνοιθε.

Sed simplicius videtur, Poëtam proverbiali figura de resolutione animalis in sua principia accipere. ut recte Scholiastes explicaverit : ἀναλυθέντε εἰς ὕδωρ καὶ γῆν • διαλυθέντε ἔχ' ἀπεθάνοντε.

Quid ex Mosaico מרחפת Phœnicum Theologia concinnaverit, operæ pretium est adscribere. Apud Eusebium P. E. 1, 10. cum de tenebroso aëre spirituque præcessisset, sicuti antea diximus, sequitur : ὅτε δὲ ἡρόσθη τὸ πνεῦμα τῶν ἰδίων ἀρχῶν, ἔχ' ἐγένετο σύγκρησις, ἡ πολλὴ ἐκείνη ἐκλήθη πέθῃ. αὐτὴ δ' ἀρχὴ κτίσεως πάντων. Verum ubi Spiritus amore suorum principiorum flagrare cœpisset, commixtioque facta esset, nexum hunc mutuūm, cupidinem appellavunt. Atque is procreationis rerum omnium principium fuit. & quæ amplius ibi leguntur, ubi præsertim etiam de animalibus Deum contemplantibus, creatis ὁμοίως ὡς σχήματι in formam ovi. Quis enim non statim agnoscat illa commenta ex interpretatione vocis מרחפת originem habere? quæ nimirum per τὸ ἐπιβάπτει ἔχ' ζωογονεῖν, κατὰ τὴν εἰκόνα τῆς ὑπωζύσεως ὀρνέθῃ, ex similitudine alitis quæ ovis sui incubat, eaque prolifico calore sovet, declaranda est: sicut jam olim se à Syro quodam didicisse gloriatur gauderque Basilii bomil. 2. in Hexaëm. Id quod neque Onkelosi מנסבא afflando; neque Josephi nostri ἐπιθίειν permeando, utut eleganter quæsitā vocabula, penitus assequuntur. Unum addo: etiam Platoniorum opinionem de anima mundi, spirituique omnia permeante & agitante, ex hoc loco Mosaico ortam videri.

Sed

Sed redimus ad Josephum. Ait ille : *καὶ γενομένη τότε (scilicet) καθαροῦσαι τὴν ὅλην ὕλην, διαχώρῃσι τότε οὖν καὶ τὸ σκό-  
τος. καὶ τῷ μὲν ὄνομα εἶδεν νύκτα, τὸ δ' ἡμέραν ἐκάλεσεν, ἐστέρην  
τε καὶ ὄθρον τὴν ἀρχὴν, καὶ τὴν ἀνάπαυσιν προσαγορεύσας, καὶ αὕτη  
μὲν ἡ πρώτη ἡμέρα. Μωσῆς δ' αὐτὴν μίαν ἔπει.* In verbis Mosai-  
cis *וַיֵּרָא אֱלֹהִים אֶת הָאָדָם כִּי טוֹב* postrema de bonitate lu-  
cis non attendit Josephus : sicut & in ceteris diebus *ἐπι-  
μαρτυρεῖαν τὸ πτίσαντ* omittit ; mysterium hujus philoso-  
phiæ forte non assecutus, neque adeo stili Prophetici phra-  
sin ubique *κατὰ πρόβα* sequi ausus. Sive quis malit dicere:  
*Hoc quoque esse inter ea, quæ ad peculiarem curam ac φιλόσοφον  
θεωρεῖαν seposuit* ; sicut id propositum in sequentibus verbis mox  
ostendit, & in fine capituli primi jam ostenderat. Etiam in eo  
differt, quod non dicit, Deum vidisse lucem à se conditum sed  
*καθαροῦσαι τὴν ὅλην ὕλην* considerasse totam [illam molem : con-  
junctum, ut opinabatur, visionis actum pro eodem inter-  
pretans, totamque hanc visionem cum discretione lucis &  
tenebrarum, de qua sequitur, caussali quodammodo copula  
connectens. Quod longe secus est. Moses enim istud videre  
(θεοπρεπῶς intelligendum) non ad facienda sed ad facta re-  
fert in tota *ἱεραμύειν* historia. estque hæc contemplatio cum  
quadam divina *ἐπικέσει* & *ἐπιμαρτυρεῖα* conjuncta : quæ uti-  
que hic lucem factam potius, quam discretionem lucis & tene-  
brarum faciendam respicit. Etiam si enim dicas, hæc non suc-  
cessive facta esse, sed Deum creando lucem eam à tenebris discre-  
visse & discernendo creasse (vide D. Gerhard. Commentar. in Ge-  
nes. h. l.) nihil pro Josepho dicis. Non enim contempla-  
tus esset hoc respectu Deus totam materiam, ut lucem &  
tenebras distingueret, sed ut jam distincta approbaret. Ve-  
rum hæc talia non ubique excutiemus, cum abunde appa-  
reat, Josephum in iis, quæ ex Scriptura sumit, ab accu-  
ratæ interpretationis legibus, subinde ad liberiores Histo-  
ricæ compositionis stilum confugere.

Cetera verba Interpres Gelenius ita reddidit : *discrevit  
lucem à tenebris ; & his nomen imposuit noctem, illam vero diem  
appellavit, vespera & mane vocabulo exordii lucis & quietis indito.  
Exordiorum vocem Cajetanus arripuit & exposuit : nimirum  
vespera*

vespera est exordium quietis nocturna & mane diurna lucis initium. Quem refutat Sallustius in *Annal. Ecclesiast. V. T. die 2. χολ. 11. ad n. 21.* inquit: Josephi alia mens fuisse videtur. Nam in Graeco habetur ἡμέραν τὴν ὅρθρον τὴν ἄρχην, & τὴν ἀνάπαυσιν προσ-  
αγορεύσας, vesperam & mane principium & finem, supple τῆς ἡμέρας appellans. nam ἀνάπαυσιν pro fine accipi ex opposito ἀρχὴν ex convenientia textus intelligitur. Recte id quidem, quod ἀνάπαυσιν de fine accipit, sed integer sensus verborum Josephi nondum patet. Si enim ex consuetudine Hebraeorum initium diei est vespera: quid de ὅρθρον Josephi fiet? an finem noctis dices? atqui jam ὡς κοινῇ subaudivisti τῆς ἡμέρας. Mihi Josephus videtur non ad ἡμέραν tantum, sed etiam ad νύκτα (nam utrumque praecessit) respicere, hoc sensu: discrevisse Deum lucem à tenebris, & tenebras quidem noctem, lucem autem, diem appellasse, vesperam autem & mane, utriusque initium & finem vocavisse, ita ut esset vespera initium tenebrarum & noctis, atque in posterum finis diei, mane autem finis quidem noctis, initium autem diei & lucis. Quam hæc ad textum Mosaicum congruant, mox patebit: sed Josephus respexit potissimum ad illa verba, quibus Deus tenebras noctem, lucem vero diem vocasse dicitur. Ad hæc inquam, præcedentia appellationem vesperæ & mane retulit, non autem ad sequentia, quod Moses fecit. qui ad diei totius, quæ noctem complectitur, constitutionem, illam vesperam & mane adhibuit. Quo sensu cum Philo etiam diem considerat, vesperam & mane vocat terminos in medio fixos. Qui accurate considerabit verba Josephi, ille non inveniet forte causas dubitandi.

Conclusio primi diei hæc est: ἡ αὐτὴ μὲν ἡ πρώτη ἡμέρα. Μωϋσῆς δ' αὐτὴν μίαν ἔπει. τὴν δ' αἰτίαν ἰκανὸς μὲν εἰμὶ ὑποδύναι, & εὖ, ἐπεὶ δ' ἐπέχρημαι τὴν αἰτιολογίαν ἀπάντων ἰδίᾳ συγγεγραμμένη παρὰ δόξην, εἰς τότε & τὴν περὶ αὐτῶν ἑρμηνείαν ἀναβάλλομαι. Ait: potuisse se quidem causas reddere, cur primus hic dies, à Mo-  
se unus vocetur, nisi tales expositiones peculiari operi, quod in cap. 1. jam promiserat, reservaret. Quale mysterium hic Philo Judæus, in unitate mundi intelligibilis quærebat, vide in libro de opificio mundi, Verum nihil opus esse istiusmodi vel Judaica



vel Platonica περιρρα, plerique animadvertunt; cum unus hic pro primo ponatur. cuius locutionis exempla notavit præter alios Sixtinus Amama, *Antibarbari Biblici libro 2.* Hinc est, quod Saliannus Josepho & Philoni ignorantiam Hebraismi tribuit. Quamquam autem non recte colligitur; Josephus non sequitur aut assequitur sensum Prophetæ; E. linguae genium ignoravit, seu non satis calluit (causæ enim possunt esse aliæ: de quibus alibi) non est tamen de nihilo, si alibi adhibeatur, hæc observatio. Interim nec illud recte autumat Saliannus, Basilium & alios h. l. ob Hebraismi ignorantiam alias interpretationes adferre. An enim soli Hebræe linguae hoc proprium est, ut unum pro primo dicat? Nonne pleræque linguae eam figuram agnoscunt? nonne Sanctis Patribus vel ex N. Testamento, de eo loquendi genere constabat? Quinimo existimarunt, neque intempestive neque παραδόξως hic de profundiore scribentis consilio cogitari posse. Certe non absurde Basilium τὸ μῦθον ἡμεῖς καὶ τούτοις περιρρίζου credidit. neque hactenus pugnat cum significatione Primi diei. Quod vero de die Dominico Idem philosophatur homil. 2. in Hexaem. & de Spir. S. cap. 27. (ubi etiam vid. Theodor. Balsamonis Schol. ad epist. canon.) id cum similibus aliis consuetudini Patrum tribuendum est, qui subinde non contenti sensu litteræ, ad mysteria quantum libet, provehuntur.

Secundæ diei opificium ita describit Josephus: κατὰ δὴ τὸ τοῦ διωτέρα τῶν ἡμερῶν τὸν ἱερανὸν τῆς ἑλως ἐπιθέσει, καὶ αὐτὸν ἀπὸ τῶν ἄλλων διακρίνας, καὶ αὐτὸν ἰδύσθαι τέλειχθαι, κρύπτειν τε περιρρίζαι αὐτῷ, καὶ νέκυν αὐτὸν καὶ νεκρῶν πρὸς τὴν ἀπὸ τῶν δρίων ἀρίστην ἀρμονίαν τῇ γῇ μηχανισάμεν. In his omnibus suam opinionem potius declarat, quam scripturam Moſis. Quod superimpositum universitati rerum cælum dicit, facile quidem admitti potest, neque disconvenit voci ὕψος. Etenim dum expanditur, cetera ambit & includit. Antea i. e. die prima ex nihilo rude creatum erat cælum, neque dum expansum dici poterat, de quo Moſes Genes. 1. 1. Die secunda consummatur natura perfectiore ac expanditur. Sed hæc ἰσ. περιρρίζαι.

De ce-

De cetero ita sensisse videtur Josephus : *cælum extrinsecus quidem crystallo circumpositum esse, ab interiori autem & inferiori parte liquidiorum humiditatem & irroranda terra idoneam obtinere.* Scilicet aquas supra cælum à Mose memoratas glacie compegit ex vulgari opinione, quam refellit Basilium in *Hexaem. hom. 3.* cujus verba quoniam Josephum illustrare possunt, adscribam : Καὶ ἡ δὴ πρὶν ἰσοειδὴ κατὰ τὴν κοινὴν ἐκδοχὴν ἐκ τοῦ ὕδατος δοκεῖ τὴν γένεσιν ἔχειν, ἢ ὕδατος περισσῆτος ἰσχυρὴς εἶναι, προσελθὲν νομίζον ἢ τινὶ τοιαύτῃ ὕλῃ ἐκ τῆς τοῦ ὕδατος δυνάμεως τὴν ἀρχὴν λαμβάνειν. ὅποια εἰς ἡμεῖς τὸ χρυσάλλου λίθου, ὃν δι' ὑπερβάλλουσαν τὸ ὕδατος πῦρρην μεταποιεῖσθαι φασιν, καὶ τὸ σπινθηρὶς φύσει ἐν μέταλλοις συνιστάμενον, λίθος ὃς ἐστὶ δυνάμει ἰδιόζουσαν καὶ καθαρῶς αἰσθάνουσαν διαφύσσει καὶ ἐκείνῃ κατὰ τὴν αἰσθάνουσαν φύσιν ἀκρίβειαν ἰσχυρὴν, μᾶλλον καθαρῶς ἐκείνῃ σπινθηρὶ τινὶ μᾶλλον τὸ βάθος ὑπερσυνέχον τὰς διαφύσεις, μικρὸν τῷ ὁμοίῳ τὴν διαφύσσειαν ἴσχυρην. ἔστιν ἢ τῶν ἰσχυρῶν τὸ σπινθηρὶ καὶ τῶν ὁμοίῳ καὶ ἄλλῃ διαφύσει, τοιαύτας ἔχον πρὸς τὴν ἐκείνῃ τὰς ὑπολήψεις.

Habebant in animo Josephus & alii, 1. *cælum ex aqua esse productum, adeoque aqueae naturae affine*; 2. *Hebraicum שָׁמַיִם antiquissimis interpretibus per τῶν ὁμοίῳ sive firmamentum, adeoque per solidum aliquid explicari.* Hinc τῶν ὁμοίῳ illam quaesiverunt in aquis supercoelestibus, & quidem in condensato aquarum corpore sive chrystallo. sicut luculenter videre est ex locis quæ magno numero jam Salianus produxit A. E. tom. 1. die M. 2. Atque hæc sententia à Scholasticis Doctoribus veluti restaurata est. Qui haud dubie errant. cælum enim totum non solidam, sed liquidam habere naturam, idoneis rationibus pridem demonstratum est. Vide etiam talia argumenta è rerum natura petita, apud G. I. Vossium *Physiolog. Christian. lib. 2. cap. 39.* Potest tamen quodam modo *solidum* dici : quia trina dimensione constat, & totum sui plenum est, annotante Bartholino in *Uranolog. cap. 2.* Aquas supercoelestes quod attinet, veras ibi esse credimus, claritati verborum Scripturæ inhærentes, neque quidquam in potentia aut voluntate creatoris πολυπραγμοσύνης, multo minus *ruinam cæli* extimescentes, si contra naturam suam aquæ in sublimi detineantur. φύσις γὰρ, αἶμα, τοῖς ἐστὶ τὸ

τῷ Ἀποστόλῃ δοκῶν ut illud *Cyrilli Alexandr.* huc transferamus: Nam quod *Sixtinus Amama Antibarb. Bibl. lib. 2.* animosissime propugnat eorum sententiam, qui per *aquas supra cælos*, *aquas nubium in media aëris regione* intelligunt, nescio quam circumspēcte faciat. Cui enim persuaderi possit, vocem *קִיץ* in textu *Mosaico* *μεικτός* de *aëre* tantum, excluso *æthere*, usurpari? Quidni intelligeretur totum expansum in eo loco, ubi de creatione expansi agitur? Quam violente porro hic exponeres, *aquas aliquoties diserta & communi voce repetitas pro nubibus?* Et quomodo probabitur, *nubes statim in illo momento extitisse?* quis hic aliquid imaginabitur, quod neque semper, neque æqualiter, neque omnibus locis similiter *supra cælos* fit? Annon hac ratione potius & simplicius dicendum esset, *aquas illas nubium esse in medio expansi?* Plura sunt, quæ eam interpretationem prorsus respuunt, & prorsus mihi persuadent, moderatius hic philosophandum, neque sententiam, quam antea diximus, promte & facile traducendam esse.

Quod *Josephus* porro accommodat *cælo humidam pluviamque conditionem ad terram rore recreandam. veluti per harmonicum natura consensum*: in eo reprehenditur à *Saliano* *χολ. 6. in D. secund.* tanquam nimis populariter locutus, si *cælo*, id est, *globis cælestibus irrorationes tribuat.* Neque enim, inquit, *Philosophi influentias, quas vocant, cælisque attribunt, pluvias irrorationes, ut nimium crassas atque materiatas, dici patiuntur.* Sed quid nōdum in *scirpo* quæramus? Supra monuimus, *Josephum non extrema tantum expansi, sed totum expansum (קִיץ)* attendere? quod *superiori parte sui æther vocatur, inferiori autem, qua terra & aqua globo incumbit, aër dicitur, ut recte monet Vir summus G. I. Vossius loco quem prædiximus. Ita sumitur vox cælorum Genes. 2, 1.*

Progredimur ad Tertium diem; de quo *Josephus*: *καὶ ἡ τρίτη ἡμέρα τῶν ἡμερῶν, ἀρχὴς περὶ αὐτὴν τὴν θάλασσαν. καὶ αὐτὴν ἡ τρίτη ἡμέρα οὐράτις καὶ σπέρματα γῆδος ἀνέτειλεν.* Hæc satis idonea sunt ad indicandam terræ stabiliationem, *aquarum συστροφὰς* sive in *maria congregationes, herbarumque & arborum productionem, Quæ hic quæstiones moventur, aliunde*

aliunde petendæ sunt. Si fas est obiter aliquid adjicere: vehementer erravit *Salianus*, cum apocryphi scriptoris auctoritatem secutus (*Esdr.* 4. 6.) terræ sex partes, aquæ septimam tantummodo magnitudinis partem, contra irrefragabile experientiae testimonium, tribuit *A. E. tom. 1. D. Tert. n. 6.* Cum de ἀκείβασμῳ maris, sive determinatis exacte finibus, quos *Josephus* circumfusione ista comprehendit, sermo est (& meminit scriptura sæpe; vide præsertim *Job.* 38, 18. *Eccl.* *Jerem.* 5, 22. *Prov.* 8, 29.) non statim debet causa ad altitudinem maris referri, quod mare sit altius terra, sed potius ad fluctus æstusque marinos, de quibus Scriptura locis adductis clare; & eleganter *Theodoretus ad J. 148.* cujus verba, nondum alias edita, in notis ad *Clement. Rom. Epist. 1. ad Corinth. pag. 28.* adducit *Patricius Junius*: Βάπτει τῆς θαλάσσης τὸ κῦμα τὸ μέγιστον ὅτι τῶν κυμάτων σκευήματα τὸν ἐπικείμενον αὐτοῖς τοῖς προτοῖς χαλόν. Δι' ὃν τινὲς ἵππων ἐπεκλύζειν εἰ δύναται, ἀλλὰ ὁρμῶντα κατὰ τῆς ψάμμου φοβεῖται τῆς ὄρας καὶ ἴδν θύει ἐκτὶ νόμον γεγραμμένον ὁρῶντα, διὸν τι γὰρ ἰσχυρὸν ἀγγέλλει ὑπὸ πολλοῦ αἵματος ἀνακλᾶ τὸν αὐχένα, καὶ ὡς τὶ σὺν ὡρεῖ, μεταμαλόμενα ὅτι καὶ τῆς ψάμμου προσέλευσι. Possis vertere: Aspice maris profunditatem, Magnitudinem, &c. fluctuum assultus, & impositum ipsis Providentia frenum, ob quod continentem inundare nequeat, sed ubi magno impetu ad arenas & littora ingruunt, formidant illos terminos, & vident ibi divinam legem scriptam; atque sicut ferox equus cum coercetur à domitore, reflectit cernicem & retrorsum concedit, ita resiliunt scilicet tanquam pœniteret vel attigisse arenas. Gemina his vide apud *Georgium Pisiden*: qui cum in ἱεραμύρῳ fluctus marinos & conatum erumpendi atque in terras excurrendi graviter descripsisset, mox v. 381. addit:

Ἀνδράσι δὲ καὶ φοβεῖται καὶ μέντοι,  
καὶ τοῖς ἰνύδρεσσι παρήχεται θύρας,  
Ἄλλ' εἰς ταυτὴν ὑπὸ βίας ἀνατρέχει  
ὡς αἶα δέλη τῶν τευχῶν κραταίρεσσιν.

adde v. 495.

Atque hæc aquarum in suum alveum congregatio diei ter-

zia, tum hic à Josepho, tum à plerisque tribuitur. Non desunt interim, qui existimant, diei *secunda* potius convenire. Quam sententiam sequitur G. I. Vossius in *physiolog. Christ. lib. 2. cap. 67*. Rationes consideratu dignæ sunt, 1. Diem primum proprie creationis fuisse qua Deus ex nihilo res condidit; secundum secretionis, quo facta distinxit; ceteros, ornatus; quibus sic facta est distincta ornavit: ut tertio die terram plantis & paradiso, quarto cælum sideribus, quinto aërem avibus, aquas piscibus, sexto terram animalibus. Distinctionem ergo secundæ diei duplicem fuisse, unam, aquarum superiorum ab inferioribus; alteram aquarum inferiorum à terra. 2. Quia, si communis sententia valeat, bis repetitur in tertio die, quod Deus viderit bonitatem operis, cum in secundo ne semel quidem occurrat. Ad hunc scrupulum plerique obhæserunt, neque rationes ejus omissionis probabiles adferre potuerunt. Græci Patres Basilus, Chrysostomus & alii (ex Latinis more suo Ambrosius hic Basilium sequitur) versione τῶν ὁρῶν quæ sola hic quoque habet solitam ceteris diebus ἐπιμαρτυρεῖαν, contenti, præterierunt potius, quam solverunt id dubium. Quod sublatum iri existimant, quos antea memoravi, si cap. 1. v. 9. & 10. ad secundæ diei opera referretur: tum enim verba, & vidit Deus quod esset bonum, ad secundam diem pertinere. Si cui ob stare videatur, quod in versu 9. legitur, & dixit Deus &c. tanquam sc. in novæ diei opere: respondent, Hebraicum וַיַּרְא tam in plusquamperfecto quam in perfecto exponi posse; exemplumque talis usurpationis & ad priora respectus esse mox in cap. 2. v. 7, 8, 9. Nostri instituti nunc non est, alterutram opinionem confirmare aut refellere: itaque in Josepho pergitur.

Qui de quarto die ita habet: τῇ δὲ τέταρτῃ, διακοσμήσας τὸν ἔρανον ἡλίου καὶ σελήνης καὶ τοῖς ἄλλοις ὄψεσιν, κινήσει αὐτοῖς ἐπιστάτας καὶ δρόμους, οἷς ὅτι τῶν ὁρῶν περιφορὰ φανερὰ σημαίνονται. Solet Josephus sæpiusculè verba scripturæ veluti in compendium contrahere, dum simplici interpretatione proponere conatur, quæ latiori stilo exposita ipsi videntur. Quæ res, si modum popularis transsumptionis spectamus, qua Historicus aliquid ex alio commentario Historico in suum trans-

transfert, aliquando non infeliciter ei succedit. Sin eum volumus ad *leges boni fideique interpretis* adstringere, tum sane nusquam nobis satisfaciet. Si ex iis, quæ alibi latius forte dicturus sum, aliquid hic præcipiendum est, non recte mihi videntur facere, *Salianus in præfat. tom. 2. Annal.* & quicumque Josephum ad *leges accuratæ versionis* aut *mulagætorum* alligant. Licet enim ipse aliquoties promittat, se ex *Sacro codice & Hebræo idiomate* translaturum *pleraque*, satis tamen demonstrari potest, loqui eum de *re-*rum potius fide & historia, quam de *versione* *אלה תבא* Hebræo textui insistente. quam vel cogitare in hoc opere, absurditate non caret, ni fallor. Tenenda ergo est media via; qua ostendi quidem illud potest & debet, quid Josephus plane non ceperit in *S. literis*, aut certe detorserit in *alienam traditionem*: at verò reprehendere eum, quoties non totidem verba scriptura & singulas sensus retinet, scrupulum fuerit, & infinitum. Nam ita nec institutum Scriptoris attenderetur, nec examen scripti videretur suscipi, sed una induci litura.

Cæterum in iis quæ posuimus verbis, *stellis cælum ornatum à Deo esse ostendit*, 2. *Solem & lunam nominatim exprimit*, 3. *motus cursusque stellarum indicat*. 4. *finem istorum motuum ostendit*, sc. *distinctionem temporum*. Ac de fine quidem & officio stellarum Moses plenius. principio enim Stellarum munus universum ostendit: *dividere diem & noctem, lucem & tenebras*; item, *lucere in cælo & illuminare terram*: tum, *signorum vice fungi*; denique *tempora, dies, annos distinguere*. Postea subtexitur speciale officium Solis & Lune, illius quidem præesse dii; hujus, præesse nocti. Modus, quo his officiis funguntur, alter in sacris diserto nominatur sc. *lucendo, illuminando*; alter ex dictis colligitur necessario adeoque subintelligitur: quem Josephus expressit per *ἀνίστασθαι & ὑπάγειν* motus cursusque. Nam *influentias*, quas vocant, *consequentia rei*, utrique conjungit. Quod Moles *Signa* nominat, & deinde *tempora, dies, annos* addit, Josephus pro eodem habet, ac si dixisset, *stellas debere esse signa temporum, dierum, annorum*; sive quibus *tempora, dies, anni signarentur*. In quo licet non exhauriat mentem prophetæ, longe tamen melior censetur

consensus ex iis, qui ex hoc loco Mosaico, majori ignorantia an temeritate non dixerim, genethliacas prædictiones suas & pruriginem affectatæ sapientiæ ac imposturam adstruere conati sunt. adversus quos, pro vindicando textu Mosaico, pio & libero ore plerique Patres dixerunt, quæque signa hic intelligenda sint, ex scripturæ ductu, satis exposuerunt. Certum interim manet, neque astrologiæ divinatoriæ de sorte & fatis hominum ullum esse in hoc loco subsidium; neque ab ullis astrorum viribus ad actiones & vitam hominum aliquid concludi posse; neque, si quid tale concludi posset, humano captui cognitum esse. πολλὰ γὰρ μᾶλλον ἢ καὶ ἄνθρωπον, τὸ δύνασθαι κατὰ αἰθέρας ὑπο  
τῆς κινήσεως τῶν ἀστέρων τὰ περὶ ἑκάστου τῶν ὧ, τί περὶ ἐν ἡμετέροις,  
ἢ παλαιῶν, inquit hætenus recte *Origines apud Euseb. præpar. Evangel. 6, 1.* Sed quod idem, hæc signa non hominibus verum angelis à Deo posita esse statuit, ut inde cognoscerent πάντα τὰ περὶ ἑκάστου γινόμενα: in eo, subtilioribus, quam par est, speculationibus, more suo indulget.

Quintum Diem ita describit Josephus: πέμπτη δ' ἡμέρα  
ἦν τα τε καὶ ἀλλὰ ἡμετέροις τε καὶ μάλιστα, τὰ μὲν κατὰ βᾶθος τὰ δ'  
δι' αἰθέρος ἀνῆκον, συνδυσάμενος αὐτὰ κοινωνία καὶ μίξις γένεσι ἰσχυρὰ καὶ  
τὸ συνανέστανθαι καὶ πληροῦσαι αὐτῶν τὴν οἴσιν. sensus est: Na-  
talitia & Volatilia animalia, illa in mare, hæc in aërem à Deo  
opifrice dimissa, & communione ac commixtione ad genitura apti-  
tudinem copulata esse, ut genus eorum succresceret & multiplicare-  
tur. Non male, quoad generalem sensum, hoc postremum  
ex Mosaica benedictione interpretatus est: nam benedi-  
ctio illa rei non verbi fuit. Interim non exhaustit benedi-  
ctionis vim: quæ non tantum in conjunctione & conjunctio-  
nis aptitudine suppeditata consistit, sed etiam in perenni  
illo, ut sic dicam, fecunditatis divinitus concessæ fonte.

Apud Moſen diligentius exprimitur illa productio &  
notanter dicitur, וַיִּצְרֹף הַיָּם שֶׁרָץ יָמָם וְלַיְלָה וְיָמָם וְלַיְלָה  
Seorsim etiam cetorum mentio fit, unde & postea Sancti vi-  
ri, cum marina animantia, eorumque varietatem ac mul-  
titudinem generaliter indicare volunt, non omittunt ta-  
men speciale cetorum nomen †. 104, 25. &c. Syrac. 43, 27.  
cumque



cumque Hebræus textus velit : *producant aqua reptile anima viventis, & volatile volitet super terram &c.* vulgatus interpres Latinus omisit illud, *volitet.* unde nascitur alia σύνταξις, quæ postulat : *aquas reptilia & volatilia produxisse.* Sed & LXX. reddidere : ἰσαγαγὲν τὰ ὕδατα, ἵπταται ἡ γῆ ἐκ τοῦ ὕδατος, & οὕτως ἐπὶ τῆς γῆς. Quibus consentit Onkelos. Hinc nata sententia ; *non pisces modo sed & aves ex aqua conditas esse.* quam plerique Patres sequuntur, etiam *Luthero Nostro olim probatam comment. in Genes.* Atque ut fatear, valde probabilis videtur opinio, aves ex alia materia creatas, quam animantia cetera die sexto producta, de quibus notanter, atque ut cum tacito respectu & distinctione quintæ Diei loqui videatur quodammodo Moses, *Genes. 1, 24. producat TERRA animam viventem &c.* cum antea dictum fuisset : *producat AQUA &c.* Licet enim versionem Hebræo textui respondentem ibi sequamur, non convelleretur hæc sententia. Nisi quod locus *c. 2. v. 19.* obstare videtur, ubi diserte *animantia terra cum volatilia cæli מֵאֲדָמָה ex terra dicuntur formata.* Nam si volatilia cæli ad formationem tantum referas, non etiam ad formatæ rei materiam, durior videbitur connexio, quam quæ limatis auribus & violentas ἐπιθυμίας formidantibus usquequaque placere possit. sicut etiam *G. I. Vossius Physiologia Christi. 3. 78.* monuit.

*Sextæ Diei opificium, quod Moses diligentia exacta describit, Josephus omnium brevissime & veluti perfunctorie tangit, paucis hisce verbis : τῇ ἡμέρᾳ ἥντινα δημιουργεῖ τὸ τῶν τετραπόδων γένος, ἄρπεν τὸ καὶ θῆλυ ποίσεις. ἐν ταύτῃ ἡ γῆ τὸν ἄνθρωπον ἐπλασεν.* Sexto autem die condidit quadrupedum genus masculo femineoque sexu : atque eodem die etiam hominem creavit. In textu Mosæico tres veluti animalium hoc die creatorum classes constituuntur. 1. *בהמה jumentum עם בני אדם quod humanis necessitatibus usibusq; servit ad vesturas & cibos,* sicut interpretatur *R. Aben Ezra 2. reptile הארץ על החלככים* inquit rursus *Aben Ezra* : plane ut in operibus *V. Diei R. Salamon Jarchi* τὸ כל דבר חי שאינו גבוה מן הארץ קרוי שרץ explicaverat : *ita scilicet humilia dici & parva animantia qua ambulant super ter-*

ram sive quidquid vitam habet, nec se attollit alius à terra.  
 3. חַיִּית הָאָרֶץ bestia agri sive fera terra. ubi additur חַיִּית  
 ad restringendum generale vocabulum חַיָּה intelligun-  
 tur sc. feræ ac carnivoræ bestię, sicut vel ex 1. 79, 2. patet:  
 נָתַן בָּשָׂר חֲסִידָךְ חַיִּיתוֹ אֶרֶץ. Ponitur autem hic אֶרֶץ pro  
 חַיִּית quod R. Aben Ezra monet, & ostendit parallelis-  
 mus Scripturæ Job. 40, 15. ubi חַיִּית הַשָּׂדֶה Joel 1, 20. ubi  
 חַיִּיתוֹ יַעַר. Hæc omnia com-  
 prehendit Josephus voce τῆς γῆς generalius sumpta, quam  
 LXX. ad בְּהֵמָה exprimendum adhibuerunt, in alte-  
 ram Tropi partem, specialius ea usi, quam ex indole sua  
 significat. Deliberationem de creando homine, hominis nobilita-  
 tem ex imagine Dei, ex dominio super terram, benedictionem divi-  
 nam homini factam; ἐπιμαρτυρίαν & approbationem rerum condi-  
 tarum generalem, hæc omnia, inquam, Josephus transmittit,  
 & ad campum suæ περιεργίας sive operis ætiologici seponit.  
 Qualia autem futura fuerint illa φιλοσοφήματα, colligamus  
 licet ex Philonis commentario de opif. mundi, ubi ex delibera-  
 tione, quam Moses annotavit. adjutores & cooperatores  
 Deo ad hominis creationem tribuit, & plura ejuscemodi  
 Judaici pulveris nube obscurata pariter atque corrupta  
 tradit.

Haftenus de iis aliquid diximus, quæ ex c. 1. Genes.  
 Josephus descripsit, i. e. de operibus ἐξαμέρου: cujus clau-  
 sulam, cum descriptione septimi Diei sive Sabbathi, &  
 capitis 2. initio mutuatur: καὶ τὸν κόσμον ἦν ἐξ τῆς τέσσα-  
 ρῆς Μωσῆς καὶ πάντα τὰ ἐν αὐτῇ οὐροὶ καὶ γῆ. καὶ ἡ δόξα ἀνα-  
 παύσατο καὶ λαβεῖν ἀπὸ τῶν ἔργων ἐκχερίαν. ὅθεν καὶ ἡμῖν χρὴ  
 ἀπὸ τῶν πόνων κατὰ πάντων ἀγομεν τὴν ἡμέραν, περιστολόμενοι  
 αὐτῇ. Καὶ βλάστησιν τοῦ κόσμου καὶ ἀνάστασιν κατὰ τὴν ἐβραίων διάλεκτον τὸ  
 ὄνομα. Et mundum quidem cum omnibus, quæ in eo sunt, in sex  
 illis diebus conditum esse Moses ait; septima autem die quievissē  
 Deum & ab operibus cessavissē. unde & nos illo Die cessamus à la-  
 boribus, Sabbathi eum appellantes: quæ vox Hebræorum lingua re-  
 quietem notat.

Bene interpretatus est חַיִּית הָאָרֶץ וְכָל צֶבַח לְמִן  
 καὶ τὸν κόσμον καὶ πάντα ἡν ἐν αὐτῇ. LXX. cælum & terram retinere  
 &

& τὸ ΟΝΥ per πᾶς ἡ κόσμος αὐτῶν reddidere : κόσμον celi & terra vocantes, quidquid creaturarum per διακόσμου inde à die tertio accesserat. 2. Bene ἐξ ἡμέρας ἡμέρας γὰρ : cum Moses dixisset, Die septimo perfecta esse omnia. Voluit enim ostendere Josephus, septimum illum Diem non pertinere ad continuationem operis, sed ad consummationem numeri, qui præcessit. Nondum intelligitur absolutus dies sextus, nisi jam succedat septimus : in cujus denominatione perfectio sexti demum agnosci potest, & notari solet. Eadem mens LXX. interpretibus fuisse videtur, qui ad sensum respicientes ἐν τῇ ἡμέρῃ τῇ ἑκτῇ reddiderunt. Sixtinus Amama, Antibarb. Bibl. lib. 2. & ex eo Riverus Exercit. 12. in Genesin contendunt Hebraicum ויכל vertendum esse, per plusquamperfectum : & absolverat. 3. Non male fortasse & illud, quod Mosaicum ברא לעשות אשר אלהים tanquam per pleonasmum Hebræorum dictum, generaliter & simpliciter ad τὰ ἔργα sive ad opificium Hexaëmeri retulit, cujus creatio, stricte à nonnullis sic dicta, tum διακόσμου in capite 1. Mosaico promiscue voce utraque ברא & עשה indicantur. Nam LXX. quæsitius : ὡς ἡξῆλο διὰ νομοῦ. Rabbinica nuga hic longum valeant. Benedictionem & Sanctificationem Septima Diei omisit, ejusque loco, quod inde resultat, posuit, Sabbathi sc. apud Judæos institutionem & observationem, quam inde deducit. clariora hæc erunt, si Judæum cum Judæo conferas, Philonem inquam in opis. mundi cum Josepho Nostro.

**A**Bsoluta generali τὸ ἐξαμήρου Historia, nunc ad specialem ἐξήγησιν & caput secundum Geneseos Mosaica accedit Josephus : enarrans ante omnia, Adami formationem ex limo teræ, animalium denominationem ab Adamo factum, Eva ex costa Adami productionem. Tot enim partes facit τῆς τῷ ἀνδρὶ κατεσκευασμένης, quam tali transitione orditur : καὶ διὰ τὴν φυσιογνωμίαν Μωϋσῆς μετὰ τὴν ἐβδόμην ἡμέραν περὶ τῆς τῷ ἀνδρὶ κατεσκευασμένης, λέγων ὕτως. Ceterum incipit post diem septimum Moses specialius differere & de formatione hominis ita explicare, ut principia naturamque ejus sigillatim interpresetur ; ita inquit. Recte sentit

ac ex mente veterum recentiumque interpretum, quod ea, quæ caput primum Mosis & creationis summariam Historiam; in cap. 2. sequuntur, sint ἱεραρχικά priorum & φυσιο-λογικά, sive naturam quarundam creaturarum paulo specialius declarantia. Quod institutum S. Spiritus, non Historiamodo ἐκφρασίαν & dispositionis compendiique concinnitatem juvare; sed etiam rerum maxime memoratu observatuque dignarum quasi notam quandam habere, existimandum est: dum & congreganda in unam Κύρωσιν historia rotunditas cursusque non impeditur; & admirationis altioris argumentum seorsum panditur. Sed age, videamus, quomodo Mosaica verba, quæ diserte laudat, ex cap. 2. v. 7. Genes. expresserit.

Ait ergo Josephus, Mosen ita scribere: ἔπλασεν ὁ θεὸς τὸν ἄνθρωπον, χεὶρ λαβὼν ἀπὸ τῆς γῆς, καὶ πνεῦμα ἔθηκεν ἐν αὐτῷ καὶ ψυχὴν. Et finxit Deus hominem accepto ex terra limo, & immisit in eum spiritum & animam. Haftenus enim interpretem vult agere verborum Mosis: sequentia liberius & suo stilo pertexit. Initium interpretationis convenit plane cum LXX. versione, qui totidem verbis habent: καὶ ἔπλασεν ὁ θεὸς τὸν ἄνθρωπον, χεὶρ λαβὼν ἀπὸ τῆς γῆς. Proprie redditum est τὸ ΡΥ per ἔπλασεν, videatur Rivet. Exercit. in Genes. 16. Nec male evolutus est Hebraismus Ellipticus (secundum quem esset: & finxit Deus hominem pulverem de terra) supplendo pariter & interpretando, ex sumto pulvere de terra formatum esse hominem. id quod & aliis haftenus interpretibus placuit. Quoniam in Hebraico habetur פֶּחַי, quod minutum pulverem significat, inde Salianus colligit, Deum sumxisse quidem illum minutissimum pulverem, sed quoniam propter diffluentem siccitatem in solidum corpus conformati non potuerit, pulverem aqua miscuisse ac lutum fecisse. Annal. Eccles. Fortasse tamen simplicius sentiunt qui de limo nova terræ, ut mox clarius dicetur, pronunciant, & Fuisse existimant limum, ex quo Deus formavit hominem, non factum esse tum demum. Neque pulverem excludit hæc opinio, quem τὸ ΡΠΥ postulat, quippe cum superficies terræ limosa nihil aliud sit, quam pulvis aqua mistus: sed nec Græcum χῆς, aridum pulverem præcise designat, quod rursus sine idoneo fundamento affir-  
mat

com. 1. die  
6. 2. 18.

mat *Salianus*. Quis enim nescit *Pollucem* & *Suidam*, Grammaticorum doctissimos, χῆ generaliter de terra & aggeribus etiam exponere?

Quæ de *inspiratione animæ* Moses accuratius tradit, ac singillatim declarat: *Josephus* haud dubie ad opus suum ætiologicum reservavit, contentus interim *immissionem animæ generatam*, è verbis Mosaicis adferre. quod ei hic quidem non adeo infelicitè cessit. videtur enim animadvertisse, *inspirationem* proprie dictam locum non habere, sed *immissionem* *δωρετικῇ*, intelligendam esse, navibusque *inspiratum* dici *spiraculum vitæ*, *figura καλαβυλῆ* ad humanos de animæ natura, organis, actionibus conceptus. Tum autem illud *נשמת חיים* longe rectius per τὸ πνεῦμα signavit, quam illi, qui nescio quas subtilitates in numero & distinctione vocis quæsilere. Adhibuit sc. eas voces, πνεῦμα καὶ ψυχὴ, quibus etiam alias anima & vita hominis notari solet; quæque Hebræis ea de re phrasibus satis commode respondent. neque abiit à stilo interpretum: apud quos πνεῦμα ζωῆς & ψυχὴ ζωῆς idem dicunt, nisi quod hi, fontibus prorsum insistant & ad ipsum animal, postremum membrum tropice propositum in Hebræo, referunt; *Josephus* ad animam referente, ex qua ipsum animatum hominem ultro intelligi credidit.

Hac formatione hominis breviter & *μυλαρογενικῶς* ex verbis Biblicis exposita, subjungit *Josephus*, de nomine primi hominis, quod & appellativum fuisse, quatenus naturam hominis signavit, & ex convenientia originis Proprium factum innuit Scriptura. ὁ δὲ ἄνθρωπος ἔτετο ἄδამ ἐκ γῆς. *Quia* γὰρ τὸ το κατὰ γλῶτταν τὴν ἰσραὴλιν πύρρον, ἐπειδὴ πρὸ τῆς πύρρας γῆς παραδείσης ἐκγόρεν. τοιαύτη γάρ ἐστιν ἡ παρὰ τοὺς γῆ καὶ ἀλλοθινί. Atque hic homo (primum à Deo productus sc. & formatus) vocatus est Adamus; quod lingua Hebraeorum significat rufum. quoniam ex massa rufa terra factus est. nam talis est intacta & vera terra. Vult primo *Josephus*, hoc nomen esse Adamo valde proprium & ex eo sumtum, ut solet nimirum Hebræa lingua κυριολεκτικῶς τὰς προσηγορίας. Notabilis est locus *Eusebii*: ἰσραὴλιν γραφὴ ἐστὶν ποτὶ τὸν κοινὸν καὶ πολλῶν ἀνθρώπων, *Prop. Euseb.*

καὶ τὸ γινῆ αὐτὸ χρόν διατημῆται, πάλιν οἰκίᾳ καὶ προσγεῖ  
 χρωμένη προσγορεῖ τὸν πάλαι ἄνθρωπον τῇ τῷ Ἀδάμ ἱκανομῖα  
 Σημαίνει. ὅτι δὲ τὸ τῷ προγόνῳ, καὶ πάντων ἀνθρώπων προπά-  
 τορι, κύριον εἶναι καὶ προσφῶς ὀνομαζόντων γηγῶν δαλῶν, κατὰ τιμὴν  
 αἰς ἑλλάδα φωνῶν μεταλήψιν ὑποφαίνει. *Hebraeorum scriptura*, si  
 quando hominem communiter & universim, vel ipsum genus homi-  
 num designare opus est, proprio & congenito Adami nomine designat.  
 Quoniam id nomen primo illi homini, hominum omnium parenti,  
 proprium & à natura quasi ipsa inditum fuisse (Græce si interpre-  
 teris, terrigenam significabis) eadem illæ litteræ Hebraeorum osten-  
 dunt. Unde Hebræi aliquando differentię causâ אדם הראשון  
 & Chaldæi אדם קדמון Adam primus.

Secundo, Rationem appellationis paulo diligentius & ita  
 explicat, ut eadem opera allusionem scripturæ & verba אדם הראשון  
 אדם הראשון interpretari videatur. Hebræis אדם הראשון  
 terram a rubedine dici, notum est. causam adferunt dupli-  
 cem. primo enim communiter dicunt, in Oriente colorem terra  
 natura rubeum esse: Altera causa hic à Josepho φυσιολογικώτα-  
 τον suppeditatur, intacta scilicet & pura terra naturalem illum  
 colorem esse. quo sensu apud Hesychium legas: Ἀδάμα, παρ-  
 δινὰ γῆν. Addit autem Josephus: ἀπὸ τῆς πυρρᾶς γῆς φεγε-  
 δέας, ex rubra terra humore permixta. Si illud φεγεδέας in  
 ordinario Participii significatu accipimus, prodiret ea senten-  
 tia, quam supra à Saliano attulimus: quasi Deus rufam ter-  
 ram acceperit, & miscuerit aquam & quasi subegerit. Verum  
 nulla necessitas in nobis imperat, nec levis est ratio quæ  
 dissuadet. Videtur enim Josephus primæ & recentissimæ  
 illius terræ limosam naturam in animo habuisse, adeoque  
 per γῆν φεγεδέσαν, participio nominaliter, vice appositi usurpato,  
 nihil aliud indicasse, quàm τὴν γῆν πυλωδὴν καὶ παρτελῶς ἀπα-  
 λην, limosam & penitus mollem terram, ut de primigenia ter-  
 ra ex vetustissima traditione loquitur Diodorus Siculus lib. 1.  
 φεγεδῶς enim proprie est misceri: & γῆ φεγεδέσα, terra non  
 sicca & pulverulenta & nihil nisi terreum habens, sed aquis  
 & humore quodam mista & quasi fermentata. eam enim vocem  
 erudite in hujus loci versione usurpavit Gelenius, immerito  
 reprehensus à Saliano: cui non in mentem venit fermentari  
 &

& fermentescere apud Plinium & Columellam de terra usurpari, cum remollitur & à spissitudine ac duritie prohibetur.

Hujus tam admirandæ productionis primi hominis è terra, ut & ipsius Protoplasti Adami historiam, etiam apud gentiles sub variis fabularum involucris jactatam, satis constat, unde Lactantius de fals. relig. 2, 11. De hac hominis fictione poeta quoque, quamvis corrupte, tamen non aliter tradiderunt. namque hominem de luto à Prometheo factum esse dixerunt. Res eos non fefellit, sed nomen artificis. Verum Promethei fabula potius Noachi historiæ congruit. magis huc spectabit illa communis opinio gentilium: primos homines è terra generatos esse. de qua Diodorus 1. & Justin. 2, 1. & Lactant. de fals. rel. 2, 12. Adami ipsius historia sub Saturni fabula videtur adumbrari, neque disconvenit nomen quod à latendo Saturno datum existimant. Nimirum pervenerat fama ad gentes, occultati post lapsum, ex lapsus conscientia, Adami. vide de re & comparatione tota Vossii lib. 1. de Theolog. Gentil. c. 18. Quidam sub Osiride Ægyptio, Adamum figurari & sub Iside, Evam credidere. Certe non raro in hac disquisitione, unam eandemque historiam Biblicam in diversas fabulas veluti dissipatam est reperire. Nos prætermisiss ceteris, unam nunc adjicimus veterum Germanorum *Diologiar.* Quis enim dubitet Adamum signari, per Mannum illum Germanorum Deum, de quo Tacitus in Germ. 2, 3. Celebrant carminibus antiquis Thistlonem Deum terra editum, & filium Mannum originem gentis conditoresque: & quæ sequuntur. Thistlonis vox, quemadmodum Deum notet, vide apud Cluver. Germ. Antiq. 1, 9. Voss. Theol. Gent. 1, 38. vere ergo Dei Filius Adamus (Luc. 3, ult.) sive Mannus. in eo corrupta fides, quod Thisto non Mannus terra editus dicitur. Ceterum inter numina Germanorum Tacitus etiam Isidem memorat. ubi existimat Vossius non improbabiler, Germanis Issam i. e. Evam ex Hebræo *אִשָּׁה* cultam esse; ex qua Romani, quadam soni & litterarum conjectura ducti Isidem fecerint; cui alias nullus hic locus.

Sequitur in Josepho, nobile istud sapientiæ, qua Adamus *σπέρματος* præditus fuit, specimen, cum animalibus



nomina imposuit: παείησι ὃ οὖν τοῦ Ἀδάμ κατὰ γένη, τὰ ζῶα, θήλας τε καὶ ἄρσενα ἀποδείξάντων. καὶ τούτοις ὀνόματα τίθησιν, οἷς ἔτι καὶ νῦν καλεῖται. Adduxit autem sive constituit ante Adamum Deus omniū generis animalia, ex utroque sexu, ostenditque illi. Atque his ille nomina imposuit, quibus adhuc hodie vocantur. Contra-  
 tractius proponit, quæ Moses diffusius: quæ de re jam supra monuimus. Recte ait, animalia adducta esse, κατὰ γένη: nimirum non singula generum, sed genera singulorum voluit notare, quod Philosophi dicerent. Quod addit θήλας τε καὶ ἄρσενα, ex connexionē & circumstantia sequentium haud dubie sumsit: ubi comparatio quadam ex hac congregatione animalium instituitur, inter animalia cetera ad κοινότητα καὶ μιῇν diversitate sexus copulata, ut supra loquebatur Noster, & hominis solitudinem, cui socia non est reperta: quæ ipsa occasio est historiæ de creatione Evæ. Illud ἀποδείξάντων exprimit finalem adductionis causam, quæ apud Mosen effertur adductum esse omne animal, ut Deus videret, quomodo Adam vocaret unumquodque לראות מה יקרא לו. Cum scriptura valde signanter proprietatem nominum ab Adamo impositorum indicet, & perpetuitatem eorundem subinnuat, Josephus cum perspicuitate Paraphrastica adjecit, οἷς ἔτι καὶ νῦν καλεῖται. plane ut Rabbi Salom. Jarch. παρρησίου sacrum textum כל נפש חיה אשר יקרא לו הארם שם הוא שמו לעולם Quodcunque cuius animalis Adamus nomen posuit, id est nomen ejus in perpetuum.

Recte autumat Philo Judeus de opific. mund. Impositionem illam nominum primævam ad sapientiam & regnum pertinere. Quippe ex profunda cogitatione naturarum cujusque animantis impositio nominum proficiatur, necesse est. id quod & eventus à posteriori satis approbat, & ratio, à priori ultro colligit. Unde Plato in Cratylō: Αὐτοῖσι οὖν θεῖμονος πρῶτον τὰ ὀνόματα, οἷς ἔπειτα ἔγινε τὰ περὶ γένεα, τοιαῦτα ἐτίθητο καὶ τὰ ὀνόματα. Nimirum qui primus imposuit nomina, quales arbitrabatur res esse, talia imponebat nomina. Idque quia ingentis sapientiæ opus esse videret, postea ad divinam quandam suggestionem, ἰσχυρῶς sane refert. Etiam de Pythagora annotat Elianus, quod sapientissimum existimaverit, qui numeros reperisset, proximum, qui rebus nomina imposuit. Verba  
 ejus

4 Car. hist.  
27.

ejus ita habent: ἔλαυν ὅτι πάντων κορόταται ἐστὶν ὁ [ἀριθμὸς  
 οὐρῶν] διούτις ὁ τοῖς πνεύμασι τὰ ὀνόματα δύνει. Quem  
 locum ideo attuli, quia admirabilem in ipsis tenebris ἰσο-  
 χαν de luce licet observare. Primum numerorum inven-  
 torem fuisse Theut apud Platonem in Phadro legimus: at-  
 qui illa voce Theut (quam nonnulli ad Mercurium Aegy-  
 ptium referre) significare Deum, luculente ostendit G. J.  
 Vossius Theolog. Gentil. 1, 37. Ecce, numeros & numerorum  
 illam harmoniam in universo diffusam ex mente Phythago-  
 ræ, verè invenit qui solus & unus sapientissimus, Deus:  
 hujus autem imago & Exemplar & filius Adamus, nomina  
 imposuit rebus.

Digna sunt, quæ paraphrasin ὀνοματοθεσίας hactenus ex  
 Josepho & ad Josephum explicatæ, hic exhibeant illa Sni-  
 de, in laudibus Adami: quas divino experimento spectatas,  
 ait. καὶ, ἢ εἴσιν ἢ χραῖ, ἐποίησεν ὁ θεὸς πάντα τὰ κτῆνη καὶ τὰ  
 θηρία, καὶ τὰ ἔρπεντα, καὶ τὰ πετεινά. καὶ ἤγαγεν αὐτὰ πρὸς τὸ  
 Ἀδὰμ ἰδεῖν, ἥ καλέσει αὐτὰ, καὶ ὡς ἐκάλεσεν Ἀδὰμ, τὸτο ὄνομα  
 αὐτῷ. ἢ τῆς φωνῆς ταύτης καὶ μαρτυρίας ἀριθμητότερον; ἢ τῆς ὁ-  
 ρίας ταύτης καὶ διαγνώσεως ὑψηλότερον; ἐκάλεσεν ὀνόματα, τὴν  
 εὔσιν αὐτῷ καὶ ὑπόστασιν ἐκάστη ζῶν ὥσπερ ὑπογραφεύμενος, ἢ μελε-  
 τήσας ἢ προσκεψάμενος, ἢ δὲ πρὸς πεποιθὸς πῶν ὅσα μίλαμαν-  
 θάνουσιν ἄνθρωποι καὶ πολλῶν καὶ ἀναείδμων γενεῶν παραδραμ-  
 οῦν, ἢ ἐκ ἰσχύος ἔδειξεν ὑπαλλάξαι καὶ τὸ τυχεῖν ζῶν τὸ ὄνομα,  
 ἢ δὲ τῆς ἐκείνου δεξιᾶς μεγαλοῦς καὶ διαγνώσεως, μάλλον μὲν ἢ  
 μένουσιν ἀπαντες κατὰ πᾶσαν ἰσπαρένοι τὴν γλῶσσαν, τοῖς ἐκείνου σοι-  
 χῶντες ἀμελῶδους διδασκασιν. Quippe, ut scriptura dicit,  
 fecit Deus omnia jumenta & feras & volatilia, & adduxit  
 ea ad Adamum, ut videret, quomodo vocaturus esset ea. &  
 quomodo vacavit Adam, id unicuique nomen est. Quid hoc  
 elogio testimonioque illustrius? quid sapientia illa & cognitio-  
 ne magnificentius? Imposuit nomina, quibus ipsam naturam  
 & penitissimam vim unicuiusque animantis describeret:  
 non præmeditatus, non antea perspeculatus, non denique ullo  
 eorum præexercitus, quæ homines à posteriori, ut loquuntur,  
 condiscunt. (sive, quæ hominibus etiam postea i. e. post indi-

cium ab Adamo factum discenda sunt.) Cumque hactenus multa atque adeo innumera etates pratercurrerint, non valuit quisquam ullius animantis nomen mutare, aut ad amplitudinem sapientie atque cognitionis Adami satis penetrare. Quin potius universi per omnem terrarum orbem dispersi homines permanent in vestigiis ejus, iisque tanquam immutabilibus oraculis insistant. Non soleo prolixiores descriptiones amare, sed profectui juventutis & usibus aliquando serviendum est.

Adductio illa animalium ad Adamum & discretio, occasionem dedit Adamo observandi, & admirandi (ut Josephus autumnat) sibi deesse, quam alia animantia haberent, comparis societatem. Sumit fundamentum sententiae suae ex eo, quod notanter subjungitur Genes. 2, 12. adductioni animalium: וְלָאָדָם לֹא מָצָא עֹזֶר כְּנֶגְדּוֹ & homini non est repertum adiutorium coram ipso. Plane ad eam mentem R. Salom. Jarch. Adamum introducit, consideratis animalibus specie sexuque distinctis dicentem: *Unicuique est copulata socia, mihi autem prorsus nulla.* כְּשֶׁהֵבִיאָן הַבְּיָאָן לִפְנֵי כָל מִין וּמִין זָכָר וּנְקֵבָה אָמַר לְכֻלָּם יֵשׁ בִּן זָוָה וְלִי אֵין בֵּן מִדָּוָה. Quare apud veteres nonnullos & recentiores complures obtinuit interpretatio: Adducta esse ad Adamum animalia non tantum, ut nomina iis imponeret, sed etiam, ut cognosceret simul, se socia carere. vide Saliani A. E. di. n. 94. Sed adferamus ipsa Josephi verba, quibus Occasionem producenda mulieris, ipsam productionem, & nomina producta complectitur: omissa expressiori commentatione, quam Moses habet de deliberatione Dei, de circumstantiis ad institutionem conjugii & vinculum pertinentibus. βλέπων δὲ ὁ Ἀδάμ ὡς ἔχοντα κοινωνίαν πρὸς τὸ θῆλυ καὶ συνδιαίτησιν, εἶδεν γὰρ ὅτι, ξενίζομενον δὲ ἐπὶ τοῖς ἄλλοις ζώοις ὅτως ἔχουσιν, μίαν αὐτῷ κοινοῦμένην παρὰ τὸν ἑαυτοῦ, ἐξ αὐτῆς ἐπάσει τὴν γυναῖκα. καὶ ὁ Ἀδάμ προσαχθεῖσας αὐτῇ ἐγνώρισεν ἐξ αὐτῆς γινώμεναι. ἡσὰ δὲ κατὰ τὴν ἑβραίων διάλεκτον καλεῖται γυνή τὸ δ' ἐκείνης ὄνομα ἦεν ἦν. Δημιῶν δὲ τῷτε πάντων τῶν ζώων μητέρα. Videns autem (Deus) Adamum carere societate femina ac convicium (quippe quae nec-

necdum erat) adeoque mirari, quod cetera animantia se ita haberent: *Adami sopiti costam unam exemit, atque ex ea mulierem finxit. Adamus ergo adductam eam agnovit, quod ex ipso facta esset. vocatur autem mulier Hebraeorum lingua, Issa. hujus vero nomen Eva erat, quod viventium omnium matrem significat.*

Quod ait, *Deum vidisse &c.* ex deliberatione ista hant, quæ est apud Moïsem v. 18. *Non est bonum hominem esse solum, faciamus ei adjutorium, quod sit coram ipso. De admiratione Adami jam dictum est. Per illam καὶ ὡμίαν καὶ συνδιακόνον* apposite & *ἐν ὧσιν παραφραστῶς* expre'ssit Hebraicum לַנָּשִׁי, de quo tot Interpretum sententiæ. In agnitione & denominatione mulieris minus attendit connexionem, sane quam accuratam & elegantem, Mosici textus. Nisi quod apprimè congruerent omnia, si τὸ γυναικῶν in Josepho active pro notare, imposita nota aut nomine designare, interpretemur, ut esset: *Adamus ergo, cum adducta esset mulier, ut ex se factam notavit, sive nominavit, quippe Hebrais Issa dicitur mulier. Nolo tamen auctor esse descendæ communis interpretationis, & ad cogitandum magis istud propono, quàm ad amplectendum. Hebraeam elegantiam, qua שָׂא & אִשָּׁא consonant hic pariter & se in eam explicant, Interpretes in aliis linguis non potuerunt consequi. nisi quod Symmachus, pulcre volens eymologiam etiam in Græco custodire (ut inquit Hieronymus) effudit ex analogia nomine vertit αὐτὴν κληθῆσθαι ἀνδρῆς, ὅτι ἐκ τῆ ἀνδρὸς ἐληφθὴ ἀνὴρ. Latine possis dicere: *Hæc vocabitur virago* (nam virago, de quo Hieronymus, hic minus proprium est) *quia de viro sumpta est. Coronidis loco adjiciemus locum Suidæ de agnitione & appellatione mulieris. In voc. Adam scribit: ἔτι καὶ τὴν γυναῖκα παρῶν ἰδὼν, ἐχ' ὅσπερ ἐκ σώματος ἀνθρώπου πρὸς ταύτης ἐδηξάτο ἀλλ' ὡς ἐκ τινος θεοῦ ἐμοῦς ἐπαχέμεν, ἐυδύχως τὸ πολυμήλον ἐγένετο καὶ διευκαστὸν ἐπερίβασε λόγιον. τὴν τοῦ ὄντος ἐκ τῶν ὄντων μὲ καὶ σὰξ ἐκ τῆς ἀρετῆς μὲ, αὐτὴν κληθῆσθαι γυνῇ, ὅτι ἐκ τῆ ἀνδρὸς ἀνὴρ ἐλήφθη. Hæc (Adam) cum primum conspexisset mulierem, non ut ex humano ore**

de ea locutus est: sed tanquam resonans divinam vocem, celeberrimum istud & admirabile oraculum ut vates protulit: hoc est os de osibus meis, & caro de carne mea. has vocabitur vira, quia de viro suo sumpta est. De Evæ autem nomine (in voc. Ev.) sic inquit: Ἀδάμ ὁ ἀνὴρ αὐτῆς ζῶν τὸν αἰῶνα κέκληκεν, ὡς ἰσομήλου μητέρα τῶν ζῶντων. Adamus vir eius, vitam eam vocavit, tanquam futuram matrem viventium.

**A**gredimur nunc argumentum admodum difficile, quod veterum recentiumque interpretum ingenia fatigavit, multosque eò adegit, ut, quod secundum literam explicare non possent, transferrent ad allegoriam, nec in historia modo mysterium quærerent, sed pro historia, mysterium substituerent. Fecerunt id non Judæi tantum [inter quos notus est Philonis pro allegorica expositione zelus] sed & Ecclesiarum Doctoribus non paucis visus est Moses, quæ de Paradiso memorat, κατὰ τινὰς ἀπορρήτους λόγους ἀλληγορεῖν, ut hoc cum *Ensebio* dicam. Nonnulli pulchritudinem terrestris loci ad domicilium corporis humani, sed penitiora symbola & delicias interiores, ad animi pabulum pertinuisse, crediderunt. Quos laudat & sequitur *Suidas*, in voce παραδείσου. Nos ut caruisse altioribus symbolis & cœlestibus deliciis, illud in terra extructum protoplastis ab ipso Deo domicilium, nequaquam diffitemur: ita nolumus à textu & historiæ littera eò usque recedere, ut vel confundamus ista, vel invicem permutemus, vel etiam conjectandi studio animosius; quam par est, scrutemur. Ac in præsens quidem, missis omnibus ambagibus *Josephi* expositionem adferemus primò, ac deinde expendemus.

Φησὶν δὲ (subaudi, Μωϋσῆς) ὅτι θεὸς καὶ παραδείσον πρὸς τὴν ἀνατολὴν καταφυτεύσαι παντοίῳ τεθελότι φυτῶ. ἐν τῆς ζωῆς τὸ φυτὸν, καὶ ἄλλο τὸ τῆς φρονήσεως, ὃ διαγινώσκειτο ἢ τι εἶναι τὸ ἀγαθόν, καὶ ἢ τὸ κακόν. εἰς τὸν δὲ τὸν κήπον εἰσαγαγὼν τὸν ἄδამ καὶ τὴν γυναῖκα ἐκείνου τῶν φυτῶν ἐπιμελεῖσθαι. *Antem*

autem Moses, Deum plantasse hortum ad orientem omni planta virente; atque in eo etiam lignum vita, itemque aliud sapientie, per quam dignosceretur, quid esset bonum, quidve malum. In hunc hortum induxit Deus Adamum & uxorem, & jussit plantarum curam gerere. Tota *παρὰ* Josephi, usque ad historiam lapsus habet IV. membra. quorum 1. *Paradisi plantationem*. 2. *Protoplastorum introductionem*. 3. *fluviorum Paradiso egredientium descriptionem*. 4. *divinam, de non comedendo fructu ex arbore *φρονήσεως*, præceptionem* complectitur. nisi quis malit, hoc postremum membrum, cum sequenti mox historia lapsus connectere. Agendum nobis erit de singulis.

Quæ producta sunt verba, duo priora membra continent. *καὶ δὲ Μωϋσῆς*. scilicet in speciali illa sua *φυσιογραφία* de qua præcesserat: *καὶ δὲ φυσιολογεῖν Μωϋσῆς μετὰ τὸν ἱεβραῖον ἤρξατο*. Hortum in Eden *עֵדֶן* dixerat Moses: Josephus simpliciter *παράδεισον* vocat. si illud *עֵדֶן* de voluptate accepit, ut multi; videri potest, reservata illa appellatione in opus suum ætiologicum, hortum interim nominasse, vel ipsa *παράδεισον* voce hortum ad voluptatem exactum denotasse. nam & hujus usurpationis exempla occurrunt. sin vero de loco accepit, non bene factum est, quod omisso proprio hoc nomine, generale tantum posuit. *πρὸς τὸν ἀνατολὴν ad orientem*, expressum ex Hebraico *מִמֶּזְרָח* LXX. *καὶ ἐφύτρωσεν ὁ θεὸς παράδεισον ἐν Ἐδέμ κατὰ ἀνατολὰς*. Notum est, de utroque acriter disceptari. Nos amplectimur eam sententiam, quæ *עֵדֶן* pro nomine proprio accipit, & *מִמֶּזְרָח* de Oriente. Prius sic intelligi potest: ut hortus ipse habuerit id nominis, Eden. unde in hoc cap. Genes. v. 15. *עֵדֶן-גֶּן* hortus Eden appellatur. Neque repugnat, quod antea dictum erat, *עֵדֶן* in Eden, ut Eden sit nomen loci, ubi plantatus est Paradisus. utrumque pulcre subsistit. Habemus hic, ut omnes intelligunt, *primæva rerum vocabula, & originarias appellationes*: ut vix dubitandum sit, nomen loco, ab horto aut propter hortum factum; & hortum quidem à voluptate appellatum, nomenque horti loco pa-

riter accommodatum. Nulla enim idonea ratio patitur, ut originem, & significatum vocis *Eden* plane negligamus. Quod ad *posterius* attinet, Hebraicum עֵדֶן, *Aquila* (referente *Hieronymo* *quest. in Genes.*) vertit ἀπὸ ἀρχῆς; *Symmachus* ἐκ ἀρχῆς (subaud. ἀρχῆς) *Theodotion* ἐκ ἀρχῆς, subaud. ἡεβραῖς, vel accipe neutraliter. Unde putat comprobari *Hieronymus* manifestissime, quod priusquam caelum & terram Deus faceret, paradisum ante condiderit. Verum nullam inesse consequentiam illi opinationi, etiamsi admittatur talis versio, aliis pridem ostentum est, cumque simplicius sit credere, *Paradisum die tertio conditum esse*, eo ipso potior est explicatio de Oriente. Alias res difficultatibus non carebit. in quas tacite induit se *Encherius Lugdunensis*: qui cum à principio, ante conditum caelum & terram, Paradisum esse creatum dixisset, *sequentem versum 9. cap. 2. Genes.* de producto omni ligno pulcro & suavi, statim ad diem tertium refert, inquit: *Non ut aliquod novi generis lignum condiderit, sed ex his generibus quae jam tertia die produxerat, exorta sunt postmodum, & ex illa virtute, quam jam terra generandi acceperat.* Quae hic est ratio, cur dicamus: *Paradisum ante omnia conditum, plantas autem paradisi, postea productas; nec tertia die, sed post illam; & tamen ejusdem speciei?* Longe rectius ad verbum *plantandi* ἔφυεν, & ad coherentiam S. textus, *Iosephus* dixit: *Δὲν καλαρυτῦσαι παργίδιον παρὶ τοῦ πηλοῦ φυτῶν* Deum plantavisse *Paradisum omnigena flrenti arbore, sive planta.*

*Snidas* ad hunc modum de Paradiso explicat: καὶ ὅτε ἐπὶ οὐδεὶ παργίδιον, δεῖ χερσὶν ἐν ἑδῇ παρὰ δὲ πρὸς ἑρμῶν ἐν τῇ ἀνατολῇ μὲν πάσης τῆς γῆς ὑψηλότερος, καί μιν ἐν κρητὶς δὲ αἶρι λοπλοτάτω, καὶ καθαρωτάτῳ περιλαμβανέτω. φυτοῖς αἰδαλέσι κομῶν ἐν ὁδίᾳ πύργου, φωτὶς ἐμπλεέτω. ὥρας ἀπάσης αἰδότης, καὶ κάλλος ὑπερβύτων ἔννοια. *Atque hic est divinus ille hortus, Dei manibus in Edem plantatus (explicatur autem Edem cibus) & in Oriente altiore quam cetera terra loco situs: aere subtilissimo bene temperatus, & purissima cali*

lib. 1. in  
Genes. c. 13.



cali nitidate resplendens; plantis semper virentibus comans, plenus suavi odore, plenus luce; ita ut omnis quæ sensu concipitur venustatis & pulchritudinis cogitationem exsuperet. Quæ ipsa verba in Damasceno leguntur. Mirum quod non animadverterunt interpretes manifestum loci vitium, pro  $\pi\rho\phi\eta$  enim legendum est  $\pi\rho\phi\eta$ , *delicia, voluptas*, atque ita demum verum erit:  $\text{ισ}\acute{\iota}\mu\ \delta\iota\ \pi\rho\phi\eta\ \text{ipulud}\delta\eta$ . vide Suid. voc.  $\text{ισ}\acute{\iota}\mu$ . Videmus autem hic iterum, viros eruditos, quorum sententias transcribit Suidas, indulgere conjecturis suis in hoc argumento, & altiore locum Paradiso tribuere, qualia in sequentibus passim occurrent. Moses Bar-cepha Syrus, *Biblioth. Patr. rom.* Episcopus in Beth raman & Beth-ceno comment. de Paradiso part. 1. cap. 9. ideo altiore loco situm Paradisum affirmat, quia quatuor illa flumina, necessario ex loco altiore in ceteras terras diffundantur. Ceterum de absurda hypothesi, qua in ista explicatione mirabiles fluminum cursus imaginatur, postea dicetur.

Præter generalem omnigenarum plantarum in hoc horto mentionem, seorsum Moses duarum arborum, singularium & admirabilium, nomina ponit. Unam vocat  $\text{עץ החיים}$  *lignum sive arborem vite*, plantatam בתוך הגן in medio horti alteram,  $\text{עץ הדעוּת טוב ורע}$  *lignum scientia boni & mali*. Josephus illud, in medio horti, non videtur de medio loci aut dimensionis accepisse, sed pro eodem habuisse, ac si dictum esset, in horto, inter ceteras horti plantas. Qualem scilicet significationem Hebraicum  $\text{תוך}$  sapissime sustinet. Reddidit ergo:  $\text{ἐν ταῖς δέντροις καὶ τῆς ζωῆς τὸ φυτόν, καὶ ἄλλο τὸ τῆς φρονήσεως, ὃ διακρινώσκει τὸ τί ἐστὶν τὸ ἀγαθόν, καὶ τί τὸ κακόν.}$  Præcesserat: Dicit Moses Deum plantasse etiam hortum in oriente, producto omni plantarum genere; sequitur, & in his esse arborem vite & aliam scientia, cujus ope dignoscatur, quid sit bonum, & quid sit malum. ubi sicut arborem vite κατὰ ἥσλιν reddidit: ita alteram arborem cum periphrasi extulit. sicut & Chaldaus paraphrastes vocavit arborem, cujus fructum qui gustaverit, sapiat quid sit bonum aut malum. Josephus infra: τὸ γὰρ φυτόν ἐστὶν

τῆς

τῇ καὶ διαβολῇ ὑπέσχετο, arbori enim acuminis & cogitandi vis inerat. quo de loco dicendum erit, cum de nuditate Protoplastorum agatur. LXX. non inerudite, quanquam fortassis subobscore: τὸ ξύλον τῷ εἶδέναι τὸ γινώσκον καλῶ καὶ ποτὶ τῷ. Videtur autem, ut hoc citra præjudicium cujusquam dicamus, Deus indidisse id nomen arbori, ex eventu, hunc in sensum: Hac arbor esto scientia boni & mali, ut quando-cunque homo contra edictum divinum comederit de ea, ipso actu experturus sit, quantum intersit inter bonum & malum, id quod Josephus non cepit, sicut in loco trademus. Diabolus ergo, cum postea seduxit Evam, ipsa hac appellatione à Deo facta ita abusus esse videtur in hanc sententiam: ἐν αὐτῇ λέγων εἶναι τὴν πρὸς τῷ ἀγαθῷ καὶ τῷ κατὰ δόξαν, dicens in ea arbore esse vim dignoscendi boni & mali, idque vel ex nomine, quod Deus indiderit, intelligi posse. Coevis-κῶς. quod Deus de eventu comestionis dixerat: impostor ad naturam arboris refert. Moses Bar-Cepha comment. de Paradis. part. 1. c. 19. ex sua & aliorum sententia ad bonum obedientiae & malum inobedientiae refert. quam opinionem plurimi secuti sunt hactenus: neque sane aliquid incommodi ea habet, nisi quod in terminis formalibus, quos vocant, accepta interpretatio angustior videtur, quam pro scopo & eventu totius rei. Non enim excludendum est malum mortis, & totius corruptionis, quod Deus gravissimo interdicto suo inclusit: nec bonum originalis innocentiae, quod abstinencia hujus fructus custodire debebat. Quæ si quis bono obedientiae & malo inobedientiae comprehendit, tum jam idem dicit, quod nos dicimus. De fructu hujus arboris frustra quæri, existamamus, ut & de arbore vite, qua specie, quibus fructibus ornata fuerit: sicut ingenue fateatur, curiosus alias in talibus conquirendis Syrus ille, quem bis laudavi. De effectu & ratione appellationis testatur ipse Moses Genes. 3, 22. quem locum malumus cum cordatis & orthodoxis simpliciter accipere, quam curiose cum aliis interpretari. Utraque arbor videtur id etiam singulare habere: quod ceteræ quidem arbores & planta ab ipso Adamo nomina

*nomina accepisse verisimillime creduntur; has autem ab ipso Deo appellatas, nullum est dubium.*

Collocatum esse hominem *πρωτόπλαστον* in Paradiso, duplici fine, ostendit scriptura: *ut operaretur*, scilicet non servili labore, sed honesta animi voluptate; *& custodire horum*, à bestiis nimirum, & ad eum modum quem Deus præscripserat. *Josephus* hæc ita refert: *εἰς τῶτον ἡ κῆπον εἰσαγαγὼν καὶ τὴν γυναικα, ἐκέλευεν τῶν φυτῶν ἐπιμαλῆναι.* Quod introductionis in hortum meminit, recte & ex mente scripturæ facit, sed cur ait, *tam Evam quam Adamum introductos esse?* Adamum quippe solum introductum, Evam autem in Paradiso ex Adami costa conditam, ostendit series Historiæ. Videtur respexisse communem fœminæ cum viro horti curam, adeoque non tam ad Adami introductionem proprie dictam, quam ad utriusque in Paradiso collocationem, retulisse suam expositionem. *Fines illos antea nominatos generali formula complectitur, τῶν φυτῶν ἐπιμαλῆναι plantarum curam agere*, quasi illud operari & custodire, specialibus vocabulis generalem curam indicaret, figura passim obvia. Non erimus jam in eo scrupulosi: quippe cum jam supra ostenderimus, *Josepho non tam expressionem emphaticam textus originalis, quam comprehensionem historia liberioresse propositam.* Adjicit autem, *ἐκέλευεν*: *jussisse Deum, ut curam horti agerent.* non absurde. *introductio enim, & diserta expressio finis, voluntatem Dei, & quoddam jussionis genus significant.*

Pervenimus nunc ad difficillimam *de fluviis Paradisiacis* disputationem. in qua cum verbis Josephi paulatim progredietur investigatio nostra. *ἀρδεῖ ἕνθ' ὁ κῆπος ὑπὸ ἑνὸς ποταμοῦ, αὐτὸς ἐν κύκλῳ τῶν γῶν περιρρίοντι, ὃς εἰς τέσσαρα μέρη διίχθ'.* Irrigatur autem hic hortus ab uno fluvio, omnem in circuitu terram circumfluente; qui in quatuor partes dividitur. *Mosaicus textus ita habet: ונהר יצא מעדן להשקות את הגן ומשם יפרד והיה לארבעה ראשי* *Et fluvijs egrediebatur ex Eden ad irrigandum hortum, & inde dividitur, abiq; in quatuor capita.* Egrediebatur ex Eden, ut irrigaret

A. E. di 3.  
n. 69.

hortum: hæc locutio non caret difficultate. Si enim Paradisus est pars cultissima Eden, sicut cum *Mose Bar-cepha comment. de Parad. part. 1. cap. 15. § 28.* complures statuunt, quomodo nomen totius regionis ponitur, ubi initium ex determinata & peculiari regionis parte arcessendum est? *Salianus* ita se expedire conatur: *Eden & Paradisum esse unum idemque, adeoque id dici, quasi quis ita loqueretur, fons exiliens in platea civitatis, totam rigabat civitatem.* Sed profecto non solvit nodum, qui ita respondet. Equidem si Scriptura diceret *עדן in Eden oriebatur fluvius*, facilius ejusmodi cogitationes procederent: sed diserte dicitur *עדן ex Eden*. Quid quod ipse *Salianus* & alii necesse habent ad specialem & determinatum locum recurrere? itaque in exemplo, *platea civitatis*: in præcedentibus *editior aliquis locus Paradisi* designatur. Solida explicatio hujus loci, tam diu, ut arbitror, vix dari poterit, quamdiu de ipsa regione Eden ignorabitur. De ejus enim amplitudine & conditione cum nulla nos monumenta doceant, non video, quid certi de talibus quæstionibus pronuntiari possit. Si aliquis hic esset conjecturis locus, expeditissima fortasse ratio foret, dicere: *Edem neque majus spatium occupasse Paradiso* (quippe cui à plerisque maxima amplitudo tribuitur) *neque æqualem horto amplitudinem habuisse; sed sufficere, ut Paradisi pars & initium in Edem collocetur.* Ita & illa locutio scripturæ constabit, *plantatum esse Paradisum in Eden*; nec difficile erit intelligere, *quomodo fluvius egrediatur ex Edem*. Quod *Josephus* addit fluvium *παῖσαρ ἐν κύκλῳ γῆς περιπίπτον*, omnem circumambire terram: id sumit ex *versu 6. cap. 2. Gen. & vapor ascendeabat de terra sive fons, irrigans universam superficiem terra.* quasi utrobique de eodem ageretur. Quam sententiam etiam *Salianus* tuetur, aliique. Sed præterquam quod ibi vocabulum Hebraicum *טא* rectius de *vapore* accipitur (nam quæ contra adfertur ratiuncula, nihil obtinet) novis insuper difficultatibus causam præbet, ex quibus nemo se bonis rationibus extricaverit. Quomodo enim illud *παῖσαρ ἐν κύκλῳ γῆς* stabit sine de universa terra, sive de Asia

tan-

tantum capias? Jam, quam distinctis vocibus נהר & נחל ibi & hic utitur scriptura? Quantum dissident illa השקות את-כל & השקות את הנן & פני האדמה. Quanta scopi utrobique diversitas? Et quis nescit illam versionem vocis נחל quam pro fonte vulgatus habuit, potius ex cogitatione interpretis, quam ex natura rei fluxisse?

Illum grandem fluvium in quatuor נהרות sive capita findi, dictum est. Ubi fit illa divisio? Respondent, *extra Paradisum*: id enim velle Hebraicum נחל quod ad irrigationem horti respicit, quasi Moyses diceret: *postquam hortum rigavit, inde diffunditur, & in quatuor fluvios extra Paradisum abit.* Atque hæc simplicissima est sententia: licet in tanta rei obscuritate non sufficiat ad omnia dubia tollenda, sicut postea videbimus. Nonnulli, cum amplecterentur hanc expositionem, & tamen Paradiso totas regiones quas Tigris & Euphrates interfuit, attribuerent, in novas difficultates inciderunt. Multi, & inter eos Josephus, plane præterierunt, istam divisionis designationem. haud dubie, ne tenerentur rationem reddere ejus rei, cujus liquidior notitia post diluvium vix superfuisse videtur. Alii, parum specialia curantes, ita se expediverunt, ut dicerent: *quatuor illos fluvios & ipsum irrigare Paradisum, & post egressum de Paradiso absorberi in terram, & alibi emergentes universum terrarum orbem irrigare.* sicut eorum mentem refert *Adrichomius*. Valde de plano scilicet transigunt, quibus ista sufficere videntur.

Theatr.  
terr. sanct.  
Chron. 2, p.  
101.

Primus fluviorum è quatuor *Phison* appellatur. καὶ ὁ μὲν ποταμὸς ὀνομαζόμενος, σημαίνει δὲ πληθὺν τὸ ὄνομα, ἐπὶ τῷ Ἰνδικῷ ποταμῷ, ἐκδίδωσιν εἰς τὸ πέλαγος, ὃν Ἕλληνας γάγγης λέγουσιν. Atque ex his ille, qui *Phison* nominatur (significat ea vox multitudinem) in Indiam defertur, atque ita in mare effunditur, Græcis *Ganges* appellatus. Hinc sumsit κατά πίδα & tanquam interpres *Hieronymus* de loc. Hebr. *Phison* quod interpretatur *caterva*, fluvius quem nostri *Gangen* vocant, de Paradiso exiens & pergens ad Indica regiones, post quas erumpit in pelagus. Tribuitur autem non tantum huic

copia & abundantia aquarum, sed & ceteris Paradisiacis fluviis apud *Syracid.* 24, 35. verum si Phisō est Ganges, quod cum Josepho plerique veteres existimarunt, magnitudo ejus præ cæteris eam notationem meretur. ὅτι μὲν γὰρ μέγιστος γάρητος ἦ μνημονεύμενων κατὰ τὰς τρεῖς ἡπείρους, καὶ μὴ αὐτὸν Ἰνδός, τρίτος δὲ καὶ τέταρτος ὁ Ἰσπὸς καὶ ὁ Νῆλος, ἰκαρῶς συμπαρεῖν. Quod enim Ganges omnium fluviorum, qui in tribus continentibus memorantur, maximus sit, proximus Indus, tertius & quartus Ister & Nilus, satis consentitur, inquit *Strabo*. Deducitur autem פישא à radice פיש quod est multiplicari, augescere. Hinc *Josephus*, πηδὸν vocat, *Scaliger* πημύραν. Judæi varia adferunt: vel ita appellari, quia limum פישא Piscitan ferat, vel quia extendat se super terras & inundet eas irrigetq; , ut ad Nilum referatur. De utraque opinione meminit *Rabbi Salomo ad h. l.* ubi etiam disertis verbis ait: *Hunc esse Nilum Egypti fluvium.*

Est & tertia sententia, quæ Phisō pro *Hypasis* accipit, itidem Indico Humine, quod *Straboni* ubique *Hypanis* dicitur; *Curtio* sine aspiratione *Hypasis*. Adstruit eam sententiam *Philostorgius in epitom. Photiana* nuper ab illustri viro *fac. Gothofredo* edita, lib. 3. c. 10. ἐπὶ δὲ καὶ διὰ τὸ νῦν Ἰσπανίης καλέμενος ποταμὸς (ὅν ἡ γεωγὰ φησὶν ὀνομάζει) καὶ αὐτὸς τῷ παροδίσῳ ἀναβλύζων ἦ ἐκ ἀρκτῶων μᾶλλον τῆς ἀνατολῆς μερῶν, ἐπὶ τὴν μεσημερίαν φαίνεται ῥέων, καὶ εἰς τὸ ταύτην ὁκλαντὸν τὸ ῥεῖθρον διασπείρεται, ἀντικρὺ τῆς νήσου ταπροβάνης. Præcellerat de situ Paradisi, quem *Philostorgius* κατὰ τὰς ἰσημερίας τῆς ἡμέρας, ad æquinoctium orientale collocat, postea inter probationes sequitur: Ad hac, & qui nunc *Hypasis* vocatur fluvius (quem scriptura Phisō nominat) & ipse Paradisum irrigans, ex *Arcto*is magis *Orientis* partibus meridiem versus fluere videtur, & in Oceanum, qui ibi est, aquas suas condere, è regione insula *Taprobana*. Adfert subinde duo argumenta, sive commenta, quibus stabilire conatur suam opinionem: primo, quia ad ripas ejus reperiatur *caryophyllum*, sive fructus sive flos, de quo incolæ credant, ἐκ τῷ παροδίσῳ

ἵδου τὸ τοῦ δένδρου ἔναι ex Paradiso esse hanc arborem. Secundo, si quis valida febre aestuans in id flumen mergatur, cum statim morbo liberari, idque adeo esse σύμβολον τῆς παρὰ τὸ πνεύματος ζωῆς ἐπιτυχίας, indicium cuiusdam ad terram Paradisi commercii. Quod ut verisimilius fiat, ait, hunc fluvium sub terra fluere, nullatenus absorptum. Id quod commune suffragium est eorum, qui fluminum Paradisiacorum origines cursusque investigant. Ceterum de Gange plerique maluerunt cum Josepho accipere. Moses Bar-Cepha itidem de Indico flumine sentit, sed nomen ejus corruptum est: existimo tamen Gangem reponendum esse. Verba ejus, quibus textum Mosaicum παραφύζει, comment. de Paradis. part. 1. cap. 21. hæc sunt: Unus illorum quatuor fluviorum Phison vocatur, qui ubi ab ingenti illo flumine medium perlucens Paradisum derivatus est, atque in terram sub Oceani vada se recepit, rursus profilit, emicat, scaturitq; in occidua mundi regione, unde septentrionalem petens, totam Indorum ditionem alluit (hæc enim Havila nomine significatur) ac tandem in Mare desinit. Græcè Phison Duobis vocatur. Ferunt autem pleramque hujus fluvii arenam atq; etiam alvei, præstante auro abundare, & gemmis pretiosis: nam vocem Hebraam Bedolah, margaritas significare. Repetit eadem c. 28. ubi Diablis legit. credo utrobique substituendum Gangem.

Regio Hevilah à plerisque, ut hætenus vidimus, cum Josepho de India accipitur; alii tamen de Arabia senserunt. præter aurum, Moses adjungit duo χρυσάλα, primo quidem הַבְּדוּלָה, deinde אֲבֵן הַשֹּׁהַם. quæ varie explicantur. vulgatus, Bedolah reddidit bdellium, eamque sententiam fuscè confirmat Clar. Salmasius exercit. Plin. si quidem bdellium de lacrima arboris translucida, pingui, æqualiter cerea, quæque facillè molliatur, ut Isidorus describit, accipiat: de lapide enim non dici, maleque huc Prisciani auctoritatem trahi. esseque hoc ipsum quod Lusitani Anime vocant. Equidem juvatur non parum hæc interpretatio, ex ipsius vocis convenientia. Haud

Vu 3

dubie

part. 2. pag.  
1149. & seq.



dubie enim ex Hebraico *Bedolah*, facta est *Bedella*, quam *Isidorus* vocat, sive absorpto *tscheva* βέλλα: unde diminutivum *Bedellium*, quod in antiquis *Planti* codicibus apparet, & βέλλιον. לפניו vulgatus reddit lapidem *Onychinum*. *Hieronymus*, qui בדלה pro carbunculo habuit, לפניו lapidem prasinum vertit, planè ut LXX. apud quos ο λίθος πρῶτος. Chaldaeo est בדלה *beryllus*, sicut alias etiam Hebraicum לפניו exprimit. De gemma *Onyche* (nam & marmor notat) plerisque placuit. *Moses Bar-cepha* fluctuat, & ad latam explicationem confugit. *Hebraeum Bedolah* (inquit cap. 28. lib. praedict.) gemmas vocat: *beryllos* verò lapides pretiosos. Alii *bedolah* candidos uniones significare existimant; *Beryllos* verò, *sardos*, *topazios*, & ceteras id genus gemmas.

Ευφράτης δὲ καὶ τήρης ἐπὶ τὴν ἱερὴν ἀπεισιν θάλασσαν. καλεῖται δὲ ὁ μὲν ευφράτης ποταμός, σημαίνει δὲ ὅτι σκεδασμὸν ἢ ἀνθρώπων. τήρης δὲ, δηλαδὲ, ἐξ ἧς φράζειται τὸ μετὰ εὐρύτητος ὄξύ. *Euphrates* autem & *Tigris* in rubrum mare exeunt: & vocatur ille quidem *Phora*, quod significat dispersionem aut florem; *Tigris* autem *Diglat*, quo angustia & velocitas indicatur. Ita pertexit *Josephus* de Tigride & *Euphrate*; quos cum *Scriptura* tertio & quarto loco ponat, ipse secundo praeposit, atque inter primum & secundum medios interserit. Etiam ipsos inter se transponit. *Tigris* enim apud *Mosen* ante *Euphratem* ponitur. *Euphrates* פר indigitatur, celebre & notum flumen, quod ob celebritatem suam aliquando à *Thargumistis* generali voce נהר, sive per fluminis nomen absolutè notatur. Quod ait *Euphratem* vocari פר, probabiliter corrigit *Salianus* *χολ.* 12. ad D. tert. n. 17. & mutat in פר. Voluit enim *Josephus* Hebraeum nomen exprimere. originationem ejus à diversis radicibus accersivisse videtur; primò quidem à פר, quod est spargere, hinc σκεδασμὸν interpretatur; sive etiam à פר, quod est rumpere, unde propriè petenda est fluvii etymologia; deinde à פר quod efflorescere;

refcere ; hinc τὸ ἄλλο sumit explicationem. Quæ diversitas non adeo miranda est , cum satis constet , inde à longa vetustate , rationem etymologiarum etiam inter doctos sæpe conjecturis potius quam scientia , inventis cujusque quam regulis itetisse. Quam ego rem inter argumenta & effecta pœnalis linguarum confusionis , numerare soleo. Eandem cum Josepho diversitatem in animo videtur habuisse R. Salomo in illa glossa : פֶּרֶן וּדְבִין שְׂמִימִין פֶּרֶן וּדְבִין. Tigrim Digluth vocat Noster , sicut & Chaldaus Paraphrastes , cujus vocis notationem vid. ap. Mos. Bar-Ceph. 1, 28. Hæbraicum est דְּבִין , cujus etymologiam hanc ex compositione nominis adfert R. Salomo שְׂמִימִין דְּבִין וּקְלִין , cujus aqua sunt pernice & veloces. Nec enim alius fluvius ad Orientis plagam ( loquar cum Curtio 4, 9, 16. ) tam violentus invehitur ; multorum torrentium non aquas solum , sed etiam saxa secum trahens , itaque à celeritate qua defluit , Tigri nomen est inditum : quia Persica lingua Tigrim sagittam appellant. Josephus τὸ ὄξὺς & τὸ δύναι , conjunxit φυσιογνωσίας , quippe angustis ripis coercita flumina , & in angustiore alveum elisa torrentes aquas invehunt : contra spatium alvei segnior cursus est , ut rursus est apud Curtium 9, 2, 17. Nomen Digluth apud Plinium etiam compareret 6, 26. Ipsus , quia tardior fluit , Diglito , unde concitatur , à celeritate Tigris incipit vocari.

Hic locus eo notabilior censendus est , quod eam observationem haud parum juvat , quam Salmasius in p. 693. exercitat. Plinianis prolixè exequitur : Multos auctorum ponere fontem Tigridis non ubi nascitur primum , sed ubi hoc nomen adipiscitur , quod & in Euphrate factum. Hinc illa discrepantia de ortu utriusque fluminis. Laudat inter alia Salmasius veterem auctorem ἀνέκδοτον , de quatuor fluminibus Paradisi , qui tradat Tigrim & Euphratem à fontibus suis protinus mersos sub terra finire , & in Tauro monte utrumque erumpere & apparere. Scilicet inde factum est , ut ibi fontes collocarentur fluminum , ubi existe-

existerant iterum. *Philostorgius Hist. Eccles. 3, 10. ὁ δὲ τῆς καὶ Εὐφράτης καταδύσσει καὶ πάλιν ἀνίσχεται &c. Tigris & Euphrates terram subeunt rursus, emergunt, ubi vide Dissert. Gothofredianam. Moses Bar-Cepha comment. de Parad. part. 1. cap. 2. & 28. tradit, non hæc duo tantum flumina, sed omnia illa quatuor, cum egressa sunt è Paradiso, precipitari sub Oceani vada, indeque tandem in adversis terris erumpere. Quam res ipsa faciliè arguit. Exitum utriusque fluminis deducit Josephus in mare rubrum, εὐφράτης δὲ καὶ τῆς εἰς τὴν ἐρυθρὰν ἄπαιτιν θάλασσαν. Ita Curtius 5, 1. 15; cum utriusque cursum accuratè descripsisset, adjicit: *Iidem per Babyloniorum fines in rubrum mare prorumpunt.* Neque dissentiunt, qui in Persicum sinum exonerari dicunt: cum & ille in mare rubrum tendat. Nonnulli, Tigrin & Euphratem pro præcipuis fluminibus Paradisiacis habent, eorumque duo brachia à Mose Phison & Gehon appellari credunt.*

De quarto fluvio Gehone, qui Mose secundus est, ita expedit Josephus: Γεὼν δὲ δι' αὐτῆς αἰγυπτίου ῥέει. πολλοὶ δὲ τὸν ἀπὸ τῆς ἀνατολῆς ἀναδιδόμενον ἡμῶν, ὅς δὲ νῦν ἑλληνες προσκαλοῦνται. Gehon autem per ipsam Ægyptum fluit: significatῶς, ab oriente nobis exorientem, quem Græci Nilum appellant. Etymologiam Josephi carpit & in suspicionem trahit Sallianus *χελ. ad D. tert.* quasi ab 'Eos aut 'Hos deduxisset. Quid opus erat id suspicari, & cui verisimile videri potest, hominem Judæum in antiquissimo vocabulo ad Græcam originem confugere? Haud dubiè cum ceteris, & ex re ipsa, deduxit à *ἔλθω* quod est *emergere, erumpere, exoriri*, id ut explicaret, glossam addidit: ἀπὸ τῆς ἀνατολῆς. Nihil certius. Nilum indicari, per hunc fluvium, plerique consensere: quamvis multis dubium movit, quod Moses ait, *circumire eum totam terram Æthiopia*. Potlis dicere: illud *circumire*, nimis strictè accipiendum non esse: sed ita sicut diligentissimus Geographorum Strabo de Nilo explicat, *Nilus, inquit, Ægypto*

*Agypto & contigua regioni, & Æthiopia, qua supra est, præstat communia, ut quod suis incrementis eas rigat, & solam hanc partem habitabilem reddit, qua ejus exundationibus tegitur; quidquid editius est, & fluente ipsius sublimius, id ab utraque parte desertum, & ob aqua penuriam cultoribus vacuum transit. Ceterum neque totam Æthiopiam Nilus permeat, nec in rectum, nec solus, nec bene habitatam; ἔτι παρὰ δ' ἔξισιν, ἔτι μόνον, ἔτι ἐπ' ἐυθείας, ἔτι δικυμένῳ καλῶς: Aegyptum vero & solus & totam, & in rectum; à minore cataraete supra Syenen & Elephantinam incipiens qui sunt Aegypti & Æthiopia fines, usque ad Nili ostia in mare exeuntis. Et Ammianus Marcellinus lib. 22, cap. 36. Æthiopia partes prætermeat Nilus. Sed, si accipienda aliquis putet, quæ de brachiis Tigris & Euphratis dicta sunt, hæc quidem difficultas vitabitur; si modo ceteræ non augebuntur.*

In quarta propositæ περικοπῆς parte hæc sequuntur. ἰ δὲ θεὸς τὸν Ἀδάμ, καὶ τὴν γυναῖκα τῶν μὲν ἄλλων φυτῶν ἐκέλευσε γίνεσθαι, τὴ δὲ τῆς φρονήσεως ἀπέχεσθαι, προσέπων, ἀφ' αὐτοῖς ἀπ' αὐτῆς, ὅλας θρὺν γενομένην. Porro Deus Adamum & uxorem de ceteris quidem plantis gustare, arbore autem scientia abstinere jussit, prædicens ipsis, quandocunque eam attigissent, exitium ipsis superventurum. Disputatur alias, an Hebraicum אָדָם in v. 16. c. 2. Gen. proprie de Adamo, an communiter de homine i. e. de Protoplastis Adamo & Eva accipi debeat. Josephus posteriori modo accepit: sicut & septuaginta interpretes, licet dixissent, ἐντελέατο τῷ Ἀδάμ, subjunxerunt: ἢ φάγοιτο. quæ sententia facile se tuetur, & prolixè confirmatur à Saliano. neque opus est ad ea confugere circa quæ Ambrosius laborat lib. de Paradiso cap. 5. Quæritur deinde, an præceptum proprie ita dictum, tam ad ceteros arborum fructus gustandos, quam ad arborem scientiæ non attingendam spectet. Moses enim ἀπὸ κοινῆς suum illud ἔσθι adhibet, quem Josephus κατὰ πείδα hic sequitur. Verum neque Hebraica neque Græca vox tam præcisæ significationis est, ut in eam sententiam nos adigat. Quinimo in quavis lingua frequens est, ut connexio membrorum ab ejusmodi vocabulo pendeat, quod φάγοις δικεῖται quidem uni tantum convenit, sensum autem ad plura sustinet. Comminatio divi-

να ἀναδιπλώσει ἐμφατικῇ proposita in sacris, & ad mortem relata, generaliter tangitur à *Josepho*, exitium pro morte, ponente. Ego hoc quoque inter ea pono, quæ cum profunde & emphatice in sacris dicantur, à *Josepho* non penetrantur, qui ob id generalibus locutionibus sibi cavere solet, qualia infra passim occurrent. Sed de re quidem ipsa, in sequentibus amplius agendi locus erit.

**I**N superioribus, quædam de Paradisiacis fluminibus, ad mentem ac opinionem Veterum Interpretum, & *Josephi Nostri* expositionem, annotavimus. Quid recentiores ea de re sentiant, quamque à veteribus in diversum abeant, merito in alias occasiones distulimus, cum præsertim res tota sit conjecturæ: in qua cuique facilius fuit aliorum sententias confutare, quam suas satis confirmare. Quare nec nunc arbitramur cunctandum, quin statim ad sequentia in *Josepho* progrediamur.

Sequitur autem *Historia Lapsus Protoplastorum*, è cap. 3. *Geneseos*. In qua describenda, si ullibi, vere monstravit *Josephus*, quam non effugerit nugas Judæorum & futilitatem, res gravissimas in somnia & aniles fabulas corrumpentium. Quod ut clarius æstimetur, totam ejus orationem, sicut hætenus consuevimus, singillatim examinabimus: si prius animadverterimus, quacunque de Serpente in Sacris invenerat, ea illum omnia de nudo & naturali serpente, citra ullum *Diaboli* Serpente abutentis respectum, ita accipere, ut multa interim Serpentis natura, veluti ὑποδίστως χάριν affingat, quæ & falsitate & absurditate præcipua sunt. Sicut in progressu amplius apparebit.

Primo omnium occasionem lapsus, μάλα μυθολογηµένως, veluti per ambages otiosæ conjectationis orditur, cui tanquam fundamento tentationem & seductionem superstruit: ὁμοφρονέτων δὲ καὶ ἰκένο καὶ τῶν ζώων ἀπάντων, ὅρις ζωδιαπώμενος τῷ τε Ἀδάμῳ καὶ τῇ γυναικί, φθονερῶς μὲν ἔχεν, ἐφ' οἷς αὐτὸς ἰουδαϊσθήσεται αὐτο, πεπεισµένος τοῖς τῷ θεῷ παρῃρηµασιν. ἰσχυρῶς δὲ Συφορᾷ περιπιστῖδι παρῃκίσαντας, ἀναπείθει κακοήθως τὴν γυναικα γέσασθαι τὸ ἐντὶ τῆς φρονήσεως, ἐν αὐτῷ λόγων εἶναι τὴν

καὶ τῇ

τι τῷ κακῷ διάγνωσιν, ἢ ῥαδιόθεν αὐτὸς, μακάριον ἢ μηδὲν ἐπι-  
 λείποντα τῷ θεῷ διαξέν βίον. Pacem & concordiam agnabant per  
 id tempus cuncta inter se animalia ; cum Serpens, propioris cum A-  
 damo & muliere commercii occasione, invidere eis cepit : cumque  
 animadverteret, observatis Dei praeceptis perpetuo felices ; contra  
 autem transgressione eorum, exitio obnoxios fore ; maligne per-  
 suadet mulieri, ut gustaret de arbore scientiae, dicitans : in illa esse  
 boni & mali discretionem ; ex illa si gustarent, beatam adeoque  
 divinam vitam acturos.

Qualis illa animalium inter se & cum homine concor-  
 dia, quæ Serpentis cum homine Συδιότητις atque familia-  
 ritas ? Non plus hic vidit Josephus, quam gentiles, qui  
 talia de Saturni sui temporibus μυθολογῶσι : occasione  
 quidem Paradisiacæ felicitatis, cujus ad ipsos fama dima-  
 naverat, sed in magna opinionis nube singula fingentes.  
 Prorsus tale est, quod Plato tradit in Politico & ex eo re-  
 fert. Euseb. P. E. 12, 14. εἰ μὲν τῶν τοιούτων τῶν Κρόνου, πα-  
 ρέσης αὐτοῖς ἔτω πολλὰς χολῆς, ἢ δυνάμεως πρὸς τὸ μὴ μόνον ἀν-  
 θρώποις ἀλλὰ καὶ θηρίοις διὰ λόγων δύνασθαι συγγίγνεται, κατι-  
 χροῦντο τούτοις Συμπασιν ἐπὶ φιλοσοφίαν μετὰ τῶν θηρίων ἢ καὶ ἀλ-  
 λήλων ἐμιλῶντες, ἢ πωδανόμενοι παρὰ πάσης φύσεως, εἰ τίνα τις  
 ἰδίαν δύναμιν ἔχουσα ᾗδετό τι διάφορον τῶν ἄλλων εἰς Συαγυρμὸν,  
 φρονήσεως, εὐχετόν, ὅτι τῶν νῦν οἱ τότε μυνέω πρὸς εὐδαιμονίαν δέ-  
 φερον. Si alumni Saturni summo in otio, summaque non cum ho-  
 minibus modo, sed etiam cum bestiis familiari sermone agendi po-  
 testate, iis omnibus ad Philosophiæ studium utebantur, tam inter se  
 mutuo, quam cum bestiis ipsis versando ; & ab unaquaque natu-  
 ra siscitando, num quid diversum ab aliis vi quadam singulari  
 propriaque sentiret, ut hoc pacto suam quandam à quibusque pru-  
 dentia stipem acciperent : liquet omnino, etatis illius homines infinitis  
 ad beate vivendum praeidiis nostros superasse. Et de concor-  
 dia animalium præcesserat : καὶ δὴ τὰ ζῶα κατὰ γένη καὶ  
 ἀγέλας ὅσων νομῆς θεοὶ συνήγαγον δαίμονες, αὐτάρκεις εἰς πάντα  
 ἡμέρας & ἑκάστας ἡμέρας αὐτοὺς ἱμῶν. ὥς τε ἐπ' ἄγριον ἦν ἔδεν, ἔτο  
 ἀλλήλων ἰδωδαί. πόλεμος τε ἐκ ἐνῆν, ἐδὲ χάσις τοπαρῶσαν. Ani-  
 malium quoque genera gregatim distincta, demones quidam, tan-  
 quam divini pastores, sortiti sunt : quorum quisque muneri suo  
 obcundo

obundo quum satis valeret, singuli singulis, sicut ille (Deus) voluit, praeſciebantur, quibus praeerat ipſe. Quocirca nihil erat ferum, neque alia, alias vorabant animantes: aberat bellum penitus atque ſeditio.

Nimirum videbat Joſephus, Serpenti aſtutiam tribui, & ſermonem, ex quo ille & rationem colligebat: videbat, Serpenti poenam irrogari poſtea: unde de facinore Serpentis colligens, talem ejus naturam fabricatus eſt, qualem ſeductionis hæc videbatur poſtulare. Hinc eſt, quod invidiam Serpenti tribuit erga hominum felicitatem: & conſilia invidia dolique, ſicut in adductis verbis patuit. Et ſane difficultates iſtæ multis in extrema utrinque exerrandi occaſio fuerunt. Dum nonnulli cum Joſepho, de nuda Serpente omnia accipiunt, quæ Scriptura ſub nomine organi de auctore ſeductionis Diabolo refert; nonnulli meras allegorias, organo veri Serpentis plane excluſo, ſectantur, & de ſolo Diabolo ejusque ſuggeſtionibus interpretantur, neque ii tamen uno eodemque modo ſentiunt. Quidam enim transformatum in Serpentis ſpeciem Diabolum iſta molitum eſſe: alii, per externæ ſpeciei vocabula, internas ſuggeſtiones notari, crediderunt; atque hi adeo utrique Serpentis vocabulo Diabolum ubique intelligunt, hunc ſub titulo Serpentis maledictum punitumque eſſe ſtatuentes. Philo Judæus more ſuo in Platoniam allegoriarum ſubtilitatem hic quoque delapſus, de voluptate maluit explicare Serpentem. Ephraemus apud Moſen Bar-Cepha comment. de Paradif. part. x. cap. 27. inter hæc ancipitia medium iter quæſivit, nec invenit. Satanam, ait, à Deo petiviſſe, ut Serpenti ſermonis facultatem concederet ad tentandum Adamum, ſicut opes Jobi quoque ſibi permiſſi poſtulavit; quod de ejus patientia ſaceret periculum. Ex quo conſequitur, ita illi corporeo Serpenti ſermonis uſum fuiſſe datum, ut Aſina Bileam: imo vero non ſolam elocutionem, verum etiam intellectum illi Serpenti inditum fuiſſe affirmat Ephraem, cum Deus ipſum ut intelligentem ſit aſſatus, bis maledictis perſtringens: pulverem edes & ſuper ventrem tuum ambulabis. Haſtenus Moſes Bar-cepha de ſententia Ephraemi. Sed quis non videt, difficultatibus novis involui rem potius, quam prioribus expediri, valde animo-



animose utatur cogitationibus suis necesse est, qui seductionis causa ab ipso Deo concessam animali bruto orationem & rationem, i. e. ex irrationali rationale factum animal, opinari potest. Et quam levis illa ratiuncula, de sermone Dei ad Serpentem. Qua de re postea, suo loco, aliquid dicitur. Quod de *asina Bileami* adfertur, ita demum locum habebit, si dicatur, Deum Diabolo permisisse, ut vocem formaret in Serpente, & ex Serpente loqueretur; sicut in ore asinae Angelus Dei formavit vocem & articulata verba, quibus herum suum argueret, non autem, quasi vel Serpenti vel asinae propterea ratio aut facultas loquendi data esset.

Adeo est periculosum conjecturis, extra Scripturae litteram indulgere. Quod in rebus Paradisiacis plerique tam nimis animose fecerunt. Quis non miretur, summum virum, & gravissimum alias Theologum *Basilium Magnum* in sermone de Paradiso, eo usque provehi, ut animantium quoque brutorum vocem intelligi potuisse opinaretur, celebrans inter alia *ἡ ζῶων ποιικίλων διαμάτα, πάντων ἡμέρων, πάντων ὁμοειδῶν ἀλλήλοις ἡ ἀκούοντων ἡ φθονομένων ἐνσύνετα*; *variorum spectacula animalium, quae omnia mansueta erant, omnia invicem familiaria, quaeque audirent & sonarent talia, quae intelligi possent.* Dignior Judaeis quam Christianis est illa de Serpente seductionis organo sententia, qua nonnulli ex ipsis statuunt, *Evam sibilum Serpentis intellexisse, sicut & aliorum animantium linguas intellexerit.* vide *Paul. Fag. exeges.* Quale quid fabulator *Philostratus* de impurissimo mago *Apollonio Tyaneo* refert: καὶ ἐς εἴνεσιν δὲ τῆς τῶν ζῶων φωνῆς ἦλθε; pervenit ad eam scientiam, ut brutorum voces intelligeret. cujus traditionis vanitatem pro merito explodit *Eusebius contra Hieroclem, confutatione libri primi.*

Sed non debemus praetervehi occasionem erroris, quae *Josephus*, totam seductionis machinationem Serpenti, inter alia ideo tribuit, quia *Moses* Serpenti calliditatem praeter ceteris animantibus praecipuam adscribit. Verum id quidem pro modo animalis bruti & consuetudine loquendi, de sagacitate quadam naturae brutae, citra rationis aut affectus

Gen 3. 1.

cap. 27. ex-  
tremo com-  
ment. de Pa-  
rad. part.  
1.

veri usum, accipi debuisse, poterant Josepho facile tot exempla Scripturæ persuadere. Neque etiam opus erat, Hebraicum **דָּרַךְ** de *malitiosa calliditate* interpretari. quod tamen *Aquila* etiam atque *Theodotion* fecere, *παρρηγοῦν* vertentes, id est, explicante *Hieronymo*, *versipellem & nequam*. Haud dubie enim bona fuit naturalis illa sollertiae, ut sic dicam, in Serpente facultas: & vocem **דָּרַךְ** in bonam partem, ac de prudentia etiam usurpari, vel ex *Proverb. 12, 23. & 13, 17.* clarum est. Quare rectissime hic LXX. per *εφορμήματα* reddidere, ut prorsus frustra sit *Moses Bar-cepha*, cum quaestionem movet: *cur Moses Serpentem scripserit astutiores fuisse bestiis agri; non autem prudentiores? & respondet: prudentiam virtuti affinem esse, astum vero vitiis.* An ad calliditatem Serpentis probandam pertineat locus *difficilis* *J. 58, 5.* qui à plerisque interpretibus adfertur, hac occasione disputari posset, nisi destinatum nobis esset, à digressionibus remotioribus abstinere. Videatur interim *G. I. Vossii Phytolog. Christ. 1. 8.*

Ceterum de ipsa serie tentationis & colloquii expedienda non sollicitus est *Josephus*, sed cum malitiam Serpentis & propositum seductionis indicasset, mox argumenta persuadentia ponit: primo quidem, quia in ea arbore sit scientia & discretio boni & mali; deinde, quia beatitudo divina similis esu fructus vetiti comparari possit. Similitudinem divinitatis, quam textus Sacri eipsum præcipue ad scientiam boni & mali refert, sive ad scientiam, qualem Deus habet; extendit *Josephus* ad totius vitæ beatitudinem & felicitatem, nam id est, *μακάριος ὁ καὶ μὴδὲν ἐσθλὴν πῶν τῷ θεῷ βίῃ*, quem serpens pollicetur *Protoplastis*. Rectiori quidem pedi incedit hic, quam *Judæorum ceteri*: è quibus *Abenezra* illud Hebraicum **כְּמַלְאכִים** exponit *sicut Angeli*; *Rabbi Salomo* **עֲרֵי עוֹלָמוֹת** conditores seculorum. *Chaldaeus*: **כְּרַבְרִין** sicut *Proceres aut Principes*. Cordatissime videntur sentire, qui ex *v. 22. cap. 3. i. c. εἰσφορῆς* Dei, ad hæc Diaboli verba haud dubie alludente, explicationem petunt, de vero sc. Deo, sicut & *Lutherus Noster* reddidit. LXX, qui verterunt, *ὡς θεοί*, non videntur, Deum intellexisse: quippe conce-

datur

datur haftenus *Drusio* sua notatio ; Nomen *Elohim* , quando verum Deum notat , etiam cum essentialiter sumitur , semper converti , ó *Deus*. nisi quis malit opinari , τὸς LXX respexisse ad ipsos *Protoplastos* , in verbis , eritis sicut *Dii* , quasi quis diceret , *Dii* eritis , *tai quam - Dii* eritis. Qualia ferme ad h. l. excogitat *Riverus* , nisi quod *Protoplastos* cum vero Deo conjungit. Verum mihi longe potius videtur , relictis omnibus interpretibus , S. textui simplici & directa , ut innui , interpretatione insistere.

in comment.  
ad loc. Gen.  
diffic.

exercitat. 32.

Pergit *Noster* : καὶ παρεκρίσται μὲν ἔτα γυναικα. τῆς ἐντολῆς τοῦ θεοῦ καταφρονῶνται. ὁδοποιήσας τὴν οὐρανὸν καὶ τὴν γῆν , καὶ ἡδονὰς τῶ ἐδεσμάτι , καὶ τὸν Ἀδάμον ἀνέστησεν αὐτῷ γυναικα. Atque hoc quidem pacto subvertit mulierem ( *Serpens* ) ut praeceptum Dei negligeret. qua cum gustasset de arbore , delectata cibo , etiam *Adamo* persuasit , ut eo uteretur. Summam historiae iterum stringit , gradusque tentationis & delicti notanter à *Mose* expressos , parum curat. Quod ait , delectatam cibo , id Scriptura ad aspectum refert *למאכל כי טוב העץ* & vidit mulier , quod bonum esset ad vescendum ( *להיות כאלהים* addit *παρεφροσύνης R. Salomo* ) וכי תאחז הוא לעינים & quod dicit oculis esset delectabile & ( *כמו שאמר לה ונפקחו עיניכם* ) ונחמד העץ להשכיל כמו שאמר לה יודעי טוב , inquit rursus *R. Salomo* , qui ex hoc posteriore mēbro haud dubie priorum *παρεφροσύνη* sumsit , omniaque ad ratiocinationem *Evae* jam labantis retulit , quasi Scriptura , ad singula *Serpentis* verba respiciendo , hoc vellet : *Eva* bonum esse visum lignum ad vescendum , dum de adipiscenda divinitate cogitaret ex eo , quod dictum erat à *Serpente* , eritis sicut *Dii* ; visum item oculis delectabile , dum apertionem oculorum à *Serpente* promissam animo volueret ; denique , visum esse desiderabile ad faciendum sapientes , quia dictum erat à *Serpente* , eritis scientes bonum & malum. Non absurda cogitatio. Sed quanto magis à simplicitate textus S. recedit , tanto minus vim ejus directam exhaurit. Revera enim hoc dicit Scriptura , *Evam* triplicem cupiditate moram esse , quod esui gratam , oblectamento oculorum convenientem , & ad prudentiam acquirendam plane existimaret idoneam arborem , ut melius *παρεφροσύνη Pelargus*.

In

In sequentibus plane & multifariam aberrat *Josephus*. ἡ Κυρίασαν ἑαυτῶν, ἡδὴ γεγυμνωμένων, ἡ σκέπην ἑαυτοῖς ἐπερόν. τὸ γὰρ οὗτον ὀξύτητος ἡ διαροίας ὑπῆρχεν. φύλλοις ἔν αὐτὸς Κυρίας ἐσκέπασαν. ἡ ταῦτα τῆς αἰδῆς προβαλλόμενοι, μᾶλλον ἐδύκων ἐυδαμονῆν, ὡς ἂν πρότερον ἐσπάνιζον ἐυρόντες. Atque tum intellexerunt, quod adhuc essent nudi, & prospexerunt sibi de tegumento. Habebat enim arbor acumen in se & vim cogitandi. foliis igitur ficus convellarunt sese; eaque pudendis pratexentes, feliciores sibi iam videbantur, quippe qui invenissent aliquid, quo prius carebant. Nihil hic de apertione oculorum, nihil de nuditate intellexit: unde factum est, ut nec de arbore aliquid intelligeret, cui manifesta absurditate attribuit vim conferenda intelligentiae. *Salianus* etiam majoris errati arcessit *Josephum*, inquit: Non contentus *Josephus* facere Serpentem rationis competentem, etiam arbori acumen & mentem videtur attribuere. in quo longius etiam aberravit, quam qui dixerunt, arborem vim habuisse ad faciendum intelligere. Sed norunt periti linguae, nulla nos necessitate adigi, ut *Josephum* ita interpretemur. Quidni enim effective, ut loquuntur Scholae, non subjective illam ὀξύτητα & διάνοιαν in arbore accipiamus? Certe hoc adeo non repugnat τῇ φερόσει, ut nihil ulcatus sit, quam ita loqui. Sicut nec Latina *Gelenii* versio alium sensum obtrudit: arbori enim acuminis & cogitandi vis inerat. Certe ne dubitaverim quidem, interpretem de virtute arboris vim intelligendi acuate accepisse & reddidisse.

Quod Scriptura nude dicit, *Evam dedisse viro, qui comedit, Josephus* interpretando supplet, ἀνέπεισι τὸν Ἄδαμον αὐτῷ χηρίσας. Non male. Hinc *Moses Bar-cepha* comment. de Parad. quaestionem movet: Existimandumne est hic, mulierem simpliciter viro porrexisse, virum vero edisse, cum neque illa verbum ullum ad illum faceret, neque ille rursus apud illam de eo cibo disquireret? & respondet: sane nos censemus, & virum de cibo disquisivisse, & mulierem ipsi tum ea verba retulisse, qua serpens demon sibi dixerat, tum alia praterea ex suo ingenio adjecisse, qua ad persuadendum Adamum facere putaret. id quod in sequentibus fusius demonstrat. Unde & *Augustinus*: dedit viro suo secum, fortassis etiam cum verbo suasio, quod scriptura tacens in-

telligen-

*A. E. tom. 1.*

*d. m. 13. n. 27.*

*ex. 7.*

*part. 1. cap.*

28.

relligendum reliquit. an fortasse non suaderi jam opus erat viro, quando illam eo cibo mortuam non esse cernebat. 11. de Gen. ad lit. 30.

Illud autem plane negligentis animi *παράγμα* est, quod ex textu Sacro non intellexit *Josephus*, apertionem illam oculorum, quæ fructus vetiti comestionem consecuta est, cum pudore, verecundia, confusione conjunctam; sed & succinctoria illa sculnea nihil aliud quam tristitia turpitudinis animadversæ velamenta fuisse. de quibus ille disserit, tanquam in parte nova & tum primum esu fructus vetiti adeptæ felicitatis habuissent *Protoplasti*, inventionem tegumenti quo ante calebant. *μᾶλλον ἰδόντων ἐνδαιμονεῖν, ὥς ἂν πρότερον ἐσπώνοντο ἰσχυρίσας*, inquit. Quasi nimirum evenissent quæ Serpens prædixerat. Qualem opinionem refellit etiam *Moses Bar-cepha* loco ante memorato: Sunt qui temere atque etiam impudenter dicant, jam nunc evenire, quod Serpens h. e. Sata nas fore prædixerat, nempe si Adam Evaque ederent de illa arbore, apertum iri ipsorum oculos: id enim hic narrat *Moses*, post gustatum cibum vetitum ipsis accidisse. Verum nos respondemus, aliter *Mosen*, aliter Serpentem de aperiendis oculis esse locutos. Serpens enim volebat oculorum apertura significare, futurum ut acri atque perspicaci essent ingenio, bonumque ac malum perinde ac dii possent dignoscere: at *Moses* apertis oculis nihil aliud vult, quam suæ ipsos nuditatis conscios sibi factos, h. e. pudore verecundiaque affectos. Explicat amplius & Ille in sequentibus, & *Augustinus*; cujus 14. de C. D. 18. hæc leguntur verba: Aperti sunt oculi amborum non ad videndum, nam & antea videbant; sed ad discernendum inter bonum quod amiserant, & malum, in quod ceciderant. unde & ipsum lignum eo quod istam faceret dignoscenciam, si ad vescendum contra vetitum tangeretur, ex ea re nomen accipit, ut appellaretur lignum scientia boni & mali.

Et de tegumentis mox: Proinde confusi inobedientia carnis suæ, consuerunt folia ficus & fecerunt sibi campestria, id est, succinctoria genitalium. Nam quidam interpretes succinctoria posuerunt. Porro autem campestria Latinum quidem verbum est, sed ex eo dictum, quod juvenes qui nudi exercebant in campo, pudenda operiebant: unde qui ita succincti sunt, campestratos vulgus appel-

lat. Quod itaque adversus damnatam culpa inobedientiæ voluntatem libido inobedienter movebat, verecundia pudenter tegebat. Congruit in eo Josephus, quod ἡ περιφράξις: φύλλοις ἢ αὐτὴς κυκλῆς ἐσκέπασαν, καὶ ταῦτα τῆς αἰδέως προβαλλόμενοι, &c. Planè ut Græcum περιζύματα, qua voce LXX & Vulgatus usi sunt, Suidas circumloquitur: τὸ ὑπὸ τὰ αἰδοῦσα ἐκέπασμα. Quod autem ex ficulneis πριζύμασι Gennadius, Theodoretus, Hugo de S. Victore aliique colligunt, veritam arbovem ficum fuisse, fundamento idoneo caret, neque pauca sunt, quæ illam conjecturam minime patiuntur esse verisimilem.

4. E d 3. n.

54. C. 89. vid. Salianum.

Cum ad iudicium Dei, primo citantis, mox accusantis, inde Sententiam pronunciantis progredietur Noster, traditiones quasdam suorum sequitur: adeo ille quidem secure, ut perspicuam seriem Mosaicæ narrationis fere obliviscatur ac involvat. Inquit enim: τὰ θεῷ δ' εἰς τὸν κήπον ἐλθόντι, ὁ μὲν Ἀδάμ πρότερον εἰς ὁμιλίαν αὐτῷ φοιτῶν, ῥωπειδὴς αὐτῷ τὴν ἀδικίαν, ὑπαχώρει. τὸν δὲ θεὸν ἐξένιζεν τὸ πραττόμενον, καὶ τίτλι ἀλίαν ἐπωθάειτο, δι' ἣν πρότερον ἠδόμενον τῇ πρὸς αὐτὸν ὁμιλίᾳ νῦν ἐδίγει τάυτῳ καὶ περιέσεται. τὸ δὲ, μηδὲν φεγγαγομένῳ, διὰ τὸ συγγινώσκον, αὐτῷ παραβάντι τὴν τῷ θεῷ ἐντολὴν καὶ πρόσαξιν, ἀλλ' ἡμεῖς μὲν εἶπεν ὁ θεὸς ἔγνωσο περὶ ὑμῶν. κτλ. Cum autem Deus in hortum veniret, Adamus prius conversari cum eo suetus, sed nunc peccati sibi conscius, secedebat. Admiratus eam rem Deus, causam interrogavit, ob quam consuetudine sua antea gavisus, nunc eam refugeret? Illo autem nihil quidquam respondente, eo quod sibi conscius esset violari divini precepti, insit Deus: Mihi vero de vobis visum decretumque erat, & quæ sequuntur. Notamus 1. satis incommode & minus διοφρεπῶς illa exponi de Deo mirante, quod Adamus refugeret suam consuetudinem, nisi quod tamen ad figuram confugere possunt, qui Josephum mallent tueri. Sicut in textu ipso sacro more humano introducit Deus quærens ubi Adam esset, non quod nesciret, sed quod tales interrogationes, suas causas habent, ut Syrus ille loquitur. 2. Sumserit ergo istud de admiratione, & interrogatione Dei, sicut ipse format, quasi ex emphasi & paraphrasi formulæ Mosaicæ: Adam ubi es? quasi & admirationis

miratio *ἐκκλήσις* fugæ, & exprobratio subitæ occultationis & pudendæ nuditatis contineretur. 3. Quod ait, *Adamū nihil respondisse*, non congruit veritati Historiæ; respondit enim, *Vocem tuam audiui in horto, quia nudus ego, & abscondi me*. Licet enim excipi possit, Adamū nihil respondisse, i. e. non directè & satis respondisse; tamen illam interpretationis subtilitatē parum recipere videtur phrasis, qua usus est, *μηδὲν ἀνέκρινοντο*. 4. Etiā istud, quod dicit Adamū antea consuetudine Dei gavisum, specialiores verborum *ὑποδείσιν* præfert, quam ut illuc tantum spectet, quo in hac historia tendit *Moses Barcepha*, de apparitione Dei Adamo antea facta, primo cum eum conderet; deinde cum legem de arbore daret; tertio cum *Evam* ei collocaret. videtur enim *Josephus* ex traditione potius communi hoc velle, Deum ante lapsum hominis sæpius cum eo locutum conversatumque esse. unde etiam *Salianus* ad 4. E. d. 7. confirmandam suam sententiam, quod nimirum *Protoplasti* octavo à sua productione die, id est, feria sexta secundæ mundi hebdomadæ peccaverint ejectione sint, hunc *Joseph* locum, veluti non excogitatum, sed ex communi *Hebræorum sensu, vel traditione relatum*, adducit. n. 11.

In oratione quam Deo tribuit ad Adamum, totus est in eo, ut *ὑπομνηστικὰ ῥησιολογία* argumentum exornet potius, quam fide Historica denarret. 'Αλλ' ἡμοὶ μὲν, εἶπεν ὁ Θεός, ἐγνωσθε περὶ ὑμῶν, ὅπως βίον ἐνδύσασθε, καὶ κακῶς πάντες βιώσασθε ἀποσθῆ, μηδὲ μὲν ἐνιζήμενοι τὴν ψυχὴν φροντίδι, πάντων δ' ὑμῶν αὐτομάτων, ὅσα πρὸς ὑπέρλαυσιν καὶ ἡδονῇν συνελθεῖ κατὰ τὴν ἡμῶν ἀνθρώπων πρόνοιαν χαρὶς ὑμῖν ἐν πόνῳ καὶ ταλαιπωρίᾳ. ὅν παρόντων γῆρας τε θάνατος καὶ ἀνὴρ ἐπὶ τῇ, καὶ τὸ ζῆν ἐς μακρὸν ἂν ὑμῶν γένοιτο. νῦν δ' εἰς ταῦτά γε μετὰ τὴν γνώμην ἐνύβριτας παρεκέσας τῶν ἡμῶν ἐντολῶν. ἐγὰρ ἐπ' ἀρετῇ σιώπῳ ἄγετε, ἀλλ' ἐπὶ συνιδότι πορνῆῳ. ὁ δὲ αὖ παρῆλθε τῆς ἀμαρτίας αὐτῶν, καὶ παρακάλεται τὸν Θεὸν μὴ χαλεπαίνειν αὐτῶν, τὴν γυναῖκα τῷ γεγονότι αἰτιώμενοι; καὶ λέγων ὑπὸ αὐτῆς ἐξαπαλθεὶς ἀμαρτάνειν. ἡ δ' αὖ καλῶς τῷ ὅρωσι.

Mihi vero, inquit Deus, decretum de vobis erat, ut vitam felicem omnisque mali expertem viveretis, nullas animo novas curas sentiretis, omniaque vel ad usum vel ad voluptatem facientia, mea vobis providentia, absque ulla vestro labore ac miseria provenirent.

inter qua, nec senectus vobis maturius supervenires, & vita in longum produceretur. Nunc autem tu speretis meis praeceptis, illam sententiam meam illufisti. Neque enim virtutis est, quod fides, sed mala conscientia. Adamus autem excusabat peccatum suum, rogabatque Deum, ne succenseret sibi, mulierem facili ducem accusans, dicensque ab ipsa se deceptum peccavisse. Mulier rursus, accusabat Serpentem.

A. E. d. 19.  
n. 42. &  
sc99.

Operæ pretium fortasse fuerit, considerare hoc loco, quæ Salianus in his & paulo ante memoratis Josephi verbis castigat. Et primo quidem tragico exordio in eum invenitur, inquiens: Et sane contra scripturam aliquid scripsisse illum, qui eam divinam pradicet, sceleratum profecto est, & insanum: præter Scripturam autem scribere, ne Josepho quidem tolerabile, quippe qui hanc sibi sustulerit libertatem, cum in præfatione in hos libros diceret: sed hæc omnia: qua scilicet scripserit Moses ante bis mille annos, & quinque millium annorum historiam sacris litteris proditam, procedens oratio accurate suo quæque ordine docebit, ita ut nos facturos sumus polliciti, neque subtrahendo quidquam, neque addendo, ἡδὲν προσθεῖς ἡδὲν ἀφαιρήσας. Quod unum de maximis ejus latissimeque parentibus mendaciis, atque erroribus; ut plus sexcentis locis ostendimus. Non constituimus, ullum ex Josephi erroribus defendere, aut minuere; quinimo id ipsum agimus hac exercitatione, ut ostendamus, quantum non penetraverit in S. textu Josephus: sed non video, quid ad usum & auctoritatem bonarum literarum faciat, omnia statim in atroces censuras & interpretationes inclementiores corripere, contra & præter mentem Scriptoris, aut sententiam contextus. quod non dubitat facere in aliquibus Salianus, sicut deinceps intelligi poterit. vel in hoc ipso atroci introitu ad refutationem, amplius sævit quam opus erat. Nam à sceleris quidem consilio facile liberabit Josephum, qui cogitabit, Josepho non fuisse propositum aliquid contra scripturam scribere. quod si accidit ipsi postea, ignorantia accidit: credebatur enim secundum Scripturam esse, quod contra eam erat. Dum enim profunditatem Sacri styli non assequitur, dum multoties ejus oculis κάλυμμα Ἰδαίων obversatur, delapsus



lapsus est in erroneas opiniones. sed sub ea tamen opinione, quasi vel maxime essent ad mentem Scripturæ, quæ tradit. Quod autem urget *Salianus* promissum Josephi, de exprimenda historia S. textus sine detractiōe & adjectione, de eo jam ante monuimus, quomodo intelligendum sit. Nunquam sane Josepho in mentem venit, κατὰ πρόθεσιν & κατὰ πίστιν sequi litteram Scripturæ, quasi per modum versionis, sicut præter rationem opinatur *Salianus*: sed argumentum Historiæ securum se pollicitus est sine adjectione talium, quæ eo non pertinerent, & sine detractiōe eorum, quæ ad integritatem historiæ proprie pertinerent. Non dicam nunc, quam bene hoc ipsum præstiterit; sed de ὑποθήσει Scriptoris & διαθήσει, ni fallor, utique constare debet iis, qui κρίσιν exercere volunt in Scripta. Apparet autem ex tractatione Josephi, ea quæ ommissa sunt, ea opinione esse ommissa, quasi ad rem ipsam non admodum pertinerent, aut in dictis jam continerentur, vel ut circumstantiæ subintel- ligi aut libere etiam omitti possent. quæ vero addita sunt, ea per modum interpretis, aut ex traditione interpretum, aut quasi declarantia Historiam Scripturæ & cum ea connexa, adeoque sine vitio alienæ adjectionis, visus est sibi adjicere. In quo haud dubie, sæpissime falsus est: sicut suis locis notabitur. Interim hoc in tractatione hujus Scriptoris monendum, atque etiam explicatius repetendum videbatur.

Nunc ad recensionem errorum à *Saliano* institutam pergemus: Errat ergo, inquit, primo, quod ait post admissum peccatum viros sibi feliciores, contra Scripturam, quæ timore confusos ait latebras quasisse, quam omnem ex nuditate confusione, toties à Scriptura & Patribus inculcatam, ille pro sua scribendi libertate prætermisit. [ & hunc errorem jam notavimus, ex eo natum, quod non caperet Josephus, quid sibi vellet Scriptura memorans, Protoplastos vidisse quod nudi essent. Ita dum miser interpres de uno membro textus cogitat, ceterorum cohesionem, per insignem ἀβελανδρίαν dimittit. ] Errat secundo, quod ex illo usu sapientiam illis contigisse credidit, ut notavit *Abulensis*, propterea enim ait Josephus, eos invenisse,

quo prius carebant, sicque veram impostoris promissionem facit, cum potius certo constet, ut postea docebimus, eos sibi suisque omnia bona supernaturalia amisisse, & luctuosissima nuditate affectos, in gravissimas calamitates incurrisse, quorum initium in pudore, & metu experiebantur. [Hoc quoque recte notari & reprehendi, antea indicavimus.]

Etiam sequentes errores recte notantur à Saliano: Errat tertio, quod latebras dissimulat, pro quibus nescio quo modo secedentem ac fugitantem facit, etiam presente jam Deo, cum è contrario statim evocatus prodierit, nec ullo modo colloquium declinarit. Errat quarto, quod nullam in divino cum Adamo colloquio nuditatis aut pudoris mentionem facit, cum tamen id sit totius colloquii & manifestata culpa fundamentum. Errat quinto, cum admirationem Deo, prater Scripturam affingit, quæ nullam ei hoc loco tribuit admirationem, vel veritatis dissimulationem. Nam si quid Hebræi hoc toto loco admirationis cognoscunt, id mulieris interrogatione intervenire posse putant, ut notat Vatabl. Eugub. Admirationem saltem decore fingeret, in aspectu novorum perizoniarum, quorum causam sciscitaretur. Errat sexto, cum facit Adamum tacentem, præ conscientia peccati, falso utique, cum nullum silentium appareat, imo nimis multa locutio in excusationibus, quæ debuerat esse in confessione peccati. Qualia paulo superius animadvertimus.

Septimum errorem, non recte videtur Josepho impingere Salianus, cum inquit, Errat septimo, quod ignavam & curam vacuam homini à Deo tributam vitam scribit: citra omnem, inquit laborem vestrum & sollicitudinem, omnibus sua sponte providentibus. utrumque falso, & contra illud. tulit Dominus Deus hominem, & posuit eum in Paradiso voluptatis. Sed, ut operaretur & custodiret illum. Neque enim tum tellus segetes, sine semine ac terra cultura profudisset. Quod ethnici poete finxerunt, Josephus pro oraculo habuit. Notandum hic primo Græca Josephi verba non ignavam vitam, sed molestia laboris carentem innuere. unde semet ipse interpretatus πόρον & ταραπώριαν conjunxit, χωρίς ὑμετέρου πόρου & ταραπώριαν, absque labore & molestia vestra. id quod negligi non debuit. certe vacua curis, laboribus, molestiis erat vita (scilicet, ut contextus facile

facile suadet, curis quæ animum fatigarent aut gravarent) si comparetur cum laboribus vitæ curisque, quibus post peccatum damnati sunt homines. Deinde nec illud quidquam absurdi habet, si in comparatione secuti laboris agriculturæ, ad quem Adamus damnatus fuit, dicatur, ante peccatum Sponte i. e. citra difficultatem laboriosæ molitionis, omnia proventura fuisse. quippe & terra facilius ferendis frugibus fuisset, Deo secundante; quæ nunc multis sudoribus ad ferendos fructus sollicitanda est: & spontanei proventus rationem habet, quidquid citra laborem provenit. Recte Lutherus noster in cap. 2. Genes. si Adam mansisset in innocentia, coluisset terram, plantasset areolas aromatum, non solum sine molestia, sed quasi per lulum & cum summa voluptate. Et paulo post: Ita reliquam habemus operationem, sed longe dissimilimam illi priori: non solum quod cum summa molestia conjuncta est, sed etiam quod terra quasi invita & parce dat, quæ Adamo cum summa voluntate dedisset, & in maxima copia &c.

Errat Octavo (ita pergit Salianus) quod depravat fructum justitiæ originalis, immortalitatem; non ausus eam apud infideles proferri, veritus ne non faceret fidem, irrisionique eorum pareretur, generali mortalitatis experientia refragante; itaque rem totam velamento tardissima senectutis obtexit, sorte ut Romano illi poëta inveniretur consentiens:

*semotique prius tarda necessitas  
lethi corripuit gradum.*

cum satius esset illud audire: ne forte sumat de ligno vitæ & comedat, & vivat in æternum. vide de hoc errore Josephi Pererium l. 6. ubi Pelagianorum heresim vocat, dicentium, Adamum, licet non peccasset, moriturum. Etiam si largiamur id Saliano, Josephum immortalitatem primi hominis non intellexisse satis, quanquam mortis vocabulo in hac expositione abstinuerit, ut videri posset, non negasse immortalem vitam, postquam ex longissima terrena vita in æternam beatitudinem homo translatus esset: certe illud frustra asseritur, quasi hic in gentilium gratiam aliquid dissimulaverit. Multo minus congruit, quod ex Genes. 3, 22. adfertur. Nam illud

illud לחיים עולם de æterna & immortali vita accipiendum esse, animosius forte sumi, quam validius probari potest; cum rectius de longiore vita accipi, etiam *Bonaventura* sententia sit, à plerisque Pontificiis approbata.

Errat nono ( inquit porro *Salianus* ) quod ait Adamum veniam petisse : sic enim interpretandum est illud, Ἀδάμς ὁ παρῆτο τῆς ἀμαρτίας αὐτοῦ, Adamus vero culpa veniam ab ipso deprecabatur. Quo modo olim vertit *Ruffinus*, & agnoscit *Tostatus*, & *Suidas* interpretatur παρητῆσθαι, συγγνώμῃ αὐτοῦ, quod pluribus confirmat exemplis; idque requirit oratio consequens, & παρακαλεῖ τὸν Θεόν, μὴ χαλῶσαι αὐτόν, & rogabat Deum, ne ipsi irasceretur, vel ne se ipsi exhiberet insensum : hac enim rectius convenit cum petitione venia, quam cum excusatione peccati, qua valet potius ad accendendam, quam ad mitigandam iram. Quo posito, errat vehementer *Iosephus* : non enim veniam petiit Adamus, sed peccatum à se in mulierem transfudit. Nimio censendi studio factum est, ut hic ipse censuram incurreret censor. Prorsus enim sine fundamento παρητῆσθαι hic deprecari interpretatur. Debebat attendere, *Suidam* huic interpretationi minime favere. Nisi enim vehementer fallor, plurimum differunt, παρητῆσθαι τινά ( de quo *Suidas* in exemplis ) & παρατῆσθαι αὐτὸν ἀμαρτίας τινός; cum illud significet, deprecari aliquem; hoc autem, excusare se de delicto, ut vulgo loquuntur, sive excusare delictum aliquod suum. Negligentius ergo egit, quod non ἔργον totam accepit, cujus clarissima est sententia, sed aliquam inde particulam avulsit. Neque sequentia id postulant, ut existimavit *Salianus*. Quippe nec ex illis aliud exsculpitandem potest, quam Adamum rogasse, ne sibi Deus irasceretur, cum mulier hujus ipsi delicti causa extiterit. nam illud λέγον, quod τὸ παρακαλεῖν, sequitur, connexionem sententiæ illam postulat, ut intelligamus, Adamum culpam & indignationem culpa debitam, in Evam transferre voluisse. Itaque nodus in scirpo non erat quærendus.

Quod tamen in sequentibus denuo facit *Salianus*. Ait enim : sed utcumque excusari possit hoc ejus peccatum, sine ulla dubitatione errat, cum ait, Adamum dixisse, se à muliere acceptum peccavisse, idque aliquanto post rursus affirmat, quod non  
solum

solum Moses non dicit, sed Paulus etiam contradicit: Adam, inquit, non est seductus, mulier autem seducta in pravaricatione fuit. Quod si quo modo seductus fuit, certe à muliere non seductus, sed subversus fuit, ut loquitur Bernardus. Et cum in deceptione interveniat ignorantia, idem asserit, illam per ignorantiam, hunc per infirmitatem peccasse; dum eam non vult afficere molestia. Mirari possis, hæc tam prædicensi asseveratione Josepho impingi, ut erronea. Si suam hypothesein tantopere amat Jesuita, necesse est, ut eandem dicam scribat etiam S. Patribus. E quibus Ambrosius: Adjicit & aliud, quia Diabolus non virum sed mulierem: vir autem per mulierem deceptus est. Libet adhuc arguari in voce deceptus, quæ Ambrosio, ipsi Augustino, multisque aliis cum Josepho communis est? rationem reddit Ignatius in epist. ad Trall. τὸ διαβόλου γὰρ εἶσιν ἐφορῶντες τὴν ἀρχαίαν ὄρεω, τὴν διὰ τῆς γυναικὸς ἀπώλησαντ' Ἀδὰμ τὸν πατέρα τὴν γένους ἡμῶν. Inventæ enim sunt Diaboli (hæreses sc.) Serpentis illius malorum auctoris, qui per mulierem decepit primum generis nostri parentem Adamum. A muliere ergo seductus & à Diabolo; hoc ut auctore, illa ut instrumento. Mulier ipsa prior & immediate seducta; quod vult locus Paulinus adversus Josephum frustra productus.

Sequitur Sententia judicis, quam Josephus ita complexus est: ὁ δὲ θεὸς ἴδοντα γυναικείας συμβουλῆς αὐτὸν γινόμενον ὑπελθεῖν τιμωρίᾳ, τὴν γῆν ἐκ ἑπὶ μὲν αὐτοῖς τὰ ἐαυτῆς ἀναδάσσειν αὐτομάτως εἶπὼν, πονεῖσι δὲ καὶ τοῖς ἔργοις τειβεμένοις, τὸ μὲν παρέχειν, τὸ δ' ἐκ ἀξιώσειν. ἔσαν δὲ, τοκάοις καὶ τοῖς ἐξ ἀδίων ἀλγυδόντι ἐκόλαζεν, ὅτι τὸν Ἀδάμον οἷς αὐτὴν ὁ ὄφις ἐξηπάτησεν, τέτοις παρακρουσάμεν συμφοραῖς περιέλαβεν. ἀφείλετο δὲ καὶ τὸν ὄφιν τῆς φωνῆς, ἐργασθεῖς ἐπὶ κακῇσι πρὸς τὸν Ἀδάμον, καὶ ἰὸν ἐντίθησιν ὑπὸ τῶν γλῶτταν αὐτῶ, πολέμιον ἀποδείξας αὐτοῖς, καὶ ὑποτιθέμενον κατὰ τῆς κεφαλῆς φέρειν τὰς πληγὰς, ὡς ἐν ἐκείνῃ τῇ τε κακῇ τῇ πρὸς ἀνθρώπους κείμενῃ, καὶ τῆς τελευτῆς ῥέτης τοῖς ἀμωμομένοις ἱσομένῃς. ποδῶν τε αὐτὸν ἀποστρέψας, σύρειδ' κατὰ τῆς γῆς εἰσισπάμενον ἰταῖσθα. Tum Deus Adamum, quod muliebri consilio cessisset, pœna subjecit, dicens, terram non amplius ipsis suos fructus sponte daturam; sed laborantibus & opere attritis, alia quidem exhibituram esse, alia vero non largituram. Eam autem parturitionibus punivit, quod

virum per ea decepisset, quibus à Serpente ipsa erat decepta, eumque ita deceptum tot calamitatibus objecisset. Serpenti quoque vocem ademit, indignatus ob malignam ejus erga Adamum vafritiem, venenum item linguae ejus indidit, hostemque eorum declaravit; admonens, plagas capiti serpentis potissimum inferendas, quippe in quo & vis homini noxia resideret, & facillime ad mortem adigi serpens ab oppugnantibus posset. Pedibus insuper privavit, effecitque ut humi volutatus per terram corpus traheret.

In his reprehendit Sallianus 1. quod dicat, terram jussam nullos sponte fructus proferre, contra loca Scripturae Levit. 25, 4. 4. Reg. 19, 29. Es. 37, 30. qualia Josephus ipse tradiderit 3. Antiq. 10. Sed hæc quidem Paraphrasis maledictionis agri facile in sanum sensum redigi potest. qua de re supra aliquid monuimus. Neque repugnant dicta, quæ allata sunt. 2. & 3. quod secundam & tertiam Adæ pœnam intactam reliquerit, cum tamen sponsunderit, nihil se additurum Scripturæ aut detracturum. Redit ad *ἐξουσίαν* suam Sallianus, quam removimus supra. De cetero notandum est, tertiam tantum pœnam omissam esse, secundum Salliani numerationem. Prima enim, maledictio terra; & secunda laboriosa vita in verbis Josephi clare continentur. Tertia erga tantum omissa fuerit de spinis & tribulis. cujus omissionis occasio facile conjectari potest. Josephus enim, profundiori Scripturarum meditatione parum exercitus, existimavit in maledictione terræ includi, & *ἐξουσίαν* tantum adjectum, ideoque in historiæ cursu præteriri posse. 4. quod mortis supplicium, ne supra quidem satis clare nominatum, hic plane omittat. quod facere utique non debuit. quamquam existimo, eum multa talia in opus suum *ἀρτιολογικὸν* & philosophiam diligentiorum reservasse. inde enim videtur factum, ut quoties locutio profundior, aut locus difficilior occurrit, prætereat eum, aut vix *ἀποδιδῶς* perstringat: ut fortasse hic quoque illud, in pulverem reverteris, ampliore expositione indigere existimaverit. 5 & 6, quod de tribus mulieris pœnis duas commiscuerit atque confuderit, tertiam prætermiserit. 7, 8. & 9, circa serpentem, quod serpenti articulatam & humanam vocem adimat, quam nunquam habuit; quod ejusdem linguae venenum indiderit.

diderit, quo nunquam caruit; quod predictionem conterendi capitis in admonitionem verterit. de primo supra dictum est, de secundo, non est mirandum, si Josephus communem jam tum plerorumque opinionem secutus existimavit, Serpentem ante veneno caruisse. Et quomodo probabit Sallianus, fuisse antea venenatum? De tertio rectè monet Sallianus. 10 & 11, quod Serpentem pedibus privatum dicat, cum constet, naturalia plane integra in brutis mansisse, ut qua nihil peccarint; cum ea misericordia Deus etiam in homines angelosque peccatores usus fuerit; quodque cibum ei à Scriptura assignatum omiserit. Rursum multi senserunt & adhuc sentiunt, quod Josephus; pedibus usum Serpentem ante lapsum. Ceteri saltem fatentur, erecto capite incessisse. Deinde, quod naturalia etiam in dæmonibus & hominibus lapsis manserint prorsus integra, confidenter sumitur ex pontificia hypotheti, non probatur. atque ad hanc ipsam ὑπόθεσιν tuendam, commodius existimat Sallianus, negare Serpentis pedes & erectum incessum, ne instantia ab exemplo Serpentis de perditis naturalibus in ipsos torqueatur. quod tamen concesserat de Serpente Bellarminus 3. de am. grat. 11.

Quantum ad ordinem sententiæ attinet, invertit eum Josephus, cumque Scriptura primo Serpentis, deinde mulieris tertio Adami pœnam ponat; ille primum Adami, postea Evæ, denique Serpentis nominavit. Notamus hac occasione mendum lectionis, quo Josephi textum nonnulli corrumpere, indeque anam arripuere defendendi vulgatam versionem: ipsa conteret caput tuum. quasi & Josephus haberet αὐτῷ, diceretque praeceptum esse ut mulier capiti Serpentis plagas inferret. vide Dn. D. Gerhard. in cap. 3. Gen. Verum p. 100. in textu Josephi nihil tale compareret. quippe τὸ κοινὸν ad Adamum & Evam omnia referuntur, cum ait, Deum Serpentem ipsis hostem declarasse. πολέμιον ἀποδείξας αὐτοῖς, καὶ ὑποβιβάζειν καὶ τῆς κεφαλῆς φέρειν τὰς πληγὰς &c. itaque illa impetitiō capitis ad utrumque hominem spectat. Neque est, quod quisquam credere velit, pro αὐτοῖς legi αὐτῷ, ut ad mulierem solam referatur. Negligenter inspexerint textum necesse est, qui id opinari possunt. mox enim per-

stat in locutione plurali, inquit, τῆς τελευτῆς ἰσχυρῶς τοῖς ἀμωμένους ἰσχυρῶς. ecce τὸς ἀμωμένους habet, in respectu scil. αὐτῶν quod præcesserat, cum alias τῇ ἀμωμένῃ dicendum fuisset, si ad mulierem potius, quam ad utrumque Protoplastorum referri voluisset. Igitur tale hinc nihil potest adstrui; cum Josephus, qui πρῶτον ἀγγέλιον illud absque omni Evangelica hypothese, ad naturalia tantum deflexit, & de Serpente naturali penitus intellexit, minime sibi insistendum verbis S. textus autumaverit, sensum autem talem concinnaverit, qualis ad notas inter Serpentem & hominem inimicitias congruere videbatur.

Quem errorem plerisque communem futurum fuisse, absque interventu revelationis, existimat Petrus Cunaeus 3. de rep. Hebr. cap. 1. ubi post dissertationem longiusculam de sensu protevangeli, ait: Nunc illud addimus, vaticinium illud, quod de Messia proditur in principio Geneseos haud potuisse à primis parentibus nostris intelligi, nisi ex interpretatione Dei, qui arcanos hos abditosque sensus quadam animi miseratione illis retexit. Nam si id modo sequimur, quod verba sonant, tota res optime in Serpentem quadrat. Qui aliter existimant, na nos in illis magnopere hic iudicium desideramus. Enimvero, quid reperias omnium veterum, etiam gentilium scriptis tam vulgatum, quam hominum naturale in Serpentes odium? Hanc poenam isti animali posuit Deus, cum antea esset mortalium generi amicissimum. Apud Artemidorum lib. 2. serpens, inimicitiarum symbolum est. & in Theocriti ἀδαριστῆρος ait muliercula: Ἰππὸν δὲ τὸν Ἰνχρὸν ὄφιν τὰ μέλαινα δίδουα. Ecce, anguem rem cunctis maxime formidabilem esse ait. Falisci olim Tarquiniensesque, teste Livio, M. Fabium Ambustum prima acie fuderunt, cum sacerdotes eorum, anguibus pralatis, incessu furiali militem Romanum insueta turbarent specie. Quod autem pedibus amissis reptile factum sit id animal, sane neutiquam Satana convenit. Aristoteles, quia veram causam ignorabat, rationem ejus rei mire ingeniosam ex ipsa attulit natura. Nos meliore usi magistro, esse istud scimus ab irato numine. Neque vero res inaudita est, brutum animans excepisse voces & reddidisse. nam & de Bileami asina palam est; & alibi balenam assatur ipse Deus. Poenam quoque haud immerito tulit coluber, quippe ministerium impuro



puro genio commodaverat ad immane flagitium. De contritione capitis quod subditur, aptissimum est. Etenim hac parte qualiscunque laesio anguibus letalis est. itaq; quoties periculum imminet, admiranda industria inspiram se colligunt, & caput reliquo operiunt corpore. Libuit hæc ideo adscribere, quia per modum commentarii hypotheses Josephi & sententiam declarant. De cetero, sicut quæ asperit φιλολογέμια itidem ad illustrationem argumenti nostri pertinent; ita iudicium de protevangelio dilutius videtur. Sane ut versum 14. de Serpente naturali intelligeres, verba tamen 15. ἰμωατικώτερον, & ad specialem expositionem οἰκεύετε sunt, quam ut ab attento & meditante debuerint simpliciter de Serpente accipi. Unde & Targum Hierosolymitanum, non tantum de metaphorica contritione capitis & calcanei, inter fideles & Diabolum accepit, sed denique ad Messiam complementum vaticinii retulit. Quod ad inimicitias inter serpentem & hominem attinet, non opus est ut moram hic trahamus. Illud ἐν παρόδῳ adjicimus, admiranda bonitate Dei factum esse, ut adversus istam Serpentum inimicitiam homines non suis modo auspiciis pugnarent, sed etiam tot animantium genera pro homine adversus Serpentem militarent. de quib. vid. G. I. Vossii *Physiolog. Christ.* 4. 59. Quo eodem etiam illa pertinent, quod Serpentibus alæ negatæ sunt & pedes, ne tam facile nocere possint; quod tot ex plantis & fossilibus remedia adversus Serpentes; quod eadem ex variis animalib. ipsoque homine suppeditantur; quod non omnes serpentes venenati sunt aut hominibus noxii; quod & alimenta & medicamenta & amuleta ex animali tam infesto, petere homini licet. de quibus omnibus vide eruditissimam tractationem Vossii, in capitulis libri indicati sequentibus.

Claudit Josephus Historiam hanc breviter indicata κατὰστροφῇ tristissima, in hanc sententiam: καὶ ὁ μὲν θεὸς ταῦτα προσάξας αὐτοῖς πάχειν, μενοικίζει τὸν Ἀδάμ, καὶ τὴν Ἑβαν ἐκ τοῦ κήπου εἰς ἕτερον τόπον. cumque Deus illa ipsis patienda destinasset (sive, illa in pœnam constituisset) transfert Adamum & Evam ex horro in alium locum.

da terra, & terribili custodia Angelica Moses addidit: quippe illum locum, tanquam difficiliorem & curatiore disquisitione indigentem, operi suo philosophico reservandum, ut opinor, ratus. Multi hic indulgent conjecturis suis, quas etiam aliqui solent pro oraculis venditare, solenni in talibus morbo curiositatis. Ego de angelica custodia, igneum fulgorem ad formam gladii vibrantis jactante, lubenter acceperim cum *Luthero Nostro*. De cetero, quis est ille tam sublimis scientiæ doctor Seraphicus aut Cherubicus, qui possit dicere: *καὶ γὰρ ἐν ᾧ δυνάμει νοεῖν τὰ ὑπερβόια, καὶ τὰς ἀγγελικὰς τάξεις, καὶ τὰς τῶν ἀρχαγγέλων καὶ σερφεϊῶν ἐξαλλαγὰς, δυνάμεων τε καὶ κρείττων διαφοράς, θρόνων τε καὶ ἐξουσιῶν παραλλαγὰς, αἰώνων ὁ μεγαλότητας, τῶν τε Χερουβὶμ καὶ Σεραφὶμ τὰς ὑπεροχάς*. Etiam ego caelestia intelligere possum, angelicos ordines, archangelorum militiarumque caelestium discrimina, virtutum dominationumque differentias, thronorum potestatumque distantias, avorum magnificentias, Cherubim & Seraphim excellentias. Quis, inquam, talia de se jactare potest? Tribuitur quidem hæc *μεγαλλογοῦσα* Optimo Patri Ignatio: in cujus epistola ad Trallianos ista leguntur. Sed quis de viro tam pio, tam gravi & modesto talia expectaret? Quare jampridem non *Sculteti* modo & *Vedeli* censura, sed cordatissimi cujusque judicio pro spuris & intrusis habentur. præsertim cum utrinque male, imo non cohæreant vel cum antecedentibus, vel cum sequentibus. Certe corruptissima esse omnia, ne ex pontificiis quidem cupide talia arripientibus, doctior quisquam negare poterit.

Supereft, ut in gratiam studiosæ juventutis, sicut cœpimus, his ad Josephum annotationibus adnectamus, *quædam vestigia Paradisiacæ vitæ & lapsus Protoplastorum in gentilium scriptis*. Equidem jam supra monuimus, Saturni ævum huc pertinere. Sed audiamus, quid *Eusebius* de Prima hominum vita ex Platone observet. *Primam, inquit, hominum vitam in Dei Paradiso Moses ductam esse scribit, ubi eorum curam sine ullo divitiarum opumque commercio Deus ipse gereret, omniaque ipsis absque ulla vel semente vel agrorum cultura nascerentur, cum interim eo, qui deinde secutus est, amictu nudi essent*. Quæ omnia

Philo-

*Præpar.*  
*Evang. 12, 13.*

Philosophum audi Grace totidem pane verbis explicantem. Illos, inquit, pascebat Deus, tum eos per sese regens, quo modo nunc homines, Divinius animantis naturam sortiti, alia quadam inferioris ac deterioris conditionis animalia pascere consueverunt. Quod dum ipse munere fungeretur, nulla dum respublica erant, nec ducebantur uxores nec liberi suscipiebantur; (omnes quippe tum ex terra, superiorum omnium obliti, reviviscebant) verum ista cum abessent omnia, fructum assatim ex quercubus, aliisque passim arboribus suppetebat, utique quos sine ullo cultu, ipsa sponte terra profunderet. Nudi praeterea, nullisque ut plurimum stragulis sub dio passim degebant; quippe qui & tempestatum clementiori temperatione uterentur, & in tanta vi herbarum ex terra visceribus existentium, mollium quoque tororum copiam haberent. Hæc Eusebius ex Platonis Politico: quorum nos, brevitatis studio, tantum versionem descripsimus.

Alii gentiliū cum de nuditate primorum hominum, & de arboris vetita fructu ejusque comestione aliquid inaudissent, ad miseriam & infelicitatem istum statum retulerunt. Quae de re videndus est Diodorus Siculus in primo Bibliotheca: ubi ait: primos homines vitam beluinam & inconditam egisse, ut qui sparsim ad pascua exierint, & sapidissimam quamque herbam, ac sponte natos arborum fructus comederint. item: primo homines, cum nihil dum utile ad vitam inventum esset, laboriose vitam sustentasse, utpotè vestibus nondum amictos, domiciliisque & igni non adfuetos, & mansuetioris victus omnino rudes. postea usum & necessitatem pleraque suppeditasse. Transcripsit ea omnia Euseb. in P. E. I, 7.

Verisimile autem est, talia gentiles hausisse & corrupisse ex fama primæ vitæ & maledictionis lapsum secutæ. cumque non haberent certum ejus traditionis fundamentum, mirifice & ridicule etiam indulserunt suis conjecturis. videre licet specimen earum apud Vitruvium: Homines, inquit, veteri more, ut fera, in sylvis & speluncis & nemoribus nascebantur, ciboque agresti vescendo, vitam exigebant. Interea quodam in loco ab tempestatibus & ventis, densa crebritatibus arbores agitata, & inter se terentes ramos, ignem exciterunt; ex eo flamma vehementi perterriti, qui circa eum locum fuerunt, sunt fugati. Postea re quieta propius accedentes, cum animadvertissent, commoditatem esse magnam corporibus ad ignis teporem, ligna adjicientes & cum conser-

lib. 2. cap. 2.

v. ult.

vantes, alios adducebant, & nutu monstrantes ostendebant, quas haberent ex eo utilitates. addenda sunt sequentia, quæ vitandæ prolixitatis, non exscribimus. An & huc pertinere dicemus, quod Eusebius P. E. 1, 10. ex *Tiauti* commentariis refert, de Ævo & Primogenito figmentum? Ex Colpia vento atque ejus uxore *Bazu*, quam Græci *vōxta* h. e. noctem interpretantur, Ævum ac Primogenitum, mortales, procreatos, Ævumque tibi ex arboribus petendi auctorem fuisse. Cogitent, quibus otium est. mihi certe, non citra respectum veræ historiæ, illa videtur excogitata fabula.

De historia lapsus iterum Eusebius P. E. 12, 11. sub ipsa, inquit, conditi mundi cunabula, Dei paradisum aliquem extitisse, ubi homo à Serpente per mulierem in fraudem inductus fuerit, Moses arcana quadam oratione commemorat. Hujus verba palam tantum & aperte non immutata, audis quemadmodum in *Sympolio* allegorice Plato expresserit. Quem enim ille Dei Paradisum, hic Jovis hortum appellavit: Serpentis ac fraudis per eum concinnata loco, insidiantem Paupertatem introduxit: primi hominis vice, quem Dei consilium ac Providentia; tanquam filium paulo antenatum produxerat, Porum quendam Metidos (h. e. consili) filium subiecit: pro eo denique ut conditi mundi sub cunabula diceret, sub Veneris ortum dicere maluit, ut hoc allegoria genere mundi speciem ac pulcritudinem adumbraret. Sic igitur ad verbum ipse loquitur. Nata Venus cum esset, convivium Dii celebrarunt, quos inter Porus etiam Metidos filius discubuit. Sub exitum cœna Paupertas eo, utpote ad lautum epulum; aliquid emendicatura sese contulerat, harebatque in vestibulo: cum Porus nectare ebrius, necdum enim vinum ullum erat, Jovis in hortum ingressus, alto somno corripitur. Hic Paupertas occulte ac per insidias id agens, ut inopia sublevanda causa prolem ex Poro susciperet, juxta illum accubuit, Amoremque concepit. Hac ipse: quibus sane mentem illam Mosi, subobscurè licet, expressit. Hactenus Eusebius.

Quoniam Nectaris in fabula Platonis facta est mentio, liceat obiter annotare nonnullorum opinionem, qui ex arbore vite, cujus Genesis Mosaica meminit, occasionem traxisse credunt, quæ Gentiles de nectare & ambrosia fabulati sunt, sicut originitio illarum vocum indicat. videatur de illa re

Rivet.

River. in Exercit. in Genes. 40. Denique allusioni quam conjecturæ similis est, quod Clemens Alexandrinus in Protreptico, & ex eo Eusebius de orgiis Bacchi habet. Δίνυσον μαυόλιω P. E. 2, 3. ἱερῶν Βάχχοι ὠμοφαγία τὴν ἱερομανίαν ἄγοντες, καὶ τελίσκουσι τὰς κραιναρίας τῶν φόνων, ἀνταμύνει τοῖς ὄρεσιν, ἐπολαύζοντες Εὐαν, Εὐαν ἱκέτιω, δι' ἣν ἡ πλάσι παρηκολύθησι. καὶ Σημίον ὀργίων Βαχχικῶν, ὅρις ἐστὶ τελειωμένη, αὐτίκα γὰρ κατὰ τὴν ἀκρίβη τῶν Εβραίων φωνήν, τὸ ὄνομα τὸ Εὐα δασιώμενον, ἑρμηνεύεται ὅρις ἢ θύλακα. Dionysum Menolen orgiis Bacchi celebrant, crudarum carniū esu sacram agentes insaniam, & casarum carniū peragunt divulsionem, coronati serpentibus, ululantes Evan, Evam illam, per quam error est consecutus: & signum Bacchicorum Origiorum est serpens mysteriis initiatus. Jam vero si accurate vox spectetur Hebraica, nomen Hevia aspiratum exponitur serpens femina. Sed hæc in προδήκτις μολεῖ adjecisse suffecerit.

Capite 3. lib. 1. Antiq. Josephus ea, quæ in Genesi Mo-  
saica cap. 4. & 5. habentur, memorat, non sine solitis  
erroribus; sicut curiose Sallianus animadvertit, & partim in  
progressu dicitur. De nominibus filiorum Adami ita lo-  
quitur: προσῆδελῶν δ' αὐτῶν, ὁ μὲν πρῶτος, καὶς. κλησὶν δ'  
τὸτο Σημίον μετρίμωδόμενον τὸ ὄνομα. ἄβελ δ' ὁ δεύτερος.  
Σημίον δ', πένθος, τὸτο. Prior filiorum Adami nominatus est  
Cain, quo vocabulo, si interpreteris, possessio notatur. Alter Abel  
dictus est, quod luctum significat. Verissimum est, quod Eu- P. E. 2, 6.  
sebius ait: Parentes imposuisse filiis suis nomina diviniore quodam  
consilio instinctuque, ὅτι κατὰ τινὰ θεϊκὴν προμήθειαν γενομένοις  
τοῖς πατρὶ ταύτας τέθειται τὰς ἐπωνυμίας. Sed in assignanda  
Nominum ratione discrepat. Ait enim Caini nomen ζῆλον  
emulationem notare, quia invidia & amulatione in fratrem sti-  
mulatus fuerit. Verba ejus sunt: τέτε δ' ἡξιώθη τῷ προσή-  
ματι ὁ Δηλόμενος, διὰ τὸ ζῆλωσαι τὸν ἀδελφὸν τὸν Ἀβελ. De  
Abelis nomine consentit: καὶ ὁ Ἀβελ δ' ἑρμηνεύεται πένθος, τὸ  
πάθος γιγονός, ὃν αὐτὸς τοῖς γονεῦσιν αἴτιον. A luctu nomen acce-  
pisse Abelem, quod luctus causa parentibus extiterit. Repetit post  
multos Eucherius Lugdunensis: Abel, luctus seu miserabilis. in nom. Hebr.  
Cain possessio, sive lamentatio, Caini etymologia in ipso fa-

cro textu clare expressa est. Abelem potius à *vanitate* nomen accepisse, scriptionis ratio evincit. qua de re aliis abunde actum.

hars. 39.

Addit Iosephus: *τίνορας δ' αὐτοῖς καὶ θυγατέρας. Nati sunt eis & filia.* Haud dubie ex Gen. 5, 4. Ex quibus scilicet illam ipsam necesse est fuisse, quam Cain in matrimonio habuit Genes. 4, 17. Nonnulli & nomen expriment: sed traditiones istæ de nominibus filiarum Adami parum testatæ veritatis habent. Hæc occasione disputant de *matrimonio fratrum & sororum*: quæ sicut ab initio necessitatis & indulgentiæ fuerunt; ita multiplicato genere humano ἡ ἀκείβεια ἡ καὶ τὸν γάμον τὸν ζυγὸν ἐπλάυνετο καθ' ἧς προβαίνουσα, ut Epiphanius loquitur: ita ut præter legem divinam ipsa naturalis ratio talia conjugia damnaveret. Cæterum, quæ sit ratio habita cognationis circa conjugia inter ipsa rerum initia usque ad legem Mosaicam, vide disquisita Seldeno lib. 5. de jur. nat. & g. juxta disciplinam Hebraeorum cap. 9. Apud eundem capite præcedenti, ex Saido Batricide relatum leges: *Primos parentes, tamen si fratribus sorores conjungere tunc necesse erat, nihilominus ita statuisse, ut, qui in ipsis fratribus & sororibus, magis essent cæteris invicem natalibus diffiti, non conjunctiores matrimonio copularentur. Conjunctiores vero fuisse gemellos, quam qui partu diverso nascuntur. Inde, adolescentibus gemellis eorum paria ita disjungi voluisse, ut gemella fratri, qui non esset gemellus, nuberet. Hinc Caino Avvinam, Abeli Atzronam destinasse.* Quod cum Caino, qui sororem sibi gemellam, utpote venustiore, deperiret, maxime displiceret, Adamum utrumque filium, alterum ut frugibus, alterum ut pecorum sætu Numini in monte sancto sacrificium faceret, monuisse: utque ad bonam mentem, qua peractis sacrificiis adesset, nuptias inirent. Peractis sacrificiis Cainum, ne gemella sibi soror alteri jungeretur, fratrem illiso in caput saxo interfecisse, idque animo, ante sacrificium, præstituisse. Hæc cujusmodi sint, ex ipsa lectione statim animadverti potest.

In instituto vitæ utriusque fratris exponendo conjungit Iosephus notam morum; Abeli justitiæ & virtutis cultum assignans, Caino lucri & vitiorum amorem. Ita Sui-

das

das voce Ἀβελ. ἵτο παρδένου καὶ δίκαιου ὑπῆρχε, καὶ ποιμὴν προβάτων. In Caino Josephus inventionem agriculturæ, ipsamque agriculturam, quasi ex solo habendi studio profectam, & injuriam terræ spectantem. absurde vellicat, sicut Salianus jam animadvertit. Poeticam licentiam potius ista sapiunt, quam historiæ gravitatem. Liceat obiter annotare conjecturam Seldeni de Caino, ut appareat, quomodo οἱ ἔξω historiam sacram corrumpere soleant. Memorat Schickardus in proœmio Tarich Regum Persiæ, Orientales quosdam Adamo præter filios nobis cognitos, assignare alium nomine Abdalcariths. Hunc existimat Seldenus ipsum Cainum esse; quia Abdalcariths Arabibus sit cultor agri, quod de Caino sacer codex testatur.

A. E. 10m. 1a

an. M. 130.

s. 20.

p. 24.

Non immorabimur in examinanda sacrificii materia, quam Josephus eatenus tamen immutavit, quod pro adipe, lac substituit, in oblatione Abelis. majoris momenti est, quod in caussa probati & improbatu sacrificii peccat. Abelis enim sacrificium ideo gratum fuisse DEO ait, quod αὐτομάτως καὶ κατὰ φύσιν γυγονόσι, sponte provenientes & secundum naturam, sive ab ipsa natura genitis constaret, cum ex diverso Caini muneribus τοῖς κατ' ἐπίνοιαν ἀνθρώπου πλεονέκτη κατὰ βίαν πικροῦσι, quæ labore hominis avari veluti per vim producta erant, non potuerit Deus delectari. In quo profecto (utar censura Cunai è 3. de rep. Hebr. 1.) ratio eum fugit. Agrum enim primus hominum sator Adamus verterat, jussu ipsius Dei: & patrem secutus filius erat optimo exemplo. Sed procul dubio Rabbinos securus est, uti solet interdum. Enimvero Josephus, etsi gravitate supra cunctos Judæos eminet, tamen haud utique à deliramentis abhorret popularium suorum. Philo hanc causam assignat, quod non de primo fructu obtulerit. In qua sententia est etiam Aben Ezra כי לא הביא קין מין הבכורים Nec dissentit Ambrosius: Duplex, inquit, culpa. Una, quod post dies obtulit, altera quod ex fructibus. Adde Suidam, cujus hæc est annotatio: ὁ γὰρ Ἀβελ τὰ πρωτότοκα τῷ Θεῷ κατέπαυεν, φιλόδοξον μᾶλλον ἢ φιλάδον ἐαυτὸν κατίσκη, ἔδεν καὶ διὰ τὴν ἀγαθὴν αὐτοῦ προαίρεσιν, ἀπεδέχθη. ὁ δὲ καὶν δυσσεβὴς ἐαυτῷ ἀπονέμειν τὰ πρῶτα γενήματα, τῷ Θεῷ δὲ τὰ δεύτερα, εἰκότως καὶ ἀπεβλήθη. & mox: ὥστε

lib. 1. de Cain

Avel c. 7

διὰ τὸ το καὶν ἐλέγχεται ὅτι μὴ τὰ ἀκροδίνια γενήματα προσήνεκε τῷ θεῷ, ἀλλὰ τὸ μὲν ἡμέρες τινὰς, καὶ δεύτερας. Sed veram causam notum est proditam esse *Hebr.* 11, 4. Quæ in sacris habentur de indignatione Caini, de reprehensione Domini, de dolo Caini fratrem in agrum educentis, *Josephus* omnia omittit: post parricidium autem, colloquium Dei cum Caino frigide fingit potius suo arbitrio, quam refert, omittis quæ in sacro codice, non parvam ἑμψον habent; & insertis, quæ à scopo abludunt, qualia videas etiam interdum *Paraphrastis* accidere, cum suis cogitationibus plus indulgent, quam scripturæ gravitati attendunt.

De pœna parricidii non quidem negat Cainum cædis gratia punitum esse ( quod *Salianus* existimavit ) sed non plenam statim aut parem tanto facinori pœnam irrogatam statuit: eo quod sacrificio factō Deum mitigasset. quæ causa refutatione peculiari non indiget, satis quippe manifesta suæ absurditatis. Quod ait, ἐπέερον δ' αὐτὸν ἑτίδει, καὶ τὸς ἐκείνους αὐτῷ τιμωρήσασθαι κατὰ τὴν ἐβδόμην ἀπέλυσεν γενεάν. Maledictum eum constituit, & posteris ejus pœnam comminatus est usque in septimam generationem: Vel, ex eo oritur, quod textum sacrum aliter distinguit, & illa Dei verba, Qui interfecerit Cain, septuplum punietur, ita disjungit, ut post priora, Qui interfecerit Cain, subauditur, punietur: & sequentia, septuplum punietur, ad Cainum referantur, sicut etiam recentiores nonnulli inter nostros faciunt: Vel, quod de *Josepho* Judaici acuminis ostentatore credibilius est, illud septuplum punietur ( quod *Onkelosus* etiam exposuit in septimam generationem punietur ) quasi cum interpretatione ad Cainum refert, tanquam si Deus interfectori Caini ipsam Caini pœnam interminatus esset.

Metum Cain, ne occideretur à quocunque, ad feras refert *Josephus*: nec desunt, quibus placuit conjectura de excitatis divinitus in ultionem parricidæ feris. sed comminatio divina interfectori Caini destinata, satis ostendit, Cainum ab hominibus metuisse. Unde colligunt nonnulli jam tum fuisse Adamo filios, & nepotes multos. Vide *Jacob, Capell. an. M.* 129. Possitque huc referri



referri observatio *Augustini ex 15. de C. D. 8.* Non omnes homines, qui tunc esse potuerunt, scriptorem sacrae historiae necesse habuisse nominare, sed eos solos, quos operis suscepti ratio postulabat. Id quod etiam valet, ad latrocinia & rapinas Caini, quas nonnulli autumant fingi à Josepho, confirmandas; itemque, quod de urbe Henochia (*Josephus* negligentius *Enosan*, quasi ab *Enos* appellat) mox sequitur, cujus extructionem *Josephus* ad violentæ vitæ instituta refert. Qua de re statim videbimus, si prius monuerimus, manifeste absurdum esse, quod excogitata à Caino *pondera, mensura, agrorum limites* ad pravos mores, & instrumenta versutiæ, qua sinceritas humanæ societatis corrupta sit, Josepho referuntur, quasi abusus rerum, aut consilium utentis, res ipsas penitus redderet vituperabiles. Serviunt ista justitiæ & ordini & harmoniæ; adeo ut Deus ipse dicatur omnia in numero & pondere fecisse. Quid, si *Josephus* hic facit, quod antea in agricultura fecerat? quam ab Adamo inventam, Caino tamen tribuit. Certe, qui ad Adamum pleraque sapientiæ & artium inventa referunt, non difficiles se hic præbuerint.

Urbis autem à Caino conditæ quæ causa fuerit, disputant. conveniunt tamen in eo plerique, quod partim metu, quo assidue fluctuabat; partim, ut arcem latrociniorum & violentiæ in alios, extruxerit. Neque tamen hoc ita universum ad originem urbium referendum est, ut solum metum attendamus: cum præter eam considerationem, ex ipsa societatis humanæ ratione peti possint argumenta, quæ videntur plerisque urbes & moenia suasisse, cum præsertim verisimile sit, etiam si lapsus & corruptio hominum non evenisset, urbes fuisse futuras. Quæ *Cicero 1. de invent. 2.* disputat de origine urbium, illuc referenda sunt, ut ipsa ratio ad urbes condendas credatur homines duxisse. Quod ut declarent Philosophi, multa sibi *ύποθέσεις* causa, imaginari & figurare, fas existimant.

Lamechi filios artium inventores ita describit *Josephus*, ut dicat *Jobelum* (*Jabel* is est) *tabernacula construxisse, & pastorem vitam amplexum esse: οὐλοὺς ἀνέκα-*

το καὶ προβαλίαν ἡγάγησεν. Satis dilute. In Hebraico est: **וּמִקְנֵה אָהֳלֵי יִשְׂרָאֵל** *pater habitantis tentorium & possessionis* sive *pecoris*, ut transtulit etiam Chaldaeus, cui Jabal est **דָּרִי בַעֲיָ** *dominus, magister* (respondet enim **בַּעַל**) *pecoris*. Septuaginta per glossam conjungunt: **ἐτος ἢ πατρὸς οἰκόντων ἐν σκηναῖς κτηνολόγων**, hic fuit *pater habitantium in tabernaculis pastorum*, sive eorum, qui jumentis alendis dant operam. **σκηνώτης βίῃ** Græcis dicitur, cujus in ethnicorum fabulis aliqua vestigia. Notum illud Ovidii:

— domus antra fuerunt,  
Et densi frutices & vincta cortice virga.

Sequitur Jubal; quem ait Josephus invenisse **Ψαλλήειον** καὶ **κιδάρεον**: secutus LXX. Interpretes, additque glossam: **τῶν μουσικῶν ἡσκησεν**. Melius vulgata **כִּנּוֹר** per *citharam*; **עוּגָבָה** per *organum* reddidit, cum qua consentit Chaldaeus: in quo est **אֲבוּבָה** quod *organum* vel *pneumaticum instrumentum* notat. Unde nonnulli Horatii Interpretes deducunt *ambubaiarum* vocem. i. e. **τῶν ἀυληείδων**, ut autumant. Vide Casaubon. ad Sueton. Neron. 27. **Ψαλλήειον** autem non τοῖς ἡμιπιδόσις sed τοῖς κρουμένοις ὄργανοις accenset accuratissimus Pollux lib. 4. c. 9. Etymologicum Magnum etiam cum **τεγγών** comparat, & utrique ἐξάρησιν ἑμοίαν tribuit. Est autem etiam ὁ **τεγγών**, τῶν κρουμένων. Ceterum Jubalem hunc antiquissimum esse gentilium *Apollinem*, cui Musicen tanquam auctori tribuunt, erudite disputat Vossius [Theol. gentil. I, 16. Variorum instrumentorum inventionem, quibus gentibus aut hominibus adscribant veteres, videre licet apud Clem. Alexandr. lib. 1. Stromat.

In Tubalcaini descriptione paraphrasten agit Josephus. Nam quod Scriptura dicit, *eum acuisse omne opus aeris & ferri*, ita explicat: **ἰχὺν πάντας ὑπερέαλλων τὰ πολεμικὰ διαπρατὼς μετέλαθεν, ἐκ τέλων καὶ τὰ πρὸς ἡδονῇ τὴν σάμαλ' ἐκπορίζων, χαλκίαν τε πρῶτ' ἐπενόησε**. Natum hinc esse, quod de *Vulcano* gentiles fabulantur, plerique vel ex ipsa nominis congruentia statuunt. Ille Diodoro **ὑπέλης τῆς περὶ τὸν σίδηρον ἐργασίας ἀπάσης, καὶ τῆς περὶ τὸν χαλκὸν καὶ χρυσὸν καὶ ἄργυρον, καὶ τῶν**

τῶν ἄλλων ὁσαύτως ἐκ τῆ αὐτῆς ἱστορίας ἐπιδύσκει. Quod de Naama subjungit *Josephus*, quasi Tubalcaini filia fuerit, non soror, aperte falsum est. cumque tantus error vix videatur in ullum Scripturæ lectorem cadere, cui mens constet, probabiliter existimat *Salianus*, vocem *Lamechi* hic excidisse, aut transpositam esse. Cur autem jungatur in sacris Naemæ sive Naamæ nomen cum inventoribus artium, certa quidem nequit ratio dari, non absurda tamen eorum conjectura est, qui & ipsam artis alicujus inventricem signari autumant; cumque feminæ convenientissima sit texturæ & lanificii ars, factum est, ut eam reperisse credatur. & hinc ad eam pertineant, quæ gentiles de *Minerva* jactarunt. nam ea comparatio eruditior videtur, quam altera illa de *Venere*. Vide iterum *Voss. Theol. gentil.* I, 17.

In *Lamechi* πολυγάμης historia, ipsum viri nomen è nonnullis *Josephi* exemplaribus exciderat; quod merito repositum est. De cetero confundit historiam, cum ait: *Lamechum ex notitia rerum divinarum vidisse, quod ipse parricidii à Caino perpetrati pœnam luiturus esset, idque uxoribus significasse.* Sed id *Saliano* jam notatum. Nos insuper non videmus, unde *Lamecho* hic tribuatur, τὸ ἵα θεῶν Λαμῆς ἐξέπιασας: quo loquendi genere non vulgaris notitia & conjectura divinæ vindictæ, sed eximia scientiâ legis jurisque divini indicatur. Forte; quia oratio *Lamechi* in sacro textu verbis ad gravitatem altioris sensus compositis, & cum ἐπίδειξις ἐπισαλικῆ veluti vaticinium quoddam spirantibus descripta est, ideo tale quid fingendum sibi, aut ex Rabbiorum suorum scholis imitandum autumavit.

De *Sethi* ingenio, moribus, studiis, progenie, consentanea sacrae historiæ narrat *Josephus*. Longius à vero abesse videntur, quæ apud *Suidam* legimus voce Σεθ: quasi primus *Sethus* acceperit cognomen *Dei*, sicut postea *Moses Deus*, itemque Principes *Dii* vocati sint. Non dubitandum est; quæ in textu sacro de *Enos* mox sequuntur quod *iste primus cœperit invocare nomen Dei*, negligenter versa & ultro ad *Sethum* esse traducta; contra, quam fieri oportebat. Vide *Jacob. Capell. ad A. M.* 234. De *Enoso* eandem  
fove-

foverunt sententiam *Cyrillus*, *Theodoretus*, & alii. Sed quis non videt, rectius illa verba ( quibus *cap. 4. Genes.* clauditur ) accipi de instauratione cultus divini in publicam certamque disciplinam ordinata? Non pigeat legere, quæ *Eusebius* ( *P. E. 7, 8.* ) de eo loco philosophatur, erudite, ut solet, & facunde: quanquam tota interpretatio versione τῶν LXX, non textu Hebraico nititur.

Sethi posteros, ut avitæ virtutis æmulos, & sideraliū artium inventores laudat Noster, simulque memorat, erectas ab iis esse duas columnas, lapideam unam, lateritiā alteram, quibus inventa sua inscripserint, ut si lateritia diluvio interiret, lapidea ad posteros perennaret, & de lateritia insuper posteris testaretur. audivisse enim, ait, ab Adamo vaticinante, nūndo interitum, semel quidem diluvio, iterum incendio, imminere. Atque alteram ex his columnam in Syria suo tempore superfuisse, adjicit *Josephus*. Locum *Josephus* emendatum, cum versione *Ruffini* ( nam *Geleniana* aberravit ) legas licet apud *Gerard. Jo. Vossium lib. 1. de art. Grammat. cap. 9.* ubi de inventoribus litterarum disputat, *Sethoque aut etiam Adamo debere ejus inventionis gloriam*, ostendit. Quo de argumento qui tractarunt, multi annotantur ad *Curr. 4, 4, 19. Raderi & Cl. Freinshemio*. Nonnulli ab Adamo positas statuunt duas tabulas, in quibus scripserit initia creationis, lapsum hominum, & promissionem; atque has tabulas existimant tanquam templum fuisse, & certi loci signum, in quem solitus esset convocare suam ecclesiam, & ubi sacrificia facta sunt & recitata doctrina. Quæ, quia nec ex *Josephus*, cujus nomen præfertur, desumpta sunt, nec historica fide confirmantur, inter conjecturas eruditorum merito jubentur subsistere.

Interim, hac occasione de rerum inventionem & inventoribus, ista observari possint: Plerasque omnes artes, quæ sunt gravioris momenti, in mundo antediluviano repertas videri. Sicut autem in mundo antediluviano ad Adamum atque filios ejus pleraque inventa merito referuntur, ita in mundo post diluvium instaurato, Noachum cum filiis restitutarum artium auctores haberi par esse. In hoc argumento semper distinguenda esse, quæ ad rem & substan-

substantiam artis, ut sic loquamur, spectant; ab iis, quæ modos & gradus & adjectiones spectant. Rudia enim sunt scientiarum artiumque principia; donec progressu temporis expoliantur. Hinc factum esse, ut, qui aliquid adiecisset poliendæ arti, aut in ea commutasset, auctor totius rei celebraretur. Itemque, si quis ex hac gente in aliam primus intulisset artem. Ad illum modum propagandi artes ex gente in gentem, accessisse postea ambitionem gentium, dum sibi quæque vindicat inventionem & inventores rerum, ne aliunde accepisse videatur. Interim satis constare, pleraque omnia esse antiquiora, quam quæ jactitant ethnici; quod in parte *Josephus*, & præsertim *Clemens Alexandrinus* aliique urgent adversus paganos. Judæis itaque primas rerum inventarum laudes deberi; à quibus ut quæque gens commercio & loco proxima fuit, eo magis participasse videri potest. Non tamen dissimulandum est, post dispersionem Babelicam, cum ipsis tot gentium conditoribus artium semina in orbem diffusa, alibi felicius, alibi parcius provenisse. Sed, quoniam gentium ex dispersione ista passim exortarum prima initia ad liquidam memoriam non pervenerunt (forte ea pars fuit pœnæ divinitus per illam dispersionem destinatæ) factum hinc esse, ut omnia dissensione & ignoratione plena sint, in disputatione de primis rerum inventoribus. Interim sufficere, si agnoscamus pie, DEUM omnibus ætatibus locisque dedisse homines, qui artes vitæ utiles & decoras excolerent, reperirent, aut societati civili accommodarent,



## X.

## IN PHILONIS JUDÆI LEGATIONEM ad Cajum

ἐξέδιασμα.

Hist. Eccles.  
lib. 2.

ead. 105.

**D**edit huic libello titulum *Philo*, καὶ ἀπὸ τῶν καὶ πρὸς βασιλεὺς πρὸς τὰς τὰς, de virtutibus, & legatione ad Cajum. Ex duplici scilicet proposito; nam & Legationem ad Cajum voluit describere, & eadem opera Caii dedecora infestari. Hinc ironia quadam *Virtutum* nomen præscripsit. Testis *Eusebius*, cujus hæc sunt Verba: τὰ πρὸς τῆς θεοσυρίας τὰς γεγραμμένα μὴ ἵδους ὡς εὐσεβείας ἐπὶ τῶν περὶ ἀρετῶν. Quæ de nefaria Caii impietate scripta sunt, elegantis sermonis lusu, de virtutibus, inscripsit. Detracta igitur figura τὰς τὰς, *Cajus vituperatus*, de quo est apud *Phorium* in *Bibliotheca*.

Cum enim orta Alexandriæ seditione, Judæi multis acerbioribus essent affecti, missi sunt & à Græcis & à Judæis ibi habitantibus, terni utrinque ad Cajum legati. Græcorum Legatorum primus *Apion*, multa in Judæos investus, præcipue crimini dedit; quod Cæsari statuas dicere, & per nomen ejus jurare, soli ex omnibus populis detrectarent. Philo legationis ab altera parte princeps, cum pararet objecta diluere, à Cajo jam exasperato, non sine contumelia, repulsus est. Memorat *Josephus* ἀρχαιολ. XVIII, 10. cui addas licet *Suidam*, voce φιλων, qui & altera vice, Claudio Imperante Romam reversum *Philonem*, auctor est. Tum ergo magno cum applausu publicavit, quæ in Cajum scripserat, referente *Eusebio*. Ipse *Philo* non tres, ut *Josephus*, sed quinque legatos nominat. Et, quoniam pars hujus libri extrema periit, deficiunt plena historia.

Sicut præsertim res ipsa satis loquitur. Paucula enim de Legatione sua cum commemorasset *Philo*, in ipsa transitionis ad ulteriorem narrationem formula deficit. Summa autem libelli, qualem nunc habemus, ista est: Orsus à sin-

à singulari divinæ Providentiæ circa res humanas cura, læta permutantis tristibus, initia Caii, quam exoptata, per provincias acciderint, describit; repentinamque Principis in deterius mutationem, atque consecutam inde felicitatis publicæ eversionem per domestica exempla, ad externos, præsertim Judæos, deducit. Postea, ex ambitione Caii, Divinos honores affectantis, Odii causa arcessitur in Judæos: quippe, qui Principum ἀποδυνάστην, Dei immortalis injurias crederent. Ea occasione, multa atrocita in Judæos Alexandriæ patrata memorantur; dirutis, præter varias cædes, eorum Proseuchis, aut statuis in eas introductis. Hinc occasio supplicandi per legatos & litteras Principi. Dum legati Romæ sunt, inimicos suæ gentis & delatores certius cognoscunt. in quibus Capito Quæstor, ob tumultum Jamniensem, quem Judæorum adversarii, excitata Caio ara, machinati erant, vehementer Judæos incusavit, tanquam Imperatoris honori contumaciter repugnantes. Eam Cajus occasionem nactus, mandat Petronio Syriæ præsidi, ut loco aræ subversæ, colossus capite radiato in templo Hierosolymitano statueret, armisque coerceret, si qui auderent resistere. Petronius, cum secreta æstimatione diu pensasset, quantum periculi haberet consilium tam præceps, tandem sacerdotes & Principes Judæorum hortatur, imperata faciant, & extrema, quæ imminerent, obsequendo prævertant. Fatigatus autem infirmis obrestationibus concurrentis undique multitudinis, Cajo respondet, facturum se, quod imperatum esset, ut primum opifices absolverent opus, quod inchoaretur. Interea Agrippa quoque Rex Romam redierat, Cajumque ipsa Petronii epistola irritatum, pro Judæis accuratissime deprecatus erat. Ita factum, ut verbo omitteretur, re autem ipsa denuo destinaretur, JOVIS Caligulæ dedicatio. Audiuntur post hæc legati Judæorum, nec audiuntur. adeo vagabunda Principis mobilitas, & scurrarum aulicorum illusio omnia confuderat. dimissi tamen, nunc quidem citra atrociorē injuriam, quo in posterum usi sint fato, in obscuro est.

Quæ Philo ab initio de Providentia divinita philosophatur, & sententiis illustribus & rationum gravitate præcellunt: neque vel facundissimorum Scriptorum commentationibus cedere debent, si quis inter se contendere velit. Id quod ab instituto nostro nunc quidem alienum est: dum ad historiam præcipue oculos intendimus. Neque enim immerito forte aliquis miretur singularem Philonis in rebus Romanis, aulaque Caii & Imperii totius statu peritiam.

Si quis ergo subtili & accurata explicatione sibi cupiat demonstrari, quid sit *Felicitas Publica* Imperii Romani, cui toties numos olim dicatos novimus; huic Philo exemplum, quod in posterum sine exemplo fuit, illud tempus nominabit, quo Tiberius Cajo reliquerat cum imperio suam pacem terra marique per omnes provincias diffusam, domi thesauros, foris exercitus, opes publicas, munitum Euphrate & Rheno, quicquid Romanæ ditionis erat; & hinc omnia gaudio, festis, apparatu denique aurei sæculi fulgentissima. cujus rei, quantus in animis hominum sensus fuerit, interposito, ex valetudine Caii, metu mutationis, veluti distinguit, & mox resumtam lætitiā publicam avidius instaurat. Res Historicum, verba Oratorem produnt. Tiberius enim, utut domi per sævitiam invisus, illacessitam foris pacem conservaverat, ejusque dulcedine provincialium animos devinxerat. Quantum autem bonæ spei de Cajo omnes conceperint, quibusque gratulationibus ad famam successionis Caii exultaverint, vel ex *Suetonio* discas licet in *Calig. cap. XIII. & seqq.* Jam confer, quomodo felicitatem & lætitiā publicam, concisus quidem, descripserit *Vellejus lib. 2. c. 89. & 103. & 126.*

Conversus hinc ad facinora Caii narranda *Philo*, Tiberii, qui tantum quod ad pubertatem pervenerat, à Caligula, jam patre adoptivo, interfectus est, cædem miserabilem solus ita describit, ut *Suetonius* (*Calig. 23.*) *Dio* (*lib. 59.*) *Josephus* (*de ex. jud. 18. 8.*) summam facinoris designasse, ipse feriem



riem repræsentasse, videantur. Cujus diligentia, plura ipsi monumenta in hac scriptione debebimus.

Sublato igitur æmulo, ad alterum certamen, & Macronis exitium prorupit Cajus. Hujus *Macronis* Philo *primi* *merita* describit in Cajum. Cum enim Tiberius Imperator sæpe destinasset Caligulam occidere, Macro præcipuus post Sejanum in amicitia Principis, laudando & excusando variis & artificiosis assenerationibus Cajum, non imminenti tantum exitio subtraxerat, sed etiam ut successor constitueretur, effecerat. Magnum hoc meritum: nec alterum multo minus, cum præceptis consiliisque bene regendi imperii, ornandique loci Principis eum cottidie cohortatus, ne in dedecora prorumperet, pravoque ingenio obsequeretur, aliquamdiu obstitit. Qua occasione Philo facunde in locum de officio Principis digreditur, monitorique Macroni plenam sapientia orationem tribuit. Deinde *Odium Caji in Macronem & machinationem* ordine edisserit; qua ambitione moneri nescia surrexerit; quo furore exarserit; quibus prætextibus latere voluerit; qua acerbitate desævierit. Jucundum autem fuerit, ante omnia hic observare, quomodo Philo sit imitator sui, si conferamus cum his, quæ in *Flacco* de Macrone scripsit. De cetero servient hæc, illustrandæ breviori historiæ *Suetonii Calig. 26. Taciti 6. A. 45, & 46.* (qui in eo discrepat à Philone; quod hic Enniæ adulteria clam Macrone; ille conscio & paratio facta tradunt) *Dionis 59.*

Sequitur tertium Principatus Caii facinus, cædes M. Silani, nobilissimi viri. Hunc enim Socerum, eoque necessitudinis titulo monitorem & consultorem non magis quam Macronem ferre potuit Cajus: ratus, (quod recte judicat Philo) sicut Tiberii cæde Consanguineis; Macronis exitio, Equestri ordini terrorem incusserat: Ita Silani interitu Senatorium decus conculcari. Addatur *Sueton. Calig. 23. Dio 59. Tac. Agr. 4.*

De his immaniissimæ tyrannidis rudimentis oculis primo questus; mox adulatorum & imperitorum excusationes referuntur. *τυράντην γὰρ ὁ ἀνθρώπῃς τοῖς πρὸς τὴν τῷ Συμφέρον*

το ὅτι οὐκ αἰσθάνομαι, εἰς αὐτὸν καὶ σοφισμὸν μᾶλλον, ἢ ἰσχυρὸν χρῆμα  
 δυνάμει. Cæca enim ad dignoscendum quæ vere profunt mens  
 humana, non tam scientia, quam conjectatione quadam & assimi-  
 lata specie ducitur; ut hoc Philonis efferamus verbis. Adula-  
 torum autem proprius is est character, quod omnia Principi-  
 pum, honesta atque inhonesta, laudant. Tac. 2. A. 38.

Hinc Philo ad exagitantam Caii insaniam progressus,  
 quod DEUS haberi voluit, facundissime, per gradus veluti,  
 & figuras gravissimas, suam εἰσαγγελίαν exequitur. Primo  
 enim (adulantium vocibus haud dubie) inductum refert;  
 ut eum, qui præstantissimæ hominum parti præest, homi-  
 nibus majorem crederet, sicut est opilio ovibus, bubul-  
 cus bobus; parum scilicet memor congeneris naturæ.  
 Hinc locus Panegyristæ, in comparatione exemplorum tam  
 abominabilium, laudandi egregia sententia Trajanum:

Plin. Pan. 2.

Unum ille se ex nobis, & hoc magis excellit atque eminet, quod u-  
 num ex nobis putat: nec minus hominem se, quam hominibus præ-  
 esse meminit. Huc ergo pertinebat judicium Jani apud Se-  
 necam: censeo, ne quis post hunc diem deus fiat ex his, qui ἀπέχοντες  
 ἀπὸ τῶν ἰσθίων: ex his, quos alit ζείδωρος ἀρετή. Sed ab hac,  
 sive credita, sive non repudiata vanitate, Cælius procedit ad  
 Semideos æmulandos; qui ex hominibus scilicet, in Deos  
 relati finguntur; Liberumque, & Herculem, & Castores  
 videri vult referre. Atqui, inquit, Philo, virtute Dii fiunt;  
 vitiis divinitas, si qua fuit, exuitur. Utilitatum enim ma-  
 gnitudine constituti sunt ii Dii, qui utilitates quasque gigneant.  
 Suscepit autem vita hominum consuetudoque communis, ut benefi-  
 ciis excellentes viros in calum fama ac voluntate tollerent. Hinc  
 Hercules, hinc Castor & Pollux, hinc Æsculapius, hinc Liber etiam.  
 Verba Ciceronis sunt.

2. de nat.  
 deor. 23. &  
 24.

Atque, si omnino is error Caii imminutam mentem  
 occupavit, Eiusdem Scriptoris verbis liceat ethnicis fateri,  
 quod hac res genuerit falsas opiniones, erroresque turbu-  
 lentos, & superstitiones pane amiles. Et forma enim, inquit,  
 nobis deorum, & ætates & vestitus ornatusque notî sunt: genera  
 præterea, conjugia, cognationesque, omniaque traducta ad simili-  
 tudinem imbecillitatis humana. nam & perturbatis animis inducun-  
 tur:

2. de nat. d  
 cap. 28.

zur : accipimus enim deorum cupiditates, agritudines, iracundias : nec vero, ut fabula ferunt, dii bellis praelisque caruerunt. qua dicuntur & creduntur stultissime, & plena sunt stultitatis, summaque levitatis. Opportuna tamen excusando Caio, si quis velit ejus causam suscipere. Quod est enim omnino vitium in eo, quin aliquis, non dicam Semideorum, sed Deorum, quos imitatus est, eo teneatur?

Ridet quidem acerbe Philo Cajum, quod Apollinem, Martem, Mercurium, nulla virtutum aut meritorum æmulatione, voluerit æquare. Sed horum quoque non minora extant in fabulis flagitia, quam celebrantur merita. Ut & ipsius Jovis, cujus tandem affectavit nomen. Ac Philonis quidem satyrica μίμνησι, ornatissima censeretur. Historiā ipsam petere debemus ex Sueton. Calig. 22. qui hanc ἐκείνου non tanquam de Principe, sed tanquam de monstro narrat: Monstruosam scilicet stultitiam intelligas licet. Nec aliter judicat Josephus ἀρχαίον 19. pr. & Διὸς, cujus hæc ipsa verba sunt : ἀνακαλέων δὲ αὐτὸν τῶν μὲν, ἥρωα, τῶν δὲ, θεῶν, θεῶς ἐξεφώνησεν.. Cum alii eum Heroem, alii Deum vocarent, supra modum insanire cepit.

Clausulam Philonis possit curiosior aliquis forte mirari, cum inquit : ὅς γε ἡδὲ μιμαθήκαμεν τέτων, ὅτι ἰδὲν διῶν ἀλλ' ἰδὲ ἡμιθέων ἰσομοῦνται δὲ τὰ τῶν, μήτε φύσεως μήτε ὑσίας ἀλλὰ μὴδὲ προαιρέσεως τέλειχηκότες τῆς αὐτῆς : Satis nunc equidem cognovimus, nemini nec deorum nec semideorum Cajum equiparari posse, quippe qui nec naturam, nec essentiam, nec studia & proposita ejusmodi nactus sit. An περιεργον & superfluum fuit, de natura dicere? quam cum semideis communem habebat; cum diis autem quod non haberet communem, nulla opus erat demonstratione: si vulgarem sententiam spectamus. Alias, accurate loquendo, quid Jupiter, Mars, Apollo, Mercurius aliud fuerunt, quam homines, quos opinio meritorum quondam in cælum & deos retulit? Plus gravitatis habet ἰπείκεσις, qua, libidinem animi male morati, ambitione, pervicacia, licentia regni, usque ad cacitatem demerari, pronuntiat.

In Vitell.  
cap. 2.

Et hanc quidem amentiam, ceteras gentes pertulisse, ait, *ita ut etiam Roma introduceretur βαρβαρικὸν ἔθνος, προσκύνῃς, barbarus adorandi mos.* Cujus moris peregrini auctorem Suetonius facit L. Vitellium, his verbis: Idem miri in adulando ingenii, primus C. Cæsarem adorari ut Deum instituit: cum reuersus ex Syria non aliter adire ausus esset quam capite velato, circumvertensque se, deinde procumbens.

Dum autem Philo explicat, quomodo Judæi in societatem hujus adulationis propter decreta divina Legis pertrahi nequiverint, eaque re iram Caii Cæsaris meriti sint, interjicitur sententia, quæ τὸ τῆς ὑποστάσεως ἀλότης ita demonstrat, quod facilius sit deum in hominem mutari, quam hominem in Deum, δαίτην γὰρ ἂν εἰς ἄνθρωπον δεῖν, ἢ εἰς θεὸν ἄνθρωπον μεταβαλεῖν. In hanc sententiam congruere puto Photii Censuram, cum ait; Philonem interdum τὰ τῆς Ἰουδαϊκῆς φιλοσοφίας ἀλλότεια, ab Judaica sapientie placitis aliena scripsisse. Parum certe consentiunt cum ἡς, quæ ipse habet, libro ὅτι ἀτρέπλον τὸ θεῖον, quod Deus sit immutabilis. Si dicas, figura ὑποστάσεως hæc significari; impossibile esse, ut homo fiat Deus; sicut nec Deum posse in hominem mutari quisquam crediderit: Philosophum, qualis est Philo, nondum excusabis, quod comparisonem instituit, in re, quæ citra injuriam divinæ majestatis, nec simplici nec comparato sermone efferri potest; & ubi pars comparisonis prævalens sine sensu dicitur.

ad ann.  
Chr. 40.

Quoniam ergo Judæi divinos Caii honores, non admissuri videbantur, facilius patuit occasio inimicis eorum & obrectatoribus, criminandi eos apud Cæsarem, ranquam qui soli ex omnibus populis colere Cajum dedignerentur. Hinc Alexandriæ, Græci pridem Judæis infecti, ingentem tumultum cient; omnibusque rerum & verborum acerbitatibus exagitantibus eos, Caii imagines passim in Proseuchis eorum (sive synagogis) collocant. Quæ seditionis ac injuriarum series, non hic tantum à Philone, sed in altero etiam in Flaccum libro describitur. Unde & Baronius depromsit, suisque Annalibus inseruit.

Dum

Dum autem *Philo* cupit ostendere, non veneratione Cæsarei fastigii, sed hostili odio in Judæos hæc facta; quippe cum ante Caium, nullius Cæsaris honori talia moliti sint Græci: ea occasione in laudes Tiberii, & præsertim *Augusti* digreditur, illustriſque panegyrici materiam, in summam facundissime contrahit; atque inter alia, ejus in Judæos indulgentiam exquisita historia deprædicat. An autem in hoc præconio, Judaicæ Philosophiæ consentiat excusatio, quod *Augustus* quoque, non à Judæis quidem sed ab aliis, divinos honores receperit, facile reperiet, qui cogitare voluerit. Ait enim: recepisse eum talia, non quod cæca elatione jura & leges aliorum subvertere cuperet, ἀλλὰ καὶ τῷ μεγέθει τῆς τοσαύτης ἡγεμονίας ἐπόμενος, ἢ διὰ τῶν τοιούτων πείρους ζήμινοποιήσας, sed quod tanti Imperii majestati id tribueret, quæ ejusmodi artibus non parum illustrari solet.

Inter delatores Judæorum *Helicon* Ægyptius fuit, Caio per malas artes & scurriles facétias mire gratus: qui ab Alexandrinis emtus, inter oblectationes Principis accusatoriam diritatem in Judæos exercebat. Cujus ingenium, mores, commenta, graphice describit *Philo*, solus historiæ ejus in obscuro latitantis interpres.

In æstimanda Caii insidiosa humanitate, singularem quandam prudentiam non ostendit modo, sed explicat.

Multam subinde vim & commotionem habet descriptio illius pavoris, quo nuntius de colosso Caii, legatorum animos perturbavit. Hic enim, quod *Fabius* de narratione dixit, docere & insigere animis res cupit. Quamquam, eodem magistro, narratio non sit sinuosa, & arcessitis descriptionibus, in quas plerique imitatione poetica licentia ducuntur, lascivia. Quod an aliquando in hoc opere acciderit *Philoni*, eruditis expendendum relinquo: certe nullam ullius figuræ aut amplificationis occasionem prætermittit. Igitur inter præcipuos auctores copiosæ adornatæque orationis commendari meretur.

Ut autem Caio injiceretur cupiditas, statuæ suæ colossicæ in templo Hierosolymitano consecrandæ, effecerant *Capitonis*. Quæstoris in Judæa literæ, quibus incusa-

bat Judæos Jamnienſes, tanquam ob excitatam à paganis aram tumultuatos. Irritatus ergo Cajus, cum præſertim Heliconis & Apellis tragædi calumniæ accederent, Petronio Syriæ Præſidi accuratiſſimis literis mandat, ut ſtatuum coloſſi forma ſibi in templo Judæorum primario dedicaret; obſiſtentesque Judæos armis coërceret. Quæ fuerint exinde lamentationes Judæorum, quæ ad Petronium concurſationes, quæ deprecationes; quæ Petronii ſecreta, & cum amicis conſultatio; quæ ad Caium literæ; denique, quæ Caii iracundia & diſſimulatio, ſolitis & ſuaviſſimis ambagibus exequitur *Philo*; conferendus erudite, cum civiliore *Joſephi* hiſtoria, in ἀρχαιολ. XVIII, 11.

An illa oratio, qua ſenes Judæorum dicunt, *ſe jugulatu-  
rutos uxores, liberos, denique ſeipſos*, conveniat philoſophiæ Judaicæ, facile judicatu eſt. Sicut & illud notari mere-  
tur, quod ſequitur, *de Gorgonii capite*. cujus fabulam Ju-  
dæos ſuæ orationi aptatu-  
ros fuiſſe, ego quidem diſtulerim credere. Sed qui tam frequenter inducunt perſonas, & rotiens alieno, quam ſuo ore loqui malunt, vix ubique feliciter cuſtodiunt meſuram ſui argumenti.

Conſultationem Petronii, ſententia civiliſſimæ gravitatis concludit: τοὺς δὲ ἀγαθούς, ἀγαθὰς ἐπιφέρει τοῖς γρά-  
μας ὁ θεὸς, δὲ ἂν ἀρετῶντες, ἀρετῆς διδασκαλοῦνται. ὅπερ καὶ κείνῳ Πωλὺς  
Solet Deus bonis viris bona ſuggerere conſilia, tum iſſis tui reipublicæ  
commoda, quod & tum Petronio accidit.

Agrippæ pro Judæis deprecationem longe aliter *Jo-  
ſephus* memorat. Sed *Philonis* narratio habet veluti περι-  
τείας τραγικῆς. Epistolam autem Agrippæ, ſive potius o-  
rationem deprecatoriam, omni apparatu eloquentiæ per-  
coluit. Venuſtum eſt & dolci ſimilitudine illuſtratum ar-  
gumentum, quo Judæos ex omnibus primos Caio Imperium grā-  
tulatos prædicat. De M. Agrippa, de Auguſto, de Ti-  
berio, quæ les erga Judæorum nationes, ritus, civitates fue-  
rint, nul'ibi alius tam accurrate traditum habetur.

Pilati quoque Procuratoris, ad cujus iniquum tribu-  
nal Chriſtus eſt adductus, deſcriptio, non æque in vulgus  
nota, in hoc tranſcuſu prætereunda non videtur. Agrip-  
pa enim

pa enim ait fuisse hominem *contumaci arrogantia intradabilem* ; Judæis tamen aliquando indulgisse, metuentem, ne administrationis malæ reus ageretur ; sive, ne Judæi apud Principem incularent τῆς αὐτοῦ ἐπιτροπῆς τὰς δαποδονίας, τὰς ἰβρεῖς, τὰς ἀρπαγὰς, τὰς αἰκίας, τὰς ἐπιηρείας, τοὺς ἀκεῖτες ἢ ἰταλλῆας φόβους, τὴν ἀνένυλον ἢ ἀργαλειώδη ἀμότητα. *Vindictas, sententias, rapinas, injurias, clades, tormenta, crebras cades indemnatorum, acerbissimam crudelitatem.*

Venia Agrippæ literis data, qualis fuerit, novi declaratione consilii ostenditur : quo Caius decrevit alium colossus inauratum Romæ factum, clanculum in templum Hierosolymitanum introducere, atque dedicare, sub titulo Διὸς Ἰσκιάρης νέου Ταῦ Novi Jovis Illustris Caii. Quia occasione tyrannici animi indoles, offensiones omnes revolvens, & semel indulta in contrarium vertens, notabilibus exemplis describitur.

Illud autem ludibrium cognitionis, cum veluti ad dicendam caussam accirentur Legati Judæorum, mimi cujusdam & ἐκδυατισμοῦ speciem habet. Capita philosophiæ, unde ducuntur sententiæ ac inventiones, sunt : de officio Judicis, de mobilitate vagabunda tyranni, de reorum sollicitudine, de accusatorum improbitate.


Quoniam autem ab initio dictum est, hunc Philonis librum, ad vituperationem Caii pertinere, non alienum fuerit, notas morum ejus excerpere, ac sub uno conspectu proponere. Summatim primum in eo notat τὸ τῆς φύσεως ἀμικλον ἢ ἀκοινωνήσιον, ἢ τὴν τῶν ἡθῶν ἀνομαλίαν, naturam insociabilem & à civili consuetudine abhorrentem, cum motum inaequalitate. Quæ qualis sit adjicitur : ἀλλόκοτα γὰρ αὐτῷ ἢ ἐπιμανῶν (τὰ ἡθῆ) κατεργάμενος, μηδεμίαν ζωζομένην ἀκοινοσύνην, μήτε ἐν λόγοις, μήτε ἐν ἔργοις. Absurdi apparebant & insani mores, quique nec in verbis nec in actione sibi constarent aut congruerent. Adhuc gravius : ἢ μὲντοι πρὸς τὰλλα πάντα τὴν φύσιν ἀπῆλθεν, ὥς εἰ καὶ τι χρηστὸν ἐργάσαίτο, μελανοεῖν ἐνθὺς, ἢ τρέπον τινα δι' οὗ ἢ τούτῳ λυθίσταται ζητεῖν μὴδ' αὐτοῖας βλάβης. *Erat ingenio inconstans, ut eum mox pœniteret si quid bo-*

ni fecisset, idque irritum facere cuperet, quo infestior nocentiorque esset. Subinde dicitur φίλεις καὶ φιλόνομος ὢν, contumax & contentiosus. Iterum tribuit ei τὸν φένακα τρόπον: sive, ut mox explicatur, τὸ πειρασμένον καὶ ποικίλον τῶν ἡθῶν, fidi fucatque moris assimulatam speciem. Monitores & consultores, ait, cane prius & angue eum odisse: ἤθαισε μᾶλλον τῶν ὁμολογούμενων πολυμήχανος διδασκάλος. quippe cum esset ἀνθρωπίνῃ ἐδὲν φρονῶν ἀνθρώπινον νῆσθαι καὶ νεώτεροποιεῖν, ἀνημμένῃ εἰς τὴν ἐφ' ὅπασιν ἀντιδ' ἔθωρον ἀρχῇ homo nihil humanum spirans; juvenis, rerum novarum cupidus, ac infinita licentia in præceptis vergens. Quæ omnia, ab incivilitate animi morisque; initio ducto; mobilitate, calliditate, pertinacia, acerbitate, desinunt denique in παράφροσιν καὶ παράκοπον μανίαν, recordem insaniam. Habes ergo teterrimæ, id est, Caianæ tyrannidis specimen & complementum.

Quod si quis instituat aliorum scriptorum testimonio illustrare, Dio præsertim pleraque asseverabit. Ex quo summam potissimum descripsit Suidas. Ad cujus elogium de Caio obiter aliqua annotabimus. Hæc autem sunt ejus verba: Ταῖος ἱωμαίων βασιλεὺς τὸ μὲν πρῶτον μεγαλοφρόνας δι' ἡμῶν τῆς βασιλείας τὰ πράγματα, καὶ πᾶσι τοῖς ὑπηκόοις καθήκοντος ἐχρῆτο: μετὰ δὲ δύο χρόνους ἐκείνης τῆς ἀνθρωπίνης φύσεως, κατὰ μίμησιν τοῦ πατρὸς ἀπεδίωκε. Cetera vel Philo satis explicaverit. Quod autem de imitatione patris dicit, vel obscurum est, vel mendosum. Sive enim Avum Augustum velis intelligere (nam de Patre qui potest?) parum exprimitur, quod dici debuit: Sive Jovis imitationem suspicaris, hoc modo, his verbis efferrī non potuit. In sequentibus, cum ait voluisse eum statuam suam oppidatim per templum consecrari, etiam in templo Hierosolymitano, cum inscriptione ἡ τοῦ ταῖου ἱερὸν: ex Philone corrigi debet. Quin enim νεὸς ζεὺς exaudiendus sit, eo minus dubitationis datur, quo certius ex Dione constat, eum Juvenis appellatione in primis offensum esse. Interponit hic Suidas, legem Caii, qua servus licentiam accusandi dominos concessit, eaque re veluti signum ad calamitatem omnis Romani orbis, & ad intolerabilem δολοχεσίαν extulit, contra morem & prudentiam veter-



veterum, qui mali exempli id esse judicaverant. Igitur ne in civili quidem bello, Julius Cæsar admisit. Cum enim populus legi de modo auri argentique caput adjici postulare, quo servus dominos deferentibus *μίσωπα* sive premia indicii decernerentur, non tantum nihil ea de re addidit legi; sed diris se devovit ipse, si quid unquam servo contra dominum crederet. Narrat Dio lib. 41. Et Caligulae quidem legem non abrogavit modo successor Claudius, verum insuper eos servorum, qui adversum dominos delationes facitassent, severissime ultus est, aut dominis ulciscendos tradidit. Sicut iterum ex Dionis lib. 60. discas. Ac sub Neronis initia non receptus inter reos Carinas Celer Senator, servo accusante. apud Tacitum 13. A. 10. Pergit Suidas, & de muliebri vestitu Caii memorat. Explicabit Suetonius in Calig. 32. & Seneca 2. de benef. 12. Adjicitur de peregrinis mysteriis (quæ spectent forte ad Suetonii historiam Calig. 22.) de adulteriis & raptu alienarum sponsarum uxorumque, itemque incesta cum sororibus consuetudine (quod exemplis firmant Dio lib. 59. Sueton. Calig. 24. & 25.) de profusione & prodigalitate, iisdem Scriptoribus declarata. Addit tandem Suidas, Tiberium tali Successore desiderabiliorem redditum; cujus facinora in tantum superaverit Caius, in quantum ipse Tiberius Augusti crimina vicerat. Descripsit ipsa verba Dionis ex lib. 59. ὥς τὰ τιβαίου ἔργα, καὶ τὰ χαλιπῶτα ἀδελφὰ γεγονέναι, τοσούτων παρὰ τὰ τῷ Καίῳ, ὅσον τὰ τῷ Αὐγούστῳ παρ' ἐκείνου, παρὲνυχέιν. Quæ verba *Emilius Portus* fere ad eum modum quo posuimus, Latine convertit. At *Dionis* interpres ita reddidit: Ut Tiberii acta, quanquam visa molestissima, tantum à vitio Caii absuerint, quantum ab Augusti virtutibus Tiberius.



## XI.

Exercitationum Rhetoricarum Specimen  
anno 1643. αὐτοχρειασι propositum.

*Gratulationis ; qua civis in dignitate  
constitutus, patria*

E conspirationis, incendii clanculum structi, aut  
similium casuum periculo liberatae, obsequium  
officiumque approbat.

*ad Flori lib. 4. cap. 1. de conjurat.  
Catilin.*

**C**haracter λεκτικὸς. Convenit talibus argumentis  
stylus civilis, moderatus, decenter ornatus.

Τύπος πρακτικὸς aestimatur partim *ex persona  
dicentis ; partim ex persona eorum, ad quos loqui-  
mur, partim ex argumenti indole, partim ex cir-  
cumstantiarum, quas vocant, conditione.* Ergo ubi-  
que elucescent *fides erga senatum & magistratus ;  
gravitas erga cives ; sollicitudo, pro aris & focis ; pro-  
videntia futuri, solers judicium de praesentibus.*

## DESIGNATIO IPSIUS ORA- TIONIS.

*ingressus ab  
officio affe-  
ctusque boni  
civis in pa-  
triam,*

**E**St quidem singulis civibus non tam praecipuus lege  
quam natura insitus is affectus, ut patriae suae adver-  
sis doleant, secundis laetentur : sed intendit eam curam  
vel evidentia exempli causarumque apud simplices ; vel  
apud prudentiores, arcanus ille fortunae publicae sensus ;  
qui arctissima copulatione venerationi majestatis cordatas  
mentes

mentes devincit. Quod commercium , quo est sanctius  
 & interius, eo minus ostendi cum pompa , aut verborum  
 expressione potest declarari. Mihi certe nec eloqui nunc  
 licet , quæ mente concipio ; nec concipere integrum est,  
 quæ recondito caritatis in patriam instinctu sentio. Pro-  
 fus enim magnum est, & admirabile divinæ in republ.  
 nostram curæ argumentum , quod hesternus dies vidit,  
 quod nulla dies , nulla posteritas ignorabit. Structæ e-  
 rant non in singulorum civium capita insidiæ, sed in uni-  
 versorum animam atque vitam perniciēs comparata : in  
 omnem ætatem, in omnem sexum , in sacra , in profana,  
 jamiam grassatura erat nefanda sævities , cum ecce , quæ  
 calide excogitata, quæ audacter conata, quæ strenue pro-  
 visa erant , pæne in ipso furoris ultimi effectu dissipata re-  
 pente & repressa sunt. Nimirum ipsa reipubl. hujus for-  
 tuna, veluti ex cœlesti machina sceleratorum machinas  
 discussit. idque non sine miraculo præsentanei auxilii &  
 potentis efficaciz. Legimus in Romanis annalibus , cum  
 inita adversus Principem conspiratio esset manifestata, gra-  
 tes Diis decretas , & præsertim proprium Soli honorem, quod  
 occulta conjurationis in ade Solis parata, numine retexisset. No-  
 bis sine omni superstitionis imitatione , Solem nostrum  
 venerari licet i. e. providentiam cœlestem , quæ non in-  
 tueretur tantum & invisit nostra, sed tutelari numine com-  
 plectitur salutem omnium atque singulorum. Ista Lux il-  
 luxit nobis , & dispulsæ sunt tenebræ arcani sceleris : Ista  
 lux affulgeat nobis clariora in posterum fata, & benefico  
 sidere confilia publica temperet pariter atque prosperet.  
 Namque id solenniter & publica voce nunc precari fas est,  
 imo & sperare. Discet enim, ni fallor, & videbit quan-  
 tumvis cæca improbitas ; nullas sceleribus etiam instru-  
 ctissimis adversum majestatem vires esse , quam tuetur in-  
 victa atque supra fraudes & opes totius orbis constituta  
 majestas , quæ rebuspubl. majestatem & majestatis tute-  
 lam largitur conservatque. Itaque quamquam vestræ in  
 republ. fidei , providentiæ, laboribus plurimum debe-  
 mus , Patres magnifici & strenui, plus tamen est quod vo-  
 bis

*proponitur  
 argumen-  
 tum grati-  
 tationis i. e.  
 liberatio ex  
 periculo ;  
 Cujus pericu-  
 li magnitudo  
 describitur ;*

*item modus  
 liberationis  
 extollitur.*

*Qua occasio-  
 ne ad grates  
 Deo haben-  
 das pietas  
 stimuletur ;*

*cum vero &  
 spe securita-  
 tis in postu-  
 rum ;*

*Senatus pie-  
sas & indu-  
stra tanquā  
pignora spei  
conceptra ce-  
lebrantur.*

*& horratu  
obsequioso  
insurgantur.*

*Rursum no-  
va spes pi-  
gnus ex abdi-  
to petitur.*

*Obsequiorum  
consilium su-  
mum assege-  
ratur.*

bis de tam inexpugnabili præsidio, gratulandum habemus. Ex vestra enim mente sensuque loquimur, vestrum est singulare illud & inusitatum hoc tempore elogium, quod, cum omnia vigilia curaque complectamini attentissima, sic tamen de vestro opere sentitis, ut nihil in ulla quam divina ope reponatis. Quam mentem ut vobis conservet Deus immortalis, merito precamur omnes: neque tamen interim pauca in vobis miramur, & salutis publicæ destinamus. Infundit se vigilantibus, agentibus, prospicientibus divinus ille fortunæ & providentiæ publicæ vigor, qui vos calamitati temporum & casibus pares, molitionibus nefariorum hominum, ac sceleribus superiores præstat, præstabitque. Agite modo, quod agitis, & ardete vestros cives tueri, pugnare cum probris seculi, vincere adversa, secunda tueri; nihil negligenter, omnia cum dignitate, singula cum observatione, universa cum congruentia tractare. Sic & gloriam vestram & rempublicam reddetis immortalem. Equidem si altiore consilio dispositionem fati rerumque ordinem assequi quodammodo licet, crediderim, perpetuitatem reipublicæ, hoc tanquam divino monito stabiliendam fuisse. Nam nec clariore exemplo discere, quàm præsentī auxilio divina bonitas nos tueatur; nec efficaciore instinctu ad industriam & officia quæ Deo patriæque debemus, adigi poteramus. Quod superest, quicumque civium numero animoque sumus, si quid in nobis consilii, actus, virium est; id omne cum ipso, quem in hac patria haurimus ac ducimus spiritu, æternitati reipublicæ & securitati in solidum consecramus. Dixi.

## ANNOTATIO.

**P**ertinet hoc Cic. Catilinaria secunda, itemque oratio Catonis apud Sallustium, in Catilina cap. 52.

Loci qui amplificationem recipiunt, sunt potissimum: descriptio periculi, ubi figuris evidentiae & repræsentationis *diatypotix* locus est. E. G. posset produci miserabilis fa-

cies

cies exitii & ob oculos poni : atque hic imitationis causa legendæ sunt, *captivitates urbium, incendia, ruina* apud Historicos & Poetas, 2. *commendatio cælestis presidii*. qua occasione tractari posset ille locus : *Quibus rebus reddatur respubl. immortalis.*

Ex re nata, temporisque & loci respectu, *inventiones* decore petuntur, e. g. Si percenseatur duratio Reipublicæ, indeque vel de terminis fatalibus, vel de comparatione casuum; vel de futuri spe sententiæ concinnentur.

Item si persona cujus ope detectum est, *aliquid ominis* habet, aut *considerationis emphatica*. sunt e. g. nonnullæ familiæ quæ servandis rebuspubl: destinatae videntur: itemque nonnullorum obscuritatem Deus per talia nobilitat, qui exempli publici causa etiam in civitate honorandi sunt.

*Ad Flori lib. 4. cap. 2. de bell. civ.*

*Cæs. & Pomp.*

τίνας αὖ εἴποι λόγους ὁ Καῖσαρ τὴν τῷ Πομπηΐῃ  
κεφαλὴν ἰδόν.

*Qualia verba potuerit Cæsar facere, viso  
Pompeii capite.*

**P**RAEnotari hic debet, quod Dio 42. memorat; Cæsarem viso Pompeii capite illacrymatum, civem & generum appellasse, veterem necessitudinem commemorasse, percussorum scelus improbasse, caputque honeste funerari jussisse. Sed risu mox & ἰλιγγῶ εἰρωνικῶ prosequitur istas lacrymas; seras nimirum & simulata pietatis. unde & Lucanus 9. *Pharsal.*

— quisquis te flere cœgit

Impetus, à vera longe pietate recessit.

Apparet ergo, quoad τύπον πρακτικὸν mixtum in τῷ ᾧδῳ ἢ τοῦ πάσης Characterem adhibendum: partim enim misericordiæ luctusque speciem induit suis lacrymis; itemque irascitur percussoribus; partim pietatis, comitatis, modestiæ

destiæ & gravitatis imagines exhibet. Cetera ex *circumstan-  
tiis*, quas appellitant, pendent; quarum observationem etiam  
hic diligenter commendat *Theon in Progymnasim.*

*Stylus* quis hoc quadret, τύπος λεκτικός, *Aphthonius in Pro-  
gymnasim.* designavit: ἐργάση δὲ τὴν ὑποκείμενὴν χαρακτῆρι *Caes.*  
*Curtiῶν, ὀνδρηῶ, ἀπολύτῳ, ἀππλάγμενῳ πάσης πολλῆς τε ἔ-  
ργασματι,* i. e. interprete *Joach. Camerario*: *Ethopæia elabora-  
bitur forma orationis perspicua, brevi, florida, soluta, ab omni im-  
plicatione & figurarum gestu aliena.*

## DESIGNATIO.

διαίρεσις  
ἀπὸ κεφα-  
λαίων τοῖς  
πρὸς χρέ-  
τοις,  
τῶ ἰνδρῶτι,

**N**ON hoc ego, *Fortuna*, vel votis petii, vel armis qua-  
sivi. quem pene in *Pharsalia* vicisse pudet, quia ci-  
ves erant, qui vincendi fuere. An ideo civibus, etiam in-  
ter commissas manus & expedita in mutuas cædes tela par-  
cendum duxi, ut civium eminentissimus, cui & *fortuna*  
prælii pepercerat, quemque ego non servatum modo sed  
reconciliatum propediem videre festinabam, nefando in-  
teriret parricidio? Heu me infelicem, qui præcipuo & ar-  
morum & victoriæ fructu spoliatus sum! Nam nec sumsi  
arma, ut sanguinem civicum sunderem; nec vincere op-  
tavi, ut gener periret. Solam sub clypei tutela pacem spe-  
ctavi: neque premere adversarios clade, sed apparatu bel-  
li in gratiam volui revocare. Te autem, ô *Magne*, ô ge-  
ner, non tam bello superare, quam superatum conservare,  
omnique cultu, fide, amicitia honestare, & semper alias,  
& in ipsis, qui nostro prohi dolor tumultu inhorruere, cam-  
pis unxa certaue destinatione decreveram. Egone id ca-  
put, cujus veneratione orbis quondam universus contre-  
muit, impiissimo facinore recisum aspiciam? Vos vero, ô  
devota capita, ô nefarii parricidæ, quis tandem malus dæ-  
mon furia vit, ut majus sorte vestra facinus ausi, sacrum  
& gentibus adoratum caput consceleratissimis manibus  
violaretis? An ideo *Ægyptum Pompeius* olim servavit,  
ut beneficiorum suorum magnitudinem exitio lueret? O  
sortem bellorum! quid bella incuso, quorum invidiam &  
crimen

crimen, Ægypti perfidia vel absolvit vel minuit? Ægyptium scelus, ipsum Romani imperii lumen, humani orbis decus, clarissimum suæ Reip. principem extinxit: meam autem victoriam, per se, ut de civibus, illatabilem, sed quæ miserrimæ necessitudini, qua in arma actus sum, imputari poterat, verissimo luctu & infamia contaminavit. Neque enim mihi dedistis, mortalium pessimi, istud scelus, quidquid simuletis aut præferatis tandem, sed partium fato imminentes, cum fortuna mutavistis fidem. De- τὸ πά-  
χρηστί, fleo interim te, carissime gener, semperque deslebo: cum virtutes tuas, nostrasque caritates recolam & necessitudines, quibus nos tam diu, tam arctis vinculis conjunctos fortuna tenuit. quid ego de amicitiae fide, de affinitatis pietate, de collegii sanctitate dicam? Quidquid vel ad publicum decus, vel ad privata ornamenta à nobilibus & amicis ingeniis conferri unquam potuit, contulimus; utriusque fortunæ societate, tanquam in mutuo complexu, immoti stetimus; non seria, non jocos alter sine altero amavimus. donec utrique in tantis versanti rebus, reique publicæ tot perturbationibus implicatæ industriam quidem sed arduam & ancipitem navanti operam, nescio quæ deorum ira, qui casus, qui amicitiarum corruptores discordiæ semina injecerunt. cujus nec occasiones, nec fomenta, temporibus tam perplexis, poterant deesse. factum sane est, quod infectum mallet, si qua potuisset factorum decretis intercedi. itaque nihil intentatum reliqui, quod ad conciliandam pacem posset pertinere. jam arma tenebam: & adhuc concordiam non suasi modo sed roga- vi. nihil litteræ, nihil internuntii, nihil conciliatores & amici valere. Ita in aciem & armorum discrimina propulsus, vel sic servare quam pedere adversarios præoptassem, si jacta semel Martis alea, ullum sui regimen in jacentis manu relinqueret. Testor carissimam Patriam, pro qua totiens infestis hostium telis meum caput obtuli, me nec deinceps vindictæ potius quam paci & civium inco- lumitati consulturum, & nunc nihil magis dolere, quam quod præcipuam benefaciendi materiam & ostendendæ

voluntatis occasionem cum & in Pompeio amissi. cui nunc, præter solennia funeris, & inania munera, quæ etiam hostis hosti debet, vix quidquam licet præstare nisi quod memoriam tanti & viri & generi, omni officio, cærimonia, pietate celebrare, nullo tempore desinam. neque quisquam posterorum Pompeii exitum miserabitur, quin Cæsarem suæ miserationis & socium & exemplum habeat. Sed nec unquam, inter maxima vertentis fortunæ documenta, & civilium armorum lamentabiles vices, Magni nomen memorabitur, quin apud omnes, Ægyptii sceleris peridia cunctis furoribus civis truculentior judicetur. Væ tibi profana, & innocui hospitis Patronique sanguine tenerata tellus! Nulla tui Nili exundatio eluet hanc maculam, nulla Nemesis ignoscet: donec, quæ inusitati facinoris exemplum dedisti, singulare has & perenne non inultæ perfidiæ monumentum, ut una eademque opera resciscat orbis, ita recipi in Ægypto amicos, ita receptos occidi; ita occisos vindicari.

## ANNOTATIO.

**T**Ractatio margini adscripta est ex *Aphthonio*, qui distribui vult hoc genus meditantem Oratorii secundum tria tempora: partemque ad præsentis rei considerationem referri, partem ex præteritis & antecessis sumi, partem denique ad futura i. e. ad ea quæ consequi, & deinceps fieri possunt aut debent, dirigi.

Exempla universim ad hoc descriptionis genus pertinentia præsertim *Libanius Sophista* dabit, cujus XXVII. extant in duobus operum tomis *Ethopæia*. De cetero, in contextis operibus, ut in *historia*, in *dramatibus*, in *argumentis*, in *epicis carminibus*, in *orationibus*, egregia sæcmina reperiuntur tñs ἱστορίαις, quæ eo diligentius sunt cognoscenda, quo clarius inde usus hujus eloquentiæ emetescit. nam separatæ ejusmodi *Ethopæiæ*, qualem dedimus, in προγυμνάσματος μέρος, æstimandæ & ad competentiam totius orationis exigendæ sunt. Interim si ullum ex ejusmodi præexercitamentis



minibus, (ita enim interpretatur *Priscianus προσημνάσματα*) certe hoc est dil genitissime & frequentissime tractandum. Quippe cum præcipuam disertæ inscriptionis & laudem & artem τὸ ἄλλο absolvat, amplissimæ illi cognitioni & longe lateque diffusæ, quibusdam rudimentis clariorum affectuum morumque præludendum est. Seorsim huc pertinet oratio quam Cæsari Pompeii cædem averfanti tribuit *Lucanus l. 9, prope extremo.*

## ΕΠΙΓΡΑΜΜΑ 'ΕΠΙΤΑΦΙΟΝ,

sive

*Inscriptio sepulchralis tumuli Pompeiani.*

**C**elebrantur defuncti apud Veteres, partim quidem *Orationibus & Laudationibus funebribus* in publico habitis, sicut apud *Dionem* e. g. *Julium Cæsarem, Antonius; Augustum, Tiberius* laudavere: partim scriptis *elogiis*, quorum exemplum præsertim *Hieronymi Epitaphia* esse possunt: partim *Inscriptionibus*.

Quæ primo simplices erant; mox cœperunt admisceri ornamenta non una: cum primis autem *sententiarum quædam gravitas, inventio, & brevitæ*; tum *numerorum non affectata illa quidem, sed notabilis tamen cura.* Unde in characterē *ἐπιγραμματικῶν* (qui longe interim ab alteris illis, peculiariter ita vocatis epigrammatis abest) ubique observes τὰ ἑνυσμῶν; nec raro τὸ παράδοξον τῆς γνώμης: constatque hæcenus ea res observatione potius, quam disciplina, quam nemo *τεχνικῶς* adhuc dum interpretatus est. Continent autem præter *elogia*, potissimum graves *ἐπικρίσεις & iudiciorum* è philosophia generosiore pondera. nam id maxime est notandum.

Quod ad historiam attinet, *Truncus Pompeii Nilus* iactus à *Servio Cedro* rogo iniustus, humatusque est, inscribente sepulcro: **HIC SITUS EST MAGNUS POMPEIUS.** referente *Aurelio Victore in Pomp.* Sed qualis potuerit *inscriptio* concinnari; ex altero illo ge-

nere ἰγκωμασικῶ & ἱπικρικῶ, monstravit *Lucanus lib. 8.*  
post illa;

*Inscripsit sacrum semiuslo stipite nomen :*

HIC SITUS EST MAGNUS.



## TUMULUS POMPEII.

HIC SITUS EST POMPEIUS MAGNUS,  
NEC MAJORA QUÆRE ELOGIA.  
NIHIL MAJUS HOC NOMINE  
ORBIS HABET.

CUJUS QUOT PARTES,  
TOT MAGNITUDINIS POMPEIANÆ  
MONUMENTA,  
TRIUMPHATORI EUROPÆ, ASIÆ, AFRICÆ  
PERENNE VEL CONDITORIUM  
ERUNT  
VEL TROPÆUM,

Alia inscriptio.

HIC SITUS EST POMPEIUS MAGNUS,  
*nomen venerationi gentium,  
memoria temporum,  
sua, quisquis ista legis, disciplina  
sacrum.*

*cuius immensas cogitationes non cepit orbis,  
illum acta Niliaca,  
rudi & tumultuario cessare  
concludit.*

*ita conditur, qui Romanis orbem vicit.  
Quod nemini hominum contigerat,  
nulla pars orbis fuit,  
de qua non triumpharet*  
POMPEIUS

vere & merito & consensu

M A G N U S .

ô rerum vices !

cujus virtute Roma caput extulerat

supra populos ,

illius caput , non hostis , non amicus ,

non miles , non vir .

sed castratum regis pueri mancipium ,

ipseque rex mancipii mancipium ,

cervice revellunt ;

Cæsari donum ,

sibi piaculum ,

generi humano abominationem

per ultimum scelus meditantes .

Talem Ægyptus suo Patrono ,

filius paterno amico

& servatori ,

gratiam rependunt .

Ita , qui Romanas vires in immensum auxerat ,

Romanis armis , in cladem ;

qui Ægyptum totam suis beneficiis pigneraverat ,

Ægyptio scelere , in exitium

detruditur :

nusquam infelix , aut intus

nisi

inter amicos , & clientes ,

& soceros .

cecidit autem ,

non sibi magis , quam auctoribus

infausto exitu .

Manebit enim gloria terrarum ,

stupor populorum ,

utriusque fortuna

utrobique memorabile miraculum

P O M P E I U S .

At vero , jamiam vigilat

ultricis Providentia oculus ,

in sceleratorum capita,  
 quæ paulo post sanguine madebunt.  
 Age Caesar,  
 vindica generi manes tantisper  
 in Ægyptum,  
 cede, ure, vasta:  
 melius uteris gladio in perfidos,  
 quam in cives,  
 quorum sanguinem paulo post,  
 tuo lues,  
 cum idem fies, quod POMPEIUS.

*Ad Flori lib. 4. cap. 3.*

## ELOGIUM AUGUSTI.

**P**Ræmonemus hic studiosos eloquentiæ, *Laudationes personarum sive virorum illustrium* non esse uniusmodi. Perceusebimus potiora genera, quæ & utilem & necessariam observationem habent. In primis noti sunt *παρρησιαὶ λόγων* & *ἰσχυροί*, orationes totæ multo apparatu artis, splendore verborum, gravitate sententiarum, laudes alicujus complexæ. cujuscemodi scriptionis incomparabile & loco omnium nominandum exemplum *Plinius in laudatione Traiani* dedit.

Sunt deinde, brevioris instituti stilique *Elogia*; duplicis rursus generis: *Alia* enim, simplicitate quadam stili aut facilitate item sententiarum, ad historiæ quendam rypum accedentia, minora majoribus, judicia narrationi ita miscent, ut narrandi instituto intervenisse aut servire judicia videantur. Simplicissime versatus est in hoc genere, *Aurelius Victor de Viris illustribus*. E recentioribus eximia mediocritate & temperatissima dictionis elegantia *Gallorum illustrium elogia* quatuor libris complexus est *Scævola ille Sammarthanus doctissimi vir ingenii*. *Janus* autem *Nicius Erythraeus in Pinacotheca* plus amœnitatis admisit, sed ut videatur non excedere voluisse mediam gratiam, inter Panegyricam magnificentiam, & Historiæ simplicitatem. Nullo interim modo

modo comparandus fuerit ingenio Sammarthani. *Alia* autem *elogia* non tam historiae succenturiantur, quam civili Prudentiae iudicioque in solidum destinantur; perpetuamque *in laudem* super praecipuis actibus moribusque viri publice utilis aut noxii graviter, & sententiose exprimunt, quale quid mox in persona Augusti tentabimus.

Denique (describam hoc genus Elogii verbis *M. Seneca Rhetorici* è *suasoria* 7.) *quoties magni alicujus mors ab historicis narrata est, toties saepe totius consummatio visa, & quasi funebri laudatio redditur. hoc semel atque iterum à Thucydide factum, in paucissimis personis usurpatum à Sallustio, Livius benignius magni viri praestitit. sequentes historici multo id effusius fecerunt. Exempli ibi habes è Livio & aliis. quibus adde Curtii, quod Parmenioni praebet, testimonium 7, 2, 33. & quo Alexandrum summatim laudat 10, 5, 26. & seq.*

## ELOGIUM AUGUSTI.

**C** Octavium Cæsarem ad omnia summa & publica, vel natura genuit, vel virtus instruxit, vel fortuna pro-  
vexit. Singularis praestantiam indolis super cetera, quibus futuram magnitudinem pueritia prodit, etiam celebrium actuum praeludia & prudentissimorum virorum omina abunde ostenderunt. Neque enim aliunde ipsi Cæsari Julio, sagacissimo homini, quam similitudine caelestis indolis in adoptionem placuit. Consecuta est mox educatio, & cura tanti Parentis, & ingenio acerrimi alumni, & fortuna rerum, quibus destinabatur, dignissima. Nimirum, cujus magnitudo futura esset incomparabilis, eum non solum naturae dotibus, sed quibuscunque animi & industriae artibus oportebat praestare. Quis enim non agnoscat hic divinae curam Providentiae? quae Augustum his temporibus, & imponendo rebus Romanis fastigio, produxisse & conservasse putanda est. Hinc illa imminentium periculorum profligatio perpetua: hinc fortunae, ingentes spiritus & vigorem inulitatum comitantis, efficax illa benignitas aestimari debet: qua factum est, ut adolescentis au-

Auctoritatem viri suspicerent; Prudentiam viri senes non  
 caperent; privatum nemo despiceret, Principem orbis  
 veneraretur. Bellis invictus, sed quorum gloria non pa-  
 rum minuitur, quia multa cum civibus gesta sunt. Quan-  
 quam mira Dei sapientia, etiam pravo consilio ab Augusto  
 gesta, in salutem orbis Romani vertit: ut expiarentur tot  
 exitialia luxuriantis potentiae & felicitatis vitia. Mox na-  
 tus in terris Deus, Princeps Pacis, armorum Dominus,  
 pacis cupiditate imbutum Augusti animum armis absti-  
 nuit. Quis enim dubitet, caelo deberi pacem illam Augu-  
 stam, tot oraculis praedictam, tot praconiis celebratam?  
 Ex quo enim hunc imperio orbis ordinando ministrum  
 Providentia divina delegerat, omnia summa & singularia  
 & illustria sub ejus auspicio & nomine geri voluit. Effe-  
 ctum certe est, ut etiam ii, qui libertatem maluissent,  
 gratularentur sibi de tali instauratore reipublicae: quae non  
 longius ab exitio, quam ab Augusti principatu abfuisse,  
 consensu credita est. Jam ipsa formatio regni illius Cae-  
 sarei, quam profundis consiliis est fundata, quam amplius  
 diffusa provisionibus? Hic vero se explicavit vastus ille  
 animus, & par terrarum orbi indoles: quam non labores  
 fregere, non exhauserunt curae, non moles negotiorum  
 oppressit. Saepe dubitatum est, an unius hominis animus  
 regno sustinendo par esset: saepe per exempla euntibus  
 nemo reperiri potuit, qui dubitationem eximeret. & ista  
 quidem in regnis, qualia passim & multa orbis numerat.  
 de Augusto loquentibus cogitandum est regnum, pleraque  
 regna complexum; monarchia monarchiarum pariter &  
 rerumpublicarum domina; summum in maxima imperia  
 imperium; quod ab omni aeo non habet nisi tria quibus  
 compareretur, ut longe lateque praecellat? Tantam ergo  
 rerum molem, qualis à condito orbe in unius dominati-  
 onis dignitatem non coivit, sustinuisse, pene supra homi-  
 nem videtur: quid formasse? quid, stabilivisse? Admisit  
 equidem inter istas imperatorii muneris curas multa tanti  
 & Principatus & Principis fastigio indigna: patefecit au-  
 res callidis consultoribus; commovit ipse & tentavit sa-

era versutiae; studuit flagitiis, quibus securiorem paganismus licentiam promittebat. nam hæc & talia nemo excusat nisi vel adulator, vel impius. Sed prudentibus incumbit, divina in Heroibus munera & opera à vitiis, quæ excellentiori naturæ magis insidiantur, distinguere: neque horum execratione, omnem illorum gloriam, quæ in auctorem utique Deum unice redit, obterere. cur enim Deo placuerit, talem orbi dominum imponere, qui nulla veri Numinis cognitione illustratus erat, jam non est hominum disceptare. quibus sufficit scire, quod Deus voluerit & fecerit AUGUSTI nomen vere augustum, & incomparabile, & propterea omnibus populis sæculisque venerabile. De quo ne quis dubitare posset, ipsius Æternæ Veritatis non voce modo, sed exemplo prospectum est.

## ANNO TATIO.

**I**N talibus elogiis plena libertas merito relinquitur Scriptori, ut excerpatur ex toto laudum cumulo, quæ *vel ad summam compendiosa, vel ad judicium eximia, vel ad claritudinem insignia* videntur. Nam, si quis nimis *et in pñcis* & ad regulam, quadam præceptionum superstitione, velit alligari, præcipuum hujus instituti decus amittet, quod *in judicandi gravitate expedita & libera* consistit.

Seorsum etiam commendanda est *judiciorum perspicuitas*. solenne fuit gentilibus, in gravissimis quibusque negotiis *judicium affectare potius, quam expromere*. hinc tot obscuræ, vagæ, & in generalem sensum patentes, *de fato, de fortuna, de Diis, de natura sententiæ*: quibus gravitatem negotio, sed sub velo, & per affectati speciem mysterii quærunt. A quo more Christiani, vel in honorem Christianæ philosophiæ, longissime debebant recedere.

Et quoniam in toto illo genere *xpianæ*, sive in ferendis judiciis, sapissime ad reconditoris sapientiæ subsidia veniendum, & à vulgi opinionibus longissime recedendum est; opera tamen cumprimis dari debet, ut de rebus

supra communem captum positis, ad communem captum loqui, adeoque minime vulgaria vulgi sensibus quodammodo exponere videamur.

### *Ad idem caput Flori.*

**P**OSSEMUS hic adjicere *Charactere* *inquieti & factiosi hominis*, occasione Antonii, quem hoc nomine *Florus* designat. Sed quia in *Charact. Vell. cap. 5.* aliquid tale tentavimus, nunc nihil aliud, quam brevem *de ejusmodi Characteribus* (de quibus præter *Casauboni* nonnulla ad *Charact. Theophr.* nihil admodum explicate traditum recentioribus memini) annotationem apponemus.

Tenet autem non postremum in *Philosophia Practica* locum illud disciplinæ genus, quod *Characteristicum* vocatur. quippe quod & jucundum est, & ad doctrinæ efficaciam perspicuum, Vide omnino *Senecam epist. 95.*

Estque *χαρακτήρ*, de quo nobis hic sermo, nihil aliud quam descriptio hominis boni aut mali per notas sive per morum actionumque specimina. Auctor librorum ad *Herennium* reddit Latine, notationem. Hinc apud *Theophrastum* frequens est illa formula: *solet autem e. g. cavillator, loquax, rusticus, talia ferme agere & dicere.*

Genera *Characterum* hæc ferme reperiuntur: *Theophrasti*, quos merito & significanter videmur ita appellare posse, ab exemplo *Theophrasti*; qui suos *Characteres* ita ordinavit, ut præmissa brevi descriptione vitii, de quo agitur, subjungantur selecta atque ex communi usu sensuque petita actionum & studiorum specimina, quibus tanquam brevibus & evidentibus notis designetur vitii ac vitiosi hominis indoles. Qua in re sectatus est *Theophrastus* magnam tractationis simplicitatem & facilitatem, sed cum tanto judicio & delectus prudentia, ut mirari facilius sit, quam imitari.

2. Appellabimus aliud genus, *Rheticum*: quia non tam in simplici commemoratione notarum occupantur isti *Characteres*, quam per figuras evidentiae, cum ornatu quodam, imaginem rei repræsentant. Qualis character legitur



legitur lib. 4. *Rethor. ad Herenn.* ubi *Ostentator pecuniosus* notatur. Apud *Dionem Prusæum Chrysostomum orat. 4. de regno* ita *χαεκτηνεῖς* homines *φιλόδοτοι, φιλόπλετοι, φιλόδοξοι*. Quo referri debent *Ciceronis χαεκτηνεῖς*, quos multo cum apparatu & facundia Antonio in Philippicis appingit.

3. Inveniuntur etiam *Characteres Dramatici*; qualem *Horatius* dedit lib. 1. *Sat. 9.* hominem garrulum describens.

4. Possumus & quosdam *Characteres Historico-politicos* appellare, quibus scilicet, tanquam in parte narrationis historica homines memorabili & quasi *Characteristico* signandi genere, per varias morum, ingenii viteque notas describuntur. Qua in re eximia est, & propterea singulari consideratione digna veterum Historicorum industria. quorum descriptiones, quibus præcipuos homines non tam ad filum historiæ, quam informationis civilis contextum, signare solent, suo merito appellari possunt *Characteres Politici, Ethici, aut Ethico-politici*. Quo in genere excellunt *Lucius & Velleius*. Vide quæ diximus *Charact. Vellei. cap. 1.*

5. Sunt & mixti *Characteres*, e. g. *Isacii Porphyrogeniti*, quos *Janus Rutgersius 5. Var. lect. 20.* primus publicavit: singulis ferme epithetis, partim τὰ φυσιογνωμονικά, partim τὰ η̄θικὰ, in personis notantes. Pleraque sui parte sunt φυσιογνωμονικά. Vide *Charact. Vellei. cap. 5. 6. & Edon. Neub. theatr. ingen. 1, 2. & seq.*

6. Quo referemus, inquit aliquis, *Barclaii iconem animorum*? Nonne & in eo opusculo, tersissimo sane subtilissimoque, εἰκονισμὸς tales sectatus est? Fecit id quidem tanta elegantia, inventione, contextu, ut mutuatus videri possit quædam ex singulis illis generibus. ut non erraverit. qui novam illis stationem assignaverit: nisi quod ratione diffusioris elegantiae ad secundum genus videntur accedere, instituto autem & civilitate dictionis, ad quartum referri non immerito poterunt.

7. Præter hæc observabis in *Scriptoribus bonis*, quædam non tam in characterem totum adornata, quam χαεκτηνεῖς dicta, i. e. qua & emphasi & forma expressionis tanquam notas morum graviter designant. Qualia & multa passim in Hi-

historicis, Poëtis, Oratoribus occurrunt, & diligenter sunt observanda.

In scribendis Characteribus, *philosophia* intimas tibi rationes morum recludat; *Eloquentia*, delectum verborum & civilitatem sententiarum subministrat; *Historia* iudicium circa utramque cognitionem exemplis dirigat, ut congruentia experientiae rebusque sint vel præcipue, quæ sic scribuntur. Exempli gratia dicam, *Scribendum esse Characterem Hominis Oligarchici*. Abi ante omnia ad *Aristotelem*, cognosce naturam Oligarchiæ & oligarchica studia; perge ad *Platonem*, qui lib. 8. de rep. diligenti philosophia descripsit, qui mores sint hominum oligarchicorum, & Democraticorum. Propone tibi *Characterem hominis oligarchici à Theophrasto* compositum. Inquire posthæc in exempla Appiorum, & similitum: quæ ubertim suppeditat Historia. Jam visa erit pedum via, si iudicium & eruditio aderit, sine quibus nihil in studiis præclare geritur. Eo hoc genus scribendi non cadit in cuiusvis ingenii facultatem.

### *Ad Flor. lib. 4. cap. 4.*

Disquirendum:

**Q**uid sentiendum de rumore, qui increbuit, *Pansam & Hirtium* Coss. quorum hic in acie, ille paulo post ex vulnere obiit, ambo opera Cæsaris occisos? *Sueton. Aug. 11. Dio 46. p. 360. Tac. 1. A. 10. 2.*

## PRO CONFIRMATIONE EJUS RUMORIS.

**P**osset dici: Non abhorre à vero eam famam, sive æmulatio Cæsaris, sive propositum spectetur. quippe cum pro prætore iussus esset bellum gerere cum Consulibus, statim graviter tulisse, quod sua & dignitas & opera consulari auctoritate obumbraretur. cupidine dominandi omnia pro licitis vindicasse, consulatum mox avidissime

me petisse. nemini sane, præterquam Cæsari, mortem consulum profuisse. calliditatem ejus in ipso commento agnoscisci posse, ut ad casum scilicet belli referretur, quod ipse machinatus erat. ejusque rei exempla domestica ipsam habuisse in Julio patre, qui inimicos pari dolo in tumultu præliorum per suos occidi curavit, memorante *Dione*. Prudentes, non modo ejus temporis, sed, qui postea vixere, Historicos non refutasse eam famam, ut appareret, pro vera habitam aut certe pro verisimili.

lib. 42.

### DESTRUENDI EJUS RUMORIS HÆC

*suppeterent argumenta :*

**H**istoricos hic nihil certi tradere, *Suetonium*, rumores & suspiciones ; *Dionem* obtestationes adducere ; *Tacitum* sive Prudentes apud Tacitum dubitare, infirma fidei documenta esse rumores vulgi, qui in utramque partem ex nihilo sæpe, & quidem quo vanius eo vehementius consurgant. suspicionibus non plebem modo deditam, sed Prudentes pleraque, præsertim eorum, qui dominatum occuparunt, deterius interpretari, & afflictis censuris vexare. Sparsum haud dubie aliquid tale ab iis, qui patriæ & libertatis amorem præferentes, dominandi cupidis omni modo invidiam creare, civilis officii duxerint. forte & inde arreptam occasionem, quod, non uno sed utroque Cos. occiso, ipsa casus magnitudo perculsos hominum animos varia cogitatione, & eorum, quæ quocunque modo fieri potuissent, excogitatione, in suspicandi & sequius opinandi licentiam abripuerit. Jam, unde adolescenti, & suas res cautissima & pene timida dissimulatione adhuc agenti, tantam subito inter initia audaciam accessisse? Pansæ mortem tali perspicuitate ab Historicis narrari, ut ne locus quidem suspicioni superesse possit. Quippe veruto per illa trajectum l tale vulnus accepisse, posteaque nulla maturati exitii indicia, nullam veneni vim prætulisse. Idem ergo de Hirtii exitu judicandum. Sed nec prudentiæ Cæsaris convenire, ut tanti facinoris infamia

mia, quam præsertim servis & militibus in conscientiam admissis facile emanare posse intelligebat, futuris rebus atque operibus suis vim & auctoritatem detraheret.

## ANNOTATIO.

**N**Otum est, alias inter *Progymnasmata Eloquentia* tradi, ἀνασκευαὶς & κατασκευαὶς, *Destructiones & confirmationes*. Quas præcipue olim Rhetores, tanquam *medicamenta forensium actionum* commendabant discipulis; cum omnis vis oratoris forensis & actoris causarum in eo consistat, ut sua valide tueri, objecta fortiter & perite possit depellere. unde *Aphthonii* iudicium de hoc exercitationis genere: ἡ γυμνασία δὲ αὕτη πάσαν περιέχει τὴν τῆς τέχνης ἰσχύν: *hæc exercitatio omne artis robur in se continet*. Sed de eo proposito hic non agimus.

Est deinde aliud consilium *Destructionum & Confirmationum*, priore restrictius & moderationi prudentiæ quam certaminibus eloquentiæ accommodatius: nimirum ut serviant *Consultationibus*, & *Deliberationibus*; ubi rei momenta in utramque partem expendere, unamque modo sententiam confirmare, modo aliam infirmare, aut potius (nam id moderationis Συμβουλευτικῆς πρέπον requirit) examinare oportet.

Est tertio adhuc angustioribus scriptionis limitibus conclusum, quamquam de cetero in profundissima quæque prudentiæ adyta demissum genus, *Historicis* proprium. cum rumorem aut famam aliquam gravioris momenti, ex occasione, breviter & ad gravitatem historiæ exacto examine, vel affirmant, vel refutant. iisdem usi argumentis, quæ alias hic obtinent, ἐκ τῆ ἀσαφείας, ἐκ τῆ ἀδυνατείας, ἐκ τῆ ἀπειρίας, ἐκ τῆ ἀνακρίσεως, ἐκ τῆ ἀσυμφορίας, & in contrario contrariis; sed libertate majori ac securitate, quoad artem; & moderatione accinctiore, quoad prudentiā. sicut & alias, *electio* potius argumentorum ex rei propositique indole, quam *collectio* ex libello artis locum debet habere. Tacitus vel aperte id facit, sicut illustre habemus exemplum 4. A. 10. & 11. itemque 1. A. 6. in utram-

Uttramque partem. adde 2. Hist. 37. & 38. vel *sedius & cum arte*, de qua diximus annot. 1. ad cap. 5. lib. 1. A. vide *Theonem Progymsiam*. Nobis hic propositum fuit, ad Historicorum exempla & pragmaticum illum modum confirmandi destruendique respicere. Nam *ἱστορικώτερον* illud genus satis est à Sophistis percultum: in quo multa sunt, quæ à serâ descriptione longius abeunt, ut *κατασκευὴ τῶν ἀπιδανώτερον* & similia. Alias de *exercitatione ipsa*, post memoratos, adi *Libanium*. Nobis enim non est animus ad generales illas præceptiones nunc hære: sed ad *ὑποθετικώτερα & πραγματικώτερα* præceptionum usum instituimus revocare.

**L**Iceat porro hic annotare quasdam exercitationes, quæ possent ex Historia belli Mutinensis & Scriptoribus illam tractantibus utiliter & apte desumi.

Conqueruntur, nec immerito docti, de Scholis declamatorum veterum & sophisticis exercitationibus, quod argumentis longius ab usu vitæ & rerum actu remotis juventutem fatigaverint. id quod hodieque nimis proh dolor! videmus evenire. eo major nobis opera danda est, ut omnia ad præsentiores usus eloquentiæ & vitæ dirigamus.

Videntur ergo hæc maxime ex nostra historia juventutis exercitationi convenire: 1. *Vituperatio Antonii*, non illa quidem per scholasticos tantum locos & formulas instituenda, sed partim ex Historicorum de Antonio judicii, partim ex Ciceronis *invektivis sive Philippicis*, ita componenda; ut sive velis *γεγονήσα ἡδίκηδν* potissimum sequi, civilibus sententiis morum indoles deformatur; sive *χαράκησα πολιτικόν* præcipue spectes, ex publici actus statufque contextu, proprius & veris judiciis omnia innitantur: sive mixtum ex utroque genus præplaceat, per vestigia Ciceroniani & stili & judicii inaffectatæ gravitatis censura decurrat. omissis scilicet, quæ amplificationibus, aut figurarum pompæ, aut affectibus Cicero permisit.

2. Quoniam *Philippica Ciceronis* incomparabile & utilissimum eloquentiæ pariter & prudentiæ civilis monumentum sunt, varia in illis poni industria debebat, inter cu-

jus specimina etiam posset institui *Comparatio Philippicarum Ciceronis & Philippicarum Demosthenis*. Fallor enim, aut eximium habebit in *κρίσει* tum eloquentiæ, tum civilis status rei que publicæ usum, si occasio & propositum utriusque operis politicum, si industria actionis, auctorum studia in rempublicam, eloquentia, *ῥήματα*, cum attinentibus & innexis in mutua civilis elogii iudicii que declaratione ponantur.

3. *Disquisitio Politica, & discussio illius questionis: An M. Antonius crimen majestatis commiserit, adeoque meruerit hostis reipublice judicari?* ad hunc modum adornari posset, ut ex Ciceronis præsertim Philippicis gravissima illa *de jure reip. & majestate imperii, senatusque argumenta*, veluti in cumulum collecta, & *excerptio Politica* super tam memorabile opus Ciceronis; & *accommodationi sive usui*, sub exemplo fervirent.

4. *Oratio illa Ciceronis à Dione lib. 45. Grace descripta*, posset ipsius Ciceronis stilo & phrasi, ex Philippicis desumenda, in Latinum sermonem, cum cura purioris elegantiae, transferri.

5. Sicut ex diverso, si quis unam & alteram è Philippicis *Grace* vellet convertere, non deficietur phrasi & idiomate Græco, si Dionem & Appianum in subsidium adhibeat. Nam de Demosthenis imitatione, frustra monuero, nisi cum eruditis & exercitatis mihi res sit.

Nondum dimittemus illustres illas Philippicas, nisi novam exercendæ industriæ occasionem invenerimus. Fortasse hæc poterit esse: si colligantur ex Philippicis ea (sunt autem eximia & compluria) quæ de rebus & actibus politicis non iudicio politico, sed colore oratorio, & *ὑποκρίσεως χάριν*, in favorem causæ artificiose dicuntur tractanturque. Liceret enim & hos colores Philippicarum, non quidem ut scopas dissolutas spargere, sed cum iudicio ita connectere; ut partim imitaremur M. Seneca in *Suasoriis & Controversiis* morem, quantum præsertim ad *ἡπιότητα* attinet; partim ex occasione argumenti, aut invento ingenii, quodammodo contexeremus dispersi operis tractationem.

De Ethòpœiis, quarum occasio non una ex hac historia emergit, nunc nihil addo. Illud tantum suaderem, ut vel in Dione, vel in ipsis Philippicis brevi expositione τὸ ἦθϛ, quantum ad Ciceronem attinet, ostendatur. Cum enim ad examen & observationem lectioni conjungendam pertineat, ut *Halicanassens* peculiari libello monet, non modo τὴν λέξιν, & τὴν τέχνην, sed etiam τὸ ἦθϛ observare, operæ pretium utique erit in tam nobili argumento experimentum facere, juxta illam ipsam methodum, quam *Dionysius* commendat.

### *Ad Flor. lib. 4. cap. 5.*

Formetur oratio legatorum *Lucii ad Cæsarem*, cujus delineationem in historia belli *Perusini* dedit *Appianus cap. 5. b. c. pag. 694.* Cum enim res ad extremum necessitatis esset adducta, *Lucius* tres ex optimatibus misit deditionem & preces *Cæsari* perlaturus. οἱ δὲ τρεῖς ἐντυχόντες τῷ Καίσαρι ἀντιμνησκόν τὰ γένος τῶν στρατηγῶν ἐνδὲς ἑκατέρωθεν οὐτϛ, καὶ στρατιῶν ὁμοῦ γινομένων, καὶ φιλίας τῶν ἱππευτῶν, καὶ ἀρετῆς προγόνων, ἐκ ἐκ ἀνήκεσαν τὰς διαφορὰς προαγαγόντων, ὅσα τι εἰκὸς ἦν ἄλλα ἱπαρχῶν τῷ τοῖς ὁμοῖα ἔλθον. Tres autem illi legati cum venissent ad *Cæsarem*, communem utrisque ducum (*Cæsari* & *Antonio*) patriæ necessitudinem, commilitium antea usurpatum, illustrium utrinque virorum amicitias, cordatam majorum gravitatem, qui non soliti fuerint inexpriables exercere inimicitias, aliaque his non absimilia memorabant.

### ORATIO IPSA:

Cum primum adversus te arma induisset *Antonius*, nihil inimiciæ, quam tecum nec optabat nec habebat, *Octaviane Cæsari*, sed amor patriæ & libertatis omnia dare constituit. Neque nunc alia viro mens est: sed fortunæ iniquitate circumventus, pro fortibus viris, publicam secutis causam, veniam petit; non tam ille quidem de sua incolumitate, quam de conservandis Patriæ civibus soli-



citus. Qui nec ipsi ab externo hoste vel petitori vel accepturi erant salutem. Tuum erit deliberare, an gloriosius tibi futurum sit, si quid in deditos possis, sævitiz quam clementia velis testatum. Ex eadem urbe, quam & patriam habetis uterque, & dominam revereri debetis, contraria induistis arma: utrinque Romana acies, Romana signa, Romanus sanguis. Qui cum Antonio nunc faciunt, eorum magna pars sub tuis auspiciis ductuque paulo ante adversum patris interfectores pugnavit. Neque exolevit sane in eorum animis prioris militiæ necessitudo: credo, nec in tuo. sed illos quidem perturbatio temporum non tam à te avertit, quam communi patriæ contra omnium amicitias & inimicitias obligavit: tibi autem vel hic dies suadeat, reverenter habendam, quæ tam instabili varietate sua munera non dispensat magis quam transfert, fortunam. Sunt in tuis, sunt in Lucii castris ipsa nobilitatis Romanæ, & utriusque ordinis decora. credisne tales viros mutui pignora animi & coalitam tam diuturna vitæ consuetudine caritatem, cum toga exuere tanquam vestem, aut brevissimi temporis militia oblivisci potuisse? Imo vero ipsa civilis belli miseria renovat priores affectus, armisque non minus quam odiis terminum ponit: ut haud dubie tuis gratificaturus sis, cum Antonii sociis parces. Sat scio idem nobiscum oraturos plerosque non milites modo sed amicos tuos: si vel dubitare de clementia tua, vel arbitria tuæ victoriæ agere fas existimarent. Majores nostri, viri invicti, qui non virtute magis quam prudentia hoc imperium ex minimo maximum fecere, non ferro discordias civium, sed conditionibus transigebant, & cives civibus parcere, justum æquumque censebant. Etiam patris tui, ne ad vetustiora nunc veniendum sit, laudatissima vox in Pharsalica acie, qua *civibus parcendum* inelamavit, satis te monere potest, quid victorem civilis belli deceat in victos consulere. Damnare sua ipse videtur arma, quisquis aliud quam victoriam quærit: à qua ipsa optimus quisque abhorreere solet, si ullam iudicii aut pactionis habeat facultatem. Fallor an hanc victoriam



storiam in experimentum tibi fata concessere, si parem in secundis moderationem, ac virtutem in adversis præstare posses. Nec plura opus est dici apud cordatum & prudentem : quo nemo præclarius intelligit, quantum victoris intersit, an vincere tantum, an vero victoriæ etiam sciat moderari.

## ANNO TATIO.

**I**Nter exercitationes eloquentiæ, vel maxime commendandam judico istam, cujus hic quaecunque specimen damus. Cum enim *Historici*, partim *integras orationes* scriptioni suæ inferant; partim compendio expositionis & cursui historiæ servientes, *delineationes tantum orationum*, ut sic dicam expressis argumentorum & capitum momentis, designent: plerumque sane mereatur argumenti gravitas, & subsidiorum ex ipsa historia emergentium opportunitas, ut in *justum corpus* adornetur, quod per lineas tantum *adumbratum est*. præsertim cum ad exempla ceterarum & integrarum orationum, ista industria exigi possit.

Sicut ex diverso nonnunquam amplioris orationis & eloquentiæ ubertas, in compendii istam breviter, veluti in summani utilissimo exercitio, colligi possit. Ratio & usus utriusque operæ patet, cum enim duobus potissimum modis in actu civili res explicari soleant, vel *integra justisque viribus & cultu idoneo instructa oratione*, vel *summaria per partes designatione*: certe utrobique eloquentiæ: ibi quidem amplioris, hic accinctioris usus, adeoque exercitatio requiritur.

In nostro exemplo simplicissime secuti sumus lineas ab *Appiano* descriptas. Ceterum liberiori alias amplificationi locus est, prout suaserit rei natæ genius.

*Effect etiam exercenda eloquentia occasio, in*

VERSIONE *Talium Orationum è Græco in Latinum,*

F f f 3

quales:

quales in hac historia & alias passim complures Appianus inserit. Certe Crassus apud Ciceronem i. de orat. 34. fateatur se non parum adjutum esse eo genere exercitationis. Placuit mihi, inquit, eoque sum adolescens usus, ut summorum oratorum Græcæ orationes explicarem. quibus lectis hoc assequer, ut cum ea, quæ legerem Græcæ, Latine redderem, non solum optimis verbis uterer & tamen usitatis, sed etiam exprimerem quedam verba imitando, quæ nova nostris essent, dummodo essent idonea. Et Cicero ipse de suo exemplo testatur lib. de opt. gen. orat. 5. Converti ex Atticis duorum eloquentissimorum nobilissimas orationes inter se contrarias, Æschini Demosthenisque: nec converti ut interpretes, sed ut orator, sententiis eisdem & earum formis, tanquam figuris; verbis ad nostram consuetudinem aptis: in quibus non verbum pro verbo necesse habui reddere, sed genus omnium verborum vimque servavi. non enim ea me annumerare lectori paravi oportere, sed tanquam appendere. Addenda est epistola D. Hieronymi ad Pammachium de opt. gen. interpret.

Orationes historicorum eo utilius converti possunt, quia plerumque τὸ ἡθικὸν i. e. præcipuum civilis eloquentiæ robur accurate observant. Ad illud autem vel impediendum vel juvandum non parum præstat dictionis concinnæ proprietates & elegantia. Consideret e. g. is, qui orationes Lucii ad Cæsarem, hujus ad illum Latine interpretatus est, memorabilem illam ἐπίκρισιν Appiani tanquam regulam laboris: καὶ διακρίθησαν, ὁ μὲν Καῖσαρ ἐν ἑαυτῷ καὶ θάνατον ἔχων τὸν Λύκιον, ἑδὲν ὅς ἐν συμφορᾷ ἀγενὲς ἑδὲ ἀσύμμετον εἰπόντα. ὁ δὲ Λύκιος τὸν Καῖσαρα τῷ δὲ ἥθους καὶ βραχυλογίας. Mirati sunt alter alterum: Lucium quidam Cæsarem, quod nihil, ut in calamitatibus, à constantia aut prudentia alienum dixisset; Cæsarem vero Lucium, quod morata modestaque gravitate ac brevitate respondisset.

Ad Flor. lib. 4. cap. 6.

## CICERO PROSCRIPTUS.

**H**Oc genus scriptionis & argumentorum, mixtum est: sicut ex ipsa tituli compositione potest intelligi. constat

stat enim partim *expositione historica*, partim *amplificatione Rhetorica*, partim *dissertatione sive philosophia politica*.

Amant autem ejusmodi titulos & argumenta, *tria* potissimum *scriptorum genera*: 1. *Dramatici*, sicut e. g. *Hercules Furens*, *Ajax Lorarius*, & similium dramatum appellaciones notæ sunt; 2. *Recentiores epigrammaticarii*, sicut exemplo *complurium* notum est. *Ausonii*, *Cupido Crucifixus* in confinio utriusque scriptionis, dramaticæ, inquam, & epigrammaticæ positus, tituli talis elegantiam ad idyllia transtulit. 3. *Oratores ii*, qui Græcis passim distincte *πολιτικοὶ* dicuntur. Qui quam formam in hoc scribendi genere sequantur, præscripsimus, & nunc rudi delineatione monstrabimus.

## DESIGNATIO IPSA.

**N**on comprehendi numero possunt, sed deßeri per cumulos debent, quæ Romanos obruerunt mala, cum Triumviratus ille posterior urbem & remp. oppressit. Eminent tamen, etiam in tanta multitudine cladum, etiam per publica nomina miseriarum, fatum M. Tullii Ciceronis. quem virum nemo privatis vel cogitationibus intelligere, vel nominibus laudare potest, ex quo per tot documenta apparuit, plerisque sumis reip. fatis sive divinitus destinatum, sive officii civilis occasione immistum, maxima eum in hanc vel illam partem momenta aut fecisse aut sustinuisse. Certe post Julii Cæsaris cædem, solus iste fuit, cujus arbitrio consilioque amplissimus ordo sua proposita, studia, factiones, decreta dispensaret atque moderaretur. Hic in curia plusquam consul; in concione plusquam tribunus, utrobique ita regnabat, ut neuter ordo salvum se sine tanti auctoris auspicio existimaret. Atque hic imensa illa perturbatæ reip. difficultas in Antonium, id est, in facem sæculi & Furiam, omnem summi oratoris ac principis industriam, tanquam in scopulum, impegit. Jam reipublicæ vicerat Cicero, jam Antonius succubuerat:

cum

cum ex nec-opinato nova se tempestas, triumvirali conspiratione, veluti inauspicato sidere agitata, in remp. pariter & reip. vindicem concitavit. Oppressa armis urbe, ferales diversis locis proponuntur tabulae: clarissimorum virorum vita & bona exitio ac rapinae destinantur: atque in his Cicero cum necessariis & amicis ad necem conquiri jubetur. In Tusculano suo accipit nefariae proscriptionis nuntium: dubitat, an occurrere imminenti fato fortius sit, an spe aliqua patriam juvandi supervivere? Tandem luctata aliquantisper cum fugae consilio conatuque prudentia, patriae ruinis & tot illustrium virorum fortunae sociare ultimum decrevit spiritum. Regressum ferunt dixisse: *Moriar in patria saepe servata*. Si morientium voces aliquid praesagi in se aut divini habent, proisus digna est oratio, in quam Ciceronis vel eloquentia deficeret, vel prudentia se expediret. An vitam cuperet, qui dominante Antonio, vitam omnibus in dubio, mortem honestis pro solatio fore, & praeviderat semper & praedixerat? An, qui reip. & libertati sexaginta amplius annos vixerat, utriusque exitio interesse diutius sustineret, aut superesse? Interim festinant Antonii inquisitores, & Ciceronem non jam sponte, sed servorum pietate in fugam abreptum, assequuntur. Hic vero non alieno amplius arbitrio vivendum, sed suo sibi moriendum existimans Cicero, lecticam deponi jubet, cervicem ad ictum intrepide protendit. Horridior squalore, an venerabilior senecta facies fuerit, incertum est. Certe contexerunt oculos, ne viderent caedem, qui astiterant. solus percussor, infamis ad omnem posteritatem nebulo, Popilius Laenas non timuit ejus viri caput repetito aliquoties ictu praecidere potius quam amputare, cujus eloquentia è judicio capitali olim servatus erat. Quanquam majus est tuum scelus, Antoni: Tu vocem publicam abscidisti, tu servatorem patriae, decus saeculi, Senatus principem, nefario & quasi publico paricidio sustulisti. Tuam tibi infamiam nuntiant, qui per mare per terras Ciceronis caedem perferre accelerant. Sed (pro furor scelerum!) tu infamia & infamiae caussis jam gaude-

gaudere didicisti. Exultas ad conspectum nemini nisi pessimis invisi capitis, jubes illud inter ambas manus, itidem præcisas, postquam insanienti tuis & suis furiis uxori ludibrio fuit, toti civitati spectaculo esse. Næ spectaculum magnum & horribile, & quale Roma nunquam vidit! Concurrите, cives, concurrите; Cicero in rostris conspicitur; non illo quidem habitu, in quo dicentis facundiam, agentis decorem admirari consuevistis. Sed non minora, credite mihi, disceris à muto, quam audivistis à loquente. Subibunt in aurium vicem oculi, & effusa in spectaculi studium pectora, sic quoque suum agnoscunt Ciceronem. Hic est ille, cujus ingenium cum magnitudine imperii Romani paria fecit, cujus eloquentia forum, sapientia curiam, doctrina orbem universum illustravit pariter & erudit. hujus nemo vincet studia, nemo implebit opera, nemo æquabit gloriam. Cogitate optimatum dignitatem: quis gravius eam asseruit? cogitate populi libertatem: quis civilius eam defendit? cogitate facta reipublicæ: quis generosius ea temperavit? Numerate clientes: repetite beneficia: conferte merita. Obruet singulorum civium studia communis patriæ pietas: quæ, ut omnium salutem se uni debere testetur, nova appellatione PATREM suum appellabit; cujus ope Catilinas evasit, Antonios ejecit. atque hæc, dum sinebant fata; id est, dum reipublicæ & Ciceronis idem fatum adventaret: ut intelligatur, non potuisse à Triumviratu extinguere Ciceronem, nisi extincta fuisset Respublica. cujus reliquias non mitior manebit fortuna, donec commotus tam periculose imperii orbis vel corruat, vel in novam sedem statumque redeat. Hæc CICERO PROSCRIPTUS, de proscriptione & proscriptoribus, vel spectatoribus sui facti, arcano mutoque monitu suggestisse, vel lectoribus diserta confirmatione ubique & semper suggerere arbitrandus est.

## ANNOTATIO.

**A**D accuratius elaborandum hoc argumentum (nobis enim sufficit, qualiscunque invitamenti causa *ἐκκλησιαστικὰ* talia) profuerit legere non tantum *Plutarchi*, *Appiani*, *Dionis*, *Val. Maximi* expositionem historicam: sed praesertim etiam *M. Seneca Rhetoris Suasoriam de tragico Ciceronis exitu* ubi insignia fragmenta veterum tum in *prosa*, tum eruditum & grave *Cornelii Seueri carmen*. Sed & *Velleii* illud *καθ' ἑκαστὸν ἐπεὶ ἀνέστη*, quo scelus Antonii & laudem Ciceronis prosequitur (2, 66.) peculiaris ad hoc propositum commendationis est.

τὸ ἅθροισμα hujus scriptionis paulo distinctius alibi explicabitur.

*Ad Flor. lib. 4. cap. 7.*

*Allocutio imperatoria Cassii ad milites,*  
ante praelium Philippense.

**D**ico, orationes utrinque habitas, quales tempori & rebus & consiliis utriusque partis convenient, memorat. Nam id praesertim observandum est. Neque aliud voluit *Curtius* 3, 10. cum de *Alexandro* praelium commissuro, varia oratione, inquit, ut cujusque animis aptum erat, milites alloquebatur: *Macedonas*, gloria; *Thracas*, praeda stimulando; denique, diversimode animatos, diversis argumentis conciliando.

## EX PERSONA CASSII.

**A**dest, *Commilitones*, exoptata tot votis dies, qua liberatae decus patriae, cum immortalis ad posteros gloria reportabitur. Si omnia nobis iniquiora essent, quam hostibus, meliorem tamen secutos causam, ipse Deorum favor, redderet inexpugnabiles. Pro patria, qua nihil est sanctius

sanctius ; pro libertate, qua nihil carius ; pro imperii majestate, qua nihil est ad victoriam auspicius, arma sumimus. Illustria per se nomina, imo momenta militiæ, amplificant insuper tot religiones, tot divina humanaque pignora, quibus non nostra magis pietas obstringitur, quam successus involuitur. Majores nostri, viri fortes & strenui, & quod super omnia æstimari debet, Patriæ amantissimi, non reges tantum sed & ipsum regnum ex ea proscripterunt urbe, quam non decebat domi servire, cum ceteris esset foris imperatura. Prælagiebant quippe viri divini, terrarum orbis imperio, quod fata destinabant, non pares fore nisi liberæ gentis spiritus. itaque cum fundamenta vellent jacere æternæ magnitudinis, jurejurando & devotionibus se ac posteros obstrinxere, ne quisquam regno unquam faveret, aut libertati non faveret. quam propterea sacrosancto magistratu, comitiis, omnique jure & honore ita communiverunt, ut nemo posset eam tentare, nisi qui divini humanique juris discrimina polluere, patriam impugnare, suum vero caput eadem opera exitio cuperet offerre. Et inventi tamen sunt (tantus est ambitionis furor) quibus parva scelere potestas Deorum hominumque favore potior esset : qui arma pro libertate patriæ accepta, in remp. verterent ; perpetuas dictaturas invaderent, omnia denique agerent, quæ nemo nisi tyrannus facere, nemo nisi ignavus queat perpeti. Sed jacet equidem tyrannus, non tam nostra manu, quam una totius Senatus voluntate justissimo multatus supplicio, & jam redierat vobis, Commilitones, libertas, antiquique juris decus revixerat ; nisi similis amentia quorundam animos occupavisset, & in talia consilia egisset, quæ non possunt alium, quam cujus exemplum dii dedere, exitum nancisci. Atque utinam vel nunc, Triumvralis dominatus flagitiis satiati resipiscerent, & communia nobiscum pro patria arma sociarent ! sed ex quo semel inexpiabili flagitio occupatæ reip. caput alligavere, non sanari aut corrigi possunt, ut video, donec exemplum tale ipsi fiant alius, quale debuerat ipsis nostri temporis Tarquinius esse. Nam

quis dubitet de eventu, cujus documenta jam vidit? Quamquam haud pauca sunt, quæ præterea nobis non incertam patiamur spem victoriæ. Nam nec numero exercitus inferiores, & omni belli apparatu copiisque instructiores, & favore publico populorum gentiumque haud paullo florentiores sumus. Et quid de vestra virtute dicam, viri invicti? quantos illi stimulos dabit propria cujusque vel utilitas vel necessitas? Hostiles exercitus sola largitio ad gratificandum alienæ dominationi sanguinem invitat. Vestras mentes, præterquam quod multa jam vobis dedimus, plura etiam deinceps dabimus, generosum acerrimæ libertatis studium in victricem constantiam accendit. Quam ultro exeritis, & pulcherrima alacritate, non sine omine victoriæ, ostentatis. Virtutis iste clamor est, cum totiens hætenus ingeminatis; cur non pugnamus, imperator? cur hostis nos provocat? cur vallo potius quam manibus nostris salutem armati debemus? E quidem poteramus hostem nostrum mora & inopia, citra sanguinem debellare, locus pro nobis est, & rerum omnium abundantia. illos omnia adversa fatigant interim, & si potestis virtuti vestræ frenum imponere, mox absument, aut ad deditionem adigent. Quod si tamen generosius existis, quam ut sisti præclarissimus impetus possit, agite, ite fortes, ite strenui, ite felices. fortuna, quæ vobis tantos inspiravit animos, præstabit, quod tam luculento pignore potius quam omine promittit. Denique, quæ nos cumque fors manet, satis illustri ad omnem memoriam vel elogio vel epitaphio, LIBERTATIS VINDICES noscitabimur.

## ANNO TATIO.

**E**st inter præcepta militaria, & provisiones imperatorias ante prælium, ut milites oratione excitentur ad fortiter capeffendum pugnam. Unde Lipsius 5. polit. 16. quædam in exemplum hortamenta ponit. Et commune quidem assiduumque argumentum est *honestas & gloria mortis militaris.*



*aris*. quam commendatione fortitudinis, contemtu mortis, exemplisque speciosis solent illustrare. Tum *enumeratio commodorum*, quæ expectari possunt ex victoria. Adeoque *Bona spes*. quæ variis momentis provocanda est, atque huc pertinet *Facultatis*, quam vocant, *descriptio*, & comparatio virium, cum similibus. Aliquando *necessitas*, loco plurium argumentorum est. Quæ notissima sunt, & scholarum quoque præceptionibus trita. de quibus nunc agere non est animus.

Majus enim momentum est *in ipsa ad rem præsentem accommodatione*; quod supra prænotavimus. Atque hic ille prudentissime videbitur dicere, qui *animos militum, statum militiæ, momenta temporum, occasiones argumentorum*; ita observabit, ut quæcunque maxime opportuna videbuntur, arripiat; efficacibus ad vim argumenti immoretur, necessaria repetat, jucunda dispenset, gravia seligat, illustria ostendet, verisimilia excogitet: denique id agat, ut sui temporis negotiique genio per singula servisse videatur.

*De talium exhortationum* in eo consistit, ut partim populariter & veluti æquata ad commilitii societatem familiaritate; partim graviter & memori dignitatis imperatoris constantia, dux loquatur: præsertim autem fortitudinem, amorem militum. fiduciam, militarem peritiam, & quidquid est ejus generis ad caput & studia exercitus, præferat. Externis quoq; hic magna vis est: atque ut penetret oratio, vigor orantis efficit & alacritas, itemque auctoritas, quæ viro militari, ut acute Tacitus, pro facundia esset solet. Loquor nunc de auctoritate illa externa: vultus habitusque (nam sublimior illa altera & interior omnino hic quoque requiritur) ad cujus secretiorem vim pertinent illa *Curtii* 6, 2. Numquam infractos & abjectos recessisse Alexandri milites, quoties ipsius alacritatem & tanti animi spiritus haurire potuissent.

De cetero videntur plerique in orationibus ejusmodi & allocutionibus militaribus majorem cultum adhibuisse, quam τὸ πρῶτον personæ & negotii militaris postulat: quippe ubi fortiores simplicioresque sententiæ dominari debent. Neque sane de nobis pollicemur, quod magis ex-

presserimus genium militiæ in Cassio : quippe quibus nec curæ fuit hac vice, ab exemplo ceterorum discedere; suffecitque festinantibus, potissima argumenta designare, & ad prælii instantis tempora accommodare. Eadem argumenta alias fufius tractata, & nondum tam propinquo discrimine, vide apud *Appianum* 4. ἐμφυλ. qui Cassium universim suæ causæ longa oratione patrocinantem introducit.

*Ad Flor. lib. 4. cap. 8.*

**ORATIO EX PERSONA MÆCENATIS AD OCTAVIUM CÆSAREM, belli Siculi victorem.**

**A**Rgumentum mixti generis est, ex consuetudine & indole negotii. Solent enim, exempli gratia, *Interiores aulici & amici* post victoriam à Principe partam, partim fortunam gratulari, partim de usu victoria rebusque ordinandis consilii sui copiam facere. Concurrunt ergo τὰ ἐνσημιακά, τὰ ἰγκωμιαστικά, τὰ συμβουλευτικά, applausus, encomia, consilia.

Applausus ad fidem & affectus sinceritatem declarandam accommodatur : encomia è rerum ipsarum interioribus momentis ita adornantur, ut gravitati quam adulationi viciniora sint : consilia vel insinuantur ex occasione, vel recta via, tanquam ex officio & amicitia expromuntur. Si enim ullum tempus est, quo Consiliator τὸ προνοητικὸν si-ve providentiam futuri, cum auctoritate & gratia & arte potest adhibere ; utique ex talibus eventibus propria & fertilis est occasio.

Personam *Macenatis* quod attinet, notum est jam tum intima cum Augusti gratia amicitiaque floruisse, consiliaque dominationis præcipua partim callide suggestisse, partim industrie promovisse.

Dictio qualis ad demonstratum ἱδρ. conveniat, ultro intelligi, & ex iis, quæ alibi dicta sunt, repeti potest. Quod si enim

si enim quis existimat, Mæcenati molliorem & delicatorem stilum convenire (qua de re est apud Sueton. Aug. 86. & Senecam epist. 114.) illum satis erudire ratio negotii & temporis poterit, ne in ejusmodi consiliis colloquiisque Mæcenatem tali sermonis luxuria usum credat, qualem in pangendis carminibus & otiosis meditationibus amare alias solebat.

## O R A T I O I P S A.

**A**ccedimus tandem ad portum, Octaviane Cæsar, fortunæ tuæ rebusque Romanis per ipsas tot tempestates destinatum pariter atque demonstratum. Profligavisti molem, ancipitis æternique futuram operis, si ab alio fuisset profliganda. Afflicta est Pompeii domus; & tanquam alter Neptunus, freto simul regnoque suo ejectus Sextus, reliquias paterni fati nequidquam infestis diis hominibusque sustentare conabitur. Quantum pro te Fortuna pugnaverit, vix humana cogitatione comprehendi potest. Illa non victoriam modo tibi illustrem sed desperationem hosti tam stupidam reliquit, ut reparandi belli unicam spem & certa præsidia, ex sua memoria & quasi ad victorem ultro dimitteret. Maeste tanto Numinum favore, Cæsar! quæ per ipsa hujus belli pericula ostenderunt tibi, quam esses cælo carus, quam cælestibus operibus absolvendis, tanquam uno fatorum suffragio designatus. Age Imperator fortissime, viva herois Julii & spirans imago, sequere tua auspicia, fortunæque clavum gubernantis benignitatem velis remisque adjuva. Nobis, sicut successus tui ingenti sunt lætitiæ, ita nihil optatius possit accidere, quam si nostra qualicunque opera, veluti remigam manu nautæ solent, omnes articulos temporis negotiorumque occupes, prorsumque tibi persuadeas, nihil arduum aut molestum fore iis, qui totos tibi tuæque fortunæ semet consecrarunt. Equidem jam te credo, Cæsar, non tam gaudio victoriæ, quam consiliis ordinandæ  
compo-

componendæque pacis, mentem occupare. Frustra enim vicimus, nisi victoriæ fructum non minus prolixè quam caute ratiocinamur. Supra omnia autem, pulcerrimorum consiliorum occasio nunc est occupanda, ut bellorum, quæ hætenus toleravit respublica, invidiam victoriæ hujus gratia aboleat, & ostensa futuræ pacis spes, favorem publicum nostræ causæ conciliet. Quanquam enim satis pridem mente provides, quid certaminis tibi patriam in tuto collocare cupienti supersit, maximopere tamen è re & tempore tuo fuerit, si, dissimulatis omnibus illis altioribus curis, pacem in curia, pacem in concione, sedulo, & cum gratulatione omnibus ostentes; atque nunc libertatem, nunc tranquillitatem Reip. rediisse, publice profitearis: idque populo Romano illustrissimum munus veluti de manu in manum largiri videaris. Quippe hoc est illud tempus, quo vel maxime reipublicæ pristinae amor & studium præferri debet: neque accuratiore unquam dissimulatione opus habent consilia summi imperii, quam cum res ipsa pæne in manibus est. Itaque ab exordio repete, quæ reip. causa, inde ab interitu D. Julii, gesseris: consulatum recense, Triumviratus rationem redde; nihil aliud te vel suscepisse, vel collegis indulgisse, quam quod restituendæ in antiquum decus reipublicæ ratio & necessitas imperasset, testare. Nunc gaudere te, & toto pectore exultare, quod deponi tandem possit, nemini magis quam tibi onerosa hætenus potestas: scripturum te Antonio, ut statim abdicato Triumviratu, uterque cum in republica pacata locum obtineatis, quem civiles vobis leges & populi favor tribuerit. Quantum, obsecro, in animis turbarum assiduitatem pertæsis gaudium excitabis? qui te clamores, qui plausus in cælum tollent? Qui favor ne deflagrare cito possit, præsentis pignore animi futuris usibus firmandi sunt. Dicam, quam opportune id possit fieri. Nosti tributa ob belli necessitates hætenus indicta quosdam ægre contulisse, multos adhuc debere. Fac tibi alio nomine debitores: qui pro pauculis nummis, quos & debere, molestum omnibus, & solvere, multis impossibile esset, æternam

nam tibi benevolentiam debere incipiant. Aufer debiti, tributique nomen : subleva pauperes, redditus publicanis, mercedes conductoribus : denique da operam, ne quicquam bellici oneris in pace superesse existimeretur. Hæc atque talia non verbis modo ornanda, sed scripto publicanda censeo : ut in omnium manibus quasi versari videatur occasio, beneficia tua contemplandi pariter atque interpretandi. Subnascentur interim quotidie nova fidei pignora, & publicæ spei, quæ suppeditabis, argumenta, ex correctione licentiæ, quam in provincias ipsamque urbem bella invexerunt. Talibus operibus occupatum nemo non amabit ac venerabitur. Atque ita non timebis collegas dicam an æmulos illos tuos : quorum alterum impotentis jurgii impetu se suaque præcipitantem, vel nomine debellabis, si quid generosius tibi in ipsum moliri libuerit. Antonius autem, quam multa pridem facit, quibus famam opesque absumit ? Sed illa quidem recte habebunt, ut primum tuæ fortunæ ultimam nianum libuerit cœptis imponere. Interim omnem victoriæ pompam in pacis ostentatione : pacis apparatus, in belli, quod superesse ominamur, viribus expediendis exerce. Ita sentio, & loquor cum felici omine & voto : cujus fiduciam vel sola, quam tibi gratulamur, Octaviane, victoria præstabit.

## ANNOTATIO.

**F**ECISSE talia Cæsarem, qualia hic suggerit Mæcenas, *Appianus* præsertim annotavit. Ingenio autem & consilio Mæcenatis ista non inconvenienter tribui, facile intelliget qui historiam Augusti percallet.

Pertinent huc exempli gratia *orationes Sallustii ad Cæsarem Julium de rep. ordinanda*. itemque *Mæcenatis illa ad Augustum post victoriam Actiacam de eodem argumento*, apud *Dionem* 52. quanquam istæ ampliorem sibi tractationem proposuerit, & ad omnes reipub. partes porrectam.

*Loci generales in ejusmodi materie, de componendis post victoriam rebus, sunt : utendum esse victoria ; omnem bel-*

H h h

li si-

*li finem & victoria laudem in bona pacis dispositione contineri ; in bello fortitudine ; at post victoriam moderatione opus esse ; ad tranquillitatem & firmitatem imperii omnia dirigenda.*

*Hypotheses, quibus tanquam spiritu animantur consilia, coloremque suum ac formam nanciscuntur , è proposito victoris, statu reipublica, tempore, similibusque rebus ducuntur.*

*Ad Flor. lib. 4. cap. 10.*

**FORMABIMUS LITERAS ANTONII AD PHRAATEN PARTHORUM regem, & hujus ad illum.**

**C**UM Antonius in hoc bello Parthico validissimam urbem Phraata sive Praaspa, frustra quidem, oppugnaret, Phraates Rex aliquod ex ipsa belli mora incommodum suis rebus metuens, submissis clam palam, qui ad pacem Antonianos sollicitarent, Antonium perpulit, ut per legatum de pace constitueret agere. Percontatus enim blandos illos insidiosae pacis conciliatores, an ex regis sui sententia talia jactarent, postquam magnas & bonas spes asseverantius confirmari animadvertit, ex amicis misit aliquem, qui à Partho, *signa Romanis adempta captivosque reperceret*, ne contentus fuga & salute videretur. Parthus in superbiam compositus, non id esse tempus talia postulandi, respondit : *pacem se ac salutem daturum, si statim & evestigio obsidionem solveret, suiue regni finibus excederet.* Hac imagine pacis deceptum Antonium, paulo post multis magnisque incommodis multavit. Videndi Plutarchus & Appianus.

Possunt itaque utriusque nomine epistolae formari: quarum Antoniana quidem gravitatem Romanam & imperatoriam constantiam praeferat : Parthorum vero Regis, characterem regia pariter ac orientalis superbia exprimat. Unive: sim inter notas ingenii regii (quale scilicet apud plerosque reges reperitur) superbia quaedam & elatio ponitur : sed praesertim Persarum Parthorumque insignis semper fastus fuit. Videre



Videre licet hujus observationis gratia *epistolam Davii* apud *Curtium* 4, 1. & legationem Artaxerxis Persæ apud *Herodianum* 6, 4.

## EPISTOLA ANTONII ad Phraatem.

M. ANTONIUS IMPERATOR,  
PHRAATI PARTHORUM REGI.

**R**Omani bella nunquam haftenus vel cupiditate prava vel pertinacibus odiis gesserunt : sed generosa quadam propositi constantia, nemini suam quietem invidentes, dum nec provocant aliorum arma, nec timent, laceissentibus ultro caussis, toti jam fecerunt orbi testatum ; fortibus viris nec moderationem suæ virtutis, nec successum uspiam abesse. Itaque divino factum est favore, ut quos socios maluisset vis Romana & amicos habere, nunc subiectos sibi, nec minus tamen comiter & benigne, tueatur. Vobiscum nulla nos acerbior inimicitia commisit : sed magnitudini nostræ obtreçantibus nihil aliud quam obviam ivimus. Vestrum nunc erit deliberare, an post mutua virium armorumque experimenta, socios an hostes velitis Romanos. quod nobis quidem perinde erit : quibus nec fortuna deest, qua profligemus, nec virtus, qua toleremus ardua. Si, quod Tui desiderant, certe jactitant haftenus, pacem bello anteponis : non habebis nos difficiles in reconcilianda gratia ; generosis facile inter se convenit. Redde nobis signa, quæ Crasso olim ademistis ; redde captivos Romanos : neque amplius tibi molesti erimus. Quippe gloria jam dudum pleni majestatem nostram justitia quam armorum assiduitate tueri præoptamus. Si prætermittis hoc tempus, quo utraque pars sibi adhuc confidit, etiam atque etiam vide, ne Martis incerti vices, aliam tibi, quam quæ reges decere videtur, pacem concilient.

# RESPONSIO PHRAATIS *Parthorum Regis.*

REX REGUM PHRAATES  
M. ANTONIO.

**U**Tinam, Marce Antoni, vel prudentius arma tractares, vel pacem peteres modestius. Vim Romanam, & virtutem, & fortunam, magnifica ostentationis serie nobis occentas; ac inter hæc tamen, signa apud nos Romana captivosque memoras: id est, dum pro victore te geris, clades vestras ultro confiteris. An verba terrebunt Parthos, quibus tot legiones, cum ipso duce procubuerunt? Si quid post illa damni nobis non quidem virtus vestra, sed casus dedit: ecce viros, ecce arma, quibus possitis doceri propediem, integras Parthorum vires esse, & adversus dominatum Romanorum satis expeditas. Te quidem, sine nostro ferro, jam infastæ obsidionis conatus exhaustit: quid futurum deinceps sit, tali potes exordio discere. Quare in tempore tibi utique consulis, quod pacem petis: sed apud nostras aures parum tempestive se jactitat, superba desperatio. Neque pacem vendimus Parthi; quam vel victoria parare, vel beneficio indulgere didicimus. Atque, licet nihil à nobis te oportebat impetrare, quippe qui parum te memorem majestatis regiae gesseris, magnitudini tamen nostræ & satietati gloriæ tribues, quod non una voce spem pacis omnem præcido. Age ergo capeffe quam primum saniora consilia, excede alieni regni finibus: ommitte ea postulare, quæ nemo à nobis nisi victor auferet. Satis magnum solutæ obsidionis pretium reportas, si recedenti incolumitatem donamus & salutem.

## ALITER ET BREVIUS.

**N**Ecessariam rebus tuis pacem, si beneficii nomine à me petivisses, deliberandum tamen erat, utrum vindictæ  
occa-



occasionem persequi, an veniam iis dare, qui injusto nos pridem bello lacerant, satius foret. Signa reposcere Romana, quæ cum illustri de vobis victoria, tanquam perenne monumentum bonæ causæ in manus nostras fortuna tradidit, non est ejus, qui cladem imminentem differre quærit aut declinare, sed victoris. Aufer, si sapis, speciosa & inania verba apud eos, in quorum manu tua salus est, cui si consultum cupis, una patet via, quam tibi ab irrita obsidione recedenti occlusus, nullo tuo merito, sed regia quadam magnanimitate, tutam ostendimus atque pollicemur.

## ANNOTATIO.

**E**pistolis qualis stilus conveniat, præter Rhetores, etiam *Isidorus Pelusiota*, integra epistola tradidit. Omnes autem volunt *ἁπλοῦς καὶ καθαῖρος* simplicem, apertum, candidum, ad sermonis quotidiani formam propius accedentem. Sed accipiendum id est, cum exceptione epistolarum publicarum civiliumque: quali appellatione eas noto, quæ à Principibus, aut publicarum rerum tractatoribus, de gravibus publicisque negotiis invicem missitantur. nam his *λέξις πολιτικὴ* convenit, non *ιδιωτικὴ*.

Scilicet in omni oratione regia aut principali, quidam gravitatis decoræ genius insidere debet. Quo fit, ut orationes politica, quas vocant, non differant à stilo epistolarum ejuscemodi politicarum: quod vel ex Tiberii epistolis orationibusque apud Tacitum, inter se invicem comparatis, intelligi potest, nam & cetera apud alios Auctores exempla idem docebunt.

Itaque ex Historicis potissimum, talium epistolarum specimina petenda sunt.

Observatur autem utraque ratio, quam proposuimus; pressioris & expressioris stili. In brevi illa gravitate cumprimis eminent Epistola Bruti per Mithridatem collecta, & à Jacobo Cujacio inter epistolas Græcicas mutuas edita.

*Ad Flori lib. 4. cap. II.**Διάλεξις ἠθικῆς.**DE NOXIIS PRINCIPUM AMO-  
RIBUS.*

**O**ccasionem hujus exercitationis suppeditavit nobis *Libanius*: qui exercitationibus suis etiam subtexit *Διαλέξεις ἠθικὰς dissertationes morales*. in quibus scilicet locus aliquis *ἠθικὸς* pertractatur, libera sententiarum, amplificationum, exemplorum dispositione.

Altera occasio ex insanis & intempestivis Antonii in Cleopatram amoribus desumpta, semina ejus exempli in totam dissertationem sparget.

## ORATIO IPSA:

**N**on simplex mortales error in nocituras rapit voluptates; præsertim in eminentiore fortuna: ubi licentiæ blandimenta, & peccandi instrumenta suppetunt uberius, ac insidiosius subrepunt. Hic aut ira dominatur, aut avaritia machinatur, aut ambitio molitur; aut amor tota vi triumphat. Ita nimirum videtur miseris amantibus; omnia læta, festiva, triumphalia apparent: donec denique in luctum exeuntes deliciæ, nihil præter detestationem gaudii, & exitii incubantis morsus, suis sectatoribus relinquunt. Non jam examinabimus privatorum affectus; qui non minus inconsulte interdum, sed magis inconspecte tamen in mala sua properant. Principum animos eo periculosius inficit hæc labes, quia, quidquid privatim delirant, non nisi publicis cladibus expiari potest. Ejus rei rationes si quis inire cupiat, multas magnasque inveniet. Quippe cum eminentioris fortunæ præcipua vis & administratio in magnitudine animi, & virilium gravitate curarum posita sit, nullus æque affectus in diversa & contraria trahit animos, quam qui muliebribus studiis vel assen-

assentiri vel obtemperare decrevit. Quid enim ingenuum, grave, cordatum ab eo expectes, qui ut feminae serviret, virilem industriam exuit? qui otium negotiis ita cogitur præponere, ut nec liber ab otio, nec occupatus à negotio esse queat? corrumpit intentionem consilii, ignavus inter præcordia affectus: neque expediri actionum celeritas potest, ubi moderator actionum animus, otiosarum lentitudine curarum attinetur. Præsertim cum propria amoris noxa sit, quod intinis se fibris insinuat, & in penetralibus humanæ mentis imperiosa vi adhærescens, dispensare voluntates, moderari consilii, intercedere conatibus affectat; rationi, veluti in pugna oppositus, obluatur, atque cum prævaluit, dominatur. Hinc est illa amantium vecordia & amentia; quam non sine causa objecit olim Antonio Octavius Cæsar. Si enim nullus virorum Principum rei tam turpis & ad extremum infelicitis exemplum dare potest, certe Antonius potest. Vir erat inter obsequia fortunæ ad summa e-  
vestus; & jam Romani amplitudinem imperii spe votoque, licet improbo, destinaverat. Dum in medio talium consiliorum instructu motuque est, dum exercitus optimos, socios fidissimos ad rem aggrediendam in procinctu habet; ecce tibi, velut immissum repente ex transverso torporem; quo ad Ægyptiæ mulierculæ conspectum ita percellitur Antonius, ut fascinatus & attonitus, belli & spei suæ oblitus, nihil quam Cleopatram cogitaret, loqueretur, somniaret. Jam transformatus erat ex Romano in Ægyptium, habitu, cultu, moribus: sed non substitit in eo Circei vis incantamenti. Majora restant transmutationis portenta. Mox enim ex prudente in imperitum, ex strenuo imperatore in fugacissimum militem vertitur Antonius. Cleopatæ nutu prælium committit; Cleopatæ ductu fugam adornat; Cleopatæ arbitrio exitium sibi consciscit. Hic exitus denique a no em insanum secutus, satis claro potest omnes exemplo docere, quantopere viris principibus, & ad armorum aut reip. tractationem natis vitandæ sint muliebres illecebræ: quibus teri tempora, interverti occasiones, effeminati animos, corrumpi fortunam necesse

cesse est. Equidem audias vulgo jactari Herculis exempla, aliorumque ingentium virorum; qui non minus perite & strenue gladium tractarunt, cum venirent è complexu amasiæ; esseque hoc militaribus ingeniis proprium, amoribus mulierum operam dare. Verum, quam fallaciter ista dicantur, in promptu fuerit intelligere, si quis meminerit, Herculem utique propter illi citos feminarum & præsertim Ioles amorem, in exitium istud incidisse, quod uxoris Deianiræ Zelotypia denique procuravit. Quid de Alexandro Macedone dicamus? Nonne, ut primum à continentia degeneravit, ex Magno minor factus, virtutes ceteras intempestivis amoribus corrumpit, fortunam vero suam perdidit? His consentient, quæcunque ex historia investigaveris, documenta: adeo quidem, ut aulim dicere, *nulli heroum Principumque unquam impune fuisse, intempestivos aut illicitos amores.* Nimirum fortuna mares animos & generosa quærit pectora: nec ullam rem magis averfatur, quam instrumenta luxuriæ ac molliæ. à quibus qui non abstinuerit, is prospera sibi suisque fata nunquam poterit polliceri, cum præsertim etiam auctoritas minuat ejusmodi vitiis apud cives; neque quisquam venerabilem credat principem, qui contemptibiles quærit delicias, aut infra illam gravitatem se suaque studia abjicit, quæ sola Principatus & regna decet ac servat. Ergo remota majestate imperii, i. e. incisis rerum gerendarum nervis, quid sequatur amplius, nihil attinet dicere: loquitur omnis ætas, omnis historia; adversus quam nec obloqui, nec excipere, Prudentibus fas est.

### ANNOTATIO.

**I**Nstrui possunt ejusmodi dissertationes præsertim ex *Ciceronis scriptis Philosophicis*, itemque, *Plutarcho*, *Seneca*: quibus subinde mos est, in liberiores de virtutibus & vitiis dissertationes excurrere. *Joannis quoque Sarisburiensis Politicus* eodem spectat. E recentioribus, *Petrarcha* studium & *Antonii Guevara* tali instituto censeretur. Neque sane omit-

omittenda est plane hæc philosophandi forma, quæ comuni vitæ & convictioni plurimum non jucunditatis modo, sed adjumenti adferre potest.

Unde etiam licebit familiari simplicitate, & ad obviam intellectionem accommodata, argumenta morum decurrere; sicut exemplo quorundam quos nominavimus, observari potest.

Abusus non levis cernitur in volubilitate illa differendi talia, quam plerique ad ostentationem sapientiæ referentes, solidiore profectu insuper habito, sola ejuscemodi specie censeri cupiunt. Sed non fuerit difficile peritis judicare, quid distent æra lupinis.

## XII.

## THRASYBULUS PACIFICATOR.

*sive Dissertatio*

## DE AMNESTIA.

*Scripta  
an. 1642.*

Cornel. Nep. in Thrasyb. 3, 2.

*Praclarum hoc quoque Thrasybuli, quod reconciliata pace, cum plurimum in civitate posset, legem tulit: ne quis ante ætarum rerum accusaretur neve multaretur: eamque illi LEGEM OBLIVIONIS appellarunt.*

## CAP. I.

*De Origine, invento, auctore Am-  
stias. Expositio Historica.*

**A**Thenarum urbem, veluti sidus & ornamentum Græciæ, tum omnis humani inventi elegantia, tum præcipue

cipue litterarum & armorum studium longe supra ceterarum civitatum populos celebravit.

Adfuit enim industriæ fortuna : & quorum privatim, pro suo statu, opera ; inter socios, pro re communi, auxilia ; semper eminere consueverant : eorum opes, ad quendam Græciæ principatum, denique feliciter sunt enisæ.

Sed nimis lubrice statur in summo : neque potior ad infelicitatem caussa ducit, quam præcipua felicitas. Præter enim humani moris animique ad ferendas res secundas imbelliam, nunquam paratur magna potentia, quin eadem opera fragilitatis & casus semina ipsis incrementis misceantur : dum necesse est multos offendi, per quorum diminutionem, aut metum, aut certe invidiam, crescenti surgendum est.

Hinc æmulatio & superandi contentio : malum per se inquietum minaxque ; & pro dominatione, ut omnes affectus, flagrantius. Hæc excivit Lacedæmoniorum acres animos : quibus indignum videbatur, antestare quemquam fortuna, quos nemo ferocia & spiritu præmineret.

Ergo inter duas civitates alternari primo, mox ex æquo suspendi, Græciæ robur & fata sunt cœpta : ab his opes & studia reliquarum gentium Græcarum pendebant. Neque latuit prudentes, magnum aliquid deliberare Fortunam : sicut cum duo ferocia animalia, statu ad pugnam ex adverso composito, mutua sed minaci quiete expectationem spectantium advertunt, quantas & quam diu collectura iras sit feritas : quæ ubi semel postea se effuderit, non bellum modo inter depugnantes exardescit, sed vicinis quoque & obviis certa strages venit.

Cernitur etiam secretior fati hac in re cura. Semper enim Deus magno populo aut principi, parem excitare solet ac velut opponere : ne licentia, quæ virium comes est, evagetur insolentius, sed mutuo metu contineatur. Sic tum Atheniensium ferociam, tanquam obex Spartanæ potentiae temperabat coerceratque.

Licet

Licet autem observare, in hoc ipso statu, ingenium humanæ ambitionis: quam ipsa æqualitatis fiducia in spem inæqualitatis & eminentiæ paulatim exacuit. Remoto igitur externi hostis metu, quem toriens Græci in Persiam suam relegaverant, ducibus facti Atheniensibus & Spartanis: ipsi inter se victores committi cœpere, orto à Lacedæmoniis initio, qui rupto veluti aggere rationis & modestiæ, alienam gloriam, suum dedecus interpretantes, multumque maritimo Atheniensium principatui invidentes, explere cupiditatem suam ferro & vi, cum jure non possent, destinaverant.

Atque ita duo potentissimi Græciæ populi, institutis Solonis, & Lycurgi legibus, pares, ex emulatione virium in bellum ruebant. Justin. 3, 2, 4. implicita & in partes tracta universa Græcia: cujus civitatibus nihil jam periculosius quiete; nihil bello tutius videbatur. Quippe in potentium conflictu, frustra invalidi ac in medio positi quiescunt; & qui alterutrius partis pericula detrectant, damnis utriusque involuuntur. Nisi si quos locus & fatum, obterenti cuncta civilium bellorum rotæ eripit.

Externas quoque vires, ut fit, commoverat magnitudo consilii Græciæ fatalis. Persarum, Italogum, Siculorum auxiliis se Spartani succinxerant: Athenienses Thraciam & maritima Asiæ exciverant, propriis viribus haud paulo amplius confisi.

Dicta quidem & palam agitata sermonibus multo alia, sed certatum utrinque de dominatione est, sicut modo innuimus: nec Thucydides tacuit, Atheniensis potentiæ metum, Spartanis has furias immisisse; per quos concitatum est bellum illud, quod Peloponnensiacum appellatum, πόλεμον ἀξιολογώτατον τῶν προγεγενημένων, iis quæ ante gesta sunt memorabilibus bellum. idem Historicus; Siculus autem Diodorus μακρότατον τῶν ἰσογεγενημένων ἔσται, eorum quæ historici celebrata novimus diuturnissimum vocat. Viginti enim & septem, ut Diodorus & Thucyd. putant; ut Xenophon, XXVIII, annis defævit, è quibus XII. complexus est Thucydides libris VIII, vel ut alii dispartivere, IX,

lib. 1. pr.

lib. 12]

Castigaverat autem Spartanorum audaciam Fortūna ab initio, eosque ad federis pangendi necessitatem redegerat. Sed, ut sciretur publice, cuncta ipsis ambitione & potentiæ cupidine viliora esse, rupto turpissime tricennali federe, latam bello, quod dixi, portam aperuere. Quod varia eventuum ratione ac consiliorum, modo strenue administratum, modo defecit alicubi, aut divertit: donec, post interpositam tam diuturnam moram, semel ingruit fatalis terminus, alterumque ex oculis Græciæ obscuravit.

3. 10.

cap. 2.

Dignum est, quod in omnium animis versetur & oculis exemplum. Tantam Athenarum potentiam, & pares tam diuturno bello opes, non prælium aut virtus hostium, sed casus inopinatus uno, ut sic dicam, momento subvertit. Lyfander reportavit famam ejus felicitatis. *Quis neget eximiam quoque gloriam sapius fortune quam virtutis esse beneficium?* inquit Curtius. Non enim virtute exercitus Lyfandri, sed immodestia factum est adversariorum: qui quod dicto audientes imperatoribus suis non erant, dispersati in agris, relictis navibus, in hostium venerunt potestatem, quo facto Athenienses se Lacedæmoniis dediderunt, quod rotunde & breviter Nepos narrat in Lyfandro.

Fractis enim apud Ægospotamos Atheniensium rebus, mox arcem & caput belli Athenas arctissima obsidio urget. Hanc deditio excipit, nemo quærat, quibus conditionibus aut legibus? Victis & in extremas angustias reductis, nullam nisi sub servitutis pactione, pacem concedit, quicumque dominationis causa bellavit.

Jubebantur longa Pyræei brachia murosque destruere: naves quas haberent tradere: triginta viris remp. permittere, alio quam solebat, gubernationis statu administrandam. Priora duo, quid spectabant aliud, quam ut abscissis artubus corpus everteretur ipsum? reip. ademptio, spiritus interclusionem & animæ quodammodo notat.

Arrian. 1.  
p. 18.

Solenne erat Lacedæmoniis & inter dominationis arcana usurpatum, dissolvere popularem civitatum statum, & ali-



& alibi Decarchias, alibi Triacontarchias, instituire. Non ut civitatibus hi magistratus legitime cum imperio praeessent: sed ut oppida retinere possent. ἢ ὅπως νομίμως ἄρχωσιν, ἀλλ' ὅπως δυνάμει βίᾳ κατέχουσιν τὰς πόλεις: quod recte iis objicit Autocles apud Xenophontem. Nam qui in ceteros dominatum quaerunt, illorum instituto tyrannicae formae imperii, quam respublicae, potius conducunt. Vide, quomodo cetera quoque Spartanorum facinora ibi Vir prudens coarguat, veramque & unicam hypothesein eorum, sive rationem status detegat: *Jus regnandi causis violandum iniusteque omnia cupienda, quibus potentia quaratur & in alios imperium.*

lib. 6. hist.  
Graec.

Diodorus auctor est, inter ipsos Athenienses fuisse, qui Oligarchiam optarent, eosque Lyfandrum permovisse, ut Triginta viros juberet à populo deligi, quibus summa rerum permetteretur. Sed hi haud dubie prodicionem magis patriae quam salutem spectabant: aut certe potestati imminentes ipsi, Spartanorum consiliis supparasitabantur.

Periculosa est omnis reip. mutatio; nunquam autem periculosior, quam tempore & rebus turbatis. ubi & aliena dominatio ingruit, & privatim sibi quisque tendit. Publica enim facies, veluti vulneribus confusa, à plerisque tum non agnoscitur: prudentes, qui ad eam animum & consilia flectunt, praestrepitu armorum non exaudiuntur. Sicut tum Therameni accidit: qui frustra libertatis patriae instituta revocabat, frustra Lacedaemoniorum pacta & promissa invocabat, Lyfandro calumnias & minas opponente.

Quamvis vero, ut nec injustissimus quisque tyrannorum, famam boni regiminis, inter initia affectare omitit, quaedam à triginta viris praecclare constituebantur, tamen nimis cito erupit in omne injuriarum genus male dissimulata saevitia. Cui ante omnia robur & securitas comparanda erat. Tyrannidi enim omne in armis praesidium. Quamobrem tria millia satellitum statuunt, quantum ex tot claudibus prope nec civium superfuerat: & quasi parvus hic ad conti-

5. 8.

nendam civitatem exercitus esset, septingentos milites à victoribus accipiunt. sicut Justinus habet. adi omnino paulo aliter ista memorantem Xenoph. hist. Græc. l. 2.

Hoc terrore armati, strenue tendunt in destinata, quorum caput erat, tollere è medio, quicumque tyrannidi inimici, aut populari statui essent amici. Tales porro existimabantur, qui gratia, virtute, opibus eminerent. Διὸ καὶ τὴν προαίρεσιν ποιεῦνται τῶν ὀπλων. κακῇσι τὸν ὄχλον, καὶ ἐκ τῆ ἁσέως ἀπὸ λάνυεσι καὶ διοικίζουσι. Quibus enim potius verbis dicam, quam quæ Aristoteles usurpavit (5. polit. 10.) cum oligarchiæ mala recensuit & cum unius tyrannide comparavit. Adimi civibus arma curant: vexant multitudinem, urbe pellunt ac relegant. Hæc quotidie tum fiebant: imbuebaturque subinde ad maiorem licentiam tyrannorum animus, quæ mox secuta est.

Nam obstabat ab initio furentibus, Theramenes, eximius patriæ libertatis jurisque fautor, & per has virtutes ceterorum odia meritus. Adversus hunc conspirant XXIX collegæ, cogunt senatum, accusant Theramenem, quasi sollicitaret statum præsentem, ac res novas moliretur; denique ut damnetur postulant. Plane, sicut in fabulis lupo concordiam cum ovibus, si canes removeant, paciscitur. Postquam ergo non impetrant SCtum, ad vim & arma conversi, clarissimi viri exitio securitati suæ confidunt, imo licentiæ execrabili, qua civitatem deinceps, omni pudore & metu remota, funestare.

Opulenti ante omnes, confictis varie criminibus, veluti strage oppressi: inter quos Nicerati claritudo virtusque totius civitatis lacrymas expressit. Verborum quoque, pro patria & publico, libertas Autolyco exitium maturavit. Ut nulla jam spes diviti, egregio, ingenuo, cuiquam, nisi in exilio superesset. quod ultro amplexi plerique, Athenis plus dimidia civium parte depletis, Argos Thebasque agminatim impleverant.

Nam his duabus civitatibus, eo tempore solis adversus ingruentem Spartanorum dominatum satis constantiæ supererat ac consilii, Ceteras exterruerat, miserorumque auxilio

auxilio alienaverat immitissimum à Lacedæmone decretum, quo comprehendi libere exules Attici reduciq; ad tyrannos jubebantur. Tanta erat tamque ominose crudelis Spartana ambitio : ut ruinis cognatæ urbis ultro lætarentur.

Inter exules, Thebis agebat Thrasybulus : hunc fortuna afflictæ urbis, in ultionem affligentium inusitato animi robore excitavit. Igitur & paucis & statim, triginta tyrannorum opes labefactavit : occupata primum Phyle, mox Munychia. apud quam cum tyrannorum principes cecidissent, victos ad communem libertatem concordiamque vocans Thrasybulus effecit, ut in urbem reversi, tyrannos, magistratu abrogato, Eleusinen demigrare juberent, decemvirosque rebus pacandis restituendæque paci constituerent.

Hi eandem dominationis viam & flagitia ingressi, non pariebantur tam præsentis remedio, res intricatas explicari. Igitur Thrasybuli copiæ, quas non parum interim æquitas causæ & successus auxerant, in Piræeo ; ceteri in urbe, Spartanorum auxiliis, quæ Lyfander recentia adduxerat, freti, velut è binis castris dissidebant bellabantque.

Donec Pausanias, Lyfandro occultæ factionis stimulis discors, & tum, ex occasione, ejus ferociam mirioris prudentiæ exemplo suggillandam ratus, pacis faciendæ auctor extitit : decem tyrannis ejectis redditaque Atheniensibus republica. Quos & Thrasybulus oratione monitifque ad capeffendum meliorem statum animavit.

Suberant tamen adhuc irarum semina ; multique tyrannos in exilium secuti, non defuere denuo bellum inceperantibus. Quod ut citra civicum sanguinem staret, adversus omnis divini humanique juris temeratores, insidiæ placuerunt. Evocati enim ad colloquium tyranni, *ut pacis victima*, quod Justinus recte judicat, trucidantur : ceteris per amicos & necessarios ad reditum & pacem invitatis.

Ceterum concussa tot tumultibus civitas, atque irritata utrinque tot adactis alte vulneribus pectora, turbataeque studiis partium & temporis consternatione voluntates, non videbantur facile in unum corpus & robur coalescere posse. Neque vinculum vulgare suffecturum erat, quippe, quæ male obligantur vulnera, subita rescissione geminant periculum. Ergo excogitatum est nobile, firmum, generosum, civile, solenne remedium: *abolitione omnium ante actorum legis auctoritate sancita, iurijurandi religione confirmata.*

4. 1.

Inventi tam præclari gloriam alii *Atheniensibus*, nullius auctoris expresso nomine deferunt: alii *Thrasymbuli* meritissimum caput hac laurea decorant. Faciunt hoc, *Valer. Max. Pausanias in Atticis, Corn. Nep. Thrasymbulo.* quem locum in limine hujus dissertationis præscripsimus. De cetero, *Atheniensium* vetus exemplum à Cicerone Phil. 1, 1. (adde Dion. 44. in orat. Cic. & Plut. Cic.) à Velleio, *decreti Atheniensium celeberrimi exemplum*, 2, 58. à Vopisco in Aureliano 39. *Amnestia de exemplis Atheniensium decreta* memoratur. Habemus ergo rei saluberrimæ & sæpe postea usurpatæ apud populos, originem & inventorem: Athenas, civitatem optimam & antiquissimam, sicut à Cicerone ap. Dion. vocatur; & Thrasymbulum, virum inter eos, quos & ante & postea habuerunt Athenæ, per omnia optimum. quo elogio eum *Pausanias* maectat.

Atque hæc sunt, quæ præmittenda censuimus nostræ tractationi: partim, quia non intelligitur accurate natura & indoles remedii, nisi morbi cognitio prægressa, quam vel tempestivum vel necessarium id fuerit, ostendat; partim quia nec nominis nec rei explicatio (ad quam nunc accedimus) satis expedita & clara sine historiæ hujus luce, futura erat,

CAP.

## CAP. II.

*Nomen, Descriptio, Utilitas*

ἈΜΝΗΣΤΙΑΣ.

**A**mnestiam vocat hoc plebiscitum Val. Max. 4, 1. Thrasylbus plebiscitum interposuit, ne qua præteritarum rerum mentio fieret: hac oblivio quam Athenienses ἀμνηστίαν vocant, &c. Eandem vocem adhibet Plutarch. in Cic. ut & in præcept. de ger. rep. Appian. l. 2. bell. civ. retinetque Vopisc. Aurelian. 39. Tullius quoque Phil. 1. cap. 1. Gracum etiam verbum usurpavi, inquit, quo tum in sedandis discordiis erat usa civitas illa. Hoc Gracum verbum interpretes de ἀμνηστία (quæ tamen vox minime fuit interim in Ciceronis textum infercienda) acceperunt, quorum sententia firmari videtur locis modo adductis, cum præsertim Vopiscus amnestiæ vocabulo usus, Ciceronis Philippicas mox laudet, & Appianus Ciceronem ἐγκόμιον τῆς ἀμνηστίας differuisse dicat. At Muretus var. lect. l. 2. c. 15. & ex eo Lambin. ad Phil. Cic. non ἀμνηστίας vocabulum, sed τὸ, μὴ μνησικακεῖν indicasse ea nota Ciceronem contendit: adductis pro se Xenoph. l. 2. Græc. ter. f. Æschin. orat. de cor. Aristoph. & præsertim Andocidis orat. de myster. ubi jurisjurandi formula effertur: μὴ μνησικακέσω. His conjungas licet Dion. l. 44. ubi τὸ, μὴ ἐγκαλέσειν μήτε μνησικακέσειν usurpatur.

Manutius in comment. Philipp. distinguendum existimat, nomen rei, & decreti super re facti vocabulum, τὸ, μὴ μνησικακεῖν de consilio Thrasylbuli & expressione ipsius oblivionis injuriarum, capiendum esse: ἀμνηστίαν autem, legis insuper de illa oblivione latæ notionem complecti. Ad cuius mentem apprime faciunt, Plutarchi Ψήφισμα ἀμνηστίας, & Nepotis lex oblivionis. Vfurum autem fuisse Ciceronem hoc potius, quam illo nomine; quippe qui suaderet, decretum discordiis abolendis esse faciendum, collatione locorum quorum antea mentio facta; ut &, respectu commoditatis in efferendo (quod enim Latine circumlocutio-

K k k

nem

nem requirebat, felicitate unius Græci vocabuli potius quam plurium redditurus existimari potest) non absurde credidit vir doctus. Adde *Beroald. Syllog. 2. annot. in Cic. tom. 1. thes. Crit. p. 228. Cal. in Philipp. Cic. I. Erasmi, chil. 2, 17, 94. Herod. decret. l. 6. tit. 7. &c.*

Nos in medium relinquentes, qua voce potissimum usus sit Cicero (sunt enim ex utraque parte rationes opinandi paribus ferme momentis subnixæ) rem ipsam, non alio commodius, quam Ἀμνηστία nomine, quod & vulgo jam obtinuit, signandam, intuemur, cujus hanc descriptionem damus: AMNESTIA EST DECRETUM sive LEX, QUA AD EXPEDIENDA TOLLENDÆQUE, INTER PARTES DISCORDANTES, FIRMÆ PACIS IMPEDIMENTA, ANTEACTORUM ABOLITIO PUBLICA, SOLENNIS, JURATA, COMMUNI UTRINQUE CONSENSU SANCITUR. Sive: *Amnestia est lex, qua nati ex discordiis dolores iraque, sublato, solenni partium conventionione, vindicta nocendique studio, abolentur.*

Dicitur apud Græcos à non-recordanda sive obliuiscendo. Est enim ἀμνηστία oblivioni traditus: cujus nulla superest memoria. Hinc ἀμνηστία, διὰ τὸ μνησθῆναι ἴσας τῶν πτερυγίων μνήμην, eo quod nulla rerum superiorum memoria superesse debeat, sicut ex Herodiano diceremus: sive ut ex Cicerone, quod omnis memoria discordiarum oblivione sempiterna delenda sit. Unde Justinus, discordiarum oblivionem; Velleius, præteritorum oblivionem; Valer. Maximus, præteritarum rerum oblivionem; *Excerpt. con- Nepos, legem oblivionis, M. Seneca, oblivionem, dixere. Quos trov. 10, 3.* certatim imitati ceteri. Ἀμνηστία quoque interdum hanc vim habet: nisi quod plerumque solennius & specialius, usque in hunc diem, consuevit ἀμνηστία usurpari, sicut descripsimus. Nam alias significationes, quibus ad privatam reconciliationem, delictorum condonationem, impunitatem, &c. trahitur, nunc nihil moramur. Porro quid hic sit obliuisci & oblivio, infra patebit.

Diximus, DECRETUM sive LEGEM. Nam & *Plutarchus* disertè, ὥρισμα, & *Nepos*, legem; & *Valerius*, plebiscitum nominant. Idem facit *Andocides*, in orat. de mysteriis, ubi

ubi tanquam ex vigore legis argumentum petit. Simul, ut à *qualicunque conventionione & mutua compromissione*, quæ huic fini scilicet minime sufficeret, distingueremus. *Legis enim auctoritas* quidpiam in se divini habet, tum ad obligandam, tum ad conservandam civitatem.

Spestat autem hæc lex *Partes discordantes*: ita, ut inter eas statuatur, *abolitio anteaactorum*. PARTES DISCORDANTES, vel per tumultum & consternationem, vel per seditionem, vel per bellum intestinum seu civile. Adversus interna quippe dissidia, *proprie*, inventum hoc adhiberi potest & solet. id quod res ipsa & historia docet. Quamquam enim in externorum quoque bellorum compositione, pacificationibus, induciis, inter solennes leges & formulas adhibeatur, *nemini jus fasque esse debere, præteriti temporis damna vel offensiones ulcisci, exprobrare, persequi*: tamen ista abolitio inter *cognata* potius hujus *Amnestia, stricte sumta*, de qua nobis sermo, numeranda est: quatenus scilicet, *abolendum vindictæ nocendique studium, communiter in omni reconciliatione, pace, tranquillitate ineunda spectatur*.

In civilium autem discordiarum abolitione, longe *arctior est & interior Amnestia respectus*. ne scilicet nō, qui uno foro, una societatis communione, cottidianisque commerciis utuntur, adeoque ex ipsa conjunctione hac, revolvendi, quiritandi, vindicandi anteaacta, occasionem perpetuam haberent, in novos motus erumpant: ne ex domesticis legibus, moribusque, mutuas contentiones resuscitent; quæque his similia, ad interna potius reip. pericula, quam ad externos insultus, pertinent.

Taceo quod in bello externo, quicquid hostis hosti nocuit, propterea minus grave videtur, quia cum gladio ipsum nocendi jus sumitur, & ab hoste non nisi hostilia expectantur. At in civilibus armis omnia iniquiora & videntur & sunt. dum alii violant jus, alii defendunt: alii tyrannidem cœptant aut propugnant, alii libertatem. Cujus tamen ipsius tali tempore, cupido non est acrior, quam vindictæ in tyrannos studium. Quali rerum perturbatione, sæpe ex opinione res geritur; neque minus tamen violent

te aut acerbe. Nam vera de omnibus actibus, quibus ira dolorque partium vel movetur, vel alitur, judicia, nec quærantur satis, nec quærita in promptu sunt.

Interim ut extraneorum quisque propius nobis cohæret, loco, commercio, necessitudine, superiorum temporum amicitiiis, vinculisque aliis: ita bella cum eo gesta gerendave, propius ad civilia arma; & pacificationis ratio, propius ad Amnestiam accedit.

Sunt autem *partes illæ discordantes* sæpe plures duabus. Ut cum interemto Cæsare alia erant populi, alia senatus, alia paucorum studia. Imo inter ipsa bella civilia, novarum partium semina sparguntur, eruptura in turbas, cum primum occasio se præbuerit. Eo magis *durus* remedium occupandis vel præcidendis his malis proprium est. Non omittenda est hoc loco applicatio exempli Atheniensis: in quo invenimus 1. *partes Thrasybuli & sociorum*, 2. *eorum, qui e civitate, liberatores civitatis, errore potius & consternatione, quam odio, impugnaverant*. 3. *eorum, qui cum tyrannis exulantibus agentes, ceterisque jam reconciliatis, adhuc se greges in civitatem revocati erant*. Suberant interim longe plura dissensionum, novarumque partium semina: quæ oppressit mox Abolitio illa, è qua potissimum vis Amnestiæ ac natura cognoscitur.

Ad ABOLITIONEM ANTEACTORUM describendam, accurate loquendo non sufficit, *impunitatem admissorum nominare*, (v. *Alex. gen. di. 6, 9.*) aut *injuriarum oblivionem*. (v. *Beroald. loc. antea d.*) Illud enim levat injuriæ auctores periculo; hoc injuriam passos mitigat. Interim etiam apud eum, qui alterum læsit, ipsa injuriæ, quam intulit, memoria ferociam & odium haud raro conciliat, juxta illud Taciti in *Agricola*: *Proprium humani ingenii est, odisse quem laeseris*: frustra que adeo dememinerint suam fortunam, qui gravia passi sunt, retinentibus memoriam factorum, qui gravia fecere.

42.

Igitur longe plenius *res abolendas, sive antea illa, complecti possumus*, si mutuemur ex alio argumento, verba *Cornelii Taciti in memorabili loco, quo relatum in senatu*

4. H. 44.



senatu ait: *de abolendo dolore iraque, & priorum temporum necessitatibus.* Vbi ex ratione nostri instituti dolorem ad eos commode retuleris, qui aspera & iniqua passi sunt, aut se passos arbitrantur: *iram*, ad molientes gravia inferentesque, spectare dixeris: *Superiorum autem temporum necessitates*, opportuna & prudenti adjectione, denotarent confusa consternatione civili jura, animos, studia, *malas illas artes, sine quibus non haberi posse arma civilia*, idem scriptor alibi significat. Dum alii, justas sibi infestandi alios causas, partim credunt, partim credi volunt: nonnulli cum ingressi sunt semel istud mare, in duriora & iniquiora quam destinaverant consilia, ipsa vi fluctuum abrepti, necessitatem denique solam pro se & adversum alios allegant. Est, ubi de perpeffione adversorum questi, suo sibi jumento perpetienda accivere. Nimirum tantus turbo inimicitiarum bella civilia confundit, ut nec damnorum, nec oppressionum; nec succumbentium, nec incumbentium facies, possit apparere, dubiisque ad singula judiciis suspensæ mentes, æquitatis denique & miserationis voce, *priorum necessitates temporum* appellare malint, & quam in hominibus non dijudicant, rebus culpam imponere. Quæ prudentia apprime utilis est, ad committigandos partium animos: quibus tali tempore, etiam nomina eorum quæ accidere; invisa sunt.

*Anteaكتورum* vocem adhibet *Iustinus*; eamque mox *discordiarum* mentione permutat: *Sueton. in Claudio, facta dictaque; Nepos, res ante actas, ceteri, præterita, res præteritas vocant*: generali scilicet voce, id quod volumus complexi. Τα γυανμύρα, τὰ Συμβαίνοντα &c. Græcis in hoc negotio dicuntur. Et ut nihil excludatur, *mutui partium affectus* obstringuntur, ἀλλήλοις μὴ μνησικακῆν.

Harum ergo rerum quomodo *abolitio* fiat, & quid sit; amplius dispiciendum est. Utuntur scriptores duabus potissimum vocibus, *oblivione* & *abolitione*. *Oblivio* ad Græcam originem accommodata est, ubi ἀμνησία, μὴ μνησικακῆν &c. *memoriam* præteritorum *deberi* jubent, ut loquitur *Tullius*. Cum autem *oblivio* non sit in potestate hominis, respectu voluntariæ ex memoria deletionis, distin-

guendum ante omnia est, inter τὸ μνημονεύειν & μνησικακεῖν, exemplo Ulpiani Rhetoris, qui in enar. or. Demosth. contra Aristocratem scribit : ὁ ἱερῶν τὰ τινὸς ἀδικήματα, ὥς τι βλάπτειν καὶ ἀμείνασθαι αὐτὸν, μνησικακεῖ. ὁ δὲ μνημονεύων, ἐκ ἐπὶ τῷ βλάπτειν, ἀλλ' ἐπὶ τῷ φυλάττειν τὴν ὁμοίαν πεῖραν, σωφρονεῖ. Qui inquit in admessa alterius & injurias, nocendi ac vindictæ studio, ille μνησικακεῖ, sive memoriam injuriarum retinet : qui autem meminit, minime nocendi animo, sed ut similes in posterum casus caveat, ille prudenter agit. Apud Dionysium Halicarnassensem, cum Fufetius suasisset, γνώμην δίδωαι περὶ μνηστῶν ἀλλήλοις μνησικακεῖν, postea Tullus in formulam quodammodo cogit hoc consilium : ἀρεῖσθαι δὴ πᾶσα ἰγκλήματ' ἰδίῃ τε καὶ κοινῇ περὶ φασίς, καὶ μνηστῶν ἐπὶ μνήμῃ τῶν παρεληλυθέντων ἕως κακῶν.

lib. 3.

Unde intelligitur, esse aliquam malorum memoriam, qua hinc excludatur plane ; scilicet, ubi retinemus præterita, disceptandi vindicandique studio : & aliquam qua hic locum possit invenire, de qua & Cicero apud Dion. 44. ait, futurorum ordinandorum & vitandorum ergo, non aliam ob causam, ad præterita respiciendum esse. Quocirca Valerius, per mentionem interpretatur : ne qua mentio fieret præter. id est, ne quis persequendi juris causa in medium adferat, queraturve præterita.

Interim oblivionis vocem, licet non tam memoriam hoc loco, quam vindictæ studium ac voluntatem tollat, non sine ὑπερβάσει, cum favorabili extensione & incremento acceptam volumus, in hunc modum, ut tam firma adsit stabilisque relinquenda omnis disceptationis, omnis vindictæ voluntas, quasi nesciremus quidem acta superiorum temporum, neque grave nobis aut molestum quicquam evenisset : quasi qua facta sunt ultro citroque, nunquam fecisset quisquam, aut passus esset.

lib. 44.

Nam propterea abolitio etiam dicta est, Capitolino in Gordian. 10. Floro 4, 7, 3. Suetonio Tib. 4. non quod facta infecta reddi possent, sed quod nunquam facta videantur, quorum nulla superest disquisitio, vindictio, lis &c. Nepos ita exprimit : ne quis antea actarum rerum accusaretur, neve multaretur. Thrasyb. 32. Dio per τὸ μὴ ἰγκάλεσθαι explicat ; neminem quidquam jure persecuturum, item, μὴ πολυπρὸς μνηστῶν

μὴν οὐκ ἐξετάζειν ἵνα τιμωρῆσθαι. non inquirere in ante acta, *Orat. de my-*  
 nil arguere, aut vindicare. Andocidi est, ἵνα τὰ ἐξετάζειν, *Her. p. 212.*  
 missa facere, qua evenerunt.

Ut hæc amplius cognoscantur, adscribemus ipsam  
 talis abolitionis formulam, sicut eam ex actis constitutæ à Ca-  
 rolo IX. Galliæ Rege, an. 1568. amnestiæ, descripsit &  
 latine reddidit Lambinus. Edicimus &c. omnes injurias atque  
 offensiones superiores, quas temporis iniquitas, & occasiones ex ea  
 nata inter cives nostros pepererunt: omnia mala præterita, quæ ex  
 superioribus motibus ac tumultibus manarunt, funditus exstingui,  
 eorumque memoriam sempiterna oblivione deleri, atque obrui, ut  
 proinde sint, quasi omnino nunquam evenissent: vetamusque di-  
 fterissime, planissime atque apertissime, & capite sancimus, ne qui  
 ex nostris civibus, cujuscunque sint ordinis, loci, gradus, aut fortu-  
 na, audeant inter se laceßere, provocare, irritare, præterita obji-  
 ciendo aut exprobrando, neve ulla de re antea acta inter se altercari,  
 rixari, jurgare & contendere, neve convitiari & maledicere, neve  
 facto aut verbo contumelioso inter se offendere ac ledere, sed potius  
 sibi moderentur ac temperent, concordiamque & pacem in omni vi-  
 ra degenda colant, tanquam fratres, & amici, & boni concordef-  
 que cives, &c.

Agnoscas curiæ stylum, quem vocant: eadem, quæ  
 veteres breviter extulere, particulatim exponentem & so-  
 licite interpretantem. qui mos, secus quam par est, à  
 nonnullis fastiditur. Nam & multitudo emergentium  
 quotidie casuum, & circumstantium rerum varietas, &  
 quæ providere hæc omnia, & singula explanare debet,  
 civilis prudentiæ accurata subtilitas, facile suasere Politi-  
 cis inter ipsa discrimina versantibus, hanc prolixitatem.  
 quam ob id, *paraphrasin politicæ doctrinæ* appellare soleo.

Priusquam ad cetera pergamus, notandum, abo-  
 litionem hanc absolvi, oblivionis perpetuitate ( unde sempiterna  
 oblivio Tullio dicitur; & ap. Dion. cavetur, μὴ ποτὶ, ne un-  
 quam &c. adde §. 18. ) & amicitia constantia, ac reconciliata  
 benevolentia firmitudine, de qua postea. Rotunde, ut solet  
 complexus est pleraque ex dictis dicendisque, limati oris  
 scriptor Herodianus in oratione Maximi: ἵνα πάντες ἀμνηστία, &  
 ἑταίρια

σπονδαὶ φίλιας βέλαι, ἰννοίας τε καὶ εὐκοσμίας πᾶσι αἰώνιαι. Politianus vertit : *Sit omnium oblivio ( Amnestia ) sit sœtus constantis amicitia fidesque benevolentia ac moderationis sempiterna.*

Appian. 3.  
ἐμφυλ.  
2. 540.

Ceterum, ut firmitas amnestiæ perpetuitasque, vindictæ item abolitio conservetur, multa ex anteaclis constitutisque in rep. aut latis legibus, licet non probentur, temporis causa & majoris commodi confirmata sunt à Senatu scil. in ipso illo SCto : quo ἀμνηστία continebatur. Cic. Philipp. 2, 39. & Philipp. 1, 9. Acta Cæsaris ego, qui illa nunquam probavi, ita conservanda concordia causa arbitratus sum, ut non modo, quas vivus Cæsar leges tulisset, infirmandas hoc tempore non putarem : sed ne illas quidem, quas post mortem Cæsaris prolatas & fixas videtis. Igitur male Antonius & elusorie, cum multa contra leges Cæsaris ageret, respondit : *Introducenda amnestia constitutum quidem esse, ne quid de præteritis mutaretur, sed id mitigandi populi & temporis causa factum esse. præcipue interim oblivionem injuriarum spectari, justiusque esse mentem SCti quam verba valere.* Quod si admittatur, nulla nec amnestia, nec pax fida erit aut firma. pertinet huc quod cap. seq. habetur. Neque omittenda est cautio, de anteaclis ita nos loqui, ut ea intelligamus, quæ salvo statu, i. e. citra certum periculum nova perturbationis confirmari possunt. Sicut in exemplo Cæs. videmus. Aliud enim est confirmatio ante actorum, quæ ad futurum tempus respicit ; cui imponitur obligatio rei confirmatæ servandæ : aliud abolitio anteaclorum, quæ præsentis temporis mala sanat.

Potest, ni fallor, ex dictis intelligi, abolitio anteaclorum : nisi quod *requisita* ejus restant singillatim pensanda. Addidimus igitur primo, PUBLICAM esse debere. Qua appellatione indicatur, tum, *auctoritas publica*, quatenus privatis pactis conventisque opponi solet ; tum, *collectio partium*, quarum nulla abesse, præteriri, seponi, in hoc negotio debet. Fit enim quodammodo privatum, quod, cum ad omnes pertineat, inter paucos, & velut in præjudicium publicæ sortis, tractatur. Quæ res non parum scilicet firmitati pactionis detrahit : effugiis autem inconstantium & cavillationibus occasionem præbet.

SOLEN.

SOLENNIS quoque dicta nobis abolitio. Qua voce notantur vulgo ea, quæ certa consuetudine, & veluti recepto in actiones hominum more sunt, cujus observatio quiddam in se habet religionis, venerationis, auctoritatis, roboris : sicut omissio neglectusque, opinionem infirmitatis, & aliquando suspicionem fraudis generat.

Cum itaque pleræque non pactiones modo & constitutiones ; sed in universum, quæ alicujus momenti sunt, actiones, præsertim publicæ usurpent solennia quædam : utique Ἀμνηστία, non decuerit absque iis considerare. In qua occurrit primo, Solennitas verborum, quæ adeo non habenda insuper, ut stilus curiæ, quem vocant, pleræque sui parte in concinnandis observandisque solennium locutionum formulis occupatus sit : præcipue in concipiendis edictis, constitutionibus, sententiis, pactis, legibus. Sunt autem istæ formulæ non uniusmodi, sed variant, tum S. Cic. pro  
Rosc. Com. 9.ratione temporis (aliter enim antiqua, aliter nova curia loquitur : nisi quod hæc sæpe ex illius solennibus aliquid mutuatur) tum ratione nationum gentiumque : quæ & ipsæ tamen, multa à se invicem desumpta, postea veluti consensu quodam usurpant. Sic Romani jus feciale rerum repetendarum ab Æquicolis describere.

Accedit, secundo, solennitas rituum, apparatusque cujusdam externi. ut cum e. g. loco publico & solenni pactio promulgatur, cum publicæ exhortationes adhibentur, cum preces suscipiuntur ; verba, præconis aut magistratus voce præeuntur ; dexteræ junguntur ; JURIS JURANDI religio cum gravitate & pondere inculcatur exigiturque.

Quare ad Solennitatis partem pertinet, cum JURATAM abolitionem nominavimus. Ubi jusjurandum ipsum, immediate ad firmitatem rei & fidei referendum est ; Solennitas jurisjurandi, mediate. Adscribenda hoc loco Atheniensis jurisjurandi formula est, quam Andocides in orat. de mysteriis, consignavit. Jurabatur ergo primum ab omnibus universim reconciliatis in hanc sententiam : ἡ μνηστικακήσας τῶν πολιτῶν ἑδίκη, πλὴν τῶν τεράκωντα καὶ τῶν ἑνδεκά, ἑδὲ τέτων.

οἱ δὲ αἰὶν ἰσθῆνοι ἐκδύνας δίδουσι τῆς ἀρχῆς ἢς ἦρξιν. *Nemini civis errata reminiscar, exceptis triginta & undecim virorum, sed & horum obliviscar, si voluerint administrata tyrannidis iudicium subire & rationes reddere.* Hinc jurabat Senatus : ἢ δέξομαι ἠνδεῖν, ἢ δὲ ἀπαγορεύειν, ἔνεκα τῶν πρότερον γενημένων, πλὴν τῶν ἐδούλων. *Non admittam delationem aut accusationem, nisi de exulibus.* (intellige tyrannos) Tertium iusjurandum erat iudicium: ἢ μνησικαχήσω, ἢ δὲ ἄλλο πείσομαι: ἡσυχῆμαι ὃ κατὰ τὰς κειμένων νόμους. *Non retinebo memoriam injuriarum, neque aliter persuaderi sinam mihi, quo minus iudicem secundum leges latas.* (de quibus II. v. Andocid. in præcedentibus.)

Etiam interrogationis sollemnitas nonnunquam adhibetur, præsertim ubi COMMUNI PARTIUM CONSENSUI exigendo declarandoque infervit. Licet enim in eo genere ἀμνηστίας, quo partium odia superioris alicujus edictum mandatumque coercet (.e.g. cum Rex quispiam dissidentibus in regno suo, amnestiam imperat, v. supra §.18.) aut ubi arbitri compromissarii, sive διαλλακταὶ ἀυτοκράτορες, ut vocat Plut. in Arato, tale quid statuunt (quanquam tali casu omnino generalis partium consensus præcessit; ex quo specialia recte inferuntur) non inveniat locum, ille communis & spontaneus liberrimus partium consensus, quatenus inter requisita ponitur: tamen & Atheniensium exemplo, quod semper hic attendimus; & in civilibus dissidiis, ubi partes æquo jure sunt aut pari potentia; denique ubi firmitudini conventionis quam maxime consultum cupimus, usurpari animadvertitur,

Atque per hæc juris, humanitatis, sollemnitatis vincula, tandem ad verum Ἀμνηστίας finem, id est, FIRMAM PACEM, sive Pacis firmitudinem, pervenitur. Nimirum: ut offensa, dissidia, inimicitia, earumque nomina pariter ac opera auferantur; tum, ut benevolentia, amicitia, concordia concilietur. Nam his duabus partibus absolvitur negotium. sumtis scilicet cum interpretatione bona fidei & stabilitatis, tam morales, quam civiles. Interim hæc, illius defectum haud raro supplet.

Hic

Hic locus nobis ostendere quodammodo pōtēst utilitatem *hujus inventi* plane divinam. Nam tum omne Pacis conciliandæ negotium plurimis est vel difficultatibus obseptum, vel intricatum dubitationibus; tum vel maxime civilia sive intestina dissidia bellaque, arduam magis ancipitemque habent compositionem. *Est in bellis civilibus*, quod facunde Cicero apud Dion. 44. exsequitur, *quadam malorum concatenatio ac veluti circulus*, cujus revolutio perpetua, tristitia tristibus cumulat, nec modum ac finem esse miseriarum patitur, sed proxima quæque concertatio, causam & instrumentum sequenti præbet. Magna enim est vindictæ libido apud oppressos victosque, magna vindictæ licentia apud victores. Et sicut *illis*, socios, metus paris calamitatis; ita *his*, cupido paris licentiæ aggregat. Jam quis tumultuantes vario dissensu animorum motus, quis præsentium fastidia, futurorum aucupia, satis describat? Quibus rebus, ad interitum denique proficitur.

Ecce in exemplo Atheniensium; illi qui é Piræo in urbem venerant, potuissent ultionem injuriarum ab urbanis expetere: atqui, urbani fortean rursus prævaluissent, insperataque clade pressissent, quos insperata victoria beaverat. Aliis poterat studium aut ministerium peculiare tyrannis præstitum objici: alios privata, quosdam publica incommoda exasperare invicem poterant. Atque, etiamsi pax aliqua coivisset, bellorum facinora, pace disceptanda veniebant. Qui libertatem defenderant, à servitutis satellitibus, ut exprobrantes: hi ab aliis, ut degeneres, aspici poterant. Denique sicut male obrutum incendium, quovis flatu irritante, facile & cito & violente resurgit: ita male facta gratia quacunque occasione, rescissa in turbas ivisset & nova dissidia.

Hæc tanta & tam multiplex difficultas, ac IMPEDIMENTA per tot labyrinthos circumducta ac contortuplicata, nec *silo quodam Ariadneo expediri*; nec *gladio Alexandreo* rumpi possunt, nam & illud si obtinere instituas, *cum re-cta ratione insanire* dicaris; & hoc *cladi quam medicina* ef-



fer similis. Igitur EXPEDIENDI ratio una & optima superest, si TOLLANTUR potius, litis & dissensus materia & semina, obliviscendo, confopiendo, transmittendo, omittendo: quam si expediendo per discepcionem aut morosa judicia, multa nequicquam conemur, id est, curatione ipsa vulneris periculum augeamus. *vid. Dion. 44.*

Reclamer forte nonnemo: *etiam hoc inter violentiora esse, si jure suo cedere multi cogantur, omnisque persequendi juris praevidatur occasio.* Verum, præterquam quod coactio dici non potest in eo, quod à volentibus & communi voto approbantibus consentitur; quale est nostrum, exemplum: etiam hæcenus à violentia abest hoc institutum, quatenus & alias viri boni officio convenit, multis multa de suo jure concedere. id enim tum liberale, tum fructuosum (v. Cic. 2. offic. 18.) & præsertim omni bono civi, non magis nomen civis quam hic animus tribuitur, ut odia privata publicis utilitatibus remittere, quotiens opus est, cupiat. Tac. l. A. 10, 4. Estque hoc omnino illud tempus, quo necesse est *παειδέν τι*, connivere ad multa, neque curiose τὰ ἀνεπίστικτα *διεξιόντες*, accurata disquisitione jus dicere, ne fiat quod est in proverbio, *ut hic summum jus, summa sit injuria.* cum præsertim in omni tractatione politica ad finem negotii sit respiciendum unice, ad quem nisi cetera quadrent, aliena est aut periculosa omnis ea sapientia. Agitur autem tunc, de STATU labante turbatoque componendo, atque in firmitudinem quandam colligendo, non de exercendis judiciis, disceptandis litibus &c. quod recte monetur ap. *Dionem*. ne de aliis rationibus dicam, quas infra ponemus.

Felix est *ἐπιείκεια* cujus fructus in salutem publicam definit. quæ præsertim hac ratione Atheniensibus est instaurata. Laudat hunc Amnestiæ FRUCTUM disertis verbis apud *Dionem* (44.) Cicero: *postquam ad hunc modum resipuerunt Athenienses, non modo tyrannide sunt & discordiis liberati, sed etiam de cetero rebus usi prosperis: recuperataque urbe, Græcia principatum assecuti sunt: Spartanorumque & Thebanorum salutem pariter ac perniciem sæpe in sua manu positam habuerunt.*

Valerius



Valerius Max. Hac oblivio, quam Athenienses ἀμνησία vocant, con- 4. l. ext. 4.  
cussum & labentem civitatis statum, in pristinum habitum revoca-  
vit. Justinus idem voluit in istis verbis: atque ita per mul-  
ta membra civitas dissipata, in unum tandem corpus redigitur. 5,  
10, 10.

Intelligitur jam, solam & unam finiendorum bellorum di-  
scordiarumque civilium, fidam firmamque rationem esse, Amnestiam.  
in qua propterea Cicero FUNDAMENTUM PACIS, re- phil. 1, 1.  
ctissime constituit. quæ nisi magnos motus consequatur,  
exitio subinde propior fit Resp. Sicut atroces quidam mor-  
bi, haut dubie alioquin peremturi hominem, sola Quiete  
persanantur. Verum illa nec fera nimium, nec interrupta aut  
qualiscunque esse debet.

Qui locus nos monet, ut de TEMPORE ἀμνησίας  
aliquid adjiciamus. Nam & in constituenda adhibendaque,  
ipse articulus, ut sic dicam, temporis observandus est: &  
duratio, si arctetur, non exigua habet incommoda. Ita-  
que quod ad primum attinet, ἐναρξία sive tempestivitas a-  
mnestiæ, non uno modo considerari potest. Optimum fortasse  
tempus fuerit, quod maturrimum: antequam scilicet di-  
scordiæ in bella, bella in clades profecerint; priusquam  
partes periculum fecere virium, priusquam gladius civili  
non cruore magis, quam furore imbutus est. namque ubi  
hæc accidere,

*fertur equis auriga, neque audit currus habenas.*

Ita dum Cæsar inimicitias cum Pompeio exercet, trahitur-  
que in partes Resp. & prudentibus multa formidolosa in  
oculis sunt, optimum prorsus fuit eorum consilium, qui  
deponendas contentiones, condonandas offensas, obli-  
viscendas injurias, omittendas disceptationes, id est, quid  
aliud quam ἀμνησίαν, & pacem ἀμνησίας fundamento su-  
perstruendam suadebant. Inter quos & Cicero: quem u-  
nice cavisse concordiæ publicæ, Velleius auctor est. In quo si mi-  
hi, inquit ipse (1. offic. 11.) esset obtemperatum; etsi non opti-  
mam, at aliquam temp. quæ nunc nulla est, haberemus. Ex qui-  
bus verbis ipsum eventum transmissa neglectaque tempestivitatis,

2, 48.

LII 3

cala-

calamitosum scilicet & infaustum animadvertimus. Ergo commodissima quidem ratio ineundæ ut pacis, ita ἀμνηστίας fuerit, ante eductum vagina gladium.

Alterum exemplum Ciceronis hic occurrit, de ἀμνηστία proprie, & tempestive solliciti : cum occiso nimirum Cæsare Julio, res ad ferrum & sanguinem spectaret. Adhortatur ibi ad capeffendum salubre remedium, *ἵνα ἴτε τὸ δεινὸν ἀρχῆται, καὶ ὅτε πολλοὶ περὶ σωτηρίᾳσιν*, &c. *dum malum adhuc in herba est & inter initia invalidum, dum nondum multi coivere : dum neque illi spem victoria, neque hi indignationem & studium vincendi ex damnis toleratis plane imbiberunt.*

Verum cum de amnestia hætenus, ut de civilis belli, quod jam exarsit sævitque, remedio egerimus, illud quoque tempus dispiciendum venit. Sicut enim in priore consilio, ad προφυλακτικὴν φιλοσοφίαν, sive ad eam prudentiæ partem pertinet Amnestia, quæ malis imminuentibus aut minantibus occurrit, ac obicem ponit : ita posterior ejus usurpatio ad δεινὸν πλὴν, juxta Græcorum vocem, referri debet, cum mala jam admissa inextinctaque expelli oportet ac sanari.

Consideratur hujus medelæ tempus rursus duobus modis : 1. *vel enim*, dum utraque pars adhuc sibi confidit, damnisque mutuo illatis, nondum tamen ad extrema ventum est. quod tempus sicut paci faciendæ commodissimum Cæsar dixit, ita nos, si quidem hætenus ventum est, amnestiæ opportunum vel maxime arbitramur. 2. *vel ubi jam exhaustæ vires bello sunt, & furore potius ad interitum, quam opibus & spe, ad victoriam geritur bellum.* Hoc tempus expectasse, ingentis plena periculi res est. Nam nec semper potest revocari lapsus semel reip. status (sicut morbi quidam ubi toto corpore eorum vis est recepta, omnem medelam superant) nec, ubi altera pars prævaluit, facile in amnestiam consentit. Quare, ut singularis rem exempli laudant Scriptores, Atheniensium hac in re fortunam, & Thrasybuli consilium. cujus eventus minus utique felix fuisset, nisi tyrannis amotis, externa quoque amulatio (Spax-

(Spartanorum scil.) *in misericordiam versa*, quiescendi & coalescendi spatium dedisset.

Utraque res grande momentum habuit. *Exclusio* quippe *tyrannorum* ipsum fundamentum amnestiæ continebat. Ut mala mutua possent dememinisse, malorum causæ excisæ erant. Ita indignatio eorum qui dura passi erant; & metus eorum qui gravia fecerant, simul expiabatur. Illi enim, ut vindicati; hi aliena potius quam sua culpa, abrepti, in mutuam veniam, communi rerum adversarum, adversariorumque detestatione ferebantur. Jam si Lacedæmonii obstinata rabie effossum potius quam hebetatum hunc Græciæ oculum cupivissent; (& agebant id plerique, nisi quod bona Atheniensium fortuna Pausaniam in meliora inclinavit, non quidē ut favorem civitatis hujus serio indueret, sed ut æmulis suis obluſtando, ex obliquo, ut ita dicam, prodesset) tum profecto præterierat illud tempus, quo intestina vulnera sacro amnestiæ malagmate possent commitigari obducique.

Neque est, quod quis suspicetur, *Universalitatem*, ut loquuntur, *amnestiæ*, impeditam remotione tyrannorum. Multo minus hujus exempli obtentu & specie utendum est, ad quosdam à salutare hoc communique remedio, cum ejus usus & necessitas venit, secludendos. Nam quod ad primum attinet, exclusio tyrannorum, non facta est in constituenda amnestia, sed inter finem belli, qui ab initiis & firmamenti pacis probe distinguendus est. Adeoque, tyranni in hac consultatione non considerantur *ut abruptenda membra*, sed *ut jam abrupta*. Postea jus belli & victoria, inquietos, denuoque turbantes spiritus suffocavit. Taceo quod divini humanique juris violatores, rerumque capitalium convicti & jam damnati, ne capaces quidem manserint societatis, quam funditus subversum iverant. Fuerant scilicet tyranni tales, quales demoveri & potuisse & debuisse, etiam illi fatebuntur, qui scuto suo tantum innixi gladii mentionem tali in re exhorrescunt. Atque hæc omnia, tam liquido certa erant, ut disceptari amplius

non possent. Nam in ambiguis criminibus, & ubi defensio nondum defecit, potius in mitiora omnia eundum est. Verum quid verbis opus? Neque hos ipsos tyrannos, quos tamen sua scelera omni civium consortio excluderant, æquitas Thrasybuli & lex ab omni amnestiæ fructu prorsus exclusit: sed, quod supra ex *Andocide* didicimus, expressa conditione, invitabantur: scilicet, si rationes imperii à se gesti vellent reddere. Cetera facile intelliget, qui juratam omnium Atheniensium, pro conservanda Democratici status forma, fidem; clanculariam & iniquam oligarchiæ institutionem, sævissimamque scelerum dominationis continuationem, partium omnium, ipsorum etiam arbitrorum sive conciliatorum, in ejiciendis tyrannis, seu obice pacis removendo, consensum, cogitabit.

Alias omnino requiritur, ut sanandis reip. vulneribus, colligendis reliquiis, *omnes omnino complectatur Amnestia*. Secus, non amnestia, sed imago gratiæ, species pacis, simulacrum reconciliationis, & quidvis potius erit. Est enim hoc nomen ipsa sua indole generale, & ad præterita sive antea acta, ordinaria, ut ita loquar, notatione extenditur: sed & causas discriminum & diversitatis una litura delet. Quod ex fine ejus & usu amplius patet. Dum enim inextricabiles rerum perplexarum tricas simul & semel tollendo, planam ad fidam pacem viam sternit, nihil relinquit, quod moram huic instituto facere, aut afferre vim, aut struere insidias possit. qualia nunquam deerunt, si prætereantur aliqui.

*lib. 2. hist.  
Græc. f.*

Interim ejusdem cautionis est, *temporis perpetuitas*, & αἰσῖς αἰώνιος, quam supra tetigimus: & Xenophon amnestiæ ac Reip. durationem, ut causam & effectum conjungit: ἔτι καὶ νῦν ὅμῳ γε πελαγδ' ὄντας καὶ τοῖς ὅρκοις ἐμμένει δῆμον. Notanda enim hoc loco differentia *temporaria* & *improprie ita dicta αἰωνίας*; quam à vera & nostra, tantum arbitramur distare, quantum à Pace solida inducia qualescunque absunt.

Est tamen & hujus generis non levis aliquando usus, ut cum repentinus & mox in atrociam erupturus tumultus, discor-

discordia, consternatio, non componi aut mitigari statim idoneis remediis, & sine periculo potest; aliquot dierum, mensium, jubetur esse amnestia, id est, suspensio disceptationis, offensarum, concertationum. *Jubetur*, dixi, nimirum ubi inter ipsa imperii membra, aut homines in imperio degentes, salva imperantis aut imperantium auctoritate, exarsit aliquid irarum: quod edicto supremæ & intactæ majestatis, velut interjungi inhiherique hætenus potest, dum curatio accuratior sequatur. Nam cum omnia in partes & dissidia ivere, imperio unius partis nunquam, consensui partium circa amnestiam temporariam, raro locus superest.

*Adversantur Amnestia* (nam & hæc consideratio illustrat quæ diximus) è diametro, 1. *Proscriptio*. 2. *μνηστικὰ καὶ πολιτικὰ*. Loquimur de utraque cum respectu ad bella civilia eorumque fines. Hic enim prorsus pugnant, AMNESTIA sopire discordias ac firmare pacem; &, componere statum multa reorum, inimicorum, suspectorum, strage, proscriptione, interitu, quæ pax alicubi, cruenta; alibi sava solet appellari. Illaudata ratio & parandæ invidiæ opportuna. Itaque Scriptores non satis detestari possunt auctorem primum Rom. proscriptionis, Syllam. Certe ex eo tempore, quo Sylla oppressione inimicorum & proscriptione pacare instituit remp. nunquam defuere, renata velut ex cineribus Syllani incendii, dissidia (unde Florus, 3, 22. Sertorianum bellum *Syllana proscriptionis hereditatem* vocat: & cap. 23. alterius motus facem, ejusdem causæ respectu, ab ipso Sylla rogo exarsisse scribit) donec exemplis tam infaustis irritata improbitas, furorem non prius, quam libertatem posuit, ac oppressam conversamque unius dominatui rempub. obtulit. *Augusti pax* quantum laboraverit invidia proscriptionis, notius est, quam ut dici opus sit. Certe illi ipsi *μοναρχικοὶ πόλεμεις*, sive statistæ, ut hodie loquuntur, Augusti, cum omnia sui principis laudata cuperent, proscriptiones non ausi sunt excusare, nisi translatione criminis callida in collegas Triumviratus: multa, inquit, Antonio, multa Lepido concessisse. ap. Tac. item pauca admodum vi

11. 4. 9.

M m m

tra-

4, 6, 6.

tractasse. Ceteros veritas cogit, ut, licet inviti, Augustum infament, satis tamen vel oblique prodant, quid in universum sentiant. Hinc illud *Flori*: *Hac quoque, nisi MULTA fuisset, etiam justa cades haberetur*, confer *Vellei* .2, 6, 6. sed remoto velo *Seneca* de ea re passim. 1. de clem. 9. *Collegam proscriptionis* vocat c. 11, *lassam crudelitatem*, nequaquam vero clementiam in eo agnoscit &c. Atque talis pax cum bello de crudelitate certavit & vicit. *Istud enim prostravit armatos, ista nudatos*. Bellum erat: qui feriebatur, si posset, feriret: pax autem, ut qui evaserat, viveret, sed ut mori non repugnaret. *August.* de C. D. 3, 27.

Μνησικαλία πολιτικὴν sive anteaclorum in rep. memoria, recordatioque cum vindicta studio conjuncta, quatenus aperte exercetur, potius proscriptioni, licentiæ ac asperitati victoris, ultioni, suppliciis, de quibus jam innuimus, tribuitur. occulta autem, quam hic proprie spectamus, diversi & complures modi. *Aliquando*, qui contra tulere arma, recipiuntur quidem specie tenus in amicitiam, amnestiæque spe illiciuntur: sed postea semper suspecti & ob id invisī Principibus ætatem agunt: structisque aut avide arreptis de novo criminibus, aut insidiis, ad extremum evertuntur. *Aliquando* in ipsos liberos posterosque transit odium & memoria eorum, quæ parentes ac majores egere. Hinc clandestina invidia, depressio, averfatio, adversus innocentes. *Aliquando*, specie bellorum ac imperii gerendi, revera, quoniam suspecti sunt ob anteaclta, ex reconciliatis quidam, periculis magnisque discriminibus objiciuntur. *Aliquando* custodes clandestini apponuntur. per hos inquiritur in omnia: non domus, non sua cuique mensa, aut thorus securus. *Aliquando* immittuntur æmuli & factiosi: qui vexent interim suspectos aut debilitent. *Aliquando* cum possent & deberent eripi periculo, deferuntur, dilatione & frustratione auxilii. Quæque plura ad hanc formam passim pro arcanis dominationis instillantur ab aliis, qui flagitia non magis erubescunt docere quam alii facere.

Pugnant autem hæc omnia, 1. cum natura amnestiæ in universum, de qua ante. 2. cum natura fidei, sive *πιστews αἰμις*, quæ

quæ suspiciones, insidias, machinationes excludit. 3. *cum religione jurjurandi*, cujus sinceritas calliditate prorsus nulla corrumpenda est. 4. *cum firmitudine pacis*. Cum enim, *habita fides*, ut rectissime dicitur apud Livium, *obliget fidem*, tanto securior stabiliorque pax erit, quo est minus diffidentiae. 5. *cum auctoritate sceptrorum*, quæ generoso potius paciscendi proposito, quam artibus eludendi æstimanda tuendaque.

Quanto generosius Thrasybulus noster? nam hoc exemplum proprie & cum emphasi opponendum est. Ille, soli publico bono intentus, privatis autem instinctionibus omnibus aut liber aut major, non tantum legem oblivionis ferendam curavit, sed etiam ut valeret, effecit. nam cum quidam ex iis, qui simul cum eo in exilio fuerant, eadem facere eorum vellet, cum quibus in gratiam reditum erat, publice prohibuit, & id quod pollicitus erat præstitit. Cornel. Nep. *Thrasyb.* 3. 3. Sane, quod Cicero de privatis amicitiiis dixit, nullas majori studio & fide tuendas esse, quam quæ ex inimicitiiis revocatae sunt in gratiam, id ad amnestiam cum pondere & incremento applicari potest.

## C A P. III.

*De exemplis quibusdam, quæ vulgo feruntur, Amnestiæ.*

THRASYBULO & Atheniensibus tribui Amnestiæ inventum, capite primo est ostensum: ubi de origine & auctoribus tam salubris consilii disquisitio facta. quod incidit in annum mundi 3549. ante C. N. 399. ab. V. C. 353. Olymp. 94. ann. ultim. secundum accuratissimam Calvisii computationem. nam ceteri variant.

Bodinus tria exempla Amnestiæ celeberrima conjungit. 1. de rep. 5. n. 214. 1. *Thrasybuli Atheniensis*. 2. *Arati Sicyonii*. 3. *Ciceronis Romani*. Qui locus incautum lectorem facile potest in fraudem inducere. Nam de ARATI ex-

emplo longe aliter sentiendum est, quam de ceteris; quod ut recte intelligatur, breviter repetenda est nobilis facti historia.

Aratus Sicyonius, cum oppresso tyranno Nicocle, patriam quinquaginta annorum servitute conflictatam liberasset, magnam animadvertit in bonis & possessionibus difficultatem; quod & eos, quos ipse restituerat, quorum bona alii possederant, egere iniquissimum arbitrabatur, & quinquaginta annorum possessiones movere, non nimis equum putabat, propterea quod tam longo spatio, multa hereditatibus, multa emtionibus, multa dotibus tenebantur sine injuria: judicavit itaque neque illis adimi, neque his non satisfieri, quorum illa fuerunt, oportere. Impetratam ergo ab hospite suo Ptolemæo Ægypti R. grandem pecuniam, cum Sicyonem attulisset, adhibuit sibi in consilium quindecim principes, cum quibus causas cognovit, & eorum qui aliena tenebant, & eorum qui sua amiserant: perfecitque æstimandis possessionibus, ut persuaderet aliis, ut pecuniam accipere mallerent, possessionibus cederent: aliis, ut commodius putarent numerari sibi quod tanti esset, quam sua recuperare: Ita perfectum est, ut omnes concordia constituta sine querela discederent. Dixi pleraque omnia verbis M. Tullii, ex 2. offic. 23. quibus addenda est uberior Plutarchi narratio in vita Arati. Pausanias in Corinthiacis brevius more suo complexus est. Accidit autem hoc anno mundi 3703. ante C. N. 245. V. C. 506. Olymp. 134. an primo.

Sane communia sunt Arato cum Thrasylulo hæc omnia: quod patria cervicibus tyrannidem depulit: quod novi status fundamenta jecit: quod pacem & concordiam civibus intestina dissidia agitantibus reddidit (καταργήσατο καὶ συνήρμοσε εἰρήνην καὶ εἰρήνην τοῖς πολίταις: Item: τῷ δήμῳ παντὶ σωθῆναι καὶ ἀσφάλειαν κατεσκήνασεν, inquit Plutarchus) verum modus reconciliationis, cujus meminere Scriptores, adeoque ipsa reconciliationis species, quæ ab objecto suo, quod Philosophi dicerent, rectissime determinatur, non coincidit cum AMNESTIA, de qua nobis sermo.

Amnestia in universum antea respicit: hic seorsum possessiones in considerationem veniant, unde Ærodius hac rubrica



rubrica signat Arateam historiam *decret. l. 1. tit. 11. d. 2.* Longo intervallo restitutione facta, possessoribus tutis prescriptione, quid de bonis quondam eorum, qui restituti sunt, observari debeat. Ibi abolitione præteritorum lites incidebantur: hic, redimuntur satisfactione & contractu. Qui modus, veluti pugnat cum ratione Amnestiæ proprie dictæ. Denique, ibi compositio & pax: hic, novum & singulare firmandæ compositionis inventum Auctoribus memoratur. Quæ vero amplius vel ex his rationibus dependent, vel ex allatis antea de Amnestia, repeti colligique à quovis possunt, illa consulto prætervehimur.

Itaque Arati factum non magis Amnestiæ deputari debet, quam Thraſybuli istud consilium, quod Amnestiam Atheniensem secutum, velut consequens quoddam ejus aut effectus, potius habetur. Cum enim divisa adhuc in partes civitate, illi qui in urbe remanserant, pecunias essent à Lacedæmoniis mutuati, post amnestiam constitutam quæsitum est de reddenda pecunia, decretumque ut, non ii qui mutuo sumserunt, sed civitas tota solveret. *Adi. Ærodiū decret. l. 2. tit. 6. d. 1.*

*Exemplum Amnestiæ, post necem Julii Cæsaris suāsu Cicero- nis decreta, anno V. C. 710. (v. Dion. 44. Plutarch. in Cæs. f. & in Cic. Flor. 4. 7. 3. Vellei. 2. 18. &c.)* pro re nata, statuque rerum ac temporis, utilis sane consilii fuit, sed eventu fragile ac improsperum. Cujus rei causas, præter eas quæ ex historia cuivis obviæ sunt, subsuisse altiores nullo dubito. Primum enim, iniquissime Cæsar erat interfectus. Equidem justitiam fati omnes agnoscimus, in eo, quod ille, qui terrarum orbem civili sanguine impleverat, tandem ipse suo sanguine curiam implevit (Flor. 4. 2. 95.) quod in Pompeii curia juxta Pompeii statuam occisus est, qui ipsum Pompeium afflixerat (Dion. 44. f.) etiam in eo, quod injuste occisus est, qui multos injuste trucidaverat: At vero percussorum institutum facinusque, in se æstimatum, nullo horum defendi potest. Deinde Antonius, verissimo Flori elogio, sax & turbo illius sæculi, dum testamento Cæsaris, varia corruptione, adulteratione, perversione, ad sedi-

simā cœpta, contra jus & fas omne abutitur, quid aliud quam semina, secuturæ mox perturbationis publicæ, sparsit, i. e. caussa extitit violatæ ἀμνησίας. quæ culpa ei diserte tribuitur ap. *Appian.* 2. ἐμευλ. pr. Hinc demque, irritata eadem fati iustitia, quæ Cæsarem perimi siverat, interfectorum vitiosam & faciosam ὑπέθετον, præpotentium ceterorum ambitionem & cupiditates, populi totius furores, prioribus malis nondum mansuefactos ultura, Octavio vires & successum ulciscendi donavit.

*Proxima* post hoc tempus *Amnestia*, Claudiani imperii initiis componendis adhibita est. Interfecto enim C. Caligula, Consules occupata præsidiis Urbe, in Capitolium coëgere Senatum. ibi deliberatum de mutando reipub. statu reducendoque populari imperio. Sed cum non possent congruere sententiis (τοῖς μὲν γὰρ δημοκρασίῳ, τοῖς δὲ μοναρχείῳ ἰσθόκει, inquit Xiphilinus) interea Claudius fortuito militum favore ad imperium raptus est: cumque consules ac cæteri, non possent auderentue diutius resistere militibus, ipsi quoque pro Claudio consenserunt. Hinc occasio metus, sinistrique affectus, inter novum principem & ceteros ordines oboriri poterat. nam injuria aut contemptus videbatur, recusasse Principem; & ulturus dedignantem existimabatur, qui invitis omnibus obtinuisset imperium pariter ac ulciscendi potentiam. Itaque Claudius (utut in aliis multis imprudens) prudentissime sibi & omnibus, amnestia promulgata consuluit. Quæ omnia *Suetonius*, breviter, ut solet, & accurate complectitur, in *Claudio*: imperio stabilito nihil antiquius duxit, quam id biduum, quo de mutando reipub. statu hesitatum erat, memoria eximere. Omnium itaque factorum dictorumque in eo, veniam & oblivionem in perpetuum sanxit, ac præstitit.

Hæc duo exempla, veram & proprie ita dictam habent Amnestiam. Nam quod *Vopiscus* sub Aureliano AMNESTIAN publicorum delictorum decretam esse ait, c.39. spectat potius ad repressionem calumniarum, factam consumtus igni tabulis, atque ad Gracia morem decreta abolitione, sicut interpretatur *Victor de Casar.* 35, 6. Licet enim uterque scrip-

ptor

propter mentionem faciat *Atheniensis* exempli, tamen qualiscunque comparationis ergo potius, quam veræ similitudinis, istud fieri intelligendum est. Ita apud *Tacitum* (cujus loci verba tantummodo, non circumstantias aut *ὁμοιωσιν*, supra ad veram Amnestiam accommodavimus) nihil aliud, quam de accusatorum vindicta, quæ late spectabat, si disceptationi indultum foret, cohibenda agitur. Idem sentiendum de *Leonis* edicto *ἐνστικῶ*; & *Anastasio* ἀμνηστία, quam *Bodinus* laudat. Hæc, inquam, & similia exempla non nisi improprie, & ἐν μέλει τινὶ συνηστώσας, ad amnestiam, de qua nobis agere visum, referuntur.

4. H. 46.

3. pol. 7.

## CAP. IV.

*Quibus Argumentis suaderi, si res ferat,*  
 ἈΜΝΗΣΤΙΑ possit.

**V**ERÆ AMNESTIÆ non pauca, quotiescunque ejus usus venit, obstat solent, & cum intertrimento minorum consiliorum opponi. præsertim, ubi ratio absolutioris imperii, & arcana majestatis & magistri dominationis, & spes omnia subigendi, & ante cetera, intentatum majestatis crimen, duriora semel persuaserunt.

At profecto, quam sunt fallacia isthæc talia, & tibi tanto magis repudianda, quisquis es, Magne Princeps, quanto sublimior tua dignitas, & conspectior non in præsens modo sed in posteros fama!

Ante omnia certum est, longe alio animo civilia bella tractanda & pensanda esse, quam externa. Sanctum civis, aut ut hodie loquuntur, subditorum ordinumve nomen: sanctum naturæ instinctu: sanctum consensu gentium, quæ sancti in terris quidquam noverunt, discreverunt: sanctum, Religionis Christianæ cæcironia, sanctione, legibus. quas nemo impune ignorat aut violat. Et certe hodie nemo ignorat: interim quotusquisque non violat.

Non

Non indiget res tam nota, explicatione. Unum consideretur ejus viri exemplum, cujus cum ambitio summa esset, pietas nulla, sola impietatis conscientia, id est, juris divini humanique temerati horribilis sensus, in ipso felicitis injuriæ impetu cursuque expressit vocem, laudabilem utique, nisi fera fuisset, **MILES PARCE CIVIBUS.** Horruit scilicet in ipso scelere suum scelus auctor, & qui antea, vi ac armis pro jure utebatur, nunc iniquitatis confessione, cum ipsa defungi, si posset, cuperet. Videt enim, etiam in tanto rerum temporumque tumultu: *nullam posse satis justam effundendi per bella intestina, civici sanguinis causam afferri.*

Malus est nomenclator, *Affectus.* hic vocabulis nos aliquando decipit, ut *hostes, perduelles, extirpandos*, credamus, qui nec fuere tales, nec sunt, nec tales esse possunt. consulto breves sumus: nec ad singula hic devenimus. Rursum in ceterorum vicem *Julius* eat: generatim nos, de peculiaribus haud paucis, moniturus. Pompeium, inexpiabili bello peritum eversumque deplorat. quis? non tam hostis, qui in hujus capitis exitium, orbem fere totum armis exciverat (quo nomine ridet tanquam Crocodili lacrymas Historicus) quam qui hostem poenitentia didicerat, magnaque vi conscientiae adactus, civem, amicum, generum, seria recordatione, vel invitatus respectabat.

Quidni, inquis, pro hoste habeam, quidni ulciscar vi principis, qui in Principatum meum & majestatem injurii & noxii fuere: Exuit civem, qui spernit principem. neque veniam sperat aut sperare debet, qui ferro grassatur. Gloriosissime Princeps (*quid enim est gloriosius Principe impune laeso?* inquit Senec. 1. de clem 10.) si ex praescripto politicorum, omnia ad famam tibi dirigenda sunt, quanta & quam perennis & solida & incomparabilis erit gloria, **OB CIVES AMNESTIÆ BENEFICIO SERVATOS.**

Cum

Cum præsertim illa ipsa majestas, quæ in ultionis irritamentum suggeritur, talis sit, ut conservando, tuendo, sanando, restaurando statu publico, unice intendi, amplificari, exaggerari; privatis autem incrementis & fastigiis non nisi minui aut obscurari soleat. Judicet omnis ævi, omnium gentium prudentia, an insignis ad laudem & decus regnorum sit: *Vim principis civium supplicii & labe-factatione status intendisse; aut, principatus robur parcendo ignoscendoque constabilivisse? Egregios bellorum fines, quotiens ignoscendo transiguntur; barbarus rex minime barbare dixit ap. Tacit. 12. A. 19, 3. Triumphi de populis regnisque exteris adquiruntur: in civium discordia, omnium tropæorum honorem superat, Amnestia, quæ sola immortale elogium & sublime tibi dabit, Princeps, quod Arato Romanorum disertissimus tribuit, 2. offic. 23. O virum magnum dignumque qui in nostra rep. natus esset! Sic par est agere cum civibus: non (ut his jam vidimus) hastam in foro ponere, & bona civium voci subicere præconis. At ille Græcus (id quod fuit sapientis & præstantis viri (OMNIBUS CONSULENDUM putavit: eaque est SUMMA RATIO ET SAPIENTIA BONI CIVIS, COMMODA CIVIUM NON DIVERELLERE, ATQUE OMNES ÆQUITATE EADEM CONTINERE.*

Stimulat adhuc dolor injuriarum & vindictæ libido? Imitare Augusti consilium. turpe enim fuerit homines Christianos a gentilium sapientia vinci. Illum quoque acriori morsu non semel tentavit doloris impatientia: quæ in magnis animis cito innascitur. præcipue cum Cinnam sibi invidias struxisse comperisset. *Gemens subinde voces emittebat varias, & inter se contrarias: Quid ergo? ego percussorem meum securum ambulare patiar, me sollicito? Ergo non dabit pænas qui tot civilibus bellis frustra pettum caput, tot navalibus tot pedestribus præliis incolume, postquam terra marique pax parta est, non occidere constituit, sed immolare? Rursus silentio interposito majore multo voce sibi, quam Cinna, irascebatur: quid vivis, si perire te tam multorum interest? quis finis erit suppliciorum? quis sanguis? &c. Senec. 1. de clem. 9. In tanto conflictu*

prævaluit denique iracundiæ clementia, publicæque tranquillitati condonavit, & supplicium Cinnæ & quicquid irarum conceperat. Ponenda hoc loco est, observationis grandioris & melioris nota. Ecce, Augustus, in uno homine puniendo, tantum trepidat. Ecce in reo majestatis, in manifesto reo, lentus pariter & misericors est. Quidni hoc deceat facere, ubi per Amnestian, ne resp. colabefiat, succurrendum est?

Quod ut amplius noscatur, auscultabimus quæso paulisper cum Augusto Liviæ, minime muliebria aut parum consulta consulenti; apud *Dion. 55.* Prudenter illa Augustum suum monet, *delinquentium facta humane judicanda & discernenda esse.* Multa in se continet, illud, *τὸ ἀνθρώπων ἁμαρτίας ἐκλογίζεσθαι.* ut enim prona lapsibus hominum indoles est, ita occasiones peccandi variæ & illecebrosæ, præsertim adversus Principem: quem reverentur, quicumque recte & juste imperium cepisse aut gerere credunt. quod si opinio injusti principatus aut tyrannidis animis insedit, jam nec boni & cordati (loquor quæ fieri solent) indignationem fatis continent. quidam generositate sua indigna se pati; quidam, non respici ex merito, quidam, violari ultro suam auctoritatem existimant, aut suspicantur. aliqui, reip. vicem dolent; tanto fortius, quanto majore argumento affectum induerunt. accedit potentia, quam debere se publico credunt, qui publici neglectum principi imponunt. neque parum hic potest, vox animosi aut ferocis consultoris ac instinctoris.

Hæc & similia, rectissime separat Livia, à pervicacibus & malitiosis cœptis. *natura impetum, opinionem virtutis & honesti (ἀγαθὰ δὲ δόξαντα εἶναι)* potius vocat, quam *rebellium perduellionem.* Et revera, attendite Magni Principes, an crebrius al'ud magnorum virorum crimen legitis, quam crimen Majestatis, cum crimine vacarent, aut certe longe intra hoc nomen peccassent? Dicam quod res est: hic titulus, quo amplificari olim sueverat imperii dignitas, infamavit sceptrum non pauca. Quidni ita fieret? adfunt delatores, adfunt adulatores, adfunt amicorum vestrorum

strorum inimici : hi ex suis affectibus & cupiditatibus , apud aures vestras , quibus nimium sane abutuntur , aliena facta , vel fingunt vel pingunt , vel interpretando ad lubitum deformant. Et quid dicam ? adeo sæpe caret hominibus vera loquentibus aula , ut ne hoc ipsum quidem licuerit Augusto , nisi ex Livia audire.

Magnum crimen Majestatis ; magnisque exemplis vindicandum. neque enim tam projecta cuiquam Principum salus , quin ita sentiat , ita cupiat. Equidem certatim hic Vobis , ô rerum Domini , multa concedunt leges , multa favor judiciorum suggerit : sed profecto , ni fallor , maxima , parce & humane utentis tam districto jure gloria erit. Multa debet animus Vester requirere ad probandum ; & eo plura , quo pauciora ceteri disquirunt aut desiderant. Nam cito & multa complecti hoc titulo , licet non dicam cujus sit , dixit pro me historia , neque unquam non judicabit posteritas.

Hanc quoque severitatem gratularemur sceptris , & amnestiæ lenitati præferremus utique , si securitati hac ratione foret consultum. At vero ille sanguis , Cadmæam fementem spirat. neque omnes , qui obstant regnantis voto , tolli semper possunt. quosdam ultro subducit fatum , & alteri sæculo reservat. Dicerem ferme : ex ossibus nonnullorum ultorem oriri posse. certe experientia docuit , solam sæpe supplicii memoriam , posteritatis invidiam & iras proritasse. Interim *nec fieri potest , nec si potest , justum est , quod rursus Livia expendit , ut nobilitas in ignobilitatem , fortitudo in ignaviam , prudentia in stuporem , commutetur , accisisque fortunis omnibus , etiam vividi spiritus contendantur deprimanturque.*

Et quandoquidem regium est , sapere sublimia : ascendere vidimus laudatissimos Principum altius , atque ita ratiocinari : *movit adversus me gladium ille & iste. hujus confectionis causæ prius , quam participes , exscindendæ erunt. cum primis autem divina mihi providentia precanda , ut quod vel pœna vel monitionis loco immisit , non in occasionem favendi ; sed in pietatis , clementiæ , justitiæ occasiones traham.* Non comprimuntur

*fortius aut fidelius refractarii, quam civili iustoque imperio. non redditur libentius obsequium a male parentibus, quam si bene parentibus relinquuntur aut reddantur sua jura. Denique cum non omnia possem arbitrari & disceptare, committenda pleraque sunt Deo, quo nemo potentius, nemo amantius tuetur Principum thronos & coronas. Ille malitiosis, quibus ego peperci, non parceret. ceteros mihi, me illis servabit fidos amicosque. Longe satius est tulisse quasdam injurias & reliquisse, quam ulciscendo modum excessisse. Principem enim non injustitia modo, sed injustitia opinione ac suspicione decet vacare.*

His & similibus meditationibus præparari poterat animus Dei metuens ac reverens, ne ab Amnestia in civilibus bellis unquam abhorreret. Frustra *successum & spem premiorum* ostentant ex diverso magistri dominationis. Quis enim tam est in rerum usu ac fatis peregrinus, quin instabilem fortunam, incertas felicitatis & breves vices, immissos velut ex alio orbe novos inopinabilesque casus, in oculis habeat? Vulgariter loquor de re in vulgus nota. Alias celsius pariter & firmiter me loqui docuit pia divinæ gubernationis observatio. *Semper displicent Deo bella civilia & eorum artes: ergo revocat plerumque bellantes admonendo, invitando, occasionem pacis suggerendo: Hoc tempus si neglectu aut contumacia transmittitur, sequitur indignatio neglecti pacificatoris, ut sic dicam; & conversio fortuna negligentium. Gentiles, irritata fortuna, irreverenter habita, fatigata iras, memorant in re, cujus eventum potius quam causas & seriem capiebant.*

Minus erat mirabile, si inter initia, ante fufum sanguinem, ante illata aut accepta tristitia, tumorem animi retinerent. sed postquam omnia cladibus, cruore, strage, miseriis, incendiis, rapinis, foedata, vastata, exhausta, consumpta sunt, posuerit necesse est inter inhumana omnia, ipsam humanitatem, qui ejus excidium amplius cupiat aut optet. *An non videmus (utar verbis Tullii ex Dion. 44.) quamdiu nos & nostra civile bellum attriverit, nihil tam indignum quod non sperperissimus aut fecerimus; Quis numerare potest vim pecuniarum, ademptam civibus*

*extor-*



*extortam sociis, acceptam senore, impensam adversum nosmet invicem ipsos? Quis numerare potest, viros claros duntaxat & præsidio patria adversus vim exteram quantamcunque futuros, quos ferrum & bellum absorbere? Sed hi quidem militari morte defuncti: ceteram urbem quis satis delectat? quis senes, pueros, infantes, mulieres in trivis, in foro, in curia, in templis; ludibrio habitos, enciclos, viciatos, discerptos, trucidatos, digne queratur? Tantum dedecoris & jactura nemo hostis unquam nobis intulit, nec fortasse optavit inferre. ut prorsus existimem non hominum nos hæcenus vitam sed ferarum vixisse. Hæc de suo tempore Tullius vere & libere, cum Amnestiam suaderet: ratus neminem futurum, quin vel conspectu tantorum malorum ad mitiora verteret.*

Utinam hodieque vel Tullius vel Thrasybulus aliquis Germanicus esset, qui reliquias Germanorum, ostensis Germaniæ suæ ruderibus, in miserationem tandem & pudorem ex furore demutaret! Nostri Hæctores, nostra Troia, nostri equites, noster senatus; nostri exercitus; nostra consilia, nostra robora, jacent, sepulta sunt omnia.

*Heu quantum terra potuit pelagique parari,  
Hoc, quem civiles hauserunt, sanguine, dextra!*

Monuerunt ante hoc sæculum veluti præfagi quidam & vates Germaniæ, viri pietate, doctrina, generoso animo, amore in Patriam non minus quam nomine suo noti. suadebant in Turcorum capita effundendum, quicquid Germanorum terris irarum conciperetur vel immineret. invictam fore gentem fore, quam diu concordia domi maneret. qua violata, quidquid uspiam esset ambiciosarum gentium, in prædam advolaturum esse. Illi si nunc viverent, qua erant animi nobilitate & prudentia, non esse hoc tempus, dicerent, quo in ipso patriæ communis funere & busto, postquam tot ac tanta intra Iliacos muros pariter & extra commissa sunt, tam sollicitè & curiosè in muræ errata inquirere, pœnas meditari aut minitari, ambigere super formulis disceptationum, deceat. Arma civilia neque parari neque

Nnn 3

haberi

*haberi per bonas artes posse, satis notum est. Igitur mutua malefacta mutua venia abolenda esse. nunquam male enim pacem, malefactorum & damnorum & sumtuum condonatione, id est, amnestia. praesertim autem in ultimo rerum omnium articulo, ne cunctationi quidem locum superesse. in extremo morbi periculo, non disceptare agrum de vasculo medicamenti aut suavitate, sed arripere salubritatem. vehementer itaque in publicum injurios consultores, & intempestiva artis magistros, qui de honoris & fastigii principalis inani pompa, moras & rixam serant. Generosis facile convenire: inter quos, qui inferiores sunt, superiorum majestatem comiter & libenter observant: ipsi autem, quos in summo fortuna collocavit, facile intelligunt, non posse se amplius ascendere, quam si se ipsi submittant, & in bona pacis publica, in amorem civium, in comitatem Amnestiae, qua hac omnia continentur, ulterio descendant. Abeat in Hetruriam suam, Machiavelli alicujus oblatratio: abeat ultra Gades, indigna nostro orbe vasfrities: quæ cum omnes speciosæ fallaciæ conatus impendit ad Regum amplificanda regalia, ut præferunt aliqui; intelligas denique, tantum ab excelsa & Christiana sapiendi sinceritate abesse degenerem & humilem versutiam, quantum ab ipso principali fastigio, omnis vitiosa turpitudine & ignobilitas abesse intelligitur debere. Plura pete ex Cl. Viri Matthie Berneggeri p. m. Præceptoris nostri nunquam sine veneratione memorandi, Orat. IV. de Amnestia.*

*Finiendum est voto, quo precamur: ut redeat terris expulsa pietas, & moderati animi æquitas, & ex utraque Amnestia, & ex Amnestia pax, & ex pace, DEI gloria: quam bellorum furor, heu quam diu, quam immaniter temeravit!*



# XIII.

## DE ELEGANTIA MORIS CIVILIS ET AULICI. An. 1642.

**P**ertinet omnino ad magni Politici non modo facultatem, sed elegantiam, illa commendatio, qua *Cornel. Tacitus* Mucianum prosequitur : quod fuerit, *omnium que diceret atque ageret, arte quadam ostentator*. Non enim inanis quædam jactatio, & arrogantis vel animi vel moris elatio intelligi debet, quæ falsa bona affingit, vera exaggerat, aliena vindicat : sed prudentiæ illud artificium, quo dictis factisque in gerenda republica, præter vim & legem actionis ordinariam, ut sic loquar, decus, & gratia, & species conciliatur. II. Hist. XX.

Hujus rei primum exemplum, ipsa Natura præbet : quæ suas dotes, sua munia & opera, in quibusdam, nude & quatenus opus est, explicat ; in nonnullis, eleganter, & quatenus decet, ostentat. Imitatur Naturam, Prudentia : tanto id quidem magis, quia naturæ opera, ultro & sponte ipsum naturæ nomen commendat ; prudentia autem, quadam disciplina sui, vel ut intelligatur, vel ut ametur, indiget. Quo fit, ut actionis humanæ materies, & quidquid morum virtutumque nomine censemus, partim simplicius vitæ consuetudini & utilitati adhibeatur, partim decore & cum invento quodam artificioque, naturis propositisque negotiorum accommodetur.

Est hæc iis præsertim cura, quos muneris ac instituti ratio, interiore ac nobiliore reipublicæ tractatu exercet. Principes dico, quique Principum rebus curisque admoti, Politici vulgo & Aulici vocantur. Horum certe persona, non animis modo hominum, sed oculis, sensibus, affectibus servire debet : ut conservetur ubique præcipui inter mortales operis dignitas favorque : quibus quasi duobus fulcris omnis administrationis civilis firmitas sustentatur.

Idem

Id enim revera Prudentes agunt, in hoc genere *artis*, sive, ut cum *Tacito* vocaveris, *artificioſa oſtentationis*: etiam cum ſcenæ inſervire, cum mimum agere, cum ludere videntur; huic ludo ſeria ſubſiſtunt. Quamvis, in re tam ſubtili, delicata, recondita, ſæpe deerrari, legibusque artis vim fieri, nemo negaverit. Equidem, ut eſt quidque in humano actu maxime eximium, electum, nobile: ita crebriori temeratur abuſu, aut in ſpecies virtuti artique ſimiles deſſectitur.

Veram, cum latiffime pateat hoc ſtudium, ſpecimen quoddam elegantiffimarum rerum, in fortuitos locos conducere, & eruditæ juventuti, quæ ſeculo talium obſervationum ſtudioſiſſimo vivit, commendare volumus. Vulgo dicerent, *Subtilitates politicas & aulicas*: nobis rectius viſum eſt, *elegantiam civilis & aulici moris* appellare.

Exiſtimet forte aliquis, hæc ipſa eſſe, quæ *Arcana*, & *ſimulacra Politica* aliàs dicuntur; quæque de cetero etiam, vario commenti & inventi genere ad *Rationem ſtatus*, ut loquuntur, referri ſolent. Sed notabit, qui volet, multa hoc nomine ſignari debere, quæ nec occultantur, nec ſimulantur, nec leges & regulas ſtatus, quas vocant, proprie attingunt, niſi quis laxè admodum, & ex quodam conſecutionis longinquioris genere velit loqui. quod, ſicuti propoſito cujuſque, interdum non difficulter indulgetur: ita partiri accuratius, aut tractare diſtinctius volenti, obſtare non poteſt. Interim jam profeſſi ſumus, & poſtea oſtendemus, elegantiam, de qua agimus, concurrere nonnunquam, & cohærere, cum ſimulationibus, & occultationibus politicis, itemque regulis ſtatus: ſed propterea non confundi debent, quæ ad unius operis conſiliique effectum, ſua quodque vi & propria virtute, conveniunt.

Poſſet iri per ſingula virtutum nomina. Quis enim dubitet, in Magnitudine animi exercenda, in Prudentia, in Humanitate, ceteroque laudati moris genere, plurimum diſferre, quæ plana directaque ratione aut ſimpliciore formula expediuntur, ab iis, quorum altiore ſubtilis elegantix genio imbuitur tractatio? Sed nobis ſatis erit, quilibet

libuscunq̃ue elogiis, Specimen composuisse eorum, quibus polita & sollers aliqua vis & ars virtutis, vocabulum, quod huic dissertationi præscripsimus, conciliat. Ad-  
dentur deinde aliqua, quæ ad imaginem, speciem, af-  
fectionem, abusum denique hujus rei pertinere, ante di-  
ctum est.

*In Legibus ferendis.*

Legum inter homines magis custodienda Auctoritas, quam inquirenda Subtilitas videtur. Quin & negant aliquando sapientes, legem humanis ingeniis excogitatam: sed æternum quiddam, de æterna & prima lege expref-  
sum; neque decretis populorum, sed naturæ norma me-  
tiendum esse contendunt. Quod, sicuti de communi illa  
lege, & recta ratione, universum mundum, imperandi pro-  
hibendique sapientia, continente, verissimum est: ita re-  
gulæ longe lateque patentis explicatio, quæ institutis gen-  
tium, populorum, civitatum continetur, multam subtili-  
tatem & artem capit.

*Cic. 1. & 2.  
de ll.*

Et in antiquis quidem legibus, non potest semper ratio Legislatoris, nedum sollertia rationis apparere. At vero non desunt exempla insignia, earum legum; quæ longe plus in recessu abscondunt, quam prima specie ostendunt: quæ subtiliter inventæ, decore enuntiatae, nec sine sollertia & arte politica, temporibus ac statui reipublicæ accommodatae animadvertuntur. Scrutatus est penetralia subtilitatis legislatoriæ (ut unicum ex jure Rom. exemplum adferamus) Vir & ICrus Illustris, nec minus subtiliter, quam graviter eruditus, *Jacobus Gothofredus*, in *discursu Historico ad L. Quisquis* Cod. ad L. Jul. Mai.

Diligentissime autem versatur in hac parte subtilis elegantiae observanda & explicanda, *Franciscus Baconus de Verulamio in histor. Henrici VII. Angl. R.* Nam toto passim opere, Leges illius Regis non modo refert, sed rationes, proposita, consiliaque earum politica, singulari neque multum usurpato Historicis instituto, declarat. Quo ex-

O o o

emplo,

emplo, si quis Principum, nationumque leges, quatenus memoriis temporum rerumque juvari possumus, examinet ac mediteretur, sæpissime notabit id, quod dicimus: unam eandemque legem, non magis regulam æquitatis, quam artem civilis elegantiaë sollertiaëque continere.

*Gell. 2. 21.* Alia tempora, alias leges postulant. Nemo enim ignorat, legum opportunitates & medelas, pro temporum moribus, pro rerum generibus, ac pro utilitatum præsentium rationibus, proque vitiorum quibus medendum est servoribus, mutari atque flecti, neque uno statu consistere, quin ut facies cæli & maris, ita rerum atque fortuna tempestatibus varientur. Vides, quam late pateat occasio eleganter callido legislatori, cujus opus inprimis est civile, ex mente Cæciliï Icti, apud Gellium. Quanquam plura ejus rei momenta adduci possent, si ratio instituti ferret.

Tu breviter ista hujus loci dogmata tene, siue potius exempla, magnis Principibus, interdum bene, nonnunquam secius usurpata: *Leges aliquando quidem, & necessario tempore, ad blandiendum populo, ferre. Plerumque autem bonis legibus, populi benevolentiam & promptam voluntatem, non remunerari modo sed pignerare. Optimas legum rationes credere, quæ non præsentibus modo, judicandi dexteritate consulunt, sed futuris providenti solertia congruunt. Rationibus status, rationes juris & legum innectere. Legum rationes, conscientia; legum colores ingenio populi æstimare. Leges, ubi opus est, non minus erario augendo, quam emendandis moribus accommodare. Legibus Justitiam propitiare, Fortuna blandiri, ceteris Virtutibus adulari. Legibus efficere, ut bonum & verum fiat, quod male dictum est: jus esse, utilitatem potentioris. denique illud maximum & subtilissimum: legibus DEUM colere, civibus consulere, inimicos fallere.*

#### *In Deliberationibus consultandis.*

In consilio, primum gravitatis auspiciū est. Sed invexit subtilem sollertiam ratio & consuetudo, & indoles consiliantium. Propone tibi Tiberium aliquem. videbis

bis confilia ejus varie & subtiliter implicata & explicata: neque tamen statim apparebit, quæ vinculorum adstrictio, aut laxatio: unde incipiant, quove se condant occulti nexus. Hoc erit veluti magicum simulacrum Principalis secreti, quod in varias formas verti, aut sub uno vultu, multa schemata tegere consuevit. Verum, quia Tiberiana consultandi ratio plerumque artibus & flagitiis dominationis destinatur, & alibi sæpe, tales astus norantur, ad alias rationes in consultando convertemur.

Quanta enim occasio sollertiæ ejus, in momentis, juribus, prætensionibus, quas vocant, mutuo respectu, propositis Principum, Regnorum, statuum inter se? Nec sufficit ista scivisse: nec prodest semper attendisse. Sola sæpe subtilis elegantia sollertia genium perplexi & in diversa distracti negotii propitiat, ut decore ad omnes, tibi utiliter, candide cum iis, quorum interest, videaris egisse. Specimen hujus meditationis, nuper præbuerunt *Dux Romanæ* in libello peculiari de Principum & Statuum Christiani orbis utilitatibus, & momentis ad rationem status cujusque pertinentibus: & *Victorius Siri*, qui libro primo Mercurii sui, per modum apparatus historici; tum in progressu operis, per modum interioris disciplinæ, non indiligenter eandem prudentiæ partem exequitur.

Ponemus exemplum subtilis consilii, quo Henricus VII. Angliæ Rex in negotio federis offensivi, quod vocant, adversus regem Galliæ, usus est. Maximilianus enim Rom. Rex a Gallis læsus, Henricum, & Ferdinandum Hispaniæ Regem de auxilio & societate armorum appellaverat. Stimulabatur Henricus propriis causis; nec decore poterat recusare; quanquam satis provideret, in hoc federe parum roboris fore: cum Maximiliano, vires; Ferdinando Hispano voluntas & serium Maximiliani juvandi studium, deessent. His de causis ipse quidem, animum non adjecit ad bellum Gallicum: interim tamen magnam ad id gerendum alacritatem non solum in Parlamento, & Aula sua, verum etiam in Consilio sanctiori, exceptis paucissimis secretorum arbitris, concitavit.

BACON.

Utemur verbis historici ante laudati. Rex cum difficultates belli & incommoda, recte perpenderit, secum animoolvebat, qua tandem ratione, duo, qua expetebat, obtinere posset. Primum erat, quomodo ex bello denunciato & inchoato, utilitati suae inserviret; alterum, quomodo se à bello, cum opportunum foret, salvo honore subduceret. Utilitatem & emolumentum, duobus modis aucupabatur: à subditis suis propter bellum, ab hostibus propter pacem: tanquam mercator prudens, qui lucrum facit, tam ex mercibus exportatis, quam ex importatis. Quantum vero ad honoris considerationem, ne fama sua paulo ad metas haberet, si à bello desisteret, recte secum agitabat: quod, sicut auxilium Ferdinandi & Maximiliani fidere secure non posset ad belligerandum: ita alterius impotentiam, alterius duplicitatem, & minus sincera consilia semper praesto habiturus esset, ad pacem excusandam. Haec omnia prudentissime praevidit, nec minus artificiose executus est. Unde omnia ex voto, veluti in gremium ejus placide delapsa sunt. Scilicet bella hujus regis (ut iterum cum Bacono loquamur) ei semper fuerunt instar minera cujusdam admirabilis, qua ferrum habebat in summo, aurum vero & argentum in fundo.

prop. fin.

pag. 96.

Et quoniam loquimur de Principe, sollerter callideque repertis commentis mire dedito (nam & mille pusillas industrias, & artes, ei tribuit historia, quibus subinde vel naturam vel fortunam suam propitiare studuit) notatu dignum est, quod de nimia in hoc genere diligentia iudicium habet Baconus. Fatendum est, inquit, cogitationes ejus, tam fuisse numerosas, & complicatas, ut simul stare saepius non possent, sed quod in aliquibus prodesset, ad alia obesset. Oporterat hoc alibi circa negotium Pacis Gallicae, cum expositis consiliis Henrici sagacissimis, subiecit: verum ista cogitationes nimis subtiles erant, quam ut fortunata esse possent, & successum in omnibus sortiri. Etenim res magna, fere magis rigida & contumaces esse solent, quam ut callidioribus consiliis fingi & as-fabre formari possint.

Ad consiliarios Principum si vellemus progredi, multae calliditatis certamen nobis occurreret: vel in demerenda Principis fortuna, vel in exornandis suis inventis, vel in praetexendis affectibus, vel in destruendis aemulorum senten-



sententiis. Hæc, quia excludi se non patiuntur ab aula honestis tegumentis, & quodam subtilitatis colore ac favore, commendari amant. An & illud sub hoc nomine potest venire, quod de magno Magni Re. is ministro disputatur apud Historicum? quasi in dissidio belloque Filii & Matris, ab alterius quidem parte steterit, alterius vero causam foverit, & dum uni servit, cujus utilitatem potius quam voluntatem sibi respiciendam putaret, utrique miro artificio fidem præstiterit. Vestigia subtilitatis ejus, etiam in lege antiqua *Solonis* apud *Gellium*, putes te reperisse. Nisi tamen ministri formula, à civis illustris, nec in alterius ministerio positi officio discrepat: suntque hæc ex eo genere consiliorum, quæ ex fortunæ arbitrio sui facti censuram expectant.

*Gramond.*  
P. 278

2, 12.

Specimina subtilitatis, breviter, in hunc de consultatione locum, conducimus ista: *Fortunam*, non ut ad tempus apud te mereatur, conducere; sed ut affectu & favore tibi jungatur, conciliare; id est, amicam, non mercenariam facere. Nullam credere *Prudentiam*, nisi qua à *Fortuna* sui operis legem expectare, *Fortuna* tempora captare, munera collocare, dissimulationes revereri, minas ferre & interpretari didicerit. Magni consilii, primum, à sensu fortuna publica, quem *DEUS* largitur, auspiciū petere. In judicando de presentibus, cum respexeris ad plurima, eligere & discernere, qua comprehendere actione possint, qua item extra comprehendentis conatum aut usum sint: ut illa, in familiare & bene contextum habenarium vinculum colligas; hæc, nisi sponte ingenium mutent, velut inobservata dimittas. Provisionem futuri, sine spei, sine metus affectu, sed non sine utriusque imagine & figura, semper autem cum reverenti & amica erga futurum cogitatione, non ingredi modo, sed sequi, quantum progredi poterit: consilium tamen, quod inde emergit, intra terminos modestiæ cohibere; quæ malit sati beneficio; quam opis humana auspicio plus ultra provehi. In iis, qua subtiliter consultata sunt, apud eos, qui non intelligunt subtilitatem, deceptum velle videri. Subtilitatem nimiam ingenii Theoretici, qua subtilitatis Practica sæpe simia, plerumque adversaria est, à consiliis procul habere: revolve historias; nunquam ornave

conclave Consi, Aranea, ex quo semel infelici certamine cum Pallade contendit Arachne. Magno consilio, sine magnis ambagibus, opportuno dicto, aut deprompta ex armario subtilis solertia sententia, viam, & gratiam, & interdum finem dare. Subtilitatem alienam penetrare potius, quam odisse: propriam nec amare, nec odisse: utramque ex utraque regere. Suspicari, sine injuria, diffidere, sine calumnia; dissimulare, sine verisutia: id est, Mystera consilii sancte, instrumenta candide, praesidia caute tractare. Atque, ut brevi ænigmate, multa complectamur: Subtilitatem, quæ suum in Senaculo locum antiquo jure tuctur, semper quidem comiter admittere, sed raro amice aut delicate amplexari.

*In Magnificentia & Munificentia dispensanda.*

Quoniam in ornamentis magnæ fortunæ, omnino quidam splendor & copia, temporum rerumque solennitati indulgetur, felicius utique hujus negotii arbitrum, Mercurium constitueris, quam Plutum. In ipso splendore, habet aliquid vulgare, quod tantum splendet. Hinc & Palatii illustramenta, decoris, ingenii, prudentiæ, virtutum notis insignire, pars consilii ac dignitatis est: & quæ publicæ lætitiæ, voluptati, festivitati destinantur, auribus temporis, genio sæculi, & præsertim intellectu sensuque Principalis fastigii gubernari fas est.

*Sueton.  
August. 12.*

Prætoria sua Augustus, non tam statuarum tabularumque pictarum ornatu (quamvis & illæ in partem subtilis elegantiae venire possunt & solent) quam xystris & nemoribus excoluit, rebusque vetustate ac raritate notabilibus; qualia sunt Capreis immantium belluarum ferarumque membra prægrandia, quæ dicuntur Gigantum ossa, & arma Heroum. Ejusdem Syracusa, & τρυόποις, vel solo nomine, subtilia delicataque, & plus ingenii quam opulentiae ostentantia opera, historiis celebrantur.

Si enim splendidiorum operum magnificus ornatus, majestati Principum augendæ facit, quod consensu creditur,

tur, satis apparet, solidioris gloriæ esse, quod Gratiarum quodam artificio, animis & sensibus hominum conciliatur. Quidni crederetur Virtuti & Sapientiæ amicus, qui utriusq; ornamenta, mysteria, suavitates, artificia, instrumenti sui, & cultus, & aularum partem fecit? Sumtus oculos tantum tenere, Ars animos devincire potest. Quapropter variæ subtilitatis ingenia, inde ab ultima vetustate, etiam in barbararum gentiû operibus exsplenduerunt. Maurorum Gracienensium Arx ( cui ænulam Hispan. R. postea extruxit ) passim ostentavit *Emblemata, Hieroglyphicas rotas, Arabicas litteras, varia signa, Musivo opere incrustata.* Ipsa nobilissimorum Artificum opera, pretio & memoria sui plus valent, si notabili argumento ars impensa est.

*P. Merula  
Cosmograph.  
2, 2, 22.*

Bene monet *Fredericus de Marcellis* Legatum suum, ut quacunq; nomine sui Principis, aut in honorem ejus, ediderit publica illustris latitiæ spectacula, inventione inprimis appareant rara, & significativa, sumtu magnifica, indicia bona sortis & spei. Quo loco, & exempla licet consignata legere.

*Legat. 1, 22.*

Dicendum est idem de toto illo genere, quo honorantur Principes, aut honorant. Hinc, ingressus Principum publici in claras urbes, exquisite celebrantur: adventusque & convictus Illustrium hospitum, erudito splendore illustratur. Carolo V. Cæsari Antuerpiam adventanti, *Fides & Amor civitatis*, multo salutationis gratulationisque artificio, varioque ingeniosi cultus spectaculo, ludos fecerunt. quorum hypotheses & argumenta peculiari libello complexus est, *Petrus Ægidius*. Videmus etiam in Dramatibus, huic fini destinatis elegantiae locum esse. neque longepetendum est propositum Magni Viri, qui EUROPA in theatrum introduxit, accuratis & subtilibus spectatoribus, accuratum & subtile argumentum convenire ratus. In nuptiis Catharinæ Hispanæ, & Arthuri Angli, inter spectacula & triumphos nuptiales ( referente Bacono ) multa ex *Astronomia desumpta sunt*. Sponsa enim per *Hesperum* adumbrata est; Princeps autem per *Arcturum*. Sed & vetus Rex *Alphonsus* ( qui inter Reges maximus fuit astrologus, atque simul ex progenitoribus Sponsa ) introductus est, ut fortunam Nuptiarum prädiceret.

*Ap. Freber.  
rer. German.  
tom. 3.*

Acutum

Acutum schema & elegans. Verum ut videtur, *infausta res est fortunam ex astris petere*, nam Princeps tantæ spei post paucos menses obiit. Ita enim amplius annotat judicatque Historicus.

*Imp. Preber.  
rer German.  
tom. 2.*

*Lib. 2. edit.  
Barib. 8.*

Fecit se partem hujus artis, invitis tamen, ut opinor, Gratiis, quæ propria elegantiae numina sunt, æmulatio & certamen ostentationis & magnificentiae. Notatur aliquid tale in congressu Friderici III. Imp. & Caroli Ducis Burgundi anno 1475. Ita enim claudit illam historiam *Arnoldus de Lalaing*, postquam multos invicem honores, spectacula, sollennitates ab utroque usurpata memorasset: *Equidem audiui, qui affirmaret æmulatione inter ipsos agi: & utrumque oblitum mensura, illum quidem invidere minori, hunc vero contemnere majorem.* Itaque fortasse plus sollertiae habet *Cominai* consilium, qui hoc ipso, & aliis exemplis ostendit, declinandos plerumque Principibus tales congressus.

*Legat. l. 22.*

Minus periculi habet, Legatorum circa ostentationem magnificentiae certamen: quod nec raro mandari ab ipsis Principibus & instrui solet. Hinc novi & majores Legatorum tituli, amplissimus comitatus, & aliquando instrumentum aulae & supellex Principalis, passim memorantur. Accedunt varia consilia, inventa, in minoribus rebus, ad majoris propositi scopum accommodata: & in exteriorem scenam, ex interioribus status rationibus dispensata. *observare etiam est* (inquit *Marselarius*) *in legationibus ad certamen splendidis, Hispanos Gallosque sepius contendisse, non tantum ne agendi aut vestiendi modo convenirent, sed ut maxime differrent: neque adeo, ut splendidissimi essent, sed ne quid splendidius adesset aliis.* Fortasse tamen cavendum est, ne in obviam vulgi irrisiōnem, & argumentum Satyræ incidant, quæ nimis curiose ostentantur. Et quis neget, interdum subtilissimæ ostentationis genus esse, dare operam, ne in ostentationis certamen aut æmulationem cum quoquam videaris voluisse descendere? Semper pauciora loquimur, quam cogitamus: neque exemplis utimur nisi quæ decore possunt.

sunt nominari. forte tamen hoc ipso, quod institutum nostrum profiteamur, nonnullis in regulas sollertiae Politicæ videbimur impegisse. nisi quod præcipua nobis ratio esse debuit, de subtilibus, simpliciter minimeque subtiliter agere.

In Honoribus publice clargiendis, multa elegantis inventi specimina inveniet, qui *Formulas Equitum varii ordinis*, itemque *prærogativas aliarum, vel majorum vel minorum Dignitatum*, conquisite perspexerit. Noti sunt scriptores, qui partim consignatione *Iuris Publici*, partim *Politicarum commentationum* diligentia, in tales observationes animum calammumque intenderunt. Est per se honor, res splendida: sed splendet magis, cum decore collocatur, cum subtiliter explicatur, cum perite nec superbe ostentatur. Etiam temporis aliqua in hoc genere gratia est. Sic Henricus ille Anglus ab initio imperii, Equitum & Nobilium creationem ita distribuit, ut civiliter admodum & decore, huiusmodi Magnificentis, partim festum coronationis suæ, partim conventum Comitiorum ornaret. Ita favoribus, testimoniis (& quidni etiam utilitatibus?) amplificata est muneris gratia in utramque partem: sive Auctorem, sive, qui eo aucti sunt, consideres.

Bacon.

Poni sub alia inscriptione forte debuit, quod hic notabimus, dum de honoribus sermo est. Sed acumine utique Politico plena est illa disputatio, de honoribus ab extero Principe collatis. Copiose describuntur momenta causæ apud *Camdenum* in rebus *Elisabethæ Anglicæ*, anno 1596. cum *Thomas Arundelius* bello Hungarico ab Imperatore honores titulosque Comitum S. Imperii, pro se & posteris suis accepisset. Formula quæstionis hæc fuit: *an ejusmodi titulus à Principe extero, Regina inconsulta, subdito collatus, sit admittendus?* Post rationes in utramque partem disceptatas, Reginae Judicium inclinavit eo, quo ratio status, cujus potentissimum in talibus auspiciis est, suum vexillum prætulit. Et jam ante biennium, duos ex Nobilitate Anglica juvenes, in *Torquatum S. Michaelis Ordinem* à Rege Gallo receptos, severe castigaverat, jussos, *resignatione sa-*

*et insignia remittere, & curare, ut ex ordinis illius commentariis nomina deleantur.*

Metuebatur ex honore obligatio : cum præsertim jurejurando sanciantur ejusmodi dignitates. Neque abnu-erit aliquis, Munificentiam illam Principum, sub externo quodam colore, dum virtutes egregiarum personarum honorari, aut festivitatis sollennia expleri, aut alii Principes, quorum cives extolluntur, amore affectuque coli videntur, sæpissime interiori Conciliationis proposito artificioque niti.

Et, quamvis sæpe amici, aut certe non inimici Principes sunt, circa quorum cives hæc dubitatio incidit : nulla tamen inter Principes tam arcta solet esse vel affectio, vel conjunctio, quin interiora status cujusque, habeant aliquid incommunicabile. Loquor de more & genio sæculorum, non de Platoniciis Rerump. ideis. Dissimulantur quidem ista nonnunquam alte ; estque vel consuetudine, vel contextu imperii, is aliquando inter diversos Principes publici consilii habitus, ut probare, amare, laudare opus habeant, quæ circa illum morem, intima ægritudine molestius ferunt.

Quod de honoribus dictum est, id suo quodam modo etiam ad *Munera & Liberalitates Principum* retuleris ; quibus haud raro consilia Conciliationis, aut prout, Legationum præsertim, negotia se habent, Corruptionis subesse putantur. Sed quæ in hoc genere, præsidia cautionis, aut arcana attendi debeant, aliis declaratum est. De cetero, cum planius expedita est Reipublicæ ratio, facile patiuntur Principes, suos Legatos præmiis coli, modo ne clam, aut suspecta pretii enormis magnitudine, res geri videatur. Henricus Angliæ Rex cum Alphonso Calabriæ Ducis Insigne Ordinis Periscelidis transmitteret, Legationem tam favorabilem in Ursivicum contulit ; *ut ei post multas legationes, unde nihil lucri percipi poterat, propter liberalitatem Ducis Alphonso, præmii loco esset.*

*Bacon.*

Digna sunt, quæ considerentur, spectacula magnificentiae, in quibus, multo apparatu & arte, ut solet in iis quæ

quæ ostentandi causa sunt, Nero Tiridati Diadema publice imponit apud Suetonium: Claudius Meherdatem Parthorum legatis Regem tradit, apud Tacitum; ubi præter magnam ostentationem, multo magnanimitatis & auctoritatis schemate assumpto orationem orsus Cæsar, de fastigio Romano, Parthorumque obsequiis, se D. Augusto adequabat, petiit ab eo Regem referens: omissa Tiberii memoria, quanquam is quoque miserat. addidit præcepta imperii gerendi, ad Meherdatem; & de civili obsequio officioque ad legatos: quæ ut cetera, ad majestatem & vim Romanam, denique referebantur. Justæ dissertationis modum expleret illa Taciti descriptio, si quis eam observationis politicæ curam, de qua nunc agimus, huc velit intendere.

Ner. 19.

12. A. II.

Longe brevius, sed easdem artes in Tiberio idem Scriptor Noster indicat: cum Parthorum legati Vononem Roma regem accerferent. Magnificum (inquit) id sibi credit Casar, auxitque opibus. Rem notavit; artem rei voluit intelligi. imo & ipsam notavit. Quippe, quibus brevitatis Cornelianæ genius propius innotuit, vident ultro, propositum ostentationis, studium magnificentiæ, & munifici cujusdam splendoris consilium: quibus magnitudinis Romanæ scenam non tam in præsentis spectaculi pompam, quam in futuri regiminis usum, instruere, profundissimæ sollertiæ Princeps voluit. Idem scilicet, qui non deteriori arte, cuncta, etiam fortuita ad gloriam vertere consueverat. Liberalitates ejus examinare, longum foret: cum neque cetera, ad munificentiae subtilitates pertinentia, liceat exequi. Specimen damus; nec ultra; & crescit oratio, etiam carptim differentibus.

Tac. 2. A. 2.

2. A. 34.

Igitur verbo tantum, hujus loci schemata quædam consignamus. Magnificencia non tam splendor quam decor; nec per fastum & pompam, sed erudita ostentatione ad majestatem facit. Magnificencia exterioribus spectaculis promulganda, interioribus consiliis consummanda est. Magnificencie amulatio & certamen, non per hypotheses datas, sed inventas; neque per aliena exempla, sed per propria auspicia progrediatur. Principes ipsi à se invicem honores ambiunt, accipiunt, prout in oculis hominum evehi



gloria, ostentari concordia, formidari consiliis optant. Magnificen-  
tia omnis amat Inventores & Interpretes: quorum ingenium for-  
tuna Principalis intellectu instructum, reverentia obligatum, obse-  
quio informatum. Interpretatio ipsa, ut Fama & Gloria litet, u-  
triusque instrumento scenam adornat, favore argumentum dispen-  
sat, genio ludos moderatur. Atque, ut in theatro, quaedam præ-  
cipua venerationis sunt, quæ non inducuntur spectanda, sed sugge-  
runtur meditanda: ita Magnificencia, sui dramatis admiratio-  
nem, auget non tam per ea, quæ Oculis & Auribus committit, quam  
per fida & arcana Fama & Subtilitatis aulica ministeria. Rude  
aut vanum est spectaculum, quod specie potius, quam interpretatio-  
ne egregium censetur. Munera & Liberalitates, ut Regia videan-  
tur, non tam pretio, quam consilio, altioris fortune characterem  
impressum habente, efficitur. Mos Ornandi sua munera verbis, ne  
vulgo quidem inusitatus, postquam in Aulis receptus est, multam  
subtilitatis indolem in τρυφὴν aulico induit. Muneribus tribuen-  
dis tres Deas præficere solent magistri Munificentia; à Junone Gra-  
vitatem, à Pallade Ingenium, à Venere Gratiam, mutuantes. Ex  
harum manibus, provide, reverenter, eleganter, cape; quicumque  
ad fati tui legem agnoscendam invitaris: multa gratis, nihil fru-  
stra dant. Munificentia Regia, generosa & magnanima, ad be-  
nefaciendum semper quidem sua indole stimulat: sed priusquam  
natura obsequatur, in secreti Imperatorii penetrabile ingressa, consiliis  
non semper revelandis, Muneribus suis, tanquam vehiculo, mysteria  
Reipublicæ portanda imponit: non ut fallantur boni cives, aut à  
sensu imminentis servitutis seducantur (quæ tyrannis ars est) sed  
ut Civium & Civitatis fortuna, intimis auspiciisque nexibus sibi  
invicem illigentur. Sed hæc & talia indicari, non declara-  
ri, in hoc transcurso possunt.

*In Humanitate, Comitatu, Officio & Obsequio  
Aulico, Cerimoniis (quas vocant)  
& Titulis.*

Hic proprius Elegantiarum, & subtilis cujusdam  
Gratiæ locus est. Nihil suavius, aut magis penetrabile,  
quam eruditæ humanitatis genius, politioris sollertiæ in-  
strumen-



strumento, in formam honestæ convictionis adornatus. Nihil interim citius degenerat, & ad inferiora nobilibus curis, ac ludicra transducitur. Ex ingenti copia, quædam miscellanæ annotatione delibabimus. & hoc ante omnia: *Q. Curtii Rufi*, ut in cetero genere electissimæ disciplinæ, ita in hac subtili elegantia animadvertenda, & explicanda singulare non studium modo, sed ingenium observari.

Quid accuratius descriptione illius humanitatis, qua Alexander victor, reginas captivas prosecutus est? Com- *Curt. 3, 122*  
perito captivarum luctu, mittitur nuntius, qui errorem lugentibus demeret; regisque nomine non incolumitatem modo, sed pristinæ fortunæ cultum, cum omnis honoris & officii testatione polliceretur. Mittitur cum delectu; non Mithrenes, qui peritia linguæ Persicæ festinando officio primus offerebatur; sed è purpuratis Leonnatus; ne materiam & favorem legationis, conspectus proditoris corrumpere. Mittitur cum comitatu quidem armigerorum, ut legationi constaret dignitas: sed comitabantur pauci, ut dignitatem temperaret humanitas. Mittitur cum formula mandati, qua debita regibus, & sollennia aulae comprehendebantur. Ex hujus, & sui principis ingenio, non ingreditur tabernaculum reginarum, jure & fiducia victoriæ: sed reverentia obsequii, adventum & mandatam à Rege legationem significat, admissionem rogat, & diu exspectat. Cum novus error admissionem impediret, ne diutius torquerentur captivarum animi, intrat, sed solus: & ad genua provolutas, repugnante indebito honori, gestu manuque allevat: solatur & permulcet ea officii ac prolixi honoris gratia, quæ benignissimi victoris animum exprimeret & majestatem ornaret.

Hæc per interpretem: qui tanquam Aurora, sui Solis adventum præcessit & significavit. Mox enim expleturus erat ipse Rex officium, quo nullius victoris moderatius, nullius Principis elegantius factum extat. Est quidam officiorum ordo, & in ordine ratio, & in rati-

one decus. Prima post victoriam humanitas, defunctorum sepulturæ debebatur. qua perfecta, præmittit ad captivas, qui nuntiarent, ipsum venire. Ante pensavit moram, nunc abrumpit: ne quid de fide & gratia officii decerperet cunctatio. Stipatur solito comitatu: sed ante vestibulum tabernaculi, personam potestatis deponit, inhibitaque comitantium turba, cum carissimo amicorum Hephæstione intrat. Unus cum uno: ut majestatem, comes; humanitatem, comitis gratia signaret. Obibat suas partes occulte Fortuna: neque frustra cum victore Rege, ad prima salutationis auspicia & novæ fortunæ rudimenta venire volebat, quem Regiæ virgini sponsum, Reginis generum destinaverat. Cum in conspectum venisset Rex, procumbere volentes, more Persarum captivas, manu allevans inhibuit: & errorem venerationis circa Amicum, jucundo ac extemporali dicto, ad excusationem Reginarum, & honorem suum vertit. Mox repetito Comitatus officio, quidquid ad curam & honorem sexus majestatisque, in captivis pertineret, liberaliter pollicitus: ut mærorem ponerent, ut fiduciam & bonum animum resumerent, hortabatur: sibi enim curæ fore, ne sentirent se captivas esse. Affirmavit verborum fidem, insignis comitate facti, admotumque suo collo, tenerum Darii filium, paternæ curæ honore & pignore dignatus est. In quibus omnibus, non modo clementia victoris, & illa comitatus humanissimæ elegantia, de qua cœpimus dicere; sed magni animi gravitas, summæ fortunæ decus, famæ gloria & fructus, permixta, ut sic loquar, virtute arteque insunt.

Nec deteriori arte Sisygambis (cui cultissimæ prudentiæ decus passim adstruit Historicus) erga victorem tam humanum, pro captivarum sollicitudine, affectum necessitudinum induit, electisque votorum pignoribus, & memorabilis honore testimonii, venerata tantæ virtutis decus, præsentis fortunæ jugum, suæ modestiæ accommodat: & prece non degeneri, aut plane immemore

more pristinae dignitatis, generosum Regis genium propitiat. His exemplis adde, aliam orationem Alexandri ad Sisymbrium: qua comitatem muneris reginae transmissi interpretatur apud *Eundem Historicum*. Cujus & illa, eximie huc pertinet annotatio, qua senis Artabazi Alexandrum victorem venerantis obsequium describitur: *Tu quidem Rex, perpetua felicitate floreas. ego ceteris latus hoc uno torqueor, quod praecipiti senectute, diu frui tua bonitate non possum.* Et mox, cum filios dextrae Regis admovent, precatur, ut tam diu viverent, donec utiles Alexandro essent. Nihil absolutius, aut politius dici potuit, tersissima illa brevitate. Haec & talia, qui, ut oportet, meditantur, causam non inveniunt, cur novis peregrinarum gentium, ut quidam putant inventis, sive potius, imitationibus, non ubique feliciter deflexis, stilum Comitatus aulicae, aut genium subtilis Elegantiae unice cupiant debere.

Curr. 1, 2

Curr. 6, 8

Multam hujus argumenti partem verba implent, & gestus vultusque exquisitum aliquid, decorum, nec simplici charactere gratiae insignitum, praeseferentes. *Barclaius* Argenidem suam inducit, ea arte, in publico dispensantem supercilia, oculos, nutum, ut populus humanitate capens acclamationibus exultaret, & ex optimatum frequentia nemo neglectum omisissumve se crederet. In *Poliarcho* autem, Argenidis sponso, Eminebat, inquit oris decor, & amana gratia genius, cujus virtute, omnes ipsius motus, omnes nutus placebant. Debetur hic multum naturae, sed cujus motus gestusque consilio animi interiore gubernantur.

Argem. 1.

Lib. 16

Liceat in transitu notare aliquid, de *Scriptoribus Argumentorum*, sive *Fabularum*, ad similitudinem historiae adornatarum: quibus Gallorum praesertim studia valde dedita sunt. Multa illis cura plerumque ponitur in subtilitate moris Politici, & Aulici, veluti ad perfectae imaginis elegantiae exprimenda, quanquam forte pauci, oppido pauci, Genium Artis ejus satis habent propitium. *Barclaius Argenis* haud dubie praecellit, quidquid placeat illis, quibus libido est, pulcherrimos vultus accusare, quod non sint pulchriores, praesidium illi viro ingens, ex arcana ingeniorum animorumque disciplina

plina

Not. ad 1.  
pel. 10.

plina ; cujus eximium specimen dedit in *Icone Animorum* , libello , exquisitæ subtilisque elegantiae. In ceteris multi sunt , lectu valde indigni ; juvenibus periculosi , vel argumento , vel proposito , vel tractatu. *Amadeum* hoc nomine increpat merito *Lipsius* : quanquam non defuerit vir doctissimus , qui in *Comment. ad Claudianum* excuset laudetque. Sed multum distant æra lupinis. In Barclaio Regii amores castissime , negotia regni gravissime , elegantiae vitæ , accuratissime tractantur. Pro his tam utilibus curis , alibi sæpe invenias , meras nugas , ineptias , denique omnis licentiae schemata , & quando de subtilitatis affectione loquendum est , araneorum telas. Hoc enim præcipue volebam dicere , Illos scriptores multa adornare & venditare sub Elegantiæ elogio , quæ ab indole Venustatis , à natura moris & consuetudinis vitæ , à nota ejus , quod decorum & congruens dicimus , valde devertunt. Et quid opus est aurum in luto quærere , cum non desint liquidissimæ aquæ , in quibus harum opum copiam liceat reperire ? Ad Barclaii exemplum comparari solet *L' Eromena del Signor Brondi* , puta , ut prope accedat , non ut æquari possit.

Est in amœnitatibus talium rerum aliquid , quo alligantur ac pæne abripiuntur animi , in cogitationes & sententias , quibus subito erumpentibus , non statim & semper elegantiae exactæ vis inest. repeti , & serenitate quadam mentis placide illustrari desiderant : ut retineatur , quod est difficillimum , ex Gratia modus. Fecit ex gravi Historico jucundum Poëtam , contemplatio suavissimæ comitatis , qua Virgo Regia Sponsi munus profecuta est. *Coditillos* , inquit , *sequebatur Regium munus armilla* , cui tam placide impressit osculum Virgo Regia , ut diceret in terram demissum *purpurea aurora fulgorem sideribus sociis* : ita *scintillantes oculi ora ecuri corallina* . ut in armillam incubuit Virgo , adamantibus sociabantur & presulgebant. Notare hoc emblemata Historiæ obiter , non carpere volumus.

In verbis humanitatem officii mutui comiter asseverantibus , ingeniorum dictorumque certamen , nec intra limites angustos constitutum , licet oblectare. Possis dubitare,

bitare, an Melander apud *Barclaium*, bene usus sit subtilitate, in excipiendo Rege Hospite, contra rebelles subditos auxilium ferente; cum in hæc verba præconem, adventus nuntium, alloquitur: *Referes ino Regi, ô Præco, jam me ignoscere furori meorum; quos aliquis non inimicus DEUS concitavit ad facinus, ut tanti Hospitis beneficio, & conspectu fruermur. Nisi ad ingenium gentis, comitatem suam animosa eloquentia dispensantis, respicimus, forte non omnibus se queat approbare illud acumen. Cum ne Poëtam quidem absolvant acuri Censores, in istis:*

*Quod si non aliam venturo fata Neroni  
Invenere viam, magnoque aterna parantur  
Regna Diis, cælumque suo servire Tonanti  
Non nisi favorum potuit post bella Gigantum:  
Jam nihil, ô superi, querimus: scelera ipsa, nescisq;  
Hæc mercede placent. — Et postea:  
Multum Roma tamen debet civilibus armis,  
Quod tibi res acta est.*

*LUCAN. l.*

De *Aulicorum obsequio*, cum arte & elegantia dispensari solito, alias nonnihil diximus. Credimusque eximia quæ *Barclaius*, præter argumenta *Argenidis*, in *Icone Animorum*, tradit. *Castilionis Aulicus* in omnium manibus est. Post hæc & talia monumenta, nescio an ad subtilitatis aulicæ studium aliquid conferre possint *Augustini Niphi libelli, de Aulico viro & Aulica muliere*. fortasse enim peritus Lector animadvertet, diligentia disputationis, quam elegantia observationis Practicæ promptius esse, magni alias Philosophi ingenium.

*Annot. ad  
priora Taciti, & Dis-  
sert. de auspiciis  
Reg.*

Inter *Aulicorum* vel obsequia, vel officia, curiosam quandam diligentiam amant etiam orationes, sermones, dicta, quæ ad negotia Regni, ad Principum auctoritatem, ad negotiorum decus spectant. Cum finis Principis, laudandus, cum successioni gratulandum, cum festivitati applaudendum est. Atque sicut apud *Tacitum*, sine *Augusti*, & initiis *Tiberii*, Nobiles Romani vultu composito ne lati ex-

*l. 4. 7.*

lib. 1.

*cessu Principis, neu tristiores primordio, viderentur; lacrymas, gaudium, questus, adulatione miscebant: ita orationis componendæ, non quidem eadem necessitas, sed eadem ars & studium, mutatione Principis plerumque offertur. Ita Gramondus Harlæi orationem, post excessum Henrici IV. Gall. R. in Senatu præsentibus Regina vidua, & Filio successore habitam, summam designat: Henricum patrem laudare; mox in spem Filii regnantis assurgere; Matri condolere simul & gratulari; tanta arte, ut in neutram partem ire affectus diceret; demum progredi in vota, qualia regibus recens inauguratis nuncupantur.*

Freber, var.  
German.  
tom. 2.

Et, quanquam non desint communes argumenti formulæ, semper tamen fere expectatur aliquid, veluti nova arte immutatum, aut ingenio dicentis repertum. Solet in legationis officio, atque in salutandis Principibus primum esse studium (quod recte animadvertit Pandolphus Colleenius in oratione ad Maximilianum Cæs.) virtutes Principis, qui salatur, extollere aut explicare, at, quis non videat, altiori consilio nonnunquam omitti hanc sermonis partem, aut decora præteritione involvi, aut prudenti brevitate libari, aut rebus ipsis apte subtexendo inseri, aut arte quadam inexpectata, insolita. & ob id, nec vocabulis describenda, dispensari?

*Affectum & benevolentiam, amicitiamque, nomine Principis mittentis offerre, itidem inter solennia Legati est. Impletur autem id genus officii, sæpe delicatius, quam gravius; sæpe ex diverso, multa gravitate, & quasi seclusis deliciis: nonnunquam temperamento utriusque rei varie adornato. Artificium singulare dabit Lectori, Oratio Legatorum Gallicorum ad Henr. Angliæ Reg. quam propterea verbo tenus conversam historiæ suæ inseruit Baconus. Inter alia, Hac sunt demum, inquit, illa, quæ inter Reges magnos, pro certissimis Amoris pignoribus & tesseris, merito censeri possunt; Communicatio scilicet & Participatio mutua Negotiorum Status, prætermisissis Honoris Ceremoniis curiosis, quæ affectui alicui insigni postponi debent. Iterum: Hunc Affectum insignem erga Regem (Henr.) procul dubio Numen Divinum cordi Regis nostræ*

*stri indidit, ad bonum Reip. Christianæ, & ad fines nobis omnibus hactenus incognitos. Et : Atque Affectus idem, Rationibus Status armatus est. Et cetera ad hanc formam.*

Maxime varia & multiplex, *Cæremoniarum, quas hodie vocant, aulicarum subtilitas, sive curiositas est. In describendo congressu Cæs. Maximil. & trium Regum, Hungar. Bohem. Poloniæ, Cuspinianus, Magna, inquit, undique factæ sunt cæremonia : quandoquidem major pars omnis ætatis humanæ in iis conteritur. De Aulicis proprie id dixeris : quorum actiones cæremoniis vel gubernantur, vel commendantur. Nec dubitavit Baconus in laudæ magni & perfecti Politici (ita enim Foxum describit) ponere, quod fuerit Bonus Magister Cæremoniarum, omniaque habuerit, quæ competere parti activæ, & pertinerent ad Servitium Aula, aut Status, Magni Regis.*

Atque illa quidem minora, in quibus animadvertendis tamen nonnulli Subtiles sibi videntur, præterimus : quod in aula, qui vel caput decenter non aperiunt, aut venientibus tempestive non assurgunt, aut occurrentibus, obviam ipsi ultro non procedunt, aut denique unicuique, non qui debetur titulum tribuunt, rusticitatis vel fastus vel arrogantia arguuntur. sicut de his & talibus scribit Antonius Guevara, ad quendam, qui aulicas quasdam formulas sibi præscribi petierat.

De cetero Formula moris aulici, studiosius, & sollicitius, quam ut de Cæremoniis, quas hodie vocamus, agi videatur, custoditur. Ut ritu solenni Principum quisque compelletur : ne cui coram summo Principe præsidium sit, sive, ne cui liceat satellitio uti in conspectu Regis : quæque sunt ejus generis reliqua, diversa illa quidem, pro loco & gente, non minimum aliquando ad majora momentum habere creduntur. De Gallorum Regib. *Gratmondus : Invaluit ut cleri, nobilitatis, & Parlamentorum Oratores in vestigio stent, dum alloquuntur Regem : ordo populi genu flexo : legati Principum nedum in vestigio stant, sed & aperto capite loquuntur, sedentque, si sederit Rex, quem compellant. Itaque cum anno 1622, Legati Gevenensis Reipublicæ provocati in genua salutassent Regem, curiosis rerum indagatoribus*

*Lib. 13.*



toribus id annotatum, & mox subtilis, ut arbitror, interpretatione eo tractum ad Historico & aliis, quod Genevenses in protectionem Christianissimi Regis recepti, clientium obsequia præbere ament, Patrono & Protectori suo.

in Con. 1.  
Var. hist. 1. 2.

Quomodo Persæ προσκύμων & adorationem sui Regis, ab adeuntibus exegerint, vel ex Cononis Attici & Ismenia Thebani historia constat. Quorum ille à Cornelio Nepote, ob recusatum; hic ab Æliano, ob simulatum, peregrinae venerationis morem; uterque ob studium dignitatis patriæ retinendæ commendantur. Quanquam subtilitatis magistris non deesset forte materia, arguendæ Græcorum jactantiæ, circa Ismenia factum. certe non dubitem, si quid tale inducat hodie Legatus in animum, male cessuram ipsi eam simulationem. Et negligentes sane oportet fuisse caeremoniarum, ut ita pergamus loqui, arbitros, in officio Admissionis apud Persas, qui non adverterunt simulationem Ismenia minime subtilem. ipsum autem Ismeniam, quis temeritatis absolvat, quod non timuit, cum ignominia & damno suæ legationis, pro illulore Regis, deprehendi? cum præsertim frigida videretur ac pæne inepta dignitatis tuendæ ratio, simulare eum morem, quem ad minuendam patriæ dignitatem pertinere judicabat. Hæc, uti dixi, disputari forte possent, quando ad normam accuratissimarum legationum rem examinare, & Ismeniam ut nostri sæculi legatum considerare liberet. Sit tamen, per nos, sua cuique salva sententia.

Comment.  
lib. 7.

Generose & prudenter Ftidericus III. Imperator, cum anno 1469. Romam venisset, caerimoniis curiæ Rom. recusavit obsequi. Qua de re ita refert Jacobus Piccolomineus Cardinalis Papiensis: Admonuerat inter vestiendum caeremoniarum Magister, ut transversam stolam, & pluviale ad sinistram apertum acciperet. Sed ille, me audiente, qui proximus eram; Non faciam, inquit: & utrumque à collo ad pectus rectum induens, conversusque ad Magistrum: Sic, inquit, semper sum solitus. Suadente iterum illo, ut post Evangelium decantatum, pro aliorum consuetudine ad pedem Pontificis osculandum ascenderet; Germanico verbo, quod à circumstantibus intellectum: Et hoc, ait, etiam

minime.



*minime. putans videlicet, ut creditum est, à vulgari aliorum obsequio, majestatem Imperii, ea in re vindicandam. Neque nescivit magnanimus Princeps, majestati Imperatoriae gravem adversariam esse, superbiam & altitudinem Papalem; quam ex omni occasione declinare, magnis quibusque Principibus, inter rationes Status fuit.*

Sicut autem Patrii moris observantia, Principibus ipsis, & Legatis, aliisque publici schematis partem sustinentibus, saepe inter artes fuit: ita rursus, a patrio more nonnunquam discedere, consultius judicatum est. Tenendum esse Legato præter ceteros mores, vestitum patrium, inter ordinarias Legationis formulas fertur. Posse tamen fieri, ut aliquid in his, sine vitio, nec citra artem, muteur, ostendit *Fridericus de Marselaër*. Nostra certe ætas non exceptiones modo à regula, sed omnino novas regulas vestitarias fecit.

*Legat. 1, 26.*

Ceterum circa cæremonias ad prærogativam, aut custodiam dignitatis pertinentes, maxima est contentio. Etiam cum aliud agitur, cum amicitiae, affinitates, necessitudines tractantur, in partem & speciem subtilitatis venit, æmulatio quædam honoris. Describit curiose historicus Gallus, quæ circa permutationem Virginum Regiarum, Elisabethæ Gallicæ, & Annæ Hispanæ, cum illa Castellanorum Principi, hæc Galliarum Regi pacta, apud limites Galliae & Hispaniae traderentur, acta sunt. Extructis apud fluvium & locum permutationis, duobus tabernaculis, cum Hispanus Legatus, cetera æquali tabernaculo, orbem, forte an consilio imposuisset, intercessit Gallus, utrique Corona paria deberi ornamenta contendens, nec cessurum se Principe, quam ducitabat, ni submitteretur orbis. Hispanus contra, de exercitu Gallico in armis astante questus, potuisse Hispanos, ait, si è re visum, centenis equitum millibus illustrare festivam diem; sed satius existimatum, statuere in fide præsidium. Itaque, non nisi omnibus ad æqualitatem reductis, instaurantur sollennia.

*Gram. 2.*

Quæ & ipsa, aliquatenus adjiciam. Medio alveo (sunt verba Historici) anchora firmaverat navem lata alveo diffusam.

arcebat solem, superimpositum regis peristromatibus tabernaculum. Huc infans utraque Elisabetha & Anna transvebuntur: numerantibus velut ad clepsydram momenta, qui vehebant. majestatem addebat sponfis lenta progressio, ne ad nuptias currere, aut patriam viderentur odisse, cursu in finem precipiti, velut fugientium. primus neutri appulsus est, una concurrunt duo, & quanquam diversi remiges ex adverso positi, unum remigium diceres: inter aequales stipantium aequalis numerus. & quæ sequuntur.

*Ap. Freh. rer.  
German.  
rom. 2. adde  
Lamina jur.  
publ. 3. 2.*

In comitiis, conventibus, conciliis, proprium subtilitatis de prærogativa regnum est. In comitiis Ratisbonensibus anno 1471. celebratis, initium consultandi (utar verbis Johannis Antonii Campani) à controversia ortum, omen belli futuri, an impediendi, fuerit, incertum est. Oratores Burgundi, cum post Legatos Electorum collocati, atque ideo despecti priore confesso viderentur, redire in subsellia recusabant. Electores, absentibus collegis, qui aderant, quamquam summa cum modestia, dignitatem tamen communem tuebantur. Burgundi potentiam sui Principis, & in Gallia & in Germania maximam: Electores parem nobilitatem & vetustum morem objiciebant, seque à corpore Caesaris cum essent, ne Regibus quidem, si qui adessent, cedere oportere contendebant. Qua contentio, cum tres prope horas consumsisset, non antea est sublata, quam Burgundi alteris subselliis ad frontem Caesaris inter Oratores Regios locarentur. Tum demum, & ipsi auxisse Principis sui dignitatem, quod in ordine absentium Regum sederent; & Electores servasse æstimationem suam, quod exclusi à primis subselliis Burgundi essent, videbantur.

Ivit illa; de prærogativa & eminentia Principum inter se, controversia, in infinitum, sicut ex aliorum scriptis videre licet. Nisi vitanda nobis essent, quæ memoratu prolixiora sunt, referremus huc exemplum talis disputationis, inter legatos Venetos & Mediolanenses, quo tempore Fridericum III. Imp. Romam ingressurum comitaturi advenerant. Memorat eam rem, non alibi, ut opinor, proditam Aeneas Sylvius in historia Msc. de rebus Caesaris, quem prædiximus. Post rationes ultro citroque, non tam subtiliter, quam acerbè allatas, victoria certaminis re ipsa penes Venetos stetit.

De

De Regum Principumque potestate mediata, quam vocant, & immediata, anno hujus sæculi XV. curiosæ indagationis libellus prodiit in Gallia, cujus summam Gramondus suæ historiæ inseruit. In eo regibus & Principibus Christianis, si Gallum demas & Venetos, assignabatur suus cuique auctor, adeo ut nemini illorum immediata à Deo potestas concederetur. Bene sibi cavit Auctor, quod nomen suum celavit, in argumento, quod aliter in Gallia, aliter in terris aliis; iterum aliter ab adulatoribus Romani Pontificis (cui satis equidem magnifice & audacter, sed quam subtiliter, nescio, multa auctoritas in eo negotio tribuitur) & aliter ab iis utique tractari solet, quibus nefas est, sanctam Regum & Principum auctoritatem Papali ambitioni calcandam subijcere.

Lib. I.

In titulis, idem labor est: quibus vel ditionum jura, vel familiæ claritas, vel fortunæ statusque majestas exprimitur dicā, an ostentatur. Nec mirū sane, sollicitius eam rem tractari, ubi controversiarum de Principatibus semina, aut reliquiae supersunt. Memorabilis est controversia de titulo & insignibus Regni Angliæ & Hiberniæ, quæ sibi anno 1559. Franciscus II. Gall. Rex & Maria Scota ejus uxor vindicabant. Expostulavit ea de re Legatus Anglorum Ordinarius. responsum primo, *licere Scotorum Regina illa gestare, aliqua differentia notula adjecta, ad generis propinquitatem, qua Regium Anglorum genus attingit, ostendendam.* Pernegante Legato, ex Armorum, quam vocant, Lege, licere cuipiam alicujus familiæ insignia usurpare, qui ex certo ejusdem herede non sit natus: iterum responsum; *Mariam non alio consilio Insignia illa arrogare, quam ut Angliæ Regina, Gallia insignibus abstineret.* Repetiit Legatus, quod antea in Tractatu Cameracensi Wottonus demonstraverat: duodecim Angliæ Reges, Galliae insignia gestasse, jureque adeo indubitato, ut omnibus inter Anglos & Gallos federibus nihil contra cautum fuerit. Litem subtiliter implicitam, subtilitate nova Memorantius explicuit. Hic, ut Guisianorum, quibus per æmulationem obrectabat, consilia argueret, magnifico colore, *Neutiquam honori Regno Gallia esse censuit, at*  
alius

*alius titulus, aut insignia assumerentur, aut in sigillo Regio insculperentur, quam Regis Francie. hunc unum instar esse multorum. Adiciebat exempla superiorum Regum, qui alio titulo non essent usi, cum jus in Neapolim, & Mediolanum, &c. persequerentur. Vide si lubet, Camdenum, in actis anni nominati.*

*Ap. Freherum.*

Et quia in hac quæstione, *Legis Armorum* mentio facta est, obiter tangemus consuetudinem nonnullarum gentium, quæ scientiam titulorum & insignium, quibus dignitates distinguerentur aut ornarentur, certis hominibus, sive certo officio assignabant. *Heraldi* vocabantur: de quibus *Arnoldus Lalaingius* libello, quem ante laudavimus: *Præcedebant Ducem (Burgundia) pro numero gentium, quibus imperat (caduceatores nescio an nomenclatores dicam, vulgus Gallorum Heraldos vocat) genus hominum Gallia Germanisque, & reliquis ad occidentem nationibus usitatum, Italia non perinde cognitum. genus, nobilitatem, decus Principum, insigniaque per gentes familiarium nosse, ipsorum muneris habetur; quibus majoribus nobilissima quæque domus propagata, quid in quaque honeste, egregie, sæde, turpiter factum patratumve ipsi præcipue vel norunt, vel novisse creduntur. Inti ac veluti sacrosancti, in pace honorati, in bellis quoque quamvis sævis intacti. Libertas ac licentia scelerate facta Principum reprehendendi, minor nunc quidem, olim maxima. Ausi adire mensas Regum, & resupinatum (summo id ignominia loco habebatur) panem apponere, & linteum quo mensa insternitur, medium perscindere, & alia dedecoris notandi causa facere. Licuerit ista nobis in transitu notasse: cum præsertim curiosæ & confusæ subtilitatis longe minus haud dubie in hoc genere futurum fuerit, si consuetudo illa perdurasset.*

In ceteris titulis, quibus augusta Regiæ ac Principalis dignitatis majestas insignitur, dubitandum non est, quin *Adulatio* multa invenerit, amplificaverit, novaverit. Sed non statim detrectare ista aut abolere, ne *Prudentes* quidem potuerunt: & admissio semel exemplo, inter pares, pro injuria est, imparibus titulis ornari. Quo factum est, ut, quod adulatio à principio fuerat, paulatim ratio fieret. Sicut in *dissertatione de Anspicio Regio* ostendimus, in quo

quo etiam, exemplis quibusdam adumbrata est explicatio ejusmodi titulorum, non tam Cæremoniæ, quam Prudentiæ debita adeoque vere Politica, ubi multæ, nec ineptæ subtilitati locus est, ni fallor. Daremus forte & nunc specimen, in considerando *Celsitudinis* & *Serenitatis* elogio, nisi annotationis brevissimæ modus nusquam nos pateretur subsistere.

• Sunt quædam de illis, sed exterioris observationis in epistola *Danielis Eremitæ*: qua legatio officiosa dicam, an speciosa Magni Hetruriæ Ducis ad Rudolphum Augustum, & Principes Ordinesque Imperii anno hujus sæculi IX. instituta describitur. ubi inter alia, ut insigne subtilitatis Transalpinæ specimen jactatur, quod alicubi appellationem *Celsitudinis* debitam, apto verborum circuitu declina-  
verint Legati: omissum autem *Serenissimi* titulum, aliis varie excusarint; suo Duci acriter vindicarint. Viderint alii, quam subtiliter in his & ceteris versetur: certe, ne arcana quidem Legationis dissimulavit, si quis attendat; satisque prodidit, pleraque non tam serio, quam in speciem gesta. De nobili utique Urbe neque caute, neque modestè loquitur: cum excusata veluti humanitate officii erga eam, non dubitat addere: *Plus ibi fortasse fama queritur, ubi legationis honor ad plures pertinet.* In quibusdam, ne convitio quidem sermonis abstinere, promptus ad reprehendendum; sed multarum laudum, quas habuerunt aulæ, ab illis legatis aditæ, dissimulator. Nobilitatem autem & Magnitudinem Germanorum Principum, ne animo quidem concepisse videtur. Talibus rationibus adductus distuli illud scriptum magni æstimare.

*V. Linnæi  
l. P. 4. 6.*

De utroque interim titulo prædicto, ut & aliis Principalis fortunæ elogiis, multa erudite & præclare, ut solet, disputat, nec minus subtiliter observat, *Amplissimus Theodorus Grasvvinckelius Ictus*, in dissertatione, de jure præcedentia, inter *Serenissimam Venetam Remp.* & *Sereniss. Sabaudia Ducem.* Trahuntur autem pleraque hujus generis in utilitatem status & causæ, & modo districtius, modo remissius exiguntur, vindicantur, arripiuntur. Qui sunt altioris inter

Principes fastigii, sicut titulorum non adeo prodigi sunt ad alios: ita magno videntur iudicio, & quod merito in exemplum debeat ire, æstimasse fortunam ejus, quem novo aut insigniore titulo honorant.

De Celsissimo Principe Auriaco, cum Christianissimi Regis suffragio, primum titulo Celsitudinis honoratus esset, notabiliter *Barlaus*:

*In Auriaco  
triumphante  
an. 1639.*

———— Nescivimus ante,  
Nomine quo tantum felix Respublica digne  
Compellet vocitetque Ducem. Dum fluctuat orbis  
Arbiter, & Batavi nescit cognomina Martis,  
Distinctumque decus: tandem Tu Gallia nomen  
Mittis, & Arctoo pretium largiris Achilli,  
Et CELSUM cognata vocas. qualem esse priores  
Credidimus, talem nobis tu prima sateris.  
Erigimur cuncti titulo, surgitque potestas  
Altius, & celsam sentit se Belgica dici.  
In rectore suo.

Cæterum eadem vocabula Titulorum, ætate non eadem, non valent idem: estque ad confusionem usque variabile, & mutabile hujus generis artificium. præsertim, ex quo privata ambitio, veluti mimica æmulatione moris publici, rerum discrimina & formas multis modis immutare, interpretari, attollere, figurare ausa est. Nihil dicam de ingenio Aulicorum, de industria Legatorum: quibus nec occasiones, nec causæ possunt deesse, Inveniendi nova, Ornandi subtilia, Interpretandi communia.

Sicut autem, Titulos vindicare, & interdum ostentare, non modo Principibus, sed propter Principes, etiam ministris solenne est: ita, mutatis rerum vicibus, omittere titulos, auctoritatis & prudentiæ habetur. Sic in Gallia, colloquio Regiorum Legatorum, & qui nomine Principum & Ordinum missi erant, Regii omnes, nullos sibi titulos sumferant. itaque ab adversa partis delegatis petierunt, ut ipsi sua tantum nomina sine titulis, ne præjudicium alterutris ea re fieret.

*Thuan. lib.  
106. an. 1593.*

ret, apponere contenti essent : quod & obtinuerunt. Opportunum Inventum, in domesticis disceptationibus.

Adjiciemus quædam Schemata hujus loci. *Charites*, quæ Comitatus, Humanitatis, Obsequii subtilitatem gubernant, præcipuam pulcritudinis famam, ex nativa quadam specie, & inornata corporis forma habent : quam dignoscere, & discernere, primus & summus, in hoc genere, subtilitatis gradus est. Non dedignantur tamen vestitum, & cultum festivorem; sed cujus ipsæ sunt artifices : more Regiarum quarundam virginum apud veteres, quæ non alias, quam quas ipsæ sibi contexuerant, vestes gerebant. *Charitum* societas est sororia; cumque singulas singula deceant, conjuncta tamen virtute magis gaudent. In regno Virtutum, *Charites* idem sunt, quod vigor in corpore, color in vultu, nitor in habitu. Liberali sunt ingenio præditæ *Charites* : parent in hoc regno promptissime, serviunt nunquam. Obsequii studia, artificia, compendia, præcipue callent : adulandi sollicitiam fugiunt. Modestiam, Industriam, Elegantiam, Subtilitatem ipsam intima admissione, & sæpe contubernio æstimant : Adulationem amulam, insidiatricem, obrectatricem, præsertim ope Palladis & Junonis persequuntur, deprehendunt, prostituunt. Cærimoniis interveniunt præside Mercurio : qui in suo tamen famulitio subinde aliquos curiosos, satagentes, bistriones, ac interdum moriones tolerat, donec post revolutionem Platonici anni nova Reipublica Universalis Idea constitueretur. Titulorum arbitria, cum plenissima potestate, ambivit Ratio Status, & impetravit : sed auctis in immensum questionibus, acta plurium atatum, ad arcanum aula Mercurialis scrinium remissa sunt; ubi quidam sublimis ingenii Magistri, pro consequendo Supremo in Subtilitatum Facultate Gradu, recognitioni, & revisioni, quam vocant, vacare putantur.

Parabam nunc præsertim dicere, de singulari & artificiosa mixtura virtutum variarum in actu civili; quæ scilicet maxima artis hætenus laudatæ pars est : tum de quibusdam locis potioribus, e. g. circa majestatem vindicandam & interpretandam; circa Simulationis & Dissimulationis hypotheses, & id genus alia : Distinguendæ etiam singillatim formæ hujus elegantix, cum quadam censura erant : De modo insuper scripturæ hujus & ratione instituti,



turi, monenda quædam videbantur; cum in plerisque non tam subtilioris artis explicationem quam materiem posuerimus: Sed mensura dissertationis jam expleta, revocamus Lectorem ad initia, ubi Specimen, nec ultra, promissimus. Veniam denique iterum petimus, quod argumentum subtile, ingenio hebetiori, attingere; & quædam his paginis non ex nostra consuetudine, sed ex stilo seculi vocitare ausi sumus.

## XIV.

*Ad L. Annaei Flori lib. 4. annotationio.*

## DE CONJURATIONE CATILINARIA

Ad Cap. I.

**D**istingui alias solent, *factio, seditio, insidia* sive *conspirationes, prodiones, & similia*; quibus adversus Rempublicam impii cives insurgunt, eamque turbant aut vastant. Catilinarium scelus periculi atrocitate & novitate, illa omnia videtur complecti, & *quasi commune ex tot flagitiis flagitium* referre: ubi & *factionis* patriciæ globus, & *insidiarum* in illustres viros machinatio, & *seditionis* armata vis, aliaque concurrunt. Unde Florus, cum universim *nefaria consilia opprimenda patriæ* nominasset, particulatim capita sceleris edisserit: *Senatum confodere, consules trucidare, distringere incendiis urbem, diripere ærarium, totam denique Rempublicam funditus tollere, & quicquid nec Annibal videretur optasse.* Quorum verborum, si instituti ratio ferret, explicatissima posset paraphrasis dari ex Sallustii *Catilina*, capitibus præfertim 32, 43, 38, 52, itemque ex Ciceronis *Catilinaria* tertia.

Quid ergo hominis ille Catilina, sive, quæ Furia, inauditi immanissimique DUX facinoris? Respondebit Cicerone: *non ego unquam fuisse tale monstrum in terris ullum puto,*

tam



*iam ex contrariis, diversisque, & inter se pugnantibus natura studiis cupiditatibusque conflatum. Orat. pro M. Caelio cap. 5. addenda sunt quæ præcedunt, & quæ cap. 6. sequuntur, memorabilis est etiam Character Sallustianus cap. 5. Quod si alia describendi ratio placet, colligatur, quicquid in Meliis, Manliis, Sullis, Gracchis, scelerati inquietique moris reperitur, & in Catilinam conducantur omnia, ut prodigiosæ mentis pravitas tot exemplis denique æstimari possit ac intelligi.*

*Ille dux facinoris. Sed hac omnia quibus (ô nefas!) SOCIIS aggressus est? ipse patricius; sed hoc minus est: Curii, Porcij, Sylla, Cethegi, Autronii, Varguntei atque Longini quæ familia? quæ Senatus insignia? Lentulus quoque cum maxime prator; hos omnes immanissimi facinoris Satellites habuit. Sunt hæc verba Flori: quibus confcios, participes, consiliarios & ministros nefariæ molitionis, alias in certas operæ classes distingui solitos, designat, & præsertim contumelioso Satellitum nomine, aliis etiam scriptoribus in hoc significato usitato, infamat. Addendus est catalogus Sallustii cap. 17. Ubi præter patricos, equitesque, multos ex coloniis & municipiis domi nobiles, itemque quosdam ex magnis Romæ viris paulo occultius hujusce consilii participes memorat. Vult innuere, non socios tantum in considerationem hic venire, sed etiam fautores rerum novarum. unde cap. 36. Neque solum illis, inquit, aliena mens erat, qui confcii conjurationis fuerant; sed omnino cuncta plebes, novarum rerum studio, Catilina incepta probabat.*

*Verum illa caterva impiorum hominum primo quidem in hunc consensionis globum coit similitudine mali moris, infamiae, scelerum, egestatis. (sicut prolixè præcipuus hujus conjurationis scriptor memorat) deinde in constantiam sive potius pertinaciam rabiosi furoris multis sese vinculis constrinxere, & quasi laqueis quibusdam scelerum colligaverè. Adhibita in nefarios usus jurisjurandi religio: Sed hoc minus est. Additum est pignus conjurationis, sanguis humanus; quem circulatum pateris bibere: summum nefas, nisi amplius esset, propter quod biberunt. Possit tamen hic Florus videri liberius panegyrico more ad rem exaggerandam uti: dum ut cer-*

tum tradit, quod *Sallustius* (22.) in dubio relinquit. Sed nimirum de talibus monstris hominum *quamvis fabulosa & immania credi solent* : sicut albi sententia huc pertinente iudicat *Tacitus* 4. A. 11. 4. pro *Floro* tamen etiam *Dio* facit lib. 37. p. 48.

CAUSSÆ quæ tam nefarium gregem in id furoris egere, non unæ sunt. Præcipuas nominat *Florus* luxuriam *Catilinæ*, atque hinc constatam egestatem. Hæc enim (ita etiam supra iudicaverat 3, 12, 12. *Catilinam Patria sua impiegit*, atq; in præcipitia sibi rei que publicæ perniciofa impulit. Atque talibus hominibus, quibus mala abunde omnia erant, sed neque res neque spes bona ulla (habes genuinum characterem catervæ *Catilinariæ*) quæta movere magna merces videbatur, notante *Sallustio* 21. qui & in præcedentibus, locisque jam adductis graphice & signanter profligatæ desperatæque multitudinis sensum describit. *Cicero* etiam per classes, illorum proposita recensens, totum illud seminarium *Catilinarium* demonstrat, *Catilinaria secunda*. Scil. homines sine re, sine fide, sine spe, sine fortunis; ore, lingua, manu, vita omni inquinati (ut notam *Sex. Clodio* appositam in *Cæliana* c. 33. huc transferamus) sua mala publicis malis vel mutare vel oprire cupiunt.

Sed & alia non minus valida in turbas stimulatio accessit nonnullis, ex ambitione & dominandi cupidine: quos magis scilicet dominationis spes hortabatur quam inopia, aut alia necessitudo, ut hic rursus cum *Sallustio* loquamur ex cap. 17. Hi enim nihil pensi habent, quibus modis assequantur, quod cupiunt, dum sibi regnum parent, exemplo ipsius *Catilinæ* nimis alta semper cupientis, apud *Sallustium* cap. 5.

Non omittenda est OCCASIO, quæ tam prava cupientibus idonea visa est ad exequendum destinata. Nam tum, inquit *Florus* noster, in extremis finibus mundi arma Romana peregrinabantur. Horum verborum paraphrasis ex *Sallustii* cap. 16. peti potest. in Italia nullus exercitus; *Cn. Pompeius* in extremis terris bellum gerebat; *Catilina* consulatum petendi magna spes; senatus nihil sane intentus; tuta tranquilleque res omnes. Sed ea prorsus opportuna *Catilina*.

Vidi-

Vidimus qui homines, quibus Furiis instincti aut irritamenti illeceit, quæ facinora in Reipublicæ exitium comparaverint: nunc videbimus *quomodo res detecta pariter sit ac vindicata.* Actum erat, inquit Florus, de pulcherrimo imperio, nisi illa conjuratio in Ciceronem & Antonium consules incidisset: quorum alter rem industria patefecit, alter manu oppressit. Summam hæc verba continent eorum, quæ deinceps hanc historiam absolvunt. Sed nobis per partes agendum est.

Agnoscit Florus FORTUNAM REIPUBLICÆ pro sua urbe vigilantem: quali ferme sensu Demosthenes (Epist. 4.) τὴν ἀγαθὴν τύχην ἐν τῇ πόλει τῶν Ἀθηναίων εἶναι, Bonam Fortunam in urbe Atheniensem esse, tanquam custodem & vindicem fati publici, testatur. Ejus Fortunæ ista præsertim provisio hic in considerationem venit, quod egregios viros excitat, illisque tuendæ Reipublicæ animos inspirat, ut eorum egregia virtute cuncta patrentur, sicut loquitur & judicat Sall. cap. 53. Ita hic in Ciceronem & Catonem omnis patriæ conservatio non immerito refertur. Nam Antonii minor hic, & aliunde instincta ac pæne expostulata industria est.

Huic fortunæ prima & præcipua pars remedii debetur: hoc sole discutæ sunt parricidii tenebræ (vide, quo alludamus apud Tacitum 15. A. 74, 1.) cæcus enim sit qui non videat, singulari providentia divina, adeoque mirabili sæpe ratione hæc talia revelari. In nostro exemplo tanti sceleris indicium per Fulviam emerfit, vilissimum scortum sed parricidii innocens. Verba Flori continuamus, illustranda ex Sallustio Cat. 23.

Sequuntur REMEDIORUM species & gradus. ubi præsertim eximia Ciceronis consulis industria apparet. Tum enim consul habito senatu in præsentem reum Cicero peroravit. Extat illa oratio inter opera Ciceronis, estque ex Catilinariis prima: in qua magna gravitate sermonis ac libertate, scelerati hominis molitiones arguit, ipsumque urbe egredi jubet. Hinc enim auspicandum remedium prudentissimus vir existimabat, si caput scelerum quasi relegatum præci-

præcipuas sociorum catervas secum traheret. Neque enim aliud hac vice voluit. Unde verba Flori non ad extenuationem sed ad inchoationem remedii referenda sunt, cum inquit : *sed non amplius profectum , quam ut hostis evaderet , seque palam professo* ( scimus quomodo hoc excusari possit , sed non adducimur , quin corruptum credamus locum , si præsertim tota connexio attendatur ) *incendium suum restincturum ruina minaretur*. Legendus est super his Sallustius 31, & 32.

Sed non erat tam facilis mali medicina , ut simul inchoari & consummari posset. Quin potius hic egressus Catilinæ nova pericula peperit, adeoque novorum remedium curam iniecit. Nam Catilina *quidem ad præparatum à Manlio in Etruria exercitum proficiscitur , signa illaturus urbi. Lentulus destinatum familia sua Sibyllinis versibus regnum sibi vaticinans , præstitutum à Catilina diem urbe tota viros , faces , tela disponit*. Quæ omnia latius memorat Sallustius 32, 39, 43. Tanta erat sceleris hujus non immanitas modo, sed pertinacia: ut appareret prorsus cum desperatissimis hominibus rem esse.

*Nec civili conspiratione contentus , legatis Allobrogum , qui tum forte aderant , in arma sollicitatis , iisset ultra Alpes furor , nisi altera proditione Vulturcii , pratoris litera tenerentur ; quas Allobrogibus ad Catilinam dederat*. cum enim hujus quoque fraudis scenam deprehendisset Cicero , *statim ejus imperio injecta est barbaris ( legatis sc. ) manus*. Petenda hæc sunt è Sallust. cap. 40, 41, 44, 45. Etiam Appianus 2. *ιβρυλ.* & Plutarch. in Cic. diserte exposuerunt.

Magna hic quoque Ciceronis , an potius Reip. felicitas fuit, quod in ipso conatu & *ἰπαντορόρη* deprehensum scelus est. & quidem sine magno motu, *ἀνδράσιος καὶ παραχρῆν* ; quod in toto hoc negotio cum primis mirantur Romani , apud Plutarchum. Palam ergo prator in senatu convincitur. hæc enim prima hujus judicii pars fuit , *cognitio valida auctoritate industriaque exercita*, sicut amplius intelligi potest ex Sallustio cap. 46, 47. ceterisque hujus conjurationis scriptoribus. Præmia quoque ( nam id in parte artis notandum )

dum) sicut antea promissa erant, si quis indicaret, apud Sallust. 29. ita postea comprobato indicio indicibus decernuntur. Sallust. 50.

Conditis in custodias liberas, postquam convicti erant, facinoris principibus, difficilior longe *deliberatio* Senatuum tenuit. Periculosum videbatur, viros tam nobiles meritis afficere suppliciis: sed nec respub. in tuto futura credebatur, si mollibus consultis ageretur. Describit *anxietatem* Ciceronis hac in re Sallust. 46. & Plutarch. in Cic. unde & ipsi Senatores in diversas ivere sententias. Quippe de supplicio agentibus Cæsar parcendum dignitati; & publicandas eorum pecunias, ipsos in vinculis habendos per municipia; Cato animadvertendum pro scelere, & de confessis, sicuti de manifestis rerum capitalium, supplicium sumendum, censebat. Cæsar's sententia favorabilis erat, quia *ἡμεῖς* sive mitis videbatur, & quia auctor ejus *ἐὶπὲν δωατοτάτης*, eloquentissimus erat; sicut Plutarchus annotat. At vero Cato tanta vi animi atque ingenii invehitus est in conjurationem, ut ardore oris orationem omnium lenitatem suadentium, societate consilii suspectam fecerit. Sic impendentia ex ruinis incendiisque urbis & commutatione status publici pericula exposuit; ita consulis virtutem amplificavit, ut universus Senatus in ejus sententiam transfiret, animadvertendumque in eos, quos prædiximus, censeret, majorque pars ordinis ejus Catonem domum prosequerentur: honoris singularis causa, cuius exempla etiam alibi extant. Dixi hæc verbis Vellei ex 2, 35, 3 & 4. Utramque autem orationem, gravissime & digno tantis auctoribus ornata elaboratam leges apud Sallust. 51. & 52. In Cæsariana plus dignitatis, in Catoniana plus fides invenies. Conjungenda est illustrationis causa, Cicero's Catilinaria 4. Florus, eventum breviter complectitur: Catonis sententiam secutus omnibus, in carcere parricida strangulaver. adde Sallust. 55. & ceteros.

Ceterum quamvis parte conjurationis oppressa, tamen ab incepto Catilina non desistit: sed infestus ab Etruria signis patriam petens, obvius Antonii exercitu excipitur. Nam Antonius cum alias pro Catilina sentiret, egregia arte consulis inductus est, ne contra Rempub. staret. Sallust. 26. Itaque, cum

*ἀπασιγῶς*, ut Appianus hic notat, & sine idoneo paratu Catilina deprehensus ab Antonio esset, superatus *prælio* tamen reddidit spiritum, quem debuerat supplicio, quæ Velleii *ἑξήκισ* est 2, 35, 5. Quam atrociter autem dimicatum sit, exitus docuit. nemo hostium bello superfuit. quem quis in pugnando ceperat locum, cum amissa anima corpore tegebat. Catilina longe à suis inter hostium cadavera repertus est; pulcherrima morte, si pro patria sic concidisset. Exsequitur ista Sallust, à cap. 56. usque ad finem.

Talis solet nimirum pravorum consiliorum exitus esse: dum supremum Numen suæ in Respublicas curæ, in scelera iræ, magna subinde exempla statuit. Ciceronem plena liberatæ patriæ consecuta est gloria; nomenque magnificentissimum PATRIS PATRIÆ, Catonis primum voce, mox consensu publico, meritis ejus datum. Cujus appellationis honor Ciceroni primum, inde Caesaribus Romanis, sed non omnibus contigit. Licet enim regis potestatis plenitudine gauderent, non tamen cum aliis statim cognomentis hoc acceperunt, sed vix tandem successu temporis, ut perfectum maximorum meritorum testimonium adepti sunt. Notante Appiano B. C. 2. p. 432. Consilia Ciceronis, & artes, quibus usus est in tam difficili Reip. tempore, consideravimus in *Charact. Vellei. c. 4.*

## *De bello civili Caesaris & Pompeii.*

ad

### *Flori IV. 2.*

**A**Nimus nobis est in his exercitationibus ea breviter designare, quæ studiosæ juventutis disquisitioni & instituendæ per colloquia meditationi inservire possunt: non autem commentarios scribere aut prolixas expositiones. itaque ex hoc capite, ubi *Florus* noster materiæ copiam stilo, quantumvis festinante, per seriem tamen rerum sequitur, nos in paucas pagellas *potiora* quedam contrahemus.

Stete-

Steterat jam res Romana per septingentos circiter annos ; à tenuibus initiis in id fastigium provecta, ut potentiae suae limitibus Europæ, Asiæ, Africæ pleraque concluderet : cum tanta imperii ac fortunæ moles suo semet ipsa concussit onere ac pene afflixit ; nisi quod divinæ prudentiæ visum est, orbem reipubl. tam periculose commotum, ad novi status sedem firmitatemque revocare.

Ipsa autem tam fatalis mutationis series bello Julij Caesaris & Pompeii plusquam civili sese concitavit. cujus propterea magnitudinem, signanter & tanquam observationis politicæ epocham instauraturus proponit Florus in apparatu, quem historiæ ipsi præmittit. ubi notatu dignum est, quod tumultus illos & furores Marianos, Cinnanos, Syllanos, *præludia* hujus mutationis fuisse, judicat. Possumus & inter CAUSAS referre, si arma Julii Pompeiique civilia, non in *separato suorum eventuum motuumq.* ordine ; sed in *fati publici contextu & ipsius Reip. serie*, ut sic dicam, consideremus. Nam diversa ista consideratio diversas auctoribus peperit loquendi tractandique rationes. Ita Lucanus 1. *Pharsaliæ* ad ostendenda totius reip. fata longius progressus, veluti ab alto orditur causarum investigationem : quas *Cæsar ipse lib. 1. bell. civ.* è proximo tantum adfert. Pari modo Catilinariæ conjurationis originem ex longinqua causarum sibi mutuo succedentium serie Sallustius repetit : cum Florus, alique solas propiores commemorent.

Verum, ut in nostro maneamus exemplo, Florus è communibus causis unam assignat, *nimiam felicitatem*, & præpotentis imperii magnitudinem, cui scil. illa vitia,

— *qua populos semper mersere potentes,*

comitari solent : postea subjungit, *nimiam Pompeii potentiam* (quam denique reip. gravem fore, jam olim prædixerat Catulus apud Velleium ; indeque natam *potentum & nobilium emulationem*, quæ in *factiones* utrinque profecit ; ex factionibus ad *δυναρχίαν* triumviralem Jul. Caesaris, Pompeii & Crassii *deventum* est : cujus *ἰσχύος* eximie Florus hic descripsit, cui omnino addendus est Vell. 2, 44, 2. denique *δυναρχία*

ut solet, in discordias ivit : discordiæ in bellum exarsere, bellum ipsum usque ad *mutionem recip.* valuit, sicut antea occupavimus dicere. Ut maturius in discordias & arma iretur, *mors Julia & Crassi* præsertim effecit : quod facunde & erudite *Lucanus* notavit.

Præcipuæ considerationis est, *caussa belli interior*, i. e. *cupido dominandi tam in Cæsare quam in Pompeio*. *Nefas* (inquit *Florus*) sic de principatu laborabant, tanquam duos tanta imperii fortuna non caperet. Neque enim meliori proposito utebantur, quam vel *Marius* vel *Sylla*, sicut rectissime judicat *Tac.* 2. H. 38. qui & illud observat, hos furores etiam apud posteros exemplo nocuisse : neque enim postea unquam, nisi de principatu quasitum.

2. H. 31.

Non defuerunt tamen utrique speciosi prætextus. Nam & *Cæsar* injurias sibi factas recensebat, (vide ipsum *Cæsar*, lib. 1. B. C. cap. 2. & 3.) *Pompeius* *Cæsarem* majora agitare, jactitans, *libertatis publicæ patrocinium ac tutelam*, idoneum suæ cupidini titulum præferebat. Sed isti colores vulgo imponunt, cujus etiam est illud judicium apud *Tacitum* : *mansuram fuisse sub Pompeio Brutoque. temp.* εἰς τὰς αὐτοῖς ἰδόναι μάχης τῆς ἐν τῷ δημοκρατικῷ ; neque enim quisquam visus est popularior aut publicæ libertatis amantior esse, quam *Pompeius*; inquit *Appianus* 3. ἐπεὶ α. p. 528. Prudentes aliter judicant, & facile à veris falsa discernunt : inde *Tacitus* ipse (2. H. 38, 3.) *Pompeium* ait fuisse *Syllæ & Mario* occultiorem, non meliorem, & quid sub *Jul. Cæsaris* coloribus lateat, revelavit *Suetonius Jul.* 30. Partis utriusque comparisonem, dignam lectu consideratuque, instituit *Velleius* 2, 49, 3.

Quomodo & cur susceptum hoc sit bellum, vidimus : quomodo gestum sit, non est hujus instituti, per seriem exsequi. Quadam tantum observatu digniora excerpemus. Prima statim occurrit quæstio ; utrum prudenter sit à *Pompeio* factum, quod relicta urbe Italiaque, *Dyrrhachium* petiit, alibique bello sedem legendam putavit ? Variatum jam olim sententiis esse, cum quidam in præcipuis belli consiliis id commendarent, *Cæsar* autem ipse & *Cicero*, erratum à *Pompeio* conten-



contenderent, *Plutarchus in Pomp.* annotavit. Posterior sententia jam à nobis approbata est in *not. Velleii ad 2, 49.* Cum præsertim etiam *Appianus 2. B. C. p. 449. de coff. & amicis Pompeii dicat, quod non siverint eum, ἐπὶ τῆς ἐαυτοῦ γνώμης ἐμπεροπολίμας ἐνσταθεῖν, suo consilio firmiter, & ut ratio belli suadebat, insistere.*

Sed sequamur Cæsarem ad Massiliam; incertum miseratione an reprehensione dignam, quod Cæsari portas clausit. *Florus miseratur: misera, inquit, dum cupit pacem, belli metu in bellum incidit. Velleius reprehendit: fide melior civitas, ait, quam consilio prudentior, intempestive principalium armorum arbitria captavit; quibus ii se debent interponere, qui non parentem coercere possunt. Nostra sententia, ad utrumque affectum inclinans, videri potest, in notis ad h. Vell. loc.*

2, 50.

Quæ interim in Gallia, Hispania, & Africa gesta sunt, suo loco relinquemus, & in Epirum Thessaliamque prævertemur, ubi totis viribus bellum confedit, sicut *Florus* noster loquitur. Ibi statuerat Pompeius, mora frangere hostem, & impetum ardentissimi ducis cunctando frustrari. *salutare id consilium Florus vocat; merito. Sed impetu suorum, & cavillationibus, atque expostulationibus, ad fatale sibi prælium compulsus est. vide historiam præsertim ap. Appianum 2. ἐμφυλ. p. 469. & Plutarch. in Pomp. sic præcipitantibus satis, prælio sumpta est Thessalia, inquit Florus. Profundioris prudentiæ est Appiani iudicium: ἀλλὰ τὰδε μὲν ὠκυνέμεν θεὸς ἰς ἀρχὴν τῆς β' τῆς νῦν ἐπεχύσας τὰ πάντα ἡγεμονίας. Vtrum ista Dei cura fuit ac dispensatio, ut principium daret imperio terrarum orbem nunc complexo. Dixit plura, quam intellexit. Nos Religio in sensu saniore ita jubet loqui, omni remota vel superstitione vel cæcitate gentili. præbit *Augustinus 5, de C. D. 21.**

*Multus in eo prælio Cæsar fuit, mediusque inter imperatorem & militem. nam hac sententia Florus Cæsari; alij scriptores, aliis ducibus, perfectam operæ virtutisque præliaris laudem tribuunt. Illa vox, qua suis inclamavit, ut hostium faciem ferirent, ex disciplina & more pugnandi interpretanda est.*

da est, sicut Germanicus *apud Tacit. 2. A. 14, 4.* suos hortatur : *densarent ictus, ora mucronibus quarerent.*

Pompeium eo gravius fortuna adversa perculit, quia secundis assuetus, alteram sortem nec timuerat, nec ferre didicerat. Hinc illa desperatio præmatura, quod semel victus prælio, de fuga potius, quam de reparando bello, statim cogitavit : quod *Plutarch. in Pomp. f. & Dio præsertim arguit lib. 42. p. 208. Idem*, qui paulo post exitum ejus, in quem perfidia & fraude pessimorum hominum illectus est, gravissima ἐπιπίσει, *de fortuna inconstantia, cum qua etiam consilia mutantur*, prosequitur. *Deliberatio regis, sive potius eorum, à quibus rex puer regebatur, de recipiendo Pompeio*, describitur *apud Luc. lib. 8.* ubi præsertim Photinus, magister perfidiæ, summum flagitium non minus flagitiosa oratione suadet.

Ceterum id facinus occisi per amicitiae speciem Pompeii, totam Ægyptum calamitatibus involvit, *καὶ ἐκ τῆς προτροπῆς καὶ αὐτοῖς καὶ τῇ Αἰγύπτῳ πάσαν προσέθετο.* Quippe *lib. 13.* per id auctores sceleris, non sibi tantum, sed toti Ægypto ingens piaculum conscivere : inquit Dio. Igitur fortuna ultionem tanti viri manibus quarente, caussa non defuit (ita judicat Florus) exorto mox bello Alexandrino, cujus initia *Cæsar 3. B. C. extremo, & seriem totam Hirtius Panfa*, sicut vulgatus index præfert, *singulari libro comprehendit. Ita debellata perfida gente Cæsar iusta Generi Manibus dedit.*

Morte Pompeii partium indignatio aucta magis quam imminuta. Hinc ingentes belli *Africani* adversus Cæsarem conatus : & mox, Cæsaris fortuna superante, pertiniaciæ apud hostes miracula, Scipiones, Jubæ, Catones *mortem etiam leti accivere* : non quidem, ut sapientibus dignum erat (quod Florus sensu & more ethnico de Catone judicat) sed ut ambitioni, quam in vita secuti erant, etiam in morte fervirent.

Quantum scientia militari & virtute in his omnibus præstiterit Cæsar, ultro intelligi potest : quantum fortuna debuerit, tum alias sæpe, tum in *Hispaniensis* belli ultimo

timo proelio apparuit ; ubi desperatis rebus etiam de consciscenda nece cogitasse ( Sueton. Cæs. ) sive de extremis agitasse secum dicitur, nisi inperatus subito casus viam salutis & victoriæ in extremo periculo aperuisset. In universum æstimantibus fatendum est scilicet cum plurimum virtuti debuerit, plus debuisse fortuna. ut Curtii de Alexandro iudicium alteri Alexandro accomodemus, ex 10, 5, 35.

c. 36.

Juvat ad finem belli properare, & pacem Cæsaris considerare. Quam Florus magnifico elogio celebrat : reliqua pax incruenta ; pensatumque clementia bellum. Si modo ulla clementia pensare tantos belli furores posset, aut clementia deberet vocari, quæ verius *lassa crudelitas* est : sicut in exemplo simillimo iudicat Seneca 1. Clement. 11. Servetur tamen vel sic sua tam clementi victoriæ commendatio : vel quia raro modum servant felicia arma, vel quia exempla priorum temporum crudelia, saltem aliquo solatio interstingui, reip. interfuit.

Victoria parta, omnes unum in principem congesti honores : veluti insula scilicet in destinatam morti victimam, quod congruæ inventionis sententia Florus iudicat, & Dio explicat. Quippe & adulatoria pleraque erant, & insidiosè offerebantur, ut illis ipsis honoribus in invidiam adduceretur.

lib. 44.

Itaque mox furor quidam consceleratus ( δῖστρος ἀλιτρωῶ-  
 δης ) impulit quosdam, qui nec honores ejus æquo animo ferre, nec supra se videre talem virum cupiebant, ut injuste eum interficerent. Dionis hanc mentem ( è principio 44. ) tum alia adstruunt, tum præsertim illa, quæ Cæsari publice decreta erant non ad honorificentiam modo τῷ προτεσηµηένῳ, sed ad potestatem τῷ μονάρχῃ, valentia, sanctissimisque vinculis firmata. Confer loca Dionis 43. p. 249. & 266, 267. itemque lib. 44. p. 274. 275. cum Appian. 2. ἐµφύλ. p. 494. adde annot. 10. ad Tac. 1. A. 8. Nec tamen non gravissima Flori ἐπίκρισις est : Sic ille, qui terrarum orbem civili sanguine impleverat, tandem ipse sanguine suo curiam implevit. Nimirum passus est, quæ meruerat, sed non à quibus meruerat : satisque habuit, quod  
 in Cæ-

in Cæsare vindicaret ultrix Dei Justitia, licet nullo modo hujus vindictæ ministeria occupare debuissent parricidæ.

## De Cæsare Augusto

ad

Flori Lib. IV. Cap. 3.

**H**Oc caput formam habet *παρεχάσις πολιτικῆς*, egressio-  
nis *Politica*, sive potius, transitionis cum mora quadam  
conjuncta, & summam sequentium complexa. Quippe res Augu-  
sti, de quibus deinceps acturus est, notabili & connexione &  
interpretatione præmunit an præcipit; dirigendo in cetera judi-  
cio, & illustrandæ per *ἐπισάσις πολιτικῆς* scriptioni: quam  
ita historiæ regulis dicavit, ut orationis elegantia & ap-  
paratui non parum loci relinqueret. Hinc est quod lib. 1.  
cap. 8. prudentissima & *ἐπιχειρητικῇ ἀνακεφαλαίωσει* septem regum  
auspicia & imperia repetit: quod lib. 2. cap. 19. partim ante-  
gressa, denuo observationi lectoris commendat; partim  
secutura, suo quodam charactere politico, ut sic dicam,  
signat: quod lib. 3. cap. 12. pari prorsus instituto *ἀνακεφα-  
λαιώσας ἀμα καὶ λημματικῶς*, sæculorum fata disciplinam-  
que, egregio judicio tum respicit tum prospicit. Qui-  
bus exemplis accedit hoc nostrum caput; quo non tam  
fatorum publicorum, quam reformationis civilis no-  
vam epocham, illam memorabilem, & ut clarius ap-  
pellamus, illam Augusteam præclaro primordio consti-  
tuit.

*Pr.* Digna sunt, quæ considerentur, singula. *Populus*  
*Romanus*, inquit, *Cæsare & Pompeio trucidatis*, redisse in sta-  
tum pristinae libertatis videbatur: & redierat, nisi aut Pompeius  
liberos, aut Cæsar heredem reliquisset: vel, quod utroque pernicio-  
sius fuit. si non collega quondam, mox amulus Cæsariana potentia,  
fax & turbo sequentis sæculi, supersuisset Antonius. Tres videtur  
Florus causas constituere, cur Brutus, Cassiusque & cæteri Cæsa-

Cæsaris parricidæ non vindicare potuerint Remp. in libertatem pristinam. hoc enim propositum consiliumque subinde præferebant jactabantque, qui Cæsarem interfece-  
rant. Obstitisse primo quidem Pompeji filium Sextum, qui paternæ fortunæ reliquias colligere & restaurare certus erat; obstitisse deinde, Octavium Cæsarem; qui noluerit indignus videri eo fastigio, in quod iudicio Julii Cæsaris testamentoque esset vocatus: obstitisse insuper Antonium, qui degustatam semel in collegio Cæsaris, cujus magister equitum erat, dominandi dulcedinem non potuerit ex animo dimittere. Hinc factum esse, ut Reipublicæ, licet amotis factionum & dominationis ducibus, pristinus libertatis status recuperari non potuerit; sed potius omnia novis motibus flagrare cœperint & turbari.

Intelligendum est autem hoc Flori iudicium, *de causis illis propioribus sequentium motuum*, ad quorum seriem originesque præcipue hic respicit. Nam alias dubitari non debet, *plures causas fuisse, ob quas populus Romanus libertatem neque capere, neque sperare amplius potuerit, etiamsi ista non obstitissent, de quibus hic sermo est.* Talis enim erat corruptissimæ reip. conditio, ut, si hæ concussionis causæ defuissent, statim emersturæ fuerint similes aliæ: sicut in affectis corporibus, cum plures morborum causæ concurrunt, manifestiori quidem aut propiori vis ægritudinis adscribitur; sed ut eandem ex aliis jamjam ad nocendum dispositis vitiis emersturam fuisse, nihil dubitetur. Vide si lubet, quæ disputavimus, *annot. 9. ad 1. A. Tac. 8. itemque, annot. 6. ad cap. 9.*

Molitiones Sex. Pompeji, Octavii Cæsaris, Antonii, quibus recuperandæ libertati obstiterunt, breviter complectitur Florus, amplius scilicet explicaturus ista *cap. sequentibus.* Verba hujus *cap.* corrupta sunt, sicut cuiusvis animadvertenti pronum est intelligere. videantur notæ *Freinshemiana*: in quibus verosimillimum, imo verum iudicamus; ista Flori verba: *nam aliter salvus esse non potuit, nisi confugisset ad servitutem: non de Antonio, sed de Pop. R. intelligenda esse.* Licet enim sententiæ non repugnet, An-



tonium ad servitutem confugisse, cum Cleopatrarum Reginarum infano amore sese mancipavit, regnique affectatione inservitutem delapsus est: tamen vel sequentium connexio evincit alteram illam expositionem: *Horum trium motionibus in eam perturbationem venisse rempublicam, ut libertatis omnino obliviscendum, & ad servitutem* (ita enim loquuntur Romani scriptores, cum de extincta libertate & occupata dominatione sermo est) *velut ad sacram ancoram confugiendum fuerit. In quo tamen casu grate agnoscendum, quod in Augusti potius potestatem, quam vel sub Pompeji, vel sub Antonii dominatum resp. redacta sit. Statim enim sequitur in Floro: gratulandum tamen in tanta perturbatione est, quod potissimum ad Octavium Casarem Augustum summa rerum rediit. plane sicut Velleius, ubi Brutum & Cassium μάλα πολιτικῶς comparat, hoc iudicium denique subjungit: Qui si vicissent, quantum reip. interfuit, Casarem potius habere, quam Antonium Principem, tantum retulisset habere Brutum, quam Cassium. Nimirum eo jam res erat deducta, ut non quaerendum esset amplius, an serviret, sed cui serviret populus Romanus.*

2, 72.

Sane ergo gratulandum fuit, quod Augustus Princeps rei Romanae contigit: qui sapientia sua atque sollertia, perculsum undique & perturbatum ordinavit imperii corpus. Scilicet ad tantum opus ingenio Heroico & indole prorsum singulari opus fuit. perturbare rempublicam & polluere, etiam Pompejus aliquis Sextus rudi suo impetu; etiam Antonius suis cupidinibus & libidinibus potest: at restituere & labentem procumbentemque statum revocare, Augustei tantum ingenii res est. Unde alibi demonstravimus, in ejusmodi tempora, ubi magna rerum mutationes imminet, Heroum nativitatem divina destinatione incidere. Ubi omnis quidem instaurationis efficacia divini & operis & favoris est: sed quae per Heroica ingenia plerumque in res humanas dispensatur. Historiam Heroicam illius sive Augustae restitutionis summatim propositam habes apud Vellei. 2, 89. ne nunc ad ceteros fusioris interpretationis auctores eamus.

Charact.

Vellei. 2, 13.

Sed quæ ratio ordinandæ tam confusæ reipublicæ?  
quæ:

quæ perturbationis meta, aut fluctuationis portus? *Unius imperium, sive Monarchia, perite & accurate formata.* unde de corpore imperii sequitur: Quod ita haud dubie nunquam coire & consentire potuisset, nisi unius præsidis nutu, quasi anima, & mente regeretur. Verissimum de Monarchia Cæsarea iudicium (quod exposuimus ad illa *Taciti, non aliud discordantis patriæ remedium fuisse, quam ut ab uno regeretur*) & magnifica sententia: cuius vis ad ipsa imperii præsentioris robora, unius principatui *ἐξαρπίζου* competentia spectat: apparetque ex similibus locis, auctores ita loqui, cum interiorē monarchici regiminis præstantiam declarare volunt.

Cæterum ad hunc reformatæ reip. statum, non potuit nisi magnos post motus perveniri. verissime enim sapientes observarunt, *plerasque mutationes reip. cum vi & cruore & clade conjunctas esse.* Sicut enim in corpore humano, multis diuque collectis vitiis redundante, non facile nisi duris asperisque remediis, quæ rotas vires naturæ concutiunt agitantque, recuperatur sanitas; ita tam altis inveterata radicibus corruptio reip. non nisi per magnas concussiones emendatur, & in novam faciem ordinatur. Quod si ex altioris philosophiæ decretis loquendum est, scire debemus: Deum in ejusmodi mutationibus, & per easdem, *delicta hominum punire; ubi sæpe accidit, ut vitia vitiosi puniant, donec vel explenda vindicta accedat interitus rerum. vel expleta succedat restitutio sive reformatio.* Illa *eversio*; hæc *conversio* dicitur. Quæ duo in gravissima oratione distinguit Darius apud Curtium: *Forssitan ita dii fata ordinaverunt, ut Persarum imperium, quod secundo cursu per ducentos triginta annos ad summum fastigium evexerant, magno motu* **CONCUTERENT** *magis, quam* **ADFLIGERENT.** Locus est, si quisquam, in hoc argumento memorabilis, quem per partes ad nostrum exemplum accommodabimus.

4. 14.

*Divina, ante omnia, in hoc negotio cura, quanquam à pagano agnoscitur. Neque aliud vult Florus noster, cum inquit: M. Antonio, P. Dolabella Consulibus, imperium Roma-*

nun jam ad *Cæsares* transferente fortuna, varius & multiplex civitatis motus fuit. Quanquam enim plerumque non intelligent satis gentiles, quid loquantur, cum de fortuna loquuntur, divinam tamen aliquam dispositionem & architectonicum ex alto principium hic indicari non est quod dubitemus. quippe huc sana ratio etiam cœcutientes deduxit, ut viderent, Dei providentiam atque gubernationem à tanto opere minime excludendam esse.

Secundo innuit locus *Curtianus*, tempus conversionis publicæ, sive terminum partim ratione numeri consideratum, partim ratione civitatis. Prior illa observatio curiosius quam Prudentibus familiarior, certi temporis periodos & ætates, aut sæcula imperiis tribuit: quibus impletis mutantur aut aboleantur. hic CCXXX anni numerantur sive duo amplius sæcula. Eundem ferme terminum rerum Romanarum momentis, incrementis, mutationibus tribuit *Florus præfat. op.* præsertim tertiam illam ætatem à cons. Appio Claudio & Q. Fulvio in Augustum ducentorum annorum facit, & ibi & 2, 19, 2. Sed ista quidem observatio solius est eventus: nam rationis aut causæ aut fidei in numeris nihil est: quanquam multa, sed haud dubie ~~μυσικόντες~~ de iis Plato philosophetur. Altera ergo designatio termini potius huc spectat, cum de summo fastigio Curtius, Florus de ipsa imperii juvenia & quasi quadam robusta maturitate loquuntur. Hinc enim initium mutationis accersit clarius 4, 2, 1. Plerumque sane, ubi ad summum felicitatis & potentiae imperia venere, ruunt, aut mutantur. Nec in abstruso est ratio. Crescentibus enim cum ipsa magnitudine imperii viriis, sicut recte notat Florus 2, 19, 1. fortuna cum moribus mutatur. Sallust. Catil. 2. cujus rei explicatio amplior petenda ex Tac. 2. H. 38. Unde ~~παιδείας~~ ~~πολιτικῆς~~ Politicum: Nunquam difficiliorem esse reip. administrationem, quam in ipso felicitatis & potentiae fastigio.

Tertio distinguuntur à Dario apud Curtium, conversiones & everisiones reip. Revera quidem everasio imminabat regno Persarum in servitutem jamjam tradendo: sed Darius spei argumenta undecunque conquirens ad confirmandos

lib. 3. de rep.  
& alibi.

præfat.



mandos suorum animos ; *sape ait , videri imminere everfionem , qua conversio tantum fit.* Dicitur autem conversio nonnunquam , cum ex una forma in aliam immutatur respublica ; sicut hic accidit in Romano imperio , cujus libertas in monarchiam mutata est : nonnunquam *conversionis* nomine , quævis mutatio notatur , aut concussio , qua non tam mutatur aut transfertur respublica , quam agitur & turbatur vel interna vel externa vi. Sed tanta est , ut antea diximus , insignium ejusmodi conversionum violentia , ut everfionem minitari videantur. Hinc *Curtianum : magno motu conciri . & Florus , varium & multiplicem civitatis motum* vocat , quo res Romana in mutationem sui demersa , tandem in novam faciem emerfit.

Comparatio Floriana memorabilis est, nec minus rationis quam elegantiae habet : Quod in annua cæli conversione fieri solet, ut mota sidera tonent, ac suos flexus tempestate significant : sic cum Romanæ dominationis, id est, humani generis conversione, penitus intremuit, omnique genere discriminum, civilibus, terrestribus, ac navalibus bellis, omne imperii corpus agitatum est. *Ortus, occasusque* siderum, & τροπᾶς, pro varia cursus aspectusque mutui ratione, præsertim in solennibus & statis periodis, tempestates movere notum est. ita in reipublicæ flexu & periodis, varia est siderum ad invicem habitudo & lucta, ut sic dicam, donec in amicam & harmonicam novæ constitutionis seriem ordinentur. Possis enim in hoc cælo sidera dicere, Joves, Martes, Mercurios, Saturnos, & sic deinceps, ingenia illa, quæ se mutuo sibi ad eum modum, quo mathematici de Planetis loquuntur, opponunt aut componunt. Quinimo reperiuntur, qui ipsis naturalibus astris non minorem in convertendis aut everrendis imperiis vim tribuunt : *eadem sc. vanitate*, qua olim L. Tarutius Firmianus, urbis Romæ genesin interpretari, & fata ejus canere, non est veritus, ap. Cic. 2. *de divinat.* 47 ; *eodemque successu*, quo Valens mathematicus ausus est, condita nova Roma, sive Constantinopoli τῇ τῇ

πρω. 3. 7. 7.

γενεθλια καὶ τῆς πόλεως ζωτάξαι θεμάτων, natalitium thema constituitur urbi, apud Zonaram.

Atque ita perventum est ad illustrissimam illam Augusteā pacem : ad cujus augendam gratiam tot tumultus præcellerant : i. e. ad ipsam imperii Romani summam *ἀρχὴν* : quam Christus nasciturus & mox natus, sui Evangelii initiis & propagationi consecravit & accommodavit. Memorabili consideratione eam rem tractat Eusebius 1. *Preparat. Evang.* 4. & 3. *Demonstr. Evang. prope finem.* summam repetit Theodorus Metochita *Hist. Rom. lib. sing. p. 4.* Ut dubitari non debeat : Monarchiam illam Romanam orbi salutarem fuisse, sublatis & sub unius potestate reductis tot discordibus Principatibus. Sed hæc sententia virorum magnorum, non debet aut potest eorum vel ambitioni vel adulationi patrocinari, qui adhucdum Universales, quas vocant, Monarchias vel sperant, vel sperantibus commendant. Singulare prorsum, & peculiaris *ἐκκενομένης* divinæ fuisse, totum istud summorum imperiorum negotium, impius est, qui non credit sacris litteris; absurdus, qui non ex re ipsa intelligit.

Sed nec eo valere debet ista observatio, ut Augusti bella civilia & varia dominationis parandæ flagitia inde excusationem aut veniam petant. Diximus alibi, quid de illis sentiendum sit. hic, distinguere debent humana opera à divinis. Voluit Deus restituere rem Romanam, & imperium istud ad summum fastigium, certas nec unas ob causas, evehere. Ergo ex ipsa confusione, & confinio exitii erexit res perturbatas & collapsas. ut in hoc rerum transitu, quidquid vastatur, corrumpitur, prave perversequē geritur, hominum, ipsiusque Octavii, varia hic delinquentis, opera sint; quidquid è diversissimis originibus ad lætos bonosq; fines emergit, quicquid instauratur, restituitur, firmatur, id omne divini sit & operis & muneris. Habuit sua proposita Augustus; tenuit suum consilium Deus; & illa huic servire coëgit. De cetero, omnis hujus philosophiæ laus est, ut postquam agnoveris singularem Dei curam circa res imperiorum & præsertim circa insignes mutationes versari, simul fatearis, arcana illius cuxæ humanis consiliis & judiciis non posse penetrari.

De

*De bello Mutinensi*

ad

*Flori lib. IV. Cap. IV.*

**P**rima civilium motuum causa (post Julii cædem scilicet) testamentum Cæsaris fuit; cujus secundus heres Antonius prælatum sibi Octavium furens, inexpiabile contra adoptionem acer-rimi juvenis susceperat bellum. Ita orditur Florus historiam tumultuum, de quibus cap. præced. dixerat. Causam præcipuam omnium Antonii molitionum, & quas postea dedit, turbarum subinnuit magis quam exprimit, cupidinem nimirum dominandi, qua sola scilicet Cæsari Julio comparandus erat, judicio Ciceronis Philp. 2. cap. ult. Hinc illa adversus Octavii & hereditatem & adoptionem æmulatio, quam dissimulat ab initio quantum ad hereditatem attinet, in Oratione funebri, qua Cæsarem laudavit, apud Dionem 44. dum adhuc sperabat, Octavium non ausurum adire nomen invidiosæ Cæsaris fortunæ.

Illud inexpiabile bellum adversus Cæsarem Octavium susceptum non arma modo, sed omnis generis inimicitias, injurias, æmulationes prævias complectitur. Cum primum enim Cæsar Apollonia Romam rediisset, & apud Antonium mentionem depositi, cujus curam Julius Antonio, ut amico & collegæ commiserat, injecisset, Antonius despicatui eum habens, ut puerum, insanire eum dixit, neque bonis uti consultoribus, & *εὐβουλον ἀβέλγητον ἀπεισὺν τὴν τοῦ Καίσαρος διαδοχὴν*, onus cui impar esset subire, dum in Cæsaris fortunam & bona veller succedere. Ita summatim Plutarchus in Antonio, Appianus fufius l. b. 3. *ἰμενα*. ubi utraque oratio Cæsaris ad Antonium callida, Antonii ad Cæsarem contumeliosa legi potest.

Mirifice absurdus fuit Antonius, quod non intellexit, esse quidem Octavium adolescentem, ac pene potius puerum, *Philip. 2.* sed incredibili atque divina quadam mente ac virtute (ita Cicero) adeoque longe majoribus artibus instructum, quam pro  
artite:

ætatē : quam intra decem & octo annos teneram , obnoxiam & opportunam injuriæ credebat , ipse pleno ex commilitio Cæsaris dignitatus , neque sane negari potest , aut obscurari illud Cæsaris commilitium , in quo Antonius multa & strenui militis & egregii ducis experimenta dedit , adeo ut Cæsar cum in prælio Pharsalico sinistro in cornu curare juberet .  
 ὡς πολυμικρότατον τῶν ὑφ' ἑαυτῷ καὶ bellicosissimum suorum , referrento Plutarcho in Antonio . Verum enimvero sicut in bello , ita in civilibus contentionibus nemo facilius vincitur , quam qui adversarium contemnit & contemptum irritat .

Certe hæc ipsa fuit Octavio Cæsari emergendi ad favorem publicum occasio . Cum enim Antonius lacerasset furtis hereditatem , ipsum insectaretur probis , cunctis denique artibus cooptationem Julii gentis inhiberet , juvenis & ætate & injuria favorabilis factus est , Antonius vero in maximum adductus odium . Hæc prima utrinque victoriæ & cladis momenta pariter ac omnia fuere .

Ibimus breviter per seriem inimicitiarum . Antonius non contentus intervertisse depositam ad Opis à Julio pecuniam , illexit alios , qui de bonis Cæsaris plurima , ut sua repeterent . cumque partim apud Antonium , partim apud Dolabellam collegam causæ illæ agerentur , semper condemnatus est Cæsar . Sed & alii iudices in gratiam Antonii ubique secundum adversarios Cæsaris causam dabant , frustra instrumenta emptionis producente Octavio ; frustra SC. quo Julii acta confirmata sunt , invocante . Antonius quippe eludebat illud SC. ut in speciem & temporis gratia factum .

Verum Cæsar , tum omnia alia patris Julii , tum præsertim artem parandæ apud multitudinem gratiæ didicerat . Itaque non modo , quæ ex divenditis Julii bonis comparaverat , sed propriam insuper pecuniam maternaque & Vitrici bona largitionibus effudit in populum : quem ea liberalitate ita inescavit , ut statim suam illi cum voluntate operam dicaret , Antonio autem Cæsarisque adversariis dira ominaretur & minaretur .

Non destitit autem Antonius ipsum variis contumeliis  
 affice-

afficere ; donec animadvertit , Cæsaris preces plus potuisse apud populum & milites, quam suam auctoritatem & dignitatem. Tum enim metu majoris mali , Tribunis præsertim in præsidio Antonii , qui olim sub Julio militaverant , admonentibus , rediit cum Octavio in gratiam ; si-ve potius imaginem & simulacrum gratiæ uterque præbuere , cum interim voluntatem vindictæ & exequendæ acerbitalis alta mente repositam retinerent. Eaque fraude Antonius hoc lucratus est , ut , invito Senatu , suffragante Cæsare , Gallia , Decimo Bruto ante decreta & jam infesta , sibi decerneretur provincia. nam hanc suarum adversus remp. molitionum sedem dispexerat , exemplo maxime & omine Julii ductus , qui inde suas adversus Pompejum & rempubl. vires feliciter concitaverat.

Speravit Cæsar memorem recentis gratiæ Antonium , neque suis desideriis in re simili defuturum : sed edictis & consulari imperio ejus , mox tribunatu , quem plebs Cæsari destinabat , excidit. Unde Cæsaris querelæ apud veteranos , missique , qui iisdem sermonibus Antonianos milites clanculum imbuerent. donec eorundem , qui antea reconciliaverant gratiam , tribunorum ope nova species concordiæ in Capitolio confarcinata , sed mox mutuis utriusque criminationibus interrupta est.

Inter hæc advectæ è Macedonia legiones , in quibus Antonius plurimum habebat spei. Igitur Cæsar , ne opprimeretur ab armato jam Antonio , pecunia & comitate Veteranos paternos excivit è Calatia , Capua , Casilino : sed & mox legionibus duabus Martia & Quarta ab Antonio ad se transfugientibus auctus est : Senatu , qui hætenus inter Antonium & Cæsarem fluctuabat , non asperrante hujus ministerium ad illum opprimendum ; cujus turbulentæ molitiones ad convulsionem reipubl. spectare videbantur.

Gratulabatur sibi tacite de illa occasione Cæsar : & licet satis intelligeret , non tam favore in se , quam Antonii

Uuu

odio

odio Senatum paulatim ad se inclinare, tamen honesto titulo ulturus inimicum videbatur. Processitque res ex voto. Cum enim Antonius Decimum Brutum Gallia expellere conaretur, sibi que eam decretam à populo provinciam contenderet, Brutus à Senatu sibi datam regereret, non diutius arma continuit Antonius, sed Brutum Mutinæ, in quam se urbem is receperat, obsedit. Tum ergo novis Coss. referentibus, post multam deliberationem Senatus Antonium hostem judicavit, Cæsaremque cum Hirtio & Pansa Coss. bellum adversus ipsum gerere jussit. Factum hoc præsertim auctoritate Ciceronis: qui gravissima eloquentia in Antonium investus Senatum huc impulerat. Describit orationem Ciceronis prolixam Dio, quæ veluti summam & argumentum *Philippicarum*, quas ab ipso Cicerone habemus, continet.

lib. 45.

Cæsari autem neque dignitas à Senatu oblata, neque lætitia integra fuit ac sincera. quippe cum eodem tempore, Brutianas Cassianasque adeoque Pompejanas partes augeri provehique à Senatu animadverteret. Sed abstrusit interim suam offensionem: *obsidio Mutina liberat Brutum, Antonium exiit castris*. ita enim breviter Florus, ut cetera omnia, hætenus ex Dione & Appiano præsertim, explicatius proposita. Quod mox peculiare additur de aquila à moriente signifero Cæsari tradita, & ab eo relata, etiam Suetonii testimonio firmatur, cujus ex Aug. 10. hæc sunt verba: *altero prelio, satis constat, Cæsarem non modo ducis sed etiam militis functum munere* (h. e. quod Florus ait: *tum quidem etiam manu pulcer apparuit*) *atque in media dimicatione, aquilifero legionis sua graviter saucio, aquilam humeris subiisse, diuque portasse*. Tanquam rem miram referunt Historici: quia signa Romanorum gravia lacertis & robore indigerent majori, quam quod in ætatem Augusti competeat.

Atque hæc hætenus summatim: nunc quædam seorsum ἀξιωματικὰ πρῶτα ex historia hujus belli annotabimus. Dubitari ab initio potest, an prudenter Octavius adierit hereditatem Julii? Affirmarunt quidam olim, ex solo eventu prosperiore, veniam facto ratiocinantes. quos non

non immerito arguit Dio. Nostrum iudicium expressimus *lib. 45.*  
 in Charact. Vellei. cap. 2, 70. Quid sentiendum de conciliis à  
 Casare per largitionem veteranis, de corruptis Antonii militibus,  
 de fascibus & jure pratoris occupatis, de simulata Pompejanarum  
 gratia partium: satis diximus in annot. ad c. 10. lib. 1. Annal.  
 Tac.

Considerabimus jam Senatum. Quomodo is se gef-  
 sit inter hos tumultus? Respondebit Dio: *Neminem unum lib. 46.*  
 fovebat Senatus, sed modo hunc in aliqua re, modo illum in alia  
 adjutabant; nunc pro illis, nunc contra illos decernentes agentes-  
 que. Atque id quidem infelix consilium fuit. Quid de-  
 bebatur igitur potius facere Senatus? Respondebit idem Histo-  
 ricus: Debuissent unum aliquem rebus praeferre, qui optime de  
 rep. sentiret, eumque per omnia adversus ceteros adjuvare. Du-  
 bites tamen, an exhaustiat hoc iudicium difficultatem ne-  
 gotii in tam confuso reip. tempore statuque.

Hac occasione quaeri potest: An ex Pompejanis Brutus,  
 Cassius, aut alii, melius senserint de rep. quam Antonius & Ce-  
 sar, qui dominatum, extincta libertate, haud dubie cupiebant?  
 Rursum Dio; istis omnibus, inquit, ὑπὸ δεισι τῆ πολέμου μίᾳ,  
 unum bellandi propositum erat, statum popularem dissolvere, &  
 dominatum instituere.

Jam de Cicerone aliquid dicendum est. Quomodo ille se  
 & quam recte gesserit erga Octavium, quomodo erga Antonium?  
 Plutarchus eum reprehendit, quod passus sit se ab Octavio cir-  
 cumveniri, nimioque eum studio extulerit. qua de re aliquid di-  
 ximus in Charact. Vellei. 4, 15. Certe nimio Antonii odio fa-  
 ctum est, ut plus quam prudentia tanti viri dignum est,  
 Octavii facta & privata arma non excusaret modo sed com-  
 menderet. in Philippicis passim. Et tamen postea longe a-  
 liter sensit, locutusque est, itidem sc. nimium in alteram  
 partem transgressus, qua de re queritur Velleius 2, 62, 6. vi-  
 de annot. 3. ad cap. 10. lib. 1. Annal. Tac. Etiam in persequen-  
 do Antonio, studium pro republica suum intemperantia  
 quadam corrumpit. Unde ἐπὶ κεῖσε Appiani: τοσούτῳ ἢ οὐ-  
 σφόδρ' αὐτῷ κατὰ Ἀντωνίῳ καὶ ἀπειροκαλία. Non tamen hæc  
 U u u 2 adi-

adimere debent Ciceroni laudem τὴν ὑβέλλαν καὶ φιλοπόλιν ὡς  
sicut *alibi* jam monuimus.

46. De *prætextibus Mutinensis belli*, ex parte Antonii, egit  
Dio loco à nobis producto annot. I. ad cap. 10. lib. 1. A. Tacit.  
Octavio speciosissimum prætextum ipse Senatus dedit, cum  
arma in Antonium dedit. Ita enim privatas inimicitias  
specie publicorum armorum ulcisci potuit.

De decretis post bellum Mutinense à Senatu factis, quæ omnia ad Pompejanos extollendos, & Cæsarem deprimendum spectabant, idem judicium esto, quod supra indicavimus. Nimis inconstanter, & intempestive, & crasse ab una parte in alteram fluctuatum est. Scilicet is tum erat reipubl. corruptæ genius, ut nova semper cupientes animi potentissimum quemque deprimere, depressum sublevare instituerent; opeque infirmiorum validiores deicere, & postea hos ipsos, quorum opera in persequendis iis usi erant, pessumdare studerent. Quem affectum, in ipsis reipub. vitalibus hærentem Dio notat 45. p. 312, & 313. idem, qui eventum observat 46, p. 356: ita enim factum esse, ait, ut amicum neminem, inimicos haberent omnes.

## De Bello Perusino

ad

*Flori lib. IV. Cap. V.*

Bellum Mutinense, excipit in *Floro* nostro *Perusinum*, non quidem, temporis & gestorum ordine; sed vel Scriptoris arbitrio vel descriptoris licentia an incuria dicam. Quippe post bellum Philippense, Brutique & Cassi interitum (de quo cap. 7.) gesta sunt, quæ hic memorantur.

Nam cum in pactione illa oligarchica post victoriam, inter Cæsarem & M. Antonium inita, id etiam contineretur, ut Cæsar veteranis sua secutis signa agros divideret, pretium militiæ, ut *Noster* loquitur: statim ea agrorum divisio novum bellum concitavit. Quippe & milites optimam quam-



quamq; Italiæ urbem sibi voto ac flagitatione destinabant, & civitates injuriam deprecatae, pretia insuper agrorum postulabant, multis lacrymis & obtestationibus suæ causæ populum concilians. frustra id quidem, nam milites, quorum fidem jam licentia pignerare Cæsar instituerat, præcipiebant veluti cupitam prædam, & colonias manu capiebant. Neque sane unquam magis quam per illa tempora, apparuit, *civilibus bellis plus militibus, quam ducibus* licere; quod præsertim Appianus memorabili declaratione ostendit.

5. *imperi.*  
p. 680. C

Ceterum Antoniani, qui in Urbe erant, in deminutionem suæ potentiae accipientes, si Cæsar solus liberalitate illa deductos in colonias veteranos sibi obstringeret, contentionibus primo impetrarunt, ut Antonianos milites ipsi deducerent, quamvis pacto superiori aliud ducibus placuisset; postea, cum invidiam in Cæsarem crescere viderent, depulsis agrorum possessoribus patrociniū ostentantes, plurimum spei in eorum numero & fide reponebant. Accessit in partem discordiæ alienus Lucii Antonii à triumviratu animus, & instigator turbarum, procurator M. Antonii Manius; hujusque furiis agitata M. Antonii uxor Fulvia; quam Florus per errorem, L. Antonii uxorem facit. Nam huic mulieri tanta fuit audacia, ut non tantum munia consularia impotenter usurparet, sed mariti fratrem, quoquo vellet, veluti nare perforata traheret; ad extremum etiam gladio virilis militiæ (ut eleganter Florus) cincta, signum militibus daret, & concionaretur ap. exercitum.

Ita bellum ex æquo cupientibus Antonianis, primo criminibus de Cæsare sparsis, quæsitum rei principium; sed mox concilio Teanenſi Antonianorum ducum suppressum est. Verum quæ concordia inter æmulos dominationis? statim Lucius & Fulvia, prætextu timoris ex potentia & satellitio Cæsaris, ille Præneste, hæc ad Lepidum, secesserunt. quanquam rursus tentata reconciliatio, proceribus utriusque exercitus arbitrium litis sibi deposcentibus, Cæsaremque & Antonium in jus vocantibus, Quibus

Uuu 3

cum

cum obedire Cæsar cuperet, Lucius obediturus videretur, nisi eum Manius in contumaciam efferasset, expostulante instantius legatione militari, locus judicio dictus Gabii, media inter Romam & Præneste civitas. Venit Cæsar: contempsit venire Lucius cum suis; speciemque detestatæ pacificationi ex simulato metu insidiarum quæsit. Ergo causa secundum Cæsarem data, injuriarum damnati sunt Antoniani, & bellum utrinque strenue cœpit præparari. Nec omisit tamen Cæsar composita oratione in curia queri, de necessitudine miserrima armorum, sibi à Lucio imposita. quem cum frustra denuo per legatos Senatus dehortaretur, speciosissimum prætextum Cæsar, sicut voluerat, invenit.

Quod Florus dicit Antonium totius Senatus suffragiis judicatum hostem, referri debet ad rejectam à L. Antonio Senatus legationem. cum enim Cæsar in Senatu, sicut diximus, omnem belli culpam à se amolens, pacis cupidinem ostentaret, senatus per legatos Antonium ad pacem hortatus est. qui cum sperneret Senatus auctoritatem, in offensionem ejus incurrit: ita ut Cæsar's arma probari viderentur, quia necessitatis speciem habebant. Sunt qui credant Florum, M. Antonium cum Lucio confundere. unde alia erroris ratio redderetur *hic, & supra.*

Non est hujus instituti referre, quotiens & ubi aperto Marte, aut insidiis; velitatione vel prælio pugnatum sit: unum adjiciemus, Nursinorum fatum; à quibus repulsus primum Cæsar, sed postea per deditionem admissus nihil quidem in eos gravius statuit, nisi posteaquam tumulto peremptorum à Cæsare in prælio, intempestiva fame *πενυρία* inscripserunt: eos pro libertate occubuisse. Tum enim grandi pecunia, & quam pendere nequirent, multatos, extorres egit oppido. memorante Suetonio (Aug. 12.) & Dione (48. p. 416.) qui in eo dissentiunt, quod ille Mutinensi bello, hic Perusino factum asseverat.

Sed compulsus est mox Lucius Perusiam, fatale sibi, sed tum necessarium receptaculum. Quippe cum Agrippa & Salvidienus captata locorum & insidiarum opportunita-

tunitate utrinque imminerent progressuro, Perusiam, ut munitam urbem delegit, ubi castris positis hostes interim sustineret vel propulsaret, dum firmiora è Galliis auxilia adventarent. Itaque mira strenuitate & industria non tantum tribus exercitibus (Agrippæ, Salvidieni, ipsius Cæsaris) obsessus est Lucius, sed dispositæ passim, quæ suppetias prohiberent, copiæ, urbsque ipsa ingentis operis munitione circumvallata est. Hinc Perusinis & Lucio, in oppido com meatibus parum instructo omnia in dies arctiora fieri; tentari eruptiones; sperari auxilia; conquiri inutiles cibi; nec famis, nec funerum modus esse.

Ad extremum ab erumpentibus non in spem victoriæ, sed in solatium honestæ mortis, summa vi castra Cæsaris oppugnata sunt, ægreque potuerunt revocari ab exitio, qui morituri exiverant. Lassata ergo & deficiens virtus cum ultra ducis votum & humanæ opis fidem durasset, transfugia paulatim meditari cœpit. Quo Lucius animadverso, præveniendam necessitatem ratus, deditionis consilia agitare cœpit, præsertim cum videret benigne exceptos à Cæsare, qui transiverant. Missi igitur legati veniam à Cæsare postulavere. Cæsar veteranis M. Antonii, in gratiam collegæ, ut præferebat, veniam dedit, ceteros simpliciter in ditionem suam venire iussit, fortunam quam ipse dedisset habituros. Secreto tamen colloquio unum è legatis Furnium monuit, ceteros quoque de sua clementia bene juberet sperare, exceptis, quos peculiariter haberet inimicos. Eam exceptionem gravati plerique, aut omnibus veniam impetrandum, aut inexpressibili certamine in mortem ruendum, à Lucio contendunt.

Quo factum est, ut Lucio de alia legatione cogitanti denique placuerit in Colloquium cum Cæsare venire. Profectus absque feciali præmissos nuntiare iussit, Lucium ad Cæsarem descendere. cumque in conspectum venissent, prior Lucius inhibito amicorum comitatu, duobus cum lictoribus ad castra properavit; & jam vallum ingressurus erat, cum Cæsar modestiam ejus imitatus, & fiduciam, qua se in potestatem victoris permissurus videbatur,

batur, præveniens, extra vallum progressus, integram Lucio consilii libertatem ostentavit.

Peracta mutua salutatione, Lucius de causis belli pro reip. libertate suscepti magnifice, de præsentis fortunæ angustiis generose, & ita disseruit, ut non sibi sed amicis, sociisque & militibus veniam petere videretur. Cæsar miratus constantiam viri, dignitatis & prudentiæ etiam in illa sorte memorem, magnifica brevitate respondit, effecturum se, ne desideraretur clementia sua adversus deditos, & ipsa deditiois specie culpam, quam verbis amolirentur, confessos.

Postridie egressi Perusia milites à Cæsare venia donati sunt, cum ipso Lucio aliisque nonnullis. ceterum multi utriusque ordinis, qui ab Antonii partibus steterant, necati sive potius ad aram Julio Cæsari sacram veluti hostiæ idibus Martiis mactati sunt. Atque id sævius factum erat, quam victoris gloriæ & indoli competeret. præsertim cum immanitatem facti verborum atrocitate augeret, orare veniam vel excusare se conantibus una voce occurrens; *Moriendum esse.* Decurionibus Perusinis interfectis, plebi parcitum est. nisi quod urbs incendio, à Macedonico quodam, excitato conflagravit. *Velleius*, more suo, huic crudelitati colorem quæsit, in *Perusinos*, inquit, magis ira militum, quam voluntate sævitum ducis. Plane sicut *Appianus* memorat, milites Cæsaris tam diu tumultuatos esse, donec interficerentur inimici Cæsaris, Canutius, Flavius, Clodius Bithynicus aliique. Sed merito ipsi exprobrat Cæsari *Perusinas aras*, *Seneca* 1. de clem. 11. Atque hic fuit exitus belli *Perusini*: quod hætenus ex *Dione* & *Appiano* potissimum repetivimus. nam illi vere historiam hujus belli, ceteri compendium potius & summam scripsere.

Causa hujus belli haud dubie in amulatione potentia, ut prædiximus, quærendæ sunt: licet Lucius passim prætenderet restitutionem τῆς ἀεισωνετίας per triumviratum oppressæ (in orat. ad Cæs. *Appian.*) & πατεῖν πολιτείας sive forma prisca liberaque (in orat. ad milit. *Appian.*) Cæsar autem violationem pactorum cum Antonio jactaret, necessitatemque sibi armorum adferri quereretur. yide *Dion.* Unde apparet, illas causas

*Sueton.*  
*Aug. 15.*

2,744

*Σ. ἱμφουλ.*

*Lib. 48.*

*causas*

causas quas Lucius vel maxime à se in orat. ad Cæs. remouet, eidem maxime tribuendas esse. Loquitur autem de extinguenda tyrannide & rep. liberanda, & postea subdit: οἱ μὲν αἰτίαι δι' αἷς ἐπολέμησα, αὐταὶ μέναι. καὶ ἔτι μάλιστα. ἔτι Φουλβία, ἔτι ἡ κληρονομία τῶν ἐν Φιλίπποις πεπολεμημένων, ἔτι ἔλαθ' τῶν γενομένων τὰ κλήματα ἀταρκτημένων. Hæc sola sunt armorum meorum causæ: non autem vel frater, vel Manius, vel Fulvia, vel diuisio agrorum militibus Philippensis belli victoribus facta, vel miseria veterum colonorum, qui suis depulsi agris sunt. Scilicet hæc ipsæ erant causæ suæ serie connexæ, quas ille causas negat.

Porro, principium discordiæ Cæsar maturavit, dimissa Fulviæ filia Claudia, Antonii privigna, quam firmandæ cum Antonio societatis reconciliatus post primam discordiam duxerat; iuravitque cum repudiaret eam, adhuc intactam & virginem esse. *Sueton. Aug. 62. Dio. Quid de talibus diuoritiis sentiendum sit, diximus annot. 9. ad 10. lib. 1. A. Tac.*

43.

Est & aliud in causis belli Perusini considerandis, non prætereundum, occultius Augusti consilium, quod *Suetonius* annotavit: Extiterunt, qui traderent, consulto eum *Aug. 15.* ad arma isse, ut occulti adversarii, & quos metus magis quam voluntas contineret, facultate L. Antonii ducis præbita, detegerentur: derictisque his & confiscatis, promissis veteranis præmia persoluerentur. Idque eo verisimilius, quod omnino inter præcipuas causas illa Augustum ad hæc arma impulit, ut militibus promissa præmia persoluerentur. Quare etiam Senatorum agros omnes dividere militibus decreverat, inquit: unde enim alias præmia militibus persoluemus? quasi eum quisquam vel bellare, vel tanta militibus polliceri c. 48. iussisset. quæ *Dionis* est ἐπίταξις.

Et quoniam in annotandis memorabilibus nunc sumus, non omittendum est inventum Lucii in fame Perusina. cum alimentorum ratione subducta penuriam reperisset, *Servius* præberi alimenta vetuit, ipsosque custodivit, ne ad hostem transfugientes necessitates urbis proderent. *Appian. 5. b. c. p. 691.* Ita Augustus princeps postea, magna sterilitate ac difficili

XXX

remedio;

remedio; venalities & lanistarum familias, peregrinosque omnes, exceptis medicis & praeceptoribus, partemque servitiorum urbe expulit. Sueton. Aug. 42. Qualia plura necessitatis publicæ obtentu excusantur. Videndus Scipio Amiratus disc. ad Tac. 12, 3.

*Latentis & occulta custodia*; quæ inter artes aliquando habetur, bis in historia hujus belli fit mentio: semel, cum Lucii amicos deditos Cæsar suis distribuit, monitis prius, *ἵς τιμὴν ἀπάγειν ἅμα καὶ φυλάκην ἄσπληνον*, ut specie honoris clanculum eos custodirent. Appian. 5. B. C. p. 699. Et postea, cum Lucio Hispaniam committeret, additis legatis Peduceo, & Luceio, *διὰ τῶν ὑποστειλῶν ἐφύλασσαν ἀφανῶς*, per eos clanculum custodivit virum. memorante Eodem p. 703.

An historicum deceat, orationes & litteras aliorum ἀντολεξεί referre, an vero sententiam, ut libitum erit, exponere; posset hac occasione quæri, quod Appianus. 5. b. c. p. 697. cum Lucii ad Cæsarem & hujus ad illum orationes exposuisset, addit: ταῦτα μὲν ἔλεξαν ἀλλήλοις ὡς ἐκ τῶν ὑπομνημάτων ἦν ἵς τὸ δυνατόν τῆς ἢ τῆς πυνῆς μεταβαλεῖν, τεκμαιρομένη τῆς γνώμης τῶν λελεγμένων. Latinus interpres reddidit: Hæc propemodum utriusque verba in commentariis eorum temporum invenio. Propius exposueris: Atque hæc illi invicem dixerunt, quantum quidem ex commentariis sententiam dictorum, verbis licuit & interpretatione exprimere. Suetonius integras epistolarum partes aliquotiens descripsit. vide vitam Aug. 86. Tib. 21. & 67. Calig. 8. Claud. 4. & c. Quamquam de epistolis paulo alia res est, quam de orationibus; quippe epistolas tales ut partem argumentorum & fidei & probationum arcessunt interdum historici. Ita Appianus, de quo cœpi-mus dicere, de epistolis ad Antonium triumvirum scriptis memorat, se accurate quarentem non potuisse reperire exemplaria fideliter descripta. De orationibus adi G. I. Voss. *art. histor. cap. 20. & 21.*

*De Triumviratu.*

ad

*Flori lib. IV. Cap. VI.*

**H**Oc caput *Triumviralem* dominatum *M. Antonii*, *C. Octaviae* *Cæsaris*, *M. Lepidi* complectitur, *cujus historiam* cum *Floro* & ex *Floro* considerabimus primo; postea eam considerationem ad reip. totius *fata* contextumque accommodabimus; denique *excerpta* *quædam* memorabilia, sicut hætenus consuevimus, adspargemus.

Incipiemus ab *ORIGINE* Triumviratus: quam omnium accuratissime & velut ex alto repetunt *Appianus* 3. *ἐμφυλ.* & *Dio* 46. uterque extrema libri parte. *Occasio* autem talium consiliorum de ineunda triumvirali *ἐκταραξία* haud dubie ex eventu *Mutinensis* belli subnata est. Cum enim *Senatus* post fugatum *Antonium*, omnia contumeliosius in *Cæsarem*, honorifice in *Pompejanos* decerneret, adeoque nimis intempestive & præpropere suam de opprimendo *Cæsare* sententiam proderet, statim *Cæsar* nova præmuniendæ, quam agitaret, potentiae consilia iniit; cum *Antonio* fugato clam per internuntios agere cœpit, in quem à *Senatu* denuo arma acceperat & in speciem præparabat: *Romam* occupavit, consulatum, invito *senatu* extorsit, atque inter alios honores iterum potestatem belli adversus *Antonium* & *Lepidum* (nam & is interea ob sociata cum *Antonio* arma hostis judicatus erat) gerendi accepit.

Hic vero consideratis *Antonii* & *Lepidi* viribus, difficile sibi adversus duos futurum ratus bellum, opportunam è diverso ex utroque adversus patris interfectores opem sperans, de illis *senatui* reconciliandis, jungendaque cum utroque potentiae societate serio cogitavit. *Suetonius* *Aug. 121* breviter, ut solet, & accurate: Sed ut cognovit (*Cæsar*) *Antonium* post fugam à *M. Lepido* receptum, ceterosq. duces & exercitus  
 XXX 2                      consen-

consentire pro partibus, causam optimatum sine cunctatione deservit; ad pretextum mutata voluntatis dicta factaque quorundam calumniatus, quasi alii se puerum, alii ornandum tollendumque iudicassent, ne aut sibi aut veteranis par gratia referretur.

Florus statim à causarum expositione, Triumviralem potentiae societatem orditur; Lepidum, inquit, divitiarum cupido, quorum spes, ex turbatione reipublicae: Antonium ultiones de his, qui se hostem iudicassent; Caesarem inultus pater & manibus ejus graves Cassius & Brutus agitabant. Atque his quidem unusquisque eorum stimulis incitabatur. At erat causa altior & communis omnibus profunda cupido dominandi, dum quisque alterius ope dominatum adquirere, eoque adepto, adjutores collegasque opprimere statuit. Sive, ut clarius dicam, oligarchiam interim moliebantur; & ex ejus eventu sibi quisque Principatum sperabant. Dionis verba breviter expedient nobis, quae de causis haecenus diximus: τὸ μὲν σὺμπαν ἐπὶ τῇ τῇ συνάσει καὶ κατὰ τῶν ἐχθρῶν κυρώσεσιν. In universum, de dominatione paranda & inimicis ulciscendis inita conspiratio est.

Non defuere tamen talia machinantibus, speciosarum rerum tituli & pretextus. Quippe constitutam hanc societatem videri volebant, reip. ex confusionibus temporum & discordiarum restituenda causa: πρὸς τὸ διορθῶσαι καὶ πρὸς καλῶσαι τῶν πραγμάτων, ad res ordinandas restituendasque, veluti per-επιμελητάς τε καὶ διορθωτάς, curatores atque correctores, ut Dio interpretatur. Appianus novum hunc magistratum ἢ διορθῶσαι τῶν μακροίων, ad emendandas civiles discordias institutum memorat; itidem ad τὰ προασιζόμενα respiciens. Hinc Triumviros Reip. constituenda, favorabili in speciem nomine semet appellarunt. unde edictum triumvirale ap. Appianum: cum hac praescriptione: M. Lepidus, M. Antonius, Octavius Caesar, οἱ χειροτονηθέντες ἀμύβας καὶ διορθῶσαι τὰ κακὰ, Triumviri constituenda & corrigenda reip. &c. Serviebat huic pretextui tum ipsa reip. perturbatio, quae medicinam aliquam exposcere, omnium judicio videbatur; tum quia temporaria potestas instituta erat, in quinquennium scilicet. quo finito ad libertatem reditura credebatur respublica.

Cete-

lib. 46.

lib. 46.

4. B. C. p. 590.

Liv. epit. 120.

4. B. C. p. 593.



Ceterum SOCIETAS *triumvialis ipsa*, nihil est aliud, quam Antonii, Caesaris, Lepidi pactio sive conspiratio, qua Triumvros se constituenda reip. in quinquennium consulari potestate creaverunt, & in certas federis leges de ordinandis magistratibus, partendis provinciis, remunerandis militibus, proscribendis inimicis jurarunt. In hoc velut sedus pax inter tres duces componitur, ut hoc cum Floro jam dicamus. Apud confluentes inter Perusiam & Bononiam jungunt manus, & exercitus consalutant: & ab ipsis vicissim magnis acclamationibus consalutantur, postquam pacta illa Caesar Consul de scripto militibus, tanquam conscis & testibus adscitis, recitasset. Vide congressum istum, & colloquii per biduum habiti summam plenius expositam Dioni 46. *sine, Appiano 4. in eul. principio.*

Fuit autem hæc pactio adversus temp. *injusta*; inter ipsos pacificantes *infida*. utrumque notarunt Historici. Et Florus quidem, cum inquit, nullo bono more triumviratus invaditur, facis innuit, præter jura reip. præter fas & æquum, sumtam potius quam acceptam potestatem. Quam malefida fuerit societas, non eventus modo declaravit, sed accurate descripsit etiam Dio, qui propositum *προσποιητὴς* lib. 46. *ὁμοφροσύνης* *fide concordie* (ita enim vocat) id fuisse ait, ut, licet summo se invicem prosequerentur odio, tamen mutuo metu retenti & alios interim inimicos mutua ope ulturi, suæ quisque spei & tempori serviret.

Cetera descriptio *Floriana* immoratur recensendis FLAGITIIS DOMINATIONIS *triumvialis*. quorum summa & caput horrenda illa *Proscriptio* fuit. Ac Florus quidem rei tam infestæ paulo pressius insistit: numerumq; proscriptorum, & varios exitus, & singularia exempla exequitur. *Oppressa*, inquit, *armis republica*, *redit Syllana proscriptio*. *Sullani exempli malum*, eadem figura *Velleio* dicitur: quia Sylla primus auctor proscriptionis, teste *Plutarcho* in *Sylla* & *Appiano* 1. *in eul. p. 409.* Unde etiam Dio lib. 47. *principio*, cum Syllani temporis crudelitate hanc triumviralem proscriptionem confert, & majorem judicat. Et ille ipse *Appianus*, non extare in memoriis Romanorum simile 4. *B. C. p. 21*

exemplum ait, præter Sullana tempora. Est autem *proscriptio* ( ut hoc obiter ex descriptione Historicorum adjiciamus ) nihil aliud , quam eorum , qui capitali supplicio destinati erant , publica & nominatim facta in tabulis consignatio , ut conquirentur ad mortem certius & invenirentur expeditius. Nam quod ad bonorum ademptionem attinet, illam hic ferme comprehendunt scriptores sub capitali supplicio. Certe divitibus cum primis proscriptio illa imminebat, adeo quidem, ut communem iis inimicitiam triumviri indicerent, sicut Dio annotat: quia non aliter militum cupiditates explere poterant. Nec defuere, qui propter villam, aut amœnorem domum proscripti sunt, memorante Appiano.

4. B. C.

Inter singularis atrocitatis exempla refertur, quod Antonius L. Casarem avunculum suum; Lepidus L. Paullum suum fratrem proscripsit. quia primi illi, hostes judicandos Antonium & Lepidum censuerant. Sicut & de cetero multi proscripti sunt in gratiam hujus aut illius Triumviri, qui ceteris amici erant. Quippe διαλλαγῇ & συνασθεῖν permutationes dominationum, & quod unus alteri tantisper cuperet obsequi, dum propositum obtineret, facile effecerunt, ut contra sui quisque animi sententiam, collegis dilectissimorum virorum capita veluti venderet ac concederet. Videndus est ea de re Dio 47. p. 375. Græc. & Velleius 2, 67. Ciceronis exitium plerique seorsum memorarunt, propter Antonii crudelitatem, & ipsam summi oratoris celebritatem. caput ejus pro rostris eminentiore, quam cetera, loco propositum diuque spectatum est: nec aliter ad videndum enim, quam solebat ad audiendum, concurrebatur. Quæ sententia Flori, etiam apud Appianum legitur: πλείους ὁμόμαχοι συνέδρον, ἢ ἀκροῦσθαι, plures ad videndum, quam olim ad audiendum concurrebant. Cetera casuum varietas, & miseria, & inopinabilis vicissitudo ex Dione præsertim & Appiano petenda est.

Atque hujus crudelitatis invidiam pleraque ex parte in Antonium & Lepidum transfert Florus, Cæsari mitius propositum assignat. Hac scelera, inquit, in Antonii Lepidique, tabulis. Caesar percussoribus patris contentus fuit. Hac quoque, nisi multa fuisset, etiam iusta cades haberetur. Grave est, quod addit

addit iudicium: quis enim rem ne iis quidem, qui fecere, laudatam (v. Tac. 1. A. 10, 3.) prorsum excuset? Alias etiam Dio, Cæsarem, ait, paucos interfecisse, tum quod tantum inimicorum non haberet, , sicut Antonius & Lepidus, tum quod proniori ad clementiam indole esset. Dignus est locus, qui inspiciatur. Videtur interim adversari Suetonius in Aug. 27. qua de re aliquid monuimus in not. Vellei ad 2, 66.

lib. 47.

Diximus ab initio, nos hunc Triumviratum non in serie tantum historiæ, sed in publicorum nexu satorum consideraturos. Quod illuc spectat, ut animadvertamus, corruptam & incapacem libertatis remp. non facile ab oligarchicis suavisitatis respirare, donec sub unius dominatum reducatur. Vide magnam huius consequentiæ exemplum. Utriusque ordinis, Patricii & plebeji factionibus jam antea evenerat, ut in oligarchiam triumviralem reciderent omnia sub Julio, Pompejo, Crasso. Nunc, postquam absolvi non potuit, quod fortuna in Cæsare inchoaverat, reditur iisdem ex causis, eodem successu eventusque ad alterum Triumviratum: in quo nimirum recruderant reip. regnum parturitantis dolores. Atque cum ad ejusmodi oligarchias ventum est, celerrima mutatione ad regnum aut dominatum unius transitur: quia inter socios potentiæ, nulla diu concordia durare potest. Unde Tacitus (1. A. 1, 3.) Pompeji Crassique potentia cito in Cæsarem; Lepidi atque Antonii arma in Augustum cessere. non tam historiam subitæ mutationis recensens, quam causam subinnuens.

Prorsus memorabile est, & indignum, quod hic prætereatur, Appiani iudicium: καὶ τὰς ἐξ ἰσχυρῆς, ἐκ ἐν ἰδιώ- 4. b. 6. τιδι πόλει, ἐδὲ ἐν ἀδυνεῖ καὶ σμικρῇ βασιλείᾳ, ἀλλὰ τῷ δυνάσ- τῶν, καὶ τοσούτων ἰσχυρῶν καὶ θαλάσσης ἡγεμονίᾳ διέσσειν ὁ θεὸς, ἐκ πολλῶν ἄρα ἔτε τῶν νῦν καθιστάμεν & ἐπαύξεν. Atq. hæc eveniebant non in vulgari urbe, aut parva minusve potente regia; sed potentissimam tot gentium terraque & mari dominam Deus ita concussit, dum veluti per ambages ad præsentis status disciplinæ que decus eam provexit, atque in solido locavit. Sed de illis conversionibus supra aliquid dictum est ad cap. 3. Hic sufficit

Hic sufficit notasse; hunc tam tristem crudelemque triumviratum, Dio restorationem reip. meditante, ad nova pacis statusque firmitatem, per dissimulata omnia viam tamen aperuisse.

Verum hæc ad sequentis temporis contextum pertinent: ex antegressis, vel maxime hujus considerationis est, *exempli mali consequentia*. Nemo ante Sullam proscriptionem noverat: post Sullam inventi sunt, qui certarent cum Sullæ sceleribus, eaque vincerent. Nam hoc præsertim mali in se habent prava exempla, quod non imitationis modo libidinem movent, sed superandi contentionem injiciunt. quod graviter in hoc argumento Dio observat. cui suppar est in simili exemplo Velleius 2, 4, 3 & 4. ubi velut ad locum communem annotat: *Non enim ibi consistunt exempla, unde cæperunt; sed quamlibet in tenuem recepta tramitem, latissime evagandi sibi viam faciunt, & ubi semel recto deerratum est, in præceps pervenitur.* Confer, quæ Cæsar de exemplo Sullanæ proscriptionis differit apud Sallust. Catil. 51.

Si ad singula eundum esset, inter funestos partus Triumviralis oligarchiæ non proscriptionem modo & similia referremus, quæ statim acciderunt; sed *bella etiam civilia*, quæ postea plures per annos lacerarunt rempublicam, præsertim discordiam Cæsaris & Antonii. Quippe cum & Lucanus 1. Pharsal. inter causas civilium Pompeji Cæsarisque armorum, Triumviratum illum, sive Triumviratam, quam Cato vocabat, Julii, Pompeji, Crassi referat. Noti sunt versus:

*Facta tribus dominis communis Roma; nec unquam*

*In turbam missi felicia federa regni.*

id quod amplius ibi explicatur. & *in deditis* singulorum jam supra annotata est. Pacti enim sunt illam societatem, *δὲν μὲν ὅς καὶ τὰς τῶν τῶν ἰσὺς ἀφ' ὧντες, πρῶτον δ', ὅς καὶ ἀφ' ὧντες ἐκείνῃ τῶν τῶν ἰσὺς ἐκείνῃ, specie quidem communis & ex aequo à tribus administrandi imperii, proposito autem non alio, quam ut unusquisque sibi omnem soli potentiam destinaret. ut hoc Dionysius verbis dicam pr. 47.*

Supereft, ut memorabilia quædam subjiciamus iis, quæ dicta sunt. Ac primo quidem non prætereundi sunt  
colores

colores & prætextus juris, quos impotentiae & crudelitati suae triumviri accommodarunt. Quippe cum leges omnino conculcarent is Triumviratus, tamen legitimum videri voluerunt: cumque sponte esset ab ipsis occupatus, tamen completa jam armatis urbe, tribunumpl. legem ferre iusserunt, de novo magistratu creando, atque ut triumviri constituenda reip. in quinquennium consulari potestate essent Lepidus, Antonius & Caesar. Appianus 4. *ἐν οὗτῳ*. p. 593. ubi addit: potuisse hunc magistratum ἐν τῇ κατὰ κράτος τῶν τραπεζῶν institutum Graece Harmostarum titulo appellari, quia idem nomen apud Lacedaemonios datum sit τοῖς κατὰ κράτος τὰ ὀπίσσω. Jam quid de Edicto triumviralis proscriptionis dicemus? id abundat talibus coloribus, quasi in pessimos quosdam, nec ultra, publica tranquillitatis ergo animadvertendum esset. Vide Appianum: qui solus id edictum in ipsa formula descripsit. Unum adjiciam, infame exemplum calumniae, jurisque cavillatorie subversi pariter ac delusi. Inter alia (inquit Dio) qua contra jus & equum acta sunt, puerum quendam virilem togam sumere iusserunt, ut tanquam vir ab ipsis posset occidi. En repertoires novi juris! quo titulo infamat Tacitus Tiberium, ob similem calumniam, 2. A. 30, 5. cum enim vetere SC. questio in caput domini prohiberetur, Tiberius mancipari singulos actori publico jubet: scilicet ut in Libonem ex servis salvo SCto quareretur. Quamquam longe crudelius est, quod de immaturis puellis Suetonius tradit Tib. 61. Ille enim, quia more tradito nefas esset, virgines strangulari, vitata prius à carnifice, dein strangulata sunt. Adde Tac. 5. A. 9. 3.

47, p. 376.

Inter ultima ejus temporis mala numerari debet, quod vel luxisse interfectos capitale fuit, adempto humanae sortis naturæque commercio. Neque minus, ex diversa parte, vis allata mentibus, cum funesta tot luctibus civitate publica indiceretur lœtitia, & quidem sub mortis pœna, memorante Dione 47. p. 381. Sed hæc ad crudelitatem Triumviratus spectant: dicendum est aliquid etiam de avaritia. De proscriptorum bonis, uxoribus quidem dotem, liberis maribus decimam, femellis vicesimam promiserant Triumviri. paucissimis servata est promissio, ceteri ultro expi-

Y y y

lati.

lati. *Dio ibid.* Successit mox in consulatu Lepidi *altera proscriptio*, quæ non vitam, sed bona proscriptis adimebat, idque prætextu imminentium bellorum fiebat. *Dio 47. p. 383.* Proscriptæ sunt, præter viros, MCCCC. feminae ditiores, ut bona profectæ, de iis bellorum sumtus conferrent, quantum Triumviris videretur. Quo tempore Hortensia cujusdam constantia eluxit, quæ ceteris mulieribus ducem se præbens, deprecatione apud cognatas triumvirorum frustra tentata, ipsos cum suo agmine triumviros adire ausa est, iniquitatemque ejus proscriptionis, tum aliis rationibus, tum præsertim hac dequestra est: *nunquam feminas tributa contulisse, quibus vel sexus apud omnes mortales, immunitatem præstet. Contulisse quidem semel progenitricem ipsarum, supra sui sexus sortem, periclitante ob imminentes Pœnos imperio & Rep. universa; sed contulisse sua sponte, non ex prædiis aut dotalibus pecuniis, sine quibus nulla feminis honeste vivendi facultas, sed ex solo muliebri mundo, idque non ad censum certum, aut sub periculo delationis, aut allata vi ac necessitate, verum, quantum ipsis collibuisse. Digna videbatur ratio, quæ ex Appiani 4. μὲν. p. 608. excerpta, ad insigniorem observationem & disquisitionem hic extaret.*

## De Bello Cassii & Bruti.

ad

*Flori Lib. IV. Cap. VII.*

**T**riumviratûm & crudeles proscriptiones mox secutum est bellum, quod *Philippense* dixerunt; gestum à Cæsare & Antonio contra interfectores Julii præcipuos Brutum & Cassium; sicut ex pacto triumvirali destinatum erat. Sed Florus altius orditur utriusque consilia & fata. Brutus, inquit, & Cassius sic Cæsarem, quasi Tarquinium regem, depulisse regno videbantur; sed libertatem, quam maxime restitutam voluerunt, illo ipso parricidio perdere. Gravi judicio propositum eventumque infelicissimæ conspirationis ostendit.

cujus

cujus errata & flagitia breviter, & per signata illis verbis vestigia, repetemus.

Multum in *tempore & statu & reip. fato* ratiocinando aberrarunt : i. e. valde absurde primam illam sub Tarquinio rempublicam, cum hujus temporis facie compararunt. Præter causas alibi notatas (vide *annor. 6. ad cap. 9. lib. 1. A. Tac.*) plane illustris est Dionis observatio, quam transcribere libet : ὁμοφρονῆσαι μὲν γὰρ ἐν τῷ καθέστῳτι τρόπῳ τῆς πολιτείας ἐκέλευθ' οἱοί τε ἦσαν. ὃ γὰρ ἐστὶν ὅπως δημοκρατία ἀκρωτίζεται τοσούτων ἀρχῶν ὄγκον προχωρήσασα σωτηριῆται δύναται, πολλὰ δ' ἂν ἐπὶ πολλοῖς καὶ αὐτοῖς ἀγῶνας ὁμοίως ἀνελόμενοι, πάντως ἂν ποτὶ ἐδωλόθησαν, ἢ καὶ ἐφθάρησαν. Neque enim in eo, qui tum erat reip. statu conservari concordia poterat. Nam nec fieri solet, ut in populari imperio ad tantum potentia fastigium evecto populus moderari animo suo velit. Quo effectum esset, ut multa ob varias causas similes bella exorta vel subjungassent denique omnes vel perdidissent.

lib. 47.

Unde Appianus intempestivum libertatis vindicandæ sive studium sive prætextum agnoscit in utroque. ἦν τε περίφασις αὐτοῖς τῶν πόνων καὶ ἐπὶ Πομπηίᾳ καὶ νῦν, ὅτι ὑπὲρ σωτῆρος αὐτῶν, ἀλλ' ὑπὲρ δημοκρατίας, ἐνέμειλτο ἐκείδῳ, ἀλυσιτολῆς ὁ αἰεὶ. Prætexuerunt quidem suis conatibus & Pompeii tempore & nunc, non suam utilitatem, sed libertatem reip. speciosum sane, sed non semper utile nomen. Cum primis autem non potuit aut debuit viris bonis placere, quod cum flagitio tanto esset conjunctum. Erat enim illud parricidium ἀγῶς ἐδὴ ἀπλῶν. ἔδ' ἐν ὁλίγῳ. Amicum adorti erant, ex improvise; benefactorem & servatorem sustulerant ingratissimo animo; imperatoris sanguine per nefas se commaculaverant; & quidem in curia pontificem, sacra veste amictum, principem eminentissimum, patriæque & imperio præ omnibus utilissimum obruncarunt. Quæ momenta sceleris rursus Appianus colligit.

4 ἐμμελὶς  
p. 667.

Ibid.

Igitur ex illo sanguine nova bellorum & tumultuum seges enata est: statim auctores cædis tractura erat ruina publica, nisi ἀμνηστία esset decreta, auctore cum maxime Cicerone, cujus gravissima eam in rem extat oratio apud Dion. 44.

Sed vindicta Cæsaris dilata potius illo Scto quam

*oppressa est* ; ut hoc verbis *Flori* efferamus. Recruduerunt mox animi populi & militum, tanti Principis necem ægerime ferentium. Itaque *Brutus* & *Cassius* ne publici doloris oculos ferrent, in provincias ab illo ipso, quem occiderant *Cæsare* datas, *Syriam* & *Macedoniam* concesserunt : sive potius, cum nondum adesset tempus in provincias succedendi, tanquam ad annonam curandam profecti urbe, cum interim mutato SCto *Syria* & *Macedonia* *Antonio* & *Dolabellæ* essent decretæ, *Bruto* autem *Cassio*que *Cyrene* & *Creta*, contemptis tenuioribus istis provinciis, armis occupare statuerunt utramque prius sibi destinatam provinciam. Quod & factum est.

*Cæsar* ergo vindicandæ patris neci intentus, Lepidum ad urbis & Italiae tutelam relinquit, cum *Antonio* autem adversus *Brutum* *Cassium*que expeditionem suscipit. (Conjunge cum *Floro*, *Dionem* 47. p. 386.) Illi interim *Cæsaris* potentiam & inimicitiam satis tempestive veriti, multis rebus in *Syria* & *Lycia* gestis magnam sibi gentium & pecuniarum vim comparaverant, sedemque bello *Macedoniam* speculati, apud urbem *Philippos*, loco valde sibi opportuno, quem *Appianus* & *Dio* describunt, confederant. *Florus* eandem harenam, quæ *Pompeio* fatalis fuit, existimat. ejusque sententiæ firmatores sunt ex poetis ii, quos *Cl. Freinsheimius* annotavit, & *Lipsius* ad *Vellei.* 2, 70. ubi omnes ex æquo arguit, & erroris arcessit, cum alterum prælium apud *Philippos Theffalia* ; hoc apud *Philippos Macedoniae* sive *Thraciae primæ* commissum satis constet.

Magnitudinem prælii, quod secutum est, diversimode designant Auctores. *Dio*, maximum è civilibus præliis haud dubie censendum asserit, non quidem multitudine aut virtute pugnantium (quod tamen *Appianus* asserit) sed quia tum de libertate Romana decertatum, omneque jus populi hac pugna, in perpetuum, expugnatum sit. Uterque prodigiorum quoque varietatem & minas in partem argumenti trahit. Sicut & *Florus* noster; itemque *Manilius* sine 1. ἀσπορομικῶν; *Plutarchus* in *Bruto*, aliique. Adjici possunt & omina, quæ *Valerius Maximus* 1, 5, 7 & 8. interpreta-

47. p. 399.

4. ἱμυλ.  
fine.



pretatus est. Mirum cumprimis est, & cum Bruti *malo genio* comparari potest, si verum est, quod de specie Cæsaris Julii Cassio oblata idem *Valerius* memorat 1, 8, 8. An conscientiae parricidialis horror figuravit istas Furias: an divina Nemesis præmonstravit? utrumvis dixeris, unam fati horribilis originem demonstraveris. De melioribus ex parte Octavii ominibus, & præsertim *Artorii somnio* notavimus aliquid ad *Vellei*, 2, 70. ita tamen, ut considerandi potius occasionem suppeditaremus, quam definiendi fiduciam nobis vindicaremus. Non existimamus interim temere rejiciendam *Lactantii* de talibus sententiam: qui præstigiis diabolorum isthæc apud gentiles tribuit (2. instit. Divin. 17.) *Quoties alicui populo vel urbi secundum Dei statutum boni quid impendat, illi se facturos vel prodigiis, vel somniis, vel oraculis pollicentur, si sibi templa, si honores, si sacrificia tribuantur. vide quæ sequuntur, ubi tamen non est arripienda temere, quam de Geniis habet, hypothesis; neque nulla exceptio statuenda.*

Instructa utrinque acie, instincti sunt exercitus, ducum, legatorum, centurionum orationibus, quales rei præsentis discrimini, & futurorum expectationi convenire videbantur. nam hunc stilum designat *Dio*; & in forma, ut sic dicam, ipsa, exhibet *Appianus*. In conflictu ipso par utrinque animorum ardor; par discrimen; atque, ut *Dio* inquit, *utraque pars & vicit & succubuit. Capta sunt hinc Cæsaris castra, inde Cassii. Brutus Cæsaris cornu profligaverat; Cassius ab Antonio fusus erat. Sed plenam tamen Cæsarianis victoriam error dedit; sicut recte Florus judicat, & explicat. Erat quidem animus Bruto instaurare vires, sed à fortuna desertas partes neque milites jam tueri volebant.*

Magnam vim fortunæ agnoscit in hoc eventu *Florus*: quippe, *quamvis duces non essent præsentis, quorum alterum corporis aegritudo, alterum metus & ignavia subduxissent, stetit tamen pro partibus invicta fortuna & ultoris, & qui vindicabatur.* Ita quidem ille, de ducibus: alii aliter. nam plerique virtutem Antonii in hoc prælio extollunt; Cæsarem

quamvis ægrum, lætica circumlatum per ordines memorant. Quod de fortuna utriusque partis adjicit, rectissime facit; quamquam vim sententiæ communis plerumque non satis capiant gentiles, etiam qui usurpant. *Fortuna ultoris* ergo, post eventum facile ita appellata à scriptoribus, nobis notabit nunc illam destinationem Dei, qui Brutianas Cassianasque partes per Octavium ulcisci, imperium autem Romanum statuerat instaurare. *Fortuna ejus qui vindicabatur* nihil aliud erit, quam imminens partitidis ultio ob iniquissimam cædem Julii Cæsaris: ex eadem Dei destinatione, qui tantorum exempla scelerum nunquam impunita patitur. Nam huc recidit tanquam una vis duplicis formulæ. Unde *Appianus*: ἀλλὰ ὡς τοιοῖς δὲ εἶσιν αὐτοῖς ἀντίθετον ἐς ἀπαντα ὅν τὸ ἀγθὲν τὸ ἐς καὶ ταρα. *Licet tales i. e. eximii de cetero essent* (Brutus & Cassius) tamen ipsorum capris per omnia adversabatur ubique scelus in Cæsarem admissum. Sive ut *Velleius* παρὰ τὸν ἄλλο, de Bruto 2, 72. 1. Hunc exitum M. Bruti partium fortuna esse voluit; corrupto animo ejus in diem, qua illi omnes virtutes unius temeritate facti abstulit. Et utroque gravius *Dio* 48. principio; Ita, inquit, Brutus & Cassius interiere, iis ipsis, quibus Cæsarem interfecerant, gladius peremiti. Quod & ceteris sceleris tanti sociis accidit. quorum quidam antea, quidam tunc, quidam postea perierunt. Scilicet ita postulabat justitia, & Deus ordinabat, ut ad eum modum interirent interfectores benefactoris sui virtute & potentia longe eminentissimi.

Præter hanc altioris causæ considerationem, duo adhuc notari debent, sive errata sive improspira consilia, quæ cladem istis partibus maturarunt. Primum enim debuissent vel Magni Pompeii casu edocti perstare in consilio trahendi belli: quippe summa dispositio militiæ est, fame potius quam armis hostem frangere. Jam autem Cæsaris & Antonii exercitus ex sola Macedonia & Thessalia diu ali non poterat: aliunde autem commeatus non patiebatur subvehi Pompeius, ceterique diversarum partium. Alterum errorem *Dio* notavit: quod in disponenda acie non satis attenderunt, quem cui opponerent, quod inter præcipua ad victoriam momenta rerum militarium scriptores ponunt.

4. ἐμφυλ.  
p. 667.

lib. 47.

ponunt. Existimat ergo, si Brutus Antonio, Cæsari oppositus esset Cassius, æquis viribus staturum fuisse certamen, nunc & Cæsarem infirmum facile à Bruto pulsum; & Cassium ab Antonio, cui impar bello erat, non difficulter superatum esse. Potest addi *repentina desperatio Cassii* quam conscientiae opprobrantis vexatio haud dubie celeraverat.

Exitum Bruti & Cassii, *Florus* noster gentili & Stoico iudicio ad virtutem & constantiam refert. *Appianus* & *Dio* rectius: eas manus, quæ Julium Cæsarem violaverant, in sua denique viscera veluti ex furore & amentia perpetrati sceleris conversas. Nihil enim prohibet ita loqui, licet alienæ manus ministerio suam voluntatem expleverint. Itaque talem *ἀνδρογείαν* nemo sanus vel excusaverit, vel laudaverit. Et estne omnino ullum genus *ἀνδρογείας*, quod veniam mereatur? Ut sub exemplo loquamur, *Quid de iis sentiendum est, qui metu hostis persequentis in fuga aut captivitate urbium, in aquas, in ignes se precipitabant?* Recte eos facere, nemo dixerit. Sed sine *προαίρεσι* tamen & consilio videntur agere, neque id facere, ut exitium accerfiant, sed ut iniinens urgensque malum evitent. Inquis: quomodo possunt exitium vitare? Respondet *Curtius* & exemplo responsum confirmat 4, 15. *ubi intravit animos pavor, id solum metunt, quod primum formidare ceperunt.* quasi diceret, ingentis pavoris hanc esse indolem, ut non patiatur de alia re homines cogitare aut judicare, quam de ipsa pavoris causa, & vi urgentiore. Itaque in talibus casibus nemo prudens statim *ἀνδρογείας* appellaverit, qui dum hostilem gladium aut libidinem effugiunt, in exitia alia, metu cæci, ruunt. Recordare exempla nostri temporis, & gemitu potius prosequere, quam convitio, ingenia casusque summarum calamitatum, quas nec nominare sustineo.

Quid hominis fuerit uterque de cetero, Brutus & Cassius, aliquoties instituta comparatione ostendit *Appianus*, quarto *Civilium*, cui addendus est *Plutarchus*. summam elegantissimo charactere *συγκρίνον* complexus est *Velleius* 2, 71. An revera libertatem Romanis voluerint reparare (nam id subinde iactabant) merito dubites. Videreturque hic

locum habere de illis temporibus hominibusque iudicium Josephi lib. 1. de bell. Jud. c. 9. ἕκαστος ἐλπίσιν οὐκείαις ἐχώρει ὁ συμφορὴν ὑπελάμβανε. unusquisque sua quadam spe ad id, quod utile sibi futurum rebatur, tendebant. Id quod amplius ostendi posset, si ratio instituti ferret.

Apud posteritatem quoque subinde variatum est iudiciis de istis viris; dum alii speciosa libertatis nomina & vota sequi malunt, quam veram rerum æstimationem; alii autem utilitatem Monarchiæ Cæsareæ unice attendunt. Inter quæ ancipitia, media via jam ostensa est. Brutus Cassium lamento elogioque quasi ἐπιλασίῳ profecutus, Romanorum ultimum dixit. idque suo iudicio in annalibus editis probavit repetiitque Cremutius Cordus, sicut ex 4. A. Taciti, 34, 1. & Suet. Tib. 61. constat. imitatione scilicet Græcæ sententiæ qua Philopœmen, Græcorum ultimus apud Plutarchum dicitur. Dio quoque huc alludit, cum inquit; τί γὰρ ἂν τις ἄλλο περὶ αὐτῶν ἐκείνωνδιν μαχισαμένων εἴποι, ἢ ὅτι Ῥωμαῖοι μὲν ἐνικώθησαν, Καῖσαρ δ' ἐκέρχτησεν. Quid enim aliud quis de utriusque partis certamine dixerit, quam succubuisse ROMANOS, vicisse Cæsarem? Vulgus apud Tacitum 5. H. 50. diu postea hanc de Bruto Cassioque & Pompeianis partibus spem fovit: & mansuram fuisse sub Pompeio Brutoque remp. existimavit. Quod prudentum nemo facile crediderit, sicuti jam antea coepimus dicere.

Dignæ sunt etiam Historicis visæ, quæ annotarentur, ultima Bruti voces: quarum una imprecationem in Antonium, altera, ipsi factam fato convicium videtur continere. Post acceptam quippe cladem crebro intuentem sidera dixisse ferunt:

Appian.

4. ἐμφυλ.

665.

Ζεῦ μὴ λάθοι σε τῶν δ' ὅς αὐτίκα κακῶν.

Ne te, effugiat. Jupiter, qui horum est malorum auctor.

Postea moriturus alta voce illud Herculis ingeminavit.

ὦ τλήμων ἀρετῇ, λόγῳ δ' ἥϊον· ἐγὼ δέ σε

ὡς ἔργον ἥσκων· ὧ δ' αὖ ἐδύλαδες τύχῃ·

O infelix virtus! quid nisi verbum es? ego te autem

ut rem amplexus sum, cum tu fortuna servieris.

Quod

Dio 47. fine.

Quod *Florus* noster interpretatur : *Non in re sed in verbo tantum esse virtutem.* Constantiæ nomine & prudentiæ ferat has voces gentile iudicium : nos miramur & miseramur cæcitatem *sapientissimorum*, quos *Florus* vocat, *virorum*. Nescivisti enim, Brute, quid virtus esset, & inanem pro corpore umbram amplexus, nullos debuisti solidos fructus expectare. Neque vera dicis, cum in Antonium hujus cladis culpam refers : cujus verissima origo in tuo scelere quærenda erat. Et quis ille Jupiter, diras aliis imprecantem audiret, quem tu, devotum jam diris caput, invocabas.

Adjiciendum adhuc aliquid est, de *victricibus partibus*. Præcipua victoriæ laus in moderatione & clementia consistit : quod toties jam monuimus. Itaque ingentis maculæ locum occupat in hujus belli historia, *Suetoniana* annotatio ; qui de *Octavio* ita scribit : *Nec successum victoria moderatus est : Sed capite Bruti Romam misso, ut statua Cæsaris subjiceretur, in splendidissimum quemque captivorum non sine verborum contumelia sevit.* & quæ plura ejus generis sequuntur. Quid faciunt, quam fortunam irritant, qui tam insolenter utuntur victoria.

## *De bello cum Sex. Pompeio.*

ad

*Flori Lib. IV. Cap. VIII.*

**M**emor est *Florus* ejus, quod *supra* capite hujus libri tertio dixerat, rediturum fuisse Pop. R. ad libertatem, nisi aut *Pompeius* liberos, aut *Cæsar* heredem reliquisset, vel, si non *superfussisset Antonius*. Hactenus ergo exposuit, quæ *Cæsaris* hæres *Octavius* ad ulciscendam patris necem susceperit : nunc de *Pompeio* subjungit ; in sequentibus de *Antonio* expositurus. *sublatu*, inquit, *percussoribus Cæsaris*, *supererat Pompeii domus*. in uno scilicet *Sexto* : qui è prælio *Mundensi*, cujus casus fratrem *Cneium* absumpsit, *evaserat*. Nimirum *fortuna eum in Celtiberiam interim abscondit, aliisque post Cæsarem Julium bellu reservavit.* ut eleganter *Florus* ipse *supra* 4. 2.

Ibi enim Lacetanorum ope Bæticam invasit, Asinium Pollionem Cæsaris legatum vicit, potitusque regione majora moliturus videbatur, nisi post mortem Cæsaris, Lepidus & Antonius, odio Octavii, pactione recipiendæ paternæ hereditatis eum permovissent, ut Hispania excederet.

*Dio 43. p. 312.* Post bellum Mutinense, Senatus, inter alia deprimendi Cæsaris consilia, etiam Sexto Pompeio arbitriū rei navalis apud Siciliam commisit. Verum cum Cæsaris vires invalescerent, interfectoresque patris ejus, cum pluribus inimicis, ipsoque Pompeio damnati essent, sed & mox inter proscriptos à Triumviris Pompeius referretur: ille ipse casus erexit firmavitque vitum. Quippe licet præfectura maris jam à Cæsare per speciem judicii & damnationis esset spoliatus, tamen propriis sibi viribus comparatis Siciliam occupaverat, omnesque proscriptos diligentissime & humanissime ad se invitavit & conquisivit: ideoque dum miseris perfugium ostendat, & gloriam & potentiam suam amplificavit. Victis apud Philippos Bruto & Cassio, Cæsar & Antonius nova pactione imperium & operas inter se partiti, inter alia decreverunt, ut Cæsar adversus Pompeium bellum gereret.

*Dio 46. p. 361.*

*Dio 47 p. 380.*

*48. pr.*

Atque hoc est initium belli Siculi cum Sex. Pompeio, quod Cæsar inchoavit in primis, sed diu traxit, intermissum sapius, teste Suetonio, qui Aug. 16. seriem breviter, ut solet, sed accurate annotat. Fusior & pragmatica expositio ex Dione & Appiano petenda est. Florus Noster, prætermissa partium narratione ad exitum eventumque belli properat. nisi quod apparatus viresque Pompeii generatim exequitur, adjecta pro more, in favorem Cæsareanarum partium, censoria ~~inven-~~ <sup>ta</sup>. Cujus exempla circa hoc ipsum argumentum etiam in Velleio & Lucano reperimus. Sed percurreremus breviter rei gestæ ordinem. Decreto adversus Pompeium bello, L. Antonii tumultus intercessit. ex quo non parum interim virium Pompeio accedebat, plerisque ad eum confugientibus, qui discordiarum civilium pertæsi, causam ipsius justiore credabant. Certe sunt, qui putent, Italia potiturum fuisse, nisi tum maluisset sua tantum defendere.

*Appian.*  
*5. inquit.*  
*68.*

Post

Post bellum Perusinum iterum Cæsar & Antonius partiti sunt negotia, ut bellum cum Pompeio, Cæsari; Parthicum Antonio obveniret. nisi quod substitit Antonius in Italia, Cæsarisque adversus Pompeium militiæ socium se adjunxit. Sed dum apparatu belli omnia strepunt, populus fame & exactiōibus irritatus pacem expostulabat. quæ quemadmodum coiverit, quæ consilia paciscentium fuerint, cum similibus consideratione dignis, satis explicavimus ad *Luc. 1. A. 10. annot. 5.* Neque diu duravit imago illius pacis. quippe Antonio mox in Græciam profecto, uterque & Cæsar & Pompeius prætextus novarum discordiarum & principia belli serebant, de quibus videndi *Appianus & Dio.* *Idem s. p. 709. & Dio 48. p. 427.*

Atque inter initia quidem parum videbatur Cæsari favore fortuna. Quippe & apud Cumas non feliciter pugnaverat Calvisius cum Menecrate Pompeiano, & mox duplici tempestate vexata est atque imminuta classis Cæsariana. Quod si tum Pompeius reliquias naufragæ classis aggressus esset, plurimum haud dubie suis opibus momenti adjicere potuisset: nunc neglexit occasionem, vel quod satis afflictum putaret hostem; vel quod victoria uti nesciret; vel quod tuendis, quæ habebat, intentus, ad invadendos hostes segnior erat. sicut *Appianus* judicat. Ita spatium natus Cæsar, speciosissima classe fabricata in Averno Lucrinoque lacu, opera & sollertia Agrippæ, militem remigemque quotidianis exercitationibus ad summam & militaris & maritimæ rei perduxit scientiam. *Velleio*, cujus ista verba sunt, adde *Dionem* 48. p. 443. Intercessit rursus bello fortuna, classemque Cæsaris apud Veliam Palinurique promontorium tempestate laceravit. Neque sic tamen Pompeius tot hostium naufragiis aliter, quam ad superbiam & inanes fastus uti, animum induxit: in Neptunum se, stultitia ἀνθρωπίνου transformans. Secutum est prælium ad Mylas inter Agrippam & Democharem, in quo succubere Pompeiani: quos tamen Agrippa persequi, sive noluit, invidiam Cæsaris veritus, eique majorum rerum gloriam reservandam ratus; sive potius non potuit. Vide *Dionem* *s. l. c. pag. 716.*

49. p. 450. Excepit autem hanc quoque victoriam nova Cæsarianæ classis apud Tauromenium clades, fortuna veluti de industria bellorum vices variante. donec tandem ad ultimum & fatale Pompeio discrimen perventum est.

Cæsar enim discordiam Lepidi jamjam emergentem, Pompeius autem inopiam sibi præclusis comœatibus imminuentem, veriti, pugnae navali rem committere decreverunt. Producentur utrinque naves numero, instructu, armis apparatusissimæ: præludunt remigum varia arte naves versantium certamina; inde pugna missilibus conseritur; donec rebus ad manum deductis cohærentes invicem naves pedestris militiæ speciem præbuere. Insigne ad pugnam & victoriam cœmentum fuit, Marci Agrippæ harpagum sive manus ferrea, novo invento adornata. Dimicatum est autem ab orto sole in horam diei nonam, varia fortuna: donec M. Agrippa animadversa hostilium navium jactura, suos, ut fortunam invitantem strenue occuparent, cohortatus, cum novo magnoque impetu hostem perurgeret, septendecim naves in fugam; ceteras in varia exitia impulit.

Pompeius tantopere ea clade est percussus, ut neque de terrestri exercitu suo quidquam cogitaret (quem Cæsar mox deditione recepit) & cum septendecim illis navibus statim in fugam se daret. Indecorum fugæ ejus pavorem Florus non tacuit, dum de extincto prætoris navis lumine, de anuli in mare abjectis, aliisque metus speciminibus editis, annotationem adjicit. Cæsar quo minus statim insequeretur Pompeium, tumultu prælium insecuto est præpeditus, quod Dio tradit: vel alienum imperium Antonii invadere noluit; intentus præsertim in occasionem discordiæ, si minus ex federe Triumvirali & voto collegæ Antonius cum Pompeio tanquam cœmuni hoste ageret, quæ Appiani sententia est, Nam hi duo præcipue historiam hujus belli præliique exequuntur. potest antiquioribus etiam addi recentior Thomæ Rivii cura, in *Histor. naval. antiquæ* lib. 4. cap. 51.

Magni ducis famam ad inferos secum tulisset Pompeius, si nibi-

bile

lib. 49.

lib. 4.



*hil tentasset ulterius*, inquit, *Florus*. Nimirum qui historiam hujus viri accuratius meditantur, facile intelligent, fuisse eum ingenio inquieto & præferoci præditum; quod semper nova & ardua spirabat, & quæ non caperet, affectabat: mobile consilio ac temerarium, exequendi conatu quam effectu celebrius. Nam *Florus* calamitatem potius miseratur, quam auctorem purgat in illa figura: *quod magnæ indolis sit, semper sperare*. Quid non tentat resarciendæ fortunæ gratia? Primum Antonii fidem pro confugio eligit, mox, comperta infelici ejus adversus Parthos expeditione, mutat consilium & calliditate parum generosa, aperte quidem Antonii amicitiam præfert ejusque opibus defendi per legatos postulat, per occulta autem & magis fida ad Thraciæ Pontique dynastas item Parthorum societatem se applicabat. Sed Antonius deprehensa Pompeii, quam ad Parthos miserat, legatione, armis arma prævertenda ratus, Titio opprimendi Pompeii negotium dedit. Atque ita tandem, post tentata omnia, dum de deditione sua deliberat ac disputat, sive, ut *Velleius*, *dum inter duce[m] & supplicem tumultuatur, & nunc dignitatem retinet, nunc vitam precatur*, captus, atque postea jussu Antonii à Titio jugulatus est. Elogium ejus, quod summatim ingenium vitamque complectitur, habes apud *Appianum* 5. b. c. 4. p. 753.

Supere[st], ut de victore etiam aliquid adjiciamus: cujus post victoriam singularis & fortuna & prudentia celebranda est. Victoriæ enim tam illustrem cum duæ adversitates exciperent, una è contentione Lepidi, altera è seditione militum: cum utraque ita transegit Cæsar, ut felicitatem partem non parva accessione cumulasse videretur. Lepidum enim fortissimò consilio castris & dignitate exiit: Seditionem partim severitate, partim liberalitate discussit. Adeundi sunt *Velleius* 2, 80. & 81. *Appianus*, *Dio*, aliique.

*Prudentia* digna victoris moderatione specimina dedit, quod litteras omnes belli tempore scriptas abolevit exussitque: quod servos fugitivos partim in servitutem & ad dominos retraxit, partim supplicii affecit: quod *Sa-*

cilium latrocinii liberavit. Ita enim factum est, ut extinctis cum bello belli seminibus, etiam licentia, quam civilia arma pepererant, mature corrigeretur. Quædam & in speciem egit, interque dominationis consilia, vulgavit orationes in senatu & ad populum habitas: in quibus magna civilitate & arte, administrationis publicæ rationem reddidit, commemoratis & in commodas interpretationes adornatis, quæ ad eam diem publice gesserat. Eodem pertinebat promissio libertatis & reddendæ reipublicæ: Ut primum redisset Antonius, abituros se triumvirali magistratu, quoniam finitis civilibus bellis ad pacem profecisset respublica. Hæc, inquam, voluntatibus hominum inescandis valde opportuna erant: licet longe alia interim animo agitarer Cæsar, novisque bellis & invadendæ dominationi jamjam causas & vias moliretur, quippe qui satis intelligeret, extincta jam Pompeii domo, novum sibi ad obtinendam singularem potentiam gradum structum esse.

Occasione hujus historiæ, colloquii cruditi argumentum subnasci exercentibus potest, si quæramus: *Utri hac victoria potissimam tribuenda, M. Agrippa, an Octavio Cæsari?* Nos Octavio tribuimus præcipuam gloriam: cujus auspiciis Agrippæ virtus animabatur.

Quod si in universum disputare libeat, *de bellis navalibus & terrestribus, in utris major exercenda virtutis & artis militaris occasio reperiatur*: satis idoneis argumentis terrestris militia præferri poterit. Ipse Cæsar, norante Appiano, libentius terra quam mari pugnasset, si res ita tulisset.

## De Bello Parthico.

ad

*Flori lib. IV. Cap. IX. & X.*

**N**on disjungemus hæc duo capita, quæ historiæ series connectit; quippe non tam duplex bellum, quam unum duplici expeditione gestum complectentia. Cum præsertim, quæ in priore Ventidius gessit, auspiciis Antonii tribu-

tribuenda sint. A cujus fato, secutaque deinceps fati serie orditur hanc suæ scriptionis partem *Florus*. Nos hac vice, exercendæ studiosæ juventutis causâ potiora observationis civilis momenta sequentes, agemus *primo* de causis & occasionibus hujus belli; *deinde*, de rebus in bello præclare aut secus gestis; *denique*, de exitu eventumque armorum, quæ Antonius Parthis intulerat aut intentaverat.

*Occasio* remotior recte à *Floro* in Crassi clade, indeque nata Parthis fiducia constituitur. Mobiles in quamcunque partem animos, successus facile cupiditate bellandi imbuit: neque bellum cupientibus, occasio deesse solet. quam præsertim discordiæ Romanorum civiles externo & in omnia intento regi tunc suppeditaverant. Accessit instigator armorum *Labienus*; quem desperatio hostilibus partibus immiscuit. Missus enim ante prælium Philippense à Bruto & Cassio ad petendum à Parthis auxilium, cum de clade suorum intellexisset, victorisque arbitrium metueret, ostendit Partho vim Romanam cladibus & discordiis imminutam; Cæsarem in Italia Pompeiano bello, Antonium in Ægypto Cleopatæ amoribus implicitos, atque adeo idoneam manum ad subigendam Syriam postulavit.

*Dio 48. p. 424.*

Quæ omnia Partho admodum cupienti fuere. Quippe non immemor antiquæ de imperio inter Parthos & Romanos æmulationis, gaudebat venisse tempus, quo Romanis nocere posset. Hæc haud dubie intima regi cura: quamquam causæ in vulgus notæ magna asseveratione jactabantur, illatum Parthis à Crasso bellum, rapinis destinatus orientis, temerata gentium quies, cum similibus.

Cum *Labienus* & *Pacorus* regis filius Phœnicen & Syriam quasi uno impetu rapuissent, & *Antoniana* præsidia dissi-passent, latius emanabat malum, & hostes sub auxilii specie sibi vincebant. quibus verbis *Florus* innuere videtur, hoc bellum à *Labieno* primum sub specie partium Brutianarum gestum esse: qua ratione ad prætextus, species ista belli pertineret. Sed de hoc non satis constat: cum ceteri aliam propo-

propositi seriem in Labieni Parthorumque consilio prodant.

Hi successus Antonium pridem ad resistendum hostibus evocare debebant. Sed is, non tantum per eas, quas prædiximus, causas segnior, sed insuper à Fulvia in Italiam & aliud adversus Cæsarem bellum tractus, post re-integratam cum Cæsare amicitiam, nihilo magis rem maturavit. nisi quod Ventidium tamen legatum suum misit, quigrassantis audaciam hostis coërceret. Et Ventidius quidem abunde in illa expeditione suam strenuitatem, vigilantiam, felicitatem, omnibus probavit; manu & consilio sæpius victor; adeo ut ipsum regis filium Pacorum occideret. *Cujus cade Crassianam cladem pensatam omnes velut uno ore, Florus, Dio, Plutarchus gloriantur.*

Lubet prudentiam viri fortissimi seorsum per quædam specimina considerare. Egregium primo fuit, quod, ut Florus ait, *simulato metu adeo passus est hostem castris succedere, donec absumto jactus spatio adimeret usum sagittarum.* Conferri meretur similis astus successusque, Tacito descriptus 1. A. 67 & 68. Nec minorem Ventidii sollertiam arguit, quod ducis sui Antonii animum satis intelligens, victos toties Parthos non ausus est amplius persequi. quippe majores, quam pro legati modo, victorias, invidiæ ducis obnoxias fore nequaquam dubitavit. Illud autem plane subtilis & exquisiti est consilii, quod in Chaunæum quendam regulum struxit inventum. Induerat is familiaris erga Ventidium notitiæ speciem; per occulta tamen & magis fida in Parthos inclinabat. Ventidius artem hominis arte deludendam ratus, demeretur eum omni cultu, consilia cum eo communicat, denique omnia facit, ut is secretorum Ventidii arbitrum & participem se crederet. Ita illesto, magni arcani specie imponit: quid de Pacori adventu, quid de itinere ejus metueret, ostendit. Proditor statim ista ad Pacorum referens, movit incautum, ut illa veniret, qua Ventidius optabat. Legi possunt ista prolixius apud Dionem 49. p. 461.

*Appian.  
Parth. p. 57.*

Ingens

Ingens ex his rebus gloria Ventidium secuta, eo fuit illustrior, quia olim in triumpho Pompeji Strabonis ductus, postea primus Romanorum de Parthis triumphavit. id quod Velleius etiam miratur, 2, 65, 5. Sed & Tacito dejectus infra Ventidium Oriens memoratur, Germ. 37, 6. Quamquam maxima pars ejus laudis ad Antonium redundavit: cujus gloria ap. gentes barbaras nulla re magis crevit, quam industria & felicitate ducum. quod Appianus non indictum reliquit, in Parthici p. 157.

Dio 49. p.  
462.

Antonii in hoc bello errata compluria sunt. Ante omnia magnum sibi dedecus & rebus Romanis damnum conscivit, quod neglecta omni temporis opportunitate, cum res postularet industriam & viriles curas, ipse amoribus Cleopatrae per ludum & otium vacavit, magnaue securitate belli non jam metus sed tumultus transmisit. *μειγνύν χολῶν ἄροντες διατεβοῖς καὶ παιδίαῖς χρόνον, ἀναλίσκων καὶ καθιδυπαθῶν τὸ πολυτέλεστον ἀνάλωμα, τὸν χρόνον: non aliter scilicet quam ad instar otiosi ac ludentiu pueri, tempus, cujus pretiosissima jactura est, perdens atque per ignaviam atque luxum conterens. quod signanter Plutarchus in Antonio notat.*

Jam quale est, quod Ventidio tam praeclare ac feliciter omnia agenti invidit? Ventidius, ut antea tetigimus, ad Antonii gloriam sua facta referebat: Antonius ob res ductu Ventidii gestas sumis publicisque honoribus afficiebatur: tamen per invidiam officio tam egregium hominem demovit, neque ullā in re postea eo usus est, si Dioni credimus, qui ista narrat. Plutarchus & qui cum describit, Appianus nihil aliud, quam honoratum ex merito Ventidium memorant: Sed Dionis narrationi facile fidem habebit, qui de ingenio Antonii invido, deque ipso Ventidii metu cogitabit. Dissimulaverit sane invidentis animi malignitatem circa honores triumphi: de cetero, & re ipsa usurpatam, nihil dubito. Itaque tali exemplo cautior factus Sossius, cum Syriae praefectus esset insequente anno, non id egit, ut rebus praeclare gestis invidiam Antonii mereretur, sed ut inertia & otio gratiam ejus obtineret. Dio rursus l. 49. pag. 463.

lib. 49. p.  
462.

Aaaa

Con-

4. 10.

Constituta jam pax erat inter Parthos & Antonium ; non illa quidem valde honesta , sed quam Antonius sibi judicasset necessariam : cum immensa vanitas Antonii , dum titulorum cupidine , Araxem & Euphratem sub imaginibus suis legi concupiscit ; neque causa , neque consilio , ac ne imaginaria quidem belli indictione , quasi hoc quoque ex arte ducis esset , obrepere ; relicta repente Syria in Parthos impetum facit. Hæc enim Antonii *ἀναστροφή* in suscipiendo bello notat Florus : idem , qui totum hoc caput erratis ejus disponit ac distinguit. Parum ex gravitate , & arte ducis factum : quod sine causa nova & idonea , sola cupidine gloriæ ; itemque quod sine indictione arma in Parthos convertit. Vide , quæ de indictionibus ejusmodi olim requisitis annotat H. Grot. 3. de jure bell. & pac. 3. 5. &c. & Selden. de jure natura & gentium secundum disciplinam Hebraeorum lib. 6, 12.

4. 10.

Neque melius gerit bellum , qui male suscepit. Hic enim statim *Plutarchus* , & exinde *Appianus* tradunt ; ingentis apparatus exercitum Antonii cunctatione , dum in Cleopatrarum amores intentus , curas belli posthabet , inutilem redditum , destinataeque occasionem invasionis secure transmissam esse. Prolixior est , quam quæ huc transcribi debeat , observatio , qua Antonio , quid facere debuerit , ostendunt ; quid non fecerit , exprobrant. Nunquam peritis militiæ consilia impetu potius quam ratione capta placeant : quo nomine rursus offendit Antonius , dum relictis machinis , speratam frustra ex super-ventu repentino victoriam turpi clade duarum legionum , amissioneque instrumenti bellici permutavit. Notatus ille error *Dioni & Appiano* ; ipsique *Floro* qui temeritatem ducis satis graviter reprehendit.

Imprudenterne reliquerit machinas , an sine machinis Praasporum obsidionem aggressus fuerit , vix discreveris. Factum est certe , ut obsessor ipse obsideri videretur , longeque majora , quam obsessis inferre poterat , damna acciperet. Interim , ne nihil ageretur , intempestiva iracundia sævit in milites , donec omnibus improspere

spere tentatis, turpius recedit ab obsidione, quam accesserat. Ecce enim: Hosti subdolo, & jam simili fraude decepto, decipiendum se, velut ex talione, præbet: imagineque pacis delusus, operibus quoque ad obsidendam urbem comparatis, sicut erant, remanentibus, abit: atque ita mox incensis operibus, pro illa stolide captata pace novam in se belli molem vertit; qua mirum in modum exhaustus & debilitatus: amissaque non minus quarta parte militum; calorum, servitiiue tertia, impeditis omnibus, vix casu & fide cujusdam captivi servatus est, quem imprudentia internecioni tradidisset, Confer cum *Floro* & *prædictis*, *Velleium* 2, 82.

*Dio* 49. p.  
466. C 467.

Atque licet inter hæc aliquoties vicerit Antonius, tamen victoriæ illæ nihil efficax, nihil firmum habebant. Parthus enim furtis belli & mobilitate quam statario congressu melior, cum magno Romanorum labore repulsus esset, paucos amisit, hostisque insequentis manum facile effugit. αἱ γὰρ νῆκαι κέρτα ἐκ ἔχον, ὅτε βεβαίωτηλα, μικροὺς ποικίλων καὶ ἀτελεῖς τοὺς διώξεις. inquit cum *Plutarcho* *Appianus*. Neque fortunæ tantum adscribi debet, quod tam nobilis exercitus varia itinerum vexatione & clade absumtus est. sicut præter *Florum*, hætenus totiens nominati scriptores prodiderunt. Fuisse aliquam in duce culpam, exemplo Xenophontis declaratur; qui decem millia virorum multo longiori itinere à Babylonia ad mare feliciter, sine noxa, nec citra nobiles victorias duxit. cujus rei consideratio, confessionem erroris extorsit Antonio, ut subinde inclamaret, ὦ μύεροι. *Plutarchum* vide; qui etiam miseras exercitus multiplices, *Floro* obiter perstrictas, paulo diligentius descripsit.

4, 10, 8 & 7.

Audaciam & temeritatem ducum, plerumque infelicitas, infelicitatem desperatio sequitur. Hinc est, quod Antonius à liberti cujusdam Rhamni manu interitum exposulavit: qua ipsa in re parum egregii ducis officio functum autumat *Florus*. sicut nec constantiæ viri cordati conveniebat, ex summa animi dejectione, in vecordem elationem terrefraria mobilitate transferri: quasi vicisset, qui

Aaaa 2

evase.

evaserat. Scilicet fugam suam, quia vivus exierat, victoriam vocabat: ut Velleius, congruente ad Florianam *μικρον* sententia notat 2, 82, 3.

Debet autem hujus belli exitus omnibus documento esse, temere ac negligenter sumpta arma, accedente quantacunque vi militum opumque, vix unquam prosperari. Sed & peritia militaris, & artes imperatoriae (quas in Antonio tum alias alii, tum in hujus belli descriptione *Plutarchus Appianusque* asseverant) parum efficiunt, nisi generosa iudicii propositique constantia adgubernetur.

## De Bello cum Antonio & Cleopatra.

ad

*Flori lib. IV. Cap. XI.*

**Q**Uæ causæ colliserint inter se duos Romani nominis Principes, Cæsarem & Antonium, pari affectu dominatum concupiscentes, & propterea æmulos; ex superioribus potuit intelligi. Nunc devenitur ad ultimum ac decretorium certamen, quo Cæsar, superato apud Actium Antonio, bellis civilibus ultimam manum imposuit, singularis autem imperii ac *μωραρχίας* suæ prima posuit auspicia. Quod non inobservatum reliquit *Dionus* industria; cuius memorabilis est annotatio, libro *historia pragmatica* LI. præfixa. Nos in repetitione præcipuorum momentorum vestigia *Flori* legemus excerptendo potius, quam *historiæ* totius seriem concinnando. quam fuse tradiderunt memoratus antea *Dio lib. 50. & 51. Plutarchus in Antonio*; & ex his compendiarie opera *Thomas Rivius Histor. naval. antiq. lib. 4. cap. 52.*

Jam supra *Florus* omnem rei ab Antonio male gestæ causam, in ipsius posuerat Antonii ingenio & viris. Neque hic ab illa sententia deflectit. Ac ingenium quidem hominis ita nobis describit *Dio*, ut prudentiam in eo & stoliditatem; virtutem & ignaviam; magnitudinem animi & humilitatem.

Lib. I.



ratem, id est, ut gentilibus philosophari mos est, mixtam boni malisque indolem agnoscat. Nobis, si clarius agendum sit, diceretur ingenium ad bona non ineptum, sed ad omnia mala propensum; quod rebus adversis aut metu coercitam sorte improbitatem velaverit; potentiam autem & divitias & fortunam non nisi male usurpaverit. Talia ingenia si plus acrioris spiritus & vehementiæ habent, in acerbiter tyrannicam exeunt; si mobilitas prævalet & vanitas, in luxum, libidines & lutulenta illa, quæ Cicero appellat, vitia prolabi solent.

Unde non mirum est, quod Antonius arma exosus in otio agere, & Cleopatra sinu se reficere, mulierisque Egyptiæ mancipium Romanus imperator fieri non sustineret modo, sed præoptaret. tam infano amore & immodico, ut προθηκὴν τῆς γυναικὸς, tanquam additamentum sive appendix Statuæ illius Venerea, contumeliose à Plutarcho appelletur; & cum interpretatione, ἐλκόμενον ὑπὸ τῆς γυναικὸς, ὡς περ συμπεφυκὸς ἔσται, trahi à femina tanquam agglutinatæ nec alio quam ipsius motu mobilis; dicatur. Et inter hæc tamen, non minore vecordia, quam ignavia, dominationem agitabat, ac mulierculæ suæ pretium luxuriæ Romanum imperium promittebat; plane quasi sedendo & oriando vinci Cæsar, aut Romana virtus debellari posset; quod signanter exprobrat Florus. Atque hinc speciosus Cæsari prætextus subnatus est, ut posset in senatu Romano dicere: Antonium philtris fascinatæ non virtutem modo viri sed rationem hominis insuper exuisse.

Cæsar enim, jampridem consilio opprimendi Antonii agitato, postquam segnitie adversarii, suas vires, quas Antonius facile potuisset prævertere & dejicere, convalescere animadvertit, serius venienti bello, mature occurrere statuit. Nec difficile illi fuit Senatum Populumque in partes trahere, & efficere, ut bellum adversus eum decerneretur, qui patriæ mores exuisse, patriæ jura violasse, majestatem imperii femineæ ambitioni prodidisse, adeoque pro hoste publico omnia fecisse videbatur. Id ut cæcius approbaret Cæsar, testamentum, quod is Roma etiam

lib. 50.

de Cleopatra liberâ inter heredes nuncupatis reliquerat, aperiendum recitandumque pro concione curavit, notante Suetonio Aug. 17. Indignum id nonnullis visum ( sicut Plutarchus memorat ) quod vivo cuiquam ratio esset reddenda eorum, quæ post mortem voluisset fieri, neque sanctitati supremarum voluntatum ita satis consuleretur. Sed indignitas rei, omnem facti, alias iniquissimi, invidiam sustulit; quod non omisit Dio.

Videamus nunc ipsa rei gerendæ consilia ac instrumenta. Res suadebat ipsa, ut terra potius quam mari bellaret Antonius; quippe & ipse terrestrium certaminum peritus, navalis belli rudior erat, & exercitum similiter affectum habebat; & consilio suorum, ne per incerta maris suam fortunam volveret, flagitabatur. Id Canidius dux robustissimarum legionum, explicatis consilii rationibus hortabatur: id ductor quidam cum lacrymis precabatur, cum sub ipsum discriminis tempus Antonio occurrens, ostensis cicatricibus suis, diceret: *Quid? an diffidit Imperator his vulneribus, his manibus; & in fragilibus lignis fiduciam ponis? Egyptii & Phœnices bella mari committant; nobis permitte terram, in qua assuevimus occumbere aut vincere. Plutarchum vide in Antonio.* Tam bonis ille consiliis prætulit muliebre, & deterius. Quippe magistra Antoniani belli Cleopatra malebat navali prælio decernere, ut suarum quoque, quas adduxerat, navium aliqua esset opera & gloria.

Jam ipsarum structura navium, quam inhabilis ad militiam, quam inepta ad victoriam? Celeritate constat navalis militia: neque ulla re alia quam mobilitate, equestri pugnae est similior. Unde illa ipsa moles, navium Antonii, quæ non sine gemitu maris & labore ventorum ferebantur, exitio fuit. Accessit, quod socios navales habebat plerosque ineptissimos, & de via & rostro passim correptos. At vero Cæsar meliore in omnia consilio, non modo naves habiles in ea quæ usus poscebat, & ad impetus, recursus flexusque capiendos ( sicut Florus eleganter formam navalis certaminis designat ) aptas comparaverat: sed etiam remi-

miges firmissimos instruxerat & exercitatissimos : sicut præter Dion. & Plutarch, refert Velleius 2, 84, 2.

His utraque parte, ad hunc modum comparatis, quis non conjectura, imo certo pæne judicio præciperet cum Velleio, certaminis eventum? Sane non defuit Antonio militum fides virtusque : sed fortissimos milites, ducis & consilium & exemplum destituit. quippe cum Cleopatra præcoci & muliebri fuga se discrimini subduceret, Antonius maluit fugientis dominæ (proh dedecus!) quam pugnantis exercitus comes esse. Quanta rerum vicissitudo! pro fugitivo duce, constantissime dimicat proditus exercitus : & dum ille fugacissimi militis officio fungitur, milites optimi imperatoris munia obeunt : quod cum diſterio, non minus vero, quam censorio Velleius judicat.

2, 84.

Præcipua pestis Antonianos, ignibus à Cæsare in naves jactis, afflixit; horribilique incendio, quod fuscæ & facundæ Dio exequitur, multavit; quippe cum aqua marina ad defendendum ignem minime esset idonea. Sequioribus annis, sub Constantino Pogonato Callinicus architectus adversum Agarenos ignem reperit, teste Zon. 1. 3. qui injectus navibus aut ædibus nulla re, præterquam aceto, extingui poterat. Græcis ὑγρὸν πῦρ, humidus ignis; Aliis Græcus ignis appellatur, quia in Græcia inventus. Nicetas Choniates ita describit : ὑγρὸν πῦρ, ὃ τοῖς ὑγρῶν ἰσχυρῶν σκένους κατὰ τὰς ἀρετὰς ἰσχυρῶς προΐναι τὰ ἱερὰ καὶ πικρὰ καὶ ἐν δυνάμει ἀφίεται. Græcus ignis vasis celatus, mox fulguris ritu profiliens & emicans, quacunque contigerit, incendit. Certe maximæ res tali commento, ex eo tempore, confectæ passim leguntur. Notavit de hoc igne aliquid Majolus in Colleg. 22. Canicularibus, quem compilat Jacob. Pontanus ad Georg. Phranze Protovesliarii lib. 1. cap. 36.

Cæsar parta feliciter victoria, strenue utendum ratus, ordinatis in Italia rebus (vide Dionem) infecutus est Antonium & Cleopatram, varia jam de reparandis viribus agitantes. Sed quid fidum esse poterat in femina, cui omnia honestate potiora? In aperto valde satagit pro Antonio

lib. 35.

ronio : per occulta , fortunæ obsequi , & fiducia formæ Cæsari cupit conciliari. Neque omisit occasionem Cæsar, quin fallacem feminam suis artibus captaret ; multa per Thyrsū pollicitus. Igitur Cleopatra illum amatorem suum , illum tam obsequiosum sibi & deditum Antonium, prodit ; Pelusio primum Cæsari tradito, mox navalibus copiis ab Antonio abductis ; denique simulatæ mortis consilio, exemplum exitii & causam ei subministrat. Ita infustus Antonii exitus, hanc insuper contumeliam habuit, quod non tam virili constantia, quam turpissimo vesani amoris obsequio mortem sibi acceleravit ; æquum scilicet ratus , ut cui vitam suam manciperat , ejus morti (nimis præpropere creditæ) suam mortem ipsa servitii continuatione jungeret.

Cleopatra superstes, cum nequidquam variis artibus Cæsarem victorem tentasset fascinare, majoremque in eo animum , quam qui femineis expugnari dolis posset , reperisset, moriendi consilium capit, atque ut destinata posset exequi, rursus dolo impetrat. Elapsa quippe ex custodientium manu, aspidis morsu, seu venenatæ cuspidis ictu ( nam & hoc traditur ) se interficit. Cæsar, qui vehementer dolebat triumphī sui decus imminutum, sero Psyllōs admoveri, qui venena exugèrent, jussit. Nam Psyllis eam vim esse, ut serpentum venena ex hominibus nondum mortuis exugere, neque ipsi serpentum moribus lædi possint, *Dioni* consentiunt scriptores. vide *G. Vossium* 4. *Physiolog. Christian.* cap. 61. Alias Psyllorum historia multis est permista fabulis ; quarum specimen, in hac ipsa narratione *Dio* habet.

lib. 51.

Ita Ægyptum quoque in potestatem redegit Cæsar : cognitoque gentis ingenio, novarum rerum valde cupido, tum alia ad coercendam eam, tum inter arcana imperii hoc instituit, ne quis senatorum aut equitum Rom. illustrium, nisi permissu ingrederetur : Nimirum, ne fame urgeret Italiam, quisquis eam provinciam, claustraque terræ & maris quamvis levi præsidio adversum ingentes exercitus insedisset. sicut *Tacitus* 2. A. 59. 4. explicat ; qui locus *Dioni* plane succinit lib. 51. p. 52.

Hic

Hic Cæsari bellorum civilium post viginti annos finis fuit; & Monarchiæ initium: congestis in victorem honoribus, & potestate imperii in ipsius finem, ut ita dicam, collata; qua de re prolixè Dio 51. quippe cum non aliud jam discordantis patriæ remedium esset, quam si ab uno regeretur, quod Prudentes apud Tac. 1. A. 9, 4; & supra Florus noster 4, 3. indicarunt.

Qui disquirere rationes actionum, circa hoc Actiæcum bellum, uberius cupiunt, iis præter Flori brevem narrationem, multa suppeditabit Dio præsertim & Plutarchus: cujus etiam dissertatio, qua Demetrio Antonium comparavit, examinari particulatim potest.

*In Flori lib. IV. Cap. XII.*

**I**Am potitus erat summa rerum Augustus: sed tot gentes nuper subactæ non statim memoriam pristinæ libertatis poterant deponere. Nova quippe pax, nec dum assueta frenis servitutis rigida gentium inflataque cervices, ab imposito nuper jugo resiliabant; ut eleganter Florus effert. Nam in novo imperio, adhuc jugum ejus rigida cervice subeuntibus victis, tempore opus est, dum mitioribus ingeniis imbuuntur, & efferratos mollior consuetudo permulcet; inquit Alexander apud Curtium 6, 3.

Sed vicit imperii fortuna & Augusti consilium virtusque, omnes objectas ex singulis mundi plagis difficultates. Historiam percurrit Florus; nobis pro ratione instituti nunc minime repetendam. Potius est; ut quædam observatu digniora excerpamus, & disquisitioni exercentium subjiciamus.

Occurrunt hic statim quædam dominationis in populos firmandæ sive inventa, sive consilia, quæ Augustus in devictos usurpavit. In Hispania eos qui fiducia montium sæpius rebellabant, in plana deduxit, ut translata sede ferocia quoque mitesceret: & ne posset aliquando ad bellum faciendum locus ipse adhortari, ut loquitur in re simili Tullius. Ingentis esse consilii illud observari cæpit; sicut rectè Florus judicat. Scilicet, ut plantæ quædam, cum transferuntur, mitescunt: ita ingenia hominum ex solo in solum

traducta, non eandem semper indolem retinere videntur. Exempla passim obvia nihil attinet huc cumulare. Illud unum adjicimus; esse inter duriora & graviora consilia hoc inventum, neque temere, nisi adversum barbaras aut atrocia meritas gentes usurpandum.

Præcipui momenti est, quod per Drusum in tutelam provinciarum, præsidia atque custodias ubique disposuit; per Mosam flumen; per Albim; Visurgim; itemque per Rheni ripam quinquaginta amplius castella direxit: adeoque munivit limites imperii, ut undiquaque omnia firma & connexa & septa essent. De qua dispositione egimus ad 1. Tac. 9. annot. Herodianus 2, 11. ita effert: ἡ δὲ εἰς τὸν Σεβαστὸν πεινῶν ἡ μοναρχία, Ἰταλιώτας μὲν πόνων ἀνέπαυσε, καὶ τῶν ὅπλων ἐξυμνωσε, φρόσιμα δὲ στρατόπεδα τῆς ἀρχῆς πρυβόλαιτο, μισθοφόρους ἐπὶ ἡτοιτοῖς Ἀθηναίοις, στρατιώτας κατασησάμενοι, ἀντὶ τέχνης τῆς Ρωμαίων ἀρχῆς, ποταμῶν τε μεγάλων καὶ τάφων, ἢ ὄρων προβλημάτων, ἐρημῶν τε καὶ δυσβάτων φράζας τῶν ἀρχῶν ἀχυρόσαστο. Posteaquam Augustus rerum potitus est, & laborem Italia ademit, & arma detraxit; milites tantum quosdam certis auctoramentis habuit mercenarios, qui Romanum iuerentur imperium; tum fluviorum magnitudine atque fossarum, montibusque asperimis desertisque locis atque imperviis circumseptos imperii limites communivit. Locum prolixiorem non exscripsissem, nisi Flori verba, non modo, quæ adducta sunt, sed & cetera illustraret.

In expeditionibus suscipiendis non de nihilo est illa Augusti prudentia; cum cetera quidem per legatos administravit, difficilioribus autem ipse suam commodavit præsentiam. In Illyrios ipse expeditionem sumsit, inquit Florus, item: in Cantabros, quia vehementius agere nuntiabantur, non mandata expeditio, sed summa est. Sicut enim non decorum fuerit magnis Principibus, si una alterave civitas turbet, omittere urbem unde in omnia regimen (Tac. 3. A. 47, 2.) ita si status imperii aut salus provinciarum in discrimen verteretur, majoribus periculis non deesse debent. Tac. 4. H. 85, 5.

Cum primis est memorabile illud consilium pacis; quo Augustus effecit, ut ubique cuncta atque continua totius generis

generis humani aut pax esset, aut paxio, sicut magnifice de pace Augusta loquitur Florus. Qua mente etiam reges socios inter semetipsos necessitudinibus mutuis junxit; promississimus affinitatis cujusque atq; amicitia conciliator & fautor; notante Suetonio August. 48. conferri meretur cap. 21. Unde apud Plutarchum (in Apophthegm.) mirabatur Alexandrum, qui non reputasset, majoris esse rem operis, imperium partum bene ordinare ac tueri, quam parare; sive, ut cum Floro nostro efferamus, plus esse provinciam retinere, quam facere. Unde amplius illustrari ista queant, diximus ad I. A. Tac. II. annor. 10.

Sed quæ pax esse potest apud homines artium pacis ignaros, disciplinæ imperitos, corruptis denique moribus nil nisi bellorum semina passim ferentes? Itaque Augustus providentissimo consilio conversus ad pacem, primum in omnia mala & in luxuriam fluens seculum gravibus severisque legibus coercuit; quod signanter notat Florus. Pleraque (ita Suetonius excipit) pessimi exempli correxit; quæ in perniciem publicam, aut ex consuetudine licentiaque bellorum civilium duraverant, aut per pacem etiam existerant. Velleius breviter, ut solet, sed notabili sententia, leges emendatas utiliter, latas salubriter, laudat 2, 89, 4. Prudentes apud Tacitum, jus apud

I. A. 9.

Non omittendum est illustre illud elogium, quo Florus Germaniam patriam nostram ornavit: cum primum infeliciter tentatam Romanis armis, quasi deplorat; Germaniam, inquit, utinam vincere tanti non putasset Augustus; magis turpiter amissa est, quam gloriose acquisita; deinde, victos magis quam domitos, ultro fatetur; denique resumta arma quodammodo excusans, omnem in Romanorum libidinem, superbiam ac seviore armis jura culpam confert; i. e. quid aliud quam Germanorum virtutem, & fidem, & generosi magnitudinem animi dilaudat? Glorioso ex hostium ore testimonio addenda sunt similia ex Tacit. German. 37. 2. A. 88.

Et sane peccaverat Augustus, quod provinciæ tam strenuæ & generosæ tam imbellem & gerendis rebus imparem gubernatorem dedit. Fuit enim Varus magis bone

2, 120.

lib. 36.

voluntatis vir (ἐνπροάριτον Græci vocarent) quam imperatoris consilio aut arte instructus, quod fatetur Velleius. quanquam severior est Flori nostri censura. Etiam Dio reprehendit in Varo, quod libertatis studiosam gentem, ritu servientium imbuere conatus sit. Notavimus hunc errorem ad Veller. 2, 117, 2.

Claudemus hanc dissertationem auspicato AUGUSTI nomine. quod illi tanquam complementum omnis imperatorii honoris, & compendium Principalium elogiorum datum est, cum aliqui Romulum censuissent vocandum. Sed sanctius & reverentius visum est, inquit, Florus, nomen AUGUSTI; ut scilicet jam tum, dum colit terras, ipso nomine & titulo consecraretur. Αὐγυς, ὡς ἐπὶ πλείον τι ἢ κατὰ ἀνθρώπου ὄν, ἐπεκλήθη, πάντα γὰρ τὰ ἐντιμώτατα καὶ τὰ ἱερώτατα, αὐγυς προσαγορεύεται. Augustus, tanquam humanam sortem supergressus, vocatus est. quacunque enim dignissima sunt & sanctissima, Augusta vocantur. inquit Dio 53. p. 581. Græci, Σεβαστόν, Venerandum interpretati sunt. Unde apud Xiphilinum in Nerone inter ἱερὰ ὀνόματα, sancta nomina refertur Augusti titulus. Vide Diatrib. Berneggerian. ad Sueton. Aug. 7.

## XV.

## IN PSALMUM LXXXII

Φιλολογία.

CONsiderabimus primo aliqua, quæ ad Historiam hujus Psalmi pertinent. 2. οικονομίαν & dispositionem ejus accuratius inquiremus. 3. Græcas & Latinas paraphrases & metaphrases quorundam expendemus. 4. Explicationes quasdam aliorum, ad unum & alterum locum, examinabimus. 5. Paraphrasin nostram cum bona venia eruditi lectoris subiciemus.

In Historia Psalmi occurrit scriptor, adeoque occasio & causa scripti, ex statu certi temporis, unde de consilio & sententia carminis judicare fas est. David Kimchi putat hunc Psalmum pertinere ad tempora Josaphati Regis Judæ, & histo-



historiam 2. Paralip. 19. v. 5. descriptam: ubi Rex à Propheta Jehu increpitus, circumit regnum, cultumque divinum instaurat, & judicia, ad iniquitatem prolapsa, emendat, novosque judices constituit, sicut *sequentem psalmum* ad cap. 20. lib. 2. paralip. Idem referri debere, existimat. Simeon de Muis in eruditissimo Commentario suo ita ad Psalm. 82. annotat: *Profecto incertum mihi est, quo tempore hic Psalmus editus sit: certum, compositum ab Asapho, vel aliquo ex ejus posteris; tribuitur enim Asapho, adversus iniquos judices.* Quod de aliquo ex posteris Asaphi suspicatur, & hic, & ad Psal. 74. ubi de captivitatis Babylonicæ spectatore Asapho aliquo, ex evidentia non tam prophetiæ quam historiæ colligit, vix est ut mihi se approbet. Sive enim à Davide compositus Psalmus hic Asapho traditus est, ut decantaretur; sive Asaphus ipse edidit hoc carmen, quem propheta elogio honestari videmus 2. paralip. 29. v. 30; Prophetis futura in præsentibus sunt. intuentur enim id speculum divino munere, in quo longe posita ob oculos ponuntur. quod vel ex Esaïæ volumine clarum est, tam diserte *οικονομίας* complexo, ut non prædicere, sed narrare videatur.

Ad Judices autem sermo est & de judicibus: non tantum ejus temporis, quod peculiariter respexisse Prophetam credere possumus; sed, ut mos scripturæ est, antecessi etiam & venturi. Hoc sensu: Deus stat in judicio Sanhedrin, quod antiquissimum est; in judicio Judicum & Regum; in judiciis & Synedriis judicum reliquis, atque, quotienscunque justitiæ limites non custodiuntur, aut gratiæ jus donatur, ita loquitur, increpat, monet; eâ oraculorum vi ac perpetuitate, quæ cras exaudiri debet sicut hodie, usque ad illud judicium, quod finem mundi æternitate consummabit.

De judicio Sanhedrin, quod unum non duplex statuendum est, multi hujus verba Psalmi accipiunt: quod iis concedendum est, si nec excludant alia judicia, nec alienas interpretationes & glossas adjiciant. Quis enim ferat Pontificio juri cupide insertum schema, sacerdotis

hic *deos* vocari, itaque ab hominibus judicari non posse? quod & Constantinum Imperatorem in concilio Niceno agnovisse, ex *Rufino* jactitant. Cum tamen ex collatis Historicis ceteris, qui *Rufino* multis modis antistant, perspicuum sit: Imperatorem non potestatem judicandi abdicasse, sed ἀναίειαν litium, quando aliis de rebus conventum esset, arguisse; & scandalum, quod in Ecclesiam redundare videbat: si Camarina ista moveretur; declinasse: atq; adeo Sacerdotibus, quam non deceret hujus sanctitatem muneris, si litibus alter alterum persequeretur, cum ne committendum quidem esset, ut judicari opus haberent, non sine aculeo castigationis in memoriam revocasse. Mirari subit, etiam *Petrum de Marca*, ad Sacerdotes seorsum referre cum aliis hunc locum, antequam à quoquam probatum est, Sacerdotes vel hic vel alibi, ut Sacerdotes, vocari *deos*. Si enim, quod alibi tradit *Petrus de Marca*, judices Synedrii magni sive Sanhedrin hic appellantur *dii*, nec soli Sacerdotes & Levitæ, qui aliis in eo consilio adjungebantur, nec qua Sacerdotes, sed qua judices, intelligi possunt. Quid? si ipsi Reges judicant, an illis non conveniet scilicet nomen *deorum*? Longe aliud monstrant loca Scripturæ illustria, & præsertim Christi Servatoris interpretatio, qui *deos vocatos*, ait, ad quos sermo Dei factus est, πρὸς ὅς ἐ ὁ λόγος τῷ θεῷ ἐγένετο. Id enim, sive accipimus cum toto interpretum choro, de iis, quibus imperia & magistratus demandati sunt; sive ad Psalmum seorsum respicimus, & eos cogitamus, quibus in Psalmo Deus loquitur, πρὸς ὅς ἐ ὁ λόγος τῷ θεῷ (ἐν ἑλληνικῇ δὴ τῇ προσημνήσθη) ἐγένετο, judices erunt, sicut res ipsa loquitur; quo officio etiam Reges in sacris describuntur. Sed de hac re, & causa appellationis, postea aliquid monebitur.

## II.

Nunc de οἰκονομία sive dispositione psalmi pie ac modestè investigabimus: &, si sententiæ nostræ fautores vel jam extant, quos non vidimus, vel extabunt deinde; non leve nos fecisse operæ pretium, opinabimur. Parvi sane

de concordia  
sacerdotii &  
imperii lib. 2.  
cap. 7.  
lib. 2, cap. 5.

Joh. 10, 5, 35.

fane momenti videatur forte alicui, quod meditamur : cum res ipsa nihil detrimenti patiatur, siue Prophetæ personam loquentem ubique exaudiamus, siue non uni personæ tribuenda Psalmi verba existimemus. Sed Spiritus S. non frustra in toto hoc opere Poësin, & in Poësi figuras, & in figuris, pondera rerum omni profana eruditione graviora adhibuit ; quibus διολογία exurgit, pietas proficit, animus rapitur ac instigatur. Quantum enim detraxeris de vi. & majestate carminis, si τὸ ἀμυθῶδες detraxeris ? Promulgat Prophetæ ( v. 1. ) siue piorum cœtus aut Ecclesia, & attentionem pariter ac expectationem facit rei magnæ ac divinæ : *Deus stat in cœtu Dei* ; & quidem ut inspector & judex Judicium : *in medio Deorum judicat.* Hac denuntiatione facta, sequitur vox Dei, judices judicantis, & gravissima censura alloquentis v. 2. 3. 4. *Usque quo judicatis iniquitatem ?* & quæ sequuntur. Divinam reprehensionem, cum mandato emendandi judicii conjunctam, v. 5. iterum excipit Prophetæ siue Ecclesiæ fermo, succinendo deplorantis, obstinatos adversus monita divina animos ; magnumque hinc malum publice privatimque ominantis : *Nescierunt neque intellexerunt, in tenebris ambulant ; movebuntur omnia fundamenta terræ.* Hinc denuo insurgens vox Divina, quam divino munere quam sæde abutantur, exprobrat ; & fragilitatis suæ, immemores Dei sui que, admonitos, interitu ob oculosposito exterreret v. 6. & 7 : *Ego dixi Dii estis &c veruntamen vos sicut homines moriemini.* Succlamat Prophetæ seu Ecclesia v. 8. *Surge Deus, judica terram.* Est enim hæc intimi inter Deum & Ecclesiam commercii consuetudo ; ut siue beneficientem, siue irascentem Deum, suis εὐφημίαις, laudibus, gratibus, prosequatur Ecclesia ; quæ vel exhortandi, vel prædicendi figurâ haud raro variantur. Sensus paulo propius consideratus, in Paraphrasi signabitur. Atque hoc est illud τὸ ἐπαμυθῶδες, id est, anima & spiritus carminis, de quo plerosque interpretes & paraphrastas nihil cogitasse animadverto. cum tamen, sine ὀμνί περιεργία, τὸ ἐξηματισμένον τῆς ὁδῆς considerantibus, ul-

tro se offerat *οἰκονομία* argumento opportune & suaviter destinata. Id quod adeo non otiose annotari puto, ut vel hoc solo specimine intelligi detur, quantum sit ad *θεολογίαν* psalmodum momenti, in discernenda carminis figura, & & Poëtæ rationibus animadvertendis; in quibus nihil fortuitum suspicari licet.

## III.

Græcam τῶν LXX, & Latinam vulgatam versionem omnes fere sequuntur: quod Deus in synagoga deorum steterit. cum in Hebræo sit, Deus stat in cœtu Dei, id est, suo, ut Pagninus recte explicat, & à violentis glossis aliorum defendit Sixtinus Amama. Et Apolinarius quidem, *συναγωγῶν* etiam voluit exprimere:

*Antibarb.  
Bibl. lib. 3.*

Ἀρχὴ ἐν κλισίῃσι θεῶν πανυπέρτατος ἔσται,  
ἰσομεν δ' ἀνὰ μέσον ἀναξ μακάρισσι δικάζει.

Ubi, quod ita concipit DEum, quasi ab initio stantem in cœtu Deorum, mox confidentem, non abhorret quidem à consuetudine scripturæ, quæ & sedentem facit Deum judicantem: sed minus apte tam subito permutata phrasis forte videri possit. Dionysius Petavius hætenus commodius: ἐν ἀγύρῃ ἔσκει θεῶν θεός: illa autem *πειρεῖσθαι* quæ sequitur, ὅς κατὰ πάντων κοίτην, non magis aliquid ad scripturæ sensum dixit, quam Apolinarius suis epithetis, ἀρχὴ, πανυπέρτατος. Uterque enim communem potius Poëtarum in describendo morem secutus est, quam vim Hebraici verbi *על* respexit, quod tanquam de præside, & qui alios, quid facere debeant, doceat, exaudiendum est. In Hebraico etiam est: in medio deorum judicat. quod LXX & Vulgatus commutarunt: in medio deos judicat. id Paraphrasta sequuntur. Quanquam autem iudicii illius, quo Deus in medio deorum judicat, pars sit, ipsos illos iudices judicari à Deo: latius tamen patet Hebraica Veritas, & argumentum totius Psalmi, etiam in fine, non sine gravi consilio complectitur. In Petaviano illo μέσος δὲ θεὸς μετόπισθι δικάζει, τὸ μετόπισθι explemēti parum venusti rationem habet. Sacræ enim poëseos laus illi demum debetur, qui nec figuris nec licentia poëta-

poëtarum, nisi ad ingenium & ex ingenio textus Biblici aut argumenti sacri utitur. Quare nec *Buchananum* valde probarim, cum hoc primum κέρμα eleganti quidem sententia, sed paraphrasi nimis libera, si ratio dicta consideretur, convertit:

*Regum timendorum in proprios greges,*

*Reges in ipsos imperium est Jova,*

*Qui judicantum examinabit*

*Nequitiam trutina severa.*

Hugo Grotius, erudita ambage, consilium psalmi præstruxit, ut judices à Deo judicari regique clarius disliceret:

*Formidare Deum discite judices,*

*Qui magnis procerum cætibus interest,*

*Et suffragia regum,*

*Pendit consilantium,*

*Secretusque foro præsidet arbiter.*

Pressius insistit verbis Eobanus Hessus:

*Præsidet in medio cætu Deus ipse potentum,*

*Et judex alios judicat ante deos.*

τὸ ante, tale nobis hic videtur, quale Petavii τὸ μετόπισθε.

Secundo commate Veritas Hebraica, Quousque, inquit, judicabitis, & facies impiorum sumeris? Hic permutant tempus Apolinarius & Petavius, figura satis forte excusata. Ille quidem, prius membrum, alia figura insuper pronuntians: quousque non judicatis incorrupta justitia legibus?

μέχρι τοῦ ἀχρεάντιο δίκης ἢ κείνης δεισμῶς;

non deterius, certe, quam Petavius,

μέχρι τίνος σχολῆσι δίκας ἐπικείνεται δεισμῶς.

Quem altero membro, citra dubium vicit. Ita enim Apolinarius:

ἄλλω δὲ πρότωτα ὑπερφιάλων ἀλυσενῶν:

ad sensum Hebraici labii propius, nec sine erudita explanatione phraseos; faciem sumere, sive personam accipere. nisi quis velit in descriptione malorum, סַפְּיָא aliquid desiderare, cum ὑπερφιάλος ἀλυσενῶς vocat. ubi non ineleganter utique cogitavit, si ὑπερφιάλος vel perjurii, vel insolentiae nota, quibus maxime rebus mala caussa exultare solet, in

judicio iniquo designavit. Nam *Petavius* elegantiam potius ex vicino quæsit, quam phrasin expressit:

*ἐλομένους ἄλλαν χάριν ἀνθρώποις φέρουσιν.*

Latini retinent *futurum tempus*. Inter quos *Eobanus Hessus*,

*Quo tandem usque malas leges & iniqua seretis  
Judicia, & reprobos dicitis esse bonos?*

de *malis legibus* assumit liberius, quam textus postulabat. *Buchananus*:

*Nam fraudulentos semper & impios*

*(Inquit) dolosa lance forebitis?*

*pauperque pupillusque vestrum*

*Ceu scopulum metuet tribunal?*

Non ineruditum est, quod τὸ *iniquitatem* judicare ex sequentibus verbis interpretatur: quæ & alii ἐξηνύκη priorum credidere: quod רשעים per fraudulentos & impios ex aliis scripturæ locis explicat: quod Deo hæc verba tribuit, in quo nostram sententiam tueretur, si perseveraret in cetero contextu psalmi ad hunc modum animadvertendo. Ex sequenti commate sumsit, quod de paupere & pupillo ita huic commati inserit, ut sequenti non minus adhærere videatur. *Grotius* eleganter, & ad vim sacri Textus graviter, tum ad sensum copiose:

*vid. Simeon  
de Muis.*

*Quo tandem nocuos sine forebitis*

*Auctores scelerum, nec*

*cedet gratia legibus?*

*Quisve injustitia stat pudor aut modus,*

*Venales animæ? dicite.*

¶ 3 & 4. Sequitur in psalmo, quod genus injustitiæ, hæctenus in primis in judicio obtinuerit, ac in posterum emendandum sit: oppressio scilicet humilium, pauperum, pupillorum, defensoribus carentium. Quos Propheta pluribus vocabulis signanter describit ac demonstrat. omnia enim ista cumulantur & repetuntur: אֲנִי & דָּשׁ & עָנִי & יָתוֹם & דָּל. Quæ *Grotius* propterea exemplis paulo verbosius inculcanda credidit, quod minus feliciter, puto, *Eobanus* tentaverat. Nam *Buchananus*, *paupertatis* & *orbitatis* nominibus defungitur. *Apollinarius*, ὀρφανὸν, ἀπώγατον, δειλόν, πένθελον, πει-

*νυχθόν*

τοῦτον ad copiam scripturæ accommodat. *Petavius* mixto numero, πλοῦς, ὀφθαλμὸς, μοχ βίοτοις χετίζοντα, μήτε μέγα φρονέοντα, πένιλα καχετημένον ἄνδρα, vocat. Adversarios horum Propheta unica voce designat דשעיים sed cum appositae potentia nota, quando de manu eorum eripi vult oppressos. *Improbi* itaque sunt *præpotentes*, gratia, opibus, malis artibus validi. *Apolinarius*, quem contra veterum testimonia nimis juniores quidam contemnunt, pererudite, cum ἀμύχανον (i. e. hoc loco, κακομήχανον) appellasset & αἰδῶν, addit annotationem ἀνταρῆς παλάμης, manus nocere docte, & doloribus alios afficere parata. ubi *Petavius*, retinentior ille hic quidem textus sacri, nil nisi χειρὸς αλεΐτω mentionem facit. *Eobanus*, exemplo oppressionis uni intentus, *impium* hostem parum plene dixit. *Buchananus* superbo potentum ludibrio, sententiam complecti voluit. *Grotius*, crudele dominorum jugum, & sevam potentiam huic accommodavit. Miseros ergo illos, Textus sacer vult judicari sive jus illis dici, nec justitiam denegari, deinde justificari, ut habet Latinus i. e. absolvi innocuos; denique eripi & liberari (gemnatur enim phrasis) ab oppressoribus iniquis ac adversariis præpotentibus. Quam diligenter conditionem eorum, qui judicibus commendantur, descripserat: tam studiose officium judicum circa ipsos consignatur. *Apolinarius* non neglexit, quæ distincte proponuntur: primo ἀλεάν διαείσσειν, ut pauperi contumeliam passo jus dicatur, sive ut causa contumeliam passi cognoscatur; deinde δίκης ἰδύνατο διασῶς, ut justa pronuntietur sententia; denique ῥύσασθε ἀρπαξάτε ut liberetur & eripiat pauper καὶ, ἥνδον se quando psalmum. *Petavius* primum & secundum non distinxit, sed ἐκ παραλλήλου explicavit: ὀφθαλμοῖσι δικαίαν δόθε, φίλοι, ψῆφον. & νίκην ἐπὶ ὑμῖν ἄροισι scil. pauper: tertium evolutione potentis dictionis declarat, ῥύσασθε, & ὅσον θένος ἐστίν, ἀφίλλε χειρὸς αλεΐτω. Distinctionem Scripturæ non otiosam certe, *Grotius* fatis vidit & expressit: *Buchananus* non attendit: *Eobanus Hessius*, copia συνωνυμικῆς ἱξυγίας, ne quid omitteretur, cavendum sibi existimavit; ordini & distinctioni haud æque intentus.

*Sequenti commate eruditissimus Simeon de Muis, agnoscit quasi παρίσθαι. quæ res confirmat nostram sententiam. Quam enim est non dulcius modo, sed gravius, ἀποσκáιως dicta hæc ac interposita accipere, ex persona Prophetæ aut Ecclesiæ? Idem Interpres tria illis iudiciis impingi putat: דֹּעַר וְעָוֹל לֹא יָבִינוּ. in scitiam legum intelligens, quod & Grotio visum est: ut וְעָוֹל לֹא יָבִינוּ. in cognoscendis causis oscitantiam notaret: sequens membrum יִתְהַלְכוּ בַּחֲשָׁכָה de corrupto iudicio, sive vitiosa per cecitatem affectuum juris statuendi sive sententia ferenda consuetudine, exaudiretur, atque ita inferretur, tribus his rebus omnia perverti ac ruere. Docta cogitatio. quanquam discrimen triplicis illius vitii accurate ex Textu elicere, ardui forte operis sit. Si enim de aliis, nec paucis Scripturæ locis cogitamus, quibus dequeritur Deus, homines non cognoscere, non intelligere, quæ ipsis vel præcepta vel ostensa, vel denunciata sunt, verum ex diverso potius vana agitare, ac temere in stultitia & tenebris ferri; non absurdum fuerit hic quoque stilum Prophetæ ad eum modum interpretari, quasi quis diceret: Locutus est ipsis Deus, corripuit eos de perverso iudicandi more, monuit, quid in posterum faciendum esset; sed illi nihil horum exaudiunt, neque memori mente reponunt; sed potius, tanquam si nihil audivissent, nihil intellexissent, cæci ruunt, neque de pravitate moris pristini quicquam emendant. Quare fieri non potest, quin pleraque & se præcipitent. Apolinarius & Petavius tria illa, non cognoscere, non intelligere, in tenebris ambulare, verbis satis feliciter, ille quidem, ut cum prioribus causæ nexu postremum jungeret; hic, ut ἐκ παραλλήλου omnia exaudiret, & prioribus ultimum ἐξηγητικῶς subjiceret, explicarunt. Quod de fundamentis terræ commotis graviter adjecit Propheta, Apolinarius non bene immutavit, quasi ipsi illi cæci iudices commoveri & lapsare circa fundamentum totius terræ dicerentur. Rectius Petavius τῷ ψαλμῷ institit, ubi δεινότηαν periculosius quæsitam vidit. At Buchananus compendii venustatem, paraphrastæ officio antehabuit in istis:*

*Erustra*



*Frustra monemus: lumina cecitas  
Errorque mentes obsidet: ut neque  
Compaginem rerum solutam  
Iustitia pereunte cernant.*

Orationem Dei, quæ sequitur, κατὰ τὴν αὐτῆς verbis Prophe- 6. 6. 32  
tæ insistentis Petavius probe expressit. Apolinarii duo versus  
parum feliciter φιλολογῶσι: ille,

αὐτὸς ἰκὼν ἐφ' ὧ μὴ μάκαρος πάρος ἡμῶν εἶναι.

&:

ἐλομένη πᾶσι τοῖς ὁμοίοις ἡγετῆρι.

In priore quidem, vidit pondus verborum Prophetarum,  
Ego dixi, quod exprimere conatus est: sed quod sequitur,  
Dii estis, commutatione dictionis & studio interpretationis  
emollivit. In posteriore merito ignoscas, si nemini inter-  
pretum facilem visam sententiam non ita plane declaravit.  
Interjecti duo versus pulcre se habent. Buchananus & Gro-  
tius multa eloquentia percoluere hunc locum: sed ut cum  
ceteris licere sibi putarent, si διάνοιαν quandam illorum  
verborum תְּסִיחוּ וְכִאֲהֵר הַשִּׁירִים accipere mallent, quam τὸ  
ῥητὸν persequi.

In fine psalmi, ubi Propheta sive Ecclesia, excitata 9. 2.  
& valida ἀποστροφῇ Deum judicem appellat ac invocat, me-  
lius reddit Apolinarius, ἔγρει παμβασιλεῦ, quam Petavius:  
Ὅρσο μὲν κ' ἰδῆς θεῶν. Illud enim ex ipsis hujus commatis  
verbis sumtum est, ubi imperium omnia complexum, cu-  
jus pars est judicandi infinita potestas, Deo tribuitur: hoc,  
ex præclaris quidem elogis divinis, non tamen ex ipsis  
verbis psalmi, nisi à consequenti, repetitur. Quod futurum  
interque retinuit in versu ultimo, facile illis concedendum  
est. quamquam illud futurum nota Hebræis ἐπαγγελῶ, po-  
tius in præsentī, capiendum est. Buchananus in ultimis ver-  
bis, de imperio & dominio Dei in omnibus gentibus, non id quod  
dicitur, sed quod includitur, sumit in illis:

— cunctis arbitrio tua.

qui regna dispensas.

Hereditatis nomine, in Scripturis divinis plenum & indubiū  
in rem dominium notari, nemo ignorat. Omnino autem  
valida sententia hic iudicium & imperium conjunguntur. Ju-  
dica

dica *αὐτοδίκας*, quia imperas *αὐτονόμως*. Judica omnes, quia imperas omnibus. & quæ plura possent ad *ἀνάλυσιν* hujus *λογισμῶ* dici, si id nunc agendum esset.

## IV.

Quando in commate secundo Hebraicum *יהוה* com-  
paret, quod LXX. exprimunt per *διάβαλμα*, Latinus o-  
mittit, hoc tantum exquirere ex eruditis velim; si est, ju-  
xta Kimhium attollendæ vocis nota, aut *μέλως ἑσπλάγχθη*, ut  
apud *Suidam* explicatur, neque melius quicquam, quod di-  
catur, fere occurrit, referri ne debeat ad comma cui con-  
jungitur, an ad sequens? Mihi hoc potius, quam illud vi-  
detur, consideranti exempla, quæ habemus. Non bene  
autem factum puto, quod interpretes interdum omiserunt  
hanc voculam. Gratulari enim nobis debemus, quod hac  
quoque nota, de vi & proposito Textus, aliquo modo ad-  
monitos nos scriptura voluit.

## v. i. &amp; 6.

Quando bis in hoc Psalmo Judices & summæ pote-  
states ac magistratus, *Dii* vocantur, primo non possumus  
probare eos, qui ad omnes sanctos hanc appellationem refe-  
runt, invito Textus scopo, qui latere non potest: deinde,  
parum considerate, sacerdotes hic à nonnullis intelligi, an-  
te ostensum est. Tertio, rationem appellationis improprie à  
similitudine quadam operis divini, quale est imperaræ, ju-  
dicare, desumendam, non est dubitandum. Recte adeo vi-  
cem Dei mandantis jurisdictionem gerere, dicuntur: dictan-  
te hanc interpretandi formulam Spiritu Sancto 2. *paralip.*

*De concord.  
Sacerd. ob  
imper. 166. 2.  
cap. 5.*

19. 6. Neque tamen bene philosophatur *Petrus de Marca*:  
*Judices à Mose* (Exod. scilicet 21. 6. tum 22. 9 & 28.) & *Davi-*  
*de Dii vocantur, & judicia dicuntur*, judicia Dei: quia non prin-  
cipis vice, ut in ceteris Imperiis, sed divina judicabant. Non rum-  
penda est series hujus contextus: Deus judicat *αὐτοδίκως* &  
infinita potestate solus; Ejus vice deinceps judicant, qui-  
cunque judicandi munus acceperere: Reges sive Principes,  
Optimates, Populus: etiam Regis, Optimatum, Populi  
magistratus, Dei judicia judicant: etiam cum vice Regis, O-  
ptimatium, Populi judicare dicuntur, non ideo minus vi-  
ce Dei judicant. Quæ enim in ordine tam necessario col-  
locantur, semper ad principium ordinis referenda sunt: si  
non

non populari sermone, cum more hominum ordinem describere solent, ut sensibus objicitur, animo certe & scientia, sine qua nihil recte intelligitur aut dicitur. Quod si hic ad τὰ ἰδιώτεζ Theocratici regiminis velis unice respicere, exclusis aliis imperiis, multum detraxeris proposito Prophetæ, de quo ab initio.

## V.

Deus deorum, inquit Propheta, stat in coetu suo, in *Paraphrasis* concilio scilicet judicum, quos sua potestate constituit, quibus auctoritate & consilio præest ac interest arbiter, moderator, judex denique. in medio quippe tali concilio judicum, quos sua vice jussit in dicendo jure fungi, eaque causa deorum appellatione honestavit, judicaturus ecce constitit, & pronuntiaturus sententiam de ipsis judicibus. Audite, Deus loquitur & judicat!

*Itane vos, quibus ego judicia mea mandavi, ut incorrupto animo & ore omnibus jus diceretis, tam proterve religionis legumq; oblitis, iniqua omnia pronuntiare, jus gratia donare, personarum potius quam causarum rationem habere, hominum improborum expeditam in aliorum injurias & instructam potentiam, auctoritatem, calliditatem, ultro præceptis meis ac innocentia reorum antehabere; eaq; in re tant diu patientia mea abuti audetis? Ecquem finem & modum injustitia facietis? Quin ad meliora tandem versi, egenorum & pupillorum, frustra hactenus tribunal vestrum respicientium causas cognoscite, his jus dicite: inopes & pauperes, quorum ex miseria adversarii voluptatem querere amant, absolvite. Nonne videtis pauperes & egenos premi ac urgeri, nullo vindice? Eripite illos, agendum, de manu prepotentium, inquam, & factiosorum hominum, quos improbitas sua iniquos, auctoritas audaces facit, liberate miserum & innocuum gregem, qui & extra judicium vexatur, & in judicio succumbit. Hæc Deus, magna castigationis & admonitionis majestate.*

At illi, qui moniti meliora sequi debebant (inquit iterum Propheta, Ecclesiæ plerumque catholicæ voce in talibus loquens) nihil horum perceperunt, nihil intellexerunt. ne enim perciperent, ac intelligerent, aures suas obturaverunt: projectaque omni juris & æquitatis, tum officii reverentia, cæcam animi lubricitatem secuti, in tenebris pravitatis

vitatis suæ malunt ambulare, quam luce divini monitus illuminari. Quo fit, ut oberrantibus, & lapsantibus, & ruentibus iis, qui alios sustinere debebant, orbis terrarum à fundamentis concuti videatur, omnisque vitæ ratio & ordo & modus pervertatur; felicitas denique publica cum privatorum fortunis pessum eat. Itaque, qui non auscultarunt Deo ad saniora consilia revocanti, nunc audiant, haud mollibus minis intonantem. Iterum enim obstinatos alloquitur:

*Dixi equidem, nec muto, deos vos esse Deiq, altissimi filios, quicunque reip. regenda & justitia administranda à me præfæcti estis. meam enim vicem obtinctis, mea negotia geritis, cum his fungimini muneribus. Cujus nominis dignatio, religionis vos & industria admonere, non erigere in superbiam & auctoris vestri contemptum debuit. Aliena sunt ista non propria, quibus sanctitas officii attollitur, neque conditionis fragilitas aboletur. Mortales enim non desinitis esse, cum divina vobis nomina mutuor. Eadem moriendi necessitas vos manet, quæ reliquos homines. Sicut ubivis gentium leto datos cum infima plebe superbos Principes ac tyrannos cernitis: ita vestra vos in sepulcrum hora ducet. inevitabili cadetis lege, casumque, nisi respiscitis, pœna sequetur comes, nunquam finienda. Dixi, nec muto, nemo evadet.*

Finierat in hæc verba Deus: cum Propheta ad Deum Judicem supremum conversus, in eo solo præsidium innocentiae repositum intuetur, ac non sine gratulatione amplectitur innotam adjuvandi afflictos voluntatem; fac, inquit, Domine, quod facere te ostendis: exurge in auxilium pauperum & miserorum: judica eos secundum justa sua; absolve ab interitu, quem machinantur improbi: eripe de violentis oppressoribus; libera de potentibus inimicis eos, qui derelicti à terrestribus diis omnem in tua justitia spem collocant. Judica, quicquid toto terrarum orbe correctione & animadversione opus habet: judica ipsos judices, qui solus & unus es omnium judex gentium nationumque. Tu judex es universæ terræ, quia dominus. dominus jure optimo, maximo, unico: cujus est possessio, quicquid universitate rerum continetur. Ita fac, qui maria terrasque, qui urbes & regna temperas, regnator omnium Deus maxime. sic tua semper laus & gloria cælo terraque concelebretrur!

XVI.

## XVI.

## ANNOTATIO HISTORICA,

Scripta 1648.

De

## PASSAGIIS,

*Ad Orationem*

Æneæ Sylvii, super hoc argumento Romæ habitam.

**D**E Passagiis annotare quædam cupienti, *Oratio de Passagio.* non incommodè materiem præbere potest, *Oratio, quam Æneas Sylvius, Episcopus tum Senensis, postea Pontifex Pius I. anno Christiano MCCCCLII jussu & nomine Friderici III. Imperatoris in Italico itinere ex Neapoli Romam reducis, ad Nicolaum V. Pontificem habuit; neque exhortationibus modo ad propositum Cæsaris juvandum valide instigavit Nicolaum, sed totam simul Passagiorum declarationem, partite diligenterque executus est.*

Utrique autem & Friderico Imperatori, & Æneæ Sylvio tribuitur singulare & indefessum belli Turcici studium; quod grassante nimirum longe lateque Turcorum potentia, eaque rei Christianæ mala minitante, quæ subinde consecuta sunt; & ante Constantinopolim captam, justus metus, & post irreparabilem cladem Orientalis imperii, pudor ac atrocitas horribilis damni, bonis cordatisque viris commendavit. Fuerunt itaque illa tempora, tum aliis nominibus vere fatalia, tum deliberationibus de Passagiis, quanquam non semper efficacibus, veluti solenniter occupata. Post captam à Turcis Constantinopolim (ita scribit Jo. Anton. Campanus de comit. Ratisbon. an. 1461.) & Græcorum imperium deletum, sæpe Romani Pontifices, Fridericus Cæsar, qui reipubl. Christiana gubernacula tenent, conati sunt reliquos nostræ

*habita nomine Friderici III. Passagiorum studiosissimi Principis.*

Dddd

religio-

religionis Principes ac potentatus, contra fœvissimos hostes in arma cogere. Et Cæsar quidem, cum externi dicto minus parentes viderentur, inter suos Germanos, crebros celebravit conventus, ut quantum in se esset salutis Christianorum consuleretur, nunc Francofordia, nunc Ratisbona, nunc Norinberga, nunc Vienna, nunc aliis in locis convocans: nec prætermisit interea ceteros Reges ac Principes litteris ac nuntiis hortari, ut communi consilio expeditionem sumerent in communes hostes. Pontifices vero Romani, qui per hæc tempora præfuere Nicolaus, Calixtus, Pius, & Paulus nunquam destiterunt Christiani orbis præsides litteris & assiduis legationibus hortari, monere, rogare, ut relictis intestinis odiis in religionis & libertatis nostræ hostes arma converterent. Idem Campanus, cujus testimonio de industria usus sum, aliàs Friderici tempore in hoc negotio perstringit: contra alii, Cæsaris studium, negligentiam Principum sufflaminatum tradunt, vide Cuspinianum in Constantino VIII. qui alibi (*Bajazetthe II. Orhom*: ) eodem fato Maximilianum Imperat. conflictatum testatur.

pag. 422.

*Oratore, Aeneas  
Sylvio, ejus-  
dem propositi  
amantissimo,*

Aeneas ipse Sylvius, quanta contentione, dum adhuc speciosi ministri apud Fridericum Cæs. locum teneret, in Conventibus Ratisbonensi, Francofordiensi, itemque, in Nova civitate; tum legatus ad Calixtum Pontificem, negotium Passagii tractaverit; quomodo deinde Pontifex factus nunquam id propositum omiserit, imo in ipso conatu expeditionis talis, immortalis fuerit: *Platina, Stella, Campanus*, qui vitam ejus condiderunt, abunde prædicant. Certe civilis vitæ operisque, hanc veluti nobiliorem partem, solennioreque occupationem constituisse Aeneas videtur.

*Materiam  
accurate  
completitur.*

Nobis præcipua ratio hujus annotationis ex ipsa oratione petenda est: quæ inter *Sylvianas* de hoc argumento superstites maxime præcellit, & ad expositionem rei penitus accommodata est. Editæ sunt in operibus *Æn. Sylvii inter Epistolas*, num. 399. repetita correctius ex MSC. Palatino; & *Marquardo Frehero tom. 2. rer. Germ.* Nam editor consiliorum de bello Turcico, etiam cum non nominatur, intelligitur.

*Occasione orationis*

Inserta est etiam *historia MSC. De rebus Friderici I I I.* quam

quam penes me habeo ; ubi occasio orationis in hunc modum prescribitur : Triduo Cæsar , ex Neapoli reversus Roma mansit. Prædie autem , quam recederet , ingentes grates Pontifici Maximo sacroque Cardinalium collegio reddidit , quod sibi benigni magnificique fuissent. Aenea deinde commisit in publico consistorio , ut statum Christianorum , qui per Syriam , Ægyptum , Asiam , Græciamque sub Soldani magnique Turci imperio opprimuntur , exponeret , utque Hungari proximis annis horrendas clades perpassi essent. Timendum esse Constantinopoli , ceterisque civitatibus Græciæ Christianam fidem habentibus ; succurrendum oppressis , diceret ; Passagium suaderet , operas atque vires imperii in ipsum negotium offerret. Quibus de rebus adeo efficaciter Aeneas verba fecit , ut pluribus circumstantibus lacrymas extorserit. Cujus orationis , quoniam futuri præscia fuisse videtur , inserere hoc loco tenorem , non alienum putavi.

*rationis habetur in MSC. Aenea historia , ubi præter edita luminaria , oratio ipsa repetitur & ab auctore commendatur.*

Non pigere me debuit mentionem fecisse Manuscripti , quod à magni quondam Principis ac Herois munificentia profectum , tandem ad me fortuna detulit. Ait in præfatione Sylvius , mandatum sibi à Friderico , quem alloquitur , ut bellum , quod Australes adversus Cæsarem gesserunt , scriberet ; additque postea : Non solum hoc bellum australicum , sed alia quoque de tua vita , quam plurima , simulq; tua domus originem , & qua nostris ( videtur excidisse vox , temporibus ) gesta in Europa didicimus memoratu digna , in unam historiam congregemus. Initium est : Friderici Terti Romanorum Imperatoris , qui fuit Arnesti Ducis Austria filius , scripturo mihi res gestas , haut ab re visum est , de situ Austria , de gentis moribus , de nobilitate majorum , pauca præmittere , quibus historia magis ac magis aperta reddatur. Desinit sive potius deficit , in motibus Australibus , in hæc verba : Major regni vis adversus Johannem sentire videbatur , multumque illi Comes Cilia adversus credebatur , tanquam illo ex gubernatione dejecto locum ejus occupaturus. Platina de operibus quibusdam Sylvi imperfectis ita memorat : Bohemicam historiam perfecit , Australem imperfectam reliquit. Aggressus est historiam rerum ubique locorum suarum gestarum , quam negotiorum multitudine oppressus imperfectam reliquit. Commentariorum de rebus à se gestis libros duode-



In Caesarib.  
p. 484.

cum scripsit, tertium decimum inchoavit. Tribemius in catalogo operum Aeneæ, historiarum opus imperfectum ponit. Campanus: Rerum sui temporis in Italia gestarum libros duodecim, quod opus nondum absolutum in vita finivit, vetuitque publicari, nisi emendaretur. Ex his, ut arbitror nihil ad MSC. nostrum pertinet, nisi forte historia Australis imperfecta Platinæ notata. Præsertim hic attendenda est Cuspiniani annotatio; qui, Aeneas Sylvius, inquit, Friderici III. res gestas peculiari opere orsus, morte præventus absolvere non potuit. Idem Cuspin. in vita Friderici, laudat historiam Austriae de Friderici gestis Sylvii Aenea, quam nondum editam, paucis cognitam affirmat. Certe ipsissima verba Aeneæ, quæ in MSC. hist. habentur, describit ac imitatur Cuspinianus. Sed hæc obiter de MSC. in quo non pauca leguntur memoratu digna, quæ frustra alibi quæras.

Oratio ipsa de Passagio, sententiis gravior, quam verbis ornatior, ut sunt fere hujus Auctoris scripta, tali inchoatur exordio.

Exordium  
orationis  
partim ex  
edit. partim  
ex MSC. en-  
hibetur.

Moyfes, vir Dei, Beatissime Pater, Maxime Pontifex, cum sibi successorem ordinaret Josue filium Nun, divinam vocem ad se dicentem audivit: *pro hoc, si quid agendum erit, Eleazar sacerdos consulat Dominum, ad verbum ejus egredietur ipse & omnes filii Israël cum eo, & cetera multitudo.* Quibus verbis non populi solum, sed Reges & Principes admonentur, magnis in rebus (MSC. addit: *etiam bellicis*) summi sacerdotis & consilium quærere & imperium sequi. Quod postea in Novo Testamento, & in tempore gratiæ multis exemplis & auctoritatibus est firmatum: sicut & Constantini M. & Theodosii & Justiniani & aliorum Christianorum Cæsarum gesta testantur. Eam ob causam cupidus atque avidissimus divus Cæsar Fridericus Romanorum Imperator Augustus, filius tuus obsequentissimus, suo tempore (MSC. *suis diebus*) adversus impios Mahometi cultores generale passagium fieri, atque in illud suum studium, suasque curas omnes convertere (MSC. *s. stud. s. curas, suasque vires o. c.*) te prius magni Dei vicarium, Christianæ plebis sacratum, religionis magnum caput



caput (MSC. simplicius : *Christ. pleb. sacr. caput*) perfectum ducem , optimum rectorem , veracem magistrum , & consulendum , & sequendum censuit ( MSC. *existimavit* ) cujus providentia noscere , auctoritas monere , potestas implere possit , quod sit agendum. ( ita MSC. habet. vulgo ; *potestas cogere potest* , quid s. a. in Freheri editione. In epist. *Aeneæ : potestas implere potest* , quid s. a. ) Venit igitur ad te hodie tuumque sacratissimum senatum Cæsar ( MSC. pro sacratiss. *gravem & ornatissimum senatum* ponit ) super universali passagio cum tua beatitudine locuturus ( MSC. *trahaturus* ) Coronatus enim jam triplici corona , ejusque regni tua beneficentia Rex confirmatus , cujus potentiam Daniel ferro comparavit , cujus limites solus claudit Oceanus , cujus fundator Romulus , confirmator Julius , ampliatus Augustus , approbator Dominus Jesus fuit , cujus auctoritas in terris , nisi tuæ cedit nulli ; cujus officium est parcere subjectis & debellare superbos ; quid aliud cogitet quam passagium ( in MSC. sic legitur post , *cujus lim. sol. claud. Oceanus : cujus fundator Octavianus , confirmator Dominus Jesus fuit , quod Romana semper Ecclesia magni fecit , extulit , honoravit , cujus auctoritas in terris nisi tua cedit nulli : cujus officium est patrocinari ecclesie , tueri religionem , parcere subjectis & debellare superbos. hujus , inquam , regni solum adeptus Cæsar , quid aliud cogitet , quam passagium* ) per quod & Christiani fortiores , & inimici nominis Christi ( MSC. *hostes fidei* ) reddantur imbecilliores. Princeps , inquit Sapiens , quæ sunt digna Principe , cogitabit. Reges apud Medos , ut Herodotus , apud omnes , ut Cicero sensit , justitiæ fruendæ causa sunt creati , velut ( MSC. omittit hoc *velut* ) injuriarum propulsores. Qui si Platoni ( MSC. addit *magno* ) voluerint auscultare , ceterisque philosophis recta monentibus obedire , procuracionem reipubl. non ad suam , sed ad eorum qui sibi commissi sunt utilitatem gerere debent ( MSC. *convertere conabuntur* ) Atque hoc est quod de passagio Cæsarem & sollicitum & anxium facit.

Duo potissimum hic dicuntur : *Passagii curam vere dignam esse officio & auctoritate Principis Christiani , & præferim* *Passagiorum dignitas :*

*Jus & cura  
ad quem spe-  
ctet.*

*Imperatoris Rom. cujus majestas, usitatis fere praestantia notis, hac occasione extollitur. Tum, sequendum in hoc negotio, summi Pontificis consilium arbitriumque. Prius illud veluti solennem & ordinarium, commendationis deliberationisque locum, in hac materia suppeditat: neque quidquam est in consiliis de bello Turcico frequentius, quam laudata militiae adversus Christiani nominis hostes sanctitas, gloria, utilitas, in custodienda Christianae Reipubl. pace ac securitate, in vindicando jure, in proferenda amplitudine; & quæ sunt hujus generis cetera. Alterum, facile posset forsan stare, sicut scriptum est, ( neque enim oratorum consuetudo, stilius, figura in hoc genere repudiatur, ubi de mente constat ) nisi labes temporum nota esset. Merito igitur ipse Auctor correxit, quod de vi cogendi dixerat. non enim arbitramur quenquam futurum, quin MSC. historiae, in qua Aeneas suam orationem repetiit, atque ita formavit, sicut in posterum eam legi vellet, plus deferendum intelligat, quam editis, sicut primum perscripserat, exemplis, quanquam ne in epistolis quidem Aeneae editis, vox cogendi, habetur; sed implendi. Passagii suscipiendi jus proprie & vere competit non Pontifici Rom. aut Pastoribus, „ sed Principibus atque Regibus. Hi subditos, jussu & „ mandato atque vi cogendi convocare; non subditos, & „ status liberos, federe, societate, persuasione in com- „ militium conducere possunt. Episcopis & Pastoribus „ non alia hic auctoritas est, quam suadendi, quæ Ecclesiae „ & Reipubl. Christianae utilia, & declarandi, quæ pia, „ sacrisque congruentia scripturis sunt. Laudabiliter o- „ mnino faciunt Principes, qui in consultandis rebus gra- „ vibus, etiam bellicis, piorum & doctorum Pastorum „ sententias audiunt: sed hoc in regulis prudentiae est, „ neque jus agendi in summis potestatibus definit, sed „ modum juris exercendi commendat. Ita explicabis, „ quæ disputat hac de re Ambrosius, epistolis xxix. & xxx. „ Atque hoc ipsum est, quod ab exemplo summi Sacerdotis in V. T. ad N. T. tempora, & Christianorum actiones accommodari potest. cetera diversa sunt, neque trahi*

trahi huc debent : cum sacerdotes & prophetae V. T. “ partim divinis responsis & oraculis ad singula informati, “ partim non sacrae modo functioni destinati, sed conjun- “ eta civili potestate instructi, aliquando potuerint consi- “ lio imperium adjicere, vel ut divini praeepti promul- “ gatores, vel ut rerum sibi commissarum arbitri. Re- “ movendae ergo hic sunt quaedam hypotheses Pontificiae : vel quatenus exemplum sacerdotum V. T. in alia quam de- “ bet, extenditur; vel quatenus sacerdotes superiores Regi- “ bus constituuntur, ideo, quia ab ipsis consilium petere ju- “ bentur; vel quatenus Rom. Pontifici arbitrium belli pacis- “ que ita tribuitur, ut Principibus mandare & definire, utri- “ usque generis actiones possit. Et, ut redeamus ad Pas- “ sagia, jus Passagii non esse potest in alterius manu posi- “ tum, quam, cui Deus gladium tradidit. gladio enim jus “ belli, & omnis δύναμις ἀναγκαστική, Ecclesiae defensio, “ hostium propulsatio & ultio, ceteraque hujusmodi “ continentur. Κολακτικὰ itaque sunt nonnulla, quae Æ- “ neas tum in exordio hoc, tum prope finem orationis po- “ nit; ubi ista legas : *verum quamvis examen imperatorium sic de passagio sentiat, totum tamen & consilio & judicio tuo relin- quitur* (hactenus non incommode, si de consilio requi- sito, & judicio sponte Caesaris delato exaudiretur. sed quae sequuntur, ejus generis sunt, qualia paulo ante per- strinximus.) *qui ligandi solvendique claves accepisti, qui Petri & Pauli locum tenes jam cum Christo regnantium; cujus est inter sanguinem & sanguinem, inter causam & causam, inter le- pram & lepram judicare.* Cetera, quae huc pertinent postea dicemus, cum orator noster, Urbani, passagium convo- cantis exemplum commendabit.

Nunc in transitu aliquid notabimus ad illa verba, cum Æneas inquit : *Coronatus jam triplici corona, ejusque re- gni tua beneficentia rex confirmatus, cujus &c.* De Triplici corona Romani Imperatoris; ut &, de affectato Beneficio coronationis Pontificiae, nota sunt quae scriptores Juris Publici tradide- runt. Sufficiet, vel Ampliſſ. *Limnam nostrum* nominasse, J. P. II, 4. & Declarationem pro jure Regio, quae inter opera

*Obiter de co-  
ronatione Im-  
peratorum per  
Pontific.*

Se-

itemque de  
coronis impe-  
ratorum. Aeneas  
digressio.

Serenissimi Regis Jacobi Brit. habetur. Satis etiam in hac quaestione jactantia Papalis confutata est ab iis, qui de *Translatione imperii* adversus Bellarminum scripserunt, confer cum *Flac. Illyric. Fr. Junii* annotationes, & *Arnisei* opusculum, indice, quem diximus, praescriptum. De coronis autem Imperatoris, non possumus non h. l. digressio- nem Aeneae Sylvii ex MSC. nostro, lectori studioso com- municare. Libet hic (ita post descriptam coronationem Friderici III. orditur) pauca de Coronis dicere, ne stulte videamur eorum opinioni consentire, qui tres coronas Imperatori necessarias ajunt, Teutonicam, Mediolanensem, Romanam; & unam argenteam, alteram ferream, tertiam auream esse contendunt, multaque de metallis sermocinantur: inter quos etiam legum interpretes delirant, quid ferrum, quid argentum, quid significet aurum, plurimis verbis explicare laborantes. atque ut aurum ceteris metallis; sic R. imperium ceteris regnis praestabitius esse confirmant. Verum cujuscunque materia corona fuerit, ad parabolisandum idonea videri poterit. Nos autem coronatum numerum nullum esse certum vidimus, priscosque Caesares ab Augusto usque ad Aurelium nulla usos corona didicimus. Siquidem hic primus fuit, ut Eutropio placet, qui ap. Romanos diadema capiti junxerit, gemmisque & aurata omni veste, quod adhuc fere incognitum Romanis moribus videbatur, usus est. Scimus quoque diadematis consuetudinem priorem esse corona, & aliquid alterum ab altero differre. Verum posteaquam Romani Pontifices (deest aliquid) Romae Caesares coronari, neque alia corona quam Romana est opus. At cum regnum Alemania ad imperium pleno jure pertinet, placuit Aquisgrani, ubi ejus regni sedes est, Imperatorem veluti Regem Alemannorum coronam suscipere, ne suum genti decus ablatum videretur. Idem quoque de regno Longobardorum observatum est, quod subactis Longobardis non in formiam provincia reductum est, sed ad imperium sub honore regni receptum est. Simili modo de regno Burgundorum observavit antiquitas, quod Bosonem Imperatoribus legimus tradidisse, cujus corona in Arelato suscipitur. Idem futurum putarem, si quod ulterius regni dominium ad imperatorem devolveretur. Has autem coronas omnes aureas esse comper- tum habeo, quamvis per medium circulum corona Mediolanensis  
lamina

lamina quadam parvula ex ferro ducatur, quæ stulta interpretationi efficit locum. Quippe Daniel Propheta, quatuor orbis regna majora describens, ultimum, quod nostri Romanum esse volunt, ferro comparavit; quoniam sicut ferrum omnia metalla comminuit, sic omnia regna R. imperium detrivit. atque tantum de coronis hoc loco sit dictum. Postea, cum de coronatione Germanica, & Romana, quædam historiæ inseruisset, subjicit: In eo autem sedes Romana consuetudini lapsa deservit, quod Romanorum regem, Aquisgrani coronatum appellat, quem Theutonicorum melius nominaret in Imperatorem electum, sicut ex præcessoribus fecisse nonnullos invenimus. Sed nulla de his rebus tradi certa regula potest. nulla in rebus humanis soliditas, consuetudini omnia serviunt, quæ sæpe ex malis initiis ortum habet. Quam postremam confessionem & *intraeiv* magni soleo facere. prodit enim luctam animi, & in ipso studio ornandi Papalis ambitus, quiddam candoris refert. Cetera animadversione prosequi, ab hujus loci instituto alienum est.

Orationem suam bene ac plene partitur Æneas in hunc modum.

*Partitio orationis & argumenti.*

Super qua re dicturus ego, quæ sua mihi majestas imperat, oratiunculam meam tres in partes dividam. In prima dicam, quid sit Passagium, quod quæritur (MSC. *petitur*) In Secunda, cur petatur: In tertia, facile ne passagium fructuosumque sit futurum. Quibus in rebus si longior oratio fuerit (MSC. *si longior fuero*) cum rerum magnitudine comparetur (MSC. *c. r. m. verba comparentur*) sic fortasse brevior videbitur (MSC. *sic f. b. apparebo*) Ero tamen revera brevis (MSC. *imo ero rev. brevis*) quoniam, Ennodio teste, sola brevitatis commendat indoctos. (MSC. *Nam docti dicere multa possunt; sola brevitatis, ut Ennodius ait, commendat indoctos.*)

## P A R S I.

### Quid sit Passagium.

Sed jam primum absolvamus. Passagii vocabulo nihil *Orationis*  
Eccc aliud *partis*

aliud designamus, quam militarem expeditionem numerosissimam adversus infideles, per Christianos (MSC. *per Romanum Pontificem*) indictam, quam si (MSC. *qui*) sequuntur, cruce signati plenariam peccatorum remissionem merentur, (MSC. *addit: & assequuntur.*) Appellaturque Passagium sermone Italico, quasi transitus. nam sicut aves quædam gregatim (MSC. *omittit greg.*) certis anni temporibus de regione in regionem transeunt, dicunturque passagium facere: sic & Christiani nonnunquam sumtis armis turmatim (MSC. *trans mare*) incedentes, atque in hostes fidei ex Apostolicæ sedis jussu prosilientes, & visi & dicti sunt passagium habuisse. neque verum passagium videri potest, (MSC. *nunquam tamen ver. passag. dici potest*) nisi multorum fuerit populorum; qui migrare magis novas sedes quæsituri, quam bellaturi videantur, sicut Cimbrorum in Italiam inundatio, ac Gotthorum & Hunnorum excursio (MSC. *qualis Gallorum, Cimbrorum, Goth. Hunn. in Ital. inundatio fuit.*)

*Vox Passagii.*

Antequam descriptionem Passagii excutiamus, de voce dicendum est, quam ab Italis acceptam vult Æneas, nam horum *passare* & *passagio*, transire, transitus, nota sunt. referuntur tamen denuo ista ad Latinam originem, sive ad vocem *passus*: sicut confirmat G. Jo. Vossius in *Latinobarbaris* III, 3. ubi ex Auctoribus, qui confusanea linguâ Latinis barbara commiscuerunt, ostendit: *Passagium* sive *Pasuagium*, *Passuagium*, *Passigium*, *Passium* notare iter seu transitum communiter. 2. seorsim expeditionem, quæ hic spectatur: atque tum interdum, differentiae causa, additur; generale *passagium*. 3. tributum, quod à viatoribus exigitur. 4. tempus transmittendo mari idoneum. sic præter loca Vossio notata, *Epistola R. Ludovici*: *passagium mensis Maji & Aprilis*: item *passagium sancti Johannis* nominat. Oliverius de *capt. Damiate*; *Instabat jam passagium vernale*. Nomenclator vocum barbararum in Bernhardo: *Passagium. Epist. 119.* aliquando accipitur pro tempore profectioni destinato, ut apud Matthaum *Paris. pag. 515.* Item, pro viis publicis p. 445. imperator jussit *passagia* districte custodiri. Item, pro nautico sive telonia

nio à viatoribus caussa mercium exigi solito, sicut hoc loco apud Bernhardum. His addas licet Glossarium voc. semibarb. in Matth. Paris. W'ilhelmi W'arfii. Est & alia significatio vocis apud Freher. tom. 2. rer. Germ. p. 161. Sixti P. P. IV. Passagium, sive bulla exhortans Principes Christianos ad sacram expeditionem in Turcos suscipiendam, missa Philippo Palatino Electori, anno 1481. Quatenus huc pertinet vocabulum, nonnunquam adjiciuntur aliqua. Passagium terra sancta, Passagium ultramarinum, in epistolis Marini Sanuti Torselli, & alibi.

Aliis nominibus dicitur, sacra expeditio in Turcos, ut in Bulla Sixti: subsidium terra sancta, Expeditio Hierosolymitana, Iter sanctum, Via Dei, conspiratio & conjuratio sancta via Hierosolymitana, apud Albertum Aquensem, & Guibertum Abbatem, aliosque. Marinus Sanutus alibi definit, acquisitione terra sancta & consumptione pessima secta Mahumeti. Apud Mattheum Westmonasteriensem a. D. 1195. Cœlestinus dicitur admonuisse Prælatos Angliæ, super promotione terra sancta. Ceteris Scriptoribus, bellum sacrum, sacra militia, bella Domini hoc sensu vocantur.

In descriptione Passagii, abludunt à vero, & ad *Descriptio*  
*Passagii.* ὑπόθεσιν aulae Romanæ, temporumque labem pertinent, quæ de Pontifice, itemque de expeditionis merito, habentur. Pontificis & Pastorum non aliud quam consulendi, exhortandi, rogandi munus in suscipiendo passagio esse posse, jam ante diximus. Hinc ipse Æneas, prima cogitatione cautior, per Christianos indictam expeditionem descripserat, posterioribus curis non in meliora, sed in ea, quæ sedis Romanæ illecebris instructa, magis blandiebantur, abreptus, Pontificem hic quoque τὸ πᾶν fecit. Pontifices enim, ut

*Pontificia*  
*dominationis*  
*ὑπόθεσις.*

alia jura Principum Regumque, ita hoc belli jus in se traxerunt, sub prætextu, religionis curandæ, Ecclesiæ juvandæ, gregis Dominici à lupis custodiendi, qualia schemata Bullæ Papales, super Passagiis, quasi ad munus Pontificium pertinentibus, præferunt. Accedit quod celeberrimi illius Passagii, quod auspiciis Henrici IV. Godofridus Bullionius fecit, origo speciose ad Urbanum II. Pontificem refertur; quem Petrus Eremita (primus hic pas-

sagiorum suavorum iactatur) adierit, ad indicendum passagium extimulaverit; qui in concilio Claromontano sua auctoritate & eloquentia monitos homines ad sacram expeditionem impulerit. Qua de re, præter historicos, *Æneæ oratio* ita prædicat: *At Urbanus antecessor tuus, cum rexaretur à paganis orientalis Ecclesia, Saracenique terram sanctam invasis- sent, motus Alexii, qui Constantinopolim tenebat, precibus, & aliorum Christianorum, qui sub tributo Turcorum vitam agebant, rogatibus excitatus gravi & laborioso itinere in Galliam profectus maximum exercitum comparavit, quibus nulla Saracenorum copia, nulla vires obsistere potuerunt, quin & Antiochiam expugnarent, & Hierosolymam obtinerent. Unde adhuc & Urbani, qui convocavit Passagium, & Gotfridi, qui duxit, illustre nomen habetur, quamvis quinquaginta & trecenti ab illo tempore fluxerint anni. Operæ pretium est, observare artem Pontificum in hoc genere. Urbanus enim non alias ab initio partes, quam suadendi, rogandi, monendi Principes, sibi defumit: additis pollicitationibus & spe gratiæ cœlestis. quod vel oratio ejus potest ostendere, descripta Roberto Monacho, Baldrico Archiepiscopo Histor. Hieros. lib. I. Fulcherio Carnotensi in gestis peregr. Franc. cap. 1. Guiberto Abbati hist. Hierosol. II, 4. Wilhelmo Tyrensi hist. I, 15. Ab his initiis eo progressi sunt, ut Passagia Principibus imperarent, mandatis cogerent, minis urgerent, sicut Bullæ Papales & monumenta historiarum demonstrant. Imo Clemens V. Viennensi concilio (an. 1311.) cum in Palæstinam moveri vellet, mandata sua usque ad Angelos extendere, non est veritus. Quantum ad Urbanum attinet, non tam publica Christianorum causa se in Galliam contulit, quam speciosæ rei prætextum, cum in Galliis revera quasi exularet, in occasionem auctoritatis reparandæ convertit. Metus eum, non cura passagii in Galliam detulit. Discas id licet ex Wilhelmo Tyrensi I, 13. Sigonio de regno Ital. anno 1094. Nicol. Machiavello hist. Florent. I. ipsoque, dum dissimulando causam prodit, Sabellico Ennead. IX, lib. 3. Non est autem mirum Pontifices in causa Passagiorum sibi arrogasse, quæ Principibus ac Cæsari- bus debebantur, cum Passagiorum origo incidat in ea ipsa tem-  
pora,*



pora, quibus dominatio sedis Romanæ, supra majestatem civilem, Hildebrandi præsertim ausu, qui & Gregorius VII. fuit, invalescere cœperat. Neque vero mandatis modo, sed ductu, Passagia moderari Pontifices aggressi sunt. Aeneæ Sylvii exemplum & judicium hic præcipue nominare debemus: qui in Bulla de professione in Turcos (an. 1463.) cum suum caput periculis se objectaturum promississet; *Non desunt*, inquit, *qui murmurantes ajunt: Quid ages in bello senex, agrotus, sacerdos? Non est bellare tuum, nec potes nec debes ferire gladio, qui loco ejus susceptus es, cui præcipit Dominus, ut gladium in vaginam mitteret. Reges tuo jussu tenentur enses exercere: tuum est justa bella gerentibus benedicere. Fatemur, non convenit nobis effundere sanguinem, quando per alios possumus justitiâ fideique necessitati subvenire.* Legenda sunt etiam sequentia, ubi, necessario tempore bella clericis licita, seque exemplo, præsentia, precibus, non gladio pugnaturum, affirmat. Passagii illius primi Episcopus Podiensis, vice Apostolica, sive loco Pontificis præfuturus, dux lectus memoratur à Scriptoribus ante nominatis. Atque ne miremur Pontificem belli ducem, in concilio Carnotensi, S. Bernhardus dux Passagii electus est (an. 1146.) quod ipse excusat, & quam alienum à sua professione sit, ostendit, in *Epistola ad Eugenium Papam*; quam *Baronius* etiam describit tom. XII. an. *quem prædiximus.* Nimirum hæc fuit illorum temporum confusio in administratione rerum sacrarum & civilium, & zelus quidam sive ardor & in agendo impetus, nulla disciplinæ rectioris peritia eruditus; cujus ea memorantur opera, quæ ne admiratores quidem talium nominum, sine rubore recognoscunt.

Quod in descriptione, *de merito passagii* dicitur, quasi omnes qui tali expeditioni nomina dant, *plenariam peccatorum remissionem mereantur & assequantur*, rursus ad errores Papales pertinet: dum partim de meritis operum humanorum jactantius quam verius prædicare; partim veniam peccatorum, & beneficia cœlestis gratiæ, pro lib tu imperitari aut denegare, Pontifices nimis quam secure, etiam dictis *Scripturæ abusi*, instituerunt. Quæ res abunde est

*Indulgentia  
& privilegia  
Passagii.*

perscripta in *Bullis Passagiorum*, ubi & alia privilegia hujus militiæ enumerantur. *Matthæus Westmonasteriensis* in an. 1096. Nec adhuc soluto concilio concessa est à Papa, cui concessa est potestas à Domino, *viz. B. Petri*, ligandi atque solvendi super terram, generalis indulgentia peccatorum, se cruce signaturis & jam signatis. Id Scriptor, in anno præc. rependi Christo, pro ipso scilicet moriendo, vicissitudinem, à militibus Passagii, satis temerarie autumat. Quid enim de merito hujus militiæ senserint, utique constat. Possit videri colorem huic rei concinnasse ex primo Passagio *Albertus Aquensis*, qui *hystor. Hierosol. l. 5.* visionem & data Petro Eremitæ mandata sic claudit: *suscitabis corda fidelium ad purganda sancta Jerusalem, & ad instauranda officia sanctorum, per pericula enim & tentationes varias, paradisi portæ nunc aperientur vocatis & electis.* Interim hæc erat illecebra, ad congregandos in hanc militiam homines comparata. *Altiisiodorensis*: Anno Domini 1210. grandis iterum fit motio nostrorum, tum propter zelum fidei fidelium animis accensum adversus fidei corruptores, tum propter pœnitentiarum remissionem à sede apostolica repromissam. Hoc stipendium quasi militiæ sacrae destinabatur. Pro stipendio erat Indulgentia peccatorum proposita, inquit *Baronius, tom. XI. an. 1095.*

*Crucis signum, tessera passagii.*

Etiam tesseram hujus militiæ, signum crucis, descriptioni inseruit *Æneas. Gesta Francorum*, de primo Passagio: *Franci audientes talia protinus in dextra cruces fecere suere scapula.* Et huc accommodant verba Christi: *si quis vult post me venire abneget seipsum, & tollat crucem suam & sequatur me.* *Baldricus*: statim omnes in vestibus super amictu consueverunt sancta crucis vexillum. Sic enim Papa præceperat, & iturus hoc signum facere complacuerat: quippe prædicaverat summus Pontifex, Dominum dixisse sequacibus suis: *Si quis non bajulat crucem suam & venit post me, non potest meus esse discipulus.* Idcirco debetis, inquit, vobis crucem coaptare vestris in vestibus: quatenus ex hoc tutiores incedatis, & his, qui viderint, exemplum & incitamentum suggeratis. Adde *Robertum hyst. Hier. I.* & qui hunc sequitur *Blondum dec. II. lib. 3. Guibertus, lib. III. cap.*

*1. mate-*

1. *Crucis figuram, aut in humeris, seu ubi libet, ex qua volunt materia vel panno, praeceptum est, ut vestibus affuant. Idem Guibertus II, 5. signum satis conveniens hujus tam honeste professionis instituit, & veluti cingulum militia: vel potius militaturis Deo, passionis Dominica stigma tradens, crucis figuram ex cujuslibet materia panni, tunicis, byrris & pallis itutorum, assui mandavit. Quod si quis, post hujus signi acceptionem, aut post evidentis voti pollicitationem, ab ista benevolentia, prava pœnitudine, aut aliquorum suorum affectione reslirer, ut exlex perpetuo haberetur omnino praecepit, nisi resipisceret, idemque quod omiserat sœde, repeteret. Fulcherius Carnotensis hoc spectaculum ita describit: ô quam dignum erat & amœnum, nobis omnibus cruces illis cernentibus, vel sericas, vel auro textas, aut quolibet genere pallii decoras, quas in chlamydibus suis birris sive tunicis peregrini, jussu Papæ prædicti, post votum eundi, super humeros suos consuebant. Sane pugnatōres Dei merito victoria signo insigniri & muniri debebant &c. Similia vide apud Willermum Tyrensem I, 16. Chron. Cassin. dextram scapulam signo crucis notatam refert. Boamundus cum & ipse audisset propositum passagii, duo pretiosa pallia jussit afferri, & ex eis corrigiatim incisus praecepit cruces fieri, suisque distribuit: referentibus Roberto, Baldrico, Pandulpho Colenutio, & aliis. Rex Ludovicus ( apud Marin. Sanut. lib. III. part. 12. c. 1. ) an. 1243. petit crucem ultramarinam suis humeris imponi. Hinc cruce signati, cruciferi, crucis fideles; itemque, negotium crucis, via crucis, prædicatio crucis, de passagio passim usurpantur. Et Gallis La Croisade, Passagium notat. Et Italicus Lexicographus Crucciata explicat, generale guerra, à glr infedelle. Sigonius de regn. Ital. ann. 1095. Latine etiam extulit; Crucciata decernitur. Quamvis autem, pro signo & tessera militia Christiana adversus hostes fidei, convenienter Crux adhiberi possit; non est parum tamen discessum à gravitate religionis Christianæ, in explicando symbolo crucis, in assuenda voti obligatione, in tribuenda muniendi efficacia, in confingendis denique superstitionibus. multi de gente plebeia, inquit Baldricus, lib. 1. Crucem sibi divinitus innatam*

natam jactando ostentabant; quod & idem quædam ex mulierculis præsumserunt. hoc enim falsum deprehensum est omnino. Multi vero ferrum calidum instar crucis sibi adhibuerunt, vel peste jactantia, vel bona sua voluntatis ostentatione. Hinc Alberus Stadenfis in anno 1096. Nonnulli crucis signaculum sibi in frontibus, vel vestibus, sive in quolibet corporis loco divinitus impressum ostendebant, ipsoque se stigmate ad eandem Domini militiam præscriptos credebant. Item aliis, subita mentis mutatione compunctis, vel visione nocturna edoctis, prædia resque familiares distrabere, signumque mortificationis vestibus assuere placuit.

*Passagia  
avium.*

Quod in explicanda descriptione passagii, *avium passagia* nominat Auctor, id in linguis è Latina demutatis non est ignotum. Gallis, *oiseaux de passage*, ou *passagers*, id genus avium notatur, quæ de terra in terram gregatim migrant.

*Migratio  
Passagii quæ  
est.*

Ultima verba, de migrationibus Gothicis, Gallicis & similibus, recte capienda sunt. Nihil enim aliud cum passagio habent commune, quam numerosam illam multitudinem & studium proficiscentium. Hoc vult nimirum: Passagia tanto concursu nationum gentiumque & studio celebrari, sicut aliquando accidit, cum magna hominum multitudo ad quærendas sedes novas viam ingreditur. Idque eo magis locum habet, quia multi in passagiis, depulso Turcorum genere, sedem in terra sancta optabant. ut demigratio quædam velut in colonias his passagiis quodammodo permixta inesse videatur.

*Descriptio  
Passagii alia.*

Relictis ergo, quæ ad descriptionem Passagii non sunt necessaria aut accommodata, ita poterimus statuere; Passagium esse expeditionem militarem numerosam, cum Christiani Principes, quibus belli gerendi jus est, sociata ope, in Christiani nominis hostes, qui infideles jam à pluribus sæculis nominantur, pro Christi gloria, defensione Ecclesia, & consequendo jure, arma movent. Majoribus autem, & minoribus passagiis, sive quæ plurium pauciorumve Principum federe constant, etiam quæ ab

ab uno Principe suscipiuntur, hoc vocabulum accommodari, tum aliunde, tum vel ex *Sancti secretis fidelium crucis*, ubi multa passagia enumerat, constare potest. Scilicet nomina modo accuratius ad naturam & dignitatem rerum; modo liberalius, ad partem, aut similitudinem exprimendam adhibentur.

## P A R S II.

*De Causis Passagii.*

**H**Abemus quid sit passagium, nunc cur petatur exponamus. (MSC. *Intelligunt jam omnes nisi fallor, quid sit pars II. passagium, quod petitur: nunc petitionis causas exponamus*) Tria sunt quæ Cæsarem passagii cupidum reddunt, commiseratio, utilitas, atque honestas rei (MSC. *quas tres esse comperio, commiserationem &c.*) unde vero commiseratio prodeat, paucis, adverte, docebo. Quis infirmatur, inquit Apostolus, & ego non infirmor? quis videt afflictos & non affligitur? cuius pectus adeo durum est, ut dolentibus non condoleat, gementibus non congemat, tristantibus non contristetur? (MSC. *post, infirmor: pulcre, recte, religiose, sancte dictum: nam cuius p.*) Cæsar quidem postquam discretionis attigit annos, cœpitque noscere fidei (*nostræ*) sacramenta, mox religionis induit zelum, rebusque omnibus divini cultus *præposuit* augmentum: quod sibi & suæ naturæ bonitas, & nobilitas sanguinis suadebat (MSC. *sic enim & s. n. b. & s. n. exposcebat*) Nam (*sublimis*) domus Austriæ Principes, inter quos plures reges & imperatores floruerunt (*claruerunt*) tunc sibi prospere succedere speraverunt, cum divino numini bene atque constanter famulati fuissent. Quorum vestigia Fridericus secutus (*sectatus Fr.*) defunctis parentibus, quam primum tutelam exivit (*ut primum t. exiit*) ut locum videret in quo nostra redemptio celebrata est adhuc adolescens trans mare navigavit, con-

remisitque pelagus, digitis à morte remotus quatuor aut septem, inspexit locum ubi natus Salvator noster Christus, ubi positus est in præsepio, ubi præsentatus in templo, ubi baptizatus, ubi tentatus, ubi prædicavit, ubi Lazarum suscitavit, ubi captus, ubi derisus, ubi judicatus, ubi crucifixus, ubi sepultus est, & unde ascendit in cœlum. Quid multa dicam? osculatus est Cæsar terram, ubi fuerunt pedes ejus, qui nos redemit (MSC. post, *exiit: adolescens admodum trans mare n. contemnensque pelagus & tempestatum minas d. a. m. r. q. a. f. cupidus osculari locum, ubi f. pedes e. q. n. r. in medio terra salutem operatus, Hierosolymam perrexit, sepulcrum Domini visitavit, calvarie locum inspexit, montem ascendit oliveti, vidit cenaculum grande stratum, & Pilati pratorium, intravit desertum, transivit Jordanem, Bethlehém accessit & vallem Josaphat, mirabilem sibi ac incredibilem devotionem sanctorum locorum visio suggererat.*) Sed quo tunc animo fuisse arbitraris, cum spurios illic Sacerdos, immundos, horridos dominari videret, sanctissima loca possidentes? quid aliud dicere poterat, nisi Propheticum illud: Deus, venerunt gentes in hæreditatem tuam, polluerunt templum sanctum tuum, posuerunt Jerusalem in pomorum custodiam? Et iterum: Quomodo sedet sola: civitas plena populo facta est vidua, domina gentium princeps provinciarum est sub tributo. Proh dolor! quantum urgebat angebatque Cæsarem illius civitatis oppressio, & illorum qui trans mare Christianorum concussio! (MSC. at cum sp. i. s. im. h. sceleratos dominari veniebat in mentem, tactus dolore cordis intrinsecus, nihil aliud dicere potuit quam Pr. i. &c. Et iterum, sicut alius Propheta clamat, q. &c. proh quantum urgebat angebatque Fridericum illius sanctæ civitatis indigna servitus, & ill. q. tr. m. f. Chr. oppressio.) Sed quid Græcia litterarum mater, inventrix legum, cultrix morum, & omnium bonarum (& optimarum) artium magistra? quem non misereat gentis illius afflictæ, oppressæ, pessumdaturæ? cujus imperium non sub Alexandro Macedone solum suisque successoribus, sed sub Atheniensibus, Theba-

Thebanis ac Lacedæmoniis olim & florentissimum & potentissimum fuit, nunc vilibus effeminatisque Turcis servire coacta est? (*cogitur obedire*) Quid regnum illud Hungariæ nobilissimum, terra antiqua, potens armis atque ubere gleba? Heu quanta passi sunt Hungari diebus nostris? qui dum nostrum servant sanguinem, fundunt suum? quorum pectora nostri sunt muri. Obligamur certe omnes Christiani Ungariæ genti (*magnatibus & populis Ungariæ*) qui pro nobis mortificantur tota die, & facti sunt sicut oves occisionis. Ecce tibi præsentem, illorum Regem puerum, pupillum, orphanum Ladislaum, nobilissimam (*clarissimam &*) Regum & imperatorum prolem (*sobolem*) qui suo regno suisque subditis postulat auxilium, utinam tam sanctitatem tuam, quam Cæsarem suæ preces, suæ lacrimæ moveant. Nam illi genti postulat auxilium, quæ suis armis toti populo Christiano affert præsidium. (*qui dum s. r. s. f. opem orat afferri, toti Christianismo consulit, utinam tam tuam s. quam Cæsaris majestatem s. p. s. l. m. n. i. g. p. a. q. f. a. nobis omnibus a. p.*) Accedit & aliarum calamitas provinciarum, Massagetæ, & (*alii*) Scytharum quam plures populi Livoniam vexant (*nunc Liv. nunc Lituaniam v.*) Mauri imperium Hispaniarum occupant, regnum Ciliciam, maris insulas Cyprum, Rhodum, Cretam, Siciliam, quin & ipsa Italiæ litora Barbarorum sæpe classes invadunt, asportantque Christianos. (*Mauri non parvum Hispan. occ. regnum, Joniæ, Carpathiæ. Egypti nostrique maris insulas C. &c.*) ô nostram maximam negligentiam! ô tempora, ô mores! (MSC. addit: *proh pudor! Major est Saracenorum in sua perfidia, quam noster in fide zelus*) Dum gentiles fuerunt Cæsares, & idolorum cultores, augebatur in dies credentium numerus: nunc dum Christiani sunt Imperatores, Reges, Duces, Christianitas minuitur, cultus Christi, qui totum fere orbem compleverat, in angulum Europæ reductus est. Africam & Asiam amisimus: Europâ quoque conculcamur (*Europæ vix partem tenemus*) cur hoc? refrixit ardor, tepuit charitas, proh pudor! major est Saracenorum ardor in sua perfidia, quam noster in fide zelus. Cernimus Christiano-

rum injurias & tacemus: opprimitur, jugulatur nostra religio, & avertimus oculos. sed alius est Cæsaris animus, aliamque tuam mentem esse arbitratur. (MSC. post teneamus, omiſſis ceteris: *Moveretur super his Caesar, compatitur afflictis fratribus, commiseretur injuriam patientium, cupit laborantibus subvenire*) nam qui non defendit oppressos (*indigna ferentes*) neque obſiſtit, si potest, injuriæ, tam est in vitio, sicut philosophis placet, quam si parentes aut amicos, aut patriam deserat. quod ne tibi, neve sibi (*n. s. n. t.*) quisquam imputet, passagium expetit. (*petitur*) In quo magnam utilitatem esse intelligit, subvenire laborantibus Ungaris, liberare Græcos à servitute, propagare divinum cultum, sanctam terram ex manibus impurorum vindicare, monstrumque illud & abominabile idolum Mahometi exterminare. (MSC. *Sed concipe nunc utilitatem, quam parere passagium poterit. Subveniemus l. H. auferemus jugam servitutis ex collo Græcorum, recuperabimus s. terram, exterminabimus idolum, monstrum illud pessimum, horrendum, ingens Mahumeti, Christiana religionis fines super & Garamantas & Indos proferemus. jacet extra sidera tellus, extra anni solique vias. ubi cœlifer Atlas axem humero torquet stellis ardentibus aptum.*) Unde placentes Deo immarcescibilem cœlestis regni coronam adipiscantur. En maximam utilitatem: sed non est vera utilitas, honestatis expers. Majores nostri justum bellum gerere, honestam rem censebant. Erat autem belli æquitas sanctissimi fenatus populi R. jure descripta, denuntiataque bella & indicta justa putabant: in quibus qui viriliter pugnassent, non vincentes solum, sed occumbentes honore dignos judicabant (MSC. *en. magn. ut. nam sic agentes aut agere tentantes incorruptibilem cœlestis r. coronam adipiscemur, quam reddet nobis in illam diem justus judex. Sed quid de honestate gloriaque dicemus, quam vel tua beatitudini, vel Cæsaris altitudini accumulaturum cernimus esse passagium. bell. equitatem majores nostri sanctissime feciali jure perscripserunt, denuntiata indictaque bella justa esse censebant. in q. &c. judicab. atque his statuas dicabant & triumphales arcus.*) Quid de hoc bello dicemus, quod non terrenus homo, sed divus Imperator indicit? in quo non imperii, sed divini



divini cultus propagatio quæritur, in quo fides catholica defenditur, & honor salvatoris nostri: qui cum in forma Dei esset, non rapinam arbitratus est, se esse æqualem Deo, sed formam servi accipiens exinanivit seipsum; factus obediens usque ad mortem, mortem autem crucis, ut nos ex diabolica servitute redimeret. Et tumet adversarius ejus Mahometus, inflatur, cornua erigit: & nos quiescimus? annon arma pro Christo sumemus, qui pro nobis sumsit humanitatem? maxima esset ingratitudo nostra, si non ad incertam mortem pro Christo iremus, qui certam pro nobis tulit, si non illi vitam offerremus, à quo suscepimus. En bellum honestissimum, in quo Domini, in quo magni Dei nostri causam tuemur: in quo qui vitam temporalem amittit, acquirit æternam, & famam clari nominis adipiscitur sempiternam. Quid plura? tantum abest, ut non sit gloriosum pugnare pro fide, ut infame scdumque sit non pugnare, quando necessitas urget, sicut jam grassantibus undique in fratres nostros Saracenis, & nomen Christi magna vi, crudelitate atque immanitate prosequantibus. Et tantum de secunda parte sit dictum, in qua cur Passagium peteretur, monstrandum fuit. (MSC. quid nos d. hoc b. d. q. n. terrenus, sed celestis Imperator indicit, in quo non pomarii, sed fidei propagatio quæritur, in quo non paterna domus, sed fides catholica defenditur & honor s. n. qui c. &c. usque ad redimeret. En gloriosum ac honestissimum bellum, quod tanti beneficii memores suscepimus: in q. p. i. q. d. in quo redemptoris nostri, i. q. m. d. c. tuebimur: in q. q. v. t. amittet, acquirit a. & famam clarique nomen adipiscetur sempiternum. Ac tantum d. s. p. s. d. i. q. c. p. quæreretur, m. f.)

Loci, qui hic tractantur, prolixè illustrari possent, & fortasse deberent ex consultationibus & orationibus de bello Turcico, Reusneri operâ editis; tum ex aliis monumentis; nisi hac vice, brevissime & velut in transcurso, quædam tantum annotanda essent.

Commiseratio partim ad oppressos tyrannide Turcica, <sup>Commiseratio</sup> partim ad opprimi metuentes sive periclitantes, partim ad Christianæ religionis persecutionem, partim ad singularia

facinora & specimina barbaræ crudelitatis spectat. His enim omnibus obistere, quantum ope humana potest fieri, jubet lex societatis civilis, religio, sapientum auctoritas. Oppressorum præsertim conditio, miseratione digna ostenditur: quod qui olim in Græcia exempli gratia, aliis imperare consueverunt, nunc miserrimam sub jugo Turcico servitutem serviant; qui olim veræ religioni, ipsique Christo, ac deinceps ejus cultoribus, domicilium & sedem præbuerunt, nunc hospitium immanibus barbaris cogantur præstare. Hujus miseriæ fœditatem, cum figura pathetica, ut sic dicam, veluti ob oculos ponit Æneas: oculatum sc. testem, ipsum Fridericum laudando. Sicuti mox, cum Hungaros hætenus dira passos, & diriora meruentes, miseratione dignissimos ostendit, veluti socium precis allegandæ, & implorandi auxilii asciscit, quem Fridericus tutor secum in Italiam duxerat Ladislaum, regem gentis Hungariæ, & puerum, & orbem, & supplicem. Ausa est commiseratio, capta mox Constantinopoli. cujus captivitatis mala prolixè ex historia repetit, & facunde pro vi oratoris miseratur Æneas noster in orationibus ceteris de passagio compositis: interpretandus ex *Laonico Chalcocondyla hist. Turc. 8. Historia Politica in Turco-Græcia Crusii* (ubi etiam *Matthæi Camariotæ* lamentabilis narratio in epistola *Zygomala* habetur) *Isidori Cardinalis Rhuteni & Leonardi Chienensis Archiepiscopi Mityl.* litteris, quas in *Tom. XVII. annal.* descripsit *Bzovius*, cum ipsis etiam Æneæ & Friderici epistolis, quæ de hac re inter opera Sylvii leguntur. Hic locus attollitur descriptione horrendæ illius bestię (recte enim passim à Græcis Turca appellatur ὁ ἄγριος θήρ, fera bestia; ὁ τῆς ἄγας ἄγριος κύων, ferus ille canis Agar, ὁ ἀφανιστὴς χριστιανῶν γένος, generis Christianorum extinctor) quatenus insatiabili cupiditate vastandi vineam Dei, deglutiendi regna & potestates, omnium gentium cervicibus imminet: tum precibus ad Deum fufis, quas rei indignitas etiam in historia exprimit *Niceta Choniati lib. 3.* quæque alia vel ex præteritis malis evidenter revocari, vel ex futuris periculis

lis clare divinari possunt. Exempla copiose sunt in *Anti-Turcico Reusneri*, & orationibus, aliquoties jam commendatis.

Sicut & in argumentis *Utilitatis* & *Honestatis*. *Illam utilitas.* brevissime hic attingit Æneas, quippe quæ etiam in prædictis ultro se offerebat: liberatio oppressorum & periclitantium, recuperatio terræ sanctæ, propagatio Christianæ religionis, Mahometismi abolitio, quo etiam addi debet, Christiani orbis pacificatio. Dubium enim non est, passagiis institutis (quorum scilicet cura Christianis potior esse debet, quam omnium bellosum ceterorum) animos à fœdis illis armis, ad honestiora imbui, atque ut foris feliciter dimicari possit, domesticam pacem, validius amari.

*Honestatem* Passagii, potissimum in titulo religionis defendendæ & propagandæ ponit Æneas. *Honestas.* Pertinet autem huc alias totum jus belli Turcici: quod non tam inde repetitur, quia barbari sunt Turcæ, qui Christianis per latrocinia primum, mox per bella eripuerunt, quæ possident: quam ex perpetuo hostili Turcarum proposito, & infanda crudelitate. Sunt enim & manent Turcæ Christianorum, imperiique e. g. Romani certissimi hostes; ardent inexpiabili odio, desiderioque extirpandæ religionis & libertatis; ultra jus belli sæviunt in captivos & victos, quos inauditis acerbitatibus discruciant, jugoque servitutis intolerabili & plusquam ferreo premunt. Neque avertit Turcos ab hoc proposito hostili, & perpetuo furore, pæctio interposita, aut fedus cum Christianis Principibus. Nam qui fidem Turcicam aliter, quam ex usu proprio dispensari putant, vehementer falluntur. Fides omnis in libidine tyranni, in occasione temporum. Quoties volunt, bellum in pace est. Quamvis ergo Christiani, si quid ad tempus Turcis promiserunt, non debent fidem frangere: non desinit tamen Turca eos laceßere, causasque bellorum suppeditare, si tam auderent vellentque Christiani arma sumere, quam jure possent. Tractarunt hoc argumentum late *Autores Reusnero collecti*, ex quibus hac vice, ut sæpius

pius jam testati sumus, nolumus aliquid exscribere. Informavit etiam conscientiam nostram hac de re *Magnus ille Lutherus noster*: cujus omni laude dignum studium, in describendo Tyranno Turcico, in explicando jure & officio Christianorum adversus Turcam diligentissime superiori sæculo versabatur. Etiam *Georgius Obrechtus I C. quondam Argentoratensis* non omisit hunc locum in discursu Bellico-Politico, quem gloriosissimæ memoriæ Imper. Rudolpho II. anno hujus sæculi quarto obtulit, quanquam is potius in *Facultate negotii* explicanda versatur, dum quæstionem pertractat: *quomodo adversus Turcorum tyrannum bellum commode geri possit quam felicissime.*

*sub prætextu  
Passagiorum,  
interdum  
alia latens  
caussa.*

Sicut autem certum est, causas Passagiorum & belli Turcici graves, magnas, multas, valide & speciose tractari posse: ita sæpe sub titulis favore & dignitate plenis latent alia quædam; per quæ efficitur, ut momenta rerum, fiant schemata verborum, humanique moris pravitas, aut simulationis calliditas, magnifica juris præscriptione involvatur. Principum certe sæpe is lusus fuit, ut proposito illustri Passagii nomine, magni & memorabilis operis, quod in animum tamen serio nunquam admiserant, auctores & fautores haberentur. Pontifices, quibus inde à temporibus primi passagii præcipuus omnium consiliorum finis in stabiliendo dominatu indebito, & conculcanda civili majestate consistit, modo pericula sibi ab Imperatoribus aut Principibus objecta, proposito passagii negotio veluti declinare; modo curam suam pro ecclesia, & religionis propagandæ ardorem tam speciosi nominis jactatione ostentare; plerumque autem, affectati in Principes Regesque imperii, specimina sub sanctis titulis usurpare; a sensu aliarum molitionum in civilibus, hominum animos devertere; generosos & feroces spiritus, nec laturos fastigium Papalis ambitionis, veluti relegare, ac egere studuerunt: dumque unice institutum, vim, fructum passagiorum, injecto subinde in Principes pomo Eridos, & cupiditate suarum opum non sine injuria aliorum

aliorum domi validissime promota, impedirent: præcipui auctores, exactores, principes passagiorum voluerunt haberi. in tantum à verbis, opera discrepabant. Non licet exempla adferre, quæ magno numero suppetunt. Unicum adjiciam *Abbatù Urspergensis* verbis, quæ *sub finem Chronici* de Friderico II. Imperat. in passagio versante & Gregorio IX. Pontifice sic memorat: *Papa vero captata occasione de absentia Imperatoris, copiosum exercitum destinavit in Apuliam & terras Imperatoris in servitio Christi demorantis, quod nefandissimum est dicere, abstulit & sibi subegit: & cruce signatos ne transfretarent, omni studio prohibuit, tam in Apulia, quam in Lombardia.* Quis talia facta recte considerans non deplorat & detestetur, quæ indicium videntur & quoddam portentum & prodigium ruentis ecclesie? Et hic fuit, qui convocaverat passagium, qui Imperatorem, ut sulciperet, urserat. Vide omnino amplius *Cuspinianum in Frid. II.* Quid ipse Pius, legatis Venetorum Mantuæ responderit anno 1463. apud *Nicol. Chalcocondyl. lib. 10.* legere licet. Accedebant nationum gentiumque æmulationes, odia, diversa studia, quæ plerumque nihil in proposito passagii sincerum relinquebant. Primum suasorem Passagii Petrum Eremitam *Platina* quidem, *incomparabilis sanctitatis* vocat: sed *Urspergensis* non tacet, à multis *hypocritam* postea dictum. Apud *Guibertum* certe *Abbatem*, false perstringitur IV, 8. Ne dicam de ceteris nonnullis passagiorum præconibus, qui tumultuoso spiritu acti, nullis deliberatis rationibus, concitare populos, itidem nullo consilio ruentes, potuerunt. Fuit enim is temporum illorum spiritus (ut nunc sequamur stilum *Dodechini*, cum quo confer *Sigebert. in hist. primi passagii*) ut multi, quovis vento agitati, multi sine duce & rectore in militiam sacram, veluti clausis oculis ferrentur. Legendus est *Willermus Tyrensis I, 29.* Propioribus ætatibus, cum Pontificis in hoc negotio simulationes, aliorumque arcana Principum magis jam enotuisent, varias per artes Passagia à petentibus, & respondentibus jactata sunt. Extat descriptum talis ludi exemplum in *Histor. Henrici VII. Angl. R. auctore Bacone*, cum Papa Alexander

anno 1500. Passagium speciose magis quam candide peteret, Henricus autem, de animo Papæ informatus, itidem responsum *solenne magis quam serium* redderet. Factum tamen esse, addit Historicus, ut ista *utcumque superficialis declaratio regis*, multum illi famæ ad externos compararet. Ad plura porrigere stilum non licet.

### P A R S III.

#### *De Facultate Passagii & spe successus.*

*Orationis  
papa III.*

**S**UPERERIT nunc de possibilitate congregandi Passagii, deque spe fructus dicere. Plurimi sunt, beatissime Pater, qui cum nominari passagium audiunt, ecce vetus somnium, inquit, vetus deliramentum, (*veteres atque*) inanes fabulas. Verum Urbanus antecessor tuus, cum vexaretur à paganis orientalis ecclesia, Sarracenique Jerusalem conculcarent, motus Alexii, qui Constantinopolim tenebat (*precibus*) & aliorum Christianorum, qui sub tributo Turcorum vitam agebant, *precibus*; (*rogatibus excitatus*) & laborioso itinere in Galliam profectus, maximum exercitum congregavit, (*comparavit*) atque hominum 300000. (ut Otto Frisingensis scribit non futilis auctor) in Græciam, Asiam, Syriamque transmisit (*hec absunt à MSC.*) quibus nullæ Saracenorum vires (*copia, nullæ vires.*) obistere valuerunt (*potuerunt*) quin & Antiochiam expugnarent, & Hierosolymam obtinerent. Unde adhuc Urbani, qui convocavit passagium, & Gotfridi, qui duxit, illustre nomen habetur. (MSC. addit: *quamvis quinquaginta & trecenti ab illo tempore fluxerint anni. Quid tua sanctitas faciat, quam pro similibus ac maioribus causis verus Imperator totaque Christianitas orat passagium convocare.*) Sed pensemus, si hodie spes bona possit haberi passagii. (*pensandum est, inquires, an b. sp. b. sit habenda p.*) quia nemo sciens impossibilia tentat, neque aggreditur quispiam quod assequi desperat: magnum facinus spes nutrit. Quid hic respondemus?

demus? (*hec interrogatio abest MSC.*) Duo considerata sunt: unum, An Christiani facile possint in passagium trahi; alterum, an inchoato (*coacto*) passagio, spes sit magna vincendi. Nam quamvis dubius est omnium bellorum eventus, nunquam tamen committendum est praelium sine spe quadam & argumento victoriæ, ne, sicut Octavianus Cæsar proverbium habebat (*sicut Augusti proverbium habet*) aureo piscari hamo videamur, in quo (*quorum*) major damni quam lucri ratio possit haberi. Difficile quippe primum videtur Christianos, qui sunt inter se discordantes, apertisque flagrant odiis, in unam passagii sententiam ducere. Sed quod multi putant obstare passagio, sapientia Cæsaris conducere judicat. Nam si pax Christianos haberet, incassum quietos Principes atque otio torpentes populos excitaremus, neque utiles bello manus inveniuntur. timerent mortem, ferrum, neque signum, neque tubam ferre possent (*horrerent inertes ferrum, n. s. n. t. s. valerent*) At nunc exercitati bellis populi ultro se offerent. facilius ex bello vocatur in bellum miles, quam ex otio. Bonum est viro, sicut Propheta testatur, qui portaverit jugum ab adolescentia sua. Quis Christianorum est, postquam pugnare oportet, qui non potius in Turcos, quam in Christ. (*hostes quam in domesticos fidei*) stringere gladium velit (*glad. stringat*) placebit omnibus arma in Saracenos (*Turcos*) vertere, patriam ut quietam relinquunt. & fortasse unica pacandi Christianos via est, convocatio Passagii. Martiales enim, & feroces Europæ populi nescientes quiescere, nisi adversus externos præliantur, in se manus vertunt (*in se ruunt*) Qua ratione ductus olim Cato (*d. o. vir senatorius quidam*) excidi Carthaginem dissuadebat (*prohibebat*) ne pacem habentes in circuitu Romani in sese ruerent (*manus in se verterent*) sicut & Reges Israël (*fecisse constat, qui*) victis hostibus, mutuis cecidere vulneribus. Pacem ergo ut habeant Christiani, bellum in externos est transferendum. ad quam rem neque Germanorum illustris animus, neque cor nobile Gallicæ gentis (*Gallorum*) neque sublimis mens Hispanorum, neque honesti (*gloria*) cupidus



NB.

*Correctionem  
Papalem ad  
imminuen-  
dam potestas.  
Imp.*

dus Italorum spiritus deerit. Omnes quod tua jubebit  
 sanctitas, constanti animo exequentur (*corde magno & ani-  
 mo volenti suscipient.*) Quis dubitet fieri (*cogi*) posse passa-  
 gium, quod auctoritate R. Pontificis decretum, & Impe-  
 ratoris mandato fuerit convocatum (*i. voluntate fuerit ordi-  
 natum.*) Videor videre rem perfectam, nec me dubium  
 habet ullum, si tu verbum apponis, Cæsar adjicit manum.  
 nam si quis obedire neglexerit, vel tuis jussibus, vel Cæ-  
 saris imperio compelletur (*Hæc in MSC. omittuntur*) Sed di-  
 cet fortasse quispiam, quod Bracius olim, quamvis hostis  
 Ecclesiæ, aliquando tamen vir sensatus (*tamen alioquin ho-  
 mo s.*) frequenti sermone usurpare solebat: tribus potissi-  
 me rebus indigere bellum, & inter tria unum esse pecu-  
 niam (*qui bellum gerat, tribus rebus indigere, & has tres unam  
 e. p.*) unde ergo contademus aurum, ad tantum & tam  
 longinquum bellum necessarium? sunt & modi in prom-  
 ptu, quibus inveniemus argentum, quos vulgare non ex-  
 pedit (*s. i. p. m. quibus inveniri pecunia poterit sumtusque neces-  
 sarius ministrari. sed hos vulgare, modo non est ex usu.*) Illud  
 (*tamen*) dicere possum, civitates quæ ob eam causam bel-  
 la suscipiunt, ut sine injuria in pace vivant, libenter pas-  
 sagii contribuent curas, ut pacem nihil insidiarum haben-  
 tem consequi possint (*civ. qua propter pacem perpetuo bello sa-  
 rigantur libenter passagio contribuent, ut pacis tandem compores  
 fiant.*) Non erit ergo difficile convocare (*n. est igitur desperata  
 res passagii convocatio*) nec rursus spes magna victoriæ deerit.  
 Novit majestas imperatoria (*imp. sublimitas*) Assyriorum,  
 Turcorum, Ægyptiorumque gentem, (*gentes*) imbelles,  
 inermes (*viles*) effeminati sunt (*-taque*) neque animo, ne-  
 que consilio Martiales (*-li*) Salmacida erunt spolia sine  
 sudore & sanguine. Quis tunicatos mitratosque Turcos,  
 aut braccatos timeat Ægyptiacos? quos Arsaces ad Eze-  
 chiam regem loquens, arundineo baculo confraetoque  
 comparavit. (*Quis aut tun. m. T. aut. b. Ae. t. quos Arsaces a.  
 E. r. l. b. a. c. c. Sarmatica erunt sp. s. s. e. s. multa notavit Cæsa-  
 rea majestas, cum transmarinas partes lustraret, quæ spem certis-  
 simam victoriæ præbent, suoque tempore patrescent.*) Quod si  
 ali-



aliquando nostri exercitus victi ab eis sunt, neque viribus, neque rei militaris peritiæ, sed numerositati hostium ascribendum est: quoniam si Christianorum copię tot fuerint, ut opprimi à Sarracenorum multitudine nequeant (quod passagii nomen exposcit) certa in manibus erit victoria, sicut prisca exempla nos instruunt. (*Nec moveri debemus, quia nostri nonnunquam exercitus ab illis victi deleti sunt. nam neque viribus eorum, neque rei militaris peritia, sed nostris peccatis ascribendum est. Qui si entendati fuerimus, restitue mente Christi causam defensuri bellum susceperimus, nihil de victoria fuerit hesitandum, quia non relinquet Dominus virgam peccatorum super sortem iustorum*) Juvabunt (nos tum) divisiones illorum & (tum) odia quæ cum Tartaris habent assidue certamina. juvabit & gentis illius desperatio. Nam Mahumetum, cui maxime credunt, sectam suam in octingentos usque annos augendam, exinde minuendam astruunt prophetasse: qui (*is autem*) sub Heraclio Cæsare malignari occæpit, post quem supputantur an. quadraginta & octingenti: & hoc admodum Turcos territat, Christianos elevat (*qua res terrorem non parvum Turcis, spem Christianis adjicit*) nam etsi falsus Propheta (*pseudo-pr.*) Mahometus est, non est tamen falsum vaticinium existimandum, quod Jeremiæ sacris sermonibus consonum esse videmus (*non t. s. v. dici potest. q. sacris l. s. quadrare v.*) dum L. capite libri sui, quasi tuam sanctitatem ac Cæsarem adhortatus: nolite tacere super iniquitates ejus, quoniam tempus ultionis est; Dominus vicissitudinem ipse retribuet ei. (*Jeremias enim primo & quinquagesimo capitulo, q. t. s. ac Cæsaris majestatem adversus Mahumetum suscipere bellum hortetur: n. t. inquit*) possem (*possemus*) ad hanc rem plura deducere: sed neque doctissimis tuis auribus, neque reverendissimis (*præclaris*) sapientissimisque Patribus, qui assident (*assant*) danda (*donanda*) sunt verba. satis est nobis absolvisse, quæ promissimus, & quæ Cæsarea sublimitas me dicturum voluit (*mandaverat exposuisse*) intellexisti desiderium suum, sanctum propositum; integram Cæsaris mentem intueris (*intell. s. s. p. i. m. verum quamvis examen*

*Conclusio*

*imperatorium sic de passagio sentias* ) totum tamen & consilio & iudicio tuo relinquitur ( *qui ligandi solvendique claves accepisti, qui Petri & Pauli locum tenes jam cum Christo regnantium, cuius est inter sanguinem & sanguinem, inter caussam & caussam, inter lepram & lepram judicare.* ) Cæsar cum esset hac vice apud tuam beatitudinem, noluit hanc rem intactam relinquere, quæ sibi ab ineunte adolescentia semper cordi fuit. Alius fortasse aut generale concilium petivisset, aut reformationis decreta, aut aliud quippiam. Cæsari suscepta ex tua sacra manu Imperiali corona, nihil antiquius visum est, quam de passagio tecum agere. ( *Alius s. vel g. c. v. r. d. petivisset, Sed quod majus haberi concilium potest quam tua sanctitatis tuique sacri Senatus presentia? frustra concilium petit, qui R. Pontificis mandata non recipit. ubi tua sanctitas est, ibi concilium, ibi leges, ibi mores, ibi decreta salubrisque reformatio. Cæsari susceptis imperialibus insulis tuaque sacra manu coronato nihil hoc tempore v. e. a. q. d. p. r. a* ) Quod si fortasse prima fronte arduum videatur, nihil est tamen tam difficile, quod quærendo non fiat facile. virtus circa difficile operatur: asperis in rebus & vir noscitur & gloria quæritur ( *facile asp. i. c. &c.* ) quæ magno animo & fortiter excellenterque geruntur, nescio quomodo pleniori bucca laudare solemus. ( *difficiles aditus virtus aperit.* ) Clari & illustres sunt tui, beatissime ( *gloriosissime* ) Præsul, qui unionem feceris, Jubileum induleris, Cæsarem coronaveris. Passagii tamen titulus & dignior, & diuturnior omnibus erit. quem ne successoris relinquo, & Cæsarea sublimitas & omnis Christianitas orat ( *C. pietas suadet, & t. Chr. o.* ) nam tibi jam coronato Cæsare, quamvis multa incumbant, nihil tamen est, de quo vel utilius agere, vel gloriosius, quam de passagio valeas. ( *Amen.* )

*Annot.*

*Facultatem;  
locus in hac  
materia dis-  
cussus tra-  
ctandus.*

Facultatem Passagii merito diligentius sibi tractandam existimavit Æneas: non tantum, quia in hac parte consultationis, præcipua vis consiliorum omnium vertitur; sed etiam, quia Passagiorum quæstio, semper non minimam visa est habere dubitationem, quotiens in delibera-

beratione Prudentium, de spe effectus eventusque agitan-  
dum fuit. Hinc superioribus sæculis, plerique magni &  
cordati viri, non satis habuerunt, summorum Principum  
Cæsarumque virtutem in passagia instigare, sed tradide-  
runt insuper, modos conficiendæ pecuniæ (quod non  
tantum ex *actis publicis, tributique Turcici ordinatione*, sed *Ob-  
rebtii* quoque ante laudati, similibusque consiliis constat)  
descripserunt itinera, demonstrarunt varia subsidia, quin-  
imo ipsam artem belli cum Turcis administrandi, cum ce-  
teris, quæ huc pertinent, accurate exposuerunt. *Busbequii  
consilium de re militari contra Turcam instituenda, Felicis Petancii  
Cancellarii Segniæ, via in Turciam ad Vladislavum Hung. & Boh.  
R. scripta, Joh. Sturm. cons.* præter cætera, quæ in volumi-  
nibus Reusnerianis visuntur, omnium manibus teruntur.  
Præcipua autem laude hic ferendum est *Marini Sanuti Torsel-  
li* (floruit is initio sæculi XIV.) *opus*, cui titulum fecit:  
*secreta fidelium crucis*. Quia enim per omnem vitam in  
hanc curam incubuerat, terrasque illas diligenter per-  
lustraverat, studiosissime exposuit, quæcunque præpa-  
rantibus aut apparantibus, aut etiam facientibus pas-  
sagium, vel notitia, vel subsidio, vel usu quocunque,  
prodesse aut inservire possunt: adjecit tabulas Geogra-  
phicas, reperivit historias, ut nihil videretur reliqui fe-  
cisse, quod ad argumentum Facultatis in hoc genere spe-  
ctaret.

*Apparatus  
instrumentæ  
Passagii.*

Prudenter divisit hunc I. orator in duas partes: I. *an instrui passagium hoc tempore possit.* II. *an de instructi passa-  
gii eventu effectoque bene sperandum.* Ad instituendum Passa-  
gium requirebatur 1. *confociatio armorum Christianorum*, quæ  
non nisi extinctis discordiis intestinis procedere potuit.  
Hic pro re ipsa, spem amplectitur orator, & de Christia-  
nis gentibus, earumque in rem tam honestam propensio-  
ne, magnifice potius quam valide, & speciose magis  
quam feliciter, bona omnia ominatur. 2. *Exercitus ido-  
neus, sive miles bello induratus*: qui præsto erat. Ex utrius-  
que rei vinculo & complemento nascitur locus ille Poli-  
ticus, vere ad rationem status Europæi orbis, ac præfer-  
tim

tim Romani imperii pertinens: *Bella in Turcam, Europæis Christianis, tanquam populis acerbis & bello pronis, pro precipuo instrumento domestica pacis & tranquillitatis amplectenda esse.* Et ad hanc normam sapuerunt sc. tot illustres animæ, quæ superiori sæculo & proximis retro ætatibus, invitam Cæsarum Principumque virtutem, in Turcam concitare, summa ope contenderunt. 3. *Pecunia, nervus belli.* Hic Æneas præter ordinaria & usitata subsidia expeditionum in Turcas, alia & nova videtur innuere, quæ suggeri posse, sed ante tempus vulgari non debere, ostendit. Anno 1471. ingruente jam vi Turcica in Germaniam, Ratisbonæ in comitiis actum est de decima in passagium exigenda. quæ res difficultatibus non caruit, sicut, præter hist. illius Conventus, *Chronicum Spirense Lehmanni VII, 112.* notat.

*Spes & fiducia  
Eventus,  
quibus argu-  
mentis nixa.*

Instructi passagii fiduciam istis ferme rationibus superstruit Æneas: 1. *Quod Turci & Asiatica orientalium manus imbelles effeminatique sint, si cum Europæis conferantur.* Argumentum solenne, & frequens: unde etiam observatio & divinatio eventus in bellis ἀρκτών καὶ ἀνατολικῶν, quasi ordinaria petitur. Sicut exemplum ex *Laonici Chalcocond. II. fin. ad Herodiani III. 4.* annotavimus. Disciplina tamen Turcicæ militiæ, & Europæorum securitas ac licentia, aliquando multum ex hac spe deminuit. 2. *Notitia rerum hostilium & exploratio, multum adjumenti pollicetur.* At ergo, ipsum Cæsarem in suo itinere multa in hunc usum observasse, & victoriæ elaborandæ vias indagasse. Non enim hic auditione & rumoribus, sed fidis, peritis, spectatisque testibus nitendum est. Qua de re multa Auctores supra laudati. 3. *Causse fiducia, si ingenuo candore & studio, gloria Christi, & Christiani nominis defensio tractatur, non in postremis poni debet.* Marcescit tamen vigor argumenti, si passagiorum titulo, sequiora reguntur. 4. *Discordia inter hostes, vicinorum odia, & id genus alia, non abs re observari merentur, & in argumentum spei provide traduci.* 5. *Vaticinia quoque in deliberationis partem admittuntur.* Æneas equidem, prædi-

prædictionem, quæ apud Turcas valida esset admodum, spei Christianorum accommodat. Alias, graviores sententiæ & conjecturæ ex oraculis vere divinis arcessuntur. Sicut cum ex *Apocalyps. Joh. XX, 9.* non sine ratione, ignis celo missus, qui Gog & Magog devoravit, Turcis insignem aliquam cladem, ante finem rerum, ad vindicanda tot Ecclesiæ illata damna, inferendam, putatur significare. Similia collatis oraculis *Ezechielus* liceret colligere. Quamvis alii alio trahant. Qualem periodum imperii Turcici ratio- cinetur *Joh. Dölingius*, apud ipsum vide, in *Anti-Christo τυμωγιστο* IV, 16. Accedunt rationes politicæ, quibus de imperiorum duratione fatisque divinare solent.

Ceterum ad Facultatem exponendam refertur etiam, *Impedimen-  
ta Passagii.* Impedimentorum amolitio. Impedimenta dicimus, vel quibus sit ne instituat passagium, vel ob quæ, institu- tum male cedit sineque suo frustratur. *Aeneas* tria tangit, è quibus I. *Discordie Christianorum Principum.* Auctor *Anony- mus in consilio de Recuperatione Terræ sanctæ ad Edoardum Angl. R. cap. 3.* ante omnia reconciliationem Principum litium- que abolitionem ad passagium requisivit. Sicut & alii ple- riue: etiam in consultationibus atque conventib. Impe- rii. Sed hunc de industria nominavi, quia diligentissime impedimenta enumerat. In his discordiis Chr. Pr. præ- fertim attendenda est hic illa acerbitas, qua nonnulli, etiam ipsum Turcam barbarasque gentes in partes trahere, bellique socios asciscere non dubitarunt. Qua de re vide, quos notavimus auctores *ad II. Hist. Tac. cap. II. pag. 106.* Hinc etiam diffidentia illa, quâ multi adigi se putant, ut auro potius quam ferro adversus Turcam pugnare, vaca- tionemque passagii, suo sibi impendio ab ipso hoste redi- mere debeant. II. *Peccata Christianorum.* Pertinet huc illud *Hieronymi*: *nostris vitiis barbari fortes sunt.* Quam causam graviter agit *Magnus Lutherus.* III. *Ignorantiam quoque re- rum hostilium locorumque videtur innuere Orator.* Certe de ea conqueruntur scriptores passagiorum; & res ipsa loquitur. Exemplis è pluribus unum vide, descriptum *Paulo Emilio, sub finem libri VI.*

His addi possunt multa alia impedimenta. Sicut IV. *Inconsultus impetus temere ruentium* : quo factum est , ut absque certo proposito, sine duce & rectore , magna agmina viam ingrederentur. W. Tyr. 1, 29. & Guibert. Abb. 2. hyst. Hierosol. 6. ubi benigne quidem iudicat: *Licet enim emulationem Dei habere viderentur, sed non secundum scientiam, tamen Deus, qui multa vane capta ad pium intorquere consuevit finem, simplicibus illorum animis comparavit, ex sua ipsorum bona intentione salutem.* Sed quid auspicii iurisque in *Privatis passagiis* quorum vel nomen rei ipsi repugnat? V. *Impietas & scelera* ob quæ partim commissa, partim committenda multi hanc viam elegerunt. Quo etiam infandas superstitiones ref. de quibus prolixè scriptores sæpius laudati. VI. Hinc ex *imperitia, neglectio disciplina & confusio rerum omnium*. VII. *Accessit emulatio & discordia non ducum modo, sed nationum confociatarum.* ut non male Legati Gallici dixerint de suo Rege propriis copiis exped. in T. S. aggressuro: *interdum minores copias, sub uno Imperio unitas successu feliciores evadere, quam copias multo ampliores, varie commistas, & vinculo federum & societatum tantum colligatas; quæ plerumque, paulo post principia, vertuntur in dissidia & dissociationes.* apud Bacon. in Henr. VII. Est ubi (VIII.) *pecunia nimium tenaces* fuere, qui minori iactura defungi poterant, si de majori unquam cogitassent. Et sicut tempus fuit, cum magno studio appetere homines passagia, ita (IX) in fatali rerum perturbatione surdis fabula narratur, quotiens ejus negotii mentio fit; animis, etiam bellicosis, in alia omnia obstinatis. X. Seorsum nominari debet Pontificum Rom. perversitas, qui à tempore usurpati dominatus civilis, nunquam destiterunt, Principes Christianos inter se committere, R. imperium perturbare, adeoque Turcas ultro in Christianos sollicitare, animisque hominum religionem magna sui parte primo suspectam, mox contemptibilem facere. Id quod magnis testimoniis doceri posset, nisi hic abrumpendum esset. Erit forte, cum augebimus, & *ἐπεξεύξω* plenior de passagiis, cujus gratia hanc annotationem fere suscepimus, pro capto nostro consignabimus.

XVII.  
**JUDEX UNUS,**  
 ET MULTI.  
 AD LOCUM

*Taciti 3. Annal. 10.*

**P**iso apud Tacitum, necis Germanico illatæ reus, non invitus audivit, petitum à Principe, ut cognitionem exciperet: cum vera aut in deterius credita, *JUDICE* ab *U-NO* facilius discerni; odium & invidiam apud *MULTOS* valere reputaret. Quæ sententia, sicut judicandi facultatem ac difficultatem ex personis comparat: ita de ipso judicandi jure sive potestate, ut tum Romæ se habebat, non obscuram significationem habet. In plurium regimine, *Multos judices esse*, lex & ratio reipublicæ est: nec ad *Unius* jus, etiam si officium uni mandaretur, quod vix contingerit, revocari jurisdictio potest. At in singulari unius imperio, etiam ubi *Multis* magistratu aut lege judicia permittuntur, *Unus* tamen vere & plene *Judex* est, à quo ceteri pendere intelliguntur. Et Romæ quidem, civili Principis nomine, ut cetera jura regia, ita judiciorum potestatem, Cæsares complexi erant, atque adeo magistratuum legumque munia ad se traxerant: quod, etsi maneret in multis prior species judiciorum, nec abrogarentur magistratus reddendo juri præfecti, omnia tamen ab *unius* potestate profecta, ad eandem revocarentur; non tantum, ubi ipse Princeps præsidebat cognitioni, suoque jure per se utebatur, quod cum Pisone ut optarent litigantes, non uno nomine fieri poterat, sed in perpetua æstimatione status ac formæ reipublicæ. Quod enim variis artibus, non Augustus modo, sed Tiberius etiam, regiam unius in dicendo jure potestatem subinde occultarunt ac dissimularunt, id nihil detrahit de statu & jure reipublicæ, sed ad schema

externum & modum administrandi, varios ex usu imperantium vultus sumentem, referendum est.

Judicare enim, id est, jus semel constitutum singulis reddere, causas reosque audiendo, sententiam ferendo seu de jure facti statuendo, & quod statutum est, exequendo, unum est de summi imperii juribus, quæ & jura majestatis appellantur. Hoc sensu: Summa regendæ reipublicæ potestate sive Majestate, vel penes unum, vel penes plures, pro diversa regiminis forma, residente, jus judiciorum live administrandæ justitiæ, & jurisdictio, etiam continetur; in omni negotio, quod administrationi justitiæ objicitur, sive civile id sit, sive criminale; adeoque etiam in omnes personas, quæ civitatis partes sunt. Atque hoc jus, in omni civitate, & soli majestati & semper inest, formaliter scilicet, & primo, ut in scholis interpretantur: unde per participationem ad alios, à majestate dependentes judices & magistratus propagari potest. Quo ita constituto, satis intelligitur, ad ipsam jurisdictionis naturam & potestatem judicandi proprie acceptam, non pertinere, quicquid precarium, fiduciarium, delegatum est: qualis est omnis magistratuum & eorum judicum potestas, quibus aliunde demandata est jurisdictio.

Qui nullum in hoc argumento civilis disciplinæ gustum habent, nisi quem ex prætoris, proconsulis aut cujusvis magistratus Romani officio ac jurisdictione perceperunt, non potuerunt non varie decipi, quando inde potissimum, ipsam jurisdictionis naturam aggressi sunt explicare. Quo factum est, ut jus magistratuum creandorum, & jurisdictionem, sive jus judiciorum, pro uno eodemque haberent. Quæ duo, veteres, & in primis *Aristoteles*, diligenter distinxerunt. *Libro IV. Politic. c. 14.* tres constituit reipublicæ partes: τὸ βουλευόμενον περὶ κοινῶν, qua de republica consultat, sive senatum: τὸ περὶ τὰς ἀρχάς, qua in magistratibus & imperiis cernitur; τὸ δικάζον, qua judicat, sive in judiciis consistit. Postea autem, τὸ ἐπιτάττειν, imperare, præcipere, magistratui proprium facit: quando ait, posse quidem fieri, ut is qui magistratus est, consultet de republica & judicet, sed

nece

Cap. 15.



nec semper nec necessario, cum magistratus natura non in consultando, aut judicando, si proprie velimus loqui, sed in imperando & præcipiendo quærenda sit. τὸ γὰρ ἰπτάσ-  
ται ἀρχικώτερον ἐστίν. Nam imperare, magistratui magis proprium  
est. Si dicas; magistratus consulat de republica; at hoc  
faciunt & alii, qui non sunt magistratus: magistratus ju-  
dicat; at hoc faciunt iterum alii, qui non sunt magistra-  
tus. Propria igitur magistratus nota, τὸ ἰπτάσθαι, impera-  
re. quod imperium non recte videntur explicare, qui eo tan-  
tum significatu capiunt, quo in jurisdictione Romana acci-  
pitur. Si enim dicas; *Antecedit jus dicere, sequitur imperare:* *Cid. Piccart.*  
recte sentis, quando de jurisdictione Romana loqueris. *ad c. 15. lib.*  
Sed Aristotelis magistratus, etiam extra judicia, & sine ju- *4. pol. Arist.*  
diciis, imperat: neque vox imperandi ad solum forensem  
usum, apud Philosophum quidem, restringi potest. Un-  
de & illud; *Magistratus est, qui jurisdictionem habet*, si de jure  
dicendo, jurisdictionem accipias, de certo magistratu ve-  
rum erit; de omni falsum. Nam in Romana quidem Re-  
publica, jurisdictio, cum imperio fuit conjuncta, non au-  
tem semper & ubique in aliis rebus publicis. Quid? si sum-  
ma potestas per se jus dicit, neque magistratuum opera uti-  
tur? an tum quoque jurisdictionem ex potestate magistra-  
tuum metieris ac definies?

Qui hoc jus imperii, potestatem, inquam, judicio-  
rum, *extrema provocationis jure*, designant, illorum sententia  
quidem non aberrat à vero, sed stilus, ad tradendæ civilis  
doctrinæ optimam rationem parum congruit. itaque in  
alio facilius tulerim, quam in eo, qui jura summi imperii,  
ex professo tractanda suscepit. Verum ita necesse fuit lo-  
qui, ubi omnis potestas administrandæ justitiæ in judi-  
cando à magistratibus suspenditur; ut tandem per aliquos  
gradus ad majestatem ascenderetur. Vere sane & *μοναρχικῶς*  
locutus est Mæcenas ad Augustum, cum suavisset, pro-  
vocationes ab aliis magistratibus ad Principem factas ac-  
cipiendas esse: *Μήτε γὰρ αὐτοδίκῃ μήτ' αὐτοκράτῃς ὅτω τις τὸ*  
*παράπαν, ὥς μὴ ἐκ ἐφέσιμον αἶπ' αὐτῷ δίκην γίγνεται.* *nemo*  
*apud Dion.*  
*lib. 32.*

Hhhh 3

enim

2. de l. B. 4.  
13.

Sueton.  
Calig. 16.

Sueton.  
Ner. 17.

cap. 55.

Enim quisquam tanta in judicando potestate esse prorsus debet, ut ab eo provocari nequeat. Verum, inquam, est, naturaliter ab omnibus judicibus, ad summam potestatem provocationis jus esse, ab ipsa autem summa potestate, non posse provocari: sed civilem doctrinam tradenti parum convenerit, partem nominare, ubi de tota re agitur. Tum & provocatio, ipsius summæ potestatis decreto sæpe suspenditur: si summa potestas constituat judices, à quorum sententia non appellare liceat. Mandati enim nomine tum incipit æstimari, quod in mandante proprium jus est. Alio modo (utemur verbis Grotii) subditos esse videmus, qui præscriptione acquisiverunt, ut appellari ab iis non possit: ita tamen ut semper aliqua ab eis sit provocatio, per supplicationem scilicet, vel alium modum: nam ut ab aliquo nulla ratione possit provocari, cum persona subditi pugnat, ac proinde ad summum imperium aut partem ejus pertinet. Caligulæ exemplum, qui magistratibus liberam jurisdictionem, & sine sui appellatione, concessit, non recte interpretantur, qui metuunt, ne majestati Principis aliquid inde detrahatur. Egit enim illud eo tempore, quo civilis animi studium præ se ferens, imaginem antiquitatis Romanis præbebat; nota arte, & nunquam ad diminuendam vim Principatus comparata. Nec aliud Nero spectavit, cum omnes appellationes à judicibus ad Senatum fieri voluit. Quem locum, non est, quod opponat Tacito 14. A. 28. Vir magnus. vide, & compara. Sicut autem hi dissimularunt curam majestatis exercendæ, ita eximie inculcavit Theodoricus Rex in Edicto, his verbis: Omnes appellationes suscipiant ii provinciarum judices, à quibus provocari potest: quando optimæ conscientia conveniat, etiam superfluum appellationem sine dubitatione suscipere, dum de appellationis merito sacer possit perpensis legibus cognitor judicare. Quod si judex sua absentia procuravit, ne appellatorios libellos accipiat: in locis celeberrimis, qui appellare voluerit, libellum de absentia judicis de sua appellatione habere debere censemus. Judex autem, qui aut suscipere appellationem contempserit, aut certe in custodiam dederit, aut verberaverit, aut aliquo dispendio laeserit appellan-

pellantem, decem librarum auri amissione feriatur, quas fisci compendiis cura sacri cognitoris precipimus aggregari, officium quoque, cuius interest, multa legitima subiacebit. Hæc, illa occasione annotare libuit, dum jus extremæ provocationis, partem juris judiciorum facimus: unde figurato loquendi genere, totum nonnulli ea appellatione instituerunt signare. Quod, extra *μὲθodon τῆς διδασκαλίας*, facile conceditur. Ita frequens est bonis scriptoribus, *jus vita & necis* vocare, totam judiciorum potestatem: cum tamen nec judicia omnia sint capitalia, & more Romano, jus gladii partem tantum jurisdictionis notet. Nemo etiam reprehenderit eos, qui *jus dicere*, & *judicare* aliquando distinguunt: sed, quando summi imperii jura tractantur: τὸ αὐτόδικον, modo *jus dicere*, modo *judicare*, adeoque & jurisdictio pro judiciorum potestate, ἐκ παραλλήλου sumuntur.

Præquam pergamus ad eos, qui impugnant hoc jus, & qui non recte defendunt, aliquid de illa quæstione annotandum est: *An Minor possit esse majoris judex?* Id enim examinare, ad potestatem judicandi explicandam proprie pertinet. Et Julius Cæsar quidem prætor, Novium Nigrum Quæstorem in carcerem conjecit Romæ, quod compelli apud se majorem potestatem (prætozem) passus esset. Sed ista forte exempla, ad hodiernam disputationem parum pertinent. Posse enim à summa potestate civili constitui, ut in certis causis, minor sit majoris judex, aut inferior magistratus, sive etiam populus, ubi non est popolare imperium, majorem magistratum judicet, dubio caret. Estque huic in republica vel dispositioni, vel arti sua ratio, ac utilitas. Sed an ejus majoris Judicis, penes quem est summa potestas sive majestas, minor potestas judex esse possit, unice ambigitur. Summa enim potestas, ut alios omnes judicat, ita ipsa est ἀντιπρόσωπος, idque hoc ipso jure, de quo agimus. Quin possit tamen sibi sponte in certis casibus constituere vel judicem, vel arbitrum in vicem judicis, non fuerit inficiandum. In omni-

Suet. Jul. 17.

omnibus autem rebus , & citra exceptionem sibi impo-  
 nere judicem summa potestas non potest , ut summa ma-  
 neat, id est, omnia summi imperii sive majestatis jura  
 habeat. *Ἀυτοδίκην* enim dicere , qui sit *ὑπεύθυνος*, est ea  
 ponere, quæ se invicem tollunt. Inquis : Si summæ po-  
 testatī leges poni possunt e. g. Regi , quibus teneatur,  
 etiam judicem habere poterit. Obligare enim aliquem  
 legibus , & eximere judicio , nihil aliud fuerit, quam di-  
 vellere ea , quæ naturali consecutione cohærent. Loqui  
 autem te de Rege , qui non nomine tantum sed jure regio  
 Reipublicæ præsit , quo nemo major est , ne populus qui-  
 dem , ut postea monebitur, non dubitabo. Sed tum pe-  
 tam, ejus rei exempla mihi ostendi. Hic vero abunde pte-  
 risque erit, quod colligant. Quid enim ? nonne de Re-  
 gibus Romanis Tacitus scripsit : *Servium Tullium tulisse le-*  
*ges, quibus etiam Reges obtemperarent.* Si hoc fecit, imminuit  
 utrique jus regium, vel Reges Romanos post Romulum  
 non habere jus vere regium, sed mixtum statum esse rei-  
 publicæ, declaravit : sicut & alia Tullii apud *Dionysium*  
*Halicarnasæum* dicta factaque eodem tendunt. Certe si ac-  
 cipimus simpliciter locum *Dionysii*, quo testatur, *populum*  
*Romanum sub Regibus inde ab antiquo habuisse jus trium maxima-*  
*rum rerum ; creandorum magistratuum, ferendarum legum, belli*  
*denique pacisque :* nemo civilis philosophiæ peritus dixe-  
 rit, veros illos Reges fuisse, sed mixtam reip. formam ob-  
 tinuisse animadverteret. Verba sunt gravia : *Τριῶν πραγμά-*  
*των ὁ δῆμος ἐκ τῶν παλαιῶν νόμων κέρειν ἦν, τῶν μεγίστων τε καὶ*  
*ἀναγκαιωτάτων.* Nisi oratorio magis , quam philosophi  
 more locutum credas , ut dominum faciat earum rerum  
 populum , quarum non potestatem habebat, sed in iis ad-  
 ministrandis aliqua auctoritate pollebat : quorum illud ad  
 formam reipublicæ, hoc ad modum administrandi pertine-  
 ret. *Taciti* in dijudicandis talibus rebus semper magna apud  
 me auctoritas est. Ille, Romulo potestatem vere Regiam  
 videtur tribuere ; quam imutato postea rerum statu , po-  
 pularitas præsertim *Servii Tullii* diminuerit. Quamquam  
 qui diligenter versaverit scriptores utriusque linguæ,  
 non

3. 4. 26.

lib. 4.

non pauca nobis deesse ad accuratiorem Regii Romanorum imperii cognitionem, animadvertet. Neque ad alia exempla nos progredi, studium brevitatis patitur. Id non veremur affirmare: cum aut eos, qui summam potestatem habent sine exceptione, non posse ab alio aut aliter judicari, quàm si in civilibus quibusdam causis ipsi sibi in vicem judicis aliquem aut aliquos constituerint. At, ubi mixtus est imperii status, & Princeps ex omnibus, ad præscriptam formulam regnaturus, quæritur; dubium non est, quin consuetudine aut lege talis imperii, judex aut judices, illi Principi constitui queant, & si factum appareat, pro constitutis haberi debeant. Tum autem frustra quæreretur: an major à minori judicari queat? Non enim tam constitutus judex, aut constituti judices (quanquam si gentilitius is honor est, non potest non maximi æstimari) quam constituentes, adeoque ab origine rei, considerari debent. Cumque in tali, quem designavimus statu, Imperium semper majus esse Principe, neminem patiatur ignorare manifestissima philosophiæ ratio: Minor nunquam erit, qui judicat, quatenus & quo nomine judicat. Imo tali mixturæ non modo repugnat, sed usitatum est, ut vices magnitudinis sint; & qui in nonnullis summus est, in certa re aliorum potestatem detrectare non possit. Certe, illi, qui ultro de tali statu reipublicæ in hoc aut illo exemplo pronuntiant, non poterunt tueri sua placita, si velint admittere, quæ de diversissimis formis & temporibus opponuntur, atque varia effugia, præter rem quærere. Hæc è certis philosophiæ fontibus, nimium proh! dolor hodie neglectis ignoratisque. Non latent interim nos & aliæ causæ, quæ de republica scribere solitos diverse trahunt, neque ad liquidum deducti patiuntur, quæ diximus.

In oppugnando jure judiciorum, mirum est potuisse reperiri homines, qui Sacras literas nominare auderent, ubi Deus ipse se Judicem Universi promulgat, & Judicibus summis, mediis, imis, loca partitur, officia describit, atque ad summam in civitate potestatem, sibi secundam,

tam accuratē omnem jurisdictionem refert, ut nulli reorum, quocunque obtentu elabendi ulla rima relinquatur. Sed istos quidem fanatico errore lapsantes, abunde Theologi graves ac eruditi profligarunt.

Neque res melius cessit iis, qui clericos eximere voverunt summæ potestati, cui Deus & natura judicandos tradit, quicunque civili consociatione continentur. Apud nos, qui Augustanæ Confessionis formulam in religione sequimur, etiam lex Reipublicæ, accessit, quando transactione Passaviensi, & Pace Religionis, & nuper Pace Osnabrugensi, Jus Episcopale, quod ita vocare cœperunt, qui Episcopis talia vindicabant, adeoque & jurisdictio illa, Principibus ac Ordinibus attribuitur. Quin ipsum Pontificem Romanum ab Imperatoribus Romanis optimo jure judicatum, exemplis omni exceptione majoribus, alias ostenditur. sicut & illud: Pontifici & clero in supremas potestates nullum judicium, aut adversus earum judicia & sententias, intercessionem competere. Nunc illud tantum vellem ex *Petro de Marca*, viro doctissimo, si liceret ipsi *opporo dē* in ejusmodi quæstionibus, percontari, quando exemplis valde debilibus & parum dextre explicatis, censuram clericorum, legibus & judiciis Principum subjacere negat, quid ergo sentiat, de sententia auctoritate Regia & Senatus anno superioris sæculi LXI. latâ, primo in Arturum Desiderium sacrificum, deinde in Theologos Sorbonicos, occasione libelli Johannis Tanquerelli, apud *Thuanum*. Et, recte ac ordine, an secus, Senatus Lutetianus anno hujus ipsius sæculi XXVI, collegii Claramontani Theologis diem dixerit, ob librum Santarelli? cujus actionis totius seriem *Bartholomæus Gramondus* refert. Ita, qui apud eundem scriptorem, quæ anno 1616. pro Archiepiscopo Burdigalensi Sundisio, & contra eam disputata sunt, legit, non dubitabit, utra pars coloribus, utra argumentis utatur. Sed adversus ista quidem Pontificii dominatus inventa, nunquam non strenue & cordate certatum est: suntque in omnium manibus integra volumina.

Cete-

de concord.  
sacerdotii &  
imperii l. 2.  
c. 7.

lib. 28.

hist. l. 15.

lib. 2.



Cæterum huic supremo judiciorum juri, etiam illi adversantur, qui populum in Regno quoque, aut Aristocratia, supremum Judicem ita faciunt, ut ejus examini & sententiæ subjici debeant Rex aut optimates, adeoque ipsa summa potestas. Quod equidem nulla solidioris philosophiæ ratio permittit; vel in divinis, vel in humanis literis. At, inquiunt, si Rex abutitur summa potestate in judicando, & male judicat? Interrogabo vicissim: Annon totus quoque populus abuti potest, aut abutitur, summa civili potestate? nihil frequentius certe in Democratiis olim accidit. Quod si ergo amplius roges populares illos philosophos, à quo sit judicandus populus, qui deliquit, seu tota illa civitas imperio inique ac fœde usa? respondebunt certe: à solo Deo. Quidni ergo eadem ratio valeat in iis imperiis, ubi omnis potestas à populo, uni & in unum, aut paucos, translata est? Quo genere argumentandi jam olim *Aristoteles* tales homines arguebat. Egregius est, *3. polit. 1. f.* adversus periculofam sapientiam, labor *Grotii 1. de jure belli cap. 4.* cui addendus *Arnisei liber de auctoritate Principum in populum semper inviolabili.*

Involant etiam in hoc jus, qui se sibi constituunt ipsi judices. Quod quidem fieri quodammodo, quotiens vindictæ studio suas injurias & lites manu exequuntur aut singulari dimicatione, qui copiam judicii habere poterant, in aperto est. Exemplum autem mirabile talis delicti, id est, *comment. de Vir. l. 2.* usurpati à privato judicii, *Thuanus* memorat. *Balanus* quidam præfectus arci Lactoratenfi injuriam sororis, cui qui vitium obtulit, alteram uxorem duxerat, in auctorem vindicare aggressus, convivium instruit. quo finito, *quasi pro tribunali sedens* (sunt verba Historici) adductum ad se in vinculis reum interrogat, inficias euntem testibus productis convincit, etiam sorore, quæ aliquandiu latuerat, velo amoto, quasi ex machina comparente. cujus præsentia turbatus reus, consuetudinem cùm illa se blanditiis provocante confessus est, ceterum ullam de nuptiis factam mentionem, aut de iis datam fidem, negavit. tum *Balanus* in judicio officio pergens confessionem scriptis ab amanuensi mandari jussit, & à reo subscribi, tandemque & testium fide & sua ipsius

confessione convictum ad mortem damnavit : & qui iudiciis , accusatoris , testis , cognitoris partes hucusque impleverat , ad extremum etiam carnificis vicem implere voluit , & miserum hominem , Dei & hominum fidem implorantem , & hospitalis mensæ sacra violari nequicquam quiritantem , stricto pugione confodit , statimque corpus ad suos remisit. Ad Navarrum autem , à quo arci impositus fuerat , scribit , rem ordine denarrat , exemplum actorum causæ transmittit , retentis secum , quas reus subscripserat , paginis ; justum dolorem gravi injuria provocatum , in quo tamen judiciarius ordo servatus esset , excusat , facto veniam petit , traditurum se cuicunque juberet Navarrus , arcem professus. Fides mox extitit verbis ejus , cum Navarrus , temporum perturbationi obsequendum ratus , veniam , quanquam atroci facinori datâ , alium arci præfectum imponeret.

*Vide Græc.  
de I. B. I. 2, 5.*

In defendendo ac propugnando , quod summis potestatibus debetur , judiciorum jure , non recte videntur incedere , qui in historia Caini parricidæ putant , Deum tum demum , cum metuenti cædem Caino respondisset , nemini jus fore occidendi eum ( Gen. 4. ) id quod naturaliter licitum videbatur , edicto repressisse. Nunquam enim , à primo rerum conditu , cuiquam recte cogitanti naturaliter licitum videri potuit , ut interficeretur à quocunque obvio , etiam noxium caput. Et Cainus cum hoc metuit , conscientiae angoribus perturbatus , non juris naturalis dictatu eruditus loquitur. Illud enim , *Non occides* , in hominum animis inscriptum , adeoque dictamen vere naturale , à nemine ignorari poterat. cujus non hic modo sensus est , neminem innoxium occidendum ; sed ne noxios quidem temere aut à quovis , qui ejus rei nullum mandatum vel à Deo vel ab iis , in quos Deus summam judicandi potestatem contulisset , occidendos esse. Et ille , qui dixerat , sive in animo primorum hominum promulgaverat , *non occides* ; non serius , nec aliter , constituerat ordinem imperandi parendique , adeoque coercitionem facinorum non reliquerat in dubio , aut promiscuam , quando parentes honorendos , & summis potestatibus obsequen-



quendum dictaverat. Rectissime itaque magni Theologi historiam Caini ita interpretantur, ut dicant: nihil aliud (Gen. 4. v. 15.) quam generalem legem hic poni, qualis & ante animis hominum insita, & postea in Decalogo repetita est, *non occides*. Sed neque Lamechus ab hoc exemplo, conjecturam divinæ voluntatis in legem duxit, alio argumentandi genere, quàm de quo dictum est. ne dicam de diversis interpretationibus, quibus ille obnoxius est. Quare nec illa verba, admitti possunt: *Deum instaurato post diluvium humano genere, permisisse, ut insons esset, qui homicidam occidisset, quod postea institutis judiciis summas ob causas ad judices solos restrictum est*. quasi aliquando promiscua cædis in nocentem licentia valuisset, quod omnino probari nequit. Nunquam fuit tempus ab orbe condito & genere humano multiplicato, quo, remota juris auctoritate, cuivis judicium sibi in alios vindicare liceret. neque enim, credo, facinora hominum pravorum pro permissio jure quisquam nominaverit.

*Vid. comment. Phil. Melanch. in Gen.*

Multo minus tolerari potest, cum ad oracula Novi Fœderis acceditur, illa totiens in illustri opere occurrens *ἰσθῆις* Photiniana, quasi Christus longe perfectioris, quam in V. T. erat legis auctor, quadam qua ante non precepta erant, præceperit, aut sublimiori certe gradu & latitudine præceperit. Valere enim hic debet, quod probat Isidorus Pelusiota: *ὅτι καὶ νόμος τοῦ θεοῦ ὑπὲρ τῆς ἐντολῆς*, quod novitatem doctrinæ nullam legi & Prophetis Filius Dei superinduxerit.

*Grot. de l. B. 1. 2. 6. Cc.*

*Epist. l. 1. c. 107.*

Jam quod de lege Mosaica qua ad judicia pertinebat, adfertur, primo ad rem parum forte facit. Fac enim, Judæos etiam ad Christum conversos, si ad magistratum vocarentur, eum defugere non potuisse, sed judicia ad præscriptum legis Mosaicæ subire debuisse: non statim inde colliges: si Romani, quorum erat tum in Judæos summa jurisdictio, permiserunt iis quædam juxta legem Mosaicam judicare, neque Christus & Apostoli, quo minus id fieret, inhibuerunt, ergo adventus Christi legem illam Mosaicam non finivit. Datum deinde est, dicere: *nullum in lege Moysi terminum isti legi præfinitum esse*. Quid enim faciemus dicto Genes. 49. v. 10.

*Grot. de l. B. 1. 2. 7.*

2, 15.

Matth. 5. 17.

in quo tanto consensu vetus & junior Ecclesia hunc quoque sensum agnoscit. Durum amplius est, dicere: *neque Christum neque Apostolos usquam de legis istius cessatione locutos esse.* Non dicam de loco Pauli ad Ephesios, ubi *νόμον τῶν ἐντολῶν ἐν δόγματι* legem praeceptorum in decretis sitam, unde lex forensis non potest eximi, Christus destruxisse perhibetur. Christus certe & Apostoli, tota vita sua & exemplis, quod potentissimum docendi genus est, abunde Romanam jurisdictionem confirmarunt; atque ad alias & Cæsaris Romani leges potius quam ad Mosaicas respiciendum dehinc esse, declararunt. Frustra etiam dictum Christi in alienam sententiam trahitur quando dicit: *non veni solvere, sed implere legem.* De qua enim lege ibi sermo sit, & quo proposito id dicatur, ex tota illa gravissima Servatoris *ομιλία*, nemini obscurum esse potest. ne dicam de interpretum auctoritate, non uno nomine venerabili.

4. pol. 16.

Hæc igitur potestas judicandi sive dicendi juris, de qua hætenus aliquid annotamus, semper majestatis sive civilis summæ potestatis pars est, & ab ea vel in magistratus derivatur, vel aliis curatoribus committitur, prout formæ reipublicæ, temporibus, consuetudinibus, aptissimum videtur. Sicut magna varietate docere potest Historia Rerum publicarum veterum & recentium, quam si quis paritum considerare velit, notabit *primo*, quæ ad ipsam potestatem judicandi, vel summam, vel jure magistratus aut lege competentem pertinent; *deinde* exemplo *Aristotelis*, modum & consuetudinem constituendi singulos judices, aut collegia judicum; ex censu, ex genere aut suffragio, aut sorte, idque vel ex omnibus, vel ex quibusdam, vel etiam mixta utraque ratione, quæque alia hujus loci sunt, observabit: *postea*, ejusdem summi Philosophi more, *πρὸς τὴν διακρίσιν*, sive quæ pro diversis causarum generibus, tribunalia publicis privatisque litibus attributa sint, cognoscet: *porro*, ipsam formulam (processum vulgo vocant) & ordinem legum exercendarum & judicii habendi, spectabit: *denique*, quæ ad judices ipsos attinent, vel eorum *voluntatem* dirigere, vel *facultatem* instruere, vel *opus* definire,

finire, animadvertet; qualia ad *virtutem & officium judicis* vulgo referuntur. Judiciorum Romanorum consuetudinem late sparsam in historia & jure civili, tradere aggressi sunt *Carolus Sigonius tribus libris de Judiciis*, & *Franciscus Potletus*, commentario, cui titulum dedit, *Historiam fori Romani*. Hi, inquam, ex antiquitate studuerunt pleraque colligere, non ut contenti his essemus, sed ut fontes ipsos, scripta scilicet Historicorum, & Ciceronis præsertim, tum Philologos veteres adiremus. Sic etiam, qui leger, quæ ille ipse *Carolus Sigonius de Judiciis Atheniensium*, *Jo. Meursius in Areopago* scripserunt, excitabitur, opinor, ut cupiat cognoscere, quæ doctissimus *Pollux*, *Xenophon*, *Plutarchus*, *Græci* *18. Annali.* *Oratores* de hoc argumento tradiderunt. Germanicorum Judiciorum consuetudinem Juris publici privatiq[ue] scriptores copiose explanarunt, de antiquioribus autem sæculis, non eodem modo res ad liquidum deducta est. De officio & virtute Judicis, *Philonis Judæi* elegans libellus extat: nec parum conducunt *Stobæi Eclogæ*: tum in historia fabulari, *serm. 155. 5* *Minois*, *Æaci*, *Rhadamanti* exempla. Ex Junioribus su- *156.* periori sæculo *Claudius Cantiuncula* Jureconsultus de officio judicis duos libros edidit, quibus tres quatuorve addere destina- verat: *Erycius autem Puteanus* primoribus lineis designavit *Judicem*: inhærentque oculis aliorum quoque labores. Quod si lubet huc conducere materiam de *panis*, obvia est scriptorum enumeratio: ad quam non digredimur, quibus constitutum est, hac vice, quædam de singulis juris dicendi partibus asserre, & denique ad comparisonem *Pisonis* apud *Tacitum* aliquid annotare.

Jam ante dictum est: totam jurisdictionem cum omnibus suis partibus ad majestatem sive summam civilem potestatem pertinere: quam qui habent, cum non possint omnia per se peragere, consentaneum est, jurisdictionem committi aliis, vel jure magistratus vel lege beneficio aut mandato speciali: idque rursus, vel per omnes, vel per quasdam jurisdictionis partes; itemque vel in hac aut his, vel in alia aut aliis objectorum speciebus: prout supremæ potestati visum fuerit. Quæ ut recte omnia obe-

antur, quid oporteat, & quid deceat in singulis, studiose exquiritur.

*Cognitionis*, quæ prima jurisdictionis pars est, *necessitatem*, & *diligentiam*, non tam leges aut mores postulant, quam ipsa naturalis ratio præscribit exigitque. Ipsi-  
 13. A. 10. naturæ vox est apud *Tacitum*: *cuicunque defensionem tribuendam*,  
 1. H. 6. etiam nocenti. nam qui *inauditi atque indefensi pereunt*, tan-  
 quam *innocentes perisse videntur*, sicut ipse *Historicus*, eandem  
 rationem secutus, pronuntiat. Reperiuntur tamen cau-  
 sæ, in quibus Judices, præsertim summi, cognitionem  
 omitti posse, existimaverunt: Si crimen manifestum est,  
 & re ipsa comprobatum; tum, si naturalis judiciorum  
 ordo, sine summo reipublicæ periculo, teneri non potest.  
 quod postremum scilicet itidem de aperto ac indubitabili  
 facinore intelligendum est. Ponamus exemplum. Con-  
 stet Principi, non conjecturis & probabilibus argumentis,  
 sed certa rerum fide, aliquem insidias sibi, aut proditio-  
 nem reipublicæ parare: neque tutum sit, ad causam di-  
 cendam vocare fontem. Annon liceat, prætermissa co-  
 gnitione scelus punire? Nulla ætas dubitavit, quin lice-  
 ret. Exempla sunt notissima. Ubi duo tamen notamus:  
 primo, requiri hic tam certam criminis fidem, quam quæ  
 potest morali æstimatione maxima esse; sed & periculi  
 publici ratiocinationem non qualemcumque, sed quæ pos-  
 sit viri prudentis judicio prorsus satisfacere, intelligi:  
 deinde, rumoribus & sinistris judiciis plurimum obnoxia  
 esse, quæ ex tempore, quacunque de causa, exercen-  
 tur supplicia, quæ res facit, ut non minus de quæstione  
 consilii, quàm de quæstione juris hic cogitandum sit.  
 Legi digna sunt, quæ de Ancræi in Gallia cæde jussu Re-  
 16. 2. gis facta, apud *Gramondum*, disputantur, cum ultio qui-  
 dem ipsa & ultionis causa nemini non approbaretur, ul-  
 tionis modus plerisque displiceret. Si licet bona cum æ-  
 qui lectoris venia hoc interferere, satis scio *Gramondum*,  
 quem non semel & alias laudavi, apud popularium suo-  
 rum doctissimòs existimationem Historici parùm tueri, ne-  
 que causas ejus rei ignotas habeo. sed testimonio ejus recte

ac

ac in tempore uti volentibus magna plerumque ratio superest. De re ipsa, illud non addam; sæpe sperato destitui successu, quæ ad hunc modum repræsentantur supplicia. quemadmodum, ut ex multis unum adferam, nece Guisli, *Thuano* memorata, cognitum est. Sed hæc humana *lib. 93.* prævideri sollertia non semper possunt, & ubi propius periculum imminet, de remotiore vix tam accurate cogitatur.

Loquimur autem hætenus de præterito cognitionis ordine, in causis, quæ certius quam conjecturis, & quas Jureconsulti vocant, præsumptionibus, compertæ sunt. Nam in reliquis, quam sit res accipitis aleæ plena, multis possumus & magnis exemplis doceri. Quis non adversus Turnum Herdonium conjecturam fecisset, apud *Livium*, *lib. 1. c. 31.* quando protractis undique ex domo ejus gladiis, crimen insidiarum in Regem, falso structum, arguebatur? Innocens tamen fuit, qui *indicta causa* punitus est. Quam facile Alexander plerisque conjecturam suam de Sisine probasset? *accepit literas de re magna & occulta, imo ad facinus exhortantes. non adiit me, non detulit indicium, sed suppressit, sec-* *apud Curt. 3. 7.* *lesti consilii manifestus est.* At qui sine accusatione ita accusabatur, & sine cognitione plectebatur, revera insons fuit. Adde Antistii Petronis exemplum, à Tarquinio Superbo everfi, apud *Dionysium Halicarnassensem*. Memoranturque *lib. 4.* hujus generis alia in hominibus homicidii male suspectis, male damnatis. Quare nunquam probare *Clapmarium* potui, qui *Parmenionem* iuste occisum pronuntiat: cum ad eam veritatis fidem, quæ hic requiritur, non pauca deesse animadvertantur. Sicut autem hic de *præsumptionibus* & *G. Alciat. de præsumptionibus lib. 1. p. 1.* conjecturis locus, multis pro inextricabili habitus, forte in ordinem concinnari & serie bene contexta plenius proponi posset, ope præsertim *antiquorum Rhetorum*, qui diligenter viam pedum viderunt: ita iudicis summa cautio esse debet, ne animosius aut securius præsumptionibus etiam violentis utendo, putetur interdum *præsumptive* agere, alio illo sensu, qui in vitio est & temeritatem notat. Sic in causa Sisinis & Turni, nimis cito ad conjecturas de-

cursum est : cum de veritate aliter & aliunde constare potuisset, si auditi essent. Quare tutius & in publicum utilius est dicere : in causa capitis ad damnandum inaudita causa reum, praesumptionibus judicem, etiam summum, niti non debere. Nam facti evidentiam, jam ante à conjecturis distinximus.

l. 5. instit.  
orator.

in Claud.  
cap. 19.

declam. 106.

2. 4. 30.

*Diligentia cognitionis* multo labore, sollertia, patientia constat. ad quam interim omnes judices naturaliter obligantur. quis enim recte sententiam se ferre posse autumat, de re, quam non satis accurate cognovit? Hinc illae tot formulae, & sollennia fori olim & hodie. de quibus *Fabius Quintilianus* tam exquisitè egit, ut non magis sui quam nostri saeculi homines, si qua *παλαιὰ χρεῖα* aestimatio superesset, erudisse videatur. Utut autem maxima versari debeant in cognoscendo diligentia Judices, abesse tamen calliditatem, nimiam asperitatem, superstitionem & vicinas superstitioni opiniones vulgi, fas est. Propinqua interdum virtutibus ista vitia sunt. *Suetonius* exemplum judicis in cognoscendo circumspexit & sagacis agnoscit in facto *Claudii*, qui *foeminam non agnoscentem filium suum*, dubia utrinque argumentorum fide, ad confessionem compulit, indicto matrimonio juvenis. At si judices hanc sagacitatem voluissent imitari, qui in causa *Quintiliano* descripta judicare debuissent, ubi *filius expositus matris non agnoscentis nuptias*, premium fortitudinis petiit, in calliditatem degenerasset diligentia eorum. Non enim statim colligere debuerunt : *illa abnuat matrimonium ; ergo mater est*. Nam & vetulae, post tot annorum viduitatem castissimam, abunde caussarum erat, cur abnueret nuptias juvenis. Rectius itaque condemnarunt petito rem, qui argumentis de cetero idoneis destituebatur. Manifesta est, quam *Tacitus* refert & damnat, *Tiberii* vafrities, in causa *Libonis*. Quia enim veteri senatusconsulto quaestio in caput domini prohibebatur, callidus & novi juris repertor *Tiberius* mancipari singulos auctori publico jubet : scilicet ut in *Libonem* ex servis, salvo Senatusconsulto quaeretur.

*Nimia asperitas* in cognoscendo, plerumque diligentia

tiæ obtentu, se tueri studet. nam de cupiditate puniendi ac sæviendi, crudelitate item suppliciis gaudente, quæ animum cognoscentis aliquando occupat & latet, Deus occultorum inspector judicat. Alius est, qui non æque latet, rigor ille immobilis, quo omnia ad lenitatem & humanitatem ducentia momenta, inter cognoscendum negliguntur & quodam modo projiciuntur. Qua in re, qui ex mandato cognoscunt, plerumque mandati formula defenduntur: nisi quod meminisse debemus, nullis mandatis humanitatem ipsam tolli. Amplius autem, quæ in hoc genere peccantur, in abusu tormentorum perspiciuntur. Quæ nemo miretur, ad cognitionem à nobis referri; cum tormenta alias imperii dicantur esse potius, id est, alterius partis, in potestate judicandi. Aliud est enim quærere, cujus sit tormenta decernere, cum magistratus judicant: aliud de causâ & usu tormentorum loqui, quo pacto ad probationes referunt Veteres quæstionem per tormenta: probationum autem omne genus, cognitioni tribuunt in dicendo jure. Multis modis circa *hanc exhibenda veritatis fidem*, peccari posse, ex mente accuratissimi Scriptoris *Q. Curtii*, in causâ Philotæ, ostendimus. Decernitur in consilio Alexandri, *quæstionem de Philota, ut participes sceleris indicare cogeretur, habendam esse*. Suaferat hoc decretum Craterus, homo Philotæ inimicus ac æmulus: suaferat hoc fulcro sententiæ; culpam silentii, non in alium quàm participem sceleris cadere, neque contemptum sed celatum judicium debere judicari, quod Alexander jam, ut negligenti, non ut dissimulatori, ignoverat. Poterant participes sceleris, qui adhuc latebant, ex aliis sciri, quibus minore invidiâ quæstio per tormenta adhibita esset, antequam ad illustrem virum Philotam, ex nova & emergente causâ deveniretur. In eo præsertim non frustra videtur Philotas *jura gentium* invocasse, quod à *confesso* etiam, *ut in tormentis eadem diceret*, exactum est. Licet enim jure civili constitui potuerit, ut confessus etiam ad investigandum totius criminis ordinem, & noscendos socios ac participes, torqueatur: jus naturæ tamen,

*Curt. 6. 1, 36*

*G. Langla. f. mestr. adde Eundem 9. 3. Curt. 6. 12. 14. & 15.*



ad Aug. de C.  
D. 19. 6.

Instit. erat.  
3. 4.

Curt. 6. 11. 15.  
79.

quod Philotas, hîc jura gentium invocans, laudat, non favet illi severitati, ex qua nihil præter modum, & unicam illam rationem, probari potest, si aliter veritas reperiri nequeat. Quanquam & sic semper dubitatum est: neque sine caussa Ludovicus Vives existimat; *fortissima esse, quæcunque contra tormenta apud antiquos dicuntur, quæ vero pro tormentis, imbellica.* Idem qui Augustini sententiam, quasi ad necessitatem societatis humanae tormenta referentem, aliter, quam vulgo accipitur, explicat, atque cum gentilibus & de gentilibus sermonem esse, ostendit. Utamur jam porro regula Fabii Quintiliani, in considerandis Philotæ tormentis: quis præfuerit quæstioni, quis & quo modo sit tortus, an credibilia dixerit, an inter se constantia; perseveraverit in eo quod cœperat, an aliquid dolore mutarit; prima parte quæstionis, an procedente cruciatu. Præfuerunt quæstioni Hephæstio, Craterus, Cœnus partim propria inimicitia, partim specie obsequii aulici in Regem, Philotæ iniqui. Inimici, inquit Historicus, in gratiam regis torquebant. quæ res nimirum partem judicis invidia onerat, partem Rei miserabilem facit. Quis, & quomodo torquetur? vir clarissimus, per ultimos cruciatus, igne, verberibus, jam non ad quæstionem (nota gravissimum judicium Historici) sed ad pœnam, lacerabatur: ita ut, intumescente ulceribus corpore flagellorum ictus nudis ossibus incuterentur; fatigatis denique tortoribus ipsi quoque, qui præerant quæstioni, bastis os oculosque Rei everberarent. Quid autem dixit Philotas & qualia fuerunt, quæ ipsi extorta sunt? Ad summum processerat cruciatus, antequam quicquam dixit. Tum demum victus magnitudine dolorum, ut omitterentur cruciatus petivit, quasi aliquid dicturus. Remotis tortoribus, quid dicere debeat, ignorare sese professus, dic, inquit Cratero inimico suo, quid me velis dicere. Rursum ad motis tormentis, narrationem orsus est, vel ideo suspectam, quod ab homine mortuo, qui interrogari non poterat, omnis rei series arcesfitur. de ultimo crimine, quod à Dymno enotuerat, constanter negat: donec novis cruciatibus ut id quoque confiteatur, exprimitur. Agnoscit quidem postridie, quæ in tormentis dixerat; sed postquam ei vivendi nec spes nec caus-



caussa relicta erat. Quid melius dere tota judicari potest, quam quod Historicus pronuntiavit? *Philotas*, inquit, *verone an mendacio liberare se à cruciatu volueris, anceps conjectura est: quoniam & vera confessis, & falsa dicentibus idem doloris finis ostenditur.* Unde satis intelligitur, *Curtium* de tormentis, præsertim tam atrocibus, idem sentire, quod summus Orator facunde explicat: *Tormenta gubernat dolor, moderatur natura cujusque tum animi, tum corporis: regit quasitor, flectit libido, corrumpit spes, infirmat metus, ut in tot rerum angustiis nihil veritati loci relinquatur.* Periculum certe in hoc negotio ita est evidens, ut judices quosvis, de summa cautione & moderatione adhibenda, possit commonefacere.

Curt. 6. 12. 2.

Cic. pro Sulla c. 28.

Superstitionem quoque à cognitione removimus. Quod genus probationum rudioribus sæculis erant, quæla innocentiae demonstrandæ, sortes, ferrum ignitum, qua fervens, & similia. Nec nulla hodie occurrunt, præsertim in inquisitione in veneficas, quæ omnium difficilima est. Abesse certe à Christiano judice debent, qualia *Tholosanus* refert. Potest etiam fieri, ut supersticio accedat, ad captatam effluxionem sanguinis ex cadavere, præsentem homicidii auctore; vulgo *Baarrecht* / appellant: quæ Græce est *αἰματόδεξις*. Si enim per miraculum divinum illa effluxio sanguinis sit, quæ multorum est sententia in exemplis non suspectis aut exaggeratis, fideque dignis: periculosum est captare divina miracula & provocare, sicut aliunde constat. cum præsertim factum esse sciamus, ut admoto cadaveri, vero homicida, & coacto manum vulneri imponere, adhibitis etiam precibus & invocatione divini numinis, nullum tale indicium compareret: quamquam postea aliis modis crimen compertum est. Exemplum sane admiranda referuntur: sed, cum in investigatione causarum omnia sint ambigua, incerta, imperscrutabilia, nulla cautio prudenti judici nimia videri debet.

de rep. l. 13. c. 30. §. 5.

Wehner. obs. pract. &amp; H. sold. Thes. p. 1. Voc. Baarrecht.

h. 14. c. 2.

Proponuntur apud *Aulum Gellium* à Favorino duæ quæstiones ad diligentiam judicis cognoscentis pertinentes. Prima est: *debeatne judex inter cognoscendum, ea, qua dicto*

Kkkk 3

quasi-

quæstioque opus est, dicere & querere, etiam si, cujus ea dici quarique interest, neque dicat neque postulet? Qui negabant, patrinari prorsus hoc esse, aiebant, non judicare. Quin tamen subvenire debeat hoc pacto diligentia judicis vel simplicitati hominum, vel advocati imperitiam supplere, denique, ne quid ad plenam & quantacunque haberi potest facti notitiam desit, providere, vix dubitandum fuerit. præsertim quia reipublicæ interest, ne innocens quisquam condemnetur, adeoque nihil præsidii innocentiae etiam à judice denegetur. Atque hoc non fuerit Rei, sed Reipublicæ causam agere, quæ prima judici lex est. Altera quæstio Favorini hæc est: an ex usu exque officio sit judicis, rem causamque, de qua cognoscit, interlocutionibus suis ita exprimere consignareque, ut ante sententia tempus, ex his, quæ apud eum in præsens confuse varietque dicuntur, proinde, ut quoquo in loco ac tempore moveatur, signa & indicia faciat motus atque sensus sui? Diversum sensisse hic & fecisse judices, ipse adjicit. nam qui judices, inquit, acres atque celebres videntur, non aliter existimant rem, quæ de agitur, indagari comprehendique posse, nisi is, qui judicat, crebris interrogationibus necessariusque interlocutionibus, & suos sensus aperiat, & litigantium deprehendat. Contra autem, qui sedatiores & graviores putantur, negant judicem debere ante sententiam, dum causa utrimque agitur; quotiens aliqua re proposita motus est, totiens significare, quid sentiat. eventurum enim, ajunt, ut quia pro varietate propositionum argumentorumque alius atque alius animi motus patiens est, aliter atque aliter eadem in causa, eodemque in tempore, sentire & interloqui videatur. In priori consuetudine, plurimum auctoritati tribui; in altera plus rationis demonstrari, videtur. Illam non sine periculo exercueris: hæc tutius personam judicis incorrupti gubernat. Nam illa veterum Græcorum elogia, quibus judex describitur

apud Polluc.  
8. 3.

Tit. 3. A. 13.

ἀναγκραστής, ἰσοστάτης, ἰσοπέποιτος, ἀκίνητος, ἀνεκλίσιμος τῇ ζυγῇ τῶν πόρων, immobilis, æquus, inflexus; non in ferenda tantum sententia, sed in cognoscendo etiam spectari fas est. Unde Tiberius in causa Pisonis, boni judicis imitatione, sine miseratione, sine ira, obstinatum se clausumque præ-

præbet, ne quo affectu perrumperetur. Et in causa Libonis, immoto vultu conspiciendus, libellos & auctores recitat, ita moderans, ne lentire, neve asperare crimina videretur. Parum equidem sinceri, pleraque Tiberii judicia habent, quatenus ad infinitæ dominationis aut acerbissimæ tyrannidis mysteria fere aptantur, vel etiam tegendis variis consiliis destinantur. unde *Historicus*, non cognitionem, sed *imaginem cognitionis* in Pisoniano negotio agnoscit. Sed istæ simulationes tamen veritatis speciem assument, voluntque sub laudatorum judicium exemplo latere, quicumque non Deo & reipublicæ, sed sibi & suis libidinibus sanctissimum officium administrare inceptant.

Tac. 2. 4. 29.

Tac. 3. 447.

In *secunda parte jurisdictionis*, quæ nomen generis sibi vindicat sæpe, & in statuendo jure versatur, vel maxime cerni discrimen justī ac iniqui judicis putatur. Ita enim ferenda est sententia, sicut lex divina & humana dictat. Et summa quidem potestas, sicut liberius dispicere potest, quid lex divina per naturam aut scripturam sive præcipiat sive suadeat, adeoque patenti semper via ad æquitatem procedit; ita nec magistratibus & inferioribus judicibus, omnis facultas, certi generis scilicet, temperandæ per æquitatem justitiæ adempta est. Sed de illa quidem elegantissima disputatione, qua omnis æquitatis fontes inquiruntur, alias egimus. *Aristoteles* incomparabili diligentia excussit hunc locum, non in *Ethicis* modo, sed præsertim in *Rhetoricis*: unde apparet, æquitatem partim rigori juris sive τῷ δίκαιῳ, partim calumniis & versutæ sollertiæ oppositam esse; jureque naturæ, & quæ maxime secundum naturam est, utilitate reipublicæ, adeoque virtute civili, totam gubernari. Hujus pulcerrimæ scientiæ peritissimi fuerunt veteres Romani Jureconsulti, qui ubique cum de jure responderent, magnam sibi æquitatis rationem habendam existimaverunt. suumque exemplum omnibus judicandi munere recte usus commendarunt: sicut ex iis, quæ supersunt, luculente intelligitur. Ne tamen degeneret hoc æquitatis studium, sive ne judex perversam gratiam gratificando cuiquam,

in calculo  
Mnem. 6a.

1. Nicom. 10.

1. Rhet. 13.

non

non tam æquitatis studiosum se quàm imperitum præbeat, cautiones graves suggerit, *Suasoria Libani de Affessoribus Magistratum & Judicum*. Movet Philo Judæus illam dubitationem de æquitate: qui factum sit, ut lex Divina humanissima alias personam pauperis in judicio respici retaret? Scilicet alia est ratio pauperis, ut egestas ejus sublevari desiderat; alia, ut facinus admisit. In priore statu, beneficentia & benevolentia pauperibus lege divina humanaque debetur: in posteriore, animum facientis & mores, non fortunam spectare, fas est. Atque hoc ipsum est, quod æquitas dicitur, ne fortuna potius quam animus & causa partium, in judicio consideretur. nisi cum premitur à potentiore & injuria afficitur pauper. tum enim personæ infirmitas, tanto diligentius tuenda est judici, quanto minus in se opis habere animadvertitur, sicut lex divina alibi explicat.

*l. 14, c. 4.*

Celebris est, & magno studio agitata sæpissime quaestio, quam apud Gellium Favorinus proponit: si judex forte id sciat, super qua re apud eum litigatur, eaque res uni ei, priusquam agi coepit aut in judicium deducta sit, ex alio quodam negotio casuque alio quo cognita liquido, & comperta sit; neque id tamen in agenda causa probatur; oporteatne enim, secundum ea, quæ sciens venit, judicare, an secundum ea, quæ aguntur? Vulgo ita proponunt: An judex secundum acta & probata, an vero secundum conscientiam judicare debeat? Alii: An judex judicare secundum acta & probata contra propriam scientiam possit? Ubi post magnum Theologum Jo. Gerbardum, Gregorius Biccini Jureconsultus, inigne nuper Academiae nostræ ornamentum, recte notavit, acta & probata, accurate loquendo, non posse opponi conscientiae. adde, nec scientiae. si enim vere probata sunt, quæ probari debebant, nec conscientia judicis habebit quod repudiet, & scientia cum probatis coincidat. contra id enim quod sufficienter mihi probatum est, nihil possum scire. aut si quid aliud scio, prius sufficienter probatum mihi non sit, necesse est. Non est autem consilium, recoquere aliis disputata; hoc unum liceat cogitandum suppeditare prudentioribus, quod opinor:

Talem

*loc. de magistrat. polist. S. 292. Aure. scilicet, s. ch. 153. not.*

Talem casum, in quo revera huic difficultati locus sit, in terminis, ut scholæ loquuntur, præcise sumtis, dari non posse; certe non ostendi datum. Si enim certa sit scientia judicis (de alia utique hic non disputatur) quis dubitet, quin inter cognoscendum idonea offeratur occasio, deprehendendi vitia probationis, sive id quod deest probationibus, vel inani specie aut fraude obtenditur, animadvertendi?

Affinis est quæstio, quæ Gellium movit, ut juraret, sibi non liquere. Petebatur apud eum pecunia, quæ dicebatur data numerataque. Petitor vir bonus, notæque & expertæ fidei, vitæque inculpatissimæ, neque tabulis neque testibus factum docebat, & argumentis nitebatur exilibus. Is, unde patebatur, probri perfdiarumque ac fraudum plenus, postulabat probari consuetis modis pecuniam datam, expensi latione, mensæ rationibus, chirographi exhibitione, tabularum obsignatione, testium intercessione. Horum cum nihil fieri posset, viri exercitati atque in patrociniis & in operis fori celebres, in consilium rogati, nihil esse dubium dicebant, quin absolvendus foret, quem accepisse pecuniam nulla probatione solemnī docebatur. At Favorinus Gellio commendabat Catonis consilium, qui ita esse à majoribus traditum observatumque ait, ut si quod inter duos actum est, neque tabulis neque testibus planum fieri possit; tum apud judicem, qui de ea re cognosceret, uter ex iis vir melior esset, quæreretur, & si pares essent, seu boni pariter seu mali, tum illi unde petitur, crederetur: ac secundum eum judicaretur. Sed Gellius non ausus est committere, ut cognovisset & condemnasset de moribus, non de probationibus rei gesta videretur. Celebre interim est exemplum quo hæc ratio valuit, non sine fiducia scilicet prolata, in M. Scauri causa, qui ita se defendit: Q. Varius Hispanus, M. Scaurum principem senatus, socios in arma ait concitasse; M. Scaurus, princeps senatus, negat: testis nemo est: utri vos, Quirites, convenit credere? Hac enim voce effecit, ut iudices, quem absoluturi erant, si pronuntiandum fuisset, ab ejus accusatione depellerent Varium. Res est profecto parum expedita, de qua tamen forte ista, non præter rem annotari

l. 14. c. 2.

Afcon. Pedian. in orat. Cic. pro Scauro. Val. Max. 3. 7. 8.

Quintil. in 8. orat. 5.

12.

possunt. *Primo* enim, *judici*, qui non est *summa potestate* *judicandi* *præditus*, non licuerit uti hoc ordine *judicandi*, nisi *lex* aut *consuetudo*, *legis auctoritatem* *nata*, aut, sicut in nonnullis *tribunalibus* *obtinere*, *præjudicia* id *permittant*, neque ignoravit *Caro*, qui à *majoribus ita traditum observatumque*, dixit. *Deinde*, *præcipuum difficultatis* in eo *versabitur*, si *quæramus*: *periculosisne sit*, *reipublicæ*, si de *probationibus rei gestæ innocentem causam* *cadere contingat*; an, si *judicio*, quod de *facto instituitur*, *substituatur censura de moribus*. Quamquam, si *porro*, in *consuetudinem* aut *legem res iverit*, *utilitatis quæstio cessat*: neque *deest*, quæ *legem* aut *consuetudinem tueatur*, *æquitas*. Denique nequaquam *negligendum est* *judicium Quintiliani*, qui ad *probationes* *admirandas sive ex affectibus ductas*, *causam Scauri* *retulit*. cui *generi*, *omnis*, in *auctoritate dicentis*, id est, in *externo robore*, *vis est*. itaque *magis fortuna ac eventu*, quam *ratione proficit*.

de rep. ult.

*Vicinior est quæstio*, quam *Bodinus* in hunc modum *trahat*: *An si res gesta non nisi Principi aut magistratus cognita est?* Respondet: *testem quidem agere utrique licet, judicem non licet*. Quod ita crude dictum, *admitti nequit*, si *præsertim de eo Principe sermo sit*, *penes quem est suprema judicandi potestas*. quem *sua scientia non excludit*, sed *obligat* *judicis officio*: imo *interdum efficit*, ut *repræsentare statim liceat maleficio supplicium*. *Exempla quoque Bodini*, *valde discrepant*: neque *accurate explicantur*. *Primo enim*, *præfidi Bononia*, qui *sine teste eadem admitti viderat*, ab *Azone consulto ita responsum*, *refert*. *Postea addit*: *Idem responsum est Henrico II. Regi Francorum à iudicibus*, qui *extra ordinem Meloduni varias cognitiones susceperant*. *Rex Italum familiarem in capitali scelere deprehensum*, in *carcerem duci iussit*. Is *tædio carceris ex albo reorum eximi*, ac *vinculis solvi*, quando *nullius criminis convictus*, ac *ne accusatus quidem esset*, *desideravit*. *Prætor itaque curiæ cum tribus iudicibus Regem adeunt*, *causam iræ requirentes*. *Rex offensus iudicibus*, quasi *fidem suam in dubium vocantibus*, *iuravit*, se *hominem in nefario facinore deprehendisse*.

Miri-

Mitigavit animum Regis Annas Mommorancius magister militum, cum diceret; non mirari se, quod infamiam metuerent judices, si ministerio supplicii potius, quàm religione jurisjurandi officium suum metirentur. subtrahendam deinde rumoribus vulgi, ad nova stupentis, materiem, suasit. ita nocte infecuta reus, jussu Regio, flumine demersus, facinoris pœnas luit. Quomodo hic idem responsum est Regi, quod Azo respondit magistratui? Magistratus enim, præter formulam præscriptam, judicare nihil potest. nisi quod hoc ipsum formula includi forte contingit, ut judicet in eo genere causæ, quod tetigimus. Illi autem judices Galli suæ religioni metuebant, non autem regis potestatem detrectabant. Potuit Rex uti, & usus est jure suo, absque ope magistratum & inferiorum judicum. neque ei controversia ob eam causam moveri potuit. Judicibus interim facile ignoscendum videbatur; nisi potius laudandos dixeris, quod præscriptâ formulâ, quatenus jurisjurandi religio inesset, ex tempore solvi se posse non putarent.

Chilonis Lacedæmonii factum, in causâ amici, à Gellio memoratum, brevitatis studio non disquirimus, quam multa sane & elegantia in eo genere occurrunt: sed non obiter dicenda. lib. i.

Properamus enim nunc ad *tertiam partem jurisdictionis*, quæ in exequendo quod statutum est versatur. Sicut autem *jurisdictionis* vocabulum nequaquam ad magistratus solos restrinximus; ita *imperii meri & mixti* vocabulis, varie explicatis, sæpe & implicatis, satius est forte abstinere: nisi velimus illo significato acquiescere, qui philosophiæ maxime consentaneus à Lampadio declaratur. Solent fere in hunc locum congeri regulæ de coercitionibus, & suppliciis: quas nihil attinet repetere. Ad cogitandum tamen & disquirendum ista consignamus: Impleveritne *judicii officium*, qui statuti juris aut pronuntiata sententiæ executionem intermittit? vide exemplum Papirii Cursoris apud Livium. An *judex Christianus*, statim à pronuntiata sententiâ, supplicium capitis irrogare possit? An is quem supplicio capitali afficere decrevit

*De const.  
Imp. Rom.  
part. 3. c. 15.  
§. 31. & seqq.*

*l. 9. c. 16.*

judex, aut afficiendum ex evidentia facti, novit, diuturno carcere detineri jure possit? An immanes illæ pœnæ, quibus ita excarnificantur homines ut se mori diu sentiant, utilitate exempli satis excusentur? An secreta supplicia, statim tyrannidem spirent, quod quidam statuant? An Flaminius inter cœnam reum capite plectens, in gratiam meretricis, quæ nunquam se vidisse decollari hominem dixerat, majestatis crimen commiserit? aut, si hoc negatur, quod crimini huic nomen dandum? Quomodo accipiendum & explicandum sit illud Asconii Pediani: Qui potestatem suam in administrando non defenderit, imminuti magistratus, veluti majestatis læsæ reus est? An ex dicto Caracalli, quando Papi- niano securi percusso, percussori dixit, gladio te exequi oportuit meum jussu, Goveanus recte colligat, plus acerbioris in gladio, quam in securi fuisse? An perpetui carceris aut fustigationis pœnam, morte redimere optanti, optio concedenda sit? Quale sit peccatum Pauli III. Pontificis, qui hominem morte affici jussit, quia sibi adhuc Cardinali parricidium confessus esset, quamvis constanter negantem? An tota multitudo supplicio affici possit? An decimatio probari debeat? An in crimine majestatis magistratibus aut extraordinariis judicibus, liceat, totum judicium, rationibus magis suavis & politicis, quam juridicis & legitimis gubernare; obtentu publicæ securitatis? An ullo casu defendi possit, si sacra Regum capita gladio aut securi feriantur? Hæc inquam, & similia multa, hoc loco considerari possent, nisi modus adhibendus scriptioni esset, quæ ex amplissima materia aliquid decerpere, & ad rationem judicandi, tum in unius, tum in plurium imperio, annotare constituit.

Accedendum nunc est ad comparisonem Pisonis, quando apud Tacitum existimat: vera aut in deterius credita, judice ab uno facilius discerni, odium & invidiam apud multos valere. Ea enim res nos ducit ad considerationem judiciorum in diversis reipublicæ formis, aut etiam in una aliter atque aliter administratorum. Ac in regno quidem, ut alia omnia, ita etiam judicia, expeditius, præsentius, liberius conficiuntur. Ecce, ubi ab unitate discessum est, etiam in duobus, dissidia occurrunt. E primis Romanis consulibus, Brutus damnabat conjuratos; collega alter

Col-

M. Sen. con-  
trov. l. 4.  
contr. 25.

in Verr. de  
prat. verb.

ap. Spartian.  
in Carac.  
cap. 4.



Collatinus paris potestatis obtentu, absolvebat. in anti- *apud Dion.*  
 piti respublica erat. Unde & in S. lireris, non tantum *Halicarn. l. 5.*  
 exemplo judicii Salomonis, sed notabilibus sententiis judi-  
 cii regii vigor laudatur. Notum est illud: *Rex, qui sedet in folio* *Proverb. 20.*  
*judicii, dissipat omne malum intuitu suo.* Rex qui consedit ju- *8.*  
 dex sine æmulo, sine consorte, sine arbitro; dissipat malū  
 absq; contradictione absq; disputatione, absq; impedimentis  
 vel juris vel facti. Intuetur enim oculo perspicace; cui alic-  
 nos colores offerre, nec tutum, nec facile est. Et quando  
 Spiritus S. vult describere & ob oculos ponere τὸ ἀνεπί- *Epist. l. 322.*  
 καὶ ἀπλάνης καὶ μηδέν τῆς δίκης, juxta Isidorum Pelusiota, *Ps. 101, 6, 7.*  
 collocat Regem in folio, in cujus conspectu non consistunt *Et 2.*  
 mendaces, & qui matutinus adest, ad perdendos impro-  
 bos. Jam, quotiens æquitari via & ratio datur, unius ju-  
 dicio facile explicatur. Id in animo habuerunt, qui a-  
 pud *Livium* inani proposito, sententiā minime vanā ita di-  
 sputant: *Regem hominem esse, à quo impetres, ubi jus, ubi in-*  
*juriam opus sit: esse gratia locum, esse beneficio; Et irasci Et ignoscere*  
*posse, inter amicum atque inimicum discrimen nosse.* Deges (secun-  
 dum quas scilicet multi judices judicare tenentur; de plu-  
 rium enim regimine hic sermo est) *rem surdam Et inexora-*  
*bilem esse, salubriorem melioremque inopi quam potenti; nihil la-*  
*xamenti nec venia haberi, si modum exceßeris.* quæ nude acce-  
 pta facile refutaveris, nisi ad comparationem aptari me-  
 minerimus. Sed hæc unitas judicis, si dicendum, quod  
 res est, facilius optatur, quam obtinetur, inter mortales.  
 Finge unius imperium. Is, nisi optimus plane sit & sa-  
 pientissimus (quales pauci semper humanis rebus conti-  
 gere) non poterit ubique omnia omnium justa noscere:  
 sed adhibebit consiliarios. Imo, quis est ille tanta sapi-  
 entia fiftis, qui non cupiat prudentium virorum consilia  
 audire, aut sibi necessaria credere? Ergo ab uno jam ad mul-  
 tos devenitur. Quæ sicuti verissime dicuntur, ita adhuc  
 tamen magna unius judicis, in unius imperio, excellentia  
 ostenditur, quod multi quidem censere ac sententias di-  
 cere, unus autem decernere ac definire, possunt. Ille unus,  
 si prudens est, facilius vera à falsis discernet, ut *Tacitus* ait:

si non malus quidem, sed consilio negotiis impar, jam nomine *Unus*, revera *multi* debent judices existimari. Si prævus est, & tyrannus, qui unus judicandi potestatem habet, tum invertitur votum Pisonis, & ab uno ad multos, non provocatio quidem, sed optatio, fieri solet.

*Odium & invidiam apud multos valere, contingit (quis enim negaverit?) nisi legibus accurate & severe latis, hi animorum motus compescantur. Quo major judicantium multitudo, eo majus periculum: & ubi judicia populi sunt, maximum. Testula Atheniensium facit, ut demonstratione nulla sit utendum. Nec Romana historia caret exemplis eorum, quibus nullam sua innocentia opem tulit. Sed, ut cœpi dicere, legum auxilio ordinari possunt, quæ sibi relicta aberrant. Unde, si palam dicuntur sententiæ, disciplina singulari opus est. Sin tacita feruntur suffragia, ipsa latendi fides, perturbationibus apud plebsque conceptis, favere videtur. Quoto enim cuique eadem honestatis cura secreto, qua palam? inquit Plinius. Unde tam solícite monet Cicero judices in Rabiriana: quid deceat vos, non quantum liceat vobis, spectare debetis. si enim, quid liceat, quaritis, potestis tollere è civitate, quem vultis. tabella est, qua dat potestatem, occultat eadem libidinem. cujus conscientia nihil est, quod quicquam timeat, si non pertimefeat suam. Et quantum odia ac invidia in multitudine judicum possint, ubi semel à lege & probis moribus recessum est, satis magno exemplo dequeritur Sallustius: Judicia, tametsi, sicut antea, tribus ordinibus tradita sunt, tamen iidem illi factiosi regunt; dant, adiungunt, qua lubet: innocentes circumveniunt: suos ad honorem extollunt. non facinus, non probrium aut flagitium obstat, quo minus magistratus capiant: quod commodum est trahunt, rapiunt: postremo tanquam urbe capta, libidine ac licentia sua, pro legibus utuntur.*

Ep. 3. 30.

cap. 5.

Orat. 2. de  
rep. ord.

Sed videbimus, quomodo Pisoni ceciderit votum suum, quique totius causæ exitus fuerit. Cum enim petatum esset à Principe, ut cognitionem exciperet, reo non invito, qui studia populi & patrum meruebat: Tiberius, invidiæ & suspitioni obnoxiam rem cernens, per  
imagi-

imaginem quandam cognitionis, paucis familiarium adhibitis minas accusantium, & ex parte rei, preces audit. nullaque sententia pronunciata, integram causam ad senatum remittit. Incedebat enim fama, quasi Tiberius ipse Germanico in externas terras quasi relegato, causa mortis per Pisonem hunc Syriae legatum fuisset. Maluit itaque Senatui negotium permittere: integrum scilicet judicium utrique parti ostentans. Quare & in curia meditato temperamento disseruit: integris animis dijudicandum: discordia ne reus an veneficio in Germanicum peccasset; res novas molitus esset, an intra hoc crimen deliquisset: neque enim objecta crimina pro approbatis accipi, fas esse. Hæc ad Senatores, tanquam ad judices, in curia enim de morte Germanici inquirebatur. Accusatores Pisonis, monuit, ut temperatis nimis in Germanicum studiis, quantum tamen labore & constantia possent, causam agerent. Patronis rei itidem animum addidit, ut periclitantem juvarent: ne que eloquentiæ aut curæ quicquam omitterent, si quid haberent, quo innocentia ejus sublevari posset. Est hæc oratio inter præcipua eloquentiæ Tiberianæ, profundis regnandi artibus destinata, specimina, uniceque id agere videtur, ne odium & invidia apud multos in judicando valeant: quod Piso metuebat.

Tac. 2. d. 32.

&amp; Suet. Tib.

52.

Crimen Pisoni duplex intentabatur: veneficii in Germanicum; & læsæ majestatis, petiti armis republicæ. In priori crimine, loco probationis assumebatur etiam, quæ antea exuto in Germanicum imperatorem suum obsequio, contumacia & contumeliis ac pravis certaminibus peccasset. Hæc sicut infirmari reus non poterat, ita veneficium visus est diluiffe. Quanquam interim ex patrum plebisque animis eximi non poterat suspicio, fraude profecto infidiisque Germanicum interiisse, ministerio Pisonis. In altero crimine, abunde demonstratum est, læsam à Pifone rempublicam, & bellum provinciæ illatum, quod nec postremis ad Principem literis negare ausus est.

Quanquam autem, per ea, quæ probata ac evicta sunt, exitium Pisoni imminere, nullo modo dubitari poterat,

erat,

tatem, id est, ut gentilibus philosophari mos est, mixtam bonis malisque indolem agnoscat. Nobis, si clarius agendum sit, diceretur ingenium ad bona non ineptum, sed ad omnia mala propensum; quod rebus adversis aut metu coercitum forte improbitatem velaverit; potentiam autem & divitias & fortunam non nisi male usurpaverit. Talia ingenia si plus acrioris spiritus & vehementiæ habent, in acerbitatem tyrannicam exeunt; si mobilitas prævalet & vanitas, in luxum, libidines & lutulenta illa, quæ Cicero appellat, vitia prolabi solent.

Unde non mirum est, quod Antonius arma exosus in otio agere, & Cleopatra sinu se reficere, mulierisque Ægyptiæ mancipium Romanus imperator fieri non sustineret modo, sed præoptaret, tam insano amore & immodico, ut προθήκη τῆς γυναικὸς, tanquam additamentum sive appendix Statua illius Venerea, contumeliose à Plutarcho appelleretur; & cum interpretatione, ἐλκόμεν & ὑπὸ τῆς γυναικὸς, ἀσπερ συμπερικλῆς & συμμειλιχρόμεν, trahi à femina tanquam agglutinatius nec alio quam ipsius motu mobilis; dicatur. Et inter hæc tamen, non minore vecordia, quam ignavia, dominationem agitabat, ac muliereulæ suæ pretium luxuriæ Romanum imperium promittebat; plane quasi sedendo & oriando vinci Cæsar, aut Romana virtus debellari posset; quod signanter exprobrat Florus. Atque hinc speciosus Cæsari prætextus subnatus est, ut posset in senatu Romano dicere: *Antonium philtris fascinatam non virtutem modo viri sed rationem hominis insuper exuisse.*

Cæsar enim, jampridem consilio opprimendi Antonii agitato, postquam segnitie adversarii, suas vires, quas Antonius facile potuisset prævertere & dejicere, convalescere animadvertit, serius venienti bello, mature occurrere statuit. Nec difficile illi fuit Senatum Populumque in partes trahere, & efficere, ut bellum adversus eum decerneretur, qui patriæ mores exuisse, patriæ jura violasse, majestatem imperii femineæ ambitioni prodidisse, adeoque pro hoste publico omnia fecisse videbatur. Id ut certius approbaret Cæsar, testamentum, quod is Roma etiam

lib. 50.

*de Cleopatra liberis inter heredes nuncupatis reliquerat, aperiendum recitandumque pro concione curavit, notante Suetonio Aug. 17. Indignum id nonnullis visum (sicut Plutarchus memorat) quod vivo cuiquam ratio esset reddenda eorum, quae post mortem voluisset fieri, neque sanctitati supremarum voluntatum ita satis consuleretur. Sed indignitas rei, omnem facti, alias iniquissimi, invidiam sustulit; quod non omisit Dio.*

Videamus nunc ipsa rei gerendae consilia ac instrumenta. Res suadebat ipsa, ut terra potius quam mari bellaret Antonius; quippe & ipse terrestrium certaminum peritus, navalis belli rudior erat, & exercitum similiter affectum habebat; & consilio suorum, ne per incerta maris suam fortunam volveret, flagitabatur. Id Canidius dux robustissimarum legionum, explicatis consilii rationibus hortabatur: id ductor quidam cum lacrymis precabatur, cum sub ipsum discriminis tempus Antonio occurrens, ostensis cicatricibus suis, diceret: *Quid? an dissidis Imperator his vulneribus, his manibus; & in fragilibus lignis fiduciam ponis? Aegyptii & Phoenices bella mari committant; nobis permitte terram, in qua assuevimus occumbere aut vincere. Plutarchum vide in Antonio.* Tam bonis ille consiliis praetulit muliebrem, & deterius. Quippe magistra Antoniani belli Cleopatra malebat navali praelio decernere, ut suarum quoque, quas adduxerat, navium aliqua esset opera & gloria.

Jam ipsarum structura navium, quam inhabilis ad militiam, quam inepta ad victoriam? Celeritate constat navalis militia: neque ulla re alia quam mobilitate, equestri pugnae est similior. Unde illa ipsa moles, navium Antonii, quae non sine gemitu maris & labore ventorum ferebantur, exitio fuit. Accessit, quod socios navales habebat plerisque ineptissimos, & de via & rastro passim correptos. At vero Caesar meliore in omnia consilio, non modo naves habiles in ea quae usus poscebat, & ad impetus, recursus flexusque capiendos (sicut Florus eleganter formam navalis certaminis designat) aptas comparaverat: sed etiam remi-

miges firmissimos instruxerat & exercitatissimos : sicut præter Dion. & Plutarch. refert Velleius 2, 84, 2.

His utraque parte, ad hunc modum comparatis, quis non conjectura, imo certo pæne judicio præciperet cum Velleio, certaminis eventum? Sane non defuit Antonio militum fides virtusque : sed fortissimos milites, ducis & consilium & exemplum destituit. quippe cum Cleopatra præcoci & muliebri fuga se discrimini subduceret, Antonius maluit fugientis dominæ (proh dedecus!) quam pugnantis exercitus comes esse. Quanta rerum vicissitudo! pro fugitivo duce, constantissime dimicat proditus exercitus : & dum ille fugacissimi militis officio fungitur, milites optimi imperatoris munia obeunt : quod cum diæterio, non minus vero, quam censorio Velleius judicat.

2, 84.

Præcipua pestis Antonianos, ignibus à Cæsare in naves jactis, afflixit; horribilique incendio, quod fuscæ & facundæ Dio exequitur, multavit; quippe cum aqua marina ad delendum ignem minime esset idonea. Sequioribus annis, sub Constantino Pogonato Callinicus architectus adversum Agarenos ignem reperit, teste Zon. r. 3. qui injectus navibus aut ædibus nulla re, præterquam aceto, extingui poterat. Græcis ὑγρὸν πῦρ, humidus ignis; Aliis Græcus ignis appellatur, quia in Græcia inventus. Nicetas Choniates ita describit : ὑγρὸν πῦρ, ὃ τοῖς σέγυσιν ἐρυπνὺν σκίνοισι καὶ τὰς ἀσβεστιάς ἐξάφνης προΐησι τὰ ἐξάλματα, καὶ πλεονὰ καθ' ὃν διακρίπτον ἀφίηται. Græcus ignis vasis celatus, mox fulguris ritu profiliens & emicans, quacunque contigerit, incendit. Certe maximæ res tali commento, ex eo tempore, confectæ passim leguntur. Notavit de hoc igne aliquid Majolus in

collog. 22.

Cæsar parta feliciter victoria, strenue utendum ratus, ordinatis in Italia rebus (vide Dionem) infecutus est Antonium & Cleopatram, varia jam de reparandis viribus agitantes. Sed quid fidum esse poterat in femina, cui omnia honestate potiora? In aperto valde satagit pro Antonio

lib. 51.

Ingens ex his rebus gloria Ventidium secuta, eo fuit illustrior, quia olim in triumpho Pompeji Strabonis ductus, postea primus Romanorum de Parthis triumphavit id quod *Velleius* etiam miratur, 2, 65, 5. Sed & *Tacito* dejectus infra *Ventidium* *Oriens* memoratur, *Germ.* 37, 6. Quanquam maxima pars ejus laudis ad Antonium redundavit: cujus gloria ap- gentes barbaras nulla re magis crevit, quam industria & felicitate ducum. quod *Appianus* non indictum reliquit, in *Parthicus* p. 157.

*Dio* 49. p. 462.

Antonii in hoc bello errata compluria sunt. Ante omnia magnum sibi dedecus & rebus Romanis damnum conscivit, quod neglecta omni temporis opportunitate, cum res postularer industriam & viriles curas, ipse amoribus *Cleopatæ* per ludum & otium vacavit, magnaue securitate belli non jam metus sed tumultus transmissit. *μεγίστην ὁλοὴν ἀγούσας διατειβαῖς καὶ παιδικαῖς χρώμενος, ἀναλίσκων καὶ καθήδυνάων τὸ πολυέλεστον ἀνάλωμα, τὸν χρόνον: non aliter scilicet quam ad instar otiosi ac ludentis pueri, tempus, cujus pretiosissima jactura est, perdens atque per ignaviam atque luxum conterens.* quod signanter *Plutarchus* in *Antonio* notat.

Jam quale est, quod Ventidio tam præclare ac feliciter omnia agenti invidit? Ventidius, ut antea tetigimus, ad Antonii gloriam sua facta referebat: Antonius ob res ductu Ventidii gestas summis publicisque honoribus afficiebatur: tamen per invidiam officio tam egregium hominem demovit, neque ulla in re postea eo usus est, si *Dioni* credimus, qui ista narrat. *Plutarchus* & qui eum exc- scribit, *Appianus* nihil aliud, quam honoratum ex merito *Ventidium* memorant: Sed *Dionis* narrationi facile fidem habebit, qui de ingenio Antonii invido, deque ipso Ventidii metu cogitabit. Dissimulaverit sane invidentis animi malignitatem circa honores triumphi: de cetero, & re ipsa usurpatam, nihil dubito. Itaque tali exemplo cautior factus *Sossius*, cum *Syriæ* præfectus esset insequente anno, non id egit, ut rebus præclare gestis invidiam Antonii mereretur, sed ut inertia & otio gratiam ejus obtineret. *Dio* rursus l. 49. pag. 463.

*lib.* 49. p. 462.



4, 10.

Constituta jam pax erat inter Parthos & Antonium, non illa quidem valde honesta, sed quam Antonius sibi judicasset necessariam: cum immensa vanitas Antonii, dum titulorum cupidine, Araxem & Euphratem sub imaginibus suis legi concupiscit; neque causa, neque consilio, ac ne imaginaria quidem belli indictione, quasi hoc quoque ex arte ducis esset, obrepere; relicta repente Syria in Parthos imperum facit. Hæc enim Antonii ~~causa~~ in suscipiendo bello notat Florus: idem, qui totum hoc caput erratis ejus disponit ac distinguit. Parum ex gravitate, & arte ducis factum: quod sine causa nova & idonea, sola cupidine gloriæ; itemque quod sine indictione arma in Parthos convertit. Vide, quæ de indictionibus ejusmodi olim requisitis annotat H. Grot. 3. de jure bell. & pac. 3, 5. & 6. & Selden. de jure natura & gentium secundum disciplinam Hebraeorum lib. 6, 12.

4, 10.

Neque melius gerit bellum, qui male suscepit. Hic enim statim Plutarchus, & exinde Appianus tradunt; ingentis apparatus exercitum Antonii cunctatione, dum in Cleopatrarum amores intentus, curas belli posthabet, inutilem redditum, destinataque occasionem invasionis secure transmissam esse. Prolixior est, quam quæ huc transcribi debeat, observatio, qua Antonio, quid facere debuerit, ostendunt; quid non fecerit, exprobrant. Nunquam peritis militiæ consilia impetu potius quam ratione capta placeant: quo nomine rursus offendit Antonius, dum relictis machinis, speratam frustra ex super-ventu repentino victoriam turpi clade duarum legionum, amissioneque instrumenti bellici permutavit. Notatus ille error Dioni & Appiano; ipsique Floro qui temeritatem ducis satis graviter reprehendit.

Imprudenterne reliquerit machinas, an sine machinis Praasporum obsidionem aggressus fuerit, vix discreveris. Factum est certe, ut obsessor ipse obsideri videretur, longeque majora, quam obsessis inferre poterat, damna acciperet. Interim, ne nihil ageretur, intempestiva iracundia sævit in milites, donec omnibus impro-  
spere



spere tentatis, turpius recedit ab obsidione, quam accesserat. Ecce enim: Hosti subdolo, & jam simili fraude decepto, decipiendum se, velut extalione, præbet: imagineque pacis delusus, operibus quoque ad obsidendam urbem comparatis, sicut erant, remanentibus, abijt: atque ita mox incensis operibus, pro illa stolide captata pace novam in se belli molem vertit; qua mirum in modum exhaustus & debilitatus: amissaque non minus quarta parte militum; calonum, servitique tertia, impedimentis omnibus, vix casu & fide cujusdam captivi servatus est, quem imprudentia internecioni tradidisset. Confer cum *Floro* & *pradiſtis*, *Velleium* 2, 82.

*Dio* 46. p.  
466. & 467.

Atque licet inter hæc aliquoties vicerit Antonius, tamen victoriæ illæ nihil efficax, nihil firmum habebant. Parthus enim furtis belli & mobilitate quam statario congressu melior, cum magno Romanorum labore repulsus esset, paucos amisit, hostisque insequentis manum facile effugit. αἱ δὲ νῆμαι καὶ ἐν ἑσπέρῳ, ὅτε βεβαύθη, μικρὰς πομπὰς καὶ ἀτελεῖς τὰς δυνάμεις. inquit cum *Plutarcho* *Appianus*. Neque fortunæ tantum adscribi debet, quod tam nobilis exercitus varia itinerum vexatione & clade absumtus est. sicut præter *Florum*, hætenus totiens nominati scriptores prodiderunt. Fuisse aliquam in duce culpam, exemplo Xenophontis declaratur; qui decem millia virorum multo longiori itinere à Babylonia ad mare feliciter, sine noxa, nec citra nobiles victorias duxit. cujus rei consideratio, confessionem erroris extorsit Antonio, ut subinde inclamaret, ὁ μὲν οἱ. *Plutarchum* vide; qui etiam miseras exercitus multiplices, *Floro* obiter perstrictas, paulo diligentius descripsit.

4, 10, 8 & 7.

Audaciam & temeritatem ducum, plerumque infelicitas, infelicitatem desperatio sequitur. Hinc est, quod Antonius à liberti cujusdam Rhamni manu interitum expostulavit: qua ipsa in re parum egregii ducis officio functum autumat *Florus*. sicut nec constantiæ viri cordati conveniebat, p̄x summa animi dejectione, in vecordem elationem temeraria mobilitate transferri: quasi vicisset, qui

invitamenta exequi Tiberius : *nobilitatem domus ; etiam ipsius patris , quoquo modo meriti , gravem casum* ( αὐτοκαταστροφήν intelligit ) *miseratus*. Et poterant hæc pronis utique auribus accipi , apud homines æquitatis nec imperitos , nec incuriosos : ut sententiæ ratio constaret , qua Piso filius ignominiae exemptus , nec paternis bonis exutus est.

Gravior fuit Plancinae invidia , mariti in Germanicum insidiis ac discordiis pervicacius immixtæ. Augebat dolorem civitatis , deprecatrix Livia Tiberii mater : cujus odia in Germanicum , & verum Augusti sanguinem , secreto optimi cujusque questu differebantur. Quare Historicus , Tiberium cum pudore & flagitio pro Plancina differuisse , cum matris preces obtenderet , animadvertit. Sed nihil ad veniam in animo Tiberii & Liviæ validius fuisse , quam conscientiam secretorum aulæ , satis licet credere : nemine vel tunc vel postea reperto , qui persuaderi sibi pateretur , inimicitias Pisonis & Plancinae in Germanici domum privatis auspiciis exercitas fuisse. Unde & totum hoc iudicium , plus speciei , quam fidei habuit : Pisonisque spes non immerito in irritum cecidit , quando ab UNO , à quo inter conscientiam sceleris & infamiam nec amari nec defendi poterat , judicari desideravit.

## XVIII.

D E

## L E X I C I S

Veteturum Græcorum , ex Photio potissimum σχηδίασμα.

**I**N Bibliotheca sua , ut aliarum literarum & doctrinarum , ita librorum , qui de verborum significationibus agunt ( Græci *Lexica* vocant ) pereruditam notitiam consignavit Photius.

Eam annotationem , si quis tanti Scriptoris iudicium sequendo , partiri velit , ista fere *Lexicorum discrimina* inveniet:

M m m m

niet:

niet: ut *alia* singulas voces sibi proponant; *alia* commatis, colis, & multifaria rerum cognitione abundant. *Quibusdam* unum stili vocumque genus, curæ est: quædam plura miscent aut comparant. Distinguuntur autem varie vocabula; ut, *nationibus*; ita Attica, Jonica, prodierint Lexica: *Scripturâ*, sic Poëtæ, Historici, consuetudo vulgaris, sua habent vocabula: *formâ*; quasi quis de peregrinis aut barbaris itemque dubiis, scriberet: *charactere* sive *idea*: sic pura, gravis, civilis oratio suas sibi voces optat: *Auctoribus*; ita *Platonicas voces*, & *decem Rhetorum Lexicon* novimus. In omnibus autem ejusmodi Lexicis spectatur *Auctoritas*, *Copia*, *Ordo*. Illi testimonia probatissimorum Scriptorum serviunt; *ista*, pro instituto modum habet: *hic*, vel literis vel rebus disponitur. *Literarum* seriem plerique sequuntur, vel earum quæ inchoant tantum vocabula, vel syllabas priores discriminant. *Rerum* ordo in *Pollucis Onomastico* observatus est.

*Explicatio* vel concisa & brevis additur, vel uberior seu *φιλολογικώτερα*: quâ nonnulli ad modum perfecti commentarii progressi sunt, sicut mox noscetur.

Primum est ex iis, quæ nominatim commendat *Photius*, *Helladii Lexicon*: quod inter ea, quæ cognoverit, maximum fuisse ait. Nec *vocibus* tantum constabat, sed aliquando *elegantibus orationis membris*, *minoribus majoribus adornabatur*. Verum Græca elegantius describunt: ἢ λέξιων δὲ μόνων ἢ συναγωγῇ, ἀλλ' ἐνίοτε καὶ κομμηλικῶν τιναυ χάριτας λόγων, καὶ εἰς κόλυ πολλὰς σύνθεσιν ἀπαρτιζομένων. *Ordo Alphabeticus*, quoad literas incipientes verba. Est *Lexicon pedestris sermonis* non ligati. *Testimonia* tamen non tantum oratorum, sed & probatorum Poëtarum adducuntur. quatenus scilicet auctoritas & usus linguæ spectatur, non quatenus Poëtæ quædam ponunt, extra carmen non habitura locum. Qualia *Diogenianum* ait collegisse. *Utile* ait opus, *Scribentibus*, & *πολυμάθειαι*, *variâ eruditionem amantibus*.

Sequitur *Lexicon τῆς καθαρᾶς ἰδίας*, *Pura Idea*; nullo auctoris nomine expresso. *καθαρότης* puritas (qua voce ne ū quidem abstinere potuerunt, qui ut parum Latinam notarunt)

runt) pars est σαφήνειας. Σαφήνειαν γὰρ τὴν λόγῳ ποιῆσαι ἑκρίνα, καὶ καθαρότης, inquit *Hermogenes*; qui primo de Ideis prolixè καθαρότητα explicat. Cumque duplex sit Perspicuitas, rerum & verborum (notante *Quintiliano Instit. orat.* 8. 2.) ad hanc posteriorem καθαρότης refertur. In hoc genere *Lysias* olim præcellebat, καθαρὸς τὴν ἑρμηνείαν πάντῃ, ut *Dionysius Halicarnassensis* de eo loquitur; pleniore mox elogio testatus, hac præcipue eloquentiæ laude, qua putam facit orationem, neminem in posterum repertum, qui *Lysiam* superaret; imo, excepto *Isochrato* (qui & ipse purissimus) neminem, qui imitari posset. Sed Græca dulcius leguntur: καὶ τὸ το μὲν δὴ τὸ μέγῃ ὅσπερ ἐστὶ πρῶτον καὶ κυριώτερον ἐν λόγοις, λέγει δὲ, τὸ καθαρεύειν τὴν διάλεκτον, ἵθαὶς τῶν μεταγενεστέρων αὐτὸν ὑπερβάλλῃ. ἀλλ' ἔδὲ μιμήσασθαι πολλοὶ δύναμιν ἔσχον, ὅτι μὴ μόνῃ *Iσοκράτῃ* καθαρῶτα δὴ τῶν ἄλλων, μέγα γὰρ Λυσίαν, ἐν τοῖς ὀνόμασιν ἔτῃ ἐμοὶ γὰρ δοκεῖ γενέσθαι ὁ ἀνὴρ. Hujus ergo ideæ sive formæ orationis qui studiosus sit, eum *Photius* ait *Lexico*, quod laudavit, rectissime usuram.

Inde ponit Λεξικὸν σιμωνῆς ιδέας, *Gravis stili*: mole itidem magnum, ut priora; utile futurum iis, qui sublimi orationis gravitate delectantur; τοῖς εἰς μέγαδ' καὶ ὄγκον ἐπαίρειν τὸς λόγους ἐν τῷ συγγράφῃ ἐθέλουσιν. Σιμωνότης sive gravitas est pars eorum, quæ efficiunt magnitudinem, amplitudinem, majestatem orationis, ἀξίωμα τῷ λόγῳ καὶ μέγαδ'. *Hermogenes* sex hujus generis partes habet: σιμωνότητα, περιβολὴν, τραχύτητα, λαμπρότητα, ἀκμήν, σφοδρότητα. De quibus ordine singulis pertractat. Inprimis autem quæ ad χαρακτηριστὰ σιμωνὸς pertinent, eruditissima subtilitate persecutus est *Dionysius Longinus*, in aureo περὶ τῆς ὑψους libello.

Succedit Λεξικὸν τῆς πολιτικῆς λόγῳ, *Lexicon Politici sive Civilis sermonis*. Quis autem λόγῳ πολιτικῷ, habendus sit, <sup>2. de Ideis.</sup> præ ceteris, ut solet, accuratissime *Hermogenes* explicavit; ex omnium idearum mixta beneque, contemperata ratione eum formans; distinguensque, tum quatenus in se, ut talis, spectatur; aut comparatione præstantiæ, sive denominatione certi Auctoris describitur: tum, quatenus vel in deliberando, vel in actione forensi, vel in panegyrico ge-

nere locum habet. Fuisse autem *ingens* opus Lexici hujus, Photius asserit, atque hoc elogio prosequitur : αὐτὴ ἡ πραγματεία πάνθ' ἐστι μὲν ἐν πολλῇ, κατορθωθῆναι δὲ χρησιμωτάτη, καὶ εἶναι δὲ εἰς ἀντίληψιν, ἥτις ἄλλη. Andreas Schottius vertit : Utilissimum (opus) si quod aliud, ad praeclare rem suam agendam, & ex quo facillime objectiones suppetant. Unde colligitur, delictum apparatusque rerum singularem, verborum explicationi adhibitum fuisse. Imo requiritur in sequentibus, ut antiquos Scriptores jam versaverit, qui velit hoc Lexico feliciter uti ; in quo non discere primum verba, sed eligendo ἀποσημειώσθαι denotare oporteat.

Memoratur hinc Pollionis Lexicon : cui plurimas in esse Poëticas voces, ait Criticus. Notitia hujus Scriptoris talis extat apud Suidam in Diodoro, qui filius ejus fuit : Διόδωρος Ουαλέριος ἐπικληθεὶς φιλόσοφος, μαθητὴς Πηλεκεῖος, Ἀλεξανδρεὺς. Υἱὸς Πολίωνος, τοῦ φιλοσόφου, τοῦ γραμματικοῦ τὴν ἑλληνικὴν λέξιν. Diodorus Valerius cognomento, Philosophus, discipulus Teleclis, Alexandrinus : filius Pollionis Philosophi, qui scripsit Atticam dictionem. Fuerit ergo hoc Lexicon Atticarum dictionum, quale infra Photius laudat : nisi quod hic plurima Poëtica fuerint admixta, pauciora tamen quam in Diogeniani Lexico.

Sed Diodori illius mox ipse Photius facit mentionem, tria conjungens Lexica è Decem Oratoribus facta, Juliani, Philostrati Tyrii, & Diodori. Quia autem illi X Oratores erant Athenienses, hinc diligenter in Juliani Lexico reperiebantur annotata, quæ ad res Atticas, & mores Atticos pertinebant. Diodorum autem & Julianum, alterum ab altero descripsisse putat.

Cod. 151.

Interjecta deinde brevi descriptione, Lexici Platonici vocū, τῶν παρὰ Πλάτωνα λέξεων, auctore Timaō : commendat.

Cod. 152.

Aelii Dionysii Halicarnassæi Dictionum Atticarum libros, Ἀττικῶν ὀνομάτων λόγους. Laudantur in hoc λέξεις ἐπιχρησάμεναι, & τὰ ἰδιόρρητος λεγόμενα apud Athenienses : tum testimonia, quibus confirmantur. Hujus auctoritate Eustathius sæpe utitur in Scholiis Homericis ; ut & Pausania.

Cod. 153.

Cujus Lexicon itidem ad Atticos Scriptores spectat. Vnde suadet Photius, ut ex Aelii Dionysii & Pausania Lexicis unum con-

Idem

Idem consilium repetit mox, ubi Boëthi vocum Platoniarum collectanea, συναγωγή Πλατωνικῶν λέξεων; & alterum ejusdem opusculum περὶ τῶν παρὰ Πλάτωνα ἀπορριμμένων λέξεων de dubiis apud Platonem vocibus annotat, Timaeique libello conjungi jubet, ut fiat opus Platonis Lectoribus utile.

Putandus est & Dorotheus utilem sumfisse laborem, cum περὶ τὰν ἑξ ὧς εἰρημίων λέξεων, de vocibus externorum more usurpatis librum scripsit.

Subsequitur Μοῖσις ὁ ἀττικιστὴς, Mæridis Atticista, solo nomine hic designatus. Dicitur & Mæris Atticista. Andreas Schottus in margine annotat: Extare fertur in Vaticana Pontificis Bibliotheca. At Vir Illustris Claudius Salmasius, qui, ut ex sermonibus ejus non semel deprehendi, diligenter hunc Scriptorem legerat, in Commentario de Hellenisticis, ita notat: Mærem Atticista, quem se legisse in Bibliotheca sua testatur Photius, & qui hodie extat in multis Bibliothecis Gallicis & Anglicanis, in tota illa συλλογῇ, nihil frequentius notāvη quam differentiam nomenclum Atticorum & ἑλληνικῶν.

Ex iis ergo, quæ hactenus ex Photio commemorata sunt, Lexicis, primum hoc est, quod extat, quamquam nondum typis exscriptum. Ex sequenti autem Phrynichi Arabii magno σοφιστικῆς παρασκευῆς s. Apparatus Oratorii opere, parvam Epitomen reliquam habemus Petri Nunnesii cura editam. sive potius aliud opusculum hoc est. sicut ex Suida intelligere licet. Institutum scriptoris in majori illo opere, paulo fusius explicat Photius. in qua scriptione notatu inprimis digna est lex illa quam ipse sibi in scribendo Phrynichus posuit. αὐτὸς καὶ διακρίνειτο αἱ ἐπὶ τὰς συνελεγμένας αὐτῷ φωνὰς τῶν τῶν τρόπων. τὰς μὲν γὰρ αὐτῶν ῥήτορον ἀποδίδουσαι, τὰς δὲ τοῖς συγγραφεῖσι, τὰς δὲ συνεστῆαις ἐφαρμόζειν, ἰσῆας δὲ καὶ εἰς τὰς σκωπτικὰς ὑπάγεσθαι λαλιὰς, ἢ καὶ εἰς ἑρῶνικὸς ἐκφέρεσθαι τρόπους. Collectas à se voces ad hunc modum se aiebat discernere, ut quasdam earum Oratoribus, alias Historicis, quasdam familiari consuetudini tribuat: nonnullas autem convitiis proprias, aut amatorii rebus opportunas notet. Idem ex Auctoribus præcipue commendabat Platonem, Demosthenem, Aeschinem, inde Thucydidem, Xenophontem, Critiam, Antisthenem, Aristophanem, Aeschylum

*Sophoclem, Euripidem.* Bene, quod in ejusmodi opere demonstravit, quorum potissimum auctoritate Græci sermonis gloria staret.

Ceterum ex illis antiquorum Lexicis, quæ hodie supersunt, singulari eruditione *Pollucis Onomasticon X. libris ad Commodum Cæsarem*, præcellit. cujus egregiam editionem, anno hujus seculi VIII. *Wolfgangus Seberus Typis Wecheliani* dedit. *Suidas* ait, esse συναγωγήν τῶν διαφόρων κατὰ τὸ αὐτὸ λεγομένων, collectionem eorum, quæ diverse de eodem dicuntur. Ipse ita argumentum & propositum operis designat: *μνῆσι δὲ ὅσα τὸ συνώνυμα ὥς ὑπαλλάττειν δύνασθαι καὶ οἷς ἕκαστα ἂν δηλωθῇ. περιλοίστηται γὰρ ὁ τοῦτον εἰς πλῆθος, ὅποσον εἰς πᾶσιν ἑλλογῇ.* ostendit synonyma, quomodo permutari possunt, & quibus singula efferrī solcant. Neque autem tantum copia studuimus, quantum delectus venustati. Auctores securus est τὰς τὴν ἀκριβοῦς φωνὴν ἔχοντας, tersi accurratique sermonis usum habentes; tum qui rerum experientia cognitionem adepti essent. Testimoniis tum demum utitur, si pauciores ita locuti sunt, aut si dubia occurrunt vocabula. Quædam autem judicando, quædam indicando posuit. Verbisque aliquando formulam adjecit. Non autem sufficebat tractasse multos, soluta ligataque oratione præstantes Scriptores, sed oportebat etiam quærere, συνάξεις σχῆμά τι, & τὸ ἐν τοῖς ἀνομοίοις ὅμοιον, quendam dispositionis habitum, & in dissimilibus similitudinem. Hic enim ordo tædium operi detrahit, lectorēque ad sequentia quodam desiderio trahit. Denique non ex veteribus tantum collegit verba, sed ex ipsis rerum formis. Tanta autem cura atque dexteritate absolvit hoc opus, ut vere posset prædicare, neminem Græcorum ante se τοσαῦτα, καὶ ἐν τοσούτοις reperisse.

*Hesychius* & ipse nobile reliquit Lexicon, *Bonau. Vulcanius* Græcæ linguæ thesaurum vocat in *annot. in Callimach. hymn. Diana.* An sit ille, cujus alia opera *Suidas* commemorat, merito dubitatur. Multa è scripturis sacris & interpretibus earum suo Lexico admiscuit. In quo non pauca sunt, quæ manum medicam desiderant.

*Harpocrationis Lexicon* è *X. Rhetoribus* edidit nobis in *Gal- lia Maussacus.* is de quo fabulam confictam audiui, quod Græcæ linguæ studiosus & peritus, tandem eam plane usque

que ad ignorantiam oblitus sit. Athenæo æqualem putat Ger. 10. *Vossius de Philologia cap. 5. §. 17.* ita ut alter alterum exscripserit. *Suidas Alexandrinum* vocat. Apud eum, alius *Harpocratio Argivus* memoratur, qui scripserit λέξεις Πλάτωνος βιβλίου δυσιν, *Platonicas voces*, duobus libris: *Harpocratio Aelius, Sophista*, περὶ τῶν δοκούντων ταῖς ῥήτοσιν ἡγεμονῶν, de iis, qua *Rhetoribus ignorata videntur*. Quorum nihil hodie superest.

*Suidas* quoque contexuit *Lexicon* magnum, ante annos quingentos amplius, sicut putat *Casaubonus*, aut sexcentos ut *Andreas Schottus* autumat. Auctores ex quibus sumsit nomenclantur: *Eudemus Rethor*, περὶ λέξεων, *Helladius, Eugenius, Zosimus Gazæus, Cæcilius Siciliensis, Longinus Cassius, Luperus Berynius, Justinus Julius Sophista, Pacatus, Pamphilus, Polio Alexandrinus*, de quo supra. Multis historiis ubundat hoc opus: quas excerptit *Hieron. Wolffius*, & Latine seorsum edidit. De toto opere in Latinum converso emendatoque præclare meritus est *Aemilius Portus Francisci filius*.

*Etymologici Magni Auctor* itidem multa de Historiis inserit, cujus editione doctissimus *Fridericus Sylburgius* rem literariam ornavit.

*Cyrilli libellum de differentiis vocum*, *Erasmus Schmidius* edidit, cum erudita dissertatione de pronuntiatione linguæ Græcæ.

*Glossas, sive Glossaria* utriusque linguæ, Græcolatina & Latinogræca, inter quæ & *Philoxenum*, ediderat *Henricus Stephanus*. Iteravit postea editionem, pluraque Glossaria, & libellos argumenti affinis in unum opus coëgit *Bonaventura Vulcanius*. hoc titulo: *Thesaurus utriusque linguæ*.

Renascentibus litteris, in Italia *Varinus Phavorinus Nucernus Episcopus* magnum & memorabile *Lexicon Græcum* scripsit: in quo plurimæ *fabulæ, histariæ, proverbialia, verba & res expositæ commemoratæque*, atque etiam *demonstratæ & explicatæ* reperiuntur, ut *Joachimus Camerarius* in Præfatione merito prædicat. Latine hætenus nemo convertit.

Anno superioris sæculi XXIX. *Guilielmus Budæus Vir Illustis*, *Commentarios Græcæ linguæ* edidit; in eruditi *Lexici* speciminibus habendos, ut arbitror; si quis cetera  
(partem



(partem enim hujus curæ complexus est) ad eum modum elaborasset. Contilium suum ita ipse exposuit: *Quoniam usus scribentium est multiplex, ego quæ in mentem mihi venient, in hos commentarios quam potero explicatissime referam, & ad juvenum captum quam appositissime: ita tamen, ut si jam forte proveciores eos legerint, nonnulla inventuri sint (nisi fallor) ob quæ nec omnem operam lussisse se dclitent, nec nos in rebus translatis tantum laboris exhaustisse.*

Nominandus hinc est *Thesaurus lingue Græcæ Stephanicus*; & non sine dispendio operis factum compendium *Scapulae*. Neque tamen nulla fuit causa, cur postea *Roberti Constantini Lexicon*, non paucis placeret.

Cetera, quid attinet referre, quæ singulis operibus destinantur, *Lexica Homerica, Pindarica, Hesiodæa*? Novi quoque *Testamenti Lexicon*, *Pasori*; & accuratius, *Lud. Lucini*, edidit.

In Hebraismo Biblico, multum laboris insumserunt *Lexicon Pagnini, Schindleri, Forsteri*, & accuratius *Buxtorffii*. cui *Arca Noë Marini*. addi debet. In Rabinico quoque Hebraismo incomparabile est *Lexicon Buxtorffianum, Talm. Rabbini. Chaldaicum*. In Arabicis, *Golii* nuperum opus præcellit. Neque fraudari meritâ laude debet *Syriacum Trostii Lexicon*.

Sed nos ista attingendo, excedimus limites. De Græcis enim Lexicis constitueramus dicere. Si tamen ad Latina etiam obiter liceat respicere, ea quidem, quæ in *Veteribus Grammaticis & Isidoro & Glossis*, huc spectantia continentur, jam supra verbo tetigimus. De cetero certum est, Græcis longe melioribus Lexicis sive antiquis sive recentioribus nos instructos esse, quam Latinis. *Perotti cornucopia*, doctioribus monumentis accensetur. De *Calepino* nihil dicam, qui à tenuibus initiis, & vitiosis etiam annotationibus, novi subinde editoris cura in magnum volumen processit. Qui fruges ignorant, iis glandes quoque sapiunt. inter quos forte reponas licet, qui credunt, *Passeratium*, doctissimum virum, aliquid operæ criticæ contulisse, sicut *Bibliopolæ*, sui quæstus causa, præscribere ausi sunt;

Jam

*Jam Thesaurus Latina Lingua Roberti Stephani, & Forum Romanum Calis Secundi Curionis* multum laboris in vasto opere præferunt. Quibus tamen merito anteponas *Basileense Lexicon*, cujus prior tomus *Ciceroniana Nizolii* auget; posterior *Lud. Lucii opera aliorum auctorum vocabula*, erudito sane & eleganti proposito, exhibet. In *Fabri Thesauro* plus doctrinae est: cui copiam, decus, limam, addidit singularis industria & doctrina *Cl. Buchneri*, qui ex opusculo opus dedit. *Roberti* quoque *Conflansini supplementum Lingua Latina* extat.

*Philologicum Lexicon Martini*; *Philosophica Gocleni* & *Cl. Micraelii*, ad scopum peculiarem respiciunt. Sicut & illa certis materiis destinantur, quæ *Caroli Stephani Dictionarium Hist. Geogr. Poëticum*; *Ortelii Nomenclator Geographicus*; *Glandorpium Onomasticon Histor. Roman*: complectuntur. Exquisitiore cura *Francisci Marii Grapaldi Lexicon de partibus ædium*, confectum est. *Jam Theologici Lexici* eruditum specimen *Clavis Flacii* habet; nisi malis designationem locorum communium appellare. *Juridicorum Verborum significationes*, *Barnabas Brissonus*, egregio commentario profectus est. ne de iis dicam, qui suis additionibus, opus, merito etiam separatim conservandum, inseruerunt.

Nolo nunc referre, qui literarum Alphabeti ordinem secuti, in vicinis, sed alio tamen nomine æstimandis operibus occupantur. Quid? quod *Lexico* etiam *Latino-barbaro* caremus. quale ex *Glossario Spelmani*, ex *Glossario Watsii ad Mattheum Parisiensem*, ex *Vossii Latino-barbaris*, ex iis, quæ in *Goldasti Antiquitatibus Alemannicis* habentur; ex *Scrieckio*, *Goropio Becano*, *Lindenbrogio*, & similibus *Scriptoribus*, tum ex diligenti monumentorum ævi sequioris consideratione, confici posset.

Sed redibimus ad linguam vere Latinam. in qua satis erudito satisque copioso *Lexico* nos destitui, non sine pudore quodam recordamur. At in vulgaribus linguis, quam est eximium *Lexicon Italicum*, quod *societas sive Academia de la Crusca* opere majori, & epitomico minori, edidit? Bene, quod sociatis laboribus res gesta est. rarissimus enim quisque omnem vitam unus velit impendere labori omnium

gravissimo ; de quo non elegans magis quam verum *Josephi Scaligeri* epigramma habetur :

*Si quem dura manet sententia iudicis olim,  
 Damnatum arumnis supplicisque caput :  
 Hunc non fabrili lassent ergastula massa,  
 Nec rigidas vexent fossa metalli manus :  
 Lexica contexat. nam cetera quid moror ? omnes  
 Pœnarum facies hic labor unus habet..*

Qui hæc studia tantum nomine tenus norant, putaverint forte, præter laboris arduam operam, nihil ingenii requiri. Hi *Pollucem* audiant, unum ex omnibus antiquis, qui supersunt, accuratissimum Lexici auctorem. Requirit ille ἀκριβεστάτην τινὰ ἐπὶ τῆς ψυχῆς, εἰς βασάνου κρείσιν, singularem ingenii sollertiam, ad examinandi iudicium adhibendam : conqueriturque, se neminem potuisse συνσπῶν focum operis nancisci, cui posset satis confidere. Adjuutores tamen hodie adhiberi posse, vel mediocri iudicio præditos, palam est ; qui e. g. in auctores vocum inquirent ? qui ex philologicis doctissimorum virorum etiam juniorum, ut *Scaligeri*, *Casauboni*, *Salmasii*, & aliorum curis, veluti sylvam eruditæ explanationis verborum colligant ; è qua postea is qui præest operi, suo ingenio iudicioque eligat, digerat, adornet, quæ structuræ consummandæ sunt ; graviora sibiumat. id quod exemplo clarius fiet. Quæ in *Asconio*, *Donato*, *Servio*, *A. Gellio*, exquisitiora & subtiliora habentur plurima, ad Lexici Latini usum nemo adhuc satis diligenter, satisque erudite ac cum iudicio transtulit.

*præf. l. 9.*

Fateretur autem *Pollux*, cum de *Gorgiæ Sophistæ* Lexico loquitur, se ab initio, talibus titulis auditis, rem puerilem, & conatu facilem putasse ; experiendo autem postea didicisse, nihil contemnibile in eo labore, utilitatem vero prorsus commendatione dignum esse. Si modo fiat, quod iterum requirit, ut erudita manus huic operi admoveatur. ita enim futurum, ut quod in vocabulorum congerie naturaliter inest radium, dispositionis arte, & ordine structuraque venustatem adipiscatur : ὥς μὲν δὲν ὁ δῶλον τῶ γνωσθέντι προσκαμῆν, τῶ τὸ μέλλον ἀλῆσαι ποθεῖν, ut nemo lectu potius

*tius fatigari, quam sequentium desiderio se iucitari sentiat. Id, sicut in Pollucis Lexico mihi semper usu venisse ingenue fateor: ita tumultuaria & rudis Lexicographorum Latinarum Scriptura, non potest non ciere nauseam homini aliquem disciplinæ melioris gustum habenti; ita ut malit majoris laboris subsidia circumspicere, quam his non bene paratis uti.*

## XIX.

*COMPARATIO HISTORICORUM commentariorum, quæ acta hodie vocantur, cum contextâ historia; quam veteres unice consecrati, in commentariis materiam tantum veræ ac pragmaticæ historia repositam judicant.*

**N**otum est, nostri ævi hominibus, in Germania præsertim, loco Sapientiæ hætenus fuisse, ab historia opere pragmatico contexenda abstinere: ejusque vicem, publice actorum formalem scripturam, ut sic loquar, in vulgus edere. Cujus suscepti amor negotii tantum apud nonnullos graves viros potuit, ut consecræ laboratæque historiæ, istud genus memoriæ præferendum, contenderent. Id adeo an recte decreverint; sive, an publice utilius sit, actorum commentariis conducendis operam navare, quàm scribendi arte & conserti operis curâ, rerum gestarum memoriæ consulere, postquam breviter attigero, quibus se momentis utrinque disputatio intendat, lectori erudito dijudicandum relinquam.

Præcipuum roboris, homines pragmatici in eo ponunt, si ostendant, quanto cum periculo, quomodocunque ab accurata & sollicita actorum scriptura recedatur. Singulis verbis magnam sæpe vim inesse, formulisque uberioribus non frustra negotii genium figurari. At hæc in contexta historia pro arbitrio scriptoris modo in summam

contrahi, modo membris dividi : aliquando vice conver-  
sa, quæ arctiore tractatus termino cohibebantur, diffundi ;  
& , quæ in membra tribui debebant, in cumulum confun-  
di, aut diversa pro iisdem haberi. Afferuntur deinde hu-  
jus rei exempla varia, unde constet, neminem eo ingenio,  
ea dexteritate scripsisse, quin illi, quibus tenore ac expe-  
rientia actorum contingit erudiri, aliquid merito deside-  
raverint. Ipsum, qui ex Junioribus tantopere commenda-  
tur, Sleidanum, quamvis industriam adhibuerit, quanta  
humanæ opis esse potest, alicubi tamen, conjunctis quæ  
distingui oportebat, actorum mentem non assecutum esse,  
arguunt. Vetustiorum peccata, amisso plerumque, quo de  
loquimur, commentariorum publicorum instrumento,  
quo minus deprehenduntur, eo magis, ex dissensu plu-  
rium, qui easdem res perscripserunt, suspectantur. Et  
quis est ille, inquiunt, qui citra omne partium studium,  
citra omnis humani affectus stimulos se scripturum, vel  
vere polliceatur, vel pollicenti credat ? Sumantur in ma-  
nus, quæ de rebus Belgicis, ex quo tempore Hispanicam  
dominationem exuerunt illæ nationes, in historiam retu-  
lerunt iste Belga, & iste Hispanus, & alius neutrarum par-  
tium homo. Pro suo quisque captu rem eandem, colori-  
bus nihil minus quàm iisdem pingent : atque, ut quem-  
que præsens movit affectio, stilo, judicio, fide discrepa-  
bunt. Cui ergo fidem habebis aut denegabis ? Dices for-  
te ; perturbationes animi suoapte sæpius indicio prodi, le-  
ctorisque sollertis industria, verum à falso, incertum à fu-  
cato facile discerni. Esto, neque enim nunquam hoc fiet.  
Ut autem semper fiat, insipienter sapit, qui sperat. Com-  
parari plerumque historiam speculo videas. Sed nimirum  
in speculis sunt, quæ rem exhibent majorem : sunt, quæ  
minorem faciunt : aliqua nativam speciem distorquent :  
plane quod in Historicorum operibus usu solet venire. So-  
li actorum commentarii, verum fidumque speculum re-  
præsentant : neque formant rem gestam, sed ostendunt.  
Nihil hic additur, nihil demitur negotio : plena utramque  

paginam

paginam occupat fides, & incorruptæ fidei vel filia vel comes, auctoritas. Quicquid eruditionis, prudentiæ, facundia in historico prædicas, illustres titulos audio, sed unius hominis; nec qui privatae laudis mensuram supergrediantur. At quæ in commentarios publicos regeſta ſunt, ipſam reipublicæ auctoritatem, & irrefragabilis momenti pondus præ ſe ferunt. Conſequitur itaque, ut, qui hac Scholâ prudentiæ utuntur, generoſa proſciendi fiducia ad felicem eventum graſſentur: obhæreſcentibus ſinterea, & anxietate ſuæ diſciplinæ paſſim præpeditis, qui per fabrefactos hiftoriarum libellos oberrando fatigantur. Et quis ille lynceus divinator, qui vel unius negotii aut rei geſtæ perfectam notitiam ex ejusmodi annalibus ſibi comparet? Summarium eſt (ſive breviarium malis dicere) omnis artiſcioſa hiftoria; & admonet ſcientem, non ut ſciat efficit. hoc enim uni ſcripturæ debetur publicæ, actiſque per ſeriem conſignatis. In hunc locum illuſtri prorſus elogio, ſe jure ſuo inferit Sereniſſimi ac Celiſſimi Principis AUGUSTI Luneburgici exemplum: qui, cum nullum non genus contextæ hiftoriæ in locupletiſſima ſua Bibliotheca aſſervet, ſingularis tamen & incomparabilis theſauri loco numerat illa volumina, quæ magno numero animoſiſque impenſis, in Gallia conſcribi, ac nobiliorum eventuum de rebus Gallicis hiftoria, ex ipſis Gallorum tabulariis depromta, atque per omnem negotii tractati formulam, plenamque actorum ſeriem, conſignatâ, impleri curavit. Ex talibus ſcilicet monumentis ſas fuerit repeti interiorem viroque civili dignam cognitionem eximiarum rerum, quas hiftoriæ vulgo celebratæ non niſi per indicem & primas lineas designant. Ad hæc myſteria invitandi videantur, quorum ſtudia profeſtusque ad rempublicam pertinent: ut primæ fortis hiftoriam de publicis actorum commentariis requirant; inde proximum nobilitate credant, quod ad eum ſcribendi modum proxime accedit; quales legationum ſuarum commentarios Philippus Canajus, & alii illuſtres viri reliquere: ne de pluribus


ribus nunc hujus generis voluminibus mentio inferatur; ad quorum indolem, tanquam ad lydium lapidem omnia historiæ solitis artibus adornatæ opera exigi putaveris oportere.

Neque tamen nihil est, quod dicere contra queant, qui historiæ condendæ facultatem suo pretio, suæ dignitati cupiunt restitutam. Ac primo quidem, quanta debeat actis publicis reverentia, nemo ignorat aut diffidetur. neque historiæ nomen meretur ulla scriptura, nisi quæ illo fundamento nixa, illo instructa præsidio, literarum publicarum auctoritatem bona fide exhibet. Arduam rem operis esse, neque cujusvis eruditi aut prudentis viri ingenio studiisque convenire, non eget demonstratione: cum inde ab antiquo paucos operis inter humana summi auctores numeremus idoneos. quibus si contigerit aliquando ab actorum mente aberrasse, quanto id magis necesse est lectoribus actorum ceteris usu venire plerisque, longe scilicet infra eam ingenii præstantiam, de qua dictum est, constitutis? Et certe, publicis invigilare commentariis, omnemque de republica sapientiam ex actis petere, per paucorum hominum fuerit. Quotusquisque est, qui evolverit, aut cum spe ac destinatione profectus evolvere potuerit, quæ de rebus Germanicis, homines patriæ studiosi in acta retulerunt? At vero, ex alio orbe similem monumentorum, præsertim ineditorum, copiam colligere, non est privaræ opis negotium: nec à magnis quoque Principibus unquam sine aliqua difficultate ac periculo tractabitur. Duræ sunt, fere ubivis gentium, tabulariorum publicorum fores: metuque & prudenti invidia, emissitios curiosorum oculos occæcant: atque, si quid earum industriam effugerit, velut ex fuga repetunt. Prodeat utinam, qui ex Principum Civitatumque Germaniæ Archivis, adeoque in patria, rerum ad statum patriæ pertinentium notitiam suppleat, jurisque publici scriptoribus nobile, ad integrandam, quæ ubique deficit,

ficit, sui operis historiam instrumentum suppeditet! Ex-  
tabit ejus nomen primo inter illos loco, quos servandis  
rerum memoriis bona quædam fortuna accommodavit:  
Nimium dixi, nec ab uno homine expectandum. Si u-  
nius civitatis aut provinciæ monumenta plena serie in lu-  
cem deponenda sint, jam habebimus Rhodum, in qua  
saltum videre concupiscas. Quicquid igitur ejus generis  
tenemus, aut sperare possumus, ad paucos, ut res ipsa  
loquitur, spectabit. At historiæ contextæ utilitas ad om-  
nes pertinet: in quibus plerique aut carebunt discipli-  
næ tam necessariæ bono, aut non nisi judicio ac industria  
prudenter scriptoris, ad modum & usum scientiæ longe  
lateque diffusæ producentur. Hoc enim ipsum est, quo  
Historiæ præclare scriptæ genius amplissimos actorum ap-  
paratus exuperat; quod non explicat modo, quicquid in  
tractatione rerum, in gerendi rationibus adest; sed eruit,  
quicquid in consiliis & arcanis momentis subest. Illis ni-  
mirum nervis ligatur, & in corporis firmi compagem spe-  
ciemque ordinatur ac valescit, quod in actis dissolutum ac  
dissociatum indigestæ materiæ rationem videtur referre.  
Exemplo, nec longe petito, clarum erit, quod dixi.  
Publicata sunt, typisque expressa Pacis Osnabrugæ ac  
Monasterii tractatæ, divinoque tandem beneficio conven-  
tæ, Acta. Illa legas licet, relegas, ediscas: nondum ha-  
bebis historiam totius negotii; nondum tibi constabit,  
de consiliis, propositis, artibus, causis penitioribus, quæ  
illos actus in commentariis expositos, veluti moderamine  
quodam ac spiritu permanente temperarunt atque in  
habitum istum exteriorem composuerunt. Nam talis co-  
gnitio non potest sperari, nisi à prudentia & calamo Vi-  
ri, in negotii tam ardui tractatu intime versari, aut eo-  
rum, quibus secreta partium rerumque patuerunt, di-  
sciplinâ exquisitè instituti. Sed his operibus concin-  
nandis, quia refragante sæculi genio vix est, qui animum  
adjiciat, ipsaque actorum congeries, variis casibus fatis-  
que suos passim manes patitur: itaque, aut ad barba-  
riem



riem redibit, aut, quod de nobis prudenter meritoque conqueratur, abunde habebit posteritas. Quod fidem historiæ humanis subinde affectibus interpellari, nonnulli metuunt arguuntque: id tale est, ac si quis diceret, nemini esse id mare navigandum, cujus undis adhæsit, aut scopulis impacta est aliqua navis. ne dicam, in ipsam commentariorum publicorum scripturam nonnulla insinuari, quæ illo prudentiæ lumine discutienda sunt, sine quo nihil in ulla historia satis liquidum est. Summa rei est: historiæ genium hodie parum à plerisque intelligi; quando & cetera eruditionis nomina quam opera, publice notiora sunt. Relinquam tamen, ut ab initio dixi, prudenti Lectori arbitrandum, quomodo utriusque sententiæ, novæ & veteris, rationes conciliare, & ad eandem publicæ utilitatis metam velit dirigere.





## XX.

# COMMENTATIONUM PLINIANARUM

Quibus præcipuæ Incomparabilis Panegyrici materiæ explicantur,

## PROEPIUM.

**O**Mnes homines, qui bonarum artium ac litterarum famam quærunt, summa ope contendunt opinor, ne in specie magis quam in usu studiorum, nec in Schola potius quam in vita operis sui rationes videantur collocare. Igitur pernicioso in publicum errore actos dixerim, qui jam olim otio & persuasione in adulterinam eruditionem corrupti, cognitionem ab actione, scientiam ab usu, verborum intelligentiam à rebus disjunxerunt, seu, quod idem est, vinculum solidioris sapientiæ diruperunt: ut *quæ Philosophia fuit, Philologia jam fieret*. quod Annæus Seneca in proluxa super hac re querela (*epist. 108.*) autumat. Plenæ sunt Ciceronis, plenæ Fabii Oratoriæ commentationes detestatione ejus moris, quem in rem præsertim Oratoriam numerus peccantium & vanitas invexit, adeoque Oratorem, cujus omne fundamentum, præsidia, auxilium in vera philosophia non tam antiquitas cordatior, quam natura ipsa collocarat, veluti possessione sua ac sedibus depulit. Quid autem tam absurdum, quam velle perfecte rem exponere, cujus tu perfectionem ignores? utiliter de iis loqui aut graviter, quorum tu & utilitatem & gravitatem extra curam tuam ponas? Jam vero in summorum orationibus virorum nihil aliud quam rhetoricari, & sine studio tam profundæ sapientiæ nitorem verborum & dictionis apparatus sectari, quam ineptum

Oooo

est

est & prorsus puerile? Itaque cum nobis ex officio & utilitate publica nuper placuisset, *C. Plinii Secundi incomparabilem illum Panegyricum* studiosis bonarum artium juvenibus interpretari, injuriam tam præclaræ lectionis auditionisque credidimus, si verba tantum gravia, & inventiones acutas, & sententias concinnas, translationum denique spiritus, & figuras dicendi inculcaremus, profutura autem per omnem vitam præcepta, & animosas magnificasque voces, cum observationibus mox in rem transferendis præteriremus: id est quid aliud, quam florum admiratione retenti fructus arboris ipsos sperneremus? Atque licet cum cura hætenus, quam arcum sapiendi dicendique confinium sit, quantumque rerum gravissimarum sub splendidissimæ Orationis majestate contineatur, Auditoribus nostris ostenderemus, satis tamen apparebat, plurimas ita per omne Orationis corpus diffusas, varietque insertas, esse materias, ut nec ea, quam lectiones nostræ tenerent, serie colligi, nec salva tamen interpretationis plenioris ratione, ac propositi nostri dignitate possent velut inobservatæ relinqui. Visum est igitur commentationibus quibusdam potissima pleraque ordinate ac perspicue complecti, quæque sub Oratorio cultu & figuris involuta laterent, apertius enucleare, & publice ad differendum proponere. Cum præsertim exercitationis Oratoriæ præcipua etiam laus sit, posse de rebus quibusque propriam ac ornatam Orationem expedire. Sunt præterea ut distincta multumque differentia exercitationis genera, *Declamatio*, quæ apparatus atque curam, & *Dissertatio*, quæ profluentem nec penitus inornatam familiaritatem quandam spectat, ita profecto ex æquo necessaria, ex æquo cura functionis meæ complectenda. Monebuntur itaque & jam monentur, qui hisce exercitationibus operam sunt daturi, ut de proposita ad differendum materia, pure, decenter, proprie, placide, adeoque instructi consuetudine & copia auctorum, quorum in unaquaque re exemplum commendabimus, nobiscum colloquantur, atque ita paulatim ad extemporalis dictionis facilitatem, in qua fru-

ctum

Etum studiorum Quintilianus constituit, proficiant. Quod institutum nostrum, Divinæ quidem gubernationi piis votis; exercentium autem industriæ ea, qua poterimus, exhortandi strenuitate commendabimus.

## CAP. I.

*De Principatu proprie ita dicto.*

1. *Principatum* vulgo pro imperio unius, id est, pro una è tribus imperandi, quas faciunt, formis, quam Græci *μωαρχία* Latini regnum dixerunt, accipiunt.

2. Aliter, id est proprie & ex consuetudine accurate loquentium Plinius Noster, cujus nos mentem in hoc argumento sequemur, de *Principe* & *Principatu* loquitur, quem & regno opponit. Præsertim cap. 55, 7. cum de Trajano suo, *sedem, inquit, obtinet principis, ne sit Domino*, id est, regi, *locus*. quæ verba universæ huic commentationi præmunita volumus.

3. Intelligimus autem per *Principatum* hoc sensu nihil aliud, quam *eminentem unius auctoritatem aliorum potestate atque legibus definitam*.

4. Quibus signis à regno proprie nominato distinguitur. Unde Tac. (2. A. 57.) Pisonem dixisse memorat de Germanico, *Principis Romani*, non Parthi *regis* eum esse filium. de Caligula autem Sueton. (12.) parum abfuisse, quin *Principatus* speciem in *regnum* converteret. Sicut de Vercingentorigis patre Cæsar, obtinuisse eum Galliæ *Principatum*, sed ob eam causam, quod *regnum* appeteret, à civitate interfectum. Libuit hæc verbis Grotii illius (antiq. Batav. cap. 1.) adstruere.

5. Ergo cum Plinianus Panegyricus de optimo Principe tam multa, deque omni ejus imperio differit & artibus; non eo animo capienda sunt, sicuti Cyrum aliquem aut Alexandrum, aut imperium unius cujusdam, sive Principem is se sive Regem ferret, laudaremus, sed Trajani spectandæ

virtutes, Trajanianum regimen cogitandum, ut id, quod quærimus, descripti Principatus scilicet & principis, non iam nomen, sed rem ipsam atque facta inveniamus. Quo respectu verba illa (cap. 2, 1.) *nihil dicendum de Trajano, ut idem illud de alio dici potuisse videatur*, non ad contentionem tantum deterioris aliorum imperii, sed ad ipsam quoque imperandi formam possis referre.

6. Cujus rei causam ostensuris altiore opus videtur esse exordio. Apud Romanos primum imperii nomen Reges fuisse. Horum cum corrupta solitudine & licentia potestas in crudelitatem, superbiam, omneque libidinis genus prorupisset, populus in libertatem semet armis vindicavit; ejectoque nomine regio, cum delatum populo ac optimatibus deinceps jus imperii varie haberetur, prout occasio & contentiones alteram alteri partem vel supervexerant vel æquaverant; denique intemperantia tum libertatis tum imperii in utroque ordine Reipub. perdenda viam malis civibus ostendit. Quo cum fœda publici quoque moris corruptio accederet, paucorum primo opes laceravere, mox unius dominatio, id est, Sullæ, & post hunc Cæsaris dictatura penitus oppressere libertatem. Quo sublato, Augustus (cujus tempore scilicet, *μναρχία ἐν αὐτῷ δειψῶς ἡ πόλις ἔπαυεν*, revera & penitus ad unius arbitrium res Romana revoluta est, quemadmodum cum Dione, cujus hæc verba sunt lib. 52. pr. Herodianus in præfatione sua recte judicat) cum alia omnia simularet quam faceret, *cuncta discordiis civilibus fessa*, PRINCIPIS nomine sub imperium accepit. Tac. (1. A. 1.) id est, cum videret regium & imperium & nomen Romanis, libertatem & Rempub. cogitantibus, invisum, nec minus gravem Dictaturam perpetuam fuisse, gratum se fore omnibus credidit, si cum Dominus esse posset Principem agere mallet, cujus imperium scilicet, nec optimatum auctoritati nec libertati plebis officeret, sed utriusque durationi provideret.

7. Sed prudenter Tacitus, quod *Principis* NOMINE constitutam Rempub. ait. Non enim nisi titulo princeps fuit, re ipsa

reipſa κύριος πάντων καὶ αὐτοκράτωρ, niſi quod Principatus & reipub. cujuſdam redditæ ſimulacra & excogitavit plurima ſolenter, & feliciter uſurpavit. Ex hoc igitur tempore perpetuum jam cœpit dominationis arcanum eſſe, *imago & ſimulacrum Principatus*: retento ab omnibus cupide tam moderato nomine, vi imperiũ ubique extenſa, exauſtaque, uſque ad Tyrannidis impotentiam. Donec Nervæ primo, ſed præcipue Trajanĩ exortus, toties jaſtatum antea inane Principis nomen, & ab ipſis qui gerebant irriſum, reipſa Romaniſ præſtitit, & quod diceretur eſſe voluit, *amica reipublica & æquabili utens poteſtate Princeps*. Accommodari huc quodammodo poteſt, quod Panegy. (cap. 24, 1.) ait: *talis es, qualer alii Principes futuros ſe, tantum pollicentur.*

8. Poteſt ex dictis intelligi, ſcopus Plinianæ laudationis: cujuſ & artificio licet mirari, quod omnes ceteræ, etiam quæ alio pertinere videntur laudes, ad rationem boni Principatus (quem peculiariter ſic vocamus) tanquam ad centrum lineæ ſolent, referuntur. Ut hæc ſcriptio *commentarii* in hoc argumento vicem poſſit ſupplere. Certe inter antiqua mommenta nihil de principatu tam accurate & copioſe editum ſatis conſtat. Vere igitur ſub hoc exemplo poſſunt & *boni Principes, quæ faciunt recognoscere, & mali quæ facere deberent.* paneg. (4, 1.)

9. Sed excutienda eſt interior natura hujus Principatus. Diximus UNIUS EMINENTEM auctoritatem, cum Grotio. Agnoſcimus ergo *mixturam quandam monarchiæ*, ſed honoris præcipue reſpectu & propter quandam dignitatis eminentiam. Unus Princeps *eminet, excellit*, caput eſt quodammodo: clariffime dicam: *Primus* eſt in imperio & poteſtatis ratione, *non ſolus*. Unus habet poteſtatis *ἐξουχίαν*, non unus poteſtatem. Græci *πρωθυμία* & *πρόεδρος*, non vero *μοναρχία* vocarent. Sic libera adhuc Repub. *princeps ſenatus, princeps civitatis*, dicebatur, nullo liberatis publicæ præjudicio. Igitur Tiberius, arte ſupra perſcripta, cum & *δεσπότης* & *αὐτοκράτωρ* nomen recuſaſſet, *πρόεδρος*

καὶ τῆς γὰρ τοιαύτης, καὶ τὸ ἀρχαῖον, καὶ ὅς' ἐαυτὸν ἀντιλαμβάνεται. Dio (57.) Noster (c.24, 4.) ad Trajan. *Emines, excellis*: sed hoc alibi explicat: *unum*, inquit, *ille se ex nobis*, & hoc magis *excellit* atque *eminet* quod *unum ex nobis* putat (c.2, 4.) Ex diverso qui monarchia student, non principes omnium, sed potius soli volunt esse. Cic.1. de offic.19. sive in quibus rebus primi esse debebant, soli esse cupiunt. quod de Pompeio Vellei. (lib.2.) usurpat.

10. Quæ limitatio etiam aliis Panegyrici locis adstruitur. Ut cum (cap.23, 5.) in *UNIUS salutem* collata omnium vota dicuntur, & cuncta complexum votum salus principis: (94, 2.) additur in cap. 23. quidem, cum sibi se ac liberis suis intelligerent precari, quæ pro te precarentur. Capite autem 72, 2. clarissime explicatur: *Fuit tempus & nimium diu fuit, quo alia adversa, alia secunda Principi & nobis.* (nota signum non Principatus, sed ipsissimæ dominationis, de qua Aristoteles, 5. polit.10. πρὸς ἰδὲν ἀπαβλέπει καὶ τοὺς, εἰ μὴ τῆς ἰδίας ἀρχῆς χάριν.) *nunc communia tibi nobiscum tam lata quam tristia: nec magis sine te nos esse felices, quam tu sine nobis potes.* Quasi dicat. *unus es, in quem Respub. se convertit, cui administrationem rerum nostrarum, salvo jure nostro, detulimus. igitur ut nobis laboras, nobis vigilas, nobis Principatum geris, nobis emines, ita tuam salutem non tam tua quam nostra causa, omnes votis exoptamus, neque tam honore tuo, quam utilitatum nostrarum cura, qua tu nobis, nos tibi innexi sumus, fastidium illud Principatus metimur.*

11. Porro in descriptione, uni alicui non tam imperium quam *AUCTORITATEM*, tributam observare debemus. qua voce & distinguitur ab ἀντοκρατορία illa Principatus, & potestas quidem, sed cum meritorem exceptione notatur. Plinius agam: *Auctoritas non tam potestatis, quam virtutis, non tam imperii quam meritum titulus est.* Ita Tac. (Germ. 11.) *Reges vel Principes Germanorum audiri in concilio solitos, auctoritate suadendi magis, quam jubendi potestate.* Et Liv.1, 7. *Evander tum ea auctoritate magis quam*

quam imperio regebat loca. Princeps itaque verus ideo ceteris superior, quia & melior, nec tam fastigio quam virtute major esse debet. Quemadmodum belli Ducem, sicut imperat solus, solum ita esse qui debeat imperare, volumus (paneg. 13, §.) ita de Trajano Plinius; hoc tantum ceteris major es, quo melior. (21, 4.) sed & ipse admiratione se quam potestate præesse maluit videri. Adjecisti in fine votorum (ait Paneg. 72, §.) ut ita precibus tuis Dii annuerent, si judicium nostrum mereri perseverasses.

12. Agnoscimus jam circumscriptam esse Principatus potestatem & finitam. Fines igitur dedit nostra descriptio duplices: ALIORUM POTESTATEM & LEGES. De illa conjiciendum est ex statu Reipub. nondum everso. Penes Senatum populumque summa, penes magistratus proxima Romanæ rei erat Potestas. Augustus ergo cum primus PRINCIPIS nomen assumpsit, eo ipso potestatem suam senatoria dignitatis ἐξῆς circumscripsit, & Magistratum imperio temperavit: siquidem vel ipsius vel successorum blandis promissionibus ulla adfuisset præstandi ingenuitas. Tib. apud Suet. (30.) hæreditaria fraude hanc speciem libertatis & Principatus induxit, conservatis Senatui & Magistratibus, & maiestate pristina & potestate.

13. Re autem ipsa, cum Principes videri quidem, Reges autem esse mallerent, facinore scilicet vere regio munia Senatus & Magistratum in se traherant, quod de Augusto Tacitus (1. A. 2.) innuit, & Dio explicat (1. §3.) Belli pacisque arbiter Senatus Romanus erat: Hi cum Senatui ambelle tantum Provincias relinquerent, bellorumque & exercituum omnem, ut ajebant, molestiam in se transferrent, vere καὶ πολέμων καὶ εἰρήνης κύριοι erant. quem olim Cæsari victori metus publicus titulum obtulerat (Dio 42.) Magistratibus cum jura civitatis & disciplina omnis conveniret, præumbravit obscuravitque eorum auctoritatem splendor dominantis fastigii, consulatus, proconsulatus, imperia, censuram, sacerdotia, Tribunitiam potestatem, quæque alia nomine speciosa, vi efficacia erant, ad se rapientis. Qua

in



in re nimis dociles habuit discipulos magister dominationis Mæcenas, qui *Magistratibus honoris aliquantulum relinqui, vim pleramque deminui*, apud Dion. (52.) suadet.

14. Vidimus quantum *simulatores Principatus* à vera ejus laude abierint: videndum quomodo eam impleverit Trajanus: *dum ALIORUM POTESTATEM non attentavit, non obscuravit, non imminuit, sed sua in ea limites & consortium agnovit.* Qua in re ostendenda copiosus est Panegyrista & lætabundus. *Illuxerat*, inquit, (c. 66, 2.) *primus consulatus tui dies, quo tu curiam ingressus, nunc singulos, nunc universos adhortatus es resumere libertatem, capeßere quasi communis imperii curas, invigilare publicis utilitatibus & insurgere.* Quo *justius Senatus* (verba sunt cap. 78, 1.) *ut susciperes quartum consulatum & rogavit, & JUSSIT. IMPERII HOC VERBUM, non adulationis esse, obsequio tuo crede.* Recusasses enim, si permitteres tibi vetare, quod Senatus JUBET. (4, 2.) Ergo eadem *Caesar qua Senatus, probat improbatque* (62, 5.) nec diversis & contrariis affectibus circa palatium & curiam cives distrahuntur, sed inter *Principem Senatūque dignissimi cuiusque caritate certatur, & iidem amantur* (62, 4.) En redditam & conservatam Senatui Majestatem.

15. Eadem modestia circa *Magistratus tuendos honorandosque.* Consulatus enim honore, quem & incipientes Principes alii & desinentes adeo concupiscebant ut auferrent, *privatis cessit* Trajanus: (57, 2.) *Alii ita Consules semper ut semper Principes erant* (58, 5.) sub Trajano reddita libertatis indicium fuit, quod Consul alius quam Caesar esset. (58, 4.) sub hoc nullum periculum, nullus ex Principe metus consulares animos debilitabat, frangebaturque: nihil invidis audiendum, nihil coactis decernendum erat. (93, 1.) & mox: licebat tales consules agere, quales antea Principes erant. Ergo tum Consulū tribunal majestati suæ redditum: *constituitq; reverentia Magistratibus.* (60, 2.) Adeo NULLIUS MAGISTRATUS JUS, nullius auctoritas imminuta est: *antea etiam, siquidem pleraque ad praetores remittebat:*  
atque

ratque ita ut COLLEGAS vocaret, non quia popolare gratumq; audientibus, sed quia ita sentiebat (77, 4. 78, 5.)

16. Altera limitatio principalis potestatis est A LEGIBUS. Quas nos duplices facimus: *Leges Reip.* & *Leges Principatus*. Utrarumque volumus esse Principem observantem. Non enim protecto recte sentiunt, qui *Legibus Reip.* Principem solvunt, seu quod idem est, ex rectore Dominum faciunt. (nisi si quæ sunt leges non tam publicum statum concernentes, quam tempora & varios casus, quas *ἡ νόμος* *ἡ νόμος* vocant.) *Non est Princeps supra leges* (ait Noster 65, 1.) *sed leges supra Principem.*

17. At, inquis, præcedentia verba aliud volunt: subiecisti ipse te legibus, *quas nemo Principi scripsit*. Cave de legibus in universum, aut de omni tempore, aut de Principe proprie ita dicto capias. Textus ipse nos extricat. Quas enim *leges* dicit? nonne illas, in quas consules jurabant? Has autem in libertate natas, post mutatam Reipublicæ formam nemo Principi (id est, domino, quis enim ante Trajanum verus Princeps?) scripsit. Pertinet huc observatio: *Panegyrista, inventionum & acuminum & oppositionis ergo, perpetua ambiguitate utitur in vocabulo Principis, ut cum eorum factis, qui hoc nomen tantum gesserant, hunc qui rem ipsam præstitit efficacius possit contendere.* Prohibet igitur iste sensus: *Nemo scripsit Principi leges* (non enim, scribit, posuit; quæ aliena à sensu loci & veritate corrumpentium, & ad suas opiniones trahentium hæc verba, deflexio est.) scilicet antea, cum, quos *Principes* vocare cogebamur, *Reges* esse & *Monarchas* satis sciremus: cum arbitria eorum pro legibus esse omnes videremus: quis enim tum auderet eos in ordinem redigere, & ad formulam gerendi consilium adstringere? Nunc autem primum intelligimus, nunc discimus, alios qui titulo tenus Principes fuerunt, fastigium legibus inaccessum ostentasse, verum autem principem, qualem tu imperio præstas, non esse supra sed infra leges: itidem ut consules, ut prætores, ut magistratus ceteri. Hinc est quod *adigendum te præbuisse in*

verba Principibus (prioribus) ignora, solennemque juramenti consularis formulam (64, 1.)

18. Igitur Trajanum quidem *legum reverentem* fuisse præter locum in genuinam mentem modò à nobis vindicatum, alibi quoque Panegyricus ostendit. Difertis verbis: Jus enim dixit *magna legum reverentia*. (77, 3.) *Legibus auctoritatem reddidit*. (60, 2.) tum per signa: *Dicitur Actori Principis atque etiam Procuratori, in jus veni, sequere ad tribunal. Eodem enim foro utuntur Principatus & libertas*. (36, 3.) Et ipse Princeps *edicto subjecit impensas itineris, rationem reddidit, atque cum imperio calculum posuit*. (20, 5.)

19. Longe diversum *μοναρχικός* isti Principes institutum sunt secuti. An legibus se subjicerent, quorum in verba, in acta veluti in leges jurabatur publice? Igitur Augustus initio dominationis suæ ut magistratuum, *sic legum munia in se traxit* (Tac. 1. A. 1.) nullo adversante: imò cunctis hoc licentiæ fastigium exaugentibus. *πάσης ἀλλοτρίᾳ τῆς τοῦ νόμου ἀνάγκῃ ἀπὸλλαν, ἵνα καὶ ἀλλοτρίᾳ ὅλῳ καὶ ἐαυτοῦ καὶ τῶν νόμων πάντα τι ἴσα βέλαιο ποιῇ, καὶ πάντ' ὅσα δὲ μὴ βέλαιο, μὴ πράττῃ*. quæ Dionis verba (ex 1, 53.) rem evidentissime exponunt. Memorabile est quod Tacitus (2. A. 51.) refert: *cum inter filios Tiberis & leges Senatus disceptaret, VICTA est sine dubio LEX.*

20. Sed & ipse PRINCIPATUS LEGES certas habet, quas scilicet, vel ut formulam administrationis suæ à Republica accepit, vel quas ipse sibi Princeps constituit. Harum scilicet violatio omni studio ei vitanda. Ita Trajanus, cum delatum sibi, absens Roma, suscepisset imperium, *statim sua manu prolixas ad Senatum litteras dedit, multaq; de imperandi, quam servaturus esset, ratione pollicens est: inter quæ etiam illud, ὡς ἰδίᾳ ἀνδρῶν ἀγαθῶν ἐπεῖτα ἢ ἀτιμῶν, nemini se bono viro vel cadem vel ignominiam allaturum: atque hæc omnia & tum & postea jurando firmavit*. teste Xiphilino (in Trajan. pr.) Equidem quanta ei præstandi fiducia, quod propositum fuerit, inde licet

licet perspicere, quod votis suis adjecit exceptionem, *ut ita demum se Dii servarent, si bene remp. & ex utilitate omnium rectorus esset*, (paneg. 67, 4. 68, 1. 94, 5.) Tum ex memorabili dicto: cum ei quem Pratorio præficiebat porrecto gladio adderet: *Hoc tu, si bene remp. rexero, pro me; si secus, contra me utor*. Xiphil. Ad quod alludit Plin. (67, 8) Sic hodie certæ sunt, *Imperii leges atque conditiones*, quas jurejurando probat, qui suscepturus est imperium Germanicum, de quibus vide Sleidan. l. 1. comment.

21. Ac quemadmodum quidem se natura Principatus habeat, exposuimus. arbitramurque colligi per se jam posse, quem sibi Scopum hoc imperii genus & *Finem* proponat: CURAM videlicet ET MINISTERIUM SALUTIS PUBLICÆ. Curam diximus, ut τὸ ἀρχικὸν καὶ πρῶτον καὶ τῆς ἀρχῆς notaremus. Ministerio autem τὸ δημουργικὸν καὶ ἐκτέλεσον καὶ φιλοδότηον τῷ πολικῷ καὶ ὅτι significamus. Est hic finis (neque diffitemur) omnibus legitimis imperiis communis: sed peculiari quadam ratione, & veluti ἱερὰς fit *Principatus proprius*. Cum enim omne imperium sit vel διαπολιτικὸν herile vel τὸν ἰαυδῶσαν, liberorum ut vocat Aristoteles (7. polit. 14.) illudque ad imperantis, hoc ad Parentium commoda referatur: igitur ei, quod ad hoc posterius propius accedit, magis laudatum finem convenire necesse est. Jam vero, Regnum quidem etiam si iustissimum, participat tamen aliquid de herili illa ratione: Principatus autem sincere ac penitus hoc civile imperandi genus repræsentat. Trajani certe *peculiarem curam*, *peculiare fuisse ministerium*, tum *voti formula*, de qua paulo ante diximus, tum *tota Laudatio* Pliniana satis convincit. Hinc *veluti formula erat* (ait Lipsius in not. ad Paneg.) *in laudem bonorum Principum*, & *in nummis passim insculpitur*, SALUS PUBLICA. Huc non immerito retuleris, titulum PARENTIS, PARENTIS COMMUNIS, PARENTIS PUBLICI toties Trajano veluti proprio honore additum (vide Paneg. 93, 6. 26, 3. 67, 1. 87, 1. &c.) quia *patria potestas non tantum est semperatis-*

*fima, sed & saluberrima, liberis consulens, suaeque post illos ponens. Senec. de Clem. 14.)*

22. Præcipuum hunc, quo de nobis sermo fuit, finem comitatur *alter ille*: LIBERTATIS RESTITUTIO & CONSERVATIO. *Libertatem* hic opponimus non tyrannidi tantum ac oligarchiæ, sed regno ipsi ac horum omnium seminibus, qualia in imperiis vix unquam desunt. Commendat hoc propositum in Trajano Plinius (78, 4.) *Hæc nempe intentio tua, ut libertatem revoces ac reducas. Inde adoptione Trajani libertas Romana fundari* (81.) ipse *libertate civium letari* (2, 5.) & libertatis gloria illustris (24, 5.) nihil cogere cum gratior potestate libertas sit (87, 1.) dicitur. Insignis ad hanc rem evidentiae locus est in Tacit. Agric. (cap. 3.) *Nerva Cæsar res olim dissociabiles miscuit PRINCIPATUM & LIBERTATEM, augetq; cotidie facilitatem imperii Nerva Trajanus.*

23. Quorum explicatio verborum hæc est: Accurate Dominos agebant, qui se Principes hactenus ferebant. Igitur Dominationis Romanæ fundamentum erat, extincta Romanorum libertas. An relinquerent aliquid Senatui Populoque potestatis, auctoritatis, arbitrii; qui suam servitutem interpretabantur aliorum libertatem? Principatui inimica erat Libertas: Libertati infestus Principatus. Unde res tam moderatæ civilesque *dissociabiles* existunt? Non enim erat aut esse volebat quod dicebatur Principatus; Libertas, ut esset quod dicebatur, monitis, voto, denique suspiriis enitebatur. Quid eventum quærimus? *ut Principatus omnia esset, Libertas nihil erat.* Tandem insperata temporum felicitas egregio justitiæ æquitatisque temperamento in gratiam & societatem utrumque reduxit: postquam utrumque naturam resumit, larvam exuit, & quod debebat esse, fuit. Redeunt Libertas, securitas, æquitas: sed duce & comite & fautore Principatu redeunt, sub cuius larva tyrannis hactenus omnia Reipubl. membra convulsa vastaverat.

24. Auctor tam salutaris muneris, tam gratæ mixturæ,

*Nervæ*, à Tacito laudatur. Atqui nos *Trajano* debere eam laudem diximus. Neque pœnitet. Sane *Nervæ* ille Libertatis Romanæ fautor, & Principatui quam dominationi studiosior fuit. Verum ea hominis mitissimi veluti lentitudo erat, ut quod egregie destinarat animo, exequi re & facto non auderet. Igitur res ad dissolutionem potius status publici quam ad libertatem spectabat, *ruebaturq; imperium super Imperatorem*, cum *confugit in Trajani sinum concussa Resp.* (paneg. 6, 4.). Notavit hoc Fronto Consul, simulque tum quid priorum temporum tyrannis, tum quid *Nervæ* remissum imperium præstiterit, expressit, celebri illo dicto; *malum quidem esse Imperatorem habere, sub quo nihil; pejus, sub quo omnia licent omnibus*. Xiphil. (in *Nervæ*) Tacitus ergo cum *Nervam* miscuisse Principatum & libertatem ait, de voto potius efficiendi quam de effectu, de animi potius moderatione, quam de imperii felicitate, exaudiendus est. Viam ostenderit *Nervæ* qua uterentur boni Principes, facilitatem imperii sibi proposuerit ac Libertatem: implevit postmodum & auxit tam insigne institutum *Trajanus*, ipso Tacito non abnuente.

25. Quæ de aliis plerisque Principibus dicuntur, quibus hoc nomine placuit uti, facile ostendunt, *quam longa consuetudine & crebra corrupti depravatq; mores Principatus* sint, (paneg. 53, 1.) quamque dissideant ab hoc civili regimine: cum *verus ille & salutaris Princeps in libera civitate superemineat quidem alios; sed non obumbret; imperet quidem, sed cum Magistratibus; cum legibus, ut collega, ut administer, præsit quidem, sed admiratione, meritis, exemplo, plus quam potestate: intentus & accinctus in commoda civitatis, in labores, in pericula: auctor & vindex publicæ Libertatis*. Quæ quidem laude compotes paucos, næ paucos numerare possumus, & quorum nomina (ut ex Historico illud hic usurpem) profecto nunc in anulo possunt perscribi.

# APPLICATIO PRACTICA HUIUS COMMENTATIONIS Corollarii vice adjecta.

1. **P**rinicipatum cum dicimus, non simplex imperii forma, sed mixtum regimen cogitandum est. *Vel enim conjungitur cum Aristocratia, vel cum Aristocratia & Democratia simul.* Solus princeps, proprio quidem significato, nusquam imperat.

2. *Prioris generis, cum multa veterum multa possint recentium adferri, duo tantum ponemus exempla: Venetorum Rempublicam, de cujus Principe, Senatui addito, videndus Contarenus de Republ. Ven. (lib. 2.) & Imperium Romano-Germanicum quod vocant, cujus res Imperator neque pro arbitrio (leges enim eum certæ adstringunt, de quibus antea) neque solus (nihil enim debet in rebus arduis & Rempublicam concernentibus facere absque consensu procerum) administrat.* Hinc in *Aurea sua Bulla* tit. 24. Carolus: *Electores partem sui corporis vocat: & Recessibus imperii clausula apponitur, quæ de consensu ceterorum Ordinum testatur.* Electoris Moguntini vocem apud Sleid. (1. comment.) *nobis imprimis est Aristocratia retinenda*, non simpliciter accipio cum Clapinario id negante (vid. de arcan. imperii. §. 10.) sed ita interpretor: *danda est nobis opera, ut administratio hujus imperii æquopalius sit, plus ex optimatum auctoritate quam potestate unius trahat.*

3. Quanquam, ut hoc obiter annotem, magna est plerumque Politicorum in imperiorum formis discernendis dissensio. Qui dum in mixtis præsertim nusquam se satis extricant, varia sequuntur judicia. Sive per se res est difficilis, ubique, quid prævaleat alteri in societate regiminis, videre: sive nullum ferme est imperii genus, quod non trahit aliquid ex altero: sive facillimis momentis variantur impe-

imperandi rationes, neque in constituto primitus tenore persistunt, indeque fit ut non tam status quam temporum sint judicia. Certe omnium atarum eventis docemur, à Principatibus levi transitu ad Regna, ab his ad Tyrannidem deventum esse, Aristocratiam in oligarchiam & ultra ivisse, Democratiam autem nunquam ad aliquod tempus, nisi simulacris tenus, perdurasse. Fiunt hæc paulatim, & veluti per tacitam quandam successionem. igitur nec statim apparent, nec antequam penitus appareant, queunt dijudicari.

4. *Posterioris generis celeberrimum fertur exemplum Resp. Spartanorum*, sicut eam Lycurgus instituit. qui *Regibus potestatem bellorum* (hi Reges nihil aliud quam Principes erant, absque infinita scilicet & libera potestate) *magistratibus judicia per annuas successiones*; *Senas custodiam legum*; *populo sublegendi Senatui, vel creandi quos vellet magistratus, potestatem permisit.* Justin. 3, 3, 2. Apud *veteres quoque Germanos*, similem imperii formam obtinuisse ex Tacito colligas (vid. Ger. c. 7. & 11.) Post *Reges* enim (qui itidem ut Laconici finita potestate utebantur) duo adhuc ordines erant: *Principes*, i.e. qui partem aliquam gentis, ut vicum aut pagum curabant (atque hi Optimatum auctoritatem præferebant, & *Plebs* penes quam multarum rerum arbitrium, communicato tamen cum principibus consilio, erat.

5. Atque hæc *temperata ex omnibus regiminis forma* censetur optima, ἡ γὰρ ἐκ πάντων συσκευημένη πολιτεία βέλτιον. Aristot. (2. polit. 4.) addenda quæ paulo ante annotavit, Laconicæque reipubl. exemplo illustravit. quam & Polybius (4. Hist.) καλλίστην πολιτείαν vocat. Non enim hic solitudine corrumpitur potestas; quia unius eminentiæ Optimatum auctoritate temperatur: nec plebs de servitio familiarem sibi querelam allegare potest, cujus libertatem Princeps cum Optimatibus, aut hi contra illum, ille contra hos tueretur: nec periculum ex populari licentia, quæ freno majoris auctoritatis continetur: dumque illa omnium mixtura  
lingu-



singulis modum licentiae ponit, vere illud existit, quod Polybius (6. hist.) fundamentum egregiae πολιτείας autumat, το καὶ τὸ ἴδιον τῆς πόλεως ἥμῃσιν καὶ δίκαιον, ut publica civitatis instituta sint mansueta atque iusta. Optima igitur, ut diximus hæc forma; sed cum periculo fragilitatis & mutabilitatis conjuncta; quod acute, ut omnia, observavit Tacitus: cujus eximius ille locus hic non omittendus est. *Cunctas nationes* (inquit 4. A. 33.) & *Urbes* POPULUS, *ant PRIMORES, aut SINGULI regunt.* *Dilecta ex his & constituta* Reipubl. forma laudari facilius, quam evenire, *vel si evenit, HAUD DIUTURNA esse potest.* Ob inclinationum breves in imperiis vices: & varietatem ordinum, & æqualitatem harmoniæ, cujus difficilis est conservatio.

6. Verum est illud Tiberii apud Suet. (29.) licet minime ex veri studioso pectore profectum: *Bonum & salutare Principem Senatui servire debere, & universis civibus sepe, & plerumq; etiam singulis.*

7. Ut Principatus facile possit in regnum transire tria maximè efficiunt: *ignavia populi, certamina Potentium, negligentia Magistratum: ut velit, duo præcipua allectamenta sunt: Plebeja vanitas, quæ affectum libidini dedita servitutem suam officiosa plerumq; sedulitate provocat; & Poetarum, Rhetorum, aliorumq; audax & intemperans adulatio, quæ dum infelici solertia & noxiosissimo figurarum studio omnia majora, quam sunt, concinnat, nihil aliud quam invitat, ut majores quam esse debent, esse cupiant imperantes.*

8. Major in Trajano laus, quod *Princeps*, quam quod *optimus Princeps* dici meruit.

9. Principatus nomen Romanis varia vicissitudine gratum, acerbum; fidum, insidiosum; noxium, salutare fuit. *Larva dominationis, instrumentum servitutis, necessaria deceptio, suavis medicina, libertatis reparatio, diversi tituli ex æquo huc quædrant.*

COM-

# COMMENTATIONUM PLINIANARUM

## CAP. II.

*De Civilitate Principis.*

**E**xplicata in superiori capite, *Principatus* proprie sic dicti *natura*, quatenus eam Plinius Noster in distinctas à regno laudes, multa φιλοσοφία πολλὰν vindicat: sequitur, ut de eo nunc agamus, quod cum proxime & præcipue ex ejusmodi Principatu resultet, originis suæ ingenium quadam velut exempli efficacia amplius declarare existimandum est.

2. *Civilis*, inquam, *monumenta animi* sunt, quæ à regii celsitudine fastigii, à dominatricis fastidio superbix, Principem ad illam temperatissimæ potestatis, & benignæ gubernationis laudem, ratione in publicum gratissima lætissimaque deducunt.

3. *Est enim Civilitas*, prout à nobis hic accipitur, *moderatio & temperamentum potestatis, cultus, honorum Principatum: quod in mansuetiore eorum usu, & communis æquabilitate juris conspicitur.*

4. Ignorior vocis & reconditus usus, sub initium renascentium litterarum interpretationem multorum in scriptoribus emendatissimis locorum corrumpit. Plerique pro *modestia*, alii pro *bonitate*, *humanitate*, *popularitate*, *facilitate*, *comitate*, *suavitate*, & *elegantia morum* acceperunt. Equidem habent ista omnia vel cognationis aliquid, vel adjumenti ad hanc laudem: totam vero solum, quod posuimus vocabulum exhaurit. Primus *Casaubonus* rem mere politicam, in qua ceteri *Ethica* magis fundamenta attenderent, τὰ πολιτικά in *Animadversionibus* *Suetonianis* consideravit: ita tamen ut vim vocabuli exponeret potius, quod institutum ejus poscebat, quam rei ipsius tractationi immoraretur.

5. Verba ejus, licet prolixiora, malumus apponere quam invertere: *Civilitas*, quam *Græce* dixeris *ισονομία*, virtus est, quæ civi convenit qua civis est: cum enim civitas æquo jure constet, civis ἢ civis, virtus est, æqualitatem juris tueri cum ceteris. *Plato* videtur *πολιτικὴν* appellare, cum ita definit: ἡ *πολιτικὴ* ἐστὶν ἐπιστήμη πολιτικὴ δικαιοσύνης ἐν πόλει: tamen *πολιτικὴ* vulgo apud *Philosophos* & *Rhetores*, itemque *civilitas* apud *Quintilianum* aliis generis virtus est. Hanc qua de agimus *Antoninus Imp.* l. 1. appellat *πολιτείαν* *ισονομίαν* καὶ *ισότητά* καὶ *ισηγορίαν* διοικημένην. de hac enim sentiebat, cum scriberet, didicisse se à fratre *φαντασίαν* λαβεῖν *πολιτείας* *ισονομίαν* καὶ *ισότητά* καὶ *ισηγορίαν* διοικημένης καὶ *βασιλείας* πρῶτος πάντων μάλα τὴν ἐλευθερίαν τῷ ἀρχαίου. *Dio* *civilitatem* hanc *ισομοιρίαν* ἐξ *ισονομίας* appellat, & alibi τὸ *δημοκρατικὸν* egregia voce: simili ratione *Theophrastus* in fragmento characterum *δυναρχικὸν* vocat hominem non civilem: de quo apte dixeris quod de *Julio Cesare* *Lucanus*:

Concessa pudet ire via civemque videri.

*Dio* idem elegantissime *ἀδυναρχάνητα* vocat honores inciviles, id est, qui excedant fastigium civis *ισονομίαν*, sive ut loquitur *Velleius*, civilis dignitatis modum. *Latini* interdum æqualitatem indigetant, vel æqualitatem civilis juris, ut *Seneca*. *Juvenalis* sensum communem, acute, nam de hac virtute accipi debet hic locus *Satyræ octavæ*:

Rarus enim ferme sensus communis in illa

Fortuna.

Hactenus *Casaub.*

6. Nos omisso latiori significato, qua ceteros quoque *civilitas* respicit, hic de *civilitate Principis* acturi sumus. Quæ adeo propria huic nomini est, ut cum ea aut ex ea natum id videatur. Fallor an ipsum hoc *Justinus* & *Aristoteles* volunt: cum ille: *Principio rerum*, inquit, gentium nationumq, imperium penes reges erat: quos ad fastigium hujus majestatis non ambitio popularis, sed spectata inter bonos moderatio provehebat. 1, 1, 1: hic l. 5. polit. 10. καὶ δὲ βασιλεὺς ἐκ τῆς ἐπιεικείας καὶ ἐπιεικείας ἀφ' ἧς ἡ πολιτεία τὸ ἀπὸ τῆς ἀφ' ἧς. In quibus locis nec per moderationem aliud

liud

liud quam *civilitatem*: (quo sensu etiam Panegyristæ usurpatur 9, 1. bonique & *moderati* principes hac notione passim memorantur) nec per *immores* alios, quam *civiles* intellexerim: cum præsertim ii in verbis proxime antecedentibus populari violentiæ & incivilitati opponantur. Nam quod utrobique de Regibus sermo est, non de Principibus, scire licet, antiquissimos illos Reges, quos sua merita hoc nomine honestabant, Principes ejusmodi fuisse, quos diximus: donec paulatim mora & licentia, potestatis usus intenderetur.

7. Igitur Principatui quidem summopere, ceterum & regno & omni imperio legitimo, ut tale, id est legitimum sit, civilitatem volumus adesse. Spreta aliorum haud necessaria dubitatione. *Virtutem hanc*, inquit Casaubonus, *fuere qui negarent Imperatori convenire: Et refert Lampri- dius objectam Alexandro Mamea nimiam civilitatem, jure quidem, si nimia fuit: ceterum ad id civilitatem in principe damnare, est negare, civem eum esse. Quo posito sequitur, quemadmodum docet Aristoteles, ut sit vel Deus vel fera: quare nullum erit jus commune Principi cum subditis. Melius Plinius qui in laudatione Trajani aliquoties eum civem appellat, Et in Novell. ipsi se Impp. πολιτας. His nos addimus Antonini Pii exemplum: qui imperatoris fastigium ad summam civilitatem deduxit, teste Capi- rolin. 6.*

8. Præcipuus Plinii, & qui universæ materiæ præstrui meretur, locus est in Cap. 2, 3. *Non de tyranno, sed de CIVE loquimur.* De *cive* scilicet, qui *λευσείας ἢ ἀρχομένων καὶ πολιτίαν ἰστέον*, eorum quibus præest libertatem & æquabile regimen, quod supra dicebatur, cogitet: cum tyrannus *δυσποτατίαν ἀρχῆν*, magis herile imperium & servos animo concipiat, Aristot. 5. polit. 10. Cetera Pliniana testimonia sub exemplis opportunius adducuntur. huc enim nos vocat explicatio positæ descriptionis.

9. In qua diximus civilitatem, MODERATIONEM esse

ac TEMPERAMENTUM. Ubi præter ea quæ de *moderatione* jam sunt allata, illud tantum notamus, quod profundioris est considerationis: usu ferme in rebus magnis venire, ut magnitudo illa, splendida potius & admirabilis, quam grata sit & in publicum lata, nisi quædam accedat *ἐπιπληξὶς ἰσχυρὴ* & *temperamentum* excellentiæ. hanc enim alteram vocem priori addidimus, exemplo ductuque Plinii, qui Cap. 10, 3. *Quo TEMPERAMENTO, inquit, potestatem tuam fortunamq; MODERATUS es?* Docent Physici, elementorum qualitates ut in corpore mixto ad unionem sint idoneæ, refringi temperie quadam & ad moderatiorem statum redigi: tali moderatione civitas fortunam principalis fastigii ad civitatis communionem detractis horridioribus crisi-  
stis attemperat.

10. Exempli causa, in *potestate* imperandi, omnis cernitur vis imperii, omne consistit robur. Hanc *iracundiam* mitigat *clementia*; *superbiam* coërcet *modestia*: *civilitas* autem nec *iracundiam* nec *superbiam*, sed *sui juris* tantum *memorem*, de *moderatione juris* ac condimento veluti quodam admonet. Hinc appellata nobis ea *temperamentum* POTESTATIS. Potuisset & Trajanus perpetua inter cives potentia armatus agere, necessitatemque faciendi, unam factorum legem constituere, nisi placuisset conciliatum obsequium, potius quam imperatum. *Civile enim hoc erat, & parenti publico convenientissimum, nihil cogere: semperque meminisse, nullam tantam potestatem cuiquam dari posse, ut non sit gravior potestate libertas.* Paneg. 87, 1. Pertinet huc, quod Cicero 3. de ll. 18. licet restrictiore paulum sensu: *nihil minus civile, ait, quam per vim agi.* Porro Consulatum primum civilis imperii in libertate nomen, alii Principes titulo gerebant, re fastidiebant, semper ad *ματαιχμία* suam relapsi ac intenti. Trajanus diversa ratione temperatissimæ potestatis nomen congruenti moderatione adæquavit. De quo propterea noster: *Non est minus civile & Principem esse pariter & consulem, quam tantum consulem.* 78, 5. adde 76, 1. & 6. Moderationis enim & *justitia*

*tia monumenta prima statuere Consul potest, 78, 3. Senatoria scilicet æquabilitate, quam alii tantopere fugiebant: cum hac persuasio superbissimis dominis esset, ut sibi viderentur Principes esse desinere; si quid facerent tanquam Senatores. 63, 6. Igitur forte in Senatu ad reverentiam ejus compo-  
siti: ceterum egressi statim se recipiebant in Principem, omniaq; consularia officia abigere, negligere, contemnere solebant. 76, 5. (quæ res etiam ad explicationem civilis honorum moderationis, de qua infra, potest adhiberi) Sed & illud incivilis impotentia fuit, cum libertas sententiarum in Senatu ad *mutam ac sedentariam assentiendi necessitatem* redigeretur: per Trajani ergo civilem admodum potestatem *dissentire, discedere & copiam judicii sui reipubl. facere tutum fuit. 76, 1.* Quibus addenda sunt, quæ Cap. 1. 14, & 15. diximus.*

11. Suetonius cum in Augusti vita, id est operis sui pulcherrima parte, publicas ejus<sup>s</sup> Principis virtutes explicaturus esset, à *clementia civilitatisq;* documentis initium duxit, quod nec sine illa imperium toletabile, nec sine hac legitimum esset. Igitur clementiam quidem uno capite complexus, *civilitatem* à cap. 52. usque ad 57. tanta exemplorum evidentia ostendit, ut pro comperto habeam, nulli hoc argumentum vel plenius vel prudentius tractatum reperiri. Quod fortasse minus iis manifestum sit, qui, nihil in eo scriptore absque summa judicii politici cura vel narrari vel disponi, non attendunt. Nobis cum non minus brevitatis quam perspicuitas sit proposita, ideoque non plurima huc cumulanda, sed adferenda electissima autumemus, inde potissimum præsens institutum libet illustrare. Quapropter moderatæ Augusti potentia illa sunt indicia maxime: quod cum in senatu non libere tantum sed contumaciter sæpe responsum ei esset, *non ideo libertas aut contumacia fraudi cuquam fuit. Suet. Aug. 54. quod forum angustius fecit, non ausus extorquere possessoribus proximas domos. c. 56. quod etiam amicos ita magnos & potentes in civitate esse voluit, ut tamen pari jure essent, quo ceteri,*

*legibusq; judiciariis aequae tenerentur. Ibid. filios autem tum demum extolli, cum mererentur. Ibid. unum omnino e reorum numero, ac ne eum quidem nisi precibus eripuit, exorata coram iudicibus accusatore. Ibid.*

12. HONORES quoque moderatur civilitas : quos ceteroquin ambitio menti, adulatio auribus, pompa & species oculis, ultra quam par est, commendat. Ac ceterorum quidem hominum hac in re vanitatem superbiae titulo notamus, eamque vel risu vel contentu ulciscimur, vel cum philosophari libitum est, μεγαλοψυχίαν illam Aristotelicam tanquam scopulum opponimus. Principatus autem, id est, res per se honoratissima, cum aut quaerit honores aut intendit, aut exigit, videri queat absurde, odiose, crudeliter id facere, nisi privatae propiora *ἐμπροσθεν* vocabula, de publico iudicio nos potius admonerent : cuius consensu, incivilitas sive incivilius elatio existimatur, quicquid in aliis aliter dicimus.

13. Invidiae plenum id opus ut corrigatur, imo ut absit, civilitas vel honores injustos amovet : ut cum Trajanus magnitudine sua contentus, qua nulli magis caruerunt, quam qui maiestatem sibi vindicabant ( novo jure maiestatis & lege reperta vid. Tac. i. A. 72. 73. 74. ) Maiestatis singulare & unicum crimen eorum, qui crimine vacarent, ejusq; metum penitus sustulit. Paneg. 42. 1. ut cum Augustus vulgato jam templorum honore partim abstinuit, partim cum temperamento usus est. Suet. Aug. 52. Argenteas statuas conflavit. Ibid. vel nimios deprecatur : ut cum Trajano florenti & incolutai nunquam nisi modici honores, sapientius nulli decernebantur : quia ipse, quod moderationis erat, eligebat parcissimos, Paneg. 55, 1. & 5. tertium autem consulatum, ut prae gravem recusabat 57, 4. ut cum Augustus Dictaturam magna vi oblatam humillime deprecatus est. Suet. Aug. 52. domini appellationem, herilis scilicet non civilis imperii indicem, omni modo à se amolitus est. 53. Filiorum quoque immodicos honores temperavit. 56. vel magnos submissione temperat : ut cum Trajanus, amicum ex imperatore, Paneg.



neg. 85, 5. ex Principe senatorem egit. hoc enim volunt verba Paneg. 2, 4. *unum ille se ex nobis* (senatoribus) putat. cum Imperatorem commilitonemq; miscuit, exactor laboris & socius. 19, 3. vel proprios ac debitos haud rigide vindicat, nonnunquam cum iudicio transmittit: ut cum Augustus *sparsos fumosos de se in curia libellos, nihil aliud quam redarguit*, & in posterum de talibus cognoscendum censuit. Sueton. 55. (Adde Tac. 4. A. 34. Senec. 3. de ira. 23.) *focis invidiosis & petulantibus laccessitus* contradixit edicto: neque tamen de inhibenda testamentorum licentia (quibus affectus suos liberrima dicacitate quisque inferebat) *ne senatus quidquam constitueret, intercessit*. Suet. 56. Sic Capitolinus civilitatis in Antonino Pio *precipuum argumentum* iudicat, quod *joca semper patienter accepit. vel denique alienos non per invidiam impedit deprimitve sed favore & incrementis attollit*. Apud Trajanum *patebat omnibus* (præcipue bonis, (Paneg. 4, 7.) *honoris & glorie campus*. 70, 7. qui sibi accrescere putabat, quod cuique adstrueretur. 62, 8. Hinc nulli Ducum Legatorumque auctoritas præsentia ejus detracta. *Major omnibus quidem erat, sed sine ullius diminutione major: eandem auctoritatem præsentem illo quisque, quam absente retinebat: quin etiam plerisque ex eo reverentia accesserat, quod ipse quoque illos reverebatur*. 19, 2. Hinc est, quod *rectos civium ac vividos animos, non ut alii* (inconsulto scilicet decrementi metu) *contundebat ac deprimebat, sed fovebat & attollebat*, quam ego potissimam civilitatis laudem dixerim. 44, 6.

14. Cujus & in omni CULTU, habitu, incessu ac similibus moderatio salubris esse consilii putanda est. Cujus rei copiose nobis jucunditatem Panegyrista capitibus duobus integris, 23. & 24. extollit, cum de civilissimo Trajani in urbem ingressu agens, *pedibus*, ait, *incessisse, sine animadversione lictoria, sine custodia satellitum, libero turba accessu, per familiaritatis notas, & comes salutationes, & gratam intuentibus moram, & assimilata prioris privatorum, fortuna imaginem*. In ipso deinde principatu & consulari



fulatu suo, ita domo progrediebatur, ut illum nullus apparatus arrogantia principalis, nullus praecursorum tumultus detineret. nemo proturbabatur, nemo submovebatur. tanta viatoribus quies, tantus pudor fascibus, ut plerumq; aliena turba subsistere & consulem & principem cogeret. Paneg. 76, 7. & 8. Alibi Candidatis osculo occurrit, omnesq; comitatus numeros obibat. vid. c. 71. De Augusto similia Suetonius 53. Non temere urbe oppidove ullo egressus aut quoquam ingressus est, nisi vespere aut noctu, ne quem officii causa inquietares. In consulatu, pedibus fere; extra consulatum, saepe adoperta sella per publicum incessit. Adde quae seq. de latione senatus nominatim facta. Aedum quoque civilitatem & disciplina domestica modestiam quam commendet in Trajano Noster, patet ex Paneg. 47. Non omiserim huc ex Curtii 3, 6. transferre, qua civilitate cultus Alexander apud milites tantum profecerit: qua leviora haberi solent, inquit, plerumq; in re militari gratiora vulgo sunt: exercitatio corporis inter ipsos, cultus habitusque paululum à privato abhorrens, militaris vigor: ad quae illustranda facit exemplum Trajani Paneg. 13. & Valerii Rom. Ducis apud Liv. 7, 33.

15. Pertinet huc admissionum quoque facilitas & colloquiorum humanitas. Quod vel illud Spartiani possit ostendere in Adriani Cæs. vit. 20. In colloquiis etiam humiliorum civilissimus fuit, detestans eos, qui sibi hanc voluptatem humanitatis, quasi servantes fastigium Principis, inviderent. Trajanus quam liberaliter & prolixè sui copiam praeberit, est in Paneg. 47. & 48. nulla in audiendo difficultate, nulla in respondendo mora usus. 79, 6. Augustus promiscuis salutationibus admittebat & plebem, tanta comitate aduentium desideria excipiens, ut quendam ideo corripuerit, quod sic sibi libellum porrigere dubitaret, quasi elephantum stipem. Sueton. August. 53. Idem Princeps illud quoque civile rebatur, misceri voluptatibus vulgi. Tac. 1. A. 54. & spectaculis interesse. Quae laus ei cum Trajano communis. Paneg. 33.

16. Qua-

16. Quare cum MANSVETIOREM fortunæ Principalis Usum descriptio nostra requisivit, præter moderationem hætenus per partes ostensam, insuper humanitatem & facilitatem moris, quandam quasi dispensatricem fecimus civilitatis: cuius omne denique fundamentum in COMMUNIS ÆQUABILITATE JURIS constituimus. Cum enim *jus civile æquitas sit, iis constituta, qui ejusdem civitatis sunt.* Cic. Top.2. *ejusque finis sit legitima atque usitata in rebus cansisq, civium æquabilitatis conservatio.* Id. 1. de Orat. 42. sequitur cum Princeps pars civitatis sit, cui conservatio ejusdem maxime cordi esse debet, ut nec Juri quidquam nec æquabilitati detrahat. Quæ res licet profundiorē habeat commentationem, ex ipsis societatis humanæ fontibus, quos *ισονομία & μισθία* conservat, deducendam: est tamen levioribus illis quoque locus exemplis, per quæ tanquam per exteriora indicia, interior animi mansuetudo declaratur. Ut quod Augustus in comitiis supplicabat more solenni. *Suffragium ut unus è populo ferebat. testem se in judiciis & interrogari & refelli æquissimo animo patiebatnr. periclitante amico in subselliis rei sedebat. clientibus aderat.* Suet. Aug. 56. *officia cum multis mutuo exercebat & dies cujuscq, solennes frequentabat. Senatorem minus sibi familiarem, inedia mori destinantem, presens consolando revocabat ad vitam.* Id. 53. De Alexandro Lampridius: *Moderationis tanta fuit, ut amicos non solum primi ac secundi loci, sed etiam inferioris agrotantes viseret.*

17. Scilicet hæc longe à se spernunt dominantes isti, quibus omnia æqualia pro contumeliis accipiuntur: quique non comi morum via sed horridi ac plerumque formidati imperium administrant. Non errant semper vulgi judicia & sermones: quin rem ipsam tangere mihi videntur, cum apud Tac.2. A.82. queruntur: *difficere regnantibus CIVILIA filiorum INGENIA: neque ob aliud interceptos quosdam, quam quia populum Rom. ÆQUO JURE complecti reddita libertate agitaverint.* Tam ubique se magnis fastigiis inserit, tyrannidis vel magistra vel proles illa formido, cum detrahi

sibi quicquid reipublicæ accedit aut civibus, imperantes existimant. Quanto verior Senatus Romani acclamatio, qua civilitas Trajani celebrata est: TANTO MAJOR, TANTO AUGUSTIOR. *Nam cui nihil ad augendum fastigium superest, hic uno modo crescere potest, si seipse submittat securus magnitudinis suæ.* Paneg. 71, 4.

18. Quanquam fatentur hoc illi ipsi inciviles domini, dum qua fraude utebantur in omni Principatus imagine assimilanda (vid. cap. 1.) eadem, civilitatis simulationem, præsertim sub initia imperii cupide arripuerunt. De Tiberio (id est, præcipuo incivilitatis dominatricis exemplo) Sueton. 26. *Civilem admodum inter initia ac paulo minus quam privatum egit.* adde sequentia & Dion. l. 57. De Nerone similia apud Tac. 13. A. 4. quæ propterea recte *arcanis inanibus* accensentur à Clapmar, 6, 9. Atque Tiberio quidem non optime successit illa simulatio, licet enim de se valde civilia loqueretur, *non tamen ideo* (inquit Tac. 1. A. 72.) *faciebat fidem civilis animi.* Nam & incivilius ac violentius agebat quam dictitabat: & duritiem animi occultare penitus non poterat. Igitur Panegyrista noster non tam civilitatem Trajani, quam civilitatis *intentionem asseverationemque*, commendat. 71, 6. Et cap. 54, 5. *Tua*, inquit, *moderationis hac laus quod convenimus, hanc simplicitati tue veritatique gratiam relaturi, ut te qua vis velle, qua non vis nolle credamus.* *Inaffectata enim* (verba sunt cap. 67, 1.) *veritas verborum: adseveratio in voce, affirmatio in vultu, magna in oculis, habitu, gestu, toto denique corpore fides.* Igitur quanquam omnes ante te eadem ista dixerunt, *nemini tamen ante te creditum est.* 66, 2. Quo veluti experimento discimus simplicitatem dictorum ac fidem administrationem quandam civilitatis & conciliatricem esse.

19. Intelligi opinor ex superioribus potest, quæ civilitatis in imperio vis sit, *quam tranquilla potestate, quam modico honore, quam placido fastigio, quam virili cultu, quam æquabili officio ad communionem civitatis jurisque, ac salutis publicæ comiter procedat, imperantiisque publice AMOREM, imperio*

*perio* FIRMITATEM conciliet. Quos FRUCTUS fallor an ex sola hac moderatione, in qua est omnis origo gratiæ, omnis fides durationis expectaveris.

20. Cautionis gratia potuissemus hic de *popularitatis* & *civilitatis* discrimine disputare; quarum *illa* artes tractandæ plebis & demerendæ quærit traditque, *hac* viam æquo jure complectendæ civitatis sibi proponit; *illa* voluptatem civium, *hac* moris publici mansuetudinem (τὸ ἡμῶν καὶ δίκαιον τῷ κοινῷ ἥδεσ Polybiana voce cap.1. diximus) spectat: *illa* humanitatem sive comitatem magistram, *hac* ministram habet; & quæ plura possent adferri, unde constaret, *illam* imperatoris, *hanc* imperii bono propiorem esse. Quemadmodum & illud moneri explicatius haud abs re fuisset, non confusas à nobis illas virtutes, quas in civilitatis partim *adjumentum*, partim *ministerium*, partim *ornamentum* advocavimus; manere quin imo suum cuique seorsim honorem, suam vim: quam participatione ista, & quæ in administrationis civilis artibus conspicitur, mixtura non corrumpi, sed intendi: neque infelicius eas ad unum aliquod constituendum concurrere, quam alioquin unas & integras esse. Verum hæc & talia, per inserta sparsim indicia, tum per subintelligenda philosophantibus ubique tractationis fundamenta, meditationem lectoris confidimus haud difficulter suppleturam.

## Character sive notatio, INCIVILIS PRINCIPIS seu DOMINI.

**A**D illustrationem propositæ hætenus materiæ videtur pertinere, ut de *Incivili Principatus sive Imperii more*, aliquid dicamus. quod ut brevissime fieret, simul &

efficacissime, de *charactere* sive *notatione* quadam adornanda cogitavimus. quæ ista est:

INCIVILEM corrupti in dominationem Principis ANIMUM dixeris, qui non tam inter cives se quam supra eos esse semper cogitans, æqua omnia spernit, nihilque pensi habet, dum fastigium suum extruat, vimque imperii intendat ubique & amplificet.

Talis solus esse in imperio cupiet, quia primus est. Insurret contra jura imperii: munia senatus, magistratum, legum in se trahet, omniumque officiorum curam ad se recipiet. Instituet nova; veteribus, spreto patriæ more, quos & quamdiu volet, præficiet. Quæsitus de judiciis majestatis, exercendas esse leges respondebit. Cum senatus inclinationem illuc ferri intellexerit: prompte adversatus & cupide huc ibit. Metui semper volet, semper ab omnibus exiget. Custodiæ suæ & satellitii terrorem per oculos civitatis minaciter circumferet. Aedes ejus superbe ac regie urbi imminebunt. Possessione immensa, omnes lacus, stagna, saltus, agros circumveniet. Si qua nobilis viri sedes & villa ipsi arridebit, migrare jubebitur dominus. Si eximie mulieris amore tenebitur, è domo mariti abducet. Suæ demum gloriæ crederet, quicquid cedit alienæ. Erga egregias artes, virtutes, merita obliquus & sævus erit, vividos ac generosos animos; feroces & seditiosos: libertatis memores, dictitabit refractarios & contumaces: certus contundere tales, quantum in se est, ac deprimere. Honores, inquiet, insatiabiliter Principi parandos. Igitur quos tempore arctatos invenit, continuos recipiet: quos adulatio supra humanum fastigium excogitabit, admittet. Volet effigie numinum per provincias sacrari, flamine coli. Adeuntibus se senatoribus & magistratibus non assurret. Desideria civium sine cura habebit: admissiones ægre dabit & cunctanter: audiet fastidiose, quæ perferuntur, respondebit severe & cum tristi arrogancia. Calamitates privatorum & luctus inter ceteras convivales fabulas transmittet. Tributorum immodicas exactiones deprecantibus, una vo-

ce occurreret : solvendum esse. Fors erit ut adjiciat : Satius esse civium multa millia interire, quam deficere fortunæ Principalis instrumenta. Colloqui cum inferioribus, Principe indignum existimabit. Linguae delicta & verborum, factorum pœnis afficiet, liberasque voces è Republica tollet. Simpliciter jocerum pro malitia interpretabitur. omnia in vestitu pretiosissima : omnia in mensa novitatis quodam ingenio exquisita : omnia in supellectile splendoris artificio inusitata affectabitur. Denique sola se decere quæ excelsa & speciosa : sola dedecere quæ æquabilia sunt & moderata, arbitrabitur.

## APPENDIX OBSERVATIONUM Practicarum de CIVI- LITATE.

1. **C**ivilitatis naturam optime Græci, quibus nimirum  
— — — — *dedit ore rotundo*

*Musa loqui,*

declarant. Illi vel *aqualitatem* & *communione* vocant : ut cum Eutropius lib. 10. brev. histor. Rom. *Civilitatis penitus expertem* Herculum dixisset, Metaphrastes ejus Πρα-  
νιος κοινότης παλαιοῦ ἀλλότριον vocat. Et Suidas Antoni-  
num Severi filium, κοινὸν πρὸς πάντας, *in cunctos civilem*.  
Quemadmodum Constantius vir *Præstantissima civilitatis*  
Eutropio dictus lib. 10. metaphrasta πάντας κοινότητα παρα-  
δόν appellatur. Vel *Popularitatem* ; sicut Augustus & Tra-  
janus iisdem scriptoribus δημοκρατοὶ πάντων ἄρκου 1. 7. & 8.  
*civilissime* vixisse dicuntur. Vel *Moderationem* : dum civi-  
les passim Principes μέτριος & civilitas μετρίτης (Zosimo τὸ  
μέτριον) indigitantur. Vel *bonitatem* : dum ἀγαθὸν suum  
frequenter vocibus commemoratis adponunt, synonymizæ  
caussa. Qua varie, in hoc negotio ; nunquam autem si-  
ne efficaciorē quadam hujus virtutis declaratione utuntur.

R r r r 3

Sic

Sic κοινὸν καὶ ἀγαθὸν Eutropius l. 8. κοινὸν καὶ μέγαν l. 7. μετριότης καὶ κοινότης l. 9. sic κοινὸν καὶ ἰσοδύναμον Xiphilinus in Vespas. sic σώφρων καὶ κόσμιον ἄρχοντα Herodianus in vit. Commod. (quod Politianus *continentem moderatumq; Principem* vertit) conjungunt.

2. Unde apparet late patere hanc laudem, neque simplicem aliquam virtutem intelligi, cum una & simplici voce utimur; ac per synonymicas, quas dixi, conjunctiones copiosam plerumque amplitudinem denotari. Equidem cum duo sint reipublicæ temporā, pacis unum, alterum belli, ad quorum usus omnis quæ vel imperantibus convenire vel parentibus potest, ars refertur: igitur cum generaliter loqui volumus, id est, ejusmodi vocabulis, quæ cum per se unum quidpiam videantur significare, idonea tamen sunt ad complectenda alia omnia, quæ profunditatem negotii concernunt, sic *civilem in Pace*, quemadmodum *bello strenuum* appellamus, seu quod idem est, *omnes Pacis artes civilitatis titulo involvimus*. Eutropius Augusti laudes in unum collecturus neq; in bellis, ait, *ul- lum felicissem fuisse, neque in pace moderatiorem aut civiliorem*, lib. 7. hoc diserta μεταφράσει assecutus est in hunc modum Pænius: ὅτι γὰρ ἐν πολέμοις ἀνδρείωτερος ἢ τύχη δάξει. ὅτι ἐν εὐτυχίᾳ μετριώτερος ἂν ἦς ὅσοι γρηγορήσιν &c. Libro 8. uterque adhuc rotundius de Trajano Nostro: *Inusitata civilitatis & fortitudinis fuit*: δημαγωγὸς γὰρ ἦν ἄριστος, καὶ τοῖς μάχαις ἀνδρείωτατος. Quibus verbis nemo est, quin videat, omnes togatas, omnes militares artes hisce Principibus adscribi.

3. Sicilicet ut cognomentum omnem pacis habitum & laudes complexum acciperet Trajanus, id est, OPTIMUS diceretur, civilitas potissimum effecisse putanda est. Clare Paneg. 2, 7. *jam quid tam CIVILE, tam senatorium, quam illud additum à nobis OPTIMI cognomen? quod peculiare huius & proprium arrogantia priorum Principum fecit*. OPTIMUS certe Princeps esse nemo potest nisi qui commune civium suorum bonum sit. Id quod à sola civilitate ex-  
pectan-

pectandum, quæ publicat usibus civitatis Principem, quem incivilis arrogancia in quadam fastigii inutilis arce seponit.

4. Civilitas optimi imperii mater, libertatis focia, tyrannidis inimica est; quam velut obice quodam arceat. Ingenti illa quidem & rara laude, si spontanea sit: sed & artibus quaritur obtineturque. pulcre Eutrop. l. i. de instituta post Reges ejectos Consulari potestate, placuit, inquit, ne imperium longius quam annum haberent: ne per diuturnitatem potestatis insolentiores redderentur, sed CIVILES semper essent, qui se post annum scirent futuros esse privatos. Metaphrast. ὥς τῷ χρόνῳ παραμείνῃν μεταωτίραν εἶναι πλὴν διασείαν. ἀνάγκη γάρ ἦν, δεῖς εἶναι δημαγωγίης, εἰδῶται, ὡς μὴ τὸν χρόνον, ἴσον τῷ ἀρχομένῳ. quod l. 9. ἐξ ὧν πρὸς κοινὴν μίλασθαι πολίται vocat. Huc pertinent omnia illa jura, vincula, privilegia, instituta, quibus imperantium potestas includitur, finitur, limitatur, astringitur. ne videlicet civilitatem egrediantur aut spernant. Itaque cum, in regnis præsertim, paulatim dissolvuntur, fundamentum boni moderatique imperii periclitari intelligendum est.

5. Monarchica quidem, sed notabilis tamen civilitatis exemplum in Vespasiano, his verbis Xiphilinus proposuit: τῇ προσιᾷ τῇ κοινῶν ἀντικράτωρ ἐνομιζέτο. is δὲ δὴ τὰ λα πάντα, κοινὸς καὶ ἰσδιωτὸς οὖσιν ἦν. quæ verba hac videntur paraphrasi explicari posse: in universum astimantes deprehendemus Vespasianum imperii quidem curas & negotiorum præcipua sibi reservasse, solumq; in imperio fuisse, qui ut potestate sic labore superemineret: in cetera autem omni vita, societate, cultu, communem se & ex aquo gessisse, siue æquabili civilitate omnes suos complexum esse. Diversam esse hanc à Principis civilitate, tum tota commentatio nostra, tum idem Auctor exemplo Adriani ostendit, de quo ita loquitur: ἔπραξε δὲ καὶ διὰ τῷ βουλευμένῳ πάντα τὰ μὲγιστα καὶ ἀναγκαῖστα, καὶ ἰδίᾳ μὴ τῷ πρώτῳ &c. Maxima rerum non per se solus, sed adhibita senatus auctoritate tractavit: jus autem cum Primoribus dixit. Exsecratus est denique Princeps, inquit Spartianus in ejus vita, qui minus senatoribus desulissent. 6. Ari-



6. *Aristocratica civilitatis*, nobilissimum exemplum Q. ille Fabius Maximus: qui cum oblatum sibi non petenti consulatum recusaret, accensaq; hac moderatione iusta offerentium studia verecundia legum (quibus intra decem annos eundem consulem refici non liceret) restringere nequicquam conaretur: inter alia plenissima civilitatis verba, illud quoque usurpavit: *se gloria seniorum succrevisse, & ad suam gloriam consurgentes alios latum aspicere. nec honores magnos fortissimis viris Roma, nec honoribus deesse fortes viros.* Liv. 10, 13. Non colligo, quæ ubique de civili ejus animo obvia: quo denique effecit ut *Princeps civitatis* haberetur & esset, vid. Liv. 27, 13.

7. *Democratica civilitatis*, exemplar præcipuum Romanus ille Poplicola meretur haberi. quem Plutarchus in vita ait, λαβόντα τυραννικὴν ἀρχὴν, ποτῆσαι δημοκρατίαν, καὶ μὴδ' οὐκ ἔξῃν ἔχοντα χρῆσασθαι. cum tyrannicum accepisset imperium, ad popularitatem illud & civilitatem redegisset, neque potestate sua quoad licuisset, usum esse. Et antea laudaverat in eo: κοινὰ καὶ φιλόανδρα ἦδη, ὅτι πάντων ὑπέρσπουδον οἱ τοῖς διομένοις, καὶ τὴν δικίαν αἰεὶ παρῆχε ἀποχρήσιν, καὶ λόγον ὑποδόντες εὐδὲ χρεῖαν ἀπὸ πρῶτης τῇ ταπεινῶν. mores civiles & mansuetos: quod aditu facilis, si quis ipso indigeret, domum semper apertam haberet, colloquia autem & desideria humillimorum quoque non rejiceret.

8. Difficile est *civilitatem*, id est, rem ad bene imperandum unice necessariam, constanter servare. Nec licet profecto ex omni historia & memoriis rerum gestarum exemplum reperire, ubi civilitas in eodem quo cæpta est, tenore diu incorrupta perstiterit aut creverit. Causa est, vetus illud & antiquitus insitum mortalibus malum, *nimia cupiditas principatus*, & excellentiæ: magnis quibusque animis valde familiaris. *Ut quisq; magnitudine animi excellit*, inquit Cicero. 1. offic. 19. *ita maxime vult Princeps omnium vel potius solus esse* (quo sensu apud Tac. 4. A. 38. dicitur: *optimos mortalium altissima cupere.*) Difficile autem est, addit graviter Cicero, cum prestare omnibus concupieris, servare aequitatem, quæ est *justitia maxime propria.* COM-

COMMENTATIONUM  
PLINIANARUM

## CAP. III.

*De Electione Trajani.*

**M**Ajoris curæ rem ac momenti, quam cuiquam videatur, Trajani electionem adoptionemque esse, vel illud ostendit, quod Panegyrista Noster sex capitibus, à 5. cap. numerandis eam commentationem vix satis habuit complecti. Scilicet & per se plurimum interest, quæ quis ad imperium via contendat perveniatve, & quæ tum inciderant reipublicæ tempora, augustiora omnia in negotio tam necessario fecerant.

2. Ad cujus ordinationem intellectum, *ἱστορικὴ ἀναστροφὴ*, Historica repetitione rem paulo altius arcessemus. Ex eo tempore, quo Romanorum libertas unius arbitrio cecidit, *bellis ferme civilibus & armis oppressa rep.* (paneg. 5, 1.) per vim & occasione malorum publicorum Principatus petebatur. Quibus addebantur arcana domus, & sola juris specie nixa successio. paneg. 7, 4. & seq. Julium enim Cæsarem primo, quid aliud quam jus regnandi gratia violatum, felixque in patriam impietas cervicibus publicis imposuit? Quo nihilo melior sed occultior & speciosior dominationis architectus Augustus, ferrum juvenis patriæ titulo inscriptum per inopinantis jugulum Libertatis adegit. Tiberius crudi adhuc servitii victor, multa fraudum ambage, solito scilicet malæ causæ non patrocínio magis quam indicio, dici meruit. Post quem Cajo Caligulæ paterni nominis favor & adultæ servitutis insidiatrix, dominationis autem vi partæ injuriosa retentrix successio, Imperium dedit. Hunc patruus excepit Claudius, tam mirabili casu favorisque militaris errore, ut si qua Fortuna Cæca esset, quod paganus olim visum

S s s

est,

est, Principem ejus alumnum dare ; Si qua incerta imperiorum & fatalia ludibria, exemplum in maximo possemus maximum ostendere. Adfuit tamen imperanti, cum cetera omnia decissent, veneratio sanguinis Cæsariani, quæ Neronis quoque dignitatem ad hoc fastigium uni familiæ hætenus mancipatum provexit.

3. Defecto Cæsarum sanguine ; cujus reverentia Romani imbuti plus jam natalibus quam meritis deferre didicerant, Galbam nobilitas & provincialis favor extulit. Hujus cæde viam sibi ad imperium omnibus servilis ambitionis exemplis instructus Otho quæsit. Nec melius per rebellionem inertissimus mortalium Vitellius eo contendit. Gentis Flaviæ necessaria quidem reipublicæ, sed sumpta potius quam delata dominatio fuit. Vespasianus enim nomine & viribus haud dubie tum præcipuus, cum ad occurrendam reipublicæ proditæ projectæque dignitatem conversus esset, non ipse tantum voti habuit successum, sed & filios Titum, qui post eum bene imperavit, & Domitianum, qui Principatui admotus Neronibus & Caligulis & Tiberiis, quorum regenerabat publice mores, potius quam paternæ fraternæque indoli conferri meruit, Cæsares statim designari vidit.

4. Hætenus Roma domesticis vel virtutibus vel vitiis gubernacula rerum nolens volens permisit : deinceps ad externorum opem conversa Nervam primo nobilitatis respectu Principem fecit : cujus laudabile per multa imperium, id eximium habuit operum, de quo loquimur, adoptionem electionemque Trajani. Quæ duo conjungimus merito. Eligi enim à Principe non potuit, nisi adoptandus, neque adoptari, nisi electus.

5. In quo utroque exempli hætenus inusitati gloriam agnoscunt prudentes, inter quos Plinius Noster primo *Causas & necessitatem facti* egregii, gravi consideratione ad periculum patriæ & turbas in publicum minaces refert. Vidend. cap. 5. & 6. cum initio 7. Cæde Domitiani ad tumultus occasionem usus miles, non tam in cædis auctores quam

quam in principis qui successerat auctoritatem, ferrum & ferociam exertavit. Atque id primum sub Principibus specimen fuit militaris contumaciæ, pessimo more adversus Imperatorem obstinata nullisque nec precibus nec rationibus flexa: quin sibi sumerent, quod nisi penes unum sit, fundamenta reipublicæ haud dubie tentat, plerumque & evertit. Certe vulgato tam horribili arcano, posse aliquid supra & in Principem milites, tribuenda est secutorum temporum deformitas ac sævities, cum militaris strepitus pretium; respublica & imperium; materies, ejusdem turbatio; ludus, ipsorum interfectio Principum esset. Incendebant furentes Calpurnius Crassus, qui indignum celebritate tanti nominis ac familiæ facinus ausus, insidias in caput mitissimi senis comparaverat, quemque alii amore libertatis tyrannidi putarunt intentandum, in clementiam plusquam vœcordi ambitione acuerat mucronem: tum Casperius Ælianus, Prætorio Præfectus, qui, postulatis ad supplicium viris egregiis Domitiani interfectores, neglectaque Principis vehementer renitentis auctoritate jugularis, *scelere tam truci insolentior, Nervam compulsi referre apud populum gratias militibus, quia nefandos pessimosq; omnium mortalium peremissent.* quæ Aurelii Victoris est commemoratio.

6. Dici non potest quam sit multiplex & varia rebellionis perniciēs, sed ab uno proficisci fonte solita. Majestate enim Principis læsa, honesta omnia, jusque & fas, cum pax civium in qua omnia continentur, promiscuis ruinis profligantur. A quo periculo non longius tum resp. quam ab adoptione Trajani aberat, quæ noxiam diu tyrannidem, & cummulata novis vulneribus vulnera imperii, fatali auxilio lenivit, quod recte Victor judicavit; qui de eo: *Post tam multos, inquit, atque atroces tyrannos perditō atq; prostrato statu Romano, in remedium tantorum malorum divinitus credebatur opportune datus.* Noster memorabili inventionē; imploratus, ait, adoptione & accitus es, ut olim duces magni à peregrinis externisq; bellis ad opem patriæ fe-

*rendam revocari solebant.* cap. 6, 4. Atque hæc negotii vere publici publica origo : fundamentum, inquam, Trajanianæ Electionis, *Concussa salus reip. est.*

7. *Adoptio* enim Electione nixa potius *Eligentem* respicit; ad cuius majestatem tutandam haud dubie pertinebat. Fuit sane ab initio constituti Principatus adoptio inter artes & subsidia dominationis : quod vel solo Augusti exemplo pateat, qui multiplicato subinde adoptivorum numero nihil aliud spectavit, quam *ut pluribus munimentis insisteret.* Tac. 1. A. 3, 7. Cum enim sibi suæque familiæ propriam hanc & perpetuam dignationem plerique cuperent, satis liquebat, *non legiones non classes, perinde firma imperii munimenta, quam numerum liberorum,* quos vel natura dedisset vel quævisset succenturiata naturæ adoptio. quod prudenter patrem monuisse Titus scribitur, Tac. 4. H. 32, 2. Despicitur enim aliquando orbitas, & quod certum ultorem nescit scelus, de incerto non cogitat. Agnovit hanc insidiarum capiti suo structarum causam Alexander apud Curt. in Philotæ accusatione. 6, 9. *orbitas mea,* inquit, *quod sine liberis sum, spernitur.* Igitur ad securitatem quidem dominantium & dominationis, aliquando præsidium ab adoptione petitur, ut & spes pravæ, novaque consilia & tumultus civiles coërceantur : (quo Piso respexit, apud Tac. 1. hist. 29, 6. *provisum adoptione videbatur, ut ne post Galbam quidem bello locus esset*) sed & salus imperantis ab imminente periculo nonnunquam ita redimitur. Hoc erat illud Galbæ consilium, de quo dicere cœpimus : *audita,* inquit, *adoptione desinam videri senex, quod nunc unum mihi objicitur.* Tac. 1. H. 16, 5. Quod secus tamen evenit.

8. Nemo autem facile quenquam adoptavit felicius, quam Nerva; nemo felicius adoptatus est quam Trajanus. Lenissimi moris Principem illa ipsa animi civilis bonitas simplicitasque primo contemptui, mox odiis, denique insidiis ambitionum objecit : satisque è vestigio patuit, nullam, quantacunque sit, virtutem imperio sustentando idoneam

neam esse detracta auctoritate, quam ego *unitum & verissimum Principis scutum* dixerim. Igitur *ruebat imperium super imperatorem* (paneg. 6, 4.) scilicet immensam per se molem onus præ ceteris intolerabile, intestina defectio & dissidium aggravabat: sustinentisque nervos placidior, quam pro re tam crepera, industria, aut certe cujusdam talis imbelliæ publicæ opinio, quæ pro crimine est, infirmaverat. Nihilò tamen minus nitebatur contra, audebat, jugulum præbebat: diceres nullum ab eo prætermisum constantis viri officium. Sed experimentis compertum est, semper quidem in re virtutem consistere; effectum virtutis plerumque opinioni ejusdem & famæ deberi. Impar fane adversum singulos, sine fide sui potentia erat: cujus fides in omnes haud dubie valida pervigisset. Hanc porro senectus imminuebat. quæ prima in principe egregio spernitur, nisi subnascentis juvenia sobolis canos & canorum debilitatem inumbrante potentia occulat. Debetur tamen fati tam tristibus hæc gratia, quod irritatam Nervæ generositatem, nobilissimus dolor ad fortia non minus consilia, quam prospera remedia accendit: contemptum suis contemptoribus per eum qui contemni non posset; terrorem cupiebat terrentibus regerere per eum qui terreri dedignaretur: ultionis denique metus, quos violata tanti majestas fastigii ultro offerre debebat, in robore successoris plurimos maximos destinaverat ostentare.

9. Atque ut rectissime destinata provenirent, eligendus erat vir (nam de hoc sequitur ut agamus) cujus etiam magna omnia fuissent, dubites non inique de successu, nisi & recentia expeditaque cognoveris. *Auctoritas & fama* requirebatur: sed hæc interdum assiduitate & mora obsolescit. *Gloria belli & fortis dextera* opus erat: sed gladii aliquantisper reconditi splendor, & cum splendore acies retunditur ac hebescit. *Potentia & presentissimo robore* res indigebat, ut robusta successu impotentia frangeretur: Sed accinctum nemo nisi accinctus terruit: neque colligendæ vires avertere collectas, aut pace tecta præ-

sidia incrementibus paria turbis fuere. Præcipua hæc stabiliendo imperio & imperatori, in uno tantum congesta videbantur. Solus, inquam, Trajanus tum erat, qui *innutritus bellicis laudibus* (paneg. 16, 1.) cui *Parthica laurus inter rudimenta militia pariter & pueritia* (14, 1.) quem Domitianus ut *validissimum præsidium Romani status admirabundo pariter & invidio timore suspexerat* (14, 5.) qui *unus ex illis veteribus & priscis Romanis ducibus ab hoste* (11, 1.) à *milite* (13, 1.) *æstimari meruit*, quem omni imperatoria laude cumulatissime instructum, factorumque splendore orbi Romano pridem monstratum sua meritum exercitui, *fortissimo, amplissimo, sui Ducis amantissimo*, Germaniæ præfessurum imposuerant (9, 2.) Hoc rei Romani fidus, summumque inter summos virum forte seditiosi spiritus veluti oblivione quadam extra curam suam pariter & metum, ut in absentibus fieri solet, posuerant. Donec electio Nervæ inveniret optimum, adoptio ostentaret splendidissimum, necessitudo opponeret potentissimum.

10. Nulla electio tam seria, nulla adoptio tam necessaria, nulla ante hoc tempus tam prospera necessitudo Romanos annales insignivit. Augustus enim, cui prima in principatu hujus rei felicitudo tribuitur, cum sororis filium Marcellum, dein generum Agrippam, mox nepotes suos, postremo Tiberium Neronem privignum adoptavit, *in domo successorem quasivit, non in rep.* Tac. 1. H. 15, 3. Diceres talem adoptionem non ab æstimante, sed ab amante fieri. quod turpe & publice noxium. *An*, inquit Paneg. 7, 5. *Senatum populumq; Romanum, exercitus, provincias, socios transmissurus uni, successorem è sinu uxoris accipias? summaq; potestatis heredem, tantum intra domum tuam queras? non per totam civitatem, circumferas oculos? & hunc tibi proximum, hunc conjunctissimum existimes, quem optimum, quem diis simillimum inveneris?* Addenda ejusdem capitis cetera. Sane Nervæ non deerant propinqui. Sed latiori provisione, nec intra domum arctanda, Respubl. indigebat.

11. Me-

11. Memorabilis itaque quod diximus & inusitate nobilis *Ipsa* illa Trajani *Electio* fuit. Territus enim suo reique publicæ periculo Nerva, velut Deum vindicem invocaturus, & conservatorem, Capitolium adiit, factisque supplicii tribunal conscendit, ut omnibus ipsa conatus tam singularis specie ostenderet, religiosum esse, & verendum, quod pararet. Hinc post debitam magnis operibus salutis vovendæ formulam Trajanum se adoptare professus, idem Senatui restatus est, apud quem mox Cæsarem designavit, quem adoptaverat. Sed & ipsum per litteras de sua voluntate pariter & ultione graviter admonuit, eique curam fulciendæ firmandæque reipublicæ commendavit. Mirificus & interpretes & prædicator hujus adoptionis est Plinius noster: qui prolixiore studio & cura tum ex civilibus regulis ostendit, quantum boni in electione præ ceteris quibus ad imperium pervenitur rationibus sit; tum per varias oratorias inventiones, & acutos cum pondere sensus, quibus ad miraculum usque pollet, meram in hoc negotio divinitatem agnoscit: Jovis enim id auspiciis consiliumque; Nervæ ministerium fuisse, cujus *ἀπαδείκται* hoc veluti omine meruerit significari; accedere loci reverentiam ac cærimoniarum, oblataque pridem ipsi Trajano indubia tantæ rei signa.

12. Præcipue autem animus Oratoris & calamus asurgit, quoties in latissimam rerum, qua adoptionem consecuta sunt, mentionem incidit. *Salutem publicam nominat, & libertatem & securitatem & imperii conservationem, & pacem publicam.* Vid. 5, 8. 6, 5. 8, 1. &c. Sane dici tam magnifice nihil potest, quin rei amplitudo respondeat. Audito enim Trajani nomine, nec senatus in diversum auctoritas ivit, neque novarum molitores rerum ausi sunt ferociam retinere, neque militis improbitati spes in reipubl. turbatione relicta est. Bene sperabant boni, mali velut injecto capistro quiescebant filebantque: nemo abnuere hunc rerum statum vel audebat vel cupiebat. Contigerat scilicet rei Romanæ capax tantæ molis animus, & quem



quem ruinæ imperii posse opponi nemo dubitabat. ab eo imperii incolumitatem quisque expectabat. Præsertim cum non fortem magis, quam civilem esse Trajanum publice constaret. Igitur satis longæ dominationis malis contusi depressisque civium spiritus, tanquam ad hospitale sidus alacriore obrutu votoque excitabantur, unaque opera, & quietem à turbis, & libertatem ac inducias à superbia regnatrice animo concipiebant.

13. Complectemur breviter hoc loco, quod observationis politicæ causa diligenter putamus considerandum. Laus Trajanianæ electionis adoptionisque pleraque referenda est ad conditionem statumque illius temporis. Tam salubris, inquam, tam gloriola illa non fuisset, nisi tam tempestiva accidisset, & opportuna. Dominationis ingenium illud est, ut post actas firmatasque radices, à stricto severoque jure, ad quod paulatim plerumque & occulte tendit, præcipiti cursu deinceps ad injurias & violentiam & utriusque arcem ac complementum sævitiam feratur. His, quanquam ingenti cum dolore jugum tam insolens recipitur, seu potius non recipitur, raro tamen ultra verba, cruda adhuc servitus oblectatur. Qua, ut miseriarum quoque assuetudo est, in tolerandi obitinationem adducta, metu magistro primum submittantur ingenia humiliter, mox ingemiscunt acriter, donec reputatione vel comparatione justioris regiminis in desperabundam acti audaciam homines, ad excutiendum obsequium, non sui non publici memores periculi, primum animo & iracundia, post opere & rebellio festinent. Succedit ergo molitioni molitio, seditio seditioni. Quarum nulla tam feliciter unquam fuit sanata, quin cicatrices reip. & cicatricum debilitatem, relinqueret.

14. Quæ res ubi in oligarchicas turbas, tum in proximas anarchiæ confusiones profecit, more incendiî omnia funditus populatur, nisi coorietur ~~et~~ *auxilium*. Sic olim cuncta discordiis civilibus fessa non magis, quam ruinæ penitus præparata, Augustus refovit instauravitque.

Post

Post hunc Tiberiana crudelitas rursus denique odia generis humani sopita stimulavit : Caligula furor execrationes publicas concevit : Claudiana vœcordia fastidium omnibus imperatorii fastigii expressit : Neroniana flagitia , tentatam jam diu patientiam servientium , ad inauditos ante id tempus conatus , indignationes , decreta permoverunt , atrocisque rei exemplo futuris quoque tumultibus semina dederunt. Fax enim & turbo sequentis ævi damnatio Principis. quem ubi publicis cervicibus demoveri posse patuit , nulla in eo fastigio vel affectando probitas , vel obtinendo securitas cuiquam est relicta. Rebellionē Principum trium ac cæde imbutus ad deteriora omnia sæculi genius , ne sub Vespasiani quidem Titique Pace emolliri potuit , quin Domitiani moribus ad tentandam mutationem status nonnulli abusi , conceptum animo furorem , in Nervæ civilitatem ac moderationem effunderent. Quid post tot exempla sceleri inaccessum poterat sperari ? Quid post resuscitatam nova sævitie veterum acerbicatum memoriam sanum aut constans in populo , in provinciis , in exercitibus ? Nam urbana multitudo , præter causas , quas dixi , vernacula vanitate sua : provinciæ , infidæ servitutis partæque gladio ditionis ingenio ; milites , licentia temporum & cupidine prædarum ex publico , omnes , inquam , ituri erant , qua ruina imperii viam aperuisset : cum Trajani commodum adoptio audita , vulgarem quidem improbitatem metu & auctoritate ; ceterorum suspensos & varia circumspectantes animos , virtutum civilium comitate continuit , crexirque.

15. Hæc temporis opportunitas , cetera laus Trajano debetur. Non parum enim ad constituendam denuo rempublicam momenti attulit mens Trajani , & regiminis forma , civilitate plena , & libertatis studio. *Principatum* intelligo. cujus si simulacra Augusto sceptrum , imperio tranquillitatem stabilivere ; quid res ipsa in Trajano effecisse putanda est ? cujus infeliciores profecto medicina , si durior , fuisset. Opus enim erat , ut corruptum depravatunque

nomen principatus ideoque jam invisum, rectiore Imperii administratione civibus rursus conciliaretur, suæque redderetur moderationi.

16. His exemplis (plura enim congerere huc non lubet) moniti, politicorum illud scitum, *Oligarchiam, ac turbas imperiorum per monarchiam ferme corrigi*, hac possumus animadversione prosequi: *non satis esse, si monarchia ad emendationem temporum & status vocetur, nisi monarchia adsit moderatio & quoddam civilitatis temperamentum.* Quod si enim emendari dicendum non est, quod brevi potestate coercitum in majores mox evalescet motus; monarchicus iste dominationis rigor & immoderata potestatis immoderatio usque ad imponendum reipublicæ statum speciosior erit quam efficacior. Quicquid enim inmodicis rebus contractum vitii est, necesse ut modicis fanetur. Alias infida erit ac instabilis curatio. Id quod hac occasione in favorem *Principatus*, quem proprie ita dicimus, quique temperatissimæ monarchiæ genus est, non omittendum duximus.

17. Intelligi jam potest, non oratoria *μυζανθωσία*, sed ad magnitudinem rei congruenter dictum à Plinio, *Trajani adoptione Romanorum libertatem & salutem & securitatem fundatam*, 8, 1. nec minus recte judicasse Eutropium (quem & alias consilii animadverto sat prudentis) cum de Nerva scripsit: *Reipublica divina provisione consuluit Trajanum adoptando.* l. 8. pr. Longeque de hoc verius dici potest, sive electi modestiam spectemus sive electionis eventum, quod de Tiberio simulatore, dissimulatore Cæsarearum fraudum Vellejus annotavit: *magis ratione quam honore victus est, cum quicquid non tuendum suscepisset, periculum videret.* l. 2.

18. Igitur provide & illud à Nerva factum, quod non solum successorem imperii, sed participem etiam sociumque fecit (paneg. 9, 1.) omniâq; pariter & statim filio (adoptionis id nomen) & Cæsari (quæ successoris est signif.) & Imperatori (summæ potestatis in rep. id vocabulum).  
 & con-

*Et consorti tribunitia potestatis* (qui titulus in partem sanctioris majestatis curarumque adscitum notat) contulit (8, 6.) non olim usurpaturo sed jam repræsentaturo quæ acceperat: ut mature constaret improbitati, quantæ essent vires, quibus se à casu & deformitate resp. cuperet vindicatam. Nemo mihi *rationem monarchia* hic objiciat, & *infidam regni societatem*. Sane *arduum est, eodem loci potentiam Et concordiam esse.* (Tac. 4. A. 4, 2.) nec societas imperii tranquilla sæpe aut felix. Verum ambitio est, quæ & communicantem in pœnitentiam, aut suspiciones; participantem, in superbiam & æmulationis mala plerumque sollicitat. Da mihi civilem, æquum, apertum utriusque animum, da modestiam; neque fides consortio, neque consortibus deerit concordia. Atque hoc est, quod Plinius *moderationi* Trajani, abhorrentique ab omni novo consilio mori tribuit communicatam potestatem, 9, 1. Scilicet nec socium Nervæ suspectabat, quem ferre per ingenium poterat, optare per adversa debebat: nec socius invidebat Nervæ, cui similitudine civilis animi & proposito melioris status, per modestiam mire congruebat.

Ἀξιωμαρχία quædam,

De

## ELECTIONE UNIVERSE SPECTATA.

19. **N**ON decuerit hæc, quæ de Trajani adoptione philosophati sumus, tam arctis includere limitibus, ut de latiori usu totius rei & fundamentis nihil neque dicamus neque cogitemus. Quinimo sequendum est *Plinii* nostri exemplum, qui hac occasione, *Electionis Universe* dignitatem illustrare operæ pretium duxit. De  
T t t t 2 qua

qua nos neque collecturi aliis dicta scriptaque, neque disquisituri singulorum rationes, neque amplificaturi laudes aut exempla (cum hæc partim à more nostro, partim ab instituto hujus laboris abhorreant) sed *observationes quasdam, dirigenda judicandaq; omni, quæ super hoc negotio feruntur, dissertationi accommodatas* prodituri,

20. Primo *prænotamus*: Adoptionem quoad imperantes & imperaturos nullam sine Electione; Electionem sæpe sine adoptione esse. *Ibi* Electio invenit adoptandum; Adoptio firmat electum: *hic* vel propiore via ac directione, vel ampliore suffragio virtus, sceptrum, quod meret, consequitur. Hinc est, quod permutatas sæpius utriusque formulas, & tributas alteri alterius laudes, tum apud ceteros passim scriptores, tum apud Panegyristam nostrum licet invenire.

21. Quæ *figura* nullum quidem in verbis periculum habet, nisi quod ad rem translata jam meretur inter *conspecta* politica numerari. Illud dico: Cum Electionis & nomen & res, publice sit amabilis, atque, ubi de unius imperio sermo est, civilitati amica & libertati, denique quiddam publicum & commune: *adoptio* autem nonnunquam privatas potius rationes, quam Principis labores & munia respiciat: factum adeo est, ut plerique dum adoptant alios, *elegisse malint videri quam adoptasse*, id est, adoptionem rem per se privatam privatæque originis (nisi quatenus in principali domo omnia privata, sive destinatione, sive casu in publicum redundant) malunt publicis Electionis vestire encomiis. Fundamentum fraudis Politicis ita notatur: *cum quæ arcana domus sunt, firmando publico statui per simulacrum imputantur*. Adoptio e. gr. per se & proprie domum (inter cujus arcana sæpe referenda est) firmat, rempublicam non nisi ex eventu: Electio per se cum domo & ejus arcanis nihil habet commune, tota Principis, tota Reipublicæ.

22. Exempli efficacis vicem Galba Imperator ille, si quis, infelicissime prudens, potest subire. Premebatur  
avarus

avarus senex, odio militum & contemptu: rebus scilicet, quarum alterutra ad subvertenda magna fastigia satis comperita est valere. Audiebantur motus tumultusque; timebantur eorundem eventus: quos nemo intelligens minores, potius majores animo præcipit. Nihil circumspiciant tutum, nihil adversus ruinam firmum occurrit: cum adoptionem veluti sacram ancoram amplexus, securitati suæ & vitæ illud relictum suffugium credidit. Tu tamen orationem ejus, qua Pisonem adoptasse, Tacito 1. H. 15. & 16. memoratur, mihi considera. Nihil magnificentiùs de Electione dictum scriptumque. *Amore curaque patria, cuius salus non aliter queat teneri, susceptam, ait: libertatis haud dubio indicio, imperii autem bono certissimo: cuius administratio, servilem in modum hætenus fortuna & casui permessa, jam optimos inventura sit ac dignissimos.* Scilicet quod sibi per adoptionem quærebat, Reipublicæ respectu fieri unice, per Electionem liberam, providam, civilem, videri volebat. Certe in tota oratione nihil verius mentem orantis ostendit, quam cum, *audita, inquit, adoptione desinam videri senex.* Hoc enim agebat, cetera fato permissurus ac eventibus. Ipse quinimo Nerva, cuius iudicium tamen haud dubie & consilio & fortuna ceteris præferendum est, de dando Reipublicæ capite, de constituendo publicis utilitatibus fulcro, de firmandis imperii ruinis tantopere non fuisse laboraturus videtur, nisi suæ infirmitatis metu de publica esset admonitus. Electionis inquam libertatem & commoda, tanta publici cura nunquam fors pensitasset, nisi adoptionis privatim necessitas aurem vellicasset, præclarique subministrasset rationem consilii. Adde quæ supra diximus. §. 7. Tam diligenter sunt in omni civili studio distinguenda, *interiora rerum consilia, & exteriora consiliorum vocabula, & eventus utrorumque, sæpe ab utrisque diversus, sæpe respondens alterutris, varius utrisque.*

23. Tota hæc res evidenti loco notata Panegyristæ, cum cap. 7, 6. dicit: *Superbum istud & regnum, nisi ado-*

ptes eum, quem constat imperaturum fuisse, etiamsi non ad-  
optasset. Duplicem ait adoptionem esse, quarum altera,  
veluti privata sit, domesticoque respectu fiat; altera  
publica, publicæque rei intenta dicataque. *Illam* domi-  
nationi & regio mori; *hanc* civili & libero imperio con-  
venire: *Illam* angustiore, & intra significatum sui vo-  
cabuli conclusam; *hanc* ampliorem & Electioni proprie  
ita dictæ penitus congruentem, cum qua paria faciat. Igi-  
tur, cum sic adoptat princeps, nihil aliud quam Reipublicæ  
vicem ipsum obire, quæ liberrima eligendi potestate ex o-  
mnibus sibi quærere dignissimum consueverit. Clariora  
enim sunt, quæ antecesserant: *Nulla adoptari cum eo qui*  
*adoptabat cognatio, nulla necessitudo: nisi quod uterq, o-*  
*ptimus erat, dignusq, alter eligi, alter eligere.* Ecce per-  
mutata, non oratoria *suorumque* figura, sed politica *impro-*  
*bandi eligendiq,* vocabula, quia scilicet de publica illa  
adoptione ei sermo. Igitur. mox differentia additur: *Ita-*  
*que adoptatus es, non ut prius alius atq, alius, in gratiam*  
*uxoris. adscivit enim te filium non Viricus, sed Princeps*  
(observa hic oppositum necessitudinis nomini, vocabulum  
virtutis & dignitatis) *eodemq, animo, divus Nerva pater*  
*tuns factus est, quo erat omnium. Nec decet aliter filium*  
*adsumi, si adsumatur à Principe.* Illustratur quod dixi,  
collatione cap. 10, 1. & 2.

24. Quibus præmissis; *Notamus* jam, quæ circa E-  
lectionem & electione fultam adoptionem solent spectari.  
Est origo Electionis, est ejusdem nobilitas, est fructus: ad  
quæ tanquam capita revocatur omnis ea quæstio. cujus  
nunquam ferme simplex seorsim consideratio instituitur,  
semper enim cum *successione* (hæc altera est ad imperium  
via legitima) *Electio* comparatur, eique à nonnullis præ-  
fertur, à multis postponitur. *Origine electionis* respectu eli-  
gentium *ex libertate*, respectu eligendorum *ex virtute* x-  
stimatur, utrumque complectitur Galba ap. Tac. 1. H. 16, 2.  
*sub Tiberio & Caio, & Claudio, unius familie quasi here-*  
*ditas fuimus: loco libertatis erit, quod eligi capimus.* Et  
finita

fnita Juliorum Clandiorumq; domo, optimum quemq; adoptio inveniet. primum hujus rei. fundamentum Aristoteli cum cura explicatum l. 1. polit. cap. 3. & 4. ubi ostendit, natura iudice dignissimo deberi principatum, eamq; precipuum inter imperantes & parentes discrimen commentam esse, prout nimirum excellentia animi & virtus, vel humilitas ejusdem & stupor, hominem ceteris consulere natum, aut servire, ostendant. sed & Plinius eligentium libertatem signat tum remotione regis adoptionis & monarchicæ, c. 7. 6. de qua diximus §. præced. tum celebratione consensus & amplificatione judicii publici. Sic enim ille ad Trajan. 10, 2. Audiebas senatus populiq; consensum. non unius Nerva judicium illud, illa Electio fuit: nam qui ubique sunt homines, hoc idem votis expetebant, ille tantum jure Principis occupavit primusq; fecit, quod omnes facturum erant. Nec hercule tantopere cunctis factum placeret, nisi placuisset antequam fieret.

25. Etiam Nobilitatis haud obscurus est laudator Noster. Cum enim potissima Electionis Nobilitas ac præstantia duabus rebus nitatur, judicii publici & certitudine & amplitudine, (nam generari & nasci à Principibus fortuitum nec ultra æstimatur: adoptandi & eligendi judicium integrum & si velis eligere, consensu monstratur (Tac. 1. H. 16, 3.) clara de utroque argumento verba sunt cap. 7, 7. Eum adoptavit Nerva, quem constitit imperaturum fuisse etiamsi non adoptasset. nihil interesse arbitratus, genueris an elegeris, si perinde sine judicio adoptentur liberi, ac nascuntur. nisi tamen quod æquiore animo ferunt homines, quem Princeps parum feliciter genuit, quam quem male elegit. Et paulo ante de judicii amplitudine præmiserat magnificam specie æqualem sententiam: Imperaturus omnibus, eligi debet ex omnibus. Non enim servulis tuis dominum, ut possis esse contentus quasi necessario herede, sed Principem civibus daturus Imperator &c. Pertinet huc Adriani de adoptione judicium, qui Xiphilino memorante, ad convocatos senatorum principes ita disseruit: *quoniam per*



μὴν ἐκ ἰδωκιν ἢ φύσεως ποιεῖσθαι, νόμος δὲ ὑμῶν ἰδωκάθε. δια-  
φέρει δὲ τὸ τοῦτο ἰκεῖν, ὅτι τὸ μὲν γινώσκον, ὅποιον ἂν ᾖ τῷ  
δαμονίῳ, γίγνηται. τὸ δὲ δὴ ποιεῖται, αὐθαίρετον τις αὐτὸς τα-  
τῷ προσίδει. ὥςτε παρὰ μὲν τῆς φύσεως ἀνάγκη καὶ ἀρρογὰ  
πολλάκις δίδοται τι, παρὰ δὲ τῆς κρίσεως καὶ ἀρετῆς  
καὶ ἀρετῆς πάντως ἀρετῆς. Non quidem filius mihi ge-  
nitus per naturam, sed dedistis vos per legem. Quæ duo  
inter se plurimum sane distant. Qui enim nascitur filius,  
habendus est, qualem fortuna dedit. At in adoptione, li-  
bero sibi quisque delectu quem probat adsciscit. Igitur  
videas haud raro fieri, ut natura liberos tribuat neque  
corpore neque animo competentes aut perfectos: cum  
iudicio adhibito & electione, is possit inveniri, cuius nec  
intelligentia, nec bona corporis habitudo desideretur.

26. *Fructus Electionis, imperantem* respicit duplici  
ratione. *Fiduciam* ei & securitatem quandam morum da-  
bit illa cogitatio: non irrepsi per ambitum, non obtrusus  
sum per vim, non alienis meritis & familiæ claritudine à  
tolerantibus magis quam æstimantibus susceptus: libetis  
suffragiis votoque communi placui electusque sum, qui ju-  
ra ceteris dispensarem. Sed & *frenum* imponet *modestia*:  
non enim in propriam se possessionem venisse, sed tutorio  
nomine curandam potius quam regnandam suscepisse Rem-  
publicam meminerit. Æqui liberique juris id se bene-  
ficio, non hereditatis habere. Atque ita extra timidi-  
tatem nec extra moderationem erit ac civilitatem. *Impe-  
rium ipsum* lenius erit ac temperatius, quia certa sui sta-  
tus fundamenta habebit & regulas. Talia enim pleraque  
regna sunt, ad quæ electione pervenitur. Legibus, in-  
quam, & directâ imperandi formula, ab anomalia illa po-  
litica, quæ ceteras comitatur potestates, vindicata. Quin  
& plurimum *venerationis* habet, si virtutis præmium, non  
generis audiat Resp. *His qui sub imperio*, eo *facilius* e-  
rit obsequium, quo à servitute remotius: eo *tutius* quo  
à dominationis machinamentis munitius.

27. Notavimus brevissime, quæ Electionis commen-  
datio

ratio fundamenta habeat. Ad quæ operæ pretium erit, ut *Annotemus* nunc, judicandi quædam discernendique adminicula, & usui accommodatas observationes. Ante omnia cum tota res sit συζυγέως καὶ ἀλλήλοις, *comparatione* consistet atq; *contentione*, ipse ille *mutuus respectus* ejusq; *rationes distinctius* sub *meditationem* veniant necesse est. Habet haud dubie multum in se *successio* boni, habet multum mali: neque *Electio*nis diversa est conditio, si seorsim utraque spectetur. Sed civilis viri sapientia, non tam cognitione rerum bonarum malarumque ducitur, quam delectu. ἀπὸ τῶν καλῶν ἢ τῶν κακῶν. Ac *successio* quidem plerosque invenit fautores. Hanc *principi* reverentiam augere, & securitatem addere; hanc *imperio* tranquillitatem; hanc *parentibus* amorem obsequii & fidem conciliare: adcoque & utilitatis certæ, & splendoris adulti fortisque momenta habere jactitant.

28. *Electio* licet illis æstimanda nominibus veniat, quæ diximus, potissima & indubia præstantiæ argumenta: incusatur tamen ex altera parte: *tanquam ambitus occasio* Optimatibus, quorum prava spes hoc pacto sollicitentur; *tanquam incitamentum indulgentiæ* & metus, male remp. administraturi: *tanquam rapinarum ex publico causa*: *tanquam totidem publico malo saginandi*, quot electi: *tanquam sic interciderent consilia longioris spei*, ac imperii diuturnioris instrumenta: *Eligendi difficultatem*, inter diversa studia, & largitiones, & paria in pluribus merita, quomodo expediri posse? sed nec deturbari difficulter, qui facile potueris evehi: Tum autem non virtutem, sed plerumq; potentiam ac felicitatem *electione* attolli. Deniq; nec sine incommodo regnare electos, nec eligi sine periculo posse. Tetigimus quæ eleganti simul & prudenti dissertatione exposita est videre apud Barclaium, in Argenidis libro primo. Inde enim potius, quam ex ullo commentario politico, petenda duxerim hæc & similia argumenta: in quæ cum incidit disertissimæ sapientiæ scriptor, facile agnoscas, nec copia, nec solertia, nec rerum

ingenio, & pertractandi novitate plerorumque opera tam illustri monumento posse comparari.

29. Non deesset quidem, quod adversus singula exercitationis causa exciperemus. Timendi Optimates, inquit, *ne in regni spem audeant ipsum Regem violare*. Atqui nunquam desunt in magno Optimatum numero Oligarchici spiritus, etiam ubi successione nititur imperium. Ceteroquin eo gravior iis Rex electus quam natus est, quo electio auctoritati optimatum & honori convenientior. Se porro quisque damnat Optimatum, qui electum à se regem damnat; metuaturque sua exempla necesse est, qui iustitragio firmata scelere refutat. Jam quod ait: *Talis Rex Optimates perniciose indulgentia ideo sibi devinciet, ut purpuram cognatis suis servent, aut largiri immodice non vetetur, aut denique ne futurum ladar Regem, injurias in decessoris familiam vindicaturum*: ad ea hic notamus, quod deinceps quoque volumus observari. In ejusmodi Regno, quod vocant, Electivo plerumque sunt certa jura, regulæ, cancelli, munimenta adversus negligentiam regis & optimatum licentiam, tum adversus mutuam malorum dissimulationem. Quemadmodum & ceteris, quæ nobis obijciuntur, parata in salutaribus legum (quibus in tali imperio maxima vis) constitutionibus medela. *Ne comitia ambitu, studia factionibus, regnum turbis; aut rapinis fœdetur*, ipsa talis imperii formula, ipsa, quibus constat, jura cavebunt. ut jam nihil dicam, de *rapinâ* sic affectæ Reip. semper extra disceptationem seponenda. Sed quid? Electio novas identidem stirpes obrudit malo publico saginandas. Nescio sane an plus suspectes novi & nondum expleti Regis avaritiam, an vero domus innutritæ opibus ac pompæ luxuriam. Experientia nobis dicet, crebrius per adultam familiæ regnatricis magnificentiam, & apparatus, quos ut cetera, ipsa consuetudo & mora intendit, molem, paupertate publica laboratum; quam per electorum Principum verecundiozem & astrictam majestatem. De consiliis longioris spei, duo suggerit prudentissimus Bar-

claus:

claius: *Sperni enim aut omitri sapissime solent ab Rege, qui non patrio sed comitiorum jure obtinet sceptrum.* Porro, *Fac me velle*, inquit, *at successores forte invidia sua inutile meum munus efficiant.* De Primo forte illud moneri posset: sunt ea consilia, vel *arcana domus*, quibus nihil commune cum electione & electis: vel *firmamenta status & boni publici*, quæ vel propterea plerisque, qui prudentia valent, conciliabuntur, quod & optimus quisque, & ambitiosissimus, eam appetet gloriam, ut exemplo Augusti *status melioris auctor* dicatur. Alterum nihilo minus in successionem quadrat. Sæpe filius aut nepos evertit, quæ præclare à parentibus aut majoribus sunt constituta: sæpe abruptit, quæ laudabiliter inchoata. *Difficultatem comitiorum & factiones ac diversa Electionis studia* tum deum timenda sunt, si promiscuus ille populus & in ordinem legum comitialium parum redactus, eligendi potestatem habeat. Tunc enim verum est, quod ait Cicero (pro Muræn. 17.) *Quod fretum, quem Euripum tot motus, tantas, tam varias habere putatis agitationes fluctuum; quantas perturbaciones & quantos astus habet ratio comitiorum?* de qua & mox dicit, *nihil fallacius esse.* Est autem ratio eligendi & sanctor & ordinator. Qualem Veneti, quorum exemplo lubens utor, servant in Principe constituendo. Certi Electores constituuntur, quorum & spectata fides, & obstricta juramento industria. adhibentur cetera, quæ majestatem negotio, integritatem tractatoribus, efficaciter concilient. Quo eodem respectu verè neque contra nos tamen dixisse existimandus est Vir eximius: *quod populus Regem facere jure assuetus, sæpe quoque eum audeat amovere injuria.* Quod si metuemus denique: *non dignissimum fore, quem principem comitia dicent, sed aut potentissimum aut felicissimum:* fors illud sufflamina bit metum, si cogitemus: potentiam & felicitatem, cum mediocribus animi dotibus conjunctam, haud dubie ingens ad imperium habere momentum; de cetero non consensuros facile in eo viros præclaros Electores

(nam à fluctuante vulgo procul hoc negotium remove-  
mus) ut destitutum bona arte hominem solo illo exteriori  
respectu scepro admoveant.

30. Proposita sunt, ductu Barclaii, quæ Electio ha-  
bet incommoda: nequaquam inficianda illa quidem nobis;  
sed cautionibus quibusdam opus erat, quæ simplicioribus  
ostenderent, quatenus & quo sensu dicantur, quæ apud  
prudentes nunquam simpliciter intelliguntur. Certe ob-  
servatu dignum est, quibus ipse ille vir gravissimus suam  
dissertationem limitibus incluserit. Ut enim quod ul-  
timum posuit, primo notemus loco, Agnoscit plurima  
in electione bona, ceterisque imperiis haud dubie præfe-  
renda: *sed hæc bona*, inquit, *sperari non possunt. Recla-*  
*mant vitia hominum & toties experimenta in contrarium*  
*versa.* Multa (hæc mens est verborum) præclare possunt  
excogitari, multa ordinate disponi & reipublicæ usibus  
commendari, ab iis præsertim qui res & vident acutius &  
differunt ornatus; sed in civilibus causis multa facilius  
optantur quam sperantur. Ratio ab inconstantia humani  
ingenii & indole actionum prona deterioribus petitur.  
Sic Plato multa præclare vidit, quæ Aristoteles fieri feli-  
citer posse negavit. Qui propterea non adversas sed di-  
versas facit has commentandi rationes. memorabilis est lo-  
cus 3. polit. 5. Τὸ δὲ πρὸς ἑκάστην μέθοδον φιλοσοφῆναι, καὶ μὴ  
μόνον ἀποβλέπειν πρὸς τὸ πρῶτον, δικαίον ἔστι τὸ μὴ παρορᾶν,  
μὴδὲ τι καταλείπειν, ἀλλὰ δηλῶν τὴν πρὸς ἑκάστην ἀλλῆναι.  
paraphrasis Heinliana sic exprimit: oportet enim, qui in  
singulis philosophari velit disciplinis, neque tantum, quæ in  
usu atque in actione locum habent, sed & quod philosopho-  
rum est, causas singulorum contemplari atque rationes, ni-  
hil præterire: verum contra, omni modo dare operam, ut  
veritatem eruat, eamq; aliis exponat. Alibi (lib. 4. polit. 1.)  
distinguit πολιτείας τὴν ἀπλῆς κρατίτην, καὶ τὴν ἐκ τῆ ὑποκα-  
τὰς ἀρετῆς. quod ex eodem fundamento nascitur: acci-  
de e nimium aliqua in vita civili & actu aliter, quam sa-  
pientia civilis conceperat destinaveratque: remque per se  
bonam

bonam, si ad civitatis instituta & populorum accommodetur, fieri non bonam: neutram tamen debere rationem ignorari.

31. Esse autem Electionem aliquam, ἡ ἀγαθὴ χάρις ἀλλ' ἀλυστὴν ἀναισθησίν, quam non dissertatio philosophantis, sed usus imperantis commendat, non est quod dubitemus. Venetorum antea exemplum posui, nec ignorat quisquam exempli felicitatem. Non fugit me, plurima in principatu Veneto, regnis sine successu accommodari. Tu tamen consideres velim apud scriptores illius Reipubl. an non talis religio electionis, talis tranquillitas, talis scopus alibi posset in regno institui. Non abetrabit electio, electoribus commissa optimis, quæsitissimis: non turbabunt comitia ordinatissime concordia: non Imperator imperium tam probe munitum; non imperium audebit Imperatorem laceßere tam innocenter venerabilem. Si ambitus optimatum eousque nobis obijciatur, tollenda erit universa Aristocratia: cuius tamen status, potius suæ durationi per leges adversus ambitum & alia prædicia prospicit, ne paucorum opes adversus securitatem publicam incrementum. Porro cum satis constet illa imperia esse salubriora, quæ unius potestatem, Aristocratice temperant, & mansuetiunt, quam absolute infinitæque dominationi permissa: igitur in Electione plurimum talis mixturæ instat, quippe quæ ita ad principatum proprie dictum accedit, sicut successio dominationi proxima est. Illud quoque diligenter attendendum, an non pleraq; quæ electioni tribuuntur incommoda, non electionis sed regni, sed populi, sed παραχέρισται & vitiorum in imperio latentium, sed modi denique, quo electio perficitur, incommoda sint. Tale quid prudentissime nobis Plinius ipse in Electione Trajani suggerit: *Temere fecerat Nerva, si adoptasset alium, oblitus ne sumus, ut nuper post adoptionem non deserit seditio sed cæperit? Irritamentum istud irarum & fax tumultus fuisset, nisi incidisset in te.* 8, 5. Igitur Electio, si in petiona errasset, haud dubie noxia fuisset, quæ salutaris

facta est & fieri solet, cum observantur cetera rei momenta. in qua si difficultatis aliquid est, potius ad præstantiam quam ad vituperium illa valere debet.

32. Quod non diffitetur Vir summus, ad cuius auctoritatem nobis redeundum est. Qui etiam illud caute addit: loqui se de *nobilibus & inquietis gentibus, quæ hereditario continentur imperio*. his difficulter Electionem conciliatum iri, & postea: in *vividis, inquit, gentibus, subtiliq; exserto ambitu ferventibus, num quæta fore speres comitia?* Revocanda hic est in memoriam nota politicorum observatio, cum de imperiorum formis & rationibus disputant: *nihil omnibus gentibus, nationibus, locis, temporibus ex aquo congruere, sed hæc quidem in se spectata, bona; alibi autem & aliis incommoda: alia ingenio hominum, alia temporibus apta.* & quæ similis sunt circumspectionis. Itaque ex his pronuntiandum, neque simpliciter aliquid probandum aut improbandum. Ut nec illos sine exceptione audiam, qui *successionem ad servitutem & dominationem referunt. posse infanti, puero, fatuo summam rerum obvenire: quo tempore rempublicam affligi damnis difficulter reparabilibus.* Quod indignum esse. neque enim regum gratia urbes conditas & gentes, sed ipsos *populorum causa reges constitutos. Virtutis itaque & meritorum præmia manerent, quæ præter virtutem nulli rei deberentur.*

33. Nostros quoque Imperatores, & præcipue Carolum IV. Sanctionum Aurearum Auctorem tangit dissertatio Barclaiana; quasi *majestatis suæ vires*, curis ambitus haud raro fregerint, perniciosaque indulgentia publicis vectigalibus suæ familiæ fastigium emerint. Quam nos litem nostram non facimus. Illud non dubitaverim affirmare, *Electionem* (cujus fundamenta & regulas præsertim Aurea Caroli Bulla firmavit) *tum ad majestatem hujus imperii Germanici tum ad salutem, illustre præ ceteris monumentum esse.* In qua illa eximia: quod *saluberrima paucitate à strepitu comitialis multitudinis ad angustissimum Electorum collegium, cui tamen consiliarios adhibere prudenti moderatio-*

ne permissum, res est translata: quod ad virtutis merita non ad nomina natura est astricta: quod sanctissimis non juramenti tantum sed totius tractationis est inclusa vinculum; qua non ambitum, non turbas, si observentur, formident: quod ipsum Imperatorem Capitulationi, quam vocant, sive legibus ad imperii libertatem spectantibus & securitatem, religiosissima pactione alligat. Quarum rerum qui congestas summatim rationes & historiam, tum ostentos plenissimarum commentationum fontes quærit, duce utatur *Quirino Cubachio* in Jurisprudentiæ Germano-publicæ lib. 2. qui methodicam A.B. explicationem habet. Videntur præcipue capita, 4. deinde à 13. usque ad 17. Nos obiter hic adspargimus; *Turbas imperii & varia, quæ inquietum Germania statum habuere, incommoda, non, quod faciunt nonnulli, Electioni tribuenda, sed altioribus quibusdam causis, quas tempus & animorum varietas tum Electioni, tum imperio omni solent affricare, nata videri.*

34. Accuratissimus Civilis Doctrinæ scriptor *J. Lipsius*, cum lib. 2. Pol. 4. de legitimis capiendi Principatus modis, id est, de Electione & successionem ageret; videtur, neque sibi neque aliis voluisse liquere, utram utri præterret. Successionem receptiorem nominat, & aliquo aspectu meliorem. Sed post allatas pro Electione rationes, in medio relinquit, *utra harum rectior.* Cujus occasione cautionis observari velim: *Haud dubie, quæ pro Electione dicuntur & dici possunt, habere pluri rationis, & philosophi splendoris & æquabilitatis, quæ est omnis boni imperii mater: Successionis autem nihil præter diuturnam consuetudinem & omni tranquillitatisque blandimenta laudari posse.* Fit tamen, ut etiam ii nonnunquam, qui Electioni & ejus fundamentis non possunt non favere, ingenio consuetudinis, cui usitatissima quæque gratissima, & abrepti multitudine ita sentientium successionem tueantur. Sed & sola cogitatio tranquillitatis, quam certius polliceri successio (licet profecto fallaciter nonnunquam) videtur, plerisque

plausi-



plausibili otiosæque philosophiæ propiores facit. à qua dimotos equidem non cupimus; dum modo constet, multa in civili disputatione non argumentis sed jucunditate, neque rationibus sed usus facilitate, ceteris antehaberi.

## XXIII.

COMMENTATIONUM  
PLINIANARUM

## CAP. IV.

*De Auctoritate sive Majestate Imperantium; quid ea, quomodo paretur retineaturque; tum quid efficiat ac prosit.*

**H**Oc caput dabimus rei, quæ Trajanum ejusque imperium tum splendore eximio illustravit: tum efficacia singulari roboravit. *Auctoritas* ea est, & meritorum nominisque majestas: hac ille foris domique divinior fuit, quam eorum quisquam, qui arroganti consecratione suas spes & suorum captum supergressi, ludibrium, & ad posteros infamiam reportarunt.

2. Antequam autem rei ipsius expositionem aggrediamur; primo omnium clariora fieri oportet, quæ vocabulorum ambiguo significato moram aut tenebras tractanti faciunt. Igitur *Auctoritas*, hic non est; *qualecunque momentum & pondus ad effectum rei aut fidem, persona annitente, proficiens*: neque tantum exterior corporis habens-

*bitusq; ac gestuum dignitas sive gravitas* ita nobis notatur. Illo sensu, præclare Vellejus 2, 127. scripsit : *interest reip., quod usu necessarium, etiam dignitate eminere, utilitatemq; auctoritate muniti* : id est, viros reip. utiles, gerendisque rebus aptos alacritas etiam dignitatis honorumque momento ad efficaciam suarum actionum provehendos esse. Posteriori autem intellectu capio illud Taciti 15. A. 26, 3. *Auctoritatem* viro militari (Corbuloni) pro facundia fuisse. Victor in Mithridate disertè immissum percussorem, *auctoritate vultus* regii territum memorat.

3. Eandem *ἐμμενίαν* patitur vox *Majestatis* : quæ cum ex se illam ipsam Auctoritatem notet, de qua sumus acturi, (nisi quod Lipsius ad *privatum*, discriminis causa vocem *Auctoritatis* restringit, ut clariori titulo *imperantibus Majestas* possit tribui) tamen & oris dignitatem, & agentium illas *δωράμεν πολιτικῆς* (ut Aristotelicam vocem huc accommodem) *καλαχρήσει* loquentium ac consuetudine, interdum significat. Sed & frequentissimè à recentioribus *Majestas* pro *jure ac vi Imperii*, ut veteres loquebantur, usurpatur. Hinc Arnisei opus, *de jure Majestatis*, & apud Politicos passim, *jura Majestatis*. quæ Livius, *jura summi imperii* dixit. Verum hæc & talia in præsens nihil ad nos.

4. *Auctoritas* enim sive *Majestas*, de qua disquirimus, est *Reverentia, virtutis, meritorum, factorumve existimatione* parta, aut religione quadam conciliata, *ostensam rerum dignitatem cum efficacia velut interpretans*. Lipsius 2. polit. 10. definit, quod sit : *Reverenda quadam amplitudo, ob meritum virtutis aut rerum affinium* : rotunda verborum perfectione, quatenus in re tali licet, ejus naturam complexus.

5. Diximus *Reverentiam*. Et firmat nostram mentem, tum Græca synonyma vox *σεμνότης* (quid enim *σεμνότης* est aliud, quam gravitas venerationis ac cultus excitatrix?) tum quia vix alia vox generis loco commodius poni potest. An enim *magnitudo*? at ea efficit potius au-

toritatem. an *existimationem*, *famam*, *gloriam* nominasse oportuit? at hæc partim non exhaustiunt naturam auctoritatis, partim in efficientibus aut adjuvantibus rectius numerantur. An *admiratio* verius est? Non videtur diffidendum, si ad miratio pro reverentia, quod scriptoribus non insolens, accipiat: de cetero anteaambulam aut comitem auctoritatis melius dixeris. *Reverentia* autem planissime exprimit illud, quod maiestatem auctoritatemque dicimus: reverentiam merita antecedunt, meritum gloriæ provocant: hanc comitatur amor, iudicium, venerabundus stupor: hanc sequuntur promitudo, studium, aliquando timor, & ejusmodi plura. Tale quid in Trajano dum passim laudat Plinius & explicat: plane ad nostram finitionem, aliquando *venerationem* pro auctoritate ponit (ut cap. 13. 1.) aliquando *admirationem* (ibid.) aliquando ipsam *reverentiam* (clarissimus est locus 19, 2.)

6. *Causarum generantium* censu, ex parte habentis maiestatem, includimus; *virtutem*, *merita*, *facta*. *Virtus* enim *bonum* vere *venerabile*, juxta Aristotelem; *virtus clara æternaque*, iudicio Sallustii; etiam post mortem, idque *non sine ratione*, *sacra est magnarum virtutum memoria*, verbis Senecæ. Fecunda autem res est virtus, editque præclara & multa in patriam, in bonum publicum, in humanum orbem pignora, id est, *merita & facta*: quorum tam efficax est in animis hominum veneratio, ut nonnullos, *Heroes*, quosdam *Deos*, quosdam *Principes ac Reges* fecerint. Hinc *Perseus Zenonis auditor*, eos dicit *habitos Deos*, à quibus *magna utilitas ad vita cultum esset inventa*. Cic. 1. de nat. Deor. 15. ne jam exempla & expositiones gentiæ ἀποδείξωσις huc afferam. Aristoteles vero Noster quam dilente agit, cum 3 polit. c. 10. scribit: *Διὰ γὰρ τὸ τὴν πρῶτον γενέσθαι τῷ πλείοντι ὑπερχείρας καὶ τίχτας ἢ πόλειον, ἢ διὰ τὸ σωτηραῖον, ἢ περισσεύειν χάριτας, ἱπποπόλο βασιλεῖς ἰαβύλων. καὶ τοῖς παρρηλαβάνοι πάτριον*, id est, expositione Paraphrastæ: *Cum enim olim magni quidam viri atque eximii, beneficiis quibusdam sive in bello sive in pace*

pace (exempli causa, ibi quidem clara aliqua victoria, hic autem rei alicujus necessaria inventione, & arte) obstrinxissent sibi populum, aut palantem vagantemq; sine legibus ac civitate primi convocassent, terramve quam incolerent dedissent; primi à volentibus pronunciati sunt reges. Qui successionem regni hujus voluntarii, ad liberos exinde transmiserunt ac nepotes. Huic loco geminus, extat l. 5. c. 10. Unde quanta sit meritorum facinorumque ad parandam majestatem vis, existimo intelligi.

7. *Respectu rei*, quæ majestatem conciliat, est dignitas, magnitudo & pretium, quod ei rei tribuitur; tum religio quadam, ita enim nobis loqui placet. E. G. quid virtuti auctoritatem dat? illa ipsa virtutis nobilitas & excellentia, quæ clarissima luce mortalium animis inculcata, tot testes quot spectatores auditoresque invenit. Facta quoque & merita, eorundem usus & ipsum gloriosissimum bene faciendi merendique opus cultui hominum commendat. Sed & multe res sunt, quæ consensu quodam tacito sanctæ, religiosæque æstimantur. Est quædam religio in imperio propter sanctitatem: est quædam admiratio in senio, propter experientiam: est quædam veneratio in sanguine, propter necessitudinem. Aliqua traditione & consuetudine religionem obtinuerunt; pleraque vi occulta: ut conscientia, ut testimonia majorum &c. Igitur ex *magnitudine* sive innata, sive adventitia omnis majestas. Quam in rem eximius est locus Plinii 42, 1. ubi maxime omnium illos caruisse *magnitudine*, ait; qui *majestatem* sibi vindicabant.

8. *Ex parte eorum*, apud quos Auctoritas obtinetur, causa vocari meretur, *existimatio* & *judicium* de re præclara ac venerabili *honorificum*: (sicut & despicientia, apud Aristot. 2. Rhet. 2. *ἰσχυρὰ τῆς δόξης* actus opinionis dicitur) quod ostensam suomet fulgore dignitatem inculcat, non sine interpretatione magnifica: qua fit ut propensio, studium, obsequium, cum aliis sequantur, de quibus infra ageretur. Absque hac *interpretatione* nulla est, quæ videtur

maxima Auctoritas : quæ non in operibus hominum aut cultu externo , non in statuis , templis , trophæis , sed in animis hominum , in iudicio posterorum , in consensu temporum quærenda est. Hinc *majestatis vera inscia ambitio*, à Panegyrista Nostro objurgatur 63, 4. & affectus civium iudiciumque multa figurarum luce Principi tanquam certissimæ majestatis pignus commendatur exponiturque.

9. Dum in explicatione causarum harumce versamur , succurrit locus Ciceronis , quem in Topic. 19. positum , egregiaque philosophia nixum , operæ pretium fuerit , huc transferre. *Auctoritatem*, inquit , *aut natura aut tempus adfert. Natura auctoritas*, in *virtute inest maxime. In tempore autem multa sunt*, quæ afferant auctoritatem : *ingenium*, *opes*, *etas*, *fortuna*, *ars*, *usus*, *necessitas*, *concurfus etiam nonnunquam rerum fortuitarum*. Scilicet vel hoc scriptore monente discimus, causas auctoritatis, ut vocant, *efficientes* non unius omnes generis esse; sed alias quidem *principes ac primarias*, alias vero *minus principes & ministras adiutricesq.* De illis jam diximus: de istis consequens est ut dicamus. Referimus autem in hanc classem omnia ea, quæ non à se, sed aliunde venerationem habent, aut Principis magnitudini ornandæ potius quam illustrandæ; neque indubie ac semper, sed pro usu aut tempore conducunt.

10. Si *ingenium* primo spectamus, res utique maximi æstimanda merito habetur : sed quem latent Græchi illi apud Vellejum, 2, 7. *viri optimis ingeniis male usi?* Alexander, quem orbis domitorem laudant, majore ingenio fuerit an nocentior, cogitandum cuius relinquo. Quærat hic forte quispiam, *quale ego ingenium ad auctoritatem principi convenientissimum* putem? Est enim inter ingenia, quæ admiramur, multa omnino diversitas : in quam scriptio nostra non effunditur : Huic obiter responderim, non tam subtilitatem quam gravitatem, nec tam scientiæ scholisque aptam indolem, quam actionibus & vitæ, hic spectari, vel eorum exemplis constare, qui magni

magni ingenii sui nullam nec gratiam nec gloriam tulerint. Nulla Neroni auctoritas ex solertia in fides, cantus, histrioniam valida: Claudium quoque felix in litteras liberales ingenium non vindicavit ab insigni stultitiæ, stuporis, ineptiarum in ceteris rebus omnibus probro. Possem ex illo & antiquiori ævo, usque ad hoc nostrum exemplum invenire: eaque recentibus continuare si res vel instituti vel modestiæ nostræ esset: vide & Barclai, Icon. anim. c. 10.

11. *Opibus, divitiis & potentiam* complectimur, utraque enim res majestati aliquando juvandæ: utraque Pompejum orbi pane universo mirandum fecit: utraque Lucullum extulit magnifice: utraque utrumque privatum, principis auctoritate honoravit. sed quam bene uterque usus sit sua magnitudine, sapientium pridem judicio est ostensum. Cautionis loco Sallustianum illud suggero, Catil. 12. *postquam divitiæ honori esse ceperunt, & eas gloria, imperium, potentia sequebatur, hebescere virtus cepit*; id est, veræ majestatis fons & origo. Hic non intempestive forsitan inferi possit distinctio ista sive observatio: *Alia sunt, quæ apud vulgus auctoritatem intendunt: alia, quæ prudentium venerationem merentur.* In illo censu sunt opes, potentia, forma, ætas, res fortuitæ; de quibus deinceps: in isto majora virtutis meritorumque momenta,

12. *Ætas* venerationem habet præcipue *senectæ*; tum annorum, tum canorum respectu. *Huber in ætatibus auctoritatem senectus*, inquit Cic. in orat. 50. Et Panegyrista noster, de ipsis canis cap. 4, 7. *festinatis senectutis insignibus*, ornata casaries Trajani, *ad augendam majestatem.* Bene tamen observanda Cic. cautela cap. 18. de Senect. *non cari, non ruga repente auctoritatem arripere possunt: sed honeste acta superior ætas fructus capit auctoritatis extremos.* Nisi enim hoc virtutis subsit fundamentum; contentus haud raro existit causâ: imo nisi adsit. Nam in L. Vitellio apud Tac. 6. Annal. 32, 7. *discis: bona juvenis senectute*

*flagitiosa obliterari. Invalidus senex Galba & cui senectus sola obiceretur, apud eundem scriptorem memoratur, H.6, 1. & 16, 5.*

13. Præter senectutem etiam *virilis ætatis robur* suspicitur. causam ex Onofandro pete: καὶ γὰρ τὸ δυνατὸν ἐν τῷ μνηστῶ γενησάμεναι, καὶ τὸ σφοδρὸν ἐν τῷ μὴ πάλῳ ναιέσθαι, quod Rigaltius vertit: *quia & robur inest seni juniori, & prudentia juveni seniori.* Hanc ætatem Noster c.4, 7. *indeflexam maturitatem ætatis* dixit, augendæque majestati adhibuit. Quia ipsa interdum juvenus majestati apta, cum scilicet præclaro successu annos suos virtute vincit. Castigatissimi judicii scriptor, cum Alexandri auctoritatem ex origine & causis producit, inter alia: *aræ quoque, inquit, vix tantis matura rebus, sed abunde sufficiens, omnia etiam ejus opera honestabat.* Curt.3, 6. f. Scipio etiam adolescentiæ per magna specimina actæ venerationem tantam pretium tulit: *ut illis freta civitas ætati haudquaquam matura, maximam molem rerum, maximiq, belli imperium permitteret.* Liv.26, 19.

14. De Forma nunc & vultu habituq, aliquid dicendum est. Panegyrista externa ista auctoritatis præsidia conjunxit Cap.4, 7. *Jam firmitas, jam proceritas corporis, jam honor capitis, jam dignitas oris, nonne longe lateq, Principem ostendant?* Ad quem locum operæ pretium est videre, quæ in Frischmanniana editione annotata sunt Auctorum loca. Dioni in Trajano, egregia voce τὸ στυρόπρεπὲς τῷ προσώπῳ, dicitur, cujus explicationem ad miraculum disertam ab Erasmo pete, qui in Panegy. ad Philip. describit: *plusquam heroicam totius corporis speciem, procul etiam Principem ostendantem, eximiam sed decentissimam proceritatem; insignem capitis honorem, vividum quasiq, aquilinum oculorum vigorem: regiam oris dignitatem ac totam faciem sic ex amabili quadam venustate pariter ac majestate temperatam, ut neque gratia minuat reverentiam, neque dignitas officia gratia, qualem (inquit) arbitror fuisse illum, in quo uno quasi geminos vultus Martis atque*

atque Apollinis apparuisse, scripsit Calphurnius, idq; in rustico quodam carmine, sed quo nihil possit dici minus rusticum. Elucet enim omnino in te talis quidam oris habitus, qualem & hostes formidare, & vereri improbi possint, boni vero non possint non amare. Istiusmodi figuram Achilli affinxit Homerus, Aeneas Virgilius; talem Africano duci tribuunt historia: quam sic augustam esse volkerunt, ut nihil amabilius: sic rursus amabilem, ut nihil augustius.

15. Nemo, opinor, vitio vertet, prolixiorum locum huc exscriptum. nam tractatio ipsa merito à nobis: ejus illustratio ab antiquis aut doctioribus, cupidius expectatur. Sed & imitationi eloquentiæ, quam spectamus, locus tam nobilis inservire potest: in quo plenissime expositum, quod Tacitus copiosa brevitate in Germanico dixit: *visusq; & auditu juxta venerabilis, cum magnitudinem & gravitatem summa fortuna retineret, invidiam & arrogantiam effugerat.* 2. A. 72, 3. Quæ ego verba aliquando tali declarabam paraphrasi: *digna viro Principe species, cultusq; & habitus multa condecencia honestatus, omnia in eo visenda fecerant. nec dispar in loquente, precipiente, conversante elucescebat majestas.* Deniq; ut alii affectatione gravitatis, in morum arrogantiam elati pro auctoritate reportant invidiam, fastigio principali per se satis imminentem (credunt enim homines facile, incivilius secum agi, quod cum summa fortuna nihil sibi commune; igitur non aequis valde oculis illam supra sortem, ut interpretantur, hominum posita afficiunt, præsertim ubi nimis ostentantur) ita ipse vera auctoritatis, natura & arte exemplar, tum in sua venerationem personæ, tum fortuna sua fastigiis, admirationem non invitos omnes pertraxerat. Sed hic quidem quod obtinuit, meruit: alios leviora honestant. Certe vulgus sic oculis pro judicio utitur, ut prudentes judicio pro oculis. Ecce, *Magnus fama cultusq;* fit apud Romanos Maximinus, cui præter corporis magnitudinem nihil boni: qua ipsa quoque, licet stupendo exemplo, non tamen ita sui ævi mortales vicit, sicut ferino animo omne humanum genus.



16. Sed non in solidis & durabilibus hæc talia collocanda: quemadmodum nec cetera illa *concurso rerum fortuitarum*. Quosdam *prænunciata, solis lunæve defectio*; quosdam *ejus interpretatio*, animo o in suarum rerum comparatione mendacio nixa: alios *tolerata indigne calamitas, ominosa rei nihil minus quam ominosa explicatio*; *rumore melioris eventus fucata temeritas*: non neminem *cerva, alium corvus, aquila, & quid non? venerabilem fecit*. Scilicet illa gloria non est *αἰῶνα ἰς αἰῶνα, ἀλλ' ἀζώντια ἰς τὸ παρὰ χρόνα ἀνέειν* (καὶ διὰ τὸ) *non mansura constansq; possessio, sed ad brevem aurium oculorumq; oblationem comparatum ludicrum*, ut Thucydidis, qua scribentium scriptorumque diversitatem expressit, sententiam ex principio lib. 1. nostro instituto accommodem. præsertim id evenit, ubi affectatio accedit, quæ & prodit pergulam totius sæpe histrionix. Apud Xiphil. Vitellium *σεμνοπρεστωμένη* rident, qui fæditatem ejus domesticam non ignorabant.

17. Majoris momenti *Felicitas* est illa divinum munus, & qui felices, Deo grati acceptique ac propterea suspiciendi videntur. Curtius de Alexandro, 3, 6. *ἤδη πρῶτον μὴν οὐδὲν ἢ θεοῦ ἰσχυρῶς ἐκτελεσθέντος ἀγνοεῖν*. Nam cum esset presto ubique fortuna, temeritas in gloriam cesserat. Itaque Maximo, Marcello, Scipioni, Mario, & ceteris magnis Imperatoribus non solum propter virtutem, sed etiam propter fortunam sapius imperia mandata, atque exercitus esse commissos, Cicero testatur pro Manil. leg. 16. Causam duplicem possumus asserere: vulgus enim in felicitate nihil præter splendorem atque *τὸ παρὰ χρόνον* eventus soler mirari: apud eos qui plus judicant, plerumque rerum prosperitas cum innocentia sapientiæq; laude conjuncta est. si quidem, ut scripsit Libanius, qui pietate atque honesto sua consilia metiuntur, iis demum solent res ex sententia evenire. Sunt hæc verba Erasmi in admirabili illo ad Philippum Maximil. Cæs. fil. Panegyrico. Hinc est, quod nemo facile Laudatorum, fortunam absque fortunæ caulibus extollit: sed his illam amplificat, & interdum (quod  
ab

ab ethnicis aut ethnico more fieri putandum est) obscurant. Antiquioris Panegyristæ (Latini Pacati c. 40.) mirifica est in hoc loco illustrando diligentia. *Fatearis necesse est Imperator, ait, quantum te in bello, tantum fortunam tuam egisse post bellum. cui si vocem demus, & iudicem, nonne prolixo suam & enumerabit operam, & ut virtutibus tuis multa concedat, sibi aliquam vindicabit? & cur, quaso, non demus, ut accipiamus utrimq; partis asserta, cum sit qua viceris tua? Audio Constantiam dicere &c. legatur totus locus. Non aliter Plinius noster philosophatur c. 74. 1. Nihil magis possum proprie dicere, quam quod dictum est in cuncto senatu: o te felicem! quod cum diceremus, non opes tuas, sed animum mirabamur. Est enim demum vera felicitas, felicitate dignum videri.*

18. Sequuntur Artes, & ipsæ Auctoritatis instrumenta: quamquam neque omnes neque omnibus. Abusus enim est rerum optimarum, & ex iis quædam, ut plantarum multæ, certo veluti solo assuetæ; extra quod degenerant. Itaque tum alias, tum hic studiose tenenda Aristotelica illa: *ἥτοι καὶ τί, καὶ πῶς*. Potuit Nero dicere: *quantus artifex pereo! non potuit, quantus Princeps! Fuit Gallienus (quod negari non potest) oratione, poemate, atque omnibus artibus clarus. Sed aliud (hæc enim inæxiste sequitur in Trebellio) in Imperatore quaritur, aliud in oratore vel poeta flagitur. Et tulisse tamen multum gloriæ Principibus eloquentiam, præter exempla quæ scimus, Aristoteles rationibus ostendit, præf. Rhet. Alex. vide enim quid faciat illud; quis & qualis. Breviter & vere loquar si dixerò: easdem artes majestatem juvare, quæ & imperandi instruunt sapientiam gerendisq; rebus addunt promptitudinem. Revera enim, juxta Philosophum: *rex Regia est sapere*. verum ista commentatio peculiaris est laboris: quem occasionì & tempori reservamus. Illud obiter addimus: Trajanum bonis artibus aliis copiosum, litterarum expertem: favore tamen & munificentia erga omne studiorum genus, expleisse admirationem. Tu, in-*

quit, Plinius 47, 21. *Studia & artes sapientie in complexu, oculis, auribus habes; præstas enim quæcunque præcipiunt &c.* Utrumque ad majestatem insigne; studia, quæ ignores, amare & attollere; tum ea vivendo præstare, ultra quæ nec sapientium doctrina progreditur.

19. *Experientia* superest, hanc in Trajano miratur cap. 15. Panegyri. Hæc si cum artibus & sapientiæ studio miscatur, efficacissimi roboris deprehenditur, & propterea venerationis. Quod enim vehementer necessarium aut utile in rebus arduis homines agnoscunt, illud venerantur. Satis gloriose pro se Marius; sed nec sententiose minus, eventu autem felicissimo, in oratione, qua nobilitatem exagitavit, apud Sallust. Jugurth. 85. *Ita ad hoc ætatis à pueritia fui, ut omnes labores, pericula, consuecra habeam. & mox: mihi qui omnem ætatem in optimis artibus egi, bene facere, jam ex consuetudine in naturam vertit. adde plurima alia indidem.*

20. Nos, quæ de causis hæcenus sunt dicta, colligimus obsignamusque verbis Senecæ ep. 115. ubi boni viri magnique splendor & auctoritas graviter describitur. *Si nobis animum boni viri liceret inspicere; ô quam pulchram faciem, quam sanctam: quam ex magnifico placidoque fulgentem videremus? hinc justitia, illinc fortitudine; hinc temperantia, prudentiaq; lucentibus. Præter has frugalitas, & continentia, & tolerantia, & liberalitas, comitasq;, & quis credat? in homine rarum humanitas bonum, splendorem illi suum affunderent. Tum providentia, tum elegantia, & ex istis magnanimitas eminentissima, quantum, dii boni, decoris illi, quantum ponderis, gravitatisq; adderent? quanta esset cum gratia auctoritas? Nemo illum amabilem, qui non simul venerabilem diceret. Talis animus vere nimirum regius, vere imperantibus conveniens & utilis. Illud non omiserim monere: Plurima esse, quibus majestas sive constat sive ornatur: etiam minima in consortium paranda rei maxima admittuntur. Sed præcipua virtutum vis est, quas qui cum condecencia ad sceptrigeros accom-*  
modare

modare noverit, ille majestatis vim intellexerit rectissime. Tacitus *claritudinem Calpurnio per virtutem*, aut species virtutibus similes *partam* ait 15. A. 48, 2. de quibus mox sub exemplis.

21. Non enim esse duxi necessarium, præter caussarum tractationem, *arses parando majestatis retinendaq; ipsas* (quid autem sunt illæ aliud, quam caussarum in agendo occupatarum propior contemplatio & applicatio?) denuo exequi. *Dispensa prudenter, qua diximus, & obtinebis majestatem: etiam retinebis.* iisdem hæc conservantur artibus quibus acquiruntur. Unum observa: *ne obsolescat majestas in animis hominum, quibus nihil est inconstantius; crebris meritorum speciminibus veluti renovanda est tam illustris species.* Ne tamen quisquam putet justo breviores nos esse, *exempla producemus eorum, qui majestatem & parare & habere sciverunt maximam.* Intuere utramque virtutem, quibusque artibus constiterit intellige.

22. Post artes Trajani, *de quib. vid. cap. 13. paneg.* Primus Scipio erit, idque suo merito: huic enim, si solidam Auctoritatem quærimus, quem præferam, non habeo. Adi facundissime ista explicantem Livium lib. 26, 19. *Fuit Scipio non veris tantum virtutibus mirabilis, sed arte quoque quadam ab juvenia in ostentationem earum compositus: pleraq; apud multitudinem aut per nocturnas visa species aut velut divinitus mente monita, agens: sive & ipse capti quadam superstitione animi, sive ut imperia consiliaq; velut sorte oraculi missa sine cunctatione assequeretur.* ad hæc jam inde ab initio præparans animos, ex quo togam virilem sumpsit, nullo die prius ullam publicam privatamq; rem egi, quam in Capitolium iret, ingressusq; ad eam consideret, & plerumq; tempus solus in secreto ibi teneret. Hic mos, qui per omnem vitam servabatur, seu consulto seu temere, vulgata opinioni fidem apud quosdam fecit, stirpis eum divina virum esse. His miraculis nunquam ab ipso elusa fides est: quin potius aucta arte quadam, nec abnuendi ta-

le quicquam, nec palam affirmandi. Multa alia ejusdem generis, alia vera, alia assimulata, admirationis humana in eo juvene excefferant modum. Latini hujus Polybii paraphraestes haberi, Græcus ille Lycortas potest: qui lib. hist. 10. non tam narrat, quam interpretatur, *τινι γράφει Σκίων ἱστῆσαι ἰσχυρῶς αὐτόν*. Multam reportabit philologiam, qui totam dissertationem legerit.

23. Alterum exemplum Corbulo dabit: ille qui apud Tacitum, *omnium ora in se vertit, corpore ingens, verbis magnificus, & super experientiam sapientiamq; etiam specie inanum validus*. 13. A. 84. Multa in paucis agnoscit, qui brevitatis Cornelianæ genium non ignorat. Tertius, Alexander prodibit: quem ut in ceteris rebus, ita & Auctoritate Magnum dixeris. Cujus artes docetq; (ita enim Curtius distinguit ingenii munera & virtutum præsidia) describens Historicus, inter alia: *Quæ leviora, inquit, haberi solent, plerumq; in re militari vulgo gratiora sunt; exercitatio corporis inter ipsos, cultus habitusq; paulum a privato abhorrens*. 3. 6. Nam & quædam supra memoravimus, & quædam ex tam memorabili loco infra adducemus: qui si totus conferatur, luculentum Auctoritatis exemplar, artesque præcipuas ostendet.

24. A quibus penitus removemus eos, qui affectatione singularis cujusdam moris Auctoritatem quasi vivere. Videamus, inquit Seneca epist. 5. *ne ista, per qua admirationem parare volumus, ridicula & odiosa sint. Temperetur vita inter bonos mores & publicos: sufficiant omnes vitam nostram sed & agnoscant.* Nulla altitudo alta censetur & clara, si supra sensum communem aspici potius, quam intelligi velit. Itaque nec pompe inferiorumq; & ejusmodi externi paratus nimis splendor huc facit. Ostendimus in capite 2. 14. de civilitate, plus venerationis accessisse Trajano ex temperatione suæ fortunæ fulgorisque, quam aliis, ex ejusdem intensione. Multo minus arrogantia in hunc finem efficax, quæ quid nocuerit Julio Casari, ex Sueton. cap. 76, 77, 78. discant, qui nec principis, nec hominis fastigio

Atigio contenti, suis quos ascivere radiis obscurantur, suaque ipsi vi deprimuntur. *Vocem non consociare, manum denegare*, cujus sit, Plinius Panegy. 71, 2. satis manifesta improbatione eorum explicat, qui *velut affixi curulibus suis, manum tantum & hanc cunctanter & pigre & imputantibus similes promerent.* Demetrius ille Pompejanus, & Claudianus Pallas, quam male, ille quidem numero servorum, hic colloquit cum servis aspernatione magnitudinem quæsierint, Seneca, de tranquill. an. 8. & Tacitus 13. A. 23, 3. recensent.

25. Quid de occultatione sui, quæ Persus ad magnificentiam visâ idonea, dicamus? Multi principum *majestatem regiam imminui & vulgari putabant*, nisi eos intra repositum palatina adis inclusos, tanquam aliquod vestale secretum veneratio occulta consulisset, nisi intra domesticam umbram jacentes solitudo provisa, & silentia late conciliata vallassent. Pacat, in paneg. Theodos. c. 21. ubi suum Imp. laudat, *quod creber egressu, expectantibus populis se fateatur.* Noster hic, inquit, *omnibus spectantibus affertur, nec magis communem hunc diem atq, solem, quam nostrum Imp. videri licet, idque sine fastidio*, quod mox additur. Sed & *Pompa* prodeuntium aliorum ibi descripta ad explicacionem superiorum valet. At, inquis, *Velleda Germanorum* majestas occultatione stetit; *hanc coram adire alloquique negatum.* Arcebantur aspectu, quo plus venerationis inesset, Tac. 4. H. 65, 8. Hoc & similia exempla facile declinantur, si *objecta* venerabilia, si *scopus* e. gr. superstitionis vel majestatis, si *subiecta* quæ cæco feruntur vulgarique impetu, à prudentium veneratione distinguantur. Est enim, quod & supra innumus, duplex Auctoritas. *vera & solida*, quam omnes consentiunt, nec affectu magis, quam judicio prosequuntur; & *fallax, inanis, fluxa*, quæ vel malis vel stultis, imprudentibusque nixa auctoribus, facile evanescit aut nomen ac speciem sine re tuetur.

26. *Effectus Majestatis* (huc enim pervenimus) proxime quidem est illa ipsa efficacia in interpretatione ma-

*gnitundinis* : de qua in defin. diximus : id est, Auctoritas efficit, ut magni Principes sint ac venerandi, & propterea in imperandi negotio, actusque sui administratione efficaces : adeoque specialius loquendo, *Amorem & Honorem*, quadam vi valentiore & naturæ suæ caractere, animis hominum imprimit : quæ tamen rursus, ceu firmissima imperii instrumenta, ad *efficaciam* fastigii actusque imperatorii commodissime referuntur. Curtianus locus, aliquoties jam per partes memoratus, iis, quas exposuimus, siue artibus siue doubtus Alexandrum ait effecisse, *ut pariter CARUS ac VENERANDUS esset*. Ex utroque nascitur *Timor*, qualis filiorum esse solet, non mancipiorum : hæc pavefcunt & formidant : illi verentur. Hinc sequitur certatim *obsequium, modestia, promptitudo*, denique *imperandi felicitas ac facilitas*. Hæc omnia passim suggerit Panegyrista, ut indicatione capitum opus esse non videatur.

27. Clare complexus est hos effectus Onofand. Strateg. cap. 1. ὅτινα γὰρ ἄνθρωποι φιλοῦσιν ἀνθρώπων διαβολὰς ἐμπλάσσει, τέτῳ ταχὺ μὲν ἐπιτάτῃσι πείθουσιν, λόγῳ δὲ καὶ ἐπιστῇσιν, κινδυνεύουσιν δὲ σωαζομένους. Quem enim (interprete Rigaltio) homines spontanea voluntatum inclinatione cordi habent (elegans auctoritatis πείρασις) ejus facillime imperio parent, dicto audiunt, periculis subveniunt decertantemq; protegunt. Nimirum ad tam beneficentem fidem & clarum certatim advolant cives, objicere se pro illo mucronibus insidiantium paratissimi, & substernere corpora sua, si per stragem illi humanam iter ad salutem sternendum sit. Senec. 1. de clem. 3. Gravissimum instat majestatis est. hæc secundis ornamentum ingens, adversis grande perfugium, malique sæpe præsentanei præsentanea medela. Quid enim? *Cajus Marius in profundum ultimarum miseriorum abjectus, ex ipso vita discrimine, beneficio majestatis evasit*. Rem totam dicet, cujus hæc verba sunt, Valer. Max. 1. 2. c. 10. de Majestate. ex quo & cetera pete. Nec feminis (quanquam virile bonum Auctoritas sit) parum in ea præsidii.

fidii. lege Justin. de Olymp. 14, 6. & vide, quæ Cl. *Berneggerus* aliunde petenda indicavit.

28. Nervosè prudenterque quem modo laudabam, *Valerius*, omnia, quibus exponi majestas potest, initio nominati capitis conclusit: *Est & illa*, inquit, *quasi privata censura*, majestas clarorum virorum sine tribunalium fastigio, sine apparitorum ministerio, potens in sua amplitudine obtinenda. Grato enim & jucundo introitu animis hominum illabitur, admirationis prætecta velata. quam recte quis dixerit, longum & beatum honorem esse sine onere. Sed non semper longus ille honor. & hic arte opus magnaque virtutum non constantia modo sed renovatis constantiæ exemplis. Alias enim scimus quantus fuerit, de quo vere Poëta, 1. pharsal.

— — — stat magni nominis umbra,

& quæ sequuntur. Opinio hominum facile mutatur: flexibiles sunt voluntates: artium quoque, quibus paratur Auctoritas, non idem ubique tenor & facilis aberratio. Mireris Augusto (quam solerti caroque Principi?) accidisse: qui dum affectabat carior militibus fieri, Auctoritatem Principis emolliiverat. Hist. miscell. 7, 16. ex Victor. epit.

29. Divisio adhuc restat. Est enim & Togata majestas & Bellica: domestica apud tuos; externa, apud alios foris. Raro utraque uni contingit. Enituit aliquis in bello, sed obsolevit in pace, alium toga, sed non & arma honestarunt. Paneg. 4, 5. Trajano concentus ille omnium laudum, omnisq; gloria contigit. ibid. adde cap. 13. Certe ut in pace telum adversus omnes difficultates id præcipuum est; ita in bello terrore nominis & majestate plurima geruntur. vide Nostrum, cap. 12. De Germanorum veterum Principibus magnifice Tacit. Germ. 13, 7. ipsa plerumq; fama bella profligant. Ad quem locum plurima congescit Gruterus in discursibus ad Tacit. quem in compendium nostri laboris advocatum hic volumus.

30. Hæc sunt illa, quæ Auctorum gentilium mentem de Majestate Imperantium potuerunt explanare, notata



strum autem Panegyristam illustrare. Sed ut in multis aliis, ita in hoc *precipuum* gentilitas ignoravit. Quid enim artes parandæ majestatis, quid merita virtutesque extulimus, quæ contemptæ sæpe jacuere, sæpe manserunt inefficaces? *A cælo enim & cæli Domino solo omnis auctoritas, omnis auctoritatis efficacia, omnis fructuum constantia unice petenda expectandave.* Igitur omnibus Trajanis, Alexandris, totaque Heroum gente illustrior haud dubie, majorque fuit Josua ille, cujus vera & solida scilicet magnitudo exiguam facit omnium gentilium famam illisque caliginem superinducit. Plena majestatis verba sunt, lib. Jos. 4, 14. בָּיָם חָהוּא נָדָל י אֶת יְהוֹשֻׁעַ בְּעֵינֵי כָל יִשְׂרָאֵל וַיִּירָאוּ אֹתוֹ  
 כַּאֲשֶׁר יִרְאוּ אֶת מִשְׁהַכֵּל יְמֵי חַיָּו : *Ex illo die magnum fecit Josuam*; quid ergo? an sua virtus magnæque artes? nil tale: sed *is qui solus magnus, solus magnitudinem communicat, ineffabilis ille DEUS.* Hic magnum fecit, in oculis totius Israël. Apud omnem populum *ἡ ἰνδοξία, ἡ πολυλήνητις τῆς διαβολῆς ὑμνήσεων*, magna approbatione, consensione, honorificentia suspiciebatur, magnamque de ipso cuncti existimationem (id enim Hebræa phrasi notatur) conceperant. *Erat enim nomen ejus, sicut Magni illius Moysi: ut effectus dissimilis sequi non posset.* Reverebantur Moysen reverentia multa fidaq;, & obsequiosa: idem Josua prestitum, quamdiu populo præsuit. DEUS enim qui dederat munus tantum, etiam conservabat. Davidi quoque DEUS Ipse ait, *se fecisse עָשָׂה בָּאוּ אֲשֶׁר בְּשֵׁם הַגְּדֹלִים אֲשֶׁר עָשָׂה נָדָל כְּשֵׁם הַגְּדֹלִים אֲשֶׁר עָשָׂה* nomen magnum juxta celebritatem (id enim significat hic Hebr. שֵׁם) *magnorum & potentium in terra.* 2.Sam. 7.9. Quod agnovit David & prædicat Psal. 18. 44, 45.

31. Ad quæstionem, *An gentilium quoque Imperatorum & Imperiorum majestas Dei munere detur, servetur, invaleseat:* respondemus affirmando. Videndus de simil. quæst. Augustin. de civ. D. 1. §. c. 12. & seqq. Neque intelligunt tamen Ethnici quid dicant; cum *magnum & terribile nomen pop. Rom. jactitant.* ap. Liv. 38. 46. neque illud: *in summa fortuna, pleraq;, auspiciis geri.* Tac. 13. A. 6. §. ad quem vid. Grut.

COM-

## XXIV.

COMMENTATIONUM  
PLINIANARUM

## CAP. V.

Id est:

Vindiciæ Virtutis &amp; Boni publici.

Plin. paneg. cap. 93, 3.

*Ita versemur in republ. ut credamus esse rem publ.*

**D**UM in Imperio Trajani, imperandique artibus ea commentamur, quæ ad omnium pertinent tutelam regnorum, post *Majestatis* (de qua cap. præced.) munimentum, ad ipsum imperatoris actus tenorem, unde & quomodo & quorsum perducatur, prævertimus. Cujus rei, simulque inscriptionis, quam huic capiti fecimus, ratio ante omnia exponenda est.

2. Cum enim omnem eorum, qui Reipublicæ præsunt, actum, ad Bonum publicum, tanquam ad metam dirigi & scopum necesse sit: quibus spatiis iste cursus contineatur, quæ viæ regula tenenda, recte ac ordine, nec sine consensu, traditur inter prima civilis scientiæ rudimenta. *Virtutis*, inquit, *auspicio*, *consortio*, *arbitrio*, *agenda omnia, quæ cum respectu Publici Boni sunt agenda.* Hoc cum Platone Aristoteles; hoc nostra ætas cum majoribus præfert, docet, jactitat. Sed nunquam certioris apud me fidei fuit, quam in hoc ipso negotio, vox Bruti: *non in re, sed in verbo virtutem esse.*

Z z z z

3. Sci-

3. Sciunt, qui memorias temporum comparandæ causa peritiæ tractant, *Civilem artem*; seu quocunque nomine aptiori lubet vocare eam, *qua ordinande tuendæq; præcepta Reipubl. tradit*, doctrinam; antiquissimis temporibus non tam libris, quam responsis Prudentum, constitisse, partemque potissimum *reipublicæ* excultam, ceteras usu magis, quam certa notitiæ ratione fuisse comprehensas. Primum litterarum post *leges* consignatas in hoc genere monumentum, descriptiones quarundam Rerumpublic. fuere. Hinc observationes formari cæptæ: locusque philosophiæ paulatim præbitus. Donec ad fatalis excellentiæ viros Platonem & Aristotelem est perventum. quorum *ille* operosa suavique philosophia quædam civitatis fundamenta, præcipue autem virtutis bonique publici rationes plenissime exposuit, summam ea re laudem meritis, nisi quod è duabus, quas formavit, altera civitas (*ἡ ἰδέα λέγεται* posita, & *μυθολογούμενη* ut ipse loquitur) plurimis reprehendendi ansam dedit: *hic* autem more suo, corrigendo, supplendo, inveniando, applicando ad perfectionem usque hoc studium evexit.

4. Hi duo auctores merito summi habentur tum studio, tum probitate. nisi quod Aristotelis doctrina non-nihil Græculæ improbitatis ex ingenio aulæ, sub qua vixit, creditur traxisse. Quamquam in opere ad nos transmissio strenuus sit assertor virtutis publicæque disciplinæ, & omnino talis, qui novitios veteratores, omnia quæ ille de tyrannide habet, ad imperiorum & status, ut loquuntur, rationes pertrahentes, in ruborem dare possit. Alias, omnino Græci inter primos corrumpere sanctitatem administrandæ reipubl. præfertim *Philippus* Macedo; cuius vafrities longe lateque in exemplum ivit.

5. Romanorum constantior religio fuit; quod historia ejus gentis loquuntur: nam qui de Reipubl. commentati sunt, interiere prorsus. A qua *δικαιοσύνη* *populus Romanus pulcher, egregius, pius, sanctus atque magnificus* dicitur Floro 2, 19. In bello Jugurthino corrumpi capit illa  
inte-

integritas: hinc veluti per gradus labefacta, mox civilibus bellis cum ipsa libertate extincta, sub Cæsaribus in vastitatem meram & simulacra, & nescio quam arcanam histrioniam vertit.

6. Ea res inversam bellis *Italiam* non reliquit: quia mutata jam lingua, totoque statu, veluti magnanimitati priscæ impar, in subtilibus quibusdam nequitiiis multum politicæ prudentiæ reponeret: exortumque fatale *Machiavelli* ingenium aularum passim gentiumque mores sollicitavit. *Italiam Hispania* superare contendit. cujus politicam duabus, juxta periculosis, rebus ortam provectamque judico: ambitione, cujus ingenium sinuosissime pravam est; & dominatione, cujus vis præfractæ abrupta est atque indomita.

7. Hos *magistros*, non tam tuendi imperii scilicet, quam *dominationis* (sic Tacito dicuntur tales 2. H. 63, 1.) habuere mox aliæ gentes; ampliusque, quam credi potest, infecta publici moris justitia est. Ad quam rem plurimum profuit nova & mira in civilibus philosophandi ratio. His enim ferme temporibus, quæ dixi, nullo idoneo scribendi genere, nec solida plenaque fundamentorum totiusque, ut ita dicam, corporis ordinatione, sed vagis, veroque nomine sic appellatis discursibus, questionibus, consiliis, artibus, arcanis, ideo pleraque gerebantur, ut lateret incertitia, non appareret absurditas, involveretur improbitas.

8. Donec assuetudine quadam impudentiæ, in ipsa irrupit *systemata* hoc malum. Atque, dum scribendi politiceque commentandi prurigo late pervasit (æstimare domi rem possimus, si unius sæculi proventus, Germaniam ejusce mercis ferme vacuam, usque ad jacturam priscæ ingenuitatis oneratam respicimus) cui non specie eruditionis & prudentiæ obrepere calliditas potuit? i. e. Una publici egregii obtinendi ratio, virtus & justitia & rectitudo honesti moris, cœu ipsum ædificii totius fundamentum, instrumentumque rem gerendi præcipuum concussum, demotumque, vitii non parum rebusp. conscivit.

9. His ita præmissis, clarius nunc efferimus nostram mentem: *Politicorum plerique, cum in scriptis & ore, bonum illud summum, quod ex virtute ortum, recta virtutis via obrinetur, ubique præmuniant; in scriptorum tamen progressu & factis, injustitia potius & nescio quibus mali mortis jurisque machinationibus tantam aperiunt portam, ut calliditas pro prudentia, nequitia pro virtute, sicuti nubes pro funone, ut est apud Poetam, publice exponatur obijciaturq.* Atque hoc esse primum illud *ῥῆμα* (voce Philosophi) quod admissum semel, totam hanc rem inficiat corumpatque, experientia convicti existimamus.

10. Neque quenquam hac sententia obtrectamus. Novimus enim *qui* longe cordatiores serio avertentur illatam innocuis litteris tam obscenam labem: novimus, *qui* in scriptis suis prætereunt hos scopulos amore integritatis: novimus, *qui* inviti imprudentesque (tantum consuetudo & fucati species mali possunt) hic impingunt. Interim quanta est eorum multitudo, qui, cum hæc quotidie audiant, videantque, unum hoc & solum, ideoque sequendum sibi genus arbitrantur.

11. Præsertim cum *quibusdam fulcris* satis valide nitatur hæc deceptio. *primo enim: Nemo audet ferme personam his ludionibus detrahere.* In communi licet periculo, fit nescio quo pacto, ut omnes conticescant. Neque ut longe arcessamus causam necesse est, partim quippe tot bonorum verborum involucris malæ res induuntur, ut non omnes capiant illud, quod vera *ἐπίκρισις* Ifoocrates dixit, *τὸ ἀφαιρῶν πολιτικῶν*: partim optimorum virorum casus effecit, ut ceteri malint ex veteri formula, non liquere sibi, etiam cum liquet.

12. Quamprimum enim aliquis *vir bonus & prudens* remove velum cœpit, & *quid distent ara lupinis* monstrare, statim exortus clamor: *Ad scholam ablegandus est: homo scholasticus est: nugæ scholasticae sunt.* Ergo quod felix & faustum sit; qui pro virtute bonoque publico & iustitia in posterum verbum fecerit, pudendi commatis da-

nnas

mnas esto: id est plectatur Aristides exilio, ecqua causa? quod cupide elaboravit, ut prater ceteros justus appellaretur. quod apud Cornel. Nepotem & Plutarchum amplius videre licet. Sane his moribus gratulamur scholis, quod innocentius quam aula agunt, quod interpretes honestatis, vindex virtutis, dissuasor flagitiorum, monstrator fraudum, *homo scholasticus* appellatur: neque nescimus interim quam frequens & vetus sit ratio *per convitia respondendi*, ubi *rerum argumentis mala causa destituitur*. Igitur Senecam, ut ejus viri omnia erant insignia, nunquam honestissimarum præceptionum, quibus primos Neronis annos moderatus est, majorem tulisse gloriam, quam cum Agrippina, *Proffessoriam ei linguam* objiceret (Tac. 13. An. 14, 5.) semper judicavi.

13. Sed quis color hujus convitii? perveniendum est enim ad *secundum deceptionis fulcimentum*. Satis speciose, *Aliter, inquit, rerum actus, aliter sapientia monita se habent. Quidni sequar præeuntes populos magni nominis, magni successus?* Ille princeps, quem plerique dicunt *παλιμαρτων* sic solebat. Sed & eventis arguuntur, qui honestatis obsequio, utilitatum commodis excidunt. Atque in hanc rem innocentissimi viri, velut in patrocinium malitiæ, advocantur Historici. Quasi vero, qui perfidias regum, cupiditates populorum, aularum facinora narrant, etiam approbent aut commendent. quasi vero, si quis hoc faciat (& plerique satis cavent) regulæ & juris auctoritatem obtineat, quod error facti est aut personæ.

14. Exemplum grande nobis præbet, historicorum solertissimus Cornelius Tacitus. Hujus ingenio & eloquentiæ cum dignam fortuna materiem denegasset, obtulisset autem tempora, quibus nulla unquam fædiora res Romana habuit; scripsit non Principum viras, sed facinora latronum, sed immanitates belluarum, non senatus sententias & consulta, sed probrosas adulationes, scelestas delationes, miseræ neces: populi autem non obsequia sed misérias sine exemplo acerbissimas. Denique quicquid tyrannidis

nidis ingenium in orbe unquam tulit impium, crudele; de decorosum, triste; hoc in compendium eorum temporum, quæ Tacitus memoravit, Romam confluit. De quo tum sæpe conqueritur; tum, cui bono res tam malas narraverit diserte fatetur; nimirum ut execrari hæc posteri, & propter eam posterorum execrationem futuri Principes cavere discerent: *utque pravis dictis factisque*, (sic loquitur 3. An. 68, 1.) *ex posteritate & infamia metus esset*. Atqui ille propter ejusmodi arcana, flagitiosa, inania dominationis denique (quibus vel solis nominibus tamen cavit, ne quis pro imperandi artibus arriperet) mirifice placet hodiernis politicis, qui felices se suosque Principes autumant, si ea sequantur, ob quorum solam narrationem infelix Tacitus sibi aliisque visus est.

15. *Tacitum igitur* (sunt hæc magni Casauboni in aurea ad Polyb. præfat. verba) *facile nos quidem excusamus: illos excusari non posse judicamus, qui unicum hunc historicum, ob causas, quas diximus, omnibus aliis anteponunt: unum Tacitum politicis hominibus assidue terendum pronuntiant: unum esse unde Principes & Principum consiliarii documenta regenda reipubl. petere debeant. cujus absurditatem sententia si vellemus exagitare, facile probaremus, qui ita sentiunt, eos tyrannidis principes hodiernos tacite accusare; vel palam tyrannidis instituta videri velle eos docere, &c.* Hactenus Casaubonus: cujus auctoritate ex abusu infelicissimo vindicandum censuimus scriptorem maximi ingenii, nec minoris prudentiæ; parique eloquentia præditum: quem alio fine rationeque multum diversa tam serio admiramur, ut in gentilitate tota neminem audeamus illi usquequaque anteferre.

16. Sed redimus in viam: ubi illum quoque publicæ deceptionis fomitem reperimus, quod nonnulli genere scribendi utuntur non quidem manifeste improbo, sed improbitatis quandam pruriginem veluti nutibus quibusdam irritante. subinde enim spem magni arcani, consilii singularis, artis novæ, nec enuntiandæ, non sine jactantia & invi-

invitamentis suggerunt. Malle ipsos ostendere, quam loqui, dixeris. Sequeris hos nictus nictusque? itaque ergo in rem præsentem, id est, in casses ipsos pervenisti. Vides ibi, quid fiat: quæ vita quos mores habeat: quid sæculum denique sit: adversus quod paucissimis semper animus constitit: præsertim hodie, ubi & hoc ipsum, *corrumpere & corrumpi sæculum vocatur*.

17. Accedit, quod corruptio nulla tam infesta, nihil tam manifeste contra leges peccatur, quin *Salutis publica*, id est, supremæ legis auctoritate prætexatur. De qua re, quoniam latam nocendi fenestram aperit, paulo amplius videndum. Est haud dubie *Salus publica*, summa illa ratio ad quam dirigi omnia debent, quæ in civitate fiunt, nisi velimus ipso fine societatis civilis excidere. Igitur hujus causa multa fieri posse, prudentes tradunt, quæ institutis gentilibus, legibusque patriis aliter præciuntur. Nondum tamen, id quod volunt hodie, consequitur: quasi ad defensionem cujusvis in republ. *παρὰ λόγους & κατὰ ἑγγυῶνας* sufficiat, *causam boni publici salutisq; communis interfere*. Nam illa causa nimis sæpe in prætextum degenerat & obtentui sumitur, quem nemo sanus in juris ullius communionem aut patrocinii admiserit.

18. Primo enim definiendum, quid *Salutis publica* titulo accipiendum, cum supra & præter leges constituitur. Nimirum non quævis difficultas, multo minus quævis utilitas aut jactura; sed nec ambitio dominantium, aut quodcunq; sui fastigii commodiq; causa potius, quam publici respectu boni suscipiunt imperantes: denique nec tyrannorum securitas quam sollicitè custodiunt: verum ipsius *Reipublicæ honesta & generosa e periculis liberatio, aut contra pericula pramunitio, aut provisis juste utilitatibus amplificatio cum remotione obstaculorum, ad qua nulla necessitate absoluta obstringimur*, hoc nomine suscipi excusarique potest. Talia sunt in Græcorum rebus, prorogata Lyandro contra leges potestas maris: consuetudinum jura, necessitatis tempore, dormire jussa. apud Romanos: quod Scipio  
Africa-



Africanus ærarium aperuit, publicisque usibus inutilem eo tempore legis rigorem correxit: & in majoribus causis, SCta fiebant, viderent Coss. *ne quid resp. detrimenti caperet*: cujus formulæ illa vis fuit, ut L. Opunius Cos. C. Gracchum, & M. Fulvium cum liberis, indicta causa, merito statim occidisse existimeretur: quod in L. Saturnino trib. pl. & C. Servilio prætor eodem jure factum. Sed & Q. Servilius Ahala Sp. Melium novis rebus studentem iuste manu sua interfecit. vid. Cic. Catil. 1. cap. 1. & 2. Sallust. Catil. 29. & Cæsar: 1. de bell. civ. qui id vocat *extremum atque ultimum SC. quo, nisi pene in ipso urbis incendio, atque desperatione omnium salutis, latorum audacia nunquam discessum est*: *Dent operam Coss. prætores, tribuni pl. quig, pro Consulibus sunt ad urbem, ne quid resp. detrimenti capiat.*

19. Atque ita videmus excipi aliquando à legibus reipubl. administrationem, ob respectum Salutis publicæ propere vindicandæ. Sed à quibus legibus, eximitur quandoque πολιτεία? *supra quæ iura* titulus Publici boni ascendit? *supra ea* nimirum, quæ ordinis causa & formæ inventa, hominum instituto valent mutanturque: Minime autem *supra jus gentibus commune, vitæq, necessarium*; *supra honestatem*, cujus conservatio societatem humani generis; *supra Pietatem*, cujus reverentia societatis vitæque fundamentum continet. Nam contra hæc quicquid fit, illud malo jure, malo more fieri nemo est, qui penitus audeat negare. quanquam revera id agitur à multis, ut sola utilitatis ratione ducti, honestum inter inania & irrita nomina habeant. *Hinc sica* (inquit Cic. 3. off. 8.) *hinc venenum, hinc falsa testamenta nascuntur: hinc furta, peculatus, expilationes, direptionesq, sociorum & civium: hinc opum nimiarum potentia non ferenda: postremo etiam in liberis civitatibus regnandi existunt cupiditates.* Hæc si ad monarchias applicemus, id est, rem indomitam quodammodo, & in confinio injustitiæ positam, quid suadere illi videbuntur, qui ubique *utilitates* projecta honesti cura crepant?

20. Quid

20. Quid illi, quibus pro defensione pariter ac jure occultatio est, *arcanorum magistri ac provisores*? Sane HONESTA VIRIS BONIS, NON OCCULTA QUÆRUNTUR. Rursus Tulliana vox est: qui totam hanc rem ita pertractavit in officiis, ut hoc potius consultore cum Alexandro Severo uti, quam callidos lubricosque audire Proteos, è republica generis humani sit futurum. Quod non eo spectat, ut omnes τοῖς πολιτικοῖς artes, omnem adimamus dissimulationem: quæ interdum tam est necessaria, ut spernat auxilia civitas, quæ manifesta sunt; ut impediatur remedia, quæ publice adhibentur. Igitur si in tali occultatione aliquid peccatur, *peccari cum beneficio in rempublicam opinandum est*. At vero res ipsa loquitur, plerumque *Gygis anulum* quæri hoc pacto: cujus figmento Platonem *Politicorum tenebras* non obscure præfigurasse crediderim.

21. A quibus frustra scilicet, ad *virtutem publici boni fundamentum* provocamus. frustra *Honestatis Solem* optamus. ad quam cordata tamen gentilitas tam constanter respexit, ut cum Themistocles callidum ad firmandam dominationem ac *perutile consilium*, sed *minime honestum* aliquando attulisset, *Athenienses*, quod *honestum non esset*, id ne utile quidem putaverint, totamq; eam rem quam ne audierant quidem (Aristidi enim dixerat) auctore *Aristide repudiaverint*. Cic. 3. Offic. 11. Romanorum ea in re generositas, uti supra innuimus, diu inconcussa, sæpe etiam hostibus admirationem movit. Exempla non cumulo. Certe *πολιτικώτεροι* fuere, id est, rempublicam administrare rectius felicisque, cum Pyrrhus de hoste Romano, *Ille est Fabricius*, diceret, *qui difficilior ab HONESTATE, quam Sol à suo cursu averti posset*: quam cum postea Jugurtha, omnia Roma venalia esse, *divitiasq; bono honestoq; potiores*, jactitaret. Victor, in Fabric. Sallust. in Jugurth. Tempore Julii & Augusti semel nata sunt & usurpata & adornata illa simulacra, illa arcana, illæ artes, illæ species, illæ machine; quibus tantopere honestatem & justitiam imperiorum hodie expugnatum imus: Sed quid? nonne initium à domina-

tione, nonne finem in servitute repererunt? Interim quo successu tam solícite discimus tyrannos, aut servos agere? an alio quam ut ruinæ nosmet præparemus?

12. Ex his facile apparet, cujusmodi sit illud, utinam Julio tantum Cæsari familiare:

- - - - *ius regnandi causa*

*Violandum est: aliis rebus pietatem colas.*

cujus paraphrasin experientia & mos sæculi talem supple-  
ditat: *jura respicere & infrugiferum honesti nomen sectari,*  
*mera simplicitas fuerit. Sufficit ista vocabulo præferre, aut*  
*certe in minoribus quibusdam admittere: ut fama simulacris*  
*alibi conservetur, alibi fiscus nummis, potentia magnitudi-*  
*ne augeatur. Igitur oblata finitimos domandi spe, causas*  
*interpone, arma compara, disione tua complectere non tan-*  
*tum istos, sed quos catena belli præterea alios involver. Dis-*  
*suadebit hac aliquis? exterre. interpretabitur hæc aliquis se-*  
*cus? subverte. Nam & istud regni causa faciendum, op-*  
*primatur tuo fastigio, quisquis fastigium non adorat, an desunt*  
*exilia, proscriptiones, sepositiones, multa, cades? an vero caus-*  
*sa horum omnium desunt? Quasi vero difficile sit, in acta*  
*clarorum virorum, in sermones, in commercia inquirere, &*  
*vel ex lare secreto publice prosternendi viros promptioris quam*  
*dominationibus prodest, siue virtutis siue lingua, occasiones*  
*& titulos educere. Præsertim si opes alicujus excreverint, si*  
*fama se sustulerit gloriosus, facile invenies aditum nocendi.*  
*Sed nec magistri novorum jurium, ministri cupiditatum de-*  
*erunt: sponte & cum gaudio accurret jurata servituti pro-*  
*movende manus &c.*

13. Cum quibus conveniunt ista: *domi terrorem (o-*  
*derint dum metuant, Caligula vox est) foris comitatem con-*  
*ducere, sed vulpinam. Perfidias, salos esse regum luforios,*  
*igitur fidem non diutius quam prodest servandam. Philip-*  
*pum his artibus Græciam obtinuisse. Ita enim de eo Ju-*  
*stin. 9, 8. Blandus pariter & insidiosus, qui plura promit-*  
*teret quam præstaret: Amicitias utilitate non fide colebat.*  
*(hodierna paraphrasis: fœdera non ex justitia causæ, sed*  
*respe-*

respectu potentix ineunda, nec colenda pactionibus, sed eventis fortunæ accommodanda, mutanda, rescindenda) *Gratiam fingere in odio, instruere inter concordantes odia &c. Ira ministros ad levandam ira invidiam tollere.* Denique non humana tantum jura sed cælum quoque suis usibus attemperare, sacra bella, sacerrimis cupiditatibus explendis meditari, sanctis parricidiis, sancta savitia cruorem sicut aquam, profundere.

24. Hæc & talia deformia dictu, infanda factu esse, nemo est quin intelligat: sed de origine noxæ ac principis non æque omnes cogitant. Quæ omnino in licentia tum doctrinæ tum *περίου* politicæ quærenda sunt. Erat, ut distincte hoc & membratim repetamus; *Civilis prudentia scopus ab initio unicus* (nec esse alius unquam debuit) *BONUM PUBLICUM*; τῇ κρᾶτῃ πολιτείᾳ καὶ πρὸς τὸ κοινὸν πολιτικῶς, sæpe usurpat ea de re Aristoteles: ad communem enim reipublicæ imperiique salutem; nisi omnia accurate exigantur, neque legitimum amplius aut iustum id imperandi genus esse, testatur. Sed hujus *Boni* præter vocabulum nil magnopere mansit; & vocabulum quidem, quoniam prætexendo exitio publico sumitur, vehementer infelix atque subdolum. Perquire Politicorum libros, considera superiorum actus, videbis alium *ad magnitudinem & commoda imperantium*, quam tyrannidis notam Philosophus constituit; alium *ad potentiam, opes ac splendorem*, cujus affectatio orbem bellis, humanum genus servitute semper afflixit; quosdam *ad famam & opinionem*, ut intelligas periisse primævum candorem, quo esse *bonum* quam *videri* erat utilius; non neminem *ad licentiam facinorum & subversionem legum*, (quo enim alio nomine tradi, quove suscipi sine putanda sunt, quæ principes ab omni juris morisque boni rectitudine abductos, potentix libidinibus relinquunt, consilia?) denique *ad vafritiem fallendisq; artes*, ut insidiæ tuæ omnes, neminis autem molitiones te lateant; ad hos, inquam, & ejusmodi alios referri fines tam constanter omnia videbis, ut *ἡλαυγῆς* illud

optatissimi boni *πρόσωπον* ab initio ostensum, humanis se subito obtutibus subducat: quod de Astræa Poëtæ finxerunt.

25. Cujus conspectus eo minus terris redditur: quo magis vera illa *ἔστιν ἡνὰ Boni Publici obtinendi docendiq, regula ἔστιν norma*, VIRTUS nimirum & JUSTITIA opprimitur relegaturque. Hujus respectu Aristoteles *πάλιν δεικνύει καὶ καλῶς πείθεται* appellavit: Plato autem, hoc illud, ut ait, *ἓν μέγα φυλάττειν* unum maximum summeque necessarium custodire in republica imperantes voluit: ut vita honestatis virtutumque studio beata efficeretur. Hoc remoto, civitas ferarum relinquitur, ad quam quotidie iis, quæ sunt perstrictæ, rationibus proficitur. Rursum enim in rem præsentem veni, modestiam & justitiam in meras astutias vertisse deprehendes, quarum omnis ratio in id tendit: ut, *quodcumq, è re cuiusq, ulla ratione sit aut esse videatur, id nulla ratione prohibente, quacunque autem promovere obtineatur.*

26. Observari à discentibus docentibusque hunc erroris fontem, & diffusos ex hoc fonte rivulos satius esset, quam quæsitis honestioribus nominibus ista in publicis scriptis juventuti conciliare, quæ etiam absque monitore, ut infelix lolium, satis fecundo proventu, in republica suppullulant. Quod cum hætenus dissero, sine cujusquam detrectatione, ad ingenuitatem omnis cordati orbis provocans, non eo accipiendum est, quasi nihil discriminis constituam, inter eam, *quæ simpliciter dicitur prudentia; ἔστιν πρῶξις*, cuius consilia ut necessitate temporum expressa, *ἔστιν sapientes excusant, prudentes vero etiam laudant.* atque hæc est, quam solet Polybius probitatis ac recti constantissimus assertor *πολιτικὴν συνῆκταιν* nominare, quoniam aliud simulatur, aliud agitur: res toto genere diversa ab illa veteratoria malitia, quæ hodie studium Politicum obsedit: quæque *καποπραμοσίς* recte ab eodem Polybio dicitur. Sed hæc prolixius petant quibus commodum est è Casauboni ad laudatissimum Lycorram præfatione.

27. Nobis illud restat, ut in fine applicemus hæc ad

ad *Plinii* nostri mentem, quam potuissemus interferere passim, nisi maluissemus differre. Trajano igitur quis gerendæ reipubl. modus fuerit, quæ regula, inde manifestum est, quod neglectis suis commodis, boni publici studiosissimus, non nisi in hæc verba pro sua salute nuncupaverit vota: SI BENE REMPUBLICAM ET EX UTILITATE OMNIUM REXERO. vid. cap. 67, 4. cujus explicationem pulcre conceptam illud ipsum & sequens caput suppeditat. Testimonium autem cap. 80, 6. *tibi dies omnis, summa cum utilitate nostra, cum tua laude conditur.* Multa possent adferri, quæ per singulas actuum species monstrarent nobis *Principem ad boni publici metam recto tramite incedentem, tyrannicâ, factitata sedulo declinantem*, adeoque *μᾶλα καλῶς καὶ ὁσίως πολιτεύμενον.* Sed reservamus illa specialia ad capitulum aliorum exegesis, quæ rerum potiorum singula tractabit.

## APPENDIX, de mixtura Utilium & Honestorum.

I. DICTUM est supra, male promoveri bonum publicum, cum projecta *honesti* cura, *utilitatum* habetur respectus. Hinc exurgit quæstio: *an igitur utilitates nec miscere honestati liceat?* cum præsertim Tacitus id in Agricola commendaverit. Quem locum operæ pretium fuerit examinare. Extat autem in Agric. 8, 1. ubi Agricola dicitur *peritus obsequi, eruditusq.* UTILIA HONESTIS MISCERE. Mens verborum, nisi explicatis rei totius præsentisque negotiî momentis, percipi recte non potest. Igitur primo, *Quando & ubi & in quali negotio hæc misceri poterint*, attendendum. Præerat, inquit Tacitus, *tunc Britannie Vêctius Bolanus, placidior, quam feroci provincie dignum est. temperavit Agricola vim suam &c.* Sensus iste: Britannia præferocis & adhuc rigida cervice jugum subeuntis provincie mores nimia Bolani indulgentia, & remissior

missior quam pro moribus gentis gubernatio ultro corru-  
perat. Igitur missus eo Agricola ulciscendi verius quam  
corrigen- di licentiam, ubique causas inveniebat plurimas.  
Sed clades futura videbatur, quæ medicina esse debebat.  
Hinc factum est, ut à jure & juris rigore honestique seve-  
ritate, ad temperamentum æquiritatis esset descendendum.  
Est ergo negotium id *περιστάσις* & necessarii temporis non  
compoliti, tractationis item non ordinariæ, sed extraordina-  
riæ: & quam Græci *ὑλίσπιον νόσος* vocant.

2. Quo intellecto, nunc videndum, in quibus con-  
sisterit ea *utilium honestarumq; mixtura*. quæ describitur  
his verbis: *temperavit Agricola vim suam, ardoremq; com-  
pescuit, ne incretceret, peritus obsequi*, id est: Si Agri-  
cola delictis pœnas voluisset exæquare, increvisset haud du-  
bie suppliciorum ardor, exaggeratæque fontium culpæ,  
iram pariter ac vindictam exasperassent, usque ad cladis  
similitudinem, factumque esset, quod de Sulla Lucanus ait:

*Ille, quod exiguum restabat sanguinis urbi,  
Hansit, dumq; nimis jam putrida membra recidit,  
Excessit medicina modum: nimiumq; secuta est  
Qua morbi duxere, manus.*

Quæ res quam sit indecora & noxia, Gruterus ostendit in  
ditcursu ad Tacit. Fit tamen facile, ubi ex una parte in-  
dignitas culpæ, ex altera puniendi potestas, & scelorum a-  
versatio concurrat. Quapropter Agricola quidem hoc fa-  
cto moderationis manifestus: quem & alias, ait Historicus,  
*non pœna semper sed sapius penitentia contentum fuisse*. 19. 4.  
& cap. 7. 5. *rarissima moderatione maluit videri invenisse  
bonos quam fecisse.*

3. Explicato negotii ingenio, tertia nunc considera-  
tio, *debetur τῆς κρίσεως* sive *judicio Auctoris*; qui propterea  
Agricolam vocat *eruditum utilia honestis miscere*. Senten-  
tia ex dictis resultat talis: Honestatis vindicta & boni mo-  
ris poterat videri, si Agricola, qua morbus duxisset, me-  
dicinam porrexisset: Sed illa justitiæ sectandæ ratio in-  
currebat in ejusmodi difficultates, ut nec sanitatem redu-  
ctura,

atura, nec Reipublicæ profutura, nec humanarum legum memor futura videretur. Apparebatque facile ex summo jure summam, quod communi verbo dicitur, exorituram injuriam. Ergo honesti jurisque curam non omisit quidem, sed utilitatis publicæ & æquitatis respectu ita miscuit ac temperavit, ut cui tollendo semel impar esset, paulatim mitigaret, & necessaria moderatione, parcendo etiam correctionis viam inveniret. Quæ enim utilitas, imo qualis noxa in publicum fuisset, titulo & opere emendationis provinciale robur perdelesse?

4. Talia exempla, *mixta prudenter rectèq; honestatis & utilitatis* sunt apud eundem scriptorem. Præcipue 3. Ann. 52. & 53. cum Tiberius videret (sepe enim apud se negotium pensitaverat) luxuriam civitatis coërcitione quidem indigere, sed illam coërcitionem plus damni in remp. habituram, indecorum præterea attrectare quod non obtineretur, omisit inceptum, gravique oratione ejus omissionis causas explicuit. Ex eodem fundamento idem Princeps, voluptatum plebejarum vanitatem parum ad disciplinam facere intelligens, tamen *populum per tot annos (sub Augusto) molliter habitum, nondum audebat ad duriora vertere.* Ann. 1, 54.

5. Atque hæc est illa *συγκατάθεσις πολυλήν*, vel, Polybiana voce *συμπύκνωσις*: cum recta via veluti obsepta, obliquamus semitam, ut cum tempore, loco, modo, ad honestatis finem nihilominus perveniamus. Unde ad propositam supra quæstionem clarius jam responderi potest; *non licet utilitates privatas honesto publico miscere: non licet utilitates penitus illicitas; non licet per neglectum honestatis; non licet alio, quam publici boni fine, licet autem necessaria tempore, honestatis semper habito respectu præcipuo, ad eam cum ratione obtinendam, ea quæ possumus, iis quæ volumus miscere; idque caute, & cum erudita quadam contemperatione: sine versutia, nequitia, fraude, temeritate.*

6. Hinc consequitur: 1. *non modo falsum esse illud,*



*lud, sine injuria non posse, sed hoc verissimum, sine summa justitia rempublicam regi non posse. vid. Aug. 2. de C.D. 21.*  
 2. Male usum hac mixtura honest. & util. Populum R. qui ipso teste Cicerone, sociis defendendis specie patrocini terrarum orbem potius est. Neque felicitas ea debet videri. Neque enim quidquam aliud est felicitas, nisi honestarum rerum prosperitas: vel ut alio modo definiam, Felicitas est fortuna, adiutrix consiliorum bonorum: quibus qui non utitur, felix nullo pacto esse potest. Cic. in fragm.  
 3. Ergo in perditis impiisq; consiliis quibus Caesar usus erat, nulla potuit esse felicitas: feliciorque meo judicio Camillus exulans, quam temporibus iisdem Manlius, etiamsi, id quod cupierat, regnare potuisset. Idem ibid. 4. Male miscetur utilitas, cum viri eminentes magnisque præditi virtutibus, securitatis dominationi parandæ causâ, honesta specie seponuntur, acciduntur, deprimuntur, contunduntur.  
 5. Pravi item hujus mixturæ magistri, qui nova subinde tributorum ac onerum nomina, ac speciosos titulos inveniunt. Nunquam, inquit Plinius noster, cap. 14, 3. principibus defuerunt, qui fronte gravi & tristi supercilio utilitatibus fisci contumaciter adessent. &c. Et quæ plurima talia consulto prætermittimus.

7. In Fine illud adjicimus: Ut receptam multorum approbatione, ita improbam & detestandam esse orationem Photini apud Lucan. l. 8. cujus inter alia hæc verba:

*Sceptrorum vis tota perit, si pendere iusta  
 Incipit &c.*

Verissimum autem illud Ciceronis: *Fundamentum perpetua commendationis atq; fama justitia est, sine qua nihil potest esse laudabile.*

2. Offic. 20.

## XXV.

COMMENTATIONUM  
PLINIANARUM

## CAP. VI.

## De AULA.

Commentatione superiori, ipsum imperii Trajaniani caput, actuum, inquam, Principalium regulam, eandemque animam in VIRTUTE & GENEROSITATE AGENTIS constituimus: qui cum ab *Honestate* nunquam sibi discedendum cogitat, eadem opera debitam suæ administrationi formulam imponit, salutis autem publicæ non vocabula instruit, sed momenta omnia feliciter implet. Monebat hic locus, ut *versantis in Republica exempla* sectantes in opere ipso discere inciperemus, quæ operis fundamentum indicaverat magis, quam exhibuerat. Verum dabimus id honori tanti Principis, ut officio solenni aulam ingressi, ibique quomodo se suosque regat, speculati, comitatu deinceps sollertiore proceduntem ad publici boni labores deducamus.

2. Argumentum diffusæ commentationis, multisque doctorum (quis enim in aula non sapit?) voluminibus tractatum brevi delineatione includemus; ut *quæ Aulas Principum instruunt ornantq;*, illis neque parce neque male usam esse TRAJANI AULAM intelligamus. Cujus disciplinam his ferme absolvi partibus existimamus, si

Bb b b b  
primo

primo *Personas*, deinde *instrumentum paratumq.*, tertio *convictionem & mores* instituamus exponere.

3. *PERSONARUM* titulo tum ipsa Aula Augusta sidera, *Principem & uxorem Principis*; tum *liberos*, si qui sunt, *Principales*; denique qui ministrant hisce Dominis complectimur. Ac Principis quidem officia infra juvabit noscere: quemadmodum & Augustæ. De liberis Principis non dicendum esset *ἡ παῖδων*, si vel modus huius commentationis angustior permetteret, vel Trajani aula exemplum nobis hic suppeditaret. Caruit enim tobole, sicut notum est. Quare unum illud obiter delibamus: *Bonam educationem, filiorum quidem in omni profutura publice disciplina ac virtutibus; filiarum autem in modestia, moderatione, civilitate, fuga mollietiei, cultis intra decorum moribus; potissimum Aula in presens ornamentum, in posterum subsidium esse ac firmamentum. Scaturigo felicitis imperii, spes saculi, potentia, paces, non aliunde expectari debent. quemadmodum nec fallax inde vaticinium petitur, de prosperis adversisque, duratione ac interitu populorum.* Res magna neglectui hodie habetur, dum nec idonei plerunque educatores, comites, rectores Principalis adolescentiæ asciscuntur: nec totius aulae disciplina talibus exemplis instructa est, quibus imbui mature & serio ingenia gubernationi rerum destinata conducant: nec magnæ fortunæ glaucoma, acerbum teneræ ætati & semper insidians malum, vel demovetur prudenter, vel demoveri potest efficaciter, per genium ævi & *παράστασις* hominum splendentium, pomphantium, comantium &c. Haud dubie nugantur, qui, quod Principum ætati moribusque formandis appositi olim viri *graves* & serii sint à quorum latere nunquam discederent; hinc Germanicum nomen pariter & dignitatem (præmii scil. loco datam) *eines Graben* ortum habuisse existimant: quos ob eandem causam *Comites* latine dictos, quod in comitatu Principalis subolis assidue versarentur (quo sensu etiam bonis Auctoribus vox ea usitatur) facilius scilicet persua-

persuaserint. Sed habent ista commenta neque inutilem neque illepidam admonitionem. Nobis cum immorari non liceat huic parti, visum est & dicendorum multa lucrificari, & præteritorum jacturam pensari quodammodo posse, adjecto uno alteroque memorabili ex historia veteri loco.

Quorum suo merito primus est, qui apud *Xenophont. l. 1. de exped. Cyr.* extat, ubi aulica institutione Cyri inter æquales laudata addit:

ἵδμε πολλὴν μὲν σαφροσύνην καὶ αἰδέσθαι ἂν τις, αἰσχρὸν δ' ἔδδν ἔτι ἀκῆσαι, ἔτ' ἰδεῖν ἑστ' ὁῶνται οἱ οἱ παῖδες καὶ τὰς τιμαίους ὑπὸ βασιλείᾳ καὶ ἀκῆσαι, καὶ ἄλλως ἐπιμαζομένους. ὥς ἐνθὺς παῖδες ὄντες μανθάνουσιν ἄρχειν τε καὶ ἄρχεσθαι. ἵδμε Κύρου ἐνμαζίσταλ' πρὸ τῆς ἡλικίας ἰδοῦναι εἶναι, τοῖς τε πρὸς ὁμήρους καὶ τῇ ἐκτὸς ὑποδιδάσκοντες μάλιστα πείθεσθαι.

Erat, inquit, in aula videre ac condiscere magnam continentiam compositiōis, moris observantiam; turpe autem quicquam nec auribus quisquam nec oculis usurpabat.

Hic pueri cum & audirent & viderent cur hi quidem à rege extollerentur ornarenturq̃, alii autem despicerentur ac negligerentur, maturè addiscebant imperandi parendiq̃ artes.

Hic igitur cum Cyrus educaretur, indole studioq̃ multum supra æquales exsplenduit, majoribq̃ natu tanta reverentia auscultavit, quantam neq̃ illi, quos humilior fortuna potius admonebat, præsticere.

Huc accedit Augusti cura circa educandum sequiorem sexum: Filias & neptes (inquit Sueton. Aug. 64.) ita instituit, ut etiam lanificio assuefaceret, vetaretq̃ loqui aut agere quidquam, nisi propalium, & quod in diurnos commentarios (observ. morem præclariss.) referretur.

Extraneorum quidem cætu adeo prohibuit, ut L. Tucinio, claro decoroq̃ juveni scripserit quondam: parum modeste fecisse eum, quod filiam suam Bajas salutatum venisset.

4. Administri aulæ (nam de Consiliariis sequens caput ager) cernuntur præcipue in officiis Palatinis. Possumus tamen classes facere, eorum qui functionibus aulae præsunt, tum qui comitatus causa adsunt, quem vel ornant, ut generosi, nobiles; vel instruunt, ut pueri nobiles

biles & satellites. Ceteri in vilioribus operis occupantur, neque tam pars aulæ quam appendix censerī debent: ut qui culinam administrant &c. His extra ordinem accedunt: *artifices*, sicut *musici*, *poëta*, *viri docti*, *architecti*, alique: & sapius, quam optamus, *moriones*. Præter hos omnes est genus quoddam *ἀνύμων*, quod quia non valde desideramus, satis habebit per signa (nam de tantis viris signatè loquendum est) appellari. non enim amplius eos morabitur hæc dissertatio. *Hi aula utuntur, nec utuntur; aula serviunt, nec serviunt; aulam ornant, nec ornant; omnia & nihil agunt; sive potius ex nihilo omnia, ex omnibus nihil faciunt; ajunt, nec ajunt, sed quasi ajunt, quasi negant, quasi rident, quasi ludunt, quasi laudant, quasi vituperant, quasi splendent, quasi vigilant, quasi dormiunt.* in quos si Menippus aliquis incideret, vereor, ne, quæ est viri dicacitas, antiquum illud suum occineret. Βαβαὶ τῷ παλιδαπῷ τῦτ' ἀνείμ ! ἢ ποτ' ἀπ' αὐτῶν ἡμᾶς ἰσχυρόν;

§. Nobis redeundum est ad aularum ministeria. in quibus præcipuum est ad bene ministrandum omen, *ele- gisse bonos beneq; ministraturos*. Si enim ullibi, hic certe valere debet illud Taciti (Agric. 19, 3.) non studiis *privatis*, nec ex commendatione aut precibus aliorum ministros *ascire*, sed optimum quemq; fidelissimum putare & officiis præsertim Palatinis ac administrationibus potius non peccaturos præficere, quam damnare cum peccant. Igitur AULÆ, quam exponimus, fores hac inscriptione prænūnimus:

ΔΕΞΟΜΑΙ ΟΥΤΕ ΘΕΜΙΣ ΕΣΤΙ, ΟΤΡΑΞ  
Δ' ΕΠΕΘΗΚΑ ΒΕΒΗΛΟΙΣ

ΠΑΣΙΝ ΟΜΩΣ,

Aula quibus fas est, pateo: neq; nostra profanos  
Porta ullos capiet.

Ita

Ita constitutum est Nostro Principi: qui *bonos tantum provehit & ostentat quasi specimen & exemplar, quæ ipsi secta vitæ, quod hominum genus placeat*. Paneg. 45, 4. Imo, *neminem in usu habet* Trajanus, inquit rursus Plinius Noster (88, 3.) *nisi aut sibi, aut patri suo, aut optimo cuiq; Principum dilectum*. Qui locus non prætereundæ observationis admonet: *ministros à prioribus principibus jam cum judicio dilectos, fideq; diuturna spectatos non temere à successore removendos*. (vid. Tholof. de Republ. 24, 6, 15.) quod tamen crebro usu venit, obtreccatione & invidia eorum, qui veteribus istis veluti custodibus remotis, novis artibus suis faciliorem proventum sperant, aut præfidenter sibi arrogare plura, quam ii, quos aulicarum administrationum versabilis usus jam exercuit instruxitque. Pertinet huc *Cassiodori* illud 4. ep. 3. Ad ornatum Palatii credimus pertinere, aptas dignitatibus personas eligere, quia de claritate servientium crescit fama dominantium.

6. Officiorum vero aulicorum & ministeriorum certus & constitutus non invenitur numerus: quippe ad potentiam Principis, magnitudinem imperii, aliasque conditiones referendus. Etiam ad tempus. Sic in bello & castris accinctior paratus, domi & in pace amplior est. Persarum præ reliquis populis hac in re magnificentia apparuit, qui *arcanum* quoddam *imperii* id existimabant, si agminibus Principum, exercitu ministrorum & satellitum suum regem venerationi civium inculcarent. videndus *Auct. lib. de mund.* (quem non recte Aristoteli quidam tribuunt) c. 6. & *Briffon. de regn. Pers.* lib. 1. Romana aula sub Augusto magnifica, sub Claudio, Nerone, Domitiano potius luxuriosa, sub Trajano restaurata, posterorum inertia vitium cepit. Et licet novis subinde officiis angeretur, potius tamen speciem quandam novam & pompam induit, quam auctoritatem pristinam recepit. Fortasse autem hic quoque moderatio melior. Certe qui aluntur magno sæpe numero, magno sumtu; principi neque usui sunt ne-

que decori. quales *tineas* & *forices palatii* vocavit Lici-  
nius. *Aerel. Vict. in Epit. c. 41.* Horatius *numerum* di-  
ceret, & *fruges consumere natos.* Interim & illud acci-  
dit, ut qui nimium paucitati hic student, frustrentur opra-  
to successu, dum uni plura, quam commode efficere po-  
test, committunt. *Severus* apud *Lamprid. c. 41.* nominis  
sui hic memor videtur fuisse, cum *aulicum ministerium* in  
id contraxit, ut essent tot homines in singulis officiis, quot  
necessitas postularer. *Purgavit*, inquit *c. 15.* Historicus, *pa-*  
*latium suum comitarumq; omnem*, *abjectis ex aulico mini-*  
*sterio cunctis obscenis & infamibus*: nec quenuquam passus  
est esse in *Palatinis*, nisi necessarium hominem. adde quæ  
seq. vid. & *Contzen. 7, 16, 6.*

7. In his igitur deligendis, ut cœpi dicere, tum a-  
lia non negligi, illud autem tanquam præcipuum attendi  
debet, ut ex artibus *prudentiam*, ex moribus *fidem*, ha-  
beant, qui majoribus rebus sunt admovendi. minoribus  
quoque negotiis omnique famulatio instruendo *fides* requi-  
renda & *probitas*. quanquam hi homines non legantur  
ferme, sed influant sine ullo morum examine. quæ res  
aulam nequitiarum, & impuritatum plenam efficit. Fa-  
cili contactu serpunt improbi mores: & hujus facis au-  
licæ spurcicies certatim ad nobiles pueros, & hac ratione  
ad potissimos aulæ ministros, quorum illi pueri semina-  
rium sunt, dimanat. Certè vertitur in eo principis exi-  
stimatio, ne vel minus intellexisse videatur, quos sibi ad-  
movere debuerit; vel per dissolutionem morum ac inge-  
nii delectari malis hominibus, aut certè non offendi. Igi-  
tur non externa ista consideranda, quam procerus corpore,  
decorus incessu, magnificus verbis, mirabilis gestu, qui af-  
fumitur, sed animus & bonæ mentis exploranda constantia  
est. Inde verus aulæ splendor & dignitas. Nam genus,  
ætas, cum similibus neminem admodum vel promoveant,  
vel impediant: satis comperto, nullam esse vel sine vir-  
tute nobilitatem, vel sine intelligentia maturitatem, vel  
sine

sine candore gratiam. vid. Jo. à Chokier. l. 5. thes. Polit. c. 1. & 2.

8. Peculiares notæ sunt, e. gr. *ne facile assumantur, quorum parentes alienato in Principem animo fuere, aut propter seditionem puniti.* Esse enim seditiosorum consiliorum & odiorum quandam quandoque hereditatem, exemplis ostenditur, ne de aliis causis dicam. Item : *externis potius delectari, quam popularibus, tyrannidis indicium nonnulli faciunt*, ex Aristotelis l. 5. pol. c. 10. alii *pro magno arcano amplexi sunt peregrinas custodias*, ut Augustus, Tiberius, Caligula, Antoninus. (Disting. autem custodiæ ab offic. & ministr. aulic. ceteris, in quibus potius cives collocandi) Sic nonnulla ministeria præ aliis cautionem habent; ut *cubicularii*, quos fidos, taciturnos, illæxæ & integræ famæ requirit, qui aulam non præceptis magis quam exemplo instruxit *Jacob. I. Ang. Rex in Δόξ. Βυσσιν. l. 3.* An & illi suspectandi sunt, *qui nimis cupide aulicam vitam ambiunt & se ingerunt?* Huc traxerim verba viri vitæ rerumque aulicarum peritissimi *Anton. Guevara in epist. famil. ad Abbat. mont. ferr. Mihi illud certum est, aulicam vitam ambitiosis & avaris tantum convenire, qui gratiam & commoda quarunt, aut adolescentibus, qui per ætatem incommoda nondum sentiunt.* Fallor an hic totus cautionis in dilectu locus multum habet prudentiæ, præsertim in Christiano Principe : qui cum  *Davide* multa & severitate & diligentia tractare hoc negotium debet, ut adjungat sibi homines *ambulantes in rectitudine, candore, integritate mentis* *בבב בתם לבב* Psal. 101. dispellat autem ac segreget illud *עפפ לבב* cor veteratorum & perversum : cujus indoles passim aulas veluti contagio obsedit.

9. Equidem si tu quæras, quales sint, qui aulis hodie aptos se existimant, forte non aberraverit à vero, qui oculos retulerit ad *Sallustii Catilinam*, loquentia multum, sapientia parum habentem; ad *Curionem Velleii*, hominem ingeniosissime nequam; ad *Egnatium Taciti*, qui  
habitu



habitu & ore ad exprimendam imaginem honesti exercitus, ceterum animo perfidiosus & subdolus, libidinem & avaritiam occultabat. Qui locus, si cui inspicere lubet, nescio quos amplius commemorat, fraudibus involutos, flagitiis commaculatos, specie bonarum artium falsos, & amicitia fallaces. Affines his sunt Herodiani κλέακας τετραπύς, καὶ τὸ ἑδαιμον γαστρὶ καὶ τοῖς αἰχμαῖς μεθύσας, (1, 5, 2.) Irrepunt & delatores, assentatores, Alchymistæ, semperque noxium Principibus genus, astrologi: & quis omnia dehonestamenta recenseat. Interim boni & idonei situi abstrusi & quasi sepultri. vid. querelam Nostri panegy. 45, 2. & adde rursus exemplum Commodi, de quo Historicus: καὶ σφόδρα μὲν πᾶς καὶ παιδείας καὶ μετίως μεμυημένῳ, τῆς αὐλῆς ὡς ἐπὶ βελῶν ἰδιώκῃ. γλωσσῶται δὲ καὶ τῶν αἰχμῶν ὑποκριτὰ ἔχον αὐτὸν ὑποχέριον. Arcebatur aula, tanquam insidiator, quisquis virtutum studio aut modicis litteris imbutus esset. Scurra autem, rerumq; turpissimarum spectacula representantes, devinctum sibi deditumq; Principem possederant.

10. Luberet hoc loco inferere, pulcherrimam politissimi Barclaii dissertationem, nisi prolixior esset quam pro nostro instituto. Orditur ille l. 1. Argenid. sermonem de iis, qui indole & virtutibus præstant; quam he rare in mortalibus gemma, quam sæpe contempta ab ingeniis, qua ad servitutem facta, liberis tamen ut plurimum imperant: eaque occasione de vero aularum regiarumque thesauro consilium prudentissimum suggerit. Colligendos, ait, Principi, viros qui usquam, militia, litteris, artificiis summi habeantur: hos in aula non ad splendorem modo & famam, sed ad usus certissimos alias esse. Has velut in uno cælo stellas multum in præsentia, multum posteræ claritatis regi regnoque allaturas. Neque graves ærario fore cum tot ludicra, tot vilissimi homines, tam superfluo & luxurioso sumtu sueverint sustentari &c. Esset & solenne aulicorum istud vaframentum hic examinandum: quo litteratos omnes, à regia pro ineptis

*ineptis spernunt argentū,* eam rem iridem, quam modo commendavi dissertatio, exponit. firmandam insuper Trajani exemplo: qui adjunxit sibi eruditos, cum tamen ipse non adeo esset eruditus. Panegyrista laudante 47, 1. &c. conf. cap. 49. fin. *Victor. epit. 13.* Quomodo doctis usus sit Severus memoria dignum est. Sic enim Lamprid. cap. 3. *Amavit litteratos homines, vehementer etiam eos reformidans, ne quid de se asperum scriberent. Denique eos adesse jubebat: singula quæque, quæ publice privatimque agebat, seipso docente volebat addiscere, si forte ipsi non affuissent: eaque petebat, ut si vera essent, in litteras mitterent.* Sed nos ad ceteros non egredimur, quorum judicio aulae splendorem litteræ illustrarunt (vid. *Dinotum de reb. & fact. memorab. l. 8, 1.*) De eo autem unice eruditis gratulamur: quod qui vere eruditi sunt (nam ceteri hac vice in argumentum dissert. nostræ non veniunt) illi malunt in casa & secreto lare virtutem & bonam mentem meditari, quam in aula summis perfrui honoribus.

II. Sequitur INSTRUMENTUM AULÆ paratusque circa palatium, adificia, suppellectilia, mensam, vestes. Hæc omnia adornantur cum quodam splendore, ut specie inanium etiam valida sit regia, externisque subsidiis interiorum majestatis vim paulatim insinuet. Hoc est quod apud Cassiodorum dicitur: *remoto fastu palatii contemptibile videretur imperium.* Multitudinis sane animi nulla re magis quam fulgore isto capiuntur, & veluti affectu venerabundo consternantur. Rursum videndus *Auctor. l. d. mund. c. 6.* ubi describit Persicorum regum illud πρόθημα, *ἡς σιμύτρεθ καὶ ὑπεροχὴς ὑψὸς μεγαλοπρεπὴς διακικοσμημένον* regia admiranda, cujus ambitus auro, ebore, electro insignis; multis vestibulis, atriiis, januis, foribus, stationibus; splendidissimis ministeriis &c. Salomonis quoque magnificentia huc in exemplum venit: cujus tamen auro eborique potius symbolica meditatione attendendum, quam obtusa contem-

platione adstupescendum esse duxerim. Alias non displicet nobis cura palatii, cujus formula apud *Cassiod.* 7, 8: ubi Rex Theodoricus, *hec nostra*, inquit, *sunt oblectamenta*, potentia imperii decora facies, testimonium praeconiale regnorum: *hec* legatis sub admiratione monstrantur, & prima fronte talis dominus esse creditur, quale ejus habitaculum comprobatur. Et ideo magna voluptas est prudentissima mentis pulcherrima jugiter habitatione gaudere, & inter publicas curas animum fessum reficere dulcedine fabricarum.

12. Trajani moderationem circa ea, quae in usum voluptatis maximis sumptibus alii struxerant, commendat *Plin.* c. 50, 1. Non, inquit, exturbatis prioribus dominis, omne stagnum, omnem lacum, omnem etiam saltum, immensa possessione circumvenis, nec unius oculis flumina, fontes, maria deserviunt. Sed haec membratim juvabit inspicere. Fuit Trajanus tam parcus in aedificando (quae ipsi splendori scilicet & voluptati aulae servirent) quam diligens in tuendo. c. 51, 1. observa hic: aularum luxum à studio novarum molitionum, aedificandi & ornandi lubricine primum profluxisse. A qua abstinere prima ad meliorem disciplinam via est. Secunda cautio talis est: *Superflua recidit, aut ad rectiores usus convertit: vendenda scilicet & publicis redditibus accensendo*: cujus laudis pars ad eorum temporum conditionem pertinet. Ad extruendos fastus palatii, rapinis in divitias alienas invasio ante facta: quae corrigenda reddendis ablatis erat. Tertia commendatio contractionem nimiae familiae & familiarum luxuria castigationem. Antea enim liberti & ministri aulici clarissimarum familiarum domos habitabant: sed & scurris & foedis hominibus aula strepebat, unde profusioni occasio & numerosae moli. Verba Panegyristae ex capite 50, 2. sunt ista: *Multa ex patrimonio* (Trajanus) *refert in imperium, quae priores Principes occupabant, non ut ipsi fruerentur, sed ne quis alius. Ergo in vestigia sedesq; nobilium immigrant pares Domini, nec jam clarissimo-*

*visumorum Virorum receptacula habitatore servo teruntur &c. & mox ? circumfertur sub nomine Caesaris tabula ingens rerum venalium, quo fit detestanda avaritia illius, qui tam multa concupiscebat, cum haberet supervacua tam multa. rursus : ipsos illos magni aliquando Imperatoris hortos, illud nunquam nisi Caesaris suburbanum, licemur, emimus, implemus &c. Et c. 51, 1. Satis est tibi nimumq;, cum successeris frugalissimo Principi, magis rejicere aliquid & amputare ex his, quæ Princeps tanquam necessaria reliquit. Præterea pater tuus usibus tuis detrahebat, quæ fortuna imperii dederat, tu tuis quod pater.*

13. Proposita est nobis brevitās : quæ non patitur insistere huic sermoni. Moneremus alias : omne instrumentum aulicum cunctosq;, paratus illuc quidem tendere, ne vel usibus Principis quidquam, vel splendori multum desit, ut discriminetur potius fortuna imperii quam ostentetur : esse tamen illa omnia temporum, potentie, hominum conditionibus accommodanda. Quod si principes minores & (cum majoribus illis regibus comparati, vix dynastæ) æmulentur tam potentis aulæ ornatum ; si æquali apparatum tenore, locupletiorum fortunam temporum sectentur in deterioribus ; si liberis gentibus jucundum credant, quod populi ad servitutem facti admirantur ; perit finis & ratio totius propositi ; contemptusque instrumentum existit, quod adversus contemtionem remedium quærebatur. Sciant denique, quibus mos ad vana obherere, unum aulæ decus esse, aulicorum virtutes, ac supellectilem omnium pulcherrimam bonos spectatæque probitatis ministros. Quæ res nos commonefacit, ut ad tertiam scriptionis hujus partem veniamus, id est, ad compendium bonorum aulæ, & veræ occasionem gloriæ. *Est enim Aula* ( ut *Hattronus* inquit l. 1. scen. vit. ) *cor virtutum, domus procerum, orbis schola : patientiæ, fortitudinis, prudentiæ, continentie multa ibi exempla & plures causæ.*

14. Nisi fors de DISCIPLINA AULÆ & moribus commentari res superflua credi possit ac intempestiva. *In aula enim quisq; facit, quod vult, quod potest, nemo quod debet:* iudicio & verbis Guevara. Verum non pauca hic Trajanus suppeditat; Cujus primo GYNÆCEUM occurrit. nam qui à se suisque orditur, cetera efficacius regit. Mos tenet à longo tempore, ut muliebres in comitu deliciæ, in vestitu mollities, in victu fastidium, in familia turba, in sumtibus profusio, in ludicris libido, magnis multisque malis qua palam qua occulte aulas vexent. Trajanus primo *in ducenda uxore* caute egit: deinde *in gubernanda* prudenter. Multis illustribus dedecori fuit, aut inconsultius uxor assumpta, aut retenta patientius, ita foris claros domestica destruebat infamia: & ne maximi cives haberentur hoc effecit, quod mariti minores erant. Tibi (pergit Panegyri. 83, 4.) uxor in decus & gloriam cedit, quid enim illa sanctius? quid antiquius? Hoc initio ad ceteram Gynæcei disciplinam proventus, I. quod uxor Trajani sese intra decora femine tenerit, nec ex regni negotiis quidquam usurpaverit, exponit. *Quam illa, inquit, nihil sibi ex fortuna tua nisi gaudium vindicaret?* secus quam Agrippina Neronis mater, cui cuncta parebant Roma, Tac. 12. A. 7, 5. quæ etiam suggestum filii ascendere cupiebat ac præsidere 13, A. 5, 3. nam de Claudii Messalina dicere pudet. Livia autem illa, nonne maritum sibi plus quam par erat etiam in publicis devinxerat? nonne privatos supra leges suo favore evexerat, quod ad dedecus temporis Historicus memorat. II. quod fastu superbiq; huic sexui solita, abstinnerit. cujus modestiæ laudem hac denique *ἐπιεικείῃ* prosequitur: *Quid enim laudabilius feminis, quam si verum honorem non in splendore titulorum, sed in iudiciis hominum reponunt? magnæque nominibus pares se faciant etiam dum recusant?* Ut ut enim sponte multa ad uxorem Principis redeat splendoris participatio, nimis tamen privilegiis oneranda non est infirmitas huius sexus, moderandos esse feminarum honores pru-

prudenter est à Tib. dictum. 1. A. Tac. 17, 2. III. quod obrectatio nulla conjugem & sororem Principis commiserit. Nihil est tam primum ad similitudines quam emulatio, in feminis praesertim. ea porro maxime nascitur ex conjunctione, alitur aequalitate, exardescit invidia, cujus finis est odium. Quo quidem admirabilius existimandum est, quod mulieribus duabus in una domo parique fortuna nullum certamen, nulla contentio. 84, 2. IV. quod in omni cultu civilis ac moderata fuerit. Eadem quam modica cultu, quam parva comitatu, quam civilis incessu? Talis Augustae mores haud dubie emulabuntur, qui circa eam. ipsa autem ut talis sit mariti opus, qui ita imbuat, ita instruit. nam uxori sufficit obsequii gloria. Sub modestia enim Viri, quantam debet verecundiam, uxor marito, femina sibi. 83, 8.

15. In universum autem aestimanti patebit, originem & fontem disciplinae omnis aulicae quaerendum in moribus Principis. Non tam imperio hic opus est quam exemplo, nam facere recta suos Princeps optimus faciendo docet. Vellej. 2, 12. Est magnificum, inquit ad Trajanum Plinius, quod te ab omni cogitatione vitiorum reprimis ac revocas, sed magnificentius quod tuos. Quanto enim magis arduum est alios prestare quam se; tanto laudabilius quod, cum sis optimus, omnes circa te similes tui effecisti. c. 83, 2. & 3. Vivat princeps caste cum uxore, abstineat illicitis amoribus (vid. *Sup. Basilic. l. 2.*) vivat concorditer: praeterquam quod uxorem ad eadem officia invitabit, nemo aulicorum erit, qui in minoribus flagitiis libidines numeret. Praeferat modestiam; quis audebit insolentiam ostentare? Quare conjunctim deinceps loquemur, de principis & aulicorum moribus. Quos in vita castos puerosque, in convivio sinceros & temperatos, in cultu civiles, in negotiis placidos, in mensa liberales & sobrios, in remissione decoros volumus. De INNOCENTIA morum universim praeter ea, quae modo diximus, illud commendamus principi hortamentum, quod Panegyrista ait c. 83, 1. *Habet*

*hoc magna fortuna, quod nihil tectum, nihil occultum esse patitur. Principum vero non modo domus, sed cubicula intimosq; secessus recludit, omniaq; arcana noscenda fama proponit atq; explicat. Parcat igitur suæ famæ, sine qua inefficax est potentia; parcat conscientiæ, sine qua ne vita quidem vitalis. Omne sub regno graviore regnum est, dixit minime pagane poëta paganus. Christianis autem principibus longe majora supersunt incitamenta, quorum auspiciis utinam rediret tandem in aulas aurei seculi vena & restitutionis certissimæ pignus, Pietas & justitia morum. Nefarii mancipii sed non sine infelici vaticinio in tot seculorum ingenia vox erat:*

-- -- -- *exeat aula*

*Qui volet esse pius: virtus & summa potestas  
Non coeunt.*

Audi contra: *Sola virtus & quidem minime simulata, regno & aulis servandis idonea. Photini autem istius & Machiavellicæ larvæ recta ad interitum ducunt. qua de re late Thom. Bozins de imperio virtutis.*

16. Sequitur INGENUITAS & SINCERITAS dictorum factorumque, quam passim laudat Orator. Quid enim generoso animo indignius, quam dulcia verbis promere, aspera mente occultare? quam, ut cum Claudiano loquar,

-- -- -- *virus in alto*

*Condere, quam latam speciem pratendere fraudi?*

Talis Tiberius, omnium simulationum abyssus. Dio vidend. l. 57. pr. Verba principis oracula sunt: nihilque à suis moribus magis is removeat, quam fucos & simulationum vilitatem. Nam aulicorum in hac re studium pæne consumitur, ut imponant erectioribus quam ipsi sunt, quos interim simplices & stolidos, denique, quod ego magnæ laudis reor, minime aulicos objurgant. Proverbio non

non vano locum fecit illa tantopere sibi placens vanitas : *manibus & vocabulis & gestibus rem geri in aula, non fide & more majorum.* Non vacat nobis hic exequi, quo incessu, quo gestu, quibus deliciis, aulico utendum sit & salutationibus : quanquam videmus, imprimis in aula qui *vel caput decenter non aperiunt, aut venientibus tempestive non assurgunt, aut occurrentibus obviam ipsi ultro non procedunt, aut deniq; unicuiq; non qui debetur titulum tribuunt, rusticitatis vel fastus & arrogantia argui* (sunt verba *Guevara* ad quendam, qui petierat præscribi sibi quasdam elegantiores salutationum formulas) neque aulicissimos istos, ut sic dicam, ad partes nunc vocamus : *Castilioni* vicem hujus operæ imponentes, qui in *Aulico* suo valde curiosum præceptorem agit : hæc, inquam, omnia *elegantia, luxuriae sive tempestivitatis, cautionis, comitatis, modestie, gravitatis, leporis, generalibus* quidem vocabulis ita includimus, *ut honestatis fundamento & sinceritatis indole* consummari cupiamus. Crude enim præcipiunt, qui aulico *byssina verba, assentantes domini affectibus vultus, occultationem ingenii, captationes opportunas munera, laudationes, jocos, dissertationes, commendant*, nec de vero omnis aulici moris instituto ac fine serio admonent, quo fit ut circa externam speciem occupatos, bonæ mentis, quæ hæc & talia adgubernare debebat, nulla imbuat rectitudo. Sed ADULATIONI, unico principalis fastigii veneno, peculiarem curam destinavimus.

17. Nec in VESTITU cultuque longius morabimur. quod enim principem attinet, reperenda sunt, quæ cap. 2. har. commentat. th. 14. diximus. Hic unum illud suggerere libet: *varietatem crebrasq; mutationes vestium, præterquam quod inconstantis animi haberi indicium solent, etiam plerumq; mali ominis esse.* Curt. de Alexandro 6, 6, 4: *Vestem Persicam sumsit, ne omen quidem veritus, quod à victoris insignibus in devicti transfret habitum.* Instar multorum sit exemplo *Carolus ille Magnus.* Extat vox ejus,



jus, qua severe objurgavit quosdam suorum, braccas Gal-  
lorum æmulantes; *En liberos Francos, qui eorum quos vi-  
cere vestimenta hand bono omine & inauspicato usurpant.*  
Edicto insuper adjecto, cavit, ne venderentur emerenturve  
in Germania Gallicæ vestes. *Aventin. 4. annal. Boj.* Aulicos  
autem suos, peregrinis vestibus & pretiosis fulgentes, quo-  
modo deluserit in venationem & hiemem ductos, indidem  
petatur. Collegit multa in hanc rem utilis *Richteri* labor  
in axiomat. Polit. 318. *Michaelius* autem *Latius* vir patrii  
moris amantissimus, quique eloquii simplicitatem animi ju-  
dicio egregie pensat, l. 2. rer. Danic. longa dissertatione ar-  
gumentum hoc de vestium luxu & varietate tractat, Ger-  
manoque orbi per Maximiliani primum bella infusum id  
genus mali autumat. denique prætextus vanos amolitur,

-- -- -- nihil est obtendere morbis

*Pharmaca falsa. Deo res judice constat: & uni*

*Peccatur, cum quod peccatur ab omnibus, uni*

*Detrahit ac pœnas in publica crimina reddit.*

Aut si vetera potius delectant, legend. castigator publicus  
omnis luxuriæ *Seneca 7. benef. 9.*

18. Tempus jam est ad MENSAM accumbenti mini-  
strare Principi. Semper fuerunt & sunt Principes, quo-  
rum epulæ *Petronio* aliquo descriptore opus haberent. nisi  
quod nostra quoque ætas tulit virum, qui luxuriæ aulicæ  
mores velut in tabella tam efficaciter effingeret, ut ad ejus  
conspectum totus sanior orbis cohorrescat. Nobis Philo-  
sophica moderatione opus est: aut si veritas non placet nisi  
tectæ, ænigmatice agamus. Quid vult sibi, cum inquit *Se-  
neca* (7. de benef. 9.) *video elaboratam scrupulosa distinctio-  
ne testudinem, & fœdissimorum pigerrimorumq; animalium*  
*testas, ingentibus pretiis emptas, in quibus ipsa illa qua placet*  
*varietas subditis medicamentis in similitudinem verè colora-  
tur. Video istic mensas & æstimatum lignum senatoris cen-  
su, eo pretiosius, quod illud in plures nodos arboris infelicitas*  
*corripit. Video istic chrysellina, quorum accendit fragilitas*  
*pretium.*

pretium. Omnium enim rerum voluptas apud imperitos, ipso quo fugare debet periculo, crescit. Video murrhina pocula, parum scilicet luxuria magno furit, nisi quod vomant, capacibus gemmis inter se propinarent. Quid autem indignatur Sophus & objurgat (consol. ad Helv. 9.) Non est necesse omne perscrutari profundum, nec strage animalium ventrem onerare, nec conchyliis ultimo maris ex ignoto littore eruere. Undique convehunt, omnia nota fastidienti gula. Quod dissolutus deliciis stomachus vix admittat, ab ultimo portatur Oceano. Vomunt, ut edant; edunt ut vomant: & epulas, quas toto orbe conquirunt, nec concoquere dignantur. *Quantulum autem ex istis epulis, (epist. 89.) quæ per tot comparatis manus, fesso voluptatibus ore libatis? quantulum ex ista fera, periculose capta, dominus crudus ac nauseans gustat? quantulum ex tot conchyliis, tam longe advectis, per istum stomachum inexplebilem labitur? infelices etiam, quod non intelligitis, vos maiorem famem habere quam ventrem.* Plinius porro Noster, qualem in epistolis cœnam narrat, ubi scurra, cinadi, moriones mensis inerrarent? 9, 17. Longe auspiciatius est, quod ad Trajanum epulantem loquitur 49, 7. Ergo non aurum, nec argentum, nec exquisita ingenia cœnarum, sed suavitatem tuam jucunditatemque miramur: quibus nulla satietas adest, quando sincera omnia & vera & ornata gravitate. Neque enim obscœna petulantia mensis Principis oberrat; sed benigna invitatio, & liberales joci, & studiorum honor. Addenda sunt quæ præcedunt, dissimilis scilicet & infelix convivatio sub Domitiano, & Sueton. Aug. 47. Lamprid. de Alexandro Severo c. 34. cum inter suos convivaretur, aut Ulpianum aut doctos homines adhibebat, ut haberet fabulas litteratas, quibus se recreari dicebat & pasci. Esto igitur Principis mensa frugilis cum munditie: jucunda joci & hilaritate: comis humanitate: gravis sobrietate: utilis colloquio: vacua turpi oblectatione: plena modestis moribus. Emanabit exempli utilitas in publicum, & quod nulla lege sumtuaria corrigi poterit, nomen Principis abolebit. Illustre exemplum annotavit

*Tacit. 3. A. cap. 52. usque ad 56. ubi cum nullis remediis sisti posset luxuria, precipuus astricti moris auctor Vespasianus fuit, antiquo ipse cultu victuq. Obsequium inde in Principem & amulandi amor, validior quam pœna ex legibus & metus. 55, 4. Res digna observatu. nam luxuria & voluptates ad mutationes denique regnorum proficiunt. The- los. 22, 4. Continentia è contrariis rerum bene gerendarum grande adjumentum, quod vel exemplo Julii Cæsaris, qui semper & somno & cibo in vitam non in voluptatem usus est, (Vellej. 2, 41.) constare potest. quibus adde Augusti exemplum. Sueton. 76. & aliorum.*

19. Vitabitur autem facilius *luxuria* in aulis, si *luxuria* fomes *Otium* vitabitur. Turpe viro principi segne otium. Quale fuit, cum pleriq. principes olim tempus à negotiis vacuum in *aleam*, *stupra*, *luxum* conferrent: cum *seriarum laxamenta curarum*, *vitiorum contentione* supple- rent. *Panegy. 82, 10. Trajanus si quando cum influentibus negotiis paria faciebat, instar refectiois putabat mutatio- nem laboris c. 81, 1. &c.* Et qualibus quidem remissionibus otium interpungendum sit, *singulari capite* dispiciemus. nunc nihil aliud quam *fugam somni*, *pigritia*, *voluptatum* inculcamus. *Hoc enim certo statnendum est, Deum non condidisse regna ut gubernarentur ab hominibus ineptis & stolidis, qui frivola quadam & misera jactatione solent di- cere, se, quod usum litterarum non habeant, suis familia- ribus & necessariis omnem actionem committere, ac deinde nulla adducta probabili ratione, cur ita loquantur, rosos se dedunt voluptatibus; quemadmodum graviter scripsit re- ctissimi judicii Historicus Comineus l. 3. Non licentia, in- quam, vitiorum, non voluptatum opportunitatibus astimabi- istum locum, sed certe occasionibus & facultate bene meren- di de genere humano, qui est unicus finis summi loci. Pa- schal. in censura animi ingrati cap. 19. In honestioribus porro laxamentis molestiarum, omnino Princeps operam dabit, ut jactantati & comitati gravitatem; remissioni spe- ciem contentionis; jocis momenta seriorum misceat. ita con- seque-*

sequetur scilicet quod apud Curtium de Alexandro dicitur 3, 6, 20. *ut pariter charus & venerandus sit.* Eadem cautio in omni colloquio, in admissionum facilitate & benignitate (quam commendat Plinius paneg. 47, 3. &c. amplius nobis exponendam, nisi capite comment. nostr. 2, 15. id egissemus) tenenda est.

20. Cum primis autem id enitendum Principi teor ne nimium semet vel convictu admoveat, vel favore tradat illis aula ministris, qui nec precipui gradu, nec veris animi bonis eximii, insidiosi benevolentie Principalis captatores arbitria rerum, à quibus submoveri debebant, speculantur. Tales fuerunt in aula Romana aliquoties liberti. Pleriq; Principes (inquit Paneg. 88, 1.) cum essent civium Domini, libertorum erant servi. horum consiliis, horum nutu regerantur, per hos audiebant, per hos loquebantur, & quæ seq. Tu libertis tuis summum quidem honorem, sed tanquam libertis habes, abundeq; sufficere his credis, si probi & frugi existimentur. Scis enim precipuum esse indicium non magni Principis magnos libertos. Cujus rei turpitudinem etiam Agricola Taciti intellexit, qui nihil per libertos servosque publica rei egit, cap. 19, 3. Videndum etiam quæ Cicero precipiat fratri l. 1. epist. ad fratr. epist. 1. & 2. Horum in locum succedere hodie tum ii, qui malis artibus Principum ingenio adrepunt, tum cæteri omnes, qui cum publicæ rei nec intelligentiam nec curam habeant, Principem tamen, quo minus prudentissimorum consiliis utatur, veluti fascino quodam distinent. Facile intelligunt quid velim, qui frequentissimam aularum pestem quotidie deplorare opus habent. Talium deinceps veteratorum nequitia omnia agi ferrique videas, cum certissima Principis in præsens invidia, in posterum infamia. Credat hoc Princeps velim, unius invidia ab omnibus peccari. Quo magis coercenda est omnis aulici gregis petulantia, injuriæ, luxuria, rapacitas, &c. Valent hic verba Cic. ad Q. fratrem l. 1. epist. 1. c. 3. nequaquam satis est ipsum te habere virtutes, sed est circumspiciendum diligenter, ut in

*hac custodia provincia non te unum, sed omnes ministros imperii tui, sociis & civibus & Reipublice praeſtare videre. De Trajano Plin. 88, 3. quos in uſu habes, ita formas, ut ſe non tua fortuna ſed ſua metiantur.*

21. Non debemus diſſimulando prætervehi maculam aulæ Trajani non levem. Quicquid enim dicat Panegyriſta c. 20, 2. *caſtus vocari in univerſum nequit, qui amoribus puerorum operam dedit.* quod Xiphilin. cum aliis reſtatur. Nam quis ſcelus tam deteſtabile excuſare ulla ſpecie audeat? Quid ſæculi moribus abreptum dicis, cujus fuit omnes ſæculi turpitudines ad meliora vertere? Quid obvertis magna magnorum ingeniorum vitia? nemo magnus niſi qui & bonus, nemo bonus niſi qui à ſcelere purus. Sed nec *ebrietatem tuam*, Trajane, poſteritas abſolvit, quia Hiſtoricus *innexiam* pronuntiavit. Atqui alius perpetuo ebrius, nec tantum ebrius, ſed ſimul cruentus eſt? Quæſi vero laudi poſſit dari, ſi quis deterrimo minus ſit deterior. Quid tergiverſamur in re aperta? Ebrietas cum omnibus turpis, tum vero Principi maxime ignominioſa eſt. Hæc nimirum ſunt, quæ etiam lacerant famam ejus Principis, quem alias conſenſurus cum Romana curia orbis *optimum* vocaſſet, inſigni documento, quanta Principibus *cura fame* eſſe debeat, quam in utramque partem magnam habituri ſunt. neque enim certior virtutum quam vitiſorum recordatio eſt. *Igitur nemo temere eſt, qui ſic numeros omnes innocentia implet, ut non vitium aliquod cen nebula reliquum vite ſplendorem obſcuraverit. Catone Cenſorio quid laudatius? At in hoc inenſandum quod vinofus, quod præſtraſtus, quod aliena. etiam atate mulicroſus. Octavii Cæſaris tam multas tamque præclaras landes, aleæ ſtudium & adulteria contaminarunt. Titum Veſpaſianum alioquin optimum ſavitiæ ſuſpicio læſit. Flavio Veſpaſiano, nulla alioqui virtute non abſoluto, ſædiſſima Principi, pecunia cupiditas maculam attulit. &c.* ex Eraſmi panegyri. ad Philipp. hæc mutuati ſumus.

22. Sed nos meta vocat. Neque enim vel *virtutum prin-*

*principalium vel omnis scenae aulicae tractationem suscepimus: verum suavia generaliter contenti, cetera suis locis servavimus. Uturpamusque hic Polybianum illud, ex lib. 6. recte iudicantem de scribentibus non attendenda esse, quae omittuntur: sed considerata, quae exponuntur, quae si falsa sint, etiam de omissis male opinandum; sin vera, tum existimandum, omissa esse cum iudicio quae omissa sunt, non per ignorantiam.* Clausulae loco commendo studiosis rei aulicae, quae tersissimus Barclajus in Icon. anim. c. 14. de diversis aulicorum ingeniis, studiis, moribus, successibus, factis &c. perite commentatur. Tum quae C. Rittershus. in spec. bon. princip. collegit, M. Antonini egregia in hanc rem monita. *Licere etiam in aula recte & absq. luxu vivere, privatoq. proximum habitum assumere. Aulam esse instar novercae; Philosophiam matri similem. Ab illa igitur ad hanc subinde se recipere debere eum, qui in aula versatur. Aulico Philosophiam hoc praestare boni, ut & ipsi res aulica videantur tolerabiliores & alii ipsum facilius tolerant. Aulam unam aliquam semper fuisse similem.* Addendus istis Lucianus erit, de iis qui mercede conducti serviunt: ubi vaferissima descriptione servitutem & mores aulae ob oculos ponit. Profuerit & Steph. Vinand. Pigh. qui conversationem aulicam in Hercule Prodicio instruit, inspicere.

## CAP. VII.

De

## AMICIS PRINCIPUM.

1. **H**Os enim; cum de praecipuis Principalis fortunae administris ageretur, huc distulimus, tanquam eximios & favore Domini selectos. Vocantur autem hoc nomine ii, quorum consilio & opera Princeps ad regendam summae fortunae molem utitur.

D d d d d 3

2. Con-

2. *Consilium dixi & operam.* Hinc discrimen Politicorum, in *Consiliarios & Praefectos*, quos *Administorum* vocabulo includit Lipsius.

3. Atque in hos utrosque diversis regni curis Princeps acquiescit. Sunt *alii*, quos ob nullam talem causam amor Domini complexu arctiore fovet, genere, elegantia, indole, casu conciliatos, qui cum *Amici* revera sint, obtinuisse tamen animadvertimus, ut honorario *Amicitiae* titulo ii ferme gaudeant, quos diximus: quique alia voce clarius *Adjutores* à scriptoribus nominantur.

4. De quibus paulo concisius acturi (nam praecedenti capite, genere scribendi usi sumus tumultuario) 1. *de eligendorum artibus.* 2. *de electorum officio.* 3. *de florentium periculo*, nobis dicendum intelligimus.

9. *Etenim cum plurimis amicitis fortuna Principum indigeat, praeipuum est Principis opus amicos parare.* ait Noster *Panegy.* 85, 6. Igitur nulli hic negligentiae locus: quae utique Rempublicam & famam Principis pluribus, quam credi potest, periculis involveret. Nota est super hac re *Cominei* querela objurgatoria in Principes imperitos & ignavos l. 3. non longe à pr. digna quae pressius confideretur.

6. *Quales ergo DELIGENDI, inquis?* Respondet Plinius: *Amicos ex optimis legendos* 45, 3. item: *non ex ingerentibus, sed ex subtrahentibus* 86, 2. Instas. *Quomodo inveniam optimos?* Tales crede, qualis fama cuiusque est. Huic aures, huic oculos intende, ne respexeris clandestinas existimationes, nullisque magis quam audientibus insidiantes susurros. Melius omnibus quam singulis creditur. singuli enim decipere & decipi possunt, nemo omnes, neminem omnes fefellerunt. 62, 9.

7. Distinctius tecum aget Lips. 3. Polit. 4. & 10: qui fidem prudentiam, peritiam reipublicae, aetatem, experientiam utriusque, fortunam, moderatam ingenii acrimoniam, in consiliario: eademque, prope, praeter genus, in Administro spectare jubebit. Nos nec illum nec alium quenquam exscri-

scribimus: nec diutius quam par est hic hæremus. Consulendus cumprimis *Cerolanus* de consiliis & consiliariis c. 2. ubi quindecim animi artes, & c. 3. ubi quinque corporis dotes requirit.

8. Nisi cui placet in transitu noscere, quales Severo amicos Lampridius tribuat: (c. 39.) nimirum *sanctos & fideles & nunquam venales*. Sed hæc ad mores. Ingenii autem *altum acumen, purum, aptumq; omni vita cuiusq; incubuerit, excultum disciplinis, exerta fortiq; verecundia, natum omnia, nec quid nimis audere*, Barclajus describit. Icon, anim. 13.

9. Esset ad studia virorum ejusmodi & artes eundem: scilicet justæ dissertationis opere, ac propterea ab instituto præsentis remoto. Interim credimus illa omnia huc pertinere, quæ Lipsius de studiis Principum in Notis Polit. commentatus est. cui jungi potest *Kirchneri Cancellarius* l. 1. c. 7. usque ad fin. & *Cerolanus* modo laudatus c. 2. Item *Hippolyti à Collib. Consiliarius*.

10. Illud non possumus quin moneamus: *Esse dominationis consilio propius quam scito prudentia, quod quidam ajunt: In legendis adjutoribus non eminentes virtutes sed modicas sectandas*. Cui Principi hoc suades? si *Tiberio*: bene. ille enim non sectabatur virtutes eminentes. Tac. 1. A. 80, 4. si *Traiano* ac bono Principi; male: vid. Paneg. 44, 5. & 45, 3.

11. Quod cum dicimus, non prohibemus discernere ingenia acutiora à prudentioribus; elatiora à modestioribus; à magnanimis excelsa, à splendidis constantia &c. Multis enim simulationum involucris tegitur, & quasi velis quibusdam obtenditur uniuscujusq; natura, inquit Cicero ad Q. fr. 1, 1, 5.

12. Hodie præcipua cautio in *Cancellariis*, quem vocant, officio. Ab hoc enim tractationum publicarum veluti anima pender: hic actionum fata disponit & consilia; pertinereque huc *Meleandri* cogitatio apud scriptorem πολιητάτορ: Qui potestatem *Præfetti Secretorum* (nam hoc offi-



2. *Consilium* dixi & *operam*. Hinc discrimen Politicorum, in *Consiliarios* & *Præfectos*, quos *Administorum* vocabulo includit Lipsius.

3. Atque in hos utrosque diversis regni curis Princeps acquiescit. Sunt *alii*, quos ob nullam talem causam amor Domini complexu arctiore fovet, genere, elegancia, indole, casu conciliatos, qui cum *Amici* revera sint, obtrivisse tamen animadvertimus, ut honorario *Amicitia* titulo ii ferme gaudeant, quos diximus: quique alia voce clarius *Adjuutores* à scriptoribus nominantur.

4. De quibus paulo concisus acturi (nam præcedenti capite, genere scribendi usi sumus tumultuario) 1. *de eligendorum artibus*. 2. *de electorum officio*. 3. *de florentium periculo*, nobis dicendum intelligimus.

5. Etenim cum plurimis amicitis fortuna Principum indigeat, præcipuum est Principis opus amicos parare, ait Noſter Panegy. 85, 6. Igitur nulli hic negligentia locus: quæ utique Rempublicam & famam Principis pluribus, quam credi potest, periculis involveret. Nota est super hac re *Cominei* querela objurgatoria in Principes imperitòs & ignavos l. 3. non longe à pr. digna quæ pressius consideretur.

6. *Qualis ergo DELIGENDI*, inquis? Respondet Plinius: *Amicos ex optimis legendos* 45, 3. item: *non ex ingredientibus, sed ex subtrahentibus* 86, 2. Instas. Quomodo inveniam optimos? Tales crede, qualis fama cuiusq; est. Huic aures, huic oculos intende, ne respexeris clandestinas existimationes, nullisq; magis quam audientibus insidiantes susurros. Melius omnibus quam singulis creditur. singuli enim decipere & decipi possunt, nemo omnes, neminem omnes fefellerunt. 62, 9.

7. Distinctius tecum aget Lips. 3. Polit. 4. & 10: qui fidem prudentiam, peritiam reipublica, aetatem, experientiam utriusq; fortuna, moderatam ingenii acrimoniam, in consiliario: eademq; prope, præter genus, in Administro spectare jubebit. Nos nec illum nec alium quenquam ex-

scri-

scribimus: nec diutius quam par est hic hæremus. Consulendus cumprimis *Ceriolanus* de consiliis & consiliariis c. 2. ubi quindecim animi artes, & c. 3. ubi quinque corporis dotes requirit.

8. Nisi cui placet in transitu noscere, quales Severo amicos Lampridius tribuat: (c. 39.) nimirum *sanctos & fideles & nunquam venales*. Sed hæc ad mores. *Ingenii autem altum acumen, purum, aptumq; omni vita cuiusq; incubuerit, ex cultum disciplinis, exerta fortiq; verecundia, naturum omnia, nec quid nimis audere*, Barclajus describit. *Icon, anim, 13.*

9. Esset ad studia virorum ejusmodi & artes eundem: scilicet justæ dissertationis opere, ac propterea ab instituto præsentis remoto. Interim credimus illa omnia huc pertinere, quæ Lipsius *de studiis Principum* in Notis Polit. commentatus est. cui jungi potest *Kirchneri Cancellarius* l. 1. c. 7. usque ad fin. & *Ceriolanus* modo laudatus c. 2. Item *Hippolyti à Collib. Consiliarius*.

10. Illud non possumus quin moneamus: *Esse dominationis consilio propius quam secto prudentia, quod quidam ajunt: In legendis adiutoribus non eminentes virtutes sed modicas sectandas*. Cui Principi hoc suades? si Tiberio: bene. ille enim non sectabatur virtutes eminentes. Tac. 1. A. 80, 4. si Trajano ac bono Principi; male: vid. *Paneg. 44, 5. & 45, 3.*

11. Quod cum dicimus, non prohibemus discernere ingenia acutiora à prudentioribus; elatiora à modestioribus; à magnanimis excelsa, à splendidis constantia &c. Multis enim simulationum involucris tegitur, & quasi velis quibundam obtenditur uniuscujusq; natura, inquit Cicero ad Q. fr. 1, 1, 5.

12. Hodie præcipua cautio in *Cancellariis*, quem vocant, officio. Ab hoc enim tractationum publicarum veluti anima pendet: hic actionum fata disponit & consilia; pertinetque huc Meleandri cogitatio apud scriptorem πολι-  
κώτατορ: *Qui potestatem Præfetti Secretorum* (nam hoc  
offi-

officium alias coincidit cum Cancellarii munere, alias pars ejus est) *animo volvens, non sine horrore cogitabat, quantum ille acceptis legatorum litteris posset. Tanquam arbitrum rerum nihil magis, quam quod Principi placet, referre. In hac vero libertate, quas cum exteris amicitias, si velit, non obruat: aut injurias atq; fraudes praecorruptus non mulceat? Quod si perfidiam, quae argui possit, prudenti scelere vitabit; ac ipsa negotia narrando torquere, verbisq; premere aut elevare omnia poterit; tanquam hoc quoq; orator mandavisset &c. vid. Argen. 5.*

13. Multa suggeruntur Principibus arcana adversus maximarum rerum gubernatores: sed plura illi ipsi habent in promptu adversus Principem. unum autem idq; certissimum arcanum ad Reipublicae salutem est Principis ipsius pericia & prudentia. Cum enim Princeps totus ab aliorum arbitrio pendet, neq; quiesquam ipse per se gerit, nascuntur factiones, dividitur populus, dividitur senatus & regni procures. inde bellum nascitur, ex bello rerum penuria, quam excipiunt deinde morbi & varii generis arumnae. His gradibus prudentissimus Comineus l. 3. à Principis imperitia ad imperii occasum, non sine saltu interim, deveniri existimat.

14. Idem qui l. 7. fin. graviter pronuntiat: *Est nimirum Deus, à quo salus regnorum omnium & incrementum & occasus & initia dependent. sed prout affligere gentem constituit, ita ei imperitum Principem tribuit. quod hoc ipso loco & alibi ostendit.*

15. Nobis ergo hic breviter attingendum est, tum quomodo conciliare sibi delectos amicos, tum quomodo iis uti Princeps queat. Conciliandi rationes in Panegyrico nostro tres proponuntur: I. Honores (quibus elargiendis nonnulli ad vafritiem usque progressi sunt) *Provehis, inquit, amicos & ostentas 45, 4. & revereris 19, 2.* II. Munera & pramia. vid. c. 58, 7. cujus finis in illam *inixtionem* desinit: *nihil magis tuum credis quam quod per amicos habes. adde c. 86, 5. & Mamert. in grat. act. pro Cos. c. 25.*  
III. Amor

III. *Amor & vera*, nec vocabuli solum honore nixa, *amicitia*. *Habes amicos*, inquit Paneg. 85, 2. *quia amicus ipse es*.

16. Hæc fortissima conciliatrix mentium. Igitur non oratorem magis, quam Politicum agere putandus est Plinius, cum tantopere hoc argumentum amplificat. *Et enim in Principum domo nomen tantum amicitie, inane scilicet irrisumq; manet* (85, 1.) quæ res multum de fide consiliatorum detraxit. nemo enim serio fidus est ei, quem non amat. porro non amat, à quo non amatur. Neque enim est ullus liberior affectus, & qui magis vices exigat. vid. tot. cap. adi. *Mamert. orat. laudata c. 26. & Pacat. c. 16.*

17. Absit autem *fortuita & subita benevolentia*, quæ non virtutum æstimatione sed fervore quodam in summo pectore nata mox evanescit. Ecce quali arcano tum utantur qui ita diliguntur. *Memores scilicet inundari se altissimo aestu, sed in suum Oceanum stata mutatione redituro, quam avidissimis pectoribus de illa felicitate bibunt. Neq; enim lassare hunc amorem flagitatis muneribus timent, qui etiam nisi tempestiva celeritate excipitur, ut vina atatem non ferentia, inutili veterno consenescit.* Si hoc disertissimo Politicorum credimus, in *Icon. anim. 13.*

18. *Quomodo utendum amicis*, Lipsius satis exposuit 3. pol. 8. Ad quæ libet annotare quæ Lampridius de Severo habet c. 16. *Fuit illi, inquit, consuetudo, ut si de jure aut de negotiis tractaret, solos doctos & disertos adhiberet: si vero de re militari, milites veteres & senes ac benemeritos, & locorum peritos ac bellorum & castrorum, & omnes litteratos: & maxime eos, qui historica norant: requirens, quid in talibus causis, quales in disceptatione versabantur, veteres Imperatores vel Romani vel exterarum gentium fecissent.* Pulcre: non contigit uni facile rerum cunctarum prudentia, sed nec scientia. Quo respectu exaudiendum est prudens sane Ceriolani monitum, cum *Principem, qui multis provinciis ac terris dominatur, consiliarios*

liarios non ex una vel altera ipsarum, sed ex omnibus deligere jubet. de Consil. 4.

19. Etiam illud prudenter monuit filium, Jacobus R. A. ut à secretiore suo consilio raro abesset. l. 2. *δωρ. βασιλικ.* Atque in eo opera danda principi (hoc enim addendum est) ne arte quadam excludatur ab intima illa rerum cognitione. Sunt enim procures, qui sic cuncta ad se trahunt, ac propemodum suas faciunt altas illas & salutis omnium curas, ut non tam republica egeant, quam suis officiis deinde resp. Icon. an. 13.

20. Sed hæc hætenus. Deveniendum nunc est ad OFFICIUM AMICORUM: quomodo suum locum cum utilitate publica suaque laude debeant tueri. Hic in universum omnibus certatim commendant prudentes; pietatem, fidem, virtutem, modestiam, obsequium, patientiam, constantiam: Consiliariis seorsim; libertatem, libertatis moderationem, cautionem, tarditatem, justitiam, continentiam, vigilantiam, taciturnitatem, veritatem, amorem principis &c. eum præcepto de vitandis contrariis, vid. Lips. 3. pol. 5, 6, 7. Petr. Magn. de consilio cap. 13. & Hippol. à Collib. in consiliario.

21. Nobis hæc dissertatio sub manu crevit: itaque properamus ad finem. quanquam alias quæstiones non remendæ hic occurrunt: quarum partem corollariorum loco proponemus. Unum non possumus silentio præterire. Turbamentis, inquam, bonæ mentis, rectique in Amico Principis officii, quæ copiose à Politicis ingeruntur, addimus præcipuum. Est illud *Hodierna ratio Politica*. rem ingratham sed veram loquor: descivit nostra politica à veterum gentilium quoque puritate; ne ad officia Christiani hominis nunc provocem, quibus nihil purius est. Hujus ergo qui vestigia sequitur, eum ego qua speciosa in prasens aut utilia possint videri, consulturum arbitror; sed fundamenta boni status ad posteros jacere, Deoq; auctore firmandi status presidia comparare, alterius longaq; diversa artis res est.

22. Non

22. Non sum is, qui necessitates rerum gerendarum ad scholasticas meditationes aut contemplationes cupiam exigere: sed sunt opinor rationes in mundo, quibus ex omni antiquitate, ratione, honestate ~~et~~ ostendi potest, quantum impurae fœcis trahant scripta Politicorum: nam de actionibus quis dubitat? Destinatum nostro labori argumentum, vel promemus, vel prememus, sicuti Deo visum fuerit.

23. Ultimam scriptiunculae hujus partem, DE FATO POTENTIAE aulicae raro sempiterna (sicut Tacitus de Mæcenate loquitur 3. A. 30, 7.) sive de periculo excellentium Aulicorum, itidem nobis lucrificere potest, diserta & accurata cum primis Generosissimi Enenkelii commentatio, Sejani titulo exemploque, primo catalogum eorum, qui ex lubrico aulae culmine prolapsi sunt; deinde causas ejus ruinae; denique cautiones & monita adversus eam exponens. cui add. Amirat. dissert. in Tac. l. 3. c. 4.

24. Extat hanc in rem pictura Luciani, de mercede conductis, circa finem, ubi per sublime atque inauratum Vestibulum in aulam introducto Opulentiam admirationis causa objicit, mox Spem itineris ducem & anteambulam addit. cui succedentes Fallacia Servituti, tradunt miserum Labori. Hic defatigatum Senectuti offerre fingitur. sequitur Contumelia, quæ arreptum Desperationi mancipat: emissioque non per aureum istud vestibulum, sed obscuro posticoque Exitu Pœnitentia cum lacrymis occurrens gemit dolorem. Quanquam hæc cavillatio ad casus aulicos & ejus vitæ misérias in universum pertinet.

25. Alias probe distinguenda est hoc loco clarissimorum virorum sub malis principibus ac tyrannis fortuna (de qua nos capite peculiari, occasione Panegyri. nostr. 44, 6. agemus) ab istis casibus, qui sub bono etiam Principe evectos in magna fastigia non minoribus affligunt ruinis. Sive plenius distinguere placet. quidam plane sua culpa cadunt; quosdam plane aliena vitia præcipitant; quibusdam sua & aliorum opera calamitas accersitur.

26. Προφυλακτικὰ adversus tam ancipitis periculi metus, cum cura nec parce tradidere ii ferme omnes, quorum in hoc capite nomina laudavimus. Verum ne hunc locum plane intactum videamur reliquisse, secunda præstabimus opinor clausula. id est verbis Viri in omni re Politica & Aulica peritissimi, Hugonis Grotii, qui in tragœdia Sophompan. act. 5. Josephum talibus præceptis filio Manassi disciplinam potentia instillantem introducit:

-- -- Si tibi quondam viro  
 Pars se aliqua regni credit, Ægyptus tibi  
 Sit patria; sic est merita: benefactis data  
 Remunerare: proximum numen Deo  
 Regem putato: prima sit legum, illius  
 Obsequia jussis pendere, & rebus fidem:  
 Tum fastus absit, mentis inflata tumor.  
 Res est potestas fragilis & regum favor.  
 Supermicantem ducibus in planum levis  
 Tulit hora, paulum saepe ab imperio interest,  
 Ad supplicantium verba & alienos pedes.  
 Si dignitas tua lasa, si damnum datum,  
 Da facile veniam. Prona gens labi sumus  
 Homines, quod olim primus ostendit sator,  
 Furtiva vetita poma cum tetigit manu.  
 Dat ipse se facilibus exorabilem,  
 Snaq; lege quemq; metitur Deus.  
 Suprema virtus atq; virtutum omnium  
 Perpetua custos & triumphatrix necis,  
 Pietas habenda est. otium semper fuge  
 Vitiis amicum. Vult honos sese coli.  
 Nam fulgor ex quo gentibus monstrat virum  
 Ut magna non sit fama, vitari nequit;  
 Sed sit decora an turpis, hoc in te fitum est.

COM



## XXVI.

COMMENTATIONUM  
PLINIANARUM

## CAP. VIII.

De

ADULATORIBUS  
AULICIS.

**E**Gimus in superiore capite, de *Amicis Principum*: id est, de illis qui revera sunt, quod esse debent. his vicinum aliud genus, nec est, quod vult videri: nec vult videri, quod est. Amicitia specie hostilem animum; malitiam, obtentu honestatis occultantes: denique per dissimillima omnia sibi semper simillimi. Nomen ADULATORIBUS datum.

2. Ita vocamus homines subdolos, qui malis artibus, blandaq; specie favorem Principis aucupantur, cupiditates ejus sollicitando aut inflando: ut quantumvis periclitante publico, privatim ipsi placeant, & quibusdam commodis mactentur.

3. De his acturi breviter, considerabimus 1. quales sint, qui adulantur. 2. quales sint quibus adulantur; 3. quibus adulationum artibus utantur. 4. quibus remediis ea pestis averti debeat.

4. Suppeditat nobis hæc capita locus Panegyristæ cap. 41. v. 3. Nunquam Principibus defuerunt, qui fronte gravi & tristi supercilio, utilitatibus fisci concumaciter adessent: & erant Principes ipsi sua sponte avidi & rapaces & qui magistris non egerent: plura tamen semper à nobis contra nos

Eccce 3

didi-



didicerunt. Sed ad tuas aures, cum ceteris omnibus, tum vel maxime avaris adulationibus obstructus est aditus.

5. Hinc enim discimus ante omnia, quales sint, qui adulantur. quod antequam ostendamus, notandum est duplex esse, ut in cetera vita, sic in Aulis, adulatorum genus. Quorum quidam Blandi dicuntur, (ἄριστοι græce) quibus placendi studium unice est propositum: quidam assentatores (græce ἀλααίς) lucri causa turpem placendi consuetudinem sectantes. Differunt solo fine, quo & Aristoteles Ethic. 4, 6. & Theophrastus in character: περὶ καλααίας, & ἀριστοκίας, eos distinguere.

6. Prius illud genus minus turpe existimatur, quare & Aristoteles aliquando ita vocari, quos ipse πολιτικὸς φίλος civiliter amicos, id est, comiter cum omnibus versantes. veram amicitiam colentes cum nemine, vocat, & adhuc hodie noti sunt, qui Gallis les courtois dicti (quæ vox plane cum εὖφρων convenit, & Germanorum illi iudicio responderet, er ist ein Hoffmann) nullam ex nomine turpitudinem subeunt, licet minimo eos ab adulatoris discrimine distinguere Casaubonus censeat. Videasque plerumque, blanditiam cum adulatione conjungi, præsertim in Aulis, ubi majus assentandi præmium ostenditur.

7. Malum & noxium utrumque genus, & iisdem pravi moris notis signandum. Sunt enim adultores 1. quidem homines ταπεινοί, id est, abjecti servilisque animi. Ταπεινοὶ γὰρ οἱ ἀλααίς, καὶ τὸ ἀνάπαλιν οἱ ταπεινοὶ πάντες καλααίς εἰσιν, inquit Andronicus Paraphrastes Arist. ad Ethic. 4, 3. abjecto ingenio & humili sunt adultores, sicut, qui tali ingenio prædicti sunt, vicissim adultores existimantur. hinc Tacit. 1. histor. 1. 4. Adulationi sædum crimen servitutis inesse iudicat. & Arist. 5. Pol. Adulationis proprium esse ait, ταπεινὸς ὁμιλεῖν. Sunt autem tales animi partim natura, partim assuetudine, quæ degeneri sensu mentem ac verba adulantium emaculat ac deterit. Ex hoc principio interpretanda sunt plurima apud Auctores loca, quibus impositam adu-

adulandi necessitatem, sive consuetudinem, *partem servitutis* memorant. quæ hic brevitatis studio omittimus.

8. Sunt 2. Adulatores *genus hominum infidum & subdolum*. Quæ enim fides in servili animo? ubi spes adulatoris imminui cœpit, aut fortuna Domini vultum mutavit, primus deserit adulator, primus prodit, primus insultat. neque hoc tantum: inter ipsa spei ac fortunæ delinimenta, non affectu, non fide ducitur, non in consilio, non in convictu, non in obsequio.

9. Sunt 3. Adulatores *privatis tantum commodis intenti*, quibus publicum decus vile, qui publicis malis securi aut latti. Intelligit hoc Plinius, cum ait: *Principes nostri à nobis contra nos plurima didicerunt*: quasi diceret, fuerunt ex nostro ordine, qui nullo nostri aut publici respectu principibus ea suggererent, quæ ipsis privati utilia, in commune perniciofa erant. Sed & cum de *avaris adulationibus* loquitur satis apparet, illos avaritia magistros non sine spe emolumenti & præmii, rapacitatis vias ostendisse.

10. His addendum intelligitur etiam quod non est additum: *bonæ menti, honestatis studio, virtutis ingenuitatis nullum in adulatoribus locum esse*, sed profundas improbitatis latere, etiam cum occultantur, libidines. *Adulator omnis virtutis inimicus est*, inquit Sarisberiensis in *Polycratico* 3, 4.

11. Igitur genus tam noxium hominum diligentissime cavendum omnibus ac evitandum erat. Sed ut sunt incauti in sua damna mortales, nemo minus excluditur convictu, amore, deliciis potentium, quam adulator. Eo magis, quod *φιλόων & ambitiosorum* plena sunt omnia. Hoc enim *primum genus est eorum, qui adulatoribus delectantur*. *διὰ φιλαυτίαν γὰρ αὐτοὶ αὐτὴν κλέαξ ἑκαστὸν ὢν πρῶτον καὶ μέγιστον, ὃ χαλεπῶς προσίεται τὸ ἔξωθεν, ὃν εἶναι καὶ βέλτερον μάρτυρα ἅμα αὐτῷ καὶ βιβαιωτικῶν προσγινομένων*. Cæcus amor sui facit, ut quisq; sui ipsius assentator cum sit primus atq; maximus, non difficulter admittat externum, quem p-  
tas

rat ac vult esse sibi atq; accedere testem adstipulatoremq;, inquit Plutarchus de discrim. ad. & am.

12. Vere Horatius amorem sui cœcum appellavit: plerumque enim cum *stoliditate* quadam inepta & *vanitate* ridicula conjungitur. Quo fit, ut non concupiscere modo, sed expostulare adulationum mendacii audeant. Talis fuit Constantius, qui ut iam cœlo contiguus, casibusq; impetraturus humanis magniloquentia fastuq; sufflabatur adulatorem: quos augebat ipse, spernendo projiciendoq; id genus parum callentes. ut Cræsum legimus, ideo regno suo Solonem expulisse precipitem, quia blandiri nesciebat: & Dionysium intentasse Poëta Philoxeno mortem, cum eum recitantem proprios versus absurdos & inconcinnos, laudantibus cunctis solus audiret immobilis. Usus sum verbis Ammiani Marcell. l. 15. c. 15. Cujus ut rectum in plerisque judicium, ita censura in adulatores gravis & crebra non minimam laudem meretur.

13. In tyrannis occurrit *ambitio*, *vanitas*, *ferocia*, quibus ad *odium veritatis* & amorem assentationum corumpuntur. Cumprimis autem magna & celebris hujus rei magistra *felicitas* est: Quæ ubi animo hominis superfudit se, primam, invisæ virtutis loco, adulationem admittit. Singulis utimur exemplis, sed insignibus: Alexandrum Magnum vesana cœlestium honorum cupido ceperat. Jovis filium non dici tantum se, sed etiam credi volebat, tanquam perinde animis imperare posset ac linguis. nec deerat (addit Curtius 8, 5, 6.) talia concupiscenti perniciofa adulatio.

14. Sed hi quidem manifestò absurdi sunt. superest aliud genus eorum Principum, qui nec nullam adulationem, nec omnem cupiunt. Quorum rursus diversa considerantibus offertur indoles. Alii enim *ambitione*, *calliditate*, *suspicionibus*, *incivilitate mixti*, periculosissimam assentantibus hanc operam reddunt, unde angusta & lubrica oratio sub Principe, qui libertatem metuit, adulationem odit, inquit Tacitus de Tiberio 2. An. 87, 3. adde Dionem, libri 57.

bri 57. pr. Alii *precipiti scivitia*, cum nec verum audire pollint, nec falso delectari, non minus in adulatorem, quam in amicum cruentas manus injiciunt: sicut de Basilide Moscovitarum Rege constat. vide Guagnin. tom. 2. rer. Polon.

15. Quæ differuimus hætenus ad characteres Ethicos sive *notas* pertinent, quibus moris adulatorii consuetudo utrinque signatur. Quod si *ad ipsam hominum conditionem* respicientes, rursus interrogemus: *Qui sunt adulatores, & quibus adulantur?* Tum sane præter eos, quibus hoc nomen facilius & manifestius tribuitur; (ut sunt *ἀλάλας τῆς πατρίδος* quos Herodianus in Commodò nominat; & tinea ac sorices palatii, de quibus est apud Victorem) *occultissimum & ideo periculosissimum adulationis genus est*, quos minime tales credas, propter auctoritatem, prudentiam, dignitatem & officium. Quotus quisque enim *consiliariorum, præfectorum, administratorum* ab hac labe purus? Vidit hoc & monuit Tacitus, *amicis* (ita enim vocat, quos diximus) *inesse adulationem*, 2. A. 12, 4. & Curtius, in *Purpuratis* (eadem notione) *solitam vanitatem*, (adulationis scilicet) indigitavit, 3, 2, 10. observavit & Comineus l. 5, 18. Qui, *omnes*, inquit, *asseda Principum sententiis accedunt, præcipue ut quisq; proximus est, cupitq; familiaris persistere.* Quæ verba ex Barthii versione deprompta sunt. Hujus generis etiam sunt *Fratres*, qui *Principum mentes tenent ex auditione confessionis.* atque igitur *cantissime adulantur hi ac mire semper abutuntur magnatum vanitate &c.* Extant hæc in Hutteni Aula, ubi plura vide. Utile forsan esset huc accommodari sacrorum canonum instituta, quibus cautum est: *Clericos irrefragabiliter deponendos, qui noseuntur adulationibus inservire.* Sarisber. de nugis curial. 3, 5. Sane vero *Principes, Reges, Magnates ille scopus sunt*, quo intenduntur, veluti spicula, adulatorum artes & consilia. In hos promiscue vel adulatio callidi, aliquid machinatur; vel insidiosi, aliquod venenum parat; vel pravi maculam asper-

git; vel inertis & securi, vanitatis suæ ludicrum effundit; nulla iudicii, nulla veritatis cura, sed partim privatis consiliis, partim tradito more, quemcunque Principem vel quemodocunque adulandi. Tac. 1. hist. 32, 2.

16. Progredimur ad tertiam commentationis nostræ partem, id est, ad artes adulatorum, quibus irrepunt & subreperunt Aulis. nam ad has Plinianus locus nos deducit. Primo igitur observant diligenter affectus atque cupiditates ejus, cui adulantur: ex his argumentum & fraudem sui operis moluntur. e. gr. si avarus sit Princeps, rapacitatis artes & arcana commendant, quod præsertim hic de Domitiani adulatoribus Plinius innuit. Si savus sit & cruentus, sæviendi occasionem & materiem adulator tanquam igni ligna quærit, quod Tacitus vocat, *savitia Principis adreperere*, 1. An. 74, 2. Si Hellus & commessator, statim adsunt qui talia commendent oratione aut exemplo suo. Sicut Pomponius Flaccus & Lucius Piso cum noctem continuumq; biduum epulando potandoq; consumpsissent cum Tiberio; non tantum dignitates ea re meruerunt, sed & elogium quo jucundissimos & omnium horarum amicos (id est, si quis ex vero interpretetur, omnibus cupiditatibus suis lenocinantes) appellavit Princeps, Sueton, in Tiber. c. 42. Lucianus, cum tale exemplum, in adulatoribus Alexandri commemorasset, vocat hanc *κολακίαν πρὸς τὸ Ἀλεξάνδρῳ πᾶσι συντιθεμένην*, & in præcedentibus: *οἱ δὲ κολακίᾳ πλὴν μετακινῶν τούτῳ τῷ Ἀλεξάνδρῳ ἐπιθυμίαν ὑπολαμβάνοντες, προσεγγίζουσιν ἐνδοῦ καὶ ἀνελκόμενοι* &c. de non tem. cred. cal.

17. Et quoniam apertis adulationibus aliqui offenduntur, 2. geritur dissimulanter hoc negotium, ne videatur hoc agere quod agit adulator. Quo pertinet affectata in verbis, in vultu, gestuq; toto gravitas, & severior asseveratio. Plinio est: fronte gravi & tristi supercilio utilitatibus fisci consummatice adesse. Exempla vid. ap. Tacitum 1. An. 8, 5. ubi speciem adulandi, appellat, scilicet gravitatis, generosi animi libertatisque affectatione adornatam. Talia

lia exempla sunt etiam apud Plutarchum de discrim. Adul-  
lat. & amic. Quæ non exscribimus. Notavit hanc artem  
Barclajus in Icone animorum, c. 13. *Etiam supercilio usi &*  
*pene regnare (modica tamen nec magna contumacia) Prin-*  
*cipes haud raro accendit.* Sunt, inquit Sarisb. l. 3. de  
nugis curial. c. 5. *qui vulgares & adulationes plebejas non*  
*admittant, ut qui nolunt vili unguento, oleove corrupto,*  
*quod omnibus fæcet, inungi, cum amicorum aut conviva-*  
*rum expetunt gratiam.* Verumtamen illa magis timenda,  
quia magis perniciosa sunt, quæ quodam cautela velamento  
studiosius occultantur, & quasi sub imagine increpationis, aut  
correctionis, alteriusve officii aut virtutis, irrepunt.

18. Maxime autem propria est adulantium consue-  
tudo, 3. laudare. Igitur Tacitus per eos, quibus omnia  
Principum honesta atq; inhonesta laudare mos est, adulator-  
res designavit, 2. An. 38, 5. Ab his videas laudari fœ-  
minam latis deferentem, ut *Semiramim extollunt Parthi, vel*  
*Cleopatras Ægyptius, aut Arsemisiam Cares, vel Zenobiam*  
*Palmireni.* quod ex Annimiano Marcellino dicere libuit.  
l. 28. c. 20. Ait Ethicus:

*Quid quod adulandi gens prudentissima laudat*  
*Sermonem indocti, faciem deformis amici,*  
*Et longum invalidi collum cervicibus æquat*  
*Herculis, Antæum procul à tellure tenentis:*  
*Miratur vocem angustam, qua deterius nec*  
*Ille sonat, quo mordetur gallina marito.*

Sarisb. de nugis Curial. lib. 3, 4.

Ab his *amplificantur* immenso more, quæ sunt modica aut  
parva, aut ridicula. Alludit eò noster Panegyrista c. 54.  
v. 3. *nihil ante tam vulgare, tam parvum in Senatu age-*  
*batur, ut non laudibus Principum immorarentur &c.* & mox:  
*cum de ampliando gladiatorum numero & similibus agere-*  
*tur, tanquam prolatis imperii fines certamen adulantium e-*  
*vexit.* Cum Caligula aliquis stolidissimis simulationibus  
ludicræ militiæ tempora & sumptus & famam alibi terit, ac

directa acie in litore Oceani, conchas legit (vid. Sueton. in Caligul. cap. 43. 44. 45. 46. &c.) non deest qui *victoriosum Imperatorem, damna hostium, Oceani spolia*, vehementer dilaudet.

19. Accedunt 4. honores nimii, absurdi, illiciti, divini: *titulorum prodigia gestusq; venerantium quesitissima vanitatis aut absurditatis pleni*. quibus adultores, prout cuiusque Principis fert ingenium, quotidie novis & exco- gitatis utuntur. Loca apud nostrum huc facientia vid. c. 52. v. 1. c. 54. v. 4. item 55. v. 3. *cum jam pridem omnis novitas adulatione consumpta sit, non alius erga te novus honor superest, quam si aliquando de te tacere audeamus*. Apud Curtium lib. 8. cap. 5. v. 10. Cleo divinitatem & *προ- ξύνην* Alexandro tribuit. Apud Sueton. quidam Principis occupationes, *sacras* vocat. in Tiber. c. 27. quod cor- rexerat aspernator tam manifestæ adulationis Princeps. idem qui apud Tacitum oblatum templi honorem deprecatur, ne- que vult *promiscuis adulationibus vulgari*. 4. An. 37. 5. *Divi- na aures, divinus ortus, divina expeditiones*: & in com- pellatione, *vestra divinitas*, possint fortasse Rhetorum & Panegyristarum figuris condonari, nisi quantum de hoc vitio inesset, satis constaret. Pertinet *huc arcanum ἀπο- στήριον* imperatoriæ, cui itidem adulatio dedit initium; vis dominationis complementum. Quam rem festive expo- sitam vid. ab Heinsio in laude Asini.

20. Importuna humanæ ambitionis & vecordię co- mes est cupiditas. Igitur inter artes adulatorias, 5. non raro observamus *spem obiectam ab adulantibus, qua cuiusq; cupiditas vanitasq; inflaretur*. Conceperat animo & cupi- ditate victoriam Darius antequam vidisset hostem: igitur statim aderant *purpurati solita vanitate spem ejus inflantes*, Curt. 3, 2, 10. Talem se apud Antiochum Thoas Ætolus gessit, qui quibus mendaciis de Rege, multiplicando verbis copias ejus, crexerat multorum in Græcia animos; iisdem & Regis spem inflabat, omnium votis eum ascerfiri, con- cursum ad littora futurum, unde *Classem Regiam prospe- xissent*,

*xissent*, memorante Liv. 35, 42. Etiam ubi periculum propinquum & manifestum est, aureos montes loqui, his in more positum est. Sic cum necessitates suas proximis confiteretur Constantius Imperator, illi in assentationem nimiam eruditi infatuabant hominem, nihil esse ita asperum dictantes, quod prepotens ejus virtus fortunaq, tam vicina sideribus, non superaret ex more. Ammian. Marcell. 15, 19. Magnam in hac turba partem constituunt vaticinatores, conjectores, Astrologi, quos propterea Tacitus, genus hominum potentibus infidum, sperantibus fallax (agnosce genuinas adulatorum notas) vocat. Illi urgebant in nova consilia Orthonem, dum novos motus & clarum Othoni annum observatione siderum affirmant. 1. hist. 22, 2. Illi felicia fata exorabili ore præfagiunt: Illi exitus mites & fortunæ cujusque optabiles gravissima voce promittunt. Id enim ad gratiam & lucellum esse non dubitant. Sicut explanat Taciti mentem Barclajus in Argen. l. 2. Cæsarem ad amplissimam spem potiundi terrarum imperii conjectores incitavere, Sueton. Jul. c. 7. Franciscum Salazarum Principem, dum nimium Ariolis & divinis tribuit, à Rege Gallie cui fidem multis nominibus debebat, præpostera prudentia ad Cæsarem transfugisse Thuanus memorat l. 1. Vide ibid. Antonii Lava Hispani exemplum, qui eadem vanitate belli improsperi instinctorem se præbuit. Qualia suppeditant passim, rerum gestarum memorix.

21. Referenda huc est etiam 6. *Amoris simulatio*: non minima scilicet ars extorquendæ benevolentix. Ut cum Principe tristi aut male se habente, adulator perculsus & attonitus adhsistit, somno, cibo, abstinet, aliaque ejusmodi simulacra instruit. Specimen hujus astus Barclajus habet in Icone animorum c. 13. Geminum est, quod de Sejano Tacitus ait 4. A. 59. Cum Tiberius in villa spelunca convivium celebraret, atq, os specus lapsis repente saxis obrueret quosdam ministros, metumq, ac fugam convivantium faceret, Sejanus genu vultuq, & manibus super Cæsarem suspensus opposuit sese incidentibus: atq, habitu tali

FFF FF 3

reper-



reperitus est à militibus qui in subsidium venerant. Major ex eo (addit Historicus) & quanquam exitiosa suaderet, ne sui non anxius, cum fide audiebatur.

22. Temporis quoque. (sit hoc 7.) diligentissimi observatores sunt, ne quid intempestive ingerant, sed inter prandendum aut cum vino quis exhilaratus fuerit, aut cujuscunque compos voluptatis, ait Sarisb. l. 3, 5. Cum Bessus aliquis cum amicis ducibusque copiarum inter epulas de bello consultat, tum vero pro se quisque suas vires extollunt; hostium nunc temeritatem nunc paucitatem spernunt. Atque ubi ille absurdissimum cepit consilium, conclamant, unam hanc sententiam salubrem esse, debellaturi cum ipso super mensam Alexandrum. quod si Cobares quispiam interveniat, & moderatione bonisque consiliis utatur, triste inter remulentos præmium feret. Curtius 7, 4.

23. Denique (8.) illud triste supercilium & frons gravis, licet de gestu vultuq; proprie loquatur, admonet nos tamen de arte, quam gestus comitatur. Cum præsertim magistrorum vox, à quibus Principes contra cives suos, imò contra virtutem ipsam tot ac tanta discunt, in Pliniano loco nobis monstret, artificium reperiendi juris, & prætectus, & magnifici nominis. Exemplum grande proximum Panegyrici caput suppeditat, ubi Viri innocentes, divites, egregiis artibus, publice celebres, ut subverti possint, specioso majestatis titulo ad perniciem postulabantur. de qua re alibi. Approbe huc faciunt, quæ Comineus, haud dubie præclarus & prudentiæ veterum comparandus auctor 5, 18. solerter observavit, dicens: quidam saviunt sub umbra justitia, hujusq; præsides viros ad arbitrium paratos habent, qui de levissimo quoque, morte dignum facinus facere norunt. Hos si deficiet materies, invenient rationes quibus disimulent audire querelas partium, assertiones testium, ut quem velint ut volunt comprehendant, condemnentq;, uti vocant, in expensas: expectantes, si qui superveniat litem ei intendens, quem jam tenent

tenent isti, spoliatumque cupiunt. Si hac via satis secum procedere non possunt, neque ad cupitum finem pervenire, habent alias, & certiores. Causantur oppido quam necessarium esse, prestari exemplum, casusque suos ita figurant, ut inde quod velint facile conficiatur. Aliis qui beneficio quodam ipsis obligati sunt, & quoquo modo potentiores, de facto, ut loquuntur, rem decidunt, solemnibus velut his sub formulis: Tu detrectas imperium nostrum, contra juramentum mihi prestitum agis: sic violenter bonis exsunt quem volunt si possunt, (certe ut possint ipsi nihil non tentant) magnisque ejus vitam perplexitatibus involvunt. Quem vicinum tantummodo, non subditum, habent, si potens & pugnax erit, sinunt eum res suas agere; si debilis aut timidus, nescit quorsum se vertat. Causabuntur eum favisse hostibus ipsorum, aut copias in territorium ejus divertere & inde ali volent, aut litigia rediment, aliarve invenient destruendi occasiones; vel vicinum alium in ipsum concitabunt, cui auxilia prestabunt. Semper hic subintelligemus, non tam ipsos principes ista facitare, quam ut factitent à magistris (quos Plinius notat) moneri erudiri. Quare non piguit, longiuscula verba huc apponere.

24. Quid dicam de Scriptore Hispano satis celebri, qui Tiridatis ferum illud ac barbarum apud Tacitum 15. A. 1, 6. Principi instillandum monet: *sua retinere privata domus: de alienis certare regiam laudem esse.* l. 2. de legat. diss. 21. Quam sane vocem adulationi potius, quam incorrupto consilio tribuendam facile vident, qui nec de cetero ignorant, *adulationem cunctis flagitiosis dominationis artibus partim initium, partim fomentum suppeditasse.* Quid enim patravit unquam licentia, aut expetivit cupiditas, aut molita est ambitio Principum, cui non honestatis titulum & speciosa nomina, & rationem status, quam vocant, adulatio amicorum indueret? Cum Augustus adulteria exercet, excusant amici (verius, adulatores) non libidine sed ratione commissa, quo facilius consilia ad-  
versa-

*versariorum per cuiusq; mulieres exquireret.* Sueton. Aug. 69. Ex eodem principio, *libertas, contumacia crimine; civilitas, seditiosa popularitatis;* E contra, *vis extrema, jure imperii; perfidia & fraudes, jure utilitatis publica,* quotiescunque imperantibus gratum est, ab Aulicis adulato-ribus, insigniuntur. Qualia si quis conquirat, in immen- sum volumen amplificare queat, quintum Clapmarii lib. de Arcan. *De Romana sedis Gnathonibus,* qui infinitam malitiæ, injustitiæ, injuriarum, scelerum vim, religioso sanctitatis velamento, per notissimum Mangonium publi- ce prostituunt, nihil hic dicam.

25. Non opus est nunc sermonem ordiri, *de nocu- mentis Adulationis Aulica:* Possemus alias ex hoc genere hominum dare *Pradones imperii, molitores rerum novarum, subseffores thori principalis, cavillatores autoritatis publica, arcanorum Proditores, optimorum ac innocentium everfores, pessimorum promotores, virtutis deniq; omnis exterminato- res:* verum hæc, ut cœpi dicere, partim per se nota sunt, partim alibi jam pertractata. Igitur ad *quartam differ- tationis hujus partem, de remediis adversus adulatores u- surpandis,* progredimur. Sed neque hic immorabimur longius, aut ea quæ cum cura Plutarch. de discrimine a- dulatoris & amici, (eum librum dignum existimat Steph. Vin. Pighius in Herc. Prodic. p. 105. quem quilibet Prin- ceps adolescens ad unguem ediscat & memoriæ mandet) Sarisber. l.3. de nugis cur. recentiorumque aliqui philoso- phando, aliqui per Philocalian variorumque exemplorum & rerum huc pertinentium collectionem tradiderunt, re- coquemus. Id enim scribendi genus alienissimum esse à nostro instituto sæpe jam sumus professi. Unam artem eamque potissimam & validissimam adversus omnes adula- torum artes suppeditat Plinius noster in loco quem tracta- mus. *Ad tuas aures,* inquit, *cum ceteris omnibus tum vel maxime avaris adulationibus obstrictus est aditus, silent ergo & quiescunt, & postquam non est cui suadeatur, qui suadeant non sunt.* Hæc ergo debet esse præcipua cautio

cautio bono prudentique Principi, ut, quoniam ex omnis  
 xvi historia scire debet, *adulationem perpetuum fuisse ma-*  
*lum Regum, quorum opes saepius assentatio quam hostis ever-*  
*it* (Curtius 8, 1, 6.) diligentissima observatione severissima-  
 que censura advigilet, quo minimi maximi sentiant, se  
 intelligere, quid verus honor, vera laus, vera amicitia, &  
 fucata earundem larva distent; neque veri juris ignarum,  
 aut malatum artium tolerantem se esse; nullum denique  
 apud se adulantes manere primum, præter infamiam, &  
 multiplices pœnas. Atque ea philosophia præstaret ma-  
 ture imbui Principis adolescentis animum: ne inanibus &  
 fallis & speciosis, quibus plerique suæ fortunæ felicitatem  
 metiuntur, unquam consuesceret gaudere. Nam Principi  
 male educato, aut in vanitatum amorem projecto frustra  
 aliquid suaseris vel dissuaseris.

26. Priusquam finiamus, mentio facienda est earum  
 artium, quæ in aulis quotidie usitate, adulationi vicina vi-  
 dentur, nec tamen penitus & semper evitari, etiam à cor-  
 datis possunt. Tales enumerat Barclai. Icon. an. 13. Ut,  
 cum quacunq; re, sive seria, sive ludicra, princeps glo-  
 riam præstantia & victoria affectat, prudens aulicus cedit,  
 & concedit, quod Princeps sibi vult concedi. Nam qui  
 mirantur Principis actiones & studia, quibus ille delecta-  
 tur, cum non mereantur laudes & admirationem, longius  
 ab honesta, quam nonnulli sequi videntur, *conviviorum* au-  
 lica, absunt. Interim, loquitur aliquid Princeps vino hi-  
 lator, aut affectu perturbator, quod tu nolis à bene sobrio  
 & advertente dictum. quid hic ages? adversere statim,  
 aut tristi silentio, aliave fastidii nota damnes, quod mal-  
 let forsan ipse, & alias, & solus, & suo loco damnare?  
 Persuadere aliis, quod vult credi Princeps, etiam si aliter  
 se rem habere satis scias: ignorare, quod vult ignorare  
 Princeps, etiam si non ignores: ubi major Principis cupi-  
 ditas intercesserit, ei rationem & speciem & pulchritudinem  
 circumponere. Similia sexcenta occurrunt: quæ tempori,  
 & genio circumstantiarum, & rationibus prudentia, &

altioribus boni finis momentis, potius quam adulationi dantur.

27. Etiam errores principis tegere, & modicos interpretatione in publicum lenire, artisq; & consilii honore vestire, sæpe plurimum ab adulatione abest. Sed hæc ad prudentiam *πρὸς αὐτὸν* &, ut sic dicam, extraordinariam pertinent, magnisque & multis indigent cautionibus: sine quibus, nimium quam facile degenerant. Cum Alexander, haud dubie per summum scelus, interfecisset Clitum, conscientiaque facti extreme cruciatus, mori jam destinasset, vix ægre revocatus est à suis ad vitam. *quoque minus cadis pueret, jure interfectum Clitum Macedones decernunt, sepultura quoq; prohibitori, ni rex humani jussisset.* Curt. 8, 2, 12. Quæritur, an ea adulatio dicenda? Fortasse enim curiosior aliquis, fractiones dubitandi inveniret non plane leves. 1. Regis vita pudore facti periclitabatur: quæ, nisi demto pudore servari non posse videbatur. Porro, pudor ille ad milites & amicos pertinebat: quorum judicia metuebat Rex. quo metu ut eum liberarent, publico decreto testabantur se aliter, quam existimaret, judicare. 2. Comitati subditorum & erga regem reverentiæ convenire videbatur, infamiam ejus domi & ad exteros hoc pacto celare. 3. Quia benevolentia militum, reperiebat aliquam imaginem juris, in regis potestatis plenitudine, etiam ad sui vindictam temporalem valente; in tutela majestatis, quæ contumacia Cliti, hostilis animi speciem præbente, læsa videbatur. 4. Quia publico potius, temporis, necessitatis, belli, respectu, hoc decretum fecisse videntur, quam ex assentandi studio. 5. Denique non tam censura hujus facti Macedonibus erat facilis, quam necessaria regis veneratio, &c. Quæ & similia, si quis attendenda autumat, excusationem forte aliquam, multitudinis ea promptitudo mereatur. quam ratio ipsa, quæ Anaxarcho tribuitur, à Plut. ad Pr. indoct. *ὅτι πᾶν πράττοντον ὑπὸ βασιλέως, δεῖν τὸν δὲ καὶ δίκαιον*, quod quæcunque rex agat, ea jus fasque sequi videantur.

wideantur, ineptissima & noxiosa adulationis plena sit, ex qua nihil iusti exsculpere equidem possim, nisi quis ad subditorum iudicia velit hoc sensu restringere, quo Comicus dixit: *Indigna digna habenda sunt, herus qua facit.* Plaut. Captiv. act. 2. sc. 1.

28. Annectendum aliquid esset, de necessariis & coactis adulationibus, quas metus tyrannidis bonis quoque extorquet, & veluti rationem sui status, commendat: nisi in Grutero copiose obvia esset hæc commentatio, ad illud Taciti, ubi dedecori Neronis adstituisse dicitur, *marens Burrhus ac laudans*, 14. A. 15, 4. Affirmare sane Tacitus videtur, licere tali tempore, *inter abruptam contumaciam & deforme obsequium, pergere iter ambitione & periculis vacuum*, 4. A. 20, 4. Quod ut de extremis evitandis, salubre censei consilium debet: ita omni adulationis imagine neminem sub tyranno liberat. Esset etiam locus discutiendæ questionis, *An in aula viventi plane inevitabilis sit adulatio?* quod ita videtur Hutteno, in Aula. Sed nobis, ad cetera properantibus, finiendum est.

## CAP. IX.

*De avaris Adulationibus & Calumniis fiscalibus.*

1. **P**ropositus est, antegresso capite, locus è Panegyrista nostro; qui adulationis aulicæ variis artibus & perniciofa industria, animo Principis insinuari solita, notam veluti generalem, habuit: seorsum autem, de certo adulationum genere, quas *Avaras* vocat, admonuit. Iraque de his aliquid nobis hac occasione dicendum intelligimus. Intelligit autem Plinius per *avaras adulationes* nihil aliud, quam *excogitatas, suppeditatas, commendatas*, à magistris rapacitatis sive iis hominibus, qui *inveniendis augendi præter fas & ius fisci artibus celebrantur*,

*rationes novas, illicitas, crudeles, iniquas; non sine prætextu specioso, & pulcris nominibus.*

2. Talibus magistris gratanter utitur plerunque aula: partim quia luxuries, dum consumendi modum non facit, inopiæ & avaritiæ locum & occasiones præbet; partim, quia habendi cupido, quorundam animos sponte obsedit, quibusdam autem facile conciliatur: cum ex vitiis nulla frequentius & efficacius corrumpant homines, quam cupido honorum & opum, vetustissima malorum orbis materies & causa. Hi, ut obtineant, quod Principis & suæ cupiditati explendæ sit, subinde novas occasiones & prætextus vectigalium, tributorum, onerum, exactionum comminiscuntur: *exquirunt novos finis, & varia prædandi vocabula*, ut loquitur Tac. 4. H. 14, §. qualia commemorantem vide Lips. 4. Pol. 11.

3. Geruntur hæc plerunque vel obtentu salutis publicæ, rationis statua, ut hodie appellant, & quasi subsidium regno paretur (vid. Tac. 12. An. 7, §.) vel per speciem exercendarum legum & administrandi juris; vel denique ad vim Principatus & summam potestatem referantur, quæ aliter nequeunt exornari. Hoc colore enitescunt res turpissimæ: æquitatisque laudem ementiuntur, quæ ab omni jure plurimum sunt aliena. Noster Auctor cum primis de ea perversitate loquitur, cum opulentissimus quisque, ab harpyiis istis Principi velut in prædam monstratus, ficto majestatis crimine corripiebatur. hoc fiscum locupletasse, hoc singulare & unicum crimen eorum fuisse, qui crimine vacarent, ait, cap. 42, 1.

4. Qualis ex eo fonte perniciæ, sive quod incendium exarserit, cunctaque corripuerit, alibi rectius & plenius dicendi locus erit. Nunc uno alterove loco ex Historia allato contenti erimus. satis erat objici quaecumque, factum dictumque, adversum majestatem principis. Suet. Domit. 12. lege majestatis dicta factaq, omnia, quibus modo delator non decesser, tenebantur. Id. Ner. 32. Hinc statim exilium, proscriptio bonorum & confiscatio, cædes.

5. In-

5. Instrumenta hujus rei & ministri *delatores erant* : nequissimum adulantium genus, qui *calumniis* forensibus tanquam jure, invadebant quosvis & subvertebant. Alius *ē tabulis veterum ararii debitorum*, id est *vel precipua calumniandi materia*, aliquid arripiebat. Suet. Aug. 32. Alius mendacio bona aliena vindicabat. *Confiscabantur*, inquit rursus Sueton. Domit. 12. *alienissima hereditates : vel existente uno, qui diceret audisse se ex defuncto, cum viveret, heredem sibi Casarem esse.* Alius alios titulos machinabatur, quibus aliquid commodis fisci venari & adjicere se posse speraret. Spectat huc egregius Panegyrista locus cap. 34, 1. *Vidimus delatorum agmen inductum, quasi grassatorum, quasi latronum, non solitudinem illi, non iter, sed templum, sed forum infederant. nulla jam testamenta secura, nullius status certus, non orbitas, non liberi proderant. Et cap. 35, 3. ereptum alienas pecunias ivisse, innuit. sed de delatoribus peculiari capite agemus, quos propterea in præfens dimittimus.*

6. De cetero, *Procuratores & actores* Principum etiam inter avaræ adulationis ministros aliquando habentur. Illi enim cum primis possunt, provinciales calumniis agitare. Hinc laudat Panegyrista, quod Trajanus, æquos & continentes habuerit *Procuratores* cap. 36, 4. Etiam *Advocati fisci*, huc pertinent. Hinc est, quod Theodoricus Rex apud Cassiodor. 1, 12. admonet *Advocatum Fisci : Ita per medium justitia tramitem moderatus incede, ut nec calumnia innocentes graves, nec justis petitionibus retentores exoneret.* Ipsi quoque *judices fisci* multum momenti ad quæstuariam hanc artem conferunt : quatenus iniquitate & avaritia, ad quærendam principis gratiam, frequentissime reorum causas premunt, neque vel in mala causa vinci fiscum, aut in bona evadere reum patiuntur.

7. Liceat nobis *in rapido* notare ; Præcipue hic intelligi fiscum *de Camera Principis*, ut vulgo hodie dicunt, sive de bonis & redditibus, non reipublicæ & ararii, sed Principis & patrimonii ac opum Principalium. hinc *ara-*



*viuum suum*, *ornamentum suum*, *fiscum suum*, Principes appellant. Et ita Plinius noster utitur ea voce, sicut ex locis postea afferendis clarius patebit. Hoc sensu & Lamprid. in Alex. Sev. 26. *jus populi* & *fisci* distinxit. quo tamen loco *jus fisci*, non ad reddituum tantum principalium jura, sed ad omne jus summum & regalia (ut in bello indicendo, in cudenda moneta, in cognitione & appellationibus, in creatione magistratuum &c.) spectare, monet Cujacius recit. Solemn. ad tit. de jure fisci p. 1248. Ejus præfectus, *Procurator fisci*; sub hoc *Actor*, *Dispensator*, *Rationales alii*, quos tempus & usus postulavit. vid. Lips. ad 2. A. Tac. *Advocatum fisci*, primus Hadrianus constituit, Spartian. in Hadrian. 20. sequiores ætates immutarunt eas significationes & confuderunt. *Advocatos* enim *Camera* & *Imperii* & *fisci* dictos; item *Nuncios Camera*, eos qui *Procuratores fisci* apud Romanos veteres, Goldastus observat tom. 1. rer. Alaman. in Ekkehardi junioris casus c. 1. p. 180. comparatque eos cum 12. præfectis Salomonis super omnem Israël. 1. Reg. 4, 7. Denique *fiscales*, dicti promiscue omnes ministri fisci, præsertim qui sub procuratoribus, nisi quod milites præfectorum ejusmodi præfidiarii, aliquando *fiscales* vocati. Id. Gold. l. d. p. 183. Verum, ut in viam redeamus, his principis redditibus cumulandis, inveniendisque ad eos cumulandos titulis, *avara illa*, quam Noster perstringit, *adulatio* multam operam impendebat, conspirantibus in hoc certamen avaritiæ, varii generis hominibus.

2. Atque ita maximis opulentum, provincialium, privatorum quorumque, damnis comoda fisci per *calumnias rapinasque*, amplificabantur. Id intelligit Suetonius per *calumnias fiscales*, Domit. 9. quas & Aurel. Victor, urbem miserabiliter affecisse, tempore Aureliani, memorat. Cæsar 35, 6. idem Cæsar 41, 11. *fiscales molestias* vocat. In hist. miscell. 10, 17. *calumniosa fiscalium negotiorum monumenta* memorantur.

9. Ita-

9. Itaque in his, & similibus corradendarum opum consiliis illicitisque exactionibus, publico infortunio fit, ut Principes sapissime auscultent hominibus *imperitis, imprudentibus, improbis, violentis, adulatoribus, qui ad placitum eorum omnia faciunt & loquuntur. Si voluerit Princeps tributum unius nummi exigere, suadebunt isti, duorum, &c.* Sic describit avaros Plinii adulatorem Cominæus, §. 18. p. 361. edit. Barth. Non instituo hic de jure & injuria exactionum universim disputare: occupata ea materies certatim à Politicis & JCrts; inter quos *Hermannus Latherus* in libris de censu, conformatum ab Obrechtro Nostro ædificii totius exemplar, apparatu quodam & coloribus exornavit.

10. Obiter & in transitu notamus, consilia illicitarum exactionum, ipsasque exactiones peccare I. vel *ratione quantitatis*, sicut cum Octavius Cæsar à libertis τὸ ὀγδοὺν τῆς εἰσίας octavam facultatum partem; & à liberis τὸ τέταρτον τῆς ἐπὶ τῆς προόδου quadrantem annui redditus exegit, motis rei indignitate omnibus, sed metu à rebellionē retentis, memorante Dione l. 50. Ubi quid Cujacius velit (recit. solemn. ad tit. de jure fisci) non video, cum dicit, *postea Octava quartam partem rescissam annui redditus, non patrimonii*, ex Dione §1. Atqui Dio contrarium habet. Ait enim l. §1. *remissam quartam pensionem, quam adhuc debebant ex pecunia sibi imperata.* Qualis autem erat imperata? libro præcedente diserte expresserat: scilicet non τῆς ἐπὶ τῆς προόδου (ea enim indictio liberos concernebat) sed τῆς εἰσίας, id est, *patrimonii*. Igitur quod imperatum, ejus pars deinde remissa. Clarissima sunt Dionis verba: τὴν τέταρτην αὐτοῖς ἐφορεῖν ἀφ᾽ ἧν ἢ ἐκ τῆς προσαχθέντων σέβει χρευσάτων ἐπαφίλον. ne verbum hic de redditibus annuis, sed de pecunia imperata, id est, *patrimoniali*.

11. Exemplarum nimiarum ejusmodi coactionum nulla ætas est, quæ non suppeditet nos parce & pauca adferimus.

An. 1568. Albanus à Belgis, exactiones centesimi nummi omnium bonorum mobilium & immobilium; præterea decimi omnium mobilium, & vigesimi omnium immobilium, quæ venderentur, nullo temporis spatio aut termino designato, audenter postulavit atque indixit. neque abduci à proposito potuit, ostensis rationibus & exemplis incommodorum & malorum &c. vid. Meteran. Hist. Belg. univers. l. 4. pr. Joannes Rex Angliæ (averbissimus exactor & prado regni sui) de Baronibus & Comitibus cepit septimam partem omnium mobilium. apud Matth. Paris: hist. Angl. in reb. Jo. p. 201.

12. Vel II. ratione Qualitatis, quæ varie determinatur. ut I. à qualitate causarum impellentium. Huc referimus perversam voluntatem exigendi, Machiavellica hypothese nixam: quasi Principis hoc esset Privilegium, exigere à subditis pro lubitu, quæ velit. quam egregie exagitat Cominæus l. 5, 18. ubi inter alia querit: Estne sub cælo hoc Princeps aut Rex alius, qui possit ultra debitum & constitutum exigere tributum à subditis suis, nisi consentiant illi, citra violentiam & tyrannidem? Ad quam quæstionem tum ipse respondet, tum respondendi limites à nobis infra constituentur. Sed & avaritia huc pertinet ac luxuria studium. Id vult Panegyrista, cum inquit: Principes sua sponte avidos & rapaces fuisse, quiq; magistris non egerent: loco, quem tractamus. & cap. 34. cum de delatoribus conquestus esset, addit: Auxerat hoc malum Principum avaritia. Talis Nero, qui nulli delegavit officium, ut non adjiceret: scis quid mihi opus sit. &, hoc agamus, ne quis quicquam habeat. Suet. Ner. 32. Nonne vocabimus, ejusmodi Principis fiscum, spoliarium civium, eruentariumq; pradarum seu receptaculum, verbis Plinii Nostri 36, 1.

13. Aggravat hoc negotium 2. pretextuum & titularum falsorumq; nominum, & malarum artium consideratio. De crimine majestatis supra dictum. Aliquando religio & cælum his usibus servit. Ita de Hispanica inquisitione recte

recte inter ipsos Pontificios judicarunt, qui *eam non tam pietatis tuenda causa inventam dixerent*, cui alia via satis ex antiqua Ecclesia disciplina prospectum esset, quam ut *universis ista ratione etiam omnium fortunis, liberis capitibus periculum crearetur*. Thuan. l. 3. Certe hac sanctitatis specie omnia pro lubitu sedulo depradantur artifices & antesignani Gryporum Jesuitæ: totaque Romanorum Gnathonum cohors. crimine ab uno disce omnes. Matth. Paris ipse Pontificius Hystor. Angl. in reb. Henr. III. p. 638. Instabat interim vigilantissime & incessanter sæpe dictus ille Magister Martinus domini Papa clericus, redditibus quomodolibet ad opus Papa Papalibusq; consanguineis congregandis ac conferendis. De cujus proterva & injuriosa rapacitate honestius & tutius esse, ob reverentiam sanctæ Romanæ Ecclesiæ, arbitror silere, quam aures offendere audientium, & mentes fidelium talia enarrando perturbare. ¶ Proxima, simulatio juris est, ut supra innuimus. Thuan. l. 12. Eodem anno actuarii regis constituti sunt, apud quos omnium rerum contractus, qui L Franc. pretium excederent, describi jubentur. Alii item edicto scribæ creantur, apud quos acta omnia, quæ ad sacerdotia pertinent, exscribi præcipitur. Virisq; quasitus color, ut nimirum falsitatibus obviam iretur. Antea, datum id aulicorum avaritiæ, dixerat. ¶ Frequentissima porro à bellis causa petitur & necessitatis quadam configuratione. Nobilitatem exercebunt (ait rursus Cominæus l. d.) tributis exigendis, sub colore bellorum absq; fine, quæ bella ut ipsis lubet suscipiunt, sine consilio & auctoritate Procerum &c. Hic vero omnia licere plerique autumant: quod tamen malo more fit, jure autem nullo, cum bella non necessaria, injusta, intempestiva, ambitionis aut privati cujusdam affectus ergo sunt suscepta.

14. Etiam paupertatis simulatio inter artes est. Vide querelam Papæ, de ere alieno & paupertate Ecclesiæ, ad emungendam à suis ingentem vim pecuniarum institutam apud Matth. Paris: p. 642. adde Casaub. in ep. dedic. Exercit.

ercit. præfixa. it. Prolegom. in quibus vindicat fidelissimum rapinarum Papalium expositorem à Baronii suspicione, quam editio corrupta esset. Non desunt propiora exempla: sed remotis utimur libentius. Apud Cæsarem 3. de bell. civ. qui sua compendia quærent in provinciis, *dictitabant, se domo patriaq; expulsos, omnibus necessariis egere rebus, ut honesta præscriptione rem turpissimam tegerent.* ¶ Ibidem hanc etiam artem invenimus: *tributum exigere, colore & specie mutui. In singulos, inquit, conventus singulasq; civitates certa pecunia imperabantur: mutuasq; illas ex S.C. exigi dictitabant.* &c. Tale consilium non-nemini valde infelicitè cessit. Bononia enim *Ajardus Pretius*, quia auctor Consilio fuerat, ut tributum nomine mutui populo indiceretur, *cumulu populuri discerptus est.* Sigon. in Hist. de regn. Ital. l. 20. p. 105. ¶ Qualis ille acquirendi titulus? Si quis *cliens* Cæsaris, aut ab eo civitate donatus, bona ejus, ut caduca, in fiscum redibant. Probat exemplis Claudii & Caligulæ, ex Dione & Suetonio Lips. ad 2. An. Tac. ¶ Interim *imposita, aut exaggerata culpa* multos perculit. Joannes ille Anglus cum Comitibus & Baronibus VII. bonorum partem adimeret, sicut supra ex Matth. Paris: dictum est, *pretendit quod ipsum inter hostes reliquerant in partibus transmarinis, unde castella & terras suas pro eorum defectu amiserat.* Rursum à viris religiosis infinitam pecuniam extorsit, occasiones præstendens, quod noluerunt eum sequi ad parvas transmarinas, ut hereditatem amissam recuperaret. Quarum calliditatum & simulationum involucria Matthæus Paris: (qui plerumque, quod prudenter intelligit & judicat, dextre eloqui non potens. ipso efficacioris expressionis conatu gratiam captat, an invenit?) intellexit, cum Henricum III. Angl. Regem *argumentose prædando suos ladere & depauperare scripsit.* p. 917. Tacito in Agric. 36, 7. est: *falsis nominibus rapere.* Si in Romanorum historiam evagari animus aut locus esset, videremus avaritiæ Romanæ ad bella & deprædationes gentium nunquam tales prætextus defuisse.

15. Sed quis finis aut gratia in hæc talia inquirentem manet? *Cujus modo rei nomen reperiri potest* (pos- sunt autem à magistris, quos aliquoties diximus, reperiri plurima) *hoc satis esse ad cogendas pecunias videtur.* ver- bis Cæsaris utor 3, B. C. Unum adhuc exemplum adjicio, artis emunctoriæ per similem artem delusæ. Rex Gallia Ludovicus petit ab Innocentio IV. Pontifice, ut liceat sibi per triennium decimam ab Ecclesia Francica recipere: quo tem- pore expleto, Papam tantundem ab eadem exigere posse, se non repugnaturum. Accipit conditionem Pontifex, eaq, pecu- nia ad Fridericum Imperatorem oppugnandum sibi opus esse testatus, Regi ultro ministros offert, qui Papali nomine effi- caciùs exigere tributum, simul ut quantum daret triennii collectio, ipse accurate rescisceret. Expleto triennio, cum vices exigendi jam ad Papam ex pactione pertinerent, negat Rex Gallia se passurum, exhauriri Ecclesiam suam, ad ex- pugnandos præsertim Christianos (Frideric. Imper. intellige) quod si infidelibus essent arma inferenda, facilius toleran- rum. Accedere, quod non à sacerdote, sed à laico fieri deberet, si qua patienda talis exactio. Denique si adhuc alterius triennii depraedatio sequeretur, sarciri deinceps nul- to modo damnum aut reparari posse. Sic elusus prætextus prætextu, fraus fraude &c. Adi suis verbis ista memoran- tem Matth. Paris: p. 771.

16. Invidiosa porro fiunt ista exactiois consilia, 3, respectu objecti: Tum Personarum, tum Rerum. Persona alias privilegiis quibusdam exceptæ, Sacerdotes &c. si extra casum necessitatis tributis onerentur, non parum in- vidiaæ habet. nisi quod; cum ad necessitates reipublicæ ventum est, nemini privilegium censetur concessum, non juvanda negligendave patria. ¶ Pauperum tributa ple- runque lachrymis irrigantur, neque propterea valde splen- dida existimanda sunt. Matth. Paris. in Henr. III. p. 641. Interea Robertus Passeleve, Domini Regis clericus, vigilan- ter cum suis complicibus, regiis indulgens emolumentis, sub- stantias pauperum diripiens, ¶ thesauros regios accu-

Hh h h h 2

mulans,

mulans, puteolosq; egenorum sicula cupiditatis exhaustiens, ut stillis indigentium pelagus augetet abundantium, non cessabat diversas partes Anglia, vices agens Iustitiarum, peragrarere &c. § Capitationem quoque inter duriora, &, aliquando ad quæstum reperta numerat Cæsar 3. d. b. c. *Multa*, inquit, generatim ad avaritiam excogitabantur. In capita singula servorum ac liberorum tributum imponebatur &c. § *ἡμετέριον* istud vetus à mendicis & præsertim meretricibus exactum, merito detestabile habetur. adeo ut non modo natura ipsi sed reipublice administrationi inferretur injuria. Cum enim lege constituta pensio ea tribueretur, aperte illa potestatem permissam esse cuius, ut qua facere vellet, & qua facere nefas esset, clamitabat: *Judicio Nicephori Callisti l. 16. c. 40.* ut nimis indulgens sit *Clapmar. 4. arcan. 19.*

17. Quod ad *Rex* attinet, gravia sunt tributa, si nimis aut inhonestis, turpibus, sordidis aliqua; vel maxime necessariis, nimia imponuntur. Ecce apud Cæsar. 3. d. b. c. *Columnaria*, *Ofiaria*, præter frumentum, milites, remiges, arma, vecturas, imperata. Aliquando pro umbra, aere, spiritibus vectigalia exacta. vid. *Clapm. arcan. 5. 4.* *Urinarium* vectigal Vespasiani omnibus notum est, *Suet. Vesp. 23.* ut & sacrilegia Neronis. *Id. 32.* Caligula vectigalia nova atq; inaudita exercuit nullo rerum aut hominum genere omisso, cui non tributi aliquid imponeret. exempla vid. apud eund. in *Calig. 40.* Tributa pro candidis jumentorum imposita, item pro redemptione Virginitatis à Domino territorii delibanda, & detestanda horrendaque alia. vid. apud *Tholos. de Republica 3. 4. 17. 9. 1. 45. &c.* adde etiam *Herm. Lather. de cens. 1. 5.*

18. Aggravantur 4. tempore; si vel calamitosis temporibus, nimia; vel ante tempus rigide exigantur. *Lather. 1. 1. 22.* Cæsar. 3. d. b. c. publicanis insequentis anni vectigal promutuum, imperatum refert. Sape plurium annorum redditus, semel & simul in antecessum exacti: hinc usuris & ære alieno obruta provinciarum. Hoc enim

NUMM.

*annum* est ejus rei, nec leve, incommodum: *alterum* in eventus incertitudine intelligitur. potest enim fieri, ut vix dimidio tempore impleto, exactæ quidem pecuniæ deficiant, novis autem colligendis nihil supersit, nisi quis velit subditos ad incitas redigere. Ita devoravit unus annus, alimenta ceterorum: quæ aut nulla, nisi sit opulentissima provincia, aut acerbissima vix corradentur.

19. Maxima autem plerumque additur molestia, s. *ex modo exigendi & ministris exactionis*. Dignus est locus Cæsaris, ut rursus ejus partem adferamus. Non solum urbibus, sed *pene vicis, castellisq; singulis cum imperio præsiciebantur*. qui horum quid acerbissime crudelissimeq; fecerat, is & vir & civis optimus habebatur. erat plena lictorum & imperiorum provincia, diffusa præsectis atque exactoribus: qui præter imperatas pecunias, suo etiam privato compendio serviebant. Quæ verba nos advertere jubent, 1. ad multitudinem exactorum & ministrorum (coactores, Justitiani &c. hodie dicuntur) 2. ad eorundem superbiam, qua violentiam & crudelitatem compleximur. 3. ad avaritiam eorum & privata compendia. (nam hæc duo veluti solennia horum hominum vitia, nihilque frequentius apud historicos legitur, quam avara eiusmodi & superba imperia, (als die rechte Baurenschinderey.) 4. ad certamen & exempla scelerum: quibus nemo altero volebat videri inferior.

20. Et quantum ad *numerum* quidem attinet, facile intelligitur, quam sit ille gravis subjectis, præsertim cum subinde mutantur, satiataque priorum avaritia, plus in successoribus restat satiandum. Civilis apud Tacit. 4. hist. 14. s. ad populares queritur, *tradi se præsectis & centurionibus, quos ubi spoliis & sanguine expleverint, mutari*. Ceterum sicut ex avaritia Principum oritur hoc institutum, qui novis & auctis tributis, novos etiam & plures ministros præficiunt (exemplum vide apud Suet. Calig. 40.) ita non parum detrimenti ipsis Principibus quandoque adfert illa turba. Memorabile est, quod apud Thuanum legimus

Hh hh h 3.

l. 12.



l. 12. qui, cum in Gallia quatuor quæstoribus ararii, Patrimonium regium, (Domanium vocant) curantibus, totidemque indictionum & oblationum præfectis (Generales dicebantur) in unum munus confusis adjectos octo alios esse, æquato coactoribus primariis, quorum XVI. erant, numero, commemorasset, addit: *inde ingens pecunia corrasa, nec aliud præterea opera pretium fuit; Patefacta interim porta ad immodicum illum, qui postea crevit, & maxime omnium hodie quæsturam regni gravat, munerum publicorum numerum.* Paulo post, lege lata duplicatum coactorum fiscalium numerum, scribit: atque ita per multiplicatos ararii rationales sensim imminutum ipsum ararium: hæc enim *læx* sequitur.

21. De vitis horum hominum & insolentia, ante nominata, plenz sunt memoriæ rerum & experientia temporum. Peti quoque aliqua possunt ex hætenus propositis. Quibus adde geminam & germanam *Actuariorum* sive *Agentium* indolem, Victori descriptam in Cæs. 33, 10, & 39, 25. Quapropter inexpressibili semper multitudinis odio flagrantur: adeo ut in cædes eorum, & hinc in ampliores turbas, ultro iretur. Apud Tacit. *rapti, qui tributo aderant & patibulo adfixi.* 4. A. 72, 4. Inter recentiora consulto utor Angliæ exemplis. Si enim ulla regio, certe illud regnum multa & gravia passum est semper, à rapacitate imperantium & Pontificis, unde & ab Innocentio IV. *Puteum inexhaustus*; Anglia dicta fuit: vere, sed ad illudendum publicæ calamitati, acerbe. vide *Casaub.* dedic. Exerc. Igitur cum Rex *Hardeennus* tributum inexorabile & importabile imposuisset, dum importune id per Angliam exigitur, duo infestius hoc munus exequentes à Wigornia civibus extincti sunt. Quapropter Rex per Comites suos urbe incensa & depopulata, fortunisq; civium abrasis, contumeliam fama & amoris suo detrimentum ingessit. Retinui verba Willielmi Malmesburienfis è lib. 2. c. 12. cui scriptori, ut erat captus illorum temporum, multa laude digno, plurimum Angli debent.

22. Hæc

12. Hæc & talia reputantem Principem, decebat aures obstruere omnibus iis, qui *avaras adulationes*, & artes deglubendi potius quam tondendi pecoris in ore habent. Cum præsertim constet, *nimia fisci amplificatione, enervari vires ceteri corporis*. Audio sæpe (inquit Amirat. l. 4. c. 1. diff. pol.) *ministros laudari quosdam tanquam principibus fructuosos, ideo quia Regii peculii augendi methodum aliquam excogitaverint: neq; miseri principes animadvertunt, lucra sua ab una parte unciatim crescere, ex altera libratim diminui*. Quo respectu Trajanus satis noto dictorio, lieni fiscum comparavit. vid. Alciat. Emblem. 146. & comment. Claud. Minois. *Exiit amor in Principem, succedit odium*, quo evertuntur regna facilius, quam ulla vi externa. vid. Lips. 4. Polit. 11. Exhaustiuntur & spoliantur claris viris provinciæ, qui per metum profugunt &c. vid. Amm. Marcell. 30, 18. *Sumitur aliquando bellum, & tumultibus perturbantur imperia*. vid. Tac. 4. H. 72, 1. Amirat. lib. 4. diff. Polit. ad Tacit. c. 1. Ad futuras necessitates, & voluntas & facultas subveniendi eripitur subditis, & mille alia mala creantur. Taceo quod *Tyrannicum sit, civem reddere pauperem*. Τὸ πῖνός ποτε οὐκ ἀποφύγει, ἡπαρὸν αὐτοῦ, ait Aristoteles §. Polit. 11. adde seq. verba. Super omnia autem, ad conscientiam & vindictæ divinæ gravitatem, æternæque damnationis terrorem respiciendum esse, cordate & diligenter in hoc negotio monet, Politicorum *ἐνδούτου* Cominæus, §. 18.

23. *Exempla* etiam & *voces* magnorum Principum ad moderationem vocant. Mali Principis, sed adhuc sub imagine Boni latentis, ista vox est: cum *Præsidiibus onerandas tribuo provincias suadentibus rescripsit*, Boni Pastoris est tondere pecus non deglubere. Sueton. Tib. 32. Dio 57. Trajanus *ad suas aures aditum obstruxit avaris adulationibus & adulatoribus: eosq; ad silentium & quietem redegit*. Paneg. 41, 3. Augustus ut calumnias ejusmodi litium interverteret, *veterum ararii debitorum exussit tabulas*. Suet. Aug. 32. Quod exemplum certatim æmulati sunt

sunt posteriores Principes. De *Aureliano*, Victor in *Cæf.* 35, 6. *deleta fiscales & quadruplatorum calumnia, consumis igni tabulis, monumentisq; huiusmodi negotiorum.* Gratianus *actiones fisci comburi iussit*, sicut meminit Aufonius, ad quem Scaliger. vid. Anastasius *χρυσόπυρον* sustulit, *conjectis in ignem exactionis eius libris.* Niceph. 16, 40. quanquam laudari non meretur; quem postea laudabilis facti poenitudo cepit. De *Valentiniano Marcellin.* 30, 30. *tributorum semper mollivit sarcinas.* Id. l. 31, 40. de *Valente*: *Provinciarum equissimus tutor: quarum singulas ut propriam domum custodiebat indemnes, tributorum onera studio quodam molliens singulari, nulla vectigalium admittens augmenta, in adarandis reliquorum debitis non molestus.* [observa laudabilem consuetudinem Romanorum Principum, qui reliquias debitorum & functionis tributariæ, vel remittebant plane, vel modico pretio taxabant. vid. Henr. Vales. ad h. l.]

24. Prorsus magnifica & generosa est rescriptio Theodorici apud Cassiod. 4, 38. *Incrementa fiscalium tributorum iustissimo sunt pensanda iudicio: quia servientium imminutio, est huius illationis accessio, quantumq; illa pars proficit, tantum se hac firmitate subducit. Sed a nobis, qui fisci utilitatem, stabili volumus diuturnitate consistere, excludenda est dispendiosa semper enormitas (adde 11, 7.)* ¶ Præsertim cum avaritia tali sorte punita sit, ut cum multa rapiat, semper egeat, ut habet ejusd. Reg. epist. seq. *Nam quid aliud causse est, cur Principibus cum omnia raperent, & rupta retinerent, ut si nil rapuissent, nil detinuisent, desuerint omnia.* ex Paneg. 41, 2. consule Herm. Lather. de cens. 1, 1. it: Claud. Sefellii aureum libellum de rep. Gall. l. 1. p. 35. & 36.

25. Præter ista, singularis est provisio Trajanî: qui ne liceret aliquid calumniis fiscalibus, rationalium avaritiæ, advocatorum artibus, judicum studiis, liberam disceptandi cum fisco & fiscalibus suis facultatem reliquit omnibus. Dicitur actori atq; etiam procuratori tuo, in jus veni, sequere  
ad

ad tribunal. Tribunal quoq; excogitatum est par ceteris &c. Sunt verba Panegyristæ 36, 3. quibus paulo post addit: *Quæ præcipua tua gloria est, sæpius vincitur fisci, cuius mala causa nunquam est, nisi sub bono Principe.* Quem locum sensu & imitatione verborum expressit Theodoricus apud Cassiod. dum ad Fisci advocatum scribit: *Non quæstus superes, sed quemadmodum vincas inquiramus.* & mox: *laudabilius a parte fisci perditur, cum iustitia non habetur.* Nam si dominus vincat, oppressionis invidia est: aequitas vero creditur, si supplicem superare contingat. Non ergo parvo periculo causas dicimus: quando tunc fama nostra proficit, cum se commoditas iniusta subducit. Quapropter sit interdum causa mala Fisci, ut bonus Princeps esse videatur. I. Var. 22. [Observabo paucis ad locum Paneg. Livinæii opinionem, qui de privato tribunali, primum à Trajano constituto conjicit. Verum nil opus videtur ea cogitatione, cum res ipsa longe sit vetustior. Dio expresse, sub finem lib. 57. tradit: *Jam Tiberii tempore nihil quicquam licuisse iis, qui Principales pecunias tractabant, præter definitorum reddituum exactionem, & controversiarum in foro disceptationem, id est iis tunc idonæ, privatorum ritu.* Ergo jam tum eodem foro utebantur Principatus & libertas, quod ait Paneg. 36, 3.]

26. Conclusionis loco ponemus quasdam cautiones, quibus iudicium, circa argumenti varietatem & profunditatem, ad mediam quandam & planiorem viam dirigi possit. ¶ Ante omnia, contra vim dominationis, quam Statistæ crepant, opponemus illud Amm. Marcell. 30, 27. *Regenti imperium, omnia nimia, velut prærupti scopuli sunt devitanda.* Et cap. 28. *Sunt aliqua quæ fieri non oportet, etiam si licet.* ¶ Deinde, etiam si ab invitis etiam subditis tributum exigi posse, in universum & penitus negari non possit, tamen laudabilior & prudentior via est, à volentibus impetrare. Comin. 5, 18. exemplo promittitudinis Gallorum narrato, subiungit: *Nonne coram DEO & hominibus æquum iustumq; sit, potius hac ratione pecuniam accipere,*  
quam

quam violenter, aut malis artibus. ¶ Hic consensus etiam magnitudinem tributi minus invidiosam faciet. Praefertim, ubi causa urgentior, necessitas major, talia postulat, qua nova & dura videntur. Tum enim nec recusandi, subditis, nec criminandi occasio supererit. Comin. 6, 7. de Caroli VII. exactionibus: Tum quidem cause suberant ingentes & capitales, tam tuendis occupatis provinciis, quam impediendis solvendiq; conspirationibus, quibus regnum concipilabatur: itaq; assensum ei praebeverunt proceres. &c. Grande & durum, nisi a volentibus & necessitatem agnoscentibus impetrasset, videretur Joannis Regis Daniæ Christiani I. F. tributum, cum pro unoquoque vomere binos aureos cepit. Meurs. hist. Dan. l. i. p. 22. in rebus Jo. Modo ne fingantur hæc, sicut exemplum Aureliani Marcell. 30, 28. annotavit. & difficulter creditur, quod de Vespasiano nonnulli jactarunt apud Suet. Vesp. 16. ¶ Sunt & alia, ob que tributi quantitas non statim suspecta esse debet: ut, opes regionis; facilitas reparationis, spes magna & præsens (absit modo temeritas) in cujus elaborationem magni sumtus sed cum fœnore redituri requiruntur, consuetudines avite (caute id volo capi) & similia. ¶ Ipsa etiam Regnorum jura diligenter discernenda sunt. Sic Cominæus longe arctius adstringit Reges Galliæ, quam ut ad omnium regnorum potestatem ejus assertio valere possit. Illa jura augentur aliquando adventitiis rationibus, ut, si quid victis, ex conditione belli & pro ratione securitatis imponitur: qualia ad certam rationem redigi non possunt. Adi Grovium de jure B. & P. 3, 15, 16.

27. Jam, quod ad objectum attinet, haud dubie crassius agunt, qui pro frumento, rebusq; maxime necessariis nihil exigendum disputant. vid. Lather. d. C. 1, 6, 23. Taceo consuetudinem (ob quam tamen §. 25. Latherus mox corrigere sententiam opus habuit) quid si inde potius sumere, aliorum remedium defectus, ingenium regionis, res nata, aliæve causa jubeant? quid si non invitis subditis, quibus aliis in rebus parcitur, fiat? Non possunt sane iidem ex  
rebus

rebus, diversis in locis, diverso statu, diversis hominum studiis, colligi tributa. ¶ Imo, est hac tota quaestio penitus periculosa, neq; temere de consilio Imperantium in sequiorem partem pronuntiandum est. Non spectanda sunt hac aëre, simpliciter; sed examinanda prout in iudicio res publicas non supralocuta habet, ad statum civitatis & temporum. ¶ Itaque nihil minus quam facile iudicium est de tributis, eorumq; institutione, excogitatione, titulis: propter varietatem status, causarum, circumstantiarum &c. Fitque etiam inde difficilior & anceps magis hæc censura. Quoniam aliquando coheret res tributaria cum arcanis imperii, quæ, nec propalare consultum; nec inquirere licitum aut decorum est. Quomodo igitur statim, audito nomine centesima, vigesima, decima, possum de iniquitate aut nimia exactione suspicari? ¶ Aliqua tributorum nomina, infamat sola peregrinitas. Mirabile videtur huic genti, quod alteri familiare est: sicut vicissim quæ nobis plane non sunt insolentia, aliis mira viderentur. ¶ Denique cum, a priori, sit una tributorum mensura in publicis necessitatibus querenda; ampliusque iustitia eorum ex administratione & dispensatione, a posteriori, iudicari debeat (vid. orat. Mæcen. apud Dion. 52.) igitur ubi ad horum cognitionem perveniendi facultas aut ius est, sententiam ferre in proclivi erit: quod si autem involuta sunt hac & abdita, decuerit haud dubie prudentem, vetus illa, & ex foro in omnem vitam transferenda formula: Non liquet. ¶ Cetera Conscientia eorum, qui illa tractant, relinquenda: quam metu pœnarum & inferni obstringit Cominatus 5, 18. Idem qui, cum tot dubia in hoc negotio concurrentia animadverteret, verissima denique præcisione (quæ & nobis clausulam præbebit) se expedivit:

*Exacte inquirentibus nullibi perfectum quid in rebus humanis invenietur.*

## XXVII.

COMMENTATIONUM  
PLINIANARUM

## CAP. X.

*Continens Historiam Legis Majestatis  
à condita Urbe usq; ad Regi-  
fugium.*

**P**riusquam de *Delatoribus*, præcipuo dominationis instrumento, agamus (id enim commentatione superiori promissimus) exponenda est præcipua *Delationum* occasio & materies, quam in *Crimine Majestatis* tyranni reponerant. Quo plerique infantes etiam peribant. Hinc Panegyrista nostro *Majestatis* singulare & unicum crimen eorum dicitur, qui crimine vacarent, cap. 42.

2. Quod ut rectius possit intelligi, ipsa hujus legis & *Criminis historia*, paulo altius repetenda videtur. cum præsertim alicubi dubia sit & involuta ea disputatio, nec abusus ullius rei liquido perspicui possit, antequam usum probe cognoveris. Est autem argumenti hujus tanta amplitudo, quæ per omnia orbis humani imperia, per omnia imperiorum sæcula patet. Igitur nos, instituti memores, *Romane tantummodo Majestatis sanctitatem & inviolabile fastigium*, ab *V. C.* usque ad *Traiani nostri Principatum* considerabimus: quidque vel Imperio profuerit *Lex Majestatis*, vel imperandi artibus servierit, vel dominandi flagitiis inquinata publico nocuerit breviter & in summa rursus commemorabimus.

3. Ante:

3. Ante omnia, quid sit *Majestas*; quid per *Crimen*, & *L. Majestatis* intelligendum veniat, prænotare nos oportet. Est ergo h. l. *Majestas*, ea summorum Imperiorum potestas, ac tam in re quam in personis dignitas, qua ad venerationem, obsequia, subjectionem, fidem, benevolentiam, animi parentium ac privatorum sancto æternoque vinculo obstringuntur. Adeoque ad hanc mentem *Lex Majestatis* talem sanctionem notat, qua reverentia *Majestatis*, & debita ei fidelitas præcipitur, quæq; irreverenter, maligne, seditiose adversus eandem fieri possunt, notantur ac gravissimarum comminatione pœnarum coercentur. Sicut *Crimen Majestatis* violatam malitiose *Reipublice* summæq; Potestatis dignitatem aut salutem notat [Consulto hic dignitatem potestati, reverentiam subjectioni conjungimus, non tantum exemplo *Ciceronis* & prudentissimi cujusque; sed quod omnino ista duo, tam mutua cognatione intimam rei naturam complectuntur, ut distingui aliquando, separari nunquam possint aut debeant.]

4. *Majestas*, sicut *Jure gentium* est inviolabilis, & sancta, ita etiam si nulla lex disertim, de non violanda, lata esset, tamen æterna, ut sic dicam, & sacra lex audaciam hominum debebat coercere, nisi quod casus emergentes declarationem capitum tali lege notandorum suaserunt. Interim *Crimen Majestatis* & *Judicia Majestatis* rectè & ex natura rei agnoscimus etiam ibi, ubi nondum *lex Majestatis* certa sanctione proposita, certisque capitibus comprehensa erat. Ut enim sancta sit *Majestas*, non ex lege, sed ex se ipsa habet. nam de gentium consensu jam innuimus.

5. Verum nobis ad antiquitatem totam, aut aliarum historias gentium egredi, hac quidem vice, non est animus. In Romana Historia manentibus primum exemplum hujus criminis offert nobis *Clapmarinus* 3. arcan. 7. in *Remo Romuli* fratre, qui transiliendo muros fratris, hostilem ani-



num, & fratris imperio insidiantem prodiderit, adeoque Majestatis crimen & judicium incurterit. nam ita eum sentire, vel allegata Poëtæ auctoritas ostendit:

-- -- -- *audentem talia dede neci.*

Sed hic color parricidio non est querendus; quod nimirum non tam facile excusari, quam fieri potest. Fortasse & aliàs melius fecisset doctissimus arcanorum Revelator, si nonnunquam, *vestire facta consilio, & juris semitas extra viam querere distulisset.*

6. Quod si interim curiosus aliquis perseveret querere: *an Remus transilitione murorum majestatem violarit?* Respondemus, *ex historia liquido probari non posse, hostili animo & rapiendi regni consilio id Remum fecisse.* quod qui sumunt pro explorato, *τὸ ἐν ἀρχῇ λαμβάνει.* Quinimo non leves conjecturæ sunt, quibus longe levius id factum nobis apparere potest. Nam quod de contentione super principatu apud *Dionys. Halic. l. 1.* refertur, ad *circumstantias & tempus transilitionis* nihil pertinet. *Objicis regiam Romuli de sanctitate Mænium legem?* Resp. Ordo hujus historię adeo est incertus & varius, ut non possit aliquis firmum inde argumentum petere, aut in *Anrel. Vict.* auctoritate, qui ita seriem rei gestæ exhibet in *Proca*, tuto acquiescere, contra tot aliorum fidem. Sed nos omiſſa ea disputatione dicimus porro: *questionem non de alio quam Majestatis Crimine esse.* Quod ex aliis criminibus in occasionem Tyrannidis aut vindictæ minime est captandum. Urges, *violatam esse nihilominus dignitatem novi Regni & Regis?* Resp. *præterquam quod dignitatis latio cum cautione in hoc argumento interpretanda est, non sufficit ad C. M. violasse dignitatem status, nisi probetur dolus malus, ac seditiosum prævumq; consilium, quod in omni specie hujus criminis præsupponitur.* Hoc fundamento etiam videtur niti M. Fabius cujus filium Papirius in discrimen capitis rapiebat; *temeritatem & inscitiam Ducum, amissis exer-*

*exercitibus, nunquam vindicaram esse*, scilicet si abfuisset malitia, & scelestum propositum. *Liv.* 8, 33. qui locus si recte accipiat, non pugnabit cum eo, quod apud *Tacitum* dicitur. 1. A. 72, 3.

7. Porro an illud recte censeat *Sigon.* 2. *de judic.* 29. *De Majestate primum valisse legem Romulum, cum scilicet, de Proditione legem tulit, cujus Dionysius meminit lib. 2. p. 84.* non sine ratione dubitaverit aliquis. Cum enim *Historicus de Jure clientum & patronorum* tantummodo loquatur, ejusque ex utraque parte violatorem *ἱεροχρ τῶ νόμου τῆς προδοσίας* faciat, videtur privatæ potius proditionis species aliqua notari, quam illa publica proditio quæ criminibus majestatis accensetur. Fortasse peperit hanc opinionem, horribilis illa execratio & pœna, hac lege irrogata: de qua *ibid.* At vero subsuerunt aliæ rationes, quæ patrociniæ & clientelas in arcanum Reipublicæ firmamentum inviolabilia præstare debebant. de quo in præsens nihil attingimus. Interim *Romulum munivisse certa lege Majestatem imperii*, neque aut ipsum, aut ceteros, qui consecuti sunt Reges ulli rei prius consuluisse, verisimile est, quam ei, quæ regiam ipsam rationem, & totius populi ac Reipublica contineret. ut hoc jam cum *Sigonio* dicamus. cum præsertim *Romulus*, dum omnia Majestatis insignia & apparatus regni ad invidiam usque exaggerat amplificatque (vid. *Plut. in Romul. & Zonar. tom. 1. p. 8.*) vim ipsam regiam & solidum Majestatis munimentum non insuper habuisse credendus sit. Quo & illud facit: quod sicut Majestatis splendor non alibi quam in Monarchia eminere illustrior, ita nec tutela ejusdem alibi præsumitur accuratior. Pertinet huc suo modo, quod *Ovid.* lib. 4. *fast. de majestate* scripsit:

*Venit & in terras: coluerunt Romulus illam  
Et Numa: mox alii, tempore quisq. suo.*

8. Hoc loco removenda est dubitatio, quam suppetat locus Taciti, 3.A.26, 5. qui nullas omnino Romuli leges videtur agnoscere, dum in *oppositione legum* scribit: *Nobis Romulus, ut libitum imperitaverat: dein Numareligionibus & divino jure populum devinxerat.* Jam quid Dionysio faciemus, qui toties τὸ νόμιμον & τὰς νόμους Romulo tribuit? & quasdam etiam hujus Regis leges operi suo inserit? Ne de aliis nunc dicamus. *Distinctione* igitur hic utendum duplici. *Primo* enim *leges certis formulis compositae & promulgatae* distinguendae sunt ab *illis, quae praedictis & arbitrio imperantium tantum constant.* Deinde *scriptae leges, à non scriptis* discernendae veniunt. Ne longe eamus, utriusque rei auctoritatem ille ipse Halicarnassensis commodabit. Lib. 2. p. 49. dicitur Romulus νόμους καλὸς καὶ συμφέρους, ἀγένης μὲν τὰς μοίρας, ἐπὶ δ' οὐ καὶ ἐν γράμμασι κηρύξας καλῶσαντες, *leges tulisse honestas & utiles: quarum pars maxima scripto comprehensa non sit, pars autem perscripta litteris.* Et pag. 97. ait: τῶτον τὸν νόμον ἐφύλαττον ἐν ἀρχαῖς μὲν οἱ βασιλεῖς εἴτε γράμματις εἴτε ἀγραφῇ. *Hanc legem primi illi Reges observabant, incertum scriptam an sine scripto proditam.* Habemus unam differentiam, *scripta & sine scripto prodita legis.* addenda est altera quam eadem perspicuitate proponit Historicus lib. 10. pr. Ait, ante XII. Tabulas non fuisse, ἐν γραφαῖς ἀπαντὰ τὰ δίκαια τελεσμένα, *in tabulas relata jura omnia.* ἀλλὰ τὸ μὲν ἀρχαῖον οἱ βασιλεῖς αὐτῶν ἐπὶ νόμοις τοῖς δαιμόνις τὰς δίκας, καὶ τὸ δίκαιον ὑπ' ἐλέων, τὸ το νόμον ἦν. *Antiquitus reges lites dirimebant, & quod illi justum judicassent, id pro lege erat.* Addantur & sequentia.

9. Tacitus ergo 1. *compositas certo ordine & in tabulis ordinatas leges,* 2. *perfectas & justa copia in finem aequi juris,* ut ipse loquitur, *adornatas intellexit, cum primis Regibus eas ademitt.* Nam alias, ut modo dictum est, & Pomponius de orig. jur. amplius testatur, *Romulus leges quasdam curiatus ad populum tulit: tulerunt & sequentes*

quentes Reges. quas postea conscripsit, & sine ordine latas in unum composuit Papirius, sub Tarqu. Superbo. Aurelius autem Victor haud dubie de τὸν ἐξέειπε accipiendus est, cum in Proca de Romulo scribit: ut Romam prius legibus, quam manibus muniret, edixit &c. Regia leges, inquit Sigon. de antiq. jur. civ. R. lib. I. c. 5. quae curiata fuerunt, à Romulo & reliquis deinceps Regibus partim ad imperium stabiliendum, partim ad religionem constituendam & omnino universam fundandam Rempublicam comitiis curiatis perlatae sunt. Verum an scripta fueris (ut in viam redeamus) sub Rom. & ceteris L. Majestatis, an sine scripto exercita, non liquet satis: dummodo sciamus, exercitam esse. Igitur quatenus capita aut verba ejus annotata non habemus (nisi quod in L. Jul. Majest. more collectoribus Juris & auctoribus ll. recepto, fortasse tradita ab antiquis fragmenta latere suspicari possis) rei ipsius exemplis, tanquam vestigiis, insistendum erit, ut ex judiciis & criminibus majestatis manifestis paulatim de lege cognoscatur.

10. Hic, ut ordine progrediamur ex loco Dionysii, lib. 2. p. 87. ubi ait, Romulum, minoribus delictis ad senatores remissis, τὰ μέγιστα ἢ ἀδικήματα, gravissima facinora, ipsum judicasse, conjicimus: Majestatis quoque judicium ab initio penes Regem fuisse. Firmat hanc conjecturam, primum, quod sub Romulo occurrit, exemplum. De majestatis enim judicio accipio illud Plutarchi in Romulo p. 28. ubi cum Tarpeja filia, hostili prodicionis praemio necata meminisset, addit de Patre: ἡλέω δὲ καὶ ταρπείῃ προδοσίας ὑπὸ ρωμαίων διαχθεῖς, ὡς ἰάλετο φησὶ Γάλβας Σουλπίκιον ἰσορῶν. Damnatus est etiam prodicionis à Romulo Tarpeius, sicut Jobas testatur à Galba Sulpicio annotatum esse. Licet enim filia, absente patre, prodicionem esset molita (vid. Dionys. l. 2. & Suid. in voc. Tatius) tamen ad patrem videbatur pertinere societas sceleris. Non omiserim hoc loco annotare indicium quoddam poena in crimine majestatis usurpari solita ipsis Romuli temporibus. Disputat Hali-

K k k k k

car-

*carnassens* libro, quem praediximus, an *Tarpeia proditi-*  
*nis*, cuius ab Auctoribus insimulatur, vere rea fuerit? Ne-  
 gat, inter alia hoc argumento: quod honorifice sepulta sit.  
 imo, inquit, si occubuisse patria prodita, ossium ejus quae  
 superfuissent reliquia, refossa tandem ac disiecta fuissent.  
 Eadem severitate Athenis proditores sepultura privatos, ex  
*Xenoph.* 1, 1. *hist. Grac.* *Cornel. Nep. Themist.* & *Phocion.*  
 discimus.

11. Priusquam à Romuli temporibus discedamus,  
 annotandum est aliquid circa interitum Romuli, quod ad  
 illud L. M. membrum illustrandum faciat, quo notatur is,  
 cuius opera, dolo malo consilium initum erit, quo obsides injussu  
 Principis interciderent. Hæc particula, inquam, quam sit vetu-  
 sta, & ex vetustate (sicut supra de pluribus membris augu-  
 rari cæpi) huc translata, inde licet conjecturam capere,  
 quod Romuli interemti hanc causam prodit *Dionysius* lib. 2.  
 τὸ ἀπὸ τῆς ἐπιμέλειας, ἢ τῆς ἀπορίας, ὡς παρὰ τὸν ὄντως ἑλπίαν, ἀπὸ τοῦ  
 νόμου τῶν νόμων παρὰ τὸ νόμον: *dimissionem obsidum*  
 à Veientibus acceptorum, inconsulta civitate, sive absq; pu-  
 blico decreto, prater consuetum factam. Quod enim di-  
 citur ἀπὸ τοῦ νόμου, absq; decreto publico, & παρὰ τὸ  
 νόμον, prater morem, satis evincit, antea non licuisse ob-  
 sides dimittere, nisi de consilii publici sententia. Porro  
 sicut νόμος τῶν νόμων in limitato isto regno, quale Romuli  
 fuisse *Historicus* alibi tradit, ad Majestatis rationem per-  
 tinet: ita Principis arbitrium in absolutiore Monarchia  
 successit in locum νόμου τῶν νόμων, ut quod ibi erat ἀπὸ τοῦ  
 νόμου νόμος: hic sit, inconsulto Principe, sive injussu Prin-  
 cipis. Ergo ad publica crimina jam tum pertinuisse, ejus-  
 modi *dimissionem obsidum in prejudicium publica securita-*  
*tis factam*, satis liquet: sed & illud intelligimus, *inten-*  
*tatam ob id Romulo tyrannidis culpam.* Cetera, & præ-  
 fertim illam quaestionem, an ipse Romulus hac ratione cri-  
 men majestatis potuerit incurrere, vel propterea omittimus,  
 quod nullo ista res judicio legitime disceptata, sed parrici-  
 dio nefarie finita est.

12. In Numa secundi Rom. Regis historia, frustra aliquis exempla hujus criminis & judicii requisiverit ἔτι γὰρ πάλαι, ἔτι σάτις, ἔτι τιμωρισμός περὶ πολιτίαν ἰσθρῆται, Νυμῶ βασιλευσσι, inquit Plutarchus in Num. Nullum enim, regnante Numa, bellum, aut seditio, aut res nova in republ. annotata leguntur. addit amplius : ἡ μὲν ἰδὲ ἱπ' αὐτὸν ἑκόντων ἔχθρα ἦν, ἡ φθόρος, ἡ δὲ ἑρπύλη βασιλείας ἐπέβη καὶ οὐρασίς ἀνδρῶν. Sed neque adversus ipsum Numam odium ullum aut invidia, aut ex regni affectatione insidia & conspiratio hominum legitur. Nihil in regnum, nihil in regem turbulentum aut factiosum extitisse ait : id est, quid aliud, quam, nullum crimen majestatis patratum detectumve esse? Rara & magna felicitas : boni & firmi imperii non exiguum argumentum. Sicut enim nullibi frequentius nova consilia & molitiones accidunt, quam ubi Principes ipsi tyrannice se gerunt, aut qui rebus administrandis adhibentur, indigni sunt vel scelesti : ita Justitiæ & Virtutis, tantopere in Numæ regno celebratæ certissimus fructus & testis est illa parentium tranquillitas & fides.

13. Sequitur Tercius Rom. Rex Tullus Hostilius. In hujus principatu an vestigia judicii majestatis occurrant, mox videbimus, si prius tyrones monuerimus, de errore FREIGII : qui cum in not. ad orat. Cic. pro C. Rabir. perduellionem definiisset, summum imminuta majestatis crimen, addit : de quo duumviri à populo creati querere solebant, quod vetus lex apud Livium lib. 1. (c. 29.) ostendit. Quasi vero eo tempore, id est, sub Tullo Hostilio, in causa Horatii perduellio, quatenus ad majestatem pertinet, judicata sit. Sane duumviri perduellionem judicasse ibi dicuntur. Sed nomen perduellionis hic non crimen, sed pœnam significat : scil. mortis, supplicium ultimum, capitale. Nomen perduellionis, inquit Sigonius lib. 3. de jud. c. 3. & crimen & pœnam significavit. Si crimen, quod erat gravissimum inter crimina, nempe imminuta majestatis : si

pœnam, qua erat acerbissima, nempe mortis, ut in P. Horatio &c.

14. Nobilissimum veræ perduellionis exemplum Tullii tempora in Metio Fufetio Albanorum Duce habuerunt. Albani non in societatem modo Romanorum, sed ex pacto publico, religioneque & juramenti interpositis sub imperium Romanorum venerant, victis Curiatis suis, qua de re vid. Dionys. 3. convenerat enim, *ibi imperium fore, unde victoria fuerit*, Liv. 1, 24. Fidenates coloniam Romanorum jam Romulus fecerat, Dionys. 2. Hos ad defectionem sollicitat Metius, referente Dionys. 3. p. 161. Liv. 1, 27. (nota unum crimen majestatis, & casum lege notatum) & illos, Albanos suos, à federe obsequii & fide abducit, ac in ipsa pugna, per speciem auxilii ferendi, prodicionem defectionemq, molitur (notetur alterum C. M. lege signatum) adeoque capitali supplicio afficitur, & quidem valde miserabilis. Albani quoque, prodicionis & defectionis convicti, amissa patria, Romam translati: & à consciiis consueta pœna exacta, quem casum postea quoque lex complexa est, sive potius retinuit. Consulatur de totius judicii ratione & ordine Dionys. 1. 3.

15. Mirari, aliquis possit, cur plerique omiserint hoc exemplum in conquirendis criminibus & judiciis Majestatis, nisi fors aliqui Albanos ut socios modo non ut *παρθένους* & in ditionem Romanorum servitutemque redactos considerarunt, de quo tamen tot Historiæ loca, neminem dubitare sinunt. Certe tum alia in omni forma judicii apprime congruunt, tum disertim nominata *lex defensoribus & proditoribus*, τὴν λοιπὴν αἰώνιαν καὶ προδοτῶν νόμον, secundum quam socii & conscii Metiani sceleris judicati memorantur à Dionys. 3. p. 172. Qui locus simul illud suggerit: *certas ejusmodi proditoribus & defensoribus pœna constitutas fuisse.* Si quæras, *quamnam ea fuerint?* Non patietur id nos ignorare diligentissimus Scriptor: qui primo notat, non fuisse unius generis, sed pro modo gradusq, facinoris, diversas. Id enim volunt verba Tulli, recitantis.

tantis quæ senatus decreverat : μέγαν δὲ καὶ τὴν σὺν τῇ τῷ βουλευσάσῃ τῷ προδοσίᾳ δίκαε ὑπαρχῶν , ὥς ἡμῖν τῆς ὅρας δικασαὶ περὶ ἐκείνῃ ἢ ὑπατίων καθιζόμενοι . ὕδνα γὰρ ἀποστῆρῃσιν κείσιναι ἔδδ' ἄβη . Decretum est ait , ut Metius cum iis quos proditionis ac novorum consiliorum socios habuit , pœnas luat , quas nos ad singulorum reorum causa cognitionem constituti iudices , statuimus pro cuiusq; delicto . Nemini enim causa dictionem negabimus . Constat ergo ut sceleris ita pœnarum gradibus locum fuisse . Deinde & speciem pœna expressam habemus : Occisi enim ex lege dicuntur rei . Sicut & modus pœnæ irrogandæ consiliumque non debet inobservatum prætermitti . Ex quibus omnibus patebit , ante hæc tempora , nihil omnino , tanta perspicuitate & expositionis ἀκριβείᾳ in hoc argumento memoratum reperiri .

16. Qui ut de federe & societate nuda loquuntur , non attendunt , tale id fuisse fedus , cuius effectus directe & per se Romanis imperium , Albanis obsequium & subjectionem plenissimam attulerit . Zonar. tom. 2. p. 11. οἱ δὲ Ἀλβανοὶ τότε μὲν ὑπὸ τοῖς Ῥωμαίων ἱεράρχοις . Albani autem tunc Romanorum subditi sunt facti . & mox : ὥς ὑπὸ τοῖς Ῥωμαίων ἀνδράσι , ut subditi in commilitium & societatem belli vocati dicuntur . Sicut nil adversum jus maiestatis & huius iudicii exemplum faciet , si quis , quæ Augustin. 3. de C. D. 14. adversus Romanorum in Albanos molitiones , vere sed ex aliis principiis primoque nexu causarum disputat : nobis enim , qui proximas causas hic attendimus , & imperium Romanorum à volentibus & sponte ac religiose paciscentibus Albanis receptum fundamenti loco nostræ opinioni substernimus , talia nihil officere possunt .

17. Progredimur ad Anci Marci , Quarti Rom. Regis tempora . quæ nobis offerunt defectionem Fidenatium , & quidem iteratam : quos Romanorum imperio jam adjecterat , coloniamque effecerat Romulus . Ergo Ancus capta denuo urbe defectrice , conjuratos cives armis spolia-



vit, paucos defectionis auctores virgis casos occidi iussit. apud Halicarnass. l. 3. Habemus crimen, criminisque pœnam definitam, cuius & supra mentio. ut nil dubitandum sit, lege majestatis jam tum capitale in defeectores supplicium constitutum fuisse. Rursum neminem movere debet, quod interdum, Fidenates ut socios, ut amicos Rom. etiam hoc tempore scriptores memorant. Intelligitur enim hic societas, pæctio, amicitia obsequii & subjectionis, non paritatis aut conjunctionis. Facti enim jam Fidenatium domini erant Romani. vid. Hug. Gros. de jur. belli & pacis 2, 8.

18. L. Tarquinius Priscus, Quintus R. Rex, iudicium majestatis Crustumerii reddidisse legitur. Venerat hæc quoque civitas sub Rom. ditionem, regnante Romulo. defecit sub initia Tarq. Prisci. postea metu armorum regiorum, pœnitentia ac deditione vim prævenire ac deprecari instituit. Tarquinius itaque ceteris pepercit, defectionis auctores perpetuo multavit exilio ( si quidem *συζῆς αἰδίας* emendanti Sylburgio accedimus ) atq. ne quid in posterum novarent, colonos illis imposuit. describente historiam Dionysio l. 3. antiq. p. 187. qui solus scilicet Rom. Regum gesta accuratius & plenius executus est. Observari hic inter pœnas majestatis, perpetuum exilium debet. de quo mox aliud exemplum, eodem lib. habet Dionysius.

19. Cum enim Etruscis adversum Romanos bellantibus quidam Fidenas per prodicionem dedidissent, Tarquinius captis Fidenis, ex Fidenatibus eos, qui defectionis auctores fuisse videbantur, partim virgis casos publice securi percussit, partim misit in perpetuum exilium. Præter species pœnæ, etiam supra nominatas, illud quoque additur: bona damnatorum præsidiariis sorte distributa esse. Ibid.

20. Hactenus exempla criminis Majestatis indubia & pœnas erimini irrogatas ex Regum Historia eruimus: nunc propius ad totius iudicii formam, adeoque ad clariores de lege majest. conjecturas deducunt nos Servii Tullii, Sexti Rom. Regis, initia. Qui, non sine arcano Majestatis

statis singulari, *regnum à judicio majestatis auspicatus est.* Consilium sagacissima focrus dederat : *ut interfectores regis Tarquinii τὴν βαλυσσάλας ἀποκλῆναι αὐτὸν in judicium populi vocaret, & jus in eos stringeret, omnesq; , si comparerent, capite plecteret : sin causam defererent, perpetuo exilio & bonorum publicatione eos puniret.* Fecit ad hunc modum Servius : *citatosq; per præconem in judicium, cum non parerent, exilio perpetuo multavit, bonis eorum fisco adjudicatis.* Dionys. l. 4. Ministros quoque insidiarum & executores flagitii, quia statim comprehensi sunt, supplicio affectos non est quod dubitemus.

21. Fuit hoc *judicium populi*, id enim κατὰ πᾶν in Historia habemus. Fuit *judicium publicum*, quod ex ingenio causæ totoq; ordine judicii satis constat. Jam vero maleficia ad populi judicium adducta potissimum duo fuerunt, inquit Sigonius de judic. 3. 2. *majestas & peculatus.* Hac igitur cognitio, cui tandem apud populum in publico judicio agi solita, nisi *Majestatis causæ* poterit tribui? nam ut de eade simplici suspicemur nulla ratio finit. Attenduntur jam cetera : *citatio reorum per præconem, causæ desertio, pœnæ irrogatio.* de quibus Sigon. 3. de judic. 8. Quæris hic iterum, *cur viri docti longe serius & a Coriolano demum incipiant commemorare, exempla publicorum populi judiciorum?* Ne de illis dicam, quibus labor inquirendi abfuit, quique quidvis statim arripiunt, ab aliis proditum : Viros cum laude & industria hic versatos non aliam hujus instituti habuisse rationem crediderim, quam quod exemplis per omnes circumstantias clarissimis & plenissima testatione proditis operam dabant, cetera aliis pervestiganda & conferenda relinquebant. Id quod per exempla doceri posset in commentariis Sigonianis, aliisque, si id jam ageretur. Accedit, quod nemo inficiari potest, Solemnitates & formulas judiciorum post Reges exactos longe & perscriptas plenius & custoditas diligentius esse. Unde factum est, ut sicut in aliis rebus, ita hic posterior ordi-

natio

natio prioris in memoriam oblitteraret, & restaurata pro originalibus haberentur.

22. Dignissimum est notatu quod *Dionys. l. 3.* observat de tabulis *Anci Marcii*, quas tempus & vetustas prorsus abolevit. Nondum enim, inquit, in usu erant columna arca: sed in quernis tabulis incidebantur tam leges, quam sacrorum ritus. Ecce leges regias absumpsit tempus, non sane in universum ratione argumenti ac notitiæ, sed ratione scripturæ, solennisque affixionis, adeoque interdum ordinariæ usurpationis. Quæ observatio sicut ex una parte, de certitudine legum sub regibus non reperitarum modo sed perscriptarum abunde testatur: ita ex altera parte duos pervulgatos errores egregie refutat. dum aliqui deficiente, quas dixi de causis, scriptura legis, legem non fuisse autumant: aliqui ea, quæ postea demum perscripta ordinataque sunt, pro inventis & primum repertis habent, quorum pleraque instaurata & repetita & aucta putare debebant. Cujus opinionis hæc firmissima sequela est: Si ejus judicii, quod posterioribus temporibus ex lege majestatis & in causa majestatis factum consensu creditur, exempla & formam in antiquiori ævo invenio: quid obstabit, quo minus credam, jam tum eandem legem & idem ex lege judicium in usu fuisse.

23. Atque hæc est illa *ἐπαινοῦ ἰσορικοπολιτικῆ*, ut sic dicam, qua jam supra innui, ex recentioribus vetera venanda, & ex veteribus recentiora statuta velut ab origine deducenda esse. Quod si quis hunc laborem temporibus regum modo scrutandis sumere vellet, næ is, inter regias ipsas ll. plurimas inveniet, quæ hodie longe serius existimantur & dicuntur ortæ. dum legislatores Romani antiquitatis instituta religiose instaurare constituerunt. Sic post Reges exactos, abolitis quæ præcise ad dominationem regiam firmandam spectabant (vid. *Sigon. de antiq. jur. C. R. l. 1, §.*) aliæ in publicum usum revocatae sunt, teste *Dionys. 3. p. 178. & lib. 4. p. 216.* ubi *Servius Romuli*  
& Nu.

Et Numa neglectas vetustate leges in usum revocat. Sic in XII. tab. multa ex patriis consuetudinibus repetita, memorante Eod. l. 10. p. 681. Scilicet non Servio tantum Tullio, sed plerisque Il. Rom. conditoribus, convenit τὸ συγγρά-  
ψαι νόμους ἐκ τῶν ἀρχαίων καὶ παρημελημένων ἀναθευμένους, ut est apud Historicum: conscribere leges ex vetustis Et jam neglectis renovatas.

24. Ut redeamus ad L. M. quia Servius Tullius plurimarum Il. perfectæque in republica ordinationis auctor celebratur (vid. Dionys. l. 4.) dubium nullum est, etiam de criminibus Majestatis eum aut prius reperta revocasse, aut quadam addidisse. Argumenta diximus partim, partim dicemus. Nam, quod jam antea extiterint ejusmodi sanctiones ex hæcenus dictis satis cognoscitur: sicut & illud, revocasse Tullium priorum instituta regum. Quod autem adjecerit aliquid, colligas ex loco Taciti 3. A. 26, 5. præcipuus Servius Tullius sanctorum legum fuit, quis etiam Reges obtemperarent. De quibus verbis multa tamen interpretum dubitatio occurrit. Dicam breviter, quid sentiam. Leges quibus etiam Reges obtemperarent, partim illud spectabant, ne justitia terminos transcendere Regibus aut tyrannico more imperare liceret, unde Dionys. 4. p. 215. νόμους πολιτὰς τῆς βίης καὶ φύλακας δικαιοσύνης nominat: voluit enim Servius imperium regum ad civilem quandam æquabilitatem attemperare, quod indidem apparet. ad l. p. 239. partim enim ideo quoque legibus astricti Reges à Tullio memorantur, quod is τὰ βασιλικὰ ἀρχὴν μειώσας imperium potestatemque regiam imminuit, terminosque ei definivit. l. 4. p. 228. Accedit tertio loco conjectura ad nostrum institutum proprie pertinens de L. M. eaque duplex: Si enim, existente jam ante lege majest. Tullius regibus tulit leges, cujus rei potius credemus eum rationem habuisse, quam forma reipublica à se ordinata, quam securitatis Et salutis publica? à cujus violatione, non ceteros tantum, sed amplificata haud du-

*bie sanctione, ipsos reges videtur abstergere voluisse.. Certe ex ejusmodi fundamento Tarquinius postea Superbus eiectus & à Publicola tertium consule subinde in jus vocatus, ut improbitate ejus declarata, vel Persona judice (qui eum asserebat manu) justissimo exilio multatus existimaretur, notante Zonara 1. 2. pag. 19. Alterum conjectura membrum priori nititur. Si enim Reges quoque à violanda Reipublica salute legibus deterriti sunt, quanto magis ceteris metum intendisse credendus est Servius, patriciis praesertim, quibus & ipsis potestatem imminuerat. Sed de his, quod volet, quisque judicium sequatur.*

25. Superest in Servii historia aliud exemplum violata & vindicata majestatis. Cum enim morte Tarquiniis abusæ in occasionem scelertis civitates Etruscae rebellassent, post victoriam Servius supplicibus pepercit quidem, sed tres populos, qui primi defecerant ceterosq; in defectionis societatem pertraxerant, scilicet Caeretanos, Tarquinius, Veientes parte agri multavit. Dionys. l. 4.

26. Ultimus Rom. Rex Tarquinius Superbus sicut ipse haud dubie securitatem publicam atrocissime violavit, dum patriciali ausu, nullis legibus ritibusque patriis observatis, regnum invasit: ita Legem Majestatis primus corripit & fœdissime omnium calumnia exposuit. Non enim sub Tiberiis demum & Domitianis, de quibus est apud Tacitum & Panegyristam Nostrum, flagitiis dominationis seu tyrannidis accommodata est sanctitas supremæ legis: sed Tarquinius iste, perfectissimum tyrannidis exemplar, jam tum, quos auctoritate, potentia, opibus, virtute invisos habuit, specie hujus criminis vita ac bonis expulit: circummissis passim delatoribus & calumniatoribus: teste Dionys. l. 4. Imaginariis ergo ejusmodi judicii Majestatis, & intentati per calumniam criminis exemplum in Turno præcipue Herdonio idem scriptor, libro eodem & Livius 1, c. 50. &c. annotavere. Erat Turnus ille

ille nobilis, potens, armis & eloquentia promptus; iisque artibus tyranni cujusvis odium mereri idoneus. Sed Tarquinium illud quoque asperavit, quod tyrannidem suam ab hoc homine argui, imperium in Latinos impediri cerneret. Ergo, cum libertatem verborum vita plecti non posse animadverteret, exitium scelere & inevitabili dolo struxit: intentato majestatis crimine; *quasi occidere nobilissimum quemque Latinorum ac imperium invadere Turnus destinasset.* Ut verum appareret, quod falsissimum erat, inventus inter sarcinas Turni gladiatorum numerus, quos machinator doli Tarquinius corruptis Turni servis illic abdendos dederat, effecit. Ergo præventus specie commentii & indignatione tumultuantium Turnus, *in voraginem quandam projectus vivusq; terra est obrutus:* sive, ut Livius habet, *dejectus ad caput aqua Ferentina, crate superne injecta, saxisq; congestis, mercus est.*


27. *Novum genus lethi* Livio id vocatur; & quidem indicta causa properatum. Sed nimirum *nota ejusmodi criminis pœna*, id est, *capitalis*, non videbatur consultationem requirere: *modum pœna* orta ex specioso fraudis velamento, convictoque, ut arbitrabantur, ipsis rerum testimoniis facinore, invidia asperavit. *Cur ergo, inquis, si insons perit Turnus, à Livio t, 50. vocatur seditiosus facinorosusq; homo?* Respondemus: præterquam quod *Dionysius* aliter de eo judicat, Liviana isthæc verba non hujus criminis, de quo queritur, ei culpam imponunt, sed ingenium ejus ceteramq; vitam perstringunt. Itaque cap. seq. de præsentī negotio & remoto velo: *Tarquinius, ait, confestim Turno necem machinatur: ut eundem terrorem quo civium animos domi oppresserat (nota flagitiosum dominationis arcanum) Latinis injiceret. Et quia pro imperio palam interfici non poterat, oblato FALSO CRIMINE INSONTEM oppressit.*

28. Geminum paterno adversus Turnum facinori, molitus est adversus *Antistium Petronem* Gabiis, eodem consilio *Sextus* Tarquinii filius : prodicionisque intentato crimine ignarum & insontem perculit. Ab irritata enim multitudine, itidem indicta causa, *lapidibus est obrutus.* vid. *Halicarnass.* 4. Qua occasione *lapidationis supplicium* in crimine majestatis observari debet, quod & Macedonibus in usu apud Curt. 6, 11, 10. & 38. Sicut enim aliquando ad imperum potius intemperantis turbæ referenda est lapidatio : ita ex more suppliciorum & generibus universim minime est expungenda.

29. Arque ita per Historiam VII. Regum Rom. indubiis majestatis violatæ vindicatæque exemplis collectis, conjecturæ de L. M. ipsa viam aperuimus. Quam si quis posterioribus tantum temporibus propriam facit (exceptis quibusdam casibus & criminibus plasticis sequiori ævo adjectis) is de vetustate & omni *πολιτιᾷ* vetustatis parum aut nihil videtur cogitasse. Cetera proxime perreximus, usque ad eum quem ab initio hujus dissertationis præfiniebamus, terminum, adeoque ad propriam Panegyrici Nostri interpretationem.



DE



XXVIII.

DE DOMINIO EMI-  
NENTE

DISQUISITIO POLITICA.

**D**ominium eminens sive supereminens inter Ma-  
jestatis jura enumeravit Grotius, atque ita de- De L. B. &  
P. 1, 3, 5.  
scripsit, ut mentem ejus satis queamus perspicere;  
quanquam loquendi ad hunc modum auctoritatem  
fecisse potius quam à veteribus accepisse censendus est.

Quem quidem facilius excusare debent, qui nunquam  
dubitarunt, pleraque civilis scientiæ argumenta repertis  
nuper vocabulis, aut aliter quam antiqui solebant usurpatis  
loqui.

An autem fingi hoc à Grotio, existimet Clarissimus  
Feldenus, tum apparebit, si exquisiverimus, sit ne  
Dominium eminens peculiare Jus Majestatis à cæteris  
distinctum, an sub alio summæ potestatis jure  
contineatur, idemve cum eo aut ejus pars sit.

Ad solam enim summam potestatem referri neque  
dubitaverit quispiam, & descriptio Grotii satis ostendit.

Cui Dominium eminens est, *quod Civitas habet in* 1, 3, 6.  
*Cives, & res Civium ad usum publicum.* exercendum scilicet  
utilitatis publicæ causa, ut jam dictum est; & ut  
Compensatio fiat ei, cui ex hac causa aliquid abest,  
ex communi; si fieri potest, sicuti alibi supplet. In Regno  
igitur Regis, in Aristocratiâ Optimatium, in populari  
Republica, Populi, in mixto statu pro mixtionis  
formula, apud summam semper & ubique potestatem;  
quam vel unus vel plures divisim habent, hoc jus  
residebit.

LI III 3.

Adl



Ad ea autem jura, quæ unam Reipubl. partem spectant; in quo genere sunt, bellum, fœdera, judicia, Magistratus & similia, non posse referri Eminens Dominium, res ipsa docet in materia latius parente. Quod si ad ferendarum legum potestatem oculos retuleris, qua multa Veteres præsertim complecti & concludere solent, quæque ex sua indole per totum Reipublicæ corpus latè pertinet, non absurda sane figura utetur, qui dixerit: Supremam potestatem tali in casu, singulorum bonis Civium legem dicere; ut exempli ergo ita loquamur; accurate tamen loquendo hic actus non occupabitur in ferenda lege civili, sed exercebit jus ipsi potestati nomotheticæ æquarvum, & ab ipsa natura imperio constituendo attributum.

Suffraganturque hætenus *Grotius*, qui inter Jura Majestatis, seorsum, *potestatem in possessiones & bona privatorum*, numerant. quod & *Arnsæus* in opere hujus argumenti fecit. Ea enim potestate, parum accurate plerumque explicatâ, sicut *dominium eminens* non expleri, ita partem ejus indubie constitui, arbitratur *Grotius*.

Quem forte rectius aliquis opinetur facturum fuisse, si dominium eminens ad possessiones & bona tantum civium retulisset: gloriam nihilominus rei explanatius traditæ meriturus. Verum, ut ad personas quoque, & alia jura civium produceret, magna eum ratio permovere potuit: cum videret, quædam hujus generis aliis summi Imperii juribus, neque rectè neque subtiliter tribui posse; & minus Philosopho dignum judicaret, imperii voce communiter defungi, ubi de partibus Imperii in proprias appellationes discretis quæstio est. Sicut factitasse alios haud profectò paucos satis constat. A quibus si tu quæras, quo jure dicant ista fieri, quæ *Grotius* jure eminentis dominiî definit; respondebunt utique jure & vigore summi Imperii. Neque cum omnia conquereret, aliud, quod diceret, habuit *Clariss. Feldenus*, quam hoc: *civem omnia Reipublica debentem etiam adigi à Magistratu* (ita cum vulgo de summa potestate, sive Imperio loquitur) *tempore necessitatis posse, ut suum officium faciat; nec propter-*

*Ad Grot. I.  
B. 2. 14. 7.  
¶ 2.*

*propterea necesse esse, aliquod dominium supereminens fingere.*  
 At vero Rex, sæpe legem invitis fert; milites sæpe invitos conscribit; Magistratus sæpe invitos constituit; tributa invitis sæpe indicit, atque in his omnibus, ut officium civitati debitum faciant, cives adigit; idque non necessitatis tantum tempore, quæ seorsum suo jure censetur, sed in perpetua & ordinaria administratione Reipublicæ (Platonis enim Rempublicam manet illa felicitas, ubi plerique sponte, ac suopte ingenio officium facient) neque tamen propterea quod summa potestas hoc facit, nihil opus est exprimere, quæ pars summæ potestatis, de constituentibus eam, in illò vel isto genere versetur.

Res tota interim è cubilibus suis in hunc modum evolvenda est. Summa potestas civitatem, & in ea, personas, res ac jura, actiones, moderatur, eo ordine ac dispositione, quam natura ipsa ad finem publicæ felicitatis obtinendum luculenter præscripsit. In quo ordine id vel maxime est naturale in onerosis, nequa pars ultra modum partis oneretur, sed civium quisque pro virili toleret, quæ civitatis usus postulat. Verum, ut est varia rerum civilium & sæpe anceps conditio, si summæ potestatis provisio ad finem illum superiorem via ordinaria explicari morali æstimatione nequit, tum natura ipsa non repugnat, quin fines inferiores superiori, quem summa potestas omittere non potest, obtemperent concedantque, non in infinitum tamen. Atque ita personis, rebus, actionibus civium sic contingit uti summam potestatem, intra certos tamen limites, sicut iis uti, alias, nec moris nec juris socialis ac æquabilis esset. Sive quis hoc velit *δικαίῳ ἢ πολιτικῶς* sive *τὸ ἐπιμιμῶντι* imitatione Philosophi, appellare. Quod sicut in aliis rebus, ita in summæ potestatis jure explicando, natura in subsidium sui operis commenta videtur. Cujus & hæc industria est, ut in viam reducere, quicquid aliunde petatum est, & sarcire ac instaurare ordinem semel decretum contendat. id quod in civili & morum genere, non minus quam in cetera rerum universitate, apparet; quodque alibi vis insita & innata, hoc in sociali vita  
 recta

recta ratio, perpetuo naturalis ordinis conservandi studio, machinatur.

Hinc probe intelligitur, *utilitatem publicam*, quæ subsidiaria ope Dominii eminentis explicatur, non illud significare, quod ad pleraque omnia civilia instituta pertinet: quid enim est, vel jure vel more civili introductum, quin utilitati publicæ servire & dicatur & putetur? sed exquisitori loquendi genere, ad necessitatis imperiosas rationes adstringi, sicut necessitas morali definitione ad finem consequendum, citra fucum & cavillationem, dirigitur. Multi erroris & infiniti flagitii fons est in Republica architectonicis istis, ut sic vocemus, appellationibus, res vel parvas vel pravas præscribere. At Dominii eminentis usum, magna & clara voce invocabit publicæ salutis expediendæ ratio: neque ultra quam opus est, producendum; & correctione ac compensatione, totius civitatis viribus faciendâ temperandum.

v. *Arnise-*  
*um de I.*  
*Majest. 3. l.*  
*2. c. 6.*

Igitur ad jus Dominii eminentis explicandum, non opus est jura fisci adhibere, aut de patrimonio imperantium disserere. Habent suum illa in Republica ordinem, sed loco distincto: qui cum hac materia confundi non debet. Atque si licet in transitu hæc annotare, naturaliter debentur Imperantibus, ut exempli gratia, Regibus stipendia: unde, Reipublicæ regendæ intenti suam fortunam honeste sustineant. Quæ nisi cives sponte conferant, exigi ab iis posse nemo dubitaverit; non quidem jure eminentis dominii, sed alio summi Imperii nomine, quod ad tributa & exactiones merito reducit. Ea origo prima patrimonio & fisco Principis.

Neque huc pertinet, ut à nonnullis quidem adhibetur, illa disputatio: an omnia sint Imperatoris? Quasi vero vel eadem sit in hunc diem Imperatorum omnium potestas, eadem Imperii forma, vel ad angustias unius exempli, nec bene plerumque explicati, ipsa Philosophia de jure majestatis redigi debeat; quæ omni civitati perfectæ, si-ve Reipublicæ, & semper competunt. Itaque & Eminens Dominium, si ulli, omni utique Reipublicæ convenit.

In

In Imperio autem nostro Germanico, non nisi toti Imperio, id est, Imperatori & Ordinibus tribui posse, illustri exemplo postea noscitur licebit.

Dominium quidem Universitatis, non esse hujus loci, per se intelligi existimo. In eminente enim Dominio quaeritur, non, quid summæ potestati liceat, in ea, quæ sunt universitatis; sed in ea, quæ in universitate singulis, ut singulis partibus universitatis debentur vel assignantur. Nisi quod distinctius licet ista proponere. Universitas vel totam civitatem notat; & tum penes quem, aut penes quos est summa potestas, refert aut referunt quasi personam universitatis; atque ita jam non quaeritur, quid per Eminens Dominium, civitati sive universitati, in se, ut est totum, liceat: vel intelliguntur *universitatis* voce, collegia, societates, corpora alia, quæ sunt civitatis & majoris universitatis partes; ubi universitates ejusmodi, quantum ad quaestionem dominii eminentis, singulorum rationem induunt; neque ingrediuntur amplius disputationem de dominio universitatis, quomodo huc afferebatur.

Non contendemus cum illis, qui ad hunc locum explicandum, *Dominium Jurisdictionis* protulerunt; & copiosius conjunctis *protectionis*, *jurisdictionis*, *administrationis* vocabulis interpretati sunt. Si tamen in quaestionibus arduis fas est cum Philosopho ἀκρίβολογείν, *protectio* ut bonorum, sic hominum, *defensione* civitatis continetur: quæ defensio adversus quasvis injurias aut vim, vel jurisdictione, id est, via juris & judiciorum in civitate; vel ubi judicii locus non est, sive in civitate, sive adversus externos, armis seu tutela armata perficitur. Atque hæc sunt distincta summæ potestatis capita: nec idem notant, quod eminens dominium. *Administrationis* vox adeo late patet, ut in omnibus majestatis juribus illi locus esse possit: inprimis autem non demonstrat nobis illud singulare, quod hic quaeritur, sed potius abscondit. Et quomodo acciperent hoc loquendi genus, qui Regi nihil præter *administrationem* Reipublicæ ita relinquunt, ut omni potentiori Im-

Vid. Aruif. de  
I. M. 2. 1. 4.  
Et.

M m m m m

perio

perio Dominioque interim eum arceant? Quo sensu & alii sæpe, quæ alieno nomine aguntur, non proprio, *administrari*; curatoresque rei commissæ mandatæve, actores denique non auctores, *administratores* appellant.

Solent, qui in hac re declaranda versantur, *Senecam* auctorem laudare ejus distinctionis, qua Imperium à Dominio discernitur. Quam ille quidem verbosius explanat, certatim hætenus descriptam, ex VII. de *Benefic.* cap. 4. 5. 6. *Jure civili* ( id est, ratione imperii, sive summæ potestatis, civilem societatem continentis ) *omnia Regis sunt* ( hoc enim exemplo utitur ) & tamen illa, quorum ad Regem pertinet universa possessio ( qui & personam Universalitatis seu totius civitatis refert ) in singulos dominos descripta sunt, & unaquaque res habet possessorem suum. Ad Reges enim potestas omnium pertinet, ad singulos proprietates. Et postea : Omnia Rex imperio possidet, singuli dominio. Et : *Cæsar* omnia habet, *fiscus* tantum privata & sua : & universa in Imperio ejus sunt ; in patrimonio propria. Attulerat exempli loco : *Fines Atheniensium* aut *Campanorum* vocamus, quos deinde inter se vicini privata terminatione distinguunt, & totus ager hujus aut illius *Reipublicæ* est : pars deinde suo domino quoque censetur.

Facunde expressit, quomodo summa civilis potestas, ut in personas & actiones civium, ita in bona & possessiones agere possit, salva proprietate singulis dominis constituta, & ad ordinem civilem relata. Sed hæc facultas latius explicatur circa bona & possessiones privatorum, quibus & onera quædam imponere, & leges ponere potest : etiam extra usum Eminentis Dominii, sicut à Grotio id descriptum est. A cujus mente, citra causam, longe abierit, quicumque omne illud superius & architectonicum potestatis civilis jus, natasque inde varias ad finem civitatis & utilitatis publicæ conservationem dispositiones, supereminentis Dominii usu instituerit terminare. Simul illud intelligi datur, in jure supereminentis Dominii, non quamvis & communem ordinationem summæ potestatis animadverti ; sed exerceri actus verissimo dominio debitos. Quod quia duplicari non debet, consentaneum rationi

tioni videtur, dicere : civium dominium ( non enim aliter, quam in societate civili considerare hic fas est ) intelligi cum exceptione dominii Eminentis, quam exceptionem, in ordine ad finem civitatis, certo rerum statu omnibus in partem civitatis venientibus, publica & summa ratio dicat. Neque ita metuendum est, ne privata Dominia supereminente Dominio prorsus absorbeantur. quæ satis subsistunt scilicet, suumque jus tuentur, etiam si juri supremo, aliquando certos intra limites cedere jubeantur.

De ipsa voce *Dominii*, cum, præter bona & possessiones, à *Grotio* ad alia producit, non veremur, ne quis liticulam moveat. Satis enim auctoritatis est in exemplis veterum, dominos & dominia latius appellantium : neque juniores tam restrictè semper loqui videmus, ut novitatem hic quisquam suspectare aut extimescere debeat.

Ex iis, quæ vitandæ confusionis in ipso limine hastenus annotata sunt, abunde perspicitur : nihil minus, quam de eminente dominio loqui, qui, *Principem cum alterius detrimento, sine justa causa locupletiores fieri suo jure posse, Casarem & Papam bona privatorum suo jure diripere posse*; impudentius an indoctius scribere ausi, merito à *Rodino* incusantur. Rapinis enim tyrannicis, nihil cum salubri publice ratione eminentis dominii esse commercii, jurisque appellationem non nisi per injuriam summam, talibus obduci facinoribus, in aperto est. Nec omisit *Grotius* : *De I.B. 3.19.7.* dominii eminentis usum in regimine non dominico, sed civili, & regio unice spectari.

Enimvero exemplis, ad Philosophiæ regulam explicatis, res tota illustrabitur. Incipiemus à personis. ubi ardua quæstio, an deditio innocentis, unquam jure supereminentis dominii defendi possit? Quam quæstionem si quis potius ad aliud genus summi Imperii, & ad judicia ac poenas referendum existimet, illi cogitandum erit, esse locum huic dubitationi, ubi nec ex parte dedentium, nec ex parte exposcentium, de poena agitur. Ponitur casus illustris apud *Libanium* : Tyrannus ex urbe propinqua postula-

M m m m 1

Tom. 1. de.  
vit clamat. 270

vit formosum adolescentem, adjectis de bello inferendo, nisi traderetur, minis. Civitas bellum maluit tolerare, quam adolescentem tradere. Cum jam gravi obsidione eam premeret Tyrannus, pater adolescentis, interfectum filium de manibus projecit: cadis mox, soluta obsidione, accusatus.

Plura hic partitim quæri possunt: primum, an civitati vitandi belli causa dedere tyranni libidini hunc adolescentem licuisset? deinde, an procedente periculo, non jam belli, sed excidii vitandi causa id facere ea potuisset? Tertio: an civitati idem licuisset in adolescentem facere, quod pater fecit? Quarto: an pater rectius dedidisset eum, quam interfecisset? Porro, an posita patris in filii, filii in suam vitam, potestate, adigi vel ad mortem, vel ad dedicationem peragendam alteruter aut uterque potuisset? Denique an civitati vel tali vel ullo casu jus sit, probro & ludibrio unius aut plurium civium, salutem publicam redimere?

Nam patris quidem, filii carissimi & volentis cæde, patriam liberaturi, defensio tota in locis æquitatis versatur: neque ut absolvat factum iudex, sed ut ignoscat proposito auctoris, contendit. In qua multa præclare Orator posuit. Civitatem enim, quo minus dedendum adolescentem putaret, reverentia deorum, fortisque humanæ & naturalis honestatis, retentam pronuntiat. Sed ne tum quidem, cum excidium in oculis esset, probro & infamia cariturum fuisse, si quod factum esset de dedendo adolescente decretum, ostendit: ut in re communi hominum iudicio damnata. Huc enim pertinet, quod concionem reclamaturam tali decreto inducit: *ὅς ἐν ἑννεμῇ ταύλῃ, ἐδὲ εἰσδόντα*, nec jure, nec more talia fieri. Civitatem adeo non honeste facturam, quod ipse fecit, præveniendumque tali facto civitatis pudorem fuisse, disputat. Hæc valde honesta haberi par est: quæque eadem opera declarent, quam solícite, caute, honeste versari in ejusmodi necessitate expedienda civitatem deceat.

Non tamen nihil in alteram partem dicitur de jure civitatis, quod Orator, ex præscripto artis, maluit distinctioni

ationi causæ privatim contribuere, cum nullibi fortius publica causa agatur. Quasi civilius ex ore miseri patris audiretur, quod civitas fortiter pro se vindicare solet: *Ἰδὲ γὰρ ἐπιτυχῶς μὲν μὴ προσπεισὶν τὰύτας ἀνάγκας. ἐπειδὴν δ' ἔλθωσιν, μηδὲν ἀνώτερον τῆς πόλεως νομίζεν.* Optare quidem oportet, ne ejusmodi necessitates incidant: si *τα-*men inciderent, primam civitatis rationem haberi par est. Cujus hoc jus, mox sanctius adstruitur. Diis enim auctoribus tribuit jus illud *σῶμα ἐν ὑπὲρ πόλεως ἀπ.έσαι*: unum hominem pro civitate interire: illustratque exemplo oraculi Pythii, quo responsum est, non desituram Athenis famem, donec civium aliquis prolem suam exitio offerret. Quod Leus fecit oblatis filiabus: quibus honoris causa *Λαοκέρειον* templum extructum est. Sed videre hic quoque licet, quam caute philosophentur Antiqui. Nam offertur à privatis, non exigitur à civitate, quod civitati debitum, divina auctoritas addita, ut ethnicorum captus erat, demonstrabat. Atque hoc est illud in hac quæstione difficilimum sane: an, quia privati tenentur, salutem publicam suæ præponere, ad hoc faciendum, & quousque adigi queant? Coget summa potestas civem quemvis vi legislatoria, ad faciendum quicquid officium aut virtus aliqua jubet. Sed hic aliud quæritur. An enim coget quoque summa potestas civem, ut faciat, quæ æterna honestatis ratio damnat? ut pudicitiam alienæ libidini exponat? ut ad nefaria ministeria se addicat? itaque ad hoc, nec dedere potuit civitas adolescentem, nec deditionem ipsi patrique imperare. An ergo mortem potuit sponte sumendam præcipere vel filio, vel patri? Atqui & tyrannorum leges, quos pœnæ titulo sublatos cupiunt, iis indulgere solent aliquando voluntariam mortem, non imperare. Patrem vero ad occidendum filium adigere, omnis humanitatis limites excedit. Quid? quod in vitam suam nemo tam plenum jus accepit, ut violentas ipse sibi manus afferre queat.

Et in pudicitiam quidem ac honestatem civium civitas

M m m m 3

nul-



nullum jus, nisi ad tuendum habet. Ut hæc salva cuique sint, civitates institutæ sunt. Itaque vel ad unius civis pudicitiam tuendam, bella pia & iusta geri, nulla ætas dubitavit. Sicut nec singulis civibus licet honestati suæ vim facere. *Ad quadam enim nulla debet necessitas compellere*, ut recte *Varius Geminus* apud *M. Senecam* disputat. Cuius rei tantus est in animis recte institutis sensus, ut vitam potius projicerent, quam eripi sibi pudorem multæ præclaræ foeminæ paterentur, quanquam potuisset aliquando

*Contr. 3.*  
17.

1, 58.

*De C. D. 1, 16.*

locum habere illud apud *Livium*: *Unde consilium absuerit, culpam abesse*. Sed metu tanti dedecoris, ad remedium ab homicidio in se, id est, à delicto petendum properantibus, *quis humanus affectus*, inquit *Augustinus*, *nolit ignorare*? Magnarum consternationum hæc est indoles, ut non patiantur ad aliud hominem respicere, quam quod tanta circumstantia animum occupavit, præsertim ubi urgentius malum est, quam quod miti in consilium cogitationes sinat. Quo fit, ut fugiendo periculum, quod terret; ruatur in periculum, quod præ terrore præsentiori, quale sit, non æstimatur.

In vitam civium, quod sit jus civitatis seu summæ potestatis, non vage declarandum est. Esse igitur civitatem dominam vitæ necisque civium, ut veteres loquuntur, ex vi jurisdictionis sive potestatis judiciorum, controversia caret. Atque hoc jus nititur merito, & obligatione ad pœnam, neque aliter animo concipi potest. Alteram partem, jure belli contineri dixeris: quo videtur, ut civis vitam suam debere civitati propugnandæ, ita civitas, vitâ civium multorum uti posse, ad servandum totum corpus. Sed hoc jus belli, in se & ex se apprime temperatur. Hic enim non eligitur vita, sed opera civium ad finem, quem dixi: & cum exitus, fortuna moderante, undique incertus sit, non minus ad spem, quam ad metum via patet. id quod tot admirabiles & inopinati certaminum eventus abunde docent. Quod si quis dixerit; hunc numerum civium tradamus hosti ad cædem, ut reliqui vivant: nec pie nec honeste loqueretur. At enim hoc

hoc in bello fieri videmus? Videmus: sed aliquando male; nunquam autem licite, nisi sub illa destinatione & lege operæ ac spei, de qua mentionem intulimus.

Atque ista quidem, unde fluant, ipsis vocabulis demonstratur. Quod vero ex jure supereminentis Domini distinctius appellato, civitas vitam civium innocentium, utilitatis publicæ causa, destinato proposito queat perdere, id vero nec divinis nec humanis literis firmatur. Tractatus est hic locus in fabulis, modum philosophiæ caute custodientibus, quando de Iphigenia mactanda comminiscuntur. Primo enim, à numine arcessitur, ultra scilicet humanæ potestatis limites positum negotium. Et certe, si quod tale jus civitati unquam posset competere, vix est, ut humanam sapientiam liquido examine, momenta & rationes & tempora ejus ratiocinaturam credamus. In quo genere dubitationis, morali judicio, jus statuere quis potest? Deinde, à læso numine repetitur origo rei, & facinus patris mactatione filiæ ulturo: ut origo quæstionis ex vindicta & pœna surgere, & tum demum illuc pertinere intelligatur, si pro communi totius populi salute unum caput innocens recte immoletur. Sic quoque supereminens jus civitatis seu populi refuga manu tractatur: dum & omnis rei expediendæ ratio ad voluntatem & electionem virginis, mortem pro civibus gloriosam optantis, apud Euripidem transfertur; & patronus ei datur è principibus viris, Achilles, qui eam cædem verbis primo coarguit, mox manu impedit. sicut historia habet. Nam Poëtæ *ὁ μὲν μὲν* solvunt negotium, & Dianam advocant, ad liberandam victimam, quæ ipsi destinata erat. Quibus ambagibus, potiorum tali jure clementiam etiam divino suffragio, non obscure signare videntur. Neque alio pertinet, quod infinitam malorum seriem, ab Iphigeniæ decreta cæde, tanquam ex fonte deducunt.

*Iphigen. in  
Aul.*

*Apud Diogenem.  
Cœtens. lib. 1.*

Ex his, ni fallor, suppleri possunt, quæ de quæstione hujus generis Grotius disputat. qui, cum deferri posse unum civem quamvis innocentem, ab hoste expostulatum, si civitas longe impar sit hostium viribus, pronuntiasset: postea

*De 1. 8. 2. 253.*

postea etiam illuc pervenit, an tradi in manus hostium civis innocens possit, ut vitetur imminens alioqui civitatis excidium. Non enim nihil pro *Vasquio* haftenus annotatum est. Quæ *Clarissimus Feldenus* assert, ideo civem innocentem tradi non posse hosti postulanti, quia servile sit partem suam teneri, sine causa ad ludibrium alteri præbere, cum libertas vita carior esse debeat, adeoque satius sit omnes mori, quam in ludibrium aliis servire: non pertingunt eo, quo conantur; sed nec sine figura stare possunt. Neque enim vera & accurata æstimatione libertas vitæ statim præponitur, sicut oratoria sententia fieri solet: neque civitati toti unius civis ludibrio servitus contracta censetur. Quis enim ferret ita loquentem in quæstione: utrum libertas civitatis an vita unius civis præferri debeat?

Facile etiam apparet, quid de Mauregati Hispaniæ Regis pudenda pactione judicandum sit, cum quinquaginta nobiles puellas, & totidem plebejas, Arabum libidini, veluti tributum annuum concessit: memorantibus Scriptoribus Hispanicis, qui, in *Carolo Magno*, nominantur.

Deduxit nos hic locus ad pactiones bellicas, in quibus quædam non jure belli, sed hoc, quo de loquimur, jure supereminente videmus expediri. Quid enim aliud præstare potest, ut loco & causâ totius civitatis, pauci aliqui, iique inviti obsides dentur? Nam de volentibus minus difficultatis apparet. Obsidum autem primo quidem libertatem, deinde vitam, nunquam sola bona aut jura obligari, nisi disertis verbis aliud dictum fuerit, citra ambages intelligi potest. Illud enim in obligatione sumendum est, quod in manu ejus est positum, aut quod consequi potest is, cui obligari volumus. Bona autem & jura alterius, plerumque societate civili dissoluta, adipisci non licet. Vitam porro obsidum valide obligari, etiam cum nihil aliud dictum est, quam illud; *hi sunt fidei pacta obsides*, non credo ullos apud populos dubitatum. Neque opus est, ut arcessamus hanc disputationem, ab eo

eo jure, quod quisque in vitam suam habeat, aut non habeat; & quomodo id à singulis ad civitatem traductum sit, ostendamus. Sola est, quæ rem conficit, ipsa actionis formula. Id enim actum censetur: *Nisi servaverimus, quæ convenere, tum violatæ fidei pœnam ab obsidibus, quos dedimus, tanquam carissimam civitatis nostræ partem, expetere vobis jus fasque sit.* Atque ita accurate distingui debent ista: an civitas se, aut partem sui ad pœnam vel quasi obligare possit? & an obligatio ad pœnam ex culpa totius civitatis, in paucos, & partem civitatis transferri possit? in qua posteriore quæstione præsertim illud animadvertendum est: quod obsides, delinquente civitate, non possunt non innocentes haberi. Hic ergo forte omnia rimantibus, nihil occurrerit rectius, quod dicatur, quam hoc: Civitati obsides danti, propter firmum fidei servandæ propositum, illum eventum, quo obsides violari possent, morali æstimatione pro nullo esse; qui si certus esset, aut probabili conjectura secuturus putaretur, dubium nullum est, quin talis obligatio obsidum innocentium pro culpa civitatis nocentis, illicita haberi deberet. Ita de obsidibus, sponte utriusque partis, & in pactione æquali datis acceptisque loquimur. Aliter judicandum est, cum is, qui bello superior est, aut victor, inter cæteras pacis aut deditionis leges, certum numerum obsidum imperat. Vel enim tum imminutio imperii facta est, ut jam nullus dominio eminenti locus sit; vel manente imperio necessitati paret civitas, non alio tamen proposito, quam quod modo explicavimus. Idque eo magis procedit, quo honestius tractantur obsides, quamdiu fides dantium non vacillat. Nulla enim fere gens est, quin in favorem obsidum, constante civitatis, unde traditi sunt, fide, aliqua vel more vel lege induxerit. Antiqua exempla nota sunt. In lege Frisonum honoratissimis personis æquiparantur. *Qui obsidem occiderit, novies eum componat.* Sicut nimirum cædes, legati Regis, aut Ducis, aut loco sancto facta, expiari solebat.

*Confer cum  
tit. 20, tit. 17.*

De traditione & cessione totarum provinciarum, re-

Nnnnn

gio-

gionum, urbium, una cum incolis, per pactiones, postea agetur. De incolis & civibus hoc tantum annotabimus: Partem civium invitam alienare, extra necessitatem, incivile & iniquum. Qui autem pactione bellica, haud sane lubens, sed necessitati obsecutus, suo jure in civium partem cedit, quatenus sine pacto alienationis id fieri nequit, dominii eminentis usu defendi potest, etiam adversum invitos. In qua tamen re gentibus plerisque placuisse videmus temperamentum liberæ demigrationis, quantum ad homines, peti fere & concedi solitum. Id quod præfertim, ubi mutandæ religionis periculum subest, neque negligi, neque negari sine injuria potest. Quod autem hac occasione apud *Grotium* disputatur, & à *Clarissimo Faldeno* impugnatur; *partem civitatis plus habere juris ad alienationem sui, in summa necessitate, sine consensu civitatis; quam civitas habet ad alienationem partis non consentientis*, id neque recipere sine commoda interpretatione licet, ut ex jam dictis animadverti potest, & declarari subtilius debet. Quando, exempli gratia, urbs aliqua ab hoste obsessa aut impugnata, ad extremum deditur in alienam fidem atque potestatem, atque adeo suo factore alienatur, sive definit esse pars suæ civitatis, fitque pars alterius: non dubitandum est, quin obligata fuerit suæ civitatis corpori, ad resistendum hosti, & vitandum alienationem, donec ulla spes conservandi se suaque repugnando, superesset. Sed hæc obligatio habet naturaliter terminum, quem dixi: inestque ei exceptio interitus sive excidii. ut enim interitum potius, quam alienum imperium eligeret, illa obligatione nemo dixerit contineri. procederet enim eo, quo procedi in ordine civili non debet. Itaque tali necessitati data alienatio, non ignoscenda tantum, ut quidam putat, sed justa reputanda est, quod *Grotius* voluit. Sic civitas, quæ non est in patrimonio imperantium, obligata videtur singulis partibus, ne quam invitam alienet, sed cum exceptione necessitatis ac dominii eminentis, quod absque necessitatis respectu hic non consideratur. Quæ exceptiones tacitæ pars illius ipsius juris sunt, de quo loquimur.

*P. B. 2, 6, 4, &  
3, 20, 3.*

mur. Addenda sunt his, quæ de captivis redimendis aut deferendis dubitantur. 3, 21, 24.

Manere constituimus intra limites argumenti, atque adeo, quæ circa constitutionem ac destitutionem magistratuum, munerum, officiorum, curationum; circa honores & privilegia, vel ut varia dispensatione dantur, vel ut eripiuntur; circa alia ejusmodi personarum jura, aut munia, altiore videntur provisu, aut manu potentiore expediri; suis locis concludenda, neque in alienos dominii eminentis fines cogenda arbitramur. Tali enim commixtione, civili philosophiæ, quæ via & ratione compositâ excoli desiderat, parum consuli videmus: imprimis autem partitam probe de juribus majestatis disciplinam denuo intricandam, & prætextu dominii eminentis involvendam neutiquam judicamus.

Personis proxima sunt jura personarum & actiones inde enatæ. Ita liberum est cuique civi promittere, contrahere, jurare, quatenus nulla lex civilis posita, modum aut impedimentum constituit. Videmus tamen, exigente publica utilitate (absque ea enim necessitate, servari talia in commune prodest) his, quæ ita acta sunt, effectum adimi ex vi supereminentis dominii, sicut *Grotius* 1. B. 2, 13, 20. monuit. Idem qui alibi quærit; an fides privata in bello propter vim eminentis dominii possit convalescere? In responsione locum non semper habet, quod ait: pacta, quæ majus malum evitant, publice utilia haberi oportere. Esto autem, ut hoc, æquitatis amore concedamus semper observandum (quanquam aliqua, quibus privati majus malum evitant, publice admodum noxia esse possunt) ipsa comparatio utilitatis non minimum in alteram partem momenti habebit. Fatebitur aliquis, promissa servari, publicæ utilitatis interesse, ordinario loquendi sentiendique more. At vero extraordinaria utilitas publica, eaque necessitatis telis armata suadebit, ne summa potestas permittat fieri, quod privatim dictum, absque publico intertrimento effici nequit. Quod de legislatoria

N n n n 2

pote-

potestate, & obligatione legum additur, commode cauteque accipiendum est, sicut alibi ostenditur.

Et jura quidem, quæ in pœnam auferuntur personis, non attingimus: sunt enim alterius generis, cum hic tantum sermo sit de jure quæsito auferendo, publica necessitate expostulante, vi dominiæ eminentis. Atque huc referri solet, revocatio beneficiorum Principalium etiam quæ vim perfectæ donationis habent: si publica salus exigat. Quamquam non parum plerumque dubitationis subest. Considerari enim ante omnia debet: an Princeps beneficiorum largitor, jura habeat vere Regia, sive an vere præditus sit summa potestate. cujus solius actio hic spectatur. Deinde, de fisco ne suo largitus sit, an de Regni bonis. Ubi & illud satis apparet: si fiscus Principis per calumniarum omne genus & rapinarum ditatus fuerit, amitti favorem, donationis tanquam de proprio factæ. Amplius attenditur, vitio ne animi prodigi, an suffragationibus subdolis hominum, quibus facilitas Principum in quæstu est, tales donationes factæ sint; rationem habeant, an ratione careant. Porro: fiatne revocatio, per eundem, qui dedit (quod rarius est, & cum aliqua labe conjunctum, si suam ipse manum, suum sigillum refutarit) an per successorem, qui adversus Rempublicam tali decessorum facto obligari non videtur potuisse. Solet & temperamentum quæri non simplex. Nam in quibusdam plane circumventus Princeps, tanquam meritis & merentibus donavit, quorum nulla prorsus sunt merita. His ergo quo minus eripiantur, rei que publicæ redantur, quæ per obreptionem adepti sunt, non longa videtur disputatio. nisi quod vel numero, vel propinquitatibus talium hominum, effectu arduum fieri potest negotium. Tum vero usitatus est, ut pars aliqua liberalitatis penes possessores relinquatur. Exempla sunt nobilia in Principatu Galbæ & Basilii Macedonis. quorum ille, cum Nero bis & vicies millies sestertium (sive LV. milliones, ut hodie loquuntur) donationibus prodigiis effudisset, appellari singulos jussit, decima parte liberalitatis apud quemque eorum

Græc. 2. 14. 7.

2, 14, 13.

Tac. 1. H, 20.

rum



rum relicta; atque hoc, cuncta scrutantibus iustissimum visum esse, Historicus ait, inde repeti pecuniam, ubi inopia causa erat: hic vacuatum profusionibus Michaëlis decessoris ærarium ita supplendum statuit; ne ab iis, qui nulla probabili de causa *Zonar. tom. 2* accepissent, reposeretur pecunia, vel summa dimidium saltem. Ita quidem Zonaras. Sed Constantinus Imperator in vita Basilii *cap. 23.* refert: Consiliarios una omnes voce suasisse, ἀντὶς ἐκείνῃς τῆς κακῆς τῆς οὐλῆς ἀντιστῆσαι πρὸς τὸ ἀνέσθαι, Ut illi ipsi qui male ista ceperant, arario redderent. Basilium autem ultra dimidium nihil exigere voluisse. In Gallia sub initia Caroli IX. cum deliberaretur de ære alieno sub prioribus Regibus contracto, dissolvendo, non recusabat Rex, & circa eum Proceres, quin, si comperiat nimirum donationibus & immensis largitionibus exhaustum ararium, ad earum restitutionem, qui acceperunt, compellerentur, sicut ex *Th. mo* petas licet. *lib. 28. p. 12.*

Sed & in beneficiis ac privilegiis probabili ratione impetratis concessisque jus singulis quaesitum, sæpe interrumpi, nec nunquam tolli dominio eminente potest, non tantum ab auctore privilegiorum, sed & à successoribus. In qua re explicanda, non sine temeritate versatus est *Bo-* *l. de Repub. 6.* *adinus*: illuc tantum respiciens, quousque Princeps majorum aut suis legibus, sive etiam iurejurando suo obligari possit. Ac de iurejurando quidem summarum potestatum, cujus sanctissima est obligatio, dolendum, quod neque nostra ætate desint homines, qui dilutius, quam viros graves; & improbius, quam Christianos decet, scriptitare non dubitarunt. Verum ista non sunt hujus loci. Privilegia cujuscunque generis concedere, operis nomothetici esse sciunt, qui veterum Philosophiam sequuntur. Temporaria illa sint, an perpetua; præjudicent successoribus nec ne; partim ex materia, partim ex conceptis verbis sive formula æstimandum. Sic nobilitatem familiæ, vel unius hominis insigni merito concessam, perennem esse, magna & publica ratio postulat. Neque unquam potest incidere tempus, quo nobilitate abrogata Reipublicæ opus sit. nisi quod in pœnam summorum criminum quibusdam adimi potest, Sed, quæ nobilitatis honorem



comitari solet, immunitas vectigalium, onerumve aliorum, auctoritatem domini eminentis agnoscat oportet: quæ legis opera vel interquiescere jubeat, vel mutationem subire aliquam, cum temperamento scilicet, quod naturæ domini eminentis inesse, amplius postea apparebit.

Liceat hic obiter attingere illam quæstionem. Si Rex aliquis creet Comitem, Baronem, eique vi Comitatus aut Baronatus, tribuat jurisdictionem in subditos, aliaque jura cum hac clausula, *salvo jure superioritatis*, quomodo id accipiendum interpretandumque sit? Non dubitaverim, ut nova voce *superioritatis* hodie utuntur, Comitem illum, sive Baronem, *Landfussium*, sicut itidem nova appellatio obtinet, Regis designari; quem auctorem sui honoris & juris agnoscit. Eoque ipso simul stabilitur Regi, qui non tantum nomine, sed jure regio est, etiam Dominium eminens, non minus in Comitatu, aut Baronatu tali, si Reipublicæ necessitates huc vocent, quam alios apud cives exercendum.

I. B. 3, 1, 15.

personam imperatoriam.

Ponit *Grotius* in exemplis domini eminentis, veritatem ad subditos occultatam: auctoritate *Platonis* usus, qui hac mente concesserit imperantibus falsum dicere; tum *Josephi* commento erga fratres, ubi & *Theodoretus* προσωπείον ἀρχινδν in eo agnoscit, & *Salomonis* judicio inter mulieres. Et fatendum est sane, *Grotium* in disquirenda doli ac mendacii natura incomparabilem quandam industriam adhibuisse: atque hoc ipsum apposite ad suam disputationem animadvertisse, non esse pro dolo & mendacio habendam tam utilem publice ac privatim aut certe innoxiam veritatis dissimulationem. Sed qui illam Philosophiam de dolo bono, ut nunc ita loquamur, tractant, ad ea & eos porrigunt sententiæ suæ explicationem, ubi ab ultima domini eminentis ratione nullum quæritur auxilium. Neque ego profecto unquam suavor cuiquam extiterim, ut non strenuum magis, quam subsidiarium, & sancta religione septum conclusumque hoc remedium ad alia producat, quam necesse est. Videndum ergo, an satis vere recteque ita dicam: summa potestate civitatem regentes, omni-

omnibus & singulis civibus ita obligati sunt, ad veritatem suorum consiliorum, propositorum, actionum, in Republica administranda, rade ac simpliciter, ubique & semper enuntiandam, ut de his aliquid occultare aut tegere, nisi necessitas publica imperet, neutiquam illis liceat. Quicquid dubitabitur in hac oratione, id sententiam Grotii non parietur in vado esse. Nisi quod in populari regimine, res expedita est. Cum enim ibi summa potestas penes ipsum totum populum sit, ratio separandi juris, quod actiones publicas spectat, quæcunque ponetur, commentitia erit. Etiani si populus, administrationem non jus summæ potestatis cuidam parti civitatis committeret, nisi disertis verbis concessum esset, celare quædam populum, nullus jam locus esset dominio eminenti, quod totius civitatis est in partes, non partis in civitatem.

Agunt quidem, ut hoc semel hac occasione annectamus, etiam minores potestates & magistratus interdum quædam, quæ dominio eminenti tribuimus, & tribuimus. Verumenimvero nisi mandatis eorum id contineatur, merito audient: neque imperatum tibi hoc est, & rationem facti apud summam potestatem reddes. Finge, & absolvi tale factum, nullo merito causam defenderis, sed iudicis æquitatem commemoraveris. Raro tamen ejusmodi dubitationibus locus relinquitur in accurata Reipublicæ tractandæ consuetudine. Tam disertis enim verbis, tanto futuri provisu, tam excogitatis formulis ista præscribi solent præpositis rebus gerendis, ut, nec hærendum habeant, ubi usus venerit, neque timere possint, qui præter imperata & præscripta nihil fecerunt.

Progrediendum est ad ea, quæ in hoc argumento, ut sola, pluribus innotuerunt: Bona scilicet civium. Quamquam & misceri sive concurrere bona & jura sæpe videmus. imo nullus de bonis civium sermo incipi potest, quin de jure circa bona illa aliquo singulorum civium, in quod summa potestas, ex usus publici necessitate succedit, agendum sit. Distinctioni tamen locus est, quia non in vicem commeant ista; juraque etiam alia, quam bonis accom-

moda-

i. Reg. 21.

Epir. Phil.

moral. p. 248.

l. 847, 8, 14.

lib. 8. Antig.  
c. 7.Cernel. Nep.  
in Themist.

modata, noscuntur. Non abs re fuerit, si ordiamur ab historia vineæ Nabothi: ubi *Philippus Melanchthon* hanc format quaestionem: Recte ne fecit Naboth, quod non cessit vineam Regi petenti, cum Reges etiam dicantur Domini privatarum facultatum? Respondet: Distinctio dominiorum seu proprietatis est juris gentium, vel, ut Philosophi loquuntur, juris naturalis. Hanc ergo comurbare, & aliena sine justa causa rapere, non licuit Achabo. Addit: Nabothum nullo suo facto meruisse amittere libertatem, & cum ea, dominium rerum suarum. Quod enim alibi in jure Regio ponatur; Agros vestros & vineas tollet, id accipiendum de stipendiis, & sumtibus in administratione Reipublicae, ad communem necessitatem faciendis: non quod prae-textu Imperii Reges sint Domini omnium privatarum facultatum, quanquam alibi laxior, alibi adstrictior, pro diversis regnorum formis, comperiatur libertas. Transferre porro licebit hanc historiam ad rem nostram. si fuisset in vinea Nabothi adversus imminentem hostem propugnaculum excitandum, si castra locanda; jure, de quo nunc agimus, ad hos usus vineam potuisset postulare Rex, inita ratione repensandi damni, de qua mox amplius. Nunc voluptati tantum & commoditati privatae servientem, nullum jus tuetur. Et in Nabotho, nihil aliud quam rusticitatem accusare, apud *Josephum* audet Achabus. Uxoris quoque Jezabelis fatale scelus, ipso molimine exitii in innocentem structi, ostendit: non potuisse vivo honeste eripi optimo jure possessa.

Ponemus exempla insigniora. Sit urbs aliqua munienda, ut olim Athenæ; & breve quidem intra temporis spatium. desit autem materia & lapides. Sumi poterunt ex hortis aut prætoriis singulorum, sub conditione compensationis. Idem fieri poterit, ut horti, agri, ædificia singulorum, munimentis occupentur; aut durante obsidione, ædes privatorum dejiciantur, ut ratio belli dicat. Sit in obsessa urbe fames: recludi poterit singulorum annona & describi; &, vel invitis dominis distributio æqualis fieri in omnes, venditio item imperari nolitibus.

Sit

Sit urbs aliqua confusis ædificiis, nulla platearum amplitudine, aut distinctione: sicut requirebat commoditatis importandarum & exportandarum rerum, aut defensionis ratio adversum incendia & vim hostilem, dirui videmus quasdam domos, ne ordini & dispositioni obstitent: non sine compensatione tamen. Quam neque Nero, utut prodigus jam famæ ac pudoris plane neglexit: quando post incendium (valde id quidem suspectum) melius & ordinatius extructæ domus sunt, dimensis vicorum ordinibus, latis viarum spatiis, cohibita ædificiorum altitudine, patefactis areis, additis porticibus, quæ frontem insularum protegerent. *Eas enim porticus Nero sua pecunia extructurum, purgatasque areas dominis traditurum pollicitus est. Addidit præmia pro cuiusque ordine, & rei familiaris copiis: finivitque tempus, intra quod effectis domibus aut insulis, adipsiscerentur.* Tac. 15. A. 43.

Vias publicas sternentibus, aut munientibus, sicut usus civitatis postulat, occurrunt agri, prata, prædia privatorum. Hæc quoque vigor eminentis dominii pervadit. redditis alibi, aut pensatis, quæ in publicum versa sunt.

Augusto Romæ fori exstruendi causa fuit, hominum & iudiciorum multitudo, quæ videbatur, non sufficientibus duobus, etiam tertio indigere: sed fecit hoc forum angustius, non ausus extorquere possessoribus proximas domos. id quod civilitatis nomine Historicus commendat. Quid ni laudabimus hanc Augusti sententiam, cum ultra id, quod necesse erat, progredi noluit? Habent quidem isthæc talia suam latitudinem, neque in puncto semper finiri queunt. Optime autem utetur tam fortibus præsidiiis, qui minimum sibi ignosci cupiet. *Sueton. Aug. 29. Id. c. 56.*

Vix huc videtur pertinere illud ædificiorum & operum genus, quod dignitas civitatis, & nitor seculi postulat, ut Plinius describit. supereminentis enim dominii præsidio, incolumitas potius & conservatio civitatis sustentatur, quam amplitudo & splendor exornatur. Si tamen, ut iterum Plinius loquitur, quantum pulchritudinis, tantum utilitatis habitura sunt ejusmodi opera, neque ratio publica nulla est, *Ep. 10. 34. Ep. 10. 50.*

Tac. 1. 4. 9.

urbes quasdam principes esse *magnifico ornatu*: non erit nullus plane locus dominio eminenti, adversum *maximè* refractoriorum quorundam civium. Sed ne fortius, quam par est, id juris usurpetur, vel fortuna, vel virtus imperantium providere solet. Modo enim genius seculi & affluentia, ultro talibus propositis conciliat civium animos: modo juncta compensationi humanitas ac persuasio demit, quicquid amari inesse potuit negotio. De cetero compensanda interdum est cupiditas animi in magna & sumtuosa proni.

Veniamus ad exemplum domesticum, quando pactione Osnabrugensi, difficilima deliberatio incidit, quomodo Regibus paciscentibus, Sueco, Galloque, locorum jure belli possessorum restituendorum nomine, satisfaceret. Prima, quæ de cedendis quibusdam provinciis ac ditionibus ferebatur, vox, necessitatis publicæ jure, voluit exaudiri: Neque tamen extra invidiam, & contradictionem fuit, inter illa sedulo tum disceptata: Quis auctorem se hujus rei facit, & quo jure? Qui, & quot subscribere tali sententiæ audent? Et quænam, de rebus ullius ex Ordinibus inviti, pactio esse potest? Donec multis ultro ci-

*Instrum. Pac.  
cis Cas. Suec.  
art. 10.*

troque dictis, tandem *Cæsarea Majestas de consensu Electorum, Principum & Statuum imperii, cum primis Interessatorum, S.R.M.* Regnoque Sueciæ concessit certas ditiones, pleno jure in perpetuum & immediatum Imperii feudum; illis autem, qui jure suo in has ditiones cesserant, Principibus, pro *equivalente compensatione* (retinemus enim verba sanctionis pragmaticæ) pari modo & formula, tradidit alias ditiones; qui ita sibi satisfactum declararunt. Eadem ratione Gallia ab Im-

*Instrum. Pac.  
Cas. Gall.*

peratore & Imperio & Domo Austriaca, alia, nexu feudali plane libera recepit. Qui rebus tractandis interfuerunt, sciunt, istâ consultatione supereminens dominii rationes probe excussas esse. in quantum scilicet Imperium Romanum, ut unam Rempublicam consideramus, in qua hoc jus Majestatis non nisi ab Imperatore & Imperio, sive Ordinibus simul exerceri potuit. Ad quæstiones autem consilii, magnas illas quidem & profundas, quæ tum in argumen-

gumentum disputationis venerunt, circa negotium unis caussis, conditione diversa terminatum, nihil attinet sermonem proferre.

An & exteriorum bona ac jura supereminenti dominio subijci fas est? Negat Grotius. nisi quod supplendam censemus hanc sententiam, ex doctrina de subditis temporariis, quos appellitant. Nihil enim verius videtur hoc dicto: Qui ex causa temporaria agnoscere tenetur summam potestatem hujus aut illius civitatis, sive subditus temporarius factus est, ille non potest in tantum delectare aut defugere auctoritatem dominii eminentis.

Nec alio videntur fundamento niti Principes, qui bona exteriorum in portubus suis deprehensa, necessitatibus Reipublicæ suæ accommodare, sub obligatione mutui, non sunt veriti. Anno superioris sæculi LXVIII. magna vis pecuniæ mercatorum Genuensium, aliorumque Italarum, ex Hispania in portus Anglicos, persequentibus Gallis, delata erat. Quam cum Albanus, tanquam Hispanicam, falso vindicaret, Regina Elisabetha statuit fiduciaria cautione interposita, à mercatoribus mutuo sumere: quod Principes de bonis in ipsorum portubus deprehensis assolent; & Hispanus ipse nuper satisfarat. Ita Camdenus. Cui Meursium addas licet in rebus Belgicis. Non dissimile est, quod Camdenus memorat de pensatione Oresuntica (Lastgelt) qua tricesima pars omnium mercium mutui nomine, ardente inter Suecum & Danum bello, exacta fuit, cum promisso, ut bello finito resunderetur. Quin & privilegia exteris concessa, non obstare salutis publicæ vindiciis Regina Elisabetha judicavit; cum Hanseaticis privilegia obtendentibus responderet, de Holcadibus interceptis: aliter se facere non potuisse, nisi perniciem sibi & suo populo sponte attrahere maluisset. Privilegia, quæ sunt leges privata, contra publicam salutem, quæ Lex suprema, non asserenda. Verum hic magnopere cavendum, ne avaritiæ & injuriis obtentui sint, publica juris nomina, probeque conscientiam suam excutere debent Principes eorumque Amici, quo animo, qua necessitatis ratiocina-

I, B, 2, 14, 8,

part. 1. sub  
fin. ann. 1568.

part. 3. ann.  
1582.

Camden.  
part. 4. ann.  
1589.

tione, quo justitiæ proposito, ad ea veniatur, quæ nemo facile sponte eligat, ubi vitare licet.

*l. si quando i.  
Cod. de naufr.  
Xl. 3.*

Hinc pleno laudatur ore Imperator Constantinus, sive potius Antoninus, quod adversus fiscum suum, cujus utilitatibus animose alii velificantur, naufragos tueri statuit, voce humanitatis plenissima usus: *Quod enim jus habet fiscus in aliena calamitate, ut de re tam luctuosa compendium sedetur?* Non enim alias deerat maritimis civitatibus & insulis νόμος θαλάσσης sive lex quædam nautica, quæ naufragorum bona fisco per publicos servos vindicabat, sicut discimus ex l. Αξίωσης seu deprecatio 9. ff. de l. Rhod. de jactu. Quam quidem Antoninus, cum fiscum suum ipse severius regeret, illis tamen adimere noluit, ex causis, quas conjicit Jacobus Gothofredus nobili commentario ad illam legem. Carolus autem V. Imp. & alii Principes, egregio temperamento jus dominii eminentis circa naufragia moderati sunt: constituto certo tempore, exempli gratia, annuo, intra quod mercatores & domini, sua, probato dominio repetere possint; Nemine autem comparente tum demum fisco cedant. Et quia periculum aliquando est, ne merces corrumpantur, sub hasta venditarum pretium asservatur, vel domino, si compareat, vel fisco, post exactum tempus, sicut amplius refert Antonius Perezius.

*vid Jac. Gothofr. ad h. l. ὑπόμνημα cap præsertim 11.*

*Ad Cod. lib. 11, tit V. §. 29.*

*8 B. 3. 9, 17. C. nov.*

Mutuantur ex ratione dominii eminentis suam constitutionem Legumlatores, qui naves à piratis captas, eorum faciunt, qui eas eripiunt piratis, quales apud Hispanos & Venetos leges memorat Grotius; & defendit: neque enim iniquum est, inquit, ut privata res publice utilitati cedat, præsertim in tanta recuperandi difficultate.

Compensationem dominio eminenti naturalem, ut sic loquar, & intrinsecam haberi oportere, ex ante dictis intelligi potest. Sicut enim dominos rerum, quarum jactu navis levata est, æquissimum est, partem recuperare ab aliis, quorum res jactu servatæ sunt: ita qui onere omnibus civibus debito onerati sunt, merito sublevantur à reliquis, quos in societatem ut effectus fructusque, ita oneris, ratio civilis ordinis vocat. Debetque hæc compensatio fieri usque



usque ad partem, quam pro virili debebat contribuere in publicum nomen, qui totum onus sustinuit. In qua refides civitatis ita sancte versari debet, ut, si hoc tempore forsitan impar huic præstationi civitas videbitur, in futurum obligata ad compensationem maneat. *Quandocumque enim copia suppetet, exferet sese quasi sopita obligatio*, ut recte Grotius animadvertit. Ita in obsidibus quoque, *civitas aut ejus rector tenebitur illud incommodum, ei qui patitur, aut proximo repensare.* eodem annotante.

I.B. 3, 20, 7.

3, 20, 52.

Est tamen, ubi compensatio, per rei naturam locum non habet. ut in cæsis hosti provinciis. Ita caute Grotius in explicando Dominio eminente, compensationem requisivit ex communi faciendam ei, qui suum amisit, *si fieri potest.*

2, 14, 7.

Temperamento Dominiî eminentis intrinseco, de quo egimus, accedunt & alia; quæ regulis officii, æquitatis, prudentiæ, modestiæ debentur; quando vel exercetur hoc jus, vel de eo exercendo consultatur. Conscientia enim est, præsertim Christiano more erudita, quæ rectores civitatum eorumque consiliarios interpellat; ne abuti tam sancto salutis publicæ expediendæ remedio in animum inducant; ne præpropere, ne temere aut avide in hoc negotio versentur: ut cavillationibus eorum, qui ubique ad extraordinaria & subsidiaria, nec ordine, nec jure viam affectant, aures occludant: ut, quæ tractatur dura, à tractabilioribus probe distinguant: ut à dominationis herilis, de qua hic nihil agitur, propositis animum deflectant. Quanquam ne herili quidem imperio intentos ratio deficiet, quæ ad moderationem ducat. Prudentia autem, etiam ubi jus fundatum est, considerabit tempora, animos, fata; adeoque quid factum infectumque velit, eliget: nec in præsens modo rem conficere, sed in longinquum disponere cupiet. Modestiæ denique pulcherrimum opus in eo versabitur, si persuasisse magis quam imperasse civibus, quæ dura sunt, videberis: si non verborum modo comitate, sed constanti fide civilem ac

Ooooo 3

æqua-



æquabilem animum iis, qui publico nomine jacturam faciunt, approbaveris.

*Apud M. Sen.  
contr. IV. 26.*

*Grot. I. B. 2,  
24. 6.*

Omnino enim bona fide summa potestas, vel compensationem civibus, si non statim repræsentari potest, vel pactionem exteris, ad quam dominii eminentis ope perfectum est, præstabit. neque necessitatis imperio, cujus ad salutem expediendam valuit auctoritas, ad cavillanda, quæ acta sunt, utetur. Verissime enim hic locum habebit illud prisce Oratoris: *Non est res, ubi aliquid expediendæ rei causa patiendum est, sed ratio.* Redemerit aliquis bellum internecinum, pace, quæ partem ditionum tradiderit. idem scilicet fecerit, quod faciunt, qui partem corporis sui abscindunt, ut reliquum corpus servetur. Nec poterit causari vim sibi adhibitam à paciscente. *Non est enim,* inquit iterum Orator, *admovere vim, aliquid cum certa conditione promittere,* quam nimirum eligis, ut rebus tuis utilem ac necessariam. Quæ præsidia publicæ fidei nisi summo studio conserventur, nulla poterit, procedente in infinitum calumnia, societas consistere.

*A. B. 3, 20, 52.*

In compensatione illud non frustra dictum est, totius civitatis viribus faciendam esse. id quod in natura negotii inesse, satis intelligitur. Si enim vicinorum tantum, aut paucorum civium damno, ceteris non appellatis, resarciretur, quod in usos publicos Dominium eminens insumsit, querelis non injustis locus daretur. Unde ad æqualitatem in hoc toto negotio conservandam, ubi res patitur, & tam in hunc quam in illum dominii eminentis vigor incumbere potest, fors adhibenda videtur. Atque id temperamentum in obsidibus suadet Grotius: *Si plures sint, quorum quis obses eat, Reipublica nihil interfit, danda opera videtur, ut forte res dirimatur.* Sicut autem, ubi non hujus potius quam illius opera aut res, Reipublicæ necessaria est, merito ita quæritur dominio eminenti materia, ut æqualitas juris inter cives præcipue attendatur: ita quando compensandum est, in communi ad onus obligatione, non hic potius quam ille onerandus est. Itaque civitas sæpe bonis universitatis, aut ærario publico utitur

tur ad compensandum: nisi nova exactione aut distributione res plane opus habeat. Qua occasione notanda est ratio eorum, qui genus tributū (ἐπιβολή) vocabant) in Orientali Imperio iniquitatis accusabant. Describunt hoc tributum Simeon Metaphrastes, & Cyrillus Scythopolitanus, & Nicolao Alemanno laudati ad Procopii ἀνέκδοτα, qui & ipse exagitat, non tamen, ut Justiniani demum tempore re-  
 pertum, quod Suidas verba ejus de cetero exscribens, existimavit. Quando pestis & fames, domos & familias hominibus, pagos & villas cultoribus passim vacuaverant; tum ne res ararii deterior fieret in annuis redditibus, decretum est, ut à vicinis exigenterentur tributa eorum, qui interissent. Obtinebat ergo in universo Imperio, ut vicinorum quisque, vicini cujusque pendere tributa cogeretur, sive illos pestis & inopia absumpsisset, sive necessitas sedibus suis emovisset, aut solvendis tributis impares fecisset. Patiebatur hic jacturam ærarium, morte & inopia eorum, qui tributa pendebant: quæritur, unde sarcendum? certe viribus omnium eorum, qui ærario ad usus publicos obligantur, id est, omnium civium. Nemo mihi hic dicat, Domini eminentis arbitrio (cujus rationes alias sibi accommodare res tributaria solet) in vicinorum prædiorum possessores hoc onus inclinari posse. Fac enim, hanc regionem peste fameque vastatam, alias intactas esse in eodem imperio. Cur afflictæ illi regioni onus imponendum est supplendi ærarii, præteritis florentibus? Ita quidem de hoc genere tributū, (ἐπιβολή) scriptores ante nominati loquuntur, cujus repertor Marinus quidam Syrus putatur, quodque apud Justinum Imperatorem, Sabam, apud Justinianum, Eusebium Presbyterum, deprecatos memorant, ne ecclesiæ pendere cogerentur. Ex Novellis autem facile mitiora colligas, de ἐπιβολῇ, quantum ad ἐκτέλεσιν καὶ ὁμολογίαν conserva & contributaria prædia, ut reddunt, attinet. Considerari interim meretur, quod superindicti nomen (quoniam hæc ipsa ἐπιβολή, quæ Græcis describitur, sed laxius adeoque minus definita invidia, extraordinaria indictio notabatur) quasi tyrannidis quandam speciem haberet, Imperatores Honor. & Theod. sustulerant, sed hæc

p. 100. &amp;

101.

Voc. ἐπιβολή.

Novell. 128. &amp;

c. 7. &amp; 8.

l. 1. c. de in-

in d. d. 2. 17.

in transitu. Quanquam alias, ut ante cœpimus dicere, in materia vestigalium & tributorum, haud raro sit respiciendum ad dominium eminens, ut quando de pecuniis, quas etiam ab invitis civibus opulentioribus mutuas exigi, necessitas Reipublicæ suadet, agitur: itemque de usuris eo nomine solvendis aut non solvendis: quæque alia sunt ejus generis.

1332. Etiam cum de oppignoranda aut vendenda parte civitatis quæritur, ut ærario subveniatur, aut necessitates Reipublicæ expediantur, ab hac philosophia aliquod præsidium peti videmus. Concurrunt plura in historia Borealli, de Scania, Hallandia, Bleckingia, Lystris & Huena, quas primum Dani, angustis domi rebus, Johanni Holfatiæ Comiti pignori obligaverant. Postea cum extremo Holfatorum jugo fatigatæ illæ provincie, ad libertatem aspirarent, Regisque Sueciæ Magni opem respicerent, Comes Johannes videns se tanto adversario haudquaquam parem futurum (refero verba Isacii Pontani) extemplo, quod dicitur, necessitatem in virtutem vertens, quicquid è Scania, Hallandia, Bleckingia & Lystris sibi obaratum habebat, id venditione cum Sueonibus habita, acceptis 70000. argenti puri marcis, Magno in totum transtulit, postquam summa cum vi & violentia triennium circiter id ipsum tenuisset. Duplex hic titulus occurrit: primum, quo pars civitatis à corpore discedit necessitate compulsæ, dum aliter servari non potest; deinde venditio. Priori majorem auctoritatem videtur tribuere Historicus, cum de utroque subjicit: *Varie exinde super ea disceptatum venditione, quæsitumque, an ei, qui tantum oppignoratam regionem teneret, ejus abalienandæ potestas esset: quamvis Sueci non ea tantum cum Holfato transactione, sed etiam literis indigenarum niterentur.* quas & postea agnoscit Historicus. Hactenus alio pertinebit, quod & se in fidem Suecorum illæ provincie dederunt, & Comes Holfatiæ suum, quod habuit, jus Suecis vendidit. Accessit Regis Regnique Daniæ auctoritas, confirmatis, quantâ fieri potuit solennitate, quæ acta erant. Id quod conventio Regum Regnorumq; Sueciæ & Daniæ abunde testatur, literis publicis quas

*Hist. Dan.*  
*lib. 7. p. 455.*

*Crot. 2. 6. 5.*  
*Pontan. lib. 7.*

quas refert Historicus Danus in rebus Woldemari III. illis verbis : Item volumus, & firmiter statuimus, ut omnes ac singula placitationes & literæ, per dictum Dominum Regem ( Woldemarum ) & quoscunque alios, nobis datæ aut nobiscum habitæ, super terris Scania, Hallandia, Bleckingia, Lyfter & insula Huan, in suo pleno vigore & robore, per hanc nostram placitationem & finalem concordiam, in nullo penitus diminuta vel debilitata, sed potius redintegrata & de novo roborata ac firma sint, ac in perpetuum stare debeant & durare. Hic nova juris præscriptio observatur, quando Dania, necessario suo tempore, oppignoratiss primo provinciis, subinde in solidum cessit, repetitisque pactis, Suecorum possessionem & jus firmavit. Secuta sunt tempora, quibus Regno Sueciæ, per vitia Regis, in factiones scisso, ad periculosa auxilia conversus Magnus ille, Waldemari blandimentis, quibus & minæ miscebantur, in Scania pellectus, inconsultis pactorum superiorum, qui constituti erant, custodibus, reddidit Danis provincias illas, una cum literis pactiorum superiorum. In qua re notanda, miretur aliquis, verbosius agere solitum Historicum, tam festinanter pergere. — *Recepit* Woldemarus ( inquit ) *haud multo post volente atque assentiente Rege Suecorum Magno, quæ intacta adhuc supererant, Scania, Bleckingiaque munitiones ac castra : similiter & literas idem Magnus Woldemaro traditas assignavit, quibus Johannes Holsatia Comes Scaniam sibi oppignoratam Suecis vendiderat, tum & eas, quibus Scania Proceres Regem Suecorum, ut Principem suum inaugurarunt. Cur hic omisit literas Danicas ipsius Woldemari & Senatorum, itidem redditas Woldemaro ? nisi velit, contra suam ipse Historiam, in dubio relinquere consensum Daniæ. Sinceriora sunt, quæ sequuntur : Sueci hoc nomine Magnum detestati cum cognomento Sneek per convivium vocitarunt, quod se deliniri & blandis persuasionibus ad iniquas & turpes condiciones induci permisisset. Et quidem in re minime jam suæ potestatis. Finge enim Magnum voluisse, obtentui sumere, necessitudinem Reipublicæ & præsidium à Dominio eminenti petutum : Frustra. hoc enim jus abdicaverat, aut certe commune sibi fecerat cum fidejussoribus & compromisso-*

*Is. Pontan.  
lib. 8. pag.  
468. & seqq.  
a. 1343.*

*Vid. Eric.  
Upsalens.*

*Pontan. lib.  
8. p. 490.*

Ppppp

ribus,

ribus, in superiori pactione: *Pontano* quoque verbo tenus relata. Quid? quod in tanta Reipubl. perturbatione, Danis, contra consuetudinem paciscendi illis gentibus usitatam, partium in Suecia contendendum una, jus firmum dare non potuit? Unde postea de hac alienatione inter Sueones & Danos armis scriptisque varie disceptatum est. illis jus sibi integrum reservantibus; his quocunque acquisitionis titulo, & tandem longeva possessione nitentibus. Adi Clariss. Virum *Joh. Loccenium*, cujus hæc verba sunt, qui amplius de jure hujus traditionis disputat. Quam disputationem nunc quidem nostram non facimus.

*Hist. Suec.  
lib. 3. in ann.  
1360.*

Quare ut aliquid dominii eminentis auctoritate interposita ad alios valide transferatur, cautionibus variis locum dari videmus. In quibus securitatis præstatio non omissa in *Instrumento pacis*. Illa securitas in mixto Reipublicæ statu, rectissime ad partes corporis ita refertur, ut, si Statuum unus aut plures, quicunque denique Imperii confors, discesserit à pactione, à ceteris coërceatur. In simplici autem Republica, neque consultum est ita statuere, ut, si in Aristocratia vera, Optimates non servant conventiona, à populo coërceantur: neque Regiam formulam in Regno sapit, si dictum est; quandocunque Rex aut ejus successores contravenerint iis, quæ acta sunt, tum Senatores aut ordines hostiliter se iis opponere possint ac debeant. Quam formulam alicubi obtinuisse scimus. Est & alius modus securitatis præstandæ, quando arbitri adhibiti, aut tanquam executores, paciscentium consensu adsciti exteri, adversum violatores conventorum, parti læsæ auxilium & arma spondent.

*Art. 10. §.  
Ex solvit de  
aigue.*

Pertinere quodammodo huc videtur & illa quæstio de certamine singulari, non tamen omni: sed quando summa potestas præcipit uni aut paucis, ut controversiam publicam armis discernant. Armis enim tueri civitatem & civitatis lites, quæ judicio terminari nequeunt, ad omnes pertinet. Hinc dubitari potest, quo jure in unum aut paucos transferatur, quod est omnium. Nihil ergo dicunt, qui putant nihil interesse, unius paucorumve, an

*Vid. Bodin. de  
Repub. 4. 7.*

*multo-*

multorum opera civitas utatur, ubi de summa belli agitur. Quæ omnino temere in paucorum manus resignatur. Neque tantam vim, quantam speciem habet, quod vulgo fertur; de parsimonia humani sanguinis, & mittendis in compendium belli calamitatibus. Quis enim non videt, satius esse, vel multorum interitu & calamitatibus redimi libertatem civitatis, quæ talibus duellis simul & semel perdi potest: cum ex diverso, post plures etiam clades, reparari fortuna queat? Temperari ergo solent ejusmodi historiæ, in quibus non est nulla suspecta: vel quod deposcunt certamen potius, quam jubentur, pugnatores; vel quod ad mores temporum magis quam ad certam juris rationem referantur pugnæ. Sic in certamine inter Turnum & Æneam destinato, deliberatur quidem, an Turno imperari debeat singularis dimicatio cum Ænea, qui summus ipse Dux obtulerat arbitrium pugnæ: sed Rex Latinus dissuadet Turno discrimen, nulla justæ causæ fiducia ineundum. Atque ita abest summæ potestatis auctoritas. Non ex vero itaque, sed figura adjuvat suam causam Turnus, cum inquit apud Poëtam:

*Græc. 2, 10, 10.*

— *Vobis animam hanc, soceroque Latino  
Devoveo.*

*Virgil. Æn. 11.*

Qui autem partes Turni tuentur, iniquam conditionem arguunt:

*Non pudet, ô Rutuli, cunctis pro talibus unam  
Obsecrare animam?*

*Æneid. 12.*

Quod si utraque pars litigans civitati subest, tum vero nullo modo decuerit, hæc sacra regni (taliam enim sunt omnia jura majestatis) in privatas manus tradere: officioque judicandi, quod publicum Deus esse voluit, privata per arbitria defungi. Notum est gravissimum judicium *Ibuan* de Henrico II. Gall. R. qui certamen singulare Vido Cabotio Jarnaco & Francisco Vivono Castaneo, civibus suis, permissum, magno theatro spectaverat. Sed hoc genus duellorum alterius est loci: neque hic nisi ex occasione tangi potuit. Quin &, si prius illud genus, alio referre maluerit quispiam, non habebit nos adversarios.

*lib. 3. hist. p.  
95. adde ro-  
tam feriem  
res in Theatro  
Honoris, de-  
scriptam Gal-  
licæ.*

Ppppp 2

De

De Clericis non opus fuit nobis seorsum agere. Quæ enim de civibus & partibus civitatis diximus de necessitate publica, non patiuntur restringi dominium eminens. Quæ autem sunt privilegia & jura certis hominibus & ordinibus concessa lege civili, ne contra necessitates Reipub, valeant, legislatoris potestas ultro præstat: dum vel tacite summam legem publicæ salutis & necessitatis ubique exceptam vult intelligi; vel interpretatione aperta expedit, quæ obstant. Neque repetenda sunt, quæ alii de subjectione & emtione clericorum inquisiverunt. Nisi quod in quæstione consilii, quotiens à jure distinguitur, libenter & sedulo eliguntur, quæ ad favorem ordinis, & moderationem faciunt.

In toto quippe hoc argumento, sicut antea monuimus, nihil est negligendum, quod officii, caritatis, boni moris observantia dicat. Ut de durioribus, aut odiosis, quam fieri potest, minimum sumatur. In judicando etiam & scribendo plurimum interest, ignoscas aliquid imperantibus, & necessitatis publicæ sensu humanius ducaris; an directa, ut sic dicam, juris nomina imponas consiliis factisque, ut primum sibi dominii eminentis vocabulum præscripserunt. Fallor, an & illud proderit, si discreveris non obiter, quo naturalis ratio vocet aut ducat; quid in hoc genere gentibus placuerit; quomodo denique legislatio civilis suas cum dominio eminente rationes interdum conferat.

Designata videri jam possit, quamvis rudiori Minerva, hujus loci philosophia, nam & abusus rei tam sanctæ, quæsitæque inde obliquis aut malis artibus ac vassamentis politicis speciosa vocabula, facile ex iis, quæ dicta sunt, dignoveris. unicam adjiciemus annotationem, de voce *Necessitatis*; qua obscure, ambigue, licenter uti, multis inter artes est. Et *necessitati* quidem *simplici ac absoluta* quam vocant, nullum in hoc civili genere locum esse, notius est, quam ut repeti debeat. *Necessitas* autem *cum adjunctione*, ut Cicero appellat, adeoque & *necessitas finis*, quæ hic attenditur, habet utique suos gradus, neque

que enim *ultimus* semper *articulus necessitatis* sumendus est, cum vocabulum hoc auditur. Sed nec inusitatum est, necessaria dicere, quibus tutius certiusque finis obtinetur, in comparatione scilicet, ubi ex adverso constituuntur, quæ finis obtinendi spem objecta periculorum specie infirmant & minuunt. Pertinet porro huc, quod *Plinius* exquisita sententia extulit: *Summa ratio, sapientibus pro necessitate est.* *Epist. 1, 12.* Summa ratio, exempli gratia, quam salus populi postulat, vel ex magna honestate, vel ex magna utilitate, Quanquam enim alias distinguuntur *Utilitas & Necessitas*, utilitas tamen excellens & publica, in rationem necessitatis assumitur, sive utilitati ea æstimatio accedere potest, ut necessaria habenda sit. Præclare *Cicero*: *Summa quidem necessitudo videtur esse honestatis. huic proxima incolumitatis: ter-* *2. de in Gen.* *38.* *ria ac levissima commoditatis: qua cum his nunquam poterit duabus contendere.* Sequitur subinde: *Qua re fieri poterit, ut, cum incolumitati consuluerimus, quod sit in præsentia de honestate delibatum, virtute aliquando & industria recuperetur, incolumitatis ratio videbitur habenda: cum autem id non poterit, honestatis.* Ita in ejusmodi quoque re, cum incolumitati videbimur consulere, vere poterimus dicere, nos honestatis rationem habere, quoniam sine incolumitate eam nullo tempore possumus adipisci. *Qua in re vel concedere alteri, vel ad conditionem alterius descendere, vel in præsentia quiescere, atque aliud tempus expectare oportebit.* Addit: In commoditatis vero ratione, illud attendatur, dignane causa videatur ea, qua ad utilitatem pertinebit, quare aut de magnificencia aut de honestate quiddam derogetur. Neque comparationem omittit: Atque in hoc loco mihi caput illud videtur esse, ut quæramus, quid sit illud, quod si adipisci aut effugere velimus, aliqua res nobis sit necessaria: hoc est, qua sit adjunctio, ut proinde, uti quæque res erit, liboremus, & gravissimam quamque causam, vehementissime necessarium judicemus. Vide etiam, quæ de affectione honestatis & utilitatis addit: unde quædam res ex tempore & ex consilio, non ex natura sua consideratæ, non tales habendæ videntur, quales ante habitæ sunt, aut plerumque haberi

PPPPP 3

solent.



solent. Accurate distinguit *utilitatem* in re civili : quatenus vel ad *incolumitatem* , vel ad *reliquam commoditatem* , gradu non æquali pertinet : & posse tamen fieri ostendit, ut necessitas in utroque genere locum habeat , vel ex natura rei , vel ex temporis & consilii ratione. Sicut autem in nostra materia , levia & minora , & aliunde ad præcipuum finem reflectenda , merito excluduntur ; ita ad tantas angustias redigi non debet summa potestas , ut dominio eminente uti nequeat , nisi in vehementissima necessitate , quæ vim refert. Si enim ne privatorum quidem actus , uno eo soloque necessitatis gradu metiri legislatores & iudices solent : quæ ratio summo imperio tam rigidam legem dici patietur ? Ne tamen in alteram partem licentius evagetur hæc philosophia, facile præstabunt, quas ante indicavimus, moderaminis ac temperamenti regulas.



## XXIX.

De

## ACTIS CIVITATIS.

**D**E eo, quod Civitas egit, quæsitum omni tempore esse, *Philosophus* testatur; neque deducta in hunc diem ignorare nos experientia sinit. *Acta Civitatis* non minus libebit dicere; quàm *acta Principis*, *acta Sylla*, *Cæsaris*, aliorum; qui potestate sibi debita; aut sumpta, auctores actoresque fuerunt rerum, de quibus hoc loquendi genus exaudiendum est. Nam, quod *Actorum* vocabulo commentarios indicare solent, ubi *acta Senatus*, *acta populi*, *acta diurna*, *acta judiciorum* signantur, nostram ad rem nihil nunc attinet.

*Lips. Excurs.  
ad 5. A. Tac.*

Intricavit haud parum nobilissimam disputationem, latè diffusus error, quo plerique, quicquid *Aristoteles* in civili doctrina attingit, non ultra, quàm ipse differit, sibi requirendum existimant: quasi vel absolutæ essent, atque pertractatæ omnes ejusmodi disquisitiones; vel non amplius, quàm exempla fortè assumpta significant, tota argumenti ratio pateret. Quod summo equidem illi viro, qui specimen civilis doctrinæ non corpus, & id ipsum non explanata, sed oblecta ratione voluit exhibere, in mentem nunquam venisse, arbitrari fas est.

Bis proponit hanc dubitationem *Philosophus*: οὐ γὰρ ἀμφισβητοῦσιν, οἱ μὲν φάσκοντες τὴν πόλιν πεπερασμένην εἶναι, οἱ δ' ἔτι τὴν πόλιν, ἀλλὰ τὴν ἀρχὴν, ἢ τὸν τύραννον. Nunc enim de hac re disputant: aliis quidem, civitatem hoc egisse; aliis, non civitatem, sed paucos aut tyrannum egisse dicentibus. Et postea, ἡμεῖς γὰρ τινες, πότε ἢ πόλις ἐπελάττει, καὶ πότε ἢ πόλις. οἷον ὅταν ἐξ ἀρχῆς ἢ τυραννίδος γέννηται δημοκρατία, τότε γὰρ ἔτι τὰ συμβέβηκα ἐνίοι βύλομαι διαλέγειν, ὡς ἔστι τῆς πόλεως; ἀλλὰ

*3. Polit. c. 2.  
C. 2. al. ed.  
1. 2. 3.*

περὶ

τὸς τυράννου λαβίῃ. ἢ τ' ἄλλα πολλὰ τῶν τοιούτων, ὡς ἐνίας τῶν πολιτικῶν τῷ κερθεῖν ἔσας, ἀλλὰ οὐ διὰ τὸ κοινῇ συμφέρον. Qui locus non simplicem habet difficultatem: neque sincerus videtur, quod jam non nemini notatum video. Mireris tamen, quàm securè, & interpretes & commentariorum scriptores, inoffenso scil. pede transcurrant. Cerrè non hærent postrema prioribus. Omissum ergo aliquid fuerit, aut legendum, si eruditis placeat, mutato numero: ὡς ἐνίας τῶν πολιτικῶν τῷ κερθεῖν ἔσας, ἀλλὰ οὐ διὰ τὸ κοινῇ συμφέρον. Uno ostendit exemplo, cùm multa sint, & subtiliter exequenda, ut postea apparebit, quando huic quæstioni locus sit: ubi nimirum populare imperium paucorum dominationi, aut unius tyrannidi successit. quæri enim tum, an pacta conventa ab uno illo aut paucis inita, etiam mutato statu, teneant civitatem sive populum? Atque hic quidem rationem dubitandi adducit. postea autem, in alium locum differt rem totam: 'Εἰ δὲ δίκαιον διαλύειν, ὅταν εἰς ἐπὶ μὴ ἀλλάξῃ πολίτεια ἢ πόλις, λόγῳ ἔτερος. Ita enim acceperim hunc locum, ut in alia hujus generis disputatione paulò ante: εἰς ἄλλαν κερθὲν χρήσιμος ἢ σκέψις. quando nimirum de ejusmodi mutationibus, & quæ inde consequantur, agendum erit. Aliter Grotius: contra quæ non levia sunt, quæ afferri possunt.

de I. B. 2, 9, 3.  
Cl. Felden.  
in *Analys.*  
*Pol. Arist.*  
l. 27. ff. de  
reb. cred.

Sicut nec illos audire hic possumus, qui ad solas res creditas exemplum Aristotelis trahunt, & auctoritate Ulpiani utuntur, in quantum civitas mutui datione obligari possit. Res enim clamat ipsa, per omne argumenti civilis genus, hanc disputationem non modo posse, sed solere produci. Neque frustra adjecerat Philosophus: ἢ τ' ἄλλα πολλὰ τῶν τοιούτων.

Ut taceam, Civitatis appellationem accuratius hic ab Aristotele accipi, de societate perfectâ, & sui juris, rebus ad benè vivendum necessariis instructâ, ordineque imperandi & parendi distinctâ. Non enim verum est, quod multi scribunt, civitatem esse materia instar, cui respublica sit pro anima. Civitas enim significat totum quid: sicut animal significat integram substantiam animatam. Libenter utor verbis doctissimi

fimi *Conringii* : quorum veritas, tum ex infinitis Aristotelis locis, tum ex hac ipsa disputatione, quæ primam libri tertii partem constituit, demonstrari potest. Eodem pleno significandi genere, *Respublica* veteribus dicitur : Nos utroque hic utemur, nihil in partes dissectum, aut aliunde suspensum, sed perfectam, libertatisque & imperii compotem societatem civium intelligemus.

*Introduc. in  
Polit. Ari-  
stot. c. 4. p.  
197.*

Interim præclare est ab *Aristotele* notatum; pendere hanc, de actis à civitate, quæstionem, ab altera illa; *quando civitas eadem, aut alia, sit dicenda?* "Εἰκε ὃ οἰκεῖος ὁ λόγος εἶναι τῆς ἀπορίας ταύτης, πῶς ποτε χρὴ λέγειν τὴν πόλιν εἶναι τὴν αὐτὴν, ἢ μὴ τὴν αὐτὴν, ἀλλ' ὅτι ἐστιν. Verum, quemadmodum ista se invicem juvent illustrentque, in ipsa suscepti argumenti designatione cognoscetur: ad quam, præmissis, quæ videbantur viam patefactura, contendendum est.

Quoniam ergo, uti dictum est, Civitatem nunquam hic de multitudine, quæ nihil aliud, quàm multitudo est, sine ordine & spiritu illo, unde perfectio societatis hujus unice repetenda intelligitur, accipimus; satis apparet, id demum Civitatem egisse, quod à constituto semel statu, tanquam à causa, proficiscitur: sicut in singulari imperio, is qui jure regio est; in Aristocratia, optimates; in populari imperio, populus; in mixto statu, pro ratione & portione summæ potestatis participandæ, qui consortes sunt Imperii, civitatis jure & vi agere dicuntur. Etiam tùm, cum per legatos & curatores, tanquam publici hujus juris ministros, in quantum ejus rei idonea est significatio facta, res geritur.

Valente igitur, ut institutus est, statu, vix locus esse videatur huic dubitationi, an Civitas egerit: nec esset forte, si æqualius se res humanæ & constantius haberent; aut doctrina civilis decretis potius sapientiæ, quàm opinionione hominum ac libidine, semper vigeret. Verùm, quàm non sint levis momenti, quæ hîc quoque disputantur, postea cognoscetur.

Conspectiora interim sunt, quæ mutato statu dubi-

Q9999

tantur.

tantur. Quare & *Aristoteles*, tantâ necessitudine, nostrâ quæstioni, illam alteram devinxit : *quando sit eadem civitas dicenda, aut alia?* Obsequimur hætenus *Philosopho*, ut mutationes, quæ civitatibus eveniunt, paulo subtilius persequamur, & ad singulas partes, exempla susceptæ disputationis subjiciamus.

Mutationes autem accidunt, *alia* quidem civitate manente eadem : *aliis* efficitur, ut civitas non sit eadem : rursum *aliis*, ut non sit civitas, sive ut desinat esse civitas.

3. *polit.* 2.

In primo genere mutationum, occurrit dubitatio *Aristotelica* ; an *mutatâ reipublicæ formâ*, eadem sit dicenda civitas ? si regnum migrasset in Aristocratiam ; hæc in popularem statum, & sic per omnes, quæ fieri possunt ad hunc modum, mutationes. Responsum *Aristotelis*, quod *mutatâ Reip. formâ*, non eadem sed *alia* sit dicenda civitas, securè arripiunt adornantque Interpretes : obliti, ut arbitror, formas, de quibus *Philosophus* loquitur, *accidentales* esse ; civitatem autem, ut eadem sit, non debere *Monarchiæ*, *Aristocratix*, & sic deinceps ; sed *essentiali formæ*, i. e. ordini imperandi & parendi, sive imperio, sive Majestati ( eodem enim hæc recidunt ) nondum ira considerata, ut in uno aut pluribus existit. Quod discrimen neglectum, omnem hunc locum tricus implevit. Contra *Aristotelem* *Hugo Grotius* rectè quidem pronuntiavit, eandem esse civitatem Romanam sub regibus, Consulibus, Imperatoribus ; neque referre ad hanc quæstionem ; quomodo gubernetur civitas, regione, an plurium, an multitudinis imperio : Sed distinctio, quæ subjicitur, vel idem dicit, quod paulo ante diximus ; atque tum omnino clarius debuisset proponi ; vel difficultatem difficultate sanare instituit ; sicut in sequentibus, de *diversa Jureconsulti & Politici consideratione*, non immeritò conqueritur *Cl. Feldenus*.

6. *B.* 2, 9, 1.

Locus fuit huic deliberationi, cum expulsis Roma Regibus, forma civitatis mutata esset. Ibi enim quidam populi pacem & fœdera cum Romanis, adhuc sub regno agentibus, facta, non servari oportere censebant iisdem in libertate constitutis. Quæ res cum in Sabinis etiam agita-

retur,

retur, repertus est Claudius prudentiæ & fidei laude præstantissimus vir, qui tam importuna censentes coarguit, idemque foedus ac cum iisdem factum vim suam merito obtinere ostendit, ut auctor est Dionysius Halicarnassensis.

lib. 3.

Aristotelis exemplum hoc est: Si civitas ex tyrannide, aut oligarchia, in libertatem & populare imperium pervenerit, an tum συβόλαια pacta conventa, sed & alia tyranni, aut paucorum dominantium acta, servare oporteat civitatem liberam? qui negabant, his rationibus utebantur: primo, quæ tyrannus, aut pauci illi egerunt; non egit civitas, quæ tantum ex facto suo obligatur: Quod si quis hic respondisset, etiam tali statu, ubi unius aut paucorum dominatio obtineret, esse civitatem, neque nisi ejus nomine censei acta ejuscemodi oportere: hoc illi negatum ibant, & civitatis rationem hoc sine scrminabant, si ad communem omnium utilitatem omnia referrentur: ubi aliter sit, non jus, non nomen reipublicæ, sed vim solum & potestatem superesse, contendentes. Quæ interpretatio Aristotelici loci, præsertim exemplo Tyrannidis & Oligarchiæ convenit, quæ aded & timebant & despiciebant Græci, ut reipublicæ aut civitatis nomine, statum talem non dignarentur. Libertatis enim, & popularis imperii studiosæ nationi, non aliunde, quàm ab isto duplici genere periculum videbatur imminere. Nam quod doctissimus Piccartus putat, hoc eos velle, quasi in tali civitate in Comm. respublica gemina viderentur, una qua proprium spectaret commodum & suum, scilicet Tyranni & Oligarchicorum; altera qua commune commodum haberet, popularis videlicet; huiusque tantum, non illius acta pro ratis habenda: stare non potest, aut verbis Philosophi, non distortis, convenire. Et de prima quidem illa ratione, quàm non sentiat magnificè Philosophus, ex multis Politicorum locis abunde demonstratur. Altera igitur ratio, qua nitebantur illi disputatores, hæc videtur esse: Etiam si concederetur civitatem id egisse, quod in Tyrannide aut Oligarchia actum est, à Democratia tamen, quæ successit, exigi non potest, ut servetur. alia enim jam est civitas: à qua repositi non debet, quod alia egit. Non rejicit prorsus & statim Aristoteles, quod de alia civitate allatum erat: sed quomodo

in Comm.  
tar. Polit.  
Aristot. 33.

illa ratio soleat ac possit declarari, amplius ostendit. Id tamen non obscure declarat, neutra ratione obtineri, quod illi velint. Primæ enim rationi facile opponi, quod repugnet, exemplum posse: *Non est civitas, aut non egit civitas, ubi non referuntur omnia ad communem utilitatem.* Annon enim in *Democratia* quoque hoc accidere potest? Si ergo *Democratia* τῷ neglectῷ ἔσται, ἀλλ' ἔτι διὰ τὸ κοινὴν συμφέρον, aliquid egerit, an negabunt, civitatem egisse? quod utique optimates, aut quicunque successerint, in tali causa, ambabus manibus apprehenderint. In altera ratione, etiamsi largiretur aliquis, non esse eandem civitatem, ab hac mutatione (quod tamen accuratè loquentes nunquam dederint, ut ante dictum est) conventiones tamen servandas esse, de quibus hic quæritur, alibi & aliunde ostendi posse, non obscure Philosophus indicat. Quærunt itaque Interpretes: unde hoc demonstrari queat? Et alii quidem alia afferunt; exemplisque utuntur interdum, parum huc pertinentibus. Liceat & mihi expromere, quod sentio. Omnino hîc distinguere oportet, quæ cum alia civitate Tyrannus aut pauci egerint, & quæ in sua civitate constituerint. In hæc enim civitati plus juris esse, quam in illa, dubio carere, arbitror. Pactum conventum erat τῶν τετακτομένων sive eorum, qui oligarchiam Athenis gerebant, cum Lacedæmoniis, de pecuniis creditis. Nam triginta illi, in quorum manu respublica erat, pecunias publico nomine sumserant à Lacedæmoniorum civitate mutuas. Interint accidit mutatio, qualem *Aristoteles* ponit: ut à paucorum potestate ad populum recideret respublica. Reposcebant Lacedæmonii per legatos pecuniam, jure merito. obtendere poterant Athenienses mutationem civitatis, facinora triginta virorum, & expetendas ab ipsis pœnas. id quod in ἡμετέρας ἀποκρίσεις exceptum & reservatum erat. neque adeo defuerunt, qui dicerent, à triginta viris, qui his pecuniis contra cives in Piræo usi erant, repetendum hoc nomen. Alii autem de communi civitatis exsolvi, æquum censebant. atque horum valuit sententia apud Athenienses. Judica-  
runt

runt enim, hæc pacta conventa, non civili lege aut formulis tantum tuenda, sed ipso naturæ dictatu, ad immobiles magnæ illius & infinitæ societatis humani generis leges exigenda esse. Fidem enim fundamentum universæ justitiæ, non tam in hoc aut illo cœtu, quàm in civitate humani generis, habendum. Neque aliud in animo Demosthenes habuit, cum hoc factum laudat: *οἱ αὖτε τὸν δῆμον ἐλέσθαι σωσιστενέειν αὐτὸν καὶ μεταχέειν τῆς δαπάνης, ὥστε μὴ λῦσαι τῶν ὁμολογημένων μηδέν.* *erat, contra Leporem,* Ferunt, populum maluisse per se conferre impensis, quàm de pactis conventis quicquam non impleri. Et mox Athenienses alloquens: *τότε μὲν τοῖς ἡδικοῦσιν ὑμᾶς ὑπὲρ τοῦ μὴ ψεύσασθαι τὰ χρέματα ταῦτα εἰσφέρειν ἡδελήσασθαι.* Et tum quidem etiam illis, qui injurii in vos fuerunt, pecunias illas conferre voluistis, ne quid de rerum conventarum fide deperiret.

Atque hæc ratio valeret, etiamsi revera alia facta esset civitas: quoad externos. Fingamus enim, civitatem aliquam redactam esse in formam provinciæ, i.e. non mansisse eandem civitatem, sed factam esse partem alterius. Illam autem, cum adhuc libera esset, mutuas accepisse aliunde pecunias. An propterea ad novas tabulas confugiet, quia jam non est eadem, quæ fuit, civitas; imo ne civitas quidem, sed pars alterius civitatis? Nunquam dixero. Fides enim rerum creditarum non jam civili, sed humano jure nititur: neque civili confociatione tolli potest id, quo efficitur, ut civile & sociale sit, quicquid hoc nomine censetur.

Ita in altero exemplo Aristotelico, egerit Tyrannus cum externa civitate de auxiliis adversus communem hostem, æqua ex parte conferendis; dederit ei partem agri ex hostibus capti, præmium fidei & operæ; aut venderit: nullo jure populus libertati, excusâ tyrannide, restitutus hæc ad irritum cadere concupiscet. Præterquam enim, quod aliter agendi cum civitate nulla facultas erat, civitatis semper, præsertim à tyrannide liberatæ, ea voluntas esse debet, ne alii sua causa careant ullo jure debito. Quid, si spolia civibus oppressis per injuriam erepta

Q9999 3

Ty-



Tyrannus extorſitne civitati venum dederit? Tum verò, ſi ſcientes emerunt, ſuam in eo culpam agnoſcant fas eſt, æquoque animo careant illis, quæ nec vendi nec emi ſine injuria poſſunt. Etiam, ſi imprudenter emerunt, valeatque hic, latius quàm ibi dicitur pertinens, *Æmilii Lepidi Conſulis ſententia*: *Ille qua tum formidine mercatus ſum, pretio ſoluto, jure; dominis tamen reſtituo: neque pati conſilium eſt, ullam ex civibus pecuniam eſſe.* Quod jure ſe mercatum ait, ad conſuetudinem & opinionem temporis, qua tum res agitantur, ſpectat. Nam vero jure, quod non pro ſtatu & temporibus civitatis alicujus, quomodocunque decernitur, ſed eo, quod juſtum eſt, definitur, nec emi nec vendi talia poſſe, jam diximus. Pertinetque huc locus memorabilis apud *Tacitum*, ubi lacerato tyrannide imperio, *ſtultiſſimus* quiſque pecunia mercabatur. apud ſapientes caſſa habebantur, qua neque dari, neque accipi, ſalva rep poterant. Quam æquitatem, ſi nolit emptor rei alienæ ſponte amplecti; quin repeti injuſte translata queant, nihil obſtare videtur, niſi quod cum eo, qui bona fide in hoc negotio verſatus eſt, ſummo jure agere, durum fuerit. inde varia videmus bene moratis populis temperamenta placuiſſe.

In hac de actis Tyrannorum quaſtione, etiam illud probe conſiderandum eſt, egeritne Tyrannus ſuo unius arbitrio, neminis requiſito conſilio, neminis auctoritate adhibita; an ſenatus populusque, ſuis quibuſdam propoſitis, privatam ſæpius quam publicam rem ſpectantibus, ultro, quod unus ille voluit, decreverit, ſciveritque. Tum enim externis fraudi ille error eſſe non debet. Jam ipſa Tyranni conditio non eſt uniuſmodi. Longe aliter enim ſe habent illa, quæ facit, ſola vi pro jure utens, & in republica pro lubitu graſſans; &, quæ facit confirmata jam, utcunque adeptâ, poteſtate, ac interpoſitis totius civitatis decretis, pactisque. Quod qui in cauſſa *Julii Cæſaris* inſuper habuerunt, non unis involuti ſunt difficultatibus. Sed præmittemus exemplum *Sullæ*. De cujus actis notabile eſt *Flori* judicium: *Cupidus rerum novarum per inſolentiam Lepidus, acta tanti viri ( Syllæ ) reſcindere parabat:*

nec

*Æm. lib. i.*  
*Fl. lib.*

3. H. 35.

lib. 3. c. 22.

net immeritò, si tamen posset sine magna clade reipublica. Nam cum jure belli Sylla dictator proscripsisset inimicos; qui supererant, revocante Lepido, quid aliud quàm ad bellum vocabantur; cumque damnatorum civium bona, addicente Sylla, quamvis male capta, jure tamen, repetitio eorum procul dubio laesabat compositam civitatem. Expediebat ergo quasi agra sauciaque reipublica requiescere quomodocunque, ne vulnera curatione ipsa rescinderentur. Quod de jure belli hic dicitur, ex vulgi opinione, & ita capiendum est: quando res semel ad arma deducta est, tùm victis patienda sunt, quaecunque victori collibitum est facere, id enim jus victoriæ, & belli statuitur. Quo sensu Sallustius: L. Sulla, cui omnia in victoriâ lege belli licuerant, tamen si Sulpitio hostium partes muniri intelligebat; tamen paucis interfecit, ceteros beneficio, quàm metu retinere maluit. Accuratori judicio, hoc jus belli, sine temperamenti æquitatis, summa injuria habetur: præsertim in bello civili, ubi

orat. 2. de  
rep. ordin.

*Quemque sua rapiunt scelerata in praelia caussæ.*

Hinc Cicero vere de Sulla: quod honestam causam secuta sit 2. de offic. 8. non honesta victoriâ; quod summa ejus in cives crudelitas fuerit: quod Sulla pecuniarum translatio à justis dominis ad alienos, in- 1. de offic. 14. 2, 28. justa fuerit. Vellejus immodica crudelitatis licentiâ usum testatur, multasque indignitates proscriptionis & victoriæ recenset. Similia apud Plutarchum legas, & alios. Quare in Syll. Florus, meritò rescindi potuisse, judicat, acta Syllæ: nisi quod consultum id mini ve fuerit, & turbide à Lepido tentatum. Quo pacto à quæstione consilii, ad juris rationem reducitur negotium, quatenus injustum censetur, etiam cum clade & exitio patriæ, jus persequi. Temporis enim tanta vis est, ut commutare interdum officii regulas videatur.

In Julii Cæsaris exemplo eodem genere philosophandi utuntur: distinguentes insuper acta rationi consentanea, & reipublicæ utilia, à præcipitiis & pravis. Quam enim Ciceroni perabsurdum primo videbatur,

Ep. ad Attic.  
14. 6. 7. 9. 8. 12.

*Phil. 1. 7.**Phil. 1. 9.**Phil. 2. 39.**lib. 44.**lib. 4. 22.*

volubros in cælo esse, tyranni facta defendi; & esse, qui, dum se pacem velle simulant, acta nefaria defenderent: aliter tamen in Senatu loquitur. Acta, inquit, *Cæsaris servanda censeo: non quo probem (quis enim id quidem potest?) Sed quia rationem habendam maxime arbitror pacis & otii.* Inter acta subinde, leges quasdam ejus laudat: *Chirographa autem quædam, & memoria causa in libellum relata, in actis numeranda non esse ostendit.* Cumque iterum de legibus locutus esset, *quæ quidem ego, inquit, qui illa nunquam probavi, ita conservanda concordia causa arbitratus sum, ut non modo, quas vivus Cæsar leges tulisset, infirmandas hoc tempore non putarem; sed ne illas quidem, quas post mortem Cæsaris prolatas, & fixas videtis.* Subjecta iterum suspicione de auctoritate unius viri, qui varia obtentu hujus nonjinis domo afferret. Et clarius: *Acta Cæsaris pacis causa confirmata sunt à Senatu: quæ quidem Cæsar egisset, non ea, quæ Cæsarem egisse dixisset Antonius.* Sed in hac re præteritur à Cicerone, quod huc maxime facit. Non enim poterant hic acta Cæsaris, ut tyranni, actis a civitate opponi. Tyrannidis enim æstimatio à Senatu Populoque Romano sublata erat, tot honorificis decretis, quæ Cæsaris partam quomodocunque potestatem ex tyrannica justam redigerent: cum præsertim hoc quoque inter ea statuissem, *τὰ περὶ δημοκρατίας ἀποφάσεις εἶναι, quacunque acturus esset, rata fore, i. e. ejus acta pro actis civitatis habitum iri, apud Dionem.* Cujus verbi quanta vis sit, quanta sententia, vel inde constat, quod in acta Principum jurare, nihil aliud esset, quam singularis Imperii nota & pignus. mansitque veneratio nominis Juliani, unde monarchia, Cæsarea initium traxit, ut etiam infecutis temporibus solenne esset, in acta divi Augusti, & divi Julii jurare, sicut ex Tacito discimus. Frustra hic exceperis: illa omnia Cæsari tributa partim adulatione, partim caliditate, ut invidiæ objiceretur, denique vel necessitate. Hæc enim omnia accusant eos, qui fecerunt, non excusant: neque sacramentis, ut talis, licet ludere: &, si qua necessitas suberat, eam ipsi ultro sibi acciverunt, qui postea de illa questi sunt. Imposuerunt uni civitatis personam

sonam, quocunque animo, publicæ profecto fidei pignoribus; illudque suum iudicium, necessitudine fortè rei publicæ, confirmarunt. pœnituit hujus iudicii non alios, quam æmulos & altiora spirantes, sibi que ad eadem, quæ in Cæsare damnabant, viam molientes. Hæc pœnitenda pœnitentia paucorum, efficere utique non potuit, ut acta civitatis non essent habenda, quæ civitas tota, cum se unius arbitrio permetteret, agnovit prædicavitque.

Neque hic *Ciceronis* auctoritate ad eorum sententiam *9. offic. 6.* stabiliendam utendum est, qui putant fidem quoque tyrannis datam, & pactiones interpositas, violari sine injuria posse. Quos merito *Grotius* refellit. *Cicero* autem ipse, *I. B. 3, 19, 21* quod alibi monuimus, incautius Græcorum adversus tyrannos opiniones subinde jactitat: à quibus tamen se Romani, etiam in exercitationibus oratoriis, removerunt. *Et seq. confer. 2, 13, 13.* Illustris locus est *Marci Senecæ Rhetoris*: Græcorum improbam *Controv. lib. 1, c. 7.* questionem satis erit in ejusmodi controversiis semel aut iterum annotasse; An in tyrannicidam uti pater hac lege possit, quasi enim sacras & publicas (tyrannicida) manus esse: in quas ne pirata quidem licere quicquam putant. Nostri hoc genus questionis submoverunt. Cujus improbitatis specimen etiam alter tyrannicida adulter edit: non putavi adulterium, uxorem tyranni polluere. Et hic quidem fortuitum, occasione deprehensi adulterii tyrannicidium occurrit. Alibi adulterium tyrannicidii causa patratum, in jus vocandum negatur: τὸν γὰρ τυραννοῦ γυναικα διαφθείροντα καὶ διὰ τὴν τοιαύτην μοιχείαν δυνάμει ἀνελεῖν τὸν τύραννον, καὶ ἐλευθερώσαντα τὴν πόλιν ἔλκειν εἰς εὐδύναν, πῶς ἂν τις διημαρτημένον δίκαιον εἴποι; Qui error non debuit admitti à *Michaelē Ephesio*; hoc obtentu; quasi legislator, *in lib. 5. Ecl. Arist.* si casum talem prævidisset, cum hac adjectione scripturus fuerit legem: δὲ πάσης ἀλλοτρίας γυναικὸς ἀπέχεσθαι πλὴν τῆς τοῦ τυραννοῦ. εἰ μέλλει διὰ τῆς τοιαύτης μίξεως ἢ πόλιν ἐλευθερώσει. Non enim ita scripturus unquam fuerit legem bonus legislator, cujus gravitas longe differt à causidici instituto, qui in confesso facinore rei, aliquando opponit ἑτερόν τι *Hermogen. περὶ τῶν σάφ.* ἐνεργῆμα μᾶλλον δι' αὐτὸ τὸ ἀδικήματι πεπεσμένον.

Sed & legibus de tyrannicidio latis, impedimentum

Rrrrr

afic-

*Tac. 4. H. 67.*

*Grot. I. B.  
2. 24. 6.*

afferunt subsecutæ pactioes civitatis cum tyranno. Nam & lex civitatis, & pactio civitatis, est ab una voluntate. quæ contraria sibi esse nec debet, nec creditur. quo fit, ut posterior significatio voluntatis tollat & minuat priorem. Neque hic potest objici: Civitatis à tyranno oppressæ non esse liberam & integram voluntatem. Præterquam enim quod vis adhibita, non verbo, sed rebus demonstranda est; & quidem tempore pactiois: exempla pleraque, ubi huic quæstioni locus est, consensum haud obscurum aut per ambages ostendunt. Potest & simili deliberatione res declarari, quando agitur: *Libertas an pax placeat?* Et spectetur sanè, quod multis placuit, tyrannus, ut hostis reipublicæ, consequatur ergò eadem jura, quæ hostis. cum hoste dirempta censentur humanæ sortis commercia. At, ubi primum cum eo incipimus agere aut pacisci, jam redimus ad integranda in tantum socialia jura: & diremtus de cetero, pactioe conjunctus nobis intelligitur. Quæ verissima & prima origo est temperandi ad æquitatem juris bellici, rei crudæ, nisi scienter tractetur.

*L. B. 2. 16. 12.  
C. 2. 19. 3.*

*Id. 34. c. 32.*

In causa fœderis, quod Romani cum Nabide tyranno fecerunt, parum accurate versatur *Grotius*. Nos omiſſa repetitione alienæ expositionis, rem ad suas origines, & nostram quæstionem revocabimus. Et alias quidem belli adversus Lacedæmonios causas nihil attinet excutere. Unum videbatur obſtare, fœdus cum Lacedæmoniis factum. Quod impedimentum ut removeret *T. Quintius*, ita apud *Livium* respondet: *Amicitia & societas nobis nulla tecum, sed cum Pelope Rege Lacedæmoniorum jussu & legitimo facta est. Cujus jus tyranni quoque, qui postea per vim tenuerunt Lacedæmonie imperium (quia nos bella nunc Punica, nunc Gallica, nunc alia ex aliis occupaverant) usurparunt; sicut tu quoque hoc Macedonico bello fecisti.* Hæc verbis adornata in speciem, nullum argumenti pondus habent. Florentibus adhuc Lacedæmoniorum rebus, ad pugnam Lædætricam usque, non poterat cum Rege fœdus fieri, ut cum civitate factum reputaretur; nisi quatenus civitas suam potestatem, Regis, ut legati aut curatoris, nomine exercere destinaverat.

Erano

Erant enim Spartæ, nomine non potestate Reges. Postquam autem revera nomini potestas, per varias mutationes accessit, non detrectat Quintius legitimi regis jura: Sed in regno jam justo, successores nullo jure nixos, & per vim tenentes imperium ac exercentes repudiat. quasi diceret: quod cum justo & legitimo rege, adeoque cum civitate actum est, non obtinet vim suam, si regno tyrannis successit. sicut ex converso ante dicebant apud Aristotelem, non servanda in populi imperio, quæ tyrannus egisset, quia ex mutatione illa alia esset facta civitas. nisi quod plus mutationis ibi, quam hic occurrit. ibi enim forma una in alteram; hic una, recta scilicet in declinatam mutatur. Atque si hæc dicerentur de invasore regni, antequam firmata ei est consensu & pactione potestas, non possent rejici. Nisi quod Quintium infirmius juvarent, cui Nabis valide oggesserat: *De nomine hoc respondere possum; me, qualiscunque sum, eundem esse, qui fui, cum tu ipse mecum, T. Quinti, societatem pepigisti. Tum me regem appellari à vobis reminiscimini: nunc tyrannum vocari video. Unde & astutia Quintii intelligitur, qui dissimulata propiori pactione, vetustiore tantum attulerat. Quid? quod continuata in tyrannos successio, quam agnoscit Quintius, non leve parit argumentum adversus eos, qui non contradixerunt, in quantum sua interesset. Conflictatam enim Spartam, ex eo, quod dixi, tempore, acerbissima servitute, usque ad Nabidem, Polybius locuples auctor est: Idem, qui ipsius Nabidis infandam crudelitatem describit. Sed hinc alius adversus tyrannum titulus juris nasci poterat: à cujus scilicet sævitia vindicari oppressos, fas & jura sinunt. Quanquam neque hujus rei gloriam sibi trahere Romani possunt, restitutis Argis, serva Lacedæmone relicta, cum pacem Nabidi petenti darent. Cum quo & Quintius, in illa pactione pacis, & postea Senatus Romanus egit, ut cum civitate Lacedæmoniorum: ultro everso discrimine justis regis & tyranni, quod antea allatum erat. Libuit hæc paulo explicatius evolve-  
re, ut meminisse velint, qui historias legunt: vera rerum*

momenta, ab illis, quæ temporis & causæ serviunt, inventis, probe discernenda esse.

Non attingam nostri temporis exempla, ad ludibrium aut opprobrium magnorum nominum valitura, si omnia acta ab eo & cum eo, qui neque parasse, neque habuisse per bonas artes imperium, plerisque visus est, non haberentur pro actis à civitate & cum civitate.

*Hist. Florent. lib. 2. an. 1342.*

Quanquam, ut supra innuebam, aliqua agi à tyranno, etiam jus adepto, nec jam tyranno, possunt, quæ pro actis à civitate, ex natura rei, neutiquam sunt habenda. Ut, si quis faceret, quod Dux Atheniensis, Florentinorum cervicibus incubans fecit, cum mercatoribus, qui Lucensis belli tempore, rempublicam pecunia juverant, syngraphas tabulasque eripuit, teste Machiavello. Rerum enim creditarum fides sanctior est, quam ut ullius potestate hominis convelli queat. neque obtentui, eminens dominium hic esse potuit. Sicut igitur bello, privatorum jura inter se & commercia suspendi contingit ac cessare; pace autem, quæ ad naturalem statum omnia reducere instituit, vim pristinam exserunt, (naturalem enim æquitatem sequitur formula pacis Antiocho à Romanis datæ, Rhodiis cavens: *ἢ τι χρῆμα ὀφείλειτ' ἀλλήλοις, ὁμοίως ἔσται πράξιμον. ἢ ἢ τι ἀπὸ πείρασθαι ἀπ' αὐτῶν, ἀναζητῆθαι ἐκδοθήτω.*) ita tyrannis intercidere potest jura naturæ, non efficere, quin obstaculo amoto statim valeant vigeantque.

*Excerpt. Legat. Polyb. 35.*

Mutata de cetero forma civitatis, quædam per se concidunt necesse est: non quod alia jam sit civitas; sed quia quædam acta erant, ut à tali civitate, aut cum tali civitate. Sic instituta Aristocratica, sive quæ temp. ut *ἀριστοκρατικὴν* spectabant, succedente alio statu intereunt: quemadmodum quæ singularis imperii propria sunt, in plurium regimine locum non habent. Idque & domi & foris valet.

*Polyb. lib. 6.*

Quia verò mutationes ejuscemodi non quidem semper, sed plerumque accidunt, intercedente *παρὰκλίσις*, sive declinatione status recti in vitiosum, ut singularis imperii in tyrannidem, aristocratiae in oligarchiam, popularis

Iuris reipublicæ in licentiam multitudinis : sæpius redit illa quæstio de actis tyrannorum ; an servari oporteat in constituta jam rectâ formâ , quod actum est in degeneri ? De qua tamen re satis jam est dictum. Nisi quod hoc adjiciendum videtur : illas παραβάσεις vel annos ac ætatem ferre ; vel brevi & controverso semper statu , rationem obtinere transitus ad rectam novamve formam. In quo posteriori genere plus dispersionis solet occurrere.

Est & illud non prætereundum genus occultarum mutationum. Apertas enim & vulgus videt novitque. At cum τὸ κράτος πολίτευμα in republica induci cœpit, prudentium tantum oculis pervia sunt fata civitatis vicesque. Non aliis autem civitatibus, ab hoc genere majus est periculum, quàm ubi Democratia, aut mixta forma obtinet. Popularis potestas, inquit Bodinus, sæpius nullo pene *de rep. 4.2* sentiente convertitur ad optimates --- & mox : Ejusmodi fuit earum quas dixi civitatum conversio à populo ad optimates : qualis etiam contigit Venetis, Lucensibus, Rhagusianis ; quorum imperia, cum olim popularia fuissent, temporis diuturnitate, Aristocratica, nullo pene id sentiente, evaserunt. Eodem modo in mixto statu, fieri solet, ut per varias artes una pars sibi vindicet, & quasi suo jure agat, quod non nisi juncta vis partium agere debebat. quæ labes increfcit, ubi corrupti mores, nihil in reip. administratione incorruptum patiuntur esse. Quo tempore etiam hebetes, fatali caligine, ad perspicendum oculi ; inertes ad sentiendum animi deprehenduntur. neque vulgi tantum is error est : sed magnorum aliquando virorum ingenia fatigat hæc observatio. Nam subinde signa conturbantur, quibus voluntas à simulatione distingui possit, quæ Ciceronis querela est *Ep. ad Att. 2.9*  
In Romana Rep. ex eo tempore, quo mixta esse debuit, sæpius factum est, ut patres plus pollerent, quàm jus reipublicæ postulabat ; tribunis plebis ista parum sentientibus, & varie ad alia avertis. Populus quoque, dum post hæc undique libertatem suam amplificare, aut libidini suæ obsequi tendit, non animadvertit, se ultro viam



sternere ad paucorum potentiam, quæ in tyrannidem desitura erat.

Et illud quidem genus occultæ mutationis, quod sine omni motu & strepitu, quasi tacita voluntatum consensione perficitur ac absolvitur, vix capit hanc disceptationem de actis civitatis. Sed in illis occultationibus, quæ in republica corrupta utramque paginam faciunt, perpetua hæc animos angit dubitatio. Mutationis enim vocabulo corruptiones quoque reip. varias comprehendimus: quotiens à fine civitati proposito, formæque legibus descriptæ ac moribus firmatæ rationibus, agendi administrandique ratio defleat, aut vincula instituti contextus infirmat, solvit, rumpit. Quæ dum agitantur, occasiones potius & causas, omina item ac principia mutationis, quam mutationem habere videntur. Quicquid enim mutationis consummatæ speciem prodere potest, abstruditur interim, ac dissimillima per vocabula obtegitur. Defensio etiam & conservatio reipublicæ vocatur, quod ad *σὺννεσις τῆς πολιτείας* interim tendit. Quæ confusio longas moras trahere, & infinitas per ambages circumduci potest. Non est majus exemplum ab hominum memoriâ, Romanâ civitate: ubi à Gracchanis temporibus, usque ad constitutum ab Augusto singulare imperium, centum circiter annis, per factiones, tumultus, certamina, dominationes modo paucorum, modo unius, bella civilia; mutationes mutationibus tam irrequieto motu sunt continuatæ, ut ad terminum illum fatalem vix tandem viderentur substitutæ. Cujus rei seriem compendio signat Sallustius, nobili digressionem in bello Jugurthino: Ceterum mos popularium partium, & Senatus factionum, ac deinde malarum artium paucis ante annis Roma ortus est. namque capere nobilitas dignitatem, populus libertatem in lubidinem vertere: sibi quisque ducere, trahere, rapere: ita omnia in duas partes abstracta sunt: resp. qua media fuerat, dilacerata. Sequitur descriptio oligarchicorum facinorum: quæ cum patefacere, plebemque in libertatem vindicare instituerent Gracchi, quibus tamen cupidine victoria haud satis animus moderata-

*Cic. ad Attic.*  
7.8.

6.41. & 42.

deratus fuit, moveri civitas, & dissensio civilis, quasi permixtio terra oriri cœpit. Et alio loco: Postquam remoto metu Punico, simultates extricere vacuum fuit, plurima turba, seditiones, & ad postremum bella civilia orta sunt: dum pauci potentes, quorum in gratiam plerique concesserant, sub honesto patrum aut plebis nomine dominationes affectabant, bonique & mali cives appellati, non ob merita in temp. omnibus pariter corruptis, sed uti quisque locupletissimus, & injuria validior quia presentia defendebat, pro bono ducebatur. Tam perturbato rerum statu, eadem quidem mansit civitas, quamvis corrupta & immensis concussionibus agitata: sed quicquid præpollenti factioni aut paucis præpotentibus placuit, civitatis nomine præscribebatur. Ciceronis epistolæ, præsertim ad Atticum, commentariorum vicem præstant, frequentibus querelis, perpetuis judiciis, de administratione reipublicæ. Audio, inquit, constitutum esse Pompejo & ejus consilio, in Siciliam me mittere, quod imperium habeam. id est Ἀβδνεῖλιχόν. nec enim senatus decrevit, nec populus jussit, me imperium in Sicilia habere. Civitatis equidem erat, imperia mandare, i. e. Senatus populiue. Sed cum respublica valeret. nunc unum aliquem aut paucos, omnia posse, non Ἀβδνεῖλιχόν, sed ῥωμαίων erat. nonne enim jam pridem, Cicero, vidisti priorem Cæsaris consulatum. at tum imbecillus plus, inquis, valuit, quam tota Respublica. Neque, his moribus, opus est illâ deliberatione de præpotente & victore: quid autem sit acturus, aut quo modo, nescio, sine senatu, sine magistratu. ne simulare quidem poteris quicquam πολίτικόν. Non deerunt speciosa vocabula, ne verere. quamquam senatus populusque suis moribus & κακοπολίεια jamdudum effecerant, ne doctâ simulatione opus haberet, qui ambitionem & libidinem animi in consilio habet.

Erant sane bonis viris, illisque qui optimates vere haberi vellent, in ore & animo, auctoritas reipublicæ, odium dominationis paucorum, & tyrannidis; neque alio volebant frequentius caractere notari, quam illo poetæ:

non

Frug. lib. 2.  
Elyf.

Ep. ad Attic.  
7.7.

7.9.

7.13.

6, 3. &amp;

2, 8.

2, 11.

4, 17.

2, 9.

Ep. ad Attic.

2, 19. addo

2, 21.

2, 18.

2, 19.

2, 21.

2, 6.

7, 7.

non contemnere se, &amp; reges odisse superbos.

Solenne tum carmen factum : hoc vero regnum est, & ferri nullo pacto potest. sero : ex quo intellectum est *τεταρταρχία* itas ambitum, comitia, interregnum, majestatem, totam denique temp. flocci non facere. ex quo, qua invidiosa fuit Senatus potentia, non ad populum, sed ad tres immoderatos homines redacta est. Quin & plebis animi, quod sibi suo jumento acciverant malum, nequaquam tacite dolebant : Verum querelis non tollitur, sed irritatur tyrannis. Licet ergo vere scripserit de illis temporibus Cicero : nihil unquam fuisse tam infame, tam turpe, tam peraque omnibus generibus, ordinibus, atatibus offensum, quàm illum statum, qui tunc erat : cum populares illi, etiam modestos homines sibilare docuerunt : Nihilo tamen minus, verissimè id quoque scriptum est : hic status, qui una voce omnium gemitur, neque verbo cujusquam sublevatur. Populi sensus quidem maxime theatro & spectaculo (ubi non fanatur, sed deluditur respublica) perspectus est. Diphilus tragædus in Pompejum petulanter invehit : Nostra Miseria tu es magnus, nullies coactus est dicere. Eandem virtutem istam, veniet tempus, cum graviter gemes, totius theatri clamore dixit, itemque cetera. — Si neque leges, neque mores cogunt, & cetera magno cum fremitu & clamore sunt dicta. Sed quid valeret jam, quainvis una vox omnium, magis odio firmata, quàm præsidio ? Nullus hic clamorum popularium fructus : nullum jam *Archilochia Bibuli* edicta remedium promittunt : imbelle & fragile adversus armatas opes telum. Neque medicinam reipublicæ vulneribus facit invictus quidem, sed seram magis pœnam ab auctoribus cladum repetiturus, quàm intercessurus cladibus, calamus ejus, qui scripsit : *Ἀνδρῶν*, Theopompino genere, aut etiam asperiore multo pangentur. neque aliud jam quicquam *πολιτικοί*, nisi odisse improbos, & id ipsum nullo cum stomacho, sed potius cum aliqua scribendi voluptate. Prætermissum erat tempus, quo nascentibus malis facilia & celeria proponebantur remedia : & ad multos reipublicæ morbos, nexamq; tot vulnerum continuatione seriem pertinet, quod de uno, qui se in possessione reip. collocaverat, extulit *Tullius* :  
 horum

*horum omnium (malorum) fons unus est : Imbecillo resistendum fuit : & id erat facile.*

Adversus rempublicam, ne ulla vis valeat, in tempore providendum est. ne humanae ambitioni aut cupiditati locus sit, legum esse intemerata auctoritas debet. In plurium Imperio, quicquid de legibus detrahitur, personis adjicitur; corruptioni & mutationibus variis ansam præbet. Ne glisceret paucorum potestas, nihil ex juribus reipublicæ laxandum, remittendum, minuendum erat. Fecerunt Romæ magnos, qui factos jactantius dolebant. Ceperunt te quoque, M. Tulli, præpotentium illecebræ: neque dissimulasti gaudium ex favore eorum. *Illud quidem, inquis, sumus adepti, quod multis & magnis indiciis possumus judicare, nos Casari & carissimos & jucundissimos esse. Et rursus: alterum complectebat, quia de me erat optime meritus; alterum, quia tantum valebat. feci igitur, itaque feci omni obsequio, ut neutri illorum, quisquam esset me cavior. Deceptus quidem est candor tuus sæpius (quod fere optimo cuique inter ambitiosos & dominandi cupidos evenire solet,) neque dubitas fateri tuum errorem: Pompejus amat nos, carosque habet. credis? inquires, credo: prorsus mihi persuadet. Sed quia, ut video, pragmatici homines omnibus historicis præceptis, versibus denique cavere jubent, & vetant credere: alterum facio, ut credam: alterum, ut non credam, facere non possum. Sequebatur ergo ut lamentareris: Utinam mihi tam in periculo mens integra fuisset, cum ego iis, quibus meam salutem carissimam esse arbitrabar, inimicissimis crudelissimisque usus sum: qui, ut me paululum inclinari timore viderunt, sic impulerunt, ut omni suo scelere & perfidia abuterentur ad exitium meum. Et: Vides me omnibus amplissimis, carissimis, jucundissimisque rebus perfidia hominum spoliatum; vides me à meis consiliariis proditum & projectum. Jam in Pompejum favor, aliquid excusationis habere potuit, dum credidisti, eum pro republica niti. excussa tibi est rebus manifestis ea opinio. fatēris enim: Cneus noster, cum antea nunquam, in hac causa minime cogitavit, ut civitas beata esset. Dominatio quasita ab utroque est, non id actum, beata & honesta civitas ut esset.*

SSSSS

genus

4, 15.

7, 1.

2, 20.

3, 13.

3, 19.

8, 11.

270

— genus illud Sullani regni pridem appetitur ; multis , qui una sunt , cupientibus. — neutri σκοπός est ille , ut nos beati simus ; uterque regnare vult. Et iterum : Mirandum in modum Cnæus noster Sullani regni similitudinem concupivit. εἰδὼς σοι λέγω. nihil ille minus unquam obscure tulit. cum hocne igitur , inquires , esse vis ? beneficium sequor , mihi crede , non caussam , ut in Milone ; ut in. sed hæcenus. Responderat tibi abunde Atticus tuus. Sed anxia deliberatio tua , desiit tandem in perpetuam fluctuationem , unde nec te nec rempublicam expedire potuisti.

24.

Non egisse his temporibus civitas dicenda est , quæ paucorum per arbitria jactabantur. Et si mature advigilasset senatus populusque , in quibus unis nominibus auctoritas Civitatis erat , impediri pleraque debuissent , & rescindi potuissent. Sed prodita , quibus dictum est modis , auctoritate publica , relicta est misera consultatio ; an bello & immissis percussoribus , actis tyrannorum , in tantum corroboratis , etiam cum periculo & perniciæ civitatis , intercedere fas esset : cujus generis δῖος πολιτικός & temporum suorum , Cicero commentatus est : dum παλιγγενεσίαν suam & virorum bonorum frustra expectat. Tyrannis enim nemini infestior est , quàm viris cordatis , & patriæ amantibus , quorum voce oppressa , consiliis à republica submotis , facilius in turbido piscantur & securius illi tyranniones.

Aristot. 5.  
polis. 1.

Et hæcenus quidem de mutata reipublicæ forma , & tentamentis , conatis , serie contextuq ; talium mutationum , exemplorum satis. Fiunt autem , & affectantur aliæ quoque mutationes manente formâ : cum alii homines , dejectis , qui rerum potiebantur , succedunt , non alii civitatis mores ; aut unius status disciplina intenditur , vel remittitur ; aut novus magistratus instituitur in republica , aut abrogatur. Quæ Philosophi annotatio ita accipienda est , ut in rectis & deerrantibus formis locum habere meminerimus ; imo in aberrantibus sæpius. Quid enim frequentius , quàm tyranno dejecto , non tolli tyrannidem , sed succedere alium tyrannum ? paucis impotenter dominantibus , substitui in eodem statu , alios pari potestate armatos ? Jam intendi & remitti tyrannidem.

dem unius vel paucorum , pro ingenio dominantium , aut temporibus , adeo notum est , ut annotatu non indigeat. Illa difficilior inspectio , quando in singulari unius imperio , ex civiliore formula , paulatim adductius regnatur , & ad herile imperium pervenitur. Hic enim quidam omne addictius regimen damnant , & herilem omnem dominatum tyrannidis crimine infamant : violentius scilicet philosophati. Neque enim civitatem egisse negaveris , quod gliscente ejusdem status formula , & intensiore jam Principatu gestum est. Nisi quod in mixto statu , vix unius partis jura intendi possunt , quin alterius partis jura imminuantur. de qua re infra aliquid dicendum erit.

De magistratu novo , exemplis non accurate utuntur Interpretes Aristotelis. *Tribunorum* namque *plebis* institutio Romæ spectavit ad ipsum statum ; sive ad partem democraticam in mixto illo statu firmandam. Quanquam enim statim ab initio libertatis , res ad mixtam formam cœpit vergere ; tamen parti populari tum demum suum jus in republica est firmatum. Quare & postea , qui diminuere aggressi sunt potestatem tribunitiam , quod de Sulla & Pompejo referunt , καὶ ἀλυσιν μέρεα δημοκρατικῶν , sive dissolutionem juris popularis sibi propositam habuerunt. Fuerit igitur *Tribunatus* ex eo genere magistratuum , de quo , ex *Aristotele* , *Cicero* dixit : magistratibus , iisque , qui præsent , contineri rempublicam , & ex eorum compositione , quod cujusque rei publicæ genus sit , intelligi.

Veriora exempla sunt extraordinariorum magistratuum ac imperiorum. *Dictatura* hujus generis est : quæ nihil aliud erat , quàm magistratus extraordinarius , cui respublica commisit imperium ad certa negotia conficienda , bellum gerendum , comitia habenda , seditionem sedandam , aliaque. Neque est , quod temporarium inde regnum *Grotius* faciat : contra quem potius audiendus est *Rodinus* , nostræ sententiæ assertor. Itaque , quamquam ab initio Civitas , per dictatorem actura , tantam ei committeret potestatem , ut *provocatio non esset* : tamen , cum postea provocatum esset , severissimus dictator *Papirius*

- agnovit populi esse , quicquid in dictura esset juris, neque suum , sed populi Romani imperium , disciplinam militarem , solennem & sacratam militiam , in ore habuit : firmatumque tum periculo Fabii imperium militare , Historicus judicavit. Possctque hoc exemplum optime cum eo comparari , ubi affirmatur , de omnibus summam populi Romani potestatem esse. Quare & ad Senatum de agendis dictator retulit , & Senatus decrevit : addita sane interdum illa clausula liberorum quidem , sed mandatorum : cetera omnia ageret faceretque , ut è rep. duceret. Est & factum Fabii dictatoris in permutandis captivis , dubium habitum , quia non expectata in eo Senatus auctoritas erat. Quid , quod tribunus pl. legem se laturum fuisse de abrogando dictatori imperio minatur , si antiquus animus plebi Romana esset ? Quid , quod jussu populi per Senatus consultum equatum est magistri equitum & dictatoris imperium ? Eodem nimirum spectabat Dictatori permissa potestas , quo forma S<sup>C</sup>ri ultima semper necessitatis habita , ut videant consules aut magistratus , ne quid reipublica detrimenti caperet. Quæ potestas ( explicante Sallustio ) per senatum more Romano , magistratui maxima permittitur , exercitum parare , bellum gerere , coercere omnibus modis socios atque cives ; domi militiaque imperium atque iudicium summum habere. aliter sine populi jussu , nulli earum rerum consuli jus erat. Sicut autem , quamvis major , quàm dictaturæ , & rarius longè , permessa magistratibus potestas , formam reip. non mutavit : ita nec dictatore creato , talis mutatio statui debet. Sed nec Decemviri scribendis legibus mutarunt formam civitatis : nisi quod magistratum in tyrannidem vertere , & fiduciarium jus ut proprium vindicare postea aggressi sunt. quo tempore , quantum ad jus magistratus attinet , merito privati censebantur. Videtur quidem Historicus mutatione Reipublicæ hunc Magistratum metiri , quando inquit : Anno 302. quàm condita Roma erat , iterum mutatur forma civitatis , ab Coss. ad Decemviro , quemadmodum ab regibus ante ad Coss. venerat , translato imperio. Sed de hoc loquendi genere alibi actum est : neque magis hic magistratus , certam ad rem , certum in tempus constitutus , statum

tum civitatis, si accurate hunc signamus, mutavit, quàm  
*Tribunatus militum consulari potestate.*

Mutationes circa locum, non efficere, ut sit alia ci-  
 vitas, recte *Aristoteles* notavit; si recte explicetur. Potest  
 fieri: ut civitas eadem contrahatur, aut amplificetur lo-  
 cis, aut disjungatur intervallis. Hispanica hodie est ci-  
 vitas, nostro loquendi genere, quicquid distantibus lon-  
 ge lateque locis, Hispanici juris est. Quod autem civitas  
 pluribus nationibus, urbibus, pagis constans locum tota  
 suo auspicio arbitrioque mutaverit, exemplis nunquam  
 affirmatur. nisi quantum potior pars interdum attenditur,  
 & sedes imperii pro tota civitate nominatur; sicut *Arhe-*  
*narum* civitas in classe, non in tectis & ædificiis urbis,  
 tempore *Themistoclis*, versari dicebatur. Afferunt &  
 Romani decreti formulam, qua licet promissum esset  
 Carthaginensibus, πάλιν αὐτόνομον ἔσται & ἐλευθερίαν, sui juris  
 & liberam fore civitatem, ut est apud *Appianum*; Carthago  
 tamen dirui postea iussa est, ut alia ædificaretur loco à  
 mari LXXX. stadiis remoto. cumque fides promissorum  
 exigeretur, obtendebant Romani, Carthaginem non in  
 loco & muris, sed in civibus esse. Καρχηδόνα γὰρ ὕμῶν. ἢ  
 τὸ ἴδιον ἡγόμεθα, inquebat Romanus. In qua re *Arni-*  
*sens*, insultans Carthaginensibus, quasi non recte urbem  
 à civitate distinxissent, incautissime absolvit Romanos,  
 quorum cavillationem merito incusat *Grotius*. Sive enim  
 ita egerunt, sicut *Appianus* narravit, sive *Diodori Siculi* nar-  
 rationem sequi placet, qui Romanos, ait, in hac actione  
 nunquam πάλιν τὴν Καρχηδόνα nominasse, ac verbis expressisse,  
 sed ipsis (Carthaginensibus) si obsides darent, promississe liber-  
 tatem & cetera, eo quod humanitate formula duriora consilia  
 vellent abstrudere: ita certe cum Carthaginensibus actum  
 est: ut cum civitate & de civitate, non de urbe actum  
 cenferi debeat.

De Urbe imperii sede, multa sunt, quæ de cetero  
 dubitantur. Sicut autem translata alio sedes imperii non  
 statim mutat civitatem, ita non omen modo, sed via hæc  
 esse potest ad ulteriorem mutationem.

Liby.

Appiani

Liby.

Relect. polit.

lib. 1. c. 5. sect.

2. §. 2.

I. B. 2. 16. 15.

Eclog. Le.

gat. 27.



6. 14. extr.  
1. B. 1. 9. 3.  
2. A. 55.

Hominibus mutatis non mutari civitatem, ostendit Aristoteles exemplo fluminis, aquarum decursu assidue non mutati: quod, post alios illustrat Jo. Gryphiander de *Insulis*. Grotius autem locum *Taciti* affert, ubi contra Athenienses male ratiocinatus sit Piso, quasi post tot clades extinctis veteribus civibus, & substituta colluvie nationum, non essent jam Athenienses. Recte, si Athenienses spectamus, ut civitatem non subditam Romanis, sed sociam. Sed adempto imperio, non idem dicendum erit, sicut ipse *Grotius* ostendit. At quod vulgo *Lucani* illud tantopere jactant,

— non ordo perdidit unquam

*Mutato sua jura solo;*

parum huc pertinet. Confusa enim tumultu civili republica, nec nomina, nec jura pristina, id sunt, quod esse debent. Haud ita proclive est ostendere, id Senatum fuisse, quod hoc nomine præscribatur. Et, si fuisse, vinceretur, nondum probatum est, id rempublicam esse: quæ non Senatus, sed senatus populique imperio constabat.

1. B. 2. 9. 9.

*Liv.* 4. 3.

*Liv.* 1. 13.

*lib.* 2.

*Liv.* 1. 13.

Incidit hæc quæstio, de unitis civitatibus: an una civitas alteri unita, maneat eadem? Non amitti jura, sed communicari, dixit *Grotius*, & exemplo Sabinorum, & Albanorum usus est. quæ rem non expediunt. Accipit *Tacitum* Sabinorum Regem in regni societatem *Romulus*: nempe, quando interventu mulierum uterque populus non pacem modo, sed & civitatem unam ex duabus fecerunt, regnum confociarunt, imperium omne contulerunt *Romani*. Quæ verba *Livii* satis ostendunt, Sabinos ita accessisse Romanis, ut una esset civitas, Romana scilicet: Sabinis in communionem juris *Romani* ascitis, quod amplius *Dionysius* exponit; & imperio duumvirali ad tempus instituto, manente nomine regio. Quinimo non per ambages *Historicus* ostendit, rem ipsam & vera jura Sabinorum, in civitatem Romanam cessisse, inania quædam simulacra, de nomine Sabinorum usurpata esse: ita geminata urbe, ut Sabinis tamen aliquid daretur, *Quirites à Curibus appellati*. Geminata urbs, est

est accessione alterius populi amplificata; quo genere figuræ etiam Poëta:

*Occiderat Tatiùs, populiq; aquata duobus,  
Romule, jura dabas.*

*Ovid. Metam.  
14. 79.*

Non enim duo jam populi, sed unus erat, additis Sabinis auctus. Expirante ergo temporario duumviratu, morte Tatii, non creatus est ex numero Sabinorum alius collega, (sicut fieri æquum erat, si mansura societas imperii etiam in una civitate instituta esset,) sed ab unius nutu omnia pendebant. Certum igitur mihi fuerit, hac confociatione civitatem Sabinorum factam esse partem civitatis Romanæ, i. e. non mansisse civitatem, quicquid simulacri causa obtenderetur: nisi quis velit, civitatem in civitate statuere, quod est omni rationi adversum.

*G. Bodin. de  
rep. 2. 2.*

In Albanorum casu, etiam clarius res apparet, quando Tullus decrevit: *Populum omnem Albanum Romam traducere; civitatem dare plebi, priores in patres legere, unam urbem, unam rempublicam facere.* Facta decretis junguntur: *Roma crescit Alba ruinis. duplicatur civium numerus. principes Albanorum in patres, ut ea quoque pars reip. cresceret, Tullus legit. & ut omnium ordinum viribus aliquid ex novo populo adjiceretur, equitum decem turmas ex Albanis legit. Legiones & veteres eodem supplemento explevit, & novas scripsit.* Omnis autem argumenti instar in eo est, quod Albani jam ante sub imperio Romanorum erant, ex pactione duelli: ut cujuscunque populi cives eo certamine vicissent, is alteri populo cum bona pace imperitaret; quod Livius, & uberius Dionysius exequitur. Romani ergo, civitatem jam sibi subditam, urbis primariæ excidio multabant, hominibus Romam translatis. Unionis & communionis dulcia vocabula, severo supplicio obtendi solent. quod licet oratorum more Florus in animo haberet, non potuit non verum admiscere: *Albam ipsam quamvis parentem, amulam tamen diruit, cum prius omnes opes urbis, ipsumq; populum Romam transtulisset: prorsus ut consanguinea civitas non periisse, sed in corpus suum rediisse rursus videretur.* Ejusdem generis delinimenta sunt, quæ Romanus Cos. apud Appi-

*Liv. 1. 28.*

*1. 30.*

*Liv. 1. 242  
Ab. 3.*

*lib. 1. c. 3.*

*in Libys.*

Sed,

Sed, ut ad *unionis* usitata hodie nomina redeamus ; non est moris nostri compilare scrinia aliorum, qui abunde ad materias Utriusque Juris de ea re consignaverunt. Quin potius tritam philosophorum vestigiis semitam secuti, breviter & partite adferemus, quibus hæc disputatio nititur. *Uniri civitates diverse, ut maneat quaque, quod fuit, non possunt, nisi per modum ætioris fœderis; quod imitatur quidem naturam civitatis, civitas tamen, ut accuratè nunc vocabulo utimur, non est.* cujus rei celebria exempla Politici agnoscunt in concilio Amphictyónico, & Achaorum societate, quam & ob similitudinem, & τὸ συμπολίτευμα Achaorum *remp.* appellitant.

*Bodin. 1. de  
rep. 7.  
Polyb. lib. 2.*

*In Apologet.  
c. 1.*

*Baud. induc.  
bell. Belg.  
lib. 3.*

In recentioribus Belgico - Germaniæ exemplum huc accommodat Grotius. Sed & hæc *Respublica Belgica* dicitur ob similitudinem. Quando enim cum hoc corpore agitur, ita agi solet, tanquam cum uno populo, & cum una civitate. Ita in *Induciis*, tanquam cum libero populo, Hispani pacti sunt. ne de infinitis exemplis dicam. Atque hoc solum ac unicum genus unionis est, quam vulgo describunt, quod fiat salva cujusque rei natura & conditione. In reliquis generibus, favor ejusdem vocabuli quæritur : cum res ipsa discrepet, fiatque, ut in dignioris accessionem veniat, quod minus dignum est; & pars unita majori, illius appendix fiat, ut in aliis exemplis loquuntur. Arcanis aliquando politicis hoc continetur, ut dissimuletur, aut diversa specie obducatur hoc negotium; sicut *Unio Magnæ Britannia* hoc sæculo ostendit, ubi non sine ratione augerantur Angli apud Historicum: novi regni institutione, aliterius antiquioris memoriam dissolvi & extinguere. Sub uno jure erant, quæ sub unum nomen redacta sunt. Neque quenquam hic decipiat *pristini moris*, *pristini juris* mentio. non enim semper, plenam *ἀντονομίαν* capere debes, cum hoc audis. Potest provincia aliqua, sive pars civitatis, privilegia quædam habere; non tamen propterea minus agnoscit imperium civitatis. Victoris inter artes est, de pristino more eorum, quos vicit, nihil mutare: neque ideo victi statim seorsum civitatem constituunt; aut manent prioris civi-

*Thuan. lib.  
131. pag. 1100.*

civitatis pars. Relicta igitur fuerit aliqua civitas de cetero suis legibus, sed agnoscere tamen jubeatur imperium alterius civitatis, jam non manebit ipsa civitas, sed erit pars ejus, cujus suprema potestate continetur. Fac etiam, populum aliquem, qui civitatem per se constituerebat, asciri unione in aliam civitatem, quæ ex pluribus ordinibus, tanquam optimatibus constet, ut eodem jure sit, quo sint reliqui ordines, id est, particeps imperii: tum ergo neque seorsum eatenus civitas erit, neque *αὐτονομία* veram habebit; sed ut pars corporis censebitur: sicut singuli optimates per se nihil juris publici habent, sed vi collegii, personam civitatis referunt. Quid, si etiam mixto in statu, quæ seorsum fuit civitas, veniret in partem mixtionis, & quadam jura majestatis possideret? neque sic aliter, quam pars hujus mixtæ civitatis æstimari potest. Mixta enim civitas, non nisi una civitas intelligitur. Quando autem civitas, populus, regnum, sui vere juris, ratione soli aut territorii, jure partis in alia civitate nanciscitur; id sicut statum civitatis ipsius seorsum existentis non spectat; ita cum modis uniendi, quos hactenus attingimus, confundi non debet.

Transimus jam ad eas mutationes, quibus efficitur, ut civitas non sit eadem. Quo etiam coloniarum aliquæ pertinent. Illæ quidem coloniae, vel militares ob usus, vel alias ob causas ita deductæ, ut maneant pars civitatis matris, sive majoris patriæ, alterius generis sunt. Sic Hispanorum, Anglorum, Belgarum, Gallorum coloniae in Americanis insulis, ditione suæ quæque civitatis continentur. Sunt autem aliæ *colonia* (significat enim vox, quamvis ex alia civitate natam urbem vel civitatem) quæ seorsum civitatem constituunt, neque partes sunt originis suæ. Sic olim, cum in *ver sacrum* dimitteretur manus, factura non urbem modo, sed civitatem singularem, quantum ad jura majoris patriæ attinet. Quemadmodum autem hi sacri exules erant; ita aliorum exulum eadem fortuna esse potuit, & sæpe fuit, ut novæ civitatis auctores existerent. Didonis fuga peperit Carthaginem. Et hæc quidem coloniae *αὐτονομος*, sicut seorsum civitatem constituiebant, ita majorem patriam cultu quidem ac honore, &

Cl. Bernegger.  
ad Justin.

24. 4. 1.

T t t t

qua-

*ad Excerpt.  
Petres. p. 6.  
C. 7.*

*lib. 3.  
Grot. l. 8.  
2, 9, 10.*

quadam quasi in parentes pietate afficiebant, quæ ~~leg~~ diligenter colligit doctissimus *Henricus Valesius*; imperium tamen majoris patriæ non agnoscebant. Unde male ratiocinantem Metium, ab honore ad jus imperii, *quasi æquum esset coloniam Romam civitati matri Albanis parere*; graviter coarguit Tullus; quod nec jure, nec more hoc postuletur; exemplisque ostendit, nihil esse usitatus, quam coloniam metropoli imperare, apud *Dionysium Halicarnasæum*. Illæ quoque coloniae, quæ ex Trojani excidii cineribus passim sunt disseminatae, non partes Trojanæ civitatis, quæ interierat; neque translatio civitatis ejusdem fuerunt; sed vel accesserunt, ut partes, aliis civitatibus; vel ex reliquiis illis Trojanorum civium, novo ortu novæ civitates extiterunt.

*l. 8. 2, 9, 10.  
C. 11.  
4, de rep. 1.*

*Arrian. apud  
Phorium cod.  
92, ubi  
Andr. Schottii  
not.*

*lib. 10. c. 10.*

In hoc genere mutationum, quo efficitur, ut non eadem sit civitas, duo incomparabilia exempla habet omnis ævi historia: divisionem Græci imperii post Alexandri mortem; & Romani Imperii solutam, ac in partes dissilientem contextum. Utrumque tetigit *Grotius*: & judicium de priori, ut arbitrator, sumsit ex *Bodino*. Verum est: ex una illa civitate, i. e. imperio Alexandri, extiterunt diversæ civitates complures: sed paulatim. Nam ab obitu Alexandri, quantum ad formam actorum publice attinet, mansit una civitas, Alexandri potestate in Aridæum, cui Philippo nomen indiderunt, translata; cui mox natum ex Roxane filium adjunxerunt collegam. Hæc palam, & aperte. Ut divisio illa imperii, *Perdicæ* primum, subinde *Antipatri* arbitrio facta; non nisi præfectos & curatores provinciarum sive partium unius civitatis, i. e. imperii Alexandrini destinaret. Sed, quantum ad arcana proposita horum præfectorum attinet, verissime pronuntiavit *Currius*, ipsos specie imperii alieni procurandi singulos ingentia invasisse regna, id quod postea scilicet, & ex eventu patuit: opportunitate oblata ex imbellia & infirmitate Aridæi: qui ne modici quidem facti idoneus hæres, tanto imperio sustinendo prorsus impar erat. De altero exemplo Romani imperii, ubi *Grotius* non videtur sui nominis memor fuisse, præstat silere, quam

quam paucis agere. Erit locus accuratiori de ea re sermone alio tempore.

Mutationes quibus efficitur, ut civitas desinat esse civitas, feliciter exequitur Grotius. Cumque vi vel majore, vel humana illæ fere constant, non potest esse res obscura; quæ se ipsa demonstrat & oculis ingerit.

Redeundum ergo est ad illam quæstionem nostram, quando civitas egerit, non modo eadem, sed ejusdem formæ ac status? Occurrunt hic acta à magistratibus, curatoribus, legatis, ministris civitatis. Cujus generis sunt sponsiones, sicut in exemplo Caudinæ sponsionis fuscè disputatur apud Livium; & explicatur apud Grotium. Quin tamen seriis & gravibus argumentis, inania quædam accesserint, non negaverit, qui illud ludibrium considerat, cum Posthumus deditus genu fecialis Romani magna vi percussit, inquit, se Samnitum civem esse, illum legatum, fecialem à se contra jus gentium violatum; eo justius bellum gesturos. de qua ætæ sapientia merito queritur Pontius Samnis, & increpat: Ita dii credent, Samnitum civem Postumium non civem Romanum esse, (fuisset sane civis Samnis, si deditio accepta esset, non tamen inde conficeretur, quod sequitur) & à Samnite legatum Romanum violatum. eo vobis justum in nos factum esse bellum. Hac ludibria religionum non pudere, in lucem proferre, & vix pueris dignas ambages senes ac consulares fallenda fidei exquirere? Sed de illis quidem, qui præter terminos mandati agunt aliquid, dictum est alibi. Nonnunquam autem de formula & significatione mandati dubitatur. Putat Grotius, Julium Cæsarem nomine civitatis non bellasse adversus Ariovistum: auctoritatem Catonis in hoc sequens, qui id factum improbabat. Sed Cæsar tuetur se Senatusconsulto, quo M. Mesalla, M. Pisone Coss. senatus censuerat, uti quicumque Galliam provinciam obtineret, quod commodò Reipublica facere posset, Æduos ceterosque amicos populi Rom. defenderet. Hadui autem de incursionibus Germanorum querebantur: quam Florus justissimam bellandi causam existimat. Videri meretur Ciceronis sententia, quid ex similis Senatus consulti formula sibi licere putaverit, in Epistolis. Quin ipsam extraordinarii imperii

l. B. 2, 9, 4.  
& 5, & 6.

lib. 9, cap. 2.  
& seqq.  
l. B. 2, 15, 3.  
& 16.

Lib. 9, 10.

Dissert. de  
religione  
mandati.  
l. B. l. 3, 5.  
& 3, 3, 10.  
Cæs. bell.  
Gall. l. 35.

Flor. 3, 10, 10.

lib. 14, ep. 2.

lib. 39.

potestatem ita sibi oblatam à Senatu populoque Cæsar differit, apud *Dionem*, ut liberum ipsi iudicium relinqueretur, quibus esset bellum inferendum. Speciose hunc locum ibi tractari, videas, quanquam non tacet *Historicus* cupiditatem bellandi in Cæsare, & quæsitæ studiosius occasiones. Quo rerum animorumque habitu, iterum quæri solet: an actum à civitate haberi debeat, cuius agendi potestatem acceperat quidem actor, sed præpropere & animosius exercuit? Quales errores, cum non possint in actionibus humanis ad liquidum redigi, aut minutatim demonstrari; humanius videtur omitti disputationem in ambages & tricas ituram.

Excerpt. Je.  
245. 58.

Sine controversia autem transgressus est mandata suæ civitatis Callicrates apud *Polybium*: Achæorum legatus; imò mandatis contraria in Senatu Romano differuit, quod ut posset audere, contrariæ domi factiones efficiebant. Reliquorum interim legatorum silentium nullo modo excusandum est: qui cum Callicratis prodicionem minime probarent, non sunt ausi tamen contra hiscere. Quæ res monere potest civitates, in quibus præsertim non omnes eadem de republica sentiunt, ut videant, quos suæ voluntatis interpretes legant, aut colligant. Achæis certe hoc initium mutatae in deterius reipublicæ, *Historicus*, fuisse ostendit. Romani enim, licet satis scirent, civitatis mentem longe aliam esse, quàm ex legato proditore audierant, hanc occasionem suam esse rati, libertati Achæorum imminabant.

Servabimus ordinem quæstionum per varias rerum publ. formas. In Regnis, vere talibus, acta Regis sunt acta civitatis. Etiam cum præter voluntatem Senatus aliquid sit. Pro ingenio & indole Regum (semper de vero regno loquimur, non de mixto statu); major minorve solet esse Conciliorum & Senatus auctoritas. Ea occasio & materia disputationis: quæ non alio in regno, maiore libertate ac eloquentia mora sæpius est, quàm in Gallia: ubi Curia jus admonendi Regis de edictis conditis, habet, quousque? an etiam in publicis negotiis reliquis? Senatoriæ.

moriæ auctoritatis patroni extendunt : Regis, ut Hercules,  
 partes, non patiuntur sibi clavam è manibus extorqueri ;  
 vincuntque : acta civitatis esse, quæ Regi placuerunt,  
 etiam si curiæ displiceant. Disputatum est acriter hæc de  
 re in Curia Parisiensi anno hujus sæculi vicesimo, Verdu-  
 no Senatus Præsides, auctoritatem ordinis vindicante ; Væ-  
 ræo Regiam majestatem in omnibus summam & irrefraga-  
 bilem demonstrante & evincente, sicut uberius refert Bar-  
 tholomæus Gramondus. Jus regium non segniter passim tue-  
 tur, qui de ministeriis Cardinalis Richelii scripsit. Permissam  
 inquit, à Regibus Senatus admonitionem, quotiens modeste usurpa-  
 tur, nec ut proprium jus vindicatur, magna auctoritatis esse, ne-  
 que tamen obligari Reges, ut sententiam Senatus exquirant, aut  
 eam omnino sequantur. Licet enim alibi certis sub legibus suscipia-  
 tur regnum, aut ab ordinibus pendeat, Gallorum tamen Reges inde-  
 finita & libera potestate imperare. Similia de Anglorum Re-  
 gibus legas : quod licet maximam Senatus auctoritatem  
 agnoverint, regio tamen juri intercedere eam noluerint ;  
 & prudentiæ quidem causa sæpius ad curiam retulerint,  
 quæ sui juris esse de cetero non dubitaverint. De Henri-  
 co VII. summam Baconus : Monetarium regimen, & belli ac  
 pacis tractatus & consilia, & rei militaris administrationem,  
 ( quæ omnino absoluti juris sunt ) sæpenumero ad Comitiorum regni  
 deliberationes & suffragia referebat. Neque Elisabetha dubi-  
 tavit subinde Curiam, modestiæ admonere, & reveren-  
 tiam juris Regii ordinibus commendare, imo plenius comi-  
 tiis denuntiare ; caverent Principis patientiam ledere. Cujus  
 generis sententiæ male accommodantur adulantium artifi-  
 cio iis Principibus, qui adstrictam lege & partitam cum  
 Ordinibus potestatem obtinent : ut paulo post dicetur.

lib. 5. historiæ.  
 Hist. ministerii  
 Carden. Richel.  
 lib. 6. c. 3.  
 add. lib. 2.  
 cap. 21.

Histor. Henr.  
 VII.

Camden.  
 part. 4. ann.  
 1586.

Quid ? si in regno accurate sit dicto Sejanus aliquis,  
 Principem suis præstigiis huc illuc agitat, & debitam pri-  
 vato arbitrio potestatem sibi vindicat, an, quæ egit, Re-  
 gis, id est, civitatis acta videbuntur ? Dicet sententiam  
 contra, Rex, ut primum somno excussus, alienorum pec-  
 catorum pudorem non feret. & dicet regi : ut omnes in-  
 telligant, non impune attrectari jura uni debita, cui Deus :

TITULUS 3.

dedic.



*in Epistol.  
ad qf.*

dedit. Recte monuit Antonius Perezus Ducem Lerma : Cum S. Joannes ad pedes Angeli cujusdam, illum adoraturus, abjicere se vellet, Angelus intercessit his verbis : cave feceris ; conservus enim tuus sum. sibi dictum hoc putet Aulicus, & quanto demissiore cultu adorari se à gentibus videt, tanto magis illos sibi nocituros honores repellat, & non magis alios, quàm se Principis ministrum esse cogitet. Moderetur itaque fortuna sua, dicatque : vide ne feceris ; etenim conservus tuus sum. --- Tandem enim in Principe subsilii & excitatur naturalis ille Zelus, affectus amore multo potentior, qui aequalem ferre nequit, sed omnes scire vult, quanta inter Dominum & servum sit differentia. Fit hoc, ubi intra tyrannidis facinora, sola ambitione peccatum est. quid, si Regii nominis obtentu minister tyrannus grassetur ? Dura necessitas hominibus liberis, qua tyranno parere coguntur sub bono Principe ; inquit ille, qui persuadet Regi, ut publica usurpantem, ultimo supplicio privatae fortis admoneat. Quod cum factum esset, placuit in mortuum lege agi, quo traducta ad posteros viri memoria, qualis vixerat, amoveret suspicionem injusta cadis : tyrannidis usurpata, amore pecunie publica, populi oppressi postulatio in ipsum instituitur, auctore Advocato fisci.

*Cramond.  
lib. 2. hist. de  
Ancran.*

In Aristocratia, consideraturis diligentius hanc quaestionem, opus est ad diversa hujus reipublicae genera attendere. Est enim Aristocratia alia simplicior, & uno collegio, nec nominibus, nec jure distincto comprehensa : alia autem pluribus collegiis distinguitur, lateque diffunditur. In utroque genere, non tam arbitria hominum, quàm leges valere debent, ut valeat publica civitatis auctoritas. Sed in priori genere, ut minus periculi, ita rarior in hac quaestione dubitatio. nisi quis eadem in oculis habeat, quae modo de regno dicta sunt. Nam si in Aristocratia fiat, ut ceteri ejusdem juris participes, paucis aliquibus concedant, eorumque de sententia omnia decerni, agique patiantur, plerumque bona cum pace & gratia res transigitur, sicut exemplis Livianis constat : neque disputatur de auctoritate reipublicae. Si autem obliquas per artes, & ceteris ægre ferentibus, pauci aliqui omnia ad se tra-

*lib. VI. c. 6.  
& lib. III.  
cap. 72.*

trahant; tum, si mature auctoritas legum opponatur, facile impediri potest, ne res in oligarchian degeneret. At ubi Aristocratica vis collegiis laxius distributa est, non minimi momenti dubitationes, & nisi præcendantur, contentiones de republica oriri possunt. Finge; Collegio cuidam, i. e. certo numero de optimatibus commissam esse administrationem solennem & statam magni, & ad rempubl. spectantis negotii: sed nomine & jure omnis optimatum ordinis exercendam. illud collegium autem, paulatim proprio nomine, & ut sui juris negotium id tractare. Potest enim fieri, ut ab initio satis clara res sit, adeoque formulis scripturæ, quas sollicitudo & cautio futuri gignit, non perscribatur: progressu autem temporis non æque in obvia luce constituatur. parata jam erit quaestio: an, quia non cautum est disertis literarum verbis, rerum primordia non satis argumenti habeant? tum imprimis (ut ad auctoritatem publice actorum revertamur) an non reliquo ordini optimatum, cujus nomine angustior numerus tractandum accepit negotium, jus fasque sit intercedere, agendi modum definire, sententiam suam interponere? an commissum quidem, sed ordinarium, solenne, hæreditarium munus omnem censuram & examen & participationem respuat? an ipsa committendi ratio, auctoritatem committentium integram æternamque præstet? Finge amplius: Collegia quadam, dignitatis & conditionis sua ratione distincta, pari jure ad certum negotium concurrere: prerogativam autem ordinis & loci liberalius de prerogativa juris explicari: aut par jus, ad disparem exercendi rationem ablegari. Quæstiones, inquam, possunt hic oriri, quarum exempla nemo lubenter disceptat.

In *Democratia* validam, de auctoritate publica actorum & agendorum, quaestionem movet *Lysias*, quando ad Athenienses mirabundus inquit: ἡμῶν δ' ἄξιον θαυμάζειν, ὅτι οὐδὲ μὲν δημοκρατίαν εἶναι, γίγνεται δ' ὅτι αὖ ἔτι βίανται. Merito vos miretur aliquis, quod putatis *Democratiam* sive *popularem imperium* esse, & sit tamen quodcumque isti volunt. *Demagogos* intelligit: quos & graphice describit: sicut & *Demosthenes* & *Isocrates* passim. Sed quotiens populus evigilat,

Oraz. 24.  
πρὸς τὸ δῆμον  
καὶ αὐτοὺς.

lat.

lat, & se deceptum intelligit, exitium sibi hi tales inveniunt. Id quod evenire etiam solet in magistratuum actis, præter legum præscripta, & mentem populi actis. Sed, quæ alias hic dubitantur, ex iis, quæ dicta sunt, & dicenda, dijudicari poterunt.

Crebrior enim disputatio est *in mixto statu reipublica*, quid civitas egerit. Non est alibi plus opportunitatis, ambitiosis & novis consiliis. Prima fraudis in hoc genere origo, ex ipsa descriptione mixti status: quotiens à *mixtura*, *temperamentum* non distinguitur. Illa enim vox unice ad formam civitatis; hæc ad modum administrandi, haud raro à forma nonnihil discrepantem, referenda est, si accurate velimus loqui. non, quasi non permutari illas contingat; sed quod philosophari volentibus omnis confusio vitanda est. Notum est, non dari fere hodie Democratas, nisi Aristocratice, non mixtas (aliud enim id est) sed temperatas. qualem Athenis omni ope consilioque optabat *Isocrates*, adeò, ut non aliud sibi in republica negotium potius dari arbitraretur. Si temperamentum istud Aristocraticum, de mixtura interpretaberis, jam data est via quæstioni, de qua agitur. Sub *temperamentis*, *simulacra* etiam continentur, quæ pro veris rerum momentis, & pro jure reipublicæ venditare, inter artes politicas, variis de causis, adhibetur. *Contarem* calamo ita describitur, ex proposito quodam secreto, Venetorum respublica, quasi ex Monarchia, Aristocratia, Democratia mixtus esset status, cum nihil aliud quàm Aristocratia sit: neq; ex aliis formis quicquam trahat præter temperamenta & simulacra.

*de rep. Venet.*

Sicut autem ex temperatione ad rationem agendi pertinente, facere mixturam, quæ participatione jurium majestatis definitur, multis solenne est: ita mixturam pro temperamento interpretatur vel ignorantia philosophiæ civilis, vel adulatio, & sua cuique utilitas, præsertim in *statu ex Monarchia & Aristocratia mixto*. Ibi enim Principem, quotiens primus esse debet, solum volunt aspernare, qui aulam patriæ, domum reipublicæ præferunt. Quantum est rerum, quæ civitatis & reipublicæ nomine præscribebantur;

tur ; plerisque imperii consortibus ignorantibus , aut contradicentibus gesta ! Loquuntur *Acta publica* , quæ vocant , ubi homines tacent . Igitur hac vice nihil adjiciemus : cum præsertim alibi dixerimus de pernicioſa & impotenti ſophiſtarum conſuetudine , quæ ex conſortibus imperii , conſiliarios ; ex imperantibus , magiſtratus ; ex domeſticis , peregrina ; ex novis , vetera redigere , artificio plusquam Colchico poteſt.

Ceterum in hac quæſtione tractanda prorsus ferri non poſſunt , illa *Arniſei* : *Ubi diſtinguit inter contractus , qui ineuntur à ſola majeſtate ; & qui ineuntur ab omnibus civibus.* Nihil enim certius apud Philoſophos hac ſententia : quicquid majeſtas agit , ſive , quicquid habentes majeſtatem agunt , id à civitate , atque adeo ab omnibus civibus actum cenſeri debet . Neque quicquam abſurdius dici poteſt , quàm ſummam poteſtatem civitatis , civitati opponere . in quemcunque enim vel quoscunque , civitas ſummam poteſtatem contulit , ille vel illi referunt perſonam civitatis . Si ergo omnium civium poteſtas ſuperior erit majeſtate ; duo ſumma in eodem ordine ſtatues ; & uni corpori duo capita impones , id eſt , monſtrum facies . Fruſtra excipit *Arniſeus* : *neque enim majeſtas ubique repræſentat totam rempublicam : imprimis in rebus publ corruptis.* Vaga hæc ſunt & nullo ſcientiæ fundo concepta . niſi enim argutari velis in vocabulo majeſtatis , ſumma poteſtas ubique eſt unica cauſſa actorum à civitate aut agendorum . ſicut autem civitas , etiam iniqua agens , non ſtatim deſinit eſſe civitas : ita ubi ſumma poteſtate abutuntur , qui ea præditi ſunt , non ſtatim ſolutus intelligitur ille ordo quo civitas eſt civitas . quod *Ariſtoles* sæpe inculcat , & exemplo Democratix vitioſæ oſtendit . quod ſi conſideraſſet *Arniſeus* , non ſubjeciſſet prioribus iſta : *In omni enim prolapſa republica agitur contra bonum totius civitatis ; & proinde contractus nequeunt toti reipublica impu- tati ; ſed manent penes eos , qui in fraudem reipublica contraxe- runt.* Abunde enim hæc proſtigantur exemplo Ariſtoteli- co Democratix vitioſæ . in qua ſi tota multitudo contra bonum ſuæ civitatis egit , penes quos manebit culpa male

*Relect. polit.*  
*lib 1. c. 5.*  
*ſec 4. §. 4.*  
*Ec.*

U u u u u

acto-

actorum, à civitate scilicet, ut vult Arniseus, removenda? Illud quoque postea crude adjicitur: *Quin & ipso jure nullæ sunt, quæ contra utilitatem publicam contracta sunt, sive ab injusto reipublicæ possessore contrahantur, sive à justo.* Latet fraus in præscriptione utilitatis publicæ: quæ nec in una rep. uno modo æstimatur: adeoque non nisi expressis exemplis intelligitur. Dicent aliqui, utilitatem publicam esse, quæ omnium omnino civium commoda spectat. Atqui sunt civitates, nec statim tyrannidis damnandæ, ubi omnia præcipue ad unius commodum referuntur. Quid oppones illius contractibus, qui civitatem in patrimonio habet, etiamsi cives non existiment ad suam utilitatem istos pertinere? Sed hæc hæctenus.

lib. 4. con-  
trovers. 2.

lib. 9. de-  
clam. 2.

Qui interim à civitate agenda, sibi vindicant, illi profanas rebus sacris manus admovent, id est, ut clarius dicam, læsæ majestatis rei sunt. Apud M. Senecam annotatur: *Is lædit populi Romani majestatem, qui aliquid publico nomine facit: tanquam si legatus falsa mandata affert, sic audiuntur tanquam populus Romanus illa dederit. Imperator sædus percussit, videtur populus Rom. percussisse, & continetur inito sædere.* Et præcesserat quod repetitur in Excerptis: *In eo quod sub prætextu publicæ majestatis agitur, quicquid peccatur, majestatis actione vindicandum est.* De fœdere sic accipe, ut à sponfione distinguas: nempe, si Imperator, cum non nisi spondere posset, fœderis faciendi potestatem, quasi à civitate sibi permissam, vindicasset, ac civitatem ignaram, invitamque obligare voluisset. Accurate enim omnia hîc capienda sunt; neque illuc descendendum (quod ap. Senec. disputatur) ut, quicquid magistratus, obtentu publici officii, peccat, hoc crimine censendum sit. Si enim ita accipias illa verba: *in eo, quod sub prætextu p. m.* explicatione opus habebunt.

Annotatum est antea, civitatem, quæ æs alienum contraxerit, cum libera esset, non solvi debito, si in formam provinciæ redigatur, & fiat pars alterius civitatis. Verum hoc esse putamus, etiamsi bello facta sit hæc mutatio; cum hac tamen exceptione, nisi hostibus victoris debeat

beaturn ea pecunia. Jus enim belli non modo in bona & corpora hostium, sed etiam in jura eorum porrigitur. Si autem debeaturn non-hostibus, tum victor, si laudem justitiæ amat, non debet intercedere juri, quod natura dicat. nisi quod, necessarias ob causas differri tempus solutionis posse, fatendum est. Quid? si hostibus tuis alii debent pecuniam: poterisne debitoribus hoc nomen remittere? Manente bello, frustra & sine effectu hoc tentaveris. Sed subacta civitate creditrice, & firmata possessione, si hoc feceris, jam de tuo liberalis esse poteris. Videatur *Grotii* l. 3. 3. 4. demonstratio.

De civitatibus iniqua agentibus, aut ex iniquorum cœtu conflatis, etiam recte putamus *Grotium* definivisse, l. 3. 3. 2. Ubi etiam de corruptis civitatibus aliquid annotatur. In quibus haud facile est pronuntiare, nisi postquam corruptissima respublica ad alium aut meliorem statum emerferit. Figuras quoque non oportet accipere, ut proprie dicta. Quid usitatus, quàm magnam aliquam corruptionem, aut conversionem, ut everfionem & destructionem exaggerare? κακοπολιτείαν pro ἀναρχία interpretari? concufionem pro interitu? Quæ in hac quæstione probe discernenda sunt. Qui πολὺς πολὺν Philippi Macedonis adfuerunt, cum de civitate describenda agitur, non satis attendunt quid dicant. Non fuit illa civitas, ut hic accipitur; sed in magna civitate, loco seposito, quædam quasi custodia, continendis seorsum, qui cives ceteros inquinaturi erant suo convictu. Sicut ex *Theopompo* *Suidas* tradit.

*Arvifa. Re.  
lect. politic.  
lib. 2. c. 1.  
sect. 2. §. 16.*

*Εὐκλ  
πολιτικ.*

## Corollarii vice adjecta.

## I.

*Differentia inter Regem & Regnum, non recte traditur in Franco-Gallia cap. 19.*

## II.


*Regnum Gothicum in Italia, nova civitas fuit, ut & regnum Longobardicum, & in Neustria Normannicum.*

## III.

*Roma, quotiens exteris subjecta est, eadem urbs, non eadem civitas fuit.*

## IV.

*Arduum, sed Heroicum opus est, quod Anonymus Rhetoric. Aristotel. Scholiastes (quidam Alexandrum Aphrodis. putant) ad 3. Rhetor. p. 66. notat: ὅς ποτε ἀνομαλίσαι· εἰς τὴν ἐν τῇ πόλει θεωρουμένην ἀνισότηα (ἐν τῇ τὸς μὲν εἶναι πλουσίους, τὸς δὲ πένητας, καὶ τὸς μὲν δυνάστας, τὸς δὲ ἀδικαμένους) περὶ αὐτῆς τίς ἐξισῶσαι. Civitates ad æqualitatem redigere: quando quis inæqualitatem, quæ in civitate spectatur, inter divites & pauperes, præpotentes ac iniquos, & oppressos ac iniqua patientes, ad æqualitatem reducere studeat.*



## XXIX.

De

## MENSURA PRETII.

AD societatem civilem colendam, quam ipsa natura hominibus commendat, non parum facit indigentia mutui auxilii, quo diversarum rerum, actionum, operarum commercio atque communicatione obtineatur id, quod ad vitam felicem omnium & singulorum sufficere videtur. Quotiens autem diversi generis res commercio quodam permutari debent, comparatione & exæquatione earum opus est, ne alter plus habeat, alter minus: quod à justitia, virtute vere civili, & societati tuendæ destinata, alienum est. Quomodo ista exæquatio fieri debeat, non perfunctorie disputat Aristoteles in Nicomachicis, & summam in id confert; ut natura quidem & re vera, indigentia sit illa mensura, quæ res diversissimas comparat æquatque; in locum autem indigentiae ex instituto succedat nummus, σοιχείον ἢ τέρας τῆς ἀλλαγῆς, ut alibi vocatur, elementum & terminus sive instrumentum commutationis rerum. Verba sunt: δεῖ ἄρα ἐνὶ τινὶ πάντα μετρίσθαι — — — τὸτο δ' ἐστὶ τῇ μὲν ἀληθείᾳ ἢ χρεῖα, ἢ πάντα συνήξει. ἢ γὰρ μηδὲν δέοιτο, ἢ μὴ ὁμοίως, ἢ ἐκ ἑσῶ ἀλλαγῇ, ἢ ἐκ ἢ αὐτῇ. οἷον δ' ὑπάλλαγμα τῆς χρεῖας τὸ νόμισμα γέγονε κατὰ συνθήκην. Oportet igitur unum quid esse, quo omnia (quæ commutantur inter se) metiamur. Id autem re vera quidem est indigentia, quæ cuncta continet. nisi enim indigerent aliqui, aut non pariter, vel nihil mutaretur contrabereturve, vel non eodem modo. In vicem autem indigentia ad res commutandas successit nummus ex instituto. Contextum philosophiæ Aristotelicæ eleganter exhibet in iis quæ præcessere, Michael Ephesius: ἡ κοινωμία ἐστὶ δῶτι ἀλλάσσομεν, ἀλλάσσομεν δ' διὰ τινὶ ἰσότητι. ἴσα δ' γίνονται, διὰ τὴν Συμμετείαν. Συμμετεία δ' διὰ τὸ νόμισμα. ὥστε μὴ ὅλῃ νόμισμα ὅλῃ Συμμετεία ἐκ ἑσῶ. Συμμετείας δ' μὴ ὅσες, ὑδ' ἀλλαγῇ τῆς δ' ἀλλαγῆς ἐχομένης, ὅχλῳ δ' ἢ κοινωμία. Com-

ΥΠΗΝΗ 3

μικρῇ



munitas inde est, quod contrahimus res & commutamus. Commutamus autem propter aequalitatem. equalia sunt per convenientiam, sive eandem mensuram. Convenientia est per nummum. Nummo enim sublato, non erit convenientia ejusdem mensurae, sive comparatio ad eandem mensuram. Sublata tali convenientia, non contrahetur commutatio. Sublata commutatione, intercidit communicatio sive communio. Quod ait, sublato nummo, non fore aliquam rationem reperiendam aequalitatis, ita accipi debet, ut absque nummo interdum difficulter eam reperiri dicamus. Ante nummum inventum, non fuit nulla ratio reperiendae aequalitatis, sed interdum difficilior, in permutandis rebus. Cetera jam melius & clarius Andronicus Rhodius exequitur: ἡ μὲν ἐν χρεία εὐστὶ καὶ ἀληθὴς μέτρον ἐστὶ τῶν πραγμάτων. αὖτις γὰρ πάντας εἰς ἓν συνάγει. νόμος δὲ κατὰ σωθῆναι τὸ νόμισμα. Indigentia ergo natura & revera mensura est rerum; illa enim omnes ad communionem adducit, sive in unum omnes cogit: ex instituto autem, nummus, qui scilicet est ὑπάλλαγμα τῆς χρείας, sive in locum indigentiae succedit. διὰ τούτων τοίνυν τῶν μέτρων γινώσκεις ἐκάστη τῆς ἀξίας τῶν ἔργων, ἀλλὰ καὶ ἰσόρροον ἔσαι καὶ κατὰ τὸ ἀνάλογον. Cognito ergo per has mensuras uniuscujusque rei pretium; commutatio pro portione & aequalitatis momento fieri poterit. Ex quibus apparet, aliter Indigentiam, aliter nummum ad res metiendas adhiberi: & indigentiam quidem naturaliter non modo ad contrahendum impellere, sed aliquando etiam pretium ipsum metiri sive definire; nummum vero, accurate loquendo non definire pretium, sed esse pretium: neque adeo tam mensuram rerum commutandarum quam instrumentum commutationis ex constituto praestare. Propositis enim exemplis Aristotelicis reperiendae aequalitatis rerum interveniente nummo, semper adhuc quaerendum erit, unde & quomodo aestimatio rerum taxatioque debeat fieri, ut mensura pretii definiatur.

Pretium in hac quaestione nobis est non pecunia tantum, sed in permutatione etiam rerum, is à quo contractus incipit, sive qui pro sua re aliquid sibi dari postulat, alteri eam, ut pretium pro re invicem accipienda tradere intelligitur.

gitur. Neque minus emptio habenda est, quæ ita contrahitur. Recte enim *Plinius* in laudanda permutationis consuetudine, *Homeri* auctoritate usus, *Ita enim*, inquit, *ut opinor commercia victus gratia inventa: alios corius bouum, alios ferro captivisque rebus emitasse tradit.* Quid? quod accidere tot post inventum nummum sæculis potuit, ut penuria pecuniæ ad permutandi consuetudinem rediretur. id quod de Flandris annotavit in Annalibus ejus gentis *Meierus*. Sive igitur pretium nummo constet, sive re alia, quæ datur pro iis quibus indigemus, sive partim nummo, partim re alia: requirendum utique erit, si æqualitatem, ipsam commutationis animam, amamus, quis debeat esse pretii modus, sive ad quam oporteat mensuram exigere, quanti unaquæque res valeat. Sic *Homerus*, æstimationes rerum ita fecit, ut *centum bouum arma aurea permutasse Glaucum diceret cum Diomedis armis novem bouum.* ut verbis *Plinii* dicamus. Et cum res geritur pecunia, quantum nummorum peti darive æquum sit pro re, quam velis comparare, prima & maxima disceptatio est. Hæc erit nobis *Mensura pretii*.

*hist. natur.*  
332 1.

*ad ann. Chr.*  
958. lib. 2.  
*Anal. Flandr.*

l. d.

In qua reperienda minus difficultatis & dubitationis proponeretur, si Lex omnibus rebus pretium statuere semper posset. Sed quoniam ingens est varietas rerum temporumque, neque uno diu modo singula æstimari possunt, majori visa est indigere libertate commutatio rerum, permisumque, ut contrahentes ipsi rei suæ legem dicere possent, tum in quantum vellent alienare nollentve, tum ne alio quam vellent pretio alienarent. cum præsertim in ipso dominio rerum naturaliter hæc libertas inesset: exercenda tamen in vita sociali, quatenus justitiæ societatem continentis, & communis utilitatis civilis, ad quam societas in partibus tendit, rationes ferunt. Et quamquam libertas alienantium temperari videbatur æqua libertate eumentium sive alterius partis contrahentium, quæ non magis cogere-tur scilicet majori quàm vellent pretio sibi rem comparare, quàm alii, minore quàm vellent distrahere: indigentia tamen & necessitas sæpe emptori, ut in celebriore exemplo maneamus, extorquere potuit, ut iniquæ venditoris voluntati

tari consentiret, dum pudoris & justitiæ, ubi metus abest, postrema fere apud vulgus ratio habetur. Quo fit, ut ad summæ potestatis civilis officium in hoc negotio redeatur: quæ inæqualitatem, fori pestem, vinculis legum coërcet, magistratuum auctoritate moderatur, judiciis emendat. Ita constituuntur leges, quæ & certas ob causas & necessario tempore cogunt vendere nolentes, & rebus vendendis certa definiunt pretia. Sed & magistratus creantur foro rerum venalium præfuturi: adduntur & curatores, quibus eadem cura non eadem potestas; ut Aristoteles diligenter distinguit. qui & ἀγορανόμον describit ἀρχὴν ἐφορᾶσαν περὶ τὰ συμβόλαια καὶ τὴν ἐνοικίαν, magistratum qui videat ne quid iniqui circa contractus & commercia rerum, tum ne quid indecori circa bonos mores fiat. Suida ἀγορανομοὶ sunt οἱ κατὰ τὴν ἀγορὰν ὅλην διακείμενοι ἀγορῆς magistratus, qui res in foro venales administrant. Scholiastes Aristophanis, λογισαὶ eosdem vocari ait, quod interpretatur Franciscus Portus; qui res venales æstimant, & pretium earum statuunt, & ideo æstimatores appellantur, ut ratiocinatores, quod rerum rationes ineant. Quamquam aliud genus λογιστῶν sive ἐνθύνων Athenis fuit, de quibus Suidas ex Dinarcho & Andocide. Agoranomos autem omnibus rebus venalibus præpositos, excepto frumento quod σισυράκης curabant, Lysias docet. Hesychio ἀγορανόμος est δίκαςης, ὁ ἐν τῇ ἀγορᾷ πτωχῶν τὸ δίκασιν. Plautus agoranomos cum Ædiliū munere comparat in illis:

6. Polit. 8.  
adde 4. 15.

in Acharn.  
p. 29.

v. λογισαί.

orat. 21. contra frumentum.

Capit. act 4.  
sc. 2. v. 43.

— editiones adilitias hic habet quidem:

Mirumque adeo est, ni hunc fecere sibi Ætoli agoranomum.

Non tantum igitur per magistratus ordinarios obviam itur fraudibus, sed læsi etiam extra ordinem officio & arbitrio iudicis sublevantur. Si summatim dicendum est, pretii mensura inquiritur, & æstimatedis rebus in commutatione æqualitas definito pretio statuitur vel à contrahentibus, vel à summa civili potestate. Contrahentes vel suo arbitrio consensuque rem conficiunt: vel arbitrio alieno æstimationem delegant, statuti eo, nisi à viri boni æquitate plurimum recesserit. Summa potestas vel lege definit rerum pretia; vel per magistratus & curatores æqualitatem in con-

contractibus constituit; vel iudicio, quod deerratum est, corrigit. Neque aliud dicunt, qui aliter partiuntur.

Quicquid autem in hoc genere vel iustitiæ studio vel prudentiæ ope, publice privatimque laboratur, eo potissimum sine stat, ut vera pretium iustum mensura metiantur, qui rerum commutationi consultum volunt. Quænam illa sit, quæritur. Sententia Aristotelis, quam ante tetigimus, *indigentiam* nobis forte com monstraret, hoc sensu: *Quo magis aliqua re indigemus, eo majus ei pretium statuere debemus.* Sive, ut clarius & rectius dicamus: Quo quis magis re aliqua indiget aut indigere se putat, eo liberalius metitur pretium ejus rei, eo majore judicat pretio sibi eam rem comparandam. Crescit ergo & decrescit pretium pro majore aut minore indigentia. Sed *indigentia* hæc recte explicanda est. Non enim idem est, quod utilitas maxima aut necessaria in vita communi. Exemplis agendum est. Frumentis quidem vita communis indiget, ut vix ulla re magis. At nondum hæc est indigentia quæ pretium in ubere proventu attollit: sed tum demum, quando penuria frumenti illis aut illi, pro rerum præsentium statu, reddit rem arduam; eisque persuadet, ut pro paucis frumento multam pecuniam reddant, id est pecuniam in tali comparatione in vilioribus habeant; quam alio tempore, cum non eadem premit indigentia, pretiosius æstimarent, & minore modo contra frumentum, exæquarent. Quod subtiliter exposuit *Michaël Ephesus*. Potest accidere in bello, & extra bellum, ut ad perficienda cœpta opus habeas aliqua merce, quam velis comparare ab eo, qui nec abundat ea, & tua pecunia tantopere non eget, ut carere nequeat. certe major illa indigentia tua coget te descendere ad condiciones venditoris, modumque pretii ex modo necessitatis definiet. Extremæ necessitatis exempla, quæ nostra vidit ætas, non attingam: in quibus non inhumanum minus fuit accipere quædam, quam miserum offerre. Sunt interim multi necessitatis gradus, qui ad pariendam naturaliter querelam iniquæ æstimationis non valent.

De indigentia nescio an idem voluerint dicere, idem certe non dixerunt, qui fundamentum pretii maxime naturale posuerunt, *utilitatem rei & necessitatem*, sive aptitudinem ad exhibendum usum aliquem in vita communi. Utilitas enim sive usus rei necessarius citra illam adjunctionem, de qua dixi, non est indigentia Aristotelica. Unde etiam si ista sumas, ut afferuntur, nihil minus verum est. Quicquid enim est, quo vita carere non potest, frumenta, vina, vellera, vestes, juvenci, sal, ferrum, non majore veneunt pretio, ob usum quem habent maximum atque necessarium, sed viliori pretio, quam eorum pleraque, quæ minorem usum præstant, comparantur. Imo ad singularia Divinæ Providentiæ humanis necessitatibus propiciantis munera hoc referendum est, quod pretio non magno, res omnium utilissimæ & maxime necessariæ parantur. *Augustinus* quidem posuit illum *pro suo cujusque usu æstimationis modum*: Sed ad mensuram pretii reperiendam parum dixit, quando inutilia cum utilibus comparavit, mures cum pane, pulices cum nummis; & quæstionem mutavit, in conferendis equi & servi, gemmæ & famulæ pretiis, quæ non utilitatis ratione, quam ostendere decreverat, sed ex alia causa discrepant. Nihil enim hic quaeritur simpliciter, sed compare. Non est tamen nulla utilitatis æstimatio in faciendo pretio. Pone duas domos in agro paribus exædificatas sumtibus, & cetera vix inæquales, nisi quod una adversus impetum & incurSIONES munita, altera contra vim parum tuta sit. Non dubitem, quin utilitas munitæ majus pretium mereri videatur apud emptorem non imperitum. Ita reddituum modus, id est, utilitas bonorum, ædificiorum, prædiorum, notam pretii constituit, sive metitur pretium: ut quo majores sunt redditus, eo pluris esse credatur, quod æstimationi subjicitur, quod & Imperatores in subhastatione decreverunt. Nam etsi ea quæ plus sumtuum quam fructuum habent, aliter æstimationem subeant, nemo tamen negaverit, reddituum modum in pretio prædiorum metiendo rationem maxime naturalem suppeditare, reliqua plerumque opinio-

de C. D. II.  
16.

l. si quis 16. C.  
de rescind.  
Quod.

nionibus regi. Sed frequentius accidit, ut nequeamus dicere: hæc res utilior est, ergo etiam majore pretio venditur. Quare Seneca, objicienti, *Quadam pluris sunt quàm veniunt, re-* *de benef. 6.* spondet: *etiamsi pluris ista sunt, non tamen ullum istic tuum* *munus est, ut non ex usu effectuve, sed ex consuetudine & annona aestimetur.*

Monet hic ipse locus Seneca, ut de natura quoque rei cujusque aliquid dicamus. Nam & hæc videatur merito & jure, definiendo pretio adhiberi. Plinius certe auro pretium ex naturali nobilitate petit, quia rerum uni nil igne de- *Hist. nat. lib. 33. c. 3.* perit, tuto etiam in incendiis rogisque durante materia, quinimo quo sapius arsit, proficit ad bonitatem; deinde quàm minimum usu deteritur, cum argento, ære, plumbo linea producantur, manusque sordescant decidua materia: tertio, nec aliud laxius dilatatur aut numerosius dividitur, utpote cujus uncia in sepringenas & quinquagenas pluresque bracteas, quaternum utrobique digitorum spargantur: quarto, non rubigo ulla, non arugo, non aliud ex ipso quod consumat bonitatem minuatve pondus: quinta pretii majoris causa est, contra salis & aceti succos, domitores rerum, constantia: sexto: necur & textitur lana modo, & sine lana. Quæ omnia *Gronov. de Seltzer. lib. 4. c. 14.* sunt ex naturali bonitate perita pretia. quæ quo est perfectior, eo etiam pretiosius censetur aurum, sicut ex probatione ad obrussam, & ex auro fiscali in massis obryzæ inferendo apparet, neque aliud magis spectasse videntur, qui proportionem auri ad argentum primo quæsierunt. *In ære Phil. 34. 30.* quoque naturalis nobilitas ab ea distinguitur, quæ artificio constat. Et in metallis plura hujus generis occurrunt. In universum tamen aestimantibus vere dixisse videbitur Seneca: *res plerumque venire non suo, sed emtoris pretio.* *6. de benef.*

Et quamquam Feldenus, indigentiam unicam esse mensuram pretii in commutandis rebus statuatur, neque incommode explicet, quando definit indigentiam, quod sit necessitas quædam obtinendi medii, quod abest, ad consequendum finem; ad quem alii recte judicantes de bono, alii speciem boni pro re amplectentes contendunt: vix tamen à communi & magis usitata loquendi consuetudine recedendum putaverim, quo minus Grotium audiamus, qui non *de I. B. 2. 12.*

X x x x x 2

uni 14.

unicam hanc mensuram statuit, sed plura, quæ ab æstiman-  
tibus rei pretium spectantur, enumerat.

l. 62. § 63. ad  
l. Falcid. l. 33.  
ad l. Aquil. l. 4.  
l. 5. § 3. de off.  
amr. l. 8. C. de  
offic. vend.

Præcipuum in iis haud dubie est *communis opinio & con-  
suetudo*, de rei pretio. Quam & jura civilia in dubio sequi  
jubent: prout temporibus & locis variat. Quoniam enim  
communi quasi iudicio multitudinis ista probantur, nemo  
justam conquerendi causam habet in eo, quod omnibus aut  
plenisque videtur saltem ad tempus & cum aliqua latitudi-  
ne placuisse. Plinius multarum rerum usitata & certa pre-  
tia passim consignavit, memorabili tamen cautione adjecta  
*sine libri XXXIII: Pretia rerum, quæ usquam posuimus, non igno-  
ramus alia in aliis locis esse, & omnibus pene annis mutari, prout  
navigationes constiterint, aut ut quisque mercatus sit, aut aliquis  
prævalens maniceps annonam flagelles, non oblitus, Demetrium à to-  
ta septasia Neronis Principatu accusatum apud consules; poni tamen  
necessarium fuit, quæ plerumque erant Roma, ut exprimeretur au-  
toritas rerum. Est autem tanta in ipsa consuetudine defini-  
endi pretia varietas, ut prodigio simile in malobathro, & oleo  
inde expresso referat idem Plinius à singulis ad trecentas libras,  
oleum in 60. libras pervenisse.*

l. 12. cap. 16.

Variandi autem pretii, sive varie æstimandi plures so-  
lent esse causæ, nunc justæ prorsum & necessariae, nunc pro-  
babiles: est &, ubi iniquæ, parum probabiles, fictæ. Ju-  
stissima causa est *ex negotiationis ratione, pluribus paucioribusve  
impensis constantis*. Qui enim in re importanda plus damni  
fecit aut sumtum, haud immerito carius vendere poterit.  
quàm ubi minore impensa rem geri contigerit. Potest imo  
evenire, ut præmiis ultro invitandi sint, qui istas difficul-  
tates superare velint. Hinc Claudius, Princeps parum sane  
sapiens, sed alieno, & temporis præsertim ingenio eruditus,  
negotiationibus certa lucra proposuit suscepto in se damno, si cui quid  
per tempestates accidisset, & naves mercatura causa fabricantibus  
magna commoda constituit. Sumtibus proxima sunt pericula,  
discrimina, labores, augendo pretio. Quæ æstimatio vix  
unquam equidem in civili commercio ad liquidum deduci-  
tur. Quod si pretium ponis, inquit Seneca, irascienti maria, &  
per medios fluctus, cum è terra conspectu recessit, certam secanti  
viam

Sueton.  
Claud. 18.

de benefic. 6.  
in

viam, & prospicienti futuras tempestates, & securis omnibus jubenti subito vela stringi, armamenta demitti, parato ad incursum procella, & repentinum impetum stare? huic tamen tanta rei primum vectura (naul. m) persolvit. Adde plura hujus generis, quæ sequuntur. Habent ista in tantum rationem, in quantum, usum; si sint res, quibus carete vita hominum commode nequit. Sed quis huc compareret luxuriosorum judicia? quando ex tota rerum natura damnosissimum mare est, tot modis, tot mensis, tot piscium saporibus; quibus pretia capientium periculo fiunt. Sed parum est, nisi qui vescimur perculis, etiam vestiamur: adeo per totum corpus, anima hominis quæsitæ maxime placent. Luxuriosi, ut cœpi dicere, primam labem contraxerunt, tanti eas res taxando, quibus abstinere poterat, nec mirum est, pauperes & diurno victu intentos accepisse conditionem primo necessitatis depellendæ; subinde quæstu invalescente, & ipsos, quo majore periculo viderentur parare magno vendenda, fabulis confectis & commentis auxisse rerum pretia.

In frumento æstimato, proponit exemplum Cicero Verrina tertius, quatenus ex difficultate vecturæ pretium intendi frumento possit & debeat. Licebat magistratibus in provinciis ex S. C. & legibus in usus suos (in cellam) frumentum accipere si vellent, aut pro frumento pretium: quæ æstimatio dicebatur: in qua re avarissimi quique infinitam pecuniam contrahabant, iniquum pretium sociis imperando. Quæ Asconii Pediani verba sunt. Utebantur tamen prætextu quodam & artificio, ne exitu & ratione defensionis avaritia careret. Instituerunt, ut habet Cicero, semper ad ultima ac difficilissima loca ad portandum frumentum imperare, ut vectura difficultate, ad quam vellent æstimacionem pervenirent. Ita si cui frumentum Philomelio Ephesum fuisset portandum, Video, quid inter annonam interesse soleat: video quot dierum via sit: video Philomeliensibus expedire, quanti Ephesi sit frumentum tantum dare potius in Phrygia, quàm Ephesum portare, aut ad emendum frumentum Ephesum pecunias & legatos mittere. Hunc etiam pretium unius rei in diversis provinciæ locis intenditur & remittitur, prout facilius, aut ægrius colitur ager, facilius aut difficilius adferuntur res venales, instruitur

XXXXX 3

forum.



forum. Quæ res ipsa ad quæstum æstimationis opportuna fuit magistratibus, ibi frumentum accipere æstimatum volentibus, ubi erat carissimum. Vatere ista ratio poterat in Hispania, in iis provinciis, in quibus unum pretium frumento esse non solet. At in Sicilia, pari ad comparandum & portandum laboris & operis facultate; nulla hujus æstimationis ratio iniri, nullus coactionis modus excogitari poterat.

Plurimum potest etiam in augendo minuendoque pretio, sive in metiendo pretio, copia & inopia rerum. Quod exemplo frugum & annonæ ostendit Plinius. Et Cicero, copiam frumenti, & annonæ vilitatem, ut eodem pertinentia velut *ἰνέτην ὑπὸ τῆς* conjungit. Hinc consilia eorum, qui rempublicam administrant, ut magna copia inferantur, aut venum exponantur, forum denique omni abundantia rerum ad vitam utilium exuberet. Quibus plurimum adversantur cupiditates privatorum in monopolia intentæ, quæ efficiunt, ut pretia haud raro intendantur, etiam si nulla rerum inopia subsit: quando scilicet

*omnes compacto rem agunt, quasi in velabro olearii.*

Quorum improbitatem leges propterea coercere debent.

Pecunia quoque copia aut penuria plurimum valet in commutandis rerum pretiis. Ubi enim pecuniæ multum est, ibi pleraque carius venire videmus. In penuria pecuniæ, pretia rerum necessitas imminuit. Quamquam, si cum Michaële Ephesio velimus loqui, aut æstimationem aliter facere, abundantia pecuniæ vilis ejus pretium facit, penuria carius. neque minus videtur dare, qui in penuria pecuniæ, dimidium pendit, quàm qui in copia ejusdem, totum. Id quod accipiendum est de copia & penuria pecuniæ in universum in aliqua civitate, non de singulorum hominum copia aut inopia. Scilicet, quamquam pecunia, non tam facile ut res aliæ, quæ æstimantur, mutationem subeat, ideoque ut instrumentum commutationis placuerit: fit tamen interdum, ut pro copia aut raritate aliter atque aliter æstimetur. Ad Grotii locum, ubi hoc notatur, *Graßwinckelius* non vane monet, magnam pecuniæ factam commutationem, ex quo superiore sæculo rex Hispaniarum

ex

*lib. 18. cap. 3.  
erat prodem.  
47.*

*l. 2, 2. 12, 17.*

ex Americanis insulis tantum auri argentique invexerit; adeo, ut abundante per Europam Asiamque pecunia, pondus ejus non simplici portione auctum sit. *Crescente, inquit amplius, pecunia in quantitate, decrevit in pretio. Hinc est, quod pretia rerum aucta sunt, & per totam Europam quater tanti ematur, quanti prius: quadruplo creverint pretia. Itaque illud indubium est, pretium pecunie imminui, si ex sodinis plus auri & argenti hauriatur. Nisi quod lege publica pretium pecuniæ à mutatione crebra vindicari potest & solet. Illud interim manet; quod in publica copia pecuniæ homines carius fere emunt, in penuria, minuunt rebus pretium: ibi non sentientes, propter copiam; hic ægre se expedientes ob penuriam.*

Multum etiam potest ad augendum pretium, raritas rei, quam ab inopia seu paucitate & indigentia distinguimus: ut rarum sit, quod vel nemo alius, vel pauci habent, quomodo argumentum præstantiæ Aristoteles inde petit *Rhetoricorum primo*, & *Interpres anonymus* exemplo τὸ λίθον τῷ πολλῷ μὲν τιτταν gemmæ singulariter pretiosæ ostendit. Sic Cleopatra gerebat auribus cum maxime singulare illud, & vere natura unicum opus, duos uniones, quorum alterum aceto dissolvit, alter dissectus Veneri in Pantheo dicatus est, teste *Plinio*. Inæstimabilis illi quidem pretii censebantur ob raritatem. Et adhuc hodie margaritarii, in unionibus magnæ taxationis, sciunt, quantum valeat, quod rarissime reperitur. Requiri possunt quædam hujus generis, ab *Anselmo Boot*, in *lib. de gemmis & lapidibus*. Principum φιλοκόλων istud studium, inter visenda monstrare res raritate notabiles. Quanti taxaretur ab illis numus Othonis æreus (nam aurei repertiuntur) si posset undecunque erui? id quod desperarunt priorem peritiores, illosque, qui circumferuntur, pro genuinis non habendos sciverunt. Apud *Plinium* legimus, corrupta moneta, artem denarii probandi inductam effecisse, ut ad raritatem redacto illo genere, falsi denarii spectaretur exemplar, pluribusque veris denariis, adulterinus emeretur.

Raritati propinqua est, & aliquando congruit Ars. Quondam æs confusum auro argentoque miscebatur: & tamen ars pretii-

*hist. nat. lib. 9. c. 35.*

*Sueton. Aug. 72.*

*Chifflet. De Othonibus æreis. lib. 33. c. 2.*



manifestiorem, & pretii intendendi occasionem venditori subministrabit. Quae de re Ciceronis dictum celebratur, qui agebat: prudentis & cauti patrisfamilias esse, quod emere velit, emiturum sese negare, propter competidores emtionis. Consuetudo licitandi adversus alterum, ad fraudes etiam deducta est, de quibus Ciceronis illud in Officiis: Non licitatorem venditor, nec qui contra se liceatur, emptor opponet. Cujus generis multa hodie in auctionibus accidere solent. Ex diverso, si quis urgetur vendere sua, decedet cupiditas emptori: adeo, ut gratificari videatur, si bene emit. Optare equidem fas est in hoc genere emtores Scævolas, ex Cicerone: Q. enim Scævola P. filius, cum postulasset, ut sibi fundus, cujus emptor erat, semel indicaretur, idque venditor ita fecisset, dixit, se pluris aestimare: addidit centum millia. Sed ut id fiat, cum aliquis debito, aut sumtibus necessariis urgentibus sua distrahit, ex moribus sæculi nulla spes est.

Temporis non simplex habetur ratio in aestimandis rebus: non tantum, prout variant pretia, sicut ante dictum est; unde in aestimando pretio justo, tempus contractus attendi solet: sed etiam, prout tempore res fit melior aut deterior. Quod fieri potest vel nulla accedente ope humana, sicut vina quædam meliora fiunt ætate, quædam non diu placere possunt, quæ ob id minoris famæ, Plinius refert: vel industria hominum proficiente pretio. Sicut eodem auctore discimus, opera & cultura Acilii Sthenelii vineas notæ utilitatis, intra octavum annum ad vix credibile miraculum perductas, ut cccc nummum adderentur pendente vindemia. In primis autem in repræsentata aut dilata solutione, tempus eo valet, ut minus solvisse videatur, qui tardius; plus qui citius solvit pretium. Certe melius plerumque emit, qui præsentem pecunia, quam qui in diem emit. Quare & in additione in diem, solutio maturior, non minus conditionis melioris aestimationem subit, quam si pretio sit aliquid additum: & si dies longior solvendi pretii data fuerit, quæri solet, quantum ex usura ejus temporis capi potuerit, nec iniquæ existimantur usuræ pretii. Quæ omnia naturali æquitati

Yyyy

con-

Gellius lib. 12.

adde Cic.

Ferr. 1. 42.

3. offic. 18.

l. 3. §. 3. de act. emt. l. 3. C. de resc. vend.

lib. 14. c. 7.

14. 4.

l. 2. §. 6. de in di. addit.

l. 15. §. 1. cod. l. 13. §. 20. de act. emt.

**lib. 3. tit. 4.** consentanea, etiam juris civilis conditoribus placuerunt.  
**4. 5.** *Lex Visigothorum* : si emtor ad placitum tempus non exhibuerit pretii reliquam portionem, pro pretii parte quam debet, solvat usuras : nisi hoc forte convenerit, ut res emta venditori debeat reformari.

**lib. 12. c. 19.** *Casus fortuiti* augere pretia non raro solent. Erant merces in cursu : venit tempestas, castigavit classem naufragio : aut in terra interceptit miles prædator, augentur rerum pretia, subita commutatione commerciorum. Cinnami dimidia parte auctum pretium memorat Plinius, incensis filivis, forte an ira aliorum, incertum. Aromatum pretia etiam hodie per easdem fortunæ vices, diminuentis augentisve, jactantur. Vide quæ *Joh. de Laet* de exhausta unionum captura in insulis Cubagna & Coche narrat. Quæ vel temporis vel copię inopiæ deputantur.

• Concurrent ex iis, quæ diximus, interdum aliqua, sicut indigentia ementis & mercis rara copia. *M. Seneca* ponit exemplum : Non possum domum habere nisi hanc emero. hanc occasionem videt venditor & premit. neque sine ratione speciosa, quæ subjicitur : an aliter invenire non poteras ? ergo tibi plus præstiti. Nimirum quanti quanti bene emitur quod necesse est, ut ait Cicero. Hic scilicet modus pretii est in voluntate venditoris eximia quadam ratione : sicut in monopolis quoque apparet. *Jus Cinnami*, inquit Plinius, à *Germaniarum* rege solo proficiscitur. is edicto mercatu vendit. Ad quem modum lignum *Brasilianum*, quod maxima copia inferatur *Europa*, *Regis Lusitania* quondam esse solebat, aut eorum qui à rege redimebant : memorante *Jo. de Laet*.

**Ind. Occid.**  
**lib. 15. c. 24.** Sed heu prodigiosa ingenia, quot modis auximus pretia rerum ?  
**Plin. 33.** Omnia scilicet, ingeniosa contra se luxuria redegit ad pretium.  
**proem.** adeo nil potest illi placere, nisi carum. Comminiscitur semper aliquid, & præter rationem sollers est. Mensam, latifundii taxatione æstimat : pluris facit unius arboris redditum annuum, quam erat apud antiquos prædiorum. Quid rationem dico ? juvat ludere impendio, & lusus geminare varie. Nondum satis dicit, qui illudere rebus pretiisque luxuriam dicit. ad monstra proficit & prodigia. *C. Casar*, ut centies sester-

sestertio cœnaret uno die, omnium adjutus est ingenio. Neque ingeniolis illis luxuriæ magistris pretiosos faciebat cibos ex- *Ibid.*  
 mius sapor & aliqua faucium dulcedo, sed raritas & difficultas  
 parandi. En exquisita ingenia cœnarum! quæ tibi Latinus *Plin. paneg.*  
 Pacatus amplius describet. Quid enim per historias luxu- *Ep. 49.*  
 riæ non Principalis modo, sed privatorum in victu, in *panegyr. Theod.*  
 veste, in omni cultu, incedendo, chartæ illudemus? Legibus *odef. c. 14.*  
 adversus luxuriam, non jurgio contendendum est.

Enumeravimus hætenus, quæ & quomodo æstiman-  
 dis rebus adhiberi non sine ratione possunt solentve. Sed  
 quàm pronum sit, mensuram pretii cavillari, eadem ope-  
 ra declaratum est. Cum præsertim in tali libertate judican- *Augustin. de*  
 di plurimum distet ratio considerantis à necessitate indigentis, seu *C. D. XI. 16.*  
 voluptate cupientis; cum ista quid per seipsum in rerum gradibus  
 pendat, necessitas autem quid propter quid expetat cogitet; &  
 ista quid verum luci mentis appareat, voluptas vero quid jucun-  
 dum corporis sensibus blandiatur, exquirat. Quomodo au-  
 tem ad æqualitatis rationes revocanda sint omnia & exi-  
 genda, mox constabit, cum de discrimine æqui iniqui-  
 que pretii, & bonæ fidei in pretio metiendo præliis plura  
 addferentur.

Locum autem de vero justo æquoque, & iniquo pre-  
 tio non parum impeditum facit libertas illa contrahenti-  
 um, quæ & naturaliter videtur iis competere, in quantum  
 reipublicæ ratio patitur, ut supra dictum est, & lege ple-  
 rumque tribuitur. Quid interest, inquit Seneca, quanti sint, *l. 71. D. de*  
 cum de pretio inter ementem & vendentem convenerit? Deinde non *contrah. emt.*  
 venit illud suo pretio, sed tuo. Pluris est, inquis, quàm venit. *de benefic. 17.*  
 Sed pluris venire non potuit: pretium autem cujusque rei pro tem- *15.*  
 pore est. Cum bene ista laudaveris, tanti sunt, quanto pluris ve-  
 nire non possunt. præterea nihil venditori debet qui bene emit. In-  
 terea utriusque & venditoris & emtoris votum est unum,  
 lucrari: quod iterum Seneca ostendit. Et Imperatores em- *de benef. 17.*  
 tionis atque venditionis hanc esse conditionem dicunt, ut *32.*  
 emtor vilior comparandi, venditor caviore distrabendi votum ge- *l. 3 C. de resc.*  
 rentes, ad hunc contractum accedant, vixque post multas conten- *cond.*  
 tiones, paulatim venditore de eo quod petierat detrahente, emtor

Yyyy 2

autem

autem huic quod obtulerat addente, ad certum consentiant pretium. In voto lucrandi facile potest inesse vitium. Verum est enim illud P. Syri :

*Lucrum sine damno alterius fieri non potest.*

cap. 27. §. 2.

Qua de re grave extat iudicium Syracida : Ἄνὰ μέτρον ἀμυν-  
λιδίων παγίσσεται πάσαις, καὶ ἀνὰ μέτρον πρὸς τοὺς καὶ ἀγορασ-  
μοὺς σωτηρίσθεται ἀμαρτία. Justum ergo verumque pretium  
rei est, quod pro tempore locoque vulgo usitatum & cum  
ratione receptum habetur, aut ex rei æstimandæ conditio-  
ne vel eventu peculiari, viri boni ac prudentis iudicio e. g.  
Principis aut magistratus aut arbitri, definitur, ita ut neu-  
tra pars plus minusve habere, quoad ejus fieri potest, videat-  
ur. Iniquum vero pretium dixeris, quod maiore minoreve  
mensura, quàm conditio rei, loci, temporis postulat, taxatur,  
& eo tendit, ut alter plus æquo alter minus habeat. In qua  
re dijudicanda aliter Philosophi, aliter Jureconsulti incedunt,  
quod jam olim Cicero monuit : sive aliter naturalis æ-  
quitas, aliter leges hujus aut illius civitatis decernunt. Natu-  
ralis æquitas, quæ conscientiam Deo per se obligare idonea  
est, venditorem & emptorem sive partes contrahentes una le-  
ge tenet, ne alter plus, quàm iusti pretii ratio poscit, accipere,  
alter minus dare velit : & si in alterutram partem manifesto  
peccatum est, læso promiscue, id est, emptori non minus quàm  
venditori succurrit. Quod munus summæ potestati, etiam si  
aliter lex civilis statuisset, semper integrum ac illibatum ser-  
vatur. Legum civilium conditoribus maxima rei difficul-  
tas facile persuasit, ut ad evitandam litium multitudinem, ne  
calumniæ in infinitum excederet, ut Seneca loquitur, cum præsen-  
tim animorum secreta in contrahentibus perspicere nequeant,  
salva interim, ut semper, summi iudicis ope extraordinaria,  
non quamvis inæqualitatem, sed enormem læsionem, si nec  
dimidia pars veri pretii soluta esset, corrigerent. Quod non minus  
ad emptorem sublevandum, quàm ad venditorem, pertinere  
(quamvis in contrarium disserat Cujacius) humanius est cre-  
dere. Certe apud M. Senecam loco supra laudato emptor pe-  
nit sublevari non venditor. Sed hæc ex sequentibus cla-  
riora fient,

l. 2. C. de resu-  
vend.  
Observ. XVI.  
12. §. XXIII,  
32. Perez. ad  
l. d. 5. 7.

XXXI.

## XXXI.

**Q**uomodo pretii æquitas, & iniquitas intelligi debeat ac investigari, rationem & viam indicavimus. Nunc quomodo iniquitas obscura deprehendi, ac deprehensa corrigi possit debeatve, ostendendum est, si prius de emtionibus venditionibus fisci sive ærarii, id est summæ potestatis civilis, aliquid annotaverimus: subjecturi deinde nonnihil de pretio extra emtionem venditionem in aliis contractibus spectato; deque ipsa pecunia.

Emtio, & venditio, nomine civitatis facta, multum favoris habet, ob necessitatem erogationum publicarum, & subsidiorum reipublicæ parandorum, quibus nulla quæstuum ratio, nisi aperta vi aut fraude, aut dedecore constet, deneganda videtur. L. Metellus ex administratione Siciliensi Romam scribit apud Ciceronem in III. *cap. 33.* Verrina: *summa vi data est opera à me, ut quamplurimo decumas venderem.* Ostenditque amplius Cicero, vendidisse alios *cap. 63.* magno decumas agri Leontini, ceterorumque agrorum; Verremque coarguit, vane gloriantem, magno se decumas vendidisse, plebi Romana consuluisse, annonæ prospexisse, cum tamen pluri *cap. 64.* aliquanto potuisset vendere, si voluisset his addicere, qui contra Apronium prædædarum socium licerentur, & licentiæ decummanorum decimas aratoribus nullas reliquas fecerit. Sed Metelli quidem venditio lege Hieronica facta erat, in qua, ut apparet, gradus constituti erant intendendi pretii: intra modum tamen, cui ratio æquitatis non videretur adversari. De cetero non est infrequens, ut publico civitatis nomine, veluti monopolio quodam, res aliqua vendatur, ad eamque emendam cives teneantur, majore pretio, quam ab aliis aliunde emi posset. Habet & hoc rationes graves & publicas. A quibus plurimum discrepant auctiones tyrannicæ Caligulæ apud Suetonium. Nec Vespasianus citra avaritiæ infamiam negotiationes vel privato pudendas *Sueton. Calig. 38. & 39. Id. Vesp. 16.* palam exercuit, coemendo quadam, tantum ut pluri postea distra-

YYYYY 3

beret?



beret? nec candidatis honores, reive tam innoxii quam nocentibus  
absolutiones venditare cunctatus est.

Jam quando summa potestas per magistratus aut curatores alios vendit bona privatorum, quæ ob pensitationes publicas semper fisco tacite censentur obligata, laudanda maxime est Gordiani, & aliorum Imperatorum æquitas, qui rebus debitoris minus justo aut nimis exiguo pretio, interveniente emtoris fraude aut gratia, venditis, rescindi hujusmodi venditionem, & domino res suas vindicanti restitui jusserunt, ubi fisco satisfecerit. Sed quæ legum diligentia fraudibus in hoc negotio versantibus, satis obviam iverit? Contendendum est tamen ad id, quod æquissimum est, quantum fieri potest. Etiam, ubi ob multam solvendam, & titulo pœnali res privatorum distrahuntur. Videndus est *Lysias* in Epilogo actionis de publicatione bonorum Niciae fratris, ubi etiam illa quærela τὰ πολλὰ ἀξία ὄντα ὀλίγου πικρῆς καὶ ἐκ τῆς ἐκείνης ἐκ τῆς ἐκείνης ea quæ magni pretii erant, parvo vendi.

erat, 17.

part. 16. cap.  
244.

l. 2. §. 10. 5.

Et in corrigenda quidem inæqualitate contractus, judicia & consuetudines fori, dolum tantum attendunt. Sicut ex ante dictis intelligi potest. In Decreto Ivonis legas: Cum inter eumentem atque vendentem fuerit res definito pretio comparata, quamvis plus valeat, quàm ad presens venditur, hoc tantummodo requirendum est, si nihil fraudis vel violentia egit ille qui comparasse probatur: & si voluerit revocare qui vendidit, nullatenus permittatur. Nec tamen eo minus, non tantum apud Theologos, qui conscientiam erudiunt, sed etiam apud Philosophos, qui officiorum regulam explanant, quæri potest & solet: an qui judicio non teneretur refarcire inæqualitatem, ex officio viri boni teneatur? Ita Grotius: ex contractu sine dolo initio, cui inest inæqualitas, jure gentium nascitur facultas quedam cogendi eum qui contraxit, ad implenda pacta: nec eo tamen minus, qui plus aquo stipulatus est, rem ad æqualitatem reducere, ex probi & pii hominis officio tenetur. In contractu eorum, qui suo sumtu militant, aut naves instruunt, cum sua civitate, quibus vice mercedis concedi solet, ut capta sua faciant, aliud exemplum ponit: *Justum,*

*Iustum*, inquit, *justitia internæ id erit, si contractui æqualitas* L. B. 3. 19. 2. *insit, hoc est, si sumtus aut pericula tanti sumi, quanti præda alea-*  
*nam si hæc spes multo pluris valeat, reddendum erit civitati quod*  
*supererit, perinde ac si quis nimium vili pretio iustum incertum*  
*quidem, sed tamen facilem & magna spei emisset.* Puto, quam-  
 diu de spe sermo est, non posse ad liquidum perducere  
 quæstionem. Spes enim illa, si conferatur cum incertis-  
 simis periculis, non habet unde ad æqualitatem  
 æstimando reducat. Præterea æqualitas conditionis in-  
 ter contrahentes aliter videtur & sic ratiocinanda: Sicut  
 qui sumtu suo militat aut naves instruit, spe prædæ & re-  
 rum capiendarum, loco mercedis obtinendarum, in pe-  
 riculo versatur carendi omni mercede, perdendique sum-  
 tus & labores, contentusque esse vi contractus cogitur;  
 etiam si prorsus nil ceperit: ita civitas, etiamsi ille longe  
 plus ceperit, quam sumtum laborumque impendit,  
 causam non habet exigendi partem lucri, cum præser-  
 tim elegerit, ejusmodi spe allicere homines, ad sumtuo-  
 sam operam; cujus etiam ipsius æstimatio sæpe ad sum-  
 mam belli, solet magni esse. In quo genere contractus  
 certe potior videtur esse conditio civitatis. Et si immo-  
 dice ac supra omnem spem ditentur ex tali contractu ho-  
 mines, civitas alio titulo inde lucrari potest, vel augen-  
 do tributa, vel in necessitate publica per rationes emi-  
 nentis domini in se trahendo usum abundantis opulen-  
 tiæ.

Sicut autem, quæ manifesto contra bonam fidem  
 sunt circa pretium in contrahendo, nemo defendat: ita  
 hoc ipsum, an contra bonam fidem facta sint quædam, de  
 quibus quæritur, dubitationem habet. Video, inquit = *offic. 17.*  
*Cicero, propter depravationem consuetudinis, neque more turpe*  
*aliquid haberi, neque aut lege sanciri aut jure civili: tamen na-*  
*tura lege sancitum est.* Qua scilicet naturæ lege, ut ante  
 ostenderat, tollendum est ex rebus contrahendis omne mendacium.  
 Hanc secuti sunt Jurisconsulti, qui, cum ex XII. tabulis satis  
 esset ea præstari vitia, quæ essent lingua nuncupata, quæ qui in-  
 sciatus esset, dupli poenam subiret, ipsi etiam reticentia poenam con-  
 sistue-

c. 15.

c. 16.

offic. 2. 10.  
Inst. 5.

3. offic. 12.

3. offic. 13.

Græc. I. B. 2.  
12. 9.  
Pufend. E-  
lem. I. V. lib. 1.  
def. 12 §. 55.

Cic. 3. offic. 13.  
6. 13. & 17.  
6. 16.

*stituerunt.* Laudantibus *Ambrosio*, & *Lactancio*. Proponit idem *Cicero* elegantia quæstionum exempla. Quorum primum est de mercatore *Alexandria* frumentum vehente *Rhodium*, ubi frumenti penuria sit, & sciente plures naves in cursu esse, magnam frumenti copiam eodem afferentes, & huic merci mox vilitatem facturæ. ubi quærebatur inter *Diogenem* *Babylonium* & *Antipatrum* philosophos *Stoicos*, facturæne pro viro bono fuerit mercator, si de adventu navium aliarum reticens, suam mercem quàm plurimo vendere instituisset? *Diogenes* non imminuebat laudem viri boni hoc facto, tantumq; mercatori concedebat, quantum jure civili non esset interdictum: *Antipater* autem viri boni putabat, semper ad id contendere, quod natura æquius, melius, humanius dicat. In qua disputatione *Antipatri* sententiam *Cicero* laudat. Alii hodie *Diogenem* ita defendunt, ut *Antipatri* sententiam accusare non audeant: eo quod etiam naturæ lege non invalidus possit dici talis contractus; etiamsi ex aliarum virtutum regulis potuisset agi laudabilius. Comparant huc exemplum mercatoris mercem vendentis, cujus usum mox interdicendum novit. De quo, cum diversæ possint occurrere facti rationes, non semper eodem modo judicandum arbitror. Multo minus eadem facilitate absolverim eum, qui alicui solvit numos, quorum pretium mox minuendum novit, altero ignorante.

Eadem agitabatur contentio inter *Diogenem* & *Antipatrum*, quando ædium venditor vitium celaverit, quod pestilentes, serpentibus infestæ, male materiatae, ruinosae essent. Quod sine vitio facturum fuisse venditorem *Diogenes* disputat, contradicente *Antipatro*, quem *Cicero* probat: & res ipsa tuetur. De domo vendita aliud exemplum affertur: cum *T. Cl. Centumalus* ædes, quas in *Cælio* monte habebat, demoliri jussus ab auguribus augurium acturis, *P. Calpurnio Lanario* vendidit, qui cum mox eadem necessitate demolendarum ædium obligaretur, *M. Cato* arbiter captus quicquid emtori venditorem dare, facere ex fide bona oporteret, ita pronuntiavit: cum in venumdando rem eam scisset,

¶

& non pronuntiasset, citori damnum præstari oportere. Quam sententiam Valerius Maximus, summa aequitatis nomine laudans, quia, inquit, bona fidei venditorem nec commodorum spem augere, nec incommodorum cognitionem obscurare oportet. Athenis domus phantasmatum & spectrorum apparitione infamata, proscribebatur tamen, narrante Plinio, seu quis emere, seu quis conducere, tanti mali ignarus vellet. Proscribebatur, sed vili pretio, & quod vitium quasi ultro indicaret. Imo in re omnibus nota, vix est, ut decipi emtor conductorve potuerit. Itaque philosophus Athenodorus, cum Athenas venisset, legit titulum, auditoque pretio, quia suspecta vilitas, percunctatus omnia docetur, imo tanto magis conducit. Sicut adhuc hodie reperiuntur homines, qui talia nec perpetua credunt, neque valde exhorrent. Igitur in illo Atheniensi facto vix est, ut fraus suspectari possit. Clarior etiam est causa M. Marii Gratidiani, qui Sergio Oratæ ædes vendiderat, non quidem expressa in mancipio servitute ædium, sed emtori satis nota, quippe quas ab eodem paucis ante annis Gratidianus emerat. Re in iudicium adducta, pro Orata Crassus ius urgebat: quod vitii venditor non dixisset sciens, id præstari oportere. Antonius Gratidiani patronus aequitatem: quoniam id vitium ignotum Sergio non fuisset, qui illas ædes vendidisset, nihil fuisse necesse dici: nec eum esse deceptum, qui id, quod emerat, quo iure esset, teneret. Non est dubitandum, quin Antonii ratio ad mentem legis respiciens adversus cavillationem verborum valere debeat. Nec in alia fuisse sententia videtur Theodoricus Rex in edicto cap. 141. Quicumque fugere solitum vendiderit ignoranti, si emtorem quoque fuerit, & pretium venditor reddat, & damna sarciat, quæ per eundem contrigerint fugitivum. Ignoranti, inquit, ergo Sciensi non idem debebitur. Verum ne ignorari ista possint, formulis contrarium jam olim cavebatur. Apud Marculsum extat venditio de servo aut ancilla: Constat me vobis vendidisse, & ita vendidi, servum juris mei, aut ancillam nomine illam, non furem, non fugitivum, neque cadivum (i. e. improbum) sed mente & omni corpore sanum. Ex his si quid aliter se haberet, præstari emtori damnum, æquum erat.

8, 2, 1.

lib. 7. epist.

27.

Cic. 3. offic. 16.

lib. 2. form.

22.

In hac disputatione, ut inter homines definiendi peritos

Zzzzz

quæ-

- quæsitum est, quid esset celare. Ubi ex sententia Diogenis,  
*Cic. 3. offic. 12.* aliud est celare, aliud tacere: — neque, quicquid tibi audire utile  
 est, id mihi dicere necesse est. Certe, non semper necesse est,  
 quando inter nos de illa re, quæ celatur, nihil agitur. Ita-  
 que non cum Antipatro statim ad naturalem hominum inter  
 se societatem confugies, nisi ita explicetur: quod illa ho-  
 minem homini obliget ad bonam fidem & æquitatem in o-  
 mni commercio & contractu servandam. Tum enim pro-  
 fecto mihi dicere est necesse, quod tibi utile est audire, si  
 tecum paciscor aut contraho, ne contractui inæqualitas in-  
 sit, & ne ego plus, tu minus habeamus. quod cum natura  
 justitiæ in contrahendarum rerum fide positæ pugnat. Be-  
 ne igitur Cicero partem quæstionis concedit, partem sup-  
 plet ac definit: Neque enim id est celare, quicquid reticeas; sed  
 cum, quod tu scias, id ignorare emolumenti tui causa velis eos, quo-  
 rum intersit id scire. Hoc autem celandi genus quale sit, & cujus  
 hominis, quis non videt? certe non aperti, non simplices, non ingenui,  
 non justî, non viri boni. Satis autem clara sunt verba Cicero-  
 nis, & ultro se explicant, neque opus forte habent cautione  
 Grotiana, quasi ad restringendum laxiorem sensum neces-  
 sario adjecta.
- 2. B. 2, 12. 9.* Si autem celasse crimen est, multo magis ementiendo  
 merces extulisse, & sermonis vanitate amplificasse. Quod  
*3. offic. 14.* ostendit Cicero exemplo Pythii, argentarii Syracusani, qui  
 C. Canio equiti Romano hortos cum omni instructu, per  
 vanitatem demonstratos, vendiderat, postea inanes &  
 prorsum monstratis dissimiles tradiderat. Quanquam au-  
 tem, ut ibidem declarat, Aquilii de dolo malo formulæ  
 nondum erant prolatae, quibus damnabatur cum esset aliud  
 simulatum, aliud actum: ipsa tamen naturæ lex judicem mo-  
 nebat, ut posset decepto opem ferre, si imploraret. Ita  
*3. offic. 15.* nec ut emat, nec ut vendat, quidquam simulabit aut dissimula-  
 bit vir bonus. — Tollendum igitur est rebus contrahendus omne  
 mendacium. Quæ ne quis disputationis magis quàm veri-  
 tatis causa dici existimet à Cicerone, non sinit nos Demo-  
 sthenes ignorare, apud Athenienses in legem ivisse, ut men-  
 dacio forum vacaret, κατὰ τὴν ἀγορὴν ἀψευδῶς λόγον πρὸς ἄλλους  
 in Leptin.

Quod

Quod autem addit, *ἢ οἱ εἰς τὴν δημοσίαν βλάβην, ἢ τις φεύσεται*, in quibus, si quis mentitus fuerit, nihil inde respublica detrimenti capiat: non nisi ad comparisonem majoris damni, ex more oratoris, referendum est. Ut enim fraus exulet foro, & privatorum contractibus, vel maxime reipublicæ interest. Quod Cicero sæpe testatur.

Hinc illa legislatorum aliorum quoque diligentia, circa res emendas vendendasque, cujus specimina ex *Theophrasto*, *Stobæo* commemorat. Quidam enim venditiones, non nisi adhibito præcone celebrari volebant, facta pluribus ante diebus denuntiatione. Alii apud magistratus, aut imperantes fieri decreverunt: sicut Pittacus, apud Reges, & Prytanem. Alii apud magistratum quendam proscribebant venditionem sexaginta minimum diebus, ante quàm fieret & ab emtore centesimam exigebant: ut & justii pretii hinc cognosci modus posset, & disceptandi ac contradicendi volentibus copia fieret. quod Attici instituti fertur. Alibi quinque dies interponuntur contractui confirmando, præcone per singulos dies denuntiante, si quis intercedere, aut vindicare domum remve aliam vendendam vellet. Quod in majoribus scilicet rebus locum habere intelligitur. Ut & in pignoribus, apud Cyzicenos. Sed recte notat Philosophus, illum proscribendi & pronuntiandi morem inde oriri, quod legibus non descripta sint bona, & possessiones. ut scilicet hæc sit lex, defectum legis alterius supplens. Nam ubi singula descripta sunt, statim ex tabulis publicis cognosci potest, quæ bona sint *ἐλεύθερα καὶ ἀνίπαρα*, libera, & à nemine attrectanda. Ita facile justa poterit venditio fieri, cum præsertim magistratus emtorem inscribat tabulis. Etiam loco illius *προσασίας*, quæ *Gr. Budæi comment. Gr. L. p. 488.* in usu erat, sive potius in abusu, jurisjurandi religio instituta est: Si quis enim domum emeret, sacra facere ad Apollinis Epicomæi; aut si prædium, in vico quem incolit; & jurare conceptis verbis apud magistratum, adscriptis trium in vico virorum nominibus; lex eum jubebat: quod juste, sine ulla machinatione doli, sine arte & fraude emeret. Eodem pacto venditor omnem dolum ejurabat. Quod

si quis extra urbem Athenarum habitaret, pauciore sacrificii apparatu ad Jovis Agoræi sive forensis ædem, jurisjurandi religionem implebat. Absque qua neque nomen contrahentium neque contractus in literas referebatur. Luculenta hæc sunt testimonia, quàm fuerint de bona fide in contractibus accurate exigenda solliciti antiqui Legislatores: quam & jurisjurandi sanctimonia muniendam statuerunt.

*Vide Leg.  
Longobard.  
tit. 18.*

*cap. 253.  
pag. 125.*

Quæ & alibi in subsidium juniore ævo vocata est. In *Consulatu Maris*, ubi consuetudines maritimæ legum vigorem obtinentes complures memorantur, nobile exemplum ponitur. Si exercitor navis, quam cum sociis communem habet, eam vendiderit absque consensu, & inscientibus sociis, tum equidem, ubi major pars sociorum venditionem approbarit, non tenebitur, nisi unicuique pro rata portione pretii. Si autem, postquam id placuit, ipse implere neglexerit, & propterea qui ante convenerant, ad eorum partem transierint, qui dissenserant, non tenebitur tantum unicuique pro rata parte pretii ex vendita nave quæsitæ, sed insuper ad omne id lucri exsolvendum, quod socii jurejurando interposito confirmare poterunt, nave illa vendita interea acquiri potuisse. Adduntur plura & severa, de vindicanda nave, non venditâ à quibus & sicut oportebat, quæ ibi legas licet.

Apud *Stobæum* loco laudato, amplius additur, quàm studiose veteres caverint, ne quid bonæ fidei rationes in contrahendo interverterentur aut impedirentur. Ut nimirum tum demum recte facta videretur emtio & venditio. *οἱ μὴ παρὰ μεθύσει, καὶ ἐξ ὀργῆς, καὶ φιλονεικίας, καὶ παρὰ μὲν, ἀλλὰ φρονέοντες, τὸ ἔλον δικαίως.* si contrahentium neuter vel ex ebrietate, vel per iram, vel pertinacia contentionis, in fraudem legis, sed uterque consulto consilio, denique jure contraxerit. Adduntur, quæ diversas apud gentes de translatione domini, de arrhæ modo & jure, de traditione, non uno modo, ad excludendas fraudes constituta sunt.

Monet hic locus, ut de interpretio aliquid annotemus. *Glossa Philoxeni*, interpretium interpretantur *παράλληλον*. supplet

*Henricus*

Henricus Valesius, τιμημα, quod interpretium dici non possit, nisi *ad Ammian. Marcellin. lib. 28. c. 5.* habita ratione ad alterum pretium. Vere. Sed propius ad rem facit explicatio Hesychii, apud quem τὸ παρόλλανον, inter alia significat, τὸ μετὰ ξὺ ὄν. quod interjectum est. ita enim indubie legendum videtur: ἀκάλειθον, ὁμοιον, τὸ μετὰ ξὺ ὄν. ubi vulgo, cum præcedente ὁμοιον copulare volentes legunt τὸ μετὰ ξὺ ὄν. Interpretium notat illam differentiam, quæ est inter prius pretium & posterius, sive inter pretium, & incrementa pretii. Valesius definit, pretium inter emtum ac venditum; & à Cujacio nimis obscure pretium pretii vocari ait. quod in *Observatione* quam nominat, non invenio. De cetero recte notant ad Ammianum, Lindenbrogius & Valesius, interpretium & de lucro & de damno dici: ut, quanto pluris aut minoris vendideris rem quam emeris, id quod priori pretio accessit aut decessit, interpretium sit. Nobile exemplum est in *Ammiano Marcellino*, ubi Hymetius pro consule Africam regens Carthaginensibus inopia laborantibus ex horreis Romano populo destinatis frumenti denos modios singulis Solidis vendidit. Proxima messe, in ubere frumentorum proventu, illa pecunia emit frumenta, sed Solidis singulis tricenos modios. de quibus, cum horreis populi Romani quantum inde acceperat, fideliter restituisset, interpretii compendium ad Principis ararium misit, sive ad arcam Præfecturæ Prætorianæ. Hic interpretium erat, xx. modii in solidum. Atque hoc quidem clarum apertumque est.

lib. 16. obs. 4.

lib. 28. c. 5.

lib. 2. Var. c. 26.

Apud Cassiodorum Rex Theodoricus præcipit: ut (ob) frumenta, quæ per negotiatores publico comparantur, non iterum ab eisdem interpretii nomine Solidorum quantitas exigatur. Res ita se habebat. Negotiatoribus vulgo dabatur negotium coëmendi frumenti Reipublicæ necessarii: cujus si parte hic aut illic non indigeret respublica, compellebantur negotiatores ab his, qui eam rem curabant, ut frumentum Reipublicæ emtum, sibi haberent, & pretio, quo emerant, adderent certam solidorum quantitatem, interpretii nomine, id est, cogeantur emere à republica carius, quod reipublicæ emerant vilius. Iniquum autem existimat Theodo-



ricus ut ille patiatur dispendium, qui imperium fecit alienum. Constituit ergo, ut, si coëmto frumento non indigeat Respublica, vendatur ab officio Ptæfecturæ Prætorianæ, eventumque, quem fors datura est, ratio fiscalis contenta sit: ne genus hominum quod vivit lucris, ad necem possit pervenire dispendiis. Hoc quoque obscuritatem nullam habet.

At non æque expediveris in *Lege Saxonum cap. 2. de occisionibus l. 1.* Qui nobilem occiderit, *ICCCXL Sol. componat.* *Ruoda* quod dicitur apud Saxones *cxx Sol.* & interpretum *cxx Sol.* Interpretium hic legenti *Lindembrogio*, nemo discrepabit, opinor. In ceteris dicam quid mihi videatur, libenter cessurus meliora docentibus. Illud *Ruoda*, quod de cruce explicant glossæ, huic loco non convenire, arbitror: substituerim *Freda*, sive *Vreda*. Delicta apud Germanicas nationes certa pecuniæ summa æstimabantur: cujus pars ut in homicidio, propinquis occisi, pars fisco solvebatur. Antiquissimum morem *Tacitus* memorat: pars multa regi vel civitati, pars ipsi qui vindicatur vel propinquis ejus exsolvitur. Sequiore ævo compositio, quæ propinquis præstabatur luendi homicidii aut alterius criminis causa, *Weregildus*, *Weregeld*, *Wargilda* dicebatur. Quod fisco ex tali causa cedebat, *Fredum* vocabatur. Legis ergo sensum hunc existimo: Qui nobilem occiderit, *ICCCXL sol. componat*: tot solidos scilicet (de numero enim disquirendum est) tanquam *Wergildum* solvat, occisi propinquis: *Freda* quod dicitur apud Saxones *cxx Sol.* *Freda* autem quæ nominantur apud Saxones, fisco scilicet inferenda multa, *cxx solidis* dependatur: & interpretum *cxx sol.* Quid interpretum hic? capio augmentum multæ ex mōra, sive accessionem & geminationem fredæ ob dilatam solutionem sive tergiversationem damnati. Ne somnariæ videar, commodum ad meas manus venit missu Illustrissimi cujusdam viri *Scheda* sive *Capitulare Caroli M. ex antiquissimo MSC. bibliotheca Vaticana* non ita pridem doctissimo *Holstenio* editum, factum in Comitibus Aquisgranensibus A. Christi DCCXCVII, ubi geminatio ista clare adstruitur

cap. IV.

*Germ. 12.*

*G. Hieron. Bi-  
gnon ad Mar-  
culf. lib. 1. p.  
444. & 491.*

cap. IV. dum Wargilda pagensibus conceditur, si causa infra patriam fuerit pacificata. Si autem (ita sequitur) in praesentia missorum regaliū causa definita fuerint, pro jam dicta Wargilda superscriptos sol. XII ipsis pagenses habeant concessos: & pro hoc quia missus regalis ex hac re satigatus fuerit, alios XII sol. inde recipiat ad partem regis. Si autem ipsa causa ad palatium in praesentia regis ad definiendum fuerit perducta, tunc utrique solidi XII id est pro Wargilda, & quod vicinis debuit componere, eo quod infra patriam definita ratio non fuerit, ad partem regis faciant componere, quod sint solidi XXIV. Nam si fuerit aliquis, qui in patria, juxta quod sui convicini judicaverint, seque pacificare noluerit, & ad palatium pro hujus rei causa venerit, & ibi ei fuerit judicatum, quod justum judicium judicassent, in prima vice, ut supra dictum est, sol. XXIV. ad partem regis componat. Et si tunc inde rediens se pacificare & justitiam facere renuerit, & iterum pro ista causa ad palatium fuerit convocatus & dejudicatus, bis XXIV solidos componat. Si vero necdum correptus tertia vice pro eadem re ad palatium remeaverit, triplam compositionem exinde faciat ad partem regis. Interpretium igitur in Lege Saxonum, fuerit accessio sive geminatio multae fisco pendendae, id est, fredī, ob tergiversationem & contumaciam partis condemnatae: translata similitudine à rebus, quae in commercio versantur emunturque & venduntur, ad rationes poenae ac multae: ut solenne istis temporibus fuit inflectere vocabula, & licenter significationem ad alia transferre.

Ceterum de interpretio, priore illo significato, hujus loci sunt istae quaestiones: interpretii compendium omnino justitiae non adversari, cum tota mercatura id est res tam necessaria reipublicae hoc fundamento nitatur, nec male R. Theodoricus describat mercatores, *genus hominum quod lucris vivit*: justis nimirum. Sed modum interpretii, quippe non una semper aestimatione taxandum, non nisi arbitrio viri boni ac prudentis definiri. Quae res in mercatura saepe exitum vix reperire potest, ut teneatur medium iter: nec vel licentia interpretii, vel restrictio & adaequatio, mercaturae in summam, aut civitati, aut singulis noceat. Et quoniam ali-

quan-

quando dispendia interpretii nulla diligentia vitari possunt, fieri non nequit, ut tali casu, inæqualitas in contractu sit, & minus habeat venditor absque culpa emtoris. An vero, in certo præsertim genere mercium, ob frequentia & pæne necessaria dispendia interpretii, sicut apud pharmacopolas, liberalius, & quousque, indulgeri par sit, altioris est disquisitionis.

*Agar, 1, 1.*

Vere est à Cicerone dictum: *nihil est quod non emi possit, si tantum des, quantum velit venditor.* Et ex diverso dicere possis: nihil est, quod non vendi possit, si tantum remittas, quantum velit emtor. Potest tamen tanta esse venditoris avaritia & tam manifesta iniquitas, ut non tam vendidisse suam rem alteri, quàm emunxisse alterum argento, dici queat. Sicut Theodoricus Rex apud Cassiodorum, non tam comparasse, quàm surripuisse emtorem dicit id, quod à venditore prodiga voluntate lascivo, & pupillo emerat vili pretio. Verum has voluntates ad regulam concinnare, sicut nulla umquam lex satis potuit, ita naturalis æquitatis, & conscientiæ, & caritatis Christianæ supplementum accedat necesse est, si negotium cotidiani & necessarii usus ad civilis felicitatis modum quo humana omnis prudentia tendit, exigi & accommodari velimus. Adeo est præclare ab Aristotele observatum, non solis legibus, sed bonis moribus (quibus formandis destinatur educatio civium publica & privata, tum Theologorum vigilantia & auctoritas) finem civitatis obtineri.

*Var. lib. 1.  
epist. 7.*

In ponendis aliarum rerum pretiis, proxime ad rationes emendi vendendique accedunt, quæ locantur & conducuntur. Consuetudo enim & tempus & locus, non minus hic ad æquitatem aut iniquitatem ostendendam faciunt, quàm in illo primore contractu. De laborum pretio definiendo, res aliquando difficilius est & impeditior. Rerum necessariarum mercede, perpetuas operas servorum etiam redimi, ratio semper fuit. Necessaria autem alimentis & vestibus metiebantur. Qua de re Grotius abunde annotavit. Addi debet, ut etiam servo prospici debeat de victu & necessitatibus, cum operas præstare non potest morbo seniove infirmus.

*I. B. 3, 14, 6.  
& in Annos.*

Et

Et sublata quidem hodie servitute, famulis perpetuis consensu fere gentium humaniorum, præter alimenta & vestes aliquid indulgendum creditur, unde quasi peculium quoddam conficere queant. Milites, etiam ubi de tenuitate stipendii queruntur, aliquid præter necessaria, sibi superesse ostendunt, unde vacationes redimere & centuriones demulcere possunt, apud Tacitum. Et Alexander Severus de militari disciplina: *miles non timet, nisi vestitus, armatus, calceatus & satur, & habens aliquid in Zonula.* cum ex diverso mendicitas ad omnem desperationem vocet armatos.

li. A. 17.

Lamprid.  
c. 52.apud Cassiodor.  
lib. 2.  
ep. 9.

Atque si Theodoricus Rex histrionem tanquam latitiae publicae ministrum, mendicitate tristissima non debere ingrari existimat, quanto magis honestiores & liberaliores labores iis rependi præmiis æquum est, quæ ab inopia vindicent e. g. patronos caussarum, medicos, magistratus, doctores variarum scientiarum. Convenit enim, ut magnarum rerum magna merces sit. *ὁ μισθὸς, ὡς ἐπὶ μεγάλων μέγεθς,*

apud Libanum. Mercedis enim nomen neque Latini, neque Græci veteres abhorruerunt, in iis, quæ postea alii stipendia, salaria, honoraria, præmia, & Græce *ζωτάξις* maluerunt dicere. Apud Tacitum, qui foro dabant operam, bene differunt: eloquentiam non gratuito contingere: omitti curas familiares, ut quis se alienis negotiis intendat. multos militia, quosdam exercendo agros tolerare vitam. nihil à quoquam expecti, nisi cuius fructus ante providerit. Quod ex Livio Tacitus, ut multa, sumiserat, qui in re alia, sententiam eam ita extulit: eo impendi laborem ac periculum, unde emolumentum atque honos speretur. Videmus hic quoque ad necessitates vitæ rationem mercedis exigi: scilicet honeste degendæ, ut se suosque honeste possit sustinere, qui stipendia officii aut muneris operisque honesti meret. Medicorum causam Seneca agit. Doctorum & præceptorum labores mercede dignissimos tuetur facundissime Libanius. Quamquam autem res ipsa pretio nummario aestimari in talibus nequeat, labor tamen cuique suus fructuosus esse debet. Itaque his non pretium rei, ut bene Seneca distinguit, sed opera solvitur: — mercedem non meriti, sed occupationis sua ferunt. Magistratibus

li. A. 7.

lib. 4. c. 35.

6. de benef.  
15. & 16.  
Orat. 2. rom.  
2. pro Rhodensibus.

lib. 32.

tribus mercedem constituendam Mæcenas Augusto suasit apud *Dionem Cassium* : μισθόν γὰρ τινὰ εἰσέτασσαν, ἢ τῆς ἀρχολίας ἕνεκα, ἢ τῆς ἀξιώσεως. Merces iis aut premium aliquod datur, cum occupationum, tum dignitatis nomine. Quasi diceret: occupationes eorum ita remunerandas, ut non modo necessaria suppetant, sicut ante dictum est; sed dignitatem quoque suam quisque & honorem muneris tueri queat. Nam de liberalitate singulari magnorum Principum, operas eximiorum ministrorum animosæ æstimantium, nihil attinet dicere.

in Gallien.  
c. 12.

lib. 12. c. 25.

De variis fraudibus, & subdolis artibus, quibus pretia rerum augentur minuunturve, nolumus verbosi esse. In subobscuris, aut ambiguis laborandum est: dolus apertus suoapte arguitur indicio. Ut cum gemmæ vitreæ pro veris venduntur apud *Trebellium Pollionem*: aut alia gemmarum adulteria subornantur. De cujus generis fraude deprehensa, puniendâ nemo dubitat. Apud *Plinium* balsami vitandi consuetudo annotatur: nec manifestior alibi fraus: quippe millibus denarium Sextarii emti vendente fisco trecentis denariis veneunt: in tantum expedit augere liquorem. Sicut *Oenopolas* rariora & peregrina vina, aliis liquoribus in tantum augere compertum est, ut ex uno dolio cadove facile numerosior proventus ingeminetur.

lib. 33. c. 3.

3, 9  
Persius Sat.  
vix. 3.

Potius est, ut de ipsa pecunia aliquid subjiciamus. Est hæc plerumque ipsum pretium, sicut ante ostendimus. Sed usu tamen venire constat, ut interdum merces fiat; tum etiam certam ob formam ac conditionem, pretio æstimando aliquid adjiciat aut detrahat. *Plinius* de Victoriatis: Qui nunc victoriatas appellatur, lege *Clodia* percussus est. antea enim hic nummus ex *Illyrico* advectus, mercis loco habebatur. Atque hinc est collybus, proprie sic dictus: ex permutatione pecuniæ. *Pollux*: ἀργεῖς ἀλλαγῇ, ὁ καλούμενος κόλλυβος. Et collybistæ, qui sciebant, quid asper utile nummus haberet. Quæ aspratura ostendit, caute accipiendum illud *Poëtæ*:

unum ubi nummorum genus est, ibi collybus baud est.

Collybo enim non permutantur tantum nummi disparis metalli, formæ, pretii, sed etiam unius formæ, atque adeo unius.

unius generis, ut denarii detriti cum asperis. Ab hac permutatione, licet sine quodam quasi interpretio, sæpe etiam sine fraude non fiat, diversa est collybistarum sive potius numulariorum negotiatio, quam in scenerandis pecuniis exercent. Illa enim ex tempore, in loco, inter præsententes usurpatur: hæc in mutuanda, & trajicienda pecunia potissimum versatur. Quamquam vox *cambii*, qua hodie utuntur, etiam permutationem significet. Totus autem ille contractus iisdem prorsus rationibus regitur & defenditur, quibus pacta, quæ ad usuræ speciem accedere videntur apud *Grotium*. *Asconius in Divinationem, quadrupli* *I. E. 2, 12, 21.*  
*damnari solitos, ait: qui convicti erant pecunia gravibus usuris* *c. 22.*  
*scenerata, quam pro consuetudine. Legibus quoque repressas*  
*scenebris mali fraudes, miras per artes rursus oriri, Tacitus* *6. A. 16.*  
 queritur, & experientia omnis ævi demonstrat. Anno superioris sæculi nonagesimo sexto Albertus Archidux, rebus Hispanis in Belgio moderandis impositus, maxima rei pecuniariæ difficultate premebatur, ex tali causa. cum enim à mercatoribus magnam vim nummorum accepisset, in Hispania cum lucro illis reddendam, syngraphas quaestuose pecuniæ in Hispaniam missas rex conspicatus, & immodica mercatorum cupiditate commotus (pro singulis namque nummum centenis, septuaginta lucri nomine pacti erant) eas concerptis, atque intolerabilem usuram decreto notavit. Sed cum absque opera eorum bellum geri non posset, ad novum pactum descendendum fuit in posterum: ut singuli ducati in Belgio ad 53, stuferos computarentur. Ita lucrum de centum erat 47.

Quantum in mutando pretio nummorum ad lucrum & damnum momenti sit, dici non potest. Civitas aliquando talibus inventis sua damna levavit. *Libra pondus eris, referente Plinio, imminutum bello Punico primo, cum impensis respublica non sufficeret, constitutumque ut asses sextantario pondere ferirentur: ita quinque partes facta lucri, dissolutumque as alienum: — — Postea Annibale urgente, Q. Fabio Max. Dictatore, asses unciales facti: placuitque denarium sedecim assibus permutari, quingarium octonis, sestertium quaternis; ita respublica dimidium* *L. 33. c. 3.*

lucrata est. Non sine temperamento tamen : nam in militari stipendio semper denarius pro x. assibus datus. Vide, quod Pro-  
 pag. III. Edit. copius refert in *arsenâtois*, de statere aureo. Valde autem o-  
 Nicol. Alem. pera danda est, ne quid hæc res domi forisque in commer-  
 cia detrimenti, & perturbationis inferat, cujus generis in-  
 auditas calamitates hoc ipso sæculo Germania nostra ex-  
 perita est. Inter alias, *caussa malorum*, inquit doctissimus Lami-  
 nat. nummi. padius, quod ex mensura fecimus mensuratum, id est, Joachimicos  
 & id genus probata genera ad minutam eamque adulteratam mo-  
 netam exegimus, eatenus Joachimicos sui valore augeri ac excre-  
 re judicantes, quatenus sex illa moneta deficiebat in dies facta mi-  
 nor : cum potius ad ipsam quantitatem argenti quamlibet moneta spe-  
 ciem æstimari oporteret. Joachimici ne ipsi quidem vera moneta men-  
 sura sunt, sed argenti quantitas pondere definita. Attamen minus  
 hallucinaremur, si, prout adulterantur minuti nummi, ita non con-  
 tinuo judicaretur, Joachimicos augeri minuisse.

Memorabilis inprimis est consultatio, quæ anno hu-  
 jus sæculi secundo Aulam & Curiam Galliæ exercuit, de  
 mutatione in re monetaria facienda, quam Ithuanus describit.  
 Abrogatus est tum salutaris in commercio & contractibus per aureos  
 computandi usus, qui ab anno 1577. feliciter usurpatus fuerat, au-  
 gendi per libras, quæ imaginaria sunt, auri & argenti pretium, &  
 mercium ac rerum omnium caritatem invehendi præcisa per eum oc-  
 casione. Nam per licentiosa bella cum collybistarum flagitio nihil in-  
 ausum esset, hac sola ratione effectum est, ut nihil in jactatione num-  
 morum peccatum sit. — Quæsitus quidem est mutationi  
 prætextus : quod libra omissa, quæ tertiam tantum partem tunc  
 faciebat, luxui & profusioni per aureos computandi usus portam a-  
 peruisset. — Sed experimento compertum est, quod anno 77. ad  
 sistendum in numis per libras pretii incrementum decretum fuerat,  
 prudentissime factum fuisse, eoque abrogato incommodum idem quod  
 antea invaluisse, quod tandem numi aurei augendi, & per illud in-  
 crementum mercium pretium præcipue externarum pariter augendi  
 necessitatem imposuit. Verum de pretio pecuniæ acturo, nova  
 dissertatione, neque exigua opus est. Nostro instituto ista  
 possunt sufficere.

## XXXII.

## LEX, QUAE INGRATI DATUR ACTIO.

**D**Uplex est hujus loci disputatio : Primò, ut de lege quæ est ; deinde, ut de lege, quæ esse potest, aut debet.

In prima quæstione, quando, an sit lex adversus ingratos, disputatur, iterum ordine incedendum est, ut videamus : an natura, an mos gentium, an jus civile ingratos emendationi & pœnæ subjecerit?

De naturâ, videtur dubitare Grotius, quando statuit, *I. B. 2, 10.*  
*20.*

puniendos non esse actus oppositos virtutibus, quarum natura coactionem omnem repudiat ; in quo genere sunt, misericordia, liberalitas, gratia relatio. Non enim de Jure civili tantum loqui Grotium, facile intelliget, qui propositum operis, & disquisitionis hujus contextum animadvertit. Sed, si jure naturæ præcipiente continetur Gratia ; ejusdem juris auctoritate ingrati damnabuntur.

*2. de ingens.*  
*22.*

Cicero disertis verbis : *Ac natura quidem jus est, quod nobis non opinio, sed quadam insita vis afferat ; ut religionem, pietatem, gratiam, vindicationem, observantiam, veritatem.* Et mox Gratiam describit, quæ in memoria ex remuneratione officiorum, & honorum & amicitiarum, observantiam teneat. Hierocles, cum de grato in parentes animo agit, naturæ in ea re parendum, elegantibus verbis indicat : τὸ γὰρ θυγατρὸς ταῦτα ποιεῖν, καὶ τὸ τῆς ἀπὸ τῆς διασώζει νόμον, καὶ τὸν τῆς φύσεως ἀποδίδωσιν ἱερὸν. Qui grato animo ista faciet, non virtutis modo legem custodit, sed quod natura jubet officium, implere pro virili parte studet. Quod longè melius judicant, & interpretantur, qui gratum in parentes animum, etiam divina voce, non inscriptum modò mentibus, sed tabulis æternam legem continentibus denuò promulgatum norunt.

*de decalogo*  
*p. 760.*

Philo Judæus, ingratos duo apud tribunalia, maxime naturalia, damnari ostendit ; impietatis quidem, apud divinum, quod vita post DEUM auctores non venerantur ; inhumanitatis apud humanum,

Aaaaaa 3

quod



quod nihil ab iis quisquam speraverit, qui negligunt eos, quibus par gratia referri non potest.

Ex hoc Jure naturæ quæ proficiscitur actio, judicem habet DEUM; actores non eos tantum, qui ab ingratis atrociter læsi sunt, sed ipsam quoque ingratorum hominum conscientiam; patronos nullos.

1. de H. II. Sed & gentium, quæcunque aliquem civilis moris gustum habuerunt, judicio, dissociabile nec ferendum vitium est ingrati animi vitium. Præclare testatur Cicero: Quæ autem natio non comitatem, benignitatem; non gratum animum & beneficii memorem diligit? quæ superbos, quæ maleficos, quæ crudiles, quæ ingratos non aspernatur, non odit? Julianus Imperator in encomio Eusebia: ἰδὲν δὲ γὰρ, διῆσαι, τῶν ἄλλων ἀδικημάτων ἑλκῶτον μὲν ἀχαριστίαν, καὶ ἐνεδίξεν τοῖς ἀνθρώποις, ὅταν αὐτὸς παρόντες περὶ τῆς εὐεργετίας ὡσιν ἀχαριστοί. Neque enim minus quam alia crimina, ingrati animi odio prosequimur, ac exprobramus hominibus, cum accepto beneficio, ingratos se erga bene meritos præbent. Neque alienum est ab hujus loci sententia, quod Seneca fateatur, Urbes quoque urbibus, quæ præstiterunt exprobrare; & in majores collata, à pauperibus exigere.

Apud hoc tribunal, quod excellentiore significandi genere humanum dixeris, sicut prius illud divinum, accusat fama, vel sermonibus vel literis prodita: patrocinium reorum non aliis suscipientibus, quam qui pudore omni abjecto, suam alienamque infamiam amare serio didicerunt.

3. de benef. 6. Civile tribunal superest. de quo ante omnia, ut diximus, quæritur, an fuerit certis in civitatibus lex prodita adversus ingratos? Respondet Seneca: Excepta Macedonum gente, non est in ullâ data adversus ingrati actio. At 1. de benef. 6. Lucianus in Abdicato diversum pronuntiat: καὶ μὲν οἱ γὰρ νόμοι καὶ ἀχαριστίας διδάσκουσιν διδόναι, καὶ τῶν τοῦ εὐεργετίας μὴ ἀποποιούντων. Equidem leges actionem ingrati dant, contra eos, qui benefactoribus non referunt gratiam. Quem locum, qui de Macedonum legibus tantum velit exaudire, magno se onere obligabit tuendæ suæ sententiæ. Jam, cum in Decla-

mationi-

orationibus veterum mentia sit, apud *M. Senecam* & alios, legis, ingrati sit actio; quæ lex ad unam & solam aliquam civitatem non videtur referri posse, nisi quod ad leges Atticas sæpe respiciunt Rhetores; *Seneca* iterum exceperit hanc orationem, & in scholis ista fingi à declamatoribus, non reperiri in vita, dixerit; Unde & ita quærit: *an hac lex, quæ in scholis exercetur, etiam in civitate ponenda sit, 3. de benef. 6. quæ ingrati datur actio.* Sed neque hic *Senecam* auctorem sequeretur, quin existimarem, apud *Ciceronem*, *M. Senecam*, *Quintilianum*, *Aristotelem*, non poni exempla nisi verarum legum, quæ revera aliqua in civitate, præsertim Græciæ (inde enim Latini fere exempla arcessunt) latæ fuerint. Libenter patiar me doceri, si diversum idoneo testimonio ostendi potest. De rogationibus interim non loquor: quas interdum, ut & suasorias alias, ingenio Rhetoris fingi, non ex historia vitæ desumi, satis constat.

Consignavit & *Gregorius Tholosanus* exempla, quæ ex jure civili Romano, & aliarum gentium huc pertinent. *Syntagm. Jur. univ. 39, l. 16.* Ubi nec illud omittendum est: quod nulla gens cultior fuit, quin, etiam cum actio legibus non erat prodita, judicis officio ingrati animi crimina subiecta cuperet.

Quando autem, *an lex adversus ingratos ferenda sit*, disputatur: parum utique profecit longa *Seneca* oratio, quæ id dissuadet. Ingratum enim hæc unâ re definit, si non redderet beneficium. Et est sane boni viri, de referenda gratia serio cogitare; neque acceptorum beneficiorum unquam oblivisci. Sed hoc genus ingrati animi non spectatur præcipuè, cum de lege quæ ingratos coërceat, agitur. Cessant ergo omnes illæ quæstiones, de tempore, & facultate referendæ gratiæ, de æstimatione & comparatione beneficiorum, de dubitatione judicis in definiendo beneficio. Non enim dubia, sed certa & humani generis sententiâ, definita beneficia spectantur: neque tam, non reddita, non fideli memoriâ custodita, quam maleficio pensata, legi subjiciuntur. Adversus ingratum, qui lædit eum, à quo indubio beneficio fuit affectus, lex paratur. Adver-

*3. de benef. à cap. 6. usque ad 18.*

Adversus dissimulatores & inficiatores beneficiorum, qui sine proposito lædendi scilicet tales esse non possunt, severitas judicis quæritur. Clara hæc sunt, & exposita in omnium conspectu. Si quid boni mores præterea damnant, etiam si nulla lege præscripta sit actio, Judicis officium in Republica latius patet, neque ullam morum partem labare sinat.

*Greg. I. B.*  
2, 22, 16.

1, *offic.* 13.

1, *Rhetor.*

*lib. I. παρδ.*

Quin lege prodi possint ac debeant, quæ ex justitiâ debentur, nulla est dubitatio. Justitiæ autem munus esse, gratum animum, inagno consensu tota antiquitas docet. nec aliunde *Cicero* necessitatem referendæ gratiæ deducit: qua nullum officium majus esse statuit. Igitur *Aristoteles* maximis & fœdissimis injuriis accenset, quæ ab illo, qui beneficio affectus est, inferitur benefactori. πλείον γὰρ ἀδικεῖ, ὅτι τε κακῶς ποιεῖ, καὶ ὅτι ἐκ τοῦ. Non simplex enim est injuria in bene meritos; & quod offendit eos injuria auctor, & quod gratiam iis non refert. Apud *Xenophontem*, Persarum judicio ingrati puniuntur, tanquam homines, qui nec Deos, nec parentes, nec patriam, nec amicos curare norint, id est, ab omni justitia plurimum alieni. Quam enim partem justitiæ curaret is, qui pro bona gratia malam rependit?

ὅν γὰρ τὸ χειρόν ἐκ ἐποίνῃς ἡμέραν,  
τί δ' αὖν δράσειν ἄλλο τῶν πάντων πολέ;

*in Virg. tom.*  
2, c. 16.

Quem enim benignitas ex fero humanum reddere non potuit, quod aliud hunc ex omnibus rebus unquam emendaverit? ut recte ratiocinatur *Gregorius Nazianzenus*. Ἰνὶ *Pollucis Onomastico*, ἀδικία & ἀχαριστία ἐκ παραλλήλων dicuntur.

*Greg. I. B.*  
2, 25, 3.

Quod si alia loquendi ratio placet, neque justitiæ hoc proprium munus, sed alterius virtutis videatur, nemo tamen negaverit, legibus præcipi posse, quæ ulla virtus præcipit. quoque major est virtutis cujusdam cum justitia affinitas, eo clarius apparet legislationis materies. Accedat consensus plebæque gentium, ipsiusque naturæ vox, quæ manifestam iniquitatem indicat, judicatque: an dubitationi locus supererit, quin in legem ire possit, res ad

ad continendam societatem non civilem modo, sed humanam, tam necessaria?

Sicut autem felicius egerunt civitates, ubi ingratos posita lex coercuit: ita sæculi mala non modice augentur immunitate hujus criminis, quo non est aliud humanæ societati inimicius. Frustra nobis *Seneca* occentaverit: *pauciores fore ingratos, si nulla detur actio, majore enim delectu datum* 3. de benef. 16.  
*iri beneficia. nec expedire notum omnibus fieri, quam multi ingrati sint; ne ipsa multitudo pudorem minuat.* At ille delectus fingitur, non monstratur. in quibusdam beneficiis nihil licet judicio beneficientium, quod in parentum exemplo agnovit *Seneca*. Sic præceptor de omnibus discipulis bene meretur; non licet huic dare, illi negare beneficium. Qui sanctissimis Christianæ religionis legibus vivunt, si vident, indigere beneficio alium, vindice, altore opus habere, non deliberant aut divinant, quo ingenio sit laturus beneficium, an grate ingrateve habiturus. Neque cuiquam sua benignitas à sincero profecta animo, fraudi esse debet. Male porro metuitur, ne detegat lex multitudinem peccantium, & inultam præstet. Lex sui ipsius vindex est, cujus defectu non ingratos tantum multiplicari, sed plurium exempla scelerum pullulascere, nimis quam certum est. Imperitum dixero Reipublicæ, & moris humani, & sæculi, qui non videt, pauciora fore alia crimina, si pauciores ingrati fuerint: uniusque legis adversus ingratos munimento, ceteris suam auctoritatem duraturam.

Magis intelligentur ista, si quæ apud Rhetoras de actione ingrati disputantur, paululum excutiantur. Annotavit *M. Seneca* hanc controversiam: *Torta à tyranno uxor, nunquid de tyrannicidio sciret, perseveravit negare. postea maritus ejus tyrannum occidit: illam sterilitatis nomine dimisit, intra quinquennium non parientem. Agit illa ingrati. Pro uxore, compendio dicuntur illa Hispani Cornelii: Duplici beneficio uxori sue obligatus erat maritus: & quod non est occisus, & quod occidit. Fastidit sterilem, qui fecit. Sterilitas enim vel adhuc incerta est, & tum valent illa: non respondet ad propositum,*

Bbbbbb

tum,

2. 13.

tum, nec ad certum diem fecunditas: vel ita colligitur; non potest parere mulier, quia torta est; & tum bene respondetur marito: imputat tibi, quod publicata est, imputat tibi, quod torta est, imputat tibi, quod sterilis est. Quamquam de sterilitate accuratius Buteo egit: primum, non omnes posse dimitti, si quinquennio non peperissent; deinde, hanc non posse dimitti. — Aliquod, inquit, tempus impune à legibus miseria faciunt. Non dico, quia torta est, sed hoc adhuc, propter aequitatis tractationem reservo. Sed non peperit, quia tu (maritum alloquitur) maxima in cogitatione occupatus, nihil de liberis cogitasti. Neque de nihilo fuit sententia Albutii Sili: qua ingratum notat maritum, cum uxorem tam bene meritam repudiat: Res tuas tibi habe. injicere debuit manum, & ipsum inter res suas trahere. nihil amplius patri debes quam uxori. mihi crede, majus fuit, tyrannicidium pati, quam facere.

Callido autem oratori, quam viro bono magis conveniunt, usuque & consuetudine fori, ubi nihil non excogitatur aut arripitur ad defendendum etiam malam causam, non honestate actionis ac boni moris disciplinam aestimari debent, quæ ad negandum, dissimulandum, extenuandum beneficium pertinent. Talia sunt illa Latronis: Etiam si scisti de tyrannicidio viri, nec indicasti, non est beneficium scelus non facere. Et Gallionis aliorumque quæstiones: An inter viros & uxores data beneficia, ingrati lege teneantur. Non est beneficium, sed officium, facere quod debeas: ut, si filius patri se dicat beneficium dare. Et Fabiani, qui alio quidem instituto se ab importunitate Cestii removet, sed in uxorem tyrannicidæ iniquus fuit in illis: cum introducit maritum ita agentem: se & cogitasse tyrannicidium, & uxori indicasse; & illam tum quidem fecisse, quod probam feminam facere oportuit, nunc peccare, quod putet beneficium esse recte facere. Et si beneficium putas te dedisse, quod tyrannicidium non prodidisti: ego prior dedi, qui tibi tyrannicidium credidi. Neque cum L. Vinicio de hoc Fabiani colore dixero, uxorem mutam effici. Si olim de tyrannicidio cogitavi, honestior sum vetus tyrannicida; & non privatus, sed publicis malis ad ultionem impulsus. Si, cum cogita-

rem:

rem, non celavi uxorem, facilius persuadebo, me malum hodie maritum non esse, cui semper tam deditus fui. Ad ultimum hoc consequar; Si quod audierat, tacuit, non beneficium est, sed fides. Fides est, tacere commissa: sed in fide beneficium, quod torta tacuit, quod instrumenta sævitiae, quibus etiam virorum animi franguntur, sustinuit, nec virum prodidit. Est officium, facere quod debes. Sed officii sensum dolor expugnat, & immanis crudelitas. Quis est, qui nolit ignoscere mulieri, sævissimis cruciatibus exagitatae, si victa doloribus, falsa esset tyrannicidium viri? Cæcus & surdus ad omnem honesti æstimationem fuerit, cui illustratus tormentis gratus ac beneficus animus, adhuc in obscuro positus, & quærendus videtur. Et quæ illa importuna philosophia: in officio non esse gratiam? Quicquid liberi erga parentes faciunt reverentiâ, amore, obsequio, operâ, officio ea omnia tribuuntur: sed officio nimirum, quod totum grati animi descriptione continetur. Intelligitur grati animi honestas comparatione eorum, qui negligunt; demonstratur inter impedimenta & obstacula; illuminatur temporibus, locis, casibus. Dic eadem opera; non est virtus, scelus non facere. At, cum ad scelus vocant illecebræ, invitant præmia, trahunt minæ: virtus est, abstinuisse placitis bonis; non spe, non metu ad peccandum, impulsus esse. Quid porro sibi vult, qui dicit: prior dedi beneficium, credendo tuæ fidei tyrannicidium? An statim, qui de alterius fide præclare sentit, beneficium ei dedit? & quid simile habet commissum sponte arcanum, cum silentio inter tormenta invicto? Etiam sic laudas uxorem, & te accusas. Quam pulcre enim beneficiis responderit illa, fateris: & quàm iniquus ratiocinator gratiæ sis, contra communem hominum sensum comparans diversa, imputans minora, ultro manifestas. Corruptis imo beneficii, quod tu figurâs, fidem, neque pateris homines credere, te unquam uxori deditum fuisse, cui post tanta virtutis experimenta & in te merita, non modo non deditus, sed infestus esse potuisti.

B b b b b 2

Ac

At *Latro* tibi iterum patronus adest, ut dicās : *Etiamsi dedit beneficium, recepit. Occidi tyrannum : libertatem mihi, tibi ultionem reddidi plenissimam : persecutus sum nefarium hostem, illic occidi, ubi torserat. Dices, me Reipublica causa fecisse, & tu Reipublica causa tacuisti. Imo tu, si rempublicam amares, beneficium reip. ab uxore datum amasses, grate habuisses, magis eo lætatus esses, quam si tibi datum foret.*

Sed profecto, & Reip. & tibi datum est. tibi datum est, ut posset Reipublicæ dari. Et, quanto fuit magis arduum, quod uxor tibi & reipublicæ dedit, quam quod reipublicæ dedisse te ais ? Ad tyrannum occidendum converso, occasio, facultas, instrumenta perficiendi operis, spes successus, præmia, animos & vires addiderunt. Huic omnia adversa & infesta; nec, præter animum, quicquam liberum. Quanto facilius est, facere cædem, quam pati omni cæde tristiora ? Præterea, cujus est illa hominis vox, qui sic agat : dedisti quidem beneficium, dira & acerba sustinendo meâ causâ; sed dum auctor ejus acerbitalis meâ operâ jacet, nulla ultra beneficii tui, quod recepisti, æstimatio, nulla memoria ? Quin universam gratiæ rationem in compendium mittis, & cum civibus tuis omnibus & singulis, imo cum ipsa civitate & patria sic contendis : Liberavi vos omnes à tyrannide; eâdemque operâ, quicquid beneficiorum vobis debui, persolvi : nemo posthac à me ullam publice privatimve gratiam expectet aut recipiat. cessent semel & simul omnia necessitudinis pristinae nomina : uniusque virtute facti cuncta officii in posterum vincula aboleantur.

Illud prorsus à fide facienda alienum est, cum inducitur maritus : *ne scisti quidem tyrannicidium, non enim tibi indicavi, nec tam magnum consilium, virilibus quoque animis grave, commisi muliebri garrulitati : qua id solum potest tacere, quod nescit. Recte enim à Fabiano & Vinicio responderetur huic instituto : Dixerit, cogitasse quidem se de tyrannicidio ante tormenta, sed uxori non indicasse : augebit uxoris beneficium. Liberius enim potuit tyrannicidium indicare, quod illi commissum non erat.*

Potuit

*Potuit enim uxor, etiam non indicante marito, tam magni consilii molitionem deprehendere. Cestii quoque color, quem pro viro introduxit, nihil habet sani: Quo tempore uxor torta est, nihil adhuc de tyrannicidio cogitabam: postea cogitavi, & hac ipsa cogitandi causa fuit, uxoris ultio. Utrumque secutum est, ut illa marito insolentiam imputare non posset, maritus illi tyrannicidium posset. Leviter excussus hic color, evanescit; sive facti fidem spectemus; sive causæ utilitatem. In fide facti, & serie negotii, utrique apparet. & aliquid de tyrannicidio cogitatum, de quo tyrannus usque eo suspicatus est, ut torqueret. Ita patrum inter se congruentia dixit Cestius: sed & contra rationem & utilitatem causæ. Si dixerit enim, post tormenta se de tyrannicidio cogitasse, tum tyrannicidium uxori melius debere meruit, si torta tyrannicidium fecit, quam si tacuisset. Maximam scilicet gloriæ, qua tantopere gaudebat, partem uxori debuisset: ingratiq; animi crimine denuo se per repudium alligasset. In his, quæ ex licentia potius causfidicorum, quam ex vero & bono pro ingrato marito allata sunt, Hispano Romanus, iudice ipso M. Seneca, maligne & accusatorie: Nihil, inquit, ego isti narraveram: ista, ut erat necesse, aliquid ex vultu, aliquid ex nocturnis vigiliis suspicata est. Unde manaverit sermo, scistis. Videtis, quo veniat tyrannus, non ad amicum meum, non ad servum: sed ad istam, quæ nihil negotii habuisset, si tacuisset. Tua enim causa tacuisti: sciebas te perituram, si confessa esses tyrannicidium. Fecit maritum ipso tyranno crudeliorem; qui post silentium tormentis impenetrabile, garrulitatis arguit uxorem, & ne tyranni quidem testimonium reveretur.*

Non caret ratione oratoriâ Passieni sententia, qui putabat, recte facturam, si hac mulier injusti repudii ageret, non ingrati. Albutius autem decentissime, prius egit injusti repudii, deinde ingrati. Ut enim crimina geminantur, ita amplificatio in primis valida est, si accedentis vitii turpitudine, in partem actionis transferatur. Sic injuria parentibus, præceptoribus, hospitibus facta, præter nomen proprium, ingrati animi crimine, ubique terrarum gentiumque notari consuevit.



Quintil. de-  
clam. 333.  
sermon.

Honestissima autem est in hac causa Pollionis Asinii ratio, qui nunquam tentandam esse judicabat illam questionem, qua negamus, nos beneficium accepisse. Perit, inquit, tota causa, nisi in hoc vicit. Apparet enim, ingratum esse, qui ne fateatur quidem, se accepisse beneficium. Veritatem hujus sententiæ, graviter adstruit Declamator alius, cum præcipit: Et in totum hoc servare in omnibus controversiis, quæ ingrati lege continentur, debemus, ut hi qui rei sunt, in ipsa actione ingrati non sint. Raro valde intervenient controversiæ, in quibus hoc quaratur, an is, qui ingrati reus est, acceperit beneficium. Pleraque divertunt eo, ut quæstiones habeant: an, quisquis acceperit beneficium, & non reddiderit, ingratus sit? an omnia, quæcumque exigebantur, præstare debuerit? an potuerit? Sed de his quæstionibus postea. De facienda controversia ipsius beneficii præclare, & solide philosophantur, quos laudavimus: neque comparari huic gravitati possunt, quæ Gallio & Atticus Vipsanius de consuetudine fori, & causidicorum artibus annorant.

declam. 333.

Vidimus exemplum actionis ingrati. Ubi haud dubium fuit rei crimen: neque ulla honesta defensione velandum. Ponamus aliud, quod haud æque reum premit, ex Declamationibus Fabio Quintiliano attributis. Leges: Patronum optare liceat. Et: ingrati sit actio. Controversia: Adolescentem dives pauperem impensis suæ Athenas misit. redit ille disertus. Detulit divitem quidam reum proditoris, & optavit patronum pauperem illum, qui divitis impensis profecerat. Egit pauper, non tenuit. Accusatur à divite ingrati. In hac causa, si liberum fuisset adolescenti, advocacy officium præstare actori, aut denegare, non parum suspicionis in eum trahi potuisset. nunc legis auctoritate patronus optatur. Unde postea: Habebat jus optandi patronum, & hanc leges dederunt potestatem. Et: Lex optandi patronum jus dabat: me delator optaverat. doce quid faciam. Delator jus habet. Contra omnem meam deprecationem publica auctoritas nititur. — non igitur objicere debes, in quod coactus sum. Annon & causa excusat patrociniū? proditio enim, etiam in parente abominanda, & vindicanda est. Advocacy negare contra reum proditoris non debui, fortior aliquis diceret. Oportebat non de-  
esse

esse legibus vocem, oportebat esse aliquem, qui in summis reipublica, ut tum videbatur, periculum, excuteret veritatem. Itaque, si argumenta proditionis insignia fuerunt, excusari potuit susceptum actoris patrocinium, etiam si liberum fuisset, denegare. Sin dubia & suspecta indicia criminis, nec sincera voluntas deferentis, merito beneficii memoria retrahere adolescentem debuit ab accusatione bene meriti. Sed moratus est in primis sermo Rhetoris, qui præmittitur: Intellegitis huic adolescenti cum summo respectu divitis agendum: ita demum enim videbitur, id quod fecit necessitate secisse, si de illa queretur. — Ergo, quod ad meum consilium pertinet, hic invitus egit: ea, quæ dicenda accepit, pertulit. In tractatione ergo ipsa, statim ab initio, maximum se beneficium accepisse, quod sibi consummare studia contigisset, fatetur; fortunam accusat, cujus potestate factum sit, ut mallet omnem usum loquendi perdidisse, quam cum homine de se optime merito jam bis consistere. Subinde: accepi beneficium, quantum maximum dare parentes liberis possunt. — huius liberatitate, huius opibus, peregrina studia, clarissima exempla, otium, quo plurimum studiis confertur, sum consecutus. — accepi pecuniam, votum, spem futuram in posterum vita. — accepi beneficium, ne illud quidem inficiabor, non reddidi. Non tamen continuo sequitur, ut ingrati lege teneatur, qui acceptum beneficium nondum compensaverit. alioqui nemo est, qui non calumnia genus possit incidere. Describitur postea necessitas, de qua dictum est; moderatio in actione, vocis, vultus, nihil asperum, extra causam; propositum grati in posterum animi, & confessio debiti.

Ponitur & illud actionis, de qua agimus, exemplum: Cimon ingratus Callia, apud M. Senecam. Leges: Adulterum *Contrag.* cum adultera qui deprehenderit, dum utrumque interficiat, sine fraude sit. Et: Ingrati sit actio. Thema: Miltiades peculatu damnatus, in carcere alligatus decessit. Cimon filius ejus cum sepeliret, vicarium se pro corpore patris dedit. Callias dives, fordidè natus, redemit eum à republica, & pecuniam solvit, eique filiam suam collocavit. quam ille deprehensam in adulterio, deprestante patre occidit. Ingrati reus est. Leges veræ sunt: exemplum.

plum fîctum. In hac controversia merito ille color & Gallioni & Latroni & Montano placuit, ut nihil in Calliam diceretur contumeliose, & redemptorem, & socerum, & infelicem. Unde non Cestii tantum improba est sententia, qui multa in avarum, & in fœneratorem, & mensularium, & lenonem dixit, dum vult illud probare, reddidisse Cimonem beneficium, quod talem socerum habere sustinuisse: sed & Junius Bassus ferri nequit, cum pro Cimone dicit: Callia filiam uxorem duxi, hanc tibi pater injuriam feci, dum ingratus esse nolo. Beneficium porro Calliæ maligne interpretantur, qui disputant ex persona Cimonis: Ut audiui esse, qui pecuniam numeret, miratus sum, fuisse in civitate nostra quenuquam, qui Cimonem redimere quam Miltiadem maluisset. Ego ne patrem quidem meum, nisi innocens fuisset, redemissem. Et qui illas quæstiones fecit: an si sua causa fecit hoc Callias, ut redimeret Cimonem, an sit beneficium. Et qui illas: an acceperit beneficium Cimo? deinde, an teneatur is, qui beneficium acceperit, quod non petivit? Nam Hispanis Romani stolidè dura est quæstio: An retulerit gratiam hoc ipso, quod occidit. Figura tolerabilior, sed non satis proba Montanus Fortienus quæsit, an gratiam retulerit Cimon Callia. Tuli, inquit, filiam tuam uxorem, filia tua Miltiadis nurus facta est, non putas beneficium, habere communes cum Miltiade nepotes?

Loci hujus controversiæ sunt vel pragmatici, vel pathetici: quorum illi ad jus, hi ad æquitatem pertinent. In pragmatico genere Cimon vincit hac ratione, quod ingratus non censetur, qui beneficio se ad patientiam rei inhonestæ obligari nec putat, nec patitur. Quo pertinet illud Montani: Certe beneficium reddam, cum tam honestum desideraris, quam dedisti. Ego adulteros dimittam? quid aliud facerem, si alligatas haberem manus? Et: Arelli Fusci: Ferrum à lege mihi traditum, ad vindictam pudiciæ, projiciam? Et ex Quintilianus: non potest videri savitia, non crudelitas, quæ per leges venit: occidere adulterum licet cum adultera. In pathetica tractatione illam æquitatis quæstionem pro Cimone Latro movit: An, si affectu & indignatione ablatum, non sit in sua potestate, ignoscendum illi sit?

Portius Latro.

Niger Brutus videtur.

Gallio.

Declam. 277-

M. Seneca contro.

4-24.

Contra

Contra Cimonem pro Callia, pragmaticum est, si dicatur: diversam esse rationem ejus quod lex jubet, & quod permittit. Non oportere statim fieri, quod licet facere. Permisi tibi, Cimon, lex uxorem interficere, non præcepit. Quo minus uteris eâ licentiâ, memoria beneficii, preces fœceri, ipsæque conspectus & interventus ejus, te morabantur: si quid humani in te esset. Tunc non donares patri filiam, qui tibi & libertatem & vitam, in vinculis morituro, donavit? Non petitur à te stuprum patientia, potuisti abigere tuo matrimonio, quam male junctam expertus es. Satis existimationi tuæ consuluisse, carnificis officium occupare, etiamsi lex indulget, furor est, non ratio: quid, in oculis parentis filiam interficere? beneficium maleficio rependere? beneficii auctorem vivum, videntem, præsentem, deprecantem negligere, rejicere, lædere? Nam in pathetico genere, omnia æquitatis, & miserationis nomina & momenta Cimonem pro Callia interpellant.

Jam antea dictum est, quædam in hac controversia, importunius mota esse. in quo genere fuit illa *Gallionis* quæstio: *An teneatur is, qui beneficium acceperit, quod non petivit? Non rogari, inquit, te, dedisti istud jactationi tue, putasti ad gloriam tuam pertinere.* Crebra sed improba ingratorum cantilena. Quædam non rogantur, desperatione impetrandi: quædam dubitatione, unde rogandum sit: neque ab ignotis, nullave familiaritate perspectis facile beneficia petuntur: quibusdam desiderijs, quo minus proferantur, ipsa obstat rei magnitudo. Quis ingentem pecuniæ summam, libertatem, vitam ab eo postulare ausit, quem nullo usu habuit amicum? Quis in vinculis fœcerum quærit, cui prius oneri, quàm usui sit? Quædam miseriæ includunt vocem, non laxant. Tunc, quod gloriosissimum est in beneficio, in contrarium vertes, prævenisse preces inopis, spectasse necessitatem, non expectasse vocem? Ita honestissimæ voluntatis gratiam perdet, qui humanitatis priorem, quàm hominis rationem deduxit? *Gratissima esse debent beneficia Seneca 2. de parata, facilia & occurrentia, ubi nulla mora fuit, nisi in acci-* *benef. 1. Sec.*

Cccccc

pien-

*pietia verecundia. Optimum est, antecedere desiderium cujusque: proximum, sequi. Illud melius occupare, antequam rogemur. quia cum homini probo ad rogandum os concurrat & suffundatur rubor, qui hoc tormentum remittit, multiplicat munus suum. Ita ille, qui beneficium docet dare & accipere. Et mox: ideo divinanda cujusque voluntas, & cum intellecta est, necessitate gravissima rogandi liberanda est. Qui hoc fecit, ille, quod in benefaciendo summum est, fecit. Quam fuerit itaque nequam, qui neget beneficium datum, quod non petenti datum est? At enimvero, inquit, jactationi suae hoc dedit, qui mihi benefecisse voluit videri? O te ingratum, qui beneficio manifesto affectus, adjutus, sublevatus, de beneficii auctore male opinaris, nefarie suspicaris! Quod si plane tibi de ejus ambitione constaret, æquissimum erat, ut quantum tu accepisses, reputares, non quam bene ille dedisset. Auferetur ex vita hominum res pulcherrima, benefaciendi studium, si liceat in alienis beneficiis curiosum esse, & maligne interpretari animum beneficientis. Quid enim erit, quod non vellicare possit malignitas? Scilicet, cum de accipiendo beneficio agitur, tum vero sine anxia deliberatione omnibus in promptu fuerit illud Poëtæ:*

*Terent.  
Adolph.  
2, 3, 1.*

*Abs quivis homine, cum est opus, beneficium accipere gaudeas.*

At ubi de habenda gratia quæritur, in Platonis rempublicam credo eatur, & sapientium regulæ conquirantur, an beneficium recte atque ordine datum sit, an nihil in dantis animo aut arte desiderari possit. dummodo constet, eos, qui ita dubitant, nullo modo recte accepisse beneficium; pravumque in seipso exemplum statuere. qui minus enim accipiendi, quam dandi beneficii regula & ratio sit?

Nec melioris notæ est, illud effugium, in quo Nigri Brutidii ingenium desudavit: Beneficium est, inquit, quod totum ejus causa præstatur, in quem confertur. Ubi aliquis ex eo aut sperat quid aut præparat, non est beneficium, sed consilium Impro-

Improbe hæc dicuntur : malignique & suspiciosi animi non obscurum habent specimen. Quanto verius, & rectius Seneca? Non sum tam iniquus, inquit, ut nihil ei debeam, *6. de benef. 13.* qui cum mihi utilis esset, fuit & sibi. Non enim exigo, ut sine respectu sui mihi consulat. Imo etiam opto, ut beneficium mihi datum, vel magis danti profuerit : dummodo id qui dabat, duos intuens dederit, & inter me seque dividerit : licet id ipse ex majore parte possideat, si modo me in consortium admisit, si duos cogitavit : Ingratus sum, non solum injustus, nisi gaudeo hoc illi profuisse, quod proderat mihi. Summa malignitatis est, non vocare beneficium, nisi quod dantem aliquo incommodo affecit. Subjicit memorabilia exempla, & repetit sententiam, malignæ descriptioni Brutidii oppositam : Non sum invidus beneficii interpres, nec desidero illud mihi tantum dari, sed & tibi. Alia quæstio est, si totum sibi præstitit alter, quod fecit, totum sibi imputavit. Sed an istud factum sit, raro ad liquidum deduci potest. pleraque ambiguae æstimationis sunt : in quibus, si homo quidem es, humanior debet apud te valere interpretatio, ut credas, tibi quoque datum, de quo dubitatur, an sibi tantum dederit, qui fecit. Denique, si planius tecum agi vis, noli, quæso, caussidicorum strophas sanctissimis boni moris legibus obvertere.

Sed illa quidem de Cimone ficta est controversia. aliud enim traditur à Nepote, & Plutarcho, in ejus vita. Ex recentiore historia memorabile est, quod Baptista Fulgosius *lib. 3. cap. 3.* consignavit circa nuptias beneficio parandas. Rolandus Petri Siciliae Regis frater, à Roberto Neapolitano Rege bello navali captus tenebatur. cumque frater ejus parum de redimendo eo cogitaret (quippe qui ignavia amissam classem ægre ferret) Comiola Senensis, Messanæ agens, vidua & flore ætatis, & ingenti opulentiâ insignis, misit, qui captivi animum explorarent : ducturusne uxorem foret puellam, cujus liberalitate, miseras carceris evaderet. Tum enimverò Rolandus, ut divinitus missam opem exosculatus, prolixè polliceri cœpit. Stabilito igitur per procuratores matrimonio, Comiola duobus auri unciarum millibus sponsum redemit. At ille Messanam reversus, &

Cccccc 2

pactas

pastas nuptias inficiatur, neque ullam pro beneficio gratiam debere vult Comiolæ: tanquam longe infra generis regii splendorem destitutæ. Convincitur apud tribunal ecclesiasticum, amicorumque & propinquorum objurgationibus, ut denuo animum matrimonio applicaret, adactus, in solennem congressum, velut pacti repetendi causa, venit. Ibi coram omnibus Comiola, cum sua beneficia commemorasset, ingratumque & perfidum ejus animum notasset: ego vero, inquit, ultro nuptiis renuntio, neque, ut cum tam ignavo & ingrato homine ætatem agam, æquum existimo; atque adeo ex hoc die DEO pudicitiam meam una cum opibus confecto. Ingrati à quovis judice damnandus, adhuc hodie facto puellæ arguitur, atque infamibus exemplis accensetur.

ap. eund.  
Fulgios.

Similior fictæ de Cimone controversiæ est historia Philippi Mariæ Ducis Mediolanensis, qui fraternis odiis ad summum rerum omnium discrimen redactus, beneficio matrimonii se expedivit. *Facinus enim Canis*, Dux copiarum ejus, mortem sibi imminere cernens, non aliud, inquit, O Philippe, rebus tuis remedium superest, quam si me extincto, uxorem meam matrimonio tecum jungas. ita & gratiam militum tenebis, in quibus unica spes; & opibus meis luculentis sane & amplis, ad constituendum tuum statum uteris. Successerunt ex voto consilia. Sed ingratus animus nullo merito mutatur. Disparem uxoris ætatem gravatus Philippus, ut scelere exiret, quod incolumitatis suæ causa iniverat fœdus, ficto læsi pudoris crimine miseram perculit, peractisque judicii imitamentis, clam interimi jussit. Quid non ingratus animus designat? Sacra matrimonii, fidem coniugum, pactosque hymenæos, impetu rumpit, & ex Principe, tyrannum, ex homine bestiam facit.

Te quoque, decus sceminarum Amalasuntha, cujus animum non arma, non astutiæ inimicorum fregerunt, beneficia tua exitio dederunt, Theudatus erat, quem judicio



dicio convictum & inique rapta restituere jussum, dimiserat, & ad bonam frugem reditum speraverat Amalasuntha. Addit clementiae munus incomparabile; mortuoque Atalaricho filio successorem destinat. Ita & macula prioris judicii eluetur, inquiebat; & Theoderici nomen, cui sanguine proximus es, in te honorabitur. Sed jurejurando sanctissimo confirmabis mihi, te contentum imperii nomine, nihil de ea, quam haecenus tenui, potentia diminuturum esse. Jurat conceptissimis verbis Theudatus, qui nihil magis interim animo, quam iniquam ex priori offensione iracundiam flagitiosa perfidia ulcisci, agitabat. Statim enim, ut adeptus est, quae concupiverat, cuncta promissis contraria facit: Amalasuntham carcere primum concludit, mox interficit. Accessit non minus scelus, sceleris dissimulatio: quasi nolente ipso, adeo non probante, peracta caedes foret. *Procopium* adi, diligenter ista memorantem. Quid hic objicient Amalasunthae, ingratorum patroni? *Prudentius*, dicent, eligere debuit, cui beneficium daret, non debuit, salutem suam homini, quem offensum sciebat, committere. Non minus flagellant Theudati facinus, quam virtutem Amalasunthae laudant, qui ita cavillantur.

lib. ii. Goth.

Quare nec inventus est olim tam improbus caussidicus, qui vel fictae controversiae hunc colorem inducere auderet. *Quintilianus* certe cum in actione ingrati, annotat, unde moveri possint juris cavillationes, haec tantum ponit: an id, cum quo agitur, acceperit beneficium: quod raro negandum est. ingratus est enim, qui negat. an, quantum acceperit, reddiderit: an protinus, qui non reddiderit, ingratus sit; an potuerit reddere: an id, quod exigebatur, debuerit: quo animo sit. Nemo tam impudens fuit, qui insultaret calibus humanis, & diceret: collocasti sane beneficium, sed apud offensum. Interum insurgent: frustra quidem in foro talia expectari, quae rei causam invisam, actoris honestam facerent. Sed in animis omnium, non tam certum tribunal insidentium, quam in toto orbe mores humanos arbitrantium, prudentiam ejus desiderari posse aequale solet.

Cccccc ;

folere,



solere, qui ingratos nec immerito suspectos, beneficio affecerit. Tristem de mortalitate sententiam ferunt, qui ita judicant: neque ratione arguunt humanos errores, sed, ut dixi, casibus humanis insultant. Quibus occinenda est gravis apologia Gregorii Nazianzeni: cui & ipsi temere exprobratum est, quod Maximum (hic ut Judas à præceptore deficiens, ex intimo amico acerbissimus hostis factus erat) laudasset, provexisset, beneficiis suis dignum judicasset.

apud Gregor.  
Presbyt. in  
vite.

Si ego, inquit, benignus in illum, ideo accusor, quod pravitatem ejus non praviidi, quid tandem hominis fuerit, qui pro benignitate, quam expertus est, maximâ, insidias in me instruit? neque enim praviidisse improbitatem, crimen habet (solus id DEUS potest) & nobis insuper lex præcipit, omnibus misericordiam exhibere, & patria benevolentia religionis socios suscipere. Eum qui venit ad vie, inquit Christus, non ejiciam foras. Magna res mihi videbatur, Maximus à Græcorum superstitione ereptus & sacro lavacro tinctus, & loco Herculis, Trinitatis cultum professus. Magna mihi res erat, homo virtutem capeffens. Etsi enim postrema satis ostenderunt, nihil etiam in primis sinceri fuisse: nobis tamen non licet ista explorare. non cogitationibus intervenimus, non futura, nisi DEO revelationem gratificante, scimus. Nam nos quidem faciem videmus: animum DEUS introspicit. Pia oratio, cujus vim & ipse complectitur, postquam exprobrantes introduxisset.

Tom. 2. in  
vit. p. 15. C  
16.

τί ν; σὺ τῶτον ἔχῃς ἐχὼς ἐν φίλοις;  
καὶ τῶν μεγίστων ἡζῖος ἐγκωμίων;

Quid igitur? an non veri in amicis hunc habebas? annon summis eum dignabare laudibus? In responsione tum multa præclare, tum illud:

Πισοῦ γὰρ ἀνδρὸς ἔδεν ἐν πειθήσειον,  
πρὸς εὐλαβίαν πατρὸς ὁρμωμένου  
ἢ εἶσαν, ἢ δοκῶσαν. ἂν γένῃ πᾶδους.

Viro fideli nihil ad habendam fidem facilius est: qui ad pietatem & probitatem, qua vel est in aliis, vel esse videtur, statim adjungi cupit. ô vitium probum! Et subinde:

Ei

Εἰ τὸ το σενὸν , οἶδα πολλά πολλάκις  
 τοιαῦτ' αἰμαρτῶν . ἄρα συγγνώμη μοι  
 ἄνδρες δικαστὰί τῆς καλῆς αἰμαρτας.  
 ἦν μὲν κάκις , ἀλλ' ἐτίμων ὡς καλόν.

*Si peccatum hoc est , multa memini talia peccavisse. Sed ignoscetis, Judices, tam praeclaro peccato meo. Erat quidem ille pessimus; sed colebam eum pro bono.*

Cœterum, cum ingrati animi vitium per omnem vitam late pateat, insignioris tamen notæ hoc crimen est, quando in patriam, parentes, & qui loco parentum sunt, præceptores, patronos, hospites committitur. Quo enim sanctioribus humanæ societatis vinculis, hæc nomina destinantur, eo foedius ea violari, in aperto est. Et de gratia quidem patriæ debitâ, aut iis, in quos se patria convertit, Principibus, luculenti in multas fori actiones transferuntur loci: graviusque fere, quæ hic peccantur, appellari solent, neque tam facile est (ut hoc unicum annotemus) invicem patriam & Principes, ingrati arguere. Quod probe intellexit *Valerius Maximus* in istis: *Ceterum ut senatus lib. 5. cap. 3.*

populique mens in modum subita tempestatis concitata, leni querela prosequenda est: ita singulorum ingrata facta liberiore indignatione proscindenda sunt. Factione senatus Romulus, tribunitiis furoribus reliqui, quos ibi refert, conciderunt. Miserandum inter hæc turbamenta publici decoris, Reipublicæ nomen, sui parum compotis. Multo minus ferendum est, si falsis rumoribus Principum fama aspergitur. quibus non debuit moveri *Baptista Fulgosi*, ut actionem ingrati adversus Justinianum Imperatorem instrueret, quod Belisarium post ingentia merita, erutis oculis stipem mendicare coegerit. *lib. 5. cap. 3.*

Quam rem alii ad exempla vertentis fortunæ maluerunt referre. Sed quo auctore ista jactantur? *Joannem Chil. 3.* *Iezem* frustra nominabis. nam is non tacuit aliorum historicorum monumenta, negantium, id Belisario accidisse. sicut jam monuit *Nicolaus Alemannus*, in notis historicis ad *Procopii ἀνέκδοτα*. Idem, qui Joannis Cappadocis Patricii *p. 10. adde 85. & 86.* Exconsulis casum ejus generis suggerit, unde nata haud *G. Procop.*

dubie *bel. Pers. 1. f.*

dubie fabularum architectis occasio omnia permiscendi. Id quod *Petro Crinito*, & *Raphaëli Volaterrano* per est familiare. Sed libros tot jam censuris confossos, totque mendaciorum convictos, mirum sit, si quis hodie securo animo velit sequi. Verum, post *Giphanium*, & alios nolumus actum agere.

*Ms. 3. cap. 31.* Demenda est potius injuria venerando nomini *Friderici II. Imperatoris* aspersa apud *Fulgosium*: ubi reus ingrati erga *Honorium* ceterosque Pontifices & Ecclesiam Romanam animi agitur optimus Princeps. Intolerabilis est insolentiae, muneris Pontificii facere Imperium: quod *Friderico* Principum auctoritas rite detulerat; ita ut solennem caerimoniam Romanae coronationis Pontifex sine flagitio denegare non posset. Neque ulla in Ecclesiam & Ecclesiasticos injuria à *Friderico* orta est: Sed Pontifices, benignitatem Imperatoris singularem erga Ecclesiam, ingratisimo ferentes animo, modo Episcopos in eum extimularunt, modo turbas & rebelliones undique concitarunt, ut redigerent in ordinem, quem revereri, & obsequio demereri divina humanaque lege tenebantur. Scilicet hujus Imperatoris potentia, vires, prudentia, magnitudo animi, rerum bellicarum peritia, formidolosa fuere Romano sacerdotum senatui, ut rectè judicat *Aventinus*; additque: Visum est flaminibus Romanensibus Imperium Germanum magis florere, quam ipsis utile foret. placuit id contundere, atque discordia non solum debilitare, sed in cineres quoque atque favillas redigere, & *Fridericum* huncce à fastigio rerum humanarum deturbare. Hæc *Innocentio*, hæc *Honorio* & *Gregorio* mens. Egit bonam causam non segniter *Petrus de Vineis*.

*Novell. 113.* De ingratis erga Parentes liberis divinae humanæque literæ amplissime decernunt: nobilisque extat legislatio Imperatoris *Iustiniani*; quam interpretationes ex omni æquitate undique repetitæ supplent. Hujus loci est etiam officium τῆ ἀντιπατρῆν sive τῆς ἀντιπατρῶσεως seu mutuam alimentorum & sustentationis vicem exhibendi parentibus; divina lege præceptum: quo juxta interpretes Hebræos

bræos filius tenebatur, ut cibum & potum parenti subministraret, uti & vestitum; ex eo scilicet. quod Patris est; seu ex bonis paternis: quibus si careret, cogendus erat filius, si ipsi bona essent, ut utrumque aleret parentem, in quantum posset. cui tamen sanctissimo, & quod juri divino respondet, officio derogatum voluit glossa Pharisaica, in quam invehitur Christus *Matth. 15, 5. Marc. 7, 11.* Ad quem locum explicandum pertinebunt, quæ annotarunt præclarissimi Viri, *Dilherrus disput. tom. 2. disp. 3. q. 5. & Seldenus de I. N. & G. juxta disciplinam Hebræorum, VII, 2.* Solonis lege, qui non alerent parentes, infamia notabantur. Apud M. Senecam annotatur lex: *Liberi parentes alant, aut vinciantur.* Demetrius Triclinius ad Sophocli *Electram*: πάντων γὰρ τῶν νομίμων καὶ δικαίων τῶνδ' ἐν καρτερῶν καὶ μεγίστην παρὰ πάντων ἀνακηρύσσεται, φρονίδια πατρὶος. ὁ Θεὸς ἀποδέχεται καὶ εὐσεβὲς λογίζεται. Inter omnia jure & legibus constituta, unum ab omnibus optimum & maximum celebratur, patriæ curam gerere. DEUS hoc suscipit, & pium judicat.

*Diop. Laert.  
in Sol. lib. 1.  
controv. 1.  
& 7.*

Præceptoribus non multum infra parentes deberi, nemo fuit bonus unquam, aut non barbarus, qui negaret. Magnifica prorsus, & imprimis morata commendatione *Julianus* effert beneficium Eusebiæ Imperatricis, à qua liberos Philosophorum, Historicorum, Oratorum, Poëtarum acceperat, id est, verum ad prudentiam & virtutem comparandam præsidium: omnisque humanitatis expertem censet, qui non cupiat gratiam referre tanti muneris auctori. Quanto autem plus debetur gratiæ ei, qui non liberos, sed librorum intellectum usumque præmonstrat, id est, fido præceptori? Sed hoc vinculo facile se ingrati expediunt scilicet. Quid enim? adolescens debui, inquit, quod debere desi, postquam eo loco constitutus sum, ut præceptorem meum queam despicere. Tum: Operæ pretium ei numeravi, quid potest à me desiderare amplius? Puto non defuturos, qui per magnitudinem animi nihil desiderant amplius: præclare imo secum agi putent, si non experiantur hostes, quos educarunt discipulos. Sed quâ auctoritate possit fieri, ut lex æterna habeatur pro temporaria, & brevi circumscribatur tempore pietas, cujus

*orat. 3.*

• D d d d d

caussa

6. de benef.  
15.

lib. 3. c. 6.  
Sed. Val.  
Max. 9. 5. 2.  
Gell. 3. 8.  
6. benef. 36.

3. benef. 16.

caussa perpetua est, parum in expedito est. Respondeat his hominibus *Seneca*, felix cetera, nisi discipulum habuisset *Neronem*. Isto modo, inquit, ne medico quidquam debere te, nisi mercedulam dices: nec praeceptori, quia aliquid numeraveris. atqui omnium horum apud nos magna caritas, magna reverentia est. — Quid ergo? quare & medico & praeceptori plus quiddam debeo, nec adversus illos mercede defungor? Quia ex medico & praeceptore in amicum transeunt, & nos non arte, quam vendunt, obligant, sed benigna & familiari voluntate. Ostendit deinde sollicitudinem & unicum affectum medici, aegro suo timentis: ad exemplum *Philippi* apud *Curtium*: longe dissimilis scilicet, alterius, quo *Pyrrhus* utebatur, *benefici* *Timocharis*; aut impostorum, quos iterum describit *Seneca*: Multi quos auxerant morbos, & incitaverant, ut majore gloria sanarent, non potuerunt discutere, aut cum magna miserorum vexatione vicerunt. Progressus à medio, ad praeceptorem, hic quoque distinguit vulgarem praeceptoris operam & singularem ac familiarem. Ne praeceptorem quidem, inquit, habeo, cur venerer, si me in grege discipulorum habuit; si non putavit dignum propria & peculiari cura, si nunquam in me direxit animum: & cum in medium effunderes, quae sciebat, non didici, sed excepi. Hæc si exigantur ad normam sanctioris philosophiæ, non sustinent censuram cordati judicis; nisi comparandi meriti causa, non dissolvendi, dicta acceperis. Sequitur enim de peculiari opera: Alter (praeceptor) rursus in docendo, & laborem & radium tulit, præter illa quæ præipientibus in commune dicuntur, aliqua instillavit ac tradidit, horrando bonam indolem erexit, & modo laudibus fecit animum, modo admonitionibus discussit desidiâ. Tum ingenium latens, & pigrum, injecta (ut ita dicam) manu, extraxit: nec quæ sciebat, maligne dispensavit, quo diutius esset necessarius, sed cupiit, si posset, universa transfundere. Ingratus sum, nisi illum inter gratissimas necessitudines diligo. Adjicit plura in hanc sententiam: quæ surdis plerumque auribus occinuntur.

Patronorum officia, etiam in foro, gratum repositum animum, non tantum, ubi gratuita sunt, sicut apud *Romulum*, *Tac.* ii. A. 6. manos quodam tempore; sed etiam, ubi emolumentis aestimantur

æstimantur : si patronus , non suo quæstui inhiavit , sed  
meis commodis prospexit ; ad inimicorum insidias occur-  
rit , excubavit , timuit ; nihil diligentia , & amoris pro  
caussa reliquum fecit , id est , si amicum se præstitit , Qua-  
re ingrati merito apud omnem posteritatem reus est Popi-  
lius Ciceronis interfector. Controversiam ita proponit

*M. Seneca : Popilium parricidii reum Cicero defendit : absolutus est. lib. 3. com.  
proscriptum Ciceronem ab Antonio missus occidit Popilius , & caput* 17.

*ejus ad Antonium retulit , accusatur de moribus. tanquam ingra-  
tus scilicet. id quod amplius interpretatur Valerius Max.* 5, 3, 4.

*mus , facundâ commemoratione sceleris , quam ita clau-  
dit : Invalida ad hoc monstrum sugillandum litera : quoniam qui  
talem Ciceronis casum satis digne deplorare possit , alius Cicero non  
extat. Capitonis apud Senecam ista est oratio : Deduxi ad vos*

*rerum omnium , quos terra sustinet , nocentissimum , ingratum , im-  
pium , percussorem , bis parricidam : nec tamen timeo. patroni vi-  
derint , nemo à Popilio quidem , nisi post beneficium occiditur. Quod*

*defenderit Cicero hunc Popilium , ex historia desumptum* Conf. Val.  
*est : quod in causa parricidii defenderit , ab ingenio de-* Max. &  
*clamatorum est , qui nocentiores voluerunt reum facere ,* M. Senec.

*& occasionem sententiis ac figuris quærere. Etiam si au-  
tem in privato judicio defensus sit , ingrati animi crimen  
ac invidia non simplex in reum incumbit. Naturale est*

*enim , ut quod in nullo patrono oportuit , indignius sit factum in  
Ciceronem patronum , quæ Latronis est sententia. De manu-*

*missorum & libertorum grato ingratoque in patronos ani-  
mo , ejusque pœna , jure civili Romano Græcoque abunde  
decretum est. Patrocini nobilioris genus , quod Romæ*

*instituit Romulus , partim lego publica , partim pactione pri-  
vata , partim moribus & institutis continebatur : denique  
mercenaria res tota facta est , & ex formula conventionis*

*judicanda. Sicut autem sancta inprimis Patroni & clien-  
tis antiquitus nomina sunt : ita haud dubie invisum fuit  
& animadvertendum crimen , cliens ingratus. Atque si ll.*

*xli. Tab. proditum fuit , Patronus , si clienti fraudem fecerit ,* Sen. ad 6.  
*sacer esto : non immerito credas , clientis quoque in patro-* Aen.

*num*

num fraudem, severa lege vindicatum esse. Quamquam clientium infirmitas, ab injuria potentiorum, per illam legem vindicata, non æque ad nocendum efficax existimari potest. Sed in hoc genere necessitudinis, cum beneficium & observantia utramque paginam faciant, de quibus invicem pugnabant veteres; proditæ non reperiuntur in judicio querelæ. Ingrati scilicet querela ad beneficii auctorem spectat, ac ejus nomine instituitur: aggravaturque, si is pater, aut præceptor, aut patronus, aut hospes fuerit.

4. de benef.  
38.)

Nam & hospitii sanctimoniam, non virtus modo & humanitas, ut hodie, sed jura etiam & leges definiebant. Omni autem lege fortius sacravit jura hospicii Philippi Macedonæ Regis severitas: *qui improbissimo militi, ingraticissimo hospiti, avidissimo naufrago, stigmata inscripsit, ingratum hospitem testantia. quasi diceret, interprete Seneca, Æquum est, intra fines regni mei, te literas istas oculis inscribendas, durissima fronte circumferre; ostende, quam sacra res sit mensa hospitalis: prabe in facie tua legendum istud decretum. — Magis ista constitutio sic erit rata, quàm si illam in as incidissem.*

erat. 3. p. 191.

Et si quidem lex adversus ingratos, in aliqua civitate, ferenda sit, nemo suaserit, dubia aut incerta comprehendendi. Nemo postulabitur ingrati, qui nondum reddidit beneficium; qui minore mensura reddidit; qui non reddidit ei, de quo dubitari potest, an dederit beneficium. In confesso sint merita oportet: in confesso crimen ingrati animi. Quod cum multiplex sit, duabus tamen præcipue rebus cernitur: vel cum dissimulatur & negatur beneficium; vel cum bene meritis dictis factisque lædatur. Illud prius genus ingratorum, crebrum & frequens; hoc posterius, tanquam ferinæ cujusdam & inhumanæ pravitatis, rarius existimavit *Julianus*, cujus sententiam exempla novissimi temporis non affirmant, legislatorem autem potius monent, ut incrementibus vitiis modum statuatur. Præcipua scilicet legis condendæ industria in eo versabitur, ut ii coërceantur, qui homines de se sine controversia bene

sia bene meritos, calumniis, maledictis, injuriis, molitionibus inimicis ac hostilibus violent. De quibus *Carolus Paschalius in censura animi ingrati (cap. 29.)* in hunc modum disserit: *Insigniter ingratus is est, quem non modo tibi beneficio non adjunxisti, nec solum pro beneficiis gratiam non reddit, sed maledicta, eaque insuper malefactis cumulat. Cui plus debet, hunc magis odit, ex obligato ac debitore fit inimicus, nunquam non periniquus, irarum, minarum, ultionis plenus. Hoc deterrimum genus hominum, è quibus nihil nisi messem mali metere licet, quidam assimulant arietis, qui altorem suum saepe cornibus incursat. Ego potius talem dixerim esse lupum illum, de quo extat Gracum epigramma, τὸν λύκον ἐξ ἰδίου μαστῶν τρέφω: — —* Hoc genus ingratorum notat *Sapiens* huic verbis: *Qui, inquit, reddit mala pro bonis, non recedet malum de domo ejus. In dissimulatores & inficiatores beneficiorum, relinquantur, puto, suis moribus, qui de beneficio accepto, non satis evidenter possunt convinci. Sed qui indubitabilibus sunt beneficiis affecti, ope adjuti, liberalitate sublevati, doctrina eruditi, cura educati; hi, si inhumanâ impudentiâ velint inficiari merita, & quod plerumque sequitur, maleficii sui turpitudinem minuire; illi malo domandi fuerint.*

In utroque hoc genere eminent flagitii atrocitates, quibus beneficia eo usque lata sunt, dum videntur exsolvi posse; *Tac. 4. A. 12.* ubi multum antevenere, pro gratia odium redditur. Ex odio injuria; ex injuria novum odium. *Proprium enim humani Tac. Agr. 42.* ingenii est, odisse quem laeseris. Hoc habent pessimum animi magna fortuna insolentes; quos laeserunt, & oderunt. Et descripsit quidem ingratorum ingenia moresque, turpitudinisque tantæ notas & insignia in literas misit, eademque opera quasi suavioriam legis adversus ingratos concinnavit doctissimus vir *Lilius Gregor. Gyraldus*; omisit autem, sive *Sen. 2. de ir. 33.* reperi non credidit, pessimum genus ingratorum, qui cum inficiari non possint manifesta hominum de ipsis præclare meritorum beneficia, quorum tamen hostili interim odio flagrant, invertere totam causam, & à sensu horribilis fallaciæ avertere mentes aliorum conantur, ementiendo sine nomine & ex longinquo beneficia, velut in eos

Ddddd 3

collata.

*Parades. ad  
Gers. in gra-  
tos, tom. 2.  
oper.*



collata, erga quorum verissima beneficia se ingratos præbent, cum tamen nec voluerint, nec potuerint id facere quod jactant, manifesta que rerum fide & invictis argumentis mendacii ac vanitatis argui possint. Interea apud homines rei totius ignaros, famam ingrati animi, cujus sibi conscius sunt, obliterare, atque ultro querelam illam ferere student, quam adversus ovem in fabulis lupus orditur. Cæterum inauditæ malitiæ fraudem, operæ pretium est victuris chartis detestari peculiari cura, qua Charites ornabuntur.

lib. 23, c. 31.

Quin autem manifesta ejusmodi & nefaria ingrati animi crimina, lege describi atque coerceri queant, quid relinqui dubitationis potest? non minus enim, in aliis hominum personis fieri potest, quod in liberis *Justinianus Imperator*, quem ante laudavimus, in exemplum prudenter graviterque perfecit. Pœna, ut statuatur more Persarum in ingratos, multas ob causas, nemo suaserit. neque antiqui, usquequaque probarunt. *Ammiani Marcellini* notus est locus: *Leges apud Persas impendio formidatæ. inter quas diritate exsuperant, lata contra ingratos, & desertores.* Ignominiam statuere notabilem, loco pœnæ, consultius est: ad quam delendam expiationibus quibusdam locus non præcludendus esset.

At, inquis, quin ferre adversus ingratos leges possint, penes quos condendi juris potestas est, nemo abnuat. An autem consultum sit hoc facere, non æque in expedito est. Nos illam disputationem nunc ingredi non constituimus, nisi quod ex allatis haud pauca huc faciunt. Sunt exempla gravissimarum nationum: est ratio summa in rei utilitate, ad finem publicæ felicitatis consequendum necessaria; cum non minus ingrati animi vitium omnes morum labes continere aut trahere credatur, quàm gratus animus omnium virtutum proventu ac necessitudine celebratur: est increfscens hoc aut illo ævo hominum pravitas, & ingratorum multitudo; qui in aliis discunt & experiuntur, quod paulo post adversus patriam exerceant: Sunt alia momenta, quæ

ta, quæ tempus, locus, & componendæ disciplinæ publicæ ratio suppeditare solet.

*Seneca* rationibus plerisque jam responsum est. nec multum proficit sollicita illa *beneficii* & *debiti* distinctio. Quasi minus debeantur, quæ ex lege naturæ, & summa iustitiæ ratione, etiam extra civilem formulam, debentur; quàm ea, quæ civilibus decretis fanciuntur. Ut taceam, illam sententiam ad eos tantum ingratos pertinere, à quibus reposcitur beneficium; sive qui reddendi beneficii causa appellantur: cum potior de iis quæstio sit, qui pro bona gratia malam reddiderunt: beneficiumque maleficio rependerunt. Sed nec illa *Stoicorum* jactantia apud legislatoris aures tempestive promulgatur, quàm altiora subinde consilia, neque ex virtutum regulis, sed instituto quodam gloriæ extra ordinem petendæ, æstimanda in ore habent. Sicut autem, injurias etiam maximas, ex proposito quodam sublimiore, tolerare, nemo vetatur: ita ut hoc faciat quisquam, nullus legislator, nullus iudex, quorum munus sanctissimum in prohibenda & punienda injuria præcipue versatur, præcipere solent.

Denique *Seneca* de pœna ingrati disputans, *Quid ergo?* inquit, *impunitus erit ingratus?* Mox decernit ei pœnam, *odium publicum, supplicium gravissimum; iram Deorum, tormenta conscientia, tristem & morosam vitam*: cum ex diverso gratus homo æquali perpetuaque voluptate fruatur. *Comparari autem potest (ita pergit) utriusque vita. cum alter tristis sit & sollicitus, qualis esse infirmitas ac fraudulentus solet; apud quem non parentum qui debet, honor est, non educatoris, non præceptorum: alter latus, hilaris, occasionem referenda gratia expectans, & ex hoc ipso affectu gaudium grande præcipiens; nec querens quomodo decoquat, sed quemadmodum plenius uberiusque respondeat, non solum parentibus & amicis, sed humilioribus quoque personis.* Et jam antea de crimine ingrati dixerat: neque absolvimus illud, sed — tantum odio damnavimus, & inter ea *3. de benef. 17.*  
*reliquimus, quæ ad iudices Deos mittimus.* Imitatur *Grotius* hanc sententiam, cum talia peccata DEO vult punienda relinquere, qui *1. B. 2, 20, 30*  
 & ad ea noscenda est sapientissimus, & ad expendenda æquissimus,  
 & ad

*Similitur. ad  
censur. Feld.  
in d.*

*& ad vindicanda potentissimus. Loquitur Grotius de peccatis, quæ nec directe nec indirecte spectant ad societatem humanam, aut ad hominem alterum. Tale autem peccatum esse ingrati animi vitium, in manifestis illis & enormibus speciminibus, quæ ante designavimus, concedi nec potest nec debet. quod & Feldeno observatum. Itaque crimina ingrati animi, quatenus incertam æstimationem habent, lege non coercentur: quando autem clara sunt & indubia, in liberis, etiam jus Romanum punivit. cum id, ut fiat, reipublicæ interfit, & ad salutem civitatis pertineat. Quare & Grasyvinckelius, Grotii mentem ita explicat, ut omissionem gratiæ, non offensionem aut lesionem intelligamus, additque: Gratitude adversus parentes ac patronos etiam cogi potest. non enim in arbitrio liberorum & libertorum est, gratum esse, sicut aliorum quorumlibet. Quæ postrema verba, comparisonem habere possunt, sententiam absolutam tueri non possunt. neque enim, accuratè loquendo, dixeris: cujusque arbitrio relinqui gratus velit esse, an ingratus. Si itaque Grotius dixerit, in suscipiendo bello non temere suadendum esse, ut adversus ingratos suscipiatur, si nulla alia causa accesserit, reprehendi non debet voluntas, restringere bellandi licentiam conantis. Sicut nemo facile judicaverit: hic populus adversus liberratis suæ auctores & defensores cornua erigit, insolentemque se & ingratum præbet; ergo armis petendus & ad officium redigendus est. Verum, si injuriæ aliæ manifestæ, quæ bello justam causam dant, accesserunt, ingrati animi vitium in suavioribus rationibus ad bellum impellere potest tam indigne læsos.*

*cf. 41. & 55.  
& 109.*

Qui interim legis judicisque beneficio tueri se ab ingratissimis nequeunt, & ad Dei tribunal, ut ante dictum est, remittuntur, illi & ipsi, non tam vindictæ studio, quam fiducia auxilii, pietatis memores, ac inter hostiles ingratorum insultus, caritatis non obliti, ita suam causam cupiunt agere, ut emendari ingratos non everti desiderent. Sciunt quæ ingratos pœnæ apud Prophetam inevitabili oraculo denuntiantem mancant: sed nallent illas deprecari, quàm imprecari. Igitur intra hos limites oratio eorum decur-

decurrit : Vides , Optime Maxime Deus , qui ingratos odio & poena damnasti , gratos præmiis promissisque incitasti , nos hostilibus insidiis peti ab iis , quos aluimus , quos educavimus , neque furoris adversum nos summi quicquam reliquum fieri ; vides nostra beneficia immanibus maleficiis rependi . Non ignoras , qui omnia scis , quotiens & quantum ignoverimus : candidaque & simplici mente , erroribus humanis , quæ , ut res docuit , inhumanæ pravitatis erant , tribuerimus . Sed in læsam totiens patientiam , furor insurrexit semper acior : neque aliud quam interitum eorum speravit , qui tuâ hactenus sustentante dextera steterunt . Conserva nobis tua munera , DEUS Optime : resiste occultis insidiis , retunde apertas molitiones , dissipa conatus , objurga bella nullos habitura triumphos . Fac ut ad se , & te redeant , qui hominem exuerunt , & tua præcepta conculcarunt . Nos ad veniam dandam semper erimus parati . en gregem nostrum , qui se tibi in clientellam & fidem tradidit ! huncine tu , Patronorum Maxime , calumniis inquinari , odiis oppugnari , injuriis affligi , vivus vidensque ( vivens in perpetuum , videns omnia ) patieris ? *Fac mecum signum in bonum ; ut videant , qui oderunt me , & confundantur : quoniam tu , Domine , adjuvisti me & consolatus es me .* *Psal. 86, 17.* Hujusmodi preces non magis possunt vanæ esse , quàm certum fixumque est ; DEUM esse , fuisse , futurum esse gratorum patronum , ingratorum vindicem , qui suo digito scripsit legem ; *Ingrati sit actio.*



## XXXIII.

## MILES CAPTIVUS.

**C**apiuntur bello homines, omnis ætas, omnis sexus; Curbes, civitates, omne rerum ac possessionum genus; jura quoque eripiuntur: quicquid denique ex hostico petunt bellantes, captivitatis subire conditionem ea cuncta dicuntur. Sed nobis nec de re omni bello capta, nec de omnibus hominibus in potestatem hostium redactis, sermo erit. Solus enim *Miles captivus* in argumentum hujus dissertationis veniet.

*Miles, quive pro milite, vel sacramento rogatus plenamque militiam habens, vel conjuratione aut evocatione, ad militandi munus auctoratus, intelligitur; quocunque militiae gradu aut ordine, manipularis sive gregarius, centurio, tribunus, præfectus, Dux, Imperator. Varia enim genera hic enarrari nihil atinet, aut moribus temporum ac nationum describi. cum non aliud jam spectetur, quam munus militandi, sive operam bello navandi. quod quidem præcipue obligatione metiri fas est: si non solenni semper, & in sacramento formulam redactâ; concisius tamen & in vicem adhibitâ, aut, ex naturâ rei, subintellecâ. Neque enim dubitandum est, quin voluntarius hodie miles, una cum auctoratis militans, fidem certe ibi obligatam habere, unde stat; eodemque jure, quo reliqui ex adverso constituti, capi posse censeatur. Id quod exemplo vexillariorum apud Romanos declarari potest. Retinebantur illi sub vexillo, ceterorum immunes, nisi propulsandi hostis, verbis Taciti. Sed ab hoste non minus capiebantur, quam ceteri. Voluntarium militem dixi. nam si quis, aliarum rerum causa in exercitu versetur, neque pugnet; ab eo jus belli abstinere, humanius & æquius est. Cumque feminam à rigore juris bellici sublevare in multis sexus debeat, æqualem tamen cum viris sortem ultro subeunt sœdæ militantes.*

It. 4. 36.

litantes, sicut Amazonum exempla, & si quæ hujus generis occurrunt, ostenderint.

Non parum autem refert, quo modo in manus hostium perveniat *Captivus* noster, & quæ sit apud hostes ejus conditio: sed nos unum nunc spectabimus, ad quod reliqua congruent; *quo loco apud suos sit miles captivus, aut esse debeat, quoriams de eo redimendo, aut de redempto, receptove, in republica consultatur ac sententia dicitur.*

Cujus loci triplex est ratio: *una*, quæ favorem negotio conciliat; *altera*, quæ odium; *tertia*, ambiguum æstimationem habet, neque semper eodem modo expeditur.

Quæ favorem captivis militibus conciliant, paulo altius repetenda sunt. Præter necessitatem ergo & præstantiam operæ militaris, qua respublica carere nequit (*quippe rei militaris virtus præstat ceteris omnibus; omniaque latent in tutela ac præsidio bellica virtutis, ut est apud Ciceronem*) illud *Orat. pro Muræna cap. 10.* consideratu dignum est, quod milites in onere totius civitatis sustinent partem maximè arduam & duram. Si enim in ipsa militia, *urbanarum excubiarum* labor haud immerito levior censetur, quàm eorum, quibus infestas apud gentes *è contubernio hostis aspicitur: certè onus militibus pro tota civitate impositum, non potest comparari, cum eorum onere, qui interim pecunia, aliisque pacatioribus modis bellum juvant, partiendique laboris publici æqualitatem supplere quidem, sed non æquis passibus, contendunt. Quod, sicut in civibus manifestum est, ita nec in externo aut peregrino milite neglexit Darius apud Curtium, quando non minus Græcos, quàm Persas, vocat suos milites, suam secutos fidem; gravi ratione addita, quod suam salutem credunt civitati, cui militant, externi: imo pro civitate illa suam salutem periculis objectant, id est, non faciunt peregrinorum opera, sed civium; neque suam, sed civium vicem præliantur. Diminuitur aliquid, fateor, de tam præclara opinione, mercenaria vilitate quorundam: sed nec semper de sequiore proposito singulorum constare potest; & hominum vitia ad injuriam rerum valere non debent.* *Tac. l. 4. 17.*

3, 8.

Eeeee 2

Inten-

*Val. Max.*  
1, 1, 14.

*Her. 2, 2.*

*Bodin. de Rep.*  
1. & 10. Ser-  
vanus in  
Franc. 1.  
pag. 433.  
*Id. in Ioan.*  
pag. 142.  
ann. 1357.

Intenditur vis hujus argumenti, si ille aut illi capti sunt, quorum virtus sæpe multis bellis antea spectata fuit: aut, quorum necessaria reipublicæ opera est. Meruisset profecto redimi M. Atilius Regulus, post amplissimæ virtutis opera edita, *ex victore speciosissimo ad miserabilem captivi deductus fortunam*: nisi ipse obicem posuisset suæ liberationi. Licet enim plus fiduciæ, quàm consilii ad postremam illam pugnam attulisset, non potuit tamen nec debuit hæc culpa tot illustribus meritis opponi. Est hujus generis, de captivo rege redimendo, quæstio: quam inter civium fidem, & totius civitatis incommoda impeditam, magnus animus, qui solus capi non potest, in Francisco I. Galliarum Rege aliquo modo explicuit, cum malle se captivum mori, carere regno, filioque id relinquere; quàm iniquis legibus oneratum ac diminutum recipere, in custodia Hispanica testaretur. Imitator scilicet gravitatis & constantiæ, qua ejusdem gentis Rex Joannes, duobus pæne sæculis ante, in Anglia captivus, Eduardi victoris regis postulata repulerat. In qua historia etiam illud occurrit, quam adversus merita Regis sui ingrati, & de liberando eo parum solliciti fuerint ordines Galliarum.

*Theophan.*  
*Mamul. 19.*

*2. offic. 28.*

Apud Christianos, captivorum redemptionem inter τὰ τῆς ἀγαπῆς συμπαθείας ἀποδείγματα, misericordia & dilectionis opera ac specimina, commendari, satis constat: ita ut ea de causa etiam sacris Ecclesiarum thesauris non parcendum, & viri pietate flagrantem, & postea leges Ecclesiasticas statuerint. Sed, si originem rei attendimus, non tam ad milites captos, quàm ad alios, ista benignitas pertinebat, quod vel Ambrosii illa ostendant, ubi de hac re agit: *Quis est tam durus, immittis, ferreus, cui displiceat, quod homo redimatur à morte, scæmina ab impuritibus barbarorum, quæ graviores morte sunt: adolescentule, vel pueruli, vel infantes ab idolorum contagiis, quibus mortis metu inquinabantur?* Præcipue autem vincula religionis ergò Christianis injecta, multo honore & cura celebrabantur. Non tamen nihil militibus prodesse debet regula caritatis Christianæ, quæ omnium



omnium virtutum præceptis pondus adjicit; omnia duriora mitigat, tristia edulcat.

Verum, cum hodie inter Christianos haud paulo mitior sit captivorum conditio, neque servi fiant, qui in hostium potestatem veniunt, miserationis non æque potentia sunt momenta, sicut in captivis servientibus. nisi quod idem sentiendum est de iis, qui in Turcarum, Tartarorum & ejusmodi immanium gentium manus perveniunt, quorum conditionem descripsit, tristem tredecim annorum experientiam nactus Bartholomæus Georgievizius, neque in hunc diem fere aliquid mutatum apparet. Tratarunt hunc locum abunde, quibus de bello Turcico superioribus sæculis consultatio oblata est.

ap. Reusn. in  
Anti-Tur-  
cico.

Apud ipsos utique ethnicos multum miserationis in captivos trahebat, ipsa servitutis miseria, major minorve, pro dominorum ingenio; sed nuspiam sine ærumna. Ipsa quippe captivitas, fiduciam, sine qua animus torpet, extinguit. Alius domi est cæli haustus, alius lucis adspectus: mores, sacra, linguae commercium, etiam à barbaris expetuntur: quibus qui carere cogitur, calamitosum se judicat, præsertim cum sit capite diminutus, abalienatus jure civium, servus hostium factus, ut apud Livium captivitas describitur. Accedunt vincula, quorum & pudet & piget: sicut captivi Plautini ostendunt, ac dequeruntur tum alias, tum lamentabili illo carmine:

Curt. 5. 5. 19.

22, 59.

Plant. Ca-  
piv. act. 1.  
sc. 2. v. 3. &  
act. 2. sc. 2.  
v. 4. & se-  
q.

— *Fortuna, humana fugit, artatque, ut libet,  
Me, qui liber fueram, servum fecit; è summo, infimum.  
Qui imperare insueveram, nunc alterius imperio obsequor.*

Verbera, lapidicinæ, crassæ compedes, atroces ex levis delicti occasione poenæ. Utuntur hoc argumento in Senatu Romano captivi Cannenses apud Livium: Illud etiam in tali consilio animadvertendum vobis censeam, P. C. si tamen duriores esse velitis, quod nullo nostro merito faciatis, cui nos hosti relicturi sitis. Pyrrho videlicet, qui nos hospitum numero habuit captivos, an barbaro ac Pæno; qui utrum avarior an crudelior sit, vix existimari potest. Si videatis catenas, squalorem, deformitatemque civium vestrorum, non minus profecto vos ea species moveat, quam

act. 3. sc. 5. v.  
66. & seqq.  
lib. 22. c. 59.

Eeeee 3

si ex



si ex altera parte cernatis stratas Cannensibus campis legiones vestras. Ultimum omnium malorum mors est, quæ & ipsa sæpe captivis imminebat. Quamquam enim durum illud & insolens,

Senec. Troad.  
act. 2.

Lex nulla capto parcit, aut penam impedit,  
rectissime repudietur meliore sapientiâ,

Quod non vetat lex, hoc vetat fieri pudor;

Græc. I. B. 3.  
II. 7. add.  
annor.  
Hiflor.  
misc. II. 4.  
Declam. 16.  
apologia  
Demosth.

Sæpius tamen fere licentiæ, quàm pudoris meminerunt victores: adeo ut ne regibus quidem captivis vitam concesserint aliquando Romani: imo bestiis objecerint, quod de Constantino memorant.

Nonnunquam indignitatem captivitatis auget vilitas aut diritas dominorum. Athenienses laudat Libanius, quod ne in theatro quidem & fabulis ferre potuerint, si inducerentur Græci à barbaris capti: μηδὲ τὰ τοιαῦτα τῶν δραμάτων ἀνέχουσι, ἐν οἷς Ἕλληνες ὑπὸ βαρβάρων ἀλίσκονται. Utinam hunc sensum Deus Christianis inderet, quotiens de captis à Turca, Moscho, ferisque aliis gentibus cogitatio subit. Concurrit enim cum indignitate atrocitas apud bis miseros: qui & infanda patiuntur, & à barbaris patiuntur. Nec opus est ad Jo. Basilidis immanitatem & vetustiora recurrere, nisi si propiora dememinisse quisquam potuit.

Alexand.  
Cæsar.

Liv. 22. 39.

Novum genus miseriæ, phantasiâ πειντικῇ movent Romani ad Cannas captivi, si redemptione indigni habentur: Si medius fidius ipse in nos mitis Hanibal contra naturam suam esse velit, nihil tamen nobis vita opus esse censeamus, cum indigni ut à vobis redimeremur, visi sumus. — Et: redeam ego in patriam trecentis numis non aestimatus civis? Et mox: Magis me sama periculum movet, ne à vobis damnati & repulsi habeamur. neque enim vos pretio pepercisse homines credent.

Hic locus ad aliud nos genus favoris in redimendis captivis militibus deducit: ubi prona scilicet ad redimendum via, id est, quando & victor redimendi copiam facit, & pretium redemptionis non iniquum statuit. Non defuit sane ratio, quæ captivis illis Cannensibus obverte-

retur

retur, sicut postea cognoscetur. Est tamen de cetero, ubi validè auditur hæc suasoria. Unde plenum invidia & odio habetur Mauritiæ Imperatoris factum: qui cum Chagano Avarum Duci legiones sibi, quod seditiosius egerant, invisas ductu Comentioli objecisset, captos de iis ad duodecim hominum millia, noluit redimere postea, quamquam Chaganus non nisi numum pro singulis, atque ubi non impetraret, dimidium numum, exigeret. Quâ re incitatus barbarus (quod futurum divinari facile poterat) omnes trucidavit. Secuta est hanc crudelitatem Mauritiæ sera poenitentia: neque minimum ea res ad exitium ejus momenti credebatur attulisse. Memorat Zonaras, & *Historia Miscellanea*: ne de Cedremo & Nicephoro Callisto dicam.

rom. 3. p. 63.  
lib. 17. c. 39.

Nunquam autem favor in captivos milites manifestior, quàm quotiens bellum conditionibus finitur: solennem in legibus pacis locum occupante, captivorum ex utraque parte dimissione. Vicissim valet, ut dixi, ista facilitas: Unde iniqua visa est conditio & dura, quam Carthaginensibus Regulus tulit, ut Romanorum captivos ipsi gratis dimitterent, suos autem pretio redimerent, apud Dionem Cassium. Significabat enim pacem non ex æquo; cum juberentur facere, in quibus Romani non erant mutuum facturi. ἀλλὰ τί τινα, ἢ ἐκ τῶ ὁμοίου ποιεῖν ἐκλέοντο. inquit Historicus.

in Eclog. Legat. Versus;  
adde Polyb.  
1.

Atque, ut plausibilior reddatur causa captivorum militum, producuntur exempla civitatum, quæ ad gloriam & utilitatem suam pertinere judicaverint, captivis liberandis operam dare. Libanius, antiquam de captivis redimendis legem laudat; legatosque ea de causa ad victores mittere, est ei, τῷ παλαιῷ περὶ τῶν αἰχμαλώτων χρήσασθαι νόμῳ. Apud Livium, qui pro Cannensibus in captivitate reliquiis loquuntur, Majores nostros, inquiunt, acceperamus se à Gallis auro redemisse; & patres nostros asperissimos illos ad conditionem pacis, legatos tamen captivorum redimendorum gratia Tarentum misisse. Hanc legationem optime omnium exequitur Dionysius Halicarnassensis, qui ait, legatos missos τοὺς ἀξιόστοντας πύρρῳ ἀπολυτρώσει τῶν αἰχμαλώτων, εἴτε αὐτῶν διαπραξόμενοι, εἴτε ἄλλῳ σωμα-

Declam. 15.

22. 39.

In Eclog. Legat. ap. Fulv. Versus.

συνάτων, ἢτε ἀφ' ὧν καὶ ἄνδρα ὀπισαυτα; postulatu-  
 rho, ut captivos sibi redderet, vel pro aliis captivorum corporibus, vel  
 statuto in capita singulorum pretio. Qui duo modi adhuc ho-

Orat. 1. B. 3.  
 14. 9.

1. offic. 12. C.  
 13.  
 2. 18.

Appian. a-  
 pud Fulv.  
 Vrsin. in Ec-  
 log. leg. 6.

Decad. 1.  
 lib. 8.

die scil. in usu sunt. pretio in summis quidem Ducibus  
 & Principibus variè taxato : in ceteris ex mutua cujusque  
 populi ratione temperato. Et Pyrrhus quidem ducentos  
 ex captivis statim sine pretio remisit, laudante factum Ci-  
 cerone, ut magni excellique animi specimen (quamquam  
 suberat artificium, quod Florus bene notat) de ceteris per-  
 misit ad Saturnalia Romam proficisci, quotquot vellent,  
 unius in ea re Fabricii legati secutus fidem, qui redituros,  
 nisi pax interea convenisset, promiserat. Extitit fides pro-  
 misso. reversique in captivitatem præstituto die sunt o-  
 mnes. Neque planè ea gravitate carent juniora tempora.  
 Cum enim anno superioris sæculi 74. Middelburgum de-  
 ditum esset Orangio, Mondragonii sola auctoritas, absque  
 ullis pignoribus aut obsidibus, apud victorem valuit : cum  
 diceret se effecturum, ut Altegundius cum tribus, quos  
 ipse legisset, aliis, ex captivitate in Selandiam sextum in-  
 tra mensem remitterentur, aut si rem conficere nequivis-  
 set, in captivitatem redituum esse, quod *Famianus Strada*  
*amplius dilaudar.* Sed istam de permutandis, aut redi-  
 mendis captivis deliberationem utrinque memorabilis, &  
 ad reipublicæ tempora fortunamque sedulo exacta utilitas  
 ferè dirigit : honestatis species ac magni animi gloria,  
 obtentui assumuntur.

Non invidetur interim hæc gloria privatis, si velint,  
 civibus quibusdam suis liberatis vel humanitatis officium  
 usurpare, vel nomen sibi comparare, aut benevolentiam  
 colligere. Unde Cicero optimatibus viris id factitatum  
 ex oratione Crassi refert, laudatque non semel hoc beneficen-

2. offic. 18.

com. 1. Apo-  
 log. Demosth.  
 pag. 459.

tiae genus. Atque hac, inquit, benignitas etiam reipublica uti-  
 lis est, redimi è servitute captos. Et apud *Libanium* inter viro-  
 rum magnificorum opera, referuntur αἰχμαλώτων λύσεις ca-  
 ptivorum redemptiones. Apud *Eundem Demosthenes* de sua le-  
 gatione glorians, alios pecuniam retulisse, ait, se autem unde-  
 cunque conquestos sua pecunia, quotquot posset, captivos reduxisse.  
 addit-

additque : καὶ νῦν ἵκ ἄν ὤκησα τὸν αὐτὸν τρόπον ἀπαλλάξαι χεί-  
 ρον & τὰς πολίτας τύχης, εἰ παρὴν μοι τοσούτον ἀργύριον. Nunc  
 quoque non omissem eodem modo cives in meliorem ex adversa for-  
 tunam vindicare, si tantum argenti suppeteret. Sumta hæc sunt  
 ex oratione ipsius Demosthenis περὶ παραπρεσβείας. qui locus,  
 cum ad nostram rem haud parum faciat, latine, ut puta-  
 mus convertendum esse, huc afferetur. Age vero, inquit O-  
 rator, quos ego captivos redemerim, vobis exponam. Quo tempo-  
 re, antequam Philippus redisset, Pella agebamus, captivorum qui-  
 dam, quotcunque vades dederant, haud sane confisi, ut arbitror,  
 compotes se voti per Philippum fore (absque pretio scilicet mul-  
 tum lucri de tot captivis promittente dimittendos, ut Ul-  
 pianus Rhetor explicat) se velle ipsos sibi libertatem parare, neque  
 ejus rei gratiam Philippo debere, dixerunt : & alius quidem tres mi-  
 nas, alius quinque, nonnulli rursus, ut cuique pretium redemptionis  
 finitum erat, scenerabantur. scilicet ab isto Demosthene.  
 Postquam autem Philippus professus est, se captivorum reliquos sine  
 pretio dimissurum, ego statim convocatis, qui mutuam à me pecu-  
 niam acceperant, qua inter nos acta essent in memoriam revocavi,  
 atque ne ipsis festinatio sua fraudi fuisset, aut hominibus pauperibus  
 libertas suoapte impendio quasita videretur, cum interim alios gratis  
 à Philippo dimissum iri, spes esset, donavi illis pretium redemptionis.  
 Productis deinde testimoniis subjicit : ὅσα μὲν τῶν ἀφ᾽ ἡμῶν  
 χρήματα, καὶ δωρεὰν ἴδωκα τοῖς ἀτυχύσασιν τῶν πολιτῶν, ταῦτ' εἰναι.  
 Quas igitur remisit, & dono dedi calamitosi civibus, pecuniarum  
 tantum est. Ad gloriam & decus opportuna est ista magni-  
 ficentia. sed & officii necessitudo quosdam ad redimendos  
 captivos suscitabat. Clientium certe officio hoc contine-  
 ri, ut patronos suos, eorumque liberos ab hostibus captos,  
 redimerent, Halicarnassensis tradit. Privatæque redemptionis  
 nis, ut sic dicam, mentio etiam in Romana illa delibera-  
 tione infertur, quando censent aliqui, nullam publicam im-  
 pensam faciendam, nec prohibendos ex privato redimi. Quam-  
 quam ibi non de redemptione ea sermo est, quæ aliorum  
 opera pecuniaque, sed quæ sua cujusque impensa fit ; Un-  
 de & sequitur : Si quibus argentum in presentia deesset, dan-  
 dam ex arario pecuniam mutuam, prædibusque ac prædiis caven-  
 dum

lib. 2.

Liv. 22, 60.

Ffffff

dum

*dum populo.* Minus speciosa est liberatio captivorum, quando ejusdem civitatis civis suo aere redimit civem, non quidem servum redemptoris futurum, sed tamen plenæ libertati non restituendum, nisi pretium sui persolverit redemptori, aut certum ad tempus serviverit. Quod etiam legibus civilibus firmatum est : ne favor redemptionis, consideratione damni imminueretur, hominesque ad eam humanitatem segniores fierent, si repetitio pretii nulla esset.

Progrediendum est ad illud caput hujus disputationis, quod in utramque partem plurimum valet, quomodo miles captus sit, sive in manus hostium pervenerit. Unicui hic favoris fons, si neque per ignaviâ, neque per aliam culpam commisit, ut in manus hostium veniret. Licet enim verissimum sit illud *Livii*, *nulla virtute superari virium humanarum modum* : Serio tamen examinatur, an factum sit, quod fortis fidelisque operæ ratio postulabat. Unde apud *Plautum*. Philocrates, cum ex altera quoque parte quosdam captos intellexisset, solatium id arripiens, inquit :

4. 58.

Captiv. 2. 2.  
12.

— non igitur nos soli ignavi fuimus.

Liv. 22, 60.

Declam. 15.

In oratione severissima Manlii Torquati, capti in acie ab hostibus longe præferuntur iis, qui se postea in castris dediderunt. *Libanius* præstet nobis interpretationem hujus loci, quando de captis ad Chæroneam ita judicat : νομίζω καὶ τούτους ἔδδ' ἥτιον ἀγαθοὺς, καὶ ἔδειξαι κακίαν ταύτην ὑπομένειν τῇ τύχῃ· ἀλλ' εἶναι τῆς ἀνδρείας ἀτὼν καὶ τοῦτο σύμβολον, τὸ μαχομένους ἀλῶναι· κίλ. Existimo & hos non minus præstantes (quàm eos se. qui in acie ceciderunt) neque ullo suo vitio hanc fortunam subisse : quinimo, non minimum esse, & hoc virtutis eorum testimonium, quod pugnantes capti sunt : ignavi enim (ita addit) & vulnera formidantes congregi non audent, sed in initio pugne arma jacentes fuga sibi consulunt : qui vero virtutem suam spectari actione cupientes, hostem umbonibus propulsant, sui immemores ; hi sunt, qui capiuntur. In acie ergo capti intelliguntur hic, quibus circumventis neque ad pugnam, neque ad fugam  
locus



locus fuit. antequam enim in captivitatem miles pervenire velit, fuga, post consumptam scilicet virtutem, illi conceditur. In declamationibus, quæ Quintiliano tribuuntur, *Declam. 119.* legas : Longè felicissimum in bellis est, vincere : fortissimum, si victoria non detur, pro causa mori. Est tamen tertium aliquod inter dedecora, in patriam certe redire, & si vincere non detur, effugere. Potest enim credi, qui hoc fecit, ad secundam se aciem servasse, & victum adversis animum reposuisse. Quem in sensum *Flor. 1. 61* Florus de Cannensi clade : Ducum effugit alter, alter occisus est : dubium uter majore animo, Paullum puduit : Varro non desperavit. Cui etiam publico nomine gratia sunt acta, quod de republica non desperasset. Fruuntur hoc favore, qui obfessi postquam ad summam virtutem nihil reliqui fecerunt, omniaque, quæ tolerari possunt, sustinuerunt, se hosti coguntur dedere. Nec minus, qui à Duce dimissi, neque mandata egressi, pauci à pluribus intercipiuntur. Si enim *Liv. 22. 61.* Modestinus rationem ejus habet in præmiis & commodis militaribus, qui ex improvviso, dum iter facit, capitur ab hostibus : multo magis favor in captivum trahitur tali casu, quo mandata fungens in hostem incidit. *L. 3. 5. 12. ff. de re mil.*

Facit & tempus favorem militibus captivis : si victori lucrum ex pecunia, victis ex recepto milite potius videtur ; Si permutatio institui potest, quæ, ut potest & solet fieri, utrique parti per rationes publicas non ingrata esse deberet ; si captivis auctum in captivitate in hostes odium constat ; si belli pace finiendi nulla aut longinqua spes sit ; si salvis dignitatis publicæ, consiliorumque belli rationibus fieri queat ; si de hostium propositis valida conjectura est. quali apud *Libanium* Demosthenes utitur : *Declam. 15.*  
 Ἰδὲ γὰρ τὸν Φίλιππον εὐρισκὸν ἡδῶς ἀν' ἑχόντα τοσούτους Ἀθηναίων *pag. 429*  
 ἐπὶ τῆς αὐτῆς χώρας ἔχθρας, οἷς ἔτι στρατιώταις ἡμᾶς δὴτε χρήσ- *com. 1.*  
 θᾶι σφαλερὸν γὰρ ἔτι συνάγων εἰς τι χωρίον καλεῖσθαι, ἔδειν ἢ ἢ  
 ἀποδράναι ράδιον. τὸ, τι ἄλλως ἔχῃ ἐν δισμοῖς, ἔτι ἀνθρώπινον,  
 ἔτι κεφαλῶν. Non enim reperiebam, Philippum libenter Athenien-  
 ses, id est, hostes, in regio suo habiturum : quibus nec, ut militi-  
 bus uti posset, ( anceps enim id foret ) nec loco eos certo concludere,  
 unde nulla effugiendi facultas. Alia autem ratione, vinculis

4, II, II

eos coërcere, neque ad humanitatem, neque ad quæstum, opportunum videbam. Tentat has rationes apud Curtium nequicquam Parmenio, cum suadendum fuisse ait Alexandro, ut captivos apud Damascum redimentibus redderet; ingentem pecuniam potuisse redigi ex iis, qui multi vincti virorum fortium occupaverant manus.

Grot. I, B.

3. 9.

Non omittendus est favor, qui absentiae captivorum militum jure gentium datur: naturali scilicet æquitate huc vocante, ne absentiae damna metuat, qui reipublicæ causa non abest modo, sed insigni cum incommodo & detrimento sui corporis, rei familiaris, omnisque fortunæ abest. Hinc postliminii jus, & quæ alia civilibus quoque formulis perscribuntur.

Grot. I, B.

2, 19, 3.

Priusquam hinc abeamus, facienda videtur mentio cadaverum captivorum, nam & ista repeti mos est, an & auro repensari? non nisi apud barbaros. Quamquam & illis natura dicat suum jus, nec usquequaque finit esse ferros. Cum superiore sæculo Sebastianus Lusitaniæ Rex in Africa prælians cecidisset, & de redimendo corpore ejus coëptum esset agitari, Hametes Melici victoriæ immortui frater idemque successor, negavit se eam esse regem, qui ex cadaveribus pretium acciperet, apud Thuanum. Cessant enim morte, quæcunque pacem cum vivis distinebant: omnisque odiorum materies evanescit. Unde offerenda potius, quam concedenda defunctorum hostium corpora sunt, nec immerito, ut in re absurda Æneas apud Poëtam:

lib. 65. an.

1578.

Virgil.

æn., II.

*Pacemne exanimis & Martis sorte peremtis*

*Oratis?*

ut responderet rationi juris naturalis, quæ præcesserat:

*Nullum cum victis certamen & æthere cassis.* Tractatus est hic locus, & expolitione omni diffusus in historia Adrastii, cui Thebani interemptorum corpora negarunt, donec Theseus juris communis patricinio suscepto rem confecit: apud Poëtas præsertim & Oratores, quorum nomina diligenter colligit Grotius.

J. B. 2, 19, 1.

Modos

*Modos quosdam liberandi captivos, Libanius refert: primo, collata viritim pecunia, sive imposito civibus tributo, cuius favorem ita exequitur: ἵδεις γὰρ ἵταρ Ἀθηναίων ἢ τ' ἁμὲς ἢ τ' ἄπειρ' τῆς ὑπὲρ τῶν δικαίων διαπάνης, ὅς τις αὖν τολμήσει τὸ ἀνόλωμα φύειν. Nemo enim Atheniensium ita vel crudelis, vel impen-  
 sarum in res justas ignarus, qui audeat sumtum talem detrectare, aut pecunie paucillum (ut additur) in damnis reputare? Dein-  
 de, legatis & orationibus impetrari forte libertatem captivis posse, ait. Quod genus, cum priori plerumque conjungitur. Plus enim fere argento, quam verbis, ad persuadendum inest virium. Tertia recuperandi captivos ratio, ad glo-  
 riam insignior est, armis scilicet & virtute. Si deductis trire-  
 mibus, inquit, Athenienses infestare Philippi regiones ceperint, adactus ea re Philippus, quicquid est captivorum, non hominum modo, sed locorum & urbium reddet. Sed hujusmodi plures sunt viæ: cum urbe hostili capta, aut exercitu fuso, qui de nostris capti inerant, liberantur; aut alia virtute militum nostrorum recipiuntur. An & fuga locum habet? Negat I. B. 3. 14. 76  
 Grotius. cui Feldenus contradicit hac ratione: cum opinio de ju-  
 stitia causa ab utraque pugnantium parte soleat obtinere, injustum non est, captos se subtrahere victoribus, utpote à quibus injustè se detineri in servitute existimant. Respondet pro Grotio Grasvinkelius; casum ita formari debere, ut ambiguo lo-  
 cus non sit. Nihil, aut aliud, egisse uterque videtur. Mihi certum est, Grotium loqui de bello justo sive solenni, jure gentium, quod à summis potestatibus ritè geritur, sicut explicavit alibi. In quo ne attenditur quidem, quan- I. B. 1. 3. 46  
 rum ad hoc, ut justum sit, causa justa, quæ vel seposita inte- & 3. 3. 1.  
 rim, vel utrinque concepta animis intelligitur. De qua si intelligi voluisset, non potuisset aut debuisset hanc quæ-  
 stionis formulâ uti, Grotius. sicut nemini attendenti aut intelligenti obscurum esse potest. Itaque non excipiendi, Feldeno; non respondendi, Grasvinkelio causa fuit. Quod si omnino, formata longe aliter quæstione, de causis belli justificis hîc dubitandum sibi quisquam existimasset, per-  
 velim audire quæstionem, ubi ambiguo, quod Feldenus attulit, non sit locus. nisi singulare exemplum, & extra  
 Ffffff 3 ea,*



ea, quæ ut plurimum accidunt, fingatur.<sup>1</sup> Nihil justius quàm desiderare exempla in talibus causis: nihil eruditius, quàm præfinire & describere. Neque tamen assenserim Grotio, hanc disputationem definienti. In bello enim, ut ipse appellat, justo, neminis civis opera aliter censeretur civitati obligata, quàm ut faciat quod debet ac potest; & patiatur, quod necesse est. Hæc necessitas vel vi constat inevitabili, in nervo, compedibus, claustris: vel vinculo fidei; si promisit, si juravit captivus, se fugam non evasurum. Quicquid interjectum est, viam ad libertatem aperit. Captivus, si vir bonus est, corpore & patientia apud hostes, animo & voto apud suos agit: nisi quatenus pactiones & vincula fidei intercedunt. Ut si quis, liberiores custodiam impetraverit, interposito de fuga non capeſſenda jurejurando, data dextra, promissione asseverata. Quâ de re sub gravibus exemplis differentem juvet adire Bodinum. Videtur quidem ipsa deditio, ubi accedit, fidem captivi obligare. Sed cum hæc obligatio odiosa sit, interpretatio veluti tacito gentium consensu fit in partem humaniorem. Itaque jureconsultus nihil interesse vult quomodo captivus reversus sit; *utrum dimissus, an vi, vel fallacia potestatem hostium evaserit.*

*lib. 5. de rep.  
cap. 6.*

*l. 26. de cap.  
p. 14.*

*Plaut. ca-  
p. 1. 2, 7.  
Ec.*

— *captivus, avis fere consimilis est:*

*semel fugiendi si data est occasio,*

*Satis est; nunquam post illam possis prendere.*

Itaque apud eundem Poëtam honestus juvenis captivus ex communi & pervulgata apud omnes opinione, sicut in 2, 2, 9. & 10. Comœdiis solet, *γυμνασίου* ad herum:

*Neg, pol tibi nos, quia nos servas, æquum est vitio vertere;*

*Neque te nobis, si abeamus hinc, si fuit occasio.*

Et hæc sententia tum obtinebat, cum capti ipso jure fierent servi capientium, scilicet, ut rigor ejus juris dissimulatione talis culpæ mitigaretur. Aliter statuendum est, ubi sancta fidei pignora sunt interposita, sicut exemplum Reguli jam ante ostendit; cui non defuerunt, qui postliminii

minii prætextum ostenderent, & periurii metum ac religionem demere cuperent. Sed ipse solidioris sapientiæ placita tenuit, & ad supplicia reverti, quàm religionem dissolvere maluit. Utautem laudandus Regulus in conservando iurejurando, sic decem illi, quos post Cannensem pugnam juratos ad Senatum misit Hannibal, se in castra redituros, ea, quorum positi erant Pœni, nisi de redimendis captivis impetravissent, si non redierunt, vituperandi. De quibus non omnes uno modo; sicut amplius exequitur Cicero, cujus verbis modo uti placuit. & ut Livius libro XXI. extremo.

*Entrep. lib. 2.  
& Metaphra  
Pœnis.*

3. offic. 32.

Veniendum nunc est ad alteram partem, & ea, qua plus invidia & odii trahunt in captivos, vel redimendos, vel redemptos receptosve. Disciplinæ militaris severitas, vel consuetudine civitatis inducta, vel legibus firmata primum hîc nomen est: quam utrinque roborant tum exempla militarium populorum, tum experimentis spectata nobilibus utilitas publica. Magnifice hic locus tractatur in Cannensi historia. ubi ipsi captivorum legati exemplum Romanæ civitatis fatentur: P. C. nemo vestrum ignorat, nulli unquam civitati viliores fuisse captivos, quàm nostra. Et mox Manlius commendat, admonetque: ut mos traditus à patribus, necessario ad rem militarem exemplo servetur. Nec parum movit postea Senatum exemplum civitatis minime in captivos jam inde antiquitus indulgentis, ut redderetur triste responsum, non redimi captivos. Quod Valerius Maximus inter ea, quæ ab universo Senatu, pro militari more obtinendo defendendoque administrata sunt, dilaudat. Idem jam ante Cicero factitaverat. Octo, inquit, hominum millia tenebat Annibal, non quos in acie cepisset, aut qui periculo mortis diffugissent, sed qui relictî in castris fuissent à Paulo & Varrone Coss. eos Senatus non censuit redimendos, cum id parva pecunia fieri posset: ut esset insitum militibus nostris aut vincere, aut emori. Qua quidem re audita, fractum animum Hannibalis scripsit Polybius, quod Senatus P. Q. R. rebus afflictis tam excelso animo fuisset. In quibus verbis, præter eam, quæ dicta est, singularis ratio continetur, captivorum causam aggravans: quando nimirum animosa atque fortis apparere vult civitas in arctis rebus, fortioribusque consiliis intenta

*Lib. 22. 59.*

22. 60.

2. 2. 61.

*lib. 2. c. 7.*

*ca. 14.*

3. offic. 32.

tenta, infirmitatem abstrudit, ac fiducia inusitata fortunam reparat. quod sæpe successit Romanis. Sed, ut ad disciplinam militiæ redeamus, nihil esse, quo magis illa confirmari possit, quam exemplum adversus indignos, nemo dubitavit. Quæ enim spes in bellis in milite residua est, si nihil potius fuerit, quam capi. Ita Declamatio Quintiliano tributa 339.

Dionys. Hal.  
lic. excerpt.  
Legat. Ful.  
Vrs. 36

Facit deinde rem difficilem numerus captivorum: tum apud eos, qui detinent, tum apud redempturos recepturosve. Ita Pyrrhus legatis Romanis respondet; se, nisi pace facta, nequaquam dimissurum Romanis multos & bonos milites. absurdeque id peti autumat; ἵνα τοῖς δυνάταις τοῦτοῖς σώμασιν, εἰς τὴν καὶ ἐμοῦ πόλεμον ἔχοντι χερσὶν αἰ, ut his ipsis, inquiens, corporibus bellum adversus me instruere queatis. Apud eos autem, unde captivi in manus hostium pervenerunt, ipse numerus facit suspicionem culpæ, ac ignaviæ. Imperator ille, qui captivos ab hoste reversos nocte, recipere noluit, apud M. Senecam, Cur, inquit, trecenti perierunt?

Excerpt. Com.  
trov. 5. 7.

2. 7. 14.

imo cur, ne perirent, capti sunt? Hos ego interdum non recepissem, nisi victores: noctu, ne victores quidem. Procedens postridie in prælium, pugnaturis ostendi trecentos, in quibus laudari nihil potest, præter fugam: nihil desiderari, præter numerum. Senatus Romanus consimili animo (utar verbis Valerii Maximi) cum eî Annibal sex millium Romanorum, quæ capta in castris habebat, redimendorum potestatem fecisset, conditionem sprexit: memor, tantam multitudinem armatorum juvenum, si honeste mori voluissent, turpiter capi non potuisse. Et Manlius Torquatus, quam tutum iter, inquit, duarum prope legionum agmini futurum fuisse censetis? Scilicet cum sexcenti eruperint.

Ls. 22. 60.

id. ibid.

Sed Torquatus quidem, non ignaviæ modo aperto crimine, (de suspitione enim modo dictum) sed sceleris quoque nomine eos postulabat, & utrumq; luculentis argumentis tractat. Ignavia hinc manifesta: P. Sempronius tribunus militum instantè admonuit, iussisque vos erumpere: ostendit ferro atque audacia viam fieri, quamvis per confertos hostes: imo, quam vere ista diceret, suo exemplo monstravit. favebat incepto nox. Nunquam Romana virtus talibus adhortationibus defuit. Calpurnius Flamma priore bello Punico trecentos voluntarios, inter medios hostes

hostes secum in collem traxit, cum diceret: Moriamur milites, & morte nostra eripiamus ex obsidione circumventas legiones; nemo detrectavit. Hic non mors, sed incolumitas per eruptionem ostendebatur. cum tamen vel ad moriendum, tot civium casorum mortes debuerint incitare. Sed nec fecistis, quæ virtus & mos militia postulabat. Sicut enim cum in acie stare & pugnare vos decuit, in castra refugistis: ita cum pro vallo pugnandum erat, cum castra tutari vos oportebat, & castra & arma & vos ipsos tradidistis. Jam scelus, hinc arguebatur: quod non tantum bene morientem recusassent, sed erumpentibus obsistere conati essent: ita ut viris fortibus ante cum civibus quam cum hostibus pugnandum, & inertes illi gladiis submovendi fuerint. Attollitur hic locus amplificatione varia: præsertim etiam inde, quod ab ignavis istis in posterum nihil boni expectandum sit; vel quod perdita semel virtus haud facile in præcordia redeat; vel quod invidia & odio sint persecuturi illos, quos semel deseruerunt, quorumque incolumitate & gloria suam ignaviam perpetua exprobratione flagellari putant. Tentavit hunc colorem etiam Torquatus. Imitatur ista omnia *Quintil. de. clam. 339.* Declamator; ubi etiam primo ex more, institutoque Græciæ, causæque bellandi conficit: Nunquam majore animo, nunquam concitatior spiritus fuisse pugnandum. Sequitur: In hoc igitur pralio, quod, ut dixi, pro universa Græcia susceperamus, nondum dico, quantum nocuerit istorum timor: interim cuius propositi fuerit animus, attendite. Et: Ille vero, qui se, inter virtutem, hosti dedit, qui abjectis armis parata in vincula præbuit manus, quam tandem nobis spem in posterum facit? Conjungit ista omnia argumenta, & cumulat Horatius in consilio Reguli de non redimendis captivis: *lib. 3. carm. od. 3.*

Hoc caverat mens provida Reguli  
 Dissidentis conditionibus  
 Fœdis, & exempli trahentis  
 Perniciem veniens in ævum;  
 Si non periret immiserabilis  
 Captiva pubes.

si ex altera parte cernatis stratas Cannensibus campis legiones vestras. Ultimum omnium malorum mors est, quæ & ipsa sæpe captivis imminebat. Quamquam enim durum illud & insolens,

Senec. Troad.  
act. 2.

Lex nulla capto parcat, aut pœnam impedit,  
rectissime repudietur meliore sapientiâ,

Quod non vetat lex, hoc vetat fieri pudor;

Græc. I. B. 3.  
II. 7. add.  
annor.  
Hiflor.  
misc. II. 4.  
Declam. 16.  
apologia  
Demofth.

Sæpius tamen fere licentiæ, quàm pudoris meminerunt victores: adeo ut ne regibus quidem captivis vitam concederent aliquando Romani: imo bestiis objecerint, quod de Constantino memorant.

Alexand.  
Cæsar.

Nonnunquam indignitatem captivitatis auget vilitas aut diritas dominorum. Athenienses laudat Libanius, quod ne in theatro quidem & fabulis ferre potuerint, si inducerentur Græci à barbaris capti: *μὴδὲ τὰ τοιαῦτα τῶν δεινῶν ἀνέχουσι, ἐν οἷς Ἕλληνες ὑπὸ βαρβάρων ἀλίσκονται*. Utinam hunc sensum Deus Christianis inderet, quotiens de captis à Turca, Moscho, ferisque aliis gentibus cogitatio subit. Concurrit enim cum indignitate atrocitas apud bis miseros: qui & infanda patiuntur, & à barbaris patiuntur. Nec opus est ad Jo. Basilidis immanitatem & vetustiora recurrere, nisi si propiora dememinisse quisquam potuit.

Liv. 22. 39.

Novum genus miseriæ, phantasiâ *παιδντικῇ* movent Romani ad Cannas captivi, si redemptione indigni habentur: Si medius fidius ipse in nos mitis Hannibal contra naturam suam esse velit, nihil tamen nobis vita opus esse censeamus, cum indigni ut à vobis redimeremur, visi sumus. — Et: redeam ego in patriam trecentis numis non æstimatus civis? Et mox: Magis me fama periculum movet, ne à vobis damnati & repulsi habeamur, neque enim vos pretio pepercisse homines credent.

Hic locus ad aliud nos genus favoris in redimendis captivis militibus deducit: ubi prona scilicet ad redimendum via, id est, quando & victor redimendi copiam facit, & pretium redemptionis non iniquum statuit. Non defuit sane ratio, quæ captivis illis Cannensibus obverte-

tetur

retur, sicut postea cognoscetur. Est tamen de cetero, ubi validè auditur hæc suasoria. Unde plenum invidia & odio habetur Mauritiæ Imperatoris factum: qui cum Chagano Avarum Duci legiones sibi, quod seditiosius egerant, invisas ductu Comментиoli objecisset, captos de iis ad duodecim hominum millia, noluit redimere postea, quamquam Chaganus non nisi numum pro singulis, atque ubi non impetraret, dimidium numum, exigeret. Quâ re incitatus barbarus (quod futurum divinari facile poterat) omnes trucidavit. Secuta est hanc crudelitatem Mauritiæ fera pœnitentia: neque minimum ea res ad exitium ejus momenti credebatur attulisse. Memorat Zonaras, & Historia Miscellæ: ne de Cedremo & Nicephoro Callisto dicam.

rom. 3. p. 63.  
lib. 17. c. 19.

Nunquam autem favor in captivos milites manifestior, quàm quotiens bellum conditionibus finitur: solennem in legibus pacis locum occupante, captivorum ex utraque parte dimissione. Vicissim valet, ut dixi, ista facilitas: Unde iniqua visâ est conditio & dura, quam Carthaginienfis Regulus tulit, ut Romanorum captivos ipsi gratis dimitterent, suos autem pretio redimerent, apud Dionem Cassium. Significabat enim pacem non ex æquo; cum juberentur facere, in quibus Romani non erant mutuum facturi. ἀλλὰ τί τινα, ἐκ ἐκ τῶ ἐμοῦ. ποιεῖν ἐκάλειοντο. inquit Historicus.

in Eclog. Legat. Vrsin.  
adde. Polyb.  
1.

Atque, ut plausibilior reddatur causâ captivorum militum, producuntur exempla civitatum, quæ ad gloriam & utilitatem suam pertinere judicaverint, captivis liberandis operam dare. Libanius, antiquam de captivis redimendis legem laudat; legatosque ea de causâ ad victores mittere, est ei, τῷ παλαιῷ περὶ τῶν αἰχμαλώτων χρησάσθαι νόμῳ. Apud Livium, qui pro Cannensibus in captivitate reliquiis loquuntur, Majores nostros, inquiunt; acceperamus se à Gallis aut redemisse; & patres nostros asperimus illos ad conditionem pacis, legatos tamen captivorum redimendorum gratia Tarentum misisse. Hanc legationem optime omnium exequitur Dionysius Halicarnassensis, qui ait, legatos missos τοὺς ἀξιώσαντας πύρρῳ ἀπαλυτῶσσι τῶν αἰχμαλώτων, ἢ τοὺς ἀντὶ διαλλαξάντας. ἐπὶ τῶν

Declam. 15.

22. 39.

In Eclog. Legat. Vrsin.  
adde. Polyb.  
1.

ποιμάτων, ἢτε ἀργύριον καὶ ἄνδρα δέξαντα; postulatu-  
 rō, ut captivos sibi redderet, vel pro aliis captivorum corporibus, vel  
 statuto in capita singulorum pretio. Qui duo modi adhuc ho-

Græc. I. B. 3.  
 14. 9.

1. offic. 12.  
 13.  
 2. 18.

Appian. 4.  
 pud Fulv.  
 Vrsin. in Ec-  
 log. leg. 6.

Decad. 1.  
 lib. 8.

die scil. in usu sunt. pretio in summis quidem Ducibus  
 & Principibus variè taxato: in ceteris ex mutua cujusque  
 populi ratione temperato. Et Pyrrhus quidem ducentos  
 ex captivis statim sine pretio remisit, laudante factum Ci-  
 cerone, ut magni excellique animi specimen (quamquam  
 suberat artificium, quod Florus bene notat) de ceteris per-  
 misit ad Saturnalia Romam proficisci, quotquot vellent,  
 unius in ea re Fabricii legati secutus fidem, qui redituros,  
 nisi pax interea convenisset, promiserat. Exitit fides pro-  
 misso. reversique in captivitatem præstituto die sunt o-  
 mnes. Neque planè ea gravitate carent juniora tempora.  
 Cum enim anno superioris sæculi 74. Middelburgum de-  
 ditum esset Orangio, Mondragonii sola auctoritas, absque  
 ullis pignoribus aut obsidibus, apud victorem valuit: cum  
 diceret se effecturum, ut Altegundius cum tribus, quos  
 ipse legisset, aliis, ex captivitate in Selandiam sextum in-  
 tra mensem remitterentur, aut si rem conficere nequivis-  
 set, in captivitatem rediturum esse, quod *Famianus Strada*  
 amplius dilaudat. Sed istam de permutandis, aut redi-  
 mendis captivis deliberationem utrinque memorabilis, &  
 ad reipublicæ tempora fortunamque sedulo exacta utilitas  
 ferè dirigit: honestatis species ac magni animi gloria,  
 obtentui assumuntur.

Non invidetur interim hæc gloria privatis, si velint,  
 civibus quibusdam suis liberatis vel humanitatis officium  
 usurpare, vel nomen sibi comparare, aut benevolentiam  
 colligere. Unde Cicero optimatibus viris id factitatum  
 ex oratione *Crassi* refert, laudatque non semel hoc beneficen-  
 tiæ genus. Atque hæc, inquit, benignitas etiam reipublica uti-  
 lis est, redimi è servitute captos. Et apud *Libanium* inter viro-  
 rum magnificorum opera, referuntur αἰχμαλώτων λύσις, ca-  
 ptivorum redemptiones. Apud *Eundem* Demosthenes de sua le-  
 gatione glorians, alios pecuniam retulisse, ait, se autem undè-  
 cunque conquestos sua pecunia, quotquot posset, captivos reduxisse.  
 addit-

com. 1. Apo-  
 log. Demosth.  
 pag. 459.



additque : καὶ οὐκ ἔκ αὖν ἄνησα τὸν αὐτὸν τρόπον ἀπαλλάξαι χεῖ-  
 ρον τὰς πολίτας τύχης, εἰ παρὴν μοι τοσούτον ἀργύριον. Nunc  
 quoque non omissem eodem modo cives in meliorem ex adversa for-  
 tunam vindicare, si tantum argenti suppeteret. Sumta hæc sunt  
 ex oratione ipsius Demosthenis περὶ παραπραβείας. qui locus,  
 cum ad nostram rem haud parum faciat, latine, ut puta-  
 mus convertendum esse, huc afferetur. Age vero, inquit O-  
 rator, quos ego captivos redemerim, vobis exponam. Quo tempo-  
 re, antequam Philippus redisset, Pella agebamus, captivorum qui-  
 dam, quotcumque vades dederant, haud sane confisi, ut arbitror,  
 compotes se voti per Philippum fore (absque pretio scilicet mul-  
 tum lucri de tot captivis promittente dimittendos, ut Ul-  
 pianus Rhetor explicat) se velle ipsos sibi libertatem parare, neque  
 ejus rei gratiam Philippo debere, dixerunt : & alius quidem tres mi-  
 nas, alius quinque, nonnulli rursus, ut cuique pretium redemptio-  
 nis finitum erat, fœnerabantur. scilicet ab isto Demosthene.  
 Postquam autem Philippus professus est, se captivorum reliquos sine  
 pretio dimissurum, ego statim convocatis, qui mutuam à me pecu-  
 niam acceperant, qua inter nos acta essent in memoriam revocavi,  
 atque ne ipsis festinatio sua fraudi fuisset, aut hominibus pauperibus  
 libertas suopte impendio quasita videretur, cum interim alios gratis  
 à Philippo dimissum iri, spes esset, donavi illis pretium redemptionis.  
 Productis deinde testimoniis subjicit : ὅσα μὲν τῶν ἀφ᾽ ἡμῶν  
 χεῖματα, καὶ δασυὶν ἴδονα τοῖς ἀτυχέσασιν τῶν πολιῶν ταῦτ' ἔστιν.  
 Quas igitur remisit, & dono dedi calamitosis civibus, pecuniarum  
 tantum est. Ad gloriam & decus opportuna est ista magni-  
 ficentia. sed & officii necessitudo quosdam ad redimendos  
 captivos suscitabat. Clientium certe officio hoc contine-  
 ri, ut patronos suos, eorumque liberos ab hostibus captos,  
 redimerent, Halicarnassensis tradit. Privatæque redemption-  
 nis, ut sic dicam, mentio etiam in Romana illa delibera-  
 tione inferitur, quando censent aliqui, nullam publicam im-  
 pensam faciendam, nec prohibendos ex privato redimi. Quam-  
 quam ibi non de redemptione ea sermo est, quæ aliorum  
 opera pecuniaque, sed quæ sua cujusque impensa sit ; Un-  
 de & sequitur : Si quibus argentum in presentia deesset, dan-  
 dam ex arario pecuniam mutuam, pradiisque ac pradiis caven-

Ffffff

dum

lib. 2.

Liv. 22, 60.



dum populo. Minus speciosa est liberatio captivorum, quando ejusdem civitatis civis suo aere redimit civem, non quidem servum redemptoris futurum, sed tamen plenæ libertati non restituendum, nisi pretium sui perfolverit redemptori, aut certum ad tempus serviverit. Quod etiam legibus civilibus firmatum est: ne favor redemptionis, consideratione damni imminueretur, hominesque ad eam humanitatem segniores fierent, si repetitio pretii nulla esset.

Progrediendum est ad illud caput hujus disputationis, quod in utramque partem plurimum valet, quomodo miles captus sit, sive in manus hostium pervenerit. Unicus hic favoris fons, si neque per ignaviâ, neque per aliam culpam commisit, ut in manus hostium veniret. Licet enim verissimum sit illud Livii, *nulla virtute superari vitium humanarum modum*: Serio tamen examinatur, an factum sit, quod fortis fidelisque operæ ratio postulabat. *Capit. 2. 2.* facile enim ignaviæ suspicionem incurrunt captivi. Unde *12.* apud Plautum, Philocrates, cum ex altera quoque parte quosdam captos intellexisset, solatium id arripens, inquit:

— non igitur nos soli ignavi fuimus.

*Liv. 22, 60.* In oratione severissima Manlii Torquati, *capit. in acie ab hostibus* longe præferuntur iis, qui se postea in castris dediderunt. Libanius præstet nobis interpretationem hujus loci, quando de captis ad Chæroneam ita judicat: νομίζω καὶ τούτους ἔδεν ἥτιον ἀγαθοὺς, καὶ ἑδραία κακία ταύτην ὑπομένειν τιμὴν ἄλλ' ἢναι τῆς ἀνδρείας αὐτῶν καὶ τοῦτο σύμβολον, τὸ μαχόμενους ἀλῶναι κτλ. Existimo & hos non minus præstantes (quàm eos sc. qui in acie ceciderunt) neque ullo suo vitio hanc fortunam subisse: quinimo, non minimum esse, & hoc virtutis eorum testimonium, quod pugnantes capti sunt: ignavi enim (ita addit) & vulnera formidantes congregi non audent, sed initio pugna arma jacentes fuga sibi consulunt: qui vero virtutem suam spectari actione cupientes, hostem umbonibus propulsant, sui immemores; hi sunt, qui capiuntur. In acie ergo capti intelliguntur hic, quibus circumventis neque ad pugnam, neque ad fugam locus

Locus fuit. antequam enim in captivitatem miles pervenire velit, fuga, post consumptam scilicet virtutem, illi conceditur. In declamationibus, quæ *Quintiliano* tribuuntur, legas: Longè felicissimum in bellis est, vincere: fortissimum, si victoria non detur, pro causa mori. Est tamen tertium aliquod inter dedecora, in patriam certe redire, & si vincere non detur, effugere. Potest enim credi, qui hoc fecit, ad secundam se aciem servasse, & victum adversis animum reposuisse. Quem in sensum *Florus* de Cannensi clade: Ducum effugit alter, alter occisus est: dubium uter majore animo. *Paulum* puduit: *Varro* non desperavit. Cui etiam publico nomine gratia sunt acta, quod de republica non desperasset. Fruuntur hoc favore, qui obfessi postquam ad summam virtutem nihil reliqui fecerunt, omniaque, quæ tolerari possunt, sustinuerunt, se hosti coguntur dedere. Nec minus, qui à Duce dimissi, neque mandata egressi, pauci à pluribus intercipiuntur. Si enim *Modestinus* rationem ejus habet in præmiis & commodis militaribus, qui ex improvviso, dum iter facit, capitur ab hostibus: multo magis favor in captivum trahitur tali casu, quo mandata fungens in hostem incidit.

Facit & tempus favorem militibus captivis: si victori lucrum ex pecunia, victis ex recepto milite potius videtur; Si permutatio institui potest, quæ, ut potest & solet fieri, utrique parti per rationes publicas non ingrata esse deberet; si captivis auctum in captivitate in hostes odium constat; si belli pace finiendi nulla aut longinqua spes sit; si salvis dignitatis publicæ, consiliorumque belli rationibus fieri queat; si de hostium propositis valida conjectura est. quali apud *Libanium* *Demosthenes* utitur:

Ὅτι γὰρ τὸν Φίλιππον εὐρίσκον ἡδὲ αὖ ἐχόντα τοσούτους ἀθηναίους ἐπὶ τῆς αὐτῆς χώρας ἔχθρας. οἷς ὅτε στρατιώταις ἐμὲλλε δάπτει χρησιμεύειν, σφαλερὸν γὰρ ἔτι συνάγων εἰς τι χωρίον καλεῖσθαι, ὅθεν ἢ ἀποδράναι βέβηκον. τό, τι ἄλλως ἔχον ἢ δισμοῖς, ἔτι ἀνθρώπινον, ἔτι καρδαλέον. Non enim reperiebam, Philippum libenter Athenienses, id est, hostes, in regno suo habiturum: quibus nec, ut militibus uti posset, (anceps enim id foret) nec loco eos certo concludere, unde nulla effugiendi facultas. Alia autem ratione, vinculis

Declam. 119.

Flor. 2. 6.

Liv. 22. 61.

L. 3. 5. 12. ff.  
de re mil.

Declam. 14.

Pag. 429  
rom. 1.

4. II, 12

eos coërcere, neque ad humanitatem, neque ad quæsum, opportunum videbam. Tentat has rationes apud Curtium nequicquam Parmenio, cum suadendum fuisse ait Alexandro, ut captivos apud Damascum redimentibus redderet; ingentem pecuniam potuisse redigi ex iis, qui multi victi virorum fortium occupaverant manus.

Græc. I. B.  
3. 9.

Non omittendus est favor, qui absentiae captivorum militum jure gentium datur: naturali scilicet æquitate huc vocante, ne absentiae damna metuat, qui reipublicæ causa non abest modo, sed insigni cum incommodo & detrimento sui corporis, rei familiaris, omnisque fortunæ abest. Hinc postliminii jus, & quæ alia civilibus quoque formulis perscribuntur.

Græc. I. B.  
2, 19, 3.

Priusquam hinc abeamus, facienda videtur mentio cadaverum captivorum, nam & ista repeti mos est, an & auro repensari? non nisi apud barbaros. Quamquam & illis natura dictat suum jus, nec usquequaque finit esse ferros. Cum superiore sæculo Sebastianus Lusitaniæ Rex in Africa prælians cecidisset, & de redimendo corpore ejus ceptum esset agitari, Hametes Melici victoriæ immortui frater idemque successor, negavit se eam esse regem, qui ex cadaveribus pretium acciperet, apud Thuanum. Cessant enim morte, quæcunque pacem cum vivis distinebant: omnisque odiorum materies evanescit. Unde offerenda potius, quàm concedenda defunctorum hostium corpora sunt, nec immerito, ut in re absurda Æneas apud Poëtam:

lib. 6. an.  
1572.

Virgil.  
Æn, 11.

Pacemne exanimis & Martis sorte peremcis  
Oratis?

ut responderet rationi juris naturalis, quæ præcesserat:

I. B. 2, 19, 1.

Nullum cum victis certamen & æthere cassis. Tractatus est hic locus, & expolitione omni diffusus in historia Adrastii, cui Thebani interemptorum corpora negarunt, donec Theseus juris communis patricinio suscepto rem confecit: apud Poëtas præsertim & Oratores, quorum nomina diligenter colligit Grotius.

Modos

*Modos quosdam liberandi captivos, Libanius refert: primo, collata viritum pecunia, sive imposito civibus tributo, cuius favorem ita exequitur: ἰδεὶς γὰρ ὅπως Ἀθηναίων ἔτ' ὧμδ' ἔτ' ἄπειρ' τῆς ὑπὲρ τῶν δικαίων διαπάνης, ὅς τις αὖν τολμήσει τὸ ἀνάλωμα φυγεῖν. Nemo enim Atheniensium ita vel crudelis, vel impen-  
 sarum in res justas ignarus, qui audeat sumtum talem detrectare, aut pecunia pauxillum (ut additur) in damnis reputare? Dein-  
 de, legatis & orationibus impetrari forte libertatem captivis posse, ait. Quod genus, cum priori plerumque conjungitur. Plus enim fere argento, quam verbis, ad persuadendum inest virium. Tertia recuperandi captivos ratio, ad glo-  
 riam insignior est, armis scilicet & virtute. Si deductis trire-  
 mibus, inquit, Athenienses infestare Philippi regiones cæperint, adactus ea re Philippus, quicquid est captivorum, non hominum modo, sed locorum & urbium reddet. Sed hujusmodi plures sunt viæ: cum urbe hostili capta, aut exercitu fuso, qui de nostris capti inerant, liberantur; aut alia virtute militum nostrorum recipiuntur. An & fuga locum habet? Negat I. B. 3, 14, 76  
 Grotius. cui Feldenus contradicit hac ratione: cum opinio de ju-  
 stitia causa ab utraque pugnantium parte soleat obtinere, injustum non est, captos se subtrahere victoribus, utpote à quibus injustè se detineri in servitute existimant. Respondet pro Grotio Grasvinkelius; casum ita formari debere, ut ambiguo lo-  
 cus non sit. Nihil, aut aliud, egisse uterque videtur. Mihi certum est, Grotium loqui de bello justo sive solenni, jure gentium, quod à summis potestatibus ritè geritur, sicut explicavit alibi. In quo ne attenditur quidem, quan- I. B. 1, 3, 46  
 tum ad hoc, ut justum sit, causa justa, quæ vel seposita inte- & 3, 3, 15  
 rim, vel utrinque concepta animis intelligitur. De qua si intelligi voluisset, non potuisset aut debuisset hanc quæ-  
 stionis formulâ uti, Grotius. sicut nemini attendenti aut intelligenti obscurum esse potest. Itaque non excipiendi, Feldeno; non respondendi, Grasvinkelio causa fuit. Quod si omnino, formata longe aliter quæstione, de causis belli justificis hîc dubitandum sibi quisquam existimasset, per-  
 velim audire quæstionem, ubi ambiguo, quod Feldenus attulit, non sit locus, nisi singulare exemplum, & extra*

ea, quæ ut plurimum accidunt, fingatur.<sup>1</sup> Nihil justius, quàm desiderare exempla in talibus causis: nihil eruditius, quàm præfinire & describere. Neque tamen assensum Grotio, hanc disputationem definienti. In bello enim, ut ipse appellat, justo, neminis civis opera aliter censetur civitati obligata, quàm ut faciat quod debet ac potest; & patiatur, quod necesse est. Hæc necessitas vel vi constat inevitabili, in nervo, compedibus, claustris: vel vinculo fidei; si promisit, si juravit captivus, se fuga non evasurum. Quicquid interjectum est, viam ad libertatem aperit. Captivus, si vir bonus est, corpore & patientia apud hostes, animo & voto apud suos agit: nisi quatenus pactiones & vincula fidei intercedunt. Ut si quis, liberiores custodiam impetraverit, interposito de fuga non capeffenda jurejurando, data dextra, promissione asseverata. Quâ de re sub gravibus exemplis differentem juvet adire Bodinum. Videretur quidem ipsa deditio, ubi accedit, fidem captivi obligare. Sed cum hæc obligatio odiosa sit, interpretatio veluti tacito gentium consensu fit in partem humaniorem. Itaque jureconsultus nihil interesse vult quomodo captivus reversus sit; *utrum dimissus, an vi, vel fallacia potestatem hostium evaserit.*

*lib. 3. de rep.  
cap. 6.*

*l. 26. de cap.  
priv.*

*Plaut. ca-  
pit. 1. 2. 7.  
Ec.*

— *captivus, avis fera consimilis est:  
semel fugiendi si data est occasio,  
Satis est; nunquam post illam possis prendere.*

Itaque apud eundem Poëtam honestus juvenis captivus ex communi & pervulgata apud omnes opinione, sicut in 2, 2, 9. & 10. Comædiis solet, *γνωμολογεῖ* ad herum:

*Neq̃, pol tibi nos, quia nos servas, æquum est vitio vertere;  
Neque te nobis, si abeamus hinc, si fuit occasio.*

Et hæc sententia tum obtinebat, cum capti ipso jure fierent servi capientium, scilicet, ut rigor ejus juris dissimulatione talis culpæ mitigaretur. Aliter statuendum est, ubi sancta fidei pignora sunt interposita, sicut exemplum Reguli jam ante ostendit: cui non defuerunt, qui postli-  
minii



minii prætextum ostenderent, & periurii metum ac religionem demere cuperent. Sed ipse solidioris sapientiæ placita tenuit, & ad supplicia reverti, quàm religionem dissolvere maluit. Utautem laudandus Regulus in conservando iurejurando, sic decem illi, quos post Cannensem pugnam juratos ad Senatum misit Hannibal, se in castra redituros, ea, quorum positi erant Pœni, nisi de redimendis captivis impetravissent, si non redierunt, vituperandi. De quibus non omnes uno modo; sicut amplius exequitur Cicero, cujus verbis modo uti placuit. & ut Livius libro XXII. extremo.

*Enrop. lib. 2.  
& Metaphra  
Pœni.*

*3. offic. 32.*

Veniendum nunc est ad alteram partem, & ea, qua plus invidia & odii trahunt in captivos, vel redimendos, vel redemptos receptosve. Disciplinæ militaris severitas, vel consuetudine civitatis inducta, vel legibus firmata primum hîc nomen est: quam utrinque roborant tum exempla militarium populorum, tum experimentis spectata nobilibus utilitas publica. Magnificè hic locus tractatur in Cannensi historia. ubi ipsi captivorum legati exemplum Romanæ civitatis fatentur: P. C. nemo vestrum ignorat, nulli unquam civitati viliores fuisse captivos, quàm nostra. Et mox Manlius commendat, admonetque: ut mos traditus à patribus, necessario ad rem militarem exemplo servetur. Nec parum movit postea Senatum exemplum civitatis minime in captivos jam inde antiquitus indulgentis, ut redderetur triste responsum, non redimi captivos. Quod Valerius Maximus inter ea, qua ab universo Senatu, pro militari more obtinendo defendendoque administrata sunt, dilaudat. Idem jam ante Cicero factitaverat. Octo, inquit, hominum millia tenebat Annibal, non quos in acie cepisset, aut qui periculo mortis diffugissent, sed qui relictî in castris fuissent à Paulo & Varrone Coss. eos Senatus non censuit redimendos, cum id parva pecunia fieri posset: ut esset insitum militibus nostris aut vincere, aut emori. Qua quidem re audita, fractum animum Hannibalis scripsit Polybius, quod Senatus P. Q. R. rebus afflictis tam excelso animo fuisset. In quibus verbis, præter eam, quæ dicta est, singularis ratio continetur, captivorum causam aggravans: quando nimirum animosa atque fortis apparere vult civitas in arctis rebus, fortioribusque consiliis intenta

*Lib. 22. 59.*

*22. 60.*

*2. 2. 61.*

*lib. 2. c. 7.*

*ca. 14.*

*3. offic. 32.*

tenta, infirmitatem abstrudit, ac fiducia inusitata fortunam reparat, quod sæpe successit Romanis. Sed, ut ad disciplinam militiæ redeamus, nihil esse, quo magis illa confirmari possit, quam exemplum adversus indignos, nemo dubitavit. Quæ enim spes in bellis in milite residua est, si nihil potius fuerit, quam capi. Ita Declamatio Quintiliano tributa 339.

*Dionys. Halic. excerpt.  
Legat. Ful.  
Vrs. 5.*

Facit deinde rem difficilem numerus captivorum: tum apud eos, qui detinent, tum apud redempturos recepturosve. Ita Pyrrhus legatis Romanis respondet; se, nisi pace facta, nequaquam dimissurum Romanis multos & bonos milites, absurdeque id peti autumat; ἵνα τοῖς δυνάσταις τούτων σώμασιν, εἰς τὰς καὶ ἡμῶν πόλεις ἔχοντες χερσὶν αἰ, ut his ipsis, inquiens, corporibus bellum adversus me instruere queatis. Apud eos autem, unde captivi in manus hostium pervenerunt, ipse numerus facit suspensionem culpæ, ac ignaviæ. Imperator ille, qui captivos ab hoste reverbos nocte, recipere noluit, apud M. Senecam, Cur, inquit, trecenti perierunt?

*Excerpt. Con-  
trov. 5. 7.*

3. 7. 14.

imo cur, ne perirent, capti sunt? Hos ego interdum non recepissem, nisi victores: noctu, ne victores quidem. Procedens postridie in prælium, pugnaturis ostendi trecentos, in quibus laudari nihil potest, præter fugam: nihil desiderari, præter numerum. Senatus Romanus consimili animo (utæ verbis Valerii Maximi) cum ei Annibal sex millium Romanorum, quæ capta in castris habebat, redimendorum potestatem fecisset, conditionem sprexit: memor, tantam multitudinem armatorum juvenum, si honeste mori voluissent, turpiter capi non potuisse. Et Manlius Torquatus, quam tutum iter, inquit, duarum prope legionum agmini futurum fuisse censebis? Scilicet cum sexcenti eruperint.

*L. 6. 22. 60.*

*id. ibid.*

Sed Torquatus quidem, non ignaviæ modo aperto crimine, (de suspitione enim modo dictum) sed sceleris quoque nomine eos postulabat, & utrumque luculentis argumentis tractat. Ignavia hinc manifesta: P. Sempronius tribunus militum instanter admonuit, iussitque vos erumpere: ostendit ferro atque audacia viam fieri, quamvis per confertos hostes: imo, quam vere ista diceret, suo exemplo monstravit. savebat incepto nox. Nunquam Romana virtus talibus adhortationibus defuit. Calpurnius Flamma priore bello Punico trecentos voluntarios, inter medios hostes

hostes secum in collem traxit, cum diceret : Moriamur milites, & morte nostra eripiamus ex obsidione circumventas legiones, nemo detrectavit. Hic non mors, sed incolumitas per eruptionem ostendebatur. cum tamen vel ad moriendum, tot civium casorum mortes debuerint incitare. Sed nec fecistis, quæ virtus & mos militia postulabat. Sicut enim cum in acie stare & pugnare vos decuit, in castra refugistis : ita cum pro vallo pugnandum erat, cum castra tutari vos oportebat, & castra & arma & vos ipsos tradidistis. Jam scelus, hinc arguebatur : quod non tantum bene momentem recusassent, sed erumpentibus obsistere conati essent : ita ut viris fortibus ante cum civibus quam cum hostibus pugnandum, & inertes illi gladiis submovendi fuerint. Attollitur hic locus amplificatione varia : præsertim etiam inde, quod ab ignavis istis in posterum nihil boni expectandum sit ; vel quod perdita semel virtus haud facile in præcordia redeat ; vel quod invidia & odio sint profecuturi illos, quos semel deseruerunt, quorumque incolumitate & gloria suam ignaviam perpetua exprobratione flagellari putant. Tentavit hunc colorem etiam Torquatus. Imitatur ista omnia *Declamator* ; ubi etiam primo ex more, institutoque Græciæ, cassaque bellandi conficit : Nunquam majore animo, nunquam concitatiores spiritu fuisse pugnandum. Sequitur : In hoc igitur prælio, quod, ut dixi, pro universa Græcia susceperamus, nondum dico, quantum nocuerit istorum timor : interim cuius propositi fuerit animus, attendite. Et : Ille vero, qui se, inter virtutem, hosti dedit, qui abjectis armis parata in vincula præbuit manus, quam tandem nobis spem in posterum facit ? Conjungit ista omnia argumenta, & cumulat Horatius in consilio Reguli de non redimendis captivis :

*Quintil. de  
clam. 339.*

*lib. 2. carm.  
od. 2.*

Hoc caverat mens provida Reguli  
Dissentientis conditionibus  
Fœdis, & exempli trahentis  
Perniciem veniens in ævum,  
Si non periret immiserabilis  
Captiva pubes,

Gggggg

Aut



*Auro repensus scilicet acrior*  
*Miles redibit ? flagitio additis*  
*Dammum. neque amissos colores*  
*Lana refert medicata fuco.*  
*Nec vera virtus, cum semel excidit*  
*Curat reponi deterioribus.*  
*Si pugnat extricata densis*  
*Cerva plagis, erit ille fortis,*  
*Qui perfidis se credidit hostibus :*  
*Et Marte Pænos proteret altero,*  
*Qui lora restrictis lacertis*  
*Sensit iners, timuitque mortem.*

*Excerpt. Xen.*  
*crov. 5. 7.*

Addendum est iudicium Declamatoris apud M. Senecam:  
*Populus Romanus Cannensi prælio in summas reductus angustias,*  
*cum fervorum desideraret auxilia, captivorum contempsit : & cre-*  
*didit eos libertatem magis tueri posse, qui nunquam habuissent,*  
*quàm qui perdidissent.*

*Tac. l. A. 38.*

Huic vel credito vel cognito ignaviæ crimini accedunt  
 aliæ culpæ, quæ negotium redimendi captivos invisum red-  
 dunt. Monitus aliquis tribunorum fuerit à duce, ut accele-  
 raret iter, incederetque non viæ modo sed pugnæ paratus :  
 hostem enim in propinquo esse, hoc ille neglexerit, sua-  
 que quapiam opinione ductus, nihil ab hoste longius po-  
 sito periculi esse crediderit : eaque securitate proditus hosti  
 captusque fuerit. Non potest non difficilem experiri Du-  
 cem, cujus præcepta contempsit. Quod si Quintilius Va-  
 rus, cujus segnitia nobilissimus interiit exercitus, eo quod  
 indicia rebellionis ultro ad se delata insuper habuerat, ca-  
 ptivitatem voluntariâ morte non prævenisset, quid de eo  
 statuendum existimâset Augustus, cujus adversus mortu-  
 um querela insonuit : *Quintili Vare, legiones redde ?* Jussus  
 fuerit centurio, præfectus, tribunus, navali terrestrive iti-  
 nere huc illuc accedere: nihil ipsi defuerit ad idoneum præ-  
 sidium ; non naves bellicæ, non milites ; sed ille, ut sum-  
 ptui parceret, parum se ad iter munierit, ac in manus ho-  
 stium ea caussa devenerit. Ad irascendum, quàm ad re-  
 dimen-

*Sueton. Aug.*  
 23.

dimendum, prouidius inueniret, arbitror, civitatem. Ita, si quid in præceptis præliaribus neglectum, & Duci & militi captivitatis causa fuit; plus erit, quod impediat deliberationem de redimendis captivis, quam quod promoveat.

Sumtuum (τῶν λύτρων, quæ sunt τὰ παρεχόμενα ὑπὲρ ἐλευθερίας apud Suidam) duplex est invidia: vel, quod ærarium exhauriunt; vel, quod hostem instruunt, juvantque. Utriusque rei habita ratio in Senatu Romano, cum decretum de non redimendis captivis fieret. Pecunia quoque summa, inquit Historicus, homines movit: quia nec ærarium LiG. 22. 61. exhaurire, magna jam summa erogata in servos ad militiam emendos armandosque, nec Annibalem maxime hujusce rei, ut fama erat, egentem locupletari volebant. Quæ posterior ratio minuit admirationem servilis militiæ, captivis prælatæ. Non enim tantum acriores esse ad acquirendam in nova libertate existimationem, quam ad recuperandam, amissa semel libertate, famam, crediderunt stimulos, quod antea allatum est: sed hostem opibus firmare, intempestivum duxerunt. Historicus: Aliam formam novi delectus inopia liberorum capitum ac necessitas dedit: octo millia juvenum validorum ex servitiis, prius sciscitantes singulos, vellentne militare, emptæ publicè armaverunt. Hic miles magis placuit, quam pretio minore redimendi captivos copia fieret.

In permutandis captivis, illa etiam deliberatio tener, quosnam cum quibus permutare fas sit. Regulus reddi captivos (verba sunt Ciceronis) negavit esse utile; illos enim adolentes esse, & bonos duces, se jam confectum senectute. Speraverant enim Carthaginienſes, se pro uno Regulo, vel omnes captivos esse recepturos, ut est apud Dionem. E-  
rantque omnino pauci, quos de Romanis captivos tene-  
bant, præ multitudine Carthaginensium, qui in Romano-  
rum potestate erant. Potest evenire, ut captivi numero  
quidem utrinque pares sint: sed imparēs reliquâ æstima-  
tione. Sit apud nos captivus tribunus aliquis, qui con-  
filio & audacia Duci mereatur comparari; qui multa no-

3. offic. 27.

Exc. Legat.

Fulu. Vrsin.

9. Suid. G.

Phrygula.

stis damna dederit, & daturus credatur, An hunc statim cum alio tribuno è nostris captivo commutabimus? An veteranos hostium, cum tyronibus nostris? & si qua diffimilitudo alia incidit. Studiose itaque cavetur, ne ad permutationem fere veniatur, donec aliqua æqualitas, cujus diligentes sunt ratiocinadores, qui bellum tractant, videatur offerri. Et, dum una pars paucos, altera multos habet captivos, spes ipsa Martis communis, & eventuum belli, differt consilia redemptionis & permutationis.

*Ful. Max.  
2, 7, 15.*

Ponamus nunc unum & alterum exemplum severitatis eximie in receptos captivos. Pyrrhum quosdam captivorum Romanis sine pretio remisisse, ante diximus. Ac Romani decreverunt, ut ex iis, qui equo meruerant, peditum numero militarent, qui pedites fuerant, in funditorum auxilia transcriberentur: neve qui eorum, intra castra tenderet, neve locum extra assignatum, vallo aut fossa cingeret, neve tentorium ex pellibus haberet: recursum autem iis ad pristinum militiae ordinem proposuerunt, si quis bina spolia ex hostibus tulisset. Auctor tanti exempli Appius Claudius Cæcus fuit. Hujus enim sententia (inquit Frontinus) Senatus eos, qui à Pyrrho Epirotarum rege capti, & postea remissi erant, equites ad peditem redegit, pedites ad levem armaturam, omnibus extra vallum jussis tendere, donec bina hostium spolia singuli referrent. Eadem scilicet hæc disciplinæ severitas fuit, quæ adversus Cannensis prælii reliquias servata est apud Livium 23, 25. & 25, 5. & 6, & 7. cum tamen eorum, qui ex tanta clade profugissent, favorabilior causa vulgo haberetur, quàm captivorum.

*4, 1, 17. adde  
l. 1 §. 5. ff.  
de postul. En-  
trop. lib. 2.*

339.

Plus rationis habuit, quæ fingitur Demosthenis rogatio in Declamationibus Quintilianæ: qua ruit: ne illi, qui apud Charoneam capti erant à Philippo, & gratis remissi, consiliis publicis intersint. Argumentis enim utitur à disciplina militari desumptis, & ab exempli adversum ignavos statuendi utilitate. Id unum forte non satis convenienter Rhetor cogitavit, quod ignaviæ aliorum accusans inducitur is, qui abjecto indecore clypeo turpem ex acie fugam confecerat, quod de Demosthene Plutarchus testatur; tum

*In Cira De-  
mog.*

*Æschin in*

*Æschini* exprobratio. Sed ut opereo Marti parum spectatus erat. *contra Ctesiph.*  
 fuit Demosthenes, ita consilii cuiusq; fortissimi primū se auctorem præbere solebat. Illatam autem Atheniensibus cladē apud Chæroneam, partim inscientia Ducum, partim ignavia militum, etiam ipse victor Philippus Rex confessus est apud *Lucianum*. Et Lycurgus orator, abud *Gemistum Plethonem*, Lyficlem ducem accusatum ejus cladis nomine, morte damnavit. Philippi quidem in captivis remittendis moderationem celebrat *Polybius*, calliditatem agnoscit *Justinus*: quam etiam in animo habuit *auctor declamationis*, de qua hætenus loquimur. quæ ad rem gestam, & consilia Demosthenis magis utrique videtur congruere, quam *Libanii præterea*. quando ejusmodi format consultationem: quasi post cladem Chæronensem Philippus mille captivos (de duobus millibus sc. aut 3000.) pollicitus sit, si Demosthenes sibi dederetur; & Demosthenes dedi voluerit, idque longa oratione persuaserit Atheniensibus. Sed *Latinus Rhetor*, custodire *τὸ ἰνδὲς* voluit: *Græcus* quæsiivit novitatem actionis: *Ille* ad prudentiæ usitatæ regulas exigi voluit suum inventum; *hic* vires ingenii in argumento inopinabili demonstrare instituit. Præcipuus enim in hac tractatione ille locus est: an dedi pro utilitate civium ceterorum aut civitatis, innocens civis possit. Quem ita tractat *Libanius*, ut nullo modo id licere, intelligi velit: & offerentis quidem se, voluntatem laudet, & ad gloriam, insignem faciat; rationes autem, quæ tum quoque obstant, conspectiores cupiat haberi. Quia autem Demosthenes auctor fuerat belli adversus Philippum gerendi, inimici ejus post cladem Atheniensium, occasionem nacti sunt eum accusandi, consiliaque ejus & ex prælio fugam exagitant. Ut dubitandum non sit, suasisse quosdam; Demosthenem, consilii, & propterea cladis auctorem dedendum Philippo, sicut postea Romæ Cæsaris adversarii nonnulli, *In Cæsar. 24.* dedendum eum hostibus censuerunt, ut est apud *Suetonium*. Verum Demosthenes non absolutus modo, sed ad rempublicam gerendam revocatus est: cum consilium præclarum, *Plutarch. in Demost.* aliorum culpa eventu capuisse, auctori que fraudi esse non debere,

judicarent Athenienses. Hinc auctoritas novæ rōgationis, quam *Latinus Rhetor* formavit, historia nititur: eo quod suadendi rem tam arduam nec occasio, nec animus, si reliqua ejus in rep. gerenda proposita spectemus, Demostheni abesse potuerit. *Libanii*, ut non æque probabilis est, de voluntate se dedendi, inventio; ita laudem Demostheni paulo ambitiosius conquirat.

*Excerpt. 5. 7.*

*M. Seneca* inducit talem controversiam: *Lex: nocte portas aperire in bello non licet. Altera lex: Imperator in bello summam potestatem habeat. Thema: Trecenti ab hoste captivi ad portas nocte venerunt. Imperator non aperuit. Ante portas occisi sunt. Imperator post victoriam reus est læsæ reipublicæ.* Quæ pro Imperatore afferri possunt, non alia sunt, quàm quibus odium captivis numerosis conciliari, ante, cum hinc aliqua peteremus, diximus. nisi quod illud quoque magnam vim habet: de nocte portas sine insigni periculo, imminentibus hostibus, aperiri non posse, ob casus varios, quos nox prospici non patitur. Rectissime enim Imperator: *Noctē quomodo hostem civemque distinguam? quam mihi dabitis notam, ut arma cognoscam? Credo in insidiis hostes fuisse, ut exclusos occiderent, sequerentur admissos.* Tum, de intentato læsæ reip. crimine, non adeo videretur ardua responsio. Non enim, quodvis ad rempubl. pertinens damnum, hac actione vindicatur. *Manifesta statim reip. damna sunt, si muri diruti sunt, si classis incensa est, si exercitus amissus, si vectigalia diminuta.* ut est apud eundem *Rhetorem lib. 5. contr. 33.* Denique succumberet, qui Imperatorem accusaret, apud judicem juris & legum peritum, vel Romæ, vel alias apud gentes, ubi militia non est tumultuaria.

Ex omnibus, quæ hæcenus dicta sunt, nihil æque premit causam captivorum, ac disciplinæ ac legum militarium severitas. Ut primum in has aliquid peccatum est, jam viliores erunt, qui ex occasione aut causa talis delicti, in captivitatem abducti sunt: sicut, qui in præmatura fuga, aut ordinibus desertis capti sunt. Est enim in in-

*lib. 9. p. 235.*

*stitutis militaribus Romanorum, τὸ μὴ φεύγειν, μὴδὲ λείπειν*  
*Et l. 1. p. 17. τὰς τάξεις, non fugere, neque ordines deferere, teste Polybio. τὸ*

*γὰρ*

γὰρ πρόσθιμον παρ' αὐτοῖς, θάνατός ἐστι τῷ προεμνήνῃ τὸν τόπον, καὶ  
 φυγόντι τὸ παράπαν ἐξ ἐκτελείας. nam apud eos capitale est loco  
 decessisse, aut stationem fuga deseruisse. Sacramento militari  
 scilicet jurabant milites, sese fuga atque formidinis ergo non  
 abituros, neque ex ordine recessuros, nisi teli sumendi, aut petendi,  
 aut hosti ferendi, aut civis servandi causa. Neque Græcis  
 alia mens, sicut ex *Lysia* actionibus τῷ λειπόμενῳ καὶ ἀσφα-  
 τείας, deserti ordinis, καὶ detrectati muneris militaris, apparet.  
 Quibus affines sunt ῥιψάσπιδες, οἱ ἐν τῷ πολέμῳ ὅπλα ῥίψαντες  
 ἐκ φόβου, qui arma per ignaviam καὶ metū in pralio abijciunt. quos  
 sub proverbiali Cleonymi schemate λωμφεὶς *Aristophanes* in  
*Nubibus*, καὶ, alibi. Eidem Poëtæ, ἀσπίδαποβλής, καὶ ἀποβολι-  
 μῶν τῶν ὅπλων, talis dicitur. De Romanis iterum vide  
*Polybium*, ἵαν τις ἀπορίψῃ τι τῶν ὅπλων καὶ αὐτὸν τὸν κίνδυνον  
 διαφύβει, Si quis armorum quidpiam projecerit per metum in ipso  
 discrimine.

Liv. 22, 18.

Froptin. 4.

1, 4.

orat. 13, 6

14.

Hesychius

Vocce

ῥιψάσπιδες.

pag. 85.

lib. 6, p. 482.

Operæ pretium fecero, ut arbitror, si huc adferam  
 quasdam culpas militares ex *Constantini* τῷ πορφυρογεννήτου  
*Imp. Aug. Commentario de apparatu bellico*, unde ἀποσπασμά-  
 τιον quoddam, sub nomine βιβλίου τακτικῆς ex *Cod. Biblioth.*  
*Palat.* vitiosè admodum edidit præclarissime de literis  
 Græcis meritis *Joannes Meursius*. Adferam autem ex *Co-*  
*dice msc.* meliori καὶ integro *Bibliotheca Augustana*, quo uti,  
 per beneficium generosorum Procerum licuit. Ἄν στρατιώ-  
 της εἰς καιρὸν παραλύξῃς καὶ πολέμου καταλίπῃ τὸ βάνδον, ἢ τιμὴν  
 τάξιν αὐτοῦ, καὶ ἢ φύλιν, ἢ προσηνέσῃ ἀπὸ τοῦ τόπου αὐτοῦ, ἢ ἀντί-  
 ἰχθρὸς καὶ ἐπ' αὐτῇ τῷ ἄρματι αὐτοῦ, ἢ καταδράμῃ εἰς ἐπιδίωξιν τῶν  
 ἰχθρῶν, ἢ ἐμβῇ εἰς τέλδον, ἢ εἰς φοσσάλον ἰχθρῶν, κελύομεν ἵνα τι-  
 μωρηθῇ κεφαλικῶς, καὶ πάντες ὅσα καρδίαι ἐκείδον, ἵνα ἐπαίρωνται  
 ἐξ αὐτοῦ, καὶ δίδονται εἰς τιμὴν κοινότητι τῷ τάγματι, διὰ τὸ παρα-  
 λῦσαι αὐτὸν τῷ σύνταξι, καὶ ἐπιβουλεύται τοῖς ἐταίροις αὐτοῦ. Quæ  
 ex Græcobarbaro sermone latine ita reddideris: Si miles  
 tempore aciei καὶ pralii reliquerit vexillum, aut ordinem suum; at-  
 que si fugerit vel profugerit de loco suo, etiam cum cecidit hostis,  
 καὶ arma ejus siglulerit, aut transcurrerit ad persequendos hostes,  
 aut in impedimenta castrave hostium transcenderit, jubemus cum  
 capite

Ann. 1617.

capite plecti, & omnia, quæ inde lucratus retulerit, auferri ab ipso, & ordini in commune tribui; eo quod solvit compositam aciem, & sociis suis fraudem fecit. Sequitur: ἂν τις παρὲν δημοσίας παρταγῆς ἢ συμβολῆς πολέμου γένῃται τροπὴ χωρὶς ἐυλόγου τινὸς καὶ φανερᾶς αἰτίας, κελεύομεν ἵνα οἱ στρατιῶται τῷ ἐυλόγῳ πρῶτον τάγματι, καὶ καλιπτόντι τὸ μέρος αὐτῶν, εἰς δὲ ἐλάγησαν χωρίζονται τῶν δέκα εἰς, καὶ καλιξιύωνται ὑπὸ τῶν λοιπῶν ταγμάτων, ὡς καλυψάντες τὴν τάξιν, καὶ αἱρετοὶ τῆς τροπῆς γενόμενοι, ἂν δὲ συμβῇ τινὰς ἐξ αὐτῶν πληρωθῆναι εἰς αὐτῶν τὴν συμβολὴν τῷ πολέμῳ, ἐκεῖνοι ἔσωσαν ἐλεύθεροι ἀπὸ τῆς τοιαύτης ποινῆς. Si tempore publica aciei & congressionis praelii, fuga fiat citra probabilem & manifestam causam, jubemus de militibus ejus ordinis, qui primum fugit & locum, quem acceperat, deseruit, decimum quemque selectum à ceteris ordinibus sagittis consigi, tanquam qui soluerint aciem, & fuga causam præbuerint. Si autem ex his quosdam contingat in eadem pugna aliis misceri denuoque praeliari, illi immunes ab hac poena sunt. Ἄν ἰπάρῃσι οἱ ἐχθροὶ βάνδον χωρὶς ἐυλόγου τινὸς καὶ φανερᾶς προφάσεως, κελεύομεν ἵνα οἱ φυλάσσοντες τὸ βάνδον τύπῳνται, καὶ γίνονται ἔχαιοι πάντεσσι, καὶ παρακάτω πάντων τῶν ὑποχρέων αὐτῶν. ἂν δὲ συμβῇ τινὰς ἐξ αὐτῶν πολεμοῦντας πληρωθῆναι, οἱ τοιοῦτοι ἔσωσαν ἐλεύθεροι τούτου τῆ τιμωρίας. Si hostes abstulerint vexillum, ita ut probabilis & manifesta causa amissionis non appareat, precipimus, custodia vexilli appositos verberari, & omnino ad infimum locum redigi, ut sint infra omnes, qui ipsis suberant. Si vero quosdam ex ipsis pugnantes ab hoste contigerit pelli & convulnerari, ad illos non pertinebit hæc poena. Ἄν φασσάτου ὄντι γένῃται τροπὴ μέρους τινὸς ἢ παρατάγῃς μιᾶς, καὶ οἱ τραπίνες εἰς τὸ πρὸς τοὺς ἀκολουθοῦντας ὁπίσω βοηθοὺς προσδράμωσι, ἔτι εἰς αὐτὸ τὸ σθένος καὶ ἀφύγῃσι, ἀλλὰ περιφρονοῦντες εἰς ἕτερον τόπον προσδράμωσι, κελεύομεν τύπῳσθαι τοὺς τοιοῦτους, ὡς περιφρονήσαντας τῶν ἰδίων φίλων. Si in agmine, fiat fuga partis cujusdam aut aciei unius, & illi, qui fugerint, neque ad insequentiæ subsidia decurrerint, neque ad eundem exercitum se receperint, sed his contentis in alium locum se contulerint, eos jubemus verberibus affici, tanquam qui amicorum suorum auxilia despexerint. Ἄν ῥίπῃ στρατιῶν τὰ οἰκία ἄρματα εἰς τὴν πόλιν, κελεύομεν τύπῳ-

τύπτεσθαι αὐτὸν, ὡς θυμνώσαντα ἑαυτὸν, καὶ τοὺς ἐχθρούς ἐξοπλίσαν-  
 τα. Si miles arma sua projecit in pralio, verberari eum jubemus,  
 ut qui se nudaverit, hostes vero armaverit. Has aliasque de  
 culpis ac poenis militaribus leges (περὶ τῶν ἐπιτιμίων στρατι-  
 ωτικῶν) prælegi jubebant, quando exercebantur milites, aut  
 sub signis ordinabantur, sicut in *Commentario Constantini* am-  
 plius ostenditur.

Ad nostram autem rem hætenus ista pertinent, quod,  
 quicquid est severitatis adversus captivos usurpatum, id  
 ex militari illa disciplina & legibus militaribus petitum  
 est, hoc pacto: ut captivorum caussa non alio nomine po-  
 tius odiosa haberetur, quàm quod ab iis commissum esset,  
 quare non satisfecisse sacramento & legibus militaribus  
 existimarentur. Igitur, quando *Grotius*, non audet probare

*I. B. 3, 21, 24.*

leges illas, quæ captivos redimi vetant, quales apud Roma-  
 nos fuisse putat: non possunt aliæ leges ostendi, quam  
 militares illæ. de quo genere hætenus loquimur. In qui-  
 bus nunquam scriptum arbitror, ne captivi redimerentur.  
 Sed quando capti erant milites Romani, deliberabatur, an  
 se ita adhibuissent, ut postulant leges militiæ, adeoque re-  
 dimi mererentur, nec ne? neque aliud volunt testimonia,  
 quæ *Grotius* adducit. ἡθισμὸν, inquam, morem à patribus

*Alia res est  
 de lege Plase-  
 mica, lib. 5.  
 de rep.*

traditum, ut appellat *Torquatus*, non legem ostendunt.  
 Quo more nimirum captivorum caussa serio examinaba-  
 tur, quidque de illis statuendum esset, anquirebatur. U-  
 bi plerumque quidem pars reipublicæ utilior prævaluit,  
 i. e. hoc loco, severior, eo quod vix citra culpam milita-  
 rem captivitas multorum accidere videretur. Aliud ergo  
 est lex de non redimendis captivis, quam nullam oportet  
 fuisse; aliud deliberatio de redimendis, redemtisve aut  
 receptis, tum conditio captivorum ex captivitate reverfo-  
 rum, qua apud antiquos Romanos eos haberi, mos erat,  
 de qua apud *Livium*: illis arma tantum atque ordo militandi, lo-  
 cusque in quo tenderent, in castris, est mutatus: quæ tamen, semel  
 navatâ reip. operâ, & uno felici pralio recuperarunt.

*Lib. 22, 60.*

*lib. 25 c. 6.*

An autem ipsæ leges militares, totiusque disciplinæ  
 ratio, iusto fuerint severius constitutæ, alia fuerit disputa-

H h h h h

tio.



tio. In qua Romani se tuerentur evidenti utilitate publicâ : neque aliunde tot admirabiles victorias, tam numerosos exercitus parva manu profligatos, adversus immensam vim sustentatas urbes, ereptam pæne ex interitu aliquotiens rempublicam repeterent. Scriptorum testimonia infinita sunt ; neque hic cumulanda. Si instares ; leges illas militares suo rigore efficere , ut nimium sanguinis effundatur , si fugæ ac deditioni præclusa sit venia : responderent ; fugam ac deditionem plura posse & majora mala in rempublicam , & in plures inferre. Si , pœnarum militarium consuetudine , aliquos durius , & minus meritos involvi , diceres ; referrent illud non sine ratione usurpatum , si recte explicetur : *Habet aliquid ex iniquo omne magnū exemplum , quod contra singulos , utilitate publica rependitur.* Et certe, si belli gerendi jus in tuto constituimus, nihil æque ad exitum consiliorum, quæ justo quovis bello spectamus, valebit, quam severitas disciplinæ. A qua tamen temperamentum omne abesse nequaquam volumus.

*Duc. 14. 4.  
44.*

Ita in captivorum causa, ut ad hanc redeamus, ambiguae æstimationi locum dedimus. Atque illis ipsis ad Cannas captis ignosci non sine ratione potuisset, & fortasse ignotum esset, id est pars humanior vicisset : nisi ærarii ratio , tum locupletandi hostis metus, non levi rationum momento intercessissent : ut vidimus. In illis, qui evaserant, temperamentum secuti sunt Romani, non illud æquitatis, de qua cœpimus loqui, sed artificii politici; ut Duci & patriciis prorsus venia daretur, omni rigore disciplinæ in plebeia capita incumbente. Tentant hoc arcanum, reliquæ Cannensis cladis in Siciliam relegatæ, apud *Livium lib. 25. c. 6.*

Deducit nos hic locus, ad parem culpam, diversi temporis. Capti fuerint aliqui, illo & isto prælio, ejusdem culpæ, quæ ultimo prælio captis impingitur, vel suspecti vel comperti. Illos priores, redimendos duxit civitas.

vitas. quidni & hos postremos? Sic ratiocinantur in caussa simili, apud *Livium*, milites. Satis speciose exaudiuntur ista exempla. Sed non est nulla, quæ postremis ad-  
*lib. 25. c. 6.*  
 versatur, petita ex prioribus ratio. novo enim exemplo opus est, ubi vetera nil proficiunt, aut malum, quod sanare debebant, augent. Si æquitas sæpius frustra adhibita, severitati locum & causam facit.

Dubitatur aliquando in definienda fuga, cum culpa conjuncta: levioribusque alii vocabulis appellant, quæ nonnulli ad graviora transferunt. Qui ex Cannensi prælio fugerant, eos Senatus Rom. dixit, *commilitones suos pugnantes deseruisse*; imo *republicam deseruisse*. Inprimis in deditioe, ea res quæstioni est: an expectata necessitas sit? qualis describitur, ubi obsessi *ultima ausi passique*, cum omnia  
*Lib. 25. 7. Prosim. 4. 1. 44.*  
*subsidia vita abessent, affectisque fame viribus, arma jam sustinere nequirent, necessitatibus magis humanis, quam armis victi sunt.* *Lib. 22, 601*  
 An semper eousque teneantur tolerare obsidionem? an tum quoque, si civium in urbe obsessa, & militum defensorum diversa jura, nec una utilitas? an præcipi hoc possit, aut debeat, ut ad famem non tantum veniant obsessi, sed eam etiam, usque ad defectum virium tolerant? Cumque quo diutius differtur deditio, eo duriores soleant dici à victoribus leges; defensoresque sæpe cum loco in potestatem hostium veniant, qui paulo citius pacti poterant dimitti; illud quoque quæri solet, satiusne fuerit deditioe non quidem properata, sed in tempore facta, se referre ad exercitum, quam casum captivitatis subire? Castris equidem & urbibus obsessis cum multa communia sint, durior tamen castrorum, quam urbium obsessarum fors est. Ibi enim deditis certa captivitas: hic, præsidiajque sæpe libertas pactione obvenit. Ponamus exemplum arduæ disputationis detracto nomine: Impositi defendendis munimentis præsidarii, in mandatis acceperant, resisterent summa vi, atque ad ultimum propugnarent, donec submitteretur auxilium. Hostis propius acceperat, expugnatique exterioribus, eo rem deduxerat, ut interiora impe-

tu capere destinaret. Obsessos premebat inopia pulveris tormentarii; neque ad sustinendam impressionem tam apparatus pares esse sinebat. Qui præerat præsidio, rem hætenus summa ope dissimulatam, tum civibus, quos defendere iussus erat, tum præfectis ac centurionibus suis aperit, illi & suadent, & supplicant; remitteret obsessis ultimum casum deditioeque excidium præverteret. Eo ipso, quo deditio facta est, die, adventant auxilia, & par solvendæ obsidioni manus accurrit. sero; quia tam pauxillo momento tardius. Dicebantur graves sententiæ: & quamvis præfectus præsidii inusitatæ ac singularis virtutis in illa conclusione ediderat specimina, non perfunctorie notabatur, ob non expectatum ultimæ necessitatis articulum: cum defensio munimentorum ad summam rei pertineret; cum tam districta mandata accepisset; cum trahendæ ad dieculam rei artes non potuissent deesse: cum non civium consiliis tali in metu, suis plerumque utilitatibus adversantium, sed ducis industria provisuque meriendum fuisset negotium. Quis non vider, quàm multa pro præfecto militum dici contra possint? Quem moderatissimus quisque, si sui arbitrii res sit, malit absolvere, quàm condemnare.

Alius præsidium agitare iussus, de annona & copiis præsidii vicinum sublevaverit suorum exercitum: cujus fiducia nullam sibi timendam obsidionem existimabat. Hostis re comperta, ex inopinato munimenta circumspicere cœperit: neque depelli obsidione poterit. Venerint denique in potestatem hostium inopiæ, ea, quæ provisus copiis servari potuissent. Dicit præsidio præfectus: an sublevare non debui inopiam & nostrorum, & rogantium; imo mandantium? summus enim Dux totius exercitus erat, qui postulabat. Summam rempublicam in eo verti aiebat: paulo post redditurum se copias professus. Hostis alio versus, nec sustinere famam nostri exercitus, nedum de obsidione cogitare videbatur. multum quoque industriæ meæ & laboribus tribuebam, in comparandis celeriter,

leriter, quæ deerant. Destinata salubriter, præcipiti audacia hostium in contrarium versa sunt. Fortunam accusare fas est, consilia hominum ludibrio habere solitant. Respondebitur : *samma tibi lex, munimentorum, quæ commissa tibi sunt, utilitas ; contra quam nemo audiendus erat.* Satius est offendere periculosa postulantes, quàm demereri. Facilius copias parat, qui cum exercitu liber nec impeditus ambulat, quàm cujus paucitas munitionibus regitur. Nihil accidit, quod prævideri non potuerit, nõ debuerit. Ultimum ignaviæ & stultitiæ humanæ, idemq; iners præsidium, fortunam accusare. Quantulo minus quàm proditio erat, hosti & ostendere & aperire viam ? Et quæ plura possent in hanc partem dici, quæ justioribus momenti invalescere videtur.

Consistant in vicos tributæ, cohortes quædam, jussæ exploratores diligenter dimittere, stationes disponere, nihil de solitudine excubiarum & vigiliarum remittere. Superveniat hostis, tribunos præfectosque cum militibus capiat, postquam pars primo impetu cæsi sunt. Captivi suam fortunam tribuant iniquitati loci, ubi propter virgultorum perpetuam seriem & arbores multis locis enatas, non potuerit abunde prospici : eamque causam fuisse dicant, quod adventus hostium animadverti, nisi sero, non potuerit. Responderet aliquis : non minus adjumento servantibus adventum hostium esse potuisse locum : si ars & industria accessisset. Quid ? si exploratores celeritate hostium occupati, aut ad perfidiam pellesti non redierint ? Serio examine discurietur, an in exploratoribus aliis post alios mittendis nihil prætermisum sit : an illi ad explorandi officium adhibiti sint sociative, in quos non caderet perfidia ? an fiducia exploratorum dimissorum, interim in stativis aliquid remissum aut neglectum fuerit ? an in sola exploratorum fide securitas cohortium reposita ?

Dimissa fuerit (nam & hoc solet accidere) valida manus ad tentandas hostium vires, addito severo præcepto : ne pugnam capestat, aut hosti potestatem sui ad justum cer-

H h h h h 3

tamen

tamen faciat. Interim favebat occasio, arridebat victoria: & pæne jam in manibus erat. Sed hostis numero auctus, fiducia elatos profligat capitque. Plus est, quod excuses, quàm quod excuses. Imo, ut excuses aliquid, humanæ conditionis fragilitas, & favoris aliunde nata ratio potius suadebit, quàm causa & meritum.

Scimus, & illud accidisse, ut plures Duces ex discordia, aut æmularum parum in commune consulerent, eaque re cladem arcefferent sibi & captivitatem. Capti fuerint plerique, non eadem tamen culpa æstimandi: imo unus & alter innoxii; quos audire ceteri detrectaverant. Sed finge in peccantibus, genus; in innoxiiis virtutem eminare. An inde æqualis in utrosque favor? Non asseveraverim cito; neque tamen fieri posse, negaverim. Virtutem, ratio præhabet: fertuita, tempus attollit deprimitve. Et, si summus Dux temeritate peccavit ac inscitia, sunt, quæ eum sperni in captivitate jubeant, causæ. Romanis, ut ante dictum est, severitas in milites; venia in Duces placuit, non eà tantum ratione, quam excogitavit Machiavel-  
*lus*; Sed quia Senatus, cujus auspicio in utraque partem disciplina stabat, patriciorum eximiorum delicta abscondi, aliorum ostentari, inter artes politicas numerabat.

*Disp. lib. 1.  
cap. 31.*

Parum facilis deliberatio, an pro captivis redimendis urbes, munimenta, jura cedi tradique debeant? Quæ ratio aliis jungitur in negotiatione pacis, à Stephano Poloniæ rege cum Moschovitis instituta, ubi legatis Polonicis, referente Reinoldo Heidenstenio, mandatum: quia ante  
*lib. 6. de bell. Moschus postulat, ut utrinque pariter captivi redderentur, non*  
*Mosch. p. 423.* *parem utrinque captivorum rationem esse ostenderent, cum in regis*  
*potestate precipui ipsius ductores essent; ille ex Regis insigniorum*  
*nullum, ex Nobilitate paucos, reliquos ex promiscua plebe haberet.*  
*Itaque, ut vel Savolociam ac Nevelam, aut alterutram saltem eorum, Regi pro illis permitteret, postularent: cum ante, integrioribus*  
*ad huc rebus suis, pro paucioribus captivis Usuiatam ac Jeserisciam obtulisset, quarum hac nondum tum in potestatem Regis ve-*  
*nisset: vel cum ipse ante Sigismundi Augusti temporibus certa pre-*

lia in

ria in singula capita exigere solitus fuisset, eodem exemplo suo suos nunc redimeret. Missi in vicem Legati Moscovitici, ut de captivis utrinque permutandis agerent, mandatum habebant: quod cum tenere non potuissent, ut in locum certum captivi comportarentur, redimendisque eis potestas, quorum essent, fieret, impetrant.

An, si aliter fieri nequeat, pace vel intempestivâ liberandi captivi, dubitatum constat. Verum hoc loco, omnia quæ pacem suadent, dissuadentve, momenta concurrunt. Magna interim sint captivorum nomina & merita oportet, quibus civitas hoc dare cupit, ut pacem suis rebus alienam faciat. Nam temporis causa pacisci, absque serio proposito, inter ea non est, quæ probari debent. Parum etiam firmitatis in ejusmodi pace speratur. Unde cum A. C. 1379. inter Ludovicum Flandr. Comitem & Gandenses pax convenisset, prudentiores, pacem non fore diuturnam ominantes, initam ab eo (quod verum erat) Nobilium liberandorum causâ, dixerunt. apud Pontum Heuterum. nec se-  
*Ref. Bur-*  
*gund. lib. 21.*  
*cap. 8.*

Sed ista fere utilitatibus reipublicæ reguntur. An autem jure fieri possit, ut innocentis civis deditio captivi redimantur; apud *Libanium*, ut ante diximus, quaeritur: & à nobis alibi disputatum est. Illud quoque juris dubitationem habet: an alia civitas, ad liberandos alterius civitatis cives sibi cognatos aut amicos, bellum gerere possit? Si nimirum conditiones sunt propositæ, quas vir prudens & æquus repudiandas esse negaverit. Putamus, licere. neque enim jus in captivos quaesitum in infinitum patet, inter gentes non barbaras. Longe alia est hominum captivorum, præsertim illustrium; quàm rerum & locorum, ratio. Hinc urbes, regiones, provincias pacione in manibus victoris in perpetuum relinqui, nihil novum; at civium captivorum corpora, commercio tali subijci, aut pacione formula predi, inauditum est, si præsertim dissimulationis necessitatem, à pacione solenni distinguas.

Ceterum in causa captivorum militum vel delibe-  
 randa,

randa, vel aestimanda, favorem odiumve augent aut minunt, ambigendique ac definiendi momenta non uno modo dispensant, *primo* quidem genius populorum ac nationum, *deinde* mores, instituta, leges civitatum : quo etiam pertinent rationes administrandæ reipublicæ, quatenus vel ad famam, decus ac honestatem, præcipua rerum diriguntur, vel prima in omnibus utilitatis ratio, sæpe & sola habetur ; quando item ibi ad militiam, hic ad æconomiam pleraque referuntur : *tertio*, proposita, consilia, habitusque animorum apud eos, qui rempublicam tractant : *denique* temporum fortunæque commutationes, casus, conditiones. Quod enim genere sæpe odiosum aut favorabile est, rerum temporibus in contrarium demutatur.

Sed nos quidem, quæ de *captivo milite* constitueramus annotare, absolvimus. Qui volent hunc philosophiæ locum implere, illis hæc fere quærenda supererunt : De *captivitate Illustrum*, multa seorsum considerantur ; præsertim *summorum Principum*. In *capiendis militibus*, videndum qui ex *caussa militiæ* capi possint ? e. g. an legati, si quid præter mandata, in se admisserunt ? An *Dux hostium summus*, aut summo minor, *interposita fide* ad colloquium invitatus : si inter colloquium nova & diversa his, quæ voce literisque prætulerat, consilia hostilia comperiantur ? Ubi multæ disquisitionis exemplum occurrit incomparabile Ludovici XI. Gall. Reg. quem Carolus Pugnax eo modo cepit ; institutisque consultationibus cordatiorem secutus sententiam dimisit. An *simulatione* congressuum, colloquiorumve hostem intercipere fas sit ? De *ambiguitate verborum* aut scripturæ, illiciendis, obtentu satisfactionis, in *captivitatem* hostibus. An *captivos illustres* passim circumducere & ostentui habere, prudentis justique victoris sit ? Quæ quidem *triumphi continuatio* esset. De *ipsis triumphis spectaculis*. De *custodia* variis generibus : liberali præsertim & illiberali, tum in se ; tum pro gradu militiæ cujusque captivorum. De *vinculis*. Quæ retinendi & quousque per justitiam internam potestas. De *vitæ captivis* malignè aut secus prabito. An in rerum necessarium inopia, *captivi* potius dimittendi, quam fame enecandi, aut cadaveribus humanis

Pont. Hen.  
ser. rer. Bur.  
gund. lib. 5.  
c. 4. Phil.  
Comina, lib.  
2. & 3.

humanis obscenifve cibis pascendi? De iis, qui captivis infer-  
 vire aut officium prestare cupiunt, admittendis aut recusandis.  
 De religionis libertate & officiis pietatis apud captivos non im-  
 pediendis. Quid sentiendum de iis, qui captivos consiliis varie  
 fabulis deluunt; omniâq; à veritate aliena illis ingerunt? De  
 metu, captivis incusso ad secreta prodenda, ad promittendum.  
 De illecebris captivo adhibitis, ut in studia partium secreto  
 trahatur. De iurejurando à captivis, super secreta pactione  
 exacto. De veneno captivis dato, aut infirmata captivorum  
 valetudine. De retractis ex fuga: & vinculis aggravatis. Qua  
 possit excogitari mensura aestimando redemptionis pretio, iustitie  
 convenientissima, præsertim in captivis illustribus. De legatis  
 captivorum redimendorum causa missis. De arbitris, & depre-  
 catoribus. De rationibus suadendi ac dissuadendi dimissionem  
 captivorum. De consiliis eorum, qui gratis dimiserunt capti-  
 vos, vel appellati de ea re, vel non appellati. De impensis in  
 alimoniam & vestitum captivorum factis. De his, qui huma-  
 nitate in captivos, aut duritia in eosdem; fortunam vel conci-  
 liarunt sibi, vel alienarunt. De raris & admirandis circa ca-  
 ptivos casibus. De jure in transfugas, proditores, facinorosos,  
 bello captos. De dimissorum captivorum apud suos privilegiis;  
 postliminio, aliisque favoribus. De captis bello civili, cum pro-  
 vincia, & pares inter se configunt. De captis bello civili, quod  
 inter Regem & Regis subditos; sive imperantes & parentes geri-  
 tur. De captis bello civili inter consortes Imperij, cum involan-  
 ti in partem non suam, aut ad se solum trahenti communia ju-  
 ra, arma opponuntur. De notabilibus quibusdam rebus, quæ  
 captivitatem consequi vise sunt, in ingenio, moribus, fortuna  
 hominum. Nam de jure occidendi captivos deditosve, ac  
 temperamento illius juris, Grotius egit. Atque  
 hæc hæcenus.



## Corollarj loco.

## I.

**Q**uid statuendum de caussa civitatum, quæ Medorum tributariæ fuerant: quando translaro ad Persas per Cyrum Medorum Imperio; etiam conditionem suam mutatam arbitantes, à Cyro defecerunt. apud *Iustinum lib 1. cap. 7.* *Grotius* putat, non posse responderi, defectu historiæ pactionis. *I. B. 2, 16, 16.* Si tamen tributariæ civitates idem sunt, quod subactæ & subdita Medis (sicut interdum illa vox usurpatur) aperta est ad disputationem via.

## II.

In pace facta, includi solent utriusque partis fœderati & amici. Scilicet ut gaudeant illa pace, si velint, in rebus extra litem positis. At litibus adhuc pendentibus, & alio spectantibus, quæ inclusorum alicui eorum partium pacifcentium aliqua intercedunt, formula tam indefinita finem asserri, absurdum est.

## XXXIV.

## QUIES IN TURBIS.

Sive

## Societatis bellicæ declinatio.

**I**Nter bella & discordias aliorum quiescere, mediosque & se neutrius partis præstare, nunquam fere defuerunt, qui cupidè, quanquam haud raro frustra, expeterent. Eam si quis *suasoriam* veluti in locum communem conjiceret, arduæ in utramque partem deliberationis momenta, tum aliis modis, tum ita partiiri licebit: ut, quibus causis optari quæritque societatis bellicæ declinatio; quibus item refutari, & ab iis, unde petitur, denegari soleat, exemplis omnis ævi insignioribus demonstretur. Verum, de tractata aliis quæstione, nos pauca, hac vice, Academici colloqui instruendi ergo, carptim attingemus.

Jam primum, ipsa belli detestatio, & pacis amor, virtutis & justitiæ commendationem habere videtur. Quo nomine *Tacitus* *Chaucos* veteres laudat, qui *magnitudinem suam* *Germ. 35.* *malebant justitia tueri: sine cupiditate, sine impotentia, quieti secretique, nulla provocantes bella: & mox, quiescentibus eandem famam, quæ bello & armis, veluti speciosius quæri solet, assignat.* Inprimis æquissima cogitatio eorum censeri debet, qui à bello civili, ac intestinis dissidiis plurimum abhorrent. Quippe *arma civilia neque parari, neque haberi bonas* *Tac. 3. 4. 9.* *per artes possunt.* Hinc *Attici* non moderatio magis, quam prudentia, præcipuis laudibus fertur, qui *civilibus se fluctibus* *Coro. Nep.* *nunquam commisit, quod non magis eos in sua potestate existimabat esse, qui se iis dedissent, quam qui maritimis.* *Att. 5.* Quare *Domitii* sententia, atrocior, ut erat, omnibus visa est, cum bello civili, consultante *Cn. Pompejo* de mediis ac neutram partem sequentibus, solus censuit, hostium numero habendos. Longe autem & humanius & sapientius *Julius Cæsar*, denunciante *Id. Jul. 75.*

IIIIII 2

Pom-

*Pompejo, pro hostibus se habiturum, qui Reipublica desuissent: ipse medios & neutrius partis, suorum sibi numero futuros pronuntiavit.*

*Not. Att.*

*2, 12.*

*præcept.*

*ger. recip. 7.*

*824.*

*Petr. Gne-*

*dal. Rustic.*

*Tumult. 1.*

*1. f. & lib.*

*4. p. 1083.*

*2. Hist. 18.*

*Epist. 104.*

Nam, quod Solonis legem vulgo jactare solent, Gellio laudatam, in ea plus admiratio viri, quam prudentia, moinenti facere videtur. Licet enim *non ad augendam, sed ad defendendam seditionem* pertinere putetur eorum propositum, qui in partes discedunt, ut majori auctoritate, suas quisque partes mitificet, & ad utrarumque concordiam tutius viam muniat: optari tamen sapius, quam sperari potest is eventus, in licentia multitudinis ad moderata consilia surdæ, ad audacia præcipitis. Meliusque talia fieri posse per medios & neutrius partis, *Plutarchus*, contra legem Solonis, disputat. Habuit. argduæ disputationis exemplum historia superioris sæculi: quando, agrestibus passim tumultuantibus, equestris dignitatis vir, non ignoti nominis, in partibus seditiosorum se non voluntate, sed necessitate sterisse, multaue eorum contilia in melius flexisse, caussatus, defensionem tamen ipse suam, repetito, partium malarum studio destrinere postea visus est. In lege porro Solonis, ego probe distinxerim seditionem & tumultum, à bello civili. Hic enim consultationi, & mediis consiliis locus esse potest: ibi, veluti torrente abrupi plerosque necesse est. Itaque consilium *Spirinna Gruieri* dissertatione laudatum est; de quo *Tacitus*: *Fit temeritatis aliena comes Sparinna, primo coactus, mox velle simulans, quo plus auctoritatis inesset consiliis, si seditio mitesceret.* Sicut autem, ducem se & auctiorem præbere bello civili, si ullo modo res absque intestinis armis confici possit, aut citra defensionis necessitatem, nemo cordatus vir cupiat: ita suscepto jam bello, optimorum multos involvi, nihil mirum est: rara felicitate temporum consiliorumque, ubi tuto quiescere liceat. Cato quoque ille, quem *Seneca* dicit, *aliis ad Caesarem inclinantibus, aliis ad Pompejum, solum fecisse aliquam & Reipublica partes*, licet de utrisque partibus bello collisus, parum præclare sentiret, & victore *Cæsare* mori; *Pompejo* exulare destinasset; interim tamen bellum elegit.

Miscen-

Miscentur interdum bella, sicut de Cæsaris Pompeiique armis *Florus* judicat, non recte civile tantum id dici bellum; ac 4, 2, 4. ne sociale quidem; sed nec externum: sed potius commune quoddam ex omnibus, & plus quam bellum. Quod cum usu venit, studio quietis excuti, etiam pacatissimas mentes videmus. Quid enim tutum sibi inter arma undique circumjecta & eminentia speraverint? Neutras partes sequantur? non minuent belli pericula, sed augebunt; & utrisque prædæ ac direptui erunt.

Nisi quod tum quoque quiescere sua quosdam infirmitas jubet. Si enim nullum possunt momentum facere, vel ad se tuendos, vel ad alios juvandos, sed expositi sunt cujusvis occupantis viribus, rectius aliquis dixerit & consultius esse, expectare, quam irritare fortunam. Quamquam ne sic quidem pericula partium licebit semper effugere. Quid si enim una pars occupaverit talem civitatem gentemve, ejusque vel invitæ operâ adversus hostem uti cœperit? *Sequi videbuntur, quia prohibere non poterunt*, sicut *Maracandanis* apud *Curtium* acci- 7, 6, 24. dit: & *Atheniensibus* apud *Vellejum*, qui cum ab inimicis te- 2, 23, 1. nerentur, oppugnabantur ab amicis; & animos extra mœnia; corpora necessitati servientes intra muros habebant. Sed nimirum hi videntur in partibus esse, quantum ad fortunam attinet: verâ autem ællimatione, mediis & partium studio vacui habendi sunt, id quod exemplis pluribus docet *Hugo Grotius*. 1. B. 3, 11, 3.

Quibusdam summa ratio, quæ pro necessitate est, suadet, & in anno- ut quiescant: & locus ipse favet, ut facultatem quiescendi im- ratis. petrent. Finge enim, ita sitos esse quosdam, ut stare eos, nec perdi, utriusque partis bellantium intersit: neque tam cito in partes alteras cogi posse, quin ab alteris etiam non vocatis subleventur: dum utrinque summa consilii in eo versatur, ne pars adversa societate & possessione eorum potiatur. Vel ideo quietem cupient, ne tota & varie dispersalis, in unum locum ita incumbat, ut veluti sola & una belli materia ac merces, inter pertinaces affectantium & distrahentium manus peritura videatur. Veri est simile, partes bellantes malle quietem concedere his locis, quorum quietam possessionem sperare nullo

modo possunt, quàm evertere velle distrahendo in partes, quorum stantium vel opinione, vel opera uti aliqua liceret. Vident enim non calliditate aliqua, aut artificiosis consiliis quietem affectari, sed sinceris propositis, & causis necessariis societatem bellicam declinari. Atque ubi una pars acquievit his propositis, desperari non debet, quin altera quoque idem sit factura. Nisi forte in bello altera parte fracta, reliqua invalescat vehementius, omnique terroris instrumento quietis consiliis abstrahere medios illos instituat. Ibi tum, quid valeant humeri, quid ferre recusent, serio pensandum; & quantum fieri potest, tarde ac cunctanter à destinata quiete recedendum: si forte Deus interim & fortuna negotium gerat, necessitatisque imminentis nexus exsolvat. Subest saepe periculum servitutis, ut primum à quiete receditur. Quo nomine laudat prudentiam eorum, qui provido metu, partes suscipere noluerunt, is, qui de *Ministeriis Cardinalis Richelij* scripsit.

Qui tam bonis ac necessariis consiliis ducti, societatem bellicam declinant, an jure cogi possint, ut partibus accedant, quærendum est. Facit hanc quæstionem necessariam genius temporum. Non audivimus modo, sed vidimus, iracunde denegatam juste petentibus quietem. Quasi hic esset vulgo sensus bellantium, si vires cogendi in partes adsint, de jure non dubitandum esse. Quem morem sapientia melior ultro refutat. Demtis enim pactiois, & fidei vinculis, armorum societatem exigentibus, jure naturæ & gentium liberum esse cuique debet, armis aliorum abstinere, & inter dissidia externorum quiescere. Fœdera, etiam bellica, sua natura libertatis sunt & consilii; non necessitatis & præcepti. Et quàm iniqua ratio est; noluit socius esse, ergo hostem me senties, etiamsi hostem meum non adjuveris; etiamsi ab omni studio partium te continere volueris?

Inuisi quidem fere sunt bellantibus medii, tanquam vel ignavi, vel callidi. Nam & cautioni prudentiæque vix meliora imponuntur nomina, sed non semper ista possunt ad liquidum deduci: neque secreta mentium, suspitioni fas est penetra-

netrare. Et vel sic ad consilii quæstionem, potius referentur pleraque, quam ad jus infestandi quietos. Itaque via illa media, sicut amicos non parat, nec de inimicis dubitat: ita hostes potest merito deprecari.

Inter argumenta, quibus quietem dissuadet, societatem armorum petit, Mithridates hoc ponit: *Illi, quos ignavia aut prava calliditas, uti meis laboribus tuti essent, armis abstinnit, acerbissimas pœnas solvunt.* Estque hæc ratio in primis valida ad infamandam quietem, & ad commendandam societatem bellicam, sed ut scilicet: ubi adhuc locus est trutinæ prudentiæ: plusne sit, quod timeatur ex quiete, an quod ex societate armorum, detrimenti. Quod hic Mithridati non invalida demonstratione poterat opponi: si quis, utili & præclaro labore, Arsacis nomine respondere velit, & societatem armorum, tanto ambitu petitam declinare.

Poetarum post Homerum princeps, insignia duo posuit quietis inter bella exempla: Jovis unum, alterum Diomedis. In Jovis exemplo intellegitur lumina potestas, & æqua voluntas quiescentis in dissidentes. Licet enim posset alterutri parti accedendo statim rem conficere, quia tamen utramque amavit, ad concordiam redigere eos maluit, id cum parum successisset, non sine doloris præfatione, neutras se partes adiuturum, & rem fortunæ commissurum profitetur:

*Quæ cuique est fortuna hodie, quam quisque secas spero, Troi Rutulæve suat, nullo discrimine habebø.* Æneid. 10.

————— sua cuique exorsa laborem

Fortunamque ferent: rex Juppiter omnibus idem.

Fata viam invenient.

Non cepit οἰκονομίας operis Grammaticum, cum annotat, Jovem simulare studium Junonis, re vera autem à Trojanis stare. Paxrum abest, quin perfidum Jovem faciat, qui ita sentit: jura-  
verat enim per Stygem, quod facere non poterat, sine deter-  
rimo flagitii genere, si aliud animo constitutum habuisset,  
quàm quod ore promisit. Pertinet ergo ad 13<sup>o</sup> carminis, ut  
Jupiter invitus quidem permittat bellantes fortunæ, sed, quod  
proxi-

proximum erat, sine studio partium, propter benevolentiam in utramque partem. Quæ etiam efficit, ut temporaria hæc esset quies, non perpetua. Postquam enim auctoritas quiescentis non valuit, imperio tandem finem imponit dissidiis, nec mollià iussa loquitur:

*Æneid., 12.*

*Ulcarius tentare veto.*

An id facere potest, cuicumque ad faciendum vires adsunt? Nam quin facere possit, cui imperium est in dissidentes, dubio caret. An idem citra jus imperii liceat, quaeritur. Ita putat quidem *Vellejus*, *Principalibus armis eos se debere interponere, qui non parentem coercere possunt.* Neque fere dubitant hodie, vel nuperis exemplis constat. Equidem favor pacis tantum apud multos potest, ut de plano pronuncient, & utilitate illa publica, quæ pacis comes est, rependi autument, quicquid minus probum inesse in vi tali videatur. Sed accurate inspicientibus, alia animo sententia surgat oportet. Primo enim, inter ea est, quæ fieri non possunt, si quis potentior dicat bellantibus, non subditis sibi: *conquiescite statim, & pacem agitate, aut vim utrique vestrum adhibebo.* Multa sunt, quibus indiget pax discussis confectisque. Neque Alexandri gladius ad nodum hunc Gordium solvendum idoneus est. Quid si ergo aliam viam insistas, & ita agas? *pacem facite rationi & equitati consentaneam; aut vim expectet, quicumque iustas condiciones repudiat.* Tolerari forte apud indulgentiores interpretes posset, si intra minas subsistis. Si revera vim expedis, quis te iudicem constituit eorum, qui nullum iudicem habent, præter Deum? Hæc ipsa est, quæ Iani templum aperit, porta; ubi nulla iudicis copia, nulla iudiciorum potestas libris dirimendis superest. Quærenda ergo est nova ratio, si dicas: *Vestra dissidia meis utilitatibus intercedunt, multisque meam rempublicam & magnis detrimentis afficiunt. Hinc jus meum est, revocare vos à dissidio, & si sequi non vultis, trahere.* Respondebunt: nulla ratio juvat, jus suum in alieni juris diminutione collocantem. Nos, suum quisque jus armis persequimur: tu obtentu juris tui nos vis impedire, quominus consequamur jus nostrum. Si nostri juris disceptatione tua

ne tua læduntur commoda, nullo id nostro consilio, adeoque nec nostra culpa sit; qui utilitatibus tuis nec invidemus, nec intercedimus. Ubi pestis, & fames viciniam tuam populatur, commoda tua minuuntur variis modis. Sed non potes intentare litem vicinis, quorum malis, præter ipsorum mentem, tu affligeris. Ita factum est, ut cum vicinis aliquid patiendum sit. Tuis quoque malis turbabuntur vicini: quos tibi exinde merito irasci, utique negabis. Alia quercus excutienda venit. Audio enim quosdam dicere: *Qui spernit auctoritatem, pacem suadentis, & æquas justasque conditiones rejicit; is & justitiam lædit, & justitia patronum: hacque ipsa injuriâ, arma adversus se suppeditat, vim adhibituro.* Verum non omnis offensio, bello causam præstat idoneam. Quid? si de offensione res ambigua est. non offendi te, inquit, quando tuis consiliis non potui, ut optabam, obsequi. Non sprevi auctoritatem tuam, si tuis monitis mea commoda anteposui. Ne id quidem recte à te dicitur, quod justas æquasque conditiones repudiaverim: iniquas credidi, & adhuc credo, quas tu æquas dicis. Quisque habet suum judicium. Fac, me justa non admisisse. Superior sit jure & imperio necesse est, non robore & viribus, qui justa negantes, juste ulciscitur, ut ante dictum est. Quare ad speciosius prætextum confugiendum erit; quod in hunc modum ornari video: *Sancta est, & communi vinculo pacis nexa humanarum inter se gentium societas; quam violant ac dissolvunt, quicumque belligerantur, in violatores porro rei tam publicæ, tam sanctæ, quivis Princeps, quavis civitas, optimo jure miles est: si cessant emendare, quod peccaverunt, id est, pacem componere.* Hæc oratio, unde conficias, cogi posse ad pacem bellantes: si jus illud sociale, quo humanum genus continetur, unquam tibi servandum ex animo statuisses. Jubet te idem jus, succurrere infirmitatibus, incommodis, necessitatibus cujusque gentis, iisque sublevandis cognatam manum commodare. an hæc te unquam cura sollicitavit? Sed fingamus omnino (asleverare enim non possumus) jus illud, quod ex humano genere unam civitatem facere debet, obtinere: non aliter utique exerceri poterit, quam

Kkkkkk

per



per modum iudicii, sicut inter cives unius civitatis, qui cum litigant, ad concordiam quidem & pacem rediguntur, non impetu & vi mera imperii, sed spectato jure partium; ob quod illi aliquid admittitur, huic additur. Jam ergo, si placet progredere extra civitates singulas, & vide, an ex orbe toto Rempublicam Platónis, aut Thomæ Mori Utopiam possis concinnare. Non opus habebis vate, qui de successu te submoneat. Illud autem certo, nisi hoc effeceris, futurum est, ut malum malo sanare videaris velle. Nondum lusciniæ sua deest cantio. Dicturum enim te puto, *non bellum tibi propositum esse, & vim infestam, dum cogere ad pacem faciendam bellantes, contendis: ostentationem hanc armorum esse, non noxam. esse quandam vim salutarem & amicam, non hostilem. Favere interdum occasionem, ut manus quodam modo ligentur plus valentibus, aut utrisque, ne concurrere infestis amplius viribus queant: sicut cum pugnaturi manum validior aliquis continet, neque tamen ultra retento nocet, aut vim infert.* Minus erit, fateor, res sermonibus & invidiæ obnoxia, si hætenus intervenis armatus armatis, ut ad fundendum cura & pro altera parte alterius sanguinem non procedas. Ea enim medicina excederet modum, neque probis rationibus se tueri posset. Sed qui justo pioque bello jus suum se existimat persequi, iniquum putabit eum, qui ad pacem aliis inde, quam pacatis modis velit abstrahere. Ita dum bellum speritur unum, novis aliis semina possunt spargi, & viæ preparari. Verum de his rebus fere ex eventu judicant homines, bonaque aut mala dicunt, prout feliciter secusve successisse animadvertunt.

*Æneid. 11.*

Diomedis exemplum, apud Poëtam inprimis nobile est, prudentia & expositione rerum. Diomedem opibus & auctoritate rerum gestarum insignem, Latinus in societatem belli sollicitaverat, metu communis periculi, si Æneas in Latio invalesceret. Negaturus, quod perebatur, Diomedes, primo sibi consult, deinde & Latino: atque adeo pro viro prudente & amico se gerit. Ne huic bello immisceri velit, suarum utilitatum respectu; inno religione (id enim potentius momentum ad ornandum & firmandum hunc locum assumitur) prohiberi

hiberi se, ait: cum strenuis bello ac felicibus, certamen inire, parum consultum esse, præsertim post tolerata belli damna, & tristem dubiæ fortunæ experientiam: fati invictos videri, qui nec impune unquam violari, neque excidio deleri potuerint; non prudentiæ modo, sed pietatis partem esse, fati Æneam ornantibus cedere. Dixit, cur ipse socius esse belli talis nolit: nunc pro auxiliis consilium dat; & pacem cum Æneajungendam amice & graviter suadet. quid enim pace beatiust quæ bello infeliciter inutatur:

*O fortunata gentes, Saturnia regna,  
Antiqui Ansonij, qua vos fortuna quietos  
Sollicitat, suadetque ignota laceffere bella?*

Melioris esse consilij ostendit, non modo admittere pacem, sed vel petere; imo emere, conditionibus etiam non plane optabilibus.

*Munera que patriis ad me portastis ab oris,  
Vertite ad Æneam.  
— Coeans in fœdera dextra,  
Qua datur: aſt armis concurrant arma, cavete.*

Magnifica & splendida hæc quies, quæ alienæ quieti studet; consilioque & candore plus quàm armis & ferocia amicos juvat. Quare Latinus Rex, ut erat moderatus & prudens, obsequi consilio destinat: nisi Turnus obturbasset. in quo hoc ipsum omen & pignus imminentis fati fuit, consilium tam probi averfatio. Sicut autem in priore Jovis exemplo, de potestate ejus, qui socius armorum aut litis particeps esse abnuir, quaeri poterat: ita hic locum auctoritatis in hoc argumento miro Poëtæ ingenio videmus tractari.

Callidæ quietis, & in turbas erupturæ specimen est in Philippi Macedoniæ Regis consiliis bello Punico secundo. In hanc enim dimicationem duorum opulentissimorum in terris populorum, omnes reges gentesque animos intenderant, inquit Livius. inter quos Philippus Macedonum Rex, eo magis, quod

lib. 23. c. 38.

Kkkkkk 2

pro-

*propior Italia ac mari tantum Ionio discretus erat.* Lætus ille hoc bello (primum id animi male quieturi argumentum fuit) sed utrius populi mallet victoriam esse fluctuans, postquam tertia clade Romani affecti sunt, ad fortunam inclinavit; & per legatos Hannibalis partes amplexus est eo fœdere, cuius formulam *Polybius* nobis conservavit. Speciosa sane sunt vocabula, quæ apud Trogum Pompejum Philippus, finiundo cum Ætolis bello, præfert. Sed *Historicus* notat artem: *Hoc prætextu*, inquit, *finito cum Ætolis bello, nihil aliud, quam Pœnorum Romanorumque bella respiciens, singulorum vires perpendebat.* Quamvis autem, ut dictum est, fortunæ accessit, & potentiores tibi visus est amplecti partes, tamen ratio eum fugit, & eventus destituit: ut ad pacem, male relictam, tanquam ad sacram anchoram confugere adigeretur.

4, 1, 38.

*Livii* locum imitatus est in simili exemplo *Curtius*. Magnitudo belli, inquit, quod ab opulentissimis Europa Asiaque regibus (Alexandro & Dario) in spem totius orbis occupandi gerebatur, Græcia quoque & Creta arma commoverat. Erant Græci hoc tempore, animo & fide ambigui, & fortunam speculabantur: illa duce partes electuri, suisque utilitatibus occasiones capraturi. Notat illum animorum habitum & temporaria ingenia, hic ipse *Historicus*, quando decretum in concilio Græcorum memorat, ut duodecim legarentur ad Regem (Alexandrum) qui ob res pro salute Græcia ac libertate gestas, coronam auream donum victorie ferrent. Addit enim: *idem paulo ante incerta fama captaverant animum, ut quocunque pendentes animos tulisset fortuna, sequerentur.* Igitur multi Græcorum in castris Darii militabant: cum videri interim vellent, nullo publico consilio id fecisse. Spattani vero, Macedonicæ potentia æmuli, non per legatos tantum cum Dario consilia conferebant, sed contractis, qui ex Cilicia profugi domos repeterant Græcis, bellum Antipatro Macedonia Præfecto movebantur. Cretenses, utut infirmi, pacis odio, & turbarum amore, has aut illas partes secuti, nunc Spartanorum, nunc Macedonum præfidiis occupabantur. Absuit his quoque consiliis callidioribus fortuna; multatque sunt belli malis, qui

Curt. 3, 13.

15, 4, 1, 39.

Et 40.

qui quietem pati non poterant. *Victoria enim Antipatri non Spartam modo, sociosque ejus; sed etiam omnes, qui fortunam Curt. 8. 1, belu spectaverant, fregit.* 16.

Quid de Achæorum consilio dicemus? Societatem belli cum Philippo Macedonum rege firmaverant. Romani, ut destituto Philippo, suam societatem induerent, petebant. Philippus à sociis hoc tantum petebat, ut quiescerent. *Philippus, Liv. 32. 21.* inquit Achæorum prætor, *societatis secum admonet & jurisjurandi: non postulat, ut secum stemus, modo ne interfimus armis, contentum ait se esse. Nulline venit in mentem, cur qui nondum socij sunt, plus petunt, quam socius?* Exaggerat postea Romanorum vires, Philippi infirmitatem: Et subinde ad suos ita perorat: *Nam quod Philippi legatus modo, tanquam mediam & tutissimam vobis viam consilij, ut quiesceretis, abstineretisque armis ostendebat: ea non media, sed nulla via est. Et enim præterquam quod aut accipienda, aut aspernanda vobis, Romana societas est: quid aliud, quam nusquam gratia stabili, velut qui eventum expectaverimus, ut fortuna applicaremus nostra consilia, præda victoris erimus?* Vicit quidem oratoris auctoritas, Achæosque à Philippi societate ad Romanos abstraxit. Sed ego rectius sensisse contenderim, si qui Achæis quietem suavisent. *Erant Achæi Macedonum beneficiis & veteribus & recentibus obligati, quod Historicus sedulo annotavit. Liv. 32. 19.* Quas ex Philippi ingenio injurias metuere in posterum poterant, in incerto erant: aliaque adversus hos metus consilia proponi videbantur: plena æquitatis erat Philippi oratio, ut quiescerent, desiderantis: neque Aristæus vera ac certa loquitur, cum dicit: *aut accipienda, aut aspernanda vobis Romana societas est.* Prorsus enim credi potest, Romanos, qui non nisi ex discordiis Achæorum in spem societatis venerant, admissuros fuisse rationem juris manifestam, si dixissent: Macedonum in nos sunt majora merita, quam ut adversus illos in acie consistere fas putemus. abunde facimus, si desinimus cum iis contra vos contendere; & neutras partes sequimur. At enim, Romani, inquis, non tulissent Achæos ista causantes, sed vim adhibuissent quiescentibus. Potius existimari

Kkkkkk 3                      potest,

potest, futurum fuisse, ut ferrent hæc Romani, & quiescentibus abstinendum judicarent. Illud utique certum est, non debuisse Achæos in re tam odiosa, ad ultimum exuendæ societatis consilium procurrare ante, quam Romani quiescentibus vim armatam intentassent. Aristæni enim oratio, utilitatis specie nititur: juris rationibus haud æque intenta.

Si quis porro neutrarum se partium profiteretur, bona fide debet id operam dare, ne quid faciat, quo alteri parti favere, alteram odisse merito suo credatur. Non impediatur hanc, illam sublevet: non præstet illi, quod isti negat: sed aut neutram, aut utramque, necessariis rebus ex æquo juvet.

*L. B. J. 17. J.*

De qua re *Grotij* hæc est sententia: *Eorum, qui à bello abstinent, officium est, nihil facere, quo validior fiat is, qui improbam fovet causam, aut quo justum bellum gerentis motus impediatur. In re vero dubia, æquos se præbere utrisque in permittendo transitu, in comiteatu præbendo legionibus, in obsessis non sublevandis.* Quod de causa habet, vix est, ut in usum deduci possit. Qui neutrarum partium vult haberi, neutras debet juvare vel impedire; citra causæ æstimationem: quæ non periculosa modo, sed impossibilis est, in hoc quidem genere. Hoc ipsum studio partium dabitur, si hanc juste, illam inique arma induisse judicabis. Sumendum est hoc loco,

*J. J. 1.*

quod alibi monet *Grotius*, justum bellum dici sæpe non ex causa, sed ob peculiares quosdam juris effectus. Mediis justum utrinque bellum videri debet, cui misceri nolunt: aut utrinque injustum. Si injustum utrinque, aut ex altera parte iis videbitur, non jam mediis existimabuntur, qui partium unam, aut omnes damnare sustinuerint. Relinquitur ergo, ut intra animum sentiant aut judicent de injustitia belli, minime autem aperiant mentem, & significant: nisi periculis partium velint involvi. Unicus est modus, si quis dicat inter Christianos: Ego Christianis nefas esse duco bellare; itaque neutris partibus adjungi possum. Verum id quoque inter ea est, quæ accidere, cum serio agitur, nequeunt. Nihil tutius igitur, ad quietis fidem, quam seponi illam quæstionem de jure bellantium, & quantum ad hoc propositum, justum bellum haberi, quod

quod geritur. Mihi enim hæcenus justum est, de quo dubitandum aut disquirendum mihi esse non judico. Validior fiet is, qui improbam fovet causam, si comneatus ei pretio suppeditaveris, si transitum dederis. Ergo hæc justum bellum gerenti præstanda sunt, id est, alteri parti. Jam non eris medius, si uni præstas, quod alteri negas: cum hæc jure exigant partes bellantes à mediis, ut utrisque neges, aut utrisque annuas: neque tibi eam relinquant libertatem judicandi de causa, aut dubitandi.

Jam de transitu permittendo dispiciendum est: de quo *Grotius* etiam alibi agit. Ubi itidem distinctionem belli justi *l. B. 2, 2, 13.* ac injusti, mediis, ut tales sunt, prodesse non posse existimaverim. Potius autem discrimen in rebus ipsis quænaverim. Sunt enim quædam ejus generis, ut medii utrisque partibus ea concedere debere videantur: aliorum diversa est ratio, quæ rectius utrisque denegari posse dixeris. Prioris generis sunt comneatus, & res necessariæ sine quibus ne vivi quidem potest: ad posterius, transitum armatum retulerim: neque dubitaverim, naturam has res ita discernere, ut illic plus favoris, hic plus ad odium momenti repositum videatur. Sed, quid gentibus placuerit, aut hodie placeat, animadvertendum est. Constare autem inter omnes arbitror: neminem hodie reperiri, quin putet, pacatos mediosque utramque bellantium partem transitu armato jure prohibere posse; si quidem vim non metuant, id quod consilij est, non juris. Ex altera parte non minus indubium est ac certum: neminem bellantium ambigere, quin transitum denegatum vi liceat aperire, armisque vindicare, aut astu penetrare. Hæc sententiarum diversitas nobis persuadet, ut credamus, gentes quæstionem juris muta dissimulatione transmitti (nisi quod obtentui sumuntur ista, aut suavoriis adhibentur) & ad pactiones deduci rem totam voluisse. Conventionibus certe & transactionibus, non juridicis disceptationibus, omne perendi aut concedendi transitus negotium videmus confiei. Agnoscas eum, quem dixi hodie obtinere, animorum habitum, jam olim in Helvetiis & Cæsare. Illi enim, *Allobrogibus sese persuasuros existimabant,*  
vel

1ul. Caf. de  
bello Gall. 1.  
6. & 8.

vel vi coacturos, ut per suos fines, eos ire paterentur: Cæsar autem, negat, se more & exemplo populi Romani posse iter ulli per provinciam dare, & si vim facere conentur, prohibiturum ostendit. Ubi autem utraque pars æquam sibi annuendi & abnuendi libertatem vindicat, naturalis rei exitus non ostenditur alius, quàm per conventionem & pactionem.

Non multo aliter forte judicandum esset, de negotiationis & commerciorum jure pacatis mediisque civitatibus inter partes bellantes libero. quam quæstionem Grotius ad jus naturæ ideo referendam ait, quia ex historiis nihil compersire potuerit ea de re jure voluntario gentium esse constitutum. Ex his tamen, quæ in *Annotatis* plena manu cumulat, & aliunde, satis apparet, gentes existimasse, licere sibi commoda hostium ex mercimoniis cum pacatis populis, intervertere: quæ licentia neque naturæ juri usquequaq; repugnat, nisi quod in modo cautionem id dicat. Interdum enim modestius, interdum violentius suo jure uti videbantur bellantes, prout consilii singularis, aut perturbationis animi movebat instinctio. Esse enim ab injuria mediocum & pacatorum abstinendum, dubio caret. Sed si monentur, si rogantur, ne intercedant justis armis, nec desistunt moniti rogatique; tam liberum sibi esse volunt bellantes, vi prohibere commercia, quibus hostis invalescit, quàm pacati illi liberum sibi esse cupiunt, mercimonia sua citra aliena arbitria tractare. Ut rursus ad pactiones res ista tendere videatur. Consultissimum certe fuerit, conventionibus ista definire, si modo conveniri potest. Anno superioris seculi LVI, Gustavus I. Sueciæ Rex, literis significavit Regi Daniæ Friderico, quomodo bellum cum Russis injunctis culpa Magni Ducis Moscoviæ sit implicatus. Quum autem Angli novum & inusitatum per mare glaciale, ut vocant, iter in Moscoviam ad portum S. Nicolai sibi aperuissent, prætervehi Norvegiam; quod omnibus circumjacentibus regnis, sed & maris Baltici accolis & civitatibus inestimabili damno futurum sit, dum omnis generis vetusta bellica instrumenta & arma ad Russos deportarent, quibus contra Christianos nimis muniri, & ad exemplum Turcica potentia per Asiam & Africam elata, etiam imperium in

Eu-

Laccen. hist.  
Suec. lib. 5.

Europam affeclare possent. Proinde se amice desiderare, ut Rex Fridericus & suo emolumento tuendo, & aliorum Christiani nominis membrorum ingenti detrimento amoliendo, istum navigationis cursum Anglis praecludere velit. Eodem, & communium commerciorum nomine ad Reginam Angliæ (Mariam) misit. Sed ab ea responsum accepit: se suis subditis libertatem navigandi, quo velint, ex privilegio nactis, inhibere non posse. Velle nihilominus armorum invectiōem in Russiam prohibere. Quod tamen factum non est. Nec de mutuis commerciis certi quid responsum. In eadem historia Suecica Rex Johannes II. cum Stenone Sturio bellum gesturus, Lubecenses, ceterasque fœderatas urbes admonet, ut tantisper quiescant, nec in Sueciam arma, commeatum, aliaque bellis necessaria importare velint. Ad Lubecenses: cum merces suas, magnam partem facultatum & negotiationis socios in regno Suecia passim haberent, non absque ingenti fortunarum suarum dissidio, istius loci commerciis abstinere posse. se neutri parti addictos, ob regum discordiam, libero commerciorum & navigationis usu, jure gentium recepto, priscisque privilegiis arceri, contra jus & fas fore. orare igitur, ut Regis cum gratia sibi in posterum quoque jure suo frui liceat. Sed Rex Johannes mox naves eorum in Sueciam cursum tenentes armata manu interceptit: neque restituit. Hinc dissidium. Pactionis, qualem laudavi, nobile est exemplum in fœdere commerciorum inter Gustavum I. Sueciæ, & Franciscum I. Galliæ, Reges ante annos centum inito. cujus articulo VI. habetur: Omnibus Suecia subditis liberum erit, cum navibus suis, mercibus & commerciis proficisci ad Gallia hostes & inimicos, eorumque portus, regiones & terras, ubicunque eis commodum videatur, subsistere & commercari, abire & redire, quando volent: ita ut ea de causa non dicantur violasse pacem, aut mali, quid eis inferatur à Francis. Et ut Sueci tempore belli commercia eo tutius & absque omni molestia exercere possint, dabuntur illis litera tuti commeatus, quandocunque desiderabunt. Quinimo inter ipsos belli socios, si societas limitata sit ad certa bella consiliaque, quædam à bello quies, qualem medii optant, constituitur. Ita fœdere, quod inter Sue-

Loccen hist.  
Suec. lib. 4.  
p. 148.

A. C. 1559.



cos & Belgas anno 1645. convenit, & sequenti confirmatum est, cavetur, articulo quidem VI. *ut neuter confœderatorum hostem, qui nunc in prasens hostis est, aut deinceps nasci poterit, consilio, ope, pecunia, comœatu, milite, navibus, nantis, armis, pulvere pyrio, aut munitionibus, ullisve bellicis rebus aliis juvet.* Articulo autem sequente, VII. additur: *Licet verò neutri confœderatorum licitum sit, hostem sui confœderati, dictis priori articulo rebus juvare; id tamen ita erit interpretandum, ut navigatio atq; usus commerciorum liber sit, subditis cujusq; cum hoste fœderati, qui alia de causa, quàm ob hoc fœdus, bello cum fœderatorum altero fuerit immixtus; ut salvo hoc fœdere, subditis ejus, cui bellum non est, libere liceat navigare, & commercia sua quacunque exercere cum subditis hostium dicti fœderati: Hoc tamen excepto & reservato, ut si quis vel urbem, vel munimentum quodcunque aliud seu justa obsidione aggrediatur, seu circumfedeat, animo, in suam potestatem cogendi & adigendi, alter confœderatorum tam diu suspendat navigationem in ea loca, atque commerciorum usu abstineat, subditosque suos jubeat suspendere & abstinere, donec illa urbs vel munimentum, vi aut pactis occupatum, vel occupatione desperata, obsidio aut circumsessio soluta fuerint.* Quæ hic communis Fœderatorum utilitas dictavit, valde accedunt ad æquitatem juris naturæ, mediis quoque & quiescentibus indulgendam.

Pace, quæ anno hujus sæculi quarto Hispaniæ inter & Angliæ Reges convenit, id singillatim & subtiliter cautum est, ut Britanni neutras partes foverent in bello, quod Hispani cum Fœderatis Belgij Ordinibus gerebant: ejusque quietis & mediæ conditionis, sive fructu, sive jure gauderent, quod ita fere designabatur, describente Hugone Grotio: *Hostes rebellesque alterius alter ne juvaret, neu juvari à suis pateretur: attamen privatorum facta in ipsis vindicarentur, pace publica incolumi. Flissingam & Brilam (quæ oppida, ut Austriacæ ditionis, restitui Archiduces petebant) per pactorum fidem negabat se Britannus Hispano posse tradere: interim milites, qui ista oppida servarent, impermixtos bello fore. Pacandis Batavis una operam darent: si quid esset mora, saltem ut comœaturis inter se Belgis Anglisque iter patefceret.* Britannis Ba-

*Hist. lib. 13.  
add. Thuan.  
lib. 139.*

*savi-*

*tavicas merces in Hispaniam, Hispanicas in Bataviam vētare interdīctum.* Ex eodem juris fonte lubinde Batavi, cum Rege Jacobo egerunt. *Postulabat à Batavis, ne prohiberent Britannos, è mari intrato Scalde Antverpiam subvehi, solutis vētigalibus, quanta cives penderent. Illi vero excusāvere, ostēso haud injuria institutum sibi, ne quis ad hostes, nisi mutatis navibus, pervaderet; quo certius cuncta explorarentur: nec agere ferendum, si possessio à se flumini legem imponerent, cum Hispani etiam maris vias amicis auderent praecludere.* Qui hæc inter se ad illum, quem dixi, modum statuerunt, non crediderunt certe, favorem commerciorum ipso jure tantum esse, ut omnis ratio militiæ & status bellantium, debeat libertati eorum cedere. Cujus generis infinita sunt exempla.

Sicut autem, qui neutras partes sequuntur, sedulo operam dant, ne actionibus eorum militaribus misceantur: ita nec bellantibus fas est, in pacatis locis, ac regionibus juri quietorum subjectis, suas offensas exequi. Quæ res crebra disputatione agitata est. Cum anno hujus sæculi quinto, Belgicæ naves Hispanos apud Doberniam adortæ essent, *Dobernienses, dum mari pugnabatur, (Grotij verba refero) spectato-* *Hist. lib. 14.*  
*res, mox irati, bellum solo suo importari (in portu enim constitutos Hispanos non cessabant infestare Belgæ) globos ex arce jaciebant pro nuper-hostibus in amicos veteres. Batavos ob hac*  
*ausa criminantibus postea Britannis responsum, non quasitas à se Britannia in fluminibus naves, quod tamen impune Dunker-*  
*kani fecissent; sed calentem victoriæ impetum hostem magis su-*  
*um, quam terra marisque confinium respexisse. At ipsi haud*  
*æque facile purgabant, quod specie scrutandi Anglos, qui contra Regis edictum mari militarent, haud ita dudum naves*  
*Hispanicas, partim Batavis prædam, suum in littus pertraxerant, datisque pro legato Philippi (Hisp. Regis) vindictis, vim belli eluserant per juris imaginem.* Non reperit aliud, quod pro Batavis suis diceret Grotius, quàm ut excusando victoriæ impetum, culpam fateretur; & paria à Britannis peccata ostendendo, litem lite resolveret. Est recentius hujus disputationis exemplum in prælio anni 1639, quo Martinus Trompius Hispanorum classem in Dunis Britannicis expugnavit, cepit-

*Orat paneg.  
de Vict. Hi-  
span. classe.*

que. Quam victoriam celebrans *Barlaeus*, in hostes culpam confert, eadem exultatione, adeoque confessione defungens, qua modo *Grotius*. Postquam, inquit, cavisset *Trompius*, ne mandato & obtento *Britannici Regis* in stationem istam juri, temere contravenirent sui, prior ab hoste imperitus, & uno ex suis desiderato, sine feciali classico cani imperat; dum spectator pugna *Britannus* cum navium parte extra partes manet. Subinde: *Serenissimus Rex Carolus*, federis sui, quod sacrosanctum habet, memor, classis sue praefecto quietem imperavit, & laudatissimo exemplo *Hispania* simul *Patribusque*, eundem se, durante conflictu, praeiit. misertus ad extremum quarundam navium *Hispanicarum*, quas à tanto naufragio in suos usus servavit. Iterum: Ambiguos habuit cives vestros, non vos, an ista rerum facie, illo loco, ubi *Duna Britannica* sunt, & quem veneranda *Britannorum* majestas sibi ut proprium vendicat; justum esset, hostem invadere. Verum, liceat liberum verbum in libertatis regno effari. Necessitas, *Patres*, ante rationem est, maxime in bello; quo raro permittitur, pugnandi tempora ad clepsydram exigere, & loca conflictus decempeda anxie definire. conclusa harebant *Hispanica* naves, in *Albionis* statione, sub *Regis summi*, ut videbatur, patrocinio, ut quantum in nobis esset animi, ob metum regia majestatis experirentur. Haud dubium, si neglexissetis *Hispanum*, arma nobis trans mare inferrentem, contemti & *Britanno* & ipsi *Hispano* & finitimis fuissetis. Nunc postquam laesi primum, invasistis, & invictos vos pernicie hostium probastis, quis dubitabit patere victoribus maria? Quae oratoriis fere coloribus adornata, *Johannes à Sande* apertius & citra dissimulationem refert. Fatetur *Thalassiarum Anglorum Joh. Penningtonium*, monuisse *Trompium*, ne quid in *Baiis* regiis auderet: mandatum enim, sibi à Rege suo, ut adversus primum aggressorem, cum oppugnatis staret. *Hispanos* subinde initium fecisse, emissio in vela celocis *Trompianæ* globo; iterum, glande prostrato de locis navalibus uno in nave *Belgica*: cujus cadaver ad *Penningtonium* missum, probandæ offensionis ab *Hispanis* captae, & exigendi contra primos injuriæ auctores auxilij. Rem *Penningtonio* neglectam,

*Epist. Histor.  
Belg.*

Etiam, suspectos fecisse Anglorum animos: itaque Trompium, acceptis de pugna mandatis, viginti & octo navibus, quibus quatuor incendiariae adjunctae erant, negotium dedisse, ut certamine orto classem Anglicam observarent, si quid illa moveretur: à Penningtonio autem literis sub initium pugnae contendisse, ut vel Belgis primum infestatis auxiliaretur, vel certe pugnantibus non interveniret. Additur quidem interpretatio denuntiationis Penningtonii, tanquam violata ab Hispanis Anglica statione, ex ipsius Regis Angliæ mandato & voluntate Belgis jus pugnandi natum esset: non sine dubitatione tamen, de voluntate Regia. Sequitur enim clausula: *Si vero sua Majestati hac actio non arriserit, clementia nobis factum condonabit.* In quibus verbis, confessio satis clara, alicujus facti, solo eventu judicandi. Nisi enim aliunde subesset Belgis spes, Britannos belli hujus turbis involvi nolle, forte minus liberaliter mandata Regia interpretati essent. Cum praesertim Hispani factum excusassent: neque id tanti esse videretur, ut non nisi praelio expiari posset. Insignia sunt, quae congestit, juri Anglico adversus infestationes mutuas exterorum in aestuariis, sinubus, portubus, & Regiis in mari Cameris tuendo, *Ioh. Seldenus in Thalassocratico lib. 2. cap. 22.*

Videri quidem posset hoc jus adversari iis, quae ante dicta sunt, de non impediendis actionibus militantium partium: sed manifestum est, jus infestandi hostis in justa etiam militia restringi, & limitibus quibusdam includi, per imperium & dominium loci pacati. Licebit tibi jus tuum persequi, in tuo solo, in hostili solo, in solo nullius, in mari, quatenus id extra imperium cujusquam est: non in portu, cujus jus sibi vindicat aliquis populus; non in solo pacatorum populorum juri subiecto. Quae ultra tendunt, figurate dicta putabis. sicut bene explicat Grotius. Facta quoque in contrarium adducta, *l. B. 3, 4, 8. & 3. 6. 26.* non imminuent auctoritatem juris gentium, sed vel de injuria testabuntur, vel infirmitatem aut patientiam gentium pacarum ostendent. Solet equidem evenire, ut admissio in pacatas terras hoste, qui arceri poterat, altera pars non immerito sequi se posse, & bellum eodem transferre, opinetur. Neque

est, quod valide dici contra queat. Evenit tamen, ut haud æque in expedito sit illa dubitatio. Spectemus exemplum, deductis nominibus. Obsessa pars hostilium copiarum, cum inopia rerum ad deditionem urgeretur, per pacati induciis populi fines fuga evasit. Non ausus est fugientes persequi dux obsessor, reverentiâ pacati fœdere induciarum loci. Licet enim induciæ non tollant bellum, sed differant: effectu tamen pro pacatis habentur terris, quibus ea pactioe quies certi temporis parta est. Quid si dux obsessor exemplum fugientium secutus, eadem rapuisset victrices copias? Pacati hactenus soli domino, æqua adversus utrumque querela nasceretur. Sed an Principi suo potuisset excusare, qui absque mandato voluisset ulcisci transitum à pacatis hosti permissum, valde dubito. Prudens quidem dux, nunquam temere fecerit, quod an probaturus sit Princeps, dubitat. Disceptata subinde res est literis, incusatiq; sunt, per quorum fines iter fugientibus patuerat. Responderunt illi: se petentibus transitum negasse, præterque suam opinionem factum, quod ausi nihilominus essent fugientes id iter rapere. sed nec impediri eos tam subito à se potuisse. Geminatæ sunt literæ ab altera parte, denunciante summo duce, pro ruptis habitum iri inducias, si iterum hostibus illac via pateret; secuturis eodem jure, copiasque in ea loca, quæ hostis peteret, translaturis, quibuscum induciæ pactæ erant. Opponebatur in vicem huic denunciationi sanctimonia fœderis induciarum, propositique de non rumpendis induciis sinceritas, qua salva, fieri possent interdum apud fines parum munitos, quæ nullo consilio dominorum loci votove juvarentur. Sed hæc quidem inter duces & summos rerum administratos disputata sunt: stetitque induciarum de cetero pactio.

Pergendum est ad similes quæstiones, quid liceat in solo pacatorum, sive in solum pacatum. Quamvis enim pacati populi latius dicantur, quicumque bello sunt impermixti, etiam longissimis disjuncti intervallis; medii autem, quos vel situs periculis belli admove videtur, vel postulata bellantium, de societate interpellarunt, vel fœdus cum bellantibus, de non jungendis armis initum, quiete donavit: pacatorum  
tamen

tamen vocabulo hic medios intelligi, signarique nil prohibet. Jactatur ergo sæpius apud bellantes, titulus *necessitatis*: sive *l. B. 2, 2, 10.* *jus necessitatis*, ut Grotius, aut *ratio belli*, sicut hodie loquuntur. Grotius ita statuit: *Ei, qui pium bellum gerit, licere locum occupare, qui situs sit in solo pacato; nimirum, si non imaginarium, sed certum sit periculum, ne hostis eum locum invadat, & inde irreparabilia damna det; deinde si nihil sumatur, quod non ad cautionem sit necessarium, puta, nuda loci custodia, relicta domino vero jurisdictione & fructibus: postremo si id fiat animo reddenda custodia, simulatque necessitas illa cessaverit.* Atque hoc jus deducit Grotius, tanquam post introducta rerum dominia reliquias; ex veteri illa communione, quam principio capitis adornare non dubitavit, destructam gravibus argumentis à doctissimo Strachio in *dissertatione de imperio cap. 1, §. 6.* *maris.* Bene de reliquo factum, quod arctis limitibus rem *o-* *diolam* constringendam judicavit. Quo accedit & illud, paulo ante dictum: *jus hic esse non plenum.* Revera enim hæc in *l. B. 2, 2, 9.* iis habenda sunt, quæ non fiunt sine culpa & injuria, sed recepta fere gentibus consuetudine, dissimulantur, aut casibus belli condonantur. Nam quod nonnemo hic de *commutatione spontanea*, sciente domino pacati soli facta, fingit, præter rem nostram est. neque enim pro medio se gesserit, qui suo consensu ab alterutra parte bellantium siverit occupari locum in solo suo situm. Magna nobis copia esset memorandi exempla harum disputationum ex bellis hujus sæculi Germanicis. Nihil illo titulo, & simulacro juris frequentius: sed altum de limitibus positus, & temperamento æquitatis modo descriptæ, silentium. Neque enim vel jurisdictio, vel fructus, vel necessitatis obtentu, facta rerum commutatione, cessante, restitutio, verum dominum sequebantur. Ut ab hostibus capta, non nisi finito bello, & interventu pactionis, reddi vidimus, quamvis pacato in solo occupata. Quantum ad illum metum attinet, ne hostis occupet locum, primò videndum est, an non possit impediri hostis, ne occupet: deinde, quia sine injuria id facere hostis non potest, an imitari & præcipere propositum inferendæ pacatis injuriæ fas sit, exquirendum est. Non male

*l. B. 2, 1, 17.* male enim huc adferas, quod alibi *Grotius* monet: *Adversus incertes metus, à divina providentia & innoxia cautione, non à vi præsidium petendum est.* Vere ista, sed, ut mores & homines sunt, plerunque frustra dicuntur.

Dubitabile enim haud raro redditur, quod revera indubie æstimationis est. Quæsitum meminimus, an hostis quidem nostri, sed pacatas vi alterius pactionis atque exceptas bello regiones, invadere & occupare liceat? Res ipsa loquitur, non licere, quin eadem opera rupta censeatur pax illa altera, quæ illas regiones bello inaccessas præstabat. Unde & confortibus pacis, ad conservandam, ejus fidem, mutuo nexu adstrictis, jure maximo tueri regiones illas armis, vimque vi depellere liceret. nisi quod deliberatio de armis quamquam juste sumendis, moras trahere, & majora audentibus metum demere fere solet.

Quod si de pacato populo aliqui intra præsidia hostium  
*l. B. 3, 4, 7.* sunt ante bellum eo protecti; tum *post modicum tempus, intra quod discedere potuerunt, jure gentium pro hostibus eos haberi posse, Grotius* censet. Intellige, si non retenti sunt præter suam voluntatem apud hostes. Quod vel ita fit, ut opera eorum militari hostis utatur; vel eâ non utens, aliis de causis dimittere eos nolit. Qui operam militarem ipso actu præstat, & arma contra fert, quanquam invitatus id facit, hostilia patitur in impetu belli, non inopinabili ratione. Neque enim in puncto temporis dijudicari possunt, quibus temperamentum juris bellici suadet. Extra actum militarem apud hostes in castris & urbe capta deprehensi, merito fruuntur illo  
*l. B. 3, 11, 10.* temperamento, quod *Grotius* alibi commendat. Quod in Academicis ad Studiosos, etiam cum sub signis ordinati, extra actum tamen militarem positi, deprehenduntur, pertinere debet. Musis enim neutras partes sequi, suo jure licet. Si tamen sponte quis suâ illo se privilegio quietis privaverit, animumque & impetum hostilem induerit, jam non ut literarum, sed castrorum sectator habetur.

Ejusdem generis est, quod de rebus apud hostes quidem repertis, in urbibus aut intra præsidia eorum, sed quorum domini-



mini nec hostibus sunt subditi, nec hostilis animi, *Grotius* annotat & explicat: *bello eas acquiri non posse.*

*I. B. 3, 6, 5.  
& 6 & 26.*

Facit quosdam medios ratio fœderis, cum altera bellantium parte vel utraque init; sed quod ad societatem belli non obligat. Tum enim bellantes, si impetrare non possunt auxilia, id saltem suo jure videntur postulare, ne contra suas partes aliquid moveant, aut fœdera nova, sibi nocitura, ineant. Ita Rex Galliarum Carolus, Ludovici XI. filius, in Italia bellum gerens, Veneti per legatum, qui hæc describit, demonstravit: *per illud fœdus, quod & secum haberent, & quod cum pariente suo fecissent, non licere ipsis, quoquo modo Gallorum adversariis adesse, & Regem simili conditione ipsis devinctum teneri: multo minus etiam licere ipsis, inire fœdus illud, de quo tunc frequens admodum rumor increbruerat: quod si faciant, discedere ipsos ab eo, quod convenisset, & violari pacta.* Sed Veneti ad solitas simulationis artes conversi, & in Turcam parari id fœdus causari, non prius aperte agendum sibi putarunt, quam cum fœderis pactio penitus esset confecta. Quasi huic historiæ locum, quia nobilibus hujus disputationis momentis conferitur. Veneti enim, cum crederent, fieri non posse, ut Galli in Italia multum procederent, amicitiam præ se tulerunt, neque quicquam ipsis adversum se moturos, quin bona officia præstituros, confirmarunt. Sed, ubi successus Gallorum metum ipsis incussere, statim apparuit voluntas, & persona parum sincere quiescentibus detracta est. Callida hæc quietis & amicitiae ostentatio nec laudem habere potest, & ex invidia periculum simulatoribus ingens creare solet. nisi quod viribus confidunt, qui jure gloriari non possunt. Quod in rumpendo fœdere, re tam sancta, amplius etiam intelligitur. Quid enim usitatus, quam fœdera sanctissimis formulis contracta, ut primum utilitas communis, solum scilicet pro moribus temporum vinculum amicitiae, mutari cœpta est, ultro rumpi, & in contrarium mutari?

Quæri ergo hic potest, quid liceat in medios, qui vel vacuum studio partium animum ostentant, per occultas tamen molitiones, alterutri aut utrique adversa struunt: vel fœ-

M m m m m

dera-

*Phil Cami-  
na. de bell.  
Neap. lib. 2.  
incerp. Slet-  
dan.*



lib. 45.

derati alteri, adversario ejus clam student: vel utrique fœderati, diversis studiis, hunc adjutum, illum depressum cupiunt. Primum omnium, nihil suspicionibus, in re tanta, & argumenti odiosi, statuere oportet. Quod si autem rerum testimonia, non sinunt dubitabilem esse animum ejusmodi hominum, stolidum sane fuerit, verbis potius, quam factis credere. id quod *Cicero* dissevit amplius apud *Dionem Cassium*. Hostium itaque loco habendi, ac si facultas datur, persequendi, puniendique veniunt, qui *amicitia specie fefellerunt*. Nisi quis altiore magni animi proposito, de jure suo cedere, quam bellis implicari malit. Quæ consilii quæstio est: & à momentis eventuum belli pendet. Modo enim bello intenti & hostibus oppositis, connivere ad ista, aut veluti surdo auditu, quanvis magna transmittere coguntur: modo apud fores ejusmodi simulatorum constituti, variis rerum verborumque imaginibus se deludi sentiunt: modo, finito bello, novis discordiis non est locus; vel, quod abolita fraudis memoria inclusi sunt pace illi ancipites amici; vel, quod alia ratione muniti vim non metuunt. Quomodo autem interim, cum iis agendum? Plerique iisdem artibus petendos existimant, quibus alios decipiunt. Hinc negotiationis & legationum species sæpe producit, donec ex improvviso arma in subdolos convertantur. Majoris animi videtur, arguere artes & exprobrare: quo modo nonnullos pudor aut metus emendavit. Nisi quod necessaria interdum dissimulatio, securitati potius, quam ultioni consulendum, dicat.

Illis porro, qui medii sunt, præcipue id datum negotii creditur, ut discordantes ad pacem & consensionem temperare summa ope studeant. Ac interdum quidem concessa pactis quies, sane additam legem habet, de opera reconciliandis sibi invicem bellantibus seriò & diligenter sumenda. Ubi autem disertis verbis de ea re nihil convenit, specimen tamen animi bona fide quieti, ceu propria medii virtus, in eo ponitur, si de reducenda apud dissidentes pace, indefesso sibi studio contendendum existiment. Qui lege sive pactione medii sunt, illis, si vel maxime vellent, non semper integrum est, nego-

tio

tio tam arduo manus admoveere, si præsertim sint minus potentes, aut validæ auctoritatis. Sed qui de cetero extra partes sunt, præsertim Christiani inter Christianos, merito suam operam in reconcilianda pace offerunt, præstantque. Quæ nec facile repudiatur. nisi constet, eum, qui has partes suscipere vult, verbo quidem utrisque, re autem vera alteri parti studere; alterius commodis & causæ adversari. Erit ergo officium eorum, quos sequestres, internuntios, vulgo parum Latine Mediatores vocant, ut mature bellantium iras interpellent; neque expectent, donec cædes cædibus, damna damnis cumulata fuerint. Deinde, ut æquos se utrisque præbeant, in quantum manifesta causæ momenta patiuntur. Denique, ut prudentia sua & moderatione, quæ nocitura sunt negotiationi, prævertant, extinguant, minuant; validis rerum argumentis utantur; minis & objurgationibus abstineant. An addemus, ne suis commodis inter pacificandum studeant? Frustra id quidem, & iniquè à se id peti, judicaverint. Ut enim hodie sæculum est, vix serio pacem aliorum amant aut procurant, nisi qui suas in utilitates sperant. Finge, abesse hoc propositum; non aberunt certe studia animorum, occultæ æmulationes, spes metusve, perpetua animorum consiliorumque inter homines intertrimenta. Quia ergo pax & bellum aliorum, multis in quæstu esse solet, factum haud raro videmus, ut partes bellantes plane non admitterent ejusmodi proxenetas: vel, suasorias quidem pacis & cohortationes admitterent, negotiationi autem pacis neminem alium admove-  
rent. Quæritur, an sine injuria offerentis, talis opera recusari possit? Quidni? Quælibet enim civitas, suarum rerum arbitria ita sibi vindicat soli, ut aliis interventuris vel viam claudere, vel limites ponere, suo jure possit. Absit modo superbia, & contumtor animus: quo irritari plurimum solent, quorum auctoritas spernitur. Consilio enim opus est & cautione, ut animadvertas, quid, cui, quomodo negatum eas. Sic ut & in ipsa negotiatione, si nihil proficitur intervenientiuræ auctoritate, offensio gravissima contrahi potest.

*Greg. I. B. 3.  
20, 46. &c.*

Ut arbitratores, aut arbitri compromissarij adfiscantur mediis populi principesque, superiore sæculo nondum desitum, magis magisque in desuetudinem abire videtur. Ratio non est in obscuro. Ita enim plerarumque civitatum commoda & incommoda mutuis studiis propositisque, clam palam sunt implicita ac permixta, ut vix securo animo eligere velint bellantes, cujus statum animumque nihil præter alienum bonum spectare credant. nisi quod in parte negotiationis de pace instituta, Mediatoribus, quos vocant, quædam committi ratio est, ut quod æquius melius videtur, definiant. Reperiuntur pacta inter certos populos, quibus controversiæ sorte orituræ ad arbitros rejiciuntur. Satiusne est tum, nominatim designari Principes, an delectum tempori reservare? Utrumque factum novimus. Posterius moras trahere potest, & difficultatibus implicari: nec prius, propter fragilitatem & crebras commutationes rerum humanarum, plane videtur vacare periculo. Quare multo provisu futuri, & solerti cautione versandum est in illa consultatione. De arbitris oblati, nec recepti, videre licet *Camdeni historiam in anno 1560. part. 4. Elisab. pag. 768.*

*Sigon. de  
regn. Ital.  
lib. 18.*

*Id. lib. 19*

Conatus eludendi arbitrii in Bononiensibus apparuit, qui, cum anno Christiano 1249. cum Mutinensibus pacem fecissent, controversia de Friniano, quod utraque civitas sibi vindicabat, ad arbitros rejecta est. Itaque XIII. Kal. Jan. Octaviano Cardinali, & Iacobo Episcopo Bononiensi presentibus, civitatis utriusque procuratores certa interposita pœna compromiserunt in Hugonem (Sanvitalem, nuntium à Parmensibus ad id missum) & arbitros à Communi Parma datos, de omni lite, quæ inter Bononienses & Mutinenses super Friniani possessione posses existere: jurantes se staturos sententiæ arbitrioque Communi Parma, quod prætor aut alius rector urbis ejus tulisset. Tergiversati sunt, quamquam interposito jurejurando arbitris litem submisissent, Bononienses: & post quintum annum nondum possessio Friniani reddita Mutinensibus erat, (verbo Sigonij refero) cujus rei judicium ad prætorem Parma ex pacto rejecerant. Itaque VIII. Kal. Junij Gsbertus prætor Parma nuntius

tiis Bononiam missis, Ricardum prætorem, Antianos (magistratus hic tribunis plebis comparatur) Consiliumque rogavit, ut aut Frinianum Mutinensibus remitterent, aut procuratores Parmam ad respondendum Mutinensibus mitterent. Qua re audita Bononienses primum à Mutinensibus per legatum postularunt, ut jura sua apud se potius quam Parma exponere, & Frinianum suo potius quàm alieno recuperare beneficio vellent. & cum nihil impetrassent, XVII. Kal. Julias Parmam misso nuntio Gibertum (prætorem) orarunt, ut arbitrium pronuntiare differret. Verum cum rogatus nuntius, num mandatum ad respondendum haberet? se habere negasset; neque arbitrii dilationem postulare posse, judicatus est. Instante dehinc Mutinensi, iterum monitus est Ricardus, de mittendo ante certam diem idoneo procuratore. Quæ cum adventaret, Bononienses ad novas artes conversi, Mutinam miserunt petitem: ut Mutinenses diem judicii prorogari paterentur, ac procuratorem, quem Parmam miserant, revocarent. nam se comiter per communes amicos transigere velle. additæ sunt blanditiis minæ, quibus ex pacto juberentur Mutinenses diruere castra citra Scultemnam. Quibus peractis Parmam jussus erat ire nuntius, dilationeque arbitrii rursus petita, locum tutiorem Bononiensibus postulare, quibus iter Parmense à Regiensibus haud satis securum esset. Instante autem Mutinensi procuratore, ut primo quoque tempore pronuntiaretur, Bononiensi vero diem largiorem ac locum tutum ad disceptationem causæ postulante, Gibertus interfatus tertiam ab eo diem constituit. quæ ubi illuxit, petitionem Bononiensium de loco tuto præstando rejecit, inquit, legatos Bononienses alias venisse secure. & fidem à Regiensibus impetrare haud difficulter posse, aut per limites remotiores tuto transire. Quo responso Bononiensis confusus, iterum concilium generale & speciale poposcit: cumque ibi eadem iterasset, prætor ejus petitionem repudiavit, atque generali consilio advocato ita pronuntiavit: Nos Gibertus de Gente prætor Parma, arbiter inter Commune Bononia & Commune Mutina super Friniani disceptatione delecti, juris solemnitate servata pronuntiamus: Frinianum, homines, oppida, & loca, cum eorundem jurisdictione ad Commune Mutina

*pertinere, & sine ulla exceptione illi à Communi Bononia esse dimittenda; præcipimusque eidem Communi Bononia, ut ea intra mensis spacium libere dimissa habeat, alioquin multam in compromisso expressam persolvat. Qui has tricas Italas considerat, quo animo pacti sint Bononienſes & jurati, facile intelliget: neque minus in hoc exemplo, quid de arbitris multi sentiant, animadvertet. Cujus tamen argumenti alia est inspectio.*

## XXXV.

DE COLLOQUIIS ET  
CONGRESSIBUS PRINCIPUM.

## I.

**C**olloqui solent Principes, etiam per *Literas*, & *Legatos internuntiosque*. quæ frequentissima illis consuetudo olim & hodiè fuit. Hic autem de illis Colloquiis sermo est, ubi *Colloquendi causa ipsi Principes congregiuntur & in unum conveniunt.*

II. Solent tales congressus esse, vel *officiosi*, vel *negotiosi*, vel *mixti*.

III. *Officiosi* congressus, *Nuptiarum*, *Funerum*, aliorumque *solennium temporum*, *spectaculorum*, *lætitiarumque*, aut *videndi se invicem causa*, ferè institui solent.

IV. *Negotiosos*, magnarum rerum explicandarum spes & desiderium cogit: ut citius, & plenius conficiantur, quæ inter præſentes tractantur.

V. *Mixti* generis Congressus, crebra occasio suadet: dum vel dissimulare officii specie ardua rerum, vel officiosas occupationes, seriis gravibusque negotiis temperare, inter artes & consilia Principum habetur.

VI. Nobis nunc *Negotiosi* & *Mixti* Principum congressus propositi sunt: & quidem eorum Principum, qui summa civi-

civili potestate præditi, rerum temporumque domini audiunt.

VII. Negotiosi sunt vel causa *Belli*, tum *vitandi*, tum *finiendi*: vel causa *Pacis*, tum conservandæ, per amicitias, & varias necessitudines, tum amplificandæ ornandæque per commercia, fœdera, communicationes consiliorum, connexiones utilitatum. Interdum ex his quoque rerum generibus jungi plura videas, & rem unam non uno fine suscipi.

VIII. *Grotius* inter tres modos, quibus vitari potest, ne controversia in Bellum erumpant; primum facit, *Colloquium*, de I.B. lib. 2. c. 23. §. 7. complexus hac appellatione, quicquid comprehendere potest; *Legatorum* scilicet ac *internunciorum* opera non exclusa. Est tamen, cum & ipsorum Principum conspectus mutuus colloquioque magnum ad bellum vitandum creditur habere momentum. Quamvis illa spes, suos auctores sæpè frustra habuerit.

IX. *Quid juris consequantur debeantve, qui colloquium vitando bello, vel petunt vel admittunt*; quæritur. Respondet *Grotius*: Tacite utrosque obligari, ne colloquium collocutoribus noxium sit. Et mox addit: hoc sufficere; etiamsi is, qui postulat vel admisit colloquium, hoc prætextu & tempore suas res meliores, alterius collocutoris deteriores fecerit. Vim enim promissi, quod subest omni colloquii postulationi, ultra non extendi, quàm ne noceatur in colloquium venientibus. de I.B. lib. 3. c. 24. §. 3. & 4. de I.B. §. 1.

X. Duo autem hujus disputationis sunt tempora: vel, antequam apparatur, apparatusve est bellum vel antequam apparato jam bello, ad actus hostiles veniatur. Tempore, quod paratum belli antecedit, ideo postulare aut admittere colloquium, ut interim spatium lucreris apparandi belli, usitata bellantium ars, & propterea jus licitum, haberi solet. Quod fortasse aliquà habet opus explicatione. Non enim consilii modò, sed juris est, ut bellum, quamvis ex justa causa suscipi queat, non suscipiatur, nisi, rebus repetitis, sive tentatâ vitandi belli viâ, pax aliter quàm bello retineri aut stabiliri nequeat. Si colloquium vitando bello nondum apparato, quæritur, jus non minùs postulat, ut seriò hoc, absque fraude, quærat, quàm ut quærat.

Grot. 2. 24.

XI. Sed

XI. Sed, quæ est rerum humanarum imperfectio, alter, cujus colloquium desiderasti, interim molitur alia, tibi nocitura. an quiescas, nec imiteris hanc vafriciem? Primo, nihil ex suspicione, aut rumore non fundatissimo, statuendum. Deinde, si res certa est, quantum in moralibus esse potest, licebit quidem defensioni necessaria comparare; etiam offensionis, dum modò à te non oriatur injuriæ initium: sive, ut ad interius tribunal conscientiae propius accedamus, dum modò non propositus tibi sit dolus & ultio, sed cautio & securitas.

XII. Plus varietatis est in consiliis, *apparato jam bello*, colloquium optantibus. Sunt illi, qui colloquium petunt admittuntve, in eo statu, ut ~~diffidere~~, ut dolo bellico fallere invicem, nefas sibi non esse, reputent. Sed ab hoc, quaecunque est, jure sua sponte recedunt, qui de pace colloqui se velles, præ se ferunt. Fides enim, perpetuum actionum humanarum, non bello minus quam pace, vinculum, intercessit. *At coridianum est, simulatione colloqui hostem professum fallere?* Coridianum, sed non justum est. nisi velis id quod consuetudine pro nihilo habetur; aut pro moribus temporum dissimulatur, statim juris nomine donare; aut licentiam & impunitatem, quæ facti sunt, ad sancta æquitatis nomina referre.

XIII. Illud interim à dolo abesse credimus, si vero paciscendi proposito colloquium petieris, & propter incertum eventum in utrumque te comparaveris. Ita Latinus, apud *Lib. 1. c. 1.* *Livium*, cum instructæ acies jam constitissent, *prinsquam signa canerent*, *Aenea evocato ad colloquium*, *admiratur animum Viri vel bello vel paci paratum*. Talis oportet fuerit animus Scipioni & Hannibali, ante prælium decretorium, in colloquium venientibus. *Liv. lib. 10. c. 30.*

XIV. Hæc ferè ad propositum & candorem colloqui volentium pertinent. De cætero, quia ad ejusmodi colloquia non temerè & negligenter descenditur; immutabilis fidei ratio exigit, ut quæ singulatim & sub formula convenere, de loco, tempore, aliisque rebus ad colloquentes & colloquium pertinentibus, accuratè serventur. Sed hæc exemplis clario-  
scribi-



scribitur à Cæsare, quando ipse primum ab Ariovisto, Ariovistus subinde à Cæsare, colloquendi facultatem postulavit. Neuter fortè sincero usus *proposito*. Nam Cæsaris animo, cupido armis experiendi Ariovistum infederat, nisi tamen hominis non minus prudentis quàm bellicosi curas incitaverat reputatio incerti eventus, ut ex petito colloquio minus reprehendi posset, quemcunque fortuna esset datura exitum. Ariovisti quoque, aversum ab omni pacis consilio animum, commoverant partim fiducia Cæsaris, partim auguria quædam & vaticinia. Spem verò obtinendi per colloquium, ne bellaretur, neutri existimem adfuisse.

XV. Ariovistus non tam barbaro ingenio, ut plerique putarunt, in hoc negotio se gessit, aut colloquium prorsus repudiavit. Id enim si fecisset, juris, de quo diximus, violati merito reus postularetur. Sed illi, per quos Cæsar colloquium postulavit, insolentius agere visi sunt; & quodammodo præcipere Ariovisto. Hinc ille, dignitatem sedulo retinendam ratus, non absurde respondit: *si quid ipsi à Cæsare opus esset, sese ad eum venturum fuisse: si quid ille se velit, illum ad se venire oportere.* Addidit rationem potentiorē, cur & suspectum haberi colloquium Cæsaris, & recusari, omninò deberet: eo quod Cæsar armato exercitu ingressus esset *eam provinciam, quam Ariovistus iure victoria sibi vindicabat.* Sicuti enim ab armato hoste, præsertim ubi nulla denuntiatio belli intercessit, legatos admittere, non semper est necesse: ita etiam colloquium eidem denegare, non sunt nullæ causæ, ob quas licet. *Tertia causa*, indidem petitur: quia *sine exercitu ad armatum hostem accedere, periculo; exercitum illuc admolari, difficultate non careret.* Hæc efficiunt, ut invidiæ in Ariovistum concitandæ, quàm historiæ enarrandæ aptiora sint illa, cum Cæsar queritur, *Ariovistum in colloquium venire invitatum, recusasse, nec sibi de communi re dicendum, & cognoscendum putasse.*

*Cæs. lib. 1. B. G. c. 34. & 35.*

*Grot. de R. B. lib. 2. c. 18.*

*S. 3. Cæs. B. G. c. 34. & 42.*

*de B. G. lib. 1. c. 35.*

XVI. Mutato rerum statu, cum ultro colloquium Ariovistus polliceretur, operosior fuit de conditionibus colloquij tractatus: sæpè ultro citroque legatis inter eos missis. Cum *Locus, cap. 42. &*

Nnnnn

Tem- 43.



*Tempusque placuisset, illud quoque Ariovistus petivit, uterq; ut cum equitatu veniret, nullo pedite adducto; & ceteris quidem pari intervallo à loco colloquij abstantibus, uterque ex equis colloquentium, denos secum haberet. Infidiosa est Cæsari visa petitio: quoniam, ut ipse peditatu, ita Ariovistus equitatu præstabat. Sed de dolo tamen facile excusaveris Ariovistum: qui & palam hoc petiit, & securitati, modo, quo fieri potuit, optimo consultum voluit. Sicuti & Cæsar non de equitatu, quem circa se habebat, sed peditum præstantissimos equis impositos assumpsit comites. Ut, in pari proposito, aut nullus ad querelam titulus, aut mutuo astu dissimulandus fuerit.*

XVII. De colloquii capitibus non est hic agendum. Illud potius consideratu dignum est, *an servata sint, qua colloquentibus debebantur.* A parte Ariovisti peccatum esse, palam est: quando *equites ejus, adequitando & lapides telaque in Cæsarianos conjiciendo*, colloquium diremerunt. Ipsum tamen Ariovistum, optimus judicandi auctor, Cæsar excusat, & in militum Germanorum intemperiem causam conjicit; *quod retineri non potuerint, quin in Romanos tela conjicerent.* Quod si Cæsar maluisset jus suum persequi, dedi sibi injuriæ auctores, aut puniri, expetere poterat. Sed præcipua rerum ad famam dirigere solitus; gloriâ servatæ debitæ colloquio fidei contentus, cum *nullum in hostes telum rejici vetuisset*, alteram partem invidia rupti colloquii onerari, in lucro duxit.

XVIII. Non æquè facile se purgaverit Ariovistus altera vice, de *Procilli & Mettj* vinculis: ubi & *hospitj, & gentium, omnisque humanitatis jura* violavit. Prætextus equidem quærebatur: quod non missi essent ad colloquium, quos ipse postulaverat, *legatorum Cæsaris aliquem* ad se mitti contendens. Qua petitione, sicut se ad non nocendum tali legato obligaverat, ita aliis extra talem conditionem positis, nihil se debere, videri voluit. Et fortassè inveniret patronos, si tricas admitti fas esset. Rectior & gravior est sententia, ut is, qui mitti ad se postulat aliquos colloquendi gratia, non tricetur circa missos, etiam si conditio personarum, exempli potius quàm definitionis causa nominata, non sit prorsus eadem.

XIX. Ipse

XIX. Ipse Cæsar, *qui potuit negare colloquium ab Ariovisto denno postulatum?* Potuit, per causam, diremti vi intentatâ prioris colloquij. Potuit iterum, quia alterna petiverat Ariovistus, id est, vel Cæsaris vel Legati cujusdam colloquium. Licuit ergò eligere. Potuit amplius, quia ut colloquium omnino repudiare, animi habetur à jure belli & pacis alieni; ita præsentiam colloquio subtrahere, & ministrorum opera uti, æquum ubique jus est.

XX. Cæpto civili adversus Pompejum bello, Cæsar, colloquium Pompeji sæpius, & prolixè expetiit; ostendens *Cæs. de B.C. fore, uti per colloquia omnes controversiæ componantur; interesse lib. 1. c. 9. Reip. & communis salutis, se cum Pompejo colloqui: neque vero Cic. 24. idem perfici longo itineris spatio, quum per alios conditiones ferantur, ac si coram de omnibus conditionibus disceptetur. Benè ac verè loquitur; an ita etiam senserit, tum quoque, quando magis potuit liquere, dubitatum est: notante Plutarcho. Ci- In Cæs. ceroni certè suspecta fuit ista speciosorum verborum scena, quam Cæsar instruxit: nec Atticus, cum Cicerone dubitavit, simulationem esse apertam, parari autem bellum acerrimè. Si- Cic. ad Attic. lib. 10. cuti autem Cæsari multum favoris vulgò hæc colloquii postu- epist. 1. latio conciliavit; ita recusatio ejusdem non parum invidiæ in Pompejum traxit.*

XXI. Quomodo per crebra colloquia, Scipio Syphacem regem, & Carthaginenses deceperit, *Polybius & Livius retulere, non sine laudatione facti, quos & Grotius in judi- Polyb. 14. hist. Liv. lib. 30. c. 3. & seqq. Gros. de l. B. 3. 24, 4. de l. B. lib. 2. c. 5. lib. 30. c. 4. cando sequitur: & ante eum Albericus Gentilis. Sed quia hæc colloquia nitebantur fide induciarum, nescio an aliquid labis contrahant, ruptis à Romano collocutore induciis. Quod enim induciæ à Scipione ita tolli, & fides ejus liberari, potuerint, sicut Livius memorat, demonstratione ampliore opus habebit, si quis negare velit.*

XXII. Servit, & instituti de Pace colloquij sedula ostentatio, haud rarò consiliis in secreto militiæ destinatis. Hinc sollicitudo & cautela, antequam colloquium admittatur. Anno superioris sæculi lxxxviii. Dux Parmensis suprema armorum Hispanicorum in Belgio arbitria tractans, apud Reginam An-

glia<sup>2</sup> Elisabetham, quæ Belgarum patrocinium susceperat, de pace colloquium non semel expetivit. Regina, dissidendi causas non ignorans, re primum dilata, tandem *de pace, sed armata manu tractare constituit*. Accepit conditionem Parmensis. Tractatum est inter Parmensem & Legatos Regios magna specie. Sed bello interpellatus *in nihilum cecidit hic tractatus*, à Regina, ut prudentiores judicarunt, susceptus ad classem *Hispanicam avertendam; ab Hispano continuatus, ad Angliam imparatam nec opinantem opprimendam: ut pelli Leonina Vulpinam assuere utrinque viderentur*. quod Camdeni valdè simile vero est iudicium. Addenda est *Thuani* uberior descriptio lib. 89. post pr. *Famianus Strada: utriusque partis intererat, dissimulare, se decipi.*

part. 3. hist.  
Elizab.  
Angl. R.  
decad. 2.  
lib. 9.

XXIII. An autem satius sit, ut magni Principes negotia sua per internuntios & ministros potius, quam suo ipsi congressu & colloquio conficiant, non minima est disputatio. *Comineus* valdè dissuadet tales congressus, totamque dissertationem in hanc sententiam extruit, dùm narrat, quanto cum periculo, quantaque imprudentia *Ludovicus XI. Gall. Rex* Peronam accesserit ad colloquium *Caroli Burgundi Pugnacis*. Nec parum auctoritatis habet illa admonitio: profecta scilicet ab eo, qui conscius consiliorum, & in liberando Rege, apud *Burgundum*, cujus tum primus cubicularius erat, laboriosè occupatus, intimè momenta totius negotii introspexerat. Narravit etiam & eodem modo iudicavit *Pontus Henterus* (lib. 5. rer. *Burgund. c. 4.*) ex quo descripsit *Franciscus Haram.*

lib. 3. hist.  
Ludo. XI.

in Annal.  
tom. 1. anno  
1468.  
lib. 3.

XXIV. Causas suæ sententiæ has proponit *Comineus*: primo, quia *intutum sit se alienæ potestati permittere; ex quo religio fidei in ludum verti cepit*: Deinde, quia inter grandiores natu Principes semper aliqua æmulatio versatur, qua non patitur animos satis tranquille & amicè se habere: tertio, quia dissimilitudo ingenij, morum & cultus vel ludibria vel tædia excitare potest: quarto, cum præsertim comites & ministri cientes inter se dissidiis & rixis proni & studiosi esse, soleant; quibus heros ipsos contingit implicari: quinto, quia dimisso conventu omnia etiam secretius dicta factaque utrique palam in argumen-

tum

*tum rumoris trahuntur; uni fortè parti non ingrati, alteri permolesti.* His rationibus adjicit *sex exempla colloquiorum*, in quibus eventus ipem tefellit, & plus mali, quàm boni attulit. Possent & alia non pauca, in eandem sententiam adjici, si nunc id ageremus.

XXV. Non sunt tamen nullæ in contrarium rationes, & exempla, unde constat, magnorum Principum congressus & colloquia, felices aliquando habuisse exitus. Nimirum multa p̄orsus est hujus negotii varietas, in personis, temporibus, causis, apertis & occultis, quæ firmas dari regulas non patitur. Optima prudentiæ pars est, quæ monet, colloquia hujus generis neque suaderi neque suscipi oportere, nisi provisus deliberatisque rationibus, quibus pericula declinentur, & successus promoveantur. Multa enim, quæ impedita sunt, expediuntur consilio & arte. Interdum & necessitas est ante rationem. Nonnunquam altior Heroici spiritus indoles feliciter pervadit, in quibus inferior indoles obhæresceret.

XXVI. Imò, inter easdem personas, non est idem iterati colloqui eventus. Exemplo est ille ipse Carolus Burgundus, quem Cominæus, infeliciter in colloquium Friderici III. Imperatoris venisse ostendit; de quo conscriptam pulcherrimam epistolam, *Arnoldi de Lalaing*, latinè convertit & particula narrationis auxit eximiè doctus vir *Rudolphus Agricola. Freher. tom. 2. script. Germ. p. 155.* Adde *Pont. Heuter. lib. 5. rer. Burgund. c. 8. Barlandum, in Carolo Burg.* aliosque. Atque de hoc quoque colloquio, conjecturas potius, quàm historias afferunt: ut solet fieri in magnis occultisque magnorum Principum rebus. Digressum esse Cæsarem, re infecta; irritum spei relictum Carolum, constat. Sed quod de superbia Caroli, Cæsaris fastidio, afferunt; fortassè inter impedimenta negotii numerari nequit. Nihil horum, in quantum accidere posset, congressuris ignotum erat. & præparati adversum hæc utrinque venerant. Igitur, ni gravior Reipublicæ ratio obstitisset, majoraque à Cæsare petita essent, quàm Reipublicæ tempora, Cæsarisque & Domus Cæsareæ majestas concedi patiebantur; eventus voto respondisset. Sed videbat Fridericus,

quâ erat prudentia, tempus consiliorum elaborandorum, quæ colloquio Trevirensi originem dederant, nondum ematuruisse. Cum eodem postea Carolo (anno 1475.) ad Novesium in secretum colloquium veniens, & pacem Imperio, & Domui suæ amplissima ex matrimonio Filij cum Maria Burgundica incrementa, pænè momento confecit. *Gerard. de Roo Hist. Austr. lib. 8. p. 309.* Unde satis apparet, neque antea apud Treveros, neque nunc Novesij congressis, defuisse virtutem artemque, tractandis per colloquia rebus necessariam. Illud quoque abunde intelligitur, talia fuisse negotia, & ab ejusmodi suspensa momentis, quæ internunciorum opera perfici vix possent.

ap. Jacob.  
Gothofr. de  
jur. preced.  
part. 2. §. 7.  
Bodin. de  
Rep. lib. 5.  
c. 9. n. 144.

XXVII. Multa comitate, & postea negotiorum tractatu insignis congressus fuit *Ejusdem Imperatoris Friderici III. cum Alfonso Aragonia Rege anno 1451.* Comitatus fuit, quod Imperator ex itinere Romano Neapolim ad Regem Alonsum se contulit, inviscendi & colloquendi causa. Quo exemplo revincitur Regula Magistrorum Cæremoniarum, qui vocantur, cum dicunt: *Qui in alterius fines colloquij & congressus ergo transit, minorem se altero proficitur, & minor ad majorem sese confert.* Curiosus fuit in hac expositione *Æneas Sylvius, in Historia Friderici III. (pag. 82.)* Posthac, inquit, *Cæsar Alonsi Regis Aragonum multis precibus oneratus, ut Neapolim sese cum Imperatrice conferret, statuit tanto Regi morem gerere, quamvis id plurimi reprehenderint; qui Regem ad Imperatorem venire, si quid vellet, decentius existimabant. At Cæsar irritas has voces habens, Avunculum suæ conjugis contristari noluit, maximum & clarissimum Regem, sæculi decus: cujus egregia facinora totus orbis decantat: quem victum fortuna vincere non potuit, sed contra ipsa victa est coactaque, Regi bene merenti, cui sæpè nocuerat, demum familiari ejus benefacere. Neque latebat Cæsarem, sæpè Sigismundum antecessorem suum, aliorum Regum hospitia vísitasse: qui nunc Gallorum, nunc Hispanorum Reges adiuvit. In Angliam quoque, & in Poloniam minores Reges acceperat, neque propterea sua dignitas minuta videbatur. Neque ambiguum est, priscos Cæsares sæpè minorum Principum lares ingressos. Hic ipse Æneas, cum postea Pius Papa II. creatus*

tus

rus esset, Cardinalibus, ambitiosius disputantibus regessit: *Vidisse se Cæsarem, sæpè Ducibus & Marchionibus ad se venientibus occurrisse.* Magnam partem magni animi in magnis Principibus tollere vult, qui his tricis nimium intentus est.

*Commen-  
rar. Pij II.  
lib. 3. p. 66.*

XXVIII. Dicamus potius, quod res est, nunquam spernitur, aut sperni potest, Imperatorium nomen. Argutiæ suspicantium sunt, non consilia rectè suadentium, si pompa Imperatoris, vinci credatur ab aliorum pompa Principum. Historia antiqua & nova te docebit, Imperatores, & Imperatorum Legatos, sæpè consulto consilio, pompa luxuriosa abstinuissè, neque de sua prærogativa, quicquam propterea amississe, sed potius alienum fastum flagellasse; exemplo singularis moderationis, quæ non nisi in magnitudinem solidam, id est, superari nesciam, & suo proprioque jure vigentem, competere potest.

XXIX. Plures per annos Maximilianus I. Imperator tractaverat per Legatos, quæ ad arctiorem necessitudinem regnorum Hungariæ, Bohemiæ, Poloniæ integrandam pertinerent. Patuit ad extremum, vix posse ad votorum finem perveniri, nisi congregarentur cum Maximiliano Reges. Hinc celebris ille congressus Cæsaris Maximiliani Augusti & trium Regum, Uladislai Hungariæ, Ludovici Bohemiæ, & Sigismundi Poloniæ, xvii. Julii 1515. Viennæ cæptus, quem Diario consignavit *Joh. Cuspinianus*, & in *Hodæporico* *Matthæi Cardinalis Gurcen-  
sis Riccardus Baribolinus Perusinus.* Plus egit indoles Regia, & necessitudo præstantium animarum in congressu Principum, quam ulla facundia & ars Legatorum inter absentes. Et ubi virtutis comitatisque speciminibus certatur, nihil tam arduum est, quo non possit aspirari. Accedebant hic Charities Regiæ, sui sexus & sæculi decora, firmandis & cum rei publicæ utilitatibus, connectendis illustribus amicitiiis, largo & potenti succellu dispensantes.

*ap. Freher.  
tom. 2.  
scrips.  
germ.*

XXX. Temporis melioris & majoris genij, nec facile imitandum est Rudolphi Primi, postea Imperatoris, factum. Qui dissidium extemporalis colloquio compositurus, ex inopinato inimici, imò jam hostis, Abbatris Sangallensis oppidum adit,

*anno 1572.*

adit, intrōmitti se postulat, litis finiendæ causa. Nec mora: Amicitiam, & societatem cum Abbate, adversus Episcopum Basileensem jungit. Bene speravit de Abbatis fide, & prudentia: nec minus de sua auctoritate, & dexteritate. Fecitque hoc non sine consilio suorum. Assenserunt illi, tempora ingeniaque hominum considerantes. Hodie, puto, inter consultores arduum esset reperire primam ad tale colloquium suadendum vocem. videndus *Ger. de Roo Hist. Austr. lib. 1. pag. 12. § 13.*

XXXI. Fortuna quoque interdum, miris læta negotiis, Principes cogit in colloquia non expetita. Tempestas anno 1506. tam officiosa fuit erga Henricum VII. Angliæ Regem, ut Philippum Castellæ Regem cum Uxore in portum Anglicum Waimutham compelleret. Et licet consilarii, excensionem fieri dissuaderent, Philippus tamen ex nausea ager recreari voluit. Exceptus est multis magnisque officiis à Rege Henrico, qui occasionem haud negligendam ratus, negotia alioquin moras tractura, aut successu caritura, ex spe sua confecit. Congressi erant hi duo Principes ante, anno 1500. & per tres horas collocuti in templo D. Petri, quod uno distat milliari à Caletō. Hinc sermonis initio illato, Philippus Castellæ Rex, *in priore colloquio*, inquit, *munitionem oppidum* (Caletum) *ingredi detrectavi, ejus rei nunc pœnas luere me video.* At Henricus, nihil à murorum aut maris repagulis impedimenti esse; ubi corda paterent, præfatus, omnem honoris cultum obtulit. Post resectas vires Philippi, Henricus remotis arbitris eum aggressus, Comitem Suffolciæ, qui apud Philippum exulabat, reddi sibi petiit, tam instantè; ut, cum Philippus diceret, non suo tantum sed Henrici honori adversum, si ipse quidem supplicem tradidisse, Henricus vero tanquam à captivo id extorsisse, viderentur, ultro addiderit: at ego non ex-tremesco hanc tamam. Philippus Legem sibi imponi videns, redditurum se Comitem, si vitæ ejus parceretur, pactus est. Digna est, quæ legatur colloquii historia apud *Franciscum Baconum de Verulamio, in Henrico VII.* Cæteræ quoque conven-



ventiones ex voto Henrici, manente inter collocutores omni specie honestatis, amicitiae, comitatis, provenerunt.

XXXII. Ad *Germaniam* nostram veniemus, & de colloquiis ac congressibus Principum, in quantum privatis cogitationibus locus aut observatio datur, aliqua repetemus. Ita fere nationis nostrae virtus, sive virtutis indoles, ut *Principes viros sapius convenire, jocos & seria unà celebrare*, è republica videri queat: adgubernante omnia providentiore consilio, quod tam excelsis pectoribus nunquam deesse potest. Si quid dissidii, ut in latè fuso Imperii corpore, inter hunc & illum, subortum est: putare licebit, unici, aut certè, maximè optabilis consilii esse, si *Principes ipsi, adhibitis communibus amicis, congregiantur*. Nam ne ad jurgia & acerbitates perveniat, nec dignatio tantorum nominum, nec praepræparatus colloquio animus, metui patitur. Paucis sæpè horis fortassis componerentur, quæ lites in annos & ætates durare possunt. Non ignotum est, quid contra sentiant alii. Valeat, quod locis, & negotiorum formis tempestivum est. Nobis liceat de genio Nationis Teutonicæ & magnanimitate Principum, optima quæque sperare.

XXXIII. *Comitia Imperij*, magna hujus rei experimenta dederunt. Quot querelæ, non Imperatorum modò, sed Ordinum Imperii, in historiis, in tabulariis publicis extant: *propter absentiam ipsorum Principum* (etiã si Legatos miserant) *nihil potuisse decerni, aut ad consiliorum exitum perveniri?* Hæc est præcipua causa, cur diata diatam pepererit, & extinxerit: sicuti vulgari verbo jactatum est. Multum potest ad coalitionem animorum, unde omnis Reipublicæ felicitas expectanda est, si Imperatoris præsentis majestatem, illa Augusti corporis membra, illa Imperij lumina circumstant; consulunt & consuluntur; dicunt & audiunt sententias, quæ Germaniæ ornamento, hostibus terrori, posteris admirationi futuræ sint. Si in comitialibus congressibus, Imperij & robur & decus consistit (quod communiter prædicatur) fas est profectò optare, ut cum Cæsare ipsi Principes congregiantur, quotiens Reipublica postulat. Atque id Imperatores jam olim literis, qui-

Ooooo

bus

G. Guil. Ze-  
nocar. &  
Scanen-  
burg. in  
Carol. V.  
pag. 272.



bus evocabant Ordines ad comitia, inferebant: *venirent, in honorem Imperatoris & Imperij*. Ipsa quidem negotij natura postulat, ut Legatos mittere satis sit, si quis Principum aliis curis distinetur. Sed fortuna Reipublicæ eo magis florere videtur, quo plures Principes accesserint.

XXXIV. Intercedit huic voto, non nisi pro Republica concipiendo, *moles controversiarum de prerogativa loci. cum sæpè salutem publicam, rem civilem & militarem, atque circa hac deliberationes, deludi ac destitui, tali obtentu, experientia testetur*. Si credimus Jac. Gothofredo. Sunt quidem remedia provisa, in ipsis constitutionibus pragmaticis, quos *Recessus Imperij* vocant; *reservando & protestando*. Sed hæc eò valent, ne quid juris sperati pereat sperantibus: ut autem libenter congre-  
*de jur. praeced. pro- sctor. 3.*  
*1. d. lac. Gothofr.*  
 grediantur, his remediis non efficitur. Fortassis enim rara, nec nostri temporis, vox est, quæ Ulrico Duci Wirtember-  
*gico* tribuitur: *vel post fornacem me collocare, dummodo id, cuius gratia convenimus, efficiamus*. In Comitibus utique minus, quàm aliis in congressibus, id fieri posse, non unas ob causas videtur. Quod autem nonnulli putant, esse facile, regulas tradere, de præcedentia Principum; in eo licebit fortè eras credere, hodiè nihil. Periti rerum Germanicarum, non ignorant, subesse nodos pænè inexplicabiles, nisi fortè aliquid possit amica compositio, auctoritate componentium & magnanimitate simul ac æquanimirate componendorum nixa.

XXXV. De ceteris quoque conventibus, qui legibus & moribus publicis misentur, line dubio eadem existimatio est. Expetit eorum, quos lex vocat, præsentiam salus Imperij; estque salubrius Reipublicæ, si ipsi Principes singulorum negotiorum momenta introspeciant, quàm si peritos tantum habeant legatos. De conventibus familiaribus, & extra juris publici regulam institutis, non esse hic agendum, ab initio dictum est. Quamquam & isti nonnunquam seria miscent: utut  
*1. P. lib. 5. c. 3. n. 103.*  
*suspicionibus obnoxii*. Refert Limnaus decretum sive legem de vitandis invitationibus ad liberales & æquales hantus, per terras multorum Principum, ibi nominatorum, qui Heidelbergæ ad sagittandum ex arcu chalybeo, nobili id tempo-

ris exercitatione, convenerant. Addit consilii rationem *Hu-*  
*bertus Thomas Leodius*: Convenerunt, inquit, invitati viginti *Annal. 26.*  
 Principes, multi Comites, Barones, & ex civitatibus innume- *5. ult. Frid.*  
 ri Cives; proposita enim erant vincentibus in arte sagittandi pre- *11. Pal.*  
 mia certa. Ne autem tantus sumtus ludorum factus diceretur, *anno 1524.*  
 & omnis suspicio tolleretur, qua jam tum invaluerat, tot prin-  
 cipes propter ludos, haud credibile esse convenire: Statuitur, ne  
 in posterum ad aequales haustus amplius biberetur.

XXXVI. Extat de Comitibus querela, in Conventu Passa-  
 viensi, à Mauricio Electore Saxoniae proposita: in Comitibus agi *ap. Sleidan.*  
 parum amanter, & si quid adferatur ab aliquo pro republica, *lib. 24.*  
 malam in partem accipi: crebris illis conventibus atque diuturnis  
 exhauriri Germaniam, & domi multa saepe negligi; neque  
 tamen publicum statum effici meliorem; imò deteriore aliquan-  
 do, magisque perplexum. Tria in argumentum querimoniae  
 veniunt: primo, Libertatis Senatoriae usus impeditior; deinde,  
 Frequentia sive crebritas comitiorum; denique, Diuturnitas eo-  
 rundem. Sed hæc duo posteriora capita, non taxantur nude,  
 sed in quantum eventus spei non respondit; negotiis publicis  
 per illos crebros diuturnosque conventus non expeditis, sed intri-  
 catis.

XXXVII. Ut Libertati Senatoriae locus sit, satis prospe-  
 ctum est; jure, & consilio. Si enim hæc impediretur, vix al-  
 liud sequi posset, quam ut segregarentur membra unius cor-  
 poris, & divilibus congressibus consilium sibi partitum caperent,  
 quod rectius in commune consultaretur.

XXXVIII. Ne rara sint, & diuturna comitia, jam olim  
 agitatum est, præsertim Maximiliani Primi Imp. tempore: ubi  
 nonnulli proponebant: annua comitia celebrari; nec ultra  
 mensem produci, debere. Hoc, sicut in consultationem venit;  
 ita usu non est frequentatum. Et forte, tam districtè tempus  
 comitiorum definiri, vix è Republicâ fuerit. Igitur Instru-  
 mentum Pacis providè decrevit: Habeantur Comitia, quoties *Artic. 8. §.*  
 id publica utilitas aut necessitas postulaverit. An omnino cer- *Gaudeant,*  
 tum annorum numerum, interpretando definire velint ipsa

Comitia, ultra quem differri non debeat Comitialis congressus, tempus docebit.

*ibid.*

XXXIX. Ne autem vel sumtuosa nimis, vel irrita aut otiosa sint Comitia, facile præstabitur, si, quod amplius Pax Westphalica decernit, *emendentur anteriorum Comitiorum defectus*. Quinam illi? Partim, de quibus ex æquo apud omnes constat: partim qui aliquibus tales videntur, ceteris non item. Manifesta, aut facile manifestanda, non habent vel cognitionem, vel curationem arduam. In ceteris, nimium scrutando aut perplexando, facilius incrementum, quam remedium morbi inveneris.

*Franc. Hist. tom. Francog. cap. 13. § 14.*

XL. In historia Comitiorum Germanicorum, fortassis nec scopum sibi propositum assequuntur; nec explicationi politices Comitialis probè serviunt, qui Comitia, non dicam Constantini M. sed Carolinorum temporum, ab octo amplius sæculis, sæpius in ore & calamo habent. Longe aliud animo constitutum habebat, magnus ceteroquin *Francogallie* auctor, cum antiqua, non ad veritatis notitiam, sed ad causæ, quam susceperat, utilitatem interpretaretur; quam illi sibi proponunt, qui aliis bene, ut arbitrantur, dicta paulo securius hodie describunt.

*G. Goldast, in caus. Boem. l. 3, c. 5. n. 3.*

XLI. *Electorum Principum*, Reipublicæ utiles & gloriosi congressus legales duplices sunt: cum *eligunt Imperatorem*; & cum, *ne quid Resp. detrimenti capiat*, consultant. De priori genere nunc non est agendum, nisi quod in transitu licebit per benevoli lectoris bonam gratiam, è circulis Imperij eliminare figmentum istud, de Decreto Innocentii IV. Papæ & Concilij Lugdunensis, quasi anno 1245. facto. Si quid tale in cerebro sine potestate legitima decernentium natum est, in eodem ut perierit, æquum haberi debet. Ex historia utique praxis nulla ostendi potest.

*Discurs. 5. ad A. B. §. 20.*

XLII. De altero genere, magnificè & accurate decernit *Aurea Bulla* cap. 12. tum sæpe, tum Pace novissima per modum sanctionis Pragmaticæ confirmata. Qua de re graviter locutus est *Arumans* interpretandæ Legi intentus: *Imperator, ut alia, ita & congregationem collegialem ipso inscio singulis an-*

*nis*

nis institnere hac Bulla permittit Electoribus eo, quod multiplices Reipublica cura non patiantur eum omnibus intentum esse: ipsique Electores solida bases Imperij & columna immobiles sint; cujus ideo salutem magis quam ruinam quarent: quodq; per longiores terrarum distantias consistunt; & ideo de emergentibus defectibus referre simul & conferre, sansque consiliis iis providere poterunt. Et postea: Et hic quidem con- S. 25.  
ventus Collegialis omnium optimum remedium in magnis Germania tempestatibus, litibus ac tumultibus reputatur. (ex Pärthen. Litig.) Hujus enim solius medio & remedio S. R. Imperij possessio adversus Pontificis R. molitiones & alias ejusmodi lites & malitias publicas semper fuit conservata & adhuc conservatur.

XLIII. Vera, & in hunc diem, luculentis testata exemplis loquitur. Nec abnuere possunt illi, qui augustum Electorale Collegium sciunt esse cardinem, quo movetur Orbis Imperij: live, hoc esse fatale & sacrosanctum pignus, quod Caput, & membra reliqua, intermedia necessitudine & harmonia consociat, adtemperat, adstringit; & undique continet. Unde non desunt, qui putant, novissimis atrocissimisque bellis contextum Imperij in partes & dissipationem discessurum fuisse, nisi hujus Collegii copula in unitatem obduratum esset.

XLIV. Quamquam autem usus corrector legum, non pauca immutaverit in legislatione Aureæ Bullæ, de his conventibus Electorum Collegialibus, manet tamen Jus ipsum Collegio competens, & Capitulationibus quoque Cæsareis constanter insertum confirmatumque est. *Capitul. Car. V. art. 5.* In *Capitulatione Matthea Imp. art. IV.* ut & in sequentium Impp. Capitulationibus, etiam confœderatio Electorum (Ehur, Gurtl. Gemeine / und sonderbare Rheinische Verein) & congressus colloquiaque denuo confirmantur. In novissima *Leopoldina Capitulatione*, Augustissimus Imperator, etiam ceteris Imperii & Circulorum Statibus, idem Jus Congressuum confirmat, *art. VI.*

XLV. Ceterum, quod *Arumans* ante dixit, Aurea Bulla constitui Electoribus jus habendorum congressuum, *in scio Casare*: id repugnare verbis A. Bullæ, monet *Limnaus ad artic. V. Capitul. Car. V.* Ibi enim Cæsaris arbitrium & præsentia, Electoribus sociatur. Confudisse igitur videtur Arumæus, usum & consuetudinem insecutorum temporum cum legis ipsius litera. Ex usu enim, & glossis authenticis, quæ ex Capitulationibus sumi possunt, constat: Principibus Electoribus licere de Republica convenire, absque venia ad hoc specialiter impetrata. Sed an commode dicatur, *in scio Casare*; quæri potest. Republica enim pacata, non ita se jungitur *pars corporis Imperatorij*, ab Imperatore, ut clam, aut *in scio* hoc, illa, agere velit. Sed nec detrectant Electores, admittere Cæsarem Legatum, si velit talibus congressibus interesse. ut ita propius ad A. B. redeatur. Si quis moderatiora amat, de vocabulo *in scij* putabit quæri: quo si utaris, pro *non de novo consulti aut rogati*, non erit magna dissensio.

*Disc. V. ad  
A. B. §. 21.*

XLVI. Aliud *Arumæi*, sive *Paurmeisteri*, verbum exanimari potest; quando pronuntiat: *Conventum Regimenti Imp. in locum congregationis hujus Electoralis suffectum*, dici posse. Si quis diceret, in locum Comitiorum læpius habendorum Regimentum Imperii successisse, facilius accipi & tolerari posset. Sed Electorali conventui, nunquam abrogato, nunquam intermisso, & tum maximè florenti, subrogatum esse Regimentum, non sine periculo dicitur. Cumque hic conjecturis vix locus sit, historica documenta merito desiderantur: si quis possit promere.

XLVII. Inter pericula, quæ Principum colloquiis nonnunquam intercedunt: id est permolestum, si quis honoris sui jacturam incurrere videtur; dum alieno nomine paciscitur, nihil dubitans de voluntate semel declarata; & postea tamen verba sua retractari & infringi experitur. Accidit hoc, Philippo Austriaco Hispaniæ Principi, anno 1503. Fecerat is Pacem cum Ludovico Galliæ Rege Lugduni, nomine Soceri sui Hisp. R. Ferdinandi. Quæ ubi convenisset, ab utroque mittuntur nuntii in regnum Neapolitanum, belli eo tempore sedem;

dem; ut ab armis discederetur. Parere cupiunt Galli; abnuunt Hispani novo supplemento confirmati. Ægre fert Ludovicus R. & Philippo, non inmerito exprobrat. Hic ad Socerum querulas mittit literas; seque non excessurum Gallia, nisi Ludovico R. satisfactum esset, cordatè profiteretur.

XLVIII. Causatur Ferdinandus, novis Legatis missis, Philippum limites mandati per Abbatem Figieræ perscripti excessisse. Philippus respondet, Abbatis scripturam, nec à Rege nec à Regina signatam, tanti sibi esse non potuisse, quanti erat formula Regum manu sigilloque, munita: quam Regi Ludovico ostendisset, & secundum eam negotium confecisset: neque parum ad contumeliam suam pertinere, quod nunc Reges obtentu alterius mandati submissi conventa detrectarent. Vidit Rex & hospes magnanimus, nullam in Philippo hære culpam; ipsiusque fide laudata, Legatos denuo submissos, audire nolens, regno intra tertium diem excedere iussit. Historiam uberius narratam exhibet *Pontus Henterus rer. Austriac. lib. 6. cap. 3.*

XLIX. In fine hujus annotationis, attexi potest aliquid, de Comitibus, & congressibus Equitum Aurei Velleris. Ordinem ipsum, supra omnem invidiam & calumniam positum, quod non desunt, qui pravis suspicionibus vellicare audent, inter dedecora sæculi, numerandum est. Solebant illa Comitibus, sive Capitula, ab initio singulis annis, deinde tertio quoque anno, postremo ad nuntium Principis, sive supremi Capitis, celebrari. In quibus post rem divinam magno apparatu peragi solitam, defunctorum Equitum memoria elogio honorabatur; novi Equites eligebantur; Censura sive Probatio instituebatur, qua extra reprehensionem constituti, laudem; alii, reprehensionem reportabant. Magna species in conspectu illustrissimorum hominum, Regum, Principum, aliisque præcipuis decoribus præfulgentium; armis & insignibus sua serie enitentibus; ministris honoratissimis interservientibus; Cancellario, Thesaurario, Graphiario, Feciale. Quoties celebrati sint tam venerabiles congressus, descripsit *Julius Chiffletius, Ordinis Cancellarius, in Breviario Historico Ord. Aur. Vell. Cap. 6.*

§ 7. Inseruit & historię suę *Pontus Henterus* comitia an. 1501. Bruxellę in Brabantia a Philippo Archiduce celebrata; *rer. Austriac. lib. 6. cap. 1. & Zenocarus in Carolo V. lib. 4. sub fin.* comitia, quę Philippus II. Rex Hisp. & supremum Ordinis caput habuit; cum indice Equitum ejus temporis.

L. Pręterquam autem, quod ad altiores virtutis gradus potentius invitantur Nobilitatis animi, si maximos Principes, talibus speciminibus & examinibus summarum laudum operam dare vident; pulcra hęc occasio fuit, amicitias publicę utiles stabiliendi, consilia in commune proficua conferendi, controversias componendi, miseris auxilia & solatia suggerendi. Quin etiam ad decus & ornamentum singulare Familię Burgundicę & Austriacę, penes quam origo & principatus tam salutaris instituti hactenus stetit, redire debeat illa gloria, nemo sanus vel dubitare, vel invidere queat: quando nec Regibus aliis, petita ex certis Ordinibus Equestribus gratia, vitio verti potest. Conventus olim sæpius agitari, temporum Principumque conditio permisit. Rationes postea fuere: non negligentia, aut satietate; sed quod Ratio Reipublicę & Principum, in his & aliis, etiam Germanicis conventibus, multa mutare solet. Sic Conventus Principum Electorum Carolus IV. Imperator debere annuos esse judicavit: qui novissimis temporibus, raro indicuntur.

Sed hęc hactenus.

XXXVI.  
 VOTUM  
 IMPERATORIUM.  
 ad Tac. 4. A. 38.

**Q**Uæ Imperatoribus Romanis in curia, à Senatu; in Amphitheatris à populo, à collegiis publicè, à singulis privatim optata sunt, non paucis antiquorum Scriptorum locis consignaverunt, quibus vel Acclamationes, vel Formulas præfisci ævi tradere, curæ fuit. Quid ipsi sibi Imperatores optare debuerint aut potuerint voluerintve, nemo gravius extulit, Tiberio Augusti successore, apud Tacitum, cum divinos templorum honores deprecans ita inquit: *Proinde socios, cives, & deos ipsos precor: hos, ut mihi ad finem usque vite, quietam & intelligentem humani divinique juris mentem duint: illos, ut, quandocunque concessero, cum laude & bonis recordationibus, facta atque famam nominis mei prosequantur.*

Erat sane Tiberio inter instrumenta regnandi, *honora ratio*: cum plerumque deterioris moris actusque studio apprimè deditus, *speciosa interim verbis, re inania aut subdola* disfereret. Itaque voto parum bona fide concepto, excidere eum oportuit. Intelligentem ille quidem omnis juris mentem nactus erat; neque ullum Imperatoriis curis præsidium, quod ex jure petitur, deerat: Sed quid prodesse illæ artes, quando non reipublicæ utilitatibus, verum dominationis libidini ac licentiæ destinantur? Tantum abfuit, ut juris divini humanique intelligentia celebraretur Tiberius, ut potius *novi juris repertorem*, id est, veri juris corruptorem, cavillatorem, subverforem, Historicus merito notaverit. Et, quem *juris divini humanique intelligentia* à probris & flagitiis arcere poterat

*Tac. 2, A. 38.*

PPPPPP

ac



6. A. 51. ac debebat: ille in scelera simul ac dedecora prorupit, quotiens remota juris reverentia, suo tantum ingenio utebatur. Unde nec quieta mente potiri eum fas erat. Quin adeo facinora atq; flagitia sua ipsi quoque in supplicium verterant, ut quotidie se perire & sentiret & fateretur. Postquam fatis concessisset, longe illi dans & bona recordationes apud cives: cum morte ejus ita lataretur populus, ut ad primum nuntium discurrentes, pars, Tiberium in Tiberim, clamitarent; pars, Terram matrem deosque manes orarent, ne mortuo sedem ullam nisi inter impios darent: alij nuncum & Gemonias cadaveri minarentur. Apud Socios tamen, ubi maleficia ejus minus noscebantur, pessimi etiam successoris vitio, desiderabilior redditus est, sicut ex Philone licet intelligere. Adeo non frustra Historicus dixit: laudatorum Principum usus ex aequo, quamvis procul agentibus; savi proximis ingruunt. Tiberius certe, ut domi securius sœvire posset, foris paci & bonæ famæ studuit. Non tamen fama inde & gloria surgit, quæ Imperatori optabilis est, si non omnia ad eandem formam geruntur. Parcere enim aliis, ut in alios sœvias: & beneficia in longum jacere, ne proximis illatas injurias rumor differat, plena nequitia est.

Leg. ad Cai.  
& in Flacc.  
Tac. 4. H.  
74.

Sicut autem Tiberii voto, ingenui animi simplicitas, & propterea successus absfuit: ita selecta sententiarum gravitas, quæ IMPERATORII VOTI specimen, omni ævo commendet, idonea est. Agedum, experiamur hanc cogitationem eo tempore, quo Imperium Nostrium Imperatore suo orbatum, omnium patriæ amantium curas excitat, ut & Imperatorem, & Imperatori, sive pro eo atque cum eo, vota suscipere cupiant contendantque.

Ante omnia, Imperatori Nostro vota suscepturo, mentem Tiberij proposito dissimilimam optare debemus. Sancta res est, votis à Deo aliquid exposcere. Illud divino numini, qui verbis precatur, quæ non cupit factis exprimere. Accedat igitur ab uno religioso opere, ad aliud: &, postquam in verba legis Imperii, Capitulationem vulgo vocant, juravit, pura

pura piaque mente ita cum Deo (nullus enim hic diis locus) agat: *Tuum nomen, Deus sanctissime, juravi, qua Principatus forma, quibus imperij legibus, administratio Imperatorij muneris mihi impositi processura sit. id, ut bona fide prestem, amplius Te convenio, & precor, ut mihi ad finem usque vita quiescam & intelligentem humani divinique juris mentem des; atque efficias, ut, quandocunque functus statione hac mortali fatis concessero, cives ac socij, cum laude & bonis recordationibus facta atque famam nominis mei prosequantur.*

Non est hic opus, ut veterem illam, quamvis & ipsam *Plin. paneg. c. 67. & 68.* Imperatorii exempli formulam repetamus: *Ita me servet Deus, si bene rempublicam & ex utilitate omnium rexero.* Nam qui dictante jurisjurandi religione, conceptis verbis ita sibi Deum cupit propitium, si servantur, quæ jurata sunt: is reipublicæ & suam salutem, divini humanique juris studio, quodammodo paciscitur. Neque dubitabile est propius intuentibus, quin *Sacramenti Imperatorij* pars sit *Votum Imperatorium*: Sicut & hujus interpretatio, in illius formula hodie continetur.

Non parum autem *Quieta menti* servandæ poterit *MENS HUMANI DIVINIQUE JURIS INTELLIGENS*, quam amplius optat Noster Imperator. Solet fere apud bonos Scriptores hoc loquendi genere signari, quicquid artium ad civilem vitam virtus & prudentia confert. neque quisquam dubitaverit, quin voto Imperatorio, quod accuratissimum & perfectissimum est, omnia illa contineantur. Verum nobis non licet per rationem instituti, ad singula egredi. Divini juris memorem vocem misit Romanus Imperator, cum adulatio ei honores divinos offerret, *Ego me, inquit, mortalem esse, & hominum officia fungi, satisque habere, si locum principem impleam, & vos testor, & meminisse posteros volo.* *Tac. 4. H. 38.* Transactum sane est & præterit illud, multa paganæ superstitionis caligine involutum tempus, quo templis & flaminibus Principes coli, inter mores & artes regnandi erat. Possunt tamen, quo plus divini juris hodie scitur, eo majus profanæ *indignitas* crimen in-

PPPPPP 2

cur-

currere, qui suum imperium, Dei Unius imperio non ex asse subjiunt; qui reddendam sibi administrationis rationem esse, non meminerunt; qui reservata soli Deo & reservanda jura, humano vindicare arbitrio non verentur. Grande hujus rei documentum superiore sæculo Germania vidit. Cum enim Deus repurgandæ à superstitionibus variis & corruptelis religionis, sensum & studium magnis Principibus ac viris indidisset, furebant Pontifices, & literis, obtestationibus, execrationibus Carolum V. Cæsarem, fratremque Ejus Ferdinandum stimulabant, ne paterentur quemquam aliter ac vulgo solebant, de religione sentire: sed ferro potius, igne, bello in diversa sentientes scirent. Quantis calamitatibus publicis stertit tum Germaniæ, obscurata Pontificiis machinis in mente Imperatoria divini juris intelligentia? Donec dispulsa denique caligine securitas & pax religioni constituta est: quæ procumbentem in exitium Rempublicam erexit. Quotiescunque in hunc diem Imperator electus est, Pacis hujus custodiam capitulatione, ut vocant, præscriptam, jurejurando confirmavit. Quotiescunque ab eo tempore comitiorum decretum (Recessus Imperij appellant) exiit, repetita semper & instaurata est fides tam salutaris Legis. Neque tamen defuerunt, qui hoc etiam sæculo, sanctissimam Imperii constitutionem, ejusque auctores & auctoritatem cavillari, contemnere, subvertere, quantum in ipsis fuit, ausi sunt. Externos nihil moramur. Miser enim fuerit opinor Imperator, qui juris in Imperio sanciti vel historiam vel interpretationem foris malit, quam domi quarere. Sed repertum esse hominem Germanum, qui, *nec convenisse illam Pacem Religionis, ut servaretur, nec servatam, postquam convenerit*, publice profiteretur, id est, summos Heroës divini humanique juris immemores criminaretur, prodigio proximum est. Cujus generis flagitia, nuperæ quoque Pacificationis sanctione repressa vidimus. Noster Imperator Pacem Religionis eo studio amabit, quo juris divini intelligentiam amplectitur. Cujus & illa pars est: occludere aures juris divini simul & Germanici status perturba-

cori-

toribus, exilio, damno, cruciatus multandos esse, quicumque sacrilegos Vajouis Romani dictatus, clarissimis Scripturæ decretis non præferunt, jactantibus. Qua de re gravissimo, prudentiæque & pietatis plenissimo scripto adierunt Augustissimum Imperatorem Ferdinandum III. inclytæ memoriæ, postremis comitiis Ratisbonensibus Electores, Principes & Ordines, qui Protestantium nomine signantur. Nam ut audiatur aut toleretur, in aula Imperatoria, si quis novus Carafa, aut Fabius obtentu dominationis Pontificiæ, Paci Imperij bullas obloquatur, aut Instrumentum publicæ securitatis furiali veneno oblitteratum eat, ne metuum aut credam, generosa Germanorum Principum indoles, unde Imperator quæritur, facile præstat. Illud potius augustum specimen intelligentiæ juris divini in Imperatore Nostro venerabimur, si propter jus divinum juris humani quoque servantissimus erit. Juris humani, inquam, quo magni hujus corporis Imperii contextus sancitur, quo imperaturi sanctissimis sacramentis se adstringunt, reverentiam custodire, pars & pignus est juris divini, Imperatorem primum Deo, deinde Imperio devincientis.

Sancta sunt juris nomina, etiam cum consilij formam induerunt: quid, si necessitatem obsequendi jurata Lex imposuit? Consilium fuit non præceptum, cum Galba ad Pisonem, imperaturum ut putabat, diceret: *Non hic ut in ceteris* Tac. 1. H. 16. *gentibus, qua regnantur, certa dominorum domus & ceteri servi; sed imperaturus es hominibus, qui nec totam servitutem pati possunt, nec totam libertatem.* Dixit, quid ingenio hominum repugnaret, etiam ubi nulla lex obstabat. imo, quid ratio prudentiæ restringeret, ubi lex abunde indulgebat, demonstravit. At qui Nostro Imperatori veteris illius Imperatoris monitum suggereret, non jam consilia sed jura loqueretur, quasi quis ita ageret: Vetus ille Imperator etiam eo tempore, quo Cæsares Romani plenissimo jure Regio imperabant, præcipuam boni Imperij legem judicavit, si ingenio populi minime servilis, imperandi formula accommodaretur, & ab additiore dominatus consuetudine plurimum removeretur. Hoc autem

PPPPPP 3

tena-

tempore, converso jam pridem antiquo statu, omnis infinita ac libera potestas, non modo cum ingenio nationis, sed cum jure Imperij pugnat.

Ad Deum autem, & Civem, & Socios respicit votum futurus Imperator. Quamquam enim à solo Deo etiam illa expectari fas est ac peti, quæ apud cives, sociosque sperantur, seorsum tamen considerari potest formula precationis Imperatoris, quam præmisimus.

Duo sunt, quæ à Deo petuntur: *mens Quies*, & DIVINI HUMANIQUE JURIS INTELLIGENS. Quid *mens quies* apud Historicum notaret, nemo hætenus ausus est explicare in vario interpretandi genere. Nobis nihil videtur aliud significari, quàm illa quies animi præclare sibi conscij, cui *messam vigilantiam, & malas curas, tum laniatus & ictus* conscientis, alibi *Tacitus* opposuit. Quod loquendi genus non sine figura scilicet exaudiri debet. Ut enim hæc animi quies Principi contingat, omnes humanarum mentium perturbationes, moresque male compositos, cum factis immodicum aliquid spirantibus, abesse oportet. Dicemus singillatim. Prima *Ingenij* sors est. *Pythagoras*, referente *Jamblico*, non alios sapientis credebatur esse capaces, quàm quorum natura ad *quiescentiam* sive quandam sedatam tranquillitatem probe esset disposita: Feroces autem animos, ad melioris disciplinæ cultum vix traduci posse. Felix ergo Imperator erit, quem divina benignitas placidi ingenij temperamento donare, id est, sibi propius admoveere & conciliare, dignata est. Vix potuit ad aliquod tempus abstrudere naturæ in immodica ruentis impetus, quamquam omnia simulandi ac dissimulandi mysteria edoctus Tiberius. Brevis Caligulæ, nec diuturna Neronis simulatio fuit. Natura enim erat, cui obsequiebantur, ab animi vere Imperatorij indole plurimum aliena.

Hoc faventis cæli auspicio adjutus, *Mentem Quietam* porro concinnabit Imperator, *Disciplina*. Omnis humanæ institutionis ac disciplinæ summa, *Quies mentis* elogio officioque continetur. *Quies mens* est, in qua ratio dominatur quæ

quæ sunt cetera hominis serviunt. *Quieta mens* consensu concentuque plusquam musico temperata, nihil turbatum, nihil dissonum sentit aut patitur. Nemo philosophorum altius ascendit. Eam *quietem*, & animi ~~receptionem~~, canticis quibusdam probe factis, signare, aut, ut sibi promittebant ipsi, conciliare instituebant Pythagoræi, minime ineptum inter sapientiæ studiosos genus. Longe potentius Nostro Imperatori proficiendi præsidium in sacris ac divinis carminibus proponitur: ubi modo Historia, exemplis; modo sapientia oraculis, animum moreque ad rationem componere, moderari sensibus, imperare affectionibus, non concupiscere majora, non perhorrescere fortuita, non acquiescere jucundis, non desetisci adversis, docet. Qui Deum, à quo precatur quietam mentem, amare didicit Imperator, illius mentem, non in quiete tantum, sed in gaudio esse, verum est. Hoc natura rerum loquitur: hoc doctrinarum literæ, omni ævo, omnes apud nationes, profitentur. Neque deesse viris Principibus hortatores ac magistri possunt, qui hoc omni studio, conatu, artificio inculcent: Si non desint, qui mature & serio conducant. Quid? quod apud nos in Germania, non nisi ex illustrissimo sanguine quæritur Imperator, id est, *satis amplis doctoribus instructus, majoribus suis*. Quæ enim est in Germanis Domus Principalis, quin pulcherrimis disciplinæ Imperatoriæ documentis inclaruerit? Ut vel hinc Legis ratio & auctoritas intelligi possit, qua externos optare Imperatores prohibemur. Splendide ac feliciter gloriosus fuit ille Imperator, qui de se scripsit: *A Diis bonos avos, bonos parentes, bonam sororem; bonos præceptores, bonos familiares, necessarios, amicos, omnia denique bona accepi*. Nostro Imperatori, Deus, quæ ad mentem quietam faciunt, eo facilius largietur, quo rectiore pietate cum ipso & pro ipso, tot hominum millia, hujus generis vota suscipiunt. Quibus & illud inest: Ne ad aures ejus, qui Imperator futurus est, aditus paruerit, peregrinarum artium magistris, cordatæ pietatis falsariis, Germanicæ fidei proditoribus, & per hæc quietæ mentis furibus. Non tantum,

Tac. 14. A.  
38.

M. Anton.  
lib. 1.



tum, quando discet imperare, sed etiam, quando imperabit:

Nam *Quieta mens* fit etiam *Usu atque*. Quid ingenium contulerit, quid doctrina promoverit, præsertim cotidiani Imperatoris actu perspicitur. Ipsa moles imperii, mentem non satis fundatam sua quiete excusserit facile. Unde pauci ab omni memoria, tantæ molis capaces comperti; quidam digni imperio visi sunt, nisi imperassent. Qui non attulit ad imperandum solidas & generosas artes, cum omnia turbare, omnia deficere videntur. Nulla *mens quieta*, nisi magna eadem, & gravis, & constans: sive regulam actionum, sive vias agendi intuearis. Deliberatis probeque consertis rationibus, momentis, cautelis negotiorum, *Mentis quieta* actio viget: ut primum in his aliquid turbatur, mentis quies turbatur. Sed longe magis, quando perturbationes animi ante rationem, vitia ante honestatem ponuntur. Illud enim periculosissimum inquietudinis genus est, quod sua cuique flagitia consciscunt: Sicut ante in Tiberio ostendimus. Dabit *Quieta mentis* specimen Imperator Germanicus, si nihil ipse, ut Imperator fiat, agitet, nihil faciat; nisi quod eligi merebitur, & eligentibus parebit. Optimum, in Imperio nostro quæri lege & more solitum, quieta mens ostendet: Si Principatus, de quo sæpe armis certatum est, quiescenti offeratur. Qui consensum Dei hominumque sine ambitu, sine tumultu expectaverit, quietæ mentis fidem, etiam in posterum faciet: cunctis, quibus animi humani inquietantur, motibus major futurus. Non hic locum habebit, quod de barbaris Regibus Historicus extulit: *plerumque regia voluntates, uti vehementes, sic mobiles, sæpe ipsa sibi adversa*. In mente quieta, nec vehementia, nec mobilitas locum habent: sed hilaritas, providentia, benignitas, sanctitas. Mens quieta, sicut ipsa in metu esse nequit, ita ne alii turbentur, operam dabit. Primam pacis curam aget, cui mens quieta illud oraculum dictavit:

Sallust. 1.  
Iugurth. 113.

Virgil. 6.  
Æn.

*Tu regere imperio populos, Romane, memento,  
(Ha tibi erunt artes) pacique imponere morem.*

Venit

Venit in partem votorum tota Germania, atque ita suos proceres alloquitur, quibus lege imperii arduum munus eligendi Imperatorem commissum est: Deus vos juvet ope, regat consilio, Magni Principes, ut vestro provisu & auctoritate, quem Augustum appellabitis, Quieta mente privatim & publice potiri queat! Vos, quicquid publicæ securitati, publicæ tranquillitati adversum, vel olim duravit, vel heri aut hodie subnatum est, Herculeo opere excindite, abolete. Vos Paci tot cladibus, tot desideriiis tandem ante decem annos partæ, sacra decennia rite facite, ut sæpius facere possitis, ut posteri vestri semper possint facere. Ita interregnum, formidabile cunctis sæculis nomen, vestra sapientia omnibus regnis augustius erit. Ut *quietam mentem*, cæleste pignus imperii, vere Imperatorium munus, novo Imperatori servare possitis, in vestra manu Deus immortalis constituit, si *Quietum illi Imperium* servabitis, tradetis, commendabitis. Vobis mysteria Reipublicæ, vobis Germanicæ felicitatis sacra sese permiserunt: vos apud Illa adyta statis, unde oracula publicæ quietis emitti, perscribi, maniri fas est. Prout Vos operari QUIETI SÆCULI hoc rerum articulo contigerit, ita Imperator, ita Imperium voto Imperatorio porientur.

Sicut autem virtute & prudentia omnis Reipublicæ vel Status observatur, vel robur confirmatur, vel opes amplificantur, ita imprudentia, & vitiis infirmari, corrumpi, destitui hæc omnia necesse est. Imprudentia illa, vel *actionis* est; vel *status*. Si hæc adsit iis, qui rem publicam tractant, illam consequi necesse est. Quid enim recte gesseris in republica, quam ignoras, aut ignorare cupis? Eo enim ventum est, ut, quod sciri potest & debet, illud nesciri simulent, Imperatorem certe nescire optent, qui omnis hujus scientiæ oracula à se petenda dictant. An hoc est aliud, quàm contra votum Imperatorium, vora facere; & reipublicæ nominibus adversus rempublicam uti? Itane de Germanicis Augustis, sicut de Parthorum Regibus loquendum est? Atqui *regno Arsacis acrior Tac. Germ.*  
*est Germanorum libertas*: quæ regio mori nunquam se plane 37.

Q99999

per-



permisit. Quid dixi? Ex eo certe tempore, quo Imperatorium nomen in gentem nostram illatum est, fuerunt omnino, qui jure & nomine regio, nulla re utique prisca Augustis Romanis inferiores, nostris majoribus præfuerunt. Non abnuo, quod affertur: Sed ad præteriti temporis memorias redire opto, qui ita disputant: Ut inde discant, in eam potestatem quosdam gladio introductos esse, quosdam civilis habitus modo omnem regiam speciem occultasse, quosdam perpetuis turbis conflictatos esse, donec sociato cum Imperatoribus Germanicis non labore modo sed jure, Ordines cuncti munia Reipublicæ cœperunt capeßere. Atque inde, ab aliquot sæculis, Imperator ita obtinet sedem Principis, ne sit domino locus: talemque se non arte vocabuli præfert, sed sacrata lege, meminit & præstat.

In qua ergo Republica, & quorum hominum animo ac ore loqui dicemus, horribilis scilicet ac arcanæ disciplinæ magistros: *Lege Regia veterum Romanorum, Germanico Imperatori omnia jura summi imperij soli & uni competere; quippe, qua nec abrogata sit nec abrogari sine scelere potuerit: Ordines Imperij in legibus ferendis, in bello decernendo, in omni denique republica, non nisi consiliariorum numero esse?* Cujus generis ~~saepius antiqua~~ magno numero obvia omnibus & nimis pervulgata sunt. Si hæc atque talia Nostri Imperatoris auribus occinerentur, postquam solenne sacramentum formulæ Imperatoriæ (Capitulationem appellant) ille dixisset, an dubitabimus, quin & Germani & Imperatoris animo, omnis divini humanique juris, quod in votis ac deliciis habet, imperitiam, hujusmodi tanquam perjurij suasoribus objecturus sit? Expediant mihi sine pudore & flagitio, rogo, quicumque tam horribiliter sapiunt, qua auctoritate instructi, homines ~~diva~~ <sup>vari</sup>ti Legem Regiam (cujus præter nomen plerumq; pauca sciunt) in eam Rempublicam inducant, ubi prima & summa Lex dicitur, nullum esse Legi Regiæ locum. Quæ potest major aut certior Lex esse de potestate Imperatoris, & forma Imperii, quàm illa, quæ cujusque Imperatoris jurejurando sacra-

qua

qua omnis Imperator devinciri optat, ut sit Imperator? Vocetur, si ita volumus, & hæc Lex Regia, non enim de vocabulis placet contentiones serere. Testabitur ergo vocabulum hoc de importunitate disputationis, quæ Legi posteriori Germanicæ Reipublicæ, Legem antiquam Romanæ Reipublicæ, in Republica Germanica non anteponit solum, sed opponit? Vide autem, quomodo Lex Regia, cum Capitulationibus Imperatorum consentiat. Lex Regia vetus Cæsaribus Romanis omnia Jura Majestatis decernebat, nihil populo aut ordinibus reservabat. Sicut te docebunt non verba tantum Imperatoris & Ulpiani, sed capita formulæ reliqua, *Onuphrio* producta, *Comment. in fast. temp. Vespas.* & cum explicatione perspicua, *Dio Cassius lib. 53.* At nostra Lex Regia, si placet ita loqui, siue Capitulatio Cæsarea, discernit, quas majestatis partes non impertiant soli Cæsari Electores, sibi que & Ordinibus cum Cæsare communes faciant. Uno eodemque modo & formula conceptam de Imperio Legem, jam tot Augustorum Germanicorum sacramento in hunc diem consecratam, aut tollant necesse est, non sine scelere, qui veterem promulgant ac substituunt: aut frontibus adversis pugnancia, cavillationibus impudentissimis in unum cinnum confundant oportet, non sine ludibrio authoritatis publicæ, & dedecore omnis eruditionis. Quid autem est illud: Lex vetus Regia in Republ. Germanica (in qua sc. nunquam Legisvigorem accepit) sine scelere abrogari non potuit? Servit confusio fraudi. Quæ hæc monstra sunt, quærere an Lex illius Reipubl. possit abrogari in hac Republ.? & si de eadem Republ. sermo est, cur Lex de Imperio lata, consensu totius Imperij, & in regno consensu regis, sine scelere abrogari non potest? Sed jam audio nova & mira effugia captantes. Capitulatio enim, inquiunt, & formula Reipublicæ non ex verbis Legis, sed ex usu, & praxi, (ut amant loqui) interpretanda est. Quis ergo tandem est usus ille? illa praxis? cui contra Leges, contra Rempublicam, tantum auctoritatis tribuitur. quando etiam & quomodo, usus diversum aliquid à formula Legum Imperij, totiens in hunc diem, sine exceptione usus.

alicujus, renovatarum, introducere potuit? non enim puto Legem significabit ille usus, quæ præcipuæ & fundamentalis Legis auctoritas deminuta sit. Ergo facta cum legibus parum consentienti tantum roboris inerit? frustra id dixeris: nisi silentio & præscriptione novi juris titulum comminiscaris. Hic vero frontem ejus hominis videre vellem, qui hoc in animum inducat facere in ea Republica, in eo Imperio, ubi quavis occasione, iis, quæ præter formulam status & legem de Imperio latam, nimis videbantur regaliter fieri, publice, cordate, diserte, nonnunquam & vehementer contradicendum est. Ubi itaque usus? ubi praxis? Catone aliquo nobis opus est, qui in Senatu Imperii conqueratur, nos importunitate privatorum hominum *vera rerum vocabula amittere*, quotiens de Republica loquendum est.

3a Ruff.  
Casil. 52.

Operæ pretium esset, audire & reliqua inventa, quibus contra votum mentis Imperatoris divino humanoque jure eruditæ, sine philosophia philosophari contendunt illi, quotiens de Republica disputatur. Quando enim demonstratur per singulas partes Imperii nostri salubre temperamentum, quomodo Leges ferant Imperator & ordines, non vel ille solus, vel hi soli, sed ille & hi ut una causa, & sic in aliis rebus: tum vero est animadvertere eorum disputatorum audaciam. *Non pertinere, inquit, ad essentiam Majestatis, leges spectantes universum statum Reipublica pro lubitu ferre: deinde Ordines & Proceres Imperii consensu consiliario Imperatori in ferendis legibus adesse, sicut olim Senatus Romanus consultus est à Cæsaribus plenum jus Majestatis ferendi Leges obtinentibus; & sicut in aliis Regnis, Reges ferendis Legibus consilia aliorum adhibere solent.* Quid audio? *Non est de essentia Majestatis leges ferre?* At hoc jus inter omnia Jura Majestatis primum, præcipuum, amplissimum est, quo Veteres reliqua pleraque sæpe solent complecti. Ut verissimum sit: qui non habet jus ferendi leges, ille non habet Majestatem totam. Et: qui non fert leges solus, libere, absque necessario superiorum, *a. de Rep. 10.* aut æqualium, aut inferiorum consensu, ut recte Bodinus expli-

plicat, ille non fert Leges, ut Rex, si accurate loquimur. Amplius: qui non habet Majestatem totam, i. e. omnia jura majestatis sive imperij solus, ille non habet potestatem vere & penitus regiam, quæ aliter definiri nec potest nec debet. Si enim ille unus, cum aliis tantum, potest jura imperij exercere, aut nonnulla quidem solus, nonnulla autem cum aliis exercet, sive etiam aliis relinquit lege, quæ de imperio lata est, jam non patitur ulla philosophia, ut regnum hoc existimetur, accurate sic dictum, etiamsi nomina regalia, unde de forma Imperii non licet argumentum certum petere, admittantur. Mixta enim est Respublica, nec per naturam rei alia esse potest, ubi fit, quod diximus. Verum illi loquuntur scilicet *de legibus universum Reipublica statum spectantibus*. Si nobis res esset cum hominibus accurate loquentibus, diceremus: *Leges universum Reipublica statum spectantes*, non esse alias, quam fundamentales, sive de forma ipsius Imperij scriptas, sive, quibus Respublica ipsa describitur. De quibus hic nulla est disputatio: ut omnes vident. loquimur enim de re publica constituta; non quomodo aliter constitui possit. Quoniam autem loquuntur, ut libet: si per Leges universum Reipublicæ statum spectantes intelligunt, Leges quæ omnes in Republica viventes obligant, utique de essentia Majestatis est, tales leges ferre. si quis intelligat, quid sit lex, quid summa potestas, quid summa potestate legem ferre. Amplius addunt, sed non *pro lubitu* scilicet. Fateor me illorum stilum, veræ disputationis legibus parum conformem non bene intelligere. Si *pro lubitu* ipsis est τὸ αὐτοκράτωρ: certe id in ipsa νομοδωτικὰ natura inest. αὐτοκράτωρ habeat necesse est, qui fert legem in Civitate, aut nec legislatorem, nec legem habebimus. Si vero *pro lubitu*, significare debet, temerariam animi lubidinem, jam mutatur disputatio: non enim de officio & virtute Legislatoris, sed de potestate quaeritur; neque consilij ista, sed juris disceptatio est. Neque illi, contra quos hi disputatores insurgunt, tale quid in quaestionem deducunt.

Quid velint sibi, qui incomparabile Ordinum Germanicorum concilium, illum confectum Regum in Comitibus, Senatui Romano sub Cæsaribus comparant, cupias equidem discere. Non enim puto, dicent: Sicut Imperatores prisce, omnem legum ferendarum potestatem habentes, senatui quædam consulenda & decernenda tradiderunt, salva potestate sua, vel ut facilius negotia conficerentur, vel ut imago antiquitatis, & simulacrum Aristocraticæ auctoritatis Senatui præberetur; Ita Imperatores hodierni, Ordines Imperii vel ut Senatores & consiliarios adhibent, vel ut strategemate politico sive simulacro Aristocratico demulcent, quotiens leges ferendæ sunt. Multo minus dicent, quod ex formula & præscripto suorum magistrorum dicere poterant: Senatum antiquum vice Principis consultum ea respondisse, quæ auctoritatem legis haberent. quæ ipsa, quamvis vicaria potestas, abrogata deinde est. Ceterum, quam inique & indigne Ordines Imperii, cum Senatu prisco sub Imperatoribus, aut cum Consiliariis aliorum Regum ac Principum comparentur, jam pridem viri graves sunt conquesti: & nos, unico tantum exemplo *republicæ*, de qua cœpimus dicere, ostendemus. Quando Rex, aut quocunque nomine est, qui summam ferendarum legum potestatem habet, consiliarios de ferenda lege consulit, aut consilium eorum, sive suasoriam hujus aut illius legis audit accipitque, & in legislatione sequitur: id primo facit libere, nulla necessitate ut ita faciat adstrictus; deinde non ut socios ferendæ legis asciscit (neque enim, cum de jure suo loquetur, dicet, se cum consiliariis suis ita edicere, jubere, vetare) sed actu prævio, judicium suum de ferenda lege, ipsorum quoque prudentia informat: tum deinde demum, cessante jam opera consultoris, ipse alio ac novo actu legem fert. Quæ adeo diversa sunt & esse debent, ut tum quoque confundi nisi ab indoctis nequeant, quando legislator ipsa verba consultoris & formulam, in ferenda lege retinuit. At quando in Imperio leges sunt ferendæ, Imperator Ordinum non consilium tantum adhibet libere, sed consensu eorum & sociata ope ita indiget,

diger, ut Imperator & Ordines unius causæ efficientis rationem & vim habeant, quæ efficientia nullis consiliariis cum Regibus suis communis est aut esse potest. Consilarii enim, in alio ordine actionis, monere aut erudire possunt legem latitum; non autem vires sociare legem ferenti. hujus quippe actionis causa alterius ordinis est, & in ipsis minime residet. Sine consiliariis ergo legislator *μοναρχὸς* leges ferre potest: sine Ordinibus Imperator legem ferre non potest. Frustra *consensum* consiliorum & Ordinum comparare institueris. Si accurate placeret loqui, Legislator *μοναρχὸς* non diceretur *consensum* suorum consiliorum requirere, cum consilia eorum expetit. Consensus enim jus statuendi signare debet. Sed imitemur, ubi lubet, stilum aliorum: Si modo illi meminerint, consensum Ordinum, de quo loquimur, *necessarium* esse: ita ut sine illo, nulla efficiendi seu ferendi legem copia sit. Forte & consiliorum consensum aliquando necessarium putabunt. Sed imbecille genus necessitatis est, quod facilitati aut commoditati efficiendi, in ordine instrumentorum, non effectiioni ipsi destinatur. Discant obiter, si lubet, à primæ philosophiæ consultis, quantum distent necessitas ex suppositione finis simpliciter, & necessitas expedientiæ: & eadem æstimatione res tam diversas pensare desinant.

Illi vero non desinunt; sed, *Status*, inquit, & *forma Reipublica nostra regalis est*, licet *modus administrandi non sit* *μοναρχικός*. Multum illis gratuler, quod recipiunt distinctionem antiquissimam, Aristotelicam, necessariam, verissimam, ineptissimis hominis Itali rationibus impugnata: Si intelligerent, quid diceretur; si vocabulorum, quibus utuntur, vim perspectam haberent. Sed longe illis est hæc philosophia, ut apparet. Verum est, in una eademque republica, à forma, sive, ut ipsi vocant, statu discrepare posse, modum illam formam administrandi. Sed, quid ad formam pertineat ipsam, sive ad statum, & quid ad modum administrandi, cur volunt ignorare? Quæ ad formam reip. & statum pertinent, nunquam possunt mutari, salva forma, si-

ve, salvo statu : Sed quæ ad modum administrandi & gubernandi rempublicam spectant , salva una eademque forma, possunt , & quidem sæpius , mutari. Quæ statui sive formæ debentur , efficientiam habent ἀρχὴν, & αὐτῶν necessariam : quæ modo ad statum gubernandi aptantur, vicaria sunt, aut instrumentis, adjuventis, ministeriis destinantur. Denique non opus erit, hæc verbis producere, si ad primæ philosophiæ peritos abeant, & discant, quid inter rem ipsam, & modum rei intersit. Nihil illis tum facilius erit, quam hoc videre : Ubique ad ferendam legem, indicendum bellum, & alia summi imperii jura exercenda, unus aliquis, non libere, aut adiumenti ac subsidii vice, aut per mandatum, sed necessitate finis, sine exceptione, & in eandem vim agendi, in eodem actionis ordine integrandam, sociare sibi alios, sive aliis sociari tenetur; ibi talis actio non ex modo gubernandi statum, sed ex statu ipso profluit. atque adeo, ex tali actione de forma sive statu reipublicæ judicandum est, non autem de modo gubernandi, cui neque necessitas talis, neque efficientia talis tribui potest. Tum autem ad modum gubernandi pertinerent talia, si, ut in exemplo maneamus, Rex aliquis, laturus legem, convocaret ordines regni sui, & consuleret, quibus & non vocatis & non consultis, aut etiam dissentientibus, vel alia suadentibus, legem ferre posset. Talis enim convocatio & consultatio, potestatem legislatariam non ingreditur; sed legislatoris arbitrio; adiumento, subsidio, ministerio debetur. Etiam ubi consuetudinis habitum induit. An enim legislator à consuetudine, ad modum rei spectante, debeat recedere, quæri & consultari potest: an possit recedere, nulla ratio in deliberationem mitti patitur. Si de consuetudine, ut loquendum est, loquimur. quæ legis auctoritatem adversus legislatorem & præter voluntatem legislatoris induere nec potest nec debet, ut consuetudo est.

Jura majestatis omnia ad statum imperij pertinere, minime autem ad modum administrationis, iis omnibus notum est, qui sciunt quid sint jura majestatis. Ineruditum ergo est dicere

dicere : in Imperio hodierno jura majestatis quidem Ordinibus communicata sunt, Majestas autem non est communicata; neque ex communicatis juribus majestatis sequitur, quod status sit mixtus, quamvis administratio sit mixta. Ecce, recta ratio omnibus, qui eam habent, dicat irrefragabile testimonium in istis : Quicumque communicat jura majestatis aliqua vel jus aliquod, ille non habet majestatem solus. cuicumque communicata sunt jura majestatis aliqua, vel aliquod, ille particeps est majestatis sive summæ potestatis. omnis communicatio juris aut jurium majestatis statum sive formam reipublicæ spectat. ubicunque occurrit communicatio jurium majestatis vera, ibi occurrit mixtus status sive mixta reipublicæ forma. Modus administrandi non facit aut facere potest mixtum statum aut mixtam reipublicæ formam. Unde nec mixtura accurate loquendo, in modo administrandi quærenda aut reponenda est. nisi latius uti velis voce. in quo, nemo morosius contendere instituit, dum confusio vitetur.

Inania sunt effugia, si quis dicat : *jura majestatis sunt effecta majestatis.* Partes enim esse majestatis, & res ipsa loquitur, & eruditis ostensum abunde est. Aut captivum illud : *impossibile est ut status misceatur, sive ut detur respublica mixta.* Quod ut obtineant, afferunt falsam descriptionem mixti status, & una specie mixturæ adversum omnes utuntur. Sed hæc retulisse est refutalle, quod & alias fecimus, ac faciemus.

Injuria enim fuerit intelligentiæ humani juris, qua mens Imperatoria censi amat, si levia illa & nullius momenti argumenta, quæ à vocabulis quibusdam & formulis, rerum insarum fide, & legum auctoritate abunde explicatis; &, ne quid desit audaciæ, ex locis Scripturæ sacre misere detortis, ad tuendas sententias improvide arreptas corraduntur, hic velimus vel referre, vel refutare. Unicum adjiciam monitum de Moguntini Electoris sententia, anno superioris sæculi nonodecimo, in comitiis Imperatoriis pronuntiata apud Sleidamum : cum de Gallorum Rege, *Animi fortitudinem*, inquit, ei lib. 1.



tribuunt; sed ad monarchiam illa spectat: nobis autem imprimis est Aristocratia retinenda. Hic, quin de jure imperii & forma voluerit exaudiri Eminentissimus Elector, vix dubitare poterit, qui animum præcepta opinione liberum ad lectionem Historiæ attulerit. itaque illam disputationem verbosius, quam gravius agitatam, nolumus nunc ingredi. Si quis autem Bodini sententiam, inde confirmare velit, meram & simplicem Aristocratiam esse Romano-Germanicum Imperium, non satis firmum sibi comparabit præsidium. Satis enim est, ita accipere: Electoribus operam dandam, ne jus Aristocraticum Ordinum in Imperio, prævalida Monarchia absorbeatur. An autem Aristocratia, vel Monarchia, in Republica mixta præponderet, disputare, nescio an unquam satis utile aut consultum fuerit. Plus enim invidiæ, quam gloriæ, forte ejusmodi disputationes habent. Nondum certe, examine philosophico satis accurato definitum est, unde de parte præponderante judicari potissimum oporteat. Dices: ubicunque plura majestatis jura sunt penes unum, quam penes optimates, ibi præponderat Monarchia; & ubi plura penes optimates sunt, quam penes unum, divisim scilicet, ibi præponderat Aristocratia. Non habebit magnam dubitationem hæc ratio. Sed quid si ponamus exemplum? Ubi jura majestatis plura, sunt penes Unum & Plures indivisim; aliquod autem aut aliqua jura majestatis penes unum solum divisim: an dicemus, Monarchiam prævalere, quia Unus cetera quidem cum Optimatibus omnia communia habet, quiddam autem vel quædam solus; optimates vero, præter jura cum uno communia, nihil habent soli, & divisim? Non absurde ita autumes. Quamquam plerique malent respicere ad numerum, & majoris partis pondus, in iis, quæ communia sunt. Quid? si unus ille *no divinus* destituatur, & à pluribus in ordinem cogi, judicari, abdicari queat? Id vero potentissimum ad vim præponderantem momentum videbitur. Cogita aliud exemplum: Si unus, nomine Regio, omnia jura majestatis cum populo communia habuerit, indivisim? Is ergo, si accurate volumus

age-

agere, non erit mixtus status. Tum enim mixta est respublica, quando summa potestas est penes uno plures, si unum & plures divisim. Simplex autem manet, cum penes uno plures est indivisim. Unde nec communicatio, vere sic dicta, locum habebit alibi, quam ubi divisim jura majestatis in pluribus spectantur. Qua significatione arctiore antea etiam locuti sumus. Verum ista haecenus. de quibus eruditi judicent.

Nos Imperatori Nostro optamus Mentem intelligentia juris Imperii adeo imbutam, & munitam, ut & discernat facillime à melioribus consiliis, illam reipublicæ Patriæ imperitiam, quoriens ut larvâ assumitur; & serio comprimat periculosam publicæ tranquillitati libidinem sine philosophia philosophandi. Sunt in oculis specimina superioris & hujus avi: ne longius abire opus sit. Quis unquam ulli Cæsari peregrinas formulas suggessit, & externa consilia contra jura Germaniæ commendavit, quin eadem opera, Pacis & securitatis publicæ, inprimis vero fortunæ Cæsareæ vel arcana tentaret, vel præsidia infirmaret, vel contextum laxaret? Magna nobis copia est commemorandi, quos tumultus & alibi terrarum, ubi minus acris libertas est, peregrina sapientia concitaverit. Quæ dum dico, non tam homines, quam rem spectari, patet. Potest enim fieri, ut homo externus, vere prudens, nostri status jura & intelligat & commendet, ex diverso autem, homo civis, externa & Patriæ adversa, sapiat atque ingerat. Quod sine maximo equidem nominis Germanici probro fieri nequit. Nec fiet sane, si, quod Imperatorum Nostrorum sacramento continetur, lateri Augusti & nobilibus ministeriis admoveantur Viri non animo minus & fide, quàm nomine & ortu Germani, jurisque & moris Germanici tam studiosi quam periti: quos Deus ornet servetque, & primum boni imperii instrumentum Imperatori Nostro largiatur. Quos, quia privata voce appellari forte non decet, liceat mihi, Philosophiæ, nunquam summos apud Principes ignotæ aut inhonoratæ personam assumere, & queri: Incedere vulgo morem, quo homines civilis disciplinæ expertes, de civilibus negotiis, de omni

republica, vaga quædam, nullo scientiæ fundo concepta, divulgant, & speciosis nominibus præscribant. iis, non tantum protectus studiorum politices, nondum in solido locatæ, impediri, sed errores de republica contra rempublicam satis importune inculcari. Adversus hæc mala & pericula sæculi non mirum, si edictum prisce moris optetur: *De republica, non nisi vera sentiendum scribendumque: idque negotij non promiscue, sed civiliter eruditis, & Philosophis non simulatis dandum.* Hoc volumus: cum cetera studia & literæ, non careant sere assertoribus & patronis, nobilissimam civilem prudentiam, ferri agi, sursum deorsum, & remere nonnunquam intricari, obscurari, conculcari, ab immenso procorum numero: idque maximo cum incommodo publico. Quod vix unquam declinabitur, nisi ratio ineatur, qua hæc quoque doctrinarum pars severa proficiendi lege ordinetur. Quanto enim momento ad rempublicam & juris divini humanique intelligentiam pertineat, omnes vident.

Redeundum autem est ad intelligentiam Juris, mentis Imperatoriæ thesaurum, etiam eo (faxit Deus!) valiturum, ut juris dicendi, & litium terminandarum ea ineatur ratio, quæ tot querelis populorum, tot Comitiorum laboribus, magnum æternisque celebrandum præconiis diem imponat. Res unice necessaria, cujus causa civitates constitutæ, imperia ordinata, ab omni ævo, omnes apud nationes, suos pati manes visa est. Apud nos ipsa magnitudo Imperii, opportunior morbis, difficilior remediis, moras litium sine exemplo incrementum petulit. Inscripta sunt tabulis publicis desideria, vota, consilia omnium Ordinum. Sed consummandi operis tanti gloriam Novo Imperatori, ô quantum inde decus laturo! fata reservarunt.

Magnum est Justitiæ nomen: nec sine magnis præsidiiis comitum, necessariorum, ministrorum, amicorum prodibit, quandocunque antiquas sedes, pristinosque lares, quanta est, reviset. Nolent abesse Fides, proprium olim Germaniæ bonum, Candor & Pudor prisce, exili satis diuturni pertæsa pri-

pridem nomina : neque ullum Paci demerendæ ac retinendæ familiaris vinculum excogitari potest. Pacem quæ ultro consequantur , non opus est comprehendere numero , depingere coloribus : quippe quæ omnium oculis animisque , si non usu ad quem vix aspiramus , desiderio certe inhærent.

An in hac publicorum votorum nuncupatione licebit etiam Literarum & Studiorum mentionem facere ? Eo magis utique , quia Imperatorii muneris est , Academiis vitam & spiritum , præsidia & ornamenta largiri. Dicam fortius : quia intelligentia divini humanique juris , qua non se tantum sed cives suos censerit optat Imperator , absque his omnis sapientiæ officinis conservari nequit. Libenter meritoque prudentioribus arbitrandum relinquam , quod dico : Imminere existimo barbariem , longe lateque stragem daturam , nisi magna & publica , imo summa auctoritate obviam eatur. Quomodo potest obviam iri , inquires ? Dicant sententiam , qui consilio pollent : Ego brevi , & vero fortasse verbo defungar : Detrahatur veræ eruditioni situs , simulatæ larva. Quod profecto non est privati moliminis. Nunquam deerunt magnis fastigiis , qui exemplum poterunt prodere judicij ejus , quo pudeant homines , nullo doctrinæ genere serio imbuti , & tamen literatis famam & fata partiri , ac moliri assueri , atque non sine Dei hominumque injuria ex quovis ligno Mercurium , ex Marſya Apollinem , & , ne Ovidianæ metamorphoses augmento careant , ex Apolline Marſyam concinnare docti. Hæc est fundi nostri calamitas : quæ messem in herba intercipit.

*Quis tibi Mæcenas ? quis nunc erit aut Proculeius*

*In Genal.*

*Aut Fabius ? quis Cotta iterum ? quis Lentulus alter ?*

*Tunc par ingenio pretium.*

Scilicet ubi ad latus Augusti Mæcenas , apud Trajanum Plinius aliquis ; ab indoctis doctos , à Sapientibus vanos discernerent : florebant , quibus pretium ponebatur , bonæ artes. Attollitur enim , quicquid Principibus viris in honore est : minuitur ac deficit , quicquid aulico fastidio refrigeratur. In levi habendum videatur , quod dico : Sed me historia omnis

ævi docuit, eruditionis vitiata genium, corruptæ reipublicæ vel signum vel causam fuisse. Quæ res excusabit mentionem illatam negotii, ab Imperatorio voto, ut aliqui opinabuntur, alieni: ut ego crediderim, eidem pulchrè congruentis. Quasi quis cum vate non indigna Imperatorio auspicio exempla de præterito in posterum vaticinaretur:

*In Senal.*

*Et spes & ratio studiorum in Cesare tantum.  
Solus enim tristes hac tempestate Camænas  
Respiciet.*

Id certe ad immortalem gloriam, voti Imperatorii partem, nobile præsidium erit. Ita cupit vivere Imperator, ut celebrari semper mereatur: non ab initio tantum Imperiæ, ubi acclamationum & laudum copia in promptu est, sed toto stationis Augustæ tempore. Quidni enim prædicaretur, juris divini humanique intelligentia, mentis Imperatoris constans amor ac delictum? Romanus Imperator apud Historicum nostrum, *ad finem usque vite* hoc nomine censeretur cupit. Sicut *in Aug. 58.* & ille, cui successit, ut *S. P. Q. R. consensum ad ultimum vita finem perferre liceret*, apud Tranquillum, *Deos immortales precabatur*. Graviter se & alios monet Antoninus Imperator: *lib. 3 pr. 16.* *reputandum esse, quam incertum sit, an processu longioris ævi, intelligentia divinarum ac humanarum rerum, eodem vigore & successu duratura sit.* Λογισίον, ὅτι ἂν ἐν πλείον βίῳ τις, καίτοι καὶ ἄνθρωπος, ἢ ἐξαρξέτω ὁμοίᾳ αὐτῷ ἢ διάσει, πρὸς τὴν Κύριον τῶν πραγμάτων, καὶ τῆς διοέας τῆς σωτηρίας εἰς τὰ ἐμπειρία τῶν τι δίων καὶ τῶν ἀνθρωπίων. Diminuere aliquid Senectus potest: tum ipsa felicitas & summæ fortunæ copia, mutare animos solet. subrepentibus præsertim pravis magistris, quorum disciplina egregii etiam Principes, contra naturam suam & fortunam, deteriora discunt audentque. Nostro Imperatori intelligentem humani diviniq; juris mentem Deus ad finem usque vitæ conservabit: impedimenta autem præclarissimarum actionum, & repertores malarum artium, etiam ratio & lex Reipublicæ arcebit. Hujus auspicio Romanus Imperator non admittit magistros dominationis, & propterea ministris domina-

tionis

tionis non indiget. Libere loquentes non securitas modo, sed gratia; assentatores dedignatio & averfatio manet.

Qui tam præclare, tam constanter de republica meretur, non potest non compos fieri votorum, quæ in humanis ultima habentur: *ut famam nominis Imperatorij cum laude & bonis recordationibus, cives & socij, etiam post fata prosequantur.* Sera sit, optamus, illa dies, quæ à gratulationibus, ad desideria; ab lætis acclamationibus ad faustas recordationes civium sociorumque pietatem vocabit! Ita enim cumulabitur argumentum prosperæ memoriæ, diuturnitate meritum in rempublicam, quæ immortalia sunt. Prima necessitudo ad munus tam sancti certamen, cives ac socios excitat: etiam ex mentis & voto Imperatoris, nunquam sine magna ratione posteror cogitantis. Pulcherrima hæc & verissima pars laudis posthumæ; à civibus, à sociis celebrari. de quibus ut bene mereantur, constituti sunt Principes: de quibus cum bene promeriti sunt, omnibus Principatus honoribus & præconiis digni reputantur Principes. Multos in remotis terrarum finibus, felix improbitas celebravit: atque ut magni Principes foris viderentur, qui domi monstra erant, genius famæ, nunquam in longinquum orbem incorrupta perferentis testimonia, machinatus est. Quam serium ergo, quam civile, est Imperatoris Nostri votum, qui à civibus, à sociis meriti sui præmia ac testimonia perennia expetit?

Dicent & æterno cultu recordabuntur, Cives: *Augusto hoc rerum nostrarum praside securi viximus, neminem timuimus. Ille nationem nostram amavit: ille libertatem nostram coluit. Ille leges Imperij nostri suspexit. Ille domum & rempublicam discrevit, neque alteram alteri permiscuit. Ille justitiam foro, concordiam curiæ reddidit. Ille, quod juravit, sancte servavit; quod promisit, benigne præstitit. Illi religionis amor inter prasidia imperij, non religionis prætextus inter consilia potentia fuit. Ille eosdem amicos habuit, qui Imperio amici erant. Ille, ut pax servaretur, effecit: ille, ut pacis firmamenta coalescerent, procuravit. Ille civilia dissidia suppressit. Ille iras & arma non*  
nisi.

nisi in Christiani nominis hostes habuit. Ille ingenia, artes, literas fovit. Ille mercimonia amplificavit. Ille ne proscripserit cuiquam ex Ordinibus, nisi de Ordinum sententia fieret, operam dedit. Ille ut Circuli instaurarentur, ut Matricula renovarentur, ut Status exempti reducerentur, elaboravit. Ille, ut electionibus Imperij nomine indicendis modus statueretur, providit. Ille civilis regiminis & iustitia in Imperio administrationem commendavit. Ille, ut ordinarij delegati ad modum & utilitatem Reipublica preesto essent, effecit. Ille, ut lege & ratione munus Directorum in collegiis Imperij definiretur, proffexit. Ille quæ pacis Osnabrugensis, & Comitiorum Ratisbonensium novissimorum formula, ad salutem & incrementum Imperij optarunt, demonstrarunt, promiserunt, rata ac firmata esse iussit, imo perfecit ac implevit.

Dicent, & annalibus suis mandabunt Socii & Amici: Hic Imperator, quæ nobiscum nomine Imperij pacta conventa sunt, accurate custodivit. Hic alienis ab Imperio negotiis nequaquam se immiscuit. Hic nec invidit nostro statui, nec obrectavit. Hic fide, amicitia, officiis nobiscum certavit. Hic nihil de honore nostra gentis aut reipublica deliberari passus est. Hic nullis suspicionibus, nullis calumniis adversus nos patuit.

Dicent cives ac socij, & memoriæ perpetuæ consecrabit, merita IMPERATORIS FELICIS, PII, IUSTI, CIVILIS, BENIGNI, INVICTI, PLACIDI, IURIS DIVINI HUMANIQUE INTELLIGENTIS.

Atque hæc hætenus cum Imperatore & pro Imperatore precari fas fuerit: cui quamprimum Salve, Vive, Impera, acclamare Patria concupiscit. Ostendet Deus faustum omni nomen, cui lati lubentesque accinamus:

*Aggredere o magnos (aderit jam tempus) honores.  
& illud futuræ felicitatis omine an sensu effutum:*

*Aspice venturo latentur ut omnia saclo!*

Quæ si rata Deus esse vota jussit, nomen ejus omnis ætatis linguæ celebrabunt, omnium pectora nationum venerabuntur.

XXXVII.





XXXVII.

# ANNOTATIO POLITICA

*Ad Taciti 4. Annal. 33.*

De

## INGENIIS OPTIMATIUM.

**P**Ræclare hoc monuit *Tacitus*, loco, quem sibi hæc pagina præscripsit: viro vere civili operam dandam, ut suæ reipublicæ, in qua vivit, accuratam notitiam consequatur. Quapropter & ipse *Annales* suos, speculum esse voluit Principatus, in quem res Romana pridem reciderat. Repetit tamen priorum temporum memoriam; quibus summa sapientiæ civilis fuit, populi & *optimatum ingenia* noscere. De altero, pauca nunc annotabuntur: quando Historicus affirmat: cum patres pollerent, summam prudentiæ & laudem perdiscendis *senatus & optimatum ingenis* definitam esse. In eo profectu cognitio interior reipublicæ Aristocraticæ, adeoque disciplina τῇ ἀριστοκρατικῇ πολιτικῇ i. e. sapientia optimatum regiminis debita & apta collocari debet.

2. *Ingeniorum* voce Historicus erudite utitur: quasi  
 S s s s s  
 quis



quis diceret cum explicatione : *per ingenia senatus & optimatum*, hîc notari omnia illa proposita, studia, pro-  
pensiones, inclinationes, inventa, artes, regulas, mores,  
quibus viri vere Aristocratici, ad statum Aristocratix vel  
formandum, vel firmandum & administrandum, suarum  
actionum habitum & *περίεχον* instituunt aut compo-  
nunt.

3. Hanc animorum *διάθεσιν* inchoat interdum Na-  
tura; perficit, & in nonnullis acquirit *Industria*: pro  
conditione officii, temporis, exempli, necessitudinis, quæ  
in usu civilis vitæ unicuique obtingunt. *Suetonius* insi-  
gni sententiâ notavit in vita Tiberii : *Notissimum est*,  
*Claudios omnes, excepto uno, optimates assertoresq; unicos*  
*dignitatis & potentia patriciorum semper fuisse*; atque ad-  
versus plebem adeo violentos & contumaces, ut ne capitis  
quidem quisquam reus apud populum mutare vestem aut de-  
precari sustinuerit; nonnulli in altercatione & jurgia tri-  
bunos plebis pulsaverint.

4. Qui locus, tum probe definit Aristocraticam in-  
dolem, studio potentix, & dignitatis optimatum; tum,  
quam facile degeneret illud studium in violentiam, con-  
tumaciam, oligarchicos spiritus, insigni exemplo osten-  
dit. Aristocratix origo & natura, ad eminentiam quan-  
dam, præstantiam, dignitatem pertinet. Illa autem no-  
mina vel virtutis sunt; vel rerum virtuti similium: ideo-  
que non nisi moderatis vigent rationibus, immodicis au-  
tem corrumpuntur. Quo fit, ut virtus Aristocratica,  
semper popularitate quadam misceri ac temperari gaudeat,  
sicut sequentia docebunt.

5. Conjungit *optimates & senatum*, Tacitus. Ne-  
que enim in Republica Romana, cum Aristocratia valuit  
aut prævaluit, alius fuit optimatum ordo, quam senatus.  
quare etiam, cum de mixto regimine sermo est, pars Ari-  
stocratica apud ceteros scriptores *patrum senatusq;* titulo  
indicari solet. Nam alias distingui in hoc argumento  
oportere, *senatum & optimates*, non semel *Bodinius* mo-  
net;

net: cum neque statim *optimates* sint, qui *senatus* nomine appellantur; neque in statu optimatium semper idem utroque vocabulo notetur.

6. Cæterum in describendo Aristocraticæ dignitatis & potentiae studio, semper ita ad naturam & indolem Aristocratiae debemus respicere, ut vitiosum credamus, quicquid cum ea parum conciliari potest. Quamquam ergo haud dubie in Platonis πολιτεία creanda occupari videntur; qui optimatium regimen non nisi ex optimis ac eminentissimæ virtutis viris constituunt: dubitari tamen nequit, quin accuratissimis legibus virtus ac honestas optimatium sancienda sit. Valeat hic *ἡμῶν ἀριστοκρατία* de Senatu; is ordo vitio careto, ceteris specimen esto: & formula censoribus præscripta; *probrum in senatu non relinquitur*. apud Ciceronem 3. de LL.

7. Cumque omnia in hoc statu ad gravitatem & auctoritatem referenda sint; maximum opus & consilium summa in eo esse debet, ut legitimum intervallum inter populum & optimates constituatur & custodiarur. Licet enim in vera Aristocratia, majestas Aristocratica Patrum eadem sit, quæ regis in regno, si vim & naturam rei spectes: tamen forma & facies & schema plurimum discrepat, atque ad civilem æqualitatem propius accedit. Rex è sublimi venerandus conspicitur: optimates è proximo & inter cives præfulgent. Hinc omnis regia species invisita in optimatibus. quod exemplo Xvirorum Livius ostendit 3, 36.

8. Est equidem ratio status Aristocratici præcipua, plebem à communione honorum & potestatis excludere. Verum id consilium vix unquam feliciter proveniet, nisi populo tam voluntas imperandi, quam facultas adimatur. quod fit nonnunquam temperatione quadam Democraticâ: sæpius per simulacra Democratica, quæ vocant. De quibus alii. Ita Bodinus laudat rempublicam Venetam, quod cum plebe communicet minores aliquot magistratus & curationes. Unde tamen mixtus status non emergit.

quamquam *Contarenius* arte quadam politica eam fabulam in vulgus dispersit: Sicut nuper libellus *de ratione constituta Republica Anglia, Scotia, & Hibernia*, credulis & imperitis, puto, persuasum ivit; Democratia hodie rem Britannicam contineri.

9. Quotiens igitur auctoritas Patrum & sanctitas in majus extollitur & ascititia specie exornatur: semper studendum præcipiunt Politici, ne quid nimis; id est, ne populus sentiat & credat, in contemptum sui aut injuriam talia usurpari. Exempla habemus in caussa auspiciorum, & matrimoniorum apud Romanos. Auspicia quidem adeo propria patribus erant, ut non solum, quos populus creabat patricios magistratus, non aliter quam auspicato crearet: sed patres quoque ipsi sine suffragio populi, auspicato Interregem proderent; & privatim auspicia haberent, quæ plebei ne in magistratibus quidem habebant. Sed in hac re inculcanda non temperatum est verbis ad contemptum plebis pertinentibus. Sicut & in caussa matrimoniorum accidit. Illustris locus est apud *Livium* 4, 5.

10. Dum de honoribus sermo est, non videtur omittere ars illa, qua optimates usi sunt in submovenda à magistratibus plebe. Verba *Historici* sunt: *Artem adhibitam ferunt à patriciis, quod turbam indignorum candidatorum intermiscendo dignis, radio sordium in quibusdam insignium, populum à plebeiis avertissent.* Et postea: itaque sicut priore anno per indignissimos ex plebeiis candidatos, omnium etiam dignorum radium fecerant, sic tum primoribus patrum splendore gratiaq, ad petendum preparatis omnia loca obtinere, ne cui plebeio aditus esset. *Liv.* 4, 56. & 57.

11. Nimirum universa ἀντιπαρὰ ἀπορροαλὴν adversus plebem, quantum fieri potest, occulte potius quam aperte

aperte exercenda; neque speciem certaminis aut oppositionis, sed formam studii in Rempublicam & populum habere debebat. Id quod in mixto tamen statu sæpe arduum est. Inter duo quippe ancipitia, cedendo indulgendoque interdum placatur populus; sicut apud *Livium* (4, 6.) modestia, æquitas altitudoque animi in populo laudatur, quando contentus fuit, quod ratio habitæ plebejorum in comitiis esset, omnesque patricios tribunos militares consulari potestate, creavit: interdum vero cedendo indulgendoque ad plus petendum irritatur. sicut sæpius accidit. *Adeo moderatio tuenda libertatis, dum æquari velle simulando ita se quisque extollit, ut deprimat alium, in difficili est; cavendoque ne metuant homines metuentes ulro se efficiunt: & injuriam à nobis repulsam, tanquam aut facere aut pati necesse sit, injungimus aliis.* quod gravissimum *Livii* de tali statu judicium est. 3, 65.

12. Talia porro certamina in factiones degenerant: inter quas Aristocraticæ auctoritati nihil tutum, nihil firmum. Hinc non dubitat *Sallust.* (*orat. 2. de rep. ord.*) pronuntiare; *in ejusmodi certaminibus semper nobilitatis opes diminutas, & jus populi amplificatum esse.* Verissimo in summam judicio. Hinc omnes patriciorum artes pæne consumptæ apud Romanos: neque tamen in tranquillo potuit locari respublica, quin statim prior tempestas resurgeret.

13. In illis porro certaminibus, sæpius moderatio optimatum laudari potest, quam asperitas. Si enim non magis Patriciis, imperii, quàm populo, libertatis, modus est; tum fieri necesse est, quod ipsi optimates conqueruntur, ubi rogant Appium, *ut tantam consulari majestatem esse veller, quanta in concordia civitate esse posset: dum tribuni consulesq; ad se quisq; omnia trahant, nihil esse relictum virium in medio, distractam la-*

*ceratamq; rempublicam per magistratus : magis, quorum in manu sit, quam ut incolumis sit quæri. Liv. 3, 67.*

14. Erat sane sollennis ars Patriciorum in contentionibus ejusmodi, tribunos disjungere, & aliquem ex collegio tribunorum suis partibus conciliare, ut intercessione ejus, ceterorum collegarum adversus patres molitiones reprimerentur. Qua de re Appius Claudius apud *Livium* (2, 4. § 56.) *villam tribunitiæ potestatem in præsentia re ipsa, exemplo in perpetuum : quando inventum sit, suis ipsam viribus dissolvi : neque enim unquam defuturum qui gratiam melioris partis bono publico velit quaesitam ; & plures, si pluribus opus sit, tribunos ad auxilium consulum paratos fore, & unum vel adversus omnes satis esse. Neque tamen id telum Aristocraticum, gliscente certaminis pertinacia, valuit. Sicut discas licet ex Liv. 6. 35. & 36.*

15. Præcipuum itaque firmamentum omnis Aristocratæ, est concordia ordinum, si mixtus sit status ; aut optimatium inter se, si pura sit Aristocratia. Hinc leges severissimæ sanctissimæque ferendæ sunt, quibus inter optimates concordia illibata sancitur ; aut, ubi labare cœpit, prius, quam in nervum res erumpat, reconcinetur. Non enim sæpe potest sperari, nisi legibus sancitur, egregia illa moderatio, quam in Patribus & magistratibus *Livius* describit (6, 6.) ubi collegæ Camilli fatentur : *sibi destinatum in animo esse, Camillo submittere imperium, neque quicquam de majestate sua detractum credere, quod majestati ejus viri concessissent. Verique tum jactatum est à Patribus : se bene sperare (&) de bello & de pace universaq; republica ; nec dictatura unquam opus fore Reipublicæ, si tales viros in magistratu habeat ; tam concordibus animis junctos, parere atque imperare juxta paratos, laudemq; potius conferentes in medium,*

*dium, quam ex communi ad se trahentes. conferri mere-  
tur nobile exemplum lib. 3. cap. 70.*

16. Huic concordiae vehementer conducet, si singulorum optimatium ambitioni obex ponatur. In quam rem complures sunt artes: cum magnis imperiis & magistratibus modus imponitur, ex collegarum jure æquato: cum honorum inania eò magis multiplicantur, quo plus potestati detrahitur: cum censura optimatium actionibus destinatur, an se teneant intra concessa legibus, quas nunquam impune transgredi licebit: cum largitiones verantur: cum disciplina curiæ severissime & compositissime sancitur; ne altercationibus curiæ ad factiones veniatur: cum nobilium familiarum jura, moderandæ potentiae ordinantur. id quod exemplo Reipublicæ Venetæ illustrat *Langlaus* (Semestr. 7, 3.) ubi de duobus fratribus in eodem collegio differit.

17. Bodinus in præcipuis consiliis Aristocraticis autumat, optimatium cœtui magistratum aliquem perpetuum (ex optimatibus scilicet constitutum) præesse oportere, veluti cardinem fixum, in quo civitas, magistratibus perpetua varietate mutatis, acquiescat. Sed modus imponendus est juris, cuicunque nullus temporis imponitur. Sicut & in altero, quod commendari solet, non absimili invento: de rebus summis & imperii arcanis, inter paucos optimatium tractandis, cum in turba perturbationis sit magnorum consiliorum exitus. In his atque talibus cautione opus est, ut ad Aristocratiae moderatam temperantque naturam omnia referantur. Facili enim declinatione vel populi rationibus, vel paucorum libidini nimis indulgetur, atque ab optimatium πολιτία, quæ mediis rebus viget, disceditur. Nam populi imperium, juxta libertatem; paucorum dominatio regia libidini propior est. ut illud *Taciti* ad nostrum sensum, inflectamus paululum. 6. A. 42.

18. Quæ

18. Quæ hætenus, velut in exemplum posuimus, satis queunt ostendere, *ingenia senatus & optimatium*, si-ve illum animorum studiorumque habitum, qui Aristocratix maxime est consentaneus. *Cicero in oratione pro Sextio*, pro *optimatibus* habet, qui Reipublicæ student, ejusque dignitatem & securitatem optimis consiliis, artibus & actionibus juvare & ornare sibi proponunt. Ut præcipuus Character Aristocraticus (liceat ita loqui) sit reipublicæ se totum tradere, inque ejus commodis & negotiis, omnem suam operam dignitatemque constituere. Ita enim secerni licet è vulgo, cui respublica parum curæ.

19. Existimat quidem *Bodinus*, Tullium in illa descriptione optimatium, causæ suæ fervire, cum virtutes & vitia civium ad intelligendas designandasque formas rerumpublicarum non pertineant. Verum, ut nunc nil dicamus, quid veri falsive habeat illa *Bodini* ratio, certum est, cum de prudentia tractandæ reipublicæ, sicut formam cujusque regiminis juvat & decet, quaeritur, *optimates*, *populares*, & *singularis imperii peritos*, consideratis ingenii dotibus, animique artibus, quas ad hoc institutum adferunt, describi oportere. Quo sensu rectè dixeris, viro vero Aristocratico convenire, studium dignitatis, curam famæ, auctoritatis parandæ firmandæque diligentiam, gravitatem, magnitudinem animi, constantiam, fidem, amorem Reipublicæ, moderationem, prudentiam, honestas artes, literas, eloquentiam, & quæ sunt ejus generis. quamvis enim in omni regimine, his nominibus locus sit; tamen alia, atque alia ratio est, prout in diversis imperandi formis reipublicæ tractandæ adhibentur.

20. Verum ista melius forte, in ipso magnorum virorum actu, vitæque cernuntur, quales nunc omnino producendi essent, nisi scripturæ modus calamum cohiberet. Quid apud *Livium*, Quintio illo *disponali-  
xatim*? cujus elogium summatim est cognoscere, in illo  
patrum

patrum iudicio, cum rebus creperis, omnes in unum versi, ut vindicem majestatis Romanæ intuerentur, & primores patrum dicerent: *dignam* (quam habuerat) *concionem imperio consulari*, *dignam* tot consulatibus ante actis, *dignam* vita omni, plena honorum saepe gestorum, *sapius* meritorum. alios consules, aut per prodicionem dignitatis patrum, plebi adulatos, aut acerbe tuendo jura ordinis, asperiores domando multitudinem fuisse: T. Quintium orationem memorem majestatis Patrum concordiaq; ordinum & temporum inprimis habuisse. 3, 79. Hæc sunt ipsa illa quibus optimatum prudentiam, & consilium instrui hæcenus optavimus. Nec dissentit à priori laude quintus tanti viri consulatus: de quo *Historicus* (IV. 2.) *Æquavit, quod hand facile est, Quintius consul rogatus, armati gloriam college: quatenus concordia pacisq; domesticam curam jura infimis summisq; moderando, ita tenuit, ut & patres severum consulem & plebs comem crederint. & adversus tribunos auctoritate plura, quam certamine tenuit. Quinque consulatus eodem tenore gesti, vitæq; omnis consulariter acta verendum penè ipsum magis quam honorem faciebant.*

21. Jam si per singulos ire liceret, quam, est viro principi digna Camilli gravitas, Sempronii constantia, Menenii moderatio, qua in omni vita pariter patribus ac plebi carus & utilis fuit? Juvaret etiam cognoscere, quomodo deverterint à vero tramite hujus laudis nimia lenitate Æmilius, & fortasse Servilius: nimia severitate Coriolanus & Appiorum quidam. Nam plures Appii, cum optimates haberi magno studio vellent, in oligarchicos mores & consilia paucorum dominationi quam optimatum dignitati aptiora, lapsi sunt. Historici pleraque, *superbia & violentia* nominibus complectuntur, quibus & alias injusta imperia notari solent. Characterem hominis *ἀρχικῆ* etiam *Theophrastus* composuerat. Sed vitiis scatent, quæ fragmenta habemus. *Casaubonus*, *optimatum*



*cinum* vocabulo expressit. non quatenus virtutis, sed factionis nomen est. nam si quis sententias *Theophrasti* conferat cum aliis scriptoribus (vel *Pollucem* vide III, 6.) non dubitabit, contemptu plebis, affectatione honorum, jactabundâ elatione, & similibus signari res à virtute Aristocratica optimatum plurimum alienas.

22. Cæterum ejusmodi notationes magna exemplorum varietate Historia suppeditabit, tum aliarum gentium, tum Romanorum. præsertim ab eo tempore, quo pauci potentes, quorum in gratiam plerique concesserant, sub honesto patrum aut plebis nomine dominationes affectabant, bonique & mali cives appellati, non ob merita in rempublicam, omnibus pariter corruptis, sed uti quisque locupletissimus & injuriâ validior, quia præsentia defendebat, pro bono ducebatur. Ita *Sallustius* describit illa certamina potentium, quæ per omnes τῆς ἀριστοκρατίας gradus, vices, species rempublicam in unius manum denique tradiderunt.

23. Quæ hætenus de perdiscendis optimatum ingeniis attigimus, præter Aristotelis & Platonis politica, uberius peti possunt ex Græcis Latinisque scriptoribus, qui liberarum civitatum res declarant, vel ubi democratia, vel ubi aristocratia, vel ubi ex utraque mixta reipublicæ forma obtinuit. Non enim reperitur Democratia apud veteres, quin Aristocratica quædam temperamenta ibi vel usurpata, vel consultata sint. ne de mutationibus & mutationum tentamentis dicamus: quibus Attica Respublica est agitata. Hujus enim res eximie huc pertinent. Itaque ex Historicis *Thucydides*, ex oratoribus *Demosthenes* & *Isocrates* diligenter versandi. Romanæ Reipublicæ negotia ab exactis regibus ad monarchiam Cæsarum, *Halicarnasseo*, *Plutarcho*, *Dioni*, aliisque descripta habemus. Sed *Livius* singulariter hic est commendandus, ex quo solo peti potest, quicquid ad Aristocraticam prudentiam

tiam pertinet. In *Sallustio* quoque non parum hujus disciplinæ superest. Tum *Ciceronis* scripta, *orationes* præsertim & *Epistola*, thesauros ingentes philosophiæ ejus, de qua agimus, recondunt. ne ad plura nunc eamus.


24. In recentioribus, duo sunt incomparabilia exempla: *Reipublica Veneta vere Aristocratica & Status Imperii Germanici* ex Aristocratiâ & Monarchia mixti. Utriusque ergo generis scripta studiose versare debet is, cui Aristocraticam prudentiam perdiscere opus est. Si tamen prius tantum disciplinæ politicæ hauserit, ut de formis rerum publicarum, earumque rationibus accurate judicare possit. Res est enim, privatim inutilis, publice per se noxia, meditari & disserere tanti momenti negotia, absque illius doctrinæ ope, sine qua nihil rite judicaveris. Quantum est, heu quantum eorum numerus, qui de statu Reipublicæ temere, imperitèque disputant, cum revera nullius omnino formæ constitutionem animo satis perceptam cognitamque habeant, neque verborum formulas, à jurium potestate, speciem à re denique queant discernere: multo minus actionum publicarum fontes ac processiones definire.

25. In Historiis legendis, eximiam merentur observationem illæ orationes Aristocraticæ: de quibus vere possis dicere, quod de Pompejo ad Atticum scribens *Tullius* extulit (1. *Epist.* 14.) *tum Pompejus μάλ' ἀριστοκρατικῶς locutus est, senatusq; auctoritatem sibi omnibus in rebus maximam videri semperq; visam esse, respondit; Et id multis verbis.* Quanquam & in Principum orationibus aliquando illa imago usurpatur. Quid de optimatibus aut pro senatu fingi potest splendidius illa oratione *Othonis*, quam *Tacitus primo Historiarum* expressit? similia alibi notavimus.

26. Et quia optimatibus singulari quadam ratione virtus senatoria vindicatur, dubitari nequit, quin huc re-

ferri possit, quæ *Laurentius Grimalius de optimo senatore*, & alii instituto simili de virorum civili munere dignitateque fungentium artibus composuerunt: ut qui optima ingenia etiam in Principatu scrutantur & describunt, quale specimen *Barclajus*, in *icone animorum* prodidit.

Sed nobis de diverso regiminis genere hactenus sermo fuit. cui hic modum ponimus.



# XXXVIII.

## CLEARCHUS & SATYRUS

Primi Heracleæ Ponticæ Tyranni,

Ex

*MEMNONIS Historici imprimis  
egregii fragmentis.*

CAP. I.

DE MEMNONE & HERACLEA.

TH. I.

**M**EMNONIS Historici notitiam debemus *Photio*: qui in *Bibliotheca* sua eum commendat (cod. 224.) à prudentia scribendi, quæ prima Historici virtus est; à simplici venustate stili, quæ maximis etiam viris in hoc genere placuit; & ab ordine, digres-

digressionibus non nisi necessariis tempestive interstincto. Non licet apponere Græca : ne excrescant, quæ pauca & brevia esse volumus.

2. Verum est, quod *Cicero* dicit : *Historia quomodocunq; scripta delectat.* Itaque nec hodie, barbare scriptas historias spernimus : dummodo, ingenii & veritatis ; denique vel solius veritatis, si ingenium absit, aliqua vestigia appareant. Interim certum est, semper optari, quod optimum est : adeoque in Historico tum *ὁμιλῆς πολιτικῆς*, tum *δύναμις ἱστορικῆς* spectari, sicut probe extulit, quisquis est, qui *Luciani* nomen suæ commentationi de scribenda historia præscripsit.

3. Sed in genere orationis, non una omnibus, etiam eloquentissimis, forma placuit. Aliqui oratoris virtutem ample conspici voluerunt in historia : aliqui eam occultarunt. Ecce, quantum à Livii ubertate, à Sallustii splendore, à Taciti sublimitate, Julius Cæsar distare videtur ? qui cum omnes facundiæ Latinæ opes in promptu haberet, partem existimavit artis esse, si non ostentaret. Ad hoc institutum Memnon congruit : verbis usitatis, nec longe petitis, perspicue non minus quam solleter momenta rerum complexus.

4. Magnum hoc subtilis & exquisiti iudicii argumentum est. Quo & illud pertinet, quod digressionibus *ἱστορῶν* more Græcorum quorundam, onerare scriptiorem suam noluit ; nisi ubi res & ratio posceret. i. e. non quæsit digressiones, sed admisit. At imperiti hodie ejusmodi ambages in historia unice amant, & si diis placeat, laudant.

5. Materia ei scriptiōis fuerunt *Rex Heraclea Ponticæ*. *Ἰσα πλεῖ τῶν πολιτικῶν ἡγελευσιν συντάχθη.* De quibus sedecim libros confecit. Opus injuria temporis abolitum, nisi quod Photiana excerpti diligentia, summam multa consignavit, quæ nobis eo cariora esse debent, quatenus amissorum desiderium instaurant.

6. *Heracleas* viginti & tres *Stephanus Grammaticus*

numerat in commentario *de Urbibus*. Hic accipienda est, ut jam diximus, *Heraclea Pontica*, ἡ ἐν πόλει, πόλις Ἡράκλειος, ἐν τῷ πόντῳ, διάσημος. Urbs fuit opibus, & rerum gestarum gloria insignis: quæ ab initio feliciter democratico regimine utebatur; subinde varias mutationes sub dominatu paucorum perpessa; denique in tyrannidem recidit: cum qua 75. annos conflictata est; donec ad pristinam libertatem inciperet aspirare. id quod ex *Aristotele* etiam discas. *5. Polit. 6. add. Justin. 16, 3.*

7. De *Tyrannis* ergo inprimis sibi scribendum putavit *Memnon*: partim quod hæc disciplina vel maxime utilis est ad commonendos hominum animos, ne libertatem, quæ omnium est, paucorum lubidini prodant, unde certa ad plenam tyrannidem & brevis via est; partim ut ipsos tyrannos merita ex flagitiis infamia consequeretur; id quod inter præcipua historiæ munera esse, nemo sanus unquam inficias ivit.

## CAP. II.

### *CLEARCHI ingenium, mores, studia.*

8. *CLEARCHUM* ergo, πρῶτον τυραννίδι ἐπιδήμιον κατὰ τῆς πόλεως, primum libertatem civitatis *Heracleæ* dominatu oppressisse, *Memnon* auctor est. Hujus hominis, ante omnia, *ingenium* noscere & *mores* debemus: ut intelligatur, tales viros semper liberis civitatibus servitutem & ærumnas intolerabiles portendere, nisi in tempore coercerantur.

9. Apud *Suidam*, inde ab adolescentia dicitur fuisse *Διὸς ἰχθύος διὸς inimicus*, immanis & belluinæ naturæ descriptione. Invisi enim infestique Diis notantur, qui divina humanaque jura pravitate ingenii conculcatum eunt, feri,

feri, infociabiles, omnis civilis moris eversores. Eloquentis sententiæ ratio, à sanctiore philosophia lumen accipit. Revera enim inimiciâ adversus Deum est, illa animi immanitas, quæ humanitatem disciplinæ, & juris inter homines æqualitatem, expressâ divinitatis specimina, odit atque aspernatur.

10. Memnon in Clearcho notat, primum *ἀνία*, *sevitiam ingenii*: cujus administræ erant ac comites, *violencia & audacia*. κατὰ πάντα βίαν π καὶ τὰ ἄτοπα τοῦ μὲν, *violentum in omnibus, & ad nefaria quævis audenda paratum* nominat. Alterum vitium ἀλαζονίας nomine signat, *superbiam* scilicet, tumidique & elati animi insolentiam, cujus proles fuit, *ingratus erga bene meritos animus*. Fuit enim πρὸς τοὺς ἐνσπύτας ἀχάρις.

11. Jam imaginem ejus vides, qui tyrannus futurus est. *Sevitia & superbia*, quicquid ad rapiendam & exercendam dominationem facit, & gignunt ex se liberaliter, & provehunt impotenter: neque quicquam humanæ societati adeoque libertati tam adversum est, quam infanda ista nomina, quæ jus & æqualitatem, unica civilis felicitatis instrumenta, è vita tollunt. Itaque hoc compendio scriptores utuntur, cum de tyrannis sermonem instituant. *Superbiâ sevitiaq; grassatus* apud Suetonium Caligula dicitur (cap. 34.) qui ad implendos omnes tyrannidis numeros nihil reliqui fecit. Tacitus, Tiberium qualis futurus esset, *superbia ac sevitia* indicibus designat. I. A. 4.

12. Τὸ κατὰ πάντα βίαν, sive *violenter in omnibus versari*, verissimus tyrannicæ seviticæ character est. Enimvero cum videas hominem, non rei, non personæ, non loco, non tempori parcentem, quin privatus pro imperio, civis inciviler, ferocia pro ratione, jurgio pro jure utatur; an tu dubites hunc immanem tyrannum futurum, si qua reipublicæ perturbatio, aut calamitas, pravæ lubrici ejus occasionem aperuerit? Nulla hic sagaci conjectura opus est, qua apud Tacitum prudentes multa indicia *sevitia*,

*sevitia, quamquam premebantur, erumpere*prehendunt (1. A. 4.) *πὶ βίαι* se ultro indicat, & populi quoque non oculis modo conspici sed manibus palpari potest. Quare hæc ipsa res, exosum omnibus Clearchum, adhuc privatum, reddidit, ut nec oculos publicæ invidiæ amplius ferre posset, sed fuga sibi consulere cogeretur, ut est apud *Suidam*.

13. Cum autem animus crudelis & superbus, assiduus nefariorum cœptorum stimulis inquietetur, consilia consequi consimilia oportet: nova, subita, sibi invicem adversa, turbida. Quibus seu tentandis seu perficiendis, audacia pro instrumento est. Clearchus τὰ ἀτοπα τοῦ αὐτοῦ Memnoni dicitur, notabili sententiâ. *Laurent. Rhodomanus*, vir doctissimus, interpretatus est *ad res nefarias audacem*. Sed τὰ ἀτοπα, sicut res nefarias non excludunt, ita potissimum ostendunt, audaces impetu ruere, atque ubi minimum rationis est, eo plurimum conatus vertere. Violentia, de qua dictum, huc eos præcipitat, &, quæ ipsam haud raro violentiam extrimulat, superbia.

14. Estne genuinum superbæ germen, *ingratus animus*, de quo Memnon ante loquebatur? Nihil verius. Gratus animus debere se putat bene merentibus: Superbo omnia omnes debent, si placet; ipse nihil cuiquam unquam. Gratus animus, colit alios, amat, conciliat? Superbo nec decorum fuerit, quenquam colere; nec possibile, quemquam amare: nec facile, quenquam conciliare. Nam quæ servitio quæritur apud superbos voluntas, ut gratiæ nihil, ita dedecoris plurimum habere intelligitur.

15. Aderat tamen Clearcho, *vigilantia, industria, efficacia*. de quibus merito dicas, quod de Sejano *Tacitus* dixit: cum pleraque ejus vitia commemorasset, & industriam ac vigilantiam subjecisset: *haud minus hæc sunt noxia, quotiens parando regno finguntur*. 4. A. 1. Bene, *finguntur*. Quod enim sincerum virtutis nomen in eo locum

cum habet, qui civilis societatis finem conculcare decrevit? Itaque *Memnon*, ipsis vocabulis ostendit, quid sub specie honesta lateat, cum τῷ δρακείῳ (quod ad efficaciam agendi poterat trahi) + παλαμῶν conjungit. in quo nihil boni inesse potest.

16. Quid de studiis ejus dicemus? Fuit enim παιδείας τῆς κατὰ φιλοσοφίαν ἐκ ἀγύμναστος; Platonis & Isocratis auditor. Ingenio deterrimo, hæc pro adjumentis scelerum sunt. *Aristoteles* non tacuit: χαλεπώτερον γὰρ ἀδικία ἔχουσα δῖα. (1. *Polit.* 2.) Unde bonis præsidia virtutis petuntur: ea sunt pravis arma injustitiæ. Quid? quod nec ferio philosophiæ operam dedit, sed in speciem; ut nomen aliquod ex re tam nobili, non ut fructum peteret. Adi *Suidam*, apud quem reperies, verbo tantum prætulisse desiderium philosophiæ: ἄλγη φιλοσοφίας διψῆν, cum Athenas ad Platonem proficisceretur. Statim autem subjicitur: ἄλγη οἱ συγγινώσκουσιν. *Exigua Platonis consuetudine usus est.*

17. Nam hoc tyranno convenientius erat futurum. Nulla enim majora omni ævo Rebuspublicis damna evenerunt, quàm ab illis, qui Philosophiæ operam dederunt, sicut *Clearchus* dedit. Qui scilicet & somnio deterritus est, ne vere philosopharetur. Vidit ille in somnis (referente *Suida*) mulierem sibi dicentem: exi ab Academia, & fuge philosophiam. Neque enim fas tibi, eâ frui: quæ infestissimis te oculis intuetur. Accessit & alterum somnium, quo vidit tyrannum sibi prædicentem imperium, & jubentem cavere philosophiam.

18. Ad hæc somnia interpretanda, non opus est, ut *Artemidori*, aut *Achmetis*, aut *Astrampsychi* onirocritica consulamus. *Fit enim fere, ut cogitationes sermonesq; hominum pariant aliquid in somno, tale quale de Homero scribit Ennius, de quo videlicet sæpissime vigilans solebat cogitare & loqui.* inquit *Cicero in somnio Scipionis.* Quid mirum, si homo violentus ingenio, immodicus vita, tyrannus proposito, somniavit contrariam sibi esse philoso-



phiam? quæ omne nimium odit, omnem vim execratur, omnem tyrannidem infamat.

19. Illa mulier, quam Clearchus somniavit, est libido tyrannici animi, semper in eo negotiosa, ac ne inter dormiendum quidem quieta. Ea mutavit, ut in somnis nihil difficile est, sexum, cum in tyrannum transformata nihil novum dixit. Non potest rerum natura inverti: semper ex animo dicunt, qui rem tam claram, tam certam asseverant. Et fœmina dixit, & mater, vere mater, quæ non filium modo sed ex indole ingenii sui, tyrannum peperit: *Philosophiam imperaturo contrariam esse* (Sueton. Ner. 52.) Nec alio animo aut proposito utebatur in alio sexu, qui *literas virus ac pestem publicam* nominavit.

20. *Aurelius Victor* id memorat: qui eadem opera putat, *per inscitiam immodicam*, illud dicitarii provenisse. Detur aliquid festinanti calamo: debuit vir eximius dicere, *per summam sapientiam*. Nam qui tyrannice sapiunt, non adeo inepti sunt, ut onerosum virtutis opus, aut inimicas vitii artes sectari instituant. Brevis & efficax sapientia est: vi pro jure uti. neque enim multis elementis ista distant. Ecce quantum compendium, imo (nam hoc magis amant) quantum ARCANUM? sapientibus illis viris, & magnis philosophis arduum videtur, unam rempublicam regere. At qui tyrannicis mysteriis initiatus est, toti orbi gubernando, omnibusque & rebus & hominibus informandis, reformandis, deformandis, & solus & statim & vehementer par est. Ludus ipsi & jocus est, dolo grassari. Quo is nequit penetrare, abunde per omnia vis sufficit. Non fallit verbum illud:

*Vix & nequitia quicquid oppugnant, ruit.*

21. Non placent hæc simplici & ingenuæ Philosophiæ: itaque nec animo nec oculis æquis ferre tyrannos potest, & *τυραννίδας*. Quid miretur ergo, si invicem, ab hujusmodi ingeniis odio habetur? Semper ista inimitia

citia obtinuit. Omnium sæculorum, omnium gentium annales revolve, si placet: nunquam non invenies, tyrannos & τυραννικά ἡγοῦντας infensis odiis in philosophiam & philosophos defœvisse. Causas si quis quærit, partim jam cognovit, partim ex Tacito & Plinio repetere potest, cordatis, ut arbitror, & ingenuis viris. Quod si tamen illi, minus ad horribilem sapientiam facti videantur; festiviore disciplina vel in theatro, per omnium linguarum histriones idem doceri possumus.

## CAP. III.

## CLEARCHI Tyrannis, &amp; tyrannica flagitia.

22. Qualis fuerit Clearchus, ex Memnone & Suida, hætenus satis est expositum. Nunc, quo pacto tyrannidem & adeptus sit & exercuerit, noscendum est. Qui republica Heracleotarum quietâ, inter cives propter incivilitatem tolerari non potuit, is inter gravissimæ seditionis dissidia, ab una parte accitus, adversum omnes invaluit, ac tyrannidem sibi stabilivit. Causam seditionis aliter Justinus tradit (16, 4.) aliter Aristoteles (5. politic. 6.) qui ob supplicium Eurytionis concitatam indicat, eo quod οἱ βασιλεῖς πœnas legibus constitutas excessissent, in eoque plectendo suis odiis per contumeliam auctoritatis publicæ explendis studuissent.

23. Apud Justinum explicatur, quomodo se gerendo, dissidentibus inter se civibus jugum imposuerit. Nam Diodorus Siculus (lib. 15.) plura non habet, quam τῷ δὲ τυραννίδι, καὶ ἐκείνῃ τῇ ἐπικολῇ. Solus interim seditionis titulus, ultro ostendit, tyrannidem bonis artibus parari haud potuisse in Republica libera. Quare nec melius, quam adeptus est, exercuit. Flagitia tyrannidis, Memnon

tribus generibus erudite concludit, quando τὸ μισέειν, τὸ μισοειδέν, τὸ ὕβρις in eo accusat: quasi tu dicas, crudelitatem in cædibus sive acerbiter in suppliciis; truculentiam in convictu & moribus; contumeliam, in injuriis, sive contumeliosum in omni civili commercio animum. Quæ ex sævitia & superbiâ scilicet ante memoratis, proveniunt. adde *Justinum*.

24. Si quis per singula, quid his flagitiorum generibus comprehendatur, nosse cupit, *Aristoteles* adeundus est: qui *lib. 5. polit. cap. 10. & 11.* tyrannicas & calliditates & acerbitates partitur ac explanat. *Superbiam* Clearchi, in tyrannide eo usque provectam *Suidas* tradit, ut humano fastigio non contentus, divinos honores affectaret, habituque simulacris deorum familiari ornaretur. Filio quoque Κεραυνῶ id est *Fulminis* nomen imposuit. Se autem *Jovis Filium* cognominavit, sicut *Memnon* refert.

25. Quo etiam pertinebat commentum illud, faciei pingendæ, & in ruborem quendam adornandæ: ut augustior intuentibus ac diviniore appareret. Ita nimirum paulatim factum est, ut hominibus intolerabilis videretur, qui homo esse desierat. Traxit tamen duodecim annos ista dominatio; vi & armis munita, & ad inexpugnabile, ut opinabatur, robur exædificata.

26. Ut tamen suorum facinorum invidiam, ad aliud sermonis publici argumentum verteret, *Bibliothecam* instruxit, qualem tyrannorum nemo. Sed quid Bibliotheca in manibus tyranni? non dicam, gladius in manu furiosi. Ille vero non utitur hoc gladio: habet alios longe acutiores, & saviores, non qui literis constant, sed qui ferro, *Gladium & Pugionem*. Alius est Bibliothecæ usus. Quis ille? dicet, & jam olim dixit, simillimus *Clearcho Caligula*.

27. Compone te ad audiendum, quisquis es, Tyrannus loquitur: nec protrita & vulgaria, sed ipsa horribilis illius sapientiæ, quæ Tyrannis vocatur, mysteria: *Cogitavit CALIGULA etiam de Homeri carminibus abolendis.*

Cum

*Cur enim sibi non liceret, dicens, quod Platoni licuit (admirare acumen illius arcani, quod pugionem vocant) qui eum à civitate, quam constiruebat, eiecerit? Sed & Virgilii & Titi Livii scripta & imagines, paulum absuit quin ex omnibus Bibliothecis amoverit: quorum alterum (conivete; iterum micat acumen) ut nullius ingenii minimag, doctrina; alterum ut verbosum in historia negligenteriq, carpebat. De Juris quoque consultis (nunc utraque manu distringitur Gladius) quasi scientia eorum omnem usum aboliturus sape jactavit; se mehercule effecturum ne quis respondere posset; prater eum. Sueton. Calig. 34.*

28. In Poësi, Historia, Jure, apud ethnicos omnis divinarum humanarumque rerum sapientia continebatur. Hanc abolere, & ad silentium redigere cupit Tyrannis, nec immerito scilicet. omnia arcana sapientia sunt in scrinio pectoris tyrannici. Sileant ergo artes ceteræ: neque prater Tyrannidem quicquam loquantur. Ita compendio agentur, transigentur omnia; tollentur ambages; parebitur Philosophis, qui verant, quod paucis fieri potest, per plura expediri. De atrocioribus quibusdam hujus tyranni flagitiis, peculiari dissertatione agetur.

## CAP. IV.

### CLEARCHI Exitus, sive Exitium.

29. Ita grassantem *Clearchum* non defuit haud dubie plerisque animus adoriri. Sed ita se terrore armorum succinxerat, ut occidi sine occidentium exitio non posset. Tentata est itaque patientia servientium, donec patriæ causa petire cuperent illustres & eximii quidam viri, hoc pretio, si auctores exitii tyranno, *Heracleæ* liberatis, existerent. *Momnon* ait, τῶτον ἱπικλῆες πολλὰς πολ-

λάλι καὶ αὐτὴ συνάσσει διαφυγῆν, *multas hunc insidias & confpirationes saepe in ipsum structas evasisse.*

30. Venit tamen hora vindictæ; de qua notabiliter *Suidas*: ἀπέκτεινε δὲ αὐτὸν πρῶτον μὲν, ἢ δίκῃ, ἢ αἰῶνι, ἢ χεὶρ ἢ χιῶν. *Occidit enim, primo quidem Divina justitia; enim autem manus Chionis.* Vere huc pertinuit illud Poëtæ:

*Sequitur superbos ultor à tergo Deus.*

Vidit enim hoc, vidit etiam illa philosophia, quæ ad divina saepe cæcutiit: neminem Tyrannorum credere, Dei in rebuspublicis regimen; donec ultrix cælo vindicta fidem sui ipsa faciat. Hac mercede enim veram sapientiam, quæ immodica omnia execratur, in terris spernunt Tyranni, ut apud inferos demum condiscant; eâ disciplinâ, quam descripsit *Silius Italicus lib. 13.* sed longe accuratius sacra exhibet pagina.

31. Interfectores Clearchi complures memorantur. manu tamen *Chionis* perpetratam cædem, & *Memnon* & *Suidas* ait. Magni vir animi, verus Platonis discipulus, & sapientiz studiis præclare eruditus, ex ea schola τὸ μισο-*τύραννον* sive odium tyrannidis, hauserat; cum tyrannum alias non odisset, sanguine sibi conjunctum. Ex sociis facti ceteris Leonem & Euxenonem, *Memnon*; Leonidem & Antitheum, *Suidas*; Chionidem & Leonidem *Justinus*, nominatim appellant: viros iidem philosophos. ut fieret, quod tyrannus somniaverat: philosophiam sibi inimicam esse. Est enim hæc quoque pars justitiæ vindicis, ut, unde maxime peccant homines, inde potissimum puniantur. Philosophiæ hostem, consilio & manu philosophorum cadere, in fatiis erat. addatur *Diogenes Laërtius in Platone.*

32. Clearchus itaque, dum sacris publice operatur, æcepto lethali vulnere manu Chionis, postridie interiit: sævissimis antea doloribus excruciat, & à spectris exagitatus. Sive revera mali genii circa prædam suam jam exul-

exultabant ; sive tormenta conscientiae repræsentabant ei flagitiorum , quibus gaudebat hætenus , deformitatem. Ait enim *Memnon* , simulacra eorum , quos diris modis necaverat , oblata , tantum pavoris incussisse.

33. Jure eum meritoque interiisse , nemo sanus non intelligit. Præclare *Snidas* : *δίκην ἰδὼς δικάειν , αὐτὸς ὡς ἐτόλμει* , *justas facinorum , quæ ausus est pœnas dedit*. An jure interfecerint , qui huic consilio animum adjecerunt , tum non est dubitatum. Communes patriæ hostes & habebantur & dicebantur tyranni , qui rempublicam antea liberam dominatu oppressissent : patriæ liberandæ ex manu tyrannorum justissimus titulus , perennis gloria credebatur. Itaque plenis laudibus hos interfectores *Clearchi* concelebrant Historici , quibus hic utimur auctoribus.

34. Augetque non parum gloriam facti , egregia facientium voluntas. non enim , ut potentiam ipsi adipiscerentur , sed obfirmato ad moriendum animo , Tyrannum aggressi , suo interitu patriæ libertatem emere decreverant. Plerique enim ( quod omnino futurum providerant ) à satellitibus tyranni occisi , non multi tamen cecidere. reliqui comprehensi constantissimo animo suppliciorum ultima pertulere. Non secutus est sane is eventus , quem speraverunt. Sed hoc in manu fortunæ fuit : documentoque esse debet liberis civitatibus , quanto studio omnis præcludenda tyrannidi via sit ; quæ semel recepta ægre excutitur.

35. Quæ Græci de tyrannicidis philosophati passim & copiose sunt , longum fuerit referre. neque potest negari , plus ultra ivisse quosdam , qui etiam adulterium in uxorem Tyranni ; si hac ratione facilius è medio tolli posset , permiserunt. *M. Seneca excerpt. Controv. 4. 7. & Michael Ephesus ad 5. Eth. Aristot.* videndi. Satis erant muniti legibus , qui tum ad tollendos tyrannos animum applicabant , neque opus habebant , à flagitio præsidium mutuari. Quid alias in hac quæstione statuendum sit , non potest :

potest nisi in re præfenti cognosci i.e. ex legibus cujusque reipublicæ, & factis ac non factis.

## CAP. V.

*SATYR 1, ingenium, Tyrannis,  
exitus.*

36. Successit Clearcho SATYRUS frater, teste *Memnone & Justino: qui eadem via* (ita loquitur *Justinus*). *tyrannidem invasit.* Ex quibus verbis, nondum confirmatam aut consensu civitatis receptam fuisse tyrannidem, adeoque merito & jure Clearchum occisum, non invalide colligas. Sed quoniam satellites occisi Tyranni subito convolaverunt, conspiratosque oppresserunt, occasione rapiendæ dominationis usus Satyrus (sive is Zathras est) fraternæ domus potentiam stabilivit.

37. Hunc ingenio, moribus, studiis rudem & inconditum; solis cædibus & crudelitate promptum, *Memnon* describit. Lubet hic miserari civitatis magnæ & miseræ infortunia: quæ non unius & alterius, sed plurium tyrannorum ingenia perferre eoacta est, postquam semel sanctissimam rem, nec nisi vigilantibus & cordatis committendam, libertatem amiserat.

38. Savitia non æquavit modo fratrem, sed superavit. Argumenta historicus duo, insignia adfert. Primo enim, πολλὰς ἀνὰ ψυγὰς, κακῶν δίκας ἀπέτισεν; *innocios multos, tanquam noxios punivit.* Sicut bonis Principibus solemne est, neminem nisi valde noxium punire: ita tyranni non alios promptius quàm innocios evertere concupiscunt: si præsertim sint ingenio liberaliore minimeque ad serviendum aut assentandum facto. quorum scilicet in civitate nuper liberâ non potest non magna copia esse. Deinde, tantum processisse crudelitatem Tyranni *Memnon* ostendit, ut satias tandem ac tædium fundendi sanguinis eum caperet. Quantum est sanguinis & miseriarum, quo satiari Tyrannus potest?

39. Non

39. Non defuerunt interim speciosa nomina. Ul-  
tionem enim parricidii vocabat illam stragem, qua noxios  
cum innoxiiis sternebat, nulli ætati aut sexui parcens: ad-  
co, ut liberi etiam, non tantum eorum, qui conscii fue-  
runt cædis Clearchi, sed etiam, qui ignari, una ruina  
provolverentur. Hoc in præsens, munimentum erat. In  
futurum, gloriam sibi parare cupiebat τῇ φιλαδελφίᾳ.  
nam, ut fratris liberis tyrannidem integram & securam  
conservaret, liberos ipse noluit generare. hac quoque  
in re (quid enim sincerum à tyranno queat expectari?)  
flagitio usus, quod legi apud Memnonem malumus, quàm  
hic narrare.

40. Verum non plures septem in tyrannide annos  
exegit. Tum enim fratris filio majori tradidit imperium.  
Ipse autem morbo implicitus est immedicabili, de illo ge-  
nere, quod salva aurium reverentia ne quidem nominari  
potest. donec desertus à suis (fœrorem immanem jam  
non ferentibus) & summis cruciatibus excarnificatus, ite-  
rum suo exemplo docuit, tyrannos & tyrannica spirantes,  
non minus perire quàm perdere.

41. Graviter Memnon, cum exitum ejus exposuisset:  
ἰδὼν μὲν καὶ ἔτι, ἄσπιρ καὶ κλέαρχος, πλεονὺν τοῖς ὀφεί-  
σιν ἰκνοῦν, δίκας ἀπαλῆδ' ὧν ὁμῶς τε καὶ παραθύμους τὸς  
πολίτας δέδισαν. Hujus exitus, ut & Clearchi, iterum  
documento esse animadvertentibus potest, pœnas tandem ex-  
igi eorum, quæ crudeliter atque contra jus & æquum, in  
cives tyranni admiserunt. Ridentur hæc ab iis, quibus  
ἱπικύρειος διὸς præcipuum in civili vita numen est. Sed  
nemo evasit, aut evadet in posterum, Nemesein rideri  
nesciam.

42. Qui historiam omnis ævi aliter, quàm pueri  
fabulas legunt, imo nimium postulavi; si legunt ut pueri  
fabulas, cum ἱπικυρίῳ, nunquam dubitabunt, veram esse  
philosophiam, qua Memnon utitur. Usus communis  
vitæ privatim docebit: nemini impune esse, si alterius  
statum per injuriam clam palam evertat. quid oportet  
Xx xxx cum



cum expectare, qui civitatis jura & libertatem oppressum ivit? Satyrus inter acerbissimos cruciatus saepe optat mortem, nec invenit. ecce, qui tot innocentibus causa mortis extiterat, adversus supplicia vitæ, ne solatio quidem mortis potiri potest. Veniet tandem ocyus serius sua cuique mors tyranno: sed illis stipata comitibus & pedissequis, quæ possint luculente testari, libertatem oppressam Deum habere ultorem.

### Corollarii loco adjecta.

- I. An Tyrannicidæ præmium petenti apud *M. Sen. Excerpt. Controv. 4, 7.* recte & valide contradicatur?
- II. Quid de origine Heracleæ (*Justin. descripta 16, 3.*) sentiendum sit?
- III. An Heracleenses, hostium injuriis beneficiis rependendo prudenter egerint? apud *Justin. 16, 3, 11. & 12.*
- IV. An Timotheus Atheniensium, Epaminondas Thebanorum duces Heracleensibus seditione laborantibus prudenter auxilia negaverint? *Justin. 16, 4.*



### XXXIX.

## FOEDERIS ROMANORUM CUM Antiocho Jcti formula.

### DELECTUS MATERIÆ.

**C**Um esset hoc tempore aliquod specimen studiorum in Academia edendum, delegi considerandum Fœdus, quod Romani cum Antiocho victo pepigerunt Anno ab V. C. DLXIII.

Nam in Legibus ejusmodi Fœderum multa occurrunt, quæ non ad *Jus* modo Belli explicandum faciunt, sed *statum Reipublicæ* fœderatas apud gentes, vicinasque, ostendunt.

Quare

Quare viri prudentes semper optarunt, accuratam Fœderum consignationem fieri in *Historiis* : nec in *Tabulariis* modo, quæ crebris casibus obnoxia sunt, sed in *memoria* quoque *Annalium* ad posteros illa prodi.

Neque sane Historicorum quisquam fuit, quin rebus memoratu dignis, id est, argumento historiæ convenientibus, *Fœdera* accenseret. Sed plerique, etiam principes scriptorum, brevi summa notare contenti, *Formulas* ipsas suis operibus inferere, alienum ferè duxerunt. Quo fit, ut hujus generis pauca exempla, atque ideo diligentius confectanda atque expendenda, reperiantur.

Ap ex iis Fœdus est, de quo loquimur? Nihil dissimulandum est. Ipsa verba, & formulæ seriem, ut in tabulis ivit, neque *Polybius* nobis promittit in illis verbis; *ἢ δὲ τοιαύτην τὴν ἢ τὴν καλὰ μὲν διατάξιν*, neque *Livius*, qui ita interpretatur: *Fœdus in hac verba FERE cum Antiocho conscriptum est.* Sed est tamen formulæ in ipsa conventionem perscriptæ proxima, & ad primam illam ac quasi originariam descriptionem copiâ & expressione capitum accedit.

### *Occasio Fœderis & status Paciscentium.*

**A**ntiochus bellum cum Romanis fidenter susceptum, infelicitè gesserat, terra marique clade affectus. Igitur ad pacis consilia versus, à Scipionibus (Lucio enim Africanus Frater Legatus aderat) in Asiam ad patrandum bellum missis, pacem petit. Cum displicerent conditiones, denuo configitur, simili partium fortuna. Necessaria jam Antiocho pax erat, quam ante repudiaverat. Prætermisso itaque *Uno coque optimo de pace agendi tempore*, *Jul. Caf. B. C. 6. 3 p. 10.* *dum sibi utraq; pars confidit, & pares ambe videntur*; expertus est quod vix contentus sit æqua parte, qui superior videtur. Non nisi cladibus extenuatus pacis mentionem intulerat: conditiones, tempori & fortunæ suæ pares asper-

natus primo, cupide postea ad eas recurrendum habuit. Quis hic Fædus speret æquum? Perdit Principes sæpe opinio pudoris; dum pacis prima mentio dedecus habetur. Neque semper reconciliatores pacis, quos hodie *Mediato-*  
*Justin. 31.* *res* vocant, sese offerunt. Romanorum equidem animi magnitudinem *Trogus* laudat, nihil ad superiores conditiones addentium, *Africano* predicante, Neq, Romanis, si vincantur, animos minui, neq, si vincant, secundis rebus insolecere. In summam scilicet, nec indecore, Patriæ gloriam, cui solus eo tempore pares animos tulit, commentatus est. *Appianus* tamen, fæderi ex *Scipionis* sententia scripto, *Senatum* pauca, quæ exprimit, adiecisse, refert. Sed quid de fædere toto judicandum, Formula expensa docebit.

### Formula Fæderis cum Interpretatione.

*Exhibent Historici Fædus hoc, primò summam, deinde expressis plenius legibus: Præmitti fas erit quæ in summam memorantur. Leges à Scipione dictas Appianus*  
*in Syr. pag. 112. edit. H. Steph.* *ita* signat: *Antiochus Europa* abstinere, *Asia* cis *Taurana* decederet, finibus designandis: *Elephantos* omnes, *naves*, quot imperarentur, *Romanis* traderet, neq, in posterum vel *Elephantos* ullos, vel *naves* ultra præscribendum numerum, pararet: *Obsides* viginti à consule nominandos, *D. talenta* statim; *M. M. D.* cum *Senatus* Fædus comprobasset, *M. talenta* aquis per annos *XII.* pensionibus, daret: *Captivos* & *transugas* omnes redderet, *Exmeni* reliquam de eo, quod *Patri* ejus debebatur, summam numeraret. Legatis ab utraque patre *Romam* missis, *Senatum* his confirmatis pauca addidisse; *Ut Antiocho* terminus regni duobus promontoriis *Calycadno* & *Sarpedonio* definiretur, ultra quæ belli causa non liceret navigare; *Ut* *naves* bellicas tantum duodecim ad subjectorum fidem continendam haberet, ad repellendum vero bellum pluribus uti posset; *Ut* in ditione Ro-

mano-

manorum milites ne conduceret, neq; transfugas inde reciperet; Ut Obsides tertio quoque anno, excepto Antiochi Filio, mutaret. Apud Justinum brevius: Ut Asia Romanis Lib. 31. c. 7. cederet: contentus Syria Regno esset: Naves universas, captivos & transfugas traderet; sumptumq; omnem belli Romanis restitueret. Adhuc concisus Valerius Maximus, IV, 3, 9. c. 3. Antiochus, ait, à L. Scipione ultra Taurum montem imperii finibus summotus Asiam provinciam vicinasq; ei gentes amisit. Et: Lucius Scipio Antiochum totius Asia dominum, VII, 1, 1. etiam Europa victrices manus iniicientem, ultra Taurum damn. montem summovit. Oratorie Florus: Victo & supplici pa- II, 8, 18. cem atque partem regni dari placuit; eo libentius quod tam facile cessisset.

Pleniore formulâ, & τὰ κατὰ μέρος complexâ, ut jam ante dictum est, proposuere hoc Fœdus Polybius & Livius. Ex quibus repeti atque ἐκ παραλλήλων constitui omnia, insertâ brevi interpretatione, operæ pretium fuerit. Polybius ita orditur: Φιλίαν ὑπέσχεον Ἀντιόχῳ καὶ Ῥωμαίοις εἰς ἀπαρίη In Excerpt. τὸν χρόνον ποιῶντι τὰ κατὰ τὰς συνθήκας. Livius reddit: Legat. C. 35. „ Amicitia Regi Antiocho cum populo Romano his legibus lib. 38. c. 38, „ & conditionibus esto.

Omnis pactio Fœderis habet se per modum Conditionis, quoad capita & leges, hoc sensu: Si ille & iste fœderatorum servat, quæ nunc convenere, erit amicitia & societas. Altero enim non stante promissis, dissoluta intelligitur pactio, nisi exceptio hujus rei causa peculiariter fuerit perscripta. Græca propius ad conditionem significandam accedunt, præsertim apud Appianum: ταῦτα Ἀντιόχῳ προσέειπεν ἄλλως δίδωμεν εἰρήνην τε καὶ φιλίαν. Si Antiochus hac fecerit, pacem ei atque amicitiam sincere damus. Et putes, ubi petenti datur pax, huic generi loquendi, validius causam & formam dari.

Si quis ex hodiernis moribus curiosus sit, & requirat; cur Antiochus præponatur, Romanorum nomen secundo loco exprimatur: illum non sinemus suspicari, in honorem nominis Regii hoc factum. Alia enim Romanis mens &

vide Iad.  
Rom. cum  
Ætolis.  
Polyb. ex-  
cerpti, legat.  
p. 833.

oratio: præsertim victoribus. Vel enim in promiscuis & fortuitis ista habebantur (quando in utrumque exempla suppeditant) vel ipsum genus fœderis, & formula huc ducit, ut, quis, quibus legibus in amicitiam receptus sit, signantius noceat.

*Amicitia*, hic *Paci* congruit, cujus natura postulat, ἀπαυλα χρόνον sive *perpetuitatem*. Est enim hoc Fœdus, quo arma finiuntur, pax instauratur, quæ nisi perpetua sanciretur, dilatum non finitum bellum intelligeretur. In

Polyb. lib. 4  
p. 318.  
vide Fœdus  
Rom. &  
Carthag. a-  
pud Polyb.  
lib. 3. p. 177  
lib. 15. p. 705

fœdere Pruliæ & Byzantiorum eodem modo: εἶναι περὶ οἷα καὶ Βυζαντίοις εἰρήνην καὶ φιλίαν εἰς τὴν ἀπαυλα χρόνον. Sed quamvis non adderetur perpetuitatis nota (solet enim prætermitti) ex natura tamen negotii & pactationis subintelligenda esset.

Ex conditionibus *Prima* favorem ex æqualitate habet. Ita enim alibi dividit *Polybius* ea, quæ in fœderibus decernuntur, ut alia sint τὰ φιλόφρονα benigniora, favorabilia; alia τέτοις ἐναντία, his contraria; odiosa ac duriora scilicet, quæ alteram partem premunt onerantve, citra reciprocationem. *Prima* igitur lex Fœderis nostri ita exprimitur: Μὴ δίδναι δὲ βασιλείᾳ Ἀντίοχου καὶ τοῖς ὑποταγμένοις διὰ τῆς αὐτῶν χώρας, ἐπὶ Ρωμαίων καὶ τοῖς συμμάχοις, πολέμους. Μὴδὲ χορηγεῖν αὐτοῖς μὲν. ὁμοίως δὲ καὶ Ρωμαῖοι καὶ τοῖς συμμάχοις, ἐπὶ Ἀντίοχου, καὶ τοῖς ὑπὸ ἐκείνῳ ταγμένοις. *Levi* hæc est interpretatio: Ne quem exercitum, qui cum populo Romano Sociisq; bellum gesturus erit, Rex per fines Regni sui, eorumve, qui sub ditione ejus erunt, transire finito; neu commeatu, nec qua alia ope juvato. Idem Romani Sociisq; Antiocho, & iis qui sub imperio ejus erunt, præsent.

Plenum habet illa conditio Juris naturalis favorem, si amici amicorum hostes, neque transitu concessio, neque qua re alia suppeditata juvent. Idque reciproco officio. Nam illa διαφικνώματα in practicis persequi, nihil attinet: quàm periculosa hæc obligatio sit, quid enim? Si aliquis justissimam adversus fœderatum mihi, bellandi causam habeat,

beat, & à me transitum idonea cautione petat, an ei negem, id est, iusta negando, & ipsius arma & fortunam in me provocem ac irritem? quippe hac disputatione in medium admissa, neque unquam ad liquidum perducenda, quæ fœdera firma aut certa erunt? Estque pars responsionis in *Temperamentis* hujus conditionis naturalibus & perpetuis à *Facultate & Voluntate*. Transitum enim prohibendi etiam volentibus non semper *facultas* adest: vel, quod improvise & furtim transit hostis; vel quod tali loco transit, ubi arcendi nulla præsidia, aut opportunitates; vel quia eo impetu transitum rapuit, cui resistere, id fuisset caput ruinæ subdere. De ope *quacunque hosti non præstanda*, non raro dubitatur. Quid si enim, Antiochi (ut in exemplo maneamus) cives, nullo ipsius jussu aut consilio, hosti Romanorum aliqua subministraverint, an pax rupta censetur? Ita videatur: quia in fœdere dictum est, non modo de Antiocho, sed de *subjectis* quoque Antiocho. Sed intellige subjectos, quatenus *in potestate sunt* aut *ante factum*, aut *post factum*. *Ante factum* non videntur in potestate esse, qui aliquid inscio & inconsulto Principe faciunt. Prohibere enim quî potest, qui nescit? Post factum, *notitia & silentium* culpæ partem derivat deum in Principem. Et, si animadvertit in delinquentes, non censetur pax rupta. Humanius quoque est, minutiora non urgere importunius. Posset fieri; ut quidam Antiocho subjecti, Romanorum hosti cibaria, aut vestimenta venderent, non illius consilia & facta bellica adjuturi; sed suas necessitates domesticas & inopiam quaerulus sublevaturi. Alia fiet æstimatio, si loco hostili, penuriâ mox in Romanorum manus venturo, commeatus intulerint, deditionemque impediverint. Ab Romanorum parte, non *ὑποτακτικοί* sed *συνμάχες*, socios nominari videmus. Quamvis autem *sociorum* vocabulo, Romani etiam inæquali fœdere constrictos, aliquando & plena parendi lege subjectos, significare soleant: hic tamen satis apparet, si conferantur reliqua de sociis in Fœdere posita,

Socio-

Sociorum fœdere æquali aut inæquali junctorum causam communicari cum Romanis ; subjectis penitus locis, postea diserte expressis.

Unde sociis mox cavetur *lege secunda Fœderis*, in istis:  
 2, 8, 7. Μὴ πολεμῆσαι δὲ Ἀντίοχον τοῖς ἐπὶ ταῖς ἡσίοις, μηδὲ τοῖς κατὰ τὴν Ἑυρώπῃ. *Livius* : Belli gerendi juxta Antiocho ne esto, cum iis, qui Insulas colunt, neve in Europam transendi. Romani ista sui juris fecerant partim, partim societate complexi erant. *Europa*, inquit *Florus*, jam dubio procul jure ad Romanos pertinebat. hic *Lysimachiam Urbem*, in littore *Thracio positam* à majoribus suis, *Antiochus* ut hereditario jure reposcebat. hos velut sidere, *Asiatici belli mota tempestas*. Mox, cum ex Asia movisset, occupavit statim insulas, *Graciæ, littora*. Addatur *Livius lib. 35*. Hæc Romani armis recepta, in posterum ab Antiochi infestatione muniunt. In quo nihil iniqui apparet.

*Tertia Lex Fœderis* : ἐκχωρεῖτω δὲ πάλιν καὶ ῥο-  
 „ ραὶ \* μὴ ἐξαγαγέτω μηδὲν πλὴν τῶ ὅπλων ὧν φέρουσιν οἱ στρα-  
 „ τῶτα. εἰ δὲ π. πυρῶν αἰσιν ἀπειρημέναι, καθίστασθαι  
 „ πάλιν εἰς τοὺς αὐτοὺς πύλεις. μηδ' ὑποδεχέσθαι τὴν ἐν τῇ  
 „ ἑμῇ τῇ βασιλείᾳ, μήτε στρατιῶτας, μήτ' ἄλλον μὲναι.  
 „ Εἰ δὲ πῖες, ἐξ ὧν ἀπολαμβάνουσιν οἱ Ῥωμαῖοι πόλεις, μὴ  
 „ δυνάμεις εἶναι Ἀντίοχῳ, τέτυς εἰς ἀπάμειαν ἀποκαταστή-  
 „ τωσαν. Τοῖς δὲ Ῥωμαῖοις καὶ τοῖς συμμάχοις τινες εἶναι \* ἐν  
 „ τῇ Ἀντίοχῳ βασιλείᾳ \* εἶναι τὴν ἑξουσίαν καὶ μένειν εἰ βί-  
 „ λωται καὶ ἀπεπείχων. Quæ ab initio defunt in Græca  
 „ *Fulvii Ursini*, & *Casauboni* editione, cum ceteris hia-  
 „ tibus, explet *Liviana* metaphrasis : Excedito Urbibus,  
 „ agris, vicis, castellis, cis Taurum montem, atque ad  
 „ Tanaïm amnem, & à valle Tauri, usque ad juga qua in  
 „ Lycæoniam vergit. Ne qua præter arma efferto ex iis  
 „ oppidis, agris, castellisq., quibus excedat. si qua extulit;  
 „ quæ, quoque oportebit, restituito. Ne militem, neu quem  
 „ alium ex regno Eumenis recipito. Si qui earum Ur-  
 „ bium Cives, quæ regno abscedunt, cum Rege Antiocho,  
 „ intraque finis ejus regni sunt, Apameam omnes autem diem  
 „ certam

„ certam redeant. Qui ex regno Antiochi apud Romanos  
 „ sociosq; sunt, iis jus abeundi manendiq; esto. Potuissent  
 forte dividi, quæ conjunximus, ut sub uno conspectu es-  
 set, quibus locis, qua conditione, quoad arma & homines,  
 excedendum Antiocho fuerit. Duriore conditiones hinc  
 incipiunt: & amissis bello, quæ nuper bello acquisiverat,  
 etiam parte imperii pristini exiit Antiochus. Quod in *de Arm.*  
 summam ita defendit Albericus Gentilis: Non ei lex ante *Rom. 2. c. 9.*  
 dicta talionis, abstineret alieno, si possidere suum vellet? *Pag. 211.*  
 Non hac est æquissima lex, ut qui concupierit & corripuerit  
 de alieno multum, iste multum de suo perderet? Polybii al-  
 tius incedit philosophia, & ostendit, Fortunam ab An- *Histor. lib.*  
 tiocho impietatis, crudelitatis, avaritiæ, spectabiles & pu- *16. p. 708.*  
 blicè exemplo futuras pœnas exegisse. Armorum generali  
 vocabulo Livius utitur: Polybius definit, arma qua mi-  
 lites ferre solent; Ut cetera, quæ ad apparatus belli spe-  
 ctant, & armorum notione venire poterant, relinquenda in  
 oppidis, agris, castellis intelligerentur.

De civibus absentibus non est mutuum, quod sta-  
 tuitur. Ad Romanos enim Sociosq; ex necessitate redeunt  
 qui aberant: ad Antiochum, non nisi liberâ sponte.

Sicut & illud in favorem Eumenis præsentis & suas  
 utilitates non negligentis, interjectum est: ne Antiocho  
 fas esset, vel militem, vel quem alium ex Eumenis regno,  
 non dicam conducere, aut pellicere, sed ne transire qui-  
 dem & civitatem mutare volentem, recipere. Ita enim,  
 ex comparatione ejus, quod postea, de Romanis sociisque  
 aliis, sequitur, capiendum est. In Fœdere Ætolico apud  
 „ Livium legas: Qua urbes, qui homines Ætolorum ju- *lib. 38. c. 11.*  
 „ ris aliquando fuerunt; qui eorum L. Quintio, Cn. Do-  
 „ mitio consulibus, postvæ eos consules armis subacti, aut  
 „ voluntate in ditionem populi Romani venerunt, ne quem  
 „ eorum Ætoli recepisse veint.

Quarta lege fœderis servi & captivi restitui juben-  
 „ tur: τὰς δὲ δούλους Ῥωμαίων καὶ τῶν συμμάχων ἀποδόναι  
 „ Ἀντίοχῳ, καὶ οἱ ὑπ' αὐτὸν παρόντες, καὶ τὰς αὐτομολή-  
 „ σαυτας,



„ *σάβας, καὶ ἑτέρινα αἰχμαλίων πέσαι εἰλήσασιν.* Livius red-  
 „ dit : *Servos, seu fugitivos, seu bello captos, seu qui li-*  
 „ *ber captus, aut transfuga erit, reddito Romanis sociisq.*  
 „ Reddi jubentur ab Antiocho & subjectis, vel sponte ad  
 ipsum transgressi, vel bello capti liberi servique. Neque  
 hic idem ex parte Romana, Antiocho promittitur, nisi  
 quod, qui apud Romanos sociosque erant, ex regno An-  
 tiochi, inviti non tenebantur, ut ante dictum est. quam-  
 quam an ad bello captos produci illa conditio possit, ali-  
 quid dubitationis datur.

*Sociorum* commoda Romanis curæ erant in fœderibus:  
 ea enim amicitiae fide gloriabantur, decusque nomini Ro-  
 mano, & firmamentum ex benevolentia sociorum, parare  
 instituerant.

Disciplina autem intererat, *servis fugitivis*, & re-  
 liquis *transfugis* non impune esse suam fugam. Igitur  
 inter solennes conditiones pacis & fœderum, non omitte-  
 batur ista res. Unde in Formula Pacis cum Carthaginen-  
 sibus tertio bello Punico faciendæ, continetur, & produ-  
 citur illa pæctio ad longius tempus, & jubentur Cartha-  
 ginenses *δραπίτας ἀποδόναι ἐν πωλὲς τῷ χρεῖν*, fugitivos  
 reddere, sine ulla temporis præscriptione, ut Casaubonus  
 reddit. Et in legibus Ætolis datis, additur, *ut, qui non*  
*comparebunt, quando quisq; eorum primum inventus fuerit,*  
*reddatur.*

apud Polyb.  
 lib. 15. p. 705

Polyb. Exc.  
 Leg. p. 831.  
 & Liv. 38.

II.

In *captis* similis diligentia animadvertitur: sed huc  
 favor rei vocat: itaque hi ad libertatem & pristinas par-  
 tes, illi ad pœnam repetuntur.

Sequitur in Polybio, quinta conditio de Annibale &  
 „ aliis tradendis: *Ἀποδόντω δὲ Ἀντίοχῳ, τὰν ἢ δυνατὸν*  
 „ *ἀσλῶ, καὶ Ἀντίκῳ Ἀ. Ἰλκε καρχηδόνιον, καὶ Μνασίλοχον*  
 „ *ἀκαρνάνα, καὶ Θούλῳ Ἀιτωλῶν, Εὐβουλῶν καὶ Φίλωνι χαλ-*  
 „ *κιδῆς, καὶ τῶν Ἀιτωλῶν ὅσοι κοινὰς εἰλήσασιν ἀρχαί.*  
 „ Reddito Antiochus, si in ejus potestate fuerit, & Han-  
 „ nibalem Hamilcaris filium, & Mnasilochum Acarnanem,  
 „ & Thoantem Ætolum, Eubulidam & Philonem Chal-  
 cide-

„ cidentēs, & quicunque *Ætolorum suam rempublicam*  
 „ administrassint. *Livius* non in serie *Formula*, sed post  
 „ cetera omnia ponit: *De Annibale Poeno, & Mnasi-*  
 „ *macho Acarnane, & Chalcidensibus Eubulida & Philone*  
 „ *dedendis, in hoc quoque fœdere ascriptum est.*

Nisi necessitas excusaret Antiochum in fœdere parum æquali, non poterat decore deditionem Annibalis promittere. Hannibal enim præclare de Antiocho meritis erat: quamquam, si absque tali merito esset, supplicem & confugii causâ receptum inimicis dedere, parum regium foret: nisi fœdere aliquo prægresso præsertim mutua lege, aliquid ejuscemodi convenisset.

Qua de re *Grotius* annotata videre licet. Romanos ipsos non valde decuit tam assiduus ab Annibale timor; tam pervicax ejus persequendi & exostulandi à receptatoribus acerbitas. Sed nunc quidem, gnarus Romani odii consiliique, satis sibi prospexit Annibal. Nam *Antiocho victo, verens ne dederetur, quod sine dubio accidisset, si sui fecisset potestatem*, mature Cretam, & inde ad Prusiam profugit. ut *Cornelius Nepos* refert. In Græco verba fœderis valida sunt de dedendo Hannibale: *ἐὰν ᾖ δυνατόν Ἀντιόχῳ, ἡ δυνατόν ἴδωμεν*, si possibile id esset *Antiocho*. Videretur enim Antiocho necessitas imponi, operam dandi, ut Hannibal veniat in potestatem, etiamsi jam non sit in potestate *Antiochi*. Sed æquius est, ut de præsentī facultate verba accipiantur, neque ultra Antiochus obligetur.

*I. B. 2. 21, 5.*  
*& in Annos.*

*Hannib. 2.*  
*& 10.*

De dedendis belli concitoribus aliis & pacis turbatoribus, non rara est in pactationibus mentio. scilicet, ubi altera pars petit, altera pro arbitrio dat pacem. Nam de cetero civitas sui arbitrii mavult esse hoc negotium, seu punire, seu reconciliare sibi & paciscentibus velit. præsertim ubi studio juvandæ patriæ ducti, à via aberrasse videntur.

Sexta conditio ad *Elephantos* pertinet. *Polybius*: καὶ τὴν ἐλέφαντα τὴν ἐν ἀπαμείνῳ πάντας (subaudi ἀποδόντω) καὶ μηκέτι ἄλλως ἔχειτω. *Livius*: *Elephantos tradito omnes,*

neq; alios parato. Elephantorum in militia usus olim celebris; nec Romanis non formidatus. nam fortissimus eorum impetus atque intolerabilis vis, signa sequi & servare ordines (in quo plurimum spei ponebant) Romanos prohibere videbatur: ut verbis Livii dicamus. Unde & in legibus Pacis, qua Carthaginense bellum Tertium finitum est, postularunt Romani: *Elephantos traderent, quos haberent domitos, neq; domarent alios.* subtractis belli instrumentis, quàm infirmissimos volebant esse victos.

Quo & Septima conditio spectat, de navibus bellicis tradendis. Apud Polybium: *Αποδόντω δὲ καὶ τὰς ναῦς, τὰς μακράς, καὶ τὰ ἐκ τέτταρ ἄρματα καὶ τὰ σκύν, καὶ μικρὰ ἔχοντα πλὴν, ἢ κατὰ γὰλιν. μὴ δὲ πριακοντικήων, ἔχοντα ἑλαυνόμενον: μὴδὲ αὐτὰ πολέμου ἕνεκεν, ἢ αὐτὰς κατὰ γὰλιν. μὴδὲ πλείονας ἐπὶ ταῖς τῷ καλυκάδων ἀκρωτηρίῳ, τῷ μὴ φόρῳ, ἢ πρίσθῃς, ἢ οὐμῖς ἄρουν.* Livius reddit: *Tradito & naves longas armamentaq; earum: neve plures quam decem naves ætνarias (nulla plusquam triginta remis agatur) habeto: neve monerem ex belli causa, quod ipse illaturus erit. Neve navigato citra Calycadnum, neve Sarpedonem, promontoria: extra quàm si qua navis pecuniam, stipendium, aut legatos aut obfides portabit.* Discrepare Livii verba à Polybio, in aperto est. quomodo ad concordiam reduci debeant, explicando emendandoque, disquisiverunt eruditi. E quibus Gronoviana facile prætuleris aliis. Vide & Cl. Schefferum: *de Re Navali lib. 2. c. 2.* Hic locus non patitur longam dubitationem, ut de singulis sententiarum momentis, & Appiani παραλληλισμῷ agamus.

Pertinet conditio ista ad jus belli diminuendum. maritimis locis imperanti, apparatus navium bellicarum adimere, est nihil aliud quàm volucris alas incidere. hic amplius etiam navigatio, quæ bellica videri queat, in arctum redigitur: quando naves illæ Antiocho relictæ, promontoria nominata excedere aut citiora Romanis adire ventantur. Et sub hoc prætextu periculi bellici, etiam negotia-

gotiatio ac mercatura maritima interdicitur; in exceptis scilicet causis non expressa. Inter condiciones Pacis Carthaginensibus dictas, etiam legas: *Naves rostratas, præter decem triremes traderent.* ap. Liv. 30, 37.

Temperamenti modici instar habet, quod bellum inferendum ab illato distinguitur. Nam & numerus & genus navium apud Polybium & Livium, ad bellum restringitur, quod Antiochus illaturus esset. Appianus insuper addit: si bellum illatum propulsandum sit, pluribus etiam uti licere. *Ostava conditio sequitur: Μη ἔξω δὲ Ἀντιόχῳ, μηδὲ ξυνολεῖν ἐκ τῆς ὑπὸ Ῥωμαῖς ταπεινῆς, μηδὲ ὑποδέχεσθαι τὰς φλυσσίας.* Polybium ita expressit Livius: *Milites mercede conducendi ex iis gentibus, quæ sub ditione populi Romani sunt, Antiocho regi jus ne esto, ne voluntarios quidem recipiendi.* Omnia, quæ ad bellum pertinent, redduntur Antiocho intractabilia. Et Romani, militiæ magistri, nolunt suæ ditionis hominibus, licentiam alteri militandi, indulgere, aut delectum militum aliunde quàm à suo arbitrio pendere. Germanicæ nationi peculiare jus satis vetustum militiam externam permittit. Sed delectus militum ab externo in Imperio faciendus, sine venia, & cautionibus institui nequit, secundum formulas legibus publicis descriptas.

R. H. Rei.  
genip 1576:  
§ 38. &c.

De voluntariis non recipiendis, dubitet aliquis. ita Livius reddidit τὰς φλυσσίας. *Transfugas* enim in bello, non intelligi, superiora docent, ubi de transfugis abunde cautum est. *Casaubonus*, exules, transtulit. Cogitatio non improbabilis. Sed Liviana interpretatio non discedit à materia, delectus militum hic spectabatur. Illi vel conducuntur, missis conductoribus: vel sponte veniunt in alienam terram, & suam operam offerunt. utroque genere Antiocho interdicitur.

*Nona lege Fœderis Rhodiis consulitur, quorum magni fuit hoc bello opera.* Polybius ita: ὅσαι δὲ ἰκίαι, ῥοδῖαν, ἢ τῇ συμμάχων ἦσαν ἐν τῇ ὑπὸ βασιλείᾳ Ἀντιόχῳ, ταπεινῇ, ταύτας εἶναι ῥοδῖαν, ὡς καὶ πρὸ τῆς \* τῆς πό-

„ λειμὸν \* ἐξήνεγκαν. καὶ ἐπὶ χρεῖμα ὀφείλει αὐτοῖς, ὁμοίως  
 „ ἔσται περὶ ζῆμον. καὶ ἐπὶ ἀτελήρῳδῃ ἀπ' αὐτῶν, ἀναζητήσαντες  
 „ ἀποδοθήτω. ἀτελὴ δὲ ὁμοίως καὶ πρὸς τὸ πολέμῳ, τὸ πρὸς  
 „ τὸς ῥοδῖους ὑπαρχέτω. *Livius: Rhodiorum sociorumve*  
 „ *qua ades adificiaq, intra fines regni Antiochi sunt, quo*  
 „ *jure ante bellum fuerunt, eo Rhodiorum sociorumve sun-*  
 „ *to. si qua pecunia debentur, earum exactio esto. Si quid*  
 „ *ablatum est, id conquirendi, cognoscendi repetendiq, jus i-*  
 „ *tem esto. Omittit Livius, quæ de immunitate Rhodio-*  
 „ *rum Polybius addit.*

Quamquam hæc quoque insignis est ad restitutionem  
 rerum bello turbatarum complendam: quæ in hac pa-  
 ctione spectatur. *δικαίως* plenius, & producto sensu, *Ades*  
*adificiaq,* interpretatus est. Nec fixa tantum sed & mo-  
 ventia, Rhodiis sociisque restitui jubentur. Tum pecu-  
 nia creditæ, quæ non habentur pro bello quasitis, nisi  
 pactione ita conventum fuerit. Rerum enim creditarum  
 solutio juris est naturalis, quod non extinguitur, aut remit-  
 titur bello, nisi disertis verbis id exprimatur. Ceterum ut  
 Rhodiis hic consulitur, ita in fœdere cum Carthagenen-  
 sibus Masanißæ cavetur apud *Polybium*: *Quas domos, a-*  
*lib. 15. Hist. gros, urbes, aut quodcunq, aliud teneant (Carthagenenses)*  
*p. 705. quod Masanißæ fuerit, aut majorum ejus, intra fines ipsis de-*  
*monstrandos, omnia Masanißæ redderent. In Pace Byzan-*  
*tiorum cum Prusia, redduntur Byzantiis, etiam materia,*  
*marmora, lateres, tegulaq, è loco sacro capta; tum qua-*  
*Polyb. lib. 4 cunq, Bithynorum nonnulli haberent è Mysiaco Byzantium*  
*pag. 318. agro rapta.*

Decima Fœderis conditio ad recipiendas urbes ab  
 Antiocho aliis traditas pertinet. *Εἰ δὲ τις τῶν πλείων,*  
 „ *ἂς ἀπιδύται δὲ Ἀντίοχον, ὑπὲρ τοῦ δίδωαι ἀντίοχῳ, ἐξαίρετα*  
 „ *καὶ ἐκ τούτων τὰς οὐκ ἐστὶν, καὶ τὰς ἀδρας. τὰν δὲ τις*  
 „ *ὑπερὸν ἀποστήχειν βέλονται, μὴ προσδίδωται. Polybium Li-*  
 „ *vius priore membro ita μεταφράζει. Si quas urbes, quas*  
 „ *tradi oportet, ii tenent, quibus Antiochus dedit, ex iis*  
 „ *presidia deducito, utiq, recte tradantur, curato. posteo-*  
 „ *rius*

rius membrum omittit. Et videtur sane jam ante satis cautum de hac re ; quando Antiocho ademta indicatur omnis potestas recipiendi singulos Romanorum socio-  
rumque cives , nedum totas urbes. In Ætólico fœdere eadem conditio inest apud *Polybium* & *Livium* , ut ante notavimus.

Excerpt. Le-  
gis. 23. p. 833.  
Lib. 38. c. 11.

Undecima lege, pecunia mulctatur *Antiochus*. Solet id fieri in bello, vel ad similitudinem pœna, vel reparandi damni titulo. Æstimatio utrobique non in infinitum patet: sed temperamento juris bellici, quæ est æquitas quædam militaris, regenda est. Ex utroque considerandi modo, hodie *Satisfactionem*, voci antiquæ novam significationem tribuentes, appellant. Quamvis autem pœna similitudo non habeat locum, nisi in eo, qui injustum bellum gessit; idque non semper ad liquidum perducipossit: tamen victores, si possunt ostendere, victos bellum ultro summissee, neque monitos desistere voluisse; in tantum justitiam cause penes se versari, & tanquam iniquos merito plecti adversarios, nil dubitant asserere. Quod si tamen offensa & lacessita pars succumberet, pars offendens, victos eodem crimine insinularet. Juris nomina nimirum superior sibi vindicat. Sed hæc facti sunt. *Reparatio* damni faciliores habet explicatus. Nam, & qui læsus est, si noluit accipere à lædente repensationem damni, injustam habere causam incipit, & damni dati postulari potest. Sed adferenda sunt verba hujus conditionis, ex *Polybio*;

„ ἀργυρίῳ δὲ ὅτῳ Ἀντίοχος ἑπὶ τοῖς Ῥωμαίοις αἴρειν τέλῃα  
 „ μύρια διχίλια ἐν ἔτεσιν ἰβ. διδὼς καθ' ἑκάστον ἔτος χίλια  
 „ μὴ ἑλατῶν δ' ἑλατῶν τὸ τέλῃον λιπῶν Ῥωμαϊκῶν π' καὶ  
 „ τῷ σίτῃ φ' καὶ μ' ἑυμένον τέλῃα τῇ δ' ἐν ἔτεσι τοῖς  
 „ πρώτοις ε' κατὰ τὸ ἔτος τῷ ἐπιβαλλομένῳ καιρῷ καὶ τοῖς  
 „ Ῥωμαίοις. ἀποδοῦναι καὶ τῷ σίτῃ, καθὼς ἐτίμουν ὁ βασιλεὺς  
 „ Ἀντίοχος τέλῃα ῥ' κ' καὶ δραχμαὶς χίλιας σ' ἑκάτῳ.  
 „ αἱ συνχόμεναι ὑμῖν λαβεῖν ῥᾶν ὑπερμενέτωσαν αὐτῶν.  
 „ *Livio* redduntur: *Argenti prohi duodecim millia*  
 „ *atica talenta dato intra duodecim annos pensionibus æquis.*  
 „ *Talen-*

„ *Talentum ne minus pondus octoginta Romanis ponderibus*  
 „ *pendat, & tritici quingenta millia modiorum. Eumeni re-*  
 „ *gi talenta trecenta quinquaginta intra quinquennium da-*  
 „ *to: & pro frumento, quod aestimatione fiat, talenta*  
 „ *centum viginti septem.* Discrepant à fonte, Latina:  
 quod ibi 359. talenta Eumeni, hic 350. rotundiore numero  
 destinantur: & in frumento aestimato, omittuntur drach-  
 mæ 1208. tum quæ de donatione Eumeni facta à Romanis,  
 & acceptatione signantius ibi exprimuntur. Nimirum pro  
 singulari fide & amicitia hoc bello, & alias, præstita, val-  
 de liberales fuerunt Romani, ut in alios, ita præsertim in  
 Eumenem; sicut amplius describit eam liberalitatem Li-  
*libr. 38. c. 39* *vius.* Et, ex eo, quod patri ejus debebatur, *reliqua hæc*  
*summa dicitur Livio lib. 37. c. 45.*

*Talenta* hic non Attica, sed Ægyptia intelligi, quo-  
 rum in Syria Ægypto vicinâ, usus, legendumque *argenti*  
 potius *Attici*, quàm *talenta Attica*, quæ sexaginta tantum  
 minis seu libris constabant, cum hic octoginta libris de-  
 finiantur, contra *Prisciani* explicationem, ostendit doctis-  
*de seferius*  
*libr. 1. c. 3.* *simus Gronovius.* Firmatur sententia lege Fœderis Æto-  
*c. 4.* *lici*, ubi argenti *μὴ χρυσὸν ἀνίστα*, quod Attico deterius  
*Polyb. Ex-* non est, summa exigitur, apud *Polybium.* Diligenter e-  
*carpt. Le-* nim in his pactationibus & genus metalli, & pondus ac va-  
*gas. p. 833.* lor (ut si pro argento aurum dare mallent Ætoli, pro de-  
*cem argenti minis, unam auri minam penderent*) & locus  
 solutionis, ac periculum translationis (e.gr. ut *Ætoli Ro-*  
*manam quo deferretur tuto pecunia, ipsi providerent*) expri-  
 mebantur. Nam de causa exactionis ante dictum est. In  
 pace Pharnacis cum Eumene, convenit: ut Pharnaces Eu-  
*Polyb. Exc.* meni 300. talenta penderet pro belli impensis, *τὴν οὖν πο-*  
*legat. 59.* *λὺμον ἀπαρίσσει.* Mithridates autem Armeniæ præfectus ius-  
*p. 881.* sus est solvere 300. talenta, quia bellum cum *Ariarathe* ges-  
*ibid.* sisset, contra fœdus quod cum Eumene habuit. In nostro  
 exemplo, statim ab initio consultationis de pace petenti  
 Antiocho concedenda, *Romani impensam, qua in bellum*  
*facta esset omnem, præstare regem æquum censebant,* apud  
*Livium.*

*Livium.* Temperamentum huic conditioni additum apud *lib. 36. c. 35*

„ Polybium : *ἵατ δὲ τι διαφωνήσῃ τῇ ἀποδομένῳ χρημάτων* & 45.

„ *τῶν , τῷ ἰσχυμένῳ ἔτι ἀποδότησας.* In singulorum anno-  
rum pensionibus, si quid à pactis discrepaverit, anno pro-  
ximo pendito.

*Duodecima* lex Pacis Antiocho datæ ad *Obsides* per-  
tinet. Vincula pactiorum, in rebus pignora; in personis,  
obsides sunt. De his *Polybius* ita : *ὁμῆρις δὲ δίδεται Ἀν-*  
„ *τίοχῳ , δὲ ἑῶν πρῶν ἄλλος ἀνταποσῖλλον , μὴ νεώτερος*  
„ *ἑῶν ἢ μὲν πρεσβύτερος μὲν.* *Livius* ad verbum, nisi  
„ quod numerum addit : *Obsides Romanis viginti dato ;*  
„ *Ἐτρίenniῳ , μὲν :* ne minores *ἑξονῶν* denum anno-  
rum, neu majores. *quinῶν* *quadragenῶν.* Explicat  
consilium paciscentium *Africanus* : *Hæc, cum pepigerimus,* *Liv. 37. 45.*

*facturos vos, ut pro certo habeamus, erit quidem aliquod*  
*pignus, si obsides viginti nostro arbitratu dabitis : Sed nus-*  
*quam satis liquebit nobis, ibi pacem esse cum populo Romano,*  
*ubi Hannibal erit. Sed de hujus, & ceterorum belli*  
*concitorum deditioe supra actum.* In obsidibus, omnia  
Romanorum securitati comparata, Antiochum duriore ne-  
xu vinciunt : & quod *mutari* jubentur obsides singulis  
trienniis (ita enim plures pacis Romanæ gustu & dulce-  
dine imbuuntur; pluriumque conscientia adstringitur) &  
quod *Regis filius*, ut supra ex Appiano notatum est, non  
*permutatur* alio obside (quis enim æquaretur?) & quod  
excluditur ætas, qua facilius & libentius caretur apud  
populos, exposcitur valida & florens rebusque gerendis  
domi forisque idonea. Adhuc plenius accuratiusque in  
*fœdere Aetolico*, exprimitur : *obsides dandos arbitratu Ro-* *apud Polyb.*  
*mani Consulis, ne minores duodecim annorum, neu majores* & *Liv.*  
*quadraginta; quorum nemo sit prætor, præfectus equitum,*  
*scriba publicus, neu quis, qui ante obses fuerit apud Roma-*  
*nos : hos obsides Romam transportandos opera Ἐπὶ προῖσιν*  
*ἱππορῶν Ἀιτωρῶν :* & , si quis diem suum obierit, alium  
*obsidem substituendum.* Apud *Ennapium Sardinum*, Ju- *in Excerptis,*  
*lianus à Chamavis non vult accipere obsides, sive pro ob-* *Legat,*



fidibus retinere, bello captos. *Hos enim*, inquit, bellum sibi tradidisse, quapropter ex fœdere, minime sumere, sed eorum, qui tunc temporis apud ipsos essent, nobiliores postulare, nisi quid doli in pace convenienda excogitarent. Electio obsidum varias habet cautiones. interdum, qui eligere debent, jurejurando adiguntur ad electionem bonâ fide faciendam. Exemplum habes apud *Radevicum in Mediolanensi pactione.*

*Decima tertia Pacis conditio* permittit Antiocho, defensionem jure naturali licitam adversus oppugnantes; qui ex lege superiori impugnari non poterant: restricto tamen hujus quoque belli, defensionis causa suscepti, effectu.

„ ἀν δὲ τινὲς τῶν πόλεων ἢ τῶν ἱερῶν, πρὸς αὐτὸν γράψαντες μὴ πολεμεῖν ἀντίοχον, πρότερον ἐπέσποντο πόλεμον, ἐξέσω πολεμήσαντες. τῶν δὲ ἱερῶν καὶ πόλεων τούτων, μὴ ἔχεται πῶς κυρία αὐτὸς, μηδ' εἰς φίλων προσεγγίζω. *Livius* ita:

„ *Si qui sociorum populi Romani ultro bellum inferent Antiocho, vim vi arcendi jus esto: dum ne quam urbem aut belli jure teneat, aut in amicitiam accipiat.* supra jus belli in hos adimebatur; nunc exceptio additur; & jus fœderis eidem in eosdem adimitur.

*Decima quarta conditio* ad futuras controversias spectat. πρὸς δὲ τῶν ἀδικημάτων τῶν πρὸς ἀλλήλους γινομένων, εἰς κρίσιν προκαλέσθαι. Ita *Polybius*, congruente ad plerasque pacis pactiones sententiâ, ne statim ad arma profiliatur, si qua pars, pacem violatam queratur. *Livius* optionem dat judicii, & belli: *Controversias inter se jure ac judicio disceptant, aut, si utrisq; placebit, bello.* *Judicium* quod aliud hîc intelligi potest, quam *arbitrorum?* *Jus*, de disceptatione invicem per legatos & literas agitari solitâ, rectè acceperis. *Si utrisq; placebit*, uni præcipuè, qui detrectat jus & judicium. alter enim, his deficientibus, ad arma vocantem sequi cogitur. An dicendum est, si alter bellum præferat, alter disceptationem, nullam bello licentiam dari? Præhabenda est hæc interpretatio, ex natura rei. *Romani* hac conditione voluerunt ostentare

tate fiduciam sui roboris, animumque bello, & paci paratum; si Antiochus, iterum fortunam potius tentare, quam præsentis rerum statu vellet acquiescere.

*Ultimam legem Polybius* in hæc verba refert: *ἐὰν δὲ πὶ δίλωσι πρὸς τὰς συνθήκας ἀμειότεροι κοινῷ δόγματι*  
*προσθῆναι ἢ ἀφαιρῆσθαι, ὡς αὐτῶν ἴξισι.* Si quid postea  
 addi detractive de communi sententia placuisset, ut id salvo  
 fœdere liceat. *Livius*: Et si quid postea addi, demi  
 mutarive placuisset, ut id salvo fœdere fieret. Ita in fœ  
 dere Hannibalis & Legati Philippi Macedonis: *ἐὰν δὲ* *Polyb. lib. 4*  
*δοκῇ ἡμῖν ὀφελὲν ἢ προσθῆναι πρὸς τὰνδε τὴν ἰσχυρίαν, ἀφαιρῆ-*  
*μεν ἢ προδιόκοιεν ὥς ἂν ἡμῖν δοκῇ ἀμειότεροι.* *pag. 505.* Quæ clau  
 sula, ut cœpimus dicere, nisi diversum quid exprimitur,  
 naturaliter inesse omni pactioni pacis videtur. Solet au  
 tem diserte addi interdum, singularibus ex causis. e.g.  
 si in posterum videbitur utrisque, ex fœdere hoc particu  
 lari, universale poterit fieri, aut: si utrisque aliud,  
 quàm nunc constitutum est, placebit, addentur & mu  
 tabuntur communi sententia, citra violationem fœderis  
 aut cessationem.

## *Judicium de complemento fœderis & eventu.*

**F**irmata est hæc pactio pacis jurejurando partium paci  
 scientium; tum impletis, quæ ex tempore impleri po  
 tuerunt. sicut *Livius*, & *Polybius* tradunt, ac singillatim *lib. 38. c. 39.*  
 memorant. *Excerpt. Le-*

In uno non possunt à dolo malo & cavillatione fœ  
 deris excusari Romani, si *Q. Fabius Labeo*, cum à rege  
*Antiocho*, quem bello superaverat, ex fœdere isto dimidiam  
 partem navium accipere deberet, medias omnes secuit, ut  
 cum tota classe privaret. memorante *Valerio Maximo*; & *lib. 7. c. 3.*  
 merito reprehendentibus *Alberico Gentile*, & *Hugone* *exi. 4.*  
*Grotio.* *de J. B. 2, 4.*  
*de J. B. 2.*  
*Quod 16, 5.*

*Quod moderate tulerit suam jacturam Antiochus, & gratias agere populo Romano non dissimulanter tulerit, quod nimis magna procuratione liberatus, modicis regni terminis uteretur, Idem Valerius refert lib. IV. cap. 1. fin. Non pugnavit, ut Alexander: locutus est tamen ut Aristoteles. si-  
ve in speciem: si-ve adversa cum erudiverant.*

Potuisset leviori disciplina defungi, si Africano futura vaticinanti auscultare voluisset apud *Livium XXXVII, 45.*

An Romani prudentius facturi fuerint, si Antiocho mitiorem pacem dedissent, dubitari potest. Qui affirmare volent, altas magnanimasque rationes sequantur oportet. Negantibus, prœiora omnia: si mores, ingeniaque temporum spectentur. Sed utilitatis æstimatio diversa: vel ex tempore, vel in longius; in speciem, an in solidum.

Inter multa imprudenter in hoc bello ab Antiocho facta, vel præcipuum est, quod ab Hannibale alienavit animum. Quod si tamen eo usus esset familiaris & constantius, an propterea victurus Romanos si-ve superior bello futurus, credi potest? Non dixerim: quantum ad summam belli. nam prælio vicit etiam alibi Romanos Hannibal, bello victus est. Sed hæc, in transcurso, & occasione argumenti non inutilis hodie.

Pacificationum enim historiam nosse, si non summam, partem tamen eximiam facit, in cognoscendis Rerum publicarum interioribus secretioribusque momentis. Rara imprimis hæc disciplina. Vel Pacem Germanicam spectemus. Legimus, repetimus, adoramus capita & leges: consilia paciscentium, momenta deliberationum, molimina disceptationum, desideria, artes, successus aut impedimenta concurrentium aut intercurrentium partium, plerumque ignorantur.



XL.

HISTORIA,  
PRINCIPUM SCHOLA.

I.

**M**Aximarum artium, rectissimique consilii res est, *Historici*  
 Historiam scribere. Quocirca pauci ab omni *eximii pau-*  
 xvo sunt reperti, qui cum laude institutum tam *ci sunt.*  
 nobile tenuerunt. nisi quod Romani & Græci  
 veteres hujus quoque felicitatis apicem attigere. Quorum  
 adversis & eversione aliquandiu sepulta jacuit tota isthæc  
 gloria: præsertim ex quo translato in Orientem imperio  
 Romanorum, publica quædam nubes, rerum gestarum  
 expressiorem memoriam inumbravit. Tulerunt sane se-  
 cuta tempora scriptores, quorum nec in judicando pru-  
 dentia, nec in exponendo fides, nec in tractando peritia,  
 cordato lectori posset apparere. Donec renascentibus  
 paulatim litteris, & cultiore sæculo, non infeliciter re-  
 sumpta ea commentatio, aliquorum famam usque ad prisco-  
 rum præstantiam celebravit.

2. Inter hos est *Philippus Cominæus*, quem Polybio *Inter quas*  
 comparavit Lipsius: non sine magna ratione. Uterque *Cominæus*  
 enim observatione acutus, judicio solers, prudentia copio- *Polybio*  
 sus; &, quod omnibus ceteris laudibus sublimius raro *comparatur.*  
 apud alios deprehenditur, probitatis, conscientia, reve-  
 rentia erga fatum & fatales eventus, perpetuis notis mix-  
 tissimus. Illud quoque commune habent, quod, ubi  
 rei dignitas, cognitionis utilitas, usus & applicationis dex-  
 teritas, postulare moram videretur, subsistunt, lectoremque  
 suum

suum tanquam in re præsentī, cum cura & fide instruunt. Ejusmodi *Digressiones* apud Cominæum plurimas, summa cum voluptate & emolumento, passim videre est. Ut, cum de *Officiorum ac dignitatum nundinationibus, ortisq; hinc amulationibus, ambitu, dissidiis*: de bonis malisq; Principis artibus: de vitando Potentibus, componendarum coram litium ergo, congressu: de prapotentium in aula ministrorum cautione: de perfidia errore & pœna: de immissis fato belli calamitatibus: de miseriis vita principalis: de Statu & Imperio Venetorum: quæque alia opportune immixta sunt, paulo copiosius & diligentius dis-  
serit.

*Ejus Digres-  
sio, de Histo-  
ria, com-  
mendata:*

3. Cum primis memorabilis est, quam libro 2. cap. 6. (in editione Barthiana) sive libri Tertii initio (secundum Sleidani distributionem) inseruit, *Digressio*. Ea ostendit, quantum proſit viro Principi, & gerendis regendisq; rebus admoto, litterarum, ac præcipue HISTORIARUM cognitio. Quod argumentum, licet apud veteres etiam, sæpe & graviter tractatum reperiat, sit tamen nescio quo pacto, ut apud nostros hodie homines, præsertim, qui aulas & civilem vitam sectantur, plus auctoritatis, recentiora ejusmodi monita inveniant. Quocirca exercitationis publicæ causa, deligenda nobis viſa hæc materies; utilissima consideratu; disquisitu copiosa; grata, sui auctoris nomine; jucunda, quadam observationis novitate. Totam autem Cominæi orationem, quoniam is in omnium manibus versatur, apponere supersedimus: rem ipsam per partes ordine exposaturi.

*summam  
proposita:*

4. Ne tamen vel hac in parte aliquid desiderari ad perspicuitatem, & compendiarium intelligendi commoditatem possit, digressionis nobilissimæ sententiam breviter proponemus. Ait ergo: *Nihil aque adversum fortuita & inopinabiles asperosq; rerum casus firmare Principum animos, quam si ab ineunte ætate Historiam cognoverint. Ipso usu exemplisq; se didicisse, hinc potissimum sapientiam rebus gerendis, moderandisq; feliciter consiliis idoneam, copiosissimam*

sine & maturrime peti. Tribus circiter mensibus in uno libro historico plus observari ab uno posse, quam à pluribus, ætate sibi invicem succedentibus (viginti nominantur) per experientiam actumq; vita, comprehendere queat. Ita instructum principem non hesurum in ambiguis; non permissurum omnia alieno arbitrio; sed inter consiliarios prudentes & fidos, tanquam prudentiæ arbitrum; infidis vero & imperitiis inaccessible ac impenetrabilem scopulum futurum esse.

5. Ut plenius res omnis expediatur, tria faciemus <sup>membras</sup> descriptionis nostræ membra. I. Ad quid & quomodo Principi Historia prosit. II. Quæ illa & quatenus cognoscenda Principi aut seligenda. III. Quomodo disciplina Historia, prima Principis ætati tradenda, & per ceteras firmanda sit. Sequestrata interim questione: an omnino Principi studia aliquid adjumenti adferant? cum satis pridem compertum & adversum ruditatis fautores ipso usu comprobatum sit, eruditionem, elegantiam, comitatem, præsertim Principibus necessarias esse: cum sine his natura bona, quasi incomta, aut etiam horrida despectui sint: contraq; ea Persarum regi Cyro æternam gloriam paraverint, verbis Aurelii Victoris, de Cæsarib. 40, 7. - vid. Lips. polit. 1, 10, Plutarch. ad Princ. indoct. Steph. Vinandi Pighii Hercul. Prodic. Contr. Rittershus. Specul. bon. Princ. Sarisber. de nug. Curial. 4, 6. & Politicos, passim. Neque quidquam officiant, quæ Alberic. Gentilis, de legationib. 3, 9. disferit.

6. Etiam elogia Historiæ universim, nequaquam hic duxi cumulanda. Quæ tot scilicet Veterum Historico-<sup>Ingressus ad tractationem ab utilitate Historiæ in universum.</sup>rum (plerosque enim id fecisse, Polybius etiam observat, principio lib. 1.) tot recentium præfationibus, tot orationibus, dissertationibus abunde decantata, publicæ notitiæ obvia ubique extant. Nisi quis semel & verbo defungi nos posse existimat, allata Ciceronis commendatione, ex 2. de orat. 9. quæ & Bodino (in præf. method. Histor.) præ ceteris placuit: *Historia est testis temporum, lux veritatis, vita memoria, magistra vita, &c.* Cujus loci

loci rotunditatem imitari simul & evolvere voluit Fridericus de Marselaer, in Legati sui l. i. diff. 24. *Historia est palastra prudentia, stimulus sapientia, calcar virtutum, interpretis dubiorum, memoria praeceptorum, speculum futurorum, praesentium fax & moderatrix, breviarium experientia, scientiarum thesaurus, directrix disciplina bellica & togata: breviter compendium artis vivendi. Itaque videar commendasse (addit) eruditionem omnem, cum Historiam nominarim. Ejusq; studium habet id peculiare, ut & theoreticam & practicam simul conferat.*

---

## CAP. I.

*Quo ostenditur, quid Principi & quomodo Historia prosit.*

*Historia est propria Principis lectio.*

**I**Taque ut ad primam partem accedamus propius, haec propria & peculiaris lectio ac palastra Principum: se atq; otium hic exerceant, incredibili suo & alieno fructu, monente Lipsio, not. ad lib. i. pol. *Propria Principibus lectio*, ob hanc ipsam, de qua diximus, praestantiam, amplitudinem, copiam: *propria*, ob utilitates & institutionem imperantis: *propria*, ob emolumenta imperii & fructus publico destinatos. Complectar, quae allata sunt, quaeque adferri possunt una ratione, in qua ceterae continentur: *Propria est Principi haec lectio quia propria est ei prudentia civilis & politica.* Sine peritia gubernandae navis, nemo meretur nauta dici: sine scientia tractandorum armorum, nemo gladiator. Profsus ut imperantis nomine solus cum honore & dignitate appellatur, qui prudentia civili probe est ac copiose instructus.

*quia civilis Prudentia Principi propria.*

*qua tarde per experientiam acquiriuntur, & imperfecte.*

2. At vero, quibus ad prudentiam civilem itur, vix sunt omnino duae: 1. *Experientia & aetns*; tum 2. *studia*

*dia & libri.* Ac *Experientiam* quidem, haud dubie fortissimum discendi genus esse ac splendidissimum, omnes intelligunt: nisi quod *natura hominum*, & *necessitatibus regendi imperii*, non usque quaque est accommodata & sufficiens. De *natura hominum*, res clara. cuius enim <sup>I. resp. naturam</sup> aetas, licet longissima, varietati rerum civilium ac immensae multitudini, par erit? Cujus vires, licet excitatissimae, ferendis tot oneribus commodabuntur, quot perdiscenda sunt ei, qui arduum cuncta regendi onus, in se recepit? cujus observatio ad singula se intendet in rerum strepitu, quae tranquillitate commentandi vix discernuntur? Dicam quod res est: potissima prudentiae pars aliquando non potest; aliquando non nisi imperfecte potest per experientiam obtineri. Nam interiores uniuscujusque actus rationes; nec exteriores & obvias tantum circumstantias, quas vocant, sed penitiorum reconditorum naturae indolem observare ac condiscere, sicut apex & summa laudis, civilisque imitationis & actus anima censetur, ita in solo opere versantibus, ferissime, & plerumque nunquam, vere patescit hoc arcanum. Ostendit hoc egregie & large *Casaubonius*, in praefatione Polybiana: ad quam vere traheres Pindari *ἡλαυγίς πρόσωπον*, nisi ampliori totius operis, & exactae tractationis elogio, digna esset.

3. Apposite & clare, similitudo spectaculorum & <sup>& prae-  
sentis.</sup> dramatum nobis aperiet, quod dixi. Actitur tragœdia in theatro: implent sua munia, actitando quidem, qui personas dramatis induere; spectatores intuendo & judicando. Dubitas, uter melius, de representatione & actione fabulae pronuntiare judicium possit, exercitatus histrio, an peritus spectator? Histrio sane dum suarum partium satagit, de ceteris parum sollicitus, proxima in singulis quaedam considerat: singula in universis spectatori relinquit; qui, ut soli contemplationi; ita toti, & perfecte, vacat. Utemur propiore exemplo. Committit aliquis praelium ductu, conferit manu, adjuvat subsidio, accendit impetu, restaurat virtute? Ergo partibus interfuit: nam toti pugnae pugnans



pugnantium nemo interest. Cujus propterea non observatio certior, quam milleformis forma. Ita semper ambiget de totius indole, qui particulis tantum rerum assuevit. Vide nuperum ad *C. Nepot.* comment. Ne de *occafionum raritate* aliquid hic dicam. Intelligenda est ea, non modo quoad multitudinem cognoscendorum, sed quoad profunditatem cognitionis. Scilicet is est rerum practicarum genius, ut, cum varietate diffusa, flexibus sinuosa, artibus recondita sint omnia, plus tamen negotii in observando exhibeant, quæ circa rem sunt; quam res ipsa habuit laboris in tractando. *L. Sicinius Dentatus centies & vigesies* (ut habet Valerii Maximi commemoratio 3, 2, 24.) *in aciem descendit*: admirando in ætatis humanæ angustis exemplo, Verum repetita toties experientiæ præliaris officina, nondum ad unius rei, id est, præliorum naturam casusq; perdiscendos suffecerat, nisi profecta è principiis istorum actuum animi commentatio & solertia, in liquidiora agendorum consilia penetrasset. Sic in ceteris qui plurima exercitio actuque complexi videntur, & ad prudentiæ generosam amplitudinem referas, inter elementa substituisse cognoscuntur.

2. *roff. ne-*  
*afflitum*  
*regendi im-*  
*perii.*

4. Quod si ad necessitates regiminis publici attendimus, amplius patebit, quid imperfectionis experientia, in comparanda civili prudentia, habeat. Princeps ut totus imperii, ita totius imperii est: omnis publicæ actionis curarumque caput & anima. *Ejus ditione natuq; maria, terra, pax, bella regi debent*: ille *velocissimi sideris more*, omnia invisere, omnia audire, & *undecunq; invocatus statim, veluti numen*, expedito consilio & accincta ope, *adesse debet & assistere.* (*Plin. Paneg. 4. & 80.*) Atqui tam solers, copiosa, habilis provilio, non expectat seram experimentorum disciplinam: dubitesque utrum majus sit periculum, non didicisse ista experiendo ante principatum, aut in principatu & opere arduo, publiceque, prout tractatur, nocituro aut profuturo, prima discendi rudimenta capeßere. Cum præsertim multa sint, quæ paucis unove experimento

COM-

condisci cognoscique prorsum nequeant. Nam *in arena consilium capere*, non tyronis sed exercitati gladiatoris est. Ex quo sequitur: aut immaturum principem admovendum imperio; aut maturum, frustra admovendum. maturus enim per experientiam rerum tractandarum non citius erit, quam ad res tractandas per ætatem sit inhabilis. *Dices*: Si, minus peritiæ princeps habeat, aderunt periti consultores, amici usu rerum spectati: quorum opera facile supplebitur, quod in unius peritiæ desideratur. *Amplius*: præstantia naturæ ac ingenii nobilitas ea suppeditat; quæ alii ab experientia & studiis expectant. Hæc qualia sint, noscetur infra commodius.

§. Nunc enim ad experientiam merito prævertimur. *Non negamus interim commodam experientiam*. Cui suam interim laudem minime denegamus. Quinimo prudentiam, de qua sermo est, non præcedet modo quandoque, sed comitabitur fido & perpetuo satellitio. Dabit multa, etsi non omnia: magna, etsi non maxima. Proprium autem & summum operæ pretium, *in perficiendi & tractandi res politicas agilitate, dexteritate, promptitudine* libentes agnoscimus. Sed & operum conficiendorum artes rationesque non parum lucis habent, cum in re præsentī æstimantur. Sæpe cavetur diligentius & *moderatius* sive compendiosius ac felicius, quod periculum aut damnum cautioni nostræ serio commendavit. Denique, quidam generositatis spiritus, & fiducia, inter ipsa discrimina non hauritur modo, sed educatur & confovetur. Quæ res tum semper alias, tum in bello præcipue, vix dici potest, quam sit necessaria & utilis. Fac enim, principi venire necessitatem eundi in hostem, qui nunquam aciem, nunquam prælia, aut vulnera viderit: sc. *trepidabit, festinabit, sumet aliquem ex ceteris monitorem officii sui: evenietq; adeo, ut, qui imperare debebat, is sibi imperatorem alium querat.* Sallust. Jugurth. 85. Quali casu & tempore non inepta sit plane, experti alicujus Marii confidentia & exprobratio: *Quæ illi audire & legere solent, eorum partem vidi, alia egomet gessi, quæ illi listeris, ea ego militando*

tando didici. nunc existimate, facta an dicta plurius sint.  
Ibid.

Cum cautio-  
ne necessaria  
& distin-  
ctione.

6. Quamquam dissimulandum non est, plerumque Fiduciam experientia, plurimum trahere ex arrogantia: dum jactat partim ea qua non habet; partim ut majora ostentat, qua habet. Hinc cautionis necessitas & distinctionis oritur apud recte judicatu- ros. qui semper respicere debent, ad pruden- tia principalis partem principem, qua in dirigendis, gu- bernandis, dispensandis, providendis, curaq, ut sic dicam, univ- ersali complectendis rebus cernitur, & veluti animam negotiis ac spiritum infundit. τὸ ἀεχέλιον καὶ διοικητικὸν καὶ πρῶτον τῆς ἡγεμονίας προήσκειω dice- rent Græci. Ejus loco & nomine exosculantur plerique experientia ostentatores, τὸ ἐμπειρικόν, illa qua in externo opere & ministerio occupantur. Hac ut experientia proprie enite- scunt, sic illa sublimis & imperatoria prudentia, cujus in- genium postea amplius declarandum erit, firmatur potius aut elicitur quam comparatur. Ex eodem fraudis prin- cipio, homines quodam rerum actu exerciti, per alacrita- tem, & agendi strenuitatem, elegantiam, & species peritia- similes, affectationi prudentia student. Cujus ipsa igno- ratio, persuasioni viam & securitatem aperit. Quo fit, ut nemo non militia exercitus perfundusque regenda sta- tim militia scientiam animo præsumat, id quod exemplo Liviani Penulae valde evidens sit: cui stolidæ persuasioni experientia res mag- nas promittenti, non minus stolidè creditum est: tanquam eadem militares & imperatoria artes essent. Liv. 25, 19.

Sed nec in  
studiis tan-  
tum præ-  
cepta pos-  
sunt.

7. Ergo supplebunt litteræ & subministrabunt, quod ab experientia frustra expectatur. Verum instructus ea- rundem atque disciplina sicut multis rebus aliis compara- tur, firmatur, ornatur: ita duæ potissimum rationes e- minent, quibus civilis prudentia creditur obtineri; Præ- cepta & exempla. Quæ proficiendi viæ cum aliis etiam studiorum generibus sint communes, in plerisque tamen haud paulo major præceptis vis inest, quam in doctrina civili.

civili. Hæc nullo modo comprehendi se aut explicari patitur brevibus libellis, aut quantacunque præceptionum mole, aut quantavis differendi subtilitate. Veritatur enim proprie hæc prudentia *in iis, quæ artem non habent*, nullisque certis designari limitibus possunt, quod præclare scripsit *Aristoteles* (6.Eth.5.) *neq; generalia tantum*, circa quæ præcepta possunt & solent occupari, *sed singulorum etiam notitiam complectitur* (Id.6,7.) ad quæ non tam regulis, quam observationis cujusdam propioris inspectione opus est. Variabilis est natura humanarum actionum, abstrusæ rationes consiliorum, subtilis observatio circumstantiarum, difficile judicium factorum, periculosa provisio faciendorum: quæ omnia si tu artis & præceptorum beneficio postules *ex incertis certa facere, id agas ut eum recta ratione insanias*. Non diffitemur sane multa etiam ex his penitioribus, observationum, cautionum, fundamentorum, distinctionum ope ad amplificandam in majores usus præceptionum disciplinam adferri posse (præivitque exemplum *Aristoteles* in incomparabili Politicorum opere, ubi non tam quid faciendum, sed quomodo, & quando, & quatenus &c. plerumque differit) verum tam multa illa, profecto pauca erunt, cum in rerum ipsarum devenitur penetralia. Ut nihil dicam, de Politicorum commentariis: in quibus nihil magis quam imitatio *Aristotelis* & hæc ipsa pars desideratur. Quo respectu, non dubitamus affirmare, *impossibile esse, ut solide, aut mature, aut feliciter, aut ad vitam & imperiorum regimen accommodate, inde potissimum civilis prudentia acquiratur*. prorsus interim nihil detrahentes cujusquam bene de hoc studio mereri cupientis industria: quam alicubi veneratione, alicubi æstimo, alicubi venia, ubique modestia & æquitate nostra prosequendam semper existimavimus. Est enim omnino hoc studium inter excolenda potius, quam exculta post renatas litteras, referendum. Ut vecordissimi factus & plerumque ignorantia notam arbitrer; statim

ea, quæ minus tibi placent, aut imperfectione aliqua laborant, ad lutum & tenebras damnare.

aut commendationes  
politicae ac  
discursum.

8. Sapientis est, ni fallor, suum unicuique rei præteritum ponere: neque, quia tantum non habet, nullum concedere. Quare præceptis nequaquam suum (de quo alibi) sed præcipuum locum hic negamus. Ut & illis scriptis, quæ præceptis exemplisq; constantia, aliquis mixta, id est, plenissima perfectione excellere arbitretur. Equidem inter ista suspicimus magnopere, Veterum illa prudentiæ monumenta, qualium specimen *Tullius* in Officiis; *Plutarchus*, in præceptis gerendæ reipublicæ; *Seneca* in libris de clementia &c. aliique alibi dedere: quin & infra clarius hæc & talia commendabimus: at vero sicut in iudicio de rebus informando possunt plurimum, ita rerum æquumque ipsorum indolem, sine cujus cognitione nihil hic procedit, segnius & obscurius attingunt. Nam quod ad recentiorum dissertationes sive discursus attinet, quibus Italorum præsertim & Gallorum industria censeri voluit; quis non videt, quam perfunctorie & oblectamenti ritu pleraque gerantur? in quibus haud raro deprehendas specimen & tædium cujusdam otii, & nescio quid supervacanei, ex inscitia reipublicæ & umbratica illa doctrina, nonnullis nationibus adeo frequenti, ut posteaquam nugarum maximarum veluti delectum egerunt, eas opulenti thesauri titulo, atq; indice venditare non dubitent: quod ingenue & cordate fatetur *Julius Bellus*, in præf. digress. Tac. Idem de *Questionariis* plerisque licebit arbitrari.

quantum  
Historia.

Quæ liberalior  
magistra

9. Veram itaque & solidam prudentiæ institutionem felicius & liberalius *Historia* proficitur: quodque præceptis deest, suggerunt efficaciter exempla. Vide quæ in comparationem utrorumque philosophatur *Paschalius* in Virtut. c. 28. Cujus rei veritas paulo altius repetenda est. Ac primo quidem omnium, aliquod instar illius prudentiæ, quæ & civilis & principalis & gubernatoria dici mereatur, animo concipiendum videtur & oratione figurandum. Ita scilicet vocamus incorruptam animi facultatem, soler-

solertia, iudicio, consilio rerum in omni vita publice arbitrandarum, dirigendarum, suis temporibus & reipublice utilitatibus accommodandarum, tum natura felicitate excitatam, tum praesertim meditatae rationibus ad omnia exporrectam, assiduitate exercitam, provisu & opere expeditam. hac initia rerum & causas ab omnibus iis dignoscit, quae ceteros mortales similitudine & vocabulis decipiunt: hac progressus operum, non casu, ut plerique, sed ratione quadam singulari; neque quasi comitaretur aut eminus allaboraret, sed quasi interesset, moderatur: hac fines rerum sectatur arte, assequitur industria, corrigit promittunt, lucratur & permutat, invento, obscura perspicit, retrusa protrahit, fugientia moratur, obstantia discutit, implexa explicat, ardua expedit, falsa convincit, insidiosa eludit. ex praedestinato, instructe; ex abrupto, generose agit. ubique decoris, ubique dignitatis suae memor, cui virtute efficaciam, virtutis constantia successum impetrat. ubi dignam suo fastigio occasionem nata est, unam rem mille artibus; mille artes una opera expugnat. cumque ad omnia se porrigat, nunquam a sceptro, nunquam a se discedit: peregrinis, domestico provisu; novis, consuetudine sapiendi intacta & major. non actionum magnitudine illustrior, quam agendi artibus copiosior: temporum, rerum, casuum non minus potens quam gnara: divinae provisionis radius, divinarum actionum instrumentum, divinarum virtutum in terris pignus, arcnum, custodia.

10. Faciunt vulgo tres prudentiae partes: *Memoriam*, *Per omnes*  
*Intelligentiam*, *Providentiam*, (Cic. 2. de invent. 53.) è qui- *partes.*  
 bus illa ex eventuum copia, ut è thesauro, prudenter tractandi exempla & rationes depromit: ista de praesentibus, quae accurate & penitus perspicit, rectissime & verissime iudicat: haec, sicut futura ex praeteritis & praesentibus calidissime conjicit, ita prospicit de bonis, cavet de malis, vigilat ad incerta. Ubique natura aliquid potest: sed rudis est, sine exemplorum & actus institutione: qua proprie prudentia constat praesertim Imperatoria; cui illa omnia

*Memoriam*  
*enim informas*

1.  
Exemplorum copia.

omnia quidem, sed eminentiori quodam modo tribuenda sunt. Incipiamus à memoria: id est, à multitudi-  
*exemplorum & ubertate.* Quæ tota & propria historiæ laus est: è qua ad prudentiam adferenda. Prudentia nihil est aliud (inquit Casaubon, in præf. Polyb.) nisi multarum rerum memoria, & usus complurium negotiorum, ex quo sit perspicuum, quam sint non dicam affines, sed pene idem prudentia atq; Historia. Quid namq; aliud legitime scripta Historia agit, nisi ut res hominum, mores, instituta, gesta memoria commendet? vitam exemplis instruat? &c. Idque tanta copia, quanta & hic opus est, & ab experientia nemini mortalium potest contingere. Gesserit Princeps aliquis decem, viginti, plura bella: commiserit multa & magna prælia: nihil hæc ad copiam Historiæ, quæ ab omni ævo, in omni genere eventuum, ex omni parte rerum prudentiam instruit. Prope dixero nullas esse in prudentia civili MEMORIÆ partes, nisi instructissimæ. nam sterilitas aut paucitas exemplorum, hic pro ignorantia habetur, & agendi imperitia.

2.  
Similitudine & comparatione.

II. Hoc primum est ergo, in MEMORIA, quod attendimus, *exemplorum copiam.* Secundum bonum in propiori ad explicationem respectu, SIMILITUDINI & COMPARATIONI debetur: Tertium ORDINI. Sicut cum in gazophylaciis per thesaurorum genera opes disponuntur; similibus in unum locum conductis, loci ipsi sua serie, depromentis & recondentis juvant industriam: ita in magna exemplorum copia, onerosum & inhabile est, quicquid inditpositum; disponit autem res quasvis similitudo & dissimilitudo, indeque orta comparatio. Et *copiam & similitudinem*, ea, qua nos, mente laudavit Tacitus 4. A. 33, 5. cum plurimum conducere ad prudentiam annales suos illo quoque argumento affirmavit, quod *eadem exitu causæ conjunctæ* passim essent, *obvia rerum similitudine & satietate.* Ordinem quod attinet, conciliant illum. 1. *Temporum epochæ & termini;* 2. *Historia prudenti calamo dispensata concinnitas.* 3. quo pertinet *separatio*

3.  
Ordine.

ratio & distinctio eventuum rerumq; secundum species: quam sicut diligentia lectoris facile invenit, ita scriptorum aliqui, ut materiæ ordinem illustrarent, temporum ordinem sunt egressi. Facilius enim cuiusq; rei in unum contracta species quam divisa temporibus, oculis animisq; inheret: Vellei. l. 1, 14. 4. Peculiaris illa iudicii omnia distinguentis cautio, qua vere similia à specie similitudinis; & in veritate similitudinis, modus assimilationis; & in discretionem, ratio, gradus, scopus discernendi, ex aequo attenduntur gubernanturq;. Ita similitudo etiam & comparatio, id est, ordinis origo & anima obtinebitur facilius & usurpabitur felicius. Arduum alias hoc opus, & quod veterum nemo diligentius Polybio, ad commoditates vitæ, tanquam iter salebrosum, emunivit.

12. Veniendum nobis est in rem præsentem, ut speciminis alicujus evidentia intelligantur planius, quæ differuimus. Sit Principi bellum gerendum cum Hispanis. Huic proposito tum innumera alia inservient, tum præcipue indoles gentis, fortuna imperij, consilia regni, & aula, adeoque tota, ut loquuntur, hypothesis hostium præcognoscenda erit. Unde hæc cognitio? ex crebro cum Hispanis commercio? ex quorundam actuum experientia? Longe latius patet hoc negotium: atque ut scias quam late, simul etiam fundamentum nostræ assertionis perspicias, Polybium auctorem dabo: qui inter initia gravissimi operis sui (lib. 1. c. 12.) præclare monet: ut intelligatur ingenium gentis; natura, conditio, fortuna imperii alicujus, omnem superiorum temporum seriem alte repetendam: quo possit liquido judicari, undenam singuli populi, & quando & à quibus profecti primordiis, quibus usi consiliis ad præsentem statum pervenerint: in quo aliter nil recte cerni potest, nullæ gestorum rationes discerni, nullæ gerendorum decerni. Hoc consilio ipse, ut lectores suos, modo veluti actores, modo velut arbitros & adiutores rerum faciat, repetita originum, progressuum, studiorum memoria, iudicio rebus tractandis necessario viam sternit. Idcirco per Hispano-

*Ostenditur  
quod di-  
ctum est e-  
xemplis.*



rum monumenta circumferenti industriam & observationem, ante omnia constare debet: Hispanorum animos, acres illos quidem & ad tractandas pacis belliq; curas non inhabiles, quamprimum à servitute tot retro seculorum, & humilitate ea qua servitutem sequitur, se expedivere, ambitionem rebus omnibus prætulisse: modicâq; iniuria, invitante successu insperato & repentino, ad immanium rerum spem, cum pertinacia propositi in hunc diem inexpugnabili propulisse. Igitur jam à seculo amplius, bella, paces, federa, auxilia, amicitias, affinitates, commercia ad cupiditatem dominationis, tanquam ad fundamentum reipublica omnia relata: consilia in futurum callide structa, ac longissime porrecta: quasitam verborum magnificentiam, qua ad colorem, iniquis molitionibus; captiosis, ad fraudem; superbis, ad terrorem arcano ministerio inserviret. His rationibus suscipi bella; his suspendi; his differri; non enim finire, antequam de dominio & servitute convenerit: exclusis pacis & compositionis & concordia & vicinitatis pacate consiliis, qua inire bona fide nemo potest, qui de universali gentium dominio, tam profundæ ambitionis spiritum semel consilia suscepit. Quanquam illa secretiora sunt: quod vehementer fallitur, qui cum Hispanis sibi potius, quam cum Jesuitis rem esse opinatur. Ex eorum hominum religioso atheismo suspensa sunt omnes Hispanica artes & arcana: tam fatali miraculo, ut, cum satis constet, plurimos nefaria dominationis omni ævo magistros, provisores, artifices fuisse, quorum instructissimam vafritie & malitia potentiam nemo poterat ambigere, nihil tamen simile vel scriptum vel pictum uspiam reperiatur, sed ad Lojolarum instrumenta & machinas collata, in levibus habenda sint, quacunq; aliquando maxima fuerit. Hinc insidiarum & metus plenissima mille arcana alia, qua sedem quasi & domicilium Hispanorum autem sibi videntur delegisse. de quibus alii.

13. Hæc & talia non tam Thuanus aliquis (cujus in hoc ulcere creberrimus unguis non est modo, sed esse debuit) quam omnis historia & gesta & consilia Hispanorum,

norum, copiose & accurate nec sine informatione futuro-  
 rum actuum docebunt. frustra & nimis inepte reclaman-  
 te *Nebriffensis* illius commento, qui sacris textibus & exem-  
 plis per abusum in speciem contendit: *iniquitatem illorum,*  
*quibuscum bella fuerint Hispanis, regnum adiuvisse, ut cre-*  
*sceret.* l. 1. de bell. Navar. Scilicet non exemplis suis, sed  
 alienis hæc discenda sunt: neque committendum, ut ali-  
 quid eorum ignoremus cum periculo nostro, quæ cum, &  
 ab Hispanis gesta, inter specimina ut detrimenti præsentis,  
 quo ad alios: ita inter profutura, quo ad nos, discipli-  
 næ instrumenta, Historia rerum & memoria temporum  
 semel retulit. Quæ & altiori cautione interim Principem,  
 quem diximus, imbuat: atque, ut cum Hispanis si-  
 gillatim perspectis prudentius agat, ex universo suæ copię  
 apparatu etiam illud in aurem & mentem inspirat, *apud*  
*magnas gentes & præpotentes illos Principes id æquum, quod*  
*validius, neq; unquam satiari spes dominationis & cupidita-*  
*tem potentia; quæ cum magnitudine imperii adolescit e-*  
*rumpitq;, quæ potest.* quod de Romanis quoque non pos-  
 sunt, quin fateantur *Tacitus, Sallustius, Cicero, Florus,* alii-  
 que plures. His circa Hispanicam indolem institutaque,  
 & memoria superiore per tot documenta cognitis, cautius  
 nimirum & bellabit cum Hispano, cui bellandi necessitas  
 venerit; & cum extra bellum versabitur, circa, aut prope,  
 imo etiam longe ab eo, non extra periculum & odium se  
 versari credet. à quo interim quisque sibi quanta potest  
 præmunitione caveat: semper memor Magni illius Jacobi  
 Britanniarum Regis, cujus apud *Cambden, in annal. Angl.*  
 prudentissima vox extat: *se non aliud, ab Hispano benefi-*  
*cium expectare, quam quod Ulyssi Polyphemus promiserat:*  
*scilicet, ut ceteris devoratis postremus deglutiretur.* Sci-  
 licet, nisi fatum obstiterit, & maximis imperiis maxime  
 imminens conversio. Neglectis contra aut ignoratis, tot  
 aliorum casibus, futurum est, ut *non credulitati magis &*  
*securitati, quam memoria hominum illudat Hispanus,* sicut  
 de eo loquitur *Heins. in panegy. Suec.*

14. *Sit fœdus ineundum cum potentiore; cum invalido; cum barbaro. Sit questio de variis, & intricatis passionibus aliis. Veniat in deliberationem omne bellorum negotium: quibus causis suscipienda; quo instrumento gerenda, trahenda, consicienda, moderanda. Quæ, cui, quomodo inducia concedenda. Deniq; actionum omnium pacisq; & belli operum suscipiatur cura Principe digna. an sine historia poterit fieri? Quam frigent hic & vacillant præcepta atque commentarii? quam fallunt sæpe, quæ solertiæ soli innituntur consilia? Quam autem est ad eventum insigne & efficax :: circumire per universam orbis memoriam, ibique tanquam in re præsentī, deligere exempla nostro instituto propinqua & congruentia, considerare exemplorum rationes, meditari imitationis artes, conquistis ex tanta copia, quæ usquam huc pertinere videbuntur. Hic, ut ad priora redeam, deprehendemus: fœdus cum potentiore aliquando præpropere spe initum, aut vindictæ aliæque lubidine, in exitium apperentis; aliquando, ex necessitate, in diminutionem; aliquando, ex prudentia & cautione & arte, in salutem cecisse: cum barbaro semper infidum; cum invalido gloriosum alibi, alibi periculosum, alibi necessarium fuisse: Ubiq; autem ingenium gentis, morum conditionem, arcana status, vel perspecta diligenter, viam consilio aperuisse; vel ignorata, occasionem periculo & casibus præbuisse. Sæpe propositum fidei & constantiæ, pro fortuna fuisse: calliditatem, vafritiem, pro jactura. Et sic deinceps. Apprime huc pertinet gravissimus Polybii locus, è lib. 5. cap. 75. Parum absuit quin Selga oppidum proditione intestina, specie induciarum, caperetur: dum milites hostium, familiarius è castris annonæ parandæ gratia in oppidum ventitarent. Hunc casum miratur valde Historicus, simul etiam illud: cum hæc calamitas adeo continue, adeoque evidenter multis incidere, qui fiat, ut ad hujusmodi fraudes semper rudes & novi existamus. Causa autem, inquit, hujus rei est, quod priorum casu, à quibus in aliquo est offensum, ut in numerato habeamus & ad manum,*

num, operam non ponimus. sed frumenti quidem & pecunia copiam, itemq; murorum telorumq; fabricas, adversus incerta & inopinata casuum, vexatione magna sumtuq; nobis comparamus: rem vero omnium facillimam, omniumq;, ubi aliquid adversi increpuit, utilissimam, hanc omnes suq; deq; habemus: cum præsertim facile queamus honesto fruente otio atq; oblectatione animi, ex historia & curiosa diligentia rerum ante actarum notitia, hanc nobis peritiam ac prudentiam comparare.

15. De Memoria hætenus seorsim, sed ita locuti sumus, ut eam reliquis duabus prudentiæ partibus innectamus potius, quam adimamus. Nam & *Intelligentia* ad judicandum; & *Providentia* ad conjiciendum, opibus *Memoria* & ministerio opus habent. Quemadmodum & alias nihil ferme in toto prudentiæ negotio occurrit, quod separatim suam vim exerat: miscentur omnia, & coalescunt, & coalita demum ad effectum valent. Explicationis causa tantum dividimus, quæ in opere dividi non debere, satis meminimus. Igitur de *Intelligentia* nunc ostendendum est amplius, nullo magis illam, quam *Historia* magisterio informari firmariq;. Quod ut planius fiat, per partes incedemus, cognituri primo, quantum proficiat *Historia*, *evidentia rerum* & *expositionis plenitudine*: deinde *observationis* & *applicationis dexteritate facilitateq;*: tertio, *iudicii regula* & *animositate*: quarto, *solertia administriculo* & *præfidiis*. quinto, *constantia* & *promtitudinis instrumento domestico, familiari, præsentis*.

*Intelligentiam erudit Historia.*

16. *Evidentia rerum* & *expositionis plenitudo*, in comparatione præsertim obscuritatis & imperfectionis, quæ in experientia deprehenditur, hic accipienda est. Qui interest rerum actibus, perspicit particulas rerum, ut supra dictum est; & quædam quidem nunc, alia alio tempore & opere, nec in uno negotio denique pleraque, sed aliqua cognoscit. *Historia* plenissimo theatro, non manifesta modo ostentat, sed latentia aperit: neque in campo pugnas & bella; sed ex angulo bellorum consilia, &

*Evidentia.*

utrobique rationes explicat : non eventus modo, sed causas; nec causas solum, sed causarum ingenia arcanaque suppeditat. *Experientia* rem ostendit; *Historia* rei contextum; *illa*, quæ adsunt; *hec*, quæ insunt, imo vero, quæ subsunt, declarat: *illa*, quæ extant; *hec*, quæ circumstant; *illa*, propinqua; *hec*, remota insuper; *illa*, exteriora; *hec*, intima: *illa*, alicubi; *hec*, ubique: *illa*, aliquando; *hec*, semper demonstrat. Atque hoc est illud, quod intelligit *Livius*, in exordio sui operis, cum *exempli documenta in illustri posita monumento* laudat: id est, efformatione plenissima figurata, & cognitioni penitiori evidentissima expositionis luce, & illustratione prudentis iudicii, exposita. Neque aliud in animo habuit *Polybius*, cum *ἱστορίαις διδάσκαλον*, evidentissima scilicet presentissimaque institutionis magistrum vocat Historiam, l. i.

quæ exemplis quodammodo delineantur

17. Non adferam, exempli causa *Punicas Romanasque* acies; *Alexandri prælia*; *Cyri expeditiones*: in quibus signate lucideque efferendis, & quasi regenerandis, eloquentissimorum Scriptorum industria defudavit. Consideretur ipsa tota totius belli *διανομή* & tractatio vere & evidenter pragmatica, sicut à *Livio* aliquo, à *Curtio*, *Salustio*, *Thucydide* &c. cernitur instituta. *Premittuntur* occasiones, *prætextus*, *principia*, *causæ*: quas in ipso rerum actu, solus sæpe, qui auspicio rem gerit, aut certe cum paucissimis novit & discernit. plerique etiam post eventum non satis intelligunt aut dijudicant. *eruntur consilia* partim è longinquo & olim provisa, partim in longinquum porrecta, partim in auxilium gerendorum expedita, partim in subita eventuum recondita. *explanantur actus*, rationes actuum, *mora*, *fata*, *successus*, *errores*, *cautiones*. *Quæ* fuerit ratio præliorum, agminis, præsidiorum, obsidionum, operum, machinarum, excursionum, non ut in se modo spectantur, sed ut se habent ad rerum summam, ad rationem belli, ad conditionem imperii, diligenter illustratur. *Quid* & cur feliciter tentatum; *quid* & quomodo effectum; *quid* ex vero aut per artem; *quid* ex jure aut pro more,

more; quid bene aut secus tractatum ( ipsa etiam fatorum  
& cœlestis providentia, observatione perpetua adhibita ) lu-  
culenter modo innuitur, modo expenditur. Qua totius bel-  
li eventum prospera adversaq;, gloriosa aut humilia, fidu-  
ciam aut metum habentia consecuta sint: horum nihil re-  
ticetur. Id est, hac tot & tanta, tam ample diffusa, tam  
profunde abstrusa, deniq;, pridem praterita, sunt hac ra-  
tione prorsus presentia, rursus geruntur, rursus tractan-  
tur gubernanturq;. Hic aciem disponimus, cornua, alas,  
subsidia, ordinamus; excitamus milites, consiliis instrui-  
mus & mandatis, imus in Darium, pugnamus cum Ale-  
xandro ad Arbella: occurrimus periculis, instauramus  
prælium, extorquemus pæne jam victori victoriam. sed &  
sine ulla transfugii infamia, quod militantium nemo po-  
test, in partibus Darii sumus: videmus eum multa timen-  
tem, multa dissimulantem, multa molientem, videmus nec  
consilia, nec virtutem, nec artes ipsi aut ducibus defuisse:  
falcatorum curruum damna, Mazei incursum, Parmenionis  
pericula, Macedonum toties confusos & afflictos ordines, ni-  
hil profuisse Dario ad victoriam, cum stupore observamus:  
neq;, possumus quin post tentata strenue omnia fugientem, me-  
rito elogio prosequamur: non enim tam cum hoste, quam  
cum fortuna bellavit. qua omni ratione potentior, destina-  
ta salubriter & tractata fortiter sæpe discutit. quod alibi  
Historicus monet. Curt. 3, 9. Amplius intersumus concilio  
amicorum; cautiora quam fervida consilia malumus cum  
Parmenione (Curt. 4, 13.) retentamus ardentissimi regis  
impetum, cum ceteris (Curt. 9, 6.) miramur alacritatem  
accincti, & e vultu ejus spem victorie auguramur (4, 13.)  
rimamur curas providentis & comparantis se ad ardua (3, 8.)  
adsumus ubiq;, comitamur, tuemur; sive imperat aliquid,  
audimus; sive animo agitat, per indicia quedam conjici-  
mus: sive instat fugientibus sive resistentes dejicit, ar-  
bitros nos habet & spectatores. successum aliquando lauda-  
mus, aliquando non capimus sed stupemus. sæpe interim ani-  
mo agitantes illud Curtianum: Quis neget eximiam quo-  
que

que gloriam sapius fortuna quàm virtutis esse beneficium?  
(8, 10.)

18. Rsi militaris præcepta, & cumprimis opera, artes, morem, disciplinam, describere, *Onosander, Vegetius, Elianus, Aneas, Apollodorus, Leo, Mauritius*, aliique, quorum labores desideramus. Verum ego plus tribuerim Historico (modo is debitam his rebus industriam ad scribendum attulerit) quàm ulli magistro militari. Nam & describit perspicue, quod hi præceptores: & in applicatione rei præsentis ad planiorem intelligentiam deducit lectorem suum, quam ulla scriptio, extra rei gestæ narrationem, potest. Ex *Polybio* sane aliquo, ex *Livio*, ex *Cæsare*, judicanda demum sunt, & interpretanda, quæ in typos alii & figuras retulere. Hinc, quid *Lipsius* in Militia & Poliorceticis; *Srevvechius* ad *Vegetium*, *Hugo* in Militia equestri &c. elaborarint, an & quomodo ubique assecuti sint, quod studuere, repetendum est. Quancquam satis novimus, hanc partem studiorum neque absolutam à quocquam hætenus, neque ab ullo absolvi facile & consummari posse. nisi quod haud dubie plurimum profecissent, duo illi Heroës litterarii, *Scaliger* & *Casanbonnus*, nisi utrumque, antequam destinata efficerent, fatum suum prævenisset.

19. Unum adhuc, è mediò belli discrimine, adferam: ut appareat quanta sit in Historiæ instituto evidentia. Quam in rebus, multa sui parte à conspectu remotis, ipsis pæne oculis subjecit, ut semper, ita in *Curionis* infelici exitu, *Julius Cæsar*. (lib. 2. de bell. civ.) *Præsentia & temeritas*, quæ multis causâ exitii exitit, *precipitavit hominem*. Sed quibus initiis, causis, progressibus, casibus? Hæc non dicit, sed ostendit. Obsederat Uticam generosus Juvenis: amplissimaque potiundæ urbis spes undiquaque affulserat, cum subito nuntiatur, Jubam liberandæ urbis ergo adventare. Nulla debet in bello fama contemni: præstat vanos etiam & ineptos rumores non sine cura dimittere, ne verum semel negligamus. Sed

Curio-

Curioni prima mali origo ex contemptu nuntii. Reportata nuper victoria, hostis perterritus & intra mœnia compul-  
sus, nuntiata præscriptaque ex Hispania in Africam Cæ-  
saris res secundæ, incredibile effecerant, ausurum hoc  
tempore & rerum statu quenquam laceßere partes victri-  
ces. Hoc est quod Cæsar ait : *tantam habebat suarum re-  
rum fiduciam.* Item : *quibus omnibus rebus sublati, ni-  
hil contra se regem nisiurum existimabat.* Nihil extollit  
facilior animos, nihil spem cupidorum inflat magis, quam  
successus magni & multi, & concurrentes. Periculosa a-  
nimofitas : sed quam ad cautionem & tutiora mox rede-  
git certior de adventu hostium notitiâ. comparat ergo castra,  
accerßit auxilia, loco & tempore bellaturus, neque rem sub-  
casum daturus. Hic vero rursus suas machinas rumor,  
sed vanus, admovet : revocatum Jubam finitimo bello, in-  
terim Præfectorum quempiam speciem universi venientis  
exercitus præbuisse. Qui nolebat vera dicenti famæ pru-  
denter credere, temere credit mentienti. illa enim cum  
metu, hæc cum spe erat conjuncta : ad quam & pugnam  
omni cogitatione ferebatur Curio. *Multum ad banc rem  
probandam adjuvat adolescentia, magnitudo animi, supe-  
rioris temporis proventus, fiducia rei bene gerende,* inquit  
Cæsar. Hæc facies, hi stimuli propellebant hominem in  
fatalem pugnam. Sed impulsus illi amplius noscendi sunt,  
& per incrementa notandi. præmissi equites, prospero tu-  
multu de nocte adorti Numidas, cum successum, & no-  
men præfecti nuntiaßent Curioni, *reliqua, studio itineris  
conficiendi, querere prætermittit,* statim victoriam & præ-  
dam inclamans ad suos. Illi pridem fortuna suarum re-  
rum inflati, novo instigamento concitant ducem. Quid  
dicam? militibus partim adhuc alibi morantibus, partim  
itinere nocturno confectis, omnibus modis impar ad ho-  
stem venit. Sed *ne hac quidem res Curionem ab spe moraba-  
tur.* simulat hostis fugam : rursus credit Curio ; *addita  
ad superiorem spem præsentis temporis opinione.* prope de-  
sperationem jam venerant milites : Curio adhuc tentat &



molitur omnia. frustra. Rogatur, ut fugiat: abnuic cum dedecore commisso sibi exercitui superesse: itaq; *prælians interficitur*. Hæc qui ut oportet, legit, nonne animadvertit, præter ipsos Curionis actus, animum militari promptitudine excitatum, successu fidentem, spe instinctum, spei causis ex se, ex fortuna partium, ex militibus, ex casu rumentem, audacia in securitatem abreptum, cæcoque jam impetu in adversa & interitum, in quo ipso non cessat virtuti suæ fidere, ruentem. nonne vultum quodammodo cernis, qualis erat cum hosti immineret? nonne ardentes in pugna oculi, & ultura suam mortem dextera se ostentat?

20. Existimet forte aliquis, facilius in rebus bellicis hanc *evidentiam* jactari, quàm in rebus pacis. Neque sane abnuerim, longe difficiliorem esse harum expositionem, quam illarum: quia actus ipse, ut est tranquillior, ita occultioris efficacitæ, & abstrusioris naturæ. quam ob causam etiam prudentia civilis, militari habetur amplior & profundior. At enim, nequaquam hic deficit Historia, sed egregie suam laudem tuetur. Laudandus est hoc loco, *evidentia nomine*, qua minime vulgo censeretur, *Cornelius Tacitus*. Ille, cum in annalibus suis, non bella & externos casus, sed domestica veluti ac interna tractet, ea dexteritate utitur, ut Senatui e.g. non interesse modo videatur, qui legit, sed observare possit plura, quam si interesset. *quid verbis velatum, fictum, adornatum, implicatum, suspensum; consilio reconditum; gestu adjunctum, vultu simulatum; interpretatione deflexum, simulacris mitigatum, vi arcana intensum: quis ex omni curia parte affectus, qua diversitas mentium, qua inclinatio animorum, qua artes sententiarum, qua voluntatum invitamenta, qui fines studiorum: quo decreta tendant, quam facta respiciant metam: quis nexus coharerentium, que spes aut minæ consequentium: qua fraus aut veritas exemplorum, qua calliditas repertorum: hæc & talia, ea arte sunt à Tacito prodita, cui neminis scriptionem comparari posse, facile dixerim. singula verba, aliquid momenti pragmatici inferunt:*

ferunt : ipsa connexio, non rerum modo, sed dictionis ; habet aliquid quo instruat lectorem negotiorum naturis intentum. *Dio* cum ambitu id agit, & in potioribus : sed ad reconditiora, neque is, neque, ad hunc modum, alius quisquam stilum porrigit. *Plutarchus* sententiis & philosophando, in *Vitis* suis, institutionem lectoris proficitur : *Sallustius* & *Marcellinus*, digressionibus & dictis sententiosis : *Lucretius* & *Polybius*, grandi illo prudentiæ apparatu, quem interpositis passim iudiciis, observationibus, monitis, egressionibus instruxerunt. At vero, qui ad exemplum *Taciti*, toto dicendi caractere ; tota compositionis arte, tanta sensuum copia, intensione, geminatione, insinuatione, rerum gestarum notitiam adjuverit, nominari ex antiquitate nemo potest. Hinc est, quod dixi, Evidentiæ laude illum præstare, neque aliunde rectius peti intelligentiam rerum, ut sunt, non ut videntur, aut dicuntur, aut adornantur. Sed opus est viro, & ingenio, & eruditione, ut in ceteris partibus, ita vel in sola dictione, quam rarissimi doctorum, minime autem omnium scioli & vani, quorum mores averfatur natura hujus scriptionis, factis capiunt.

21. Progrediendum est nobis ad cetera : videndumque quomodo observationis & applicationis dexteritate facilitateq; intelligentiam juvet *Historia*. Generatur hæc ex Evidentia. Sicut enim illa rem clare proponit : ita hæc clare propositam, plane & plene percipit, & liquide, *na- dæius*, perspicit. Tractavit *Aristoteles* libro 5. polit. de conversionibus & mutationibus rerum publicarum accurate, ut solet, atque ut in profundioris philosophiæ argumentum decebat, subtiliter copioseque. At vero, si probe intelligenda sint, & citra nubem ἀπαρίας, sive otiosæ extra rem præsentem contemplationis, eundem est ad *Rerum publicarum Historiam* : noscendumque, qua potestatis insolentia *Romanorum Monarchiam* in tyrannidem corru- perit ; qua tyrannorum injuria tyrannidem efferaverint, quod odium civium everterit : quomodo & cur ad plures inde

21  
Observa-  
tione &  
applica-  
tione,

Quod ostenditur exem-  
plis.

*translata potestas : quid mixturam Aristocratica & Democratice potestatis tam diu impediverit : quae optimatum, quae plebis intemperantia, vitium statui dederit : quae libertatis abusus & seditiositas Oligarchiam civitatis cervici imposuerit : quae certamina ἰσχυρῶν ad unius dominatum omnia reducerint. &c.* Eundem *Athenas* est, ibique Democratiae fata ex Demagogorum ingenio & concertationibus observanda. In *Achajam* trajiciendum est, ibique notandum quam periculosus & ad interitum reipublicae efficax mixtorum corporum dissensus sit, praesertim ubi dissolutionis semina, intra viscera jam admissa sunt : qualia haberi par est, *Potentium* insidiosum favorem singulis conciliatum, natas ex studiorum diversitate factiones, victus metu & factione leges, & si quae sunt alia, quae efficere, ut respubl. optimis melius instituta, pessimis minus esset diuturna.

22. Ita, quae sint artes, molientium absolutum dominatum, postquam ex *Aristotele*, collegeris, postquam *Clapmarii* arcanum conjunxeris, praesentior erit observatio in prima Taciti pagella, qua breviter quidem, suo more, sed copiose & diserte, sub exemplo Augusti monstrat, quod quaerimus. Addent Paraphrasin *Dio* & *Suet.* Imitationis specimen *Medicæ* historia dabit, *Cosmi* praesertim, qui Augusto saepe comparatur. Legimus apud *Arist.* 5. pol. ii. arcanum & prudens monitum : *Si praevalentis alicujus nimis impotenter everta vires, deprimenda sint atterendaeq., non faciendum istud esse uno impetu, omni potestate semel & simul ablata, sed paulatim ac sensim.* Ἐκ προαγωγῆς, ut ipse loquitur. Haec praecipio qualem vim habeat, non intelligitur rectius, quam si apud *Dionem* (l. 58.) legimus, quomodo *Tiberius* ad *Sejanum* evertendum paulatim & ita progressus sit, ut diu incertum relinqueret omnibus, amicitia an odio complecteretur virum. Qui & ipse, inter metum & confidentiam medius, in neutram partem audebat aliquid decernere. καὶ γὰρ ἰσχυρὸς : diminutio enim jam erat facta de ipsius potentia. Quidam *Libonis* apud *Tacit.* 2. A. 27. 28. & 29. casum huc trahunt ; & *Afinii Galli*,

Galli, apud Dion. (§8.) quanquam non tam Aristotelicæ *παραγωγή*, quam dissimulationis, occultati odii, dilatae vindictæ præbeant exemplum. Ceterum, ne de singulis jam artibus dicam, *tota de rebuspublicis philosophia* non potest exacte, nisi per observationem exemplorum in singulis, tractari. Hoc consilio *Aristoteles* ipse, tum in secundo superstitis Politicæ libro, tum in singulari opere, descriptiones rerumpublicarum instituit. *Heraclides* quoque *Ponticus* & *Nicolaus Damascenus*, quorum fragmenta quædam habemus, hanc viam instituerunt. Nostra ætate *Elzevirii*, laudabili consilio, *Rerumpublicarum complurium delineationes*, edidere. Sed *Auctores* earum valde discrepant; industria, iudicio, proposito. Multum autem debetur ei, qui ad scopum civilis prudentiæ, idonea ratione instructuque, *Rerumpublicarum Historiam* contexendam sibi sumserit. Valde enim fallacem habere cognitionem compe. i pleraque, quæ in hoc genere passim eduntur: nam & omittuntur sæpe, quæ omitti non debuerunt, nec satis dijudicantur, quæ discretione aut designatione exactiori opus habent.

23. Instituta igitur ad hunc modum *observatione*, in re præsentis (talis enim habetur Historia) applicatio ad ipsos actus, tum facile, ob similitudinem perspectam; tum dextre, ob perfectionem cognitionis, suscipitur. Ad gubernante præsertim hoc negotium *judicii regula* & *animositate*, quæ non minus Historiarum munus est. *Regulam* dico, ut intelligatur *dispositio* & vera rerum tractatio effectioque, quæ iudicio conformanda est: *animositate*, expedita, accinctaque & nullibi obhærens sententia intelligitur, sine qua iudicium ad gerendas res ineptum conspicitur. Hic enim tanquam in speculo datur contueri *veram rerum indolem*, & demto, quod ajunt, velo arbitrari, quid in unoquoque negotio tale vel tale sit. Qui primum interest consultationi & curiæ, peregrina haud dubie de conditione consiliorum, de sententiis consiliantium, & ceteris censebit: qui sæpe interfuit, minus ab-

3.  
Judicii re-  
gula & ani-  
mositate.

circa discer-  
nend. rerum  
indolem.

surde quidem, sed tamen ita judicabit, ut videatur multa insuper habere aut ignorare. Denique vix credi potest, quanta obscuritate, res & actiones hominum, judicio moram aut fucum faciant: quantæque commendationis pariter & artis sit, quod *Thucydides* & *Nepos* Themistocli tribuunt: *verissime judicare de presentibus*. Quod elo-  
gium paulo fusius explicat *Comment. Nep.* Judicare ingenium hostis (in quo *potissimum ad victoriam momentum Polybius* ponit 3, 81.) naturam loci in disponenda acie (quem *sæpe amplius prodesse quam virtutem, Vegetius* monet 3, 26.) occasionum momenta (quibus *nihil velocius, in-nuente Tacito* 1. H. 83, 5. ut propterea, *non tantum præ-sentis, sed vigilantis sit, occasionem observare properantem, juxta Senec. ep. 22.*) & quæ alia res agendas concernunt propius, profecto non est alterius, quam qui tot exemplis eruditus, nullibi jam aliena aut falsa potest concipere.

24. Obtenditur enim uniuscujusque negotii natura multis involucris & simulacris, quæ judicium haud raro fallunt. Utar magnis exemplis: de *Cæsaris potentia, imperiis, actis, nemo ferme ex vero, nisi cum jam serum esset, judicavit. Iustusne Pompejus aut Caesar arma civilia sumserit, pleriq; ne judicarunt quidem, alii male judi-carunt. Prudentissimus Cato, licet non absolveret plane Pompejum, tamen melius forte de eo speravit, quam de-bebat. Vulgo enim, cui & tribuitur, quam Catone di-gniores existimaverim opinionem, mansuram fuisse sub Pompejo Brutoq; Remp. (apud Tac. 1. H. 50, 4.) rectius ju-dicio ipsius Taciti, aliis occultior C. Pompejus, non melior, dicitur 2. H. 38, 4. Equidem de causis bellorum, cum-primis arduum, sententiam ferre. Ostendit hoc exemplo eorum, quos circa causas II. belli Punici aliena arbitratio tenuit, Polybius 3, 6. ubi & diligenter jubet discernere prin-cipia à causis, causas à prætextibus. Adde *Thucyd.* 1. *Sal-lust.* in Orat. Lepid. 1, 3. h. fragm. *Sueton.* Jul. 30. *Flor.* 2, 2, 4. *Tac.* 1. A. 10, 1. Jam regnorum prospera & adversa, magnos eventus, conversiones &c. sub multa plerumq; nube  
aspicit,*

afficit, primum quidem providentia & factorum ignoratio & neglectio; deinde, obviorum potius quam coherentium aut attinentium consideratio; denique, pertinax humanarum mentium malum, quo rerum caducitate fallacię, varietate hebetari, atq; à rectiore philosophia distineri se patiuntur. Id sicut ceteris solenne, ita nec doctis & prudentibus satis ubique evitatum. Caligat circa adversa & clades Romanorum, perspicacissimus alias scriptor Tacitus, non citra Providentię injuriam, quam tum quoque vix agnoscit, cum agnoscit. Animosius est Sallustii judiciũ, de calamitatibus, ex calamitatum causis. Generosus autem sine exemplo Polybius, in ferenda tam de actionum eventibus, quam de actionibus sententia, rectissimo incedit tramite, ut aliquando Christianorum multos, quibus tamen solidam judicii magnanimitatem & sollertiam, ipsa religio commendat suppeditatque, pudefacere queat. Si ad minora & quę simpliciorẽ habent intellectum, perveniendum hic esset, cujuslibet moris actusque sed & hominis, censura difficultatem nobis aliquam ostenderet. Quid inter popularitatem Fabii alicujus, quam laudat Livius 2, 47. & Caesaris, quam describit, præter alios, Sallust. Catil. 54. sive inter lenitatem concionatorum, & animum vere popularem (v. Cic. Catil. 4, 5.) respectu status, civitatum, temporum inter sit, damnis ut plurimum suis admonitæ sunt civitates Democraticæ. Imo, cum in popularitate noscenda signandaque comitas tantum, ut solet, & liberalitas facilitasque attenditur, injuria sane L. Cassio, & simili ingenio præditi, fiet: Eum enim ipsa tristitia & severitate popularem fuisse, Cicero judicat in Brut. 25. Tyrannorum ingenia, qui ad unum modum exigunt, nec norunt suam servitutem plerumque, nec mitigant. Inter diversa scilicet tyrannidis genera, diversa cautione opus est. Cum aliter Cæsar, aliter Tiberius, aliter Caligula, aliter Domitianus, aliter Vitellius, aut observandi aut metuendi aut cavendi sint. Adeo ubiq; finis judicii non ab ipsis rebus, qua facta sunt pendet: verum à causis & voluntatibus eorum,

rum, qui fecere, & ipsarum rerum differentiis, inquit Polyb. 2, 56.

25. Duo sunt, ad quæ omnes nostras actiones, præsertim in republica dirigere debemus: *Utilitas & Honestas*. Hæc tam notæ familiarisque intelligentiæ vulgo putantur, ut naturæ obvia, disciplina nec indigere videantur. Sed falsam hanc persuasionem esse, vidit & monuit Tacitus 4. A. 33, 3: *quia pauci prudentia, honesta ab deterioribus; utilia ab noxiis discernunt: plures aliorum eventus docentur.* id est: Nisi Historia hoc iudicium suppeditaret, plerosque varius in diversa error traheret. Exemplis privata publicaque vita hominum nimium abundat. Horum cupiditas primo temeravit honestatem; mox temeritas, ab utilitate sejunxit, denique improbitas & vafrities extruxere infame simulacrum, quod cum à neutra aliquid participaret, utriusque speciem miris artibus ementiri debebat. *Prudentiam* ab initio; inde, *arcana & nova jura*; recentiores, *rationem status*, honora, ut videtur, appellatione dixere eam artem, qua honestum redigeretur, quicquid utilitatem aliquam gerendis rebus pollicebatur. utilitas autem erat, quicquid collibuisse animo, potestatis & dominationis irritamentis corrupto. Proditura haud dubie omnibus semet facilius hæc fraus erat, nisi quæ strenue quotidie fierent, facta strenue negarentur: nisi nomen quoque tam sollicitè obtegeretur, ut non possit non placere, depicta coloribus verborum, qui in re ipsa nusquam comparent, *ratio illa status*. Interim, quoniam satis animadvertitur, non posse penitus splendescere hujus idoli fœditatem; simul, ut, si qui viri boni ad aulas & rerum actum transferuntur, primo prætextu, deinceps consuetudine ab inflexæ honestatis studio demutentur, grande illud & horribile arcanum, tanquam irrefragabile decretum & fundamenti politici loco habendum commendatur: *necessarium esse dolum malum & iniquitatem ad publicarum rerum administrationem*. Atque huc trahitur Cassianum illud, ex Tac. 14. A. 44, 7: *quasi quæ adversum singulos*



*singulos committerentur, utilitate publica rependi putanda sint.* quod principium eo usque evaluit, ut captivitates, fidas, venena, exilia, cædes plurimis illustribus & innocentibus viris pararit. Quamquam male judicet, male applicet locum Historici, qui aliquid tale exsculpere conatur. Atque ut melius judicari possit, πολικάτατῶ scriptorum Polybius audiatur, qui l. 13. excerpt. *minime convenire imperantibus & imperii negotiis malas artes*, cordate asserit. Idem qui alibi quoque viam sternit, ad deprehendendam recto judicio κακοπραγμοσύνη sine *versutiam Politicorum*, quæ sub casibus & consiliis prudentiæ περιστάσις, id est, ut sic dicam, *extraordinaria, & honesta συντοκείσις* usque quaque latere cupit. Equidem hoc illud opus, hic ille labor est, in quo paucissimos incorrupte & sine confusione judicii versari videas. Adeo ut ipsum illud *salutis publica, boni publici, utilitatis publica*, tam salutare tam simplex & sincerum vocabulum, plenum morosæ & sollicitæ intellectionis, fallacisque judicii, appareat. Qua de re amplissima dicendi series exsurgeret, si id jam ageremus.

26. Quod si autem jam de honestate propositi constat, nonne obtinet in ipsa tractatione, quod Tacitus prudentissime monet l. H. 38, 4. ut *sepe honestas rerum causas, ni judicium adhibeas, perniciosi exitus consequantur?* Conceperat haud dubie justissimam adversus inciviles & oligarchicos homines iram M. Cato: nam imminui jura patriæ, opprimi libertatem, Cæsarem aut Pompejum plus posse rep. nemo bonus & cordatus existimabat tolerabile. At vero, qua usus est in illis insectandis & prohibendis vehementia, nec *tempestiva* jam erat, & *sine viribus vana*, & propterea *augendo malo quam restringendo aptior*. Consulendi Flor. 4, 2, 9. Heinsf. in orat. de Cæs. Dictat. Jam quantopere & quoties applicatio exemplorum fallit? Ejectis Roma Tarquiniis institui libertas potuit. an etiam de- applicationē  
ad usum. moto cervicibus publicis Cæsare Julio? ita quidem sperabant, & fiducia hujus exempli præceperant Romani (v.

D dd dd dd

Suet.



*Suet.* Jul. 80.) verum sinistre ratiocinatis nec exemplum nec imitatio exempli profuit. Quæ huc pertinent, disputata vide in eruditis ac prudentibus ad Tacitum *notis Forstnerianis* ad l. 1. A. Sic Galba, exempla veteris disciplinæ & militarem rigorem, ad corruptissimos suæ ætatis mores, infelicissime studuit transferre. notante Tacito l. H. 18, 5. Quapropter diligenti commentatione ea res opus habet: ut perspectis in prudenti expositione veris rerum judiciis, neque casui & periculis terga patefaciamus, neque similitudine aut dissimilitudine capiamur.

4.  
Sollertia  
adminiculis  
præsidioque

27. Atque hoc est, quod diximus: ipsam etiam, quæ naturæ munus est, *sollertiam* studio Historiarum acui, eventuum cognitione *excitari*, exemplorum luce *instrui atque veluti dirigi*. Nam & *vis illa perspicendi*, in nobile & naturæ quodammodo cognatum argumentum incidit: & *penetrandi instrumenta* ab ipso scriptionis genio sumuntur: & *discernendi cura promittendoq*, tam copioso apparatu, ipsaque rerum frequentia facile expeditur. Hinc est, quod inter legendum quidam præsentis sensus & experientiæ, animos habiles pertentat: quod comparatio perpetua, non tam quæritur quam subnata sponte usurpatur: quod in ipsa cognitione de usu, applicatione, applicandique consiliis, artibus, cautionibus, subitæ & subtiles & profundæ cogitationes oboriuntur. Talis fuit haud dubie industria L. Luculli: qui ad Mithridaticum bellum, missus à Senatu Romano, cum iter omne *sollerti lectione Historiarum consumisset*, in *Asiam factus imperator venit*, cum *esset Roma profectus rei militaris rudis*, teste Cic. l. 2. Acad. quæst. vel ut Nonius numerat, 4. Ita Homerum legisse Alexander existimandus est, v. *Plutarch.* in Alex. & de fort. Alex. Sic ipse Cicero in Græcis Latinisque Historiis excellentium virorum imagines meditatus est: ut scilicet eadem opera, ipse animus ad rempublicam gerendam, variosque actus civiles obeundos conformaret. Quod de se profitetur *orat.* pro *Archia* c. 6. Habet hoc præsertim locum, in ingeniis ad actum rerum

rerum factis, & ad civilium negotiorum intelligentiam naturæ quodam munere promptis. nam quorum indoles in contemplationes potius fertur, illorum sollertia obtrusius hic versatur, & alia omnia potius sectatur, quam inassueta suis desideriis studiisque argumenta.

28. Ex his generatur denique *Constantia & Promittitudo*. cujus instrumentum in assiduos, familiares, domesticos & præsentis usus, ut ita dicam, Historiæ rerumque gestarum cognitio, adornat. Non dubitat in arduis, non timet in adversis, non fluctuat in incertis, non hæret in implexis, qui tot negotiorum, temporum, casuum subita, magnis auctoribus feliciter expedita, promte tractata, non legit modo sed propemodum vidit. Intellexit hanc promittitudinem Polyb. lib. 3. per λογισμὸν ἰσότηα καὶ νουχὴν *prudens & constans de omnibus rebus iudicium consiliūq;* quod in expediendis gravissimis quibusque casibus, animum ad efficaciam sui operis, via incorrupta perducit. Hoc est quod Appianus de Pompejo dixit: ἐκ τῶν αὐτῶν ἐπὶ τῆς ἑαυτοῦ γνώμης ἑμπειροπολίμωσιν ἔμελλεν. Non sinebant eum iudicio consilioq; suo, quod pericia bellorum noticiaq; satis instruxerat, constanter firmiterq; insistere. Lib. 2. de bell. civ. Quemadmodum autem Pompejus tum temporis, ab hac decernendi iudicandique de præsentium rerum statu, promittitudine & constantia, non sua sed aliena sponte est demotus: ita qui cognitione rerum carent, gestorumque destituuntur scientia, sua sibi imperitia perpetuam trepidandi labandique consuetudinem accersunt; sed & aliis ab hac facultate instructis magno sunt impedimento. Sicut in tempestate, pavidī & casuum maris ignari, dum turbant nautas, aut intempestive adjuvant, officia prudentium corrumpere solent. Tac. 2. A. 23, 2.

5.  
*Constantie  
& promittitudinis in-  
strumentum.*

29. Antequam concludamus hunc, de iudicio per historiam informando, locum, adjiciemus obiter, quibus artibus, præcipui Historiarum scriptores, utilitati lectoris, hac in parte, consuluerint. Earum sunt quædam mani-

*Quibus omni-  
bus obtinen-  
dis serviunt,  
artes infor-  
mandi ju-  
dicii.*

D dd dd dd 2

*festio-*

festiores & in obvia cognitione posita; quædam reconditiores, arcana, latentes. In illo genere ponimus ipsa Historicorum de rebus judicia & κρίσεις: quas modo præmittunt expositioni, præparandæ causæ intelligentiæ quoad exponenda; modo immiscent, ut eorum quæ exponuntur, juvetur evidentia; modo subjiciunt, ut expostorum usus clarius innotescat. Huc accedunt, ex opportunitate rei ac dignitate, *sententiarum, observationum, distributionum, distinctionum, orationum, admonitionum, locorum communium, egressionum, comparisonum*, &c. adminicula: quibus id unice est propositum, ut naturæ rerum profunde exquirantur, particulatim consummentur, dilucide explanentur, id est, ut & probe intelligantur & dextre ad usum transferantur. Etiam examinata aliorum fides, increpita credulitas, notati affectus, detecta imperitia, ostensa affectatio, tentata conciliatio, qua tanquam *Crisi Historico-politica*, magnorum virorum opera animadvertas exornari, inter artes sunt. Sed ex abdito, non minora se præsidia emergunt, si quis attente & cum industria hic versetur. Huc refero 1. *institutum scriptoris* & *ἰκονοµία* scripti sive formam operis, ad quam toties Polybius præsertim provocat: quaque ferme sola, ad amplius & sublimius judicium lectoris transferri animus potest. 2. *Dictionis indolem* & *genium* *ῥητορικῆς*, quæ plerumque tota est *ἡλικία καὶ ὑπερφανία*, civilis & actui rerum propria, cujus & ingenium spirat. 3. *Connexionis interior illa structura*, qua non parum juvatur insinuaturque discretio rerum æstimationeque. 4. *Conjecturarum* peculiare est in Tacito *artificium*, quarum varietate, dissimulatur judicium Auctoris apud simpliciores; prudentioribus & hoc agentibus cum apparatu instillatur. Nam & Historici interest, ne in ambiguis rebus & arduis, sine monumentorum fide disertim judicet: neque interim tam exercitati videretur Politici, in factorum nube cæcutire, quorum ut illud temeritatis; ita hoc simplicitatis queat existimari. Interim nullum varietatis istius membrum, etiam

etiam cum removendum ab arcano scriptoris iudicio est, etiam cum præter speciem, quam innui, nihil videtur habere, usu præclaro carere deprehenditur. de qua re alibi. 5. Est & profundissimæ philosophiæ illa ratio observanda, præcipue in Tacito, *cum unius sententia dictiq, ambitu & illud exprimitur quod spectandum erat, & illa subjiciuntur, qua inter causas, principia, affinia, seorsim expensa, iudicium præmunire possunt aut emanire.* quanquam hæc & talia, non nisi exemplis & in re præsentī innotescere liquido solent: quo nobis, brevitatis studio, minime nunc est egrediendum.

30. Ivimus hætenus per *memoria intelligentiæq,* disciplinam: quam ex Historia efficacissime peti, constare ex iis quæ dicta sunt potest. Superest, ut nobilissimam prudentiæ partem, *Providendi* scilicet, *divinandi, conjiciendi de futuris facultatem*, pari instructu absolvamus. Iphicrates imperatori pudendam vocem existimavit, dicere, *non putaram.* (*Plur. apophth.*) Id nos de Principum regimine universim merito usurpamus: ad quorum non pudorem modo, sed detrimentum spectat, tantum ea quæ ante pedes sunt cernere; eventura autem deinceps, non cura, non provisu complecti, sed cum evenere, securitatem tantam & securitatis damna, frigido solatio aut excusatione inumbrare, *Quis putasset?* Pro quo dicendum erat, *Quis prudens & cautus non putasset?* quippe cuius officium est, *præcipere cogitatione futura, & aliquando ante constituere, quid accidere possit in utramq, partem: & quid agendum sit, cum quid evenerit: nec committere ut aliquando dicendum sit, non putaram.* Cic. 1. offic. 23. Licet enim humano consilio provideri omnia nequeant, turpe tamen prudenti viro fuerit, revolutos toties rerum circulos, vicesque tam assidua exemplorum similitudine alternatas ignorare. Quod ne usu veniat, primum quidam ab ingenio & sollertia (sicut Cicero loco laudato monet) deinde ex rerum gestarum commentatione, qua vis illa naturæ elicienda est ac firmanda, unice expectari potest

*Providentiam instruit Historia varie.*

est ac debet. Absolvitur autem hoc negotium meditatione eorum, quæ expetimus & optamus: 2. quæ timemus & vitamus. 3. quæ intercurfant varia connexionis ratione utrisq;. Sive rectius fortean fuerit, hanc industriam exercere, 1. in causis causarumq; affinis & adminiculis, ad efficiendum agendumq; tendentibus: 2. in ipsius actus indole, facultate, difficultate, omniq; interiori conditione: 3. in casuum & eventuum istam seriem rerum interpellantium varietate, celeritate, efficacia, imagine, perdiscendis.

31. Est autem tota hæc cura, in duo commentandi genera divisa: si, nimirum, 1. quid & quomodo alii bene recte, feliciter gesserint; 2. quid aberrarint, impigerint, minus ex sententia administrarint, expendamus. Utrunque sperandi timendique causas & artes, id est, ipsam Providentiæ disciplinam, hauriemus. Incipiemus à causarum ista meditatione: quæ caput est hujus studii. Licet enim divelli hæc membra proprie nequeant, ordinis tamen causa de singulis agendum est. Cum Hannibal aliquis in bello omnia hostium haud secus quam sua cognita habet Liv. 22, 41. (partim scilicet sollertia divinandi, partim investigandi explorandiq; subsidio adjutus) cum quid unusquisque facturus sit, ex ingenio cujusque & occasionibus prævidet: victoriam consilio jam prius quam manu elaboravit. Quid Flaminius animi, quid miles indignationis, quid utriq;, præcipitis consilii per mutua temeritatis stimulos capturi essent, circa Arretium, cum Hannibal multo ante vidisset, atq; ratiocinatus esset, nequaquam ejus inceptum frustra fuit: secuto eventu, cujus imaginem ad votum plane suum animo peregerat dux callidissimus & assimilaverat. Legendus est, qui diserte ac cum politica hujus prævisionis interpretatione, rem exponit Polybius, 80, 81, 82. Sequitur, adversus Hannibalem Fabius, Cunctatoris nomen ex providentia adeptus. Is cum ingenium, vires, momenta, tempora, consilia Hannibalis considerasset: non minus quid passurus esset, commutata belli ratio-

Quo perti-  
nes causarum  
ad effect.  
progressus  
Et cum eo-  
dem conne-  
cio.

ratione, quam quid acturus hostis, præcepit. Eadem Annibal de Fabio, veluti in certamine quodam providentia: quem cum videret ratione bellum non fortuna gerere (Liv. 22, 13.) jam tum timuit & conjecit, quod postea factus est, *istam nubem, qua sedebat in montibus, sollicitam procella, imbrem daturam esse.* Liv. 22, 20. Cum Cicerone aliquis in turbato reipublicæ statu, è studiis principum, vitiis ducum, mutationibus reipublica non solum ea qua vivo se acciderunt, futura prædixit, sed etiam qua postea usu venire, cecinit ut vates: (Corn. Nep. Artic. 16, 4.) cum Monarchiam fatalem prædicens Romanis, *Neg, enim,* inquit, *ullus alius discordiarum solet esse exitus inter claros & potentes viros, nisi aut universus interitus, aut victoris dominatus, aut regnum* (orat. de harusp. resp. c. 25.) unde istam quæso conjecturam, illum, ut ipse appellat, futurorum sensum hausit? sane, ex iis quæ accidere: id est, ex historia, tum domestica, quam Romanis suis, ut notioem inculcat; tum externa, quæ à viro tam erudito minime ignorabatur. Infinita hic se dicendi panderet occasio, de necessitate hujus provisionis, de providendi artibus & industria, de maximis in re rogata bellicæq; speciminibus ac documentis; nisi pridem nos, ad modum & breviter subnascentia ultro scripti incrementa vocarent.

32. Cumprimis, de efficiendi gerendiq; res singulas facultatibus aut difficultatibus, admonent nos efficacissime & ipsius  
exempla eorum, qui per illas aut inter alias, prospere aut alius facult-  
tecus, ad destinata contenderunt. Pulchre sibi videba- tas difficult-  
tur ad hostem vincendum vel multitudine sola & splendo- tas.  
re exercitus sui instructus Antiochus: Annibali non videbatur. Ille enim præfidentia oculo; hic providentia utebatur. Gell. noct. Artic. 5, 8. Nec ob aliam causam, Charidemus difficillimum existimavit, quod Darius facillimum: apud Curt. 3, 2. Aspice Galbas, Othones, Vitellios, nec occupandi, nec retinendi imperii facultates rationemque probe subducentes, partim nec cogitantes:  
& com-



& compara hanc imprudentiam cum cautissima Vespasiani meditatione apud Tacit. 2. H. 74. &c. *Quantum sumi ex fortuna, quantum anticipari, quantum elici, quantum restitui, quo rerum statu, ordine, progressu, regressu, possit: quid parvum moretur magnas saepe vires, quae occulta lates inoriri, oboriri, suboriri queat, aut exorta sanari: non nisi inter occupatos districtosque, in ipso actus fideliter representati theatro discitur.* Idem de casuum fallacibus & casuum interventibus, superventibus, momentis, in utramque meditationem, judicandum est. Percutiunt inopinantes & subvertunt, quae à praevidentibus declinari uno saepe motu solent, aut flexu. Hinc securitas, fatalis prosperarum rerum comes, & adversarum anteambula. Hæc ut jam vicisse sibi viderentur, qui mox vincendi erant, saepe effecit. Qualem *causarum* sive futurorum negligentiam Pompejanis, sagacissimus venturae sortis arbiter, Caesar exprobrat l. 3. de bell. civ. *Non denique, inquit, communes belli casus recordabantur, quam parvula saepe causa vel falsa suspicionis vel terroris repentini, vel obiecta religionis, magna detrimenta intulissent: quoties vel culpa ducis, vel tribuni vitio, in exercitu esset offensum: sed proinde, ac si virtute vicissent, neque ulla commutatio rerum posset accidere, per orbem terrarum, fama ac litteris victoriam ejus diei celebrabant.* Atque hoc pacto, suo erant exitio proximi miserrimi mortales, cum ab eodem se quam longissime abesse non crederent modo sed jactarent. Optabilis ergo inprimis & strenua, sed & ad degendam in magnarum rerum tractationibus vitam necessariae disciplinae res est, *prestare, ne quid ex his quae eveniunt, subitum sit. Quicquid enim fieri potest, quasi futurum prospiciendo, malorum omnium impetus molliet, qui ad praeparatos expectantesque, nihil adferunt novi: securis, & laeta spectantibus, graves eveniunt.* (Libuit hoc verbis Seneca dicere ex lib. de tranq. an. c. 11.) Nam quae acciderunt, accidere possunt: Liv. 28, 41. imo

Civis

*Cuius potest accidere, quod cuiquam potest,*  
ut habet *Publii Syri* versus.

33. Pertinet huc tota *consultandi, deliberandi, statuendi*, sollicitia. Nam ex iis, quæ olim recte consultata, recte suscepta sunt, decernendi in futurum regula nascitur ac methodus: ex iis, quæ animadvertimus offendisse, decessisse, exerrasse, aberrasse, cautionis oritur industria. Equidem *consilium Principis, consiliandiq; dexteritatem*, primo quidem, *Divina sapientia benignissime se immittens radius*: deinde *Historia*, divinorum in terris operum testis, ad salutem publicam informabit. Hæc, ne semel faciat, quod semper reipublicæ noceat, totidem monita, quot exempla suggeret: hæc, ne ad pauca respiciat deliberatio, periculis eorum, qui ad multa respexere quidem, sed neglecto ex præcipuis uno, sæpe nec ex præcipuis, sed ex pertinentibus, adversos exitus habuere, commonefaciet. Enimvero in consiliis senes junioribus præferri solent, ob comparatam longo rerum usu prudentiam: At vero eam historia disciplina tantum antecedit, quantum multitudinem rerum præstare, ab omnibus cognoscitur. Ideoque ad omnes vita casus utilissimam esse huius applicationem merito quis statuerit. Adolescentibus enim senilem prudentiam confert: senibus experientiam cumulat. Privatos principatu dignos reddit: principes ad pulcerrima quæque suscipienda, proposita immortalis gloria exstimulat. Asserui hæc verbis *Diodori Sic.* cujus *Proëm. lib. I. Bibl.* apprimè ad nostrum institutum pertinet. Ex quo & illud intelligimus: esse revera experientia cuiusdam & quidem *Est ergo historia, experientia quoddam genus;* præstantissima genus, recte ac ordine institutam *historiarum* collectionem. cui assentit *Polyb. 5, 75.* qualia loca, non exscribimus nunc explicamusve, sed indicamus.

34. Vidimus ergo, quam copiose, quam accurate, quam perspicue, politicam prudentiam tradat historia, tum ceteris lectoribus suis, tum Principibus: quibus, excellentiore quodam modo, propria est civilis prudentia, & propterea commendatior esse debet splendidissima eademque

Ecc eccc

com-



commodissima ejus via. An autem, & quæ, talis sit existimanda, non adeo publicæ cognitionis est, ex quo historias plerique, ut fabellas, oblectationis causa legunt: quidam, ne aliter mereantur legi, scribunt. Quocirca paulo fufius hic nobis agendum fuit. Cetera brevius expediri poffunt: quæ de *celeritate proficiendi*, deq; *profectu illius peculiari utilitate*, Cominæus differtit. Hac ratione, inquit, in uno folo libro, tribus folis menfibus, plus videbit unus homo, quam experientia, ufq; rerum, & confpectus vita, viginti integros docere poffint, etiam fi ordine fuam alteri atatem alter fubjunxerit. Sleidanus ita extulit: in libris brevi temporis fpatio plus videri poteft atq; cognofci, quam multa hominum atates ordine percipiant. Gallica verba, quorum interpretatio duplex hæcenus eft allata, illa funt: *Et qu' auffi plus on voit de chofes en un feul liure en trois mois, que n'en fçauroyent voir à l'œil, Et entendre par experience, vingt hommes de reng, vivans l'un apres l'autre.* Assertio magna, & quæ prima fronte, in *χρηματικῇ* cum figura rei attollenda, videri queat fumenda: verum nos, ficut figuram omnem non excludimus, ita hyperbolen vix agnofcimus. Cum difputare volentibus eam rem, ultra potius progrediendi, quam citra regrediendi aut fubfiftendi occasio veniat. Quod ut recte æftimetur, redeundum eft ad *copiam rerum*, quas historia paucis pagellis fuppeditat; ad *earundem feriem contextumq;*, quem ufus tardiffime, & paucis quibusdam, ab omni ævo, fuppeditare potuit: ad *confiliorum, monitorum, totiusq;*, qua fcriptores utuntur *disciplina evidentiam & amplitudinem*. de quibus fingulis fatis egimus diffuse. Præclare in hunc fensum, Orvenus:

*Non tam multa, gravis rerum experientia longo  
Tempore, quam parva te docet Historia.*

*id quod e-  
xempla o-  
fundunt.*

35. Quæ fuerit Reipublicæ Romanæ forma, institutio, administratio, qui sæpe Romam ventitabant, qui diu ibi hærebant, non dignovere accurate, nec tantum cognovere,

Vere, quantum una *Polybii* digressio lib. 6. immerito nonnullis fuggillata, spatio non unius horulæ nostræ considerationi offert. Cum Libonis Drusi fatum scripturus esset Tacitus, *Ejus, inquit, negotii initium, ordinem, finem curatius disseram: quia tum primum reperta sunt, quæ per tot annos rempublicam exedere.* 2. A. 27, 1. Ecce, illa quæ per tot annos non observata sunt Romæ, aliquot capitibus, tanquam momento observanda proponuntur. Usque adeo verum est; *usum & negotiosam in re presenti vitam, non abundare occasionibus, & alicubi non pauciora ferme abstrudere, quam ostendere:* quæ inusitata sollertia paucissimi; ceteri exemplis docentur. Belli unius casus & prudentiam, sociata multorum industria, permultis annis, non perfecte videas cognosci. At in *Thucydide, Diodoro, Xenophonte*, paucis diebus, XXVIII. annorum bellum e. g. Peloponnesiacum, intimius perspicies, quam plerique eorum qui interfuere. De conversionibus Reipublicæ & imminentibus eventis (quæ pars prudentiæ civilis ut summe necessaria, ita plerisque ignorata, securitate aut iudicii hebetudine transmittitur) nihil posse expediri, absque solida præteritorum atque repetita notitia, rectissime *Polybius* iudicavit. Hic vero plane deficit experientiæ auxilium: nam nec citra aut ultra suam ætatem erudiri quisquam potest, nec ex suæ disciplina tantum sumere, quod huic instituto sufficiat. Ergo inspicienda *καθ' αὐτὴν τὴν αἰῶνα*, liquido & velut in tabella tota Reipublicæ nostræ series, ætates percensendæ, fata comparanda: adhibito interim aliarum exemplo, ut aliquid in posterum provideamus statuamusve de nostris rebus. Atque hic vere celeritas profectus, multis hominum ætatibus antefertur. Nobis coercendus est calamus, propter ea quæ restant. nisi quod obiter, æstimari iubemus *Cominai* i. e. hominis actu rerum, ut qui maxime, exerciti, ea contendentes, quorum utrinque gloria floruit (experientiam intelligo, & historiæ cognitionem) adversus eos, qui eruditos, affectata usus laude contemnunt, au-



gusto suo *Suetonius* ; in Trajano, *Plinius* ; in Antonino, *Capitolinus* ; in Severo, *Lampridius* ; in Alexandro, *Curtius* ; in aliis, alii ; prisci recentesque ad memoriam posterorum & exemplum imperantium prodidere.

37. Quod enim ad consiliariorum opem & amicum attinet, sunt illi vel idonei aptique, ad munus, post principale fastigium, maximum ; vel sunt inepti aut infidi. Quilibet nulla facile aula caruit. *Cincti sunt*, inquit Noster, *principes identidem hominibus nihil aliud studentibus, quam ut dominis suis placere valeant, omnibus eorum inceptis ab- blandiri, cuiuscunque ea sint pretii, consuetis.* Et postea: *Non affirmem omnia Principum consilia stupidis malignisve, aut perfidis hominibus instructa esse, maiorem tamen partem eorum, quos ego viderim, his nequaquam exoneratam fuisse, in me recipiam.* Ita omnino est, neque hic sola *Comina* experientia, sed omnium ætatum memoria, testimonium dicit. Adulatio, avaritia, perfidia, malignitas obstrepunt sinceris consiliis, neque quicquam vel tam parabile vel tam venale quam consiliariorum perfidia. Quæ interim plurimis obtenditur velis ac simulacris. de quibus alibi. *Comineus*, de ipsa sapientiæ simulatione meminit, & arte prætexendi juris : *Ad quodvis verbum*, inquit, *in ore habent legem aliquam, aut Historiam : Harum etiam optima nullo negotio torqueri in malos sensus possunt.* Quid faciet imperitus princeps? dum refellere nequit ac discernere, quod allatum est ; tacet, consentit, permittit, negligit. *Qui autem sapiet, legeritque, historias ipse* ( sunt rursus verba Nostri ) *nunquam his decipietur, neque quicquam tam audax erit, ut mendacium pro re gesta coram erudito Principe recenseat.* Nisi valde properaremus, esset hoc loco hodierna præsertim consuetudo excutienda, cum *Statista*, qui vocantur, multi, ut Dominis suis quilibet persuadeant, unice Historiis abutuntur : tali ferme consequentia ; *Ille Princeps, cuius alias prudentia celebris est, hoc fecit : ille fedus fregit ob illam causam ; ille bel-*

ac in consiliis de regno capiendis insum. id est. resp. consiliariorum infidorum aut ineptorum.

lum suscepit ob istam, &c. Ergo tibi idem est faciendum, si prudens haberi velis aut esse.

2. 38. Jam si idonei sunt & fidi, sæpe à pluribus im-  
 resp. idoneo- peritis vincuntur: ut plerunque vincit pars, non quæ  
 rum & si- melior, sed quæ major. Nonnunquam, fuga contentio-  
 dorum, num, & detrectatione turbarum aliorum rapiuntur, aut  
 distinentur à proposito. Nam contra ineptos infidosque,  
 ait Comineus, si melius aliquid protuleris, omnia illico con-  
 turbasse existimabere. Et lib. 5, c. 18. observat: cum pau-  
 ci aliqui aut unus monet, quod ceteri studio placendi a-  
 liisve causis dissimulant probantque, à monitis præter in-  
 dignationem ad bonos viros nihil redire, ipso Principe tamen  
 ad consuetum morem vivente. Adeoque deesse solent,  
 qui suadeant, ubi suasisse periculum est. Curt. 3, 8, 6. Ne-  
 que profecto statim in tanta fingendi simulandique vel ne-  
 cessitate vel occasione, quilibet princeps intelligit ista, ut  
 sunt magis, quam ut dicuntur. Vide multa huc pertinen-  
 tia in Gruter. discurs. ad Tacit. ad verba 1. A. 74, 6. Quo  
 loco censebis Caesar &c. Ergo hic opus erit, primo qui-  
 dem, consiliarios mortuos, id est, Historicos consulere: hi  
 sine affectu, flexuque; sine gratia & odio, quid recte aut  
 secus tractatum à quolibet, quem & cur eventum habue-  
 rit, edisserabunt: tum vero elicienda diversa in uno-  
 quolibet negotio sententia, & elicitæ comparanda. Tales  
 enim sermones, ut purpura & aurum, quod Plato alicubi  
 ait, melius dijudicantur, si conferas invicem. Denique  
 non totius à consilio amicorum princeps pendeat, si quidem  
 regni & suam majestatem sartam tectam cupit, sed ipse no-  
 rit providere aliquid in medium, consiliis aliorum addere,  
 demere, moderari: ea inflectere, temperare, gubernare.  
 Alias turpiter audiet cum Claudio apud Tacit. 12, 3, 4. cui  
 non iudicium, non odium, nisi indita & iussa. Statimque  
 in promptu erit Horatianum illud: Ducitur ut nervis a-  
 lienis mobile lignum. Tempore urgente (rursum Cominæ  
 verba continuo) vidi sapientiores Principum potuisse qua-  
 rere prudentes præ ceteris, & eorum consiliis citra moram  
 & que-

*Et querimoniam nri.* dum scilicet non infelicius dijudicant, quam exquirunt consilia. Atque hæc omnia Historiarum beneficio potissimum obtineri omnes intelligunt. Cyrum filium monuit prudentissimus pater, *ut augurandi scientiam, vel ob hoc ipsum disceret, ne ab auguribus tantum penderet,* sicut auctor est *Xenoph. l. de inst. C.* Ita nos principem, Consultandi artem, ne à solis consultoribus agatur ducaturque, ex Historia petere arbitramur debere.

## CAP. II.

*Quæ Historia & quatenus cognoscenda  
principi aut seligenda.*

## I.

**E**Xpositum est quantum Principi, Historiarum cognitio profit; non quidem sicut ubertas argumenti postulabat, sed prout ratio temporis nostri & Cominæana digressio monebat. In hoc capite dicemus, *quæ Historia & quatenus ad tam præclaram cognitionem parandam faciat.* Cominæus sane indefinite, *les Histoires anciennes, Historias veteres, sive veteris ævi; Item, les choses passées, res præteritas* commendat. Ceterum, in tanto Historico-  
rum rerumque numero, licet nihil præteriri dignum sit, quædam tamen brevitati vitæ & negotiis condonari; quædam prudentiæ & necessariis usibus seligi par est.

*Legenda  
autem est  
Principi.*

1. Ante omnia, *Historia Universalis* hic est facienda mentio. id est rei, quam commendant omnes, nemo exhibet. Palmarium prudentiæ civilis præsidium haud dubie in eo reponitur, si, *quæ rerum in universo orbe facies, connexio, consecutio, progressus, ab initio usq; ad ætatem, qua vivitur, fuerit,* liquide & ordinate teneatur. Intelligenda est autem hæc cognitio, sicut in chartis universi orbis typus depingitur: ubi plurima de singulis præter-

1. quidem  
*Historia u-  
niversalis:*

prætereunda sunt, ut universi formam complectamur. Dum divina providentia ita dispensat hoc negotium, ut plurima nos voluerit plane latere, quædam, pœnæ causa, jam litteris prodita eripuerit; tantum tamen ad nos si-  
verit pervenire, quantum ad informationem nostram, adeoque ad eum finem, cuius ergo nobis tota Historiæ disciplina communicata est, sufficit. Interim hæc quoque catholica Historia, sicut respectustrarum occasionum & monumentorum definita est ac limitata, nondum, quod tuto & certo affirmari potest, ab ullo tam accurate est tradita, sicut magnitudo rei flagitabat. Loquor hoc citra cujusquam detractiorem: quod facile æstimant eruditi, quorum nemo, ut arbitror, dubitat, tantam esse talis operis difficultatem, ut nec præsidis hic abundant instructissimi; neque tempore, assiduissimi; neque judicio, solertissimi. Ne nunc dicam, de gentiliurn ignoratione, qui, ne quid tale efficerent, inopia cognitionis circa primæva mundi tempora, abstinabantur. Recentiores autem, quot Historiæ tacentis, aut imperfecte, est ubi fabulose, loquentis, hiatus ab ejusmodi consiliis remorantur. Utendum igitur ea disciplina est, pro capto nostræ facultatis, rerumque ad nos transmissarum, copia. Quæ non parum scil. Principi in suarum alienarumque rerum tractatione lucis dabit.

de qua totius  
prudensia  
practica so-  
lida funda-  
menta pe-  
untur.

3. Hinc enim demum intelligitur, *Quam potens, sapiens, assiduus omnium regnator DEUS, regna instituat, destituat; amplificet, extenuet, extollat, deprimat; opponat, componat; convertat, evertat. quod sola pietate firmentur scepera, virtutibus ornentur corona; impietate confringantur illa, ista vitiis deturpentur. præsertim imperantium mores vel stabiliendo imperio, vel labefactando plurimum posse. tum administrationis modum calliditate ad exitium; justitia prudentiaq; ad salutem proficere. Ambitione & avaritia non tam proferri regna, quam efferri ac velut sepeliri fundamenta boni status. Felicitatem malorum artium, neq; ipsis, neq; diu tribui; sed dum plectantur,*

tur, quibus illa flagella erant destinata. Splendoris & in-  
 anium admiratione rationis usum obscurari; mox accedente  
 vanitatis studio, in simias, canes, ursos, & quicquid vel  
 ridicularum vel turpium bestiarum numeramus, transmu-  
 tari homines. Ita fieri, ut orbis iste sit & fuerit, officina  
 flagitiorum, amphitheatrum insanientium, fabrica machi-  
 narum, quibus perdant invicem & pereant miseri erronei  
 mundani: rebus secundis elati, indomiti, luxuriantes;  
 adversis queruli, timidi, & aliquando stupidi. Alterna-  
 ri ergo crimina & criminum poenas, donec illa quidem, finis  
 abruperit ultimus; has autem aternitas ultrici perpetuita-  
 te protraxerit. Inter hac pusillum agmen, Deoꝝ familiare  
 & gratum, ut rosam inter spinarum aculeos, ut radium ni-  
 tida lucis, in opaca nocte, florere, splendescere, nulloꝝ ne-  
 glectu impetuꝝ adversantium probiberi, quo minus perituro  
 orbi supervectum perennet. Atque ita per virtutum &  
 scelerum bella perpetua ac certamina, ad illarum trium-  
 phos, horum autem supplicia & cineres, id est, ad auctorem  
 utriusꝝ, iudicii Deum recte ac ordine perveniri.

4. Hæc & similia non percipiuntur accurate, id est,  
 non cognoscitur mundi indoles & fatum, nisi Historia  
 mundi, per seriem, quâ licet, & contextum universalem  
 eventuum, viam muniverit. Post quam cognitionem, dan-  
 da est opera, ut Historia particularis quidem, sed initio  
 ea, quæ ad universalem proxime ascedit, pertractetur. Ta-  
 les sunt, quæ plurimarum gentium res exponunt, ut Dio-  
 dori Siculi & Iustini opera. Item; quæ principali ar-  
 gumento, connectunt ea, quæ ratione gestorum coherere  
 possunt & solent: qualis Polybii expositio, quam uni-  
 versalem propterea quodammodo dici posse, doctis notum  
 est. Herodotus quoque Græcorum, Ægyptiorum, Medo-  
 rum, Persarum, Lydorum res conjunxit. Exempli loco,  
 laudavetim etiam hic Thyni institutum; qui res toto or-  
 be gestas scripturus, ante omnia, quis status rerum habi-  
 tusque apud gentes fuerit, præsertim autem populorum  
 ceteros præminentium fortunam, exposuit: nimirum ut



universali quadam cognitione præparatum lectorem per singula facilius deduceret.

§. Succedit *singularium gentium Historia*, inter quas, communi suffragio prudentum, *Romanorum Græcorumq;* eminet auctoritas. quorum gesta copiosius & splendidius litteris consignata, multam proficiendi occasionem suppeditant. Interim, præsertim hodie, minime suadenda Principi fuerit certarum gentium præteritio. Quin, ut olim Romanum Græcumque nomen prævaluit, ita propioribus sæculis, *Galli, Hispani, Germani* meruerunt aliis ante haberi. Sed quid parce & anguste de re tam ampla loquimur? *Plerarumque gentium, saltem mores, indoles, instituta noscenda*: non tantum, ut actionum principia inde facilius judicentur, sed ut bonorum malorumque delectus queat fieri expeditior. Qua de re multa differit *Bodinus in method. histor. c. §.* Oprandumque fuisset, ut ad eam formam, quam tersissimus *Barclajus*, in quorundam populorum natura describenda tenuit, ceterorum quoque indoles explanata foret. Nam ille labor, fortasse non una ratione superat, notos aliorum in hoc argumento commentarios. Est unicuique genti aliquid, quod vel utiliter vel jucunde comperias. Etiam illas intelligo, quæ alias nec adeuntur tam avide, nec, ut reliquæ, celebrantur. Tale est, quod nationum plurimarum petitis-  
simus vir *Hubertus Langnetus epist. 6. ad Sidn.* scribit: *Per-  
vagatus sum plerasq; orbis Christiani provincias, sed nullius  
itineris mihi est jucundior recordatio, quam illius, quod ad  
extremum septentrionem suscepi: multa enim ibi vidi, quæ  
nemo in nostris regionibus docere me potuisset, nec etiam cre-  
didissem, si ex alio audivissem.* Quem locum ideo tan-  
tum produxi, ut ostenderem, sinistram esse eorum opinio-  
nem, qui præcipuas quasdam nationes intuentes, reliqua-  
rum cognitionem tanquam vilem aut minus utilem, extra  
suam curam ponunt. Porro in ipsa gentis alicujus Hi-  
storia, non omnia parem diligentiam postulant, aut fru-  
ctum promittunt. E.g. in Romanis rebus fertilissima esse

variz

varie profundaque cognitionis, tempora Caesaris, Augusti, Tiberii; splendidissima, Scipionis & æqualium, haud absurde dixeris.

6. Cum autem *Vetus Historia* omnino diligenter evolvenda sit (alias enim & comparationis ad nostra instrumento, & dexteitate judicandi, quam copia & similitudo eventuum firmat, destituetur Princeps) valde tamen errant, qui *vetera tantum extollunt, recentium incuriosi*. Tac. 2. A. 88, 5. Quæ diligentia ut scholis forte aptior (quæ & ipsæ tamen utilius recentia veteribus miscent) ita negligentia notam subit, cum de Principe aut constituto in civili actu homine loquimur. Cui, tum *propiora sæcula*, quibus scilicet è nostro assimilantur multa; tum *recentissima quæq;* explorata ac in promptu esse debent. Magna pars prudentia est, cum de exitu negotii deliberatur, respicere ad initia, pensitare media &c. Atque ut hodie recte consulas, advertenda sunt, quæ heri, imo ante ipsum tuæ consultationis exordium, evenere. Concutitur jam plusquam vicennali rerum perturbatione Germania: ejusque rebus, serius, ocyus innexa exterorum consilia & arma, varia in utramque partem momenta adferunt. Judicare igitur de præsentis statu; aliquid deliberare de futuris, nemo feliciter poterit, nisi cui tota rei scena ab initio, usq; in hunc diem, cum suis causis & prætextibus, innotuerit. Id quod arduum, & illis tantum concessum, qui propius rebus gerendis interfuere, deficiente adhuc publicæ Historiæ accurato subsidio. nam quæ è commentariis partium vulgata novimus, fortasse non sufficiunt. multo minus aliquid sani habent nonnullorum breves libelli, quibus nihil aliud, quam ineptam veterum imitationem, aut declamationes scholasticas, aut studium partium, tanquam illuderent orbis cordati judiciis, publicavere.

3.  
*Vetus &  
nova.*

7. Præsertim vero in *domesticis Historiis* versatissimus sit Princeps: *Ne sit Peregrinus domi*. nam & istiusmodi exempla propius eum attingunt. sicut in hanc mentem differit *Jacob. R. A.* in *dup. Bædæ. lib. 2.* Igitur com-

4.  
*præcipue  
domestica.*

mentaria regni, registra publica, acta, diligenter consulenda. quorum ob id magnam curam haberi par est. Sic, cum Roma publicorum commentariorum quidam omnino perissent, quosdam vetustas ad usum ineptos reddidisset, tribus senatoribus negotium datum, ut & qui extarent describerentur; & qui abessent aut laterent, conquirerentur. Sed & incendio correptis quibusdam non Tiberius modo, sed Livius etiam succurrit. Dio 57. Ceterum cum occurrere omnibus casibus difficulter possit humana industria, unicum & (accedente utique typographiæ adminiculo) certum subsidium relinquitur: cura & manus prudentis Historici, quem ego tam necessarium magno Principi credo, quam summorum ministrorum quisquam habetur. Sane & foris prudentiæ laudem invenit, & domi magno suarum rerum adjumento pollet ornamentoque, qui diligenter talium virorum operam sibi comparat. quod in Serenissimis Danorum Regibus, longa serie commendat, ejus, qui nunc imperio feliciter præest, Historiographus, Jo. Meursius, in frontispicio Hist. Dan. Nota sunt exempla Principum, qui Historiæ scribendæ manus ipsi admove-re, id quod adhuc hodie tum præcipue fieri consultum esset, ubi recentissima quæque celare, aliquanto inter artes imperii est. Quid nonnulli curiose formidolosi, hic arguentur in contrarium, non ignoramus: sed festinationi nostræ convenientius fuerit, in ipsum disquisitionis exercitium hæc & talia reservare.

8. Præter hanc considerationem Historiarum, quæ ex rebus ipsis earumque delectu petitur, quidam Historici merito & vel maxime Principi commendantur, ob scribendi prudentiam artemque singularem; tanquam duces periti civilis sapientiæ & familiares præceptores. Eorum Catalogum, magno judicio adornavit Lipsius ad cap. 9. lib. 1. Polit. suorum: quem non exscribimus. Addideris illis cum venia & ratione, Dionem Cassium, historicum profecto prudentissimum, & immerito a Lipsio in catalogo prudentiæ Doctorum præteritum, ut rectissime autumat Magnificus

5.  
Electi prudentia magistri præteriti,

ficus vir omnique civili cognitione actuque prælustis, *Christ. Forstnerus, in not. ad 1. An. Tac.* Sed & *Herodianus*, haud dubie inter præcipuos prudentiæ consultos, & incomparabiles rerum conditores, nisi me omnia fallunt, ponendus est. Recentiorum quoque numerum, tum alii, tum præcipue augusti calami scriptor *Thuanus*; & accuratæ circumspeditionis vir, *Sleidanus* augere possunt ac debent. De ceteris non opus est, ut multa dicamus, quorum nec ignorantur publice laudes, & electio, merito instituto cujusque ac tempori relinquitur. Christiano Principi, post *annales sacros*, quorum perpetua lectio repetitioque requiritur, frequens comes *Josephus* esto: & piorum acta Principum, ut *Constantini M. Theodosii &c.* diligenter cognoscantur. fructum ostendit & commendat *Eusebius*, l. 1. d. *Vit. Constant. 6.*

9. Unum superioribus addimus, brevem indiculum, *Exempla principum Hist. amantissimum.*  
*Historicorum & Historiarum*, quas nonnulli Principum ac Imperantium, præ ceteris amasse lectitasseque feruntur. In sacris occurrit nobis exemplum *Ahasveri*, qui nolens infamem noctem otiose terere, sed operi ad utilitates regni sui pertinenti tribuere ( *ὁ βασιλεὺς ἀπὸ τῆς ἀπορίας τῆς ἀγρυπνίας, ἀλλ' ἵς τι τῶν ἐν τῇ βασιλείᾳ διαφερέσων αὐτῷ ἀναλῶσαι, inquit Josephus* ) commentarios regni, sive Historiam de actis regum ( quod ex *Joseph.* discimus ) per anagnosten jussit sibi prælegi. *Esth. 6, 1.* *Herodoti* libros, in Olympicis recitados ludis tota didicit amare Græcia ( *Lucian. in Herodot.* ) *Thucydidem* *Demosthenes* octies descripsit, referente *Lucian.*, in eum qui multat. libr. *superb. & Agath. lib. 2. extremo.* *Alexandro* descripta ab *Homero* *Trejani belli* Historia placuit, *Plutarcho & Dion. Chrysost. &c. testibus.* *Scipio* ille *Africanus Xenophontis* *Cyropædian* de manibus non ponebat. *Cic. ad Q. F. l. 1. ep. 1. c. 8. It. Tuscul. quæst. 2, 26.* *Cæsar Julius rerum Alexandri Historiam* diligenter legit. *Plut. in ejus vita.* *Alphonfus Arragonius Livium & Julium Cæsarem* adamavit, & in expeditione secum habuit. *Panormit. 4.* Eundem *Cæsarem*

*sarem* Selymus Turcarum Imperator in suam linguam iussit transferri. *Jov. in c. vii.* eundem filio suo, inter profanos, unice commendat *Jacob. R. A. sup. Basil. libr. 2. Thucydidem & Cominatum* Carolus V. Imperator maxime suo studio dignos aestimavit. Sed & Sleidanus *Cominatum* vel maxime Eduardo Angl. Regi conciliat, *prafat. in Claud. Sefell. de rep. Gall. Tacitum* Historicum Imperator Tacitus maximi fecit, describique iussit sæpius ac in Bibliothecis conservari. *Vopisc. 10.* Sed ad metam.

## CAP. III.

*Quomodo disciplina Historia prima principis ætati tradenda & per ceteras firmanda sit.*

## I.

**E**Xcrevit justo longius nostra dissertatio : igitur quod superest, perstringendo summatim non explicando exhibebimus lectori. Primo omnium *Mature tradenda est pueris, in summa rei spem natis educandisq;* (quod & Cominatum digressio innuit) *Historiarum amplissima disciplina* : ut suavitate ejus, primæ ætatis oblectatio; copia vero, annorum adolescentium industria; prudentia denique, maturioris judicii ævique profectus excitentur alanturque. 2. *Faciendum ab Universalis historia initium.* sed contracta quam poterit fieri brevissime; distincta notissimis & celeberrimis epochis lucidissime; instillata familiari colloquio jucundissime, repetita frequentissime. 3. *Statim Geographia sceleton* (nam Chronologiam sub initia necessariam, sub epochis complexi sumus) *premissa terminorum, partiumq;* universi quodam notitia in expressis fideliter mappis; & præsertim figura orbis ejusq;

conne-

connexio, in globo demonstretur. Nihil serium aut magnum concipiet de reconditiore Philosophia Historiæ, qui, nec loci nec temporis conditionem ad res gestas iudicandas attulerit. 4. Quemadmodum Universali Historiæ non modo temporis, sed prudentiæ terminos epochasq; convenit adungere: ita in particulari, ad Universi fata contextumq; semper respiciendum, resq; omnes suis quibusdam notis illuc sunt referende. 5. Nihil minus, quam sola sententia & bona dicta sunt commendanda, sed potius sententiarum in re presenti usus, applicatio, tempestivitas, causæ, urgenda. 6. Semper Diathesis Historici, iudicium, scopus, disciplina, inculcanda. 7. Rerum genius non modo ex iis quæ adsunt, sed quæ subsunt, vestigandus. 8. Ipsæ res ad suas classes politicas vocentur, non confuse & crasse, sed subtiliter & distincte. 9. Ostensis scilicet subinde fundamentis cautionis, discriminis, modi, artis, varietatis, circumstantiarum, observationum &c. sine quibus vagum & erronea fluctuatione plenum est politicum studium. 10. Adjumenta jucunditati servientia erunt, figura & imagines mathematicæ, mechanicæ, poliorceticæ, &c. quibus perspicuitas cognitioni; & memoriæ, fidelioris pignus custodiæ additur. 11. Comparationis quoq; magna vis est, longius, propius; ex re nata, & profectuum ratione instituenda. ubi regimen & mores patrii in oculis habendi, crebro & prudenter. 12. Cognita serii Historici arte, inspicendi etiam nugatores, vani, mendaces: cum detestatione manifesti vitii, occultorum autem revelatione, dubiorum examine. 13. Varia eruditio e.g. physica, ethica, politica, juridica, theologica, ad suas disciplinas exigenda. 14. Si quid peculiarem artem instituto scribentis aut usu legentis habet (e.g. descriptiones personarum & elogia plerumq; magno iudicio & philosophia abundant) si quid auctori proprium & domesticum (qualia in Tacito supra tetigimus cap. 1. §. 29.) moneatur expliceturve. 15. Coniungenda autem perpetua Universæ Politicæ disciplina cetera:

qua-

quadam etiam addenda juris notitia ; ne exemplorum varietate vacillet aliquando iudicium aut distrahatur. Plura alias.

### Corollaria.

- I. An recte statuat Livius (9, 17, 18, 19.) Imperium Romanum, si Alexander id petisset bello, invictum fuisse perstiturum ? A.
- II. Rectene apud Tac. 2, A. 73. Germanicus Alexandro Magno comparetur ? D.



## XLI.

# DE UTILITATE EX HISTORIAE Universalis contextu capienda.

**N**on esse temper facile, inscriptionem rotundam ac brevem libellis præfigere, vel hæc Dissertatio, quam paramus, ostendat. Qui *Historia Polybiana Excerptis* lemmata apposuerit, ita expriment : ὅτι ἡ καθόλου τῶν πραγμάτων ιστορία πολὺ διαφέρει, quod *universalis Historia rerum gestarum* longe sit præstantissima. Scilicet, si cum particularibus historiis conferatur. Casaubonus, intentus illi sensui, quem Polybius hic, & alibi sæpe operosius explicat, ita convertit : *De utilitate Historia universalis*. Sed, qui hæc legit audire, generaliter concipiat necesse est, utilitatem *Historiæ universalis* : quam nemo ignorat aut in dubium vocat. At Polybio potius est propositum, interiorum aliquam & singularem, neque cuivis obviam intellectamque utilitatem, ex *Historiæ universalis* pragmaticâ & exquisitâ scripturâ demonstrare. Ipsa enim est διανομία καθολικῆς ιστο-

Lib. VIII.  
p. 513. c. 3.

*ισοείας*, unde hæc utilitas emergit. Latine, *dispositionem*, *ordinationem*, *seriem*, *contextum*, voces licet; semper minus, & pæne aliter, quàm Græca vox postulat, dixeris. Incipit Historia à singulis; deducitur ad plures; pertinet ad populos: contrahitur denique scribendo in quandam universitatem genus humanum. Verùm non tam ista universæ historiæ congregatio, quam ars contexendi conferendique momenta, coaptatio, habitus inter se rerum, necessitudo & repugnantia; hæc, inquam, atque talia sunt, quæ iudicio comprehensa, erudito lectori pariunt eam utilitatem, cujus perpetuus est laudator *Polybius*. Si dicendum est simplicius, gloriatur, & non sine ostentatione quâdam prædicat, lectoribusque ut specimen suæ, & instrumentum alienæ prudentiæ, si non summam, commendat hoc proficiendi meditandique genus, ne velint in partibus rerum hære, sed quo ordine, conjunctione aut disjunctione, concursu aut discursu, viribus, operibus, auxiliis, causis, rationibus, mutationibus, vicissitudinibus, consiliis, casibus, universa induerint unam unius corporis, ut ita dicam, faciem, uno nec obscuro confusoque conspectu intueri.

An recte ita senserit *Polybius*, abunde perspicietur, si ante omnia mentem ejus paulo accuratius exposuerimus, deinde exempla illustris scripturæ Historiæ universalis consideraverimus; tum rationes ejus artis varias singillatim requisiverimus. Sic enim constabit, non esse vulgarem, sed eruditis ac prudentibus propriam utilitatem, quæ ex Historiâ universali, non ut distribui in multas partes potest, sed ut cohæret ex multis partibus, & in unum habitum aptatur, peti potest.

Gggggg

An



*An Polybius Historiam universalem scripserit: sive, quid illi hoc nomine veniat. Quid Ethnicorum alii, nomine Historia universalis intelligant. Quid Christianis sit Historia universalis. Sententia Polybiana quomodo Historiæ universali excellenter sic nominata conveniat.*

Excerpt.  
Lib. VIII.  
p. 514. c. 4.  
Lib. III. pag.  
187. c. 32.  
Lib. I. pag. 4.  
cap. 4.

**K**ΑΘΟΛΙΚὴ καὶ κοινὴ ἱστορία vocat Historiam, quam conscripsit, POLYBIUS; *generalem & communem historiam*: τὰ γράψα καθόλου, *generaliter scripta*: τὴν δὲ καθόλου πραγμάτων σύνταξιν, *res in historiam universalem compositas*. Complexus autem erat suo opere, cuius hodie exiguam partem tenemus, insignia illa incrementa Romanæ potentiae, ab initio belli secundi Punici, usq; ad finem belli & regni Macedonici, per quinquaginta & tres circiter annos. quibus deinde alia nonnulla addidit. Et quanquam primario populi Romani facta componere voluit; quia tamen aliarum quoque, toto fere orbe tum notarum nationum, res interuit temporibus, copulavit argumentis; non præter rem videbatur, amplitudini operis magnificum historiæ universalis elogium adhiberi. In primis propter conferendi, & vinculis unius contextus illigandi, quæ segregata & sibi invicem aliena haberi solent, artificium. Quod sibi gloriosius uni, certe primo, vindicat. Constet licet, HERODOTI MUSAS ante illa tempora, nequaquam τὴν κατὰ μέρος ἱστορίαν μετρεῖν, *particularis historia mensurâ taxari debere*: quippe quæ non Barbarorum minus, ut vocabant, quam Græcorum res memoratu dignas per ducentos viginti annos complectuntur, EUDYMP. Halicarn. Epist. ad En. Pompej. Christodor. Poet. lib. 5. Antholog. Gr. Epigram.

Herodot.  
lib. I. cap. 1.

Dionys. Halicarn. Epist. ad En. Pompej. Christodor. Poet. lib. 5.

rope-

ρονταque & Asia pleraque, (nam Africa non æque magna illis temporibus in publicis magnisque ac celebribus negotiis fors & connexio erat) varietate scripturæ contextuque mirifico denarrant. Sed Polybius, aliquid singularis & ad *ἐπισκοπὴν πολιτικὴν* seu observationem & animadversionem rerum civilium referendæ laudis sibi deberi putat. Quo nomine credo *Casaubonum*, liberalius, & infra dignitatem Herodoti pronuntiasse in *Dedicatione Polybii*: *Magnus sane scriptor Herodotus, & sine controversia Historia pater: sed qui ad πολυμάθειαν & rerum antiquissimarum cognitionem plurimum; ad eam vero quam quarimus prudentiam non multum sit collaturus.* Nimirum & *Casaubonus* hîc eximium illud disciplinæ civilis genus animo conceperat, quod spectat τὴν κατὰ τὴν καὶ συλλήβδην διοικησίαν τῶν γενομένων, πῶς καὶ πόθεν ὀρμίσθην καὶ πῶς ἔχει τὴν συντέλειαν. *universam illorum quæ ad summam rerum conferunt administrationem in iis quæ acciderunt, quando & a quibus principis quæq; sint profecta, quovis modo hunc tandem finem res sint hæc.* Quod ipse est, τὴν ὅλα συντάξις, & *Lib. VIII. ἐνδεκάσας τὴν τῶν ὅλων διοικησίαν, Summa rei notitiam quasi pag. 514 uno conspectu adipisci: ita tamen, ut eadem cognitione, non modò τὸ μέγεθος τῶν γενομένων, magnitudo rerum ge-* *Ibid.*  
*sturum, sed τὸ συνέχον, ratio quæ coherent & aptantur, comprehendatur.* Nam haud aliam esse viam autumat, quæ res geste verè in clarâ luce ponantur, & admirabiles appareant, dignamq; sua nobilitate & prudentia lectoris observationem consequantur. Sive, ut Græca habent: ὅπως ἂν εἴη μένον σαφεῖ τὰ γενομένα καὶ θαυμάσια, καὶ μάλα ἂν ἴτω τοῦ χροῖου τῆς ἀρμολύτης ἐπιστάσεις. Quæ observatio prudentum, à cognitione minus perfecta, præclaris elogiis distinguitur, atque ἐπιστήμη, γνώμη, ἀπειρία, ἀπειρία, πῆσις, *Lib. I. p. 5. c. 5.*  
*scientia, experientia, quæ liquidam & indubiam rerum notitiam & fidem præstat, appellatur.* Sicut enim is, qui in tabella aliquas urbes & regiones inspexerit, nondum *Ibid.*  
 de totius orbis figura, situ, ordine judicare potest; nec, qui partes animalis dissectas singillatim oculis subjecerit,

de totius statim animalis forma & virtute idoneam adeptus est opinionem: Ita etiam ex particularibus historiis, sive particulatim traditis narrationibus non paratur accurata illa rerum publicè gestarum cognitio, quæ Divinæ providentiæ negotiosam per omnia dispositionem, hominum proposita, consilia, molimina, successuum, casuumque varias rationes, in eodem fati, ut ita dicamus, theatro contemplatur. Merebatur, quod suscepit *Polybius*, argumentum, ut, sicuti fortuna Romanorum longè latèque per gentes se explicabat illis temporibus, ita eo demonstraretur scribendi genere, quod non hæreret in diverticulis & particulis, sed summam rerum, totamque imperii incrementis imaginem exhiberet. Hæc *ἐπισκοπὴ καθολικὴ* sive observatio civilis in universa tendens, quin *Polybio* sit & adhuc maneat, certo quodam modo propria, non negaverit, qui *Polybii* lectioni assueverit. Quare non præ-

De arte Hi-  
stor. cap. 23.

ter rem *Gerardus Joannes Vossius* judicat: *Polybius non contentus prode sui temporis historiam, simul αἰετῶν tradere instituit civilis doctrina, tum ejus quæ in administranda Republica versatur, tum quæ ad militarem disciplinam pertinet: quibus duabus partibus politice absolvitur.* Fuit sane & aliis Historicis pragmaticis hoc propositum. Sed *Polybio* placuit peculiaris quidam & amplior modus: tum quod in universa semper porrigeret suam observationem; tum quod apparatu subsidiorum uberiore uteretur, qualem sibi ceterorum nemo permisit.

Majus opus animo concepit, & in multis exquisitam *Polybii* curam, interdum & stylum, quamvis in genere scribendi pressiore & magis conciso, imitatus est *Diodorus Siculus*. cujus *Bibliotheca, universalis Historia*, in quantum Ethnicis pertingere licuit, nomen, jam insignitè meretur. Orsus est enim à rebus antiquissimis, & ex illo tempore, quod Ethnicis, ignoratione sacræ, id est, omnium vetustissimæ historiæ, non immerito *ἀδιδακτον* sive obscurum fuit, multa tamen, ex auditu veluti per umbram repetens, usque ad *Julium Cæsarem*, opere dili-

gentissimo, cui elaborando triginta annos impenderat, omnium fere gentium nationumque res per undecim amplius saecula executus est. Ingens thesaurus, nisi pleraque periissent. *Non defuisse paucos quosdam, fatetur, qui ab ultima (intellige, Ethnicis cognita) antiquitate Historiam universalem, ad sua usque tempora deducerent.* *ἡλικίαι δὲ ἀπὸ τῶν ἀρχαίων χρόνων ἀρχαίοντες, τὰς κοινὰς πηγὰς ἐκείνας ἀναγράφειν μέχρι τῶν κατ' αὐτὸν καιρῶν.* Sed alios horum lucem chronologia non adhibuisse, alios barbarica pleraque neglexisse, ac historiam fabularem, cui multa veritas subest, transilivisse; nonnullos & fato praevenitos, certe non ultra Alexandri M. successores processisse, annotat. Quibus omnibus suum opus praestare, non vane praedicat; & de cetero non minus magnifice de instituto Historiae universalis sentit, quam Polybius. *εἰ γὰρ τις τὰς εἰς μνήμην παραδιδόμενας τὰ σύμπαντα κόσμου πράξεις, ὡς περ τινὲς μιᾶς πόλεως, ἀρχαίοντες ἀπὸ τῶν ἀρχαιοτάτων χρόνων, ἀναγράφει κατὰ τὸ δυνατόν μέχρι τῶν κατ' αὐτὸν καιρῶν, πόρον μὲν εἰς ποιοῦν ὑπομένει διανοήσας, πραγματείαν δὲ πασῶν ὑπερσοτάτως συντάξας τοῖς φιλαναγνώσταις.* Si quis enim, inquit, memoria proditas res gestas totius orbis, tanquam unius civitatis, & Reipublicae generis humani, initio ab antiquissimis temporibus ducto, ad sua usque tempora pro virili portione componat; is profecto & ardui laboris plurimum exaetlasse, & opus omnium utilissimum studiosis lectoribus elaborasse, censendus est. Nec omittit comparisonem historiae particularis, & cetera, quae ad imitationem elogii Historiae universalis Polybiani pertinent.

Diodor. Sic.  
lib. 1. Hist.  
p. 3. edit.  
Rhodoman.

Diodor p. 4.

Atque huic Diodori Siculi operi, quod per omnia aequari possit, nihil licet ex antiquitate Graeca vel conjectare vel nominare. Nam APOLLODORI *Bibliotheca*, XXIV. libris minimum constans, sicut ex Photio discimus, ante Diodorum quidem Historiae universalis consilium habuit: sed fortasse congerendo potius, quam dirigendo rem gessit; si *Sopatri* iudicium attentius legimus. Nam, illi tres libri, qui hodieque circumferuntur Apollodori nomine, extrema

Cod. 151.

parte; non magnâ tamen, defecti, à verustissimis temporibus, ethnicorumque theologiâ orsi, ad Ulyssis usque errores, etiam historiæ universalis proposito æstimari debent: quanquam paucissimis ratio connexionis cognita est. Hactenus etiam, non male *Græcus epigrammatistes* apud *Phorium*, carmen suum clausit de illo libello:

Εὐρήσεις ἐν ἐμοὶ πάντα ὅσα ἄσπετος ἔχει.

*Invenies in me quicquid hic orbis habet.*

in Not. ad  
Apollodor.  
pag. 262.  
de Hist.  
Græc. lib. I.  
cap. 21.

At autem *Phorius* erraverit, quod *Apollodori* nomen huic quoque libello convenite credidit (sicut contendit doctissimus *Tanaquill. Faber*) an verò *Epitomator* aliquis, nomen *Apollodori* suis excerptis ad eum qui dictus est finem, per 650. annos, adjecerit; aut hi tres libri ἀποσπασμάτων majoris operis haberi debeant, quod *Kassio* visum est; nunc quidem in medio relinquimus; & *Diodori* exemplum, ut unicum, in iis quæ supersunt amplectimur.

Justin. in  
pref.

Cui suppar in *Latinis* *Trogus Pompeius*, itidem orbem terrarum aggressus, suis libris omnium sæculorum, regum, nationum, populorumq; res gestas, usque ad Augustum complexus est. Hic, inquit *Bongarsius*, à *Nino*, qui primus τῶν εἰς ἰσοείαν καὶ μνημὸν παρὰ δ' οὐρανῶν, ad Augustum *Casarem*, non ut *Atticus* apud *M. Ciceronem* septingentorum, sed ut *Corn. Nepos* omne ævum, id est, duum millium annorum memoriam, uno libro colligavit. Et *Trogi* quidem *Epitomen* *Justinus* fecit, & ad posteros transmisit.

*CORN. NEPOTIS* autem, paulo ante *Trogum* clari, nullum hujus curæ specimen ad nos pervenit. salivam tamen movit *Catullus*, qui notitiam sibi cum *Nepote* contractam, hendecasyllabis prædicat, ipsum alloquens:

Carm. I.

Jam tum, cum ausus es, unus Italorum  
Omne ævum tribus explicare chartis,  
Doctus, Juppiter, & laboriosis.

COR-

Conciso scribendi genere & brevi usum esse, vix dubites.

CHRISTIANI autem, verissimi possessores sacrorum codicum facti, & temporum computandorum peritiores, quam cæci eorundem voluminum custodes; *Historiam universalem* non agnoscunt, nisi quæ ab orbis conditu, auctoritate divinarum scripturarum originem capit; & ad fontem Biblicæ, id est, omnium & certissimæ & sanctissimæ historiæ, reliquas totius orbis res corrivat; atque ubi desinit illa, ex aliis Ecclesiasticis & civilibus scriptoribus supplet pertextitque, usque ad tempus, quo scribitur. Antiqua hujus generis opera, utinam possemus multa laudare. EUSEBII *Chronici Canones*, à Julio Africano multum mutuati, *παιδαγωγὸς ἰσολίας*, quasi universalem seu omnimodam historiam dicas, nomen gerunt. Hinc GEORGIUM SYNCELLUM, & GEORGIUM CEDRENUM pleraque descripsisse, monstrat, *principio animadversionum Eusebianaarum Josephus Scaliger*. Et *Eusebium quidem*, Latine convertit, interpolavit, & supplevit *Hieronymus*. Ex *Syncello*, Eusebii Græca, quæ supersunt, repetenda fuerunt. Quæ scripta *συνοπτικὴ ἰστορίᾳ χρονολογικῇ*, *collectionem historiarum notatione temporum* circumscripserunt: prætermisissis expositione ulteriore & contextu rerum civili. *Cedrenus*, amplius institutum secutus est, & universalis historiæ nomine dignius. Sed, quantum ex minore parte ingentis operis, quæ sola ad nos pervenit, intelligitur, non raro ambages ferit, & in aliena digreditur, ne non tam philosophus, quam historicus videatur. JOANNES quoque ZONARAS, in *prefatione* operi præmissâ, satis ostendit, sibi in animo fuisse, *καθολικὴν τινὰ ἰστορίαν*, *universalem quoddam historia corpus* concinnare, à condito scilicet ære usque ad Alexii Comneni obitum, id est Ann. Chr. 1118. *Delegit autem sibi non omnium, sed præcipuarum gentium historias; neque eas omnes, sed vel præ-* Hieron.  
*cipuas, vel eas, quæ ad Ecclesiæ seriem perficiendam fa-* Wölff. pref.  
*cere videbantur, consilio judicioque suo: ut Interpres ejus fa-* in Zonar.  
tetur.

retur. Sed hi omnes, sicut ad Historiæ universalis propositum aspirarunt, ita in citiore gradu substiterunt. Minus etiam Zonarâ præstitit, quanvis idem consilium intra ejusdem argumenti limites præ se ferens MICHAEL GLYCAS, totus *παρυσάινος*, digressionibus & disputationibus editus, & legum historiæ immemor.

Cur *Josephi Judæi* nullam fecerimus mentionem in hac annotatione, ultrò intelligi par est. Licet enim is à primæva mundi ætate orsus, historiam usque ad sua tempora pertexuerit; & in posteriore parte suæ *ἐχαιολογίας*, Asiaticas & Ægyptiacas & Romanas res miscuerit; quia tamen ad Judæos pleraque retulit, inter eos potius referendus est, qui historiam universalem scripturo, plurimum possunt adjumenti adferre, & non modicam materiæ partem subministrare.

Pauci omninò fuerunt, à tot seculis, qui formam historiæ universalis vel animo complecti, vel stilo signare auderent. quanquam necessarium, si quod, tale opus, non ignorarent. Ad *compendia* quædam, ut vocant, vel *chronologica* vel *historica* decursum est. *Quidam* ad *ὅλην ἱστορίαν* animo converso, vix alia, quam quæ ad Ecclesiæ fata pertinebant, sibi requirenda existimârunt, quotiens magni operis historici pomærium ducere aggressi sunt. *Alii* ad conficiendam certam quæstionem, adversariis oppositam, historiæ latius consignandæ rationes & excerptiones retulerunt. *Nonnulli* suæ nationi & affinitibus locis rebusque si advigilarent, huic instituto satis esse, opinati sunt.

Cum tamen *Historia universalis*, si hodie describenda sit, non possit aliter vel animo concipi, vel hoc e-logio publicari, quam ut res omnium ætatum ac populorum, inde ab origine temporis, id est, ab orbe creato usque ad hanc nostram ætatem, in Ecclesiâ & Republica, collectas sedulo, dispositas ordine, contextas prudenter, ad contemplandam Dei omnia regentis sapientiam & potentiam, hominumque ex consiliis, operibusque varie ordinatos

dinatos eventus observandos, Deoque gloriam, lectoribus artem vivendi comparandam, comprehendat & exhibeat.

Tali operi, quin accuratè conveniat, & eximiè, quæ Polybius suo instituto, ut longè longèque angustiori, splendidis laudibus accommodavit, nullum relinquitur dubium. Sed, si ad mensuram Polybianam scribendum esset, immensa volumina nascerentur. Ille enim non multum supra dimidium sæculum complexus, quadraginta libros, ingenti opere construxit. Hic sexaginta fere sæcula condenda essent uno historiæ complexu. Non cogitavit de formâ & consilio operis Polybiani proprio doctissimus David Chytraus, sed deflexo in similitudinem quandam sensu, etiam epitomen quancunque honoravit illa commendatione:

*Quisquis igitur (inquit) in lectione historiarum utiliter* De Lectione  
*versari cupiet, is initio, juxta Polybii præceptum, univer-* Histor. In-  
*sam mundi historiam, ut præcipue dicitur ἀρχὴ καὶ συντάξι-* sis ad Prin-  
*πείων, uno intuitu complecti, & velut in corpus reductam,* cip. Jul.  
*animo comprehendere studeat. ut enim in cæteris artibus,*  
*initio summa totius doctrine in compendium contracta, re-*  
*ctissime discitur: sic in historiarum etiam lectione, prin-*  
*cipio Epitome brevis seu chronicon, complectens seriem omni-*  
*um temporum & Imperiorum, & præcipuarum generis hu-*  
*mani mutationum, ex libello Carionis, vel simili, accuratè*  
*cognoscendum est. De quo genere libellorum deinde ali-*  
*quid dicendum est.*

*Exempla conatus ejusmodi scripturæ; &  
 successus. non sine distinctione: &  
 inquisitione historica: per seriem  
 temporum.*

DE exemplo Historiæ universalis apud ethnicos incomparabili, DIODORI scilicet SÆCULI BIBLIOTHECA, antea, ut ostenderetur, quid hoc nomine intelligendum esset,

H h h h h h

agen-



agendum fuit. Accessit & de illis aliqua Dissertatio, qui in arctiere instituto, citra illum finem, ad quem votum adjecisse satis erat, restiterunt. Pertexenda nunc sunt consilia talis operis, dispare destinatione successuque instituta, ubi perpetua fere confusio *chronicorum* seorsum ita dictorum, & *historia explanata demonstrataq;*, occurrit. ita, ut, qui hoc affectaret, optaretque, ad illud delatus, eoque quomodocunque pertinctus, causam sibi ultra dicendam non putaret. In *Ecclesiasticis* quoque & *Civilibus*, utramque laudem sibi trahebant, qui in alterutra paululum processisse videbantur. ut &, qui partem aliquam studiosius tractasset, de toto, quamvis præscripto promissoque, respondendi causam detrectabat.

PAULUM OROSIIUM ponunt etiam in iis, qui universali historię animum adjecerunt. Nec alienus est ab hac in *Epist.* ad sententia *Andreas Schotens*, dum *Orchestra* putat inscriptum esse hoc opusculum, *ceu theatrum rerum gestarum*: & historiarum lectionem, ab eo compendio auspicandam, arbitratur. Admodum liberaliter ita judicant de conciso libello, & ex singulari occasione, ad certum scopum ac hypothesein relato. Et *Orchestra* illa, fortè tam nihili est, quam *Hormesta* & *Ormesia*, aut *Hormathus* aliave deliramenta, circa indicem libri.

Nec enim *Cassiodori Chronicon*, ab orbe condito usq; ad Theodoricum Regem, quisquam huc retulerit.

*Voss. de Hist.* *Godefridi Viterbiensis Pantheon*, operi Pistoriano inscriptum est. *Lat. l. 2. c. 54*

*Voss. de Hist.* *Vincentius Bellovacensis*, usque ad annum Christi *Lat. l. 2. c. 59* 1244. deduxit *speculum Historiale*. in quo multæ nugæ.

Henrici VII. temporibus, *Anonymus* quidam scripsit *Chronicon de septem ætatibus mundi*, haud dubie Historiam universalem molitus. sed quantum ex descriptione *Vossii* *De Hist. Lat. lib. 2. c. 63.* constat, compilatio mera est.

Ita etiam inscripsit suum opus *Richardus Gradale*, *Lib. 3. c. 1.* *de ætatibus mundi.* *8. 559.*

Nec

EX HISTORIÆ UNIVERSALIS CONTEXTU CAPIENDA, 1167

Nec aliud, quam excerpta sapit *Henrici de Erfordia* Lib. 3. c. 1.  
opus, de factis illustribus ab orbe condito usque ad annum  
Christi 1355.

*Rannulphi Hygden Polychronicum*, videtur æstimate- Lib. 3. c. 2,  
res reperisse: cui etiam auctarium addidit *Thomas Wal-* Lib. 3. c. 9.  
*singhamus*.

Florilegium tantum Historiæ universalis ipso nomine  
proficitur *Marthani Westmonasteriensis*. Lib. 3. c. 2 f.

*Baldwinus* parochus Paderbornensis ab orbe condito Lib. 3. c. 5.  
usque ad 1418. historiam universalem reliquit. p. 550.

*Chronodromon Joannis Brandonis* huc videtur aspi- Lib. 3. c. 5.  
râsse. p. 551.

Ut &, *Anonymus* sub Sigismundo Imperatore.

Cujus temporibus etiam *Gobelinus Persona* Cosino- Lib. 3. c. 9.  
dromium suum composuit. p. 801.

*Aniani Flandri Casselensis chronicon universale*, an Lib. 3. c. 6.  
superfit, ignorat *Vossius*.

*Petri Ranzani*, de omnium pæne gentium rebus Lib. 3. c. 6.  
Annales, quales fuerint, superstes de 61. libris fragmentum p. 567.  
ultimi ostendit.

*Weneri Roleving de Laer*, Fasciculus temporum, o-  
peri Scriptorum Germanic. *Pistoriano* insertus, qualis sit, in Lib. 3. c. 6.  
propatulo est. p. 569.

*Hartmanni Scedel Chronicon Norimbergense* notissi-  
mum est.

*Blondus Flavius ab Arcadio Honorioq, Cesaribus* (quo  
tempore inclinasse Romanum Imperium memorant) usque ad Lib. 3. c. 7.  
asatem suam, universalem scripsit historiam, opus certe la- p. 586.  
boriosum & utile; verum expolitore emendatoreq, dignum.  
Ita Jo. Gobelinus.

*Antonini Archiepiscopi Florentini* opus multa con- Lib. 3. c. 7.  
tinet, quæ nemo historicarum artium peritus probaverit. p. 587.

Referunt alii, scriptores Historiæ universalis, nu-  
merosius: *Bodinus sub finem methodi*, *Chytraus*, *Boldua-*  
*nus*, &c. Sed non desunt causæ expungendi quosdam: &  
nobis aliud fuit propositum. Quanquam ex enu-

meratis modo, vix quicquam est, quod valde huc faciat.

*Joannis Naucleri* opus *Historiæ universalis*, multum  
 Lib. 3. c. 10. debet *limæ Philippi Melanchthonis*: annotante *Joachimo*  
 p. 646. *Camerario in vita Melanchthonis*.

Lib. 3. c. 12. *M. Antonii Sabellici Enneades undecim*, usque ad  
*Annum Christi 1504.* pertingunt.

Hi duo longe supra priores, quibus vel temporis vel ingenii consuetudo minus propitia fuit, in historia universalis profecerunt. Ad legem tamen contextus Polybiani non aspirarunt.

Imo multis, in parte consilii fuit, exuere illam solitudinem, & de ordine cogitare, qui erudita ordinis mysteria excluderet; ut ipsi quidem sperabant. Ita longè facilius fuit, in *Quatuor* summa Imperia, sive *Quatuor Monarchias* partiri universitatem Historiæ; &, quæ ad hos titulos referri possent, jam satis disposita, satisque contexta credere. *Rudolphus Agricola*, cum ratione & gravitate huc descendit, quando Principis sui petitioni satisfaciendum esse vidit.

*Voss. de Hist.*  
*Lat. Lib. 3.*  
*c. 6, p. 566.*

*Sleidani* quoque libellus hoc nomine præscriptus, quantum in illa exiguitate fieri potuit, auctoris prudentiam abunde prodit. Fontes historiæ, opportuna annotatione *Meibomius* eruditè adjecit.

Institit hanc viam *Chronicon*, quod vulgo *Carionis* vocatur: est autem à *Philippo Melanchthone* compositum, & à *Pencero* continuatum. In hoc ea sunt, ad summam rerum, & historiæ universalis contextum spectantia, iudicia, monita, præcepta, ut de alio hujus generis & instituti volumine, similia polliceri nemo facile queat.

Quamquam de cætero ad usum communem, epitomicum tamen, uberior sit & frequentior *Ludovici Gosfridi Historia universalis*, *Quatuor Monarchiarum elogio comprehensa*.

*Christianus Matthia*, suavitate & novitate quadam methodi, sua ad monarchias excerpta adornavit.

Omni-

Omnium autem in hoc genere curas vicit nobilissimum opus *Reineri Reineccii*, sive, *Syntagma Historiæ Julæ*: acerba auctoris morte, quantum ad ultimam partem attinet, interruptum.

*Joannes Cluversus*, *Epochas Biblicas & Propheticas*, aliter judicio & contextu sequitur: in quantum habuit, qui præirent. Aut, si dicendum clarius est, *Historiæ Ecclesiasticæ* aptavit, quicquid ad connexionem rerum pertinet.

*Pezelii & Micralii* opera, docentis ingenio accommodari auditoribus visa sunt. Ceteris haud æque *ἡ ἀπορίστων ἐπιστάσις*, quam in *Historia universali* Polybius spectat, copiam præbere putantur.

Aliqui contexendi facilitatem quæsierunt in *Ætatebus Mundi*, ex vulgata opinione. Ita *Dresserus* historiam universalem per *sex Millenarios mundi* distribuit. Et *Jacobus Ufferius Armachanus* in *septem ætates* digessit *Annales suos*.

Sicut & ille modus ei, ad propositum historiæ universalis visus est congruere, si *Historia Sacra*, externa subtexerentur. Ita in *Annalibus Veteris*, & *Novi Testamenti* diligenter pleraque conferuit, ex reliqua orbis historia.

Quod & *Jacobus Saliannus*, in *Annalibus veteris Testamenti* præstitit.

Et à Christi natiuitate, *Historiam Ecclesiasticam* professi, *Centuriatores Magdeburgici*, *Hottingerns*, & alii.

Illud quoque in expedito videbatur, ab *Epocha Imperatorum*, ad cuiusque Imperatoris tempora, quicquid est in universo *ὅλης ἱστορίας*, referre.

In *secula*, sive centenaria annorum spacia, partiri hoc argumentum, obviæ itidem commoditatis habebatur. Cujus viæ aditum muniunt *Tabula Helmstadienses*, *Lambeciana*, & alia scripta.

Chronicorum institutum, in quantum à contexta *Historia* differt, apparet nos exclusisse. itaque nec *Ubbonis*

*Emmii Chronologicos Canones*, nec *Calvisium*, aliosque plurimos, nominavimus. Et nunc ab hoc excessu redeundum est, ad illum interiorum artificii contextum historiae universalis, de quo ad mentem Polybii potissimum, agendum erat.

Hujus generis exempla quaedam notabilia annotabimus, primò *extra historicorum opera*, deinde, in *Historicis*.

*Extra Historicos* hæc scientia se prodit in istis libris, qui, exempli causâ, unius & alterius nomine exprimi possunt. Talis est, *Trentina Statuum Europa Ducis Rohanai*. Tali certe notitiâ rerum instructus esse debet, qui historiae universali manum vellet & animum accommodare. Ita *Lydius Lapis Trajani Boccalini*, ut & alia ejus scripta, speciminibus talis cognitionis voluerunt celebrari, quanquam is, nimium sæpe conjecturis suis permisit, & confidentius aliquando ambulat. Denique, sicut ad res summas in Republica gerendas, hoc illud lumen est, quo paucorum & magnorum virorum virtus, orbem illustrat; ita ad scribendam historiam ex plurium gentium rebus contextam, hic tubus opticus nisi oculis adminiculetur, caligo & renebrae facile abducent aut seducunt eum, qui hoc agere decrevit.

Præcellunt hoc peritæ genere *Boteri & Forstneri* scripta.

Doctissimus autem *Johannes Stranchius* Jurisconsultus, in *Exercitationum Exotericarum prima statum totius Europa, currente sæculo XVI*. ita exhibuit, ut consiliorum rerumque gestarum contextus, eo subsidio melius ordinari comprehendique posset.

*Davidis* quoque *Chytrai præfatio* ad Lectorem, præmissa *Saxonia*, ea disserit, quæ hujus meditamenti genuinum specimen præ se ferunt. Sicut & in eo ipso opere longe plus præstat, quam titulus promittit, nec *Arctoi* orbis modo, sed *Europæ* historiae instruendæ idonea con-

conducendo, proximè ad historiæ universalis superioris sæculi consilium accedit.

In ipsis *Historicis*, hujus curæ exempla indicanda sunt. Et opus quidem *Historia universalis* ab ortu rerum primo ad proxima tempora, syntagmate modico conscriptum, iis tamen artibus, quæ scriptori amplioris operis necessariæ sunt, laudatur facilius hætenus, quàm reperitur. In amplitudinem autem diffundere res gestas, more Polybiano, non est unius hominis aut ætatis. Quare prudentioribus placuit, *Historiam universalem*, certi nec longi temporis aggredi. Fecit id singulari brevitatis genio Ludovicus Guicciardinus, etiam in angustiore ambitu: qui suum consilium (interprete Kerckhovia) ita explicat: hoc ad extremum deliberatum fuit, ut devorato omnium difficultatum tadio, sigillatim certi temporis memoriam uno libro colligarem, & quasi in epitomate, summam duntaxat earum rerum, quæ in Belgio, jam inde à pace illa apud Cameracum inter Carolum V. Imperatorem & Francisc. I. eo nomine Francia Regem facta, exactis plus triginta annis, passim aliquando evenissent, laxioribus perstringerem: eodemq; intertexerem datâ occasione, quicquid alicubi gentium, maximè verò, in Europa clarum, insigne ac memorabile interim accidisse compertum esset. quippe perspiciebam, res ambas naturâ ita comparatas esse, ut hæc cum illis quoddam quasi affinitatis vinculo copulata, non solum facile invicem cohaerint, sed non minimùm etiam convenerint ad amplificationem, fundamentumq; justæ historiæ, quam à me delibatam, perficiendam gravioribus ingenius relinquo. Non ignoravit contextum rerum eruditè tractandum: sed cavuit sibi, veniæque consequendæ rationes ex eo disposuit, si Belgii spatio præcipuè suam narrationem clausisse, cetera non eodem studio, sed securius, & ut sub manum succederent, subtexuisse videretur.

Julius Caesar Buxengerus, *historiam universalem* non nisi sui temporis, describendam suscepit.

Nec ulterius patet Natalis Comitis, Veneri, institutum,

rum, qui ab anno 1545. usque ad 1581. historiam universalem edidit: non valde illam quidem exactam, aut artibus, quæ hîc spectantur, copiosam; non omittendam tamen in hoc transcurso.

Et quando tempora, quæ *Natalis* componit, in *Jacobi Augusti Thuanus* opus congruunt, qui ab anno Christi 1543. usque ad 1607. sexaginta annorum historiam universalem condidit; non poterit utilior & exactior *rebus* institui, quàm si quis illius scripturam cum hujus expositione conferat, consilia consiliis, artes artibus scribendi comparet, & quid ingenio prudentiâque valeat uterque, interiore curâ dignoscat. Fallor, aut magno exemplo constabit, duo cum faciunt idem, non esse idem: & uno eodemque argumento ingenia decora cælo tenus assurgere; imparia, inter conandum hebescere & obhærescere. *Thuanus* enim est, cui nemo historiarum scriptor, ex eo quo vixit tempore, per omnia potest comparari. Præsertim illis artibus, quas Polybii exemplo, universali historiæ coaptandæ, unice validas & idoneas existimamus.

*Lib. I. pr.*

Atque *Thuanus* quidem palam professus est, se res *orbe toto gestas* annis designatis & expressis, *posteris traditurum*. Insequentia tempora *Gabriel Bartholomæus Gramondus* scribenda suscepit, sed intra Gallicarum rerum fines.

*Lib. I. pr.*

*Historiam atatis nostra Gallicam posteritati tradam*, inquit. Rhetoris more loquitur ad Lectorem: *scribere se res suorum temporum Gallicas, eoque nomine Europæas. & in Dedicatione: Ætate qua vivimus, res Gallica, Europa historiam faciunt. Quæ figurâ non carent. ne nunc de Asiaticis, Africanis, Americanis rebus, quas Thuanus complectitur, aliquid dicamus.*

Interdum *Editores* operum, indicem libri eo usque extendunt, quo *Auctor* ipse nec cogitavit. Accidit hoc *Emmanueli Meterano*, qui, cum universalem historiam nec aggressus nec professus esset, illi tamen, qui anno hujus

sæculi

ſæculi 40. iterarunt editionem, tali elogio volumina præſcripſerunt.

Ab erudito illo conſilio contexendi hiftoriam univerſalem, plurimum abſunt, tumultuarii illorum labores, qui *Mercurios* orbe toto diſcuſſuros emittunt, & *Relationes*, ut quidq; audiunt accipiuntq; curioſitati paſcendæ, ad horas & nundinas conficiunt. Aliud nimirum eſt, ſcribere quæ ætatem ferre queant, &, componere quaſi ad uſum ſpectaculi alicujus temporarium opus: quod *Thucydides* præclare Lib. 1. rē monet.

Hinc eſt, quod *Mercurios Ultramontanos*, ſatis contentim ridet *Victorius Sirius*, longeque alio inſtructu ſuum *Mercurium* adornat. Hic enim vir eſt, qui veras artes hiftoricas edoctus, ab anno 1635. orſus; Italico ſermone, operis æternam famam habituri illuſtre ſpecimen dedit. Sed id apparebit clariuſ, ex iis, quæ jam de ipſis illis artibus, hiftoriæ univerſali pragmaticæ condendæ deſtinatis, ſingillatim adumbrare conabimur.

*Artes, ſive leges quadam, Hiftoriæ univerſalis, pragmatico contextu ordinandæ, ſingillatim attinguntur.*

HOC loco, ante omnia, I. ſciendum eſt: quacunq; hiftoria pragmatica etiam particulari convenire putantur, ea ab hiftoria univerſali, Polybiano ſenſu ſcribenda, abeſſe nequaquam poſſe. Neque enim hic nuda expectatur rerum & eventuum conſignatio, ſicut in antiquorum Annalium more, & diario quodam, ſive ephemeride fieri ſolebat. hoc enim eſſet, ſi *Sempronium Afellionem* audimus, fabulas *Gell. lib. 5.* pueris narrare, non hiftorias ſcribere. cum potius id agendum ſit, ut non modo caſus eventusq; rerum, qui plerumq; *Tacit. 1. Hiſt.* fortuiti ſunt, ſed ratio etiam cauſaq; noſcantur. Nobis *4. 1.* enim, inquit *Afellio*, non ſatis eſſe video, quod factum eſſet Lib. 1.



id pronuntiare, sed etiam quo consilio quaque ratione gesta essent, demonstrare. Polybius in hac sententia animosius, quorsum, inquit, agroto medicus, qui ignoret causas affectionum humani corporis? quæ item viri illius utilitas, qui ad tractandam rempublicam accessit, & nescit dignoscere, quomodo, quare, & unde singula, quæ eveniunt, causam cur fierent sint nata? Siquidem, ut medicus ille nequaquam, ut oportet, rectam curandis corporibus rationem iniverit; ita neque vir pragmaticus aut in gerendâ republicâ occupatus, quicquam eorum, quæ tractanda offerentur, recte subducta ratione susceperit, absque earum, quas diximus, rerum cognitione. Quare nihil æque oportebit curare & requirere, quam omnium eventuum causas. Id quod Casaubonus in Dedicatione operis Polybiani magnifice exequitur.

II. Magno animo aggrediendum est opus historię universalis, & extra tricas posito, quicquid veritatis eruenda ac dijudicanda peritiâ sit præditus. Ab animo parvo & pravo nihil expectatione dignum prodibit. Corruptitur enim, ut in vale parum sincero, quicquid incidit in malignas & minutiis assuetas animas. *Thuanus* eximia prorsus virtus, ubique præclarissimo operi, genium infudit, & vigorem. Quippe obfirmato contra calumnias & obrectationes animo, conscientia tutus, iter tenuit ambitione & periculis vacuum. Ab iis, qui livore pleni nunquam rectis oculis aspicere negotia possunt, quid tu purum aut historici officio consentaneum speres? Quid de iis, qui etiam in historia, loco maxime alieno, neminem, in religione diversa sentientem, vel nominare nisi hereticis convitio verberatum possunt, contra morem civilis vitæ & stilum legum publicarum? Magnus non potest cuiquam contingere animus, absque divino beneficio. Dubitavit *Livius*, an Historicos deceret, more Poëtarum divinam opem exposcere, & oris suorum operum successus prosperos impetrare. At majoris animi est pietas, neque moris, sed officii viro prudente digni esse existimat, cœptæ rerum laborum primordia precibus honestare. *Thuanus*, de suo instituto præfatus, graviter addit:

addit: quod ut nobis concedat omnium gratiarum largitor  
 Deus, eum toto pectore per generis humani propitiatorem, qui  
 cum spiritu consolationis per seculorum aternitatem regnat,  
 JESUM CHRISTUM, etiam atque etiam rogamus.

III. Et quando pars est cautionis necessaria, explo-  
 rata tradere; primas quidem partes experientia sibi vin-  
 dicat, de qua magnifice Polybius, partem rerum à se scri-  
 ptarum commemorans, ad hunc laborem se maximè ea re  
 impulsus gloriatur, quod non spectator modo plerorumq̃, *Lib. 3. p. 161.*  
 sed adiutor, & nonnullorum auctor administratorq̃, extiterit. *cap. 4.*

διὰ τὸ τῶν πράξεων μὴ μόνον αὐτόπλην, ἀλλ' ὡς μὲν συμπαρὲς,  
 ὡς δὲ καὶ χειρὸς ἐκτελέσειν. Quia tamen id non omnibus  
 nec semper potest contingere, proximum est & experien-  
 tia instat habet, ab actoribus auctoribusque rerum,  
 eorumque commentariis, aliisque probatissimis mo-  
 numentis, magno delectu iudicioque conquirere,  
 quæ in hos usus valeant. Quare Diodorus Siculus valde *Lib. 1. p. 51*

commendat, τὴν ἐν Ῥώμῃ χρησάμεν τῶν πρὸς τὴν ὑποκειμέ-  
 νην ὑπόθεσιν ἀνακρίναν, ea qua Roma ipsi suppedisata sint ad  
 argumentum historia pertinentia: ut & τὰ παρ' ἑκείνοις  
 ἀπομνημόνια ἐκ πολλῶν χρόνων τελευτήματα, commentarios re-  
 rum à longo tempore ibi asservatos. Thuanus, qui & ipse  
 multis rebus publicis interfuit, & in peregrinatione sua  
 plurima futuro operi, quod meditabatur, conducibilia  
 collegit, etiam singulis libris nominatim premisit, quibus u-  
 sus esset subsidis, quod ante eum, Aventinus fecerat. o-  
 peræ pretium est, audire ipsum, optimum probæque men-  
 tis & orationis virum in apologia operis Historici. Eo-  
 dem tempore, inquit, inchoatum historicum opus, ante xv. *Commentar.*  
 annos animo conceptum, comparata ad id undiquaque per *de vis. sua.*  
 totum illud tempus materiâ, & per peregrinationes in ado- *lib. 5. p. 31.*  
 lescencia, virorum illustrium tota Europa aut per literas aut  
 coram contracta familiaritate, ac nostrorum imprimis, qui  
 res magnas sub regibus gesserunt, commentariis item illorum  
 qui precipuis legationibus functi sunt, & ipsorum iuvirum  
 à secretis epistolis, scriniis diligentissime pervolutatis: etiam

libris (nam nihil dissimulandum) qui factionum ardente incendio utrimq; publicati sunt, in consilium adhibitis, sed ad eorum, qui rebus ipsis interfuerunt, fidem religiose postea examinatis: ut non ex rumoribus & sparsis libellis, quod injuriose Thuno a malevolis exprobratum est, sed ex ipso veritatis fonte hausisse, quæ scripsit, merito asseverare possit. Addantur sequentia, & illud, quod subjicitur: hoc & observabat religiose, sicuti ex ipso audiui, ut præter orationes, quas quisq; fidelium mane surgens ad Deum concipere teneatur, peculiarem pro instituto opere faceret, & non nisi expiata per preces ab affectibus mente ad scribendum accederet, numen invocatum venerans, ut sibi præsentis auxilio adesse dignaretur, & lumen menti præpanderet, quo inter factionum & odiorum astus latentem veritatem erueret, & in apertum citra livorem & adulationem educere sibi liceret. &c. Sed, ut virtus & ingenium Thuni singularis est exempli; ita delectus & iudicium in sequendis aut non sequendis, quæ alii consignaverunt, ad summum laudis protegit. *Natalis Comes* in principio sui operis promittit quidem: *servabimus tanquam jurisjurandum, ne quid scientes mentiamur.* Sed parum sollicitus fuit, de testium testimoniorumque delectu: sicut, ne alia nunc attingamus, vel ex iis locis patet, ubi *Surium*, citra examen, describit.

IV. *Principium* in arduo & magno opere Historiæ universalis, sicut in ædificio fundamentum, *summa cura oportet constituere, & quodammodo in solido locare.* Facundus est de hoc artis genere *Polybius* & magniloquus. Pōnit primo communem regulam: ἀντίτοις δὲ καὶ τοῖς καιροῖς ἐμολογουμένην καὶ ὑποβιβάζουμένην ἀρχὴν παρ' ἀπασιν, καὶ τοῖς πειράμασι δυναμένην αὐτῶν ἔξ' αὐτῆς διαρρίπτει. Sumendum autem est principium, quod & tempora certa, ac apud omnes nota habeat, & res ejusmodi, ut ipsum per se possit intelligi. Ne scilicet, si aliunde pendeat, & per ambages demonstrari opus habeat, ἀνεπὶσπαστὸν ἢ τῆς ὅλης ὑποθέσεως ἀρχὴν καὶ διαεία, totius argumenti explicatio suo quasi demonstra-

*Lib. 1. p. 5.  
cap. 5.*

*ibid.*

monstrationis fundamento careat. Deinde, apparatus ipsum hujus curæ, & quomodo in fundamento tali constituendo versandum sit, ostendit in illis mox subsequen-  
 tibus ac coherentibus verbis: καὶ δὲ τοῖς χρόνοις βραχὺ προαναδραμόντας κεφαλαιῶδη τῶν μεταξὺ πράξεων ποιῶσθαι τὴν ἀνάμνησιν. *etiamsi oporteat repetitis paulo altius tem-  
 poribus, mediū intervallī res gestas summatim in memoriam revocare.* Denique duos integros libros operi suo pram-  
 nit, donec libro tertio ad res ipsas, quas suscepit scriben-  
 das, accedat, & principium jam in luce positum exhibeat;  
 repetitā & denuo inculcatā hujus consilii philosophiā. *confer lib. 4*

Gemina his *Thuanus* orditur: cuius totus liber pri-  
 mus ad constituendum accuratè principium & habitum ar-  
 gumenti refertur. In quo labore, *Hæc*, inquit, *quam-*  
*vis altius repetita commemorari breviter necessarium duxi,*  
*quando ea, quæ deinceps scripturi sumus, ab illis veluti con-*  
*tinuada serie pendent, & ad consiliorum & eventuum, qui*  
*deinde secuti sunt, intelligentiam consensione quadam per-*  
*tinere visa sunt.* An satis disertum *Polybii* interpretem  
 hæc verba produnt?

V. Singularis est *Polybio* & propria diligentia, ad  
 contextum rerum omnium demonstrandum, in eo, quod post  
 apparatus illum amplissimum, *insuper lectorem suum jam*  
*satis preparatum, summā totius historia instruit, & quasi in*  
*toto contueri jubet, quæ singillatim & per partes inde cogno-*  
*scenda daturus est.* Quæ *περίληψις* sive contracta in u-  
 num prænarratio argumenti, ita confecta est, ut sit ἀνάλυ-  
 τοῖς ἐπιπύκνως sive cum ante in apparatu expositis coherens.  
 Cui studio vix est, quod usquequaque compares. Nam  
 breviaria & lemmata, quæ singulis libris apud *Thuanum*  
 præmittuntur, ad conspectum quidem argumenti, in par-  
 tibus, sed alio quodam modo valent.

VI. Non tantum autem in illa præmunitione princi-  
 pii, (quanquam hîc potissimum) sed etiam locis aliis op-  
 portunis & ad magna argumenta tendentibus, judicio ex-  
 acto habitus rerum animorumq; undecunq; ad contextum hi-

lib. 1. pr.

tom. 1. lib. 1.

storia pertinentium signari, & in conspectu poni debet. Thuanus, indicato historiae argumento, quod antequam aggredior, inquit, conveniens instituta narrationi videtur esse, ut prius, qui status rerum, qua consilia & vires principum, qui morus animorum tunc essent, breviter sed altius ducto initio, explicetur. Itaq; à Gallis & Hispanis, penes quos rerum summa & reliquorum principum fortuna erant, auspicabimur. Ita Victorius Sirius Historiae suae praemittit statum rerum in Europa, anno 1635. unde orditur: quae fuerint dispositiones, paratus, regula, consilia, rationes utilitatis, apud Hispanos, Gallos, Pontificem, Venetos, Genuenses, Sabaudum, Florentinum, Mantuanum, Parmensem, Mutinensem, Helvetios, Hollandos, Imperatorem & Domum Austriacam, Ligam Catholicam, Principes Protestantes, Reges Suecia, Dania, Hungaria, Polonia, Anglia. Vide, & mirare diligentiam & prudentiam scriptoris. Hoc est, quod Polybius dicit: πρὸς δὲ τούτοις τὰς ὁρμὰς καὶ τὰς ἡμέρας ἐξουπὶον, τίς τε παρ' ἑκάστου ἐπικρατεῖν καὶ καλῶν, τίς τε τὰς καλὰς ἡμέρας βίης καὶ τὰς καλὰς πολιτείας. dicendum insuper (ita Casaubonus reddit) de animorum inclinationibus & studiis, quae apud singulos populos, tum in vitis privatorum, tum in publicis consiliis obtinebant ac praecipue vigeant. Addi debent, antecedentia & sequentia.

lib. 1. p. 5.

lib. 1. f. p. 39

&amp; lib. 2. pr.

pag. 90.

add. lib. 3.

pr. pag. 143.

lib. 4. pr.

conf. l. 15. p. 323. &amp; 403.

VII. In magno argumento, sunt omnino quadam spatia & intervalla, ut in via lapides, constituenda. Est hæc res iudicii majoris, quam prima specie apparere potest. Adeo ut magnus & singularis in hoc genere haberi debeat Diodorus. Hic non tantum ab initio statim designat, quam periodum primis sex libris, quam sequentibus undecim, quam item tribus & viginti reliquis, complexus sit: sed singulis deinceps libris, quo progressus, quo progressurus sit, nova partitione ostendit: Hæc de rebus Aegyptiis satis sit dixisse; nunc Assyriorum res persequemur. Et sic in ceteris. Libro quarto, novo insuper exordio utitur; & res prioribus libris traditas, & hoc tradendas clare recenset. Libri quinti principio, & regulam hanc tradit, & exem-

lib. 5. p. 285. &amp; seq.

exem-

*exemplis declarat, & modum ita scribendi disertius exprimit: Historiarum scriptores omnia quidem ad ejusmodi*  
*scriptionem utilia probe decet observare, tum in primis studiosos esse, τὴν κατὰ μέρος διανομήν, bene distributi in singulis partibus ordinis. Sicut enim bene ordinata ratio in re familiari plurimum ad conservandas & augendas opes confert: ita in historiis, scriptoribus non parva prestat adjumenta. Taxato subinde Timeo, Ephorum laudat, non componendis magis, quam disponendis rebus passim gestis insignem. τῶν γὰρ βίβλων ἱκάνειν πεποίηκε κατὰ γένος περιέχει τὰς πράξεις. Partes scilicet singillatim, neque per tempora sed per species exequebatur, quò distinctius demonstrari cognosciq; possent. ut verbis Suetonii huc apposite pertinentibus utamur. unicuique libro certum rerum genus attribuit, quo exemplo Diodorus, illum ipsum librum quintum, insularem nominavit. Certum quidem tempus unicuique parti rerum definire solet, sed prout res se invicem consequuntur complentque, ut divelli non debeant, ante complementum. Quo sensu Curtius: Quae interim ductu imperioq; Alexandri vel in Graecia, vel in Illyriis ac Thracia gesta sunt; si quaque suis temporibus reddere voluero, interrumpenda sunt res Asia. Quas utique ad fugam mortemq; Darii universas in conspectu dari, & sicut inter se coherent tempore, ita opere ipso conjungi, haud paulo aptius videri potest. Et Tacitus: Hec, quanquam à duobus propriatoribus plures per annos gesta, conjunxi, ne divisa haud perinde ad memoriam sui valerent. Nunc ad temporum ordinem, (qui in Annalibus per annos signatur) redeo. Hoc est Diodoro, τὸ εὐκλεῖς τῆς ἱστορίας ἀναπληρῶν. Historici enim est, res gestas integre exhibere, à principio usque ad finem, πράξεις αὐτοτελεῖς, ἀπ' ἀρχῆς μέχρι τῆς τέλος. ὅτω γὰρ μάλιστα διαλαμβάτομεν τὴν ἱστορίαν ὑμνημόνευτον καὶ λαφὴν γεννιάς τοῖς ἀναγινώσκουσιν. Ita enim praecipue historiam credimus facilius memoriâ comprehendi posse, & perspicuam lectoribus fieri. Ad novum ejusmodi interval- lum signandum, interseri solent aliquando praefationes ali-  
in Aug. c. 9.  
lib. 12. p. 73.  
lib. 5. c. 1.  
12. Annal.  
cap. 40.  
lib. 11. pro  
Diodor. lib.  
16. pra*

qua

lib. 13. pr. *qua*. quas Diodorus, studio brevitatis non confectatus, alibi. 7 lib. 12. pr. quando tamen opportune & ex utilitate argumenti adhibet. & lib. 14. Polybium studiosius hoc fecisse, ex iis, quæ superflunt, licet colligere.

& lib. 19. pr.

& lib. 20.

pr.

Thuzani huc pertinent, libri octavi initium: ut & libri vicefimi, vicefimi quarti, quadragesimi, quadragesimi secundi, quadragesimi tertii, quadragesimi octavi, quadragesimi noni, quinquagesimi primi, sexagesimi septimi, septuagesimi quarti, septuagesimi septimi, & sequentis, octogesimali primi, octogesimali quarti, nonagesimi, nonagesimi septimi, centesimali quinti, centesimali decimi, centesimali decimi quarti, centesimali vicefimi secundi, centesimali vicefimi quinti, centesimali vicefimi septimi, centesimali trigesimali, centesimali trigesimali quinti, centesimali tricesimi septimi. præter alia in ipso opere loca, nam quædam tantum in exemplum posuimus.

VIII. Ex proposito illo, contexendarum, quæ historiam universalem constituunt, rerum, etiam ista peculiari quodam & proprio modo fluit, *judicandi, digrediendiq; Polybiana consuetudo*. Omnis quidem historia pragmatica eam admittit: sed singularis forte character animadverti potest, quo ampliori historię universalis instituto attemperatur. Qui *judicium* scriptoris interponi non debere historię, existimant; non meminerunt, scribi omnino aliter historiam non posse. iudicet enim recte de rebus oportet, qui scripturus est, & sui iudicii notas in scriptura tota exprimat. secus à scopo aberrare videbitur. Etiam, qui modesto *commentariorum* nomine utantur, vitare hoc non possunt. Nam, si Julium Cæsarem, iudicium suum premere in historia crederem, iudicio uti non viderer. Idem de Sleidano, imitatore tituli Cæsariani dixeris. *Orationes* & conciones interpositas, *Postius* iudicii partem facit, & in historia defendit; *Polybianaque* con-  
signat. Est autem magnum discrimen inter *orationes Veterum*, & quæ *novissimis historiis* inferuntur. Veteres enim sæpius, non quid dictum sit, sed quid dici apposite & convenienter potuerit, multo eloquentiæ ingenique cultu

de Ari. Hist.  
cap. 30.

cultu composuerunt At *Thuanus*, & qui hodie artem historicam intelligunt, ex ipsis actis publicis, commentariisque, quid revera consultatum peroratumque sit, plerumque exponunt. Quæ res aliam quandam, eamque insignem, dignitatem habet. Ob digressiones alias vehementer reprehensus est *Polybius* à *Sebastiano Maccio*; defensus autem strenue à *Gerardo Joanne Vossio*. qui tamen pro prudentia qua valebat, hanc tanquam *ιδιοπροσῳον* in *Polybio* non excusari modo sed laudari posse, eo, quod non aliter aut alibi digrediatur, nisi ubi rei intelligentia & commoditas postulat, cum dixisset, notabiliter addit: *Nec propterea necesse puto, hac semper parte Polybium potius imitemur, quam ceteros, qui in digrediendo & parciores sunt & breviores.* De arch. Hist. cap. 22.

IX. Valere potest & debet hoc iudicium, quando vix negari potest, *Polybium* singulari prorsus instituto usum, omnes scribendi rationes non minus quam decebat illuc accommodasse. Ex eo genere est etiam illa sententia, quæ nobis *Descriptionem Reipublicæ Romanæ incomparabilem* peperit. *Ibi*, inquit, *narratio nostra subsistet, & sermonem in describenda Romanorum Republica occupabit: ut ex consequenti, demonstretur, quod plurimum Romanis in τὴ πολιτικῇ ἰδιότητι, illa qua usi sunt proprie Reipublicæ forma, profuerit, non modo ad Italiam & Siciliam recuperandam, Hispaniamq; & Galliam subigendam, sed etiam ad orbem terrarum suæ ditioni adjiciendum. Vera, sine dubio, sed ex reconditis civilis prudentiæ penetralibus deprompta sententia; quam etiam tentavit, *Sallustius* non uno loco. *Thuanus* nihil horum ignoravit. Igitur opus ejus plenum est *Digressionibus*, *Descriptionem variarum* totius orbis *Rerum publicarum*, *Regnorum*, *imperatorum*, *statuum*, *continentibus*. Qua in re, ut semper, magno iudicio delectuque versatur. Exemplo esse potest *Descriptio S. Romani Imperij*, qua ad Germanos pertinet. Licet enim aliqua sint, quæ aliter describi possunt & debent, iudicio tamen usus est tam candido rectoque, Lib. 6. Lib. 3. c. 2. p. 158. Lib. 2.*

Kkk kk kk ut



Lib. 16.

p. 341.

ut pudorem incutere possit multis Germanorum, qui oculis longe minus illuminatis isthæc talia aspexerunt. Quanto sit inferior *Natalis Comes*, ingenio, judicio, diligentia, peritia, licet intelligere ex conatu illo, cum *Comitia Imperii* describere aggreditur. Sed id jam ostendit erudita censura magnum quondam hujus Academiæ ornamentum *Casspar Bitschius Jurisconsultus*; cujus *Animadversiones in Natalem*, qui pluris faciunt, quam ipsum Natalem, non habeo quæ refutem.

X. Eodem pertinent, non tam laudationes quam pragmaticæ *descriptiones virorum Principum, administratorum, doctorum, artificum*; qui suam famam industriamque, partem sæculi & Reipublicæ fecerunt. Cur enim inventa illustrium ingeniorum, varias apud nationes, extra commercium communium utilitatum in Republica humani generis in medium conferendarum, seponantur, aut segregentur? Illorum quoque, quorum res gestæ in historia certi temporis utramque paginam faciunt, memoria & quasi imago, ad extremum uno conspectu, & in summa vitæ, exhiberi debet. Quæ diligentia in *Thyano* eximè eminet.

Hist. lib. XI.  
pag. 429.

XI. Vulgo vix bene cognitum est, quantum *universa mercatura & negotiationis ratio*, ejusq; bona & mala, ad rempublicam pertineant. At in contextu, quem totiens hætenus laudamus, ordinando, hic locus quam commendatissimus esse debet Historico, qualem optamus. Rara & pæne intacta palma, in medio constituitur, si quis periculum velit facere. Non enim in magnis tantum illis Societatibus ratio, quam indicavimus, obtinet, sicut de *Indicana Societate* apud Belgas, *Grotius* annotat, quod post initium hujus sæculi *magna pars reipublica exepit haberi*: sed in partibus quoque minus amplis diffusisque, reipublicæ commodis incommodisque miscentur, quæ recte aut secus circa mercimonia suscipiuntur constituunturque.

XII. Pe-

XII. *Polybio* non minima ubique cura fuit, etiam rei militaris rationes, per omne genus tractandorum armorum, accuratius persequi. Quare *Lipſius* de *Militia Romana* scripturus, hunc sibi fundum fecit, & quasi commentarium in *Polybii* militaria adornavit. In quo tamen opere, multa desiderasse *Josephum Scaligerum*, testatus est, qui postremæ ejus valetudini diligenter assedit, *Daniel Heinsius*. Optandum erat, ut *Casaubonus* absol-  
 veret, quos destinaverat animo commentarios; de quibus *Bongarsius* in antecessum spem fecerat: *Politica & rem militarem diligenter excutit: recentioribus aptat illa vetera, magno labore, majori judicio.* Sed illa quidem spes decollavit, sicuti & altera de doctissimo *Schelio*; cujus *Nota in castra Polybiana, & Dissertationes alie in capita digesta*, satis ostendunt, quantum in arduo hoc labore ab eo sperandum fuerit. *Salmasium* quoque Princeps Arausionensis ad scribendum de *Militia Romana* extimulaverat. sed fragmentum tantum posthumum ad quædam, quæ tempus in Militiâ Romanâ mutavit, pertinens, in dias luminis auras exiit. Multa autem superesse, quæ in militaribus *Polybii*, nondum sunt ad liquidum perducta, id vero inter eruditos constat.

in epist. ad  
*Lingelsh.*  
 msc.  
 in epist. ad  
*Lingelsh.*  
 an. 1605.

*Salmas. epist.*  
 83. ad *Pey-  
 reſe.*

Et sane, cum militia semper aliquid novi adferat, in historia universali scribenda, non sequendæ sunt schedæ eorum, qui res novas & eventus varios pretio emunt venduntque; sed ex literis ducum præfectorumque militarium, & diariis castrensibus, ita colligendæ sunt res gestæ, ut mos militiæ cujusque temporis, stilo & ritu proprio peritisque usitato exprimatur. Ponamus exempli loco, *Machiavelli libros de arte militari*, ubi inventa militiæ parvis sæpe temporum intervallis immutata, usumque variis momentis distinctum, demonstrat. Quo accedere potest *Hermanni Hugonis Militia Equestris*. Similis aliqua peritia, Historico necessaria est. Et quoniam hodie pleraque omnia ad tractationem militiæ perti-

nentia vocabulis Gallicis & peregrinis exprimuntur, dererunt operam, ut Latina idonea, ex comparatione antiquitatis, vel ex re & necessitate præsentis conquirerent, *Daniel Heinsius in obsidione Sylva Ducis; Hugo Grotius, in Obsidione Grollæ; Hermannus Hugo in Obsidione Bredana, Famianus Strada, in Belgicis.* quæ tamen non statim ad obviam intellectionem ita expromta videbantur, quin *indiculo aliquo, sive glossario, aut adjectione marginali*, Latinis peregrina compararentur.

In re & militia navali, multis mutationibus in hunc diem innovatâ, nondum extat similis industriæ exemplum in Historia. *Thomas enim Rivius in Historia Navali, Antiqui & Medii ævi*, ad summam rei gestæ respicit; neque singulis motibus congressibusque navium, & pugnarum artisque nauticæ molitionibus intentus est. Si leges, quid *superioris sæculi anno octogesimo octavo inter Hispanicæ Anglicasq; classes actum sit, apud Meteranum*: facile indelliges, *Stradam, & Camdenum*, ea secutos esse, quæ prælii eventa summari signarent. Nec multum ultra, *Histor. lib. 1. Grotius* processit. *Thuanus*, Meterani vestigiis institit.

XIII. Non possunt in Historia Universali omitti, quæ ad Statum Religionis pertinent. Quare *Thuanus*, ex *Sleidano*, quæ in annos certos congruunt, diligenter mutuatur. Hujus enim viri candorem, prudentiam, fidem, ex merito æstimavit. *Acta quoque Colloquiorum de religione institutorum, & alia eodem pertinentia scripta sedulo evolvit, ut posset, quamquam brevem summam exhibere.* Et quia utrinque scripta & dicta cognoscere & narrare potius, quam præter officium historici alteram partem infectari voluit; tum etiam, quia acerbius in alteram partem facta, non laudanda suscepit; odium gravissimum incurrit hominum malefactorum; restatum famoso libello; cujus titulus erat: *Joh. Baptista Galli Nota in Historiam Thuani*, qui liber sententia

tiâ Curiae Parisiensis , manu carnificis crematus est.

XIV. *Pietatis* non leve ad scribendæ historiæ facultatem momentum esse , jam ante professi sumus. Sicuti autem pars pietatis utilissima est , divinæ providentiæ , in rebus humanis , publicis , privatisque , occupationem , diligenti oculo scrutari atque venerari : ita *Historiam præsertim universalem* , valde decet observatio illa perpetua , quomodo *DEUS* suum in magnis publicisq; negotiis regimen ac moderamen conspici voluerit. Ut verè fiat , quod *Diodorus* quamvis ethnicus extulit : *Historicos* , *ὡς τινες ὑπερὶ τοῦ θεοῦ πρὸς τοὺς ἀνθρώπους* , tanquam administratos & quodammodo imitatores divinæ providentiæ esse. *Cominans* in hoc proposito pietatis diligens & assiduus est. ut & *Thuanus*. Quanquam hic locus erudita & theologica cautione indiget , ne vel scrutari nimis humanæ observationi exempta , vel rectæ religioni minus probata pronuntiare , quis ausit. Facilis enim lapsus est : ut multis exemplis constat.

Sed quid singula consectamur ? Artes condendæ Historiæ Universalis , non tam est facile stilo explicare , quàm erudito & subactò judicio observatas , intra animum reponere. Igitur ne ludibrium debeamus iis , qui , ubi multa dixerimus , pauca à nobis esse exposita , non sine ratione credent ; ingeniis reconditæ doctrinæ capacibus pleraque relinquentes , rudiore tantum Minervâ magnitudinem ardui operis , non in speculo , quod verum & justum rerum modum , justove majorem ; sed in eo , quod minora longe quam sunt exhibet omnia , velut ex intervallo & in umbra , quodammodo designare , satis habebimus.

Diximus supra , scripturo Historiam Universalem opus esse cognitione accurata , Regularum , respectuum , consiliorum , rationumque interiorum , quibus regnorum , principatum , rerumpublicarum status , tanquam

K k k k k k 3

sibi

sibi propriis, gaudet fruiturque. Sed hoc prudentiæ genus, quam latet in abdito? quam periculose quæritur? quam ægrè reperitur? Dicam verbis *summi summarum rerum tractatoris & actoris*, ut lucidius fiat, quod *ex epist. msc.* obscurum est. *Distinguendum reor*, inquit, *in scripturis de eo quod regum rerumve publicarum interest, inter VERITATEM & OPINIONEM. Nam ALIUD forsau Germania Galliæ, status postulat, ALIUD rerum potientibus postulare videtur. Vir prudens & judicio valens, accedente præsertim cognitione geographica, de VERA cujusque NATIONIS UTILITATE, satis ad rem respondere potest. quin & de eo, QUOD REGNANTIBUS REVERA UTILE EST: sed de eo, QUOD REGNANTIBUS UTILE APPARET & commodum videtur, is demum exactè judicat, & accuratè arbitrari aptus erit, qui ipsorum regnantium & primariorum administratorum personas indolesq; & veluti characteres satis perviderit. Ex qua pragmatica ethices parte omnis hic politicorum Ratiocinatorum habitus pene dimanat. Rohaneus ipse magis de eo loquitur, quid facere rectores populorum debeant, quàm quod faciunt aut facturi videntur. Sed ILLUD sine HOC nosse, ad praxin non sufficit. neque de eventibus ex vera sed apparente cujusque utilitate pronuntiare convenit. Per est difficile, quid constanter de eo, quod facti est, apparente nempe principum bono, scribi, quum in annos, imo in horas, pleraque varientur. Polybius, Tacitus, Cominatus, Possevinus, & ad rationalem, ut ita loquar, historiam propiores reliqui, hic usui erunt, juxta eum Machiavello in Florentina, Herberto, Historia Excensus Anglorum in Insulam Ream, Verulamii, in Henrico VII. adde Ulicovium Demonstrat. polit. pro elig. Reg. Pol. Hæc ille, ex medio rerum usu tractuque. Opportunum sane est, quod de Ulicovio affertur. Indagavit ille utilitates Regni Polonia, tam exquisito ratiocinationis ac demonstrationis genere, ut simile exemplum forsau nominari nequeat. Multum negotii frustra susce-*

suscepturus erat, qui ante Electionem Novi Regis, contradicere instituisse. Sed post electum Piasum, fortasse non defuturæ essent rationes, quibus argumenta ante valere visa in contrarium verterentur. Adeo commutabilis est sapientia, quæ de regnorum commodis incommodisque, demonstrationes læctatur. Scriptores nominati, sui quisque temporis bona malaque indicaverunt. Aliud tempus alios mores, aliud iudicium postulat. Commendavimus supra hoc nomine etiam *Victorium Sirmum*. Et possunt addi *Scriptor Ministeriorum Cardinalis Richelii, & Mazarini*; ubi non moratur in locis communibus: & *Domini de la Cour Belgica, Consideration van Staat / Interesse van Holland / &c.*


Jam fingamus, scribendam esse *Historiam Universalem hujus sæculi*, ab initio nimirum usque ad annum septuagesimum, quem ingressi sumus. Quanto apparatu opus? Collecta extent in una Bibliotheca, ad hoc sæculum spectantia omnia volumina historica, acta, itineraria, relationes, navigationes, monumenta, variis linguis typisque Europæis vulgata. Et erit hæc sane ampla & numerosa satis librorum congeries: quamvis nonnullæ nationes parcè se adhibeant in suis rebus publicandis. Quanti in his omnibus hiatus? quàm multa manca, mutila, alterius partis relatu defecta, diligentia exigua, iudicio nullo congesta? Qui non intelligunt, quid sit historiam scribere, nimium sibi esse subsidiorum credent. At prudentes ubique invenient, quod desiderabunt. modo huc, modo illuc oculos adjicient, & interrogabunt, quis nobis fores hujus aut illius archivi recludet? quis legatorum relationes, negotiatorum commentarios, ministrorum literas, aularum secreta & consultationes nobiscum communicabit? Pudebit loqui, ubi hæreas: pudebit tacere, ubi contextus rerum, vocem postulat. Tum, quantam scientiam hæc Sparta postulat? cujusque gentis jura & mores accuratè nosse, quam non sit res obvia, *Hortlederius in præfati* monstravit in Exteris, Germanica scribere volentibus: nec *lib. publi* est,

est, quod contingere non possit Germanis, externa scribentibus. Interiora rerumpublicarum statuumque proposita, consilia, molimina, ut non semel jam dictum est, in numerato esse debent. Geographiæ emendatæ peritia, rei nauticæ, militarisque & mercatoriæ intellectus, itidem non abesse potest. Notitia ingeniorum animorumque, vel ut in populo, vel ut in singulis: judicium de actionibus, vel ut ostenduntur; vel ut destinantur: provisio ejus, quod in summam, aut quod seorsum consequitur: examen veritatis, inter studia odiaque diversè tractæ: delectus alieni judicii, ubi proprium expediri non potest: observatio inclinationis temporum, mutationis rerum: discretio occasionum: connexio momentorum: denique omnis prudentiæ civilis in multam abditissimarum artium amplitudinem patens complexio, hîc velut in unum conducitur acciturque: ne scriptor tanti operis vel ad pauca respicere, quod Aristoteles in philosopho tolerare non potuit, vel hospes ubivis esse, qui ubique patriam agnoscere debebat, credatur.

Atque in his omnibus & ingenii & prudentiæ artibus, sine dubio nihil est exquisitius, nihil rarius, nihil difficilius, quàm res ita animo concipere, ut coherere & copulari possunt, & ita contexere, ut anima explicationis & demonstrationis in colligatione illa constitui videatur. Pauci ita scripserunt scribentque: Pauci ita intellexerunt intelligentque. Experientia, mille testes.

Quod si unum & alterum de commilitonibus ad legendum hoc modo intelligendumque, *Polybium* & *Diodorum* ex veteribus; *Thuanum* ex junioribus, excitare possemus; jam constaret nobis abunde ratio susceptæ hujus operæ: cui veniam apud æquos lectores paratam, nulli dubitamus,

Corol-



## *Corollarii loco adjecta.*

### I.

Quaterniones, five schemata Quatuorviratus Imperii, non habere fundamentum authenticum, verius videtur.

### II.

Explicatio vocabuli Glesfen seu Gleven in catalogis Imperii, quibus miles indicitur membris Imperii, ut Goldastus affert in Bohem. *lib. 2. c. 17. §. 2.* non videtur satis certa.

### III.

Dignitas Equitum, à Ducibus ante vel post prælium olim creatorum, virtutis demonstrandæ vel demonstratæ causa, apud plerasque nationes Europæas, consensu recepta & æstimata est.

### IV.

Judiciorum occultorum, quæ & Westphalica dicuntur, usus approbatus & legitimus.

Lllllll

giti-



gitimus, historice non videtur demonstrari posse: quando, quæ fide digna supersunt acta & documenta, potius ad tempora & exempla abusus improbat & vetiti, pertinent.

V.

Libertas externis militandi, ut est lege descripta, utrum plus prosit an obsit Imperio, dubitatum est. sed videtur prius affirmari posse.


VI.

Bodinus accusat Polybium (*in metho- do historica*) quod Rempublicam Romanam male descripserit. Nobis ratio idonea suadet defendere Polybium.

VII.

De Polybio, nihil magis arduum quæri dubitarive potest, quam an recte statuat, ob res secundas & artes administrandi imperii, Romanorum imperio reliquas nationes omnino se subicere debuisse. (*lib. 3. c. 4.*) In gratiam invictæ à Romanis nationis Germanicæ (*vid. Taciti German. c. 37.*) contrarium defendetur.

INDEX



# INDEX

## Rerum in hoc Volumine præcipuarum.

### A.

<i>Abelis nomen quid significet. pag.</i>	371	<i>Actiōnis adversus Ingratos exempla.</i>	933
<i>Abolitionis vox, de Amnestia, quo sensu usurpata.</i>	450		938. 939. 943
<i>DE ACTIS CIVITATIS.</i>	859	<i>Adjutores Principum, à Scriptoribus qui nominentur.</i>	770
<i>Acta Civitatis in Aristocratico regimine considerantur.</i>	890	<i>Adoptio Principum nulla sine Electiōne.</i>	704
<i>in Democratia.</i>	891	<i>sape Electiōnis titulo prætexitur.</i>	704
<i>in mixto reipubl. statu.</i>	892	<i>Adoptio Trajani, &amp; ejus rationes.</i>	696
<i>Acta Civitatis qua sint inter mutationes reipubl. manente ejus forma.</i>	878	<i>quid præ reliquorum Principum adoptionibus habeat singulare.</i>	698
<i>Acta Regis sunt acta Civitatis, in regnis verè talibus.</i>	888	<i>de Adoptione Pisonis per Galbam facta, judicium.</i>	704
<i>Acta Caesaris, post collatam in eum cum dictatura perpetua summam potestatem, fuerunt acta Civitatis.</i>	868	<i>Adorandi Reges ritus unde.</i>	154
<i>de Actis Tyrannorum, quæstiones.</i>	865	<i>de Adulatoribus Aulicis.</i>	777
<i>pro Actorum publicorum editione, contra Historiam pragmatico opere contextam, quæ dici possint.</i>	655	<i>Adulatores secundum characteres morum describuntur.</i>	778
		<i>item, secundum conditionem fortunæ.</i>	781
		<i>Adulatorum genus duplex.</i>	778
		<i>artes, quibus irrepunt &amp; surrepunt aulis.</i>	782

# INDEX.

<i>Adulatoribus quinam delectentur.</i>	779	<i>Abmedus Arabscha fil. scriptor Arabicus,</i>	
<i>adversus Adulatores remedia.</i>	788	<i>Timuri Historiam consignavit.</i>	284
<i>de Adulationibus avaris &amp; calumniis fiscalibus.</i>	791	<i>Alienare civium partem invitam quatenus liceat civitati.</i>	838
<i>Adulatio flagitiosis dominationis artibus aut initium aut fomentum suppeditat.</i>	787	<i>Allocutio Imperatoria Cassii ad milites, ante praelium Philippense.</i>	422
<i>Adulationes avara quid sint.</i>	791	<i>Ambubajayum vox unde deriveretur à nonnullis.</i>	376
<i>quam noxia Principi, si auscultet.</i>	803	<i>de Amicus Principum.</i>	769
<i>Adulationis avara speciosa velamenta.</i>	792. 796	<i>Amici Principum qui vocentur.</i>	769
<i>ministri.</i>	793	<i>à Principe quales sint deligendi.</i>	770
<i>Adulationes necessariae &amp; coactae.</i>	791	<i>Amicos Princeps quomodo sibi conciliare queat.</i>	772
<i>Adulationi vicina artes, in aulis usitata, quae.</i>	789	<i>&amp; quomodo iis uti.</i>	773
<i>Aeneas Sylvius, postea Pius II. P. Passagii studiosissimus.</i>	582	<i>de Ammiano Marcellino iudicium.</i>	116
<i>Aenea Sylvi oratio de Passagio habita Roma, nomine Friderici III. Imp.</i>	581	<b>DE AMNESTIA.</b>	437
<i>Aequalitas, anima commutationum.</i>	899	<i>Amnestia Athenis auctore Thrasibulo saucia, laudatur &amp; defenditur.</i>	459.
<i>Aequitas duplex, intrinseca &amp; extrinseca.</i>	221	<i>proprie adversus interna dissidia adhibetur.</i>	447
<i>ipsius Juris partem &amp; nomen constituit.</i>	220	<i>universalis esse debet &amp; perpetua.</i>	460
<i>Aequitatis fontes indagantur.</i>	222	<i>temporaria quando usam habeat.</i>	460
<i>ratio inprimis habenda in iudiciis.</i>	635	<i>sola discordiarum civilium finiendarum ratio.</i>	457
<i>Æschyli (in Furiis) loca quadam examinantur.</i>	211. seqq.	<i>quibus argumentis suaderi, si res ferat, possit.</i>	467
<i>Ætherem esse rerum omnium principium, Anaximenis opinio.</i>	312	<i>post necem Julij Caesaris suasu Ciceronis decreta, cur sine successu.</i>	465
<i>Ætas quæ Principi auctoritatem parer.</i>	721	<i>Claudiani Imperii initis componendis adhibita.</i>	466
<i>Affectus malus est nomenclator.</i>	468	<i>Amnestia publicorum delictorum decreta sub Aureliano.</i>	466
<i>Agoranomi, qui fuerint magistratus ap. Græcos,</i>	900	<i>Amnestia origo, inventum, auctor.</i>	437
		<i>inventa utilitas plane divina.</i>	455
		<i>descri-</i>	

# I N D E X.

<i>descriptio &amp; etymologia.</i>	446	<i>Aquarum in suos alveos congregatio n-</i>	
<i>finis.</i>	454	<i>trum secunda an tertia diei creatio-</i>	
<i>tempus.</i>	457	<i>nis conveniat.</i>	320
<i>exempla quadam quæ vulgo serun-</i>		<i>Aquam esse rerum omnium principium,</i>	
<i>tur.</i>	463	<i>Thales statuit.</i>	312
<i>Amnestia s. abolitionis præteritorum</i>		<i>Arati Sicyonij factum an amnestia no-</i>	
<i>formula.</i>	451	<i>mine possit notari.</i>	464
<i>Amnestia quæ adversentur.</i>	461	<i>Arbitri compromissarii ex mediis popu-</i>	
<i>circa Amnestiam solennia.</i>	453	<i>lis principibusque electi.</i>	1016
<i>contra Amnestiam objectioni responde-</i>		<i>Arboris Vite, &amp; Cognitionis boni &amp;</i>	
<i>tur.</i>	456	<i>- mali, singularia.</i>	338
<i>de Amnestia orationes Matthiæ Berneg-</i>		<i>Aristocratie duo genera.</i>	890
<i>geri.</i>	474	<i>firmamentum præcipuum quod sit.</i>	71.
<i>'Αμνηστία an idem quod 'Αμνησία.</i>			1066
	446	<i>in Aristocratie quid egisse Civitas exi-</i>	
<i>de Amoribus Principum noxiis, disserta-</i>		<i>stinanda sit.</i>	890
<i>tio moralis.</i>	434	<i>Aristocratica prudentia ex quibus Scri-</i>	
<i>Amplitudo locorum quatenus conferat</i>		<i>ptoribus haurienda.</i>	1070
<i>ad potentiam civitatum.</i>	265	<i>Aristoteles &amp; Plato inter primos qui</i>	
<i>Anaximenes statuit aërem esse rerum o-</i>		<i>civilem doctrinam tradiderunt.</i>	734
<i>mnium principium.</i>	312	<i>Aristotelis loca, de eo quod Civitas egit,</i>	
<i>Annales Sultanorum Turcicorum à</i>		<i>excutiuntur.</i>	859
<i>Leunclavio editi &amp; explicati.</i>	284	<i>locus de Mensura Pretii (Nicom s,</i>	
<i>Antiquitatis studium peregrinatori com-</i>		<i>s.) examinatur.</i>	897
<i>mendatur.</i>	14. 34	<i>Arma ad parandam servandamque po-</i>	
<i>Antonii Triumviri ingenium.</i>	560	<i>tentiam Civitatis faciunt.</i>	270
<i>cum Octavio Cas. inimicitiarum se-</i>		<i>sub Armorum nomine quid contine-</i>	
<i>ries.</i>	524	<i>tur.</i>	271
<i>in bello Parthico errata.</i>	557	<i>Arniseus notatus.</i>	893
<i>item in bello Adriaco.</i>	562	<i>Artes auctoritatem Principis adjuvant.</i>	725
<i>de Apollodori Bibliotheca, &amp; ejus super-</i>			
<i>stite, quod dicitur, fragmento, judi-</i>		<i>Astris vim tribuentes convertendi aut</i>	
<i>cium.</i>	1161	<i>evertendi imperia, exploduntur.</i>	521
<i>Aqua supracælestes an congelata s. chry-</i>		<i>Astrologia divinatoria improbat.</i>	29
<i>stallus.</i>	317	<i>an ex Gen. 1, 14. asserti possit.</i>	322
<i>an nubes in media aëris regione.</i>	318		

L I I I I I I 3

de Asy-

# INDEX.

<i>de Afflis ad alliciendam hominum multitudinem institutus, judicium.</i>	260	<i>Aula ministri.</i>	757
<i>Arbeniensium Civitatis status sub XXX. Tyrannus.</i>	441	<i>Instrumentum.</i>	758
<i>Auctores, ex quibus cognitio reipubl. popularis &amp; prudentia Democratica repetenda.</i>	66	<i>Aula alliciunt peregrinos.</i>	261
<i>ex quibus Aristocratica prudentia hauriri potest.</i>	75	<i>Aulici, quales nunc maximè aulas Principum possidere solent, describuntur.</i>	755
<i>quorum in eloquentia civili usus.</i>	105	<i>Aulicorum in obsequiis &amp; officiis subtilitates.</i>	493
	seqq.	<i>potentia raro sempiterna.</i>	775
<i>de Auctoritate &amp; Majestate Imperantium.</i>	716	<i>Auri pretium ex naturali nobilitate.</i>	903
<i>Auctoritas rogata &amp; bellica, domestica &amp; externa.</i>	731	<i>DE AUSPICIO REGIO.</i>	132
<i>Auctoritatis descriptio.</i>	717	<i>Auspicium quid.</i>	133
<i>causa efficientes.</i>	720	<i>Auspicium Regium quid sit.</i>	141
<i>effectus.</i>	729	<i>peculiari significato dicitur de illis, penes quos est summa imperij.</i>	135
<i>Aves an ex aqua productæ in creatione.</i>	323	<i>Auspicium à Deo adjunctum est Regibus.</i>	144
<i>de Augusto Casare, ad Flori lib. 4. c. 3.</i>	516	<i>Auspicii Regii se manifestantis exempla.</i>	154
<i>Augustus &amp; Tiberius laudatus à Philone.</i>	387	<i>Auspicii Regii fortuna &amp; vis etiam sceleratis Regibus præsto est.</i>	170
<i>Augusti moderata potentia &amp; civilitas.</i>	680	<i>ubi maneat quando Rex regno dejicitur.</i>	171
<i>eloquentia.</i>	92	<i>Auspicii Regii symbola.</i>	173
<i>dominationis in populos firmanda inventa &amp; consilia.</i>	565	<i>consideratio quem in Vita Civili usum habeat.</i>	190
<i>Augusti bella civilia &amp;c. non excusantur, cum pacis secuta felicitas laudatur.</i>	522. vid. Octavius.	<i>Auspicium indicantes figura &amp; typi.</i>	189
<i>Augusti nomen complementum omnis honoris Octavio Cas. datum.</i>	568	<i>Auspicio alienius gestum quid esse quo sensu dicatur.</i>	135
<i>Augusti vocabulum, planè auspicio Imperatoris proprium, consideratur.</i>	182	<i>Auspicia reipubl. ac summi imperii magistratuum.</i>	134. ducum. 135
<i>de Aula.</i>	749	<i>Auspicia imperiorum &amp; imperantium quid suo significato complectantur.</i>	138

de An-

# INDEX.

<i>de Auspiciis diversa ipsorum Gentilium sententia.</i>	133	<i>ad Belli Mutinensis historiam αἰσχρογῶν μὲν ἡ πολιτικά.</i>	526
<i>Ἀυτοκράτορας genus an ullum sit, quod veniam mereatur.</i>	547	<i>de Bello Perusino, (ad Flori lib. 4. c. 5.)</i>	528
<b>B.</b>		<i>Belli Perusini causa.</i>	532
<i>Baarrecht/ Gracis ἀπατόσεις, quid, &amp; an probari possit.</i>	633	<i>memorabilia.</i>	533
<i>Baconis de Verulamio Historia Henrici VII. Angl. R. commendatur.</i>	103	<i>de Bello Cassii &amp; Bruti. (ad Flori lib. 4. c. 7.)</i>	542
<i>Bajazethes à suis Gilderun, à Gracis βαϊζαῖ vocatus.</i>	209	<i>de Bello cum Sexto Pompeio, (ad Flori lib. 4. c. 8.)</i>	549
<i>Constantinopolis obsidionem solvit.</i>	300	<i>de Bello Parthico (ad Flori lib. 4. c. 9. &amp; 10.)</i>	554
<i>Barclaii Argenis laudatur.</i>	120. 491	<i>de Bello cum Antonio &amp; Cleopatra (ad Flori lib. 4. c. 11.)</i>	560
<i>Icon animorum commendatur.</i>	409	<i>Beneficium non petenti datum an eum obliget.</i>	941
<i>Basilii Magni de Animalibus Paradisiacis sententia notata.</i>	351	<i>an obliget accipientem, quando sibi ipsi prastitit is qui dedit.</i>	942
<i>Bdelium quid sit, disquiritur.</i>	343	<i>Brutus &amp; Cassius inter se comparati.</i>	547
<i>de Belgarum potentia iudicium.</i>	265	<i>de Bruti &amp; Cassii exitu iudicium.</i>	547
<i>de Belisario excacato &amp; stipem mendicante, fabula exploditur.</i>	947	<i>Bruti voces ultima.</i>	548
<i>Belligerantes partes an ad pacem vi intentata cogi possint à tertio potentiore.</i>	996	<i>de Bruto &amp; Cassio iudicia variant.</i>	548
<i>an in pacatis locis ac juri quietorum subjectis suas offensas exequi possint.</i>	1007	<b>C.</b>	
<i>Bellorum civilium compositio difficillima.</i>	455	<i>Cadavera captivarum an auro repensari debeant.</i>	968
<i>in Bello Civili an liceat neutras partes sequi.</i>	991	<i>Casaris nomen quantum contineat venerationis.</i>	181
<i>de Bello civili Casaris &amp; Pompeij (ad Flori lib. 4. c. 2.)</i>	510	<i>Cain, si, quod Iosephus ait, pondera, mensuras &amp; limites agrorum invenit, an idem merito reprehendatur.</i>	375
<i>Belli civilis inter Casarem &amp; Pompejum causa examinatur.</i>	511	<i>Caini historia non defendit iudicia privata.</i>	624
<i>de Bello Mutinensi (ad Flori lib. 4. c. 4.)</i>	523	<i>nomen quid significet.</i>	371
		<i>metus ne occideretur à quocunque, an de feris intelligendus.</i>	374
		<i>de Caini parricidii poena.</i>	374
		<b>Cains</b>	

# I N D E X.

<i>Caius Caligula quomodo paulatim ad eam insaniam progressus sit, ut Deus haberi voluerit.</i>	384	<i>Captivos redimere civitates quadam ad gloriam &amp; utilitatem suam pertinere judicaverunt.</i>	963
<i>Caji Caligula mores.</i>	389	<i>Captivos liberandi modi.</i>	969
<i>eloquentia.</i>	94	<i>in Captivos receptos severitatis exempla.</i>	976
<i>facinora narrat Philo.</i>	382	<i>circa Captivos casus difficiliore.</i>	985
<b>CALCULUS MINERVÆ</b>	200	<i>&amp; quaestiones discutienda.</i>	988
<i>quid, &amp; unde sic dictus.</i>	200	<i>pro Captivum alterius Civitatis liberandis an bellum alia Civitas gerere possit.</i>	987
<i>utrum pares calculos faciendo, an paribus additis absolvat.</i>	204	<i>Captivitatis arumne.</i>	961
<i>Calculum Minervæ commenti, quid voluerint.</i>	207	<i>de Carionis Chronico iudicium.</i>	1168
<i>Callicrates (ap. Polybium) Achaorum legatus mandata suæ civitatis transgressus est.</i>	888	<i>Castella ex interfectorum capitibus exstructa.</i>	298
<i>Callidus temporum, elogium conveniens viro verè civili.</i>	52	<i>Cassiodori locus (lib. 2. Var. Ep. 26.) explicatur.</i>	921
<i>Calumnia &amp; juris cavillatorie subversi exempla.</i>	541	<i>de Cassiodori Variis iudicium.</i>	120
<i>Calumnie fiscales.</i>	791. 794	<i>Catilina quid hominis fuerit.</i>	504
<i>Captivi à privatis redimuntur non sine gloria.</i>	964	<i>de Catilina conjuratione.</i>	ibid.
<i>Captivi militis favor augetur, si neque per ignaviam neque per aliam suam culpam captus est.</i>	966	<i>Catilina conjuratio quomodo detecta &amp; vindicata sit.</i>	507
<i>Captivorum in bello fuga an probanda.</i>	969	<i>Catilina conjurationis socii.</i>	505
<i>numerus redemptionem difficilem reddit.</i>	972	<i>causa. 506. occasio.</i>	ibid.
<i>redemptio inter opera charitatis Christianæ commendata.</i>	960	<i>Cavillatio Romanorum circa conditionem fœderis cum Antiocho.</i>	1103
<i>Captivis militibus qua favorem conciliant.</i>	959	<i>Cautiones quædam, circa calumnias fiscales &amp; avaras adulationes observande.</i>	805
<i>qua invidiam &amp; odium contrahant.</i>	971	<i>Character Principis superbè imperitantis.</i>	688
<i>Captivis redimendis an urbes, munimenta &amp;c. tradi debeant.</i>	986	<i>de Characteribus, s. descriptionibus hominum per notas morum.</i>	408
		<i>Characterum genera.</i>	409
		<i>Chosrois Persarum Regis superbus titulus.</i>	186

Cicero

# INDEX.

<i>Cicero an amicè sequendus Latine scri- pturo.</i>	123	<i>Civilitatis naturam quibus vocibus Gra- ci exprefferint.</i>	689
<i>Politica eloquentia studioso commen- datus.</i>	117	<i>Civilitatem constanter servare difficile.</i>	692
<i>Patris Patria nomen accipit.</i>	510	<i>Civitas quando eadem dicenda sit aut alia.</i>	862
<i>quàm recte se erga Octavium, &amp; item erga Antonium gesserit, disqui- ritur.</i>	527.	<i>an eadem sit dicenda mutata reipubl. formâ.</i>	862
<i>post necem Julii Caesaris amnestiam suadet.</i>	465	<i>an egisse censenda, ubi non referun- tur omnia ad communem utilita- tem.</i>	864
<i>Cicero proscriptus. argumentum scripti- onis elaboratum.</i>	418	<i>in provincia formam redacta tenetur debitis in statu libero contractis, quoad externos.</i>	865. 894
<i>Ciceronis in perspicienda reipubl. decli- natione hebetudo &amp; credulitas no- tatur.</i>	875	<i>an alia fiat mutatis locis.</i>	881
<i>Ciceronis locus (Philipp. I. c. I.) ven- tilatur.</i>	445	<i>an fiat alia mutatis hominibus.</i>	882
<i>loci alia (3. Off. c. 12. 13. &amp; 16.) illustrata.</i>	916. 917. 918	<i>una, an alteri juncta maneat eadem.</i>	882
<i>Civilis prudentia. vid. Politica.</i>		<i>Civilitatis appellatione quid accipi de- beat.</i>	860
<i>Civilis vir. vid. Politicus.</i>		<i>Civilitatis forma mutata, an conventio- nes cum ea ante mutatam formam inita, sint servanda.</i>	862
<i>de Civilitate Principis.</i>	677	<i>à Civitate agenda qui sibi vindicat, reus majestatis est.</i>	894
<i>Civilitas Principis quo sensu accipitur.</i>	677	<i>Civitates inique agentes.</i>	895
<i>quid complectatur.</i>	679	<i>Civium partem invitam alienare qua- tenus liceat civitati.</i>	838
<i>Civilitas honores moderatur.</i>	682	<i>Claudii Cæs. eloquentia.</i>	94
<i>an Imperanti conveniat.</i>	679	<i>CLEARCHUS ET SATYRUS PRIMI HERACLEÆ PONTICÆ TYRAN- NI.</i>	1072
<i>Civilitas in cultu.</i>	683	<i>Clearchi, tyranni Heracleensis, inge- nium, mores, studia.</i>	1074
<i>in admissionum facilitate &amp; colloqui- orum humanitate.</i>	684	<i>tyrannis &amp; tyrannica flagitia.</i>	1079
<i>Civilitatis principalis omne fundamen- tum in communis equabilitate juris.</i>	685	<i>Exitus.</i>	1081
<i>monarchica exemplum.</i>	691		
<i>aristocratica &amp; democratica exemp.</i>	692		

M m m m m m m

Cleo-



# INDEX.

- Cleopatra conatus in fascinando Casare irritus.** 564
- Clerici an summa potestati & iudiciis eximi potuerint.** 612
- Clericorum exemptio non restringit dominium eminens.** 856
- de Cluveri Histor. Univ. iudicium.** 1169
- Cælum an solidum.** 317
- Cognitio, prima Jurisdictionis pars.** 628
- an in quibusdam casibus à Judice omitti possit. *ibid.*
- Cognitionis in iudiciis diligentia.** 630
- nimia asperitas & rigor improbat. *ibid.*
- Cognitionis appellatione Græci & Latini Scriptores peregrinatoris occupationem complexi sunt.** 4
- DE COLLOQUIIS ET CONGRESSIBUS PRINCIPUM.** 1018
- Colloquia Principum ante bellum.** 1019
- apparato jam bello. 1020
- Colloquia Principum consociendis negotiis suis dissuadet Cominatus.** 1024
- Colloquia Principum casu coacta.** 1028
- Colloquia & Congressus Principum Germanorum commendantur.** 1029
- Colloquium Friderici III. Imp. cum Carolo Burgundo.** 1025
- eiusdem Friderici III. cum Alfonso Arragonia Rege. 1026. Maximilianus I. Imp. cum Regibus Hungaria, Bohemia & Polonia. 1027
- Rudolphi Habsburgensis, postea Imp. cum Abbate Sangalkense. 1027.
- Philippi Castella R. & Henrici VII. Angl. R. 1028
- Colloquium vitando bello qui petunt vel admittunt, quid juris consequantur debeantur.** 1019
- Colloquii militaris inter Casarem & Ariovistum historia examinatur.** 1021
- Colloquiorum militarium inter duces Principesve varia exempla.** 1023
- Collybus quid sit.** 926
- Colonia alia manent pars civitatis, alia novam constituunt.** 885
- longinqua an prosint. 265
- Colossus Caji in templo Hierosolymitano positus.** 388
- Columnæ & obelisci, antiquissimum memoria genus.** 30
- Columna, lapidea & lateritia, à Scythi posteris erecta.** 378
- Cominatus commendatus & Polybio comparatus.** 1105
- Cominatus digressio de Historia, laudata & ad tractandum selecta.** 1106
- Comites unde dicti à nonnullis putentur.** 750
- de Comitibus Imperii Romano-Germanici quadam notantur.** 1029
- COMMENTATIONES PLINIANÆ.** 661
- Commerciorum copia & commoditas ad concipiendam hominum multitudinem valet.** 261
- Commerciorum ius pacatis & mediis civitatibus inter partes bellantes liberum.** 1004

COM.

# INDEX.

COMPARATIO HISTORICORUM COMMENTARIORUM, quæ Acta hodie vocantur, CUM CONTEXTA HISTORIA.	655	Curtii locus (f. 9.) illustratus 171. & alius locus. (7. 7. 24.) 194. & a- lius (4. 14.) 519. & alius (10. 6, 5.) 198. & alius (6. 8. & 11.)	631
Compensatio Dominio Eminentis natu- ralis & intrinseca haberi debet.	848	ad Curtii locum (3, 12.) observatio politica.	489
Confirmatio Rumoris.	410	ad Curtii locum (8, 2, 12.) questio proposita & ventilata.	799
Confirmationum & destructionum Rhe- toricarum genera.	412	Custodia latens & occulta.	534
Congressus Principum officiosi, negotiosi & mixti.	1018	D.	
Conjuratōnis in Cæsarem Julium er- rata & flagitia.	543	Decemviri scribendis legibus non muta- runt formam civitatis Rom.	880
Consiliarii imprimis eloquentia politica instructi esse debent.	98	Deditio innocentis an unquam jure su- pereminentis dominii defendi possit.	831
Insidi aut inepti.	1145	circa Deditos casus difficiliore.	984
Contractus contra bonam fidem facti.	915	Demagogi in Democratia, quod in re- gno adulatores.	61
Contractuum inæqualitas quomodo cor- rigatur.	914	Demagogorum descriptio.	64
Conversatio cum eximiis in unaquaque gente viris, vera peregrinatoris scho- la.	25	Democratia nisi aristocratice temperata vix datur.	49. 65. 892
quorum hominum fugienda peregrina- tori.	39	Democratia arcana & simulacra.	65
Corona Regum quid significet.	187	in Democratia quid egisse civitas existi- manda sit.	891
de Corovis Imperatoris.	588	Democratica prudentia summa, interior in Democratia reipubl. cognitio.	58
de Coronatione Imperatoris per Pontifi- cem obiter quadam notata.	587	Democratici status regula s. leges.	64
Cuniculorum vi pulveris pyris disjicien- dorum inventor, quis.	273	Destructio Rumoris &c.	411
Curiosis artibus attendere peregrinato- res, improbat.	29	Destructionum & Confirmationum Rhe- toricarum genera.	412
Curcius insigniter laudatus, & cum Livio comparatus.	108	Deus secretum cum Regibus commercium habet.	147

# INDEX.

Dei singularis circa Reges providentia,	149	Dominii eminentis vis & exercitium	
Deorum nomine qui vocentur in S. Li-		circa personas,	836
teris.	570. 578	circa jura personarum & actiones,	839
Deorum gentilium flagitia.	384	circa bona civium.	843
Dii Regii & Principales, qui ap. Eth-		in oppignoranda aut vendenda parte	
nicos.	155	civitatis.	852
Διόλεξ: ἰθὺς de noxiis Principum a-		Dominii eminentis temperamenta.	850
moribus.	434		856
Dictatura Romana quid, & an tempo-		Domitiani Imp. fastus, Dei sibi titulum	
rarium regnum.	879	tribuentis.	177
non mutavit statum reip.	880	Donatiani Principum an revocari jure	
Dignitas in eloquentia politica requiri-		eminentis dominii possint.	840
tur.	87	Dreppelius (Corn.) microscopiorum in-	
Diodori Siculi Bibliotheca quatenus Hi-		ventor.	8
storia universalis nomen mereatur.		de Duellis quibus controversia publica	
	1160	discernuntur, judicium.	854
commendatur.	1160. 1165		
Διοτρεφῆς quo sensu Reges vocarit Ho-		<b>E.</b>	
merus.	149	Eden an sit nomen proprium.	335
Disciplina militaris severitas captivo-		an sit idem cum Paradiso.	340
rum causam maxime premit.	971.	Efficacia actus Regii.	160
	978	Electio aliqua est vere commendabilis.	
Discursus Politici, à quibusdam hoc ti-			713
tulo scripti, notantur.	1114	in Imperio Romano-Germ. salutaris.	
DE DOMINIO EMINENTE.	825		714
Dominium eminens quid sit.	825	Electiois (ad Imperium) origo	706
an summi Imperii voce possit exprimi.		nobilitas. 707. fructus.	708
	826	Electiois cum successione comparatio.	
ex quibus fontibus derivetur.	827		709
cum Juribus sibi confundi non debet.		contra Electionem dicta à Barlaam re-	
	828	futantur.	710
nec cum Dominio universitatis	829	de Electione Trajani.	693
nec cum Dominio jurisdictionis, pro-		Electiois Trajani causa & necessitas.	694
tectionis, administrationis. ibid.		Electorum Principum conventus collegia-	
ἀταπίνης tyrannicus distinguendum.		les.	1032
	831		<b>DE</b>

# INDEX.

<p><b>DE ELEGANTIA MORIS CIVILIS ET AULICI.</b> 475</p> <p><i>Elegantia moris civilis &amp; aulici distinguitur ab arcanis &amp; simulacris politicis.</i> 476</p> <p><i>Elegantia moris civilis &amp; aulici in legibus ferendis.</i> 477</p> <p><i>in deliberationibus consultandis.</i> 478</p> <p><i>in magnificentia &amp; munificentia dispensanda.</i> 482</p> <p><i>in humanitate, comitate, officio &amp; obsequio aulico, carimoniis, quas vocant, &amp; titulis.</i> 488</p> <p><i>Elogium Augusti.</i> 405</p> <p><b>DE ELOQUENTIA VIRI CIVILIS.</b> 79</p> <p><i>Eloquentia quàm necessaria politico.</i> 79</p> <p><i>Eloquentia politica varia, pro varietate negotiorum, temporum, personarum.</i> 90</p> <p><i>consiliatricis prudentia proprium telum.</i> 98</p> <p><i>legatis necessaria.</i> 99</p> <p><i>Eloquentia in orationibus Principum &amp; scriptura publica qualis esse debeat.</i> 96</p> <p><i>Eloquentia forensis distincta ab eloquentia politica.</i> 81. 90</p> <p><i>Eloquentia politica Schola Athenis.</i> 82</p> <p><i>Eloquentia politica habitus hodierna consuetudine non ingratus quis sit.</i> 102</p> <p><i>Eloquentia politica an etiam hodie, qui priscis temporibus usus esse possit.</i> 97</p> <p><i>Eloquentiam in loco spernere maximum eloquentis argumentum.</i> 79. 122</p> <p><i>Emericus Ungaria Rex vi regii auspicii ex hostibus supplices facit.</i> 166</p>	<p><i>Emtio &amp; venditio nomine civitatis facta multum favoris habet.</i> 913</p> <p><i>Emtionis &amp; venditionis contractum quibus legibus &amp; cautelis veteres circumscripserint.</i> 919</p> <p><i>Επιβολή, tributū genus in orientali Imperio quale fuerit.</i> 851</p> <p><i>Epistola ex persona Antonii ad Phraatem Parthorum Regem.</i> 430</p> <p><i>Epistola Seneca sunt potius declamationes.</i> 120</p> <p><i>in Epistolis magna pars eloquentia politica hodie versatur.</i> 120</p> <p><i>Epistolicus character qualis sit.</i> 433</p> <p><i>Equitum aurei velleris comitia &amp; congressus.</i> 1035</p> <p><i>Petr. Eremita, primus suasor Passagii.</i> 605</p> <p><i>Dan. Eremita, Itali, Rex Germanicum notatur.</i> 12</p> <p><i>Eruditionis vitiosa genius notatur.</i> 1057</p> <p><i>de Erythrai Pinacotheca iudicium.</i> 404</p> <p><i>Ethnici quoque crediderunt, regna &amp; Reges a Deo dari.</i> 146.</p> <p><i>vid. Gentiles.</i></p> <p><i>Ethopœia, qualia verba potuerit Cæsar facere, viso Pompeii capite.</i> 397</p> <p><i>Ethopœiarum utilitas.</i> 400</p> <p><i>Eumenides cur Furia dicta, quæ ante Erinyes.</i> 208</p> <p><i>Evocationes virorum celebrium an licitum medium sit ad angendam civium frequentiam.</i> 260</p> <p><i>Euripidis (in Oreste &amp; Electra) loca quedam examinata.</i> 216. seqq.</p> <p><i>de Eusebii Chronico iudicium.</i> 163</p>
--	--

Mmmmmmm 3

Exactio-

# INDEX.

<i>Exactiones nimie.</i>	795	<i>Fabula Martii in Areopago judicati explicatur.</i>	206
<i>invidiosa ratione objecti.</i>	799.	<i>Fabula de Calculo Minerve mythologia.</i>	208
<i>ne temporis.</i>	800		
<i>Exactionum ministri.</i>	801	<i>Felicitas auctoritatis in Principe conciliatrix.</i>	724
<i>Exactiones nimis qui Principes oderint aut represserint.</i>	803	<i>Felicitas publica Imperii Romani quid sit.</i>	382
<i>Executio sententia in iudiciis, &amp; quaestiones circa eam insigniores.</i>	639	<i>Fiscus quid proprie vocetur.</i>	793
<i>Exempla auspicii regii se manifestantis</i>	164	<i>AD FLORI LIB. IV. ANNOTATIO.</i>	504
<i>Exempli auctoritas ad equitatem in iudicando valet.</i>	224	<i>de Fluviiis Paradisiacis quedam disputantur.</i>	339
<i>Exempli mali consequentia, in proscriptione notata.</i>	340	<i>Fœdera potentia causa contracta.</i>	274
<i>EXERCITATIONUM RHETORICARUM SPECIMEN.</i>	392	<i>Fœdus clientelare.</i>	274
<i>Exercitationes Rhetorica ex Historia Belli Mutinensis &amp; ejus Scriptoribus.</i>	413	<i>FOEDERIS ROMANORUM CUM ANTIOCHO ICTI FORMULA.</i>	1086
<i>Exercitationes stili qua eloquentia politica studiosis commendanda.</i>	128	<i>Fœderis Rom. cum Antiocho occasio.</i>	1087
<i>Experientia auctoritati paranda valet.</i>	726	<i>formula cum interpretatione.</i>	1088
<i>non sufficit ad comparandam civilem prudentiam.</i>	1109	<i>de Fœderis Rom. cum Antiocho complemento &amp; eventu, iudicium.</i>	1103
<i>multum tamen confert.</i>	1111	<i>Fœminis imposita tributa.</i>	542
<i>comparatur cum cognitione historia.</i>	1122	<i>Forma &amp; habitus auctoritatem Principi conciliant.</i>	722
<i>Expiationis ritus in prætectum equitatis inventus.</i>	225	<i>Forma regiminis ex omnibus temperata, censetur optima.</i>	675
<i>Exteriorum bona &amp; jura an supereminenti dominio subijci fas sit.</i>	847	<i>de Forma reipubl. non ex verborum specie aut exteriori administrationis habitu iudicandum.</i>	49
<b>F.</b>		<i>Formas reipubl. mixtas quidam non agnoscunt.</i>	47
<i>Fabula de Iphigenia immolatione moraliter explicata.</i>	835	<i>in Formis reipubl. discernendis Politicorum dissensio unde oriatur.</i>	674
<i>Fabula de Nectare &amp; Ambrosia ex Arbore vita occasionem traxisse creditur.</i>	370	<i>Formula Pacis Antiocho à Romanis data.</i>	1086
		<i>Fortuna publica arcessitur à Principe.</i>	157

# I N D E X.

Fortuna Regia. 155  
 Fredum quid vocaverint Germani. 222  
 Frequentiam civitatum augendi modi  
 illiciti. 262  
 Fridericus III. Imp. Passagium urget. 581

Fulvia, M. Antonii uxoris, virilis ani-  
 mus & militares functiones. 529

## G.

Gallia ob multitudinem & oportunita-  
 tem fluminum prerogativa. 264  
 Gehon, inter fluvios Paradisiacos, an  
 sit Nilus. 346  
 Gellii locus (N. A. lib. I. c. 13.) in-  
 tegra Dissertatione illustratus. 238  
 ejusdem locus (lib. 14. c. 2. & 4.)  
 illustratus, excussis ibi propositis qua-  
 sitionibus. 634. 636. 637

Genealogicum studium peregrinatoribus  
 commendatur. 13

Genii populorum fatales. 156

Gentilium de hominis à terra creatione  
 cognitio confusa. 329

de origine rerum & universi, qua  
 ex Geneleos Moscaica principio ad  
 ipsos dimanavit, opiniones vagæ &  
 obscuræ. 312

in Gentilium scriptis quadam vestigia  
 Paradisiacæ vitæ & lapsus Protopla-  
 storum. 368. vid. Ethnici.

Gographia notitia in peregrinatore re-  
 quiritur. 10

Germanorum eloquentia politica insi-  
 gnis. 99

Germanicam linguam novitatis & con-

fusionis studio corrumpentes, notan-  
 tur. 100

Germanici peregrinatio. 1. 5

Gotfridi Historia universalis laudatur. 1168

Græci inter primos corrumpere sanctita-  
 tem administranda reipubl. 734

Gratulatio civis ad patriam periculo li-  
 beratam. 392

Græven germanica lingua dicti, an  
 quod essent viri graves, moribus prin-  
 cipalium liberorum formandis appo-  
 siti. 750

ad Grotii locum (de I. B. & P. 2, 26,  
 4 & 5.) strictura. 247

Gygis annulo Plato Politicorum tenebras  
 præfigurasse videtur. 748

Gynæceum Principis. 760

## H.

Helicon Aegyptius Caio gratus, Judæo-  
 rum accusator. 387

Heraclea Pontica qua fuerit urbs. 1073

Heraldi officium ap. nonnullas gentes  
 quale fuerit. 300

Herodoti Musa an Historia universalis  
 nomen mereantur. 1158

Hispanorum indoles & instituta superio-  
 ris avi. 1118

HISTORIA PRINCIPUM SCHOLA. 1105

Historia magistra prudentia. 1114

est propria Principis lectio. 1108

experientia quoddam genus. 1141

potissi-

# I N D E X.

- potissimum noscenda reipubl. instru-  
mentum. 54
- instruit memoriam. 1116. & intel-  
ligentiam s. iudicium. 1121. & pro-  
videntiam. 1131
- Historia gentium peregrinatori prae-  
gnosenda. 10. 15
- Historia Universalis verè sic dicta quid  
sit. 1164
- Historia universalis nondum ab ullo ac-  
curatè est tradita. 1148
- Historia utilitas in universum. 1107
- Historia evidèntia, ad formandam in-  
telligentiam valida. 1121
- item observationes & applicationes.  
1127
- Historia disciplina quomodo prima Prin-  
cipis aetati tradenda, & per ceteras  
firmanda sit. 1154
- Historia universalis nomine quid intel-  
ligat Polybius. 1158. quid Ethnico-  
rum alii. 1160. quid Christiani. 1163
- Historia universalis opus laudatur faci-  
lius quam reperitur. 1171
- Historia universalis pragmatica ordinan-  
da artes s. leges. 1073
- ex Historia celerrimè proficit Princeps.  
1142
- ex Historia universali totius prudentia  
practica fundamenta petuntur. 1148
- pro Historia Pragmaticè scripta, contra  
commentariorum s. Actorum publico-  
rum editores, quae dici possint. 658
- Historici, consiliarii mortui. 1146
- inprimis politicae eloquentiae exempla  
suppeditant. 104
- Historici eximii pauci sunt. 1105
- Historici selecti, qui Principi commen-  
dantur. 1152
- Historicum an deceat orationes & lite-  
ras aliorum auctoritatem referre, an ve-  
rò sententiam, ut libitum erit, expo-  
nere. 534
- Historicorum artes quibus iudicium le-  
gentium informant. 1135
- de Historicis quibusdam, universalem Hi-  
storiā scribere aggressi, iudicia. 1165
- Historiographus tam est necessarius ma-  
gno Principi, quā sanctorum mini-  
strorum quisquam. 1152
- Honestā triplicis sunt generis. 242
- Honestorum & utilium mixtura. 745
- in Honestatem civium Civitas nullum  
ius nisi ad tuendum habet. 833
- de Honoribus ab extero Principe collatis  
disputatio. 485
- Hortensia cuiusdam, tributa summa-  
rum deprecantis constantia. 542
- Hospitibus quae debeatur gratia. 952
- I.
- Ignis Graecus. 563
- Imitationis artificium sub quibusdam  
exemplis declaratum. 126
- Imitationis arcana non traduntur prae-  
ceptis. 125
- Imitationis vitia. 126
- Imitationum & imitatorum nobilia  
quaedam exempla. 127
- Imperator Germanicus non habet pote-  
statem regiam & illimitatam. 1045
- Imperator quali juris divini humanique  
intelligentia instructus esse debeat.  
1040
- Impera-

# INDEX.

<i>Imperator Dei gratia : quo sensu dicatur.</i>	179	<i>Intelligentia nullo magis quam historia ministerio informatur firmaturque.</i>	1121
<i>in Imperatore Germanico quæ laudanda &amp; optanda sint.</i>	1059	<i>Interpretium quid.</i>	920
<i>Imperii Rom. Germ. status an sit monarchicus.</i>	1051	<i>circa Interpretium quæstiones nonnullæ excutiuntur.</i>	923
<i>an merè aristocraticus, secundum Bodinum.</i>	1054	<i>de Inventione &amp; Inventoribus rerum quædam observationes.</i>	378
<i>Incivilis Principis, s. Domini, character.</i>	687	<i>IN FL. JOSEPHI ANTIQ. JU- DAICAS EXERCITATIO.</i>	309
<i>Indigentia est mensura pretii, sed rectè explicanda.</i>	901	<i>Josephus notatus, quod ab accurata interpretationis legibus discesserit.</i>	314
<i>&amp; non sola.</i>	903	<i>in descriptione Lapsus Protoplastorum maxime Judaicas nugas admittit.</i>	348
<i>Ingenium quale Principi auctoritatem conciliet.</i>	720	<i>in causa improbatæ sacrificii Caini à vero aberrat.</i>	374
<i>DE INGENIIS OPTIMATIUM.</i>	1061	<i>Cainum ob agricultura inventionem absurdè vellicat.</i>	373
<i>Ingrati Juris natura auctoritate damnantur. 929. &amp; gentium civiliorum judicio.</i>	930	<i>à quibusdam castigationibus Saliani defensio.</i>	358
<i>Ingratorum flagitia quædam notantur.</i>	953	<i>quid per πῦρμα ἀνορθῶν ἐπιθῆτορ intellexerit.</i>	311
<i>Ingratorum exempla ficta &amp; vera. 933. 938 939. 943. 944.</i>		<i>an historiam universalem scripssisse dicendus sit.</i>	164
<i>Ingratus animus genuinum superbia germin.</i>	1076	<i>Josephi in opere ἐξαντίπερ describendo aberrationes quædam à sensu literarum Mosaicarum, notantur.</i>	310.
<i>Ingrati animi crimen duabus præcipue rebus cernitur.</i>	952		seqq.
<i>Inquisitio Hispanica inter calumnia fiscalis genera refertur.</i>	796	<i>Josephi παρῳραμα.</i>	355
<i>Inscriptio sepulchralis tumuli Pompeiani.</i>	401	<i>Jovis Caligula dedicatio.</i>	381
<i>Inscriptionum character quis.</i>	401	<i>de Iphigenia immolatione fabula moraliter explicata.</i>	835
<i>Insigne regni Saturno à Deo Tuanto exco- gitatum.</i>	189	<i>de Ismenia Thebani, Regem Persarum simulata adoratione venerantis factio, judicium.</i>	496
<i>Insignia regia auspicii majestatem declarantia.</i>	187	<i>Nnnnnnn</i>	120-



# INDEX.

ἸΣΟΥΗΘΙΑ, S. CALCULUS		Judicium à privatio usurpatum.	628
MINERVÆ.	200	Judicia scriptoris an inserponi debeant	
Ἰσούηθια. vid. Lex de paribus tabulis.		historia.	1180
de Itinerariis judicium.	12	Judicia de Auctoribus Latinis. plerisque	105. seq.
Jubal Apollo Gentilium.	376	Judicium de Danielis Eremita, Itali, li-	
Judæi divinos Cæii Calig. honores ad-		bro, cui tit. Iter Germanicum.	12
mittere recusant.	386	de Scriptis, quæ descriptiones rerum-	
JUDEX UNUS ET MULTI.		publ. promittunt.	56
S. DE JUDICIIS.	615	de Scriptis Geographicis P. Merula.	11
Judex verè & plenè, unus est in mo-		Judicium quomodo per historiam infor-	
narchia.	615	metur, prolixè ostenditur.	1121
Judex majoris an minor esse possit.	619	Jurandi per nomen Principis mos.	198
Judex in præsumtionibus s. conjectura		Jurisjurandi formula ap. Athenienses in	
non nimis secure agere debet.	629	confirmanda amnesia.	453
an judicare secundum acta & proba-		Jus belli circa vitam civium quomodo	
ta contra propriam scientiam possit.	636	temperari debeat.	834
an in cognitione dubia, ex moribus		Jus natura damnat ingratos.	929
reum vel condemnare vel absolvere		Jus extrema provocationis pars est Juris	
possit.	637	judiciorum, non totum.	618
Judices multos esse necesse est in plurium		Jus magistratuum creandorum & Jus	
regimine.	615	judiciorum distincta sunt.	616
Judices apud multos odium & invidia		Jus majoris partis explicatur. 226. seqq.	
valet.	642	Jus Civile Rom. quid præsidii ad elo-	
Judicum subdelegatorum potestas de-		quentiam politicam adferat.	121
pendet à majestate.	616. 627	Julius Cæsar an Civitatis nomine bella-	
Judicare unum est ex juribus majestatis.	616	verit cum Ariovisto.	887
Judicia in regno expeditiora.	640	Julius Cæsar iniquissimè intersectus.	465
privata nunquam fuerunt licita.	625	Julii Cæsaris acta an post ejus mortem	
Judiciorum administratio diversa con-		rescindi jure potuerint.	867
sideratur.	640	Julii Cæsaris Commentarii laudantur.	
Judiciorum jus oppugnantes. explodun-		195. etiam ob dictionem.	91
tur.	621	Julii Cæsaris locus, de Colloquio inter	
de Judiciis tum generatim, tum singulo-		ipsum & Ariovistum, (B. G. lib. 1. c.	
rum populorum qui scripserint.	627	34. seqq.) illustratus.	1021

K. Ka-

# INDEX.

## K.

*Κακοπραγμοσύνη* quid ap. Polybium significet. 744

## L.

*Laborum pretium.* 924

*Lasio ultra dimidium legibus correctā, tam ad emptorem sublevandum, quam ad venditorem pertinet.* 912

*Latina eloquentia cur hodie in vita populari, usuque civili non adeo floreat.* 101

*Latinus sermo in Imperio Rom. custodiendus.* 101

*Laudationum (in personis) potiora genera.* 404

*Legationis male gesta actio.* 254

*Legationis Judæorum ad Caium Cæs. occasio.* 385

*Legatorum sanctitas unde.* 154

*Legatorum magnorum commentarii pollicites studioso legendi.* 33

*Legatis quàm necessaria eloquentia.* 99

**LEX QUÆ INGRATI DATUR ACTIO.** 929

*Lex adversus Ingratos an certis in civitatibus fuerit prodita.* 930

*an sit ferenda.* 931. 954

*Lex Regia veterum Romanorum an in Imperio Germanico locum habeat.* 1045

*Lex oblivionis.* 445

*Lex de non redimendis captivis ap. Romanos nulla fuit.* 981

*Lex Solonis de amplectendis partibus in seditione, examinatur.* 992

*Lex non omnibus rebus pretium statuere semper potest.* 899

*Lex majestatis quid sit.* 809

*à Romulo lata.* 811

*ejus historia à condita Urbe usque ad Regifugium.* 808

*Lex Mosæica quæ ad Judicia pertinebat, an adventu Christi sit abolita.* 625

*Lex de paribus tabulis.* 205. 207

*recognata cum lege de Jure majoris partis.* 226

*ejus causa & æquitas expenduntur.* 230

*ejus exercita & allegata exempla.* 236

*contra eam quæ obijci possint.* 234

*Lex, principium ἀρχή τῆς πολιτείας in Democratia.* 62

**DE LEXICIS.** 645

*Lexica Græcæ à Phorio commendata.* 646

*seqq. item alia recentiora enumerantur, addito judicio.* 651

*Lexica aliarum Linguarum, præc. Latina, item ad scopum peculiarem respicientia, enumerantur.* 652

*Lexicon politicum.* 127

*Lexico satis erudito satisque copioso in Latina Lingua destituimur.* 653

*Lexicorū varia genera & instituta.* 645

*in Lexicis scribendis labor difficilis.* 654

*Liberorum in parentes gratitudo legibus cautā.* 948

*Liberorum Principalium educatio sollicitè curanda.* 750

# I N D E X.

*Littera ex persona Antonii formata, ad Phraaten Parthorum Regē.* 430  
*Livius laudatur.* 107  
*Livii locus (lib. 24. c. 25.) explicatus.* 60  
*eiusd. alius locus (lib. 32. c. 21.) illustratus.* 1001  
*Locus ad potentiam Civitatum quid conferat.* 263  
*Lytrum captivorum militum duplici nomine invidiosum.* 975

## M.

*Macronis exitium, & in Caium Calig. merita.* 383  
*Magistratus & potestates minores an actus Domini eminentis exercere possint.* 843  
*Mahumedanorum Islimicorum & Gingis-Chanicorum diverse secte.* 303  
*Majestas quid sit.* 141  
*Dei munere datur, etiam Gentilium Imperatoribus & Imperiis.* 732  
*quidquid agit id à civitate actum censi debet.* 893  
*Majestas Imperantium. vid. Auctoritas.*  
*Major pars in sententiis dicendis qua dicatur.* 229  
*Mandata à praeceptis, qua Philosophia praescribit, distinguuntur.* 241  
*stricti juris sunt.* 246  
*fieri debent, ut intelligi possint.* 243  
*& in astricta & accurate defini-*

*nita formula.* *ibid.*  
*Mandata quibus negotium aliquod consiciendum curandumve alteri committitur, examinata.* 248. *eorum religionem fides socialis sancit.* 249  
*Mandatum jubendi potestatem & exequendi necessitatem continens, explicatur.* 240  
*à lege quomodo differat.* 244  
*fieri debet in re honesta & possibili.* 241  
*Mandati transgressio non omnibus eodem modo cessit.* 246  
*Mandatorum duo genera.* 240  
*Mandatorum mensura est voluntas mandantis.* 243  
*Mandatorum strictè observatorum vel secus, exempla ex historia.* 251  
*Mandato an obsequendum, si de honestate ejus dubius.* 247  
*Mandator & mandatarius.* 248  
*Mandator factò ejus qui mandatum accepit quatenus teneatur.* 248  
*Mannus Germanorum, idem qui Adamus.* 329  
*Manupretium.* 908  
*Maritimis gentibus prona maxime ad potentiam via.* 263  
*Martis in Areopago judicati fabula explicatur.* 106  
*Mathematicas scholas institui è re civitatum esset.* 161  
*Matrimonia fratrum & sororum ab initio necessitatis & indulgentia fuerunt.* 372

*Maurum*

# INDEX.

<i>Mauritii Imperatoris, captivos parvo redimere recusantis, factum reprehenditur.</i>	963	<i>Ministeria anularum qualia esse debent.</i>	751
<i>Mediatorum, quos vocant, officium.</i>	1015	<i>Minister gloriam rerum gestarum non sibi, sed domino tribuere debet.</i>	192
<i>Medii in bello ferè invisi. 994. vid. Neutras partes sequenti.</i>		<i>Minister obtentu Regis nominis publica usurpans.</i>	889
<i>Memnon Historicus qualis fuerit. 1072</i>		<i>Ministri qui arcanis imperii incubant, notantur.</i>	195
<i>Memnonis statua qualis &amp; à quibus descripta.</i>	34	<i>Ministrorum cura circa auspiciis domini sui.</i>	196
<i>Memoria quid &amp; quomodo ad prudentiam civilem conferat.</i>	1116	<i>Ministris Principum est quadam divinitus adjuncta fortuna.</i>	169
<i>Mens quieta, ap. Tacitum quid significet.</i>	1042	<i>Misericordia ara Athenis constituta.</i>	209
<i>Mens divini humanique juris intelligens quid complectatur.</i>	1039	<i>Mixta ex tribus formis respubl. vix datur.</i>	47
<i>Mensa Principis.</i>	764	<i>Mixtas reipubl. formas quidam non agnoscunt.</i>	47
<b>DE MENSURA PRETII.</b>	897	<i>in Mixto statu ex Monarchia &amp; Aristocratia, utra praeponderet difficile est judicare.</i>	1054
<i>Mensura pretii quid sit.</i>	893	<i>Mixtura status reipubl. à temperamento ejusd. distinguenda.</i>	892
<i>Mensura pretii an sit indigentia. 901</i>		<i>Μυμνησκειν &amp; μνησικαχεν inter se distinguenda.</i>	450
<i>circa Mercaturam consilia à nonnullis venditata, notantur.</i>	269	<i>Μνησικαχία πολιτικὴ pugnat cum amnestia, &amp; varè exercetur.</i>	462
<i>Merula scripta Geographica laudantur.</i>	11	<i>Monarchia Græca post Alexandri mortem divisa, in diversas Civitates abiit.</i>	886
<i>Metius Fufetius an deferendo Romanos crimen majestatis commiserit.</i>	816	<i>Monopolia Civitatis.</i>	913
<i>Michael Angelus (statuarius Italus) artem novam antiqua cedere quomodo ostenderit.</i>	7	<i>Morum innocentia in Principe esse debet.</i>	761
<i>Microscopiorum inventor quis.</i>	8	<i>de Moribus hominum rectè judicare debet peregrinator.</i>	37
<b>MILES CAPTIVUS.</b>	958	<i>Multitudo hominum quid conducas ad potentiam,</i>	258
<i>Milites in onere totius Civitatis sustinent partem maximè arduam. 959</i>		<b>Nnnnnnn 3</b>	quibus
<i>Militia terrestris majorem exercenda virtutis &amp; artis militaris occasionem, quam navalis suppeditat. 554</i>			

# INDEX.

<i>quibus modis in Civitate procuraretur.</i>	259	<i>Corn. Nepos commendatus.</i>	105
<i>Multitudinis hominum modus fit in Civitate.</i>	262	<i>Nepotis, locus (Thraſybo. 3. 2.) integra</i>	
<i>item, ordo &amp; dispositio civilis.</i>	263	<i>dissertatione explicatus.</i>	437
<i>Mutationes, quibus efficitur ut Civitas</i>		<i>Nerva imperium remissum.</i>	673
<i>non sit eadem.</i>	885	<i>Neutrarum partium se profitentes ad</i>	
<i>Mutationes circa locum an efficiant, ut</i>		<i>quid sint obligati.</i>	1002
<i>sit alia civitas.</i>	881	<i>Neutras partes sequenti an liberum jus</i>	
<i>Mutationes reipubl. occulta.</i>	874	<i>commerciorum inter partes bellantes</i>	
<i>Mutationes reipubl. pleraque cum vi &amp;</i>		<i>habeant.</i>	1004
<i>cruore &amp; clade conjuncta.</i>	519	<i>an jure cogi possint, ut partibus ac-</i>	
<i>Mutatio reipubl. omnis periculosa.</i>	441	<i>cedant.</i>	994
<i>Mythologia Mercurii, mandatorum Phi-</i>		<i>an transitum armatum permittere</i>	
<i>losophiam exhibens.</i>	254	<i>debeant.</i>	1003
<i>fabula Martis in Arcopago judicati.</i>	206	<i>Neutralium (ut vulgo vocant) callide</i>	
<i>fabula de Calculo Minerva.</i>	208	<i>quiescentium consilia &amp; eventus, sub</i>	
<i>fabula de Iphigenia immolatione.</i>	835	<i>exemplis notantur.</i>	1000. 1013
		<i>eorum officium, ut studeant reconci-</i>	
		<i>liare sibi invicem bellantes.</i>	1014
		<i>in Neutrales, (ut vocant) non bona fi-</i>	
		<i>de agentes, quid liceat.</i>	1013
		<i>Neutras partes sequi quibus facile, qui-</i>	
		<i>bus consultum sit.</i>	993
		<i>in bello civili an liceat.</i>	991
		<i>de Nomine primi Hominis.</i>	327
		<i>Nominum impositio primæ sapientia</i>	
		<i>&amp; regni Adami indicium.</i>	330
		<b>DE NOTITIA REIPUBLICÆ.</b>	
		<i>CÆ.</i>	45
		<i>Numulariorum negotiatio qualis.</i>	917
		<b>O.</b>	
		<i>Oblivionis vox. ubi de amnesia sermo,</i>	
		<i>quid complectatur.</i>	450
		<i>Obsessi an semper teneantur expectare</i>	
		<i>extremam necessitatem, antequam de-</i>	
		<i>ditionem faciant.</i>	583
			Obsides

# INDEX.

<i>Obsides ex civibus dandi jus quale civitas habeat.</i>	837	<i>Oratio Legatorum Lucii (Antonii) ad Casarem, formata ex Floro &amp; Appiano.</i>	415
<i>Obsidum electio.</i>	1101	<i>Oratio ex persona Macenatis ad Augustum Casarem, belli Siculi victorem.</i>	416
<i>Obsidum etiam vita obligatur.</i>	836	<i>Orationes Historicorum Politica studiofis commendantur.</i>	118
<i>Octavius an prudenter adierit hereditatem Julii.</i>	526	<i>Orationes Historicorum veterum &amp; recentiorum quomodo differant.</i>	1180.
<i>Octavii Caesaris contra Antonium favor ap. Romanos.</i>	524	<i>Ordines Imperii an sint Consiliarii tantum Imperatoris ; an comparandi Senatui Rom. sub Caesaribus.</i>	1050
<i>eiusd. felicitas &amp; prudentia in victoria de Sexto Pompeio moderanda.</i>	553	<i>Orestis ob parricidium iudicari &amp; absoluti fabula.</i>	200
<i>vid. etiam Augustus.</i>		<i>pro Oreste parricida, &amp; contra Orestem qua dicta sint &amp; dici possint, examinantur.</i>	210
<i>Oligarchiam per monarchiam fere corrigi, qua cautione additâ verum sit.</i>	702	<i>de Oroasio iudicium.</i>	1166
<i>Oligarchicus character.</i>	74	<i>Orium turpe viro Principi.</i>	766
<i>Opes Principum auctoritatem intendunt.</i>	721	<i>Ovidius commendatus ad politicam orationem instruendam.</i>	121
<i>Opes nativæ locorum, verum solidumque potentia firmamentum.</i>	264		
<i>Optimates &amp; Senatus ap. Romanos iidem.</i>	1062	<b>P.</b>	
<i>Optimatum singulorum ambitioni obex quibus mediis ponatur.</i>	72	<i>in Pacata civitatis cives, orto bello intra præsidia hostium deprehensos, quid liceat.</i>	1012
<i>Optimatum concordia quibus artibus consulatur.</i>	1067	<i>Pacatum in solum: quid liceat bellantibus.</i>	1010
<i>Optimatum virtutes.</i>	1063	<i>Pacificationis in civilibus discordiis difficilima.</i>	455
<i>ingenia &amp; character. 67. 72. 1068.</i>		<i>Pacificationum historiam nosse quam sit utile.</i>	1104
<i>exempla nonnulla insigniora ex Rom. historia.</i>	1068	<i>Pacis prima mentio dedecus habetur ap. Principes bellum gerentes.</i>	1088
<i>inter Optimates &amp; populum, legitimum intervallum.</i>	1063	<i>Pax Augusti quomodo ab eodem procurata sit.</i>	867
<i>Oraculum Clarii Apollinis descriptum.</i>	26		de Pa-
<i>Oratio sequitur mores.</i>	102		
<i>Oratio politica non debet semper ad puritatem sili exigi.</i>	122		
<i>Oratio Aeneæ Sylvii de Passagio, habitata nomine Friderici III. Imp.</i>	581		

# INDEX.

<i>de Paradiso dubia quadam, &amp; diversorum opiniones excutiantur.</i>	334	<i>PEREGRINATIO GERMANI- Cl.</i>	1
<i>Parthici belli ab Antonio gesti causa.</i>	555	<i>reprehenditur &amp; defenditur.</i>	2
<i>Parthicorum Regum in titulis fastus.</i>	175	<i>ejus occasio, &amp; peregrinantis studium.</i>	2
<i>DE PASSAGIIS.</i>	581	<i>Peregrinatio quorundam infructuosa, quare.</i>	43
<i>Passagium quid sit.</i>	589	<i>Peregrinationum Academicarum abusus notatur.</i>	17
<i>Passagii descriptio.</i>	591. 596	<i>ad Peregrinationem bene dirigendam monita quadam.</i>	40
<i>causa.</i>	597	<i>ex Peregrinatione quasita cognitionis fructus.</i>	41
<i>utilitas &amp; honestas.</i>	603	<i>Peregrinator quibus disciplinis instructus peregrinationem cum fructu suscipere possit.</i>	9
<i>dignitas.</i>	585	<i>an studiis vacare quoque possit.</i>	15
<i>indulgentia &amp; privilegia.</i>	593	<i>de moribus hominum recte judicare debet.</i>	37
<i>apparatus &amp; instrumenta.</i>	611	<i>quo morum colloquiorumque temperamento uti debeat.</i>	38
<i>spes &amp; fiducia eventus, quibus argumenti nixa.</i>	612	<i>qualium hominum conversationem sugere debeat.</i>	39
<i>impedimenta.</i>	613	<i>diarium sibi conscribat.</i>	21
<i>Passagii jus &amp; cura ad quem spectet.</i>	586	<i>Peregrinatores curiosi potius quam studiosi, qui.</i>	6
<i>Passagii primus suasor Petrus Eremita.</i>	605	<i>Peregrinatori proposita cognitionis argumentum.</i>	22
<i>Passagiorum instituendorum consilia &amp; subsidia qui Scriptores exposuerint.</i>	611	<i>Peregrinatoribus qua cautela observanda circa religionem.</i>	27
<i>sub Passagiorum prae-textu interdum alia latent causa.</i>	604	<i>Permutatio captivorum.</i>	975
<i>Passagia avium.</i>	596	<i>Persarum Regibus occultatio sui ad majestatem facere visa; an merito?</i>	729
<i>Patris Patria nomen Ciceroni tributum.</i>	510	<i>Persarum Regis reditus pro modo ditiorum parvi.</i>	269
<i>Patronis qua gratia debeatur.</i>	950	<i>Perspicuitas in dicendo in quo consistat.</i>	86
<i>Pecunia consideratio quatenus est vel pretium vel merces.</i>	926		in elo-
<i>Pecunia copia aut penuria pretia rerum augeat minuitve.</i>	906		
<i>Pecuniae publice paranda modi usitationes.</i>	269		
<i>Pecuniae vis inter instrumenta potentiae.</i>	268		
<i>Peloponnesiaci belli brevis delineatio.</i>	439		
<i>Perduellio quid significet.</i>	815		

# INDEX.

<i>in eloquentia civili maximè requi- sita.</i>	86	<i>Politica genuina labefactata, à quibus,</i>	735
<b>IN PHILONIS JUDÆI LE- GATIONEM AD CAIUM, SCHEDIASMA.</b>	380	<i>Politica doctrina antiquissimis tempo- ribus non tam libris, quam responsis prudentum constitit.</i>	734
<i>Philo inter præcipuos auctores copiosa adornataque orationis commendan- dus.</i>	387	<i>Politica prudentia descriptio.</i>	1114
<i>Philonis Judæi libelli de Legatione ad Caium summa.</i>	380	<i>commendatio.</i>	250
<i>singularis in rebus Rom. &amp; aula Caii peritia.</i>	382	<i>Politica studium peregrinatori commen- datur.</i>	18. 32
<i>Philosophia tyrannidi contraria.</i>	1078	<i>de Politica s. Civili prudentia abusu, querela.</i>	1055
<i>Philosophicus stilus &amp; termini artis quatenus in politica oratione tolera- ri possint.</i>	122	<i>Politica oratio non semper ad purita- tem stili exigi debet.</i>	122
<i>Phison, alius Ganges, al. Nilus. al. Euphrasis &amp;c.</i>	342	<i>Politica orationis forma qua.</i>	85
<i>Pignora imperii.</i>	188	<i>Πολιτικὸς λόγος ap. Græcos sæpe foren- ses notat orationes.</i>	83
<i>Pilati descriptio ap. Philonem.</i>	388	<i>Politici hodierni acriter perstringun- tur.</i>	736. seqq. 774
<i>Plato &amp; Aristoteles inter primos civi- lem doctrinam tradiderunt.</i>	734	<i>Politici aulici diversum à scholasticis sentiant.</i>	737
<i>Platoniorum opinio de animo mundi unde orta videatur.</i>	313	<i>Politici elogium quidam falsò sibi tri- bunt.</i>	53
<i>Plinius in prædicanda electione Tra- jani mirificum se oratorem præstitit.</i>	699	<i>Pollucis onomasticon commendatur.</i>	64. 650. 654.
<i>de Plinio &amp; reliquis Panegyristis Lat. judicium.</i>	117	<i>Poloni munitiones urbium cur negli- gant.</i>	273
<i>Poeta an aliquid ad civilem eloquen- tiam conferre possint.</i>	120	<i>Polybius an historiam universalem scripserit.</i>	1158
<i>Politica s. civilis prudentia quam mul- ta complectatur.</i>	18	<i>Polybi digressiones.</i>	1181
<i>Principi propria est.</i>	1108	<i>Pompeius an prudenter fecerit, quod relictâ Urbe Italiaque Dyrrachium petiit. &amp;c.</i>	572
<i>eardem per experientiam acquiritur ac imperfectè.</i>	1108	<i>Πολιπόπολις Philippi Macedonis.</i>	895
<i>minus per præcepta.</i>	1112	<i>Pontificum in causa Passagiorum artes notantur.</i>	592
		<i>Popularitas non unius generis.</i>	1131
		<i>quanam vera &amp; salubris.</i>	63
		<b>ΟΟΟΟΟΟΟ</b>	<b>Popula-</b>



# INDEX.

<i>Popularitatu &amp; civilitatis discriminē.</i>	687	<i>pia rerum.</i>	906
<i>Populus an in Regno aut Aristocratia</i>		<i>item, pecunia copia aut penuria.</i>	ibid.
<i>supremus iudex sit.</i>	623	<i>raritatis rei, quæ ab inopiâ &amp; indi-</i>	
<i>Possibilia quæ?</i>	242	<i>gentia distinguitur.</i>	907
<i>DE POTENTIA CIVITATUM.</i>	255	<i>ars. 907. opinio de rebus decori fu-</i>	
<i>Potentia quibus rebus definienda sit.</i>	256	<i>turis habenti.</i>	908
<i>Potentia firmamenta ex iustitia, fide,</i>		<i>cupiditas rem habendi.</i>	ibid.
<i>&amp;c.</i>	277	<i>tempus.</i>	909
<i>Potentia studium Civitatibus &amp; Prin-</i>		<i>casus fortuiti.</i>	910
<i>cipibus an dissuadendum.</i>	257	<i>Pretio definiendo adhibetur &amp; natura</i>	
<i>Præcepta ad prudentiam civilem com-</i>		<i>rei.</i>	903
<i>parandam parum proficiunt.</i>	1112	<i>Pretia rerum augendi artes fraudulen-</i>	
<i>Præceptoribus quæ gratia debeat.</i>	949	<i>ta.</i>	926
<i>Prædiorum pretium reddituum modus me-</i>		<i>Princeps auspicii sui conscius an omnia</i>	
<i>titur.</i>	902	<i>procul per ministros suos acta sibi vin-</i>	
<i>Prælii Pharsalici historia considerata.</i>	513	<i>dicare possit.</i>	191
<i>Prælii Philippensis historia.</i>	544	<i>Princeps legibus subiectus.</i>	669
<i>Premii promissio mandatis addita quam</i>		<i>Princeps sit αὐτοκράτωρ, &amp; in</i>	
<i>vim habeat.</i>	245	<i>do imperio ipse per se aliquid sapiat.</i>	1144
<i>Prærogativa Principum in caerimoniis</i>			
<i>contentiosè observata &amp; defensa.</i>	497	<i>Principes plerumque aliena eloquentia</i>	
<i>Præsumtionū in iudiciis difficultas.</i>	629	<i>utuntur.</i>	96
<i>Præces imperantium quam vim habeant.</i>	246	<i>an per internuntios &amp; ministros po-</i>	
		<i>tius, quàm suo ipsi congressu &amp; col-</i>	
<i>Pretium rerum quodnam sit iustum, &amp;</i>		<i>loquia rectius conficiant negotia sua.</i>	1024
<i>quod iniquum.</i>	912		
<i>Pretium laborum.</i>	924	<i>Principis mores quales esse debeant.</i>	761
<i>Pretii fundamentum an sit indigentia.</i>	901	<i>Principis lectio propria est Historia.</i>	1108
<i>an utilitas rei &amp; necessitas.</i>	902	<i>Principis imperitia quantum mali rei-</i>	
<i>Pretii variandi causa.</i>	904	<i>publ. adferat.</i>	772
<i>Pretium rebus constituere, cuius sit.</i>	900	<i>Principis nomen ambigè ponitur ap.</i>	
<i>Pretium rebus multis luxuria constituit.</i>	905	<i>Panegyristam (Plinium)</i>	669
		<i>Principi an studia aliquid adjumenti ad-</i>	
<i>Pretium rerum plerumque metitur com-</i>		<i>ferant.</i>	1107
<i>munis opinio &amp; consuetudo.</i>	904	<i>quæ historia &amp; quatenus cognoscen-</i>	
<i>Pretium auget minuitve copia aut ino-</i>		<i>da.</i>	1147
		<i>&amp; qui Historici seligendi.</i>	1152
		<i>Princi-</i>	

# I N D E X.

*Principum historiam amantium exem-  
pla.* 1153  
*Principatus proprie dictus definitur.*  
 663. 674  
*explicatur uberius.* 665  
*leges certas habet.* 670  
*Principatus proprie dicti finis est, cura  
& ministerium salutis publicae.* 671.  
*& libertatis restitutio & conserva-  
tio.* 672  
*ejus imago & simulacrum domina-  
tionis arcanum ap. Caesares Rom.* 665  
*Principatus notitia quibusdam notis in-  
dicatur.* 76  
*Principatus cum aristocratia conjuncti  
exempla duo.* 674  
*cum democratia conjuncti exemplū.* 675  
*Privilegia concessa an interrumpi aut  
revocari, vi dominiis eminentis, pos-  
sint.* 841  
*Probationes innocentiae rudioribus seculi  
usurpatae.* 633  
*Procuratores qui dicantur.* 248  
*Proscriptiones amnestiae adversae & de-  
testatione dignae.* 461  
*Proscriptio triumviralis examinatur &  
improbatur.* 461. 537  
*Providentia quomodo instruatur ab Hi-  
storia.* 1137  
*quibus partibus potissimum absolva-  
tur.* 1138  
*de Providentia Divina egregie philoso-  
phatur Philo.* 382  
*Prudentia partes tres.* 1115  
*Prudentia civilis descriptio.* 1114  
 IN PSALMUM LXXXII. PHILOLO-  
GIA. 568

Psalmi LXXXII. Historia. 568  
*διανομία, consistens in τῷ ἀμειψάμῳ  
sermonis.* 570  
*Latina & Graeca paraphrasēs ac me-  
taphrasēs examinantur.* 572. *expli-  
cationes quaedam examinantur.* 572  
 Psalmi LXXXII. Paraphrasis Bæcleria-  
na. 579  
*Psyllorum vis in exugendis venenis.* 564  
*Pythagorae minimè ineptum inter Sapi-  
entiae Studiosos genus.* 1043

## Q.

QUIES IN TURBIS. 991  
*Quieta mens ap. Tacitum quid significet,  
& quomodo contingat Imperatori.* 1042  
*Quintiliani locus (Decl. 254.) illustra-  
tus.* 233. 234  
*ejusd. Declam. 333. examinatur.* 938  
*ad ejusd. Decl. 365. observatio.* 237  
 T. Quintius Cos. tanquam ex Optimari-  
bus optimum exemplar laudatus. 73

## R.

*Raritas rei pretium auget.* 907  
*Ratio status, quae vocatur, graphicè de-  
scribitur.* 1132  
*Regimentum Imperii an in locum con-  
gregationis Electorum suffectum dici  
possit.* 1034  
*Regna & Reges à Deo dari, Ethnici quoq;  
crediderunt.* 146  
*Reineri Reineccii Syntagma Historia Ju-  
lia, laudatur.* 1169  
 DE RELIGIONE MANDATI. 238  
*Remus an transilitione murorum maje-  
statem violaverit.* 810  
*Respublica mixta ex tribus regiminis ge-  
neribus*

O O O O O O O 2

# I N D E X.

neribus fingi potius quàm formari potest.	47	S.	
Reipublica notitia quàm sit utilis & necessaria.	57	Sabini à Romulo in civitatem recepti, non manserunt civitas, sed pars civitatis facti sunt.	883
Reipubl. notitia interior varietate temporis metienda.	51	Sacerdotes an in Psalmo LXXXII. vocentur Dei.	569
Rerumpublicarum historia.	1129	Sacra regni ap. Tacit. (2. A. 65. 3.) quid sint.	166
Rerumpublicarum descriptiones, & de iis iudicium.	56	Sacrificium Caini cur improbatum sit à Deo, causam non genuinam assignat Josephus.	374
Rex imago Dei.	146	de Salustio iudicium.	106
Rex, qui non nomine sed jure regio imperat, an possit habere iudicem.	620	Salus publica quid, & an quidvis ejus causa fieri debeat.	739
Rex indignis munere moribus utens, non statim contemni aut impugnari potest.	153	Samarcanda Timuri regia ab eo exornata.	304
Reges an divinis appellationibus & elogiis recte ornentur.	174. 178	Sanctitas Regum.	154
Regis nomen an aliquid altius contineat, quam Imperatoris, Caesaris & Augusti.	184	Satisfactio in pacificationibus, i. e. pecunia quam exigere solent victores à victis.	1099
Regis acta sunt acta civitatis, in regnis verè talibus.	888	Satyri, tyranni Heracleensis ingenium, tyrannis, exitus.	1084
Regum cum Deo secretum commercium.	147	Scævola Sammarthani Elogia Illustrum Gallorum, laudantur.	404
Regum Sanctitas, 154. fortuna.	155	Sceptri Symbolum.	188
circa Reges cura & Providentia Dei singularis.	149	Joh. Schiltbergerus Monacensis de Timuri temporibus Germanica lingua scriptus.	284
Regii actus efficacia.	160	Schola nobiles ad multitudinem hominum conciendam faciunt.	261
Romana Reipubl. forma post Reges expulsos ad Caesarum principatum qua fuerit dubitatur. 46. 49. imprimis à Gracchanis tumultibus ad principatum.	51	Scripta recentiorum cum vet. comparanda.	129
Romani in republ. administranda religiosiores quàm Greci.	734	Securitatis prestatio.	854
Romanus populus quibus ex causis libertatem recuperare, interfecto Casare & Pompeio non potuerit.	516	Seneca locus (7. de Benef. c. 4. 5. 6.) explanatus.	830
Romulus an legem majestatis tulerit.	811	Seneca Epistolæ sunt potius declamationes.	120

# INDEX,

<i>de Seneca Stilo judicium.</i>	119	<i>gantia moris civilis &amp; aulici,</i>	
<i>Seneca Rhetoris locus (2. Controv. 13.) illustratur.</i>	933	<i>Successionis cū Electione comparatio.</i>	709
<i>&amp; alius ejusd. locus (4. Controv. 24.)</i>	939	<i>Suetonius commendatus.</i>	113
<i>Sententias quales admittat Politici oratio.</i>	89	<i>Suetonii locus (Aug. 7.) illustratus.</i>	182
<i>Sententiis quàm verbis ornatior esse debet Politici oratio.</i>	89	<i>Suida locus correptus.</i>	337
<i>contra Serpentes auxilia pro homine &amp; remedia.</i>	367	<i>Sulla acta an rescindi potuerint.</i>	867
<i>Servorum adversum dominos delationes à Rom. alias non admissæ, à Caligula permittuntur.</i>	390	<i>Supplicum jus.</i>	224
<i>Sexti Pompeii ingenium.</i>	553	<i>Symbola Auspicij regii.</i>	173
<i>M. Silani cades à Caio patrata.</i>	383	<i>de Symmacho judicium.</i>	120
<i>Sinceritas dictorum factorumque à Principe requiritur.</i>	762	<i>Συνοψεως πολιτικῆ Polybio quid vocetur.</i>	744. 747
<i>ab aula fere exulat.</i>	ibid.		
<i>Societatis desiderium in homine.</i>	255		
<i>Societatis bellica declinatio.</i>	991		
<i>Sociorum vocabulo quos significare soliti Romani.</i>	1091		
<i>Solennis voce quid notetur.</i>	453		
<i>Solennia circa amnestiam.</i>	453		
<i>Sophoclis quadam loca (in Electra) examinata.</i>	213. seqq.		
<i>Spartianus, &amp; reliqui Scriptores Historie Aug. commendati.</i>	114		
<i>Statius Virgilii imitator.</i>	127		
<i>Statii locus (Thebaide ultima) laudatus.</i>	209		
<i>Stili curia, particularim singula exponentis prolixitas, an merito reprehendatur.</i>	451		
<i>Stoici Regū contemptores. 196. (tor. 35)</i>			
<i>Studiis an possit quoque vacare peregrinationibus politica &amp; aulica. vid. Ele-</i>			
		<i>T.</i>	
		<i>Taantus Deus.</i>	189
		<i>Tacitus commendatus.</i>	54. 78
		<i>&amp; à quorundā censura vindicatus.</i>	110
		<i>evidentia nomine laudatus.</i>	1126
		<i>Taciti locus (1. A. 38.) explicatus.</i>	253
		<i>ejusd. locus. (3. A. 10.) illustratus.</i>	615
		<i>ejusd. loc. (4. A. 33.) illustratus.</i>	1061
		<i>ejusd. loc. (4. A. 38.) illustratus.</i>	1037
		<i>ejusd. loc. (2. H. 20.) illustratus.</i>	475
		<i>ejusd. loc. (4. H. 4.) explicatus.</i>	448
		<i>ejusd. loc. (Agric. 8. 1.) explicatus.</i>	745
		<i>de Tacito judicium.</i>	737
		<i>Tamerlanes. vid. Timur.</i>	
		<i>Tempus quid valeat in augendo minuendo rerum pretio.</i>	909
		<i>Thales aquam omnium rerum principium statuit.</i>	312
		<i>Theologia peregrinatori commendatur.</i>	20
		<i>Theophrasti characteres laudantur.</i>	408
		<i>Themamenes inter XXX. tyrannos Athenis libertatis patria fautor.</i>	442
		<i>THRASYBULUS PACIFICATOR, s. Dissertatio DE AMNESTIA.</i>	437
		<i>Thrasybulus amnestia inventæ gloriam reportavit.</i>	444
		<i>Oooooooo 3</i>	<i>Ibna-</i>

# I N D E X.

<i>Thuani hiftoria laudatur.</i>	1172. 1174	<i>zetbē. 299. praliū cum Bajazethe.</i>	
<i>Tiberius &amp; Auguftus laudatus à Philone.</i>	387	<i>300. cum Bajazethe capto colloquiū memorabile.</i>	301. religio, mores, con-
<i>Tiberii Caf. votū ipfius culpa irritū.</i>	1038	<i>suetudines.</i>	303. magnificentia. 304.
<i>eloquentia.</i>	93	<i>ingenium.</i>	305. mors, ætas, ftatura.
<i>TIMUR vulgò TAMERLANES.</i>	284	<i>306. magnitudo futura oftentis denun-</i>	<i>tiatur.</i>
<i>Timur altero crure debilis.</i>	285.	<i>uxores, filii, honores ei</i>	<i>post mortem habiti.</i>
<i>Ho-</i>			307
<i>feinum Regem victum &amp; supplicem oc-</i>	287	<i>Titulorum eadem vocabula, atate non</i>	<i>eadem non valent idem.</i>
<i>magnus Princeps appellatus à fuis. ibid.</i>			302
<i>aliis titulis inſignitus.</i>	305	<i>Titulorum Regionum excogitatio &amp; em-</i>	<i>phafis.</i>
<i>Ali-Schirum regni ſocium per infidias</i>			185 (499
<i>collit.</i>	287	<i>circa Titulos Principū ſolicita obſervatio.</i>	
<i>foris præſidia potentia circumſpicit. ib.</i>		<i>Tormenta improbantur quibuſdam, non</i>	
<i>Choraſmios aggreditur.</i>	288	<i>ſine cauſa.</i>	632
<i>Geiatheddinum Hoſeini fil. in regia</i>		<i>Trajanus principatum geſſit ſine diminu-</i>	<i>zione poteſtatis aliorum.</i>
<i>ſuā expugnatum ſervat.</i>	288		668
<i>Choraſmiā regnū ſibi obnoxiū facit. ib.</i>		<i>Trajam electio.</i>	693
<i>Diarbecram occupat.</i>	293	<i>Trajan electio &amp; adoptio temporis oppor-</i>	<i>tunitate commendatur.</i>
<i>Diſtanos aggreditur.</i>	ibid.		700
<i>occaſionem belli adverſus Bajazethem</i>		<i>Trajan moderatio in magnificentia aula.</i>	
<i>arripit.</i>	296. 298	<i>Trajan vitia notantur.</i>	768. (758
<i>pacta cum præſidiariis Sebaſtia con-</i>		<i>Transitus hoſti conceſſus an ſemper propa-</i>	<i>ciū ruptura haberi debeat.</i>
<i>venta eludit.</i>	296		1091
<i>contra Syria præſectos &amp; Sultanum</i>		<i>de Transitu permittendo à neutras partes</i>	
<i>Ægypti expeditionem ſuſcipit.</i>	297	<i>ſequentibus, diſquiſitio.</i>	1003
<i>Bajazethem captum clathris ferreis</i>		<i>Translatio gentiū de ſuā ſede in alias ter-</i>	<i>ras, inter duriora ſtabilienda domina-</i>
<i>includit.</i>	302	<i>tionis inventa reſertur.</i>	566
<i>Timuri patria &amp; pater.</i>	285	<i>Tribunitia poteſtas variè incuſari poteſt.</i>	64
<i>prima ſpes ex ſomnio avia.</i>	ibid.		
<i>defectio ab Hoſeino Rege.</i>	286	<i>Tributa rebus minimis, inhoneſtū, aut ma-</i>	<i>ximè neceſſariū impoſita.</i>
<i>crudelitas in volones Samarcanda.</i>	287		800
<i>conjugium.</i>	ibid.	<i>de Triumviratu, ad Flori l. 4. c. 6.</i>	535
<i>litera ad Regem Perſidi.</i>	290. in bello	<i>Triumviratus in publicorum nexu ſatorū</i>	
<i>contra Schahmanzurū Perſam peri-</i>		<i>conſideratus.</i>	539
<i>cula. 290. inexorabilis ſavitia.</i>	292.	<i>qualis ſit ſocietas.</i>	537
<i>litera ad Syria regulos.</i>	294. victoria		Trium
<i>adverſus Indos.</i>	295. litera ad Baja-		



# INDEX.

<i>Triumviratus (Antonii, Octavii &amp; Lepidi)</i>	<i>civium frequentiam valet.</i>	261
origo.	535	<i>Vigor auspicii Regii.</i> 163
prætextus speciosi.	336	<i>Vindicta virtutis &amp; boni publici.</i> 733
flagitia.	337	<i>Virgili locus (Ecl. 4.) explicatus.</i> 158
pactio injusta in remp. inter ipsos paciscentes infida.	537	<i>ejusd. locus (Æn. 10.) commendatus.</i> 995
memorabilia notantur.	540	<i>ejusd. locus (Æn. 11.) illustratus.</i> 998.
Tubalcain, Gentilium Vulcanus.	376	<i>in Vitam Civium quod sit jus Civitatis.</i> 834
Turni Herdonii historia consideratur.	822	<i>circa Vitam Civium jus belli, &amp; ejus temperamentum.</i> 834
Turcica potentia fundamenta quæ sint, inquiritur.	278	<i>Ultio an æquitate intrinseca excuset homicidium.</i> 222
Tyranni Philosophia & Philosophis infensi.	1079	<i>Ulysses boni peregrinatoris exemplum.</i> 16
literas & sapientia studia abolere nituntur.	1080	<i>Uncti Domini cur, &amp; quanta cum efficacia dicantur Reges.</i> 180
Tyrannorum acta an civitatem, in libertatem restitutam obligent.	865	<i>Unio Civitatum.</i> 884
Tyrannorum ingenia non ad unum modum exigenda.	1131 (1075)	<i>Unus, pro primo, non in Hebraea tantum, sed &amp; aliis linguis.</i> 316
Tyrannorum propria, savitia & superbia.		<i>VOTUM IMPERATORII.</i> 1037
Tyrannorum quæ sit sapientia.	1078	<i>Urbium origo.</i> 375
Tyrannicidarum nimia privilegia ap. Gracos.	869. 1083	<i>Urbium exornatio &amp; amplitudo quatenus profit.</i> 266
V.		<i>Urbium situs qualis commodissimus.</i> 267
de Valerio Maximo judicium.	110	<i>Utilium &amp; Honestorum mixtura.</i> 745
Varietas & distinctio hominum, non sola multitudo, potentiam civitatum auget.		<i>Utilitas in re civili vel ad incolumitatem, vel ad reliquam commoditatem pertinet.</i> 858
de Velleio Paterculo judicium.	109. (262)	<i>DE UTILITATE EX HISTORIÆ UNIVERSALIS CONTEXTU CAPIENDA.</i> 1156
Venerorum respub. verè aristocratica.	46. 75	<i>Vulgi natura &amp; tractatio.</i> 59. 61
Ventidius, Antonii legatus, laudatur.	556	W.
Veritatis occultatio ap. Subditos, an ad jus domini eminentis pertineat.	842	<i>Weregildus s. Weregeld quid?</i> 922
Versiones orationum Græcarum in Latinam sermonem commendantur.	418	Z.
Vestitus Principis & aulicorum.	763	<i>Zonaras scripturus historiam universalem, hunc finem non est assecutus.</i> 1163
Victus facultas parabilis ad augendam		

# F I N I S.

# Corrigenda:

Pag. 11. lin. 9. leg. itineris. p. 23. l. 21. Varietate. p. 27. l. 4. supellex. p. 31. l. 21.  
 patebunt. p. 35. l. penult. charissimam. p. 52. l. 34. temporum. p. 55. l. penult. Aegypto.  
 p. 58. l. 14. πολιτεύονται. p. 60. l. 19. Hinc p. 63. l. 33. Thucydides. p. 73. l. 16. Vere.  
 p. 87. l. 27. amoliretur. p. 97. l. ult. civile. p. 110. l. 9. commoda. p. 121. l. 21. JCum. p.  
 123. l. 2. praefate. p. 149. l. 5. opera pretium. p. 150. l. 25. Regna. p. 153. l. 12. Theophy-  
 lactus. p. 154. l. 9. Sanctis. p. 157. l. ult. modulantur. p. 158. l. 18. Ipsa. p. 165. l. 29. sce-  
 ptumque. p. 166. l. 30. injustam. p. 169. l. 22. Parmeniones. p. 173. l. 16. τῶν. p. 176.  
 l. 15. Quanquam. p. 180. l. 10. post. elogia: leg. magis quam Joves. p. 186. l. 27. affecta-  
 tionem. p. 188. l. 19. actus. ibid. l. penult. imperis. p. 189. l. 17. adumbranda. p.  
 191. l. 7. ultro subscit. p. 194. l. 1. haberi. p. 197. l. 11. ministros. p. 213. l. 24. Apollo.  
 p. 233. l. 18. ἐπὶ ibid. l. 21. publica. p. 245. l. 28. quidque. p. 225. l. 2. profecti. p. 261.  
 l. 27. Geographicos. p. 262. l. 28. ess. p. 269. l. 12. merito. p. 273. l. antepen. pectus. p.  
 276. l. 28. honestate. p. 281. l. 15. acerrimum. p. 285. l. 20. crure. ibid. l. 24. fecit. p.  
 287. post. necem. leg. Syndicare. p. 290. l. 14. Timuri. p. 292. l. 13. Abimedes. p. 294.  
 l. 26. tergiversantibus. p. 295. l. 18. furore. ibid. l. 31. quidam. p. 301. l. 1. quoque ibid.  
 demum. p. 304. l. 17. quaque. p. 305. l. 27. quem. p. 307. l. 26. descripsit. p. 313. l. 25.  
 χίματι. p. 314. l. 14. conditam. p. 317. l. 11. μεταποιῶν. p. 320. l. 7. est. dist. p. 322.  
 l. 30. conjunctionis. p. 325. l. 11. ἡμεῖς. p. 329. l. 16. occultari. ibid. l. ult. πρωτόπλαστος.  
 p. 330. l. 32. imposuit. p. 331. l. 19. μαρτυρίας. ibid. l. 30. vocavit. p. 332. l. 12. autumat.  
 p. 333. l. 22. indiscem. p. 338. l. 13. κακῶς ibid. l. 29. existimamus. p. 340. l. ult. siue. p.  
 p. 345. l. 11. Hebraicum. p. 347. l. 1. contigua. p. 353. l. 20. deleatur: dicit. p. 357. l. 11.  
 apparitione. p. 363. l. 15. ἀπατήσαντος. ibid. l. 24. τιμωρία. p. 364. l. 21. ergo. p. 373.  
 l. antepen. προαίρεσιν. p. 374. l. 23. subaudiatur. p. 390. l. 21. ἀνθρωπίνης. p. 425. l. 27.  
 esse. p. 429. l. 25. Appianus. p. 439. l. 30. Peloponnesiacum. p. 442. l. 26. remote. p.  
 447. l. 22. societatis. p. 492. l. 32. secus. p. 495. l. penult. Genevensis. p. 496. l. 2.  
 ab Hist. p. 516. l. 24. appellemus. p. 532. l. 32. emulatione. p. 578. l. 22. imperare. p. 616.  
 l. 31. Polse. p. 622. l. 32. cum. p. 629. l. 12. ancipitis. p. 632. l. 7. imbellis. p. 637. l. 14.  
 magistratum. p. 641. l. 19. Leges. in titulo pag. 645. praefixo leg. JUDICIIS. p. 650.  
 l. 16. accuratiusque. p. 706. l. 15. συνωνυμίας. p. 713. l. ult. persona. p. 713. l. 26. illa. p.  
 746. l. 11. honestorumque. p. 765. l. 30. ut. p. 774. l. penult. longeque. p. 787. l. 1. ipsi.  
 p. 825. l. 14. Domusum. p. 856. l. 10. exemptione. p. 880. l. 1. dictatura. p. 882. l. 25. Ta-  
 sium. p. 887. l. 14. Posthumus. p. 906. l. 3. Valere. p. 914. l. 31. inico. p. 930. l. 12. cru-  
 deles. p. 931. l. 1. mentio. p. 947. l. 3. ἀμαρτίας. p. 950. l. 16. medico. p. 952. l. 14. Ma-  
 cedonia. p. 953. l. 32. reperiri. p. 963. l. 13. Cedrene. p. 966. l. 27. αὐτῶν. p. 977. l. 1. e.  
 pere Martio. p. 980. l. 27. γένναι. p. 988. l. 1. minime. p. 991. l. 5. sc. E. p. 1005. l.  
 14. At. ibid. l. 16. fortunatum. p. 1009. l. 32. pacatarum. p. 1112. l. 2. incertos.  
 p. 1053. l. 28. ipsarum. p. 1055. l. 2. siue. p. 1069. l. 23. principe. p. 1086. l. 21. effi. p.  
 1101. l. 14. peperimus. p. 1128. l. 2. Democratica. p. 1131. l. 10. siue. p. 1139. l. 10. Arsic.  
 p. 1176. lin. penult. ἀνυπόστατος. p. 1185. l. 14. proposita.

VA1  
 1520132







AS

2-10



